

তারামঙ্গল স্মৃতিকথা

প্রথম খণ্ড

তারামঙ্গল বন্দ্যোপাধ্যায়



নিউ বেঙ্গল প্রেস (প্রাঃ) লিঃ

৬৮, কালেক্টর স্ট্রীট
কলকাতা-৭০০ ০৭৩,

প্রকাশক করেছেন—
শ্রী অরবীন্দ্রকুমার মজুমদার
নিউ বেঙ্গল প্রেস, (প্রাঃ) লিঃ
৬৮, কলেজ স্ট্রীট
কলিকাতা-৭০০০৭৩

প্রথম সংস্করণ
বৈশাখ ১৩৬৭

ছেপেছেন—
এস. সি. মজুমদার
নিউ বেঙ্গল প্রেস, (প্রাঃ) লিঃ
৬৮, কলেজ স্ট্রীট,
কলিকাতা-৭০০০৭৩

তারশঙ্কর স্মৃতিকথা

প্রথম খণ্ড

সূচীপত্র

ভূমিকা : শ্রীপ্রতুলচন্দ্র গুপ্ত	
আমার কালের কথা	৩
কৈশোর-স্মৃতি	১২৭
আমার সাহিত্য-জীবন (প্রথম ভাগ)	২৮৭
পরিশিষ্ট : ১ ॥ তারানাথর ॥	৪৮৫
ঐ : ২ ॥ সাবিত্রীপ্রসন্ন ॥	৫০৬
ঐ : ৩ ॥ সজনীকান্ত ॥	৫০৮
ঐ : ৪ ॥ সজনীকান্ত ও 'শনিবারের চিঠি' ॥	৫১৩
গ্রন্থপরিচয়	৫১৯

ভূমিকা

বোধহয় ১৯৩০ সালের আগেকার কথা। কল্লোল দল ভাগ হয়ে গিয়েছে। কল্লোলের লেখকদের কেউ কেউ কালিকলম নামে আর একটি পত্রিকা প্রকাশ করছেন। কলেজ স্ট্রীট মার্কেটের দোতলায় তার দপ্তর। সম্পাদকদের মধ্যে একজন ছিলেন মুরলীধর বসু। তিনি ভবানীপুরের মিত্র ইনস্টিটিউশন স্কুলের শিক্ষক। তাঁর নাম এখন আর বিশেষ কেউ জানে না। তিনি আমাকে বললেন, ‘তুমি অমুখ তারিখে আপিসে এসো। তারাকঙ্কর বলে ছেলেটির সঙ্গে তোমাকে পরিচয় করিয়ে দেব।’ সেই তারিখে কলেজ স্ট্রীট মার্কেটের দোতলায় উঠলুম। কিন্তু তারাকঙ্কর সেদিন আসেন নি। পরে তাঁর সঙ্গে অনেকবার দেখা হয়েছে। প্রত্যেকবারই মুরলীধরবাবুর বর্ণনার কথা মনে হয়েছে। তারাকঙ্করবাবুকে বহুদিন পর্যন্ত, যা তাঁর বয়স তার চেয়ে অনেক কম মনে হত। অনেকদিন পর্যন্ত প্রোঁচ বয়স তাঁর চেহারায় কোনও ছাপ ফেলতে পারে নি। অনেক বয়স পর্যন্ত তাঁকে নবীন যুবক না হলেও যুবক বলে চালিয়ে দেওয়া যেত। তাঁর একাধিক আত্মজীবনীতে তারাকঙ্কর পরিণত বয়সের চেয়ে প্রথম বয়সের সাহিত্যজীবনের কথাই বেশি বলেছেন। বেশির ভাগ লেখকই এক অর্থে বয়সের হিসাবের বাইরে বলা যেতে পারে। পরিণত বয়সেও অনেকে তাঁরা নিজেদের শৈশব, কৈশোর ও যৌবনের দিনগুলিকে আশ্রয়ন করতে পারেন। সেই স্বাদ তাঁদের রচনায়, কবিতায়, গল্পে ও উপন্যাসে ফিরে ফিরে আসে। ষাঁরা স্মৃতিকথা লিখেছেন তাঁরা তো বটেই। ষাঁরা লেখেন নি, তাঁদেরও চিঠিপত্রে তার বহু ইঙ্গিত পাওয়া যায়। রবীন্দ্রনাথের কথা ছেড়ে দিচ্ছি। তিনি স্পষ্ট করে সব সময় সব কথা বলেন নি। কবিদের স্বভাবই এই। আমরা কখনো কখনো সেই অস্পষ্ট রেখা পড়তে চেষ্টা করি। কখনো য :মনে করতে ভালবাসি সেই পছন্দসই চিন্তা কিংবা ভাল লাগাকে তাঁর উপর আরোপ করেছি। পরবর্তীকালের লেখকদের মধ্যে উপেন্দ্রনাথ গঙ্গোপাধ্যায়ের আত্মজীবনীর কথা অনেকের মনে পড়বে। বলাইচাঁদ মুখোপাধ্যায় ও বিভূতিভূষণ মুখোপাধ্যায়ের জীবনীকথা কিছুদিন পূর্বে বেরিয়েছে। শিবরাম চক্রবর্তীর ‘ঈশ্বর পৃথিবী ভালবাসা’ লেখবার পর চার বছর হয়ে গিয়েছে। পড়বার সময় তাঁর লেখা একাধিক গল্প মনে পড়বে এবং ‘বাড়ি থেকে পালিয়ে’ উপন্যাস। কিন্তু একে কি প্রচলিত প্রথার জীবনস্মৃতি বলব? হেমেন্দ্রকুমার রায় টুকরো টুকরো করে তাঁর সময়ের পরিচিত চরিত্রদের পরিষ্কার ছবি এঁকেছেন। সঙ্গনীকান্ত দাসও আত্মস্মৃতি লিখেছিলেন। তার স্বাদ আলাদা। মনীশ ঘটকও অল্প লিখে গিয়েছেন, কিন্তু সে লেখা একটু ছন্নছাড়া। প্রবোধকুমার সাত্তালের ‘বনস্পতির বৈঠক’ একটি সাপ্তাহিক পত্রিকা বেরিয়ে যথেষ্ট সমালোচনার খোরাক জুগিয়েছিল। পরে কিঞ্চিৎ পরিবর্তিত আকারে পুস্তকাকারে বেরিয়েছে। প্রবোধকুমারের বই অবশ্যই তাঁর স্মৃতিকথা এবং প্রথম বথন প্রকাশিত হয়েছিল তখনই মনে হয়েছিল বেশিমানার স্মৃতিনির্ভর।

এটি অবশ্য শুধু তাঁর সাহিত্যজীবনের চিত্র নয়, সাহিত্য ছাড়াও সমসাময়িক কালকে ধরে রাখবার চেষ্টা। ধাঁদের এক সময় অতি আধুনিক সাহিত্যিক বলা হত, তাঁদের মধ্যে অচিন্ত্যকুমার সেনগুপ্ত, বুদ্ধদেব বসু ও অল্পদিন আগেকার লেখা বিষ্ণু দে ও সময় সেনের সংক্ষিপ্ত স্মৃতিচারণের কথা পাঠকদের মনে পড়বে। সুবীজনাথ দত্ত ও তাঁর সময়কার কথা লিখেছিলেন কিন্তু সে বিবরণ অসম্পূর্ণ, এবং বাংলাভাষায় লেখা নয়। অচিন্ত্যকুমার সেনগুপ্ত বাক্যে তাঁদের যুগ অর্থাৎ কল্লোল যুগ বলেছেন তাকে স্পষ্ট করে দেখাতে চেয়েছিলেন। দীনেশরঞ্জন দাশ যিনি কল্লোলের সম্পাদনা করতেন, তাঁর কথা অনেকের মনে নেই। সম্পাদনার কাজ ছাড়াও তাঁর অন্ত্র বহুবিধ গুণ ছিল। তার মধ্যে অভিনয় একটি। পরবর্তী জীবনে সিনেমার নেশা তাঁকে কল্লোল থেকে দূরে সরিয়ে এনেছিল। তাঁর সঙ্গে তারাশঙ্করের প্রথম সাক্ষাৎ খুব শ্রীতিকর হয় নি। সম্ভবত হুজুর্নই মানুষ চিনতে ভুল করেছিলেন। সেখানে আরও উপস্থিত ছিলেন শৈলজানন্দ মুখোপাধ্যায় ও নৃপেন্দ্রকৃষ্ণ চট্টোপাধ্যায়। সেদিন যে দৃষ্টের অবতারণা হল সেটা এমন কিছু বিচিত্র নয়। কিন্তু তারাশঙ্কর কল্লোল গোষ্ঠীর সঙ্গে নিজেকে খাপ খাওয়ানোতে পারলেন না। কেবল মুরলীধর বসুকে দেখে মনে হল ‘কতকালের জানাশোনা’।

কলেজ স্ট্রীট মার্কেটের দোতলার প্রতি বৃহস্পতিবার বসত ‘বারবেলার আসর’। এই আসরে পরিচয় হল সরোজকুমার রায়চৌধুরী, শশাক চৌধুরী, কিরণকুমার রায় ও সুবোধ রায়ের সঙ্গে। এ আসরেও তারাশঙ্কর যা আশা করেছিলেন তা পেলেন না। তিনি মনে করেছিলেন এটি হবে সাহিত্যপাঠ ও সমালোচনার আসর, আবিষ্কার করে আশ্চর্য হলেন এ সাহিত্যিকদের গল্পশুভব করবার বৈঠক। এই আসরে গিয়ে প্রথম দিন এই জ্ঞাত তাঁর মন স্বাচ্ছন্দ্যবোধ করে নি। তাহলেও সাহিত্যের বাঁধা সড়কে এই তাঁর পদার্পণ। সাহিত্যলক্ষী এই সময় থেকে তাঁর প্রতি স্নেহ দৃষ্টিপাত করেছিলেন। অল্পদিনের মধ্যে তিনি অনেকগুলি ভাল গল্প লিখেছিলেন-- যেমন জলসাগর, ছুটু মোক্তারের সওগাল, নারী ও নাগিনী, মেলা বা তাঁর পাঠকরা মনে করে রেখেছেন। একটি বড় লাভ তাঁর শান্তিনিকেতনে রবীন্দ্রনাথের সঙ্গে পরিচয়।

তারাশঙ্কর তাঁর জীবনের প্রথম অধ্যায়কেই একটু বড় করে এঁকেছেন। তাই তাঁর উদ্দেশ্য ছিল। যে-সব বইয়ের জ্ঞান পরবর্তীকালে তিনি বিখ্যাত হয়েছেন, যেমন—চৈতালী ঘুর্ণী, কালিন্দী, কবি, গণদেবতা, নাগিনী কন্যার কাহিনী, আরোগ্য নিকেতন সেই সব গল্পের ছাঁচ কিংবা বিভিন্ন চরিত্রগুলির আদল তাঁর ‘সাহিত্য-জীবনে’ পাওয়া যাবে। উত্তরবাংলা, পূর্ববাংলার পদ্মার তীরের গ্রাম, বশোর ও খুলনা, হুগলী জেলা বর্ধমানের শহর ও গ্রাম এ সবের সঙ্গে বাঙালী পাঠকের আগে থেকে পরিচয় ছিল। কিন্তু বীরভূমের সঙ্গে পরিচয় হয়েছে বিলম্বে, ১৯২৫-২৬-এর পর থেকে, এ কথা বললে বোধহয় ভুল হয় না।

তারাশঙ্কর লাভপুর গ্রামের কোনও কোনও বাড়ির জামাইদের কথা বলেছেন বাঘের থিয়েটারের নেশা ছিল। সকাল বেলায় বাড়ি অর্থাৎ খন্ডর বাড়ি থেকে বেরিয়ে কোনও দোকান ঘরে বলে থিয়েটারের ‘পার্ট’ লিখতেন, এবং ভাবী অতি-

নেতাদের সন্মানে থাকতেন। প্রায় প্রত্যেক শহরেই এই রকম থিয়েটার পাগল দেখা যেত। তারাশঙ্করের নিজের এ বিষয়ে উৎসাহের কথা তাঁর আত্মস্মৃতিতে আছে। লাভপুর নির্মলশিব বন্দ্যোপাধ্যায়ের জন্মস্থান। তিনি তারাশঙ্করের আত্মীয়। একসময় তাঁর নাটক কলকাতার রঙ্গমঞ্চে খুব জনপ্রিয় হয়েছিল। তারাশঙ্করের ছোটগল্প ভুট্টা মোক্তারের সওয়ালের পরিবর্তিত নাট্যরূপ ‘দুইপুরুষ’ বহুদিন ধরে মঞ্চে প্রশংসার সঙ্গে অভিনীত হয়েছে।


এই বহু প্রশংসিত নাটকটিকে রঙ্গমঞ্চে অভিনয়ের ব্যবস্থা করতে গিয়ে বেচুংথ এবং অনাদর পেতে হয়েছে তারাশঙ্কর তার কথা সবিস্তারে বর্ণনা করেছেন। যাকে ‘কমার্শিয়াল থিয়েটার’ বলা হয় তার গৌরব এখন আর আগেকার মতো নেই। কিন্তু নাটক নির্বাচনের রীতির যে পরিবর্তন হয়েছে তা মনে হয় না। তখন রীতি ছিল পরিচিত উপন্যাসগুলিকে নাট্যরূপ দিয়ে অভিনয় করা। এই প্রথা আর অনেক সময় ব্যবসার দিক থেকে ফল ভাল ফলেছে।

অপেক্ষাকৃত অল্পসময়ে তারাশঙ্কর ‘মারাঠা তর্পণ’ বলে একটি নাটক লিখেছিলেন। নাম শুনে মনে হয় তাতে ‘sound and fury’র অংশ কিছু কম ছিল না। থিয়েটারের কর্তারা এটিকে মঞ্চস্থ করতে তখন উদগ্রীব ছিলেন না। পরিণত বয়সে তিনি সেই সময়ের ইতিহাস অর্থাৎ পানিশপের তৃতীয় যুদ্ধের ঘটনা নিয়ে একটি বড় নাটক লিখেছিলেন ইতিহাসের বড় পটভূমিতে। প্রধান চরিত্র দুটি আহমেদ শাহ্ আবদালী ও তৃতীয় পেশোয়া বালাজী বাজী রাও। দেশ পত্রিকার বেরিয়েছিল কয়েক সপ্তাহ ধরে। কিছু দিন পরে স্টার থিয়েটারে অভিনীত হল, বালাজী রাও নামে। শ্রীযুক্ত মহেন্দ্র গুপ্ত ছাড়া তখন স্টার থিয়েটারে নামকরা অভিনেতা তেমন কেউ ছিলেন না। অভিনেত্রীও নন। তাহলেও জনসমাগম যথেষ্ট হয়েছিল। খবরের কাগজে বিবরণ সমালোচনাও হয় নি। খানিকটা রসিকতা করতে গিয়ে আমি এর মধ্যে জড়িয়ে পড়লাম। অনেকদিন ধরে সেই স্মৃতি আমাকে পীড়া দিয়েছে, কাগজেই পরিকার করে বলা দরকার। কয়েক সপ্তাহ অভিনয় হবার পর সংবাদপত্রে একজন সুপরিচিত সাংবাদিকের স্বাক্ষরে একটি চিঠি বের হল। তাতে অভিনয়ের প্রশংসার পরে এই ধরনের কথা ছিল এমন প্রকৃত ঐতিহাসিক নাটক আর কখনও লেখা হয় নি। নাটকে কোনও ঐতিহাসিক ত্রুটি খুঁজে পাওয়া যাবে না। সে পঁচিশ-ত্রিশ বছর আগেকার কথা। রবীন্দ্রনাথ লিখেছিলেন প্রথম শৃঙ্গোদ্যমে কোনও কোনও প্রাণীর স্বভাব হয় যে সে সব জিনিসের সঙ্গে শৃঙ্গের শক্তি পরীক্ষা করে। আমার শৃঙ্গোদ্যম বহু পূর্বে হয়ে গিয়েছিল, কিন্তু স্বভাব তখনও যায় নি। আমি খবরের কাগজে চিঠি লিখলাম নাটকটিকে আর বাই হোক ঐতিহাসিক ত্রুটি থেকে মুক্ত একথা বলা চলে না। বাংলা নাটক আমাদের ইতিহাসের প্রথম পাঠ শিখিয়েছে, ইতিহাসের ভুলও কিছু শিখিয়েছে। মুঘলযুগের একমাত্র বাংলা নাটক যা ইতিহাসের ভুল থেকে মুক্ত বলে মনে হয়, সে হচ্ছে তথু-ই-তাউল, প্রেমাসুর আতর্ষীর লেখা; জাহান্নার শাহর স্বপ্নস্বামী রাজস্বের কাহিনী নিয়ে। নাটকের প্রযোজনায় ত্রুটি ছিল কিছু তার জন্য নাট্যকার দায়ী ছিলেন না।

ক্রটিহীনতার দাবী অবশ্য তারাশঙ্কর নিজেকে করেন নি। কিন্তু ওয়েছি সমালোচনাটি পড়ে তিনি ক্ষুব্ধ হয়েছিলেন। কয়েক বছর পরে দিল্লী থেকে কলকাতার পথে একটি বড় স্টেশনে, বোধহয় কানপুরে, আমাদের দেখা হল। তিনি কখন ট্রেনে উঠেছিলেন জানি না। সন্নেহে তাঁর কামরায় আমাকে আমন্ত্রণ করে মিষ্টান্ন বিতরণ করলেন। মিষ্টান্ন আমার প্রিয় নয়, কিন্তু সেই সময় তাঁর দেওয়া উপহার প্রত্যাখ্যান করতে ইচ্ছা হল না। যদি বা কিছু অল্প রস কোথাও সঞ্চিত হয়ে থাকে সেদিনের মিষ্টান্নের মাধুর্যে দূর হয়ে গিয়েছিল।

আরও অনেক বছর পরে বিশ্বভারতীর আমন্ত্রণে তারাশঙ্কর শান্তিনিকেতনে এসেছিলেন। এই তাঁর শেষ শান্তিনিকেতনে আসা। পূর্বে এসেছিলেন কবির আহ্বানে পঁয়ত্রিশ বছর আগে। কবি তাঁর ‘রাইকমল’ ও ‘ছলনাময়ী’ পড়ে বিশেষ পরিতৃপ্ত হয়ে পত্র লিখেছিলেন। তখনকার শান্তিনিকেতন যাত্রা এবং শেষবারের শান্তিনিকেতন আসার মধ্যে প্রভেদ ছিল। তারাশঙ্করের বক্তৃতার বিষয় ছিল রবীন্দ্রনাথ ও বাংলার পল্লী। এই উপলক্ষে ‘মহাকবিকে তাঁর সাধনপীঠে প্রণাম জানাবার আবেগটিও অনুপস্থিত ছিল না।’ এর কিছু পূর্বে একবার শান্তিনিকেতনে এসে নানা কারণে স্তম্ভ বোধ করেন নি। তাঁর প্রাথমিক বক্তৃতায় সে কথা স্পষ্ট করে বলেছিলেন। বক্তৃতার পালা সাজ হবার পর তিনি কয়েকদিন থেকে গিয়েছিলেন ; মনে হয় তাঁর শেষ শান্তিনিকেতন বাস অপ্রীতিকর হয় নি। এই বক্তৃতাগুলি যখন ছোট বই হয়ে প্রকাশিত হল তখন অবিস্মিত বিশ্বয়ে লক্ষ্য করলুম তিনি গ্রন্থটি “শ্রীযুক্ত প্রতুলচন্দ্র গুপ্ত অশেষ প্রীতিভাজনেযু”কে উৎসর্গ করেছেন। মনের মধ্যে একটি কঁটার বিরোধ কোথাও ছিল, সেটি অন্তর্হিত হয়ে গিয়েছে।

প্রতুলচন্দ্র গুপ্ত



আত্ম প্রতিকৃতি : তারাকর বন্দ্যোপাধ্যায়



বাবা : হরিদাস বন্দ্যোপাধ্যায়




পিসিমা : শৈলজা দেবী

মা : প্রভাবতী দেবী



জ্যৈষ্ঠপুত্র

সনৎকুমার বন্দ্যোপাধ্যায়-এর
সঙ্গে তারাম্বর বন্দ্যোপাধ্যায়



তারাম্বরের নিকটতম বন্ধু
সজনীকান্ত দাস



পত্নী : উমাশ্রী দেবী

আমার কালের কথা

এক

অসীম অনন্তকালের পথ অতিবাহন করে চলেছে মানুষের মিছিল। বছরের-পর-বছরের মাইল-পোস্ট পিছনে পড়ে থাকছে। বিরাম বিশ্রামহীন চলা। পঞ্চাশটা মাইল পিছনে ফেলে এসে বারেকের জন্য পিছনে চাইতে ইচ্ছা হল।

পাশে যারা সঙ্গী সাথী জুটেছে, যারা কেউ এসেছে—তিরিশ মাইল, কেউ বা বত্রিশ, কেউ বা পঁয়ত্রিশ—যারা ভালোবাসে—পথ চলায় যারা বহু সন্তপদ একসঙ্গে ফেলে হয়ে উঠেছে অন্তরঙ্গ মিত্র, অনুজের সমান প্রিয়—তারা লক্ষ্য করলে পথ চলার মধ্যে আমার ভাবান্তর।

প্রশ্ন করলে—কি হল দাদা?

বললাম—কালের পঞ্চাশটা মাইল-পোস্ট ফেলে এলাম পিছনে; আজ মনে পড়ছে সেই কথা। আঁকাবাঁকা, চড়াই-উৎরাই, রুদ্ধ প্রান্তর, ছায়াশীতল সমতল পার হয়ে চলেছে জীবনের রথ, আলোকে-অন্ধকারে, সুখে-দুঃখে বিচিত্র এর রূপ—সেই সব কথা মনে পড়ছে ভাই।

তারা বললে—বলুন সেই কথা। আপনার কথা।

—না। আমার কথা বলতে নেই ভাই।

—না। বলুন।

—না। আমার মা বলেছেন—নিজের পুণ্যের কথা বললে সে পুণ্য ক্ষয় হয়, কীর্তির কথা বললে সে কীর্তির বনিয়াদে ফাট ধরে; নিজের বেদনার কথা বললে নিজের অপমান করা হয়; নিজের সুখের কথা বললে অহংকারের পাপ স্পর্শ করে। নিজের কথা বলা যায় শুধু একজনের কাছে।

তারা হয়তো হাসলে। হাসির কথাই যে। বিংশ-শতাব্দী বিজ্ঞানের যুগ। এই যুগে যে-একজনের কাছে নিজের কথা বলা যায় বলে অনুমান তারা করলে, তার অস্তিত্ব যে সংশয়াক্ষন্ন হয়ে উঠেছে।

—হাসিস নে ভাই। তার কথা আমি বলিনি। আমিও যে তোদের সঙ্গী, একসঙ্গে পথ চলেছি। তোদের সামনেও যে সন্ধিক্ষণ বা উদয়লগ্নের নব আভাস দেখা দিয়েছে, আমিও যে চোখের সামনে ঠিক তাই দেখছি। আমি বলছি যে-জনের কথা, সে হলো আমি নিজে। নিজের কাছে ছাড়া নিজের সুখের কথা,

পদ্মের কথা, কীর্তির কথা—এ সব কথা বলতে নেই। যাঁরা অনন্যসাধারণ তাঁরা পারেন বলতে। যেহেতু না, তাঁদের অনুসরণ করেই আমাদের চলা। তাঁরা ঋষি, আদিম কাল থেকে তাঁরা বলে আসছেন তাঁদের উপলব্ধির কথা, অভয়ের বাণী—শৃঙ্খলিত বিশ্বে অমৃতস্য পদ্মঃ। আর বলে যারা একান্তই নগণ্য সাধারণ, তারা। কারণ তাদের স্পর্শবোধ আছে—অনুভবশক্তি নাই, বেদনায় চিৎকার করে কাঁদা, সুখে কলরব করে উল্লাস করা হল তাদের স্বভাবধর্ম। অনন্যসাধারণ আমি নই; অতি বিনয় করে নিজেকে নগণ্য সাধারণও মনে করি না। তাই চিৎকার করে কেঁদে, বা কলরব করে উল্লাস করে দৃঃখ সুখের কথা বলতে পারব না। আমি সাধারণ মানুষ, আমার অধিকার সম্বন্ধে আমি সচেতন, আমার মর্যাদা সম্বন্ধে সজ্ঞান। তাই আমার নিজের কথা বলব শৃঙ্খলিত, নিজেই দাঁড়াব নিজের কাছে বিচারপ্রার্থীর মতো এবং বিচারকের মতো, সান্ন্যদাপ্রার্থীর মতো—সান্ন্যদাতার মতো। তবে—

—তবে?

—তবে হ্যাঁ, বলতে পারি কিছু কথা। বলতে পারি পথের কথা অর্থাৎ কালের কথা। এই পঞ্চাশটা বছর—পঞ্চাশটা মাইল-পোস্টের কথা বলতে পারি।

—তাতেও কি আপনার কথা বলা হবে না?—হাসলে অনুজদের একজন।

—না।

—না?

—হ্যাঁ ভাই, না।

—কালের কথা আপনার আসবেন না? আপনার কথা থাকবে না?

—আসব। থাকবে। তবে সে আমার আসা হবে না, আমার বলা কথা হবে না।

উটপাখিতে শূন্যে বালির মধ্যে মৃৎ গুলে ভাবে আমাকে কেউ দেখতে পাচ্ছে না। কথাটা সেই রকম হল না দাদা?

—ভাই, ক্ষীর-সাগরের হংসের দল, উটপাখির এ দৃষ্টান্ত ঠিক খাটে না। বিচার করে ভেব দেখ, ক্ষীর-সাগরের রসপরিপূর্ণতার হানি না ঘটিলে যেটুকু জল তার সংগে থাকে, সেটুকু ন্যায্য অধিকারেই থাকে। জল বলে তাকে বাদ দিতে গেলে ক্ষীর-সাগর ফোলাক্ষীরের খটখটে চড়ান পরিণত হবে ভাই। ঐতিহাসিক প্রত্নতাত্ত্বিকেরা তীক্ষ্ণচক্ষুতে তাকে বিদীর্ণ করে মুক্তা-প্রবাল অনেক আবিষ্কার করবেন তার ভিতর থেকে, কিন্তু হংসের দলের—তোদের বিপদ হবে, সাঁতার দেওয়া চলবে না। ক্ষীরের মধ্যে যতটুকু অধিকার, সেই অধিকারটুকু জুড়ে থাকবে আমার কথা। ভার বেশি নয়।

—বেশ, মেনে নিলাম। এখন আর-ও করুন আপনার কথা।

১৯৪৮ সালের সেপ্টেম্বর মাস। ঠিক মাইলখানেক পিছনে—১৯৪৭ সালের আগস্ট মাসের পোস্টের উপর তে-রঙ্গা বাঁড়া উড়ছে। মাঝখানে তার অশোক-চক্র। ওই ১৯৪৭ সালের জুলাই মাসেই আমি প্রবেশ করেছি পঞ্চাশের মাইলে। পিছনে ঊনপঞ্চাশটা মাইল-পোস্ট পার হলে ঊনবিংশ শতাব্দীতে—১৮৯৮ সালের জুলাই মাসে—বাংলা ১৩০৫ সালের ৮ই শ্রাবণ সূর্যোদয়ের ঠিক পূর্বলগ্নে আমার জীবন-

যাত্রার শুরুর।) আমাদের অঞ্চলে বলে, ব্রাহ্মমহর্দে সূর্য উদিত হননি, তাঁর লাল আভা ফুটেছে পূর্বাঙ্গিতে, এমনি সময় আমার জন্ম বলে শাস্ত্রমতে আমার জন্মদিন এই শ্রাবণ। অল্প কয়েক মহর্দেয়র জন্য একদিন আয়ু আমার হয় বেড়ে বা কমে গেছে।

১৮৯৮ সাল। ভারতবর্ষের দিকে দিগন্তে উড়ত তখন ইউনিয়ন জ্যাক। ভারতেশ্বরী তখন মহারানী ভিক্টোরিয়া। লোকে বলত—মহারানীর রাজত্ব। বাংলা-দেশ তখন জেলায়-মহকুমায়-থানায় ভাগ হয়েছে। শিকলে ছাঁদে ছাঁদে বাঁধা, এমন বাঁধন যে এক জায়গায় টান পড়লে শিকলের সবখানে সব কড়া ঠনঠন শব্দে বেজে ওঠে। প্রাচীন রাঢ় বারেন্দ্র প্রভৃতি বিভাগের নাম মানুষ ভুলে গিয়েছে। বিস্মত-নামা প্রাচীন রাঢ়ের এক প্রান্তে বীরভূম জেলার লাভপুর গ্রাম। আমার স্মৃতিকাগৃহ আজও আছে। মাটির মেঝে, শক্ত পাথুরে রাঙা মাটির দেওয়াল দিয়ে গড়া উত্তর-দুয়ারী কোঠাঘর আজও অটুট আছে। শূন্য অটুট বললেই বোধ হয় সব বলা হয় না। ঘরখানির সামান্য পরিবর্তনের জন্য বছর কয়েক আগে খানিকটা দেওয়াল ভাঙার প্রয়োজন হয়েছিল, কোদাল টামনা শাবল হার মানলে, শেষে গাঁহীতি আনা হল; দেওয়াল ভাঙল বটে, কিন্তু সেদিন যে আগুনের ফুলকি ছড়িয়েছিল গাঁহীতির আঘাতে আঘাতে, তা আজও আমার চোখে ভাসছে। গাঁহীতির একটা দিক ভোঁতা হয়েছিল, একটা দিক ভেঙেছিল। এরই নিচের তলা ধরে আমি প্রথম পৃথিবীর মৃত্তিকার আলিঙ্গন পেয়েছিলাম।

ভূমিষ্ঠ হবার সময় আমি নাকি খুব উচ্চ চিৎকারে কেঁদেছিলাম। আমার জীবনের কর্ম ও সাধন ফলের মধ্যে তার চিহ্ন আছে কি-না মাঝে মাঝে আজ ভেবে দেখি আমি। সে কথা থাক। সেদিন যাঁরা স্মৃতিকাগৃহের দুয়ারে উৎকণ্ঠিত প্রতীক্ষায় উপস্থিত ছিলেন, তাঁরা অপেক্ষাকৃত বিষণ্ণ হয়ে বলেছিলেন—যাঃ, মেয়ে হল! এত উঁচু গলা এ মেয়ের! আজও আমাদের দেশে বাড়ির গিন্নীরা বলেন—ছেলেরা ভূমিষ্ঠ হবার সময় কম কাঁদে। মেয়েরা আসে জীবনে যে কালো তারা কাঁদবে তারই সুর ধরে! কাঁদতেই তাদের জন্ম!

লাভপুর গ্রামখানি অম্ভুত গ্রাম। আমার জন্মস্থান—আমার মাতৃভূমি, আমার পিতৃপুরুষের লীলাভূমি বলে অতিরঞ্জন করা ছি না, সত্য কথা বলছি।) কালের লীলা, কালান্তরের রূপমাহিমা এখানে এত সুস্পষ্ট যে বিস্ময় না-মেনে পারি না। এ গ্রামে জন্মেছি বলে নিজেকে ভাগ্যবান বলে মনে করি।

(১৮৯৮ সালে লাভপুরের সমাজে তখন দুই বিরোধী শক্তির ম্বন্দ্র চলেছে। জমিদারপ্রধান গ্রাম। নবাবী আমল থেকে সরকার-বংশীয়েরা ছিলেন জমিদার। তাঁরা তখন বহুভাগে বিভক্ত হয়ে পড়েছেন, তাঁদের ভাঙনের উপর আরও দুটি বংশ, ওই সরকারবাবুদেরই দৌহিত্র-বংশ। এদের এক বংশ হল আমার পিতৃবংশ, দ্বিতীয়টি অন্য এক বন্দ্যোপাধ্যায় বংশ। প্রকৃতপক্ষে এই দ্বিতীয় বংশই তখন গ্রামের মধ্যে প্রধান। ঠিক এই সময়ে—গ্রামের এক দরিদ্রসন্তান ঘর থেকে বেরিয়ে এক বিচিত্র সংঘটনের মধ্যে ইংরেজ কয়লা ব্যবসায়ীর কুঠীতে পাঁচ টাকা মাইনের

চাকরিতে ঢুকে শেষ পর্যন্ত কয়লার খনির মালিক হয়ে দেশে আবির্ভূত হলেন।) বীরভূমে জমিদারের একটা বৈশিষ্ট্য হল জমিদারীর আয়তন ও আয়ের ক্ষুদ্রতা এবং তাঁদের সংখ্যার বাহুল্য। দশ হাজার টাকা আয় যাঁদের, তাঁরা রাজাতুল্য ব্যক্তি। (আমাদের গ্রামের জমিদারের আয় পাঁচ থেকে সাত-আট হাজার। কিন্তু তাতেই তাঁদের প্রবল পরাক্রম। সমারোহ প্রচুর।) এ ছাড়া চাষের জমির সঙ্গে পঞ্চাশ থেকে পাঁচশো-হাজার-টাকা বাৎসরিক আয়ের জমিদার অনেক, হাতপায়ের আঙুলে গণা যায় না। তাঁদের পরাক্রম কম নয়। তাঁরা বলতেন—‘মাটি বাপের নয়, দাপের; দাপ তো আছে নাই, দাপ আছে বৃকে।’ বৃকে চাপড় মেরে তাঁরা বীর্ষের দাবি ঘোষণা করে বলতেন—‘আমি জমিদার।’ (এঁদের সঙ্গে আরম্ভ হল লক্ষ লক্ষ টাকার মালিক এই ভাগ্যবান ব্যবসায়ীর বিরোধ।) আশ্চর্য সাহস ছিল তাঁদের। সাহসের কথায় একটি দৃষ্টান্ত মনে পড়ে গেল। এমনি এক শ-চারেক টাকা আয়ের জমিদারের বিরোধ উপস্থিত হয়েছিল বর্ধমানের মহারাজার সঙ্গে। বৈষয়িক স্বত্ব নিয়ে ফৌজদারী, পরে দেওয়ানী মামলা চলল। মুনসেফ-কোর্ট, জজ-কোর্ট, শেষে হাই-কোর্ট। একদা এক চাকুরে বন্ধু দেশে এসে সব বৃত্তান্ত শুনে তাঁকে তিরস্কার করে বললেন—তুই কার সঙ্গে মামলা করছিস?

—কেন? বর্ধমানের রাজার সঙ্গে।

—তাকে তুই চোখে দেখেছিস যে মামলা করছিস? তাঁর বাড়ি দেখেছিস?

মামলাকারী হা-হা করে হেসে বলিছিলেন—বাড়ি দেখেছি, তাঁকে দেখিনি।

—তবে?

—তবে আবার কি? বর্ধমানে মহারাজা তো বর্ধমানের মহারাজা রে, ভগবান যে ভগবান—সে অন্যায় দাবি করলে তাই মানি না। বিশ বছরের বেটা মরে গেল, পরমান্ন দেয়নি ভগবান, তাই তার চিকিৎসায় টাকার প্রাশ্ন করে লড়াই করেছে, রাত জেগেছি; যম একদিকে টেনেছে, আমি একদিকে টেনেছি। হেরেছি। তাতে কি। এক ফোঁটা চোখের জল ফেলিনি।

লাভপূর-সমাজের নেতৃত্বের আসন নিয়ে এই বিচিত্র বিরোধ সমাজ-জীবনের নানা স্তরে বিস্তৃত হয়েছে। কীর্তির প্রতিযোগিতা চলছে মহাসমারোহের প্রকাশের মধ্যে, দ্বন্দ্ব চলছে সৌজন্য প্রকাশ নিয়ে, প্রতিদ্বন্দ্বিতা চলছে রাজভক্তি নিয়ে, প্রতিযোগিতা চলছে জ্ঞানমার্গের অধিকার নিয়ে, আবার পরস্পরের মধ্যে কলঙ্ককালি ছিটানো নিয়েও চলেছে জমিদার ও ব্যবসায়ীর মধ্যে বিচিত্র বিরোধ।

দুই

প্রধান জমিদার-বংশ প্রতিষ্ঠা করেছিলেন মাইনর স্কুলের।

ব্যবসায়ী প্রতিষ্ঠা করলেন হাই ইংলিশ স্কুলের। মাইনর স্কুলটি উঠে গেল।

আমাদের গ্রামের গ্রামদেবতা ফুল্লরা দেবী। একাল মহাপীঠের অন্যতম মহাপীঠ। আসল নাম নাকি অট্টহাস। ব্যবসায়ী ধনী দেবীর প্রাচীন মন্দির

ভেঙে নতুন মন্দির করে দিলেন। জমিদার সঙ্গে সঙ্গে বাঁধিয়ে দিলেন দেবীর মন্দিরের সম্মুখে দীর্ঘির উপর প্রশস্ত ঘাট। জমিদার-বাড়িতে জগদ্ধাত্রী-পূজার সমারোহ।

ব্যবসায়ী বাড়িতে রাধাগোবিন্দের বিগ্রহ প্রতিষ্ঠা করে রামষাট্রায় সমারোহ করলেন।

জগদ্ধাত্রী-পূজায় পণ্ডগ্রামের ব্রাহ্মণ কাম্যস্থ বৈদ্য শূদ্র হরিজন ভোজন হত। মনে আছে, চারটে হিসেবে বড় বড় ছানাবড়া—আজকাল যার একটার দাম অন্তত আট আনা, প্রচুর মাছ, প্রচুর মাংস। খাইয়েদের ব্যবস্থা ধরাবাঁধা নয়, যে যত পারে, সে এক ‘নাও নাও’ এবং ‘আর না, আর না’ শব্দ। তারপর বিসর্জনের দিন বারুদের কারখানা, লাঠিয়ালদের লাঠিখেলা, প্রতিমা নিয়ে বিরাট শোভাযাত্রা; ছেলেবেলায় সে এক পরম কামনার দিন ছিল। ‘দুই পদ্রুঘ’ নাটকের প্রথমই কঙ্কনার বাবুদের বাড়িতে জগদ্ধাত্রী পূজার ধূমের কথাটা সেই স্মৃতি থেকেই এসেছে। কিন্তু কঙ্কনার বাবুদের সঙ্গে এই জমিদারবাবুদের কোনো সম্পর্ক নাই। সে কথা হোক।

কার্তিকের শুক্লা-নবমীতে জগদ্ধাত্রী-পূজার কয়েক দিন পরেই রাস-পূর্ণিমা। ব্যবসায়ীর বাড়িতে পণ্ডগ্রাম সন্তগ্রামের লোকদের নিমন্ত্রণ, বাজনের সংখ্যা এবং স্বাদুতা নিয়ে প্রতিযোগিতা। পাতায় কুলাত না, বাজনের তেলে নাটমন্দিরের বাঁধানো মেঝে পিচ্ছিল হয়ে যেত। সোড়া ক্ষার দিয়ে মাজতে হত। মিষ্টান্নও এখানে বেশি এবং আকারেও বড় হত। তবু ব্যবসায়ী ভোজের ব্যবস্থায় এঁটে উঠতেন না। হার মানতে হত শাক্ত ব্যবস্থার কাছে বৈষ্ণব ব্যবস্থার আয়োজনকে। জগদ্ধাত্রী-পূজায় পাঠা বলি হত। বৎসর ধরে পোষা বড় বড় পাঠার মাংসের কালিয়ার ব্যবস্থায় জমিদার-বাড়ি টেকা মেরে থাকত। শূদ্র মাংসের ব্যবস্থাতেই নয়, আয়োজনের সঙ্গে রন্ধন-শিল্পের যে মর্দাস্থানা এবং যন্ত্রের পারিপাট্য থাকলে সামান্যকে অসামান্য করে তোলা যায়, তা যেমন জমিদার-বাড়িতে ছিল, ব্যবসায়ীর বাড়িতে তা তেমনটি ছিল না। জমিদার-কর্তা নিজে নুন মিষ্টির পরিমাণ দেখতেন, চেষ্টার নিয়ে রন্ধনশালায় বসে পাচকের সঙ্গে সারারাত্রি জাগতেন, শেষ রাত্রে চাকর ক্লান্ত হয়ে ঘুমিয়ে পড়লে নিজেই তামাক সেজে খাওয়াতেন। উনানে কাঠ ঠেলতেন। সকালে মুখ ধুয়ে পূজারশ্বেতের পরেই বসতেন দই নিয়ে। দইকে তিনি ‘আম-দইয়ে’ পরিণত করতেন। আম আদা বেটে মিশিয়ে তাকে আম-সন্দেশের মতো এমন সুগন্ধযুক্ত সুস্বাদু বস্তুতে পরিণত করতে জানতেন যে লোকে ওই আম-দই খাবার জন্য উদগ্রীব হয়ে তার পালা গুনত; কখন আসবে আম-দই? দীর্ঘদিনের রোগীও আসত, বলত, মদুখটা একটু ছাড়িয়ে আসি। সে স্বাদ আজও মনে হলে আমার রসনাও সিক্ত হয়ে ওঠে।

রাধাগোবিন্দের ধাতু ও শিলাবিগ্রহ, তার বিসর্জন নাই। তাঁর ছিল রাস-পূর্ণিমার পরদিন বনভোজনের ব্যবস্থা। চতুর্দোলায় যেতেন যুগল বিগ্রহ, মশালে মশালে গ্রামের আকাশ রাঙা করে চলত মশালধারীরা, আসাসোঁটা নিয়ে চলত বরকন্দাজ, গ্রাম প্রদক্ষিণ করে গ্রামের বাইরে তাঁদের বিস্তীর্ণ বাগানে বিগ্রহ

নামাতেন। বাজি পড়ত, লাঠিখেলা হত, সাঁওতালরা নাচত। দুই তরফের সমারোহেই দশ-বিশখানা গ্রামের লোক ভেঙে আসত। দশ-পনেরো হাজার লোক। আসলে এটা বিসর্জন উৎসবের প্রতিযোগী উৎসব বলতে ভুলেছি। জগন্নাথী-পূজায় জমিদার-বাড়িতে দুদিন যাত্রা হত। এদিকে ব্যবসায়ীর বাড়িতে রাসে হত মাসখানেক ধরে ভাগবতের কথকতা ও যাত্রা। অনেক বার দুই বাড়িতেই হয়েছে খেমটা নাচ। না হলেই চলত না। পূজা-পার্বণে হত, অন্নপ্রাশন-উপনয়নে হত, এমন কি আমাদের গ্রামের হাইস্কুল প্রতিষ্ঠার সময় স্কুলের হলে কলকাতার মোটা দক্ষিণার খেমটা নাচ হয়েছিল।

এই ব্যবসায়ী ধনীর বাড়িতে আসত বড় বড় যাত্রার দল। সে কালের নীলকণ্ঠ শ্রীকণ্ঠ সিতিকণ্ঠ তিন ভাই আসতেন, মতি রায়ও আসতেন। অধিকাংশ সময় আসতেন আমাদের জেলার খ্যাতনামা কৃষ্ণাচার্য অধিকারী যোগীন্দ্র মুনোপাধ্যায় তাঁর দল নিয়ে। আমাদের গ্রাম তখন জমজমাট গ্রাম। স্বচ্ছল গৃহস্থ বাড়ির যুবকের দল-তখন প্রকাণ্ড। ব্যবসায়ীটির কল্যাণে কলকাতার সঙ্গে যোগাযোগ ঘনিষ্ঠ। কলকাতার নবজীবনের সংস্কৃতির অমৃত কেউ ভুগারে করে আনতে না পারলেও, ফ্যাশানের হুইস্কির বোতল কেস-বন্দী হয়ে গ্রামে অনায়াসে পৌঁছেছে। তারই ফলে একবার একটি ঘটনা ঘটেছিল। শ্রীকণ্ঠ ও সিতিকণ্ঠ এসেছেন রাসের বাড়িতে গাওনা করতে। লোকে লোকারণ্য, গান চলছে। কিন্তু গ্রামের কয়েকজন যুবকের গান মনঃপূত হয়নি। তাঁরা আগেই কৃষ্ণাচার্য অমৃত জানিয়েছিলেন। বল-হরি-হরিবোল অর্থাৎ যাত্রাকে গঙ্গাযাত্রা বলে ব্যঙ্গ করে আসর ছেড়ে বাইরে বেরিয়ে এসেই তাঁরা অকস্মাৎ চিৎকার করে উঠলেন—আগুন! আগুন! আগুন!

মাটির ঘরের দেশ, ঘনসন্নিবন্ধ খড়ের চাল। চিৎকার শুনে মনুহর্তের মধ্য আসর গেল ভেঙে। আতঙ্কিত গ্রাম্য শ্রোতার দল ছুটল আপন আপন বাড়ির দিকে।

যুবকের দল আবার হরিবোল দিয়ে উঠল—বল-হরি-হরিবোল।

নীলকণ্ঠের সহোদর—শ্রীকণ্ঠ এবং সিতিকণ্ঠ উভয়েই ছিলেন মানী লোক। তাঁরা সমস্ত বুঝলেন। এবং মাথা নিচু করে আসর ভেঙে লাভপুর থেকে বিদায় নিলেন। পরবৎসর উপযাচক হয়ে নীলকণ্ঠ, লোকে বলত ‘কণ্ঠ মহাশয়’, এলেন তাঁর দল নিয়ে, সঙ্গে তাঁর দুই ভাই। সে-বার তিনি গান করলেন। সে কী গান। আর সে কী জনতা! সে কী স্তম্ভতা! মানুষ হাসল, বুক ভাসিয়ে কাঁদল। কিন্তু এত অসুবিধাতেও কেউ ‘আঃ’ শব্দ করলে না! লাভপুরের যুবকদের উচ্ছৃঙ্খলতাকে জয় করে নীলকণ্ঠ সে-বার ফিরে গেলেন।

এমনি স্বপ্নের সমারোহে সমৃদ্ধ লাভপুরের মৃত্তিকায় আমি জন্মেছি। সামন্ত-তন্ত্র বা জমিদারতন্ত্রের সঙ্গে ব্যবসায়ীদের স্বপ্ন আমি দূরোচ্চ ভরে দেখেছি। সে স্বপ্নের ধাক্কা খেয়েছি। আমরাও ছিলাম ক্ষুদ্র জমিদার। সে স্বপ্নে আমাদেরও অংশ ছিল।

তিন

আমাদের রাঢ় দেশে একটা প্রবাদ বাক্য প্রচলিত আছে, লক্ষ্মী যখন ছেড়ে যান তার আগে তিনি গৃহস্থকে বলেন—‘হয় চাল ছাড়, নয় আমাকে ছাড়।’ গৃহস্থ চাল ছাড়তে পারে না। লক্ষ্মীই ছেড়ে যান। ‘চাল’ কথাটা শনুতে খারাপ, চাল কথাটার বাইরের অর্থ হয় তো বাইরের ভড়ং, কিন্তু গভীরভাবে ভেবে দেখলে জীবনের প্রতিষ্ঠার সঙ্গে, জীবনের ভিত্তির সঙ্গে ওর ঘনিষ্ঠ যোগ আবিস্কার করা যায়। তাই প্রতিষ্ঠা যে-কালে সমাজে সম্পদের উপর প্রতিষ্ঠিত, দেউলের মাথায় চুড়ার মতো সে-কালে সম্পদরূপী ভিত নড়লে চুড়া বা চাল আপনি খসে পড়ে প্রতিষ্ঠায়, আবার চুড়ার উচ্চতার প্রতিযোগিতায় চুড়া যখন বিন্ধ্যাগিরির মতো বাড়তে থাকে তখন চুড়ার ভারে ভিতও আপনি বসে পড়ে। ইট-কাঠ-পাথরের মন্দির জড়বস্তু, কিন্তু মানুষের প্রতিষ্ঠার মন্দির সজীব, তাই কোনো নতুন প্রতিষ্ঠাবান যখন অপর সকল প্রতিষ্ঠাবানের প্রতিষ্ঠার মন্দিরকে ছাড়িয়ে নিজের ইমারৎ গড়ে, তখন পুরানো প্রতিষ্ঠার মন্দিরগুলি স্বাভাবিকভাবে সজীব বিন্ধ্যাগিরির মতো থাকে। (আমরাও ছিলাম স্বপ্ন আয়ের জমিদার) পাখি-পর্যায়ভুক্ত হবার যোগ্যতা না থাকলেও পাখা ছিল। সুতরাং আকাশের উচ্চুতে ওঠার প্রতিযোগিতায় দুর্বল ডানায় ভর দিয়েও মেতে ওঠাই এক্ষেত্রে ছিল স্বাভাবিক জীবন-ধর্ম। এই স্বাভাবিক জীবন-ধর্ম বলেই এই স্বপ্ন আমাদের সংসারকেও স্পর্শ করেছিল। এই ব্যবসায়ী বাল্যজীবনে ছিলেন দরিদ্রের সন্তান; তখন আমাদের বাড়ি থেকে তাঁদের বৃত্তি বরাদ্দ ছিল। পূজার সময় আমার পিতামহদের বিচিত্র গোপন দানের একটি বিচিত্র পদ্ধতি ছিল; তাঁরা অপরিচিত মজুর শ্রেণীর লোকের মাথায় কাপড় মিষ্টান্ন প্রভৃতি সাজিয়ে অভাবী গৃহস্থদের বাড়ি পাঠাতেন। সঙ্গে থাকত জাল চিঠি—গৃহস্থদের দূর-আত্মীয়েরা যেন তত্ত্ব পাঠাচ্ছেন। এবং লিখছেন, ‘কিছু তত্ত্ব পাঠাইলাম। তোমাদের সদা সর্বদা খেঁজ লইতে পারি না বলিয়া লজ্জা পাই। যাহা হউক ষষ্ঠীদিগ্ধ গ্রহণ করিবা।’ সেই তত্ত্ব এদের বাড়িও যেত। সুতরাং তাঁদের সঙ্গে প্রতিষ্ঠার প্রতিযোগিতার স্বপ্ন আমাদের সংসারকে টেনেছিল স্বাভাবিকভাবেই। আমার পিতামহ ছিলেন উকিল। সিউড়িতে ওকালতি করতেন। তাঁরা ছিলেন দূর-আত্মীয়েরা যেন তত্ত্ব পাঠাচ্ছেন। এবং লিখছেন, ‘কিছু তত্ত্ব পাঠাইলাম। তোমাদের সদা সর্বদা খেঁজ লইতে পারি না বলিয়া লজ্জা পাই। যাহা হউক উকিল। মানুষও ছিলেন বিচিত্র। একবার এক স্বপ্নের মামলায় তাঁর মক্কেলের হল পরাজয়। ইংরেজ জজ। জজ বলেছিলেন—ভূয়া মামলা তুমি মক্কেলের জোরে জিতবে ব্যানার্জি? তা হয় না। তিনি অনেক বদ্বিষেছিলেন—সাহেব, এই পয়েন্ট আপনি বদ্বিষ দেখুন। সাহেব বদ্বিষে চাননি। অপমানজনক কথা বলেছিলেন।

তিনি অপমানিত হয়ে নিজে হাইকোর্টে আপীল করে সেই মামলা ডিগ্রি করে-
ছিলেন। যেদিন খবর পেলেন, সেদিন তিনি ঢাকাকে পরসাদ দিয়ে গোটা শহরে
ঢাক পিটিয়ে খবরটা জানিয়েছিলেন। সেই জজ সাহেব তখন অন্য জেলায়। তাঁকেও
চিঠি লিখে খবরটা জানিয়ে তবে শান্ত হয়েছিলেন।

আমার বাবা ছিলেন পিতার এক সন্তান এবং প্রৌঢ় বয়সের সন্তান। পিতামহ
বিবাহ করেছিলেন তিনবার। আমার প্রথম পিতামহী ছিলেন বন্দ্য। গল্প শুনোই,
তিনি নাকি অপরূপ চরিত্রের মানদুষ ছিলেন। জীবনে তাঁর কোনো মানদুষের সঙ্গে
কোনোদিন বিরোধ ঘটেইনি। গড়গড়ায় তিনি নাকি তামাক খেতেন। সে গড়গড়াটি
আজও আছে। আমার পিতামহ স্বিতীয় বিবাহ করেন বাহান্ন-তিপান্ন বৎসর বয়সে।
বিবাহ করবার সংকল্প প্রথম স্ত্রীর কাছে প্রকাশ করতে পারেননি। বিবাহের পর
যখন বধূ নিয়ে এলেন, তাঁর প্রথমা স্ত্রীই হাসিমুখে বরণ করে ঘরে তুলে বলে-
ছিলেন—আমায় আগে বললে যে বিয়েতে কত ধুমধাম করতাম বাবু! পিতামহ লজ্জিত
হয়েছিলেন, কোনো কথা বলতে পারেননি। কয়েকদিন পর তিনি প্রথমা স্ত্রীকে
ডেকে একটি টাকার থলি দিয়ে বলেছিলেন—এইটি তোমাকে দিলাম। এতে এক
হাজার টাকা আছে।

তিনি বলেছিলেন—টাকা নিয়ে কি করব?

—যা খুঁশি তোমার। গয়না গড়িয়ে।

—গয়না তো আছে।

—আরও গড়িয়ে। কিংবা মেয়ে-মহলে মহাজনী করো। অর্থাৎ স্ত্রীলোক-
মহলে টাকা ধার দিয়ে। ইচ্ছে হয় কাউকে দিয়ে। আমি দিচ্ছি ‘না’ বলতে
নেই।

তিনি আর কোনো কথা না বলে টাকার থলিটি নিয়েছিলেন। এর দশ-এগারো
মাসের মধ্যেই তিনি মারা যান। মারা যাবার পর তাঁর গয়নার বাক্স খুলে সোনা-
রূপা ও নগদ সম্পদের হিসাব করতে গিয়ে সে থলিটিও পাওয়া যায়। পিতামহ
থলিটি বেঁধে দিয়েছিলেন পাটের অর্থাৎ রেশমের গুচ্ছ দিয়ে। দেখা যায় সেই
রেশমের গুচ্ছ, তাঁর বেঁধে দেওয়া বাঁধনটি ঠিক তেমনিই আছে। খুলে দেখা যায়
এক হাজার টাকার একটি টাকা খরচ হয়নি। অথবা একটি টাকা তাতে যোগ হয়নি।

তাঁর মৃত্যুর বৎসর খানেক পরে আমার বাবার জন্ম। বেশি বয়সের একমাত্র
সন্তানের প্রাতি আমার পিতামহের স্নেহের দূর্বলতা ছিল অপরিমিত। দূর্বলতার
আরও অবশ্য একটি কারণ ছিল। আমার পিতামহী অতি অল্পবয়সেই মারা যান।
আমার বাবার বয়স তখন চার-পাঁচ। মাতৃহীন একমাত্র সন্তান অত্যন্ত আবদারে
দুর্দান্ত হয়ে উঠেছিলেন। তার উপর আমার বাবার স্বাস্থ্য ছিল প্রচণ্ড সবল।
সিউড়ীতে জেলা-স্কুল তখন স্থাপিত হয়েছে। সেই স্কুলের ছাত্র ছিলেন তিনি।
পড়াশুনার বান্ধি ছিল অত্যন্ত প্রখর। তবুও তিনি অত্যন্ত অল্পবয়সে লেখাপড়া
ছেড়ে দেন। এর জন্য তিনি পরে বহু অনুতাপ করেছেন। তিনি স্কুলে লেখা-
পড়া অবশ্য করেননি, কিন্তু পরে ঘরে যথেষ্ট শাস্ত্র পাঠ করেছিলেন। নিজে তিনি

নিয়মিতভাবে সেকালে নিজের ডায়ারি রেখে গেছেন। তাঁর ডায়ারি থেকেই খানিকটা অংশ এখানে তুলে দিলাম, তা থেকেই তাঁর স্কুল ছাড়ার বিবরণ এবং পরবর্তী জীবনে প্রতিষ্ঠার স্বপ্নে তাঁর মর্মপীড়ার আভাস পাওয়া যাবে। তা থেকেই পরিস্ফুট হবে সেকালের খানিকটা, যে-খানিকটার পটভূমিতে আমি বেড়ে উঠেছি—

‘আমার বয়স পাঁচ বৎসর হইলে পিতা আমার হাতেখড়ি দিয়া বিদ্যাশিক্ষা দেওয়াইতে লাগিলেন। কিন্তু মাতৃহীন বালক এবং বৃদ্ধ বয়সের একমাত্র সন্তান বলিয়া বিদ্যার জন্য বা কোনো বিষয়ের জন্য কখনও কোনো শাসন করিতেন না। আপন বক্ষে রাখিয়া পালন করিতেন। আমার সাত-আট বৎসর বয়সে প্রথম বাংলা স্কুলে আমাকে ভর্তি করিয়া দেন; একখানি ঠেলাগাড়ি করিয়া স্কুলে যাইতাম। ক্রমে বীরভূম গভর্নমেন্ট ইন্সকুলে ভর্তি হইলাম। বাল্যকালে আমার বৃদ্ধি এরূপ স্নাতীক্ষা ছিল যে একবার মাত্র পাঠ্যপুস্তক পাঠ করিলে তাহা অভ্যস্ত হইয়া যাইত। ক্লাসে প্রথম বা দ্বিতীয় স্থান আমার নির্দিষ্ট ছিল। পরে ষষ্ঠ শ্রেণী হইতে ডবল প্রমোশন পাইয়া চতুর্থ শ্রেণীতে উঠিলাম। এই সময় আমার বয়স ষোলো এবং এই বৎসরই—১২৮৬ সালে আমার প্রথম পরিণয় হয়।...

‘ষষ্ঠ শ্রেণী হইতে, ডবল প্রমোশন লইয়া চতুর্থ শ্রেণীতে উঠিয়া আমার বিশেষ পড়ার আবশ্যক ছিল। কিন্তু প্রমোশনের ২।১ মাসের মধ্যেই আমার ইন্সকুলে অনেক কামাই হয়, পড়াশুনানো করা হয় না। তাহাতে আমার ক্লাসের পড়া পড়িতে একটু কষ্ট হয়। তীক্ষ্ণ-বুদ্ধি বলিয়া কোনোরূপে পড়া চালাইতেছিলাম, কিন্তু পূর্বের ন্যায় প্রথম বা দ্বিতীয় আসন রাখিতে পারিতেছিলাম না। ইহার জন্য মনে বড় কষ্ট ছিল। এই সময়ে আবার একটি কান্ড ঘটিল। আমার ভেকেশনে লাভপুর আসিলাম কিন্তু ইন্সকুল খেলার সঙ্গে-সঙ্গে সিউড়ী যাওয়া হইল না। নবীন ভাইপোর বিবাহ মঙ্গলডিহি গ্রামে, ওই বিবাহের জন্য থাকিয়া গেলাম। ১০।১২ দিন কামাই হইয়া গেল। এই আমার জীবনের সুখ বা উন্নতির পথে কাঁটা পড়িল। এই দশ-বারো দিন কামাই আমার বিদ্যাশিক্ষার মূলে চির-কুঠারাঘাত করিল। কামাইয়ের পর ইন্সকুলে গেলে গদাই গরাঞী নামে একজন মাস্টার আমার উপর খজাহস্ত হইয়া উঠিল। আমাকে নিতাই তিন বার করিয়া বলিতে আরম্ভ করিল—‘বাবুর বেটা বাবু—তার ওপর কুলীন, ফাল্গুন মাসে একটা বিয়ে, জ্যৈষ্ঠ মাসে একটা বিয়ে, তোমার আর লেখাপড়ার প্রয়োজন কি? যাও, লেখাপড়া ছেড়ে আরও দশটা বিবাহ কর না কেন!’ নবীনের বিবাহের কথাটা সে কোনোমতেই বিশ্বাস করিত না, তাহার দৃঢ় বিশ্বাস ছিল—জ্যৈষ্ঠ মাসে বিবাহ আমিই করিয়াছি। এই বিদ্রূপ ক্রমে আমার পক্ষে অসহ্য হইয়া উঠিল। চোখ দিয়া জল পড়িত। অন্য ছেলেরা হাসিত। একদিন দুর্দান্ত ক্রোধ হইল, সে-দিন গদাই মাস্টার এই ঠাট্টাটি করিমাত্র বই বগলে উঠিয়া দাঁড়াইয়া বলিলাম—‘হ্যাঁ, বিবাহের ব্যবসা করাই আজ স্থির করিলাম, তোমার যদি কন্যা থাকে—তবে তাহাকেও বিবাহ করিতে প্রস্তুত আছি।’ এই বলিয়া এক দৌড় দিয়া ইন্সকুল হইতে পলাইয়া আসিলাম। বাবাকে বলিলাম—‘আমাকে অন্যত্র ইন্সকুলে ভরতি করিয়া দিন।’ বাবা একমাত্র সন্তানকে

বিদেশে পাঠাইতে রাজী হইলেন না। বলিলেন—“এখানে আমার নিকট থাকিয়া তোমার যখন লেখাপড়া হইল না, তখন বিদেশে পাঠাইয়া কি হইবে? বাহিরে পাঠাইয়া আমিও থাকিতে পারিব না, তুমিও নষ্ট হইবে। তুমি আমার নিকট থাক, নিজেকে সংশোধন কর।”

‘বৃদ্ধি অর্থ’ অনুরাগ সমস্ত থাকা সত্ত্বেও পূর্বজন্মের কর্মফল আমাকে কোঁশলে বিদ্যালয় হইতে বিতাড়িত করিয়া আমার জীবনকে স্বেচ্ছা করিয়া দিল। হায়, বিদ্যাহীন-জীবনে ও পশু-জীবনে প্রভেদ কি? জগতে জন্মগ্রহণ করিয়া জীব যদি স্বীয় বংশোচিত সম্মান প্রতিষ্ঠা রক্ষা করিতে না পারে তবে তাহার তুল্য দৃষ্ট কহার? আমি সেই দৃষ্ট অহরহ ভোগ করিতেছি।...

আমার বাবার ডায়রির আরও খানিকটা অংশ তুলে দিলেই আমার জীবনের পটভূমি পরিষ্কার হয়ে উঠবে। বাংলা ১৩১০ সালের মাঘ মাসে, ৮ই মাঘ ছিল সরস্বতী-পূজা। এ অংশটুকুও ওই দিনের, এবং অংশটুকু আমাকে নিয়েই। বাড়িতে সরস্বতী-পূজা আছে। সে-বার বারবেলার জন্য পূজা আরম্ভ হতে যথেষ্ট বিলম্ব ঘটেছিল। বাবা ডায়রিতে লিখেছেন—

‘বারবেলার জন্য দুই প্রহরের পর ঘট আনাওয়া সরস্বতী মাতার অর্চনা আরম্ভ হইল। বেলা বেশি হওয়ার জন্য তারাশঙ্করকে বলিলাম—“বাবা জল খাও, জল খাইয়া অঞ্জলি দিলে দোষ হইবে না।” বালক বলিল—“কই, আমার তো পিপাসা পায় নাই।” বালকের দেবভক্তি—বিদ্যানুরাগ দেখিয়া মনে বড়ই আনন্দ হইল। পূজাপঞ্জলি দেওয়ার পর তারাশঙ্করকে জিজ্ঞাসা করিলাম—“বাবা, মাকে প্রণাম করিবার সময় কি বলিলে?” তাহাতে সে বলিল—“আমি বলিলাম—মা, আমাকে খুব বিদ্যা দাও, আমি ডাইনে বাঁয়ে ঢোল দিয়া পূজা দিব—বড় হইয়া পূজায় যাত্রা করাইব—ধূস করিব।” শুনিয়া পদলকিত হইলাম! দেখ বাবা তারাশঙ্কর—জীবনে এ কথা যেন কোনোদিন ভুলিয়ো না। অর্থের জন্য অনেক কষ্ট পাইতেছি। পৈতৃক সম্পত্তি সত্ত্বেও প্রতিষ্ঠা সম্মান রক্ষা দায় হইয়া উঠিয়াছে। বিদ্যাশিক্ষা করিয়া পৈতৃক সম্মান বংশপ্রতিষ্ঠাকে তুমি ফিরাইয়া আনিবে। বহু কীর্তি করিবে। এবং সরস্বতী মায়ের কাছে যে সৎকল্প করিলে তাহা বজায় রাখিবে। ব্যবসা করিয়া অর্থ প্রচুর হয়, কিন্তু তাহার মূল্য তত নয়—যত মূল্য বিদ্যাবলে উপার্জন করা অর্থের। আমার বাবার পাট তোমাকে বজায় রাখিতে হইবে। তুমি উকিল হইবে। আমার বাবা শেষ জীবনে শখ করিয়া শালের সামলা কিনিয়াছিলেন। ঐ সামলা আমি সময়ে তুলিয়া রাখিয়াছি—ওই সামলা তোমাকে পরিতে হইবে। এখানকার শ্রেষ্ঠ ব্যক্তি হইবে।’

আরও খানিকটা তুলে দেব, তা হলেই আমার জীবনের পটভূমির একাংশ স্পষ্ট হবে। ইংরেজ রাজত্বে যাঁরা ইংরেজি শিখিছিলেন, তাঁরা ইংরেজি-না-জানা লোককে মুর্থ ভাবতেন। ইংরেজি-না-জানা লোকরাও ভাবনা-অনুভূতি আচার-ব্যবহার, এমন কি ভারতীয় শাস্ত্র ও তত্ত্বে গভীর অধিকার সত্ত্বেও নিজেদের সম্পর্কে এই অপবাদ স্বীকার করে নিতেন। না হলে আমার বাবা ইন্সকুল ছেড়ে ঘরে শাস্ত্রাদি

পাঠ করে সাংস্কৃতিক জীবনকে আয়ত্ত করেছিলেন, তাতে তাঁর বিদ্যার জন্য আক্ষেপ করার প্রয়োজন ছিল না। (তিনি নিয়মিত খবরের কাগজ পড়তেন। সেকালের সাপ্তাহিক কাগজ—‘বঙ্গবাসী’ ‘হিতবাদী’র তখন প্রবল প্রসার।) প্রকাশ্যে সাইজের কাগজ, এক পৃষ্ঠায় শুয়ে অপর পৃষ্ঠা পড়া যেত! দুখানা কাগজই আসত আমাদের বাড়ি। (এছাড়া সে-আমলে তিনি একখানি মাসিক-পত্রিকার গ্রাহক ছিলেন। পত্রিকাখানির নাম ছিল ‘হিন্দু পত্রিকা’।) তাছাড়া তাঁর ছোটোখাটো একটি পদ্যসংগ্রহ ছিল। অধিকাংশই ধর্মগ্রন্থ। সংস্কৃত বাংলা দুই ভাষায় লিখিত শাস্ত্র তিনি পাঠ করতেন। ভাগবত, রামায়ণ, মহাভারত ও নানা তন্ত্র তিনি কিনে সংগ্রহ করতেন এবং নিয়মিত পড়তেন। কাব্যে এবং উপন্যাসেও তাঁর অনুরাগ কম ছিল না।) তাঁর আমলের কালিদাসের গ্রন্থাবলী আমার কাছে আছে। তাঁর সংগ্রহ থেকেই আমি বিষ্ণুমচন্দ্রের উপন্যাসের আশ্বাদন পাই। তাঁর দিনলিপি মধ্য প্রত্যাহ দুই লাইন পুনরুক্ত হয়েছে। ‘স্নানান্তে ঈশ্বরোপাসনা করিয়া আহার করিলাম—পরে বৈঠকখানায় খবরের কাগজ ‘হিন্দু পত্রিকা’দি পাঠ করিলাম।’ এর পরই কোনো দিন পাই—‘মহানির্বাণতন্ত্র পাঠ করিলাম।’ অথবা ‘যোগাবশিষ্ট রামায়ণ পাঠ করিলাম’ অথবা ‘রানীভবানী নামক ঐতিহাসিক উপন্যাস পাঠ করিলাম’ অথবা ‘আজ কালিদাসের কাব্যসাম্বাদন করিয়া ধন্য হইলাম।’ জীবনে তাঁর একটি দার্শনিক দর্শিত্বও স্পষ্ট এবং পরিষ্কৃত হয়েছিল। আমাদের গ্রামের নতুন ধনী ব্যবসায়ী একটি মজা দীঘি কাটাচ্ছিলেন, সেই দীঘিতে উঠল এক অক্ষত শিলামূর্তি। বাসুদেব দেবতা। এই উপলক্ষে সেদিন দশখানা গ্রামের লোক—কেউ বললে—‘এই ঠাকুরই সর্বনাশ করবে, জল-শয়নে ছিলেন—মাছের লোভে ঘুম ভাঙলে, এইবার—’ এই সূরের কথাই প্রবল হয়ে উঠেছিল। যারা অন্য সূরে কথা বলেছিল, তারা বলেছিল—সৌভাগ্য যোলো কলায় পূর্ণ হল। কিন্তু তার পরই মৃদুস্বরে বলেছিল—কলা পাকল।

আমার বাবার ডায়েরিতে পাই—‘শত শত বৎসর পূর্বে যে দেবতা সে-আমলের সেবক প্রতিষ্ঠাতার পরাজয়ের দুর্ভাগ্যের নিয়াতিকে স্বীকার করিয়া নিজেও অপমানিত হইয়া পৃথকরিণীগর্ভে’ নিষ্কিন্ত হইয়াছিলেন—তিনি এতকাল পরে উঠিলেন। যখন উঠিলেন তখন নতুন লীলায় প্রকট হইবেন। শঙ্খচক্রগদাপাশ্ম-শোভিতহস্ত ত্রিলোকের পালক বিষ্ণু—বাবুর কীর্তির মধ্য দিয়া উদ্ভূত হইলেন। মনে হইতেছে এ গ্রামে ছোট-বড় লইয়া যে বিবাদ-কলহ চলিতেছে—তাহার চরম মীমাংসা হইয়া গেল। ত্রিলোকপালককে আশ্রয় করিয়া রায় দিয়া দিলেন যে তিনিই এখানকার লোকপালক হইবেন।’

আর এক স্থানে একদিন—নতুন ধনীর আলোকোজ্জ্বল এক সমারোহের আসর থেকে নিজের অন্ধকার-স্তম্ভ বাড়ির দিকে এসে তিনি রাত্রির অন্ধকারের গাঢ়তার দিকে চেয়ে যা ভেবেছিলেন তাই লিখেছেন—

‘রাত্রির রূপ অন্ধকার, তাহার স্পর্শ শীতল, রাত্রির শেষ যামে তাহা স্পষ্ট হইয়া উঠে। চণ্ডীর মধ্যে পাই—কালরাত্রিরূপা মহাশক্তি মহিষাসুরকে মৃত্যুর

অব্যবহিত পূর্বে দেখা দিয়েছিলেন। আজিকার অমাবস্যার অন্ধকার—আমাদের চারিদিকে যেন তেমনি রাত্রির ছায়া ফেলিয়াছে।’

মোট কথা—বাস্তব সংসারের যুদ্ধক্ষেত্রে তিনি মর্ম্মান্তিক পরাজয়ের ক্ষোভ বহনের দৃঃখকে স্বীকার করেই জীবনতত্ত্বের রহস্য অনুসন্ধানের প্রবৃত্তি এবং দৃষ্টি আয়ত্ত করার চেষ্টা করেছিলেন। তিনি মারা যান অস্পবয়সে। আমার বয়স তখন আট বৎসর। কিন্তু তাঁর স্মৃতি আমার মনের উপর গভীর রেখাপাত করে গিয়েছে। তাঁর মূর্তি আজও আমার স্পষ্ট মনে আছে। অত্যন্ত বলশালী দেহ ছিল তাঁর। ব্যক্তি ছিল অসাধারণ। স্পষ্টভাষী ছিলেন। আমার প্রতি স্নেহ ছিল মাত্রাতিরিক্ত, সর্বদা কাছে রেখে এই ধরনের কথা বলে যেতেন। অধিকাংশ বুদ্ধতাম না, কিন্তু সে-কথা তিনি ভাবতেন না। তাঁর ডায়েরিখানির প্রায় প্রতিটি পৃষ্ঠায় আমার নাম আছে। আমাকে সম্বোধন করে কিছু-না-কিছু লিখে গেছেন। চোন্দো-পনেরো বৎসর বয়স থেকে ঐ ডায়েরি আমি পড়ে আসছি। আজকের দৃষ্টি দিয়ে সে-কালকে বুদ্ধবার পক্ষে সবচেয়ে বেশি সাহায্য করেছে আমার বাবার ঐ ডায়েরি। এই ডায়েরি আরও একটা পরিচয় বহন করে রয়েছে। সেটা হল সে-কালের ভারতবর্ষের মানুষের উপর ইয়োরোপের সভ্যতার প্রভাব পড়ার পরিচয়। ভারতবর্ষ বা বাংলাদেশের মানুষেরা জীবনের পরিচয় বহন করে আসছে স্মৃতিতে ও শ্রুতিতে। রাজসিক রুচিতে শিলালিপি তাম্রশাসন রেখে গেছেন রাজন্যবর্গ—গৃহচ্ছদে, মন্দিরে, পোড়ামাটির ফলকের লেখায় বা ঘরের কাঠের বাড়দলে সন তারিখ নাম আছে, তবু এ দেশে জীবনান্তে দেহকে ছাই করে সমস্ত কিছু মূছে দিয়ে যাওয়াই রীতি। কবিদের কাব্যে নিজের পরিচয় দেওয়া আছে, দাঁষির নামেও কীর্তিমানেরা নাম জুড়ে রেখে গেছেন, কিন্তু আত্মজীবনের কথা লেখার রেওয়াজ ছিল না। ভালো-মন্দ বিচার করা ছি না। সত্য স্বভাবের কথা বলছি। ইংরিজি সভ্যতার প্রভাবেই ডায়েরি লেখার রেওয়াজ এসেছিল। ইংরিজি শিক্ষায় পারদর্শিতা লাভ না করলেও আমার বাবার উপর তা পড়েছিল। আমাদের গ্রাম থেকে সাত মাইল দূরে কীর্ণাহার। সেখানকার জমিদার স্বর্গীয় শিবচন্দ্র সরকার মহাশয় ছিলেন মহর্ষি দেবেন্দ্রনাথের বন্ধু, পুণ্যাত্মা ভূদেব মুখোপাধ্যায়ের বৈবাহিক। তিনি আমার পিতামহের বয়সী। তিনি ডায়েরি রাখতেন। বোধহয় আমাদের অঞ্চলে ডায়েরি-লেখক হিসাবে তিনিই প্রথম ব্যক্তি। শিবচন্দ্রবাবুই আমাদের অঞ্চলে প্রথম হাইস্কুল স্থাপন করেন—জেলার মধ্যে বোধহয় দ্বিতীয় হাইস্কুল। প্রথম হাইস্কুল সিউড়ী শহরের গবর্নমেন্ট স্কুল।

বাবার ডায়েরিতেও স্পষ্ট এবং সে-কালের শ্রুতি ও স্মৃতিতেও প্রমাণ রয়েছে যে, তখনকার কালের মানুষ ইংরাজের রাজত্বে ইংরিজি সভ্যতার ও শিক্ষার রাজকীয় সমাদরে গভীর বেদনার সঙ্গে ভালো-মন্দ যা কিছু অতীত কালের সম্বল ছিল সমস্ত কিছুকে পুরানো পুঁথির দস্তরে বেঁধে ভাঙা পেঁটারায় পুরে নতুনকে গ্রহণ করবার জন্য ব্যগ্র হয়ে উঠেছিল।

মন্দ ছিল প্রচুর।

বিশেষ করে মেয়েদের জীবনে। কোলীনোর দৌর্দণ্ড প্রতাপে তখনও ঘরে ঘরে কন্যারা বিবাহের পরেও পিতৃগৃহে থাকেন। পিতৃগৃহে তাঁদের অবশ্য দৌর্দণ্ড প্রতাপ। আমার 'দুই পুরুষে' নটের মুখে আছে, 'ব্রাহ্মণের ভণ্ণী উপবীতের চেয়েও বড়, উপবীত থাকে গলায়, ভণ্ণীর স্থান মাথায়।' এ সেই আমলের কথা। এক এক কুলীন তখনও চল্লিশ-পঞ্চাশ-ষাট বিবাহ করে থাকেন। আমাদের দেশে কুলীনদের মধ্যে এ রেওয়াজ তখন কমেছে। বিবাহ পেশা যাঁদের, তাঁদের অধিকাংশেরই বাস ছিল পূর্ববঙ্গে—যশোর, খুলনা, বিষ্ণুপদুর। আমরাও কুলীন। কিন্তু এক স্ত্রী বর্তমানে বিবাহ তখন নিন্দনীয় হয়ে উঠেছে। সন্তান না হলে দু-তিন বিবাহরীতি অবশ্য তখনও বর্তমান। তখনকার দিনে সন্তানহীনা স্ত্রী বংশরক্ষার জন্য নিজে উদ্যোগী হয়ে স্বামীর বিবাহ দিতেন, তার পিছনে ছিল সমাজের উৎসাহ; এমন স্ত্রী সমাজে অজস্র প্রশংসায় ধন্য হতেন। এ-সব অবশ্য সম্প্রতিশালী লোকের ঘরেই ঘটত।

'উদ্ভ্রান্ত প্রেম'-প্রণেতা স্বর্গীয় চন্দ্রশেখর মুখোপাধ্যায় আমাদের গ্রামের কুটুম্ব ছিলেন। আমাদের গ্রামে মধ্যে মধ্যে যেতেনও। তিনি 'উদ্ভ্রান্ত প্রেম' লিখে যে প্রশংসা পেয়েছিলেন, আমাদের ওখানে সে প্রশংসা উপলব্ধি করার মতো লোক ছিল না এমন নয়, ছিল; কিন্তু স্ত্রীর মৃত্যুর পর আর বিবাহ করেননি বা এমন লোক কখনও আর বিবাহ করবেন না—এই উপলব্ধির প্রশংসটাই ছিল বড়। তাই তিনি যখন আবার বিবাহ করেন, তখন লোক তাঁকে তার সে প্রশংসা দিত না। তিনিও দ্বিতীয় বিবাহের পর আর বড় একটা সম্পর্ক রাখেননি লাভপুত্রের সঙ্গে।

এমনি যখন দেশের পটভূমি পরিবর্তনমুখী, তখন আমাদের ঘরের পটভূমিতে পরিবর্তন ঘটে গেল খানিকটা দ্রুততর গতিতে। আমাদের ঘরে এলেন আমার মা। তখন আমাদের সংসারের উপর দিয়ে একটা বিপর্যয় চলে গেছে সদ্য-সদ্য। আমার পিসিমা ছিলেন পাঁচজন। তাঁদের তিনজন মারা গেছেন অল্প কিছু দিনের মধ্যেই। এক পিসিমা একই দিনে কলেরায় স্বামী-পুত্রকে হারিয়ে ঘরে এসেছেন। আমার বড় মা মারা গেলেন। তারপরই এলেন আমার মা। পাটনা শহরের প্রবাসী বাঙালী ঘরের মেয়ে, বাপ ইংরেজি-নাবিস সরকারী চাকরে। শপে এইটুকু বললেই বলা হল না। (তিনি অসাধারণ একটি মেয়ে। প্রতিভাময়ী। তিনি এসেই আমাদের সংসারকে ঠেলে এগিয়ে নিয়ে গেলেন, তখনকার দিনে আমাদের গ্রামে প্রবহমান যে কাল তাকে পিছনে রেখে অনেক দূরে।) তখনও পিতার এক পুত্র আমার বাবা মদ্যপানে মাত্রা ছাড়ান, ক্রোধে আত্মহারা হন। আমার পিসিমা একদিনে স্বামীপুত্র হারানোর বেদনায় ক্ষোভে অধীর-চিন্ত, অসহিষ্ণু প্রকৃতি, অনিবার্ণ চিতার মতো উদ্ভ্রান্ত। আমাদের সংসারে চারিদিকে বিশৃঙ্খলা। আছে সবই, কিন্তু শ্রী নাই, মাধুর্য নাই, এমন কি সেবাও নাই—কেউ অসুস্থ হলে সে একা বিছানায় রোগ-যন্ত্রণা ভোগ করে, ঝি-চাকরে এক গ্লাস জল রেখে যায়, কবিরাজ-বাড়ি থেকে ওষুধ আসে কিন্তু অনুপানের অভাবে, ওষুধ মেড়ে তৈরি করার অভাবে নিয়মিত খাওয়া

হয় না। রোগীর যন্ত্রণা তার পীড়িত মনের ক্ষুদ্র চিৎকারে গোটা বাড়িতেই নিজের রোগটা সংক্রামিত করে দেয়, এমন অবস্থা।

আমার মা এলেন আমাদের বাড়িতে। বয়স তখন পনরো। পনরো বছরের মেয়েটি বাড়িতে পা দেবা মাত্র গোটা বাড়িটার চেহারা ফিরে গেল। বাবার সমস্ত ঔষধতা মহিমময় গাম্ভীৰ্যে পরিণত হল। পরিমিত গম্ভীর মধ্যে তিনি যেন শান্ত হয়ে সাধনা-মগ্না হলেন। কৌলিক এবং দেশের মাটির যে সাধনা ও ঐতিহ্য রক্তের মধ্যে মানুষ বহন করে, তাঁর মধ্যে তা আত্মপ্রকাশ করল; বর্ষার ভাঙনের খেলায় উন্মত্ত, ভাঙা মাটির রক্তের বন্যার উচ্ছ্বাস ভরা ভৈরব নদ যেন শরৎকালের ব্রহ্মপদ্মে রূপান্তরিত হল। পিসিমা সেবায় স্নেহে ধীরে ধীরে প্রশান্ত হয়ে এলেন। বাড়ির শ্রী ফিরল। নিজের রুচিমতো তিনি ঘরগুলি সাজালেন।

বাড়িতে আমাদের কাঁঠালকাঠের আলমারি খাট চেয়ার টেবিলের রেওয়াজ ছিল। কিন্তু তাতে কোনো রঙ দেওয়া ছিল না। দেশে তখনও রঙের চলন হয়নি। বড় বড় দালান-বাড়ির দরজায় জানালায় আলকাতরা দেওয়া হত। ব্যবসায়ী ধনী স্বর্গীয় যাদবলালবাবুর বাড়ির দরজায় জানালায় সবুজ রঙ এসেছে এবং কলকাতার দোকানের বার্নিশ-করা ফার্নিচারও কিছুর কিছুর এসেছে। আমার মা এসে বাবাকে বললেন, এই খাট আলমারিগুলিতে বার্নিশ দিলে বড় ভালো হয়।

—বার্নিশ? সে দেবে কে?

—দেবে ছুতোর মিস্ত্রীতেই; তুমি কিছুর শিরীষ কাগজ আর ফ্রেণ্ড বার্নিশ সিউড়ী বা কলকাতা থেকে আনিয়ে দাও।

—আমাদের এখানকার মিস্ত্রীরা ও কাজ পারবে না।

—পারবে। আমাদের পাটনার বাড়িতে বার্নিশ করানো হয়। মিস্ত্রীদের বার্নিশ করা দেখেছি আমি। আমি বলে দেব। তোমাকে বলে দেব—তুমি মিস্ত্রীদের বন্ধিয়ে দিয়ো।

তাই হল। সাজিমাটি দিয়ে আসবাবগুলি ধোবার সময় অনেকে বললে, গেল—কাঠগুলোর দফা গয়া হল।

কিন্তু বার্নিশ শেষ হলে তারা মগ্ন হয়ে গেল, বললে—কে বলবে সেই জিনিস? গয়ায় পিণ্ড পেয়ে প্রেতযোনি থেকে মুক্তি পেয়ে নবজন্ম নবকলেবর লাভ করলে জিনিসগুলি। তারপর ঘরে রঙ দেওয়ালেন। বাবার বইগুলিকে পাঠালেন সিউড়ীতে দস্তরী-বাড়ি। বেঁধে এল সেগুলি। পুরানো ছবিগুলির সঙ্গে কিছুর নতুন রবিরবার ছবি কিনে নতুন করে পেরেক পুঁতে টাঙালেন সেগুলি, ব্রাকেটগুলিও নতুন বন্দোবস্তে টাঙালেন। ঘরের দেওয়ালে আলমারির তাক ছিল—দরজা ছিল না। সে তৈরি করালেন, কাচ বসালেন। বালিশে ঝালর-দেওয়া ওয়াড় তৈরি করে পরালেন। বাজার ঘেরাটোপ হল। বাবার বাগানের শখ ছিল, ফুল হত প্রচুর। পুজার জড় তোলা হত, এখন থেকে ফুলের মালা হতে শুরুর হল, বিগ্রহের জড় আগে—তারপর মানুষের জড়। রূপার ডিসে লম্বা গোলাসে সাজানো হতে লাগল।

বাড়িখানিতে যেন তাঁর প্রতিবিম্ব ছড়িয়ে পড়ল। পাড়ায় খবর রটল। মেয়েরা

এসে দেখে গেলেন। এমন কি স্বর্গীয় যাদবলালবাবু একদা বাড়ির দরজায় এসে ডাকলেন—হরিমামা, আমি আপনার ঘর দেখতে এলাম। শুনলাম বাঁকীপুত্রের মামী নাকি চমৎকার ঘর সাজিয়েছেন। আমি দেখব।

তিনি দেখে গেলেন।

তাঁর বাড়িও নতুন ছাঁদে সাজল। অনেক উজ্জ্বলতর শ্রী এবং শোভা হল, অবশ্য আয়োজনের মহাধর্মতা, ঝাড়-লষ্ঠনের শতক বাতির আলো সেখানে জ্বলল। কিন্তু কেরোসিনের কালি-পড়া ডিবার বদলে ঘরে মোমবাতির আলোর প্রথা প্রবর্তন করেছিলেন আমার মা।

আমার মায়ের আগে আমাদের গ্রামে পদার্পণ করেছিলেন মায়েরই মামাতো দাদি। সারা শহরের বিখ্যাত উকিলের মেয়ে। তিনিই করতে পারতেন এ রেওয়াজের প্রবর্তন; তাঁরও ছিল অনেক গুণ। কিন্তু ভাগ্যের পরিহাসে তাঁর গুণপনা কার্যকরী হয়নি। তাঁর বিবাহ হয়েছিল আমাদের গ্রামের এক অতি দরিদ্র-সন্তানের সঙ্গে। দরিদ্র-সন্তানটি নিজের শক্তিতে অধ্যবসারে এবং যাদবলালবাবুর আনুকূল্যে (যাদবলালবাবুর উপর নির্ভরশীল আত্মীয় ছিলেন) বিশ্ববিদ্যালয়ে বি. এ. পরীক্ষায় উচ্চ স্থান অধিকার করেছিলেন। আবার এই উকিলটি সন্ধান করে ছেলোটিকে বের করে তারই সঙ্গে কন্যার বিবাহ দিয়েছিলেন। কিন্তু অকালে তিনি মারা গেলেন; শুনছি মৃত্যুর দু-তিন দিন পরেই ডেপুটি ম্যাজিস্ট্রেট হিসাবে তাঁর নিয়োগপত্র এসেছিল অদৃষ্টের পরিহাসের মতো। তারই ফলে তিনি তাঁর গুণপনার প্রভাব ছড়াতে পারেননি; দারিদ্র্যদোষ গুণরাশিকে নাশ করে, এর চেয়ে সাধারণ সত্য আর নাই। শব্দ তাই নয়, তিনি অকালবেধবোর বেদনায় বোধ করি তাঁর প্রভাব ছড়াতেও চাননি।

মোট কথা, কাল-পরিবর্তনের ক্ষণে আমার মা আমাদের বাড়িতে পদার্পণ করে প্রসন্না শক্তির মতো কাজ করেছেন। শব্দ রুচির দিক থেকেই নয়, ভাবের দিক থেকেও তাঁর মধ্যে তিনি এনেছিলেন নতুন কালকে। আমার জীবনে মা-ই আমার সত্যসত্যি ধরিদ্রী, তাঁর মনোভূমিতেই আমার জীবনের মূল নিহিত আছে, শব্দ সেখান থেকে রসই গ্রহণ করেনি, তাঁকে আঁকড়েই দাঁড়িয়ে আছে। ওই ভূমিই আমাকে রস দিয়ে বাঁচিয়ে প্রেরণা দিয়ে বলেছে, ‘আকাশলোকে বেড়ে চল, সূর্য-আরাধনায় যাত্রা কর। তুলে ধর তোমার জীবন-পুষ্প দিয়ে সূর্য্যার্থী।’

আমার মায়ের দেহবর্ণ ছিল উজ্জ্বল শূদ্র। আর তাতে ছিল একটি দীপ্তি। চোখ দুটি স্বচ্ছ, তারা দুটি নীলাভ। কথাবার্তা অত্যন্ত মিষ্ট, প্রকৃতি অনমনীয় দৃঢ়, অথচ শান্ত। আর আছে জীবন-জোড়া একটি প্রসন্ন বিষমতা। সেটা তাঁর অনাসক্ত প্রকৃতির বিচিত্র বহিঃপ্রকাশ। আমার মা যদি উপযুক্ত বেদীতে দাঁড়াবার সুযোগ পেতেন তবে তিনি দেশে বরণীয়াদের অন্যতম হতেন—এ বিষয়ে আমি নিঃসন্দেহ। পড়াশুনা তিনি যথেষ্ট করেছেন। পিছালয়ে পাটনার স্কুলে নিচের ক্লাসে—বোধ হয় আপনার প্রাইমারি ক্লাসে পড়ার সময় বিবাহ হয়; পল্লীগ্রামে রক্ষণশীল পরিবারের বধু হলে সংসারের শত সহস্র কর্মের মধ্যেও তিনি তাঁর পড়াশুনা করে গেছেন।

আমার বাবার বয়স তখন সাতাশ, মায়ের বয়স পনরো, এই দিক দিয়ে অর্থাৎ সংস্কৃতির চর্চার মধ্য দিয়েই তাঁদের মানসিক মিলনের ক্ষেত্র প্রস্তুত হল। এই কারণেই আমার বাবার মতো প্রবল-ব্যক্তিগতসম্পন্ন মানুষের উচ্ছৃঙ্খল জীবনকে শান্ত-সংযত বেগবান প্রবাহে পরিণতি তিনি দিতে পেরেছিলেন। তিনি শিষ্যার মতো স্বামীর কাছে ধর্মশাস্ত্র পড়েছিলেন। সেকালের উপন্যাসগুলি সবই পড়েছিলেন; পুরাণ রামায়ণ মহাভারত তাঁর কণ্ঠস্থ; কবিকঙ্কণ চণ্ডীমঙ্গল, ধর্মমঙ্গল, মনসা-মঙ্গল পড়েছেন। হরিবংশ, ভাগবতের অনুবাদ, কালিকাপুরাণ, বৃহন্নারদীয়পুরাণ, কল্কিপু্রাণ,—এ-সবও পড়েছেন। মেঘনাদবধ, ব্রজাঙ্গনা, তিলোত্তমাসম্ভব, পলাশীর যুদ্ধ, রৈবতক, বৃহসংহার—এগুলিও সে আমলে পড়েছেন তিনি। আজ তাঁর বয়স সত্তর। ছেলে সাহিত্যিক হওয়ায় এ আমলে কিছু রবীন্দ্রনাথ, শরৎচন্দ্র, বিভূতিভূষণ, সরোজ রায়চৌধুরী এবং আমার লেখাও পড়েছেন। সেদিন নারায়ণ গাঙ্গুলীর বই পড়ছিলেন দেখেছি। আজও তাঁর পড়াশুনার অভ্যাস অটুট আছে। এবং সে অভ্যাস বিচিত্র। অম্বলের ব্যাধির জন্য আফিং খান! সম্ভার সময় আফিংয়ের ঝোঁকে একবার শূয়ে পড়েন। ঘণ্টা দুয়েক পরে ওঠেন, সকলকে থাইয়ে দাইয়ে নিজে বসেন একটি হারিকেন সামনে রেখে একখানি শাস্ত্রগ্রন্থ নিয়ে। রাত্রে এ পাঠই তাঁর সত্যকার পাঠ। এবং এ সময়ে রামকৃষ্ণকথামৃত বা অন্য কোনো শাস্ত্র ছাড়া আর কিছু পড়েন না। এমনও দেখেছি যে, রাতি দুটো, আলো জ্বলছে, মা পড়ছেন। কোনো কোনো দিন দেখেছি, সেই রাতে ভাঁড়ার ঘরে আলো জ্বলছে, মা ঘুরছেন ঘরের মধ্যে। জিজ্ঞাসা করে উত্তর পেয়েছি, ‘বইখানা শেষ হল : শুল্লাহ, ঘুম এল না, তাই কি করব? কাজ সেরে রাখছি।’ কোনো দিন দেখেছি বই বন্ধ করে আকাশের দিকে চেয়ে বসে আছেন। বলছেন, ‘বইখানা এই শেষ হল। ভাবছি।’

তাঁর হস্তাক্ষরও অতি সুন্দর। বানান নিভুল, ব্যাকরণেও ভুল করতেন না। আজকাল লেখার পাট প্রায় তুলে দিয়েছেন। আমার বাবার মৃত্যুর পর দীর্ঘকাল প্রায় বারো-চোদ্দ বৎসর আমাদের বাড়ির খসড়া জমাখরচের খাতা তিনি নিজে হাতে লিখেছেন; সে খাতাগুলি আজও আছে। পৃষ্ঠাগুলি দেখলে চোখ জুড়িয়ে যায়। কতবার মামলার দাখিল কাগজে তাঁর সই বা লেখা দেখে বিচারক সন্দেহ প্রকাশ করেছেন, এ কোনো মেয়ের হাতে লেখা হতে পারে না। তেমনি তাঁর সাহস; অনুরূপ স্বেচ্ছা।

আমাদের বাড়ির পশ্চিম ভাগে আমাদের চণ্ডীমন্ডপ। ছাটি শিবালয়, নাটমন্দির, দুর্গামন্ডপ, কালীমন্ডপ, নারায়ণের মন্দির, তার মধ্যে অনেকটা খোলা জায়গা। শিবালয়গুলির কোণে একটি বড়ো কামিনীফুলের গাছ, গাছটিতে চড়ে আমরা ছেলে-বেলায় সমবেত জনতার মাথার উপর দিয়ে বলিদান দেখতাম। একদা রাতে আমার শোবার ঘর থেকে বাইরে বেরিয়ে দেখি—মা দাঁড়িয়ে স্থিরদাঁড়িতে চেয়ে বসেছেন চণ্ডীমন্ডপের দিকে। প্রশ্ন করতেই নীরবে দেখিয়ে দিলেন কামিনীগাছটাকে। জ্যোৎস্না-লোকিত রাতে দেখলাম—কামিনীগাছের গাছটির ষেখান থেকে দাঁটি ডাল বেরিয়ে পৃথক হয়েছে, সেখানে দাঁড়িয়ে আছে একটি শূদ্রবস্ত্রাবৃত মূর্তি। মধ্যে মধ্যে গাছের

ডাল দুটিকে নাড়া দিয়ে দোলাচ্ছে। শিউরে উঠলাম। তারপর তিনি নিচে নামলেন। প্রশ্ন করলাম—কোথায় যাবে? তিনি আঙুল বাড়িয়ে ওই ছায়ামূর্তি দেখিয়ে দিলেন।

—সে কি?

—দেখে আসি।

তিনি বাইরের দরজা খুলে তখন এগিয়েছেন। আমাকে অগত্যা অনুসরণ করতে হল। খানিকটা গিয়ে তিনি হেসে উঠলেন। বললেন—জ্যোৎস্না। কালো গাছের ফাঁকটায় জ্যোৎস্না পড়েছে।

সত্যিই তাই। কাছে গিয়ে দেখলাম, গাছের ফাঁকটি এই রাত্রি পল্লবের কালো রূপের মধ্যে জ্যোৎস্নার আলোয় ঠিক মানুষের আকার নিয়েছে।

একবার আমাদের খিড়কিতে একটি শেওড়াগাছের মধ্যে দুটো জ্বলন্ত চোখ দেখে এগিয়ে গেলেন তার তত্ত্ব নির্ধারণের জন্য।

সবচেয়ে তাঁর সাহস এবং সৈখ্য দেখেছি সাক্ষাৎ কালস্বরূপ সাপের সম্মুখে। আমাদের বাড়িতে অর্থাৎ জ্যেষ্ঠ পিতামহের বাড়িতে ও আমাদের বাড়িতে গোখুরা সাপের প্রাদুর্ভাব বেশি। আজ পঞ্চাশ বছর ধরেই দেখে আসছি। গ্রীষ্মকাল থেকে শীতের প্রারম্ভ পর্যন্ত অন্ততঃ চার-পাঁচটা বড় বড় গোখুরা মারা পড়েই প্রতি বার। এর সঙ্গে কয়েকটা চিতি, মধ্যে মধ্যে ভরৎকর দু-একটা চন্দ্রবোড়া। এক এক বৎসর বাড়ির কাছপিঠে বাচ্চা হলে বিশ-ত্রিশটা গোখুরার আধ হাত থেকে হাতখানেক লম্বা বাচ্চাও মারা পড়ে। একবার তিন-চার দিনে তেতাল্লিশটা বাচ্চা বোরয়েছিল। সে-বার প্রথম বাচ্চাটা দেখা দিয়েছিল মায়ের পায়ের উপর। রোয়াকে উঠানে পা ঝুলিয়ে মা বসে আছেন, গরমের সময়, এখানে ওখানে বসে আছেন আরও সকলে। মা কথা বলতে বলতে স্থির হয়ে গেলেন। কথাও বলেন না, নড়েন না, মাটিব মূর্তি যেন।

পিসিমা ডাকেন—বউ!

উত্তর নাই।

—মা!

উত্তর নাই।

কে যেন শঙ্কিত হয়ে তাঁর গায়ে হাত দিতে উদ্যত হতেই তিনি মৃদু কণ্ঠে বললেন—সাপ।

—কোথায়?

—আমার পায়ের উপর দিয়ে যাচ্ছে। চূপ কর।

কয়েক মৃদুহৃৎ পরেই বলেন—আলো। পা তুলে নিয়ে উঠে দাঁড়ালেন। দ্রুতপদে একটা আলো নিয়ে ফিরে এসে দেখলেন, উঠান এবং রোয়াকের কোলের নালা বেয়ে চলেছে গোখুরা সাপের শিশু; আলো এবং মানুষের চাঞ্চল্যে তার নানোহর চক্ৰ প্রসারিত করে মাথা তুলে দাঁড়াল। মা হাসলেন, কিছূ বললেন না।

আশ্চর্য তাঁর এই সাপ সম্পর্কে সজাগবোধ। ঘরে সাপ বের হলে তিনি ঘরে ঢুকবা মাত্র বন্ধুতে পারেন। মাটির উপর সাপের বৃকে হাঁটার একটা শব্দ আছে। সে শব্দ যত মৃদুই হোক, তাঁর কানে ধরা পড়তই। পড়ত এই কারণে বলছি যে,

আজকাল মায়ের কানের শক্তি নষ্ট হয়ে গেছে। তাতেও তিনি বদ্ব্যভিচারে পড়েন বিচিত্র পৰ্যবেক্ষণশক্তি। ভাঁড়ার ঘরেই সাপ বের হয় বেশি। সাপ ঘরে স্থির হয়ে থাকলেও তিনি ঘর থেকে বেরিয়ে আসেন। বলেন—আলোটা দেখি। ঘরে বোধ হয় সাপ রয়েছে।

আলো না নিয়ে ঘরে ঢোকাটাই তাঁর অভ্যাস। হাজার বলেও আলো নেওয়ার অভ্যাস তাঁর হয়নি। আলো নিয়ে ঘরের মধ্যে ঢুকে তিনি সাপের সন্ধান করেন। এবং অধিকাংশ ক্ষেত্রেই বের করেন—ওই, ওই। কোনো ক্ষেত্রে চলে যায় সাপ আলোর ছটা পেয়ে, কোনো ক্ষেত্রে বেরিয়ে পড়ে, মা আলো সামনে রেখে গতিরোধ করে আমাদের বলেন—লাঠি আনো, মারো। ক্ষেত্রবিশেষে বেদে ডাকানো হয়। বেদে ধরে নিয়ে যায়।

যে সাপ স্থির হয়ে থেকে গর্জন না করে নিজের অস্তিত্ব গোপন রাখতে চায়, অন্ধকারেও তার অস্তিত্ব কেমন করে তিনি বদ্ব্যভিচারে, এ প্রশ্ন প্রথম জীবনে সবিষ্ময়ে একদিন করেছিলাম—কি করে বদ্ব্যভিচারে তুমি?

হেসে বলেছিলেন—ঘরে ঢুকেই দেখলাম সব স্থির। আরসুদার উড়ছে না, ইন্দুর দলের নাচের আসর বসেনি; বদ্ব্যভিচারে, ঘরে নিশ্চয় এমন কেউ এসেছেন যাঁর সামনে এ-সব বেয়াদপি চলে না। ভীষণ শাসন তাঁর।

আরও তত্ত্ব আছে, সে তত্ত্বটি সকল সময় ধরা পড়ে না। সাপ ও সাপিনীর মিলনের সময় সাপিনীর গায়ে কাঁঠালীচাঁপার গন্ধের মতো গন্ধ বের হয়। এই গন্ধের তথ্যও তিনিই আমাকে বলেছিলেন। বেদেদের কাছে তথ্যের তত্ত্ব অবগত হয়েছিলাম পরে। এর সমর্থনও পেয়েছি সাপের সম্পর্কে যাঁরা বই লিখেছেন তাঁদের বইয়ে।

এই দিক দিয়ে তাঁর তীক্ষ্ণ বুদ্ধি এবং সাহসের আর দুটি কথা বলব। যদি নিজের মায়ের কথা কিছু বেশিই বলা হয়, তবে মার্জনা পাব ভরসা আছে।

আমার আট বছর বয়সের সময় আমার বাবা মারা যান। তারপর আমাদের বাড়ির অভিভাবক হয়ে আসেন আমার বাবার মাতুল। তাঁরও প্রিসংসারে কেউ ছিল না—তাঁর ওই ভাগিনেয়টি ছাড়া। আমাদের ভাগ্য-বৎসর চারেক পরে তিনিও মারা গেলেন এবং আমরা সংসারে হলাম একান্তভাবে পুরুষ-অভিভাবকহীন। বাড়িতে নায়েব একজন এবং আমার ভাইদের পড়াবার জন্য একজন মাস্টার গৌর ঘোষ, তা ছাড়া চাকর ও চাপরাসী। এ ছাড়াও গরু-বাছুরদের পরিচর্যা জন্য দু-তিন জন বাড়রী জাতীয় চাকর। বৈঠকখানার উঠানে ধানে বোঝাই মরই তিন-চারটি। কয়েকদিন পরেই চাপরাসী, নায়েব, চাকর এবং গৌর ঘোষদের মদুখপাত্র হিসাবে গৌর ঘোষ সবিনয়ে গাকে বললেন—মা, অপরাধ নেবেন না; একটি কথা বলব। পিসিমাকে বলতে সাহস হয় না, উনি রেগে উঠে হয়তো -

—কি বল?

—বৈঠকখানায় তো টেকা কঠিন হল মা।

—কেন? বলেই মা বললেন—ও! ভয় পাচ্ছ তোমরা?

—হ্যাঁ মা। কত'া বোধ হয়—

অত'াৎ প্রেতষানি প্রাপ্ত হয়েছেন।

এতক্ষণে নায়েব বললেন—সমস্ত রাত্রি, যে ঘরে তিনি মারা গিয়েছেন, সেই ঘরে হট-হট শব্দ হয়, চেয়ারে খাটে যেন কেউ বসেন উঠেন। ভয়ে মা, শরীর হিম হয়ে যায়।

পিসিমা শুনিয়েছিলেন কথাটা। তিনি প্রথমটা রাগই করলেন।

তাঁরা সভয়ে চলে গেলেন। আধ ঘণ্টা পরে ফিরে এসে চুপি চুপি ডাকলেন—
মা! পিসিমা!

—কি?

—দয়া করে একবার আসুন, নিজের কানে শুনেন যান।

মা উঠলেন, পিসিমাকেও উঠতে হল।

বৈঠকখানার বারান্দায় এসে দাঁড়ালেন। কান পেতে রইলেন।

হট্-হট্। খট্-খট্। তার পর দুম শব্দ উঠল।

যে ঘরে বাবার মাতুল মারা গিয়েছিলেন, সেই ঘরের মধ্যে। সকলে আঁতকে উঠলেন। মা কিন্তু এগিয়ে গিয়ে ঘরটার তাল খুললেন। আলো নিয়ে ঘরের ভিতর ঢুকলেন। দেখলেন, সত্য সত্য চেয়ার টেবিল সরে নড়ে গিয়েছে। একটা চেয়ার উল্টে পড়ে আছে।

পিসিমা সকাতরে বললেন—বউ, কি হবে?

মা কেনও উত্তর দিলেন না। চারিদিক দেখলেন—তারপর আবিষ্কার করলেন একটি জানালা একটু খোলা রয়েছে। তিনি এগিয়ে গেলেন, জানালাটি বেষ করে বন্ধ করে খিল এণ্টে দিয়ে বললেন, সমস্ত জানালার খিলে একটা করে পেরেক এণ্টে দিন দেখি।

দেওয়া হল। তারপর বললেন—এইবার দেখুন।

দুদিন পর আবার তাঁরা বললেন—মা, ওই কবে কি অশরীরীর উপদ্রব বন্ধ হয়?

—আবার হচ্ছে?

—ঘরে অবশ্য কিছু হচ্ছে না। সমস্ত রাত্রি চালের উপর চলে বেড়াচ্ছেন। মচ মচ শব্দ হচ্ছে। পরের দিন মা একটা পেয়ারা গাছ কাটিয়ে দিলেন। গাছটা ছিল বাড়ির বাইরে। কিন্তু ডাল এসে পড়েছিল চালের উপর।

এবার সবই বন্ধ হল। তাঁরা বললেন—বুঝতে পারিনি মা। ওই মরাঠয়ের ধান নেবার উদ্যোগ পর্ব হচ্ছিল। যাতে ভয় পাই, শব্দ হলেও না উঠি।

কিন্তু সেই দিন রাত্রেই বাড়ি থেকে খেয়ে বৈঠকখানায় ফিরে তাঁরা সদলে চিংকার করে উঠলেন। গোঁর ঘোষ খুব উচ্চ দরের ভূতের গম্প বলিয়ে ছিল—সে বাড়ির ভেতর পর্যন্ত ছুটে এসে পড়ে গেল।

—কি হল?

—প্রচণ্ড শব্দ করে গাছের উপর কত'া 'বাঁপ' বলে লাফিয়ে পড়লেন।

—বল কি? মা বের হলেন।

—বউ, যেয়ো না। বউ! পিসিমা ডাকলেন।

বউ শুনলেন না। গিয়ে যে কাঁঠাল গাছটার উপর কত'া লাফিয়ে পড়েছিলেন, মাথার উপর আলোটা তুলে সেই গাছটার উপর আলো ফেললেন।

‘বাঁপ’ শব্দ করে এবার লাফ দিয়ে মাটিতে পড়লেন তিনি। তিনি কত'া নন। পাউব বিড়াল একটা। এক ধরনের বন্য বিড়াল। অবিকল ‘বাঁপ’ বলে চিংকার করে। সকলেই তখন বললে—বললাম গৌর, ভালো করে দেখ। তা না, ছুটে চলে গেলে বাড়ি।

গৌর বেচারী তখন একপাটি চটির অন্ত্রাণে বাস্তু থেকে লজ্জা থেকে অব্যাহতি পাবার চেষ্টা করছে—এক পাটি আবার কোথায় গেল? কি বিপদ।

বিপদই বটে। ছুটে পালাবার সময় ছটকে বেরিয়ে গিয়ে ঢুকেছে হাত দশেক দূরে মালতী লতার ঝোপের মধ্যে।

মায়ের এই সাহস আমার পক্ষে বিপদের হেতু হয়েছিল এক সময়। প্রথম সিগারেট খেতে শিখি তখন। রাত্রে বৈঠকখানায় অন্ধকারে আরাম করে সিগারেট খাচ্ছি। হঠাৎ হাত পড়ল পিঠে। ফিরে দেখি, মা দাঁড়িয়ে। কখন নিঃশব্দপদসম্মারে এসে দাঁড়িয়েছেন। চমকে উঠলাম। হাত থেকে সিগারেট পড়ে গেল। মা বললেন—ছি! তারপর চলে গেলেন।

এই সময়ে অর্থাৎ কৈশোর ও যৌবনের সন্ধিস্থলে তিনি যেন আগলে ফিরতেন আমাকে। সর্বাপেক্ষা রাগ হত এবং বিপদ হত আমার উপন্যাস পড়া নিয়ে। তখন যা পাই পড়ি। পড়ি না শব্দ পাঠ্য-পুস্তক। কিন্তু প্রতি বই পড়তে গিয়েই ধরা পড়ি তাঁর কাছে। তাঁরও ক্রান্তি নেই, আমারও ক্রান্তি নেই। অথচ এই গল্পের প্রতি আমার অসাধারণ আসক্তি মূল তিনি। তিনি আমার গল্পের আসক্তি জন্মিয়েছেন। অসাধারণ তাঁর গল্প বলার শক্তি ছিল। আমি আমার জীবনে চারজন প্রথম শ্রেণীর গল্প-বলিরের সাক্ষাৎ পেয়েছি। প্রথম আমার মা। যেমন বলতে পারতেন গল্প, তেমনি অফুরন্ত ছিল তাঁর ভাণ্ডার। অনেক গল্প আরও মনে আছে। আজও কানে বাজছে—

“কোথা গো মা কাজলহারা

মুন্ডাও আমার অশ্রুধারা

প্রাণে মরবে মুন্ডাহারা

আসবে রাজা মিনকোহারা

পঙ্কজীহারা কন্যাহারা—

চোখের জলে ভাসবে ধরা।”

“রাজা মিনকোহারা মস্ত রাজা। দুই রানী তাঁর, মুন্ডাহারা আর কাজলহারা। মুন্ডাহারা বন্দী, কাজলহারার একটি মাত্র কন্যা—ননীল পুতলী, যেমন লাভণ্য তেমনি রূপ। মিনকোহারা গেলেন দিগ্বিজয়ে। সুযোগ পেলেন মুন্ডাহারা তাঁর সতীনের উপর হিংসা চরিতার্থ করার। কাজলহারা কিন্তু অত্যন্ত সরলা। তিনি দিদি বলেন মুন্ডাহারাকে। ভক্তি করেন, বিশ্বাস করেন। সুযোগ নিলেন মুন্ডাহারা, মিষ্ট কথা

কাজলহারাকে ডেকে বললেন—আয় কাজল, তোর চুল বেঁধে দি। কাজলহারা দিদির সমাদরে উৎফুল্ল হয়ে চুলের গুচ্ছ-দাঁড়ি নিয়ে ছুটে এসে বসলেন ছোট আদুরে মেয়েটির মতো। মজ্জাহারা অবিকল সাপের মতো আকার দিয়ে বাঁধলেন বেণী, তারপর একটি মন্ত্রপুত্র শিকড় তাঁর খোঁপায় গুঁজে দিলেন। সঙ্গে সঙ্গে কাজলহারা হয়ে গেলেন এক অজগর সাপ। হয়ে তিনি রাজপুত্রী থেকে বেরিয়ে নগরের প্রান্তে একটি গাছের কোটরে আশ্রয় নিলেন। পিছন পিছন তাঁর মেয়েটি এসে—সেই কোটরের ধারে বসে ঐ বলে কাঁদতে লাগল।” এই গল্প। কিন্তু ওই যে রাজকন্যার কান্না—সে-কান্নায় শ্রোতার সাক্ষরী দীর্ঘশ্বাস ফেলত, আমি কাঁদতাম। আজও আমার মনে আছে, তার সেই বিলাপের অবিকল শব্দবিন্যাস। গল্প শেষে মা হেসে আমার চোখ মর্দাচ্ছে দিয়ে একটি হিন্দী প্রবাদ-বাক্য বলতেন—বলনেওয়ালো ঝুটো, শুননেওয়ালো সাজ্জা, অর্থাৎ গল্প যে বলে সে বলে মিথ্যে, কিন্তু যে শোনে সে শোনে সত্য।

হামার মায়ের মধ্যে ছিল গভীর স্বদেশানুরাগ। আমার বাবারও ছিল। রাখী-বন্ধন অনুষ্ঠান যখন প্রথম অনুষ্ঠিত হয়, তখন তাঁর ডায়েরিতে পাই—৩০শে আশ্বিনের ডায়েরি—“বেংগল পার্টিশন হইয়াছে, হিন্দু, মুসলমান সকল জাতিই মনে মনে দুঃখ পাইয়াছে। বঙ্গদেশের এই দুঃখে বঙ্গবাসীগণ আজ নুতন করিয়া জাগ্রত হইতেছেন। পরাধীনতায় দুঃখ অনুভব করিতেছেন। এই উপলক্ষে কলিকাতার কবিবর রবীন্দ্র ঠাকুর এবং সুরেন্দ্রনাথ বন্দ্যোপাধ্যায় মহাশয় বিজ্ঞাপন দ্বারা বঙ্গবাসীকে পরস্পরের হস্তে হরিদ্রাবর্ণের রাখী বাঁধিতে বলিয়াছেন। সকল বঙ্গবাসীই তাহা পালন করিবে। ইহা দ্বারাই আমরা একতাসূত্রে আবদ্ধ হইব। হয়, আজ ৯৫০ বৎসর পরে ঈশ্বরের কি মহিমা যে ভারতের দারিদ্র সন্তানগণ একতাসূত্রে আবদ্ধ হইতে সংকল্প করিয়াছে? হে বিশ্বপিতা, বিশ্বপতি, জগদীশ্বর—হে জগজ্জননী, অসুরদর্পদলনী মা—একবার তোমাদের চির-আশ্রিত শরণাগত ভারত-সন্তানগণকে—যাহাদের জন্য তোমরা যুগে যুগে এই ভারতভূমে অবতীর্ণ হইয়া পাপের নাশ করিয়াছ—পুণ্যের প্রতিষ্ঠা করিয়াছ—অসুর প্রাদুর্ভাব দলন করিয়াছ—তাহাদের শক্তি দাও, তাহাদের হৃদয়ে পুণ্যের আলোক প্রজ্বলিত কর। সত্যধর্ম—হিন্দুধর্মকে গৌরবান্বিত কর। দীনবন্দো, কৃপা কর—কৃপা কর—কৃপা কর।” অন্যত্র পাই তিনি দেশপ্রেমোদ্দীপক ‘পদ’ রচনা করেছেন।

আমার মায়ের দেশপ্রেম ছিল অবাস্তব। তিনি পাটনার মেয়ে। বাস্তব রাজনীতিবোধ তাঁর সুদৃষ্টিমাত্র ধর্ম এবং অদৃষ্টির উপরে নির্ভরশীল ছিল না। আমার বড় মামার মধ্যে মানিকতলার দলের ঢেউ এসে লেগেছিল। পরবর্তীকালে আমার সেজ মামা—তিনি আমার থেকে চার পাঁচ বৎসরের বড় ছিলেন—তিনি উত্তর-ভারতের বিপ্লবীদের দলভুক্ত হয়েছিলেন। অকালে বিশ-বাইশ বৎসর বয়সে তিনি প্লেগ রোগে মারা যান। পরে বেনারস কনস্পিরেসি কেসে তাঁর নাম কয়েকবার উল্লিখিত হয়েছে—তাঁর পরবর্তী ছোট ভাইকে তাতে সাক্ষ্যও দিতে হয়েছে।

ঐ প্রথম রাখীবন্ধনের দিন আমার বড় মামা লাভপুরে ছিলেন। তিনি রাখী

এনে আমার মায়ের হাতে বেঁধে দিতেই মা তাঁর হাত থেকে একটি রাখী নিয়ে আমার হাতে বেঁধে দিয়ে মন্ত্র পড়েছিলেন—বাংলার মাটি—বাংলার জল—

এই ঘটনাটির উল্লেখ ‘ধাত্রীদেবতা’য় আছে। ‘ধাত্রীদেবতা’র মায়ের সঙ্গে আমার মায়ের খানিকটা সাদৃশ্য আছে। আমার আত্মীয়া একটি কলেজে-পড়া মেয়ে ‘ধাত্রীদেবতা’ পড়ে বলেছিল—‘আপনি নিজের মাকে একেবারে মহিমময়ী করে বই লিখেছেন।’ আমার মা সভাই মহিমময়ী।

আজ তিনি বৃদ্ধা, জীবনের দীপ্তি হ্রাস পেয়ে আসছে। সে আমলের সে দীপ্তিময়ীকে প্রথম দর্শনে চেনা যায় না, তার বদলে দেখা যায় এক অপরিচিন্তা করুণা-ময়ী নারীকে, যার বুকো আজ সকল আগুন জ্বল হয়ে অক্ষয় সরোবরের সৃষ্টি করেছে। সামান্য জীবজন্তুর কষ্ট দেখা দূরের কথা—শুনলেও সে সরোবরে উচ্চ্বাস উঠে। আছে শব্দ, আত্মার সেই আকৃতি। সেই আকৃতিতে তিনি প্রতীক্ষা করে আছেন মৃত্যু কবে আসবে সেই দিনের। এ প্রতীক্ষা জীবনের পরাজয়ের তিতিক্ষায় নয়, মৃত্যুর মধ্যে অমৃতময়ের সাক্ষাতের প্রত্যাশায়।

চার

মা আমার মহিমময়ী। কালের নতুন পদপাতে আলপনায় পদশোভা আঁকবার শক্তি এবং নৈপুণ্য নিয়ে জন্মেছিলেন বা অর্জন করেছিলেন বলেই তিনি শব্দ মহিমময়ী নন। আরও কিছু আছে। সেটা হল—নতুন পদপাত করে কাল যে নব-যুগ-ভাষাতে প্রকট হলেন, তাতেই তাঁর জীবনদর্শন বা ভাবনা গাঢ়ীকৃত হয়। যুগ-ভাষায় প্রকট কালের মহাকালরূপ দর্শনের ব্যাকুলতা তাঁর অসীম। নতুনকে আসন ও অর্ঘ্য দিয়ে বরণ করেছেন; যুগধর্মকে যুগের প্রভাবকে সাগ্রহে গ্রহণ করেছেন; কিন্তু জীবন-ভাবনায় মানুষ যা চিরদিন ভেবে এসেছে, সে ভাবনা তাঁর গভীর; সেই ভাবনাতেই আজ বৃদ্ধ বয়সে তিনি তন্ময়, তাই সমস্ত কিছুর মধ্যে মানব-জীবনের অমোঘ নীতিবোধটিই তাঁর প্রেম জীবন-মন্ত্র; এবং তাঁর আটটি বৎসরের জীবন গঙ্গাধারার মতো পবিত্র নিরাসক্তির স্রোতোধারায় অহরহই যেন সদ্যস্নাত। পৃথিবীর সম্পদকে, স্নাতকে তিনি তুচ্ছ বলেন না, লক্ষ্মীকেই তিনি শক্তিরূপা বলে থাকেন, পূজাও দেন, প্রণামও করেন, কিন্তু তাঁর ইচ্ছা দেবতা হলেন বৈরাগ্যের দেবতা শিব।

মায়ের প্রসঙ্গে এই কথা বলাই যখন তখন এ-কথাটিও বলতে হবে সঙ্গে সঙ্গে যে, সে-কালে এই ভাবনাটি প্রায় প্রতিটি মানুষের মধ্যে ছিল। আমাদের দেশের সামাজিক ইতিহাস যারা চর্চা করেছেন, তাঁরা বলেন—এই বোধ বা আধ্যাত্মিকতা মাত্রাতিরিক্ত রূপে এ দেশের মানুষের মনে এমন প্রভাব বিস্তার করেছিল যে, ঐহিক

সমস্যার সমাধানে সমগ্র জাতিটাকেই ক্রীষ করে তুলেছিল। ইতিহাসে তার নজীর আছে। হিন্দুর পরাজয়ের আর অবধি নাই, যে এসেছে—শক-হুন, চোঙ্গজ খাঁ, তৈমুরলঙ্গা, পাঠান, মোগল, ইংরেজ—সবার কাছেই তাকে হারতে হয়েছে। শব্দ কি মানুষেরই কাছে হেরেছে? সরাস্রপ, পশু—এর কাছেও হার মেনে এদের দেবতার আসনে বসিয়ে পূজা করেছে। মনসা পূজা, দক্ষিণরায় পূজা আজও একেবারে বিলুপ্ত হয়নি। সত্যসত্যই জীবনদর্শন তখন বিকৃত হয়ে উঠেছিল। আধ্যাত্মিকতা পরিণত হয়েছিল তেত্রিশ কোটী দেবতার পূজা-সমারোহে—কোটী কোটী অক্ষম মানুষের ‘দেহি দেহি’ প্রার্থনা-কোলাহলে; ভাবনাও মন থেকে নির্বাচিত হয়ে বাইরে এসে নিয়োছিল অর্থহীন আকার ও অশ্ব সংস্কারের চেহারা।

এ সব স্বীকার করেও কিন্তু আমার মন সে-কালকে কালাপাহাড়ের ডাঙা প্রস্তর বিগ্রহের মতো বিসর্জন দিতেও পারে না, শব্দ পাথরের পদতুল বলে মিউজিয়ামের বস্তু বলেও ভাবতে পারে না। ওর মধ্যে কোথায় যেন কি আছে। বিচিত্র বিস্ময়কর কিছদ। তেত্রিশ কোটী দেবপূজার শব্দকনো বা পচা ফুলের রাশির মধ্যে ওই বৈরাগ্যের দেবতা শিবের প্রসাদী নির্মাল্য, অশ্মান বিল্বপত্রের মতো কিছদ। আমার পূজা তাকে না দিয়ে পারি না।

একটু খুঁলেই বলতে হবে। সে-কালেও দেখেছি, আবার আজকের কালেও দেখছি। সে-কালের বিকৃতিকে স্বীকার আমি আগেই করেছি। আবারও করছি। বার বার স্বীকার করছি এবং যে আবর্জনার স্তূপ পচে উঠে ওই চির-অশ্মান দল্লভ বস্তুটিকে চেপে রেখেছিল তা স্মরণ করেও শিউরে উঠছি। মনে পড়ছে এই জঞ্জাল আমার মাথার চুলে বাসা গেড়েছিল ছেলেবেলায়। ছেলেবেলায় আমার মাথায় মেয়েদের মতো লম্বা চুল ছিল। অল্পপ্রাশনের সময় চুড়াকরণের জন্য কয়েকটি দাগ কেটে ক্ষুদ্র বুলানোর পর পাঁচ বছর বয়স পর্যন্ত চুলে আর কাঁচি ঠেকেনি। লম্বা পিঠ পর্যন্ত চুল অনেকে শখ করে আজকাল রাখেন, শখের দায়ে অনেক কিছদই সহ্য হয় : কিন্তু আমার চুল শখের ছিল না। মাথার লম্বা চুলে আঠা বাঁধত, চুল শব্দকুতে হত, মধ্যে মধ্যে উকুন হত, সত্যসত্যই সে আমার মাথায় ছিল জঞ্জালের বোঝা। একদা চুলের এই জঞ্জাল-স্বরূপ এমন উৎকটভাবে আমার কাছে আত্মপ্রকাশ করলে যে, সে-কথা আর বলবার নয়। একদিন রাতে বিন্দুনি বাঁধা আমার মাথায় আমার তিন বছরের বোন বিষ্ঠা লেপন করে দিলে। গভীর রাতে সে এক প্রায়শ্চিত্ত। বিন্দুনির ছাঁদের ফাঁকে ফাঁকে ঢুকেছে ময়লা। সেই বিন্দুনি খুঁলে সেই রাতে স্নান করতে হল। সেই রাতে মনে হল আমার, কেন আমি চুল রাখব? কাটবই আমি চুল।

কিন্তু নিরুপায় অসহায় আমি। এ চুল দেবতার কাছে মানতের চুল। একা আমার নয়, অনেকের মাথায় মানতের চুল থাকত। কারও পাঁচ বৎসর, কারও দশ বৎসর, কারও উপনয়ন পর্যন্ত (ব্রাহ্মণদের) চুল বাড়ত, কারও কারও আবার চুলের সঙ্গে জটাও থাকত মানত, জটা তৈরি হত সমস্ত পরিচর্যায়। ঠিক আমারই বয়সী আমার বালাসঙ্গী বর্দি বা বৈদ্যনাথের চুল এবং জটা ছিল তেরো বৎসর বয়স

পৰ্বন্ত। তার উপনয়ন পৰ্বন্ত মানত ছিল, উপনয়ন হয়েছিল তেরো বৎসর বয়সে। বেচারী মাথায় রীতিমতো খোঁপা বেঁধে ইঁস্কুলে যেত। ওই সময়ে শুনতাম—যখন সে ছোট ছিল, তখন বয়স্কেরা কৌতুক করে বলতেন—কই, তেঁতুল পড়া দেখাও তো! বলেই বলতেন—জট নড়ে, তেঁতুল পড়ে, জট নড়ে, তেঁতুল পড়ে। আর সঙ্গে সঙ্গে বদীর মাথা ঘন ঘন নড়তে শব্দ করত, জটা দুটিও আন্দোলিত হত তেঁতুলের সোঁটার মতো। বড় হয়ে লজ্জা পেত বৈদ্যনাথ। হঠাৎ আমার সন্যোগ এল এ-জঞ্জাল মন্ত হবার। সে-দিন আনন্দের আমার সীমা ছিল না। ব্যক্তিগত জঞ্জাল-জদ্বালার অসুখ-অসুবিধা ছাড়াও আরও অনেক কিছু ছিল চুলের বেদনা। এ বয়সের কথা বত কিছু মনে আছে তার মধ্যে চুলের জন্য লজ্জা পাওয়ার কথা মনে আছে। বাইরের লোকে আমাদের দেখে প্রথমেই খুকী বলে সম্বোধন করত। একদিনের কথা আজও মনে আছে আমার। তখন আমার বয়স তিন বছর। প্রথম মামার বাড়ি যাচ্ছি পাটনায়। ট্রেনে চড়েছি প্রথম। আদমপুর স্টেশনে যখন ট্রেনখানা এসে প্রথম ঢুকল—সে ছবি আমার মনে জ্বলজ্বল করছে একটা টকটকে লাল ছবির মতো। মনে পড়ছে ইঞ্জিনের মুখটায় টকটকে লাল রঙ দেওয়া ছিল আর ঝকঝক সোনার মতো উজ্জ্বল পিতলের হরফে কিছু লেখা ছিল। সেই সঙ্গে মনে পড়ছে—কামরার ভিতর বাবা, মা, মায়ের কোলে কয়েক মাস বয়সের আমার বোন এবং আমি। আর মাথায় কালো টুপি-পরা এক ভদ্রলোক বসে আছে। রেলিং দেওয়া ঘেরা ছোট্ট খাঁচার মতো কামরা। ওই ভদ্রলোক আমাকে জিজ্ঞাসা করেছিলেন—কি খোকী, মামা-বাড়ি যাচ্ছ? আমি যে কী লজ্জা পেয়েছিলাম—সে আর কী বলব। হাতে ধরে বিনদুর্নি দরটোকে টানতে শব্দ করেছিলাম।

গ্রামের অনেক প্রবীণ, বাঁরা নাকি সম্পর্কে ছিলেন ঠাকুরদাদা—তাঁরা রহস্য করে বলতেন তারাশঙ্করী। বাল্যবন্ধুরাও শব্দে কথাটা শিখে নিয়েছিল।

তবুও কাটবার কোনো উপায় ছিল না।

মনে মনে দারুণ ভয় ছিল—বাবা বৈদ্যনাথের মানতের চুল। এর একগাছি চুল ছিঁড়ে গেলে দেবতা রাগ করবেন।

আজ ভাবি এই সব কথা। সে-সব জঞ্জাল আজ ধীরে ধীরে পরিস্ফুট হতে শব্দ হয়েছে ভেবে আশ্বাস পাই। আবার সঙ্গে সঙ্গে প্রাণের আকৃতিতে তাকে খুঁজতে দেখি। সে আমলকে চোখে দেখেছি—অন্তরে-অন্তরেও অনুভব করেছি বলেই স্পষ্ট বুদ্ধিতে পারি জীবনের হবিকে ভস্মে ঢালার মর্মকথা। আমাদের সমাজের যে সব মানুষের স্বপ্ন আয়, কিছু কৃষিক্ষেত্র নিয়ে স্বচ্ছন্দে সংসারযাত্রা চালিয়ে আসছিলেন—তাঁরা অকস্মাৎ সম্মুখীন হলেন এক অভিনব সভ্যতায়, বার ফলে অবশ্যম্ভাবীরূপে আরম্ভ হয়ে গেল এক অর্থনৈতিক বিপ্লব। বিপ্লব উপস্থিত হলেই বিপর্যয়ের দংশ শব্দ হয়। সেই দংশ থেকে পরিগ্রহের পথ ছিল বাইরের জগতে গিয়ে—যে জগৎ গ্রামের অর্থ টেনে নিয়ে যাচ্ছিল, সেখান থেকে অর্থ উপার্জন করে আনা। কিন্তু সে শিক্ষা ছিল না, সাহসও ছিল না। সে আমলের সুখীর অন্যতম সংজ্ঞাই ছিল অপ্রবাসী।● সেই কারণে প্রবাসবাস ছিল দংশদায়ক, এবং

সংসারে যা দৃঃখদায়ক তাই ভীতির বস্তু। আর শূদ্র হরোছিল শিক্ষা-বিস্তার।
 যাঁরা ইংরেজি জানতেন না তাঁদের সম্মুখে বাইরের জগতের পথ ছিল রুদ্ধ ; অন্তত
 তাঁরা তাই মনে করতেন। অথচ ব্যক্তিত্বের যোগ্যতায় তাঁরা আজকের দিনের উচ্চ-
 পদস্থের চেয়ে হীন কি অক্ষম ছিলেন না। এ-কালের শিক্ষা তাঁদের ব্যক্তিত্ব ও
 যোগ্যতার সঙ্গে যুক্ত হলে সমান কৃতিত্বের পরিচয় তাঁরা দিতে পারতেন। এই
 অবস্থার মধ্যে পড়ে এই সব মানুষই অসহায় হয়ে একমাত্র দৈব বিশ্বাসকে আঁকড়ে
 ধরে ছিল। বিশ্বাস ছিল না নিজের উপর, ভরসা ছিল না রাজশক্তির উপর, স্নেহের
 একটা ভরসামূল্য ছাড়া মানুষ বাঁচে কি করে? ধর্মের অবস্থা তখন বিকৃত। এই
 কালে ধর্মের বিকৃত অবস্থাটা ঐতিহাসিক সত্য। তাই অসহায় মানুষ ক্ষুদ্রতম
 দৃঃখের জন্য দেবতাকে মানত করেছে। এবং মানত করেছে বা করতে চেয়েছে তার
 সব কিছু। নখ থেকে চুল থেকে প্রিয় আহাৰ্য এবং আরও অনেক কিছু। আমি
 হাত মানত রাখতে দেখেছি। ডান হাত এক বৎসরের জন্য মানত রেখেছিলেন
 আমার পিসিমা। ডান হাতখানি দেবতাকে দিয়ে সংসারের সকল কর্ম বাঁ হাত
 দিয়ে করতেন; প্রচণ্ড প্রীতিতে ঘেমে সারা হচ্ছেন—বাঁ হাতে পাখা চালাচ্ছেন—বাঁ
 হাত ভেরে গিয়েছে, পাখা রেখে দিয়েছেন, তবু ডান হাতে পাখা স্পর্শ করেননি।

এক কালের নগর ভেঙে পড়ল জীর্ণ হয়ে, তার চারিপাশের উপবনগুলি
 সংস্কারাভাবে হয়ে উঠল অরণ্য, সেই অরণ্য শিকড় গজিয়ে ফাটিয়ে ফেললে
 নগরীর বসতি, দেওয়ালের সেই ফাটলে ফাটলে উড়ে এসে পড়ল গাছের বীজ,
 প্রাসাদের বসতির মাথায় মাথায় জন্মাল বনস্পতি—তারই মধ্যে যে মানুষের দল বাস
 করছিল, তাদের চোখে একদা প্রথম আলো ফেলে এগিয়ে এল যখন নতুন কাল
 তখন চোখ তাদের ধোঁধে গেল। উপায়ান্তরহীন হয়ে তারা পশ্চাদপসরণ করে
 লুকোতে চাইল ওই ভাঙা নগরীর গহনতম প্রদেশে। ওইখানেই তাদের বাঁচবার
 আশ্বাস।

অসহায় মানুষেরা মানত করেছে, পূজা করেছে, ভালো করেছে, মন্দ করেছে,
 যা কিছু করেছে দেবতার নাম নিয়ে। তান্ত্রিক মদ খেয়েছে কালীমার নাম করে,
 শৈব গাঁজা মদ সিঁধি খেয়েছে শিবের নাম করে, বৈষ্ণব গাঁজা খেয়েছে গোবিন্দের
 নাম করে। তাদের জন্য বেদনা অনুভব করি। ঘৃণা করতে পারি না। সঙ্গে
 সঙ্গে আর একটি জিনিসের সন্ধান আমি পেয়েছি। ওই নির্মাল্যের সন্ধান।
 এই স্তূপীকৃত মিথ্যার মধ্যে সত্য কিছু দেখেছি আমি। হঠাৎ সে সত্য আত্মপ্রকাশ
 করত। এই যে দেবতার পূজা, বিকৃত ধর্মচরণের অন্তরালে এত পার্থিব কামনা
 —এই কামনা অকস্মাৎ দেখা যেত শেষ হয়ে গিয়েছে। সে-কালের মানুষেরা যখন
 মৃত্যুর সম্মুখীন হতেন তখন এই সত্য আত্মপ্রকাশ করত। আজকের দিনে
 নিজেরাই প্রবীণ হয়ে এসেছি, এই বয়সে এ-কালের অনেক প্রবীণের অন্তিম শয্যার
 পাশেও উপস্থিত থেকেছি। কিন্তু সে-কালের মানুষদের মৃত্যুর সম্মুখীনতার
 সময়ের রূপ বিচিত্র এবং বিস্ময়কর। প্রবীণদের কথা বাদই দিচ্ছি; যাঁরা নাকি
 পঞ্চাশ-ষাট বছর বয়সেও মহাপ্রাণ করেছেন, তাঁদেরও শতকরা আশিজনকে আশ্চর্য

প্রশান্ত ঐশ্বর্যের সঙ্গে মৃত্যুর সম্মুখীন হতে দেখেছি; যেটা নাকি এক-কালে একেবারে বিলুপ্ত হয়ে গেল বললেও অত্যাশ্চর্য হবে না। রোগে যারা অজ্ঞান হয়ে যেতেন, জ্ঞানহীন অবস্থাতেই যাদের জীবনান্ত ঘটত, তাঁদের কথা বলছি না। সে-কালে পল্লীগ্রামে টাইফয়েড বা ম্যানেনজাইটিস, আকস্মিক হার্টফেলে মৃত্যু বা সম্ভ্রাস রোগ বিরল ছিল। মানুষের স্বাস্থ্য ভালো ছিল, পরমায়ুও স্বভাবতই ছিল দীর্ঘ। সম্ভ্রাসে প্রবীণেরা মৃত্যুকালে প্রসন্ন প্রশান্ত মুখে বিদায়-সম্ভাষণ জানাতেন, পরমাত্মীদের নিজেই সান্ধ্বনা দিয়ে যেতেন। একটি কথা সকলেই বলে যেতেন—‘অধর্ম’ করো না সংসারে। দ্বুংথ কাউকে দিয়ো না।’ আর বলতেন কে তাঁর কাছে কি পাবে। সে-পাওনা শূন্য আর্থিক পাওনাই নয়—অন্যবিধ পাওনাও বটে। বলতেন—‘অমরু আমার এই বিপদের সময় মহৎ উপকার করেছিল; আমি তার কিছুই করতে পারিনি, তুমি এই উপকারের ঋণ শোধ করো।’ অনেকে আবার ছেলেদের দেনা-পাওনা পুঙ্খানুপুঙ্খভাবে বুদ্ধিয়ে দিতেন সরকারী কর্মচারীদের চার্জ নেওয়ার মতো। তাঁর শ্রাম্ধে কি খরচ করবে, সেও নির্দেশ দিয়ে যেতেন। তারপর হঠাৎ বলতেন—‘আর না। দাও, আমার জপের মালা দাও।’ কিংবা বলতেন—‘শোনাও, এইবার নাম শোনাও।’ অনেকে কাশীতে অথবা গঙ্গাতীরে দেহ-ত্যাগ করতে আয়োজন করে খোল করতাল বাজিয়ে গ্রাম প্রদক্ষিণ করে প্রতি দেবালয়ে প্রণাম করে চলে যেতেন—দৃষ্টি আবদ্ধ থাকত হয়তো আকাশের দিকে অথবা গ্রামের সর্বোচ্চ তরুশীর্ষে—কে জানে!

আজ পঞ্চাশোর্ধে যখন দিন চলেছে, তখন এই যাওয়াকে আর তুচ্ছ করতে পারি নে কোনো মতেই। বসে বসে ভাবি আর অনুভব করি যেন তাদের এই মৃত্যুর সম্মুখীন হওয়ার মধ্যে অন্তত কিছু পরিমাণও অমৃতের স্পর্শ আছে। সাধক রামকৃষ্ণের গান মনে পড়ে—

“আন রে ভোলা জপের মালা ভাঙ্গি গঙ্গাজলে।”

হয়তো সবটাই মানসিক বিকৃতি। এই বিকৃতি এতই প্রচণ্ড যে, পাগলের আনন্দে মৃত্যুকে বরণ করতেন তাঁরা—এ বললে তর্ক করব না। সর্বিনয়ে মাথা নত করে হার স্বীকার করেও বলব নতুন কালকে—নতুন কালের সত্যকে স্বীকার করে, মাথায় নিয়ে কামনা করি, মৃত্যুর সময় যেন এমনই পাগলের আনন্দেই মৃত্যুকে বরণ করতে পারি অর্থাৎ কম্পনায়ও অমৃতবিন্দুর আশ্বাদ পাই।

পরবর্তী জীবনে তখন আমি প্রায় গ্রাম্য পরিব্রাজক, পিঠে বৌচকা বেঁধে এখানে ওখানে ঘুরে বেড়াই। মেলা বেড়ানো একটা রোগ দাঁড়িয়েছিল। সেই সময় এক বৃদ্ধ বৈষ্ণবকে দেখেছিলাম। বয়স কত অনুমান করা কঠিন। কাটোয়ার পথে দেখা হয়েছিল। কাটোয়ার পাকা সড়কে হেঁটে চলেছিলাম; পাঁচুন্দির পর কাঁচা সড়ক, সড়কের দুই ধারে বনওয়ারীবাদের রাজাদের কম্পবন্দাবনের কীর্তির ধ্বংসাবশেষ। বড় বড় দীঘি, বাঁধানো ঘাট, পুরাকালের সূর্যম্য উপবনের ভঙ্গ স্মৃতি, কয়েকটা বাঁধানো বেদী, কতকগুলি কেরাগাছ, কয়েকটা চাঁপা করবীর গাছ, দু-একটি মাধবীলতা; তাল গাছের বেড়া, দু-একটা ভাঙা কুঞ্জে শূন্য একটা কি

দুটো তমালের গাছ দাঁড়িয়ে আছে, আর আছে দু-একটা ছায়ানিবিড় সন্তপর্ণী, যার চলতি নাম ছাতিমগাছ। এর কোনোটা তমালবন, কোনোটা কাম্যকবন, কোনোটা বা নিধুবন; অর্থাৎ বিস্তীর্ণ চার-পাঁচ ক্রোশ একটি অঞ্চল জুড়ে রাজারা বৃন্দাবনের শ্বাদশ-বন রচনা করেছিলেন; তার অবস্থিতি হল বনওয়ারীবাদ থেকে উদ্ধারণপদ্রের ঘাট পর্যন্ত রাস্তার দুই পাশে। এইখানে তাঁদের গৃহদেবতা বনওয়ারীজীর লীলা চলত। বনওয়ারীবাদের রাজার এখন ভগ্নাবস্থা। কীর্তিও ভাঙা-ভগ্ন হয়ে এসেছে। কিন্তু ওই ভগ্ন কীর্তিময় পরিপার্শ্ব পৃথকের মনে আজও একটি অপূর্ণ স্বপ্ন রচনা করে। এই পথে যেতে একটি প্রাচীন ছাতিমগাছের তলে দেখলাম এক বৃদ্ধ বাউলকে। একা বসে আছে নিষ্পন্দ মৃতের মতো। আমার সন্দেহ হয়েছিল প্রথমটায়। থমকে দাঁড়লাম। কিছুক্ষণ লক্ষ্য করে বুঝলাম, মৃত নয়, জীবিত মানুষই বটে। এগিয়ে কাছে গেলাম, সবিস্ময়ে প্রশ্ন করলাম, এই অবস্থায় তুমি এখানে এই গাছতলায় পড়ে কেন? কানে ভালো শুনতো পায় না লোকটি, এত জীর্ণ হয়েছে শরীর। ক্ষণিকশেষেই প্রশ্ন করলে—কি বলছেন বাবা? কানে হাত দিয়ে হেসে বললে—শুনতে পাই না ভালো।

একটু জোরেই প্রশ্নটির পুনরাবৃত্তি করলাম।—এই শরীর তোমার, ইত্যাদি ইত্যাদি।

আবার হেসে সে বললে—সেই জনোই তো বাবা, যাব উদ্ধারণপদ্র, মা গঙ্গার তীরে। দেহ রাখতে যাচ্ছি বাবা। পরমপদ্রুষ ভাঙা আবাসে আর থাকবেন না।

কথায় কথায় সে বলেছিল অনেক কথা। যার সারমর্ম হল—বাবা, ওর মধ্যে কতদিন আত্মপদ্রুষ বাস করলেন। দেহ তো নয় বাবা, দেহমন্দির। একদিন কত গরব করেছি, কত মেজেছি ঘষেছি, সাজিয়েছি: আজ উনি রব তুলে অহরহ বলছেন—পড়ম্-পড়ম্। তাই নিয়ে চলেছি—গঙ্গার কূলে, সাধক উদ্ধারণ দত্ত বাবার পাটে—গিয়ে বলব—নাও এইবার পড়; সামনে গঙ্গার শীতল জল, জলে প্রভুর পায়ের পরশ, মাটিতে সাধকের পদধূলি; তুমি এই পদ্রুগের সঙ্গে মিশে যাও।

প্রশ্ন করেছিলাম—কিন্তু এই দেহ নিয়ে যাবে কি করে? আসছ কত দূর থেকে? এলে কেমন করে?

—চিন্তামণির দয়ালু বাবা। আসছি, তা ক্রোশ ছয় হবে। গোবিন্দ বলে বোরিয়ে পড়লাম ঝুলি কাঁধে নিয়ে, পথের ধারে এসে দাঁড়লাম, গরুর গাড়িতে আসছি। গাড়োয়ানকে ডেকে বললাম—ধানের বস্তার ফাঁকে আমাকে একটু বসিয়ে নাও না বাবা, আমিও বস্তার সামিল। তারা তুলে নিলে। ছোট লাইনের ইন্সট্রানে এসে রেলের বাবুদের বললাম—দাও না বাবা, মালগাড়িতে বোঝাই করে। বেশ ওজন হবে না। তোমাদের ইঞ্জিনে টানতে একটুও কষ্ট হবে না। তারা তুলে দিলে গাড়িতে। নামিয়ে দিলে পাঁচুন্দিতে। পাঁচুন্দি থেকে হেঁটে যাবারই বাসনা ছিল। তা উনি নারাজ। কেবল বলছেন, পড়ম্-পড়ম্-পড়ম্। পড়ব-পড়ব—পড়ব। গোটা এক দিন কোনো রকমে বৃষ্টিয়ে-সুঁজিয়ে গড়াতে গড়াতে এসে এই গাছতলায় বসেছি। দেখি, গাড়ি পেলেই বলব—নে বাবা, ভাঙা মন্দিরকে বেঁধে-

হেঁদে তুলে নে, উদ্ধারণপদের পথে যতটা যাবি নিয়ে চল। যেখানে পথ ভাঙবি, সেইখানে দিস নামিয়ে। আবার বসে থাকব গাছতলায়—দেখব আবার গাড়ি।

অনেকক্ষণ তার কাছে বসেছিলাম। অনেক কথা বলেছিলাম। সে শুধু বলেছিল এই কথাই—জীর্ণ দেহমন্দিরখানিকে গঙ্গার পূণ্য-তীর্থময় ঘাটে বিসর্জন দিয়ে তার আত্মাপদ্রবকে মূর্তি দেবে। কী আনন্দ যে তার সেই বহুরেখাঙ্কিত পাণ্ডুর মুখখানিতে দেখেছিলাম, সে ভাষায় প্রকাশ করতে পারব না।

আমার পিতামহের জ্যেষ্ঠ যিনি ছিলেন, তাঁর আমলের শ্রেষ্ঠ কৃতী ব্যক্তি তিনি। তাঁর কথা পূর্বে উল্লেখ করেছি। তিনি ছিলেন দিলদারীয়া মেজাজের লোক। বড় উকিল ছিলেন, উপার্জন ছিল প্রচুর, ভোগীও ছিলেন তেমনি। বিবাহ করেছিলেন তিনবার। অবশ্য প্রত্যেক বারেই বিপত্তীক অবস্থাতে বিবাহ করেছিলেন। সন্তান ছিল, সে সত্ত্বেও শেষ বারে যখন বিবাহ করেন তখন তাঁর বয়স অনেক, ষাটের উপর তো বটেই, সন্তরের কাছে, হয়তো বা উনসন্তর। কতী থাকতেন সিউড়ীতে, ছেলে থাকতেন লাভপুরে—সম্পত্তি দেখাতেন। তিনি বিবাহ করলেন, ভাইয়ের নিষেধ শুনলেন না, বন্ধুর নিষেধ না, কারুর না। তাঁর বিবাহের পর সিউড়ীর উকিলেরা শুনেনিছ ঢাক বাজিয়ে বর-কন্যাকে অভ্যর্থনা করেছিলেন। কিন্তু তাতে তিনি লজ্জিত হননি। বিচিত্র মানুস বৃদ্ধবয়সে বিবাহ করলেন, কিন্তু পত্নীকে পাঠিয়ে দিলেন লাভপুরের সংসারে। নিজে সিউড়ীতে রইলেন প্রণয়িনীকে নিয়ে। এতে তাঁর কোনো সঙ্কেচ বা লজ্জা ছিল না। লাভপুরে আসতেন, প্রচুর মদ্যপান করে পূজাসমারোহে সত্যসত্যই নাচতেন। এক কথায়, দান করতেন টাকাপয়সা বা হাতে উঠত তাই। একবারও দেখতেন না কি দিচ্ছেন। মন্ত অবস্থায় আঙুল থেকে আংটি পড়ে গেছে, কেউ কুড়িয়ে পেয়েছে, ফেরত দিতে এসেছে, বলেছেন—উঁহু, ও আর আমার নয়, ও তোর। আমার ভাগ্য আমার আঙুল থেকে খসিয়ে নিয়ে তোর হাতে তুলে দিয়েছে। দেশের আইনে অবিশ্য। এটা আমারই, কিন্তু ভাগ্যের আইনে ওটা তোর।

বৃদ্ধত না পারলে বলভেন, ওরে মূর্খ, ওটা তোর হল, নিয়ে যা। আমি বাবা ও-পারে গিয়েও ওকালতি করব—সেই আইনের ধারা। এ তুই বুঝবি না। তবে তুই যখন ফিরে দিতে এসেছিস তখন তার জন্যে তোর এ-পারের আইনে আরও কিছু পাওয়া হয়েছে। নে। বলে আধুলিটা বা টাকাটা তার হাতে দিয়েছেন।

আবার যে পেয়েছে কুড়িয়ে—সে-কালের সে মানুস এমনি যে, সে ভেবে আকুল হয়েছে, হায় হায় হায়, সে এখন করবে কি? পরের সোনা কুড়িয়ে পাওয়া যে ভালো নয়! যে মালিক সে ফিরে নিলে ভাগ্য মন্দ বিধান থেকে নিষ্কৃতি পেত। মালিক নিলে না—সে এখন করে কি? যাক। এমনি মানুস ছিলেন আমার পিতামহের জ্যেষ্ঠ। বাড়িতে শিবপ্রতিষ্ঠা করেছেন, দুর্গাপূজা এনেছেন, কালীপূজা সরস্বতীপূজা এনেছেন, নিত্য নারায়ণ সেবা প্রতিষ্ঠা করেছেন, অহংকার করে বলেন, কাশী বৃন্দাবন প্রতিষ্ঠা করেছি আমি। মানুসটাকে বিচার করলে মনে হয়—প্রতিষ্ঠার আনন্দে বিভোর, তার দম্ভে দাম্ভিক।

তীর্থে যেতে বললে বলতেন—কোথায় যাব, কিসের জন্যে যাব? আমার বাড়ির দোরে সব দেবতাকে বাসিয়ে রেখেছি। আমি যাব কোথায়? সতাই দাম্ভিক লোক।

এই মান্দুস জ্বরে পড়লেন। চেতনা হারালেন। কবিবরাজ বললেন—এ জ্বর থেকে কতটা উঠবেন না। যা ব্যবস্থা হয়, করুন।

গঙ্গাতীরে নিয়ে যাবার ব্যবস্থা হল। পার্ক সাজল, গরুর গাড়ি সাজল। তাঁর সংজ্ঞাহীন দেহ পার্কতে তোলা হল। গ্রামের সকল দেবালয়ে পার্ক নামিয়ে—সংজ্ঞাহীন মান্দুসটির ললাট রজবিভূষিত করা হল। পার্ক গিয়ে থামল—আমাদের গ্রামপ্রান্তে মহাপীঠতীর্থ ফুল্লরাতলায়। এই স্থানটিই গ্রামের শেষ বিদায়স্থল। এর পর পার্ক একেবারে গঙ্গাতীরে গিয়ে নামবে। ষোলোজন বেহারাই যথেষ্ট—কিন্তু বহিঃজন বলশালী কাহারের ব্যবস্থা হয়েছে। ফুল্লরাদেবীর প্রাঙ্গণে পার্ক নামল, পুরোহিত মাথায় আশীর্বাদী দিচ্ছেন—কতটা চোখ মেললেন। চারিদিকে জনতা এবং দেবস্থলের ঘন জঙ্গল ও মন্দির প্রভৃতির দিকে তাকিয়ে নিজেকে পার্কের মধ্যে দেখে প্রশ্ন করলেন—কোথায় এনেছে আমাকে?

ভাই এগিয়ে এলেন, বললেন—মহাদেবী ফুল্লরা মাতার স্থানে। আপনাকে জ্ঞান-গঙ্গা নিয়ে যাওয়া হচ্ছে।

হাত বের করে ভাইয়ের মাথায় রেখে বললেন—আমি রামচন্দ্রের চেয়ে ভাগ্যবান। আমার লক্ষ্য আমার মহাপ্রস্থানের ব্যবস্থা করেছে, তাকে রেখে আমি আগে যাচ্ছি। আমার অন্তরের কামনা সে জানে যে। অচেতন হয়ে পড়েছিলাম—অন্তিম কামনা জানাতে পারিনি।

ভাই বললেন—পার্ক তুলবে এইবার?

—না। কিছুক্ষণ অপেক্ষা করতে হবে। কর্ম বাকী আছে আমার।

—বলুন।

—আমাদের ঘরে ভাঙনরা আছেন। তাঁদের প্রাপ্য দিতে হবে। আমাদের সন্তানেরা কৃতী নয়, তারা অকৃতী কিন্তু ভোগী। তারা কখনও দেবে না।...এই সম্পত্তি তাদের দিলাম আমি।

আরও দুই-একটি ব্যবস্থার পর হেসে বললেন—বাস্।

ভাই জিজ্ঞাসা করলেন—আর কোনও আদেশ থাকে তো বলুন।

বললেন—এইবার আদেশ, পার্ক তোলা। কালী কালী বল সকলে। দূর-কান ভরে শুন। সময় বেশি আছে বলে মনে হচ্ছে না।

নিজে নাড়ী অনুভব করে বললেন—হয়তো শেষ রাত্রি পর্যন্ত।

—আপনার শ্রাদ্ধাদি সম্পর্কে—?

হাত নাড়লেন।—কোনো কামনা নেই আর, স্মৃতির বস্তব্যও আর নেই আমার। এখন চল চল চল। আমার মালা দাও।

আমার পিতামহ কাশীতে গিয়ে দেহত্যাগ করেছিলেন। চুরাশি বৎসর বয়সে সপরিবারে তীর্থ-যাত্রা করলেন। চুরাশি বৎসর বয়সেও তিনি যথেষ্ট সক্ষম ছিলেন। এ-বয়সেও তাঁর চুল পাকেনি; কালো ছিল চুল। দেহেও ছিলেন সমর্থ। যা শূন্যে,

তা বিস্ময়কর মনে হয় আজকের দিনে। পঁচাত্তর বৎসর বয়স পর্যন্ত তিনি সিউড়ী-তেই বাস করেছেন। শেষের চার-পাঁচ বৎসর ওকালতি করতেন না। তখন আদালতে ইংরেজির রেওয়াজ শূন্য হয়েছে। 'ইংরেজি-জানা উকিলেরা এসে বসেছেন। বাংলা ও ফার্সী নবীসদের মানসম্মান চলে যাচ্ছে অত্যন্ত দ্রুতগতিতে। তিনি ওকালতি ছেড়ে ছিলেন। সে-কথা থাক। তাঁর সামর্থ্যের কথা বলি। দুর্গাপদজ্যোত্সব তিনি নিজে পূজকের কর্ম করতেন। ষষ্ঠীর দিন তিনি সিউড়ী থেকে লাভপুর আসতেন। বিশ মাইল পথ, উপবাস করে তিনি পদদ্বয়ে রওনা হতেন, সঙ্গে পাইক থাকত; এই পঁচাত্তর বৎসর বয়স পর্যন্ত তিনি উপবাসী থেকে পদদ্বয়ে বিশ মাইল পথ হেঁটে লাভপুরে পৌঁছে পুনরায় স্নান করে সন্ধ্যার সময় নবপত্রিকা ও নবপল্লবের অধিবাস ও পূজাসংকল্পাদি সেরে তবে জল খেতেন। চুরাশি বৎসর বয়স পর্যন্ত দেহে রোগ বড় একটা কেউ দেখিনি। মধ্যে মধ্যে অমাবস্যা-পূর্ণিমায়ে বাতশিরার জ্বর হত। বাতশিরা এ-কালে বোধ হয় দুর্বোধ্য; ফাইলোরিয়ায় জ্বরকে বাতশিরার জ্বর বলত। এই বয়সে তাঁর আহারও ছিল প্রচুর। দিনে খেতেন ভাতের সঙ্গে ঘি তরকারি মাছ এবং ঘরের দু-সের দুধ জ্বাল দিয়ে এক সেরে পরিণত করে চিঁড়া কলা ও চিনি দিয়ে মেখে তাই; এবং রাতে হালুয়া ও আধ সের ক্ষীরের মতো দুধ। এই মানুষ চুরাশি বৎসর বয়সে তীর্থভ্রমণে যাবার সময় গ্রামের প্রতি জনের কাছে বিদায় নিয়ে, তখন একজন তাঁর দাঁদি সম্পর্কীয়া জীবিতা ছিলেন—তাঁকে প্রণাম করে, গ্রামের প্রতি দেবালয়ে প্রণিপাত করে একটি প্রার্থনাই জানালেন যে, যে-কামনা নিয়ে তীর্থে চলেছি সে-কামনা যেন পূর্ণ হয় আমার। তীর্থস্থলে যেন আমার দেহান্ত ঘটে, আমি যেন মুক্তি পাই।

২২শে কার্তিক তিনি তীর্থযাত্রা করলেন। গয়াতীর্থ সেরে কাশীতে এসে পৌঁছিলেন—২৭শে কার্তিক। ৫ই অগ্রহায়ণ তাঁর জ্বর হল, ৬ই তারিখে সে-জ্বর ছেড়ে গেল—দেহের উত্তাপ সাড়ে ৯৫।১° ডিগ্রিতে নামল। ৭ই অগ্রহায়ণ তিনি দেহত্যাগ করলেন। সম্পূর্ণ সচেতন অবস্থায় দেহত্যাগ করলেন। বৃন্দ্রের তীক্ষ্ণতা পর্যন্ত খর্ব হয়নি। তার প্রমাণ—তিনি লাভপুর থেকে রওনা হওয়ার পর তাঁর একমাত্র দৌহিত্র অকস্মাৎ মারা গেল লাভপুরে। সে সংবাদ লাভপুরের পত্রে গোপন রাখতে হয়েছিল। লেখেনইনি তাঁরা। ৬ই তারিখে এই পত্র কাশীতে এল। দীর্ঘ পত্র, নায়েব লিখেছেন, পত্র পিতাকে সে-পত্র পড়ে শোনালেন। তাকিয়্যার ঠেস দিয়ে সাড়ে ৯৫।১° ডিগ্রি দেহোত্তাপ নিয়ে বৃন্দ্র অর্ধশায়িত অবস্থায় পত্র শুনছিলেন, পত্র শেষ হতেই ষাড় নেড়ে বললেন—পত্র তো ভালো বোধ হচ্ছে না বাবা।

পত্র বললেন—কেন বাবা? সবই তো ভালো লিখেছেন নায়েব।

ক্লমশ-স্তিমিতদেহোত্তাপ বৃন্দ্র বললেন—দেখ বাবা হরিদাস, পত্রে গ্রামের লোকের সংবাদ আছে, এমন কি তোমার গুরু-বাছুরের সংবাদ পর্যন্ত দিয়েছে, মামলা-মকদ্দমা বিষয়ের কথা আছে, কিন্তু হেম্যাগ্নিনীর একমাত্র সন্তান ভোলায় সংবাদ তো নেই!

আমার বাবা বললেন—তোমার ভাবনা একটু বেশি বাবা। ভোলায় বাপের মায়ের

সংবাদ দিচ্ছে, তাদের বাড়ির খবর দিচ্ছে, তার কথা আর স্বতন্ত্র করে কি লিখবে?

ঘাড় নেড়ে বৃন্দ বললেন—সকলের সংবাদ পৃথকভাবে না লিখলে ভাবতাম না বাবা। বালক হলেও ভোলা তো বাড়ির গরু বাছুর থেকে ছোট নয়।

বৃন্দ্র তীক্ষ্ণতা তখনও এতখানি। পরদিন এই তারিখ রাতি নয়টায় একবার প্রলাপ বকলেন বসে থাকতেই। প্রলাপই বলব। অন্য কথা বলছিলেন, তার মধ্যেই ডেকে উঠলেন লাভপুত্রের নায়েবকে।—কই হে ফুল্লরাবাবু, তুমি কেমন লোক হে? কই, আমার আহিকের জায়গা কই করেছ?

ছেলে শঙ্কিত হয়ে গিয়ে হাত দিয়ে বললেন—বাবা, কি বলছ? সঙ্গে সঙ্গে চমকে উঠলেন। দেহের উত্তাপ আরও কমেছে।

বাপ আত্মস্থ হয়ে বললেন—কি বলছ?

—রাত্রিকালে আহিকের জায়গা করতে বলছ কি?

—বলেছি? ও। একটু চোখ বন্ধ করে থেকে বললেন—জ্বর আসছে—শিবজ্বর।

জ্বর এল। নিজেই বললেন—আমাকে এবার তীরস্থ কর। আমার উপবীত আমার আঙুলে জড়িয়ে দাও।

কুলদাপ্রসাদবাবুও ছিলেন বিচিتر মানুষ।

যেমন ভোগী তেমনি রসিক সুগায়ক, তেমনি সুপদ্রুঘ ও সুন্দরভাবী। কুলদাবাবু ছিলেন বৈষ্ণবমন্ত্র উপাসক। লোকে তাঁকে ব্যাংগ করত। সাধারণভাবে তিনি গ্রামের লোকের প্রিয়পাত্র ছিলেন না; তাঁর সমস্ত গুণ প্রকাশের আতিশয্যে এবং বিষয়বোধের চারিত্রিক জটিলতার জন্য অসহনীয় হয়ে উঠেছিল। কীতর্ন শব্দে বসে তিনি কাঁদতেন; মধ্যে মধ্যে ‘ওহো ওহো’ বলে ভাবাতিশয্য প্রকাশ করতেন; বহু লোকের কাছে তা হাস্যকর মনে হত। এর মধ্যে আতিশয্য ছিল, কিন্তু কপটতা ছিল না। নিমন্ত্রণ-বাড়িতে যেতেন, সেখানে বলতেন—দেখ, দইয়ের মাথাটা আন দেখি। আর তেলদুধ দেখে মাছ। তাঁর ভোগবিলাসে কুণ্ঠা ছিল না। জীবনের শেষ কাল পর্বন্ত দেখেছি ভোগের প্রতি অনুরাগ। পরিপাটী কোঁচানো কাপড়, শক্তকফ শার্ট, চকচকে জুতো, ঝকঝকে মাজা একটি গাড়ী, তার উপর ভাঁজকরা পরিষ্কার গামছা, চকচকে গড়গড়া, চমৎকার সটকার নল, একখানি সুন্দর কম্বল, একটি ঝালর-দেওয়া পাখা। একটি বাজ—এই আয়োজন থেকে কুলদাবাবুকে পৃথক করা যায় না। তাঁকে মনে পড়লেই এগুনি মনে পড়বে। লোকে অন্য অপবাদও দিত। তা হয়তো সত্যিই। কিন্তু সে-কালে এই দোষ থেকে মুক্ত মানুষের সংখ্যা খুব কম ছিল। আমার ববার ডায়েরিতে পাই, তিনি আক্ষেপ করে লিখেছেন—“লাভপুত্রের আসিয়া—লোকের সংসর্গে আসিয়া অল্পবয়সেই মদ্যপানে অভ্যস্ত হইলাম, বেশ্যাসক্তি জন্মিল।” আমার মায়ের পদার্থগণের পর তিনি এ গ্লানি থেকে মুক্ত হয়েছিলেন। মদ্যপান ছিল, কিন্তু সে ছিল তান্ত্রিক পদ্ধতিতে সংযত পরমাণে পান। থাক।

কুলদাবাবুর বিষয়াসক্তিও ছিল প্রবল এবং জটিল। মামলা-মকদ্দমা অনেক

করেছেন, করতে বাধ্যও হয়েছেন। কিন্তু এই মানদ্বিটির মধ্যে আমি এক চিরকালের সম্ভ্রমের মানদ্বিকে দেখছি। এমন মিস্ট ভাষা আর এমন সহ্যগুণ সংসারে বিরল। একবারের ঘটনা চোখের উপর ভাসছে। বৃন্দ বসে আছেন দুর্গাপূজা-মন্ডপে। কন্দল বাস্তু গড়গড়া গামছা পাখা নিয়ে আসর জমিয়ে নবমী-পূজার ব্যবস্থা করছেন। বহু সারিকের পূজা, অনেক কালের পূজা ; সরকার-বাড়ির পূজায় দৌহিত্র উত্তরাধিকারী হিসাবে কয়েকজন বাঁড়ুস্কে মৃদুস্কেও সারিক। নবমী-পূজার দিন সরকার-বাড়ির পূজাস্থানে বলি হয় অনেক, প্রায় ষাটটি। এই বলির পর্যায় বাঁধা আছে। এ পর্যায় বংশের সম্মান হিসাবেই নির্দিষ্ট। সে-বার এক প্রবীণ দৌহিত্র সারিকের তিরোধান হয়েছে। এই দৌহিত্রের বলি ছিল প্রথম বলি ; দৌহিত্র নিঃসন্তান, তাঁর উত্তরাধিকারী হয়েছেন তাঁর ভাগিনেয়। ভদ্রলোক শিক্ষিত, গ্রাজুয়েট, কৃতী ব্যবসায়ী, সংস্কৃতিবান, আধুনিক। কুলদাবাদ ব্যবস্থা করলেন—এবার প্রথম দেওয়া হবে প্রবীণতম সারিকের বলি। কথাটা গোপন ছিল না। প্রথমেই এ নিয়ে বাদানুবাদ করে মীমাংসায় উপনীত হলে ঘটনাটি ঘটতে পেত না। কিন্তু দৌহিত্রের উত্তরাধিকারী এ নিয়ে কোনো কথা বললেন না। তাঁর অজ্ঞহাত, তাঁকে তো জানানো হয়নি। তবে তিনি ব্যবস্থা সবই করলেন। ঠিক বলির সময় তাঁর ভাগিনেয় বাঁপিয়ে পড়ল এবং প্রচণ্ড প্রতিবাদ তুললে। কুলদাবাদের ব্যবস্থা নাকচ করে দিয়ে নিজেদের বলিই হাড়িকাঠে ফেললে। সেই বলিই প্রথম বলি হল। গণ্ডগোলটা বলির সময় স্থগিত থাকল চাপা আগুনের মতো। বলি শেষ হওয়ার পর জ্বলে উঠল।

দৌহিত্রের উত্তরাধিকারী আত্মস্থ ছিলেন না। ইচ্ছাপূর্বকই ছিলেন না। চক্ষু-লজ্জাকে অতিক্রম করার জন্যই ছিলেন না। তিনি এসে আক্রমণ করলেন বৃন্দকে, মৌখিক আক্রমণ। মাত্রা ছাড়িয়ে গেল। তিনি তখন যেন উন্মত্ত। বাক্যপ্রয়োগে শীলতা তো অতিক্রম প্রথম থেকেই করেছিল, কয়েক ক্ষেত্রে শীলতাও অতিক্রান্ত হল। জনতা থমথম করছে। স্তম্ভ। বৃন্দ স্থির দৃষ্টিতে চেয়ে নির্বাক হয়ে শূন্যে যাচ্ছেন আর তামাক টানছেন। তাঁর চারিপাশে তাঁর তিন পুত্র, চার ভ্রাতৃপুত্র—সাতজন। এদের মধ্যে বড় ছেলে কৃতী, কল্যাণব্যবসায়ী, দেহেও শক্তিশালী। ভ্রাতৃপুত্রদের একজন বড় পুঁলিশ কর্মচারী, শ্রবণী চেহারা। অন্য তিন ভ্রাতৃপুত্র শূন্য শক্তিশালীই নয়, রোষ-বর্বরতার অখ্যাতিতে কুখ্যাত। আর প্রতিপক্ষের স্বজন-শক্তিতে মাত্র দুজন। হয়তো কুলদাবাদ বহু স্বজনের রোষভাজন ছিলেন, কিন্তু সে-দিন বিবাদ যা দাঁড়িয়েছিল তাতে সমগ্র সরকারবংশের এক হওয়ারই কথা। শূন্য মাত্র কোনো এক-জনের প্রথম সক্রিয় প্রতিবাদ শূন্যের অপেক্ষা। ওই মানদ্বিটি মৃদু প্রতিক্রিয়া শূন্য করলেই তা হবে। তাঁর মৃদু খোলার অপেক্ষা। কিন্তু আশ্চর্য! দৌহিত্র-বংশের উত্তরাধিকারী প্রতিবাদ না পেয়ে অধিকতর ক্রুদ্ধ হয়ে উঠছেন, গালাগালি অভি-সম্পাত করেই চলেছেন, তবু এ মানদ্বিটি নির্বাক, স্থিরদৃষ্টি, স্থির হয়ে বসে আছেন। শেষে তাঁর বড় ছেলের আর সহ্য হল না। তিনি বাপের পাশেই বসে ছিলেন, অধীর হয়ে বলে উঠলেন—মৃদু সামলে কথা বলবে।

বারেকের জন্য বৃন্দ জ্বলে উঠলেন—আমি বলব—জ্যোতিষ্মানের মতো জ্বলে

উঠে তিনি যেন গৃহদাহী বহিকে নির্বাণিত করে দিলেন। কমপক্ষে পঁয়তাল্লিশ বৎসর বয়স্ক পুত্রের মাথায় তিনি সর্বসমক্ষে চড় মেয়ে বসিয়ে দিয়ে হেঁকে উঠলেন—খবরদার! চারিদিকে আসন্ন বিস্ফোরণ মূহুর্তে স্তম্ভ ক্ষান্ত হয়ে গেল। এমন কি দৌহিত্রের উত্তরাধিকারীও স্তম্ভ হয়ে গেলেন। আজও আমার চোখের উপর ভাসছে, আমি দেখছি সেই মূহুর্তের ছবি, মানুষের মুখে-চোখে পশু তার হিংস্র রূপ নিয়ে ফুটে উঠেছে—সে হিংস্র চিৎকার করতে উদ্যত হয়ে বিমূঢ় হয়ে গেল। আমার মনে হল, একটা প্রহেলিকা খেলে যাচ্ছে। তার অর্থ কি উপলব্ধি করতে পারছি না। স্তম্ভ নাটমুণ্ডপে তিনি বলে গেলেন তাঁর বাক্যগুলি, আমার মনের আকাশে বাতাসে এখনও প্রতিধ্বনিত হচ্ছে—সেই প্রতিধ্বনির ধ্বনিই আমি আজ লিখে চলছি। তিনি বলে গেলেন—ওরে মূর্খ বর্বর, তুই কাকে কি বলছিস? কার উপর হাত তুলতে চলছিস? জানিস ও কে?

অবাক হয়ে জনতা শুনে গেল।

—জানিস ও কে? ও হল—এর ভাণে।—এর দৌহিত্র। (মায়ের নাম করে)—এর বেটা। ওরে মূর্খ, ও যখন শিশু ছিল তখন ওকে বৃকে নিলে ও যদি আমার বৃকে বিষ্ঠা ত্যাগ করে দিত, তবে কি আমি তাকে ফেলে দিতাম? ও আজ বড় হয়েছে দেখছিস কিন্তু আমি যে বৃড়ো হয়েছি হতভাগা; তোদের চোখ নেই, তোরা অন্ধ। তাই তোরা দেখতে পাস না, ও আমার কাছে তাই আছে। বলুক, ওর যা খুশি ও বলুক। আমার ওপর রাগ করবে না তো করবে কার ওপর?

চারিদিকে দেখলাম মানুষের চেহারা পাণ্ডে গেছে, পশু কোথায় মিলিয়ে গেছে। মানুষের মুখে প্রসন্নতা, চোখে জল।

একবার নয়, বার বার দেখেছি এমন সহ্যগুণ।

এক ধনীর বাড়িতে মার্চবয়োগের পরই তিনি তত্ত্ব করতে এসেছেন। ধনী আধুনিক—বহুকীর্তিমানের উত্তরাধিকারী। আশ্চর্যের কথা, তবুও তিনি আত্মীয়তাকামী এই বৃদ্ধ আগন্তুককে হয় প্রতিপন্ন করবার জন্য আক্রমণ শুরুর করলেন। নাত-ঠাকুরদার সম্পর্কের সন্যোগ নিয়ে রহস্যের মধ্য দিয়ে কুটিল আক্রমণ। চরিত্র, লোভ, হীনতা, দৈন্য ইত্যাদি নিয়ে আক্রমণ। বৃদ্ধ প্রসন্ন হাসি হাসতে শুরুর করলেন। অমৃতং বালভাষিতং। সত্য বলতে, আমি মনে করি, বৃদ্ধের সে বোধ মিথ্যা বা কপট ছিল না।

তিনি গঙ্গাতীরে গিয়ে স্বজনপরিবৃত হয়ে দেহ রেখেছিলেন।

কুলদাবাবুর এক পূর্বপুরুষের কথা না বলে পারছি না।

তিনি গ্রামেরই কুটুম্বের কাছে ঋণ করেছিলেন। দলিল-দস্তাবেজ ছিল-কি-ছিল না, সে-কথা বাহুল্য। মৃত্যুকালে তিনি কুটুম্বকে ডেকে বললেন—ঋণদায় নিয়ে মরণে আমার তৃপ্তি হচ্ছে না, শান্তি পাচ্ছি না আমি। আমার নগদ টাকা এখন নাই। আপনি এই ভূমি-সম্পত্তি নিয়ে আমাকে নিষ্কৃতি দিন। আমি তৃপ্তি পাই, শান্তি পাই।

কুটুম্ব বললেন—তাই হল।

সানন্দে মৃত্যুপথযাত্রী বললেন—দলিল, একটা দলিল কর।

কুটুম্ব বললেন—গ্রহীতার নাম এই—। আমার নামের পরিবর্তে ওই নামে হবে।

সে নাম কুটুম্বের ভাগিনেয় বা ভাগিনেয়-বধূর নাম। মৃত্যুপথযাত্রীর জামাতা অথবা কন্যা।

মৃত্যুপথযাত্রীর চোখ দিয়ে জল গড়াল। মৃত্যু তিন নামগান শ্রবণ করলেন। মৃত্যু ফেললেন সকল পার্থিব ভাবনা।

ছেলেবেলায়, তখন আমার বয়স সাত-আট বৎসর, সেই সময় প্রথম দেখেছিলাম—আমাদের গ্রামের বিষ্ণু মথুজ মহাশয়কে ঠিক এমনি কামনা নিয়ে কাশী যেতে। খোল করতাল বাজিয়ে গ্রামের—গ্রামের কেন—আশপাশের গ্রামের লোকদের প্রণাম নিয়ে, গ্রামের দেবতাদের প্রণাম করে—কাশী গিয়েছিলেন দেহত্যাগ করতে।

আমাদের গ্রামের হিরণ্যভূষণবাবুর মা গিয়েছিলেন গঙ্গাতীর।

আমাদের আশেপাশের গ্রামের অনেকে এমন যাওয়া গিয়েছেন শুনছি।

এই সব কথা আজ যখন মনে ভাবি, তখন মনে হয়, সে-কালের সবই আবর্জনা ছিল না। আবর্জনা-স্তুপের মধ্যে খানিকটা কিছুর ছিল।

আর-একটা জিনিস ছিল।

সে-কালের এই ধর্মাশ্রয়ী মানুষদের ভাষা ছিল বড় মধুর, বড় মিষ্ট। তেমনি ছিল ধৈর্য, সহনশীলতা। আজকের দিনের ভাষা সে-দিনের ভাষার তুলনায় অনেক উন্নত—দীপ্তিতে তীক্ষ্ণতায় ব্যঞ্জনা-মহিমায় প্রকাশ-শক্তিতে অপূর্ণ, মনের মধ্যে দাগ কেটে বসে যায়, ক্ষেত্রবিশেষে বীণার স্পর্শতারাে ঝংকার তোলে ; কিন্তু মিষ্টতায় সে-দিনের ভাষা ছিল বড় মধুর।

এই দুটি বস্তু আজ মনে হয় আমরা হারিয়েছি। অন্যথায় সে-কালের অবস্থার ঐতিহাসিক দোহাই পেড়েও আর কোনো মানসিক অবস্থাতেই সমর্থন করতে পারি না। মিথ্যার জঞ্জাল সোঁদন আমাদের সমস্ত জীবনকে আচ্ছন্ন করে ফেলেছিল। এই জঞ্জাল অপসারণের চেষ্টা তখন বাংলাদেশের প্রাণকেন্দ্র কলকাতায় উঠেছে, কিন্তু আমাদের গ্রাম পর্যন্ত পৌঁছায়নি। বন্যার প্রথমই যেমন ঢেউয়ের আগে ভেসে আসে রাশিকৃত ফেনা আর নদীর উৎসমূলের খড়-কুটা আবর্জনা, তেমনি নবজীবনের শক্তির সঞ্চারের আগে এসে লাগল ফ্যাশন। গোড়াতেই বলেছি, ভূগারে ভরে মৃত-সঞ্জীবনী ভ্রমতথ্যের আসনি, এসেছিল কেস-বন্দী স্কটল্যান্ডের তৈরি স্কচ হুইস্কি। সে-কালের হুইস্কির বোতল আমাদের বাড়িতেও আমি দেখেছি। আমার বাবা ছিলেন তন্ত্রোপাসক, বাড়িতে কালী ও তারা এই দুই মহাবিদ্যার পূজা ছিল। তারাপূজায় কারণের ঘট স্থাপন করতে হয়। কারণের ভোগ হয়। মা-তারাকে উপা-দেয়তর দল্লভ সামগ্রী হিসাবে স্কচ হুইস্কির ভোগও দেওয়া হয়েছিল বোধ হয়। বোতলের গায়ের নাম দেখেছি—H. M. S. ; ওটাই নাকি চলতি বেশি ছিল

সেকালে। এ বিষয়ে আমার একটা কথা মনে হয়—হুইস্কির নামটা সার্থক ছিল। ইংলণ্ডের রাজার রাজকীয় কর্মসাধনের জন্যই ওটা ঢুকেছিল। শিক্ষার আগে এল ফ্যাশন। জুতোয় জামায়, ম্যান্‌চেস্টারের রেলি-ব্রাদার্সের ধর্মান্তরে শাড়িতে, নুতন কালের চুল ছাঁটায়, কথায়-বার্তায় ঢঙে-ধারায়-ধরনে সে এক ফ্যান্সি ফেরার এসে বসে গেল দেশের মধ্যে।

পূর্বেই বলেছি, আমার চুল মানত্ ছিল বাবা বৈদ্যনাথের কাছে। সেই চুল মানত্ দিতে গেলাম আমি বিচিত্র পোশাকে, সার্জের স্কাট পরে মাথায় বেড়া বিন্দুনি বেঁধে, তার উপর একটা নাইট ক্যাপের মতো টুপি এঁটে। সেদিনের কথা আজ মনে পড়ছে। চুল বেঁধে স্কাট পরে টুপি মাথায় দিয়ে বেশ গোরব অনুভব করেছিলাম ; একটি শিশুর আধুনিকত্বের গোরবে যতখানি স্ফীত হওয়া সম্ভবপর তা সেদিন হয়েছিলাম আমি।

আমার চুল হয়তো আরও কিছুদিন থাকত। হয়তো বৈদ্যনাথের মতো পৈতের সময় পর্যন্ত চুল আমাকে বাঁধতে হত, কিন্তু পর পর মর্মান্তিক ঘটনা ঘটে গেল। এই উত্থান-পতনের দ্বন্দ্ব বাবা আমার মূহ্যমান হয়ে পড়ে বৈদ্যনাথের কাছে মর্ম-বেদনা নিবেদন করতে ছুটে গেলেন।

একটা ঘটনা ঘটল, যা আজ বিচিত্র মনে হবে।

গ্রামের নব-অভ্যুদিত ধনী হাই ইংলিশ ইন্সকুল প্রতিষ্ঠা করেছিলেন, ইন্সকুলের সভাপতি ছিলেন জেলা-ম্যাজিস্ট্রেট, ম্যানেজিং কমিটিতে গ্রামের প্রধানদের নেওয়া হয়েছিল। আমার বাবাও ছিলেন ম্যানেজিং কমিটির সভ্য। স্কুলের থার্ড মাস্টার ছিলেন স্পষ্টভাষী এবং একটু বিচিত্র ধরনের মানুষ। তাঁর ওই স্পষ্টভাষিতার অপ-রাধে একদা তিনি অকস্মাৎ অপসারিত হলেন। করলেন—হেডমাস্টার এবং সেক্রেটারি। ম্যানেজিং কমিটির অনুমোদনসাপেক্ষও রাখলেন না ব্যাপারটা। এক কথায় বাড়ির মালিকের মতো জবাব দিয়ে দিলেন। সেক্রেটারি ছিলেন ইন্সকুল-প্রতিষ্ঠাতা নিজে ; ম্যানেজিং কমিটির অনুমোদন সহজলভ্য ছিল। তাঁদের অনুগামী সভ্যের সংখ্যাই বেশি, তবুও অধীরতার তাড়নায় তাঁরা অপেক্ষা করলেন না। এরই প্রতিবাদে বাবা এবং আরও দুইজন কমিটিতে যাওয়া বন্ধ করলেন। হয়তো কেন নিশ্চয়ই এটা তাঁদের দিক থেকে প্রতিষ্ঠার দ্বন্দ্বের একটা রূপান্তরিত প্রকাশ। অন্য দিকে ইন্সকুল প্রতিষ্ঠাতা তাঁর দিক থেকে বিচার করে অন্যর দেখতেও পেলেন না, স্বীকারও করলেন না। এবং তিনি গ্রাহ্য করলেন না—এঁদের অসহযোগিতা। এর পর স্কুলে প্রাইজ ডিস্ট্রিবিউশন উপলক্ষে এলেন ম্যাজিস্ট্রেট সাহেব, তাঁর নাম ছিল—এস. সি. মুখার্জী, আই. সি. এস.। সে-সভাতেও এঁরা গেলেন না—প্রতিবাদ জানানোর জন্যই গেলেন না। অনুপস্থিতির অভিযোগ সাহেবের কানে উঠল। তাঁর সঙ্গে ছিলেন তাঁর ঘনিষ্ঠ এক আত্মীয়, এবং তিনি সাহেবকে বুঝিয়ে দিলেন যে, গ্রামের এই তিন প্রধান—এই সভায় অনুপস্থিত হয়ে কেবলমাত্র ইন্সকুল-প্রতিষ্ঠাতাকেই অপমানিত করেননি, রাজপ্রতিনিধিরও অসম্মান করেছেন। তখন ম্যাজিস্ট্রেট, এস. ডি. ও., এস. পি. এলে স্থানীয় জমিদারের ডাক-বাংলোয় সেলাম দিতে যেতে হত। সে-কালের

আই. সি. এস. ম্যাজিস্ট্রেটের কথাটা মনে নিলেন। তিনি সদরে ফিরে গিয়ে—দারোগা মারফৎ হুকুমনামা পাঠালেন। এই তিনজন জমিদারকে এই অপরাধের জন্য ইস্কুল-প্রতিষ্ঠাতার কাছে ক্ষমা প্রার্থনা করতে হবে স্থানীয় সেটেলমেন্ট ডেপুটি'র সম্মুখে। বিংশ শতাব্দীর প্রথম দশক। 'দিব্লীশ্বরো-বা জগদীশ্বরো-বা' কথাটায় যদি কারও সন্দেহ ছিল মুসলমান আমলে, ইংরেজ আমলে 'ইংলণ্ডেশ্বরো-বা জগদীশ্বরো-বা' ঐ কথাটায় কারও তখন সন্দেহ ছিল না। বদ্যোর যুদ্ধ এবং রুশ-জাপান যুদ্ধ তখন শেষ হয়েছে, এ'রা প্রত্যেকেই সাম্প্রতিক 'বঙ্গবাসী' 'হিতবাদী' মনোযোগ দিয়ে পড়েছেন, তৃপ্ত পেয়েছেন, তবুও ইংরাজের সম্পর্কে মনোভাব টলেনি। কাজেই দোর্দণ্ডপ্রতাপ ইংলণ্ডেশ্বরের প্রতিনিধির এ আদেশ অমান্য করতে তাঁদের সাহস হল না। তাঁরা প্রকাশ্যে ক্ষমা চাইলেন। ক্ষমা চাইলেন, কিন্তু মনে হল এর চেয়ে মৃত্যুও ভালো ছিল।

সঙ্গে সঙ্গে ঘটল দ্বিতীয় ঘটনা। এই নব-অভ্যুদিত ধনী কিনলেন মুসলমান-নবাবংশীয় জমিদারের কাছে একটি জমিদারি। ব্যাপারটা একটু জটিল। সংক্ষেপে বলি। আমাদের গ্রামের জমিদারির অংশীদার সকলেই, কিন্তু দক্ষিণপাড়া—যে-পাড়ায় আমাদের বাস—সে-পাড়াটি ছিল মুরশিদাবাদের এক মুসলমান জমিদারের। উচ্চ মূল্য দিয়ে এই দক্ষিণপাড়ার জমিদারি কিনলেন। এবং নিজের অর্থ ব্যয় করে আনলেন গভর্নমেন্ট সেটেলমেন্ট। প্রমাণ করতে চাইলেন—গ্রামের প্রধানদের বাড়িগুলি, যা তাঁরা এতকাল মুসলমান জমিদারের আমলে ব্রহ্ম বা লাখরাজ হিসাবে ভোগ করে প্রজা হয়েও প্রজা-না-হওয়ার সন্নিবিধা পেয়ে আসছেন—সে সন্নিবিধা তাঁরা পেতে পারেন না, ব্রহ্ম-লাখরাজ মিথ্যা। তাঁর এই অনুমান পুরাপুরি সত্য না হলেও অনেকটাই সত্য ছিল। আমাদের দেশের সেটেলমেন্টে এক রকম নতুন লাখরাজের সৃষ্টি হয়েছে, যার নাম—ভোগদখলসূত্রে নিষ্কর লাখরাজ। সূত্রটা যেখানে খাজনা না দিয়ে ভোগদখলের, সেখানে দখলটা জবরদখল। প্রাচীন মুসলমান জমিদার বর্ধিষ্ণু হিন্দুদের এই জবরদখল সহ্য করেছিলেন। এরা বর্ধিষ্ণু এবং ব্রাহ্মণ, এই ছিল সহনশীলতার কারণ। কিন্তু নতুন জমিদার সেটা সহ্য করতে চাইলেন না। লাখরাজ যেখানে সত্য নয়, সেখানে কর দিয়ে তাঁকে জমিদার স্বীকার করে তাঁদের প্রজা হতে হবে। যে সেটেলমেন্ট ডেপুটি'র সামনে তাঁদের ক্ষমা চাইতে হয়েছিল, সেই সেটেলমেন্ট ডেপুটি এই উপলক্ষেই তখন লাভপূরে ছিলেন। একদা দেখা গেল—সেটেলমেন্টের চেন থাকে নজ্জার দাগে দাগে যেতে গিয়ে আমাদের কয়েক বাড়ির অন্দরে গিয়ে প্রবেশ করেছে। তার পিছনে পিছনে আমিন কানুনগো, সেটেলমেন্টের টেবিল ঘাড়ে নিয়ে কুলি, থাকে-নকশা বগলে জমিদারের কর্মচারী এবং আরও অনেকে। অন্দরের উঠান ছিল বাঁধানো, সেখানে পায়ের ছাপ বা জুতোর দাগ পড়ার কথা নয়, কিন্তু মালিকদের অন্তস্তল দলিত হয়ে গেল।

আরও একটি ঘটনা ঘটল। এর সঙ্গে গ্রামের কোনো লোকের সংশ্লিষ্ট ছিল না। আমাদের একটি বড় মামলায় পরাজয় হল। একটি ন্যায় সম্পত্তির অধিকার থেকে আমরা বিচ্যুত হলাম।

এই তিনটি ঘটনার আঘাতে আমার বাবা মৃহ্যমান হয়ে আশ্রয় সম্বন্ধে ছুটে গেলেন বৈদ্যনাথধামে। দেবতার পায়ে গাড়িয়ে পড়বেন। বলবেন—তুমি তোমার শক্তি প্রয়োগে এর প্রতিকার কর। মানত করবেন। শ্রদ্ধা তাই নয়, আমার পিসিমা ধরনা দেবেন সেখানে। সপরিবারে বৈদ্যনাথ গেলাম। বৈদ্যনাথের মন্দিরপ্রাঙ্গণ, মন্দিরের ধ্বজা আজও আমার চোখের উপর ভাসছে। এর পর আরও কয়েকবার দেওঘর গিয়েছি, এই গতবার ১৩৫৫ সালেও গিয়েছি—কিন্তু সে ছবির সঙ্গে মেলে না। সে মন্দির এত উঁচু, এত শুদ্ধ যে, মনে হয় আকাশের গায়ে সাদা মেঘের সঙ্গে মিশে গিয়েছিল।

আমার মাথার চুলের লজ্জা বৈদ্যনাথের পাথর-বাঁধানো অঙ্গনে উজাড় করে দিয়ে সেই দিন সেইখানে নিলাম হাতেখড়ি। মনে হচ্ছে বাংলা; এবং দেবনাগরী দুই অক্ষরেই খড়ি বুলিয়েছিলাম। যে পাথরখানির উপর খড়ি বুলিয়েছিলাম, সেই পাথরখানিকে বের করবার জন্য (এবারে ১৩৫৫ সালে) কত যে মনে মনে সম্বন্ধ করেছি! যে-দিন গিয়েছি মন্দিরে, সেই দিনই বৈদ্যনাথের পূর্ব দরজার সামনে দাঁড়িয়ে শ্রদ্ধা খুঁজছি খুঁজছি খুঁজছি। স্ত্রী কন্যা পুত্র জিজ্ঞাসা করেছেন, কি? এমন করে কি দেখছেন? উত্তর দিইনি। হেসেছি। সম্ভবত লজ্জা অনুভব করেছি।

সে-কথা থাক।

বাবা কেঁদেছিলেন দেওঘরে। স্পষ্ট মনে পড়ছে, রাতে শোবার সময় বিছানায় বসে বেশ সফটকন্ঠেই প্রার্থনা করেছিলেন মনে আছে—রাজার হুকুমে এই অপমান, এর প্রতিকার তুমি ভিন্ন আর কে করতে পারে? হে দেবাদিদেব! হে আশুতোষ!

আমার চোখেও জল এসেছিল। তারই প্রভাব আমার জীবনে কাজ করেছে। রাজার বিরুদ্ধে যে দেশব্যাপী বিদ্রোহী মনোভাব এইভাবে সৃষ্টি হল তার সঙ্গে অন্তরের যোগসূত্র স্থাপিত হয়েছে স্বাভাবিকভাবেই। প্রাণে প্রাণে অনুভব করেছি, এরই মধ্যে হবে আমার জীবনের সার্থকতম বিকাশ।

অপর প্রভাব এই দেবভক্তিই বলি, আধ্যাত্মিকতাই বলি, নীতিবাদই বলি তার প্রভাব। একটি গভীর অজ্ঞাত অনুশাসন আমি অনুভব করি; মানব-হৃদয়ের এই অনুশাসনের একটি বেদনাময় আকৃতি আমার আছে। এ দুর্বলতা হলে আমি দুর্বল। পরাজয় হলে আমি পরাজিত।

সে-কালকে যতই চেষ্টা করছি প্রকাশ করতে, ততই যেন মনে হচ্ছে ঠিক প্রকাশ করা হল না। প্রথমই বলেছি, ছোট ছোট জমিদারপ্রধান একটি অঞ্চল, সে অঞ্চলে অকস্মাৎ অভ্যুদয় হল এক লক্ষপতি ব্যবসায়ীর, তাঁর সঙ্গে প্রাধান্য নিয়ে সংঘর্ষ বাধল আমাদের অঞ্চলে। জমিদার-শ্রেণী যতই বিব্রত বিপন্ন হলেন, ততই তাঁরা ভগবানকে ডাকতে শুরু করলেন। ভগবানের তখন বহু মূর্তি। দেবতা তেত্রিশ কোটী, সত্তরায় রূপ তাঁর তেত্রিশ কোটীই। ওর মধ্যে কিন্তু সঙ্কল্পভাবে বিচার করলে দেখা যাবে—মূর্তি ছিল আসলে দুটি। শক্তিমূর্তি আর বিষ্ণুমূর্তি। মোটা-মুটিই ধরা যাক আর অতিসঙ্কল্পভাবেই বিচার করা যাক—ধর্মজীবনে ছিল দুটি

পথ বা মত—শাস্ত্র ও বৈষ্ণব। যদুগল বিগ্রহ অর্থাৎ রাধাগোবিন্দ, বাসুদেব, গোপাল, নাড়ু-গোপাল, শালগ্রামশিলা, গৌরাঙ্গ, নিত্যানন্দ—এই ছিলেন বৈষ্ণবদের দেবতা। তা ছাড়া দূর্গা থেকে শূর, করে মনসা ওলাইচন্ডী পর্যন্ত সবাই ছিলেন শাস্ত্র-তন্থাভোগী ; শিব ঠাকুর থেকে শূর, করে পদ্রুষ দেবতারাত্ত ওই শাস্ত্র মতের পথের পাশে বাসা গেড়েছিলেন। গাজনে শিব ঠাকুর উঠতেন, বৈশাখ-জ্যৈষ্ঠে ধর্মরাজ, ভাদ্রে ইন্দ্রদেবতা বিম্বকর্মা—এদের সকলের পূজাতেই পাঁঠা-বালির ব্যবস্থা ছিল। ছিল কেন, আজও আছে। সন্তরাং ওঁরা শাস্ত্রের দলে। তবে মা লক্ষ্মী এবং মা সরস্বতী এঁরা দুজন সবারই পূজা এবং এঁরা বৈষ্ণবদের দলে, ওঁদের কথা উঠলেই আজও মনে হয়—নারায়ণ বসে আছেন মাঝখানে, দু-পাশে তাঁর দুই প্রিয়তমা—লক্ষ্মী আর সরস্বতী। অদৃষ্ট পরিবর্তনের কামনায় মানতের পরিমাণ বাড়তে শূর, করল এক দিকে, অন্য দিকে যাঁর অভ্যুত্থান হচ্ছে তিনি বাড়তে লাগলেন সমারোহ।

দেশেও তখন প্রাচুর্য ছিল।

ক্ষেত্র ছিল উর্বর, বর্ষাও তখন এখন থেকে প্রবল ছিল, মাঠে পদ্রুগদুলিও তখন এখনকার মতো এমনভাবে মাঠের সমান হয়ে মজে যায়নি, ফসল যথেষ্ট হত। ধান কলাই গম আখ সরষে আলু—এ প্রায় প্রত্যেক সম্পন্ন গৃহস্থের ক্ষেত্রে জন্মাত। গোয়ালে ভালো ভালো গাই ছিল, দুধও হত প্রচুর, পদ্রুরে বড় বড় মাছ থাকত, অভাব দেশে ছিল না ; অল্প চার-পাঁচ হাজার টাকা আয়ে রাজার হালে চলে যেত। আমার নিজের যখন বারো-চোদ্দো বছর বয়স তখনকার হাট-খরচা আমার মনে আছে—সপ্তাহে দুদিন হাটে তরকারির খরচা ছিল—ছ আনা হিসেবে বারো আনা। প্রথম মহাযুদ্ধের পর খরচাটা বাড়ল—বারো আনা থেকে আঠারো আনা পাঁচ সিকিতে পেঁছিল। আমাদের বাড়ির মদুদীর দোকানের খরচ ছিল বছরে একশো টাকা। কোনো বছর দশ টাকা কম—কোনো বার পাঁচ টাকা। বছরে দু-বার কাপড় কেনার ব্যবস্থা ছিল—আশ্বিনের পূজোর সময় এবং বছরের শেষেই বলুন আর পরের বছরের প্রারম্ভের আয়োজনেই বলুন, চৈত্র মাসে আর এক দফা কাপড় আসত। পূজোর সময়—শান্তিপূরে ফরাসডাঙার পোশাকী কাপড় থেকে শূর, করে, গদ্রু পদ্রুহিত পূজক দেবপূজার কাপড়, বাড়ির মদুদী মোদক জেলে মদুডিভাজনী মেঘর চাকর-বাকর—এসব নিয়ে পাহাড়প্রমাণ কাপড় (তাই বলত লোক) কেনা হত দোকান থেকে, ফর্দ আসত সস্তার পঁচাত্তর আশি। পাঁচশো টাকা ঋণ হলে গৃহস্থ ভাবত, ঋণে সে আকণ্ঠ ডুবে গেছে। চাকরের মাইনে ছিল দেড় টাকা, কাপড় কোঁচানো থেকে সকল রকম তরিত জনা খানসামার মাইনে আড়াই টাকা, মেয়ে-রাধুনী থাকত দু-টাকা আড়াই টাকায়, পদ্রুষ-রাধুনীর বেতন সাড়ে-তিন টাকার বেশি ছিল না। পশ্চিমা দারোয়ানেরা শূথো সাত টাকা মাইনে পেলে বলত—দরকার হলে জান ডাল দেগা। বাড়ুরী প্রভৃতি জাতীয় যারা গো-সেবা প্রভৃতি কাজে নিযুক্ত থাকত, তাদের ছোটরা থাকত পেট-ভাতায়, আর বড়দের মাইনে ছিল বছরে ছ-টাকা থেকে নয় টাকা পর্যন্ত।

কাজেই সংসার চালিয়েও মানত দিতে খুব বেগ পেতে হত না। দোষ তাঁদের

নেই। আবহাওয়াই ছিল তখন এই। ভাগ্য আর অদৃষ্ট ছাড়া পথ ছিল না। দেবতারা ছিলেন ভাগ্যের কান্ডারী। সকাল থেকে বাউল বৈষ্ণব আসতেন ভিক্ষে করতে। খঞ্জনি একতারা বাজিয়ে গান গাইতেন। পদাবলীর গায়কও দ্ব-চারজন ছিলেন। শাস্ত্র সন্ন্যাসীও আসতেন। প্রচণ্ড জোরে হাঁক মারতেন—চে—ৎ চন্ডী! কালী কপালী নরমুন্ডমালী, বন্ধন কাট মা, বন্ধন কাট। মুসলমান ফকির আসতেন, বয়েৎ আওড়াতেন, তাঁদের কারও কারও হাতে চামড়ার আবরণীর উপর শিক্কে পাখি (বাজ পাখিরই একাট ছোট জাত) থাকত, কেউ কেউ গান গাইতেন—দেশি হাতে তৈরি সারেঙ্গী জাতের যন্ত্র বাজিয়ে। প্রায় সব গানই ছিল গোপাল-হারা মা যশোদার বেদনার গান। কেউ কেউ দেহতত্ত্বের গান গাইতেন—

“এই দেহে কিবা ফল—পশ্মপটে জল—

এ দেহের মিছে গৌরব করিস মন!”

কেউ কেউ পীরমণাল গাইতেন। অঞ্চলে যত পীর আছেন, হিন্দুর জাগ্রত দেবতা আছেন, সবাই ছিলেন পীর, সকলের মহিমাই কীর্তন করতেন তাঁরা। সে কি হিন্দুর দোরে, কি মুসলমানের দোরে, তাঁরা ওই গানই গেয়ে যেতেন—সকলেই ভক্তিপূর্নাকিত চিন্তে শুনত।

“পীর বড় ধনী রে ভাই—ঠাকুর বড় ধনী—

পীর গাজী—মুশকিল আসান কর, পীর গাজী—!

তোমার গোপাল দৃশ্য খাবেন জন্ম যাবে সুখে—

দৃশ্য তোমার দূরে যাবে—অল্প দিয়ো ভুখে।

পীরের ঘোড়া পীরের জোড়া পীরকে কর দান,

বাত ব্যাধি হইতে মাগো পাইবে পরিত্রাণ।”

মস্ত বড় গান। আজও মনে আছে আমার। তারও মধ্যে মধ্যে আসত ‘গরুমারা’। অর্থাৎ গো-বধ করে প্রায়শ্চিত্তকারী ভিক্ষুক। আমার মনের মধ্যে আজও ছাপ কেটে রয়েছে প্রথম ‘গরুমারা’র ছবি। গরমের সময় স্তম্ভ শ্বিপ্রহরে আমাদের ভাড়ার-ঘরের দাওয়ার উপর তেঁতুল থেকে বীচি ছাড়িয়ে ফেলা হচ্ছে। মা পিসিমা ঝি রাঁধুনী এদের সঙ্গে আমিও বসে গেছি; আমার সঙ্গে আছে আমার শৈশব-সঙ্গিনী চারু, ডাকনাম নেড়ী; সকলেই এক-একটা পাতর দিয়ে ছেঁচে তেঁতুলবীচি বের করছি। ইঠাৎ সদর-দোরে ডাক উঠল, হাম্-বা—অ্যা-ম-ব্যা—অ্যা-ম-ব্যা। সমস্ত শরীর কেমন যেন করে উঠল। দরজায় উঁকি মেয়ে দেখলাম, ধূলিধূসর স্ফোপীন পরনে একাটি জোয়ান মানুষ হাতে একগাছা দাড়ি নিয়ে এমনি চিৎকার করছে, অ্যা-ম-ব্যা! অকস্মাৎ মানুষের কণ্ঠ রুদ্ধ হয়ে গেলে যে উদ্বেগ তার বুকথানাকে তোলপাড় করে তোলে—সেই অসহনীয় উদ্বেগ আমার শিশুচিন্তকে অধীর অস্থির করে তুলেছিল। আমি সমস্ত দিন কেঁদেছিলাম। মায়ের কাছে শূন্যেছিলাম এই-ভাবে বারো বৎসর তাকে প্রায়শ্চিত্ত করতে হবে।

সপ্তাহে দু-তিন দিন আসত পটুয়ারা। শ্বিজপদ পটুয়াকে আজও মনে আছে।

সুন্দর চেহারা ছিল তার। তেমনি সে গান গাইত। লম্বা পট খুলে কৃষ্ণলীলা-রাসলীলা-গৌরাঙ্গলীলার পর পর সাজানো ছবি দেখিয়ে যেত আর গান গেয়ে যেত—

“আহা, কী মধুর লীলা রে!”

পটের শেষের দিকটায় থাকত ধর্মরাজ অর্থাৎ যমরাজ্যের দরবার। বৈতরণী নদী পার হয়ে যেতে হয় দরবারে, যেতেই হবে, না গিয়ে পরিগ্রাণ নাই। যমদূতে নিয়ে যাবে। পাপীর কাছে বৈতরণী টগবগ করে ফুটছে। তাকে ঐ নদীর ফুটন্ত জলে ভাসতে ভাসতে যেতে হবে। ওপারে দরবারে বসে আছেন ধর্মরাজ, চিত্রগুপ্ত বসে আছেন এই দেখুন হিসেবনিকেশের খাতা নিয়ে।

নীলবর্ণ যমরাজ। রাজবেশ। পালোয়ানের মতো গোঁফ, বড় বড় সাদা চোখ। চিত্রগুপ্তের কানে কলম, হাতে খাতা—খতিয়ানের লম্বা খেরদুয়া-বাঁধানো খাতার মতো খাতা। তারপর বিভিন্ন পাপে বিভিন্ন নরকে ভূতের মতো চেহারা যমদূতের হাতে পাপীদের শাস্তির দৃশ্য—কোথাও অসংখ্য সাপ-বিছে-কাঁকড়াবিছে-পরিপূর্ণ নরকে পাপীকে ফেলে দেওয়া হচ্ছে, কোথাও ফুটন্ত কড়াইয়ে তাদের ভাজা হচ্ছে, কোথাও চটকির তলায় ফেলে কোটা হচ্ছে, কোথাও আগুনে গলানো লোহার সাঁড়াশি দিয়ে জিভ ছিঁড়ে ফেলা হচ্ছে। খেজুরগাছে তুলে হাত-পা গাছের সঙ্গে বেঁধে টেনে নামানো হচ্ছে এমনও একটা ছবি ছিল।

সব শেষ ছবিটি ছিল নদীর ঘাটে শ্রীকৃষ্ণ কাণ্ডারী হয়ে বসে আছেন নৌকা নিয়ে। শ্বিজপদ গাইত—ও নামের তরী বাঁধা ঘাটে ডাকলে সে যে পার করে।

বেদিরারা আসত। দেশি বেদিয়া সাপদুড়ে। এরা সাধারণত আসত বর্ষার সময়, মাঠে আল-কেউটে ধরত—গ্রামে সাপ দেখিয়ে গান গেয়ে ভিক্ষা করত, বাঁদর নাচাত, আর চলত। ওরা যেত—মেদিনীপুর পর্যন্ত। তাদের মুখেই শুনছিলাম—মেদিনী-পুর অঞ্চলে কবিরাজ ছিলেন অনেক, তাঁরা কালো কেউটের বিষ কিনতেন এবং তা দিয়ে ওষুধ তৈরি করতেন। কালো কণ্ঠিপাথরের মতো এদের গায়ের রঙ, তেমনি কি ছিল চুল—পুরুষদের দাড়ি-গোঁফের এমন প্রাচুর্য যে ভারতবর্ষের যে-কোনো শ্রমশ্রুগুরুগরবীদের সঙ্গে পাল্লা দিতে পারে। মেয়েদের চুলও ছিল তেমনি—রক্ষ কালো ঘন এক রাশ চুল, বৈশাখের হাওয়ায় ফুলতে থাকত দ্রুত খাবমান কালো মেয়ের মতো। তেমনি টিকলো নাক আর তীক্ষ্ণ চোখ।

ওদের গানের দৃ-একটা মনে আছে।

“ও কালীলাগ ডংসেছে লখাকে—বাসর ঘরেতে—

বেউলা কাঁদে পতির শোকে পড়ে ধূলাতে।

কালী—লা—গ।”

আর একটা গান—

“ও জানি না গো—ও গো—এ—মন হবে।

গোকুল ছাড়িছে কালী মথুরাতে যাবে।”

আর একটা গান—

“কালীদহের ও লাগিনী ফন্সিস না—এমন করে ফন্সিস না।

ও তারে—দেখলে লাজের মাথা খাবি, তাও কি মরণ বন্সিস না।

ও লাগিনী ফন্সিস না!”

কালো কেউটে সাপ অত্যন্ত হিংস্র। মানুষকে এরা তাড়া করে কামড়ায়। অবশ্য এর ব্যতিক্রমও যে নাই তা নয়। একটি কেউটে সাপের সঙ্গে আমার এক সময় নিত্য দেখা হত। কিন্তু সে কখনও মাথা তোলেনি। সাড়া পাওয়া মাত্র চলে যেত। তার কথা পরে বলব। কিন্তু সাধারণভাবে কেউটের স্বভাব হিংস্র এবং এরা তাড়া করে যায় মানুষকে। আমিও তাড়া খেয়েছি অন্য কেউটের দ্দ-চারবার। এই বেদেরা আশ্চর্য। এরা তাড়া করে ধরে এই সব সাপ। দেখেছি, বেদের মেয়ে বর্ষার খানভরা ক্ষেতের মধ্যে ছুটে চলেছে। আশ্চর্য হয়েছি—কি ব্যাপার! তারপরই দেখেছি প্রকাণ্ড একটা কেউটের মূখ মূঠিতে ধরে অন্য হাতে লেজটা টেনে ধরে আক্রোশভরে সাপটাকে বলছে—“আমার হাত থেকে, যমের হাত থেকে তু পালাবি?” মাত্র হাত দেড়েক লম্বা একটা পাচনি ছড়ি হাতে নিয়ে—সদ্য-ধরা সাপটাকে ছেড়ে দিয়ে হাঁটু দুলিয়ে নাচাতে দেখেছি, গাইতে শুনছি—“ও লাগিনী ফন্সিস না!”

পটুয়ারা এবং বেদিয়ারা ধর্মে মূসলমান! বহুকাল পর্যন্ত এ তথ্য জানতাম না। স্বিজপদ পটুয়া, রাধিকা বেদেনীর সঙ্গে আমার হৃদয় একটি সম্পর্ক জন্মেছিল। স্বিজপদের সুন্দর চেহারা এবং রাধিকার একপাঠ ঘন কালো চুল আর তীক্ষ্ণ চোখ যেন আকর্ষণ করত আমাকে। রাধিকা এক-একদিন বাঁদর নিয়ে নাচাতে আসত। গাইত—

“হীরেমন নাচ দেখি লো!

তেমনি তেমনি তেমনি করে, বাহার করে,

ও হীরেমন নাচ দেখি লো!

যেমন আমার খোকাবাবুর চাঁদমুখ

তেমনি বিদায় পাবি লো!”

আমার চিবুক স্পর্শ করে বলত—মায়ের কাছে একখানা শান্তিপুর্নে শাড়ি এনে দাও খোকাবাবু, হ্যাঁ।

তা আমি দিয়েছিলাম। মা একবার পুরানো একখানা শান্তিপুর্নে শাড়ি তাকে দিয়েছিলেন। সে কাপড়খানা আমাদের বাড়িতেই পরে হেলে-দুলে চলে গিয়েছিল। বৃড়ী রাধিকা একদিন আমায় বললে—তখন আমি কংগ্রেসের কাজ করি—২০।২৪ সালে বোধ হয়। বললে—হ্যাঁ, খোকাবাবু, দাড়কার অবনীশবাবু যে আমাদেরিগে হিন্দু হতে বলছে, কি করি বল তো?

স্বিজপদও বলেছিল। কয়েকদিন পর সেও এসেছিল, সেও বললে। তখন জানলাম ওরা ধর্মে ইসলাম ধর্মাবলম্বী।

আর এক দল দেশি বাঘাবর আমাদের দেশে আছে। আমাদের অঞ্চলে বাজীরক বলে। এরা ম্যাজিক দেখায়। মেয়েরা নাচে, গান গায়। পুরুষেরাও ঢোলক বাজিয়ে

গান গায়। সমসাময়িক ঘটনা নিয়ে এরা গান বাঁধে। মনে আছে, ছেলেবেলায় শুনছি—

“ও—মহারানীর মিত্য হ-ই-ল।

ও—বড়লাট ছোটলাট কাঁদিতে বসিল।”

এদের কাছেই ক্ষুদ্রিরামের ফাঁসির গান শুনছিলাম। ওরা বলেছিল—আমাদের বাঁধা গান।

“ও—বিদায় দে মা—ফিরে আসি।”

এদের মেয়েরা কিন্তু অশুভ। বেশভূষায় এমন বিলাসিনী যে, দেখবামাত্র মনে হয় ওরা নৃত্য-ব্যবসায়িনী নটী। গায়ে গিল্টের গয়না, পাছাপাড় শোঁখিন শাড়ি—দেহের ভাঁজে ভাঁজে জড়িয়ে পরে, নাকের নথ দুলিয়ে ভুরু টেনে, হেলে দুলে, সদর করে কথা বলে গৃহস্থের দোরে এসে দাঁড়ায়—ভিক্ষে পাই মা, সোনাকপালী, স্বামীসোহাগী, চাঁদবদনী, রাজার রানী! কোমরে হাতের কনুই দিয়ে ধরে রাখে একটা বড়ি। বড়িটা রেখেই বলে—নাচন দেখাই মা, দেখ। বলেই আরম্ভ করে দেয়, দুই হাতে তুড়ি মেয়ে, দেহখানি নৃত্যদোলায় দুলিয়ে গান ধরে—

“উরুর—জাগ—জাগ—জাগিন ঘিনা—জার ঘিন না—

উরুর—র—”

অশুভ মিশ্র ভাষা এদের। তেমনি কী নাছোড়বান্দা। হাঁক দিয়ে দাঁড়ালে যদি গৃহস্থ বলে—ভিক্ষে দিতে নেই, বাড়িতে অসুখ।

অমনি সঙ্গে সঙ্গে কণ্ঠস্বরে দরদ নাথিয়ে সরেলা উচ্চারণে বলে উঠল—বালাই ষাট, ও-কথা বলতে নাই মা—শত্রুর অসুখ হোক। হাত জোড়া আছে বললে, বলে—হাতের কঙ্কণ নাড়া দিয়ে জোড়া হাত খুলে ফেল রাজার মা, বাবু-সোহাগী! এদের বাজী অর্থাৎ যাদুবিদ্যার পারদর্শিতা অশুভ। এরা বলে অনেক কথা—টাকু মোড়ল বলে কে এক ওস্তাদ ছিল; তার দোহাই দিয়ে বাজী দেখাত।

আবও আসত সত্যকারের বেদের দল।

তাঁবু, গরুর গাড়ি, গরু, মোষ, ঘোড়া, কুকুর নিয়ে আসত এক-একটা দল: দলে পুরুষে নারীতে পঞ্চাশ ষাট থেকে চার পাঁচশো পর্যন্ত লোক থাকত। নানা ধরনের বেদে দেখছি। সে-কালে বছরে তিনটে চারটে দল আসতই। একেবারে বর্ষার এক ফালি নেংটি পরা, কালো কণ্ঠিপাথরের মতো দেহ, তারা আসত—পারে হেঁটে আসত, সঙ্গে থাকত কিছু গরু মহিষ আর এক পাল দল্লু হিংস্রদর্শন কুকুর: এসে গ্রামপ্রান্তে গাছতলায় বাসা গাড়ত, প্রান্তরে প্রান্তরে শিকার করে আনত খরগোস, সজারু, ইঁদুর, গোসাপ, শেয়াল, বড় বড় খামিন সাপ। সন্ধ্যার অন্ধকার হয়-হয়, তখন তারা শিকার করে ফিরত, অস্পষ্ট আলোয় ছায়ামূর্তির মতো দেখাত, কাঁধে বাঁকে ঝুলত রাশীকৃত মৃত জন্তু, সরীসৃপ। এদের মেয়েরা গ্রামে দুপন্থরে ভিক্ষা করত। মাটির ঝুমঝুমি, খেজুরপাতায় বোনা থলে বিক্রি করত। দুপন্থরে স্তম্ভ গৃহস্থের হাঁক উঠত—এ খোকার মা, ঝুমঝুমি লিবি? কিনলেও বিপদ, না-কিনলেও বিপদ, ঝগড়া কোনোক্রমে বাধিয়ে কিছু-না-কিছু কেড়ে নিয়ে পালাত।

অপেক্ষাকৃত সভ্য বেদের দল আসত।

ইরানীরা আসত। এদের অস্তিত্ব শহরের লোকের কাছে সুপরিচিত। ছুরি কাঁচি বিক্রি করে। মাথায় ডবল বেণীর উপর রুমাল বাঁধে, ঘাঘরা পাঞ্জাবি পরে মেয়েরা। মাথায় পাগাড়ি বা মেমটুপি, পাঞ্জামা পাঞ্জাবি পরে পুরুষরা দল বেঁধে গ্রামে ঢুকত। দর করলে নিতেই হত জিনিস। এবং যে দাম বলত—সেই দামই আদায় করত। আমাদের বাড়িতে যোগেশদাদা নায়েব ছিলেন। ভারি ভালো মানদুশ, সুপুরুষ, গোরবর্ণ মানদুশ, মাথায় লম্বা চুল, গোঁফ-দাড়িতে মানদুশটিকে মানিয়েছিল চমৎকার। সাধু ভাষায় কথা বলতেন। তিনি একবার একটি ইরানী মেয়েকে জিজ্ঞাসা করলেন—কি হয়?

বেণী দুলিয়ে উদ্ভত বাষাবরী ছুটে সিঁড়ি বেয়ে এসে সেলাম করে বললে—ছুরি আসে, কাঁচি আসে, ক্ষুর আসে—দেকো-দেকো-দেকো। সঙ্গে সঙ্গে কাঁধের চামড়ার ব্যাগ নামিয়ে পসরা খুলে বসে গেল ইরানী মেয়ে। টক্টকে রঙ, মাথায় লাল রুমাল, গায়ে গাঢ় নীল সবুজ পাঞ্জাবি, কালো দুটো বেণী, খাটো কিন্তু মোটা। যোগেশদাদা একখানা ক্ষুর নিয়ে দেখে বলিছিলেন—আচ্ছা নেহি।

—আচ্ছা নেহি? ইরানী মেয়ে ফাঁস করে উঠল—আচ্ছা নেহি? বলে এক হাতে যোগেশদাদার হাত চেপে ধরে অন্য হাতে ক্ষুরখানা ধরে বললে—বলো, কাটেগা?

—আরে, কাটেগা কি? না—না—

খিলখিল করে হেসে মেয়েটা যোগেশদাদার হাত ছেড়ে দিয়ে বললে—তবে দেকো। বলেই ক্ষুরটা বসিয়ে দিলে নিজের হাতে। অল্পই বসালে অবশ্য। সঙ্গে সঙ্গে রক্ত বেরিয়ে এল। হেসে রক্ত দেখিয়ে বললে—দেকো। ক্যাসা দার হয় দেকো। আব লেও।

যোগেশদাদা বললে—না। নেব না। তুই ভয়ানক—

ভয়ানকই বটে, ইরানী মেয়েটা খপ করে যোগেশদাদার দাড়ি চেপে ধরে বললে—ভব তুমার দাড়ি লে লেগা! হামারা ক্ষুর দেখানেকা দাম।

আর আসত সভ্য বেদে। আজকাল অনেকেই এদের জানেন না। মস্ত দল, ঘোড়া গরু, মহিষ তাঁবু, কুকুর—সরঞ্জাম অনেক। এরা সব কেউ সাজত সম্মাসী, কেউ সাজত ব্রাহ্মণ পণ্ডিত, কপালে তিলক, গলায় তুলসী বা রুদ্রাক্ষের মালা, হাতে কমন্ডল, বেশ সংস্কৃত শ্লোক আউড়ে এসে দোরো দাঁড়াত। এদের একটা ভিক্ষের বদলি আমার আজও মনে আছে—সীত্যারাম—সীত্যারাম। বাড়ির মগল হোবে রাম। সাধু বিদায় করো রাম। বলেই যেত, বলেই যেত—রাজ্য পাবে, পুত্র পাবে, মনের মতো পত্নী পাবে। তেমন ভক্তমান দেখলে সঙ্গে সঙ্গে বদলির মধ্যে হাত ঢুকিয়ে মর্দুষ্টিবন্ধ হাত বাড়িয়ে বলত—ধরো, ধরো। রামজী স্ব'ন দিয়া তুমকো দেনেকো লিয়ে, ধরো। গৃহস্থ শীর্ণক হয়ে হাত বাড়াত। পেত একটা তামার মাদুলী। সঙ্গে সঙ্গে সাধু বলত—দে দক্ষিণা। একশো—পঞ্চাশ—পঁচিশ—পাঁচ। শেষে এক টাকায় এসে চোখ রাঙা করে বলত—ভস্ম করে দেব। শাপ দেব।

শুধু কি এরাই সে-কালের সব? আরও ছিল। বলতে গিয়ে কথা ফুরোয় না। ডাইনী ছিল—স্বর্ণ ডাইনীকে মনে পড়ছে। শুকনো কাঠির মতো চেহারা, একটু কুঞ্জো, মাথায় কাঁচাপাকা চুল, হাটে তিরতিরকারি কিনে গ্রামে-ঘরে বেচে বেড়াত। চোখ দুটো ছিল নরুনে-চেরা চোখের মতো ছোট। দৃষ্টি তীক্ষ্ণই ছিল, কিন্তু ডাইনী শুনে মনে হত সে চোখ যেন আমার বৃকের ভেতরটা ভেদ করে ঢুকে আমার হৃদপিণ্ডটা খুঁজে খুঁজে ফিরছে। স্বর্ণ গ্রামে বড় কারও ঘরে ঢুকত না। আমার অনেক বয়স পর্যন্ত স্বর্ণ বেঁচে ছিল। আমরা স্বর্ণপিসি বলতাম। বেচারী গ্রামের ভদ্রপল্লী থেকে দূরে—জেলেপাড়ার মোড়ে একখানি ঘর বেঁধে বাস করত। সে-পথে যেতে-আসতে দেখেছি, বৃড়ী ঘরের মধ্যে আধো-অন্ধকার আধো-আলোর মধ্যে বসে আছে। চুপ করে বসে আছে। কথা বড় কারও সঙ্গে বলত না। কেউ বললেও তাড়াতাড়ি দু-একটা জবাব দিয়ে ঘরে ঢুকে যেত। তার শেষ-কালটায় আমি বৃদ্ধিহীন তার বেদনা। মর্মান্তিক বেদনা ছিল তার। নিজেরও তার বিশ্বাস ছিল, সে ডাইনী। কাউকে স্নেহ করে সে মনে মনে শিউরে উঠত; কাউকে দেখে চোখে ভালো লাগলে সে সভয়ে চোখ বন্ধ করত; চোখে ভালো-লাগার অবাধ্য-তাকে তিরস্কার করত। দুই ক্ষেত্রেই তার শঙ্কা হত, সে বৃদ্ধি তাকে খেয়ে ফেলবে, হয়তো বা ফেলেছে, বিষাক্ত তীরের মতো তার লোভ গিয়ে ওদের দেহের মধ্যে বিঁধে গিয়েছে। সমগ্র পৃথিবীতে তার আশ্রয় ছিল না, স্বপ্ন ছিল না। রোগের যন্ত্রণায় দুঃখে সমগ্র জীবনটাই সে একা কাটিয়ে গেছে।

ডাইনী স্বর্ণ একাই ছিল না, আরও ছিল। কিন্তু স্বর্ণের মতো অপবাদ কারুর ছিল না। সে এক বিস্ময়কর ঘটনা। আমার চোখের উপর ভাসছে। জীবনে ভুলতে পারব না শৈশবের দেখা সে ছবি। বলব ঘটনাটি। আমাদের বাড়িতে ছিলেন আমাদেরই গ্রামের এক ব্রাহ্মণ-কন্যা। রান্নার কাজ করতেন। আমি তাঁকে বলতাম ‘দাদার মা’। তাঁর ছোট ছেলেটিও তাঁর সঙ্গে থাকতেন আমাদেরই বাড়িতে। অবিনাশদাদার উপর ছেলেবেলায় আমার গভীর আসক্তি ছিল। তাঁর গলা জড়িয়ে ধরে আঁকড়ে থাকতাম, স্কুল যাবার সময় তিনি বিপন্ন হতেন। তিনিও আমাকে গভীর স্নেহ করতেন। নইলে ছোট একটি ছেলেকে ভুলিয়ে রাখার মতো সম্পদ তাঁর কিছূ ছিল না। অবিনাশ-দাদার গল্প-ভান্ডারে একটি মাত্র গল্প ছিল,—‘বাজারে ব্রাহ্মণের গল্প’।—এক ব্রাহ্মণ মাঠে গিয়েছেন। এক জায়গায় কুলকাঁটা ছড়ানো ছিল, ভুল করে তারই উপর গিয়ে পড়েছেন আর পায়ে কাঁটা ফুটেছে। সে-কাঁটা বের করতে গেলেন, এদিকে অন্য পাটি টলে পড়ল কাঁটার উপর, তাতে ফুটল কাঁটা। এ-পা মদুস্ত করে নামিয়ে সে-পায়ের কাঁটা তুলতে তুলতে টলল এ-পা। ফুটল কাঁটা। মোট কথা, কাঁটা আর ছাড়ে না। ব্রাহ্মণের একেই ব্যাজার স্বভাব, তার উপর এই ব্যাপার। ক্ষেপে গেলেন ব্রাহ্মণ এবং দুই পায়ে সেই কাঁটা ছড়ানো ঠাইটুকুর উপর ভাঁক ভাঁক করে লাথি মেরে নাচতে লাগলেন আর চ্যাঁচাতে লাগলেন—ভোঁক—ভোঁক

—ভৌক—ভৌক। আমাদের দেশে ‘কাঁটা-ফোটা’ বলে না; বলে—কাঁটা ভৌকা, কাঁটা ছুঁকেছে। এইটুকু গল্প। কিন্তু সে থাক। গল্প একটিই হোক আর যত তুচ্ছ সামান্যই হোক, অবিনাশদাদার মূল্য আমার কাছে অসামান্য ছিল। একদা খবর পেলাম অবিনাশদাদাকে স্বর্ণ ডাইনী খেয়েছে। ডাইনে নজর দেওয়াকে আমরা বলি—ডাইনে খাওয়া। প্রবল জ্বরে অবিনাশদাদা অচেতন। দাদার মা তখন তাঁর নিজের বাড়িতে থাকেন, আমাদের বাড়িতে কাজ করেন না, কাজ করেন তাঁর বড় মেয়ে সাতনর্দিদা। সাতনর্দিদাই সকালে কাঁদতে কাঁদতে এলেন। খবর পাঠানো হল গোঁসাই-বাবার কাছে। ‘ধাত্রীদেবতা’র রামজী সাধু। তখন তিনি আমাদেরই বাগানে তারা-মায়ের আশ্রমে থাকেন। প্রায় আমাদের সংসারেরই একজন। আমারই মায়ার ডোরে সম্ম্যাসী আশ্বেপৃষ্ঠে বাঁধা পড়েছেন। গোঁসাই-বাবা ডাইনের ওঝা ছিলেন। মন্ত্র জ্ঞানতেন। তাঁরই সঙ্গে, বোধ হয় তাঁরই কোলে চেপে, গেলাম দাদার মায়ের বাড়ি। উঠান তখন লোকে লোকারণ্য। সন্না ডাইনে খেয়েছে অবিনাশকে, রামজী সাধু ঝাড়বেন।

মটে কোঠায় অর্থাৎ মাটির দোতলায় অবিনাশ-দাদা শুয়ে অছেন, চোখ বন্ধ। ডাকলে সাড়া নাই। প্রবল জ্বর। মাথার শিরে দাদার মা বসে। ও-পাশে বসে অবিনাশদাদার দুই বোন। গোঁসাই-বাবা ডাকলেন—মামা! গোঁসাই-বাবাকে দাদার মা ‘গোঁসাই-দাদা’ বলতেন, সেই হেতু অবিনাশ-দাদা তাঁকে বলতেন, রামজী মামা। সাধু অবিনাশদাদাকে বলতেন ভাঙ্গা, কখনও মামা।

কোনো উত্তর দিতেন না অবিনাশ-দাদা।

—অবিনাশ!

অবিনাশ এবার ঘুরে শুল।—মর, হাঘরে গোঁসাই। আমি মেয়েছেলে, আমাকে কি বলিস তুই?

—তু কোন্ রে?

চুপ করে রইল অবিনাশ।

—কোন্ তু?

—বলব না।

—বলবি না?

—না।

মন্ত্র পড়া শুরুর হল। বিড়বিড় করে মন্ত্র পড়েন রামজী সাধু আর মধ্যে মধ্যে ফঁ দেন—ছঁদ—ছঁদ—ছঁদ।

অবিনাশ চিৎকার করে উঠল, পরিগ্রাহি চিৎকার। বলছি—বলছি—বলছি।

তবু মন্ত্র পড়া চলল।—ছঁদ—ছঁদ—ছঁদ।

—বাপ রে, মা রে! ও গোঁসাই, আর মেরো না। বলছি, আমি বলছি।

—বোল, তু কোন্?

—আমি স্বর্ণ। স্বর্ণ ডাইনী।

—তু কাছে এখানে? আঁ?

—আমি একে খেয়েছি যে।

—খেলি? কাহে—কাহে খেলি?

—কি করব? আমার ঘরের ছামনে দিয়ে এই বড় বড় আম হাতে নিয়ে যাচ্ছিল, আমি থাকতে পারলাম না, আমি আম না পেয়ে ওকেই খেললাম।

—কাহে, তু মাঙলি না কাহে? কাহে বললি না—হামাকে দাও?

—কি করে বলব? একে লোভের কথা, তার উপরে মেন্নেলোক, আমি লজ্জায় বলতে পারলাম না।

—হাঁ! তব ইবার তু যা। ভাগ্।

—না। তোমার পায়ে পড়ি, যেতে আমাকে বলো না।

আদেশের সূরে গোঁসাই বললেন—যা তু। আমি বলছে।

—না। বিদ্রোহ ঘোষণা করলে অবিনাশ-দাদার মদুখ দিয়ে স্বর্ণ ডাইনী।

—না? আচ্ছা। এ দিদি, আন্ সন্ধ্যা।

সরষে এল। হাতের মুঠোয় সরষে নিয়ে বিড়বিড় করে মন্ত পড়ে—ছন্দ শব্দে ফন্দ দিয়ে ছিটিয়ে মারলেন অবিনাশ-দাদার গায়ে।

চিৎকার করে কেঁদে উঠল অবিনাশদাদা—বাবা রে, মা রে, ওরে, মেরে ফেললে রে! ওরে বাবা রে!

আবার মারলেন সরষের ছিটে।

—যাচ্ছি, যাচ্ছি, যাচ্ছি, আমি যাচ্ছি, আর মেরো না। আমি যাচ্ছি।

—যাবি?

—হ্যাঁ যাব।

সঙ্গে সঙ্গেই অবিনাশ কেঁদে উঠল—ওগো, যেতে যে পারছি না গো।

—পারছিঁস না? চালাকি লাগাইয়েছিঁস, আঁ? হাত তুললেন রামজী সাধু, মারবেন ছিটে। অবিনাশ চিৎকার করলে আবার—না না! যাব, যাচ্ছি।

—যাবি?

—হ্যাঁ, যাবো।

—তব এক কাম কর্। ঘরের বাহারে একঠো কলসীমে জল আছে। দাঁতে উঠাকে লে যা। নেহি তো—

—তাই, তাই যাচ্ছি।

জ্বরে অচেতন অবিনাশ উঠে দাঁড়াল। দাদার মা ধরতে গেলেন। রামজী বাবা বললেন—না। ঘর থেকে অবিনাশ বের হল। চোখে বিহ্বল দৃষ্টি তার। ঘরের বাইরে দোতলার বারান্দায় জলপূর্ণ কলসী আগে থেকেই রাখা ছিল, সেটার কানা দাঁতে কামড়ে তুলে নিলে। দাঁতে ধরেই নেমে গেল সিঁড়ি বেয়ে, উঠানে নামল, বাইরের দরজার সামনে এসে দাঁড়াল, দাঁত থেকে কলসীটা খসে পড়ে গেল, সে নিজেও পড়ে গেল মাটির উপর—ধরলেন গোঁসাই-বাবা। এবার বিপুল বলশালী পশ্চিম-দেশীয় সন্ন্যাসী কিশোর বা সদাযদুবা অবিনাশকে ছোট ছেলের মতো পাজাকোলা করে তুলে উপরে এনে বিছানায় শুইয়ে দিলেন। গোঁসাই-বাবার পাশে পাশেই রয়েছে আমি। এবার গোঁসাই-বাবা ডাকলেন—অবিনাশ! মামা!

—আঁ?

—কেমন আছ?

—ভালো আছি।

কয়েক ঘণ্টার মধ্যেই অবিনাশ-দাদার জ্বর ছেড়ে গেল। আমার শিশুচিহ্নে ডাইনী-আতঙ্ক দৃঢ়বন্ধ হয়ে গেল। স্বর্ণ সে-দফা মার খেয়েছিল, এ-কথা বলাই বাহুলা।

অনেকদিন পর, তখন আমার বয়স তেরো-চোদ্দ বৎসর। স্বর্ণ হঠাৎ আমাদের বাড়ি যাওয়া-আসা শূন্য করলে। পান তরকারি নিয়ে আসত। শুনলাম, ফুল্লরা-তলায় যাওয়া-আসার পথে মায়ের সঙ্গে স্বর্ণের কথাবার্তা হয়েছে। মা তাকে বলতেন, ঠাকুরঝি। ওইটুকুতেই সে কৃতার্থ।

স্বর্ণ আসত এর পর আমাদের বাড়ি। আমার ভয় চলে গেল। স্বর্ণকে বুঝতে লাগলাম। পথে যেতাম, দেখতাম, স্বর্ণ নিজের দাওয়ায় বসে আছে আকাশের দিকে চেয়ে, অথবা আধো-অন্ধকার ঘরের দয়্যারটিতে ঠেস দিয়ে বসে আছে। নিঃসঙ্গ, পৃথিবীপারিতাস্ত স্বর্ণ। কখনও কথা বলতে সাহস হত না। কি জানি, স্বর্ণ যদি সেই ডাইনীমন্ত্র স্পষ্টাঙ্করে উচ্চারণ করে আমাকে শুনিয়ে দিয়ে বলে, তোকে দিলাম। তবে আমিও যে ডাইনী হয়ে যাব। স্বর্ণ পাবে জীবন থেকে মুক্তি।

কথাটা আমাকে বলেছিলেন আমার পিসিমা। আতঙ্কে এক রাত্রি ঘুম হয়নি। মাকে বলতে তিনি হেসে বললেন—জানি নে বাবা, সত্যি মিথ্যে কি। সত্যি বলে আমার মনে হয় না। তবে ও তোমার এমন অনিষ্ট করবে কেন? স্বর্ণ আমাকে ভালোবাসে। তোমাদেরও ভালোবাসে। তা ছাড়া, কই, অবিনাশের ওই ঘটনার পর আর তো স্বর্ণকে দিয়ে কারুর অনিষ্ট হয়নি?

স্বর্ণ ছাড়া আরও অনেক ডাইনী ছিল। তার চেয়ে গল্প ছিল অনেক বেশি। প্রকাণ্ড মাঠে একটা অশথগাছ ছিল। মাঠটার চারিদিকে আর যে-গাছগাুলি ছিল সেগাুলি সবই বট, মাঝখানে ওই অশথগাছটি খানিকটা হেলে দাঁড়িয়ে ছিল। এক দিকের শিকড় উঠে বেরিয়ে পড়েছিল, মনে হত গাছটার আধখানা আছে আধখানা নাই। শুনতাম, ওটা ডাকিনীর গাছ। দেশে নাকি ছিল ভারী এক গুণীন। কাঁড়রের অর্থাৎ কামরূপের বিদ্যাও তার জানা ছিল। একদিন গরমকালের রাতে গ্রামের প্রান্তে বসে কয়েকজন বন্ধুবান্ধব মিলে আমোদ-আহ্লাদ করছে, এমন সময় আকাশ-পথে একটা শব্দ শোনা গেল। প্রচণ্ড বেগে যেন একখানা মেঘ উড়ে চলেছে। সকলে বিস্মিত হল—একি!

গুণীন হেসে বললে—গাছ উড়ে চলেছে।

—গাছ? গাছ উড়ে চলে? কি বলছ?

—চলে। কামরূপের ডাকিনীবিদ্যা যারা জানে, তারা গাছে বসে বিদ্যার প্রভাবে গাছকে উড়িয়ে নিয়ে চলে—দেশ থেকে দেশান্তরে। ডাকিনী চলেছে আকাশ-পথে।

বিশ্বাস করলে না কেউ। বললে—তুমি ধোঁকা দিচ্ছ।

—দেখবে?

—দেখাও।

গদগীন হাঁকতে লাগল মন্দ্র। আকাশে একটা চিৎকার উঠল, চিলের মতো চিৎকার, একসঙ্গে যেন বিশ-পাঁচশটা চিল ক্রোধে চিৎকার করে উঠল, ঈ—

সকলে ভয়ে কেঁপে উঠল। কিন্তু গদগীন আপন মনে মন্দ্র উচ্চারণ করেই চলল। মেঘের মতো জিনিসটির গতি থামল না, কিন্তু সামনে সে আর ছুটল না। পাক খেয়ে ঘুরতে লাগল। ঘুরতে ঘুরতে নামল এক অশথগাছ। গদগীনের মন্দ্র তখনও থামেনি। মাটি ফাটল, শিকড় সেই ফাটলে ঢুকল, গাছটি এইখানে জন্মানো গাছের মতো সোজা হয়ে দাঁড়াল। তারও চেয়ে বিস্ময়ের কথা—গাছের মাথায় অপরূপ সন্দরী এক মেয়ে, একপিঠ এলোচুল, সম্পূর্ণ বিবস্ত্রা।

লোকে মাথা হেঁট করলে।

ডাকিনী বললে—আমাকে নামালে তুমি গদগীন, দেশের সামনে এই অবস্থায়! আমাকে লজ্জা দিলে! আমি ডাকিনী হলেও মেয়ে। আমার লজ্জা রক্ষা কর, আমাকে কাপড় দাও।

গদগীন হাসল।

ডাকিনী তখন নেমে হাত বাড়িয়ে বললে—দাও, কাপড় দাও।

গদগীন হেসে ঘাড় নাড়লে—সবদর কর। সবদর কর।

কিন্তু যারা গদগীনের সঙ্গী—তাদের সবদর সইল না; একজন বললে—ছি ভাই!

গদগীন তাকে ধমক দিলে—না।

ততক্ষণে আর-একজন অতর্কিতে গদগীনের কাঁধের গামছাখানাই টেনে মেরেটিকে ছিঁড়ে দিলে, গদগীন আঁতকে উঠল—করলি কি? করলি কি?

ডাকিনী খিল-খিল করে হেসে উঠল। গামছাখানায় মাথা থেকে পা পর্যন্ত সামনের দিক ঢেকে, হেঁট হয়ে, পায়ের দিকের গামছার প্রান্তটা ধরে উপর দিকে নিয়ে পিছনের দিকে মাথা পার করে ফেলে দিলে। গদগীন মর্মান্তিক চিৎকার করে উঠল—সকলে সভয়ে দেখলে, গদগীনের দেহের চামড়া পায়ের দিক হতে ছিঁড়ে ক্রমশ মাথার দিকে গদটিয়ে পিছনের দিকে উল্টে গেল। চামড়া-ছাড়ানো মানুসটা পশুর মতো আতর্নাদ করে উঠল। ডাকিনীর খিল-খিল হাসি উচ্চ থেকে উচ্চতর হয়ে উঠল। সে গিয়ে আবার চাপল সেই গাছে। গদগীন সেই অবস্থাতেই তখনও মন্দ্র পড়ছিল; মন্দ্র আধখানার বেশি পড়তে পারলে না সে। গাছটার আধখানা উঠল না, আধখানা ছিঁড়ে আবার উঠল আকাশে। আবার আকাশে শব্দ হতে লাগল। উড়ন্ত মেঘের মতো চলে গেল—কোথায় নিরুদ্দেশ হয়ে।

এর উপর ছিল ভূত।

আমাদের বাড়ির গলিতে—বাড়ি থেকে বৈঠকখানা ও সদর রাস্তায় যাবার পথে জ্যাঠামশায়দের ডুমুরগাছে ভূত ছিল। শিউলিগাছে ব্রাহ্মণ-প্রোত ছিল। এই গলিপথ নিচের দিকে ছিল সপ'সঙ্কুল—অন্য দিকে মাথার উপরটা ভূত-অধুসিঁষিত। সে কী বিপদ শিশুর পক্ষে! বারো-চোদ্দ বৎসর বয়স পর্যন্ত গলির মুখে এসেই ঢুকতাম

আমাদেরই বাড়ির দৌঁহিত্র-বংশের এক বাড়িতে। সকাতরে বলতাম—ওগো, আমাকে একটু দাঁড়িয়ে দাও।

সাপের ভয় আমার ছিল না কোনো কালে। আজ পর্যন্ত, আমি একলা যখন যাওয়া-আসা করেছি, কখনও আলো হাতে যাবার প্রয়োজন অনুভব করিনি। মোটা-মুটি ওদের সঙ্গে আমার পরিচয় আছে। ওদের চলাফেরা বন্ধুতে পারি। গ্রামের মধ্যে যে সব সাপ বাস করে, তারা মানুষের সঙ্গে মানিয়ে নিয়ে বাস করে—এটা আমি দৃঢ় বিশ্বাসের সঙ্গে বলছি। বিপদ মাঠের সাপের কাছে। তারা মাঠে থাকে, মানুষকে তারা মোটেই বরদাস্ত করতে পারে না। তাও, উত্তরকালে, আমি যখন কৃষিকর্মে আত্মনিয়োগ করেছিলাম আবাদ করে সোনা ফলাবার জন্য—তখন এক কালো কেউটের সঙ্গে আমার বেশ পরিচয় হয়েছিল। প্রায় নিতাই আমার সঙ্গে দেখা হত তার। পরে তার বাসাও আবিষ্কার করেছিলাম। একবার প্রবল বৃষ্টিতে দেখেছিলাম, তার বাসাটার উপরে মাটি খুলে একরাশি ডিম জলের স্রোতে ভেসে গেল। তখন জানলাম, সাপটি নারী জাতীয়া—নাম দিয়েছিলাম তার কালকটুটী।

ভূত থেকে সাপের কথায় এসে পড়েছি। সাপের কথা থাক।

আমাদের গলিতে ডুমুরগাছের ভূত আমাকে উত্‍সাহ করেছে।

শিউলিতলার ব্রাহ্মণের বিবরণ বিচিত্র। ইনি ক্রীচং কদাচিং দেখা দেন। দেখা দেন কালপুরুষের মতো। তিনি দেখা দিলেই বন্ধুতে হবে, আমাদের কয়েক বাড়ির মধ্যে কারুর ডাক পড়েছে।

আমাদের বাড়ির গলির ওপাশে ছিল ভট্‍চাজদের বাড়ি। গল্প শুনতাম এই বাড়ির রামাই ভূতের। রামাই বাড়ির চালের সাঙায় পা ঝুলিয়ে বসে থাকত। তার শিশু ভাইপো বিছানায় কাঁদলে তাকে বিছানা-সুন্ধ তুলে সাঙায় নিয়ে দোল দিত। আরও অদ্ভুত কাণ্ড রামাই ভূতের। শুনছি, নাকি কাঁদার রাজবাড়িতে রাস-উৎসবের খুব সমারোহ হয়। খাওয়া-দাওয়া দু-তিনটে জেলার মধ্যে বিখ্যাত।

একবার বাড়ির মেয়েরা রাস-পূর্ণিমা দিন ওই রাজবাড়ির খাওয়া-দাওয়ার গল্প করছিলেন। একজন বলেছিলেন—মিছে গল্প করে কি হবে? খাওয়াচ্ছে কে? পর-মুহূর্তেই রামাইয়ের কথা মনে করে বলেছিলেন—রামাই যদি দয়া করে তবে নিশ্চয় সাধ মেটে, খেতে পাই!

বাস; ঘণ্টা খানেক যেতে-না-যেতেই শুন্যলোক থেকে নেমে এল দুই চ্যাঙারি। লুচি, মালপো, মিষ্টিতে বোঝাই।

এর পর আর ভূত বিশ্বাস না-করে উপায় আছে?

ভূতের গল্প মাও বলতেন, কিন্তু ভূতকে ভয় ছিল না তাঁর। সে-কথা আগে বলেছি। ডুমুরগাছের ভূতের ভয় আশ্চর্যভাবে আমার কেটেছিল। সে-কথা এখানে নয়, পরে বলব।

ডাইন ডাকিনী ভূত প্রেত-সমাকুল আমার সে-কাল। বেদে সাপুড়ে পটুয়া দরবেশ তখন দেশে প্রচুর। প্রতি দিনই এদের কারুর-না-কারুর বা কোনো-দলের-না কোনো-দলের সঙ্গে দেখা হতই। আমার সাহিত্যিক জীবনে এরা দল বেঁধে ভিড়

করে এসেছে ঠিক এই কারণেই। কলকাতায় ম্যাজিকওয়ালারা বা বাজীকরেরা যারা তাঁবু খাটিয়ে বাজনা বাজিয়ে ভিতরে কাচের জারের মধ্যে আরকে ডুবানো মরা ছুঁটা পা দড়টো মন্ডুওয়ালা ছাগলের বাচ্চা দেখায়, তাদের মতো বিষয়বৈচিত্র্যের জন্য আমি এদের খুঁজেপেতে আনিনি। এই প্রসঙ্গে একটি ছোট কাহিনী বলব আমার সাহিত্যিক জীবনের।

রবীন্দ্রনাথের সঙ্গে আমার প্রথম সাক্ষাতের সময়ের কথা। আমার ‘ছলনাময়ী’ গল্পের বইয়ে “ডাইনীর বাঁশী” গল্পটি আছে। স্বর্ণ ডাইনীর গল্প। রবীন্দ্রনাথ নানা কথার মধ্যে হঠাৎ বললেন—ডাইনীর গল্পটি ভালো হয়েছে। খুব ভালো লেগেছে আমার। আমি কলকাতায় কয়েকজনের কাছে বললাম। একজন বললেন—আমাদের দেশে উইচ নিয়ে গল্প? গল্পটি নিশ্চয় বিদেশী গল্প থেকে নিয়েছে।

আমি তাঁর কথার মাধেই বলে উঠলাম—না। ও আমার দেখা। আর আমি তো ইংরেজি ভালো জানি না, আমার গ্রামে ইংরেজি বই পড়ারও সুযোগ নেই। স্বর্ণ ডাইনী আমাদের বাইরের বাড়ির পুকুরের ওপারে থাকত। তাকে আমি দেখেছি। আমি—

হেসে তিনি বললেন—আমিও তাঁদের তাই বলেছি। এ তারাশঙ্করের দেখা ডাইনী, সে তাকে দেখেছে। পড়তে পড়তে আমি যে চোখে দেখতে পাচ্ছি, স্বর্ণ দুপুর্বেলা বসে আছে আর সামনের তালগাছটার মাথায় চিলটা ডাকছে। আমাদের দেশের এঁরা ইউরোপের উইক্সফটের কথা অনেক পড়েছেন। শহরে থাকেন, গ্রামের ডাইনী দেখেননি। তাই উইচ নিয়ে গল্প হলেই মনে করেন, বিদেশ থেকে না বলে ধার করেছে।

এরই মধ্য থেকেই, মায়ের শিক্ষা এবং বাবার গম্ভীর ও গভীর তত্ত্বসন্ধানের আকৃতি থেকে আমি পেয়েছিলাম আমার পথ।

আমার মায়ের মধ্যে ব্যবহারিক শিক্ষা ছাড়াও আর এক উপাদেয় ধারায় পেয়েছিলাম এই শিক্ষা—মায়ের গল্প বলার কথা আগে বলেছি। নিত্য সন্ধ্যায় শুনতাম গল্প। যে-দিন চুল বাঁধতে বসতে হত, সে-দিন চুল বাঁধার সময় গল্প বলতেন।

“এক ছিল রাজা।

রাজার দুই মেয়ে।”

বলতেন সত্যপ্রিয়ের কাহিনী। আমার ‘শ্রীপদ্মমী’ নামে ছেলের গল্পের বইয়ের প্রথম গল্প। সতাই একমাত্র প্রেয় ছিল কুমারটির, শ্রেয়ই হয়েছিল তার প্রেয়। তারই কাহিনী থেকে পেতাম পথের নিশানা। সতাই একমাত্র পথ।

গল্পের শেষে মা বলতেন—

“কহনী হ্যায় সাচ্চা,

বলনেবালা ঝুটা,

শুননেবালা সাচ্চা।”

বলতেন—আমি বললাম বানিয়ে। কিন্তু তুমি সত্যি, আর গল্প সত্যি। গল্প তুমি কোনোদিন ভুলবে না।

সাত

ছেলেবেলায় আমি যত গল্প শুনছি, এত গল্প বোধ হয় খুব কম ছেলেই শুনতে পায়। আজ মনে পড়ছে, সে-কালের গল্পগুলির মধ্যে, অন্তত আমি যাঁদের কাছে গল্প শুনছি তাঁদের গল্পের মধ্যে, আশ্চর্যভাবে প্রাণপুরুষের সম্বন্ধ ছিল।

এ-কালে অনেক পুরাকালের গল্প-সংগ্রহ বেরিয়েছে : 'ঠাকুরদার বদলি', 'ঠাকুর-মায়ের বদলি', আরও অনেক। এগুলির মধ্যে আমার শোনা গল্পগুলি পাইনি। এর কারণ বোধ হয় আমার শোনা গল্পগুলির উৎপত্তিস্থান বাংলা দেশ নয়। আমার প্রথম গল্পকথক আমার মা। তাঁর জন্ম পাটনা শহরে, মানুষও হয়েছিলেন তিনি পাটনায়। তিনি বলতেন যে-সব গল্প, তার অধিকাংশই তিনি শুনছিলেন তাঁর মায়ের ঝয়ের কাছে। বলতেন—বুড়ী দাই। বুড়ী দাইকে তাঁর কী শ্রদ্ধা আর মমতা ছিল। ওই সত্যপ্রিয়ের কাহিনীর কথা এর আগে উল্লেখ করেছি : কাজলহারার কথা বলছি; আর একটা গল্প তাঁর 'ঘাসেড়ানন্দনের গল্প'। ঘাসেড়ানন্দন শব্দটোতেই হিন্দী ভাষার গন্ধ আছে। তবে আমার মা তাকে আশ্চর্যভাবে আত্মসাৎ করে একে-বারে বাঙালীর গল্প করে তুলেছিলেন। এই সেদিনও, বোধ হয় মাস তিনেক আগে (১৩৫৭ সালের ভাদ্র মাসে), সেই গল্প তিনি আমার পৌত্রকে শোনাচ্ছিলেন। আমিও বসলাম পাশে। মা হাসলেন। আমার পিঠে হাত দিয়ে যেন আমাকেই বলতে লাগলেন। এক জায়গায় নানা খাবারের কথা আছে। তিনি বলে গেলেন—মুগ্ধিকা ফুলের মতো সাদা সুগন্ধি অন্ন, কাঁচা সোনার মতো রঙের সোনামুগের দাল, শাক শুক্কো দালনা, নানা রকমের ভাজা-ঝোল-ঝাল-অম্বল-চার্টনি-দই-পায়স-ক্ষীর-পিঠা, নানাবিধ মিষ্টান্ন রসগোল্লা-পান্তুয়া-সন্দেশ-চমচম-বরফি—অনেক নাম করে গেলেন। কিন্তু কোনোটি বিহারের বিশেষ খাদ্য নয়। এই গল্পটির মধ্যে বড় হল বন্ধুপ্রীতি, সত্য-প্রীতি এবং বীর্ষবানের বীর্ষ। রাজকন্যাও আছে, মাল্যাবিনী ডাকিনীও আছে, কিন্তু সে-সব কিছুই মনে থাকে না। মনে থাকে, বন্ধুত্ব কাছে সত্য গোপন করেছিলেন বলে মহাবীর ঘাসেড়ানন্দন তাঁদের বললেন—ভাই, তোমরা বন্ধু, তোমাদের ভোলা অসম্ভব, ভুলতে কখনই পারব না জীবনে। তবে ভাই, সত্য হল তার চেয়েও বড়। সেই সত্যকে আমার কাছে গোপন করেছে তোমরা : স্মৃতিরাজ আজ থেকে বন্ধুত্ব বন্ধুকে রেখে আমরা পৃথক হলাম। যখন আহাির করব, তখন চারজনের আয়োজন করব, চার পাতে সাজাব, আগে তোমাদের তিনজনকে নিবেদন করে তবে নিজে খাব। চারজনের মতো আয়োজন যদি না জোটে, তবে যা জুটবে তাই চার ভাগ করে তিন ভাগ তোমাদের উদ্দেশ্যে নিবেদন করে আমি এক ভাগ খাব। তিন ভাগ বিতরণ করে দেব দীনদুঃখীকে।

তিন বন্ধু চলে গেলেন একদিনে। তাঁরাও তাই স্বীকার করলেন। দোষ মেনে নিলেন। বললেন—এই মিথ্যা বলার পাপের প্রায়শ্চিত্ত করতে যদি পারি তো আবার দেখা হবে।

দেখা অবশ্যই হয়েছিল। এবং গল্প শোনার পরমানন্দের মধ্যে ওই কথা কয়টিই কানে বাজত। ওই তো সেই প্রাণপূরুষের সন্ধানের রহস্যমন্ত্র।

গল্প শোনার পর্বকে বলতে পারি—আমার হাতেখড়ির আগে মুখে মুখে জীবনের বর্ণপরিচয়ের চেষ্টার প্রথম পর্ব। এই পর্বের মধ্যে মায়ের পরই হলেন আমার গৌসাই-বাবা রামজী-সাধু। তিনি আমাদের গ্রামের ফুল্লরা মহাপীঠে তীর্থ-ভ্রমণে এসে আমার বাবার আধ্যাত্মিক চর্চার পরিচয়ে আকৃষ্ট হয়ে বাবার পরম বন্ধুত্বে পরিণত হন। গ্রামপ্রান্তের একটি প্রান্তরে বাবা তখন একটি বাগান তৈরি কর-চ্ছিলেন। সেই বাগানটির মধ্যে সন্ন্যাসী বন্ধুর জন্য একটি আশ্রম তৈরি করে দেন এবং সন্ন্যাসীর অভিপ্রায় অনুযায়ী একটি মন্দির তৈরি করে সেখানে শারদ শুক্লা-চতুর্দশীতে তারা-পূজার প্রতিষ্ঠা করেন। যে বৎসর তারা-পূজার প্রবর্তন হয় সেই বৎসরেই ঠিক দশম মাসে আমার জন্ম হয়, সেই কারণেই এই সন্ন্যাসীটি আমার মমতায় এমনই আচ্ছন্ন হন যে, সমস্ত জীবনে তিনি আর লাভপুর ত্যাগ করতে পারেননি। তাঁর পার্থিব দেহের সমাধি আমি নিজে হাতে রচনা করেছি। সন্ন্যাসী প্রথম জীবনে পল্টনে চাকরি করতেন, তখন তাঁর নাম ছিল বলভদ্র পাণ্ডে। সন্ন্যাসী-জীবনে তাঁর নাম হয়েছিল রামজী-সাধু। আমার ভাগ্যক্রমে রামজী-বাবা—আমার গৌসাই-বাবাও—ছিলেন অশ্রুত দক্ষ কথক। আমার জীবনে চারজন প্রথম শ্রেণীর গল্প-কথকের সাক্ষাৎ পেয়েছি। আমার মা, আমার গৌসাই-বাবা, আর দু'জনের সাক্ষাৎ পেয়েছি পরিণত বয়সে—একজন প্রায় আমার সমবয়সী, তিন-চার বৎসরের বড়—তাঁর নাম গৌর ঘোষ। অপরজন ত্রিকাল ভট্টাচার্য—অকস্মাৎ অপরিচিত মানুষটি এসে আমার বাড়িতে অতিথি হয়েছিলেন। ত্রিকাল ভট্টাচার্য এক কালে ছিলেন পেশাদার গল্প-বলিয়ে, তাঁর মতো গল্প-কথক বাংলাদেশে আর কেউ আছেন বলে কল্পনা করতে পারি না। গৌর ঘোষ আশ্চর্য রকম ভালো ভূতের গল্প জানে এবং বলতে পারে। গৌর ভূতের ভয়ে চটি ফেলে ছুটে পালাত, কিন্তু সে যখন ভূতের গল্প বলত তখন ভূত যেন মজলিসের আশেপাশে ঘুরে বেড়াত। বলত—হঠাৎ উ-স শব্দ হল, ছাদ ফুড়ে সড়-সড় সড়-সড় করে নেমে এল একটা সদ্যজাত ছেলে, ছেলেটা ওয়া-ওয়া করে কাঁদছে। গৌর নিজেই ওয়া-ওয়া শব্দ কবিরে উঠত, আর মজলিসসমূহ লোক আঁ শব্দ করে আঁতকে উঠত। রামজী-বাবা ভাঙা বাংলায় হিন্দুস্থানী রূপকথা বলতেন। “সহবত অসর, না—তরুম্ তাসীর? জন্মগুণই বড়, না, শিক্ষা-সহবতের গুণ বড়?” তাঁর গল্পের বড় হত শিক্ষার গুণ, জন্মের গুণকে খাটো করে বলতেন—বাবা সহবৎ—সহবৎই হল সবচেয়ে বড় কথা। রাজার ছেলে মদ্রুখ হলে সে ভূত, সে জানোয়ার। সন্ধ্যায় আসতেন—আমি পড়া সেরে তাঁর জন্যে অপেক্ষা করতাম, রাস্তার দিকে কান পেতে থাকতাম, রাস্তার উপর কখন সবল পদধ্বনি বেজে উঠবে, তার সঙ্গে ঝনাৎ করে বাজবে তাঁর চিমটার কড়ার শব্দ। তিনি বৈঠকখানার ফটকে ঢুকেই হেঁকে উঠতেন, “নমো নারায়ণায়।” আমার বাবার বৈঠকখানার মজলিস ছিল বিখ্যাত মজলিস। গ্রামের সকল বিশিষ্ট লোকেরাই এখানে আসতেন, বসতেন। চায়ের ব্যবস্থা ছিল—সমারোহের ব্যবস্থা। এক-একবারে

বিশ থেকে দ্বিশ কাপ চা তৈরি হত। চায়ের জন্য স্বতন্ত্র ঘর ছিল, সে ঘরে উনান নিবত না। কঙ্কের-পর-কঙ্কেতে তামাক সাজা থাকত। আমার অনন্ত দাদা বাবার খাস খানসামা, সে চিমটে ধরে তাতে আগুন চড়াইত। মজলিসে গ্রামের সামাজিক, বৈষয়িক আলোচনা চলত কিছুক্ষণ, তারপর ধর্মশাস্ত্র আলোচনা হত। গোঁসাই-বাবা এলেই সকলে উঠে দাঁড়াতে। গোঁসাই বাবার কিন্তু সে ঘরে ঢোকবার উপায় ছিল না। তিনি এসে ঢুকতেন আমার পড়ার ঘরে।

বাবা হামার—বাবা হামার—বাবা হামার রে!

আমি লাফ দিয়ে উঠে তাঁর গলা জড়িয়ে ধরে ঝুলে পড়তাম, তিনি বন্ধু তুলে নিয়ে বলতেন—আজ তো বাবা, লড়াইকে গল্প বলবে। মণিপুত্রকে গল্প।

মণিপুত্রের টিকেন্দ্রজিত মহাবীর, মহাভারতের পাণ্ডব-বংশধর। মণিপুত্র-রাজ-কন্যা চিত্রাঙ্গদার গর্ভজাত মহাবীর বন্দ্রবাহন তৃতীয় পাণ্ডব অর্জুনের পুত্র। শত্রু তাই নয়, পাণ্ডবের অশ্বমেধযজ্ঞের ঘোড়া নিয়ে বন্দ্রবাহন ও অর্জুনে—পিতাপুত্রে মহাযুদ্ধ হয়েছিল। সে যুদ্ধে অর্জুনকে পরাজিত করেছিলেন বন্দ্রবাহন। সেই বংশের সন্তান টিকেন্দ্রজিত। তাঁরই গল্প।—টিকেন্দ্রজিত বীর হইলে কি হোবে বাবা, আংরেজকে কামান—আরে বাপ রে বাপ—সে ছুটল—দনা-ন্-ন্-ন্। দনা-ন্-ন্-ন্! আমার চোখের সামনে ভেঙে ভেঙে পড়ত দুর্গপ্রাকার। চোখে আসত জল।

মধ্য পথে অনন্ত দাদা অথবা ভীমসিং চাপরাশী আসত বাড়ির ভিতর থেকে, আমার পিসিমায়ের তাগিদ নিয়ে। তিনি আমার জন্য বসে আছেন। খাইয়ে-দাইয়ে আমাকে নিয়ে শোবেন গিয়ে। আমার পিসিমা শৈলজা দেবী আগুনের মতো উত্তপ্ত। আমিই ছিলাম সে উত্তাপে জল। প্রথম জীবনে বাইশ-তেইশ বৎসর বয়সে একই দিনে কলারায় স্বামী-পুত্র হারিয়ে পিত্রালয়ে এসেছিলেন; বন্ধু নিয়ে এসেছিলেন জ্বলন্ত চিতাবাহি। সে বহিতে কারও নিস্তার ছিল না। আমি যখন জন্মিলাম, তখন তিনি মায়ের কোল থেকে আমাকে নিয়ে পালন করতে আরম্ভ করলেন এবং জীবনের উত্তাপও কমে আসতে আরম্ভ হল। আমারও পিসিমার কোলের কাছটি ছাড়া ঘুম আসত না। কিন্তু তিনি মাত্র একটি গল্প জানতেন। কাজেই আমার গল্প না-শোনা-পর্বন্ত তাঁকে বসে ঢুলতে হত। ঢুলতেন আর গোঁসাই-বাবাকে তিরস্কার করতেন।

গোঁসাই-বাবার এ সব তিরস্কার কানে ঢুকত না। তিনি গল্প বলতেন, দনা-ন্-ন্-ন্ দনা-ন্-ন্-ন্নে।

আট

গল্প শ্রদ্ধ আমিই শুনতাম না, ছেলেরাই শুনত না, সেকালে বড়দের আসরেও গল্প হত। বাবার বৈঠকখানাই ছিল গ্রামের মধ্যে সব চেয়ে জমজমাট আসর। সকাল থেকে গ্রামের ভদ্রজনদের আসা শুরুর হত। সকালবেলা আটটা নাগাদ চায়ের আসর

জন্মে উঠত ; তিরিশ থেকে চল্লিশ জন ভদ্রলোক এসে বসে যেতেন। বাবার খাস খানসামা ছিল আমার অনন্তদা। গ্রামেরই বৈষ্ণব-ঘরের ছেলে। ছেলে বয়স থেকে আছে, বাবা নিজে কাজ শিখিয়েছিলেন। কাপড় কোঁচানো, চা তৈরি, গা-হাত টেপা ইত্যাদি তরিতের কাজে অনন্ত দাদার মতো নিপুণ শিল্পী সচরাচর দেখা যায় না। অনন্তদা ভোরবেলা উঠে চায়ের সরঞ্জাম, তামাকের সরঞ্জাম তৈরি করে অপেক্ষা করত। একটা স্বতন্ত্র ঘরই ছিল চা এবং তামাকের। বেলা একটা পর্যন্ত চলত মজলিস, তারপর আবার মজলিস বসত সন্ধ্যা আটটা থেকে : রাতি বারোটা বাজতই, কোনো কোনো দিন রাতি দেড়টা দুটোও বাজত। সোঁদিন খাওয়া-দাওয়ার আসরও বসে যেত। গ্রামে জমাই বেয়াই কুটুম্ব যার বাড়িতেই যিনি আসতেন তিনিই আসতেন এই মজলিসে। কয়েকজন—সাত-আটজন ছিলেন আসরের প্রায় চার্বশ ঘণ্টার মানদুষ। এঁদের মধ্যে গ্রামের ঘরজামাই দু-তিনজন। বাকি গ্রামের ভদ্রজন। তুমুল উত্তেজিত আলোচনা চলত। বৈষয়িক তর্ক, সামাজিক বিচারের তর্ক। আবার উঠত হাস্য-পরিহাসে হাস্যরোল। সে কী হাসি! রাতির অন্ধকার শিউরে উঠত। একালে সেকালের মানদুষের সে-স্বাস্থ্যও নাই, সে-কণ্ঠস্বরও নাই, তেমন করে প্রাণ খুলে হাসবার প্রবৃত্তিও নাই ; একালে সে-হাসি আর নাই। এক সময় মনে হত হয়তো-বা সভ্যতাই সে-হাসির উৎসমুখে অনুশাসনের পাথর চাপা দিয়েছে ; উচ্ছ্বাস আর সেই স্বচ্ছন্দ বেগবতী ধারায় নিগমন-পথ পায় না। কিন্তু একদিন বোধ করি ১৯২২।২৩ সালে সে-ভ্রম আমার গিয়েছিল। তখন আমি কল-কাতায় ভবানীপুর বেলতলা রোডে স্বর্গীয় দেশবন্ধু চিত্তরঞ্জন দাশ মহাশয়ের বাড়ির ঠিক পিছনের দিকের বাড়িতে থাকি। আমি যে ঘরটিতে থাকতাম, সে-ঘরের পশ্চিম দিকের জানালা থেকে দাশ মহাশয়ের বাড়ির দোতলার ঘরের কিছুটা দেখা যায়। বাড়ির বিস্তীর্ণ হাতার সবটা তো দেখা যেতই। তখন প্রথম বাসায় এসেছি। সেই বাড়ির নিচের তলায় সন্ধ্যাবেলা বসবার ঘরে বসে আছি, হঠাৎ একটা কোলাহল উঠল। সে কী কোলাহল, কোথায় যেন অকস্মাৎ অভাবনীয় কিছু ঘটে গেল! তখন ভবানীপুর এ-ভবানীপুর ছিল না, দেশবন্ধুর বাড়ির সামনে রসা রোডের পশ্চিম দিকে প্রকাণ্ড মাঠ পড়ে ছিল ; পূর্ণ থিয়েটারও তখন হয়নি। ওদিকটা সবই তখন হয় মাঠ, নয় বস্তু। কোলাহল শুনে প্রায় সবাই ছুটে বেরিয়ে গেল। রাস্তায় যখন বেরুলাম তখন আর কোলাহল নাই। কি হল? দুর্ঘটনার কোলাহল কি এইভাবে মৃদুহৃৎ স্তম্ভ হয়ে যায়? দেশবন্ধুর বাড়ির পূর্ব দিকের ছোট ফটকে বসে ছিল একজন দ্বারপাল ; সে বড়তে পেরেছিল আমাদের মনের জিজ্ঞাসা। সে হেসে বলোঁছিল, যা ভেবেছেন বাবু, তা নয়, হয়নি কিছু, সাহেবরা হাসছেন। হাঁ, হাসি বটে! সোঁদিনও মনে পড়েছিল বাবার মজলিসের হাসি। একালের দোষ নাই, পরিপূর্ণ প্রাণশক্তি স্বাস্থ্য-স্বাচ্ছন্দ্যের উপর নির্ভর করে। আজ স্বাচ্ছন্দ্য নাই, স্বাস্থ্য নাই, কাজেই প্রাণশক্তি অপূর্ণাঙ্গ শিশুর মতো দুর্বল রূপে ; সে-হাসি হাসবে কি করে মানদুষ!

বাবার মজলিসে গল্প হত।

গল্প বেশির ভাগ বলতেন গোসাই-বাবা।

বাবাও বলতেন। তিনি কথাবার্তা খুব ভালো বলতেন। বক্তা ছিলেন ভালো, কথায় জোর ছিল, কিন্তু গল্প-কথক ভালো ছিলেন না। তিনি বেশির ভাগ গল্প বলতেন বেতাল পঞ্চবিংশতির গল্প বা ওই ধরনের গল্প। গল্পের শেষে প্রশ্ন থাকত। প্রশ্নটি উত্থাপন করে বলতেন, বল, কার কি উত্তর। সব শেষে তিনি বলতেন গল্পের উত্তর।

একটা গল্প—চার বন্ধু—একজন কাষ্ঠশিল্পী, একজন চিত্রশিল্পী, একজন বস্ত্র ও ভূষণশিল্পী, একজন মন্ত্রাসিদ্ধ তাপসপুত্র—একদিন বনের মধ্যে রাতে একটা গাছ-তলায় আশ্রয় নিলেন। কথা হল, গভীর বন—এই বনে এক-একজন এক-এক প্রহর জেগে পাহারা দেবেন। প্রথম প্রহর প্রহার ভার পড়ল কাষ্ঠশিল্পীর উপর। বন্ধুরা ঘুমুচ্ছে, তিনি একা বসে আছেন, সামনে জ্বলছে এক অগ্নিকুণ্ড, পাশে কিছু শুকনা কাঠ। একা, নিতান্ত খেয়ালবশেই তিনি নিজের যন্ত্র বের করে কাঠ থেকে গড়লেন এক অপূর্ব নারীমূর্তি। মূর্তিটিও শেষ হল, প্রথম প্রহরশেষের ঘোষণাও বেজে উঠল, কাষ্ঠশিল্পী ডেকে দিলেন চিত্রশিল্পীকে। নিজে শূন্যে পড়লেন। চিত্রশিল্পীর চোখে পড়ল সেই কাঠের নারীমূর্তি। বদ্বলেন, বন্ধুর কাজ এটি। তিনি এবার নিজের সরঞ্জাম বের করে তাতে রঙ দিলেন। গোলাপ ফুলের মতো দেহবর্ণে উজ্জ্বল করে দিলেন, চোখ আঁকলেন, ভুরু আঁকলেন। গাছের বাকল থেকে আঁশ বের করে এক রাশি কালো রঙ দিয়ে চুল করে দিলেন, নখ আঁকলেন, গালে একটি ছোট তিল—তাও দিতে ভুললেন না। শেষ করলেন, বার বার ঘুরিয়ে-ফিরিয়ে দেখলেন, মনোমতো হলে তুলি রেখে বসলেন। এমন সময় দ্বিতীয় প্রহর ঘোষণা করে যামঘোষকেরা কোলাহল করে। চিত্রশিল্পী মূর্তিটিকে একটি গাছের গুঁড়িতে ঠেস দিয়ে দাঁড় করিয়ে সরঞ্জাম গুটিয়ে শূন্যে পড়লেন, ডেকে দিলেন বস্ত্র ও ভূষণশিল্পীকে। তিনি উঠে আগুনটাকে জোর করে দিয়ে বসলেন, মূর্তিটিকে দেখে চমকে উঠলেন, এই নগ্না সুন্দরী নারী—এ কে? কোনো বনদেবী? না, দেবী এমন লজ্জাহীন নগ্না হবে কেন? তবে কি মায়াবিনী? না, তাও তো নয়। মায়াবিনী এমন নিষ্পন্দ স্থির কেন, তার হাবভাব ছলাকলা কই? ভালো করে চোখ রগড়ালেন : এবার বদ্বলেন, দুই বন্ধুর কীর্তি এটি। হাসলেন, এবং পরক্ষণেই নিজের ব্যবসায়ের কাপড় এবং আভরণের বোঁচকা পেটিকা খুলে বসলেন। বেছে মানানসই রঙের পটুবস্ত্র বের করলেন, আভরণ বের করলেন, পটুগুলিকে মনের মতো করে সাজালেন। তারপর তৃতীয় প্রহর শেষ হতেই মন্ত্রাসিদ্ধ ব্রাহ্মণপুত্রকে জাগিয়ে নিজে শূলেন। ব্রাহ্মণপুত্র কিন্তু প্রতারিত হলেন না, তিনি এই অনুপম রূপলাবণ্যময়ী পটুগুলিকে দেখবামাত্র বদ্বলেন যে, এটি প্রাণহীন পটুগুলিকা মাত্র এবং তিন বন্ধুর তিন প্রহরের আপন-আপন গুণপনার ফল এই মূর্তিটিকে দেখে খুব খুশি হলেন। সঙ্গে সঙ্গে স্থির করলেন যে, তাঁর গুণপরিচয় এর সঙ্গে যোগ করে দেওয়াই তাঁর কর্তব্য। তা হলেই চার বন্ধুর এই রাত্রিযাপনটি পরম সার্থক হয়ে উঠবে। তখন মন্ত্রাসিদ্ধ ব্রাহ্মণপুত্র পটুগুলিকে অগ্নিকুণ্ডের সামনে এনে রাখলেন, কুণ্ডের

অগ্নিকে মন্ত্র স্বারা সঞ্জীবনী অগ্নিতে পরিণত করলেন, তারপর মন্ত্রজপে বসলেন। মন্ত্রজপ শেষ করে অগ্নিতে আহুতি দিয়ে তারই তিলক এবং উত্তাপে অভিষেক করতেই পদ্মলিকা জীবন লাভ করে চণ্ডল বিস্ময়ে চারিদিকে তাকিয়ে বললে—তুমি কে? আমিই বা কে?

এমন সময় ভোর হল। পাখিরা ডেকে উঠল। ঘুমন্ত তিন বন্ধু জেগে উঠে বসলেন, এবং এই অপূর্ব নারীকে দেখে বিস্ময়ে অভিভূত হয়ে গেলেন। বিস্ময় কাটতেই কিন্তু সূত্রপাত হল কলহের। চারজনেই বললেন, এ আমার সৃষ্টি—এ হবে আমার পত্নী।

এখন কে বিচার করবে—এ নারী কার প্রাপ্য?

প্রশ্ন হত—বল, তোমরা বল। কে পাবে এই নারীকে?

গল্প থেকে বিতর্ক উপস্থিত হত। যুদ্ধির উপর ভিত্তি করে বিতর্ক এবং শাস্ত্রীয় যুক্তি। সকলের শেষে বাবা বলতেন গল্পের মীমাংসা। এ গল্পের মীমাংসা, ওই নারীকে পত্নীরূপে পাবেন ওই বন্দু এবং আভরণশিল্পী। প্রাণদাতা ব্রাহ্মণপুত্র পিতার কাজ করেছেন—তিনি দিয়েছেন প্রাণশক্তি; চিত্রশিল্পী ও কাষ্ঠশিল্পী তাঁরা মায়ের কাজ করেছেন, দিয়েছেন অস্থি মেদ মজ্জা মাংস রক্ত অবয়ব। ওই বন্দু এবং আভরণশিল্পী সদাগরপুত্র বন্দু এবং আভরণ দিয়ে ভর্তার কাজ করেছেন। তিনিই তার ভর্তা অর্থাৎ স্বামী।

কখনও কখনও পুরাণের গল্প হত। তা থেকে চলে যেতেন শাস্ত্র আলোচনায়। কখনও কখনও হত দেশ-বিদেশের গল্প, কেউ আগন্তুক অথবা বিদেশবাসী গ্রামে ফিরলে সে গল্প হত।—সে তোমাদের কত বলব বাপু! সে-দেশ আচ্ছা দেশ! আচ্ছা দেশ! যত মাছ—তত দুধ, সে-দুধে ঘি কত হে! হাতে লাগলে ছাড়তে চায় না। পশ্মার ধার—বুয়েচ না—এই পশ্মা—একূল-ওকূল নজর চলে না—বর্ষার সময় সাক্ষাৎ ঝেরবী—সে বাবু দেখেই আমার হৃৎকম্প! কালী কালী বল মন, রাগে শুষ্টে ঘুম হত না। ভারতাম ঘুমবো, কখন ধুস ছাড়বে—অকূলে ভাসব! আঃ, হায়-হায়-হায়, জপের মালাটা নিতে সময় পাব না রে বাবা! ভুক করে ডুবব, আর উঠব না। একেবারে সাগরসঙ্গমের তলদেশে মাটিচাপা...নয়তো হাঙ্গর-কুম্ভীরের গর্ভে। বর্ষা পার হলেই বাস্। রাজশাহী তো রাজসাহী রে বাবা!

এর পর চুপি চুপি বলতেন—গাঁজার এক-একটা জটা কী! এ-ই ওতখানি লম্বা আর ইয়া পুরু। বুয়েচ না ভাই, রসও কী তেমনি! দু-টিপ দিয়েছ তো আঠা একেবারে চট চট করে উঠল। তেজও কী তেমনি রে বাবা! বুয়েচ হরাই ভাই, প্রথম গিয়েছি—এত তো জানি না—মেরেছি জোরে টান। বাস্, গল-গল করে সেই যে ঘোঁরা বেরিয়ে চোখের সামনেটা ঝাপসা করে দিল—তিন দিন সে-ঝাপসা কাটে না চোখের। পোস্টারিপিসের কাজ, চোখে ঝাপসা দেখি, মাথা ভোঁ-ভোঁ করে—তিন আর চারে সাত লিখতে গিয়ে ভাবি, ঠিক হল তো, তিন আর চারে পাঁচ নয় তো? সে এক বিপদ! কালী কালী বল—তারা তারা বল—শিব শিব বল। হরি বোল—হরি বোল।

ইনি ছিলেন আমার ব্রজজ্যাঠা। এমন সদানন্দময় পদ্রুদ পৃথিবীতে বিরল। সুকণ্ঠ গায়ক ছিলেন, পোস্টার্টাপিসে কাজ করতেন, সরকার-বংশের সন্তান, লাভপদ্রে এঁদের বাড়িরই দৌহিত্র আমরা। অপরূপ মানুষ ছিলেন ব্রজজ্যাঠা।

ব্রজজ্যাঠার কথা মনে পড়লে—কত বিচিত্র কাহিনী যে মনে পড়ে! ব্রজজ্যাঠা সেকালে ফ্রেণ্ড-ছাট দাড়ি-গোঁফ রাখতেন, দেখতে ছিলেন সুশ্রী মানুষ, কণ্ঠস্বর ছিল সুমিষ্ট। গান গাইতে পারতেন। ছুটিছাটায় বাড়ি এসে গ্রামের পথে বেরিয়েই গান ধরতেন—“আজ তোমাতে দেখতে এলেম অনেক দিনের পরে।” গান শেষ করতেন আমাদের বৈঠকখানার দরজায়। ঘরে ঢুকেই ডাকতেন—ভাই কানাই! ভাই হরাই! আমার বাবার নাম ছিল—হরিদাস, তাঁকে আদর করে ডাকতেন—হরাই।

বিচিত্র মানুষ। পেন্সন নেবার পর একবার বর্ধমান গিয়েছিলেন বর্ধমানে মোডিকেল স্কুলে স্বাস্থ্য পরীক্ষার জন্য। পেন্সন বিক্রির অভিপ্রায় ছিল। গিয়ে উঠেছিলেন আমাদের গ্রামের শ্রীযুক্ত নিত্যাগোপাল মদুথোপাধ্যায়ের বাসায়। তিনি ছিলেন তখন বর্ধমানের পলিশ কর্মচারী। নিত্যাগোপালবাবুর কথা পরে বলব। এখানে শ্রদ্ধা এইটুকু বলব যে, এই মানুষটি ছিলেন যেমন রূপবান, তেমনই সুকণ্ঠ গায়ক; যেমন উঁচু মেজাজের লোক, তেমনই ছিলেন জনপ্রিয়। ব্রজবাবুকে পেয়ে নিত্যাগোপালবাবু কৃতার্থ হয়ে দু-একদিনের বেশি রাখতে চেয়েছিলেন। ব্রজজ্যাঠা কিন্তু কিছুতেই থাকবেন না। রসিক মানুষ, শেষ পর্যন্ত বললেন—গোপাল, আমি তা হলে ক্ষেপে যাব। বাড়িতে ব্যড়ী আছে, তার জন্য আমার মন কেমন করছে। আমি কি আর থাকতে পারি? ধরে রাখলে গোবধ ব্রহ্মবধ হবে রে ছোঁড়া! তার পাপ তোকে অর্সাবে।

অবশেষে নিত্যাগোপালবাবু কৌশল অবলম্বন করলেন। ব্রজজ্যাঠার জুতো-জোড়টি সরিয়ে রাখলেন। ব্রজজ্যাঠা জুতো না পেয়ে শেষে ধপাস করে বসে পড়ে মাথার হাত দিয়ে বললেন—আমার সর্বনাশ হল রে গোপাল, আমার সর্বনাশ হল।

নিত্যাগোপালবাবু বললেন, এক জোড়া জুতোতে আপনার সর্বনাশ হল?

—ওরে ভাই, তুই জানিস না। জুতো-জোড়া আমার নয়—শম্ভুর জুতো আমি চেয়ে নিয়ে এসেছি ভাই। আঃ, শেষ পর্যন্ত ললাটে কি আছে তা বুঝতে পারছি না আমি। হায়-হায়-হায়! আমি এখন করব কি!

—কি করবেন? আমার বাড়ি থেকে জুতো গিয়েছে—আমি কিনে দেব।

—ওরে, শম্ভুকে জানিস না রে, শম্ভুকে জানিস না তুই।

শম্ভু সরকার দুর্দান্ত ক্রোধী লোক, নিত্যাগোপালবাবুরই বয়সী, অন্তরঙ্গ বন্ধু। লেখাপড়া বিশেষ করেন নাই—প্রচণ্ড শক্তিশালী মানুষ, তার উপর দুর্দান্ত ক্রোধী—নিত্যাগোপালবাবুর বয়সী এবং বন্ধু, হওয়া সত্ত্বেও প্রাচীনকালের তন্ত্রমন্ত্রের অন্ধ ভক্ত; গ্রামের লোকে তাঁর ভয়ে দ্রুত। গোপালবাবু হেসে বললেন—আমি সে-জোড়ার চেয়ে দামী! ভালো জুতো কিনে দেব দাদা।

এবার ব্রজজ্যাঠা কেন্দ্রে ফেলে বললেন, ওরে, শম্ভুকে তুই জানিস না গোপাল,

সে যদি বলে—আমার সেই জোড়াটির চেয়ে ভালো জুতো আর হয় না, আমার সেই জোড়াটিই চাই?

তৎক্ষণাৎ নিত্যগোপালবাবুকে জুতো বের করে দিতে হল।

এর অনেক দিন পরে—আর একটি ঘটনা বলি। রজজ্যাঠার তখন শরীর ভেঙেছে, আমার বাবার অনেক দিন আগেই মৃত্যু হয়েছে। আশ্চা নাই। রজজ্যাঠা তাঁর পাড়ার কাছাকাছি এক ভদ্রলোকের বৈঠকখানায় বসেন। লোকজন থাকলেও বসেন, কেউ না থাকলেও এসে বারান্দায় বেণ্ডে বসে থাকেন। যাঁর বৈঠকখানা তিনি জীবনে কৃতী ব্যক্তি, ধনী মানুষ। কিন্তু আকস্মিক পত্নী-বিয়োগে অহরহ মদ্যপান করে—হয় পড়ে থাকেন, নয় প্রাপ্তবয়স্ক পুত্রের সঙ্গে বৈষয়িক কতৃষ্ নিয়ে প্রচণ্ড কলহ করেন। ছেলে কলেজে তখন বি. এ. পড়ে। ঘটনার দিন সকালবেলা থেকেই পিতাপুত্রে বাদানুবাদ চলছিল। সকালে পিতা অনেকখানি প্রকৃতিস্থ ছিলেন, ছেলের প্রতিবাদের উত্তরে যুক্তিপূর্ণ কিছু বলতে না পেরে ক্রুদ্ধ হয়ে বেরিয়ে চলে গেলেন। ছেলে বেণ্ডে বসেই রইল। তারপর সেও উঠে গেল। কিছুক্ষণ পর প্রচুর পরিমাণে মদ্যপান করে বাপ ফিরে এলেন। দেখলেন, বেণ্ডে ছেলে বসে রয়েছেন। তিনি কিন্তু ছেলে নন, তিনি আমার রজজ্যাঠা। ভদ্রলোকের ছেলে উঠে যাবার পর তিনি এসে চুপ করে একলাটিই বসে আছেন। ক্রোধে মদ্যপানে আত্মহার্য ভদ্রলোক একেবারে জুতো খুলেই ছেলে ভ্রমে রজজ্যাঠাকেই প্রহার করতে শুরু করলেন, তবে রে ব্যাটা হারাম-জাদা, তবে রে নচ্ছার—রজজ্যাঠা কয়েক মূহূর্ত হতভম্ব হয়ে গিয়েছিলেন, তারপর হাত তুলে নিজের দাড়ি দেখিয়ে চিৎকার করে উঠলেন, ও অমূলক, আমি—ওরে, আমার পাকাদাড়ি! ওরে, তোর অপরাধ হবে!

ভদ্রলোক দাড়ি দেখেই থেমেছিলেন। তার পরই তাঁর পায়ে লুট্টিয়ে পড়লেন। রজজ্যাঠা তাঁকে বৃকে তুলে নিয়ে কাঁদতে লাগলেন ভদ্রলোকের মৃত্যু পত্নীর নাম ধরে—আঃ, তুই এ কী করে গেলি মা! হায়-হায়-হায়! সোনার মানুষ, এ কী হয়ে গেল তোর বিহনে!

রজজ্যাঠা বাংলা দেশের পোস্টাফিসের কাজে যেখানে গিয়েছিলেন সেখানকার খাওয়া-দাওয়া স্বাচ্ছন্দ্যের গল্প বলতেন। মানকরের কদমা, দুবরাজপুরের বাতাসা, সিউড়ির মোরস্বা, কাঁদির মনোহরা, জয়নগরের মোয়া, গুপ্তিপাড়ার মন্ডার গল্প ছেলেবেলায় রজজ্যাঠার মনেই শুনিয়েছিল। দুই-দই-ঘি-মাছ-মাংস ইত্যাদির দর পর্যন্ত মন্থস্থ ছিল তাঁর। শূধু তাই নয়, কোথায় কোন সাধুর কত বড় জটা দেখেছেন, কোন মিঞা সাহেবের কত লম্বা দাড়ি দেখেছেন, কোন জমিদারের বাড়িতে কত বড় ও কত ভয়ালদর্শন কুকুর দেখেছেন, সেগুলি নিখুঁতভাবে বর্ণনা করতেন।

কেদার চাটুজ্জ গল্প বলতেন। ইনি ছিলেন আমাদের গ্রামের জামাই। ঘর-জামাই ছিলেন না, তবে তাঁর নিজের পৈত্রিক ভিটা গুপ্তিপাড়ার সঙ্গেও সম্ভবত বিশেষ সংশ্রব ছিল না। ইংরেজি-জানা মানুষ, সরকারী আবগারী বিভাগের সাব-ইনস্পেক্টর ছিলেন এবং নিজেও ছিলেন আবগারী বিভাগের একজন সত্যকার

পৃষ্ঠপোষক। অতিরিক্ত মদ্যপান করে কর্তব্যকর্মে অবহেলার জন্যই মধ্যে মধ্যে সস্পেন্ড হতেন। সস্পেন্ড হলেই লাভপদ্রে এসে উঠতেন। শ্বশুরও ছিলেন সেকালের তান্ত্রিক। ঝাঁকড়া চুল, ঝাঁকড়া দাড়ি-গোঁফ; মূখে বিচিত্র শব্দ করতে পারতেন—বাঁশীর শব্দ, জন্তু-জানোয়ারের শব্দ; মন্ত্রতন্ত্র জানতেন, কুকুর কামড়ালে বিষ ঝাড়তেন, সাপের বিষের মন্ত্র জানতেন, চন্দ্রিশ ঘণ্টাই নাকের একটা রন্ধে একটা পাথর রেখে এক রন্ধেই নিশ্বাস-প্রশ্বাসের কাজ চালাতেন। সমস্ত দিনই প্রায় একটা গাইয়ের দাড়ি ধরে তাকে চরিয়ে নিয়ে বেড়াতেন। জামাইয়ের সঙ্গে খুব বনাবনতি হত না শ্বশুরের। উভয়ে প্রায় সমবয়সীই ছিলেন। জামাই এসে শ্বশুর-বাড়িতে উঠলেও খাওয়ার সময় এবং শোবার সময়টুকু বাদ দিয়ে বাকি সময়টা থাকতেন আমার বাবার আশ্রয়। তাঁর ছিল বড় বড় গম্প। রাজা-উজীর আমীর-ওমরার কথা। লোকে বিরক্ত হলেও কিছু বলত না। অমদ্র দাদা কি অমদ্র কাকার জামাই, তাকে কি কখনও কিছু বলা যায়! সেকালের সমাজের এই ছিল প্রথা। জামাই, বিশেষ করে কুলীন-ঘরের জামাই, তার সব দোষ শত ঐশ্বর্যও ছিল মার্জনীয়।

আর প্রায়ই আসতেন সাধু সন্ন্যাসীর দল। গ্রামে আমাদের একান্ত মহাপীঠের অন্যতম মহাপীঠ বলে খ্যাত ফুল্লরা দেবীর স্থান পবিত্র তীর্থ, শাক্ত সাধু-সন্ন্যাসী প্রতিদিনই দ্ব-চারজন আসতেন যেতেন।

দ্ব-একজন কিছু দিন ধরেই থাকতেন। কেউ সাধনা করতেন, কেউ দিন গুজরান করতেন দেবস্থলের প্রসাদান্নে। এঁদের মধ্যে আসতেন পর্যটক সাধুর দল। ফুল্লরা মহাপীঠে তাঁরা এলে আমাদের তারা-মায়ের আশ্রমে রামজী-বাবার সঙ্গে আলাপ-পরিচয় হত। বাবারও খ্যাতি ছিল সাধুপ্রীতির এবং শাস্ত-আলোচনার, সেই হেতু তাঁরা আসতেন আমাদের বৈঠকখানায়। বাবা সাধু-ভোজন করাতেন। পশ্চিম-দেশীয় সাধুরা আমাদের বাড়ির আতিথেয় সভ্য-সতাই পরম পরিতুষ্ট হতেন। তার কারণ পশ্চিম-প্রবাসী বাড়ির কন্যা আমার না তাঁদের ছাতুভরা রুটি তৈরি করে অতিথি-সৎকার করতেন। পরম উপাদেয় খাদ্য; ছাতুখোর বলে ঝাঁরা পশ্চিম-দেশীয়দের ব্যঙ্গ করতেন সেকালে তাঁরাও এই ছাতুভরা রুটি খেয়ে বলতেন—ভাই হরিবাবু, আর একদিন ছাতুভরা রুটি খাওয়াতে হবে।

এই সাধুরা করতেন দ্বর্গম তীর্থস্থলের গম্প।

তাঁদের মূখেই ছেলেবেলায় শুনছিলাম, লছমনঝোলায় দাড়ির সাঁকোর কথা। মনে আছে, শিশু-কল্পনাতেই দেখেছিলাম দ্ব-দিকে খাড়া পাহাড়। পাহাড়ের গায়ে গাছপালা, দ্বই খাড়া পাহাড়ের মধ্যে অনেক নিচে গঙ্গা বয়ে চলেছে প্রচণ্ড বেগে, সেই প্রচণ্ড বেগে—যে বেগে ইন্দ্রের ঐরাবত গিয়েছিল ভেসে। আর তার উপরে দাড়ির পূল, দ্বখানা পাশাপাশি দড়িতে কাঠের টুকরো লাগানো, মাথার উপরে আরো দ্বটো দড়ি। দড়ি ধরে দড়িতে বাঁধা কাঠে পা দিয়ে চলতে গেলে দোলে, মানুষের মাথা ঘোরে। হাতের মর্দঠি খুলে গেলে পা ফসকে গেল; মানুষ পড়ছে মাথা নিচু করে নিচে, নিচে—আরও নিচে, তারপর আর দেখা গেল না। শরীর

শিউরে উঠল। বলতেন, বদরী-নারায়ণের কথা, কৈদারমঠের ও ঘোশীমঠের কথা, মানস-সরোবরের কথা, জ্বালামুখী কামাখ্যা-তীর্থের কথা।

পূজোর পর মাস-দ মধ্যে আসতেন অনেক গায়ক। কাপড়ের খোলে সব্বলে ঢাকা তানপুত্রা বগলে নিয়ে এসে উঠতেন। তাঁদের কারুর কাছে শূর্নোহিলাম তানসেনের গল্প। শূর্নোহিলাম, আকবরশাহ একদা তানসেনের প্রতিপক্ষের মূখে দীপকরাগ শুনেন চমৎকৃত হলেন—গানের মহিমায় শামাদান-ঝড়ে বাতি জ্বলে উঠল। প্রতিপক্ষ সন্ধ্যা পেয়ে বললেন—তানসেন যদি দীপক গায়, তবে আগুন জ্বলে উঠবে দাউ দাউ করে। বাদশা ধরলেন তানসেনকে। তানসেন প্রথমে রাজী হননি, অবশেষে বাধ্য হয়ে রাজী হলেন। গাইলেন দীপক এবং আগুন জ্বলল, তাতেই তিনি পড়ে গেলেন। যাঁদের মল্লার গেয়ে মেঘ এনে বর্ষণ করাবার কথা ছিল, তাঁরা তো তানসেনের মতো সঙ্গীতসিদ্ধ ছিলেন না—কাজেই তাঁরা পারলেন না মেঘ এনে তাকে গিলিয়ে বর্ষণ নামাতে। যে গায়কেরা আসতেন, গ্রামের প্রতিষ্ঠাবানদের বাড়িতে তাঁদের বাৎসরিক বৃত্তি ছিল। কোথাও এক টাকা, কোথাও দু-টাকা, কোথাও বা চার টাকা। অনেক বিভক্ত প্রতিষ্ঠাবান বংশের ঘরে—চার আনা আট আনা হিসাবে বৃত্তি পেতেন। গান শোনাতেন, গল্প শোনাতেন। পুরানো কালের গায়কদের গল্প, নতুন কালের গায়কদের গল্প। সেতারী আসতেন। মধ্যে মধ্যে জ্যোতিষী আসতেন। দেশের জ্যোতিষী, বিদেশের অপরিচিত জ্যোতিষী। এঁদের কাছেও গল্প শুনোঁই। দুটো একটা গল্প মনে রয়েছে।

এক ছিলেন অভ্রান্ত জ্যোতিষী। তাঁর যেমন সূক্ষ্ম গণনা, তেমনই ছিল নিভুল বিচার। তাঁর এক কন্যা হল পরমাসুন্দরী। কন্যার অদ্ভুত গণনা করে দেখলেন—অদ্ভুত রয়েছে বাসর-বৈধব্যের যোগ।

মাথায় হাত দিয়ে বসলেন। অনেক ভেবে কঠিন সংকল্প নিয়ে উঠে দাঁড়ালেন। একটি যুগের ক্ষণ-লগ্ন গণনা করে এমনই একটি দিন ও লগ্ন আবিষ্কার করলেন, যে লগ্নের এক অতি দুর্লভ গ্রহ-সমাবেশের ফলে এক অমৃতময় বিবাহযোগের সৃষ্টি হয়েছে। এমন পুণ্য লগ্ন বহু বর্ষ পরে আসে। যুগে একবার আসে। এ লগ্নে কন্যার বিবাহ হলে বৈধব্য হতে পারে না। তিনি সেই লগ্নে কন্যার বিবাহ দিয়ে বিধিলাপ খণ্ডন করবেন স্থির করলেন। নিজে বালিঘাড় ধরে লগ্ননির্ণয়ের জন্য বসলেন। ক্ষণ গণনা করে চলেছেন, পাশে দাঁড়িয়ে দেখছেন বিবাহসজ্জায় সজ্জিত কন্যা ; মধ্যে মধ্যে নতুন আভরণগুলি নাড়ছেন। বিখ্যাত জ্যোতিষী, তাঁর কন্যার বিবাহ ; কত রাজা কত ধনী কত মহাজন আভরণ যৌতুক দিয়েছেন, মণি-মুক্তার আভরণ, তাতে বিভূষিতা হয়ে মেয়েটির আনন্দ হয়েছে প্রচুর, সেকথা বলাই বাহুল্য। হঠাৎ মেয়েটি চকিত হয়ে বলে উঠল—যাঃ! তার গলার একটি মালা ছিঁড়ে গেছে! ঝরঝর করে খসে পড়ে গেল মুক্তাগুলি। জ্যোতিষী চকিতের জন্য দৃষ্টি ফিরিয়ে দেখে আবার নিজের কাজে মন দিলেন। বালির পাত্রের দিকে চেয়ে রইলেন। ঝরঝর করে বালি ঝরে পড়ছে। তিনি বললেন, যাক। যেতে দাও। লগ্ন এল, বিবাহ আরম্ভ হল।

জ্যোতিষী কঠিন হেসে আকাশের দিকে তাকিয়ে বিধাতাকে বলতে চাইলেন, তোমার বিধান লঙ্ঘিত হবে, এর জন্য অপরাধী আমাকে করো না। অপরাধ আমার নয়। যে বিদ্যা তোমার মানস-কন্যা, অপরাধ যদি হয়—অপরাধ তার। এ তারই প্রসাদ।

কিন্তু ওকথা বলা শেষ হয় না তাঁর। আকাশের দিকে তাকিয়েই তিনি স্তম্ভিত হয়ে গেলেন। একি! আকাশে কোটী কোটী নক্ষত্র বলমল করছে, তারই মধ্যে তাঁর দৃষ্টি দেখতে পাচ্ছে গ্রহ নক্ষত্র সংস্থানের অবস্থা; যেমন নাকি সমুদ্রতটের অসংখ্য শৃঙ্খলিত মধ্যে মণিকার চিনতে পারে কোনটি কোনটি মৃদুগর্ভ শৃঙ্খলিত। এই বৃষ, ওই মিথুন। কিন্তু যে-লগ্ন তিনি গণনা করেছেন তাতে চন্দ্রের তো এই রাশিতে অবস্থানের কথা নয়। এ সংস্থান তো সে-লগ্নের পরবর্তী কালের অবস্থান! পাগলের মতো তিনি ছুটে গেলেন বালিঘাড়ির কাছে। কি হল! দেখলেন, বালু-নিগমনের নালিকার মধ্যে আশ্চর্যভাবে তখনও একটি মৃদুতার অর্ধাংশ আটকে রয়েছে। বুললেন, তিনি যে মৃদুহৃৎ চাকিতের জন্য ফিরে তাকিয়েছিলেন—সেই মৃদুহৃৎ একটি মৃদুতা ভেঙে তারই আধখানা লাফিয়ে গিয়ে পড়েছে ওই নালিকার মধ্যে এবং আংশিকভাবে পথ রুদ্ধ করে আটকে রয়েছে। তারই ফলে নির্দিষ্ট সময়ের পরিমিত বালুটুকু শেষ হতে অনেক বেশি সময় লেগেছে। লগ্ন সেই অবসরে অতিক্রান্ত হয়ে গেছে তাঁকে উপহাস করে।

দীর্ঘনিশ্বাস ফেলে পণ্ডিত প্রণাম করলেন নির্যাতকে। মনে মনে বললেন—আমার দম্ভকে ক্ষমা করো। তুমি মহাশক্তি, তোমার অভিপ্রায় পূর্ণ করবার জন্য তুমি দশমহাবিদ্যার রূপ ধরে দেবাদিদেব মহাদেব মহাকালকে পরাভূত করে আপনার পথে চলে যাও। মনে ছিল না আমার। ক্ষমা করো আমাকে।

আর একটা গল্প—

এমনই আর এক জ্যোতিষী ছিলেন।

একদা তাঁর কাছে এসে উপস্থিত হলেন এক কৃষ্ণবর্ণ শীর্ণকায় ব্রাহ্মণ। বললেন—শুনছি নাকি তোমার গণনা অভ্রান্ত। তোমার দৃষ্টির সম্মুখে অহরহ নাকি গ্রহসংস্থান দৃশ্যমান রয়েছে। কোনো গ্রহেরই নাকি সাধা নাই তোমার দৃষ্টির বাইরে যেতে।

জ্যোতিষী হাসলেন—বললেন—গুরুর প্রসাদ এবং দেবী সরস্বতীর বর। কৃতিত্ব আমার নয়।

—ভালো। আমিও সামান্য চর্চা করি এই বিদ্যার। কিন্তু আমি কোনোমতেই আজ চায়াগর্ভসম্ভূত সূর্যতনয় মহাগ্রহের অবস্থান নির্ণয় করতে পারছি না। বল তো পণ্ডিত, শনিগ্রহের অবস্থান এখন কোথায়?

পণ্ডিত খড়ি তুলে নিয়ে ছক এঁকে, সামান্য গণনা করেই পিছন ফিরে আগন্তুকের দিকে তর্জনী নির্দেশ করে বললেন—এইখানে তাঁর অবস্থান।

মৃদুহৃৎ তাঁর তর্জনীটি জবলে উঠে ভস্ম হয়ে পড়ে গিল। অটুহাস্যে সাধুবাদ

উঠল, সাধু—সাধু—সাধু! আগন্তুক কৃষ্ণ বিদ্বানের মতো দীপ্তিতে চারিদিক উদ্ভাসিত করে অদৃশ্য হয়ে গেলেন।

আর একবার এক জ্যোতিষী এসেছিলেন। বিদেশী অজ্ঞাতকুলশীল জ্যোতিষী। এসেই গ্রাম তোলপাড় করে দিলেন। যিনি এলেন তাঁকেই তাঁর নাম ধরে ডাকলেন, এস অম্বুকাবাবু, কি অম্বুচন্দ্র এস বাবা। তারপর বলতে লাগলেন তাঁর জীবন-কথা। যেন গড় গড় করে পড়ে যাচ্ছেন তার জীবনের খাতা। তিনি প্রথমে এসে উঠেছিলেন যাদবলালবাবুর ঠাকুরবাড়িতে। এক বেলার পর আমার বাবার সঙ্গে আলাপ হতেই এসে উঠলেন আমাদের বাড়ি। আমার বাবাকে বললেন—তুমি আমার পূর্বজন্মের পিতা। তারপর আমাদের বৈঠকখানা একেবারে জনসমাগমে ভরে গেল। অদ্ভুত জ্যোতিষী। যে-কোনো আগন্তুক এলেন—তাঁর অদ্রান্ত পরিচয় এবং জীবন-কথা বলে গেলেন। তারপর ভবিষ্যৎবাণী। কারও অশ্লশ্বলের ব্যাধি, তাকে বললেন—তোমার পেটে তিনটি বিচিত্র অন্ন আছে—একটির বর্ণ লাল, একটির নীল, অপরটির কালো। মাদুলি দিলেন। সবশেষে যাদবলালবাবুর বড় দৌহিত্র সম্পর্কে বললেন—সামনে কঠিন ফাঁড়া, মৃত্যুযোগ। শান্তির ব্যবস্থা হল। তন্ত্রমতে কালী-পূজা করে শনিগ্রহের শান্তি। কৃষ্ণবর্ণ ছাগ, কৃষ্ণবর্ণ বস্ত্র, কৃষ্ণবর্ণ গাইয়ের দুধের ঘি, এ ছাড়া নীলা স্বর্ণ রৌপ্য ইত্যাদি অনেক আয়োজন। গভীর রাতে পূজার ব্যবস্থা গ্রামপ্রান্তে নির্জনে। পূজা আরম্ভ হল। শ্রদ্ধা দেবী এবং সাধক ছাড়া কেউ রইল না। রাত্রির শেষ প্রহরে দেখা গেল মাটির দেবতা দাঁড়িয়ে আছেন, আয়োজনসহ সাধক অন্তর্হিত। এ সন্ধ্যাও সেকালের অনেকে বলেছিল—পূজা শেষ করে সাধক স্বস্থানে চলে গেছেন। কিন্তু কৃষ্ণবর্ণ ছাগটা চিৎকার করে বললে—উং-হুং উং-হুং।

আরও আসত লাঠিয়াল। প্রকাশ্য পেশায় লাঠিয়াল। গোপন পেশায় ডাকাত। এরাও বৃত্তি পেত। বৃত্তি ছাড়াও মধ্যে মধ্যে আসত, অভাব-অভিযোগ থাকলে। অধিকাংশ ক্ষেত্রেই আসত পদূলিশের হাত থেকে বাঁচবার জন্য। কিন্তু একটা বিশেষত্ব ছিল। পদূলিসের অভিযোগ সত্য হলে সে-ক্ষেত্রে তারা আসত না। যে-ক্ষেত্রে অভিযোগ মিথ্যা, সে-ক্ষেত্রেই তারা আসত। বলত—মিছে লাঞ্ছনা হবে হুজুর!

আবার নিজেদের দাংগা-হাংগামা থাকলে এদের ডাকা হত। এর আসত কাপড় গামছা লাঠি নিয়ে। কাজ করে বকশিশ নিয়ে চলে যেত।

এরই মধ্যে গল্প করত। ডাকাতির গল্প। দাংগার গল্প। শিউরে উঠত মানুষ সে-সব গল্প শুনতে। আমার রাতে ঘুম হত না আতঙ্কে, তবু শুনতাম সেই সব গল্প। মনে আছে পোড়া শেখের ডাকাতির সব গল্প। পোড়া শেখ ছিল দুর্ধর্ষ লাঠিয়াল, তেমনি প্রকৃতিতেও ছিল নিষ্ঠুর। ও-অঞ্চলে তার জুড়ি ছিল না। ময়ূরাক্ষরী ওপারে অবশ্য ভল্লারা ছিল। তারা আজও আছে। এই অর্ধাহার-অনাহারের দিনেও তাদের মধ্যে বীর্যবান আছে। জাতিতে অবশ্য ভল্লা নয়—তারাচরণ হাড়ি আজও আছে, ওই ওদেরই অঞ্চলের ওদেরই শিক্ষায় সে গড়ে উঠেছে; তারাচরণ—বীর তারাচরণ। অল্পদিন আগেই ১৯৫০ সালেই আমাদের ও-অঞ্চলে একটা

হিন্দু-মুসলমান দাঙ্গা হয়ে গেছে। দোষ কার—সে সঠিক জানি না, তবে অতীর্কিতে আক্রমণ করেছিল দলবদ্ধ হয়ে মুসলমানেরাই। অঞ্চলও মুসলমান প্রধান। বীরভূম-মুরশিদাবাদের ওই সীমান্তটিতে মুসলমান প্রায় শতকরা সত্তরের বেশিই হবে—কম হবে না। হিন্দুদের গ্রামে তখন খাওয়া-দাওয়া হচ্ছে। আক্রমণ সেই অবস্থায়। তারাচরণ ছিল সে-দিন সে-গ্রামে। একা তারাচরণই দাঁড়িয়েছিল লাঠি হাতে। ক্রমে পাশে অবশ্য লোক জমল কিছ্র। কিন্তু সে প্রতিপক্ষের তুলনায় অনেক কম। তবুও তারাচরণ তাদের গ্রামে প্রবেশ করতে দেরনি। তারাচরণের কথা থাক। পোড়া শেখের কথা বলি। পোড়া শেখ দেশ ছেড়ে ফেরার হয়েছিল। গিয়ে পড়েছিল এমন অঞ্চলে, যে-অঞ্চলে, পঞ্জাবী ডাকাতের প্রাদুর্ভাব এবং সাহেব সুবার কুঠি ছিল। আজ মনে হয় রানীগঞ্জের কলিয়রারী অঞ্চল হবে। পোড়া শেখ নাকি (পোড়াকে আমি দেখিনি) সেই পঞ্জাবীদের দলে মিশে সাহেবদের কুঠি লুণ্ঠিত গিয়েছিল। সে বলত—হ্যাঁ, মরদ বটে! সাহস বটে পঞ্জাবীদের! আমি তাদের ফুঁয়ে উড়ে যাবার যুগিয়া। তবু আমার খেলা দেখে তারা সপ্তে নয়েছিল। বলত—অন্ধকার রাতি, দু-পহর পার হয়েছে—আকাশে মেঘ। আ—আ—আ শব্দ করে গিয়ে লাফিয়ে পড়ল সব—বাঘের মতো। ওদিকে কুঠির বারান্দা থেকে ছুটতে লাগল গুলি। হামাগুড়ি দিয়ে চলল। চারিদিকের দরজায় কুড়ুলের ঘা পড়তে লাগল। ভাঙল দরজা। সাহেবের বন্দুক চলছে, মেম গুলি ভরছে। কিন্তু চারপাশের দরজা ভাঙলে সে কি করবে? সাহেবকে কেটেছিল তারা। পোড়া বলত—আমি ছিলাম বাইরে, ফাঁক পেয়ে গেলাম ভেতরে ছুটে। এক জায়গায় দেখলাম, ছোট একটা সাহেবের মেয়ে, কানে মাকড়ি, পড়ে আছে ভয়ে বেহুশ হয়ে। খুলে নিতে সময় লাগবে, নিলাম পট্ পট্ করে ছিঁড়ে।

অসংখ্য তাকাতির গল্প।

মানুষকে খুঁটিতে বেঁধে উনান হেললে কড়া চড়িয়ে তেল গরম করে সেই তেল গায়ে ঢেলে দিত। কত সময় মানুষকে বেঁধে সেই তপ্ত রুড়ায় বসিয়ে দিত। জ্বলন্ত মশাল দিয়ে পিটত। মানুষের গলা আধখানা বা দু-ফাঁক করে দিয়ে যেত। শড়কিতে গেঁথে এ-ফোড় ও-ফোড় করে দিত।

কত রাতি বাল্যকালে আতঙ্কে বিনিদ্র কাটিয়েছি—তার হিসাব নাই। মধ্যে মধ্যে এক-একটা সময় আসত, যখন দু-তিন মাসের মধ্যে তিন-চার ক্রোশের ভিতর চার-পাঁচটা ডাকাত হয়ে যেত। শৈশবের একটা স্মৃতি মধ্যে মধ্যে আজও মনে পড়ে। অন্ধকার রাতি, কাঁচা ধানভরা মাঠ, আর সেই মাঠের মধ্যে সঞ্চারমান কয়েকটা আলো দেখলেই মনে পড়ে যায় সে স্মৃতি।

সম্ভবত আশ্বিন মাস। হঠাৎ ঘুম ভেঙে গেল, পিসিমা উঠে বসেছেন, জানালা খুলেছেন, গভরে ডাকছেন—বউ—বউ—বউ!

মায়ের কণ্ঠস্বর ভেসে এল—ছাদে যাচ্ছি আমি।

আমি তখনও কিছ্র বদ্বিনি। এই মুহূর্তে একটা তীর আতঁকণ্টের চিংকার

কানে এসে ঢুকল। উঃ, সে কী চিংকার! বজ্রপাতের চিংকারে স্তম্ভিত অতিভূত হয়ে যায় মানুষ, মরবার হলে মরে যায় এক মহদুর্ভে ; কিন্তু এ চিংকার যেন মানুষের শ্বাস রোধ করে দেয় নিদারুণ আতঙ্কে। আকাশ চিরে গেল, বাতাসের পাথারে মাথা কুটে আছড়ে পড়ল সে চিংকার। ঘুমন্ত মানুষের ঘুম ভেঙে গেল। সে চিংকারে ভয়ে কেন্দ্রে উঠেছিলাম আমি। আমাদের বাড়ির জানালা দিয়ে তাল-গাছের ফাঁকে ফাঁকে দেখা যায়, গ্রামের দক্ষিণ মাঠ নিম্নচের জেল। সেই জেলের উপরে জমাট অন্ধকার থর থর করে কাঁপছে। আলো—অনেক আলোয় ভরে যাচ্ছে—বিচ্ছিন্ন আলো সব ছুটে ছুটে বেড়াচ্ছে। আবার কিছুক্ষণ পর উঠল চিংকার। মানুষের এমন প্রাণ-ফাটানো আত্মস্বর আর শুনি নাই। পরে শুনছি সে চিংকারে ভাষা ছিল—জান বাঁচাও! জান বাঁচা-ও!

আমাদের গ্রামের সিকি মাইল দক্ষিণে সিউড়ি থেকে কাটোয়া যাবার পাকা সড়ক চলে গেছে, সেই সড়ক দিয়ে—উর্ধ্বশ্বাসে ছুটে চলে গেল সেই আত্মনাদ! জান বাঁচা-ও! বিপন্ন প্রাণের সেই ভয়—সেই আকুতি এমনভাবে ছাড়িয়ে পড়ল চারিদিকে যে, ঘরে ঘরে মানুষ থর থর করে কাঁপল। বৃকের ভিতরটা চড় চড় করে উঠল, গলা শব্দকিয়ে গেল। আবার তার জান বাঁচাবার জন্য মানুষ দলে দলে আলো হাতে ছুটে বেরিয়ে গেল।

রাত্রি তখন গ্রামের পক্ষে বেশি হলেও আমাদের গ্রামের পক্ষে, বিশেষ করে আমাদের বাড়ির পক্ষে, বেশি নয়। রাত্রি এগারোটা সবে বেজেছে। বাবার মজলিস পুরোদমে চলেছে। মা তখনও জেগে।

ছুটল মানুষ। কিন্তু দিগ্বিদিকহীন ভয়াত হতভাগ্য সামনের পাকা রাস্তা ধরেই ছুটে চলেছে—ছুটেই চলেছে। নিতান্ত হতভাগ্য, গ্রাম ঠাণ্ডা করতে পারেনি। পাশের দু-চারটে ঘন জংগল গেছে, আশ্রয় নিতে সাহস করেনি। সামনেই ছুটে চলেছে। পিছনে তার ছুটে আসছে মৃত্যুদূতের মতো পরম্পরাহারী ঠাণ্ডাড়ে। আমরা বলি ‘মানুষড়ে’। আজ মনে হয়, মানুষ বাঘের মুখে সাপের মুখে তত ভয় পায় না, যত ভয় পায় হত্যাভিপ্রায়ে হিংস্র মানুষকে দেখে। তারই মধ্যে আত্মপ্রকাশ করে বোধ হয় মৃত্যুর ভয়ালতম রূপ। আক্রান্ত মানুষটির পিছনে ছিল ওই ভয়ালতম রূপ; তাই উন্মাদের মতোই সে সামনে ছুটে চলেছিল। হতভাগ্য ভাষণে পারেনি, নির্যাত নদীর রূপ নিয়ে পথ রোধ করে দাঁড়াবে। সামনে ছিল নদী। আমাদের গ্রামের দেড় মাইল দূরে কুয়ে নদীর ঘাট—সেই ঘাটে সড়ক ছেদ পড়েছে। দিনে থেয়া চলে, রাত্রে জনহীন ঘাট। সেই ঘাটের উপরে উঠল আর-একটা মর্মান্তিক চিংকার। তারপর সব স্তম্ভ। সকলে ছুটে গেল।—ভয় নাই—ভয় নাই! গিয়ে দেখলে, জনহীন ঘাট, ঘাটের উপরে খানিকটা রক্তচিহ্ন। আর কিছু নাই। অনেক খুঁজেও কিছু পাওয়া গেল না। শুধু দূরে ধানভরা বিস্তীর্ণ মাঠের মধ্যে সপ্তরমান ছায়ামূর্তির মতো কয়েকটি কিছু যেন কেউ কেউ দেখেছিল। কিন্তু তারা ভয়াত নয়, আলোর আশ্বাস তারা চায় না, অন্ধকারে মিলিয়ে গেল কোথায় সেই বিস্তীর্ণ ধানক্ষেত্রে, খুঁজে পাওয়া গেল না। পরের দিন পাওয়া গেল—নদীর ঘাটের খানিকটা

পাশে—দহের বৃকে বৃকে-পড়া একটা শ্যাওড়া গাছের মধ্যে একটি বিদেশী মূসল-মানের মৃতদেহ।

পরে প্রকাশ পেল ঘটনাটি।

‘বাম্‌নিগ্রাম’ বহুদূর থেকে একদল ‘মানুষড়ে’ মূসলমানদের জন্য কুখ্যাত। এ কান্ড তাদেরই। বিদেশী মূসলমানটি গরু বা মহিষ কিনতে এসেছিল পাঁচুন্দির হাটে। কাটোয়ার কাছে পাঁচুন্দি, কিন্তু তখন বাণ্ডেল-কাটোয়া-বারহারোয়া লাইন হয়নি। পাঁচুন্দি যাবার রাস্তা ছিল—লুপলাইনের আমেদপুর স্টেশনে নেমে ওই পাকা সড়ক। এই পাকা সড়কে আমেদপুর ও লাভপুরের মধ্যে এই বাম্‌নিগ্রাম। আমেদপুর হয়ে আগয়া নদীর ব্রীজ থেকে প্রায় তিন মাইল ব্যাপী প্রান্তর। মধ্যস্থলে সন্দুদীপুরের বটতলা, বুরি-নামা শিকড়ে বিশ-পাঁচশটা কান্ড সৃষ্টি হয়েছে, সে এক ঘন জংগলে ঘেরা ঠাই। দিনে সূর্যের আলো পড়ত না। সন্দুদীপুরের বটতলার উল্লেখ আমার রচনায় আছে, ‘ডাকহরকর’ গল্পে “হিন্দু-মূসলমান দাঙ্গায়” ‘তামস উপসর্গ’ আছে মনে পড়ছে। এই বটতলায় তারা রাতে পথিকের প্রতীক্ষা করত। বাঁশের খাটো লাঠি-মাটি ঘেঁষে সুকোশল নিক্ষেপে প্রচণ্ড বেগে ছুটে পথিকের পায়ে আঘাত করত, পথিক পড়ে যেত। এরা ছুটে এসেই একটা লাঠি তার গলায় বা ঘাড় দিয়ে দুই প্রান্তে পা দিয়ে চেপে ধরত, অন্য একজন দুজন পায়ে ধরে মানুষটাকে উল্টে দিত, মট্ শব্দ করে ভেঙে যেত ঘাড়ের মেরুদণ্ডটা। তারপর অনুসন্ধান করত, তার কাছে কি আছে। এমনও শোনা গেছে যে, একজন মানুষকে হত্যা করে পেয়েছে হয়তো চারটে পয়সা, আর তার পরনের জীর্ণ কাপড়খানা।

এই বিদেশী মূসলমানটিকে আমেদপুর থেকে—এই দলের একজন অপরাধে ভুলিয়ে তার গাড়িতে নিজের বাড়ি এনে তুলেছিল। স্বজাতি হিসাবে বিশ্বাস করেছিল সে। কিন্তু সন্ধ্যার পর লোকটি বুঝতে পেরেছিল এদের অভিপ্রায়। তাই এক সময়ে তাদের বাড়ি থেকে বেরিয়ে গথে পথে প্রাণভয়ে ছুটোঁছিল। কিছুক্ষণ পর খড়খড়ীরা পালানোর কথা জানতে পেরে মুখের শিকার ফসকানো হিংস্র পশুর মতো ছুটোঁছিল তার পিছনে পিছনে। দুরন্ত মৃত্যুভয়ে হতভাগ্য সামনে দুখানা গ্রাম পেয়েও তাতে ঢোকেনি। হয়তো গ্রাম বলে বুঝতে পারেনি। অথবা মানুষকেই আর বিশ্বাস করেনি। সে-দিন সে-মৃত্যুতে কার উদ্দেশ্যে সে এমন করে জান বাঁচানোর আকুল প্রার্থনা জানিয়েছিল—সে-ই জানে।

মানুষড়ে মূসলমান দলটি আজ আর নাই। তাদের বংশই শেষ হয়ে গেছে। শুধু বাম্‌নিগ্রামেরই নয়, আরও কয়েকখানা গ্রামের এই অপবাদ ছিল। আমাদের গ্রামের উত্তর-পূর্বে মাইল চারেক দূরে ধনডাঙার হিন্দুদের এ অপবাদ ছিল। মাইল আশ্বেক দূরে দাশকল গ্রামে হিন্দুদের এ দুর্নাম ছিল। শোনা যায়, এইখানে যে ছিল এই হত্যাকাণ্ডের নায়ক, সে একদিন রাতে পথিকভ্রমে হত্যা করেছিল নিজের একমাত্র পুত্রকে। ছেলে চিংকার করে বলেছিল—বাবা আমি, বাবা। তার দেহখানা ঘুরিয়ে দিতে দিতে বাপ বলেছিল—এ সময়ে সবাই বাবা বলে। আমার ‘আখড়াইয়ের দীঘি’ গল্প এবং ‘স্বপ্নান্তর’ নাটকের উদ্ভব এখান থেকেই। ক্রোশ-

অন্তর দীঘি আর ডাক-অন্তর মসজিদওয়ালা বাদশাহী সড়ক এখানেই; সেই সড়কের উপরে গাছতলায় বসে এক বৃদ্ধ বীরবংশীর মূখে এই পদ্রুহতয়ার কাহিনী শুনেনিলাম।

বজ্রহাট বলে একখানি গ্রাম আছে—মুসলমানের গ্রাম। ময়ূরাক্ষীর ওপারে। সেখানেও এই ব্যবসা ছিল। আমি নিজে একবার এই বজ্রহাট হয়ে যাচ্ছিলাম সাঁইথিয়া। সন্ধ্যার পর। পড়েছিলাম এদের হাতে। আমি ছিলাম বাইসিক্লের আরোহী, আর নিতান্তই ছিল পরমায়ু (এ ছাড়া অন্য কোনো ব্যাখ্যায় প্রকাশ করা যায় না সে-দিনের সে বিচিত্র পরিঘাণকে), তাই বেঁচেছিলাম। সে-কথা এখানে নয়।

লাঠিয়াল ডাকাত যারা, তারা ঠিক এদের মতো ছিল না। খুন তারা সহজে করত না। তারা এই মানুষ-মারাদের ঘৃণা করত। লাঠিয়ালের প্রকৃতি এবং মানুষদের প্রকৃতিতেও প্রভেদ দেখেছি। লাঠিয়ালরা—ডাকাতরা অনেক ভালো। এদের কাছে গল্প শুনতাম। এমনি এদের কথা ভারি মিষ্টি। বলত—বুঝলেন বন্ধু, মদ খেঁচি গায়ে মজলিস করে; একজনা লোক, মাথায় গামছার পাগাড়, হাতে আলানকাঠি, জাল বুনতে বুনতে এসে বসল। বললে—মদ দেবা খানিক? আমি ধীবর, যাব কুটুমবাড়ি, তা ভাই, মদ দেখে ভারি লোভ লেগেছে। তা বললাম—বস, খা। খেলে, আলাপ করলে, চলে গেল। দুদিন পর এল পিঠে গামছায় বাঁধা পাঁচটা পাকী মদের বোতল আর এক বড় রুইমাছ নিয়ে। বললে—সেদিন তোমরা খাইয়েছ, আজ আমি খাওয়াই। বুয়েচেন না, ভারি খুশি হলাম। একদিন খেয়ে গিয়ে যেতে খওয়াতে এসেছে লোকটা, খুশি হবারই কথা। তা আবার পাকী মদ। বন্ধুলাম, ধীবর মশায়ের পয়সা আছে। রাত-বিরেতে জাল ফেলে পরের পুকুরে রুই কাতলা ধরেন, পয়সার আর অভাব কি? বসে গেলাম খেতে। মাছ ভেঙে বেশ আসর করে বসলাম, সেও বসল। বসল, কিন্তু নিজের কাজ ভুললে না। খেলে আর জাল বুনলে। গল্প করলে। আবার দিন-সাতেক পর এল। তারপরে বলে—সোনা থাকে তো দাও, কিনব। মানে ডাকাতের মাল। আরও দুদিন এল। মদ মাংস, গান খুব জমে গেল। তা'পরেতে কথাবার্তা। সোনা দোব ঠিক হল। দিনও ঠিক হল। ঠিক দিনে বুয়েচেন কিনা 'ক্যার-ক্যার' করে গোটা গাঁ ঘেরাও। চারিদিকে লালপাগাড়ি। আর সেই ধীবর মশায় ভোল পাটে গোয়েন্দা দারোগা! ও বাবা! এমন ধীবরের মতো জাল বোনা, এমন ঢক ঢক করে পচুই খাওয়া—এ দেখে কি করে বুঝব বলুন যে, এ ধীবর নয়? তা আমরাও ঠকেছিলাম। তিনিও ঠকলেন। মাল কোথা পাবে—ঘরে কি থাকে? মাল পোঁতা আমাদের ময়ূরাক্ষীর ধারে, গাছের তলায়। তবু ছাড়ে না। নিয়ে গেল ধরে। মারপিঠ, নখে ছুঁচ ফুটানো, অনেক হল। শেষে লোভ। অনেক ভাবলাম, তারপরে বললাম—চল দেব দেখিয়ে। কিন্তু একা আমার সঙ্গে যেতে হবে। তাই রাজী। পিস্তল ঝুলিয়ে চলল। ময়ূরাক্ষীর বালিতে এনে এক জায়গা বেশ করে খুঁড়লাম। বললাম—এইখানেই তো ছিল। কই? তা—। যা আঁচ করেছিলাম, ঠিক তাই হল। দারোগা মনের আকুলিতে হেঁট হল—“ছিল তো যাবে কোথায়?” ওই যেমন হেঁট হওয়া

আর এক ঠেলা পেছন থেকে; মদ্য খুবড়ে পড়ল সেই গতে। অমান চাবুকে ধরে দিলাম বালি চাপিয়ে। পা দুটো থাকল বেরিয়ে। আমি টেনে দৌড়। তা বেটোর ভাগ্য, পরমায়ু আছে—একটা মেয়েছেলে দেখেছিল, নদীর ধারে ঘাস কাটাছিল, সে ছুটে এসে বালি সরিয়ে ঠ্যাঙে ধরে টেনে বেটাকে বার করলে।

—তারপর?

—তারপর আর কি? তারপরে বছরখানেক পরে ধরা পড়লাম। ঠেলে দিলে চার বছর।

হা-হা-করে হাসত।

এই আমার কালের প্রথম জীবনের সেকাল। সেকালের—সেকালের এই রূপ। দেশে নতুন কাল তখন এসেছে, এসেছে কলকাতায়, এসেছে তার আশেপাশের জেলার, আমাদের জেলায় বোলপুরের প্রান্তে ভুবনডাঙায় শান্তিনিকেতন আশ্রম স্থাপিত হয়েছে, সেখানে এসেছে, বোলপুরের পাশে বিখ্যাত লর্ড সিংহের রায়পুর, সেখানে এসেছে; কিন্তু সিংহবাড়ির নতুন কালের মানুষেরা এ দেশ ছেড়ে কলকাতায় গেছেন। শান্তিনিকেতনের চারিপাশে তখন গাঙী টানা। ব্রাহ্মধর্মের সঙ্গে হিন্দুধর্মের বিরোধের গাঙী টেনে এ দেশের লোক শান্তিনিকেতনকে পতিত করে রেখেছে।

এই প্রসঙ্গে মনে পড়ছে রবীন্দ্রনাথের কথা। প্রথম যেদিন সাহিত্যিক হিসেবে তাঁর সঙ্গে পরিচয়ের সৌভাগ্য হয়, যেদিন তিনি স্বর্ণ ডাইনির গল্প নিয়ে কথা বলেছিলেন সেই দিনেরই কথা।

ওই স্বর্ণের প্রসঙ্গেই বলেছিলেন, আমাদের দেশে কত বিচিত্র ধারা, কত বিচিত্র রীতিনীতি, কত বিচিত্র মানুষ, এঁরা তা দেখেননি, দেখা দূরের কথা, কল্পনাও করতে পারেন না। তুমি এদের দেখেছ। আমি কল্পনা করতে পারি, কিন্তু দেখিনি। দেখবার সুযোগ পাইনি, দেখতে দাওনি তোমরা, আমাদের তোমরা পতিত করে রেখেছিলে। পতিত শব্দটি তিনিও ব্যবহার করেছিলেন।

আবার এর একটি বিপরীত দিকও আছে। নতুন কালের মানুষেরা পুরানো কালের মানুষদের অবজ্ঞায় দূরে সরিয়ে রেখেছিলেন।

এক দিকে ছিল ক্ষোভ থেকে উদ্ভূত উপেক্ষা।

অন্য দিকে ছিল পীড়িতচক্ষু মানুষের আলোক-ভীতির মতো বেদনাদায়ক বর্জনপ্রবৃত্তি।

একটা নদীরই মাঝখানে একটা প্রকাণ্ড চড়া, চড়ার দুধারে বয়ে যাচ্ছে দুটি স্রোত। একটির সম্মুখে পথের সন্ধান নাই, অপরের সম্মুখে পথের সন্ধান এবং জীবনের গতি। কিন্তু দুটি একত্রিত না হলে জলস্রোতে সে-বেগ সঞ্চারিত হবে না, যে-বেগে সম্মুখের যে-ভূমিতলে পথের দিশা আছে, সে ভূমিতলকে কেটে আপন গর্ভপথে পরিণত করে তারই বুক বেয়ে ধেয়ে যেতে পারবে জীবনস্রোত সাগরভিত্তিতে।

না। সেকালের সেকালে আরও আছে। আছে অবশ্য অনেক, কিন্তু ষেটুকুর কথা মনে পড়ে গেল, সেটুকু না বললে সেকালের অনেকটাই অপ্রকাশ থেকে যাবে।

আগে কিছুটা বলছি। বলছি, বাথারে গোলায় ধান ছিল, গোয়ালে বড় বড় বলদ ছিল, দুধালো গাই ছিল, গ্রামে বড় বড় পুকুর ছিল—পুকুরে গভীরতা ছিল, জল ছিল অঁঠে, সে অঁঠে জলে পুকুরভরা মাছ ছিল, বাড়ির ক্ষেতের-খামারে শাক ছিল, সবজি ছিল, ঘরে কাঁসা-পিতলের বাসন ছিল, রূপার বাসনও ছিল দু-দশ জনের ঘরে। আরও ছিল-আকাশে মেঘ ছিল, সে-মেঘে জল ছিল। অনাবৃষ্টি তখন কম হত। তখন বাৎসরিক বৃষ্টিপাতের পরিমাণ ছিল ৫০ থেকে ৬০ ইঞ্চি পর্যন্ত। আমার মনে আছে, ১৩১৩ সালে আমাদের অঞ্চলে 'আকাড়া' অর্থাৎ অনটন হয়েছিল। টাকায় তেরো সের চাল হয়েছিল: কাঁচ ৬০-এর ওজনের তেরো সের আজকের ৮০-র ওজনের দশ সের তিন পোয়া। আজকের ওজনের এক সের চালের দাম হয়েছিল ছ পয়সা। পরবর্তীকালে জেলার বৃষ্টিপাতের খতিয়ান দেখেছিলাম, তাতে দেখেছি সে-বার বৃষ্টিপাতের পরিমাণ ছিল ৪০ ইঞ্চির কিছু বেশি। আজ সেই বৃষ্টিপাতের পরিমাণ হয়েছে ৩০ ইঞ্চি থেকে ৪০ ইঞ্চি পর্যন্ত, যে বৎসর খুব বেশি বর্ষা হয়, সে-বার হয়তো ৫৫ ইঞ্চিতে পৌঁছোয়। তাই বলছি, আকাশে মেঘ ছিল, মেঘে জল ছিল। আমার 'গণদেবতা' বইয়ে আমি লিখেছি, গ্রাম্য বৃদ্ধ স্মারিকা চৌধুরী গ্রামে আটকবন্দী যতীনের সঙ্গে আলাপ করতে এলে যতীন তাকে বলেছিল "সেকালের গল্প বলুন আপনাদের।"

—গল্প: হ্যাঁ, সেকালের কথা একালের গল্প বইকি। আবার ওপায়ে গিয়ে যখন কর্তাদের সঙ্গে দেখা হবে তখন একালে যা দেখে যাচ্ছি তাই বলব, সেও তাঁদের কাছে হবে গল্প। সেকালে গাই বিয়োগে দুধ বিলোতাম, ক্রিয়াকর্মে বাসন বিলোতাম, পাথের ধারে আম-কাঁঠালের বাগান করতাম, পাথের ধারে মাঠের মধ্যে পথিকের ছায়ার জন্যে, চাষীর ছায়ার জন্যে গাছ প্রতিষ্ঠে করতাম; মানুষ্যে, জীব-জন্তুতে জল খাবে বলে পুকুর প্রতিষ্ঠে করতাম, সরোবর দীর্ঘি কাটাতাম, দেবতা প্রতিষ্ঠে করতাম, তাঁর প্রসাদে ঘরে নিত্য অতিথি সংকার হত। মহাপুরুষদের ঈশ্বরদর্শন হত। তাঁদের আশীর্বাদ পেতাম। এই আমাদের সেকাল।

সে তো আজ আপনাদের কাছে গল্প মনে হবে গো!

—আপনি দীর্ঘি কাটিয়েছেন চৌধুরী মহাশয়?

—আমার ভাগ্য ভাঙা ভাগ্য বাবা। ভাঙা ভাগ্যের বড়ি ভাঙা, কৌদাল ভাঙা, মাটি কাটা যায় না, কোনো মতে খুঁড়লেও ভাঙা বড়িডিতে তুলে ফেলা যায় না। তবে আমার বাবা দীর্ঘি কাটিয়েছিলেন: তখন আমি ছোট, আমার মনে আছে। এক বড়ি মাটি কাটত একজন, বইত একজন। দশ কড়া কড়ি ছিল দাম। মানে আধ পয়সা।

একজন লোক বসে বসে ঝুড়ি গদগত, কড়ি দিত। বিকেলে কড়ি দিয়ে পয়সা নিয়ে যেত।

—আধ পয়সা ঝুড়ি?

এ আমি কল্পনা করে লিখিনি। এই সেকালের কথা। আধ পয়সা ঝুড়ি মজুরি, ওদিকে দুটাকা মণ চাল। টাকায় চব্বিশ সেরও দেখেছি আমি। দুধের সের ছিল দু-পয়সা। হিসেব ছিল “পাই” অর্থাৎ আধ সেরের—এক পয়সায় এক পাই দুধ মিলত।

মায়েরা ছেলের চাঁদ ধরে দেবার জন্যে চাঁদকে লোভ দেখিয়ে ডাকতেন—

“আয় চাঁদ আয় আয়
বাটি ভরে দুধ দোব
রুপোর থালায় ভাত দোব
রুই মাছের মড়ো দোব
সুখশয্যে পেতে দোব
চাঁদ তুই সুখে নিদ্রা যাবি
আম-কাঁঠালের বাগান দিয়ে
ছায়ায় ছায়ায় যাবি।”

ঘুমপাড়ানী মাসি-পিসিকে ডেকে বলতেন—

“ঘুমপাড়ানী মাসি-পিসি ঘুম দিয়ে যাও।
বাটি ভরে পান দেব গাল পুরে খাও॥”

আবার ছেলে ভুলাবার, ছেলে ঘুম পাড়াবার অন্য ছড়াও আছে, যে-ছড়া সম্ভবত সেকালের হরিজন সম্প্রদায়ের মায়েদের রচিত—

“আয় রে ঘুম যায় রে ঘুম বাউরীপাড়া দিয়ে
বাউরীদের ছেলে ঘুমালো কাঁথা মূড়ি দিয়ে!”

ঘুম যদি জেগেপাড়া দিয়ে যেত, তবে ছেলে জাল মূড়ি দিয়ে ঘুমাত। যদি যেত জেগপাড়া দিয়ে তবে ঘুমাত টোকা বা ঝুড়ি মূড়ি দিয়ে। দারিদ্র্য ছিল। এখনকার তুলনায় ঘর-দুয়ারের অবস্থায়, পরিচ্ছদের ব্যবস্থায়, আভরণের ব্যাপারে সেকালের দারিদ্র্যকে অতি নিষ্ঠুর মনে হবে। আজ আমাদের হরিজনদের ঘর-দুয়ার অনেক ভালো, দরজা-জানালা আছে, অনেকে মাটির কোঠা অর্থাৎ দোতলা করেছে, বাইরে বারান্দায় কলি ফেরানো অর্থাৎ চুন দেওয়া হয়েছে, দরজায় আলকাতরা মাখানো হয়েছে। সেকালে ঘর ছিল ঘুপাচি : হয়তো চার কোণে মাথায় মাথায় চাল সৈকত ; জানালা দূরে থাক, দরজাও সর্বক্ষেত্রে থাকত না, থাকত আগড়। একখানিই ঘর, তার এক দিকে হেঁসেল, এক দিকে হাঁস মুরগী, মাঝখানে শূন্য মানুষ। আজ মুরগী হাঁস আলাদা থাকে, রান্না রাখবার জায়গা আলাদা, মানুষেরা শোয় অনেক ক্ষেত্রে খাটটার তক্তাপোশে, বিছানাও তাদের ভালো। সেকালে দরিদ্র পুরুষেরা সাত হাত কাপড় পরে নগ্নপ্রায় হয়ে বেড়াত, মেয়েরাও পরত তাঁতের খাটো সাড়ে-আট

হাত শাড়ি। আজ দশ হাত শাড়ি জামা সেমিজ পরে। যুদ্ধের পরে হাফপ্যান্ট যথেষ্ট আমদানি হয়েছে। সেকালে মেয়েদের আভরণ ছিল রূপাদস্তার বালাকাটা বলে একটা গয়না। কারুর গলায় পিতলের ‘মুড়কিমলা’—মোটো কস্তায় মাদুলি গেঁথে তারই মালা; আর কারও কারও থাকত সরষের মতো গোল একদানা সোনার নাক-ছবি। আজ মেয়েরা রূপোর গয়না তো পরেই, অধিকাংশেরই হাতে তামার উপর সোনার পাত মোড়া শাঁখাবাঁধা আছে। সোনার বেশ মানানসই নাকছবি সকলের নাকেই আছে—কারও নাকে হরতন, কারুর চিড়িতন, কারও একটা ইংরেজি অক্ষর, কারুর কারুর সোনার নাকছবিতে ওপেল পাথর কি ছোট রুবির টুকরো দেখতে পাওয়া যায়। তা ছাড়া মাথায় রূপোর কাঁটা, কানে সোনার টাপ প্রায় প্রত্যেকেরই আছে। সেকালে রাতে অধিকাংশ ঘরেই আলো জ্বলত না। কেরাচিনি (কেরোসিন) তেলের একটি ডিবে আর একটি ‘খরবাকসো’ বা ‘জেশলাই’ অর্থাৎ ফ্যারাবক্স বা দেশলাই থাকত বিপদ-আপদের জন্য, তাতে অন্তত একটা মাস চলে যেত। তাদের কেউ কেউ নিমের ফল কুড়িয়ে জড়ো করত। জেলেদের পাড়ায় এটি ছিল প্রত্যেক গৃহস্থের অবশ্যকর্তব্য। নিমের ফল কুড়িতে ঘানিতে পিষিয়ে তেল তৈরি করে সেই তেলে প্রদীপ জ্বালানো হত। আজ প্রত্যেক ঘরেই হ্যারিকেন হয়েছে, ডিবেও আছে, আলো নিয়তই জ্বলে। নিমফল অবশ্য ছেলেরা এখনও কুড়িয়ে তেল পিষিয়ে নেয়। সমস্ত দিন জলে কাজ করে এসে এই নিমতেল তারা গায়ে মাখে চর্মরোগ নিবারণের জন্য। তুলনায় সেকালের দারিদ্র্য শোচনীয় ছিল মানুষের কিন্তু তবুও সেকালে অনাহার, অর্ধাহার ছিল না, একালে অবস্থার এই উন্নতি সত্ত্বেও মধ্যে মধ্যে তাদের অনাহার ঘটে। সেকালের ব্যবস্থায় এদের সঙ্গে মধ্যবিত্তদের একটি ঘনিষ্ঠ যোগ এবং অন্তরঙ্গতা ছিল। বিচিত্র এবং মধুর সে-যোগ ও অন্তরঙ্গতা। এক-একটি বর্ধিষ্ণু পরিবারের সঙ্গে কয়েকটি করে দরিদ্র পরিবারের এই সম্পর্ক ছিল। প্রায় পুরুষানুক্রমিক যোগ।

আমাদের বাড়ির সঙ্গে এমনি যোগ ছিল গুটি কয়েক পরিবারের। তাদের মধ্যে ‘দারী দেবতার’ শিবুর অনুচর শম্ভু বাউরীদের বাড়িই প্রধান। শম্ভুর পিতামহ থেকে তারা আমাদের বাড়িতেই কাজকর্ম করে। শম্ভুর পিতামহকে আমি দেখিনি। তার পিতামহী মোনা—নাম ছিল মনোমোহিনী—তাকে আমি দেখেছি। ভোর-না-হতেই মোনা এসে হাজির হত। এসেই ঘর-দুয়ার উঠান থেকে চারিপাশ সাফ করত, জল দিয়ে ধুয়ে দিত। কালো পোকা-খেগো চেহারার মতো বুদ্ধী মোনা এসেই প্রথম বকত বাড়ির ঝিকে। তারপর চাকরকে, তারপর রাধুনীকে, তারপর কখনও কখনও আমার মাকে। শুধু বকতে সাহস করত না আমার পিসিকে। বকত বাড়ির বিশৃঙ্খলার জন্য, অব্যবস্থার জন্য।

বলত—হা টে, (অর্থাৎ হ্যাঁ লা) টুকুচি শাসন করতে লারিস (পারিস না) ওই ঝিচাকরগুনানকে? অমনি অব্যবস্থা! দেখ্ দেখ্, তোর কটা কটা চোখ দুটো তো খুব ঝকমকে, বলি আপচোটা (অপচয়) একবার দেখ্। জিনিস ফেলেছে দেখ্।

মা হাসতেন। মোনা বা তার সম্প্রদায়ের সকলেই ‘আপনি’ বলে কথা বলত

জানে না, এ কথা নয়। বাবা যদি ডাকতেন, মোনা! তৎক্ষণাৎ মোনা হাত জোড় করে উত্তর দিত—আজ্ঞে বাবা, আজ্ঞা করুন।

মোনা আমাদের শাসন করত। আমাকে কম। কিন্তু আমার মেজ ভাই আমার বোনকে শাসন তো করতই, প্রহারও করত।

ছেলেবেলায় চার-পাঁচ বছর পর্যন্ত আমাদের এদের বাড়িতেই কাটত। এরাই মানুষ করত। সকলেবেলায় নিয়ে যেত, এগারোটা নাগাদ ফিরিয়ে আনত, তারপর নিয়ে যেত আবার বেলা তিনটেতে। সন্ধ্যা হলে বাড়ি দিয়ে যেত। ওদের অল্প ব্যঞ্জন অনেক পেটে আছে আমাদের।

মোনার একটা কথা ভাবি কৌতুককর। সে ব্যাঙকে ভয় করত যমের মতো। তার ধারণা ছিল ব্যাঙের বিষেই সে মরবে। ব্যাঙ দেখলে মোনা ভয়ে আতঙ্ক ব্দ-ব্দু তি-তি শব্দ করে লাফাতে আরম্ভ করত। অকস্মাৎ বড় ব্যাঙের সামনে পড়লে তার চোখের দিকে চেয়ে যেন আতঙ্ক জমে পাথর হয়ে যেত।

মোনার ছেলে গোষ্ঠ আমাদের বাড়িতেই গরুর পরিচর্যা করত। সে মারা গেলে তার তিন ছেলে সতীশ, মতিলাল, শম্ভু—সকলেই প্রথমে রাখাল, তারপর মাহিন্দার, কৃষাণ ও ভাগ জোতদারের কাজ করেছে। সতীশের পুত্র 'লডো', সেও কাজ করেছে।

মোনা মারা গেল। তারপর মোনার পুত্রবধূ তার কাজ করতে লাগল। সতীশের মাকে আমরা 'সতের মা' বলতাম। সতের মা সে-দিন পর্যন্ত জীবিত ছিল। শেষ বয়সে কাজ করতে পারত না, তার পুত্রবধূ 'সতের বউ' তখন কাজ করত।

সতীশের মায়ের কি অধিকার আমাদের উপর, তার সে-অধিকার অনস্বীকার্য। অকপটে বলছি, সে-অধিকার স্বীকার করতে কোনোদিন একবিন্দু গ্লানি অনুভব করিনি। এসে দাঁড়াত সতের মা, বলত—বলি হাঁগো, তুই ইসব কি করছিস? লোকে বলছে—তাকে ধরে নিয়ে বাবে? সাহেবদের সঙ্গে ল্যাই (কলহ) করছিস! একজন। বগলে—জ্যাংলে ভরে তো দেবেই, গুলি করে না দেয় তো ভালো।

ঝর ঝর করে কেঁদে ফেলোঁছিল সতের মা।

ইদানীং যখনই কলকাতা থেকে বাড়ি যেতাম তখনই স্টেশন থেকে আমাদের বাড়ি যাওয়ার পথে দাঁড়িয়ে থাকত সতের মা, বলত, বাবা এলি? অঃ, আচ্ছা পাষণ বটিস বাবা। আঃ, মন্থ মনে পড়ে না রে! দাঁড়া খানিক দেখি।

আমি জেলে থাকতে শম্ভু মধ্যে মধ্যে রওনা হত সিউড়ি, বড়বাড়ির সঙ্গে দেখা সে করবেই। কিন্তু খানিকটা পথ যেতে যেতে তার সাহস চলে যেত, পদুলিস এবং সাহেবদের ভয়টা উঠত বড় হয়ে, ভণ্মনে বাড়ি ফিরে কাঁদতে বসত।

অন্য দিক দিয়ে আমাদের বাড়িতে তাদের অখণ্ড অধিকার ছিল, অংশীদার বললেও অত্যাধিক হয় না। বিপদে, রোগে, দুর্ভিক্ষে, শ্মশানে পর্যন্ত পরস্পরের সহযোগিতা ও আত্মীয়তা ছিল প্রসারিত। আমাদের খড় তাদের ঘর ছাওয়াতে দিতে হত, তাদের জ্বালানি—সেও আমাদের বাড়ি থেকে যেত; আমাদের পুকুরের মাছ তারা

নিভা ধরত, আমাদের ডাক্তার তাদের দেখত। বাড়িতে মাছ এলে তাদের ধরে যেত। আমাদের পুরানো জামা-কাপড় পছন্দ করে নিয়ে যেত।

শুধু সংযুক্ত হরিজন পরিবারটিই নয়—গোটা পল্লীর ভারই সমগ্রভাবে মধ্যবিত্তদের উপর ন্যস্ত ছিল, অবশ্য-কর্তব্যরূপে সে-ভার তাঁরা বহন করতেন।

কোনো হরিজন পরিবার অনশনে থাকত না। সেকালের গৃহিণীরা বেলা তিনটে নাগাদ বের হতেন এই পল্লী-ভ্রমণে। দেখতেন সকলের চালের দিকে চেয়ে, কার চালের উপর দিয়ে ধোঁয়া উঠছে, কার চালের উপর ধোঁয়া নাই। ঘরের ভিতর উনান জ্বললে, চালের খড়ের উপর দিয়ে ধোঁয়া বের হয়। যার ঘরের চালের উপর ধোঁয়া উঠছে না, তার উঠানে গিয়ে দাঁড়িয়ে প্রশ্ন করতেন—কি, তোর আজ আখা (উনান) জ্বলে না কেন রে?

সঙ্গে সঙ্গেই কারণের প্রতিবিধান হত। পুরুষ অসুখে পড়েছে, ঘরে চাল নাই—ওষুধের ব্যবস্থা হয়েছে, চাল দেওয়া হয়েছে। মেয়ের অসুখ হয়েছে, রাঁধবার লোক নাই, ঘরে পুরুষ নাই, ছেলেরা ছোট—সে ক্ষেত্রে ছোট ছেলেদের ডেকে ভাত দেওয়া হয়েছে। দুধ গিয়েছে, তৈরি সাগু গিয়েছে।

বেলা দুটোর পরই ওদের মেয়েরা নেমে যেত পুকুরে, মাছ ধরত—শোল মাছ, ন্যাটা মাছ। বিনা মাছে তারা ভাত খেত না। মধ্যবিত্তের বাগানে শুকনো কাঠ আহরণ করতে বের হত প্রত্যহ সকালে। কাঠ ভেঙে আনত প্রচুর পরিমাণে; এ সব ছিল তাদের জীবনের অধিকারভূক্ত।

তাল গাছের পাতা এবং ফল—এতে ছিল ওদের অধিকার। গ্রামের ভিতরের গাছের তাল কেটে খাওয়া সকলের পক্ষেই নিষিদ্ধ ছিল। এই তাল পাকলে ওরা কুড়িয়ে খেত, পেড়ে খেত।

ওরা অস্পৃশ্য ছিল, তবু মানুষের হৃদয়ে ওদের প্রবেশাধিকার ছিল অবাধ। আমার মেয়ে বুদ্ধ য়ে দিন মারা যায়, সে দিন সতীশের মা আমার স্ত্রীকে আমাকে যে অসঙ্কোচ অধিকারে স্পর্শ করেছে সেকথা স্মরণ করে এ-কথা লিখতে আমার দ্বিধা হচ্ছে না। কিন্তু সঙ্গে সঙ্গেই মনে পড়ছে এদের দৃষ্টিতেই সে দিন দেবতার ভোগ নষ্ট হত, এদের সঙ্গে একটা লম্বা খড় কি দাড়ির সংস্পর্শে স্পর্শদোষ হলে প্রাপ্তবয়স্কেরা স্নান করেছেন। এদের বাস্তুতে এরা শুধু বাস করবারই অধিকারী ছিল, ভূমিতে কোনো অধিকারই ছিল না। এরা সে বাস্তুর উঠানে গাছ লাগাত, বাড়ির পিছনে বাঁশ লাগাত, সে গাছ, সে বাঁশঝাড় আমার হয়েছে। একটি ডাল কি একটি বাঁশের প্রয়োজনে আমার কাছে এসে হাত জোড় করে দাঁড়াত। ওরা আন্তরিকভাবে বিশ্বাস করেছে হীনকুলে জন্মাপরাধে ওরা সত্যিই অস্পৃশ্য। পরবর্তী কালে যখন সমাজসেবার রত নিয়ে ওদের বুদ্ধিতে চেয়েছি যে, অস্পৃশ্যতা মানুষের সৃষ্টি, বিধাতার নয়—তখন ওরা শিউরে উঠেছে, আমাকে সন্দেহের চক্ষে দেখেছে। উপরের কথাগুলির সঙ্গে মনে পড়ছে—সেকালের মধ্যবিত্ত এবং উচ্চবিত্তের উচ্ছৃঙ্খল জীবনের যত পক্ষ যত ক্রন্দ সমস্ত নিষ্ক্ষেপ করেছে তারা ওদেরই জীবন-পাত্র, সে জীবন-পাত্র বিষাক্ত করে দিয়েছে। ওদের যুবতী বধূ-কন্যাদের প্রলুব্ধ করে যৎকিঞ্চিৎ কাপ্তান-

মদ্যে—চার আনা আট আনার বিনিময়ে দ্রষ্ট করেছে—ভোগ করেছে। এমনও হয়েছে যে, গভীর রাত্রে নেশার তাড়নায় কামোন্মত্ত হয়ে নির্লজ্জ হল্পা করে ওদের পল্লীতে প্রবেশ করেছে, লাথি মেরে ঘরের আগড় বা দরজা ভেঙে ঘরে ঢুকেছে, ভীত স্বামী বা পিতা ঘর থেকে বেরিয়ে গেছেন, বাড়ির গৃহিণী কর্তার পৌরুষের লজ্জাকে ঢেকে নিজের নারীজন্যোচিত লজ্জার মাথা খেয়ে সামান্য দক্ষিণা গ্রহণ করে বা বিনা দক্ষিণা-তেই বধু বা কন্যাকে সমর্পণ করেছে ভদ্রজনের হাতে। কেউ যদি অভিভাবকদের কাছে অভিযোগ করেছে, তবে শতকরা নিরানন্দই ক্ষেত্রে অভিভাবক অভিযোগকারী-কেই ঘৃণাভরে কঠিন শাসন করে উত্তর করেছেন—নিজের ঘর শাসন কর হারামজাদা। আর কারও ঘরে না গিয়ে তোর ঘরেই গেল কেন? আমরাই এদের সমগ্র নারী-সমাজকে এমন করে তুলেছি যে, এরা ক্রমে হয়ে উঠেছে জন্মগত সৈরিণী। চারিদিকের সমাজের সকল লম্পটের দেহজ বিষ এদের দেহে সঞ্চারিত হয়েছে, গোটা সম্প্রদায়কে বিবাক্ত ব্যাধিগ্রস্ত করে তুলেছে। বছর কয়েক আগে আমি হিসাব করে দেখেছি, এদের শতকরা ষাটটি বাড়ি আজ সন্তানহীন। আলো বেশি কি অন্ধকার বেশি বিচার করতে চাচ্ছি না। শব্দ স্মরণই করছি সেকালকে।

এদের বিপদে সেকালে সাহায্য করেছি, রোগে ডাক্তার দেখিয়েছি, অভাবে দান করেছি, ওরাও নিচ্ছে—এ কথা বলবার সঙ্গে সঙ্গে মনে পড়ছে, স্বল্প অপরাধ ওদের ক্ষমা করলেও কি কঠিন শাসনই না সেকালে করেছি আমরা! সে শাসন নয়, নির্দাতন।

প্রথমেই আমার বাবার কথাই বলি। পিতামহের শ্রাদ্ধ মাছ ধরানো হল আমাদের পুকুরে। এক-একটি মাছ পনেরো সের থেকে বিশ সের চাঁদুসের। জেলেরা টানা জালে মাছ ধরলে। মাছ তুললে কিন্তু একখানা মাছসুন্দর জাল জলে ফেলে রেখে এল সকলের অজান্তে। তার মধ্যে রইল একটা আঠারো সের মাছ। বাকি মাছ বাড়ি এল, জেলেরা সকলেই বাড়ি চলে গেল। বাড়িতে ক্রিয়ার আয়োজন চলেছে, এমন সময় একজন চুঁপচুঁপ খবর দিয়ে গেল, জেলেরা মাছ চুরি করেছে এবং সেই মাছ এনে কাটাকাটির আয়োজন করেছে। হাটকুড়া জেলে এর পাণ্ডা, কীর্তি তারই। বাবা আশ্চর্য হয়ে বের হাতে বেরিয়ে গেলেন একটা জনবিরল পথ ধরে, তার খানিকটা দ্রুতগমন করলেন একটা পুকুরের জলহীন অংশ ধরে। অকস্মাৎ গিয়ে উঠলেন হাট-বাড়ার উঠানে। জেলেরা ভয়ে পাথর হুল্লো গেল। বাবা হাটকুড়াকে বেতের আঘাতে জর্জরিত করে দিলেন। মাছ উঠিয়ে আনা হল। বাবার শেষে খানিকটা অনুতাপ হল, তিনি হাটকুড়াকে ডেকে এক টাকা বকশিশ দিলেন। এ আমার শোনা গল্প। আমার জীবনে আমি বাবাকে প্রহার করতে দেখিনি। তখন তাঁর ঘোর পরিবর্তন হয়েছে।

চোখে দেখেছি কত শাসন, আমাদের বাড়িতে না হলেও আশেপাশে মাসে দুটো একটা এ শাসন চলত। একবার দেখেছিলাম এক শাসন। স্মরণ করেও শিউরে উঠি আজ।

হঠাৎ চামড়ার দর চড়ে গেল। সক্রিয় এবং সচেতন হয়ে উঠল চামড়ার ব্যবসা-দারেরা। এরা সকলেই মুসলমান। চামড়া সংগ্রহ করে বেড়ায়, গ্রামে গ্রামে হিন্দু

সমাজের চর্মকারেরা বিক্রি করে। এরা চামড়া ছাড়িয়ে আনে ভাগাড়ে-ফেলে-দেওয়া মৃত জন্তুর দেহ থেকে। গৃহপালিত জন্তুর মধ্যে আমাদের দেশে গরুই প্রধান।

হঠাৎ গরু মরতে শুরু হল। গরুর পাল চারণভূমে যায়, ফিরে আসে—হঠাৎ অবস্থা দাঁড়ায় কলেরা-রোগাক্রান্ত মানুষের মতো, ওষুধ খাটে না, ভালো চিকিৎসকও নাই—মরে যায়। বৈদ্যরা বললেন, বিষকাঁড় করেছে গশায়। অর্থাৎ বিষপ্রয়োগ করেছে, ঘাসের পাতায় বিষ মিশিয়ে দিয়েছে।

গরুর চারণভূমে যাওয়া বন্ধ হল, কিন্তু তবু গো-হত্যা বন্ধ হল না। চামড়ার বাবাসায়ীদের দ্বারা প্রলুপ্ত দরিদ্র চর্মকারেরা তখন টাকার নেশায় পড়েছে। আবার ভয়েও বটে—বাবাসায়ীরা ভয়ও দেখিয়েছে—এখন নিরস্ত হলে তারাই প্রকাশ করে দেবে এ অপকর্মের কথা। তারা গ্রামের মানুষ, পথ দিয়ে যায় অসেস : শাক তুলতে, কাঠ ভাঙতে কি কোনো অজুহাতে গ্রামের লোকের বাড়িতেও ঢোকে : সদুযোগ বুকে গরুর খাবার জাবের মধ্যে বিষ মাখানো পাতা রেখে যায়, গরু খায়, মরে। আমাদের কয়েকটা গাই মরে গেল। সব চেয়ে ক্ষতি হল আর একজন জমিদারের। তিনি তখনও প্রবল প্রতাপশালী জমিদারদের মধ্যে। দুর্দান্ত লোক। তাঁর বড় বড় হেলে বলদ মরে গেল, কয়েকটা গাইও গেল। বলদগুলি ছিল তাঁর শখের জিনিস। তিনি প্রায় ক্ষিপ্ত হয়ে উঠলেন। ধরে আনলেন চর্মকারদের। আমরা শুনলাম, তাদের শাসন করা হচ্ছে। দেখতে গেলাম লুকিয়ে। সে দৃশ্য ভুলব না। কয়েকজন বাঁধা রয়েছে গাছে। দু-জনকে হাতে বেঁধে গাছের ডালে বুলিয়ে দেওয়া হয়েছে। নিজে তিনি দাঁড়িয়ে থাকতে থাকতে হনহন করে এসে ঢুকলেন বৈঠকখানায়, আবার বেরিয়ে গেলেন, সঙ্গীদের কেউ বললে—মদ খেয়ে তেজী করে নিলে নন! দেখলাম তিনি গেলেন, বেত হাতে নিলেন, প্রহার শুরু করলেন। আমি ছুটে পালিয়ে এলাম।

অথচ এই জমিদারিটির মতো এই সম্প্রদায়ের হিতৈষী রক্ষকর্তা আর কেউ ছিল না। গ্রামে প্রবল মহামারী চলেছে, ভদ্রজনেরা সকলে গ্রামান্তরে স্থানান্তরে গেলেন। ইনি যাননি, এই হরিজনপঙ্খীতে কলেরা চলেছে—তাদের জন্যই যাননি। ওদের দেখবে কে? কলেরার চিকিৎসা সেকালে ছিল না, ডাক্তারেরাও যেত না, তবু ওদের চাল দিতে হবে, অন্ন চাই; সব চেয়ে বড় কথা—সাহস দিতে হবে, তার লোক চাই। তিনি থাকতেন। একবার এমনি মহামারীতে তাঁর স্ত্রী মারা গেলেন; তিনি বললেন—কি করব? ওদের ছেড়ে যাব কি করে? তা কি হয়! শুধু ওই হরিজন সম্প্রদায়ই নয়—এ শাসন বিস্তৃত ছিল সমস্ত মজুরশ্রেণীর উপর, সমস্ত কৃষকশ্রেণীর উপর। আমাদের ওই অঞ্চলে মুসলমানেরা আর্থিক অবস্থায় পেশায় কৃষকশ্রেণীভূত। তাদের উপর ঠিক এতখানি না চললেও কিছুটা চলত। আমাদের গ্রামের পাশে ঠাকুরপাড়া। তারপর পশ্চিমপাড়া। তার ওদিকে ব্যাপারীপাড়া। ব্যাপারীপাড়ার পাশে ছোট গোগা, শেখপাড়া, একখানা গ্রাম পার হয়ে পুরানো মহাগ্রাম, কামারমঠ, ফলগ্রাম। এগুলি সব মুসলমানের বসতি। এক কালে ঠাকুরপাড়ার ঠাকুরেরা ছিলেন এ অঞ্চলের অধিপতি। ঠাকুরেরা মুসলমান। এঁরা ছিলেন নাকি যোগী বংশের সন্তান, তাই লোকে বলত—ঠাকুর। শুধু এ অঞ্চলে ভূমির অধিপতিই ছিলেন না,

মুসলমানদের ধর্মগুরুও ছিলেন। সম্রাট আলমগীরের তামার ছাড়পত্র আজও এঁদের বাড়িতে আছে। নানকার নিষ্কর জমির ছাড়পত্র। মূল বংশের আর কেউ আজ নাই। আমার বাল্যকালেও কয়েকজনকে দেখেছি। মাথায় সাদা টুপি, সোম্যদর্শন মুসলমান। কী মধুর ব্যবহার, কী মিষ্ট কথা! নিজেদের দলিলায় তত্ত্বাপোশের উপর বসে থাকতেন, এক প্রসন্ন উদাসদৃষ্টিতে পথের দিকে চেয়ে থাকতেন। কোথাও যেতেন না।

অনেক সন্ধান করেছি, সন্ধান করে আমার মনে হয়েছে, কোনকালে এরা ছিলেন হিন্দু এবং ধর্মগুরু ব্রাহ্মণই ছিলেন। কোনোমতে স্বধর্মচ্যুত হয়েছিলেন এবং হয়েছিলেন তাঁর স্বজনাতীয় অপর কোনো ব্রাহ্মণ প্রতিপক্ষেরই চক্রান্তে। তার ফলে তাঁর সঙ্গে সঙ্গে তাঁর শিষ্য যজমান ভক্ত সকলেই ইসলাম অবলম্বন করেছিল।

থাক সে-কথা।

মুসলমানেরা কিন্তু হরিজন কৃষক-মজদুরদের মতো এত নত ছিল না। থাকবার কথাও নয়। ইসলামের ওই গুরুটি শ্রম্ভার সঙ্গে স্মরণ করি। চোখে দেখেছি যে, হরিজন কোনো কারণে ইসলাম অবলম্বন করলে কিছুদিনের মধ্যেই তার পরিবর্তন ঘটে, সে মাথা উঁচু করে চলতে শেখে।

মুসলমানদের মধ্যে প্রথম আধিপত্য ছিল জমিদার হিরণ্যভূষণবাবুর। তারপর সে-আধিপত্য আয়ত্ত করলেন নবোদিত ধনী যাদবলালবাবু। এই আয়ত্তে আনার উদ্যোগপূর্বে ওই সব গ্রামের জমিদারির অংশ কিনলেন তিনি। তাদের প্রচুর কাজ দিলেন। বড় বড় ইমারত তৈরির কাজে, দাঁঘি কাটার, জমি তৈরির কাজে তাদেরই তিনি ডাক দিলেন। তারা এল এগিয়ে। তবুও তারা হিরণ্যবাবুকে ত্যাগ করলে না। তখন যাদবলালবাবু বড় ছেলে এদের শাসন করবার জন্য উদ্যত হলেন। বেত হাতে নিলেন। ফলে একদা গুজব রটল, মুসলমানেরা এক হয়ে এর প্রতিবাদে বন্ধপরিষদ হয়েছে। তারা স্থির করেছে, অত্যাচারীকে হত্যা করে ফেলবে। স্বগীয় যাদবলালবাবু উপেক্ষা করলেন না গুজব, তিনি পুত্রকে সংযত করলেন, মুসলমানদের ডেকে সাল্লাবাক্য বলে প্রতিশ্রুতি দিলেন, এ অত্যাচার তিনি কোনো মতেই হতে দেবেন না।

হিন্দু-মুসলমানের মধ্যে স্পৃশ্যতা-অস্পৃশ্যতা নিয়েও কোনো বিরোধ সেদিন অনুভব করিনি। শূদ্ধাচারী হিন্দু মুসলমানকে স্পর্শ করে কাপড় ছাড়তেন। এ মুসলমানেরা জানতেন। তাঁরাও কোনোদিন হিন্দুর বাড়িতে অন্নজাতীয় আহাৰ গ্রহণ করতেন না। মধ্যে মধ্যে সামাজিক নিমন্ত্রণে সিধা এবং ফল-মিষ্টানের আদান-প্রদান চলত।

তবু এ কথা বলব যে, বাহ্যিক প্রশান্ত প্রসন্ন এই সম্পর্কের মধ্যে কোথায় যেন ছিল একটি ভেদ এবং বিরোধের সূত্র।

মনে পড়েছে এবারত হাজী এবং আশ্বাস হাজীকে।

এবারত হাজী ভীমের মতো বিশালকায় মানুষ। দুই ভাই প্রথম জীবনে মাটি কাটার কাজ করতেন। শূদ্ধ দেহের শক্তিবলেই বিস্তীর্ণ ভূমিলক্ষ্মীর অধিকারী

হয়েছিলেন। শুনছি, দুই ভাই পতিত জমি বন্দোবস্ত নিয়ে নিজেরা কোদালে কেটে মরা পুকুরের পাঁক বয়ে তাতে দিয়ে উর্বর কৃষিক্ষেত্রে পরিণত করেছিলেন। দুনিয়া সুদৃঢ় লোকের চাচা ছিলেন। হজ করে এসেছিলেন। নথ্য টুপি পরে লুণ্ঠির মতো কাপড় পরে, গায়ে চাদর দিয়ে আসতেন, আম বাড়িতে আসতেন, বাড়ির ভিতর আসতেন—কই, পিসিমা কই?

আমরা ডাকতাম—চাচা।

উত্তর দিতেন—বাপ। ঘরে তাকিয়ে বলতেন, আরে লপ রে, বাপজান! ছোট হুজুর!

বলতাম, চাচা, সেইটি বল।

হা-হা করে হেসে চারদিক চঞ্চল করে তুলে বলতেন—খুব ঠাণ্ডা গলায় লম্বা উচ্চারণে বলতেন, আমরা ম-স-ল-মা-ন, আমরা এ-ভো ব-ডো—। রাজের হাতটা যতখানি ওঠে তুলে এবং নিজে খুঁড়িয়ে উঠে আরও খানিকটা উঁচু করে দেখাতেন কত বড়। তারপর মিহিগলায় হাতের দুটি আঙুল জুড়ে একটি মটর বা সরষের আকার দেখিয়ে বলতেন—তোমরা হিন্দু এতটুকু। কথাগুলি দ্রুত উচ্চারণে বলে যেতেন।

এটুকু অবচেতন বিরোধের প্রকাশ। সমাজগতভাবে বিরোধ উপস্থিত হলে এর প্রকাশ্য প্রকাশ হত। সেকালে কদাচিৎ হত। তবু ছিল। এই আমার সেকালের সেকাল।

আমার কালের সেকালের আর একটি স্মৃতি আমার মনে উজ্জ্বল হয়ে রয়েছে। এর আগে তার দোষ বলেছি, গুণ বলেছি, যেমন চিনেছি তেমন বলেছি। এবার যেটি বলব সেটি সুন্দরের স্মৃতির শোভা। সেকালের ঘর-দুয়ারেই ছিল পরিচ্ছন্ন শ্রী। অপরূপ শ্রী ছিল। স্বাচ্ছন্দ্য সেকালে ছিল। কিন্তু একালে স্বাচ্ছন্দ্য অনেক স্থলে অনেক বেশি আছে, সমারোহ একালে সর্বত্রই বেশি। কিন্তু স্বল্প আয়োজনে যে পরিচ্ছন্ন শ্রী সেকালে দেখেছি সে একালে নাই। নিকানো মাটির মেঝে—খড়ি রঙের আলপনা, নিকানো উঠান, নিকানো খামার, সবুজ সর্বাঙ্গশ্রেত, ঘরের এক পাশে কিছুর ফুলের গাছ—এই আয়োজনের সে শ্রী অপরূপ। আজ দালান হয়েছে, পাকা মেঝে হয়েছে, চেয়ার-টেবিল আসবাব হয়েছে ফোটোগ্রাফে-হবিতে দেওয়াল সাজানো হয়েছে; কিন্তু সে পরিচ্ছন্নতা নাই—সে নয়নমনোরম শ্রী নাই।

ফুলের বাগান—অন্ততপক্ষে কয়েকটি ফুলের গাছ সব বাড়িতেই ছিল। রুচি-বানদের বাড়িতে বাগান ছিল। আমার বাবার বাগান ছিল বিখ্যাত। সকালবেলাতেই দেবস্থলের পূজারীতে, ইস্টভিক্ত প্রবীণ-প্রবীণা পূজার্থীতে, ব্রতপরায়ণা কুমারীর দলে ভরে যেত। সে বাগানের চিহ্ন আজও আছে দু-একটি পুরানো গাছের আর ইটের কৈয়ারীতে। মাঝখানে ছিল একটি বাঁধানো বেদী। সেটিও আছে। বেদীর কোল ঘেঁষে সোজা একটি রাস্তা—তার দুধারে বাগান। বাগানের পশ্চিমদিকে গ্রামের রাস্তা, বাগানের দুই প্রান্তে বাড়ি ঢুকবার দুটি দুয়ার—এক দুয়ারের মাথায়

মাধবীলতা, অন্যটির মাথায় ছিল মালতীলতা। বর্ষার শেষে শরতের প্রারম্ভে সাদা ফুলের অজস্রসম্ভারভরা। মালতীলতাটি আর নীল আকাশে টুকরা টুকরা সাদা মেঘ—মনকে অপরূপ প্রসন্ন মাধুর্যে ভরে দিত। আর তেমন উঠত নাতিমদার মৃদু মধুর গন্ধ। মালতীর মালা গাঁথে—কোনোদিন আমার গলায় পরার অথবা প্রিয়ার কবরী ভূষিত করার আকাঙ্ক্ষা জাগেনি। ফুল তুলে দেবস্থলে পাঠিয়েছি। বসন্তে ফুটত মাধবী, অপরূপ কারু তার গঠনে—মর্মস্থলে বাসন্তী রঙের ছোপ। থোকা থোকা ফুটে থাকত হরিদ্রাভ-মর্ম রক্তগদ্ব্বের মতো। যেমনি মধুর গন্ধ। এ ফুলে মালা গাঁথা যায় না, আমি গাঁথতে পারিনি, গদ্ব্ব গদ্ব্ব তুলে দেবপূজায় পাঠিয়েছি। বিছানায় ছাড়িয়েছি। বসন্তে আরও ফুটত বেল ফুল, নজনীগন্ধা। বেল ফুল ফুটত প্রত্যহ এক ঝড়ি। বসন্তে শূরু হত—চলত বর্ষার শেষ পর্যন্ত। বর্ষায় আরও ফুটত জুঁই। লতানে জুঁই নয়, ঝাড় জুঁই, এ ঝাড় দুটির গোড়া খড়ের দড়িতে বেঁধে বাবা তাকে এক বড় তোড়ার মতো আকার দিয়েছিলেন। রাশি রাশি জুঁই ফুটত। মালা গাঁথা হত, দেবতা পরতেন—মানুষ পরত। আর ছিল কাহিনী। করবী টগর জবা, এরা ছিল—বারো মাস ফুল দিত, কামিনী দিত কিছদিন পরে পরে—ঝাঁকে ঝাঁকে ফুল; সমস্ত রাত্রিটা মদর করে রাখত বায়ু-পরিমণ্ডলকে। সকাল থেকে তার ঝরা শূরু হত। শরতে শিউলি ফুটত, মেয়েরা ফুল কুড়িয়ে বোঁটা ছাড়িয়ে শুকিয়ে কাপড় রাঙাত। আমরা কাগজে দেওয়ালে কাঁচা বোঁটা ঘষে হলুদ রঙের দাগ টানতাম। ম্যাপে দিয়েছি শিউলি-বোঁটার হলুদ রঙ। ধারে ধারে ছিল ফলের গাছ, নারকেল গাছ ছিল, কাঁঠাল গাছ ছিল, লেবু ছিল; সুপারি ছিল, আর ছিল আমাদের শিশুজিহ্বা-মনোহর পেয়ারা গাছ। একটু দূরে ছিল একটি আম গাছ, আমার শৈশবের কত বিপ্রহর সেই গাছে কেটেছে; পেয়ারা গাছে আমার কত কাপড় ছিঁড়েছে তার হিসেব নাই, কিন্তু মনে আছে। এই সব ফুলের শোভার মধ্যে আমাদের বাড়িতে মধ্যাঙ্গির মতো ছিল একটি গোলাপ গাছ। র্যাকপ্রিন্স গোলাপের গাছ। গাঢ় কালচে লাল, ভেলভেটের মতো একটি কোমল লাবণ্যভরা সে ফুল—আজও আমার মনের মাঝখানে যেন ফুটে রয়েছে। ঘন সবুজ ডাঁটার সর্বাঙ্গে কাঁটা—অগ্রভাগ ঝিৎ রক্তাভ, তারই প্রান্তে বড় আকারের ফুলটি বাতাসে দুলত;—লাল মানিকের মতো ফুটে থাকত। একটি ফুলই মনে পড়ে। কবে যে ফুটে আমার মনোহরণ করেছিল, সে দিন ক্ষণ মনে নাই, ফুলটি অক্ষয় আছে মনে—কোনো দিন ঝরল না, শুকাল না।

ফুল জীবনে অনেক দেখলাম, অনেক দেখব, কিন্তু আজ বার বার মনে হয়—তেমন গোলাপ আর কোথাও ফুটেবে না; তেমন র্যাকপ্রিন্স আর দেখব না। সেই বোধ হর প্রকৃতির রূপের সঙ্গে আমার শিশুচিন্তার প্রথম প্রেম—শুভদৃষ্টি।

নীল আকাশের তলে বৈঠকখানার সাদা দেওয়ালের পটভূমিকে পিছনে রেখে গাঢ় কালচে লাল র্যাকপ্রিন্স দুলত। লম্বা সবুজ ডাঁটাটি পর্যন্ত মনে রয়েছে। ছোট আমি—আমার চোখে খানিকটা বড়ই ছিল স্মৃতির সেই ডালটি, তারই মাথায় সেই গাঢ় লাল কোমল ফুলটি;—তুলতে বারণ ছিল, কিন্তু লোভ ছিল, নুইয়ে

শব্দকতে চেষ্টা করোঁছি, স্পর্শ করতে চেয়েছি, পারিনি, কাঁটা ফুটেছে হাতে, লাল ফোঁটা ফোঁটা রক্ত বেরিয়েছে। রক্তের ফোঁটার ব্ল্যাকপ্রিন্স ফুটত।

সে গাঢ় কালচে লাল মস্ত বড় গোলাপ ফুল—একালে আর কোথাও ফুটল না। তাই বলিছিলাম—আমার সেকালের পদ্মশোভা আর এই লাল গোলাপ ফুল, একালের সকল দীপ্তির মধ্যেও অম্লানদীপ্তিতে ফুটে আছে। যন লাল কালচে লাল ব্ল্যাকপ্রিন্স গোলাপ সে বোধ হয় আমার কাছে ছিল ব্ল্যাকপ্রিন্সেস।

মধ্যে মধ্যে মনে হয়—জীবন ও স্মৃতি যদি এমন জীর্ণই হয়ে আসে যে, সকল কিছুর স্মৃতির মতঃ কুহেলিকায় ঢেকে আচ্ছন্ন হয়ে আসবে, তবে শেষ ঢাকা পড়বে ওই লাল ফুলটি। ওই যেন আমার সকল স্মৃতির কেন্দ্র বিরাজিত রয়েছে। মৃত্যুকে বলি—মৃত্যু, তুমি, যদি স্মৃতির হও, তবে তোমায় নিশ্চয় দেখবে ওই স্মৃতির গাঢ় লাল গোলাপের ছবিতে, জীবনের দৃষ্টিগন্ডী ক্রমসংকুচিত বলয়রেখার মতো ছোট থেকে আরও ছোট হয়ে আসবে, আকাশ পৃথিবীর মানুষ সবই বলয়গন্ডীর বাইরে পড়ে যাবে, শেষ থাকবে ওই ফুলটি। ফুলটি বখন থাকবে না, তখন চোখের দৃষ্টি মূর্তে যাবে। আমার ব্ল্যাকপ্রিন্সেস। গাঢ় কালচে লাল—ভেলভেটের মতো গোলাপ ফুল আমার কালের সেকালের এবং সকল কালের মনোহারিণী।

দোষে গৃণে সেকাল এক জীর্ণমূল বনস্পতির মতো। বিস্তীর্ণ শাখায় শাখায় ঘন পত্রপল্লবে পল্লবে ছায়া বিস্তার করে বিরাজিত ছিল। তার সর্ব অঙ্গে জীর্ণতা—বহু বজ্রপাতে বহু কোটরের সৃষ্টি হয়েছে, বহু শাখা ভেঙে গেছে, ভগ্ন শাখার চিহ্নগুলি মহাঘোম্বার অঙ্গের দ্রুতচিহ্নের মতো সন্দ্ৰম জাগাত। তার তলায় চলেছে সাধুর সাধনা, গাথক পেয়েছে বিশ্রাম, রাখাল গিয়েছে নিদ্রা, সরাস্র তার কোটরে গজর্ন করেছে, মাথায় শকুন বসেছে, ডালে শূক বাসা বেঁধেছে, রাত্রের অন্ধকারে ব্যভিচার চলেছে। তার তলায় ডাকাডেরা, চোরেরা, ঠ্যাঙাডেরা এসে মজলিস করেছে, মন্ত্রণা করেছে, লুণ্ঠের মাল ভাগ করেছে। তার ডালে দাঁড়ি বেঁধে গলার জড়িয়ে কেউ আত্মহত্যা করেছে। কোনো অমাবস্যার রাত্রে তারই তলে শবাসনে বসে তান্ত্রিক তপস্যা করেছেন। আর জীর্ণমূল বনস্পতি ঝড়ের অপেক্ষা করেছে আকাশের দিগন্তের দিকে চেয়ে। কখন আসবে ঝড়? ভেঙে পড়বে সে, তার আত্মা সেই ঝড়ে উড়ে মহাকালের মধ্যে বিলীন হয়ে যাবে। মাটির তলায় নতুন কালের বীজ তখন ফেটেছে, অঙ্কুর উঠছে। ওই বনস্পতিরই ঝরেপড়া বীজের অঙ্কুর, তারই গোড়ায় সে জন্মাচ্ছে। ঝড়ে চারিদিক বিপর্যস্ত হবে, বর্ষাণে মাটি নরম হবে, অতীত কালের বনস্পতি ধরাশায়ী হয়ে আকাশপথ করবে উন্মুক্ত, সেই পথে নতুন কালের অঙ্কুরের আলোক-সাধনা হবে শূন্য।

কখন আসবে ঝড়?

মানুষও তখন বলতে শুরুর করেছে—এর শেষ কর! আর সময় না। কবে আসবে নতুন দিন?

এল ঝড়। এল নতুন কাল। এল আমার কালের নতুন কাল।

১৯০৫ সালের ৩০শে আশ্বিন।

বাঙালীর জীবনে—ভারতবর্ষের জীবনে সে একটি মহামহিমময় দিন। এমন দিন জাতির জীবনে, দেশের ইতিহাসে বহু শত বৎসরে একবার আসে।)

সূর্যোদয় হয় নিত্য : পাখিরা কলরব করে, ফুল ফোটে, কীট-পতঙ্গেরা পাখা মেলে ভেসে পড়ে; গুঞ্জনধ্বনি তোলে, মানুষ জেগে ওঠে—তাদের বাঁধাধরা কাজ-কর্মের বোঝা কাঁধে নিয়ে যাত্রা শুরুর করে। বর্তমানকে বহন করে নিয়ে চলে প্রত্যাশাপূর্ণ ভবিষ্যতের দিকে : কালকে নিয়ে চলে কালান্তরের সন্ধিক্ষণের পানে। চলে—চলে—চলে। দিনের-পর-দিন চলে যায়, এক পুরুষের বোঝা অপর পুরুষের ঘাড়ে চাপিয়ে দিয়ে তারা অন্তিম নিশ্বাসের সঙ্গে বেদনার দীর্ঘনিশ্বাস ফেলে যায় এই বলে যে, ‘পুরুষান্তর হল, তবু সেই সন্ধিক্ষণ এল না; বহুকালনার কালান্তর হল না।’ কামনা করে যায়, ‘যেন তার পরবর্তী পুরুষের জীবনে সেই সন্ধিক্ষণ আসে।’

১৯০৫ সালের ৩০শে আশ্বিন সেই সন্ধিক্ষণ এল, ঘোষণা করে বললে—আমি এলাম।

সেই তিরিশে আশ্বিন সূর্যোদয়ের সঙ্গে সঙ্গে সে দিন দেশ যে জেগে উঠল—সে জেগে ওঠার তুলনা নাই। সেদিন পাখিরা যেন কলরব করে গেয়ে উঠল।

“ভেঙেছে দুয়ার এসেছ জ্যোতির্ময়
তোমারি হউক জয়।”

ফুলেরা ফুটল, তাদের বর্ণে গন্ধে বাণী ফুটে উঠল—

“তিমির-বিদার উদার অভ্যুদয়
তোমারি হউক জয়।”

কীট-পতঙ্গের পক্ষগুঞ্জে উঠল তারই প্রতিধ্বনি। মানুষেরা জেগে উঠল, সূর্যপ্রণাম করে বললে—

“হে বিজয়ী বীর, নবজীবনের প্রাতে
নবীন আশার খজা তোমার হাতে,
জীর্ণ আবেশ কাটো স্নকঠোর ঘাতে
বন্ধন হোক ক্ষয়।
তোমারি হউক জয়।

এসো দঃসহ, এসো এসো নিদর্শ
তোমারি হউক জয়।...
অরুণ-বাহি জ্বালাও চিত্ত-মাঝে—

মৃত্যুর হোক লয়।
তোমারি হউক জয়।”

মহাকাব্যের কাব্যকে আশ্রয় না-করে তার মহিমা প্রকাশ করা যায় না।

আমার জন্ম ১৮৯৮ সালের আগস্ট মাসে। ১৯০৯ সালের অক্টোবরে আমার বয়স সাত বছর দ্ব-মাস। আমার চোখে সে-দিনের সে-জাগরণের স্মৃতি জ্বলজ্বল করছে। মনে পড়ছে তের হতে-না-হতে গ্রামের তরুণ দলের সড়া জেগে উঠল। এ ওকে ডাকছে, ও তাকে ডাকছে—

—নির্মল!

—কে? গোপাল?

—হ্যাঁ। উঠে আর।

—আসছি।

—আর। আমরা আর সবকে ডাকতে যাচ্ছি।

—ষষ্ঠী! ষষ্ঠী!

—ষষ্ঠী তো বেরিয়ে গেছে বাবা। সে ফোড়নকে ডাকতে গিয়েছে।

—গাবু! গাবু!

—যাচ্ছি।

—ধীরেন উঠেছে?

—উঠেছি। আমি ছোটকাকা একসঙ্গে যাচ্ছি।

—সুধীর! সুধীর!

—সে কালীকঙ্করের বাড়িতে।

—রজনী! রজনী!


—সে কালীকঙ্করের বাড়ি গেল সুধীরের সঙ্গে।

—কালীকঙ্কর!

—যাচ্ছি আমরা।

ডাক চলেছে এপাড়া থেকে ওপাড়া। সেখান থেকে বাজারপাড়া। ওদিকে ইন্সকুল-বোর্ডিং থেকে সমবেত কণ্ঠের ধর্মান ভেসে আসছে—বন্দে-মাতরম্! বন্দে-মাতরম্! বন্দে-মাতরম্!

আমার বাবা উঠতেন একটু দেরিতে। আগেই বলছি তাঁর বৈঠকখানায় একটা বড় মজলিস বসত। সেখানে প্রতি সন্ধ্যায় গ্রামের অন্তত অর্ধেক প্রধানেরা এসে সমবেত হতেন। সে মজলিস চলত রাগি বারোটা পর্যন্ত। তারপর বাড়ি এসে মদ্য হাত ধুয়ে খাওয়াদাওয়া সেরে ইষ্টস্মরণ সেরে শূতে প্রায় একটা বাজত। কোনো কোনোদিন মজলিস ভাঙতে আরও দেরি হত। কাজেই ভোরে তিনি উঠতে পারতেন না। সেদিন কিন্তু ভোরবেলা উঠেছিলেন তিনি। তাঁর ডায়েরিতে সে

কথার উল্লেখ রয়েছে। আমার মনে আছে—তিনি আমাকে একটি গম্প বলেছিলেন। তিনি গম্প বড় একটা বলতেন না। সেদিন বলেছিলেন। বলেছিলেন সুলতান মামুদের সোমনাথ-মন্দির ধ্বংসের গম্প। একটা কথা তার মধ্যে আজও মনের মধ্যে জ্বলজ্বল করছে। বলেছিলেন—“সোমনাথ শিবলিঙ্গকে উপড়ে নিয়ে গেল সুলতান মামুদ। সোমনাথ আপত্তি করলেন না, রুদ্ধমূর্তিতে জেগে উঠলেন না, তিনি ক্ষুধা হয়েছিলেন হিন্দুর অধঃপতন দেখে। দেবতা প্রসন্ন থাকেন, সাহায্য করেন, পরিচালনা করেন সাধুকে। সাধু কে? না, যিনি সৎ, যিনি পবিত্রায়া, তিনি। হিন্দু জাতি তখন অধঃপতিত, তাদের সত্যতা নাই, অন্তরের পবিত্রতা নাই, তাই দেবতা তখন তার প্রতি বিমূর্খ। দেবাদিদেব বহু— পাথরের গড়া লিঙ্গ-মূর্তির ভিতর থেকে চলে গিয়েছেন স্বস্থানে। পান্ডারা, পূজকেরা ওই লিঙ্গমূর্তির নিচে একটা গহ্বর তৈরি করে যথেষ্ট ধন-সম্পদ—কোচী কোচী টাকা মূল্যের সোনা-মণি-মাণিক্য। শিব পরম বৈরাগী, শ্মশানের ছাই তাঁর অঙ্গভূষণ, মড়ার হাড় তাঁর আভরণ, পশুচর্ম তাঁর বসন। সম্পদ সোনা-রূপা-হীরা-মণি-মাণিক্যের স্পর্শে তাঁর শরীরে যন্ত্রণা হয়। ঘর দোর তিনি তৈরি করেন না, তিনি ঘুরে বেড়ান শ্মশানে, বাস করেন হিমালয়শিখরে কৈলসে। তিনি লোভী পূজক আর অধঃপতিত, অপবিত্র-আত্মা, মানুষ্যের পূজা নেবেন কি করে? তাই চলে গিয়েছিলেন। সেই কারণেই দেবতা-পরিভ্রান্ত পুণ্যহীন উচ্ছৃঙ্খল হিন্দুরা হল পরাজিত। অন্যরাসে সুলতান মামুদ জয় করলেন সোমনাথের মন্দির, ভেঙে ফেললেন পাথরের শিবমূর্তি। পেলেন রাশি রাশি ধন। সেই ধনসম্পদের সঙ্গে নিয়ে গেলেন শিবমূর্তি। হাহাকার উঠল দেশে—সমস্ত ভারতবর্ষে। অরক্ষিত হল ভারতবর্ষ। তখন স্বপ্নাদেশ দিলেন পরমেশ্বর। স্বপ্নে বললেন—অধঃপতনের এ হল প্রায়শ্চিত্ত। এ প্রায়শ্চিত্ত সম্পূর্ণ হবে, যে দিন সমস্ত জাতি অনুতপ্ত হয়ে আবার পুণ্যের সাধনায় আত্মনিয়োগ করবে, পুণ্য যেদিন সম্ভূত হবে সেই দিন। এমনি পুণ্যবান যদি কেউ আমার বেদীতে বা ওই লিঙ্গদেশে গিয়ে আমার ভগ্নমূর্তির উপর এক গম্বুজ গঙ্গাজল আর একটি মাত্র বিশ্বপত্র নিয়ে ‘নমঃ শিবায়’ বলে দিতে পারে—তবে সেই মূহুর্তে আমি আবার আবির্ভূত হব।” গম্পটি শেষ করে বলেছিলেন, “জান বাবা, আজ যে এই দিন - এ বেশ হয় সেই দিন। আজ বোধ হয়, আমাদের চৈতন্যোদয় হল। আজ বোধ হয় শত্রু হল পুণ্য সাধনার।” চোখ তাঁর ছলছল করে উঠেছিল।

পুণ্য সাধনার যে সূত্রপাত হল, এ যেন সেদিন চোখে দেখা গিয়েছিল। বেলা দশটা নাগাদ গ্রামের রাস্তায় বের হল প্রকাণ্ড মিছিল। ব্রাহ্মণ, কায়স্থ, গম্ভাবণিক ঘরের অঙ্গবয়সী ছেলেরা, বোর্ডিঙের ছেলেরা খোল করতাল বাজিয়ে গান গাইতে গাইতে বেরিয়ে পড়ল রাস্তায়। দলের পুরোভাগে ছিলেন কে কে—সকলকে স্মরণ করতে পারি না। তবে তিনজনকে মনে আছে। আমাদের গ্রামের শ্রীনিভাগোপাল মূখোপাধ্যায়—গৌরবর্ণ দীর্ঘাকৃতি সুগঠিতদেহ গোপালবাবু আমার চোখে সেদিনের লাভপুত্রের নব অভ্যুদয়ের অগ্রদূত। সৃষ্টিকর্তা দল্লভ মূলধন দিয়ে তাঁকে যেন

পৃথিবীতে পাঠিয়েছিলেন। প্রদীপ্ত বহিঃশিখার মতো রূপ, দুল্লভ স্দুকণ্ঠ, জন্মগত সঙ্গীতপ্রতিভা, তেমনি প্রতিভা ছিল সাহিত্যে; বুদ্ধি ছিল শাণিত তীক্ষ্ণ, সাহস ছিল অপার। তিনিই ছিলেন সৈদিন গানের দলের অগ্রগায়ক অধিনায়ক। তাঁর পাশে আরও দু-জন ছিলেন—একজন স্বর্গত নির্মলশিববাবু, অপরজন স্বর্গীয় শ্বিজেন্দ্রনাথ মৃত্যুখোপাধ্যায়। স্বর্গগত নির্মলশিব বন্দ্যোপাধ্যায় বাংলা সাহিত্যে অল্পবিস্তর পরিচিত। বিশেষ করে তাঁর ‘রাতকানা’ প্রহসনটি বাংলার নাট্য-সাহিত্যের প্রহসন বিভাগে স্থায়ী আসন পেয়েছে। তিনি আমাদের গ্রামের আকাশের নবোদিত ভাস্করতুল্য—নবীন ধনী স্বর্গীয় যাদবলালবাবুর ছোট ছেলে। ইতিমধ্যেই ইংরেজ সরকারের প্রতিনিধিরা যাদবলালবাবুকে করস্পর্শ দিয়ে সম্মানিত করেছে, নিজের সামনে চেয়ার দিয়ে বসবার অধিকার দিয়েছে, কানে কানে ভাবীকালে খেতাবের কথাও বলেছে। বলেছে, তোমরাই হলে আইন ও ন্যায়াধিকারে প্রতিষ্ঠিত এই বৃটিশ সাম্রাজ্যের স্তম্ভস্বরূপ। তুমি দেখবে যাদবলালবাবু, এখানে যেন ওই সব বাজে হুজুগ—

“That Suren Banerjee’s wretched Bandemataram movement”, কাপড় পোড়ানো, এ সব না হয়। কিন্তু নির্মলশিববাবু সে দিন ছিলেন তরুণ। সে দিন তিনিও সাড়া না-দিয়ে পারেননি। তিনি ছিলেন পুরোভাগে, তিনি ছিলেন অন্যতম উদ্যোক্তা। আর স্বর্গীয় শ্বিজেন্দ্রনাথ মৃত্যুখোপাধ্যায় ছিলেন—আমাদের নতুন হাই ইস্কুলের থার্ড মাস্টার। তেজস্বী দীপ্তিমান মানদুষ। খজুর মতো নাক, চোখ দুটি ছিল অশ্রুত ছোট, কিন্তু তাতে ছিল অন্তর্ভেদী দৃষ্টি এবং সে দৃষ্টির মধ্যে ছিল অকুতোভয়তা। আর ছিলেন তিনি সুবস্তা, সুবস্তা বললেও ঠিক বলা হল না—তাঁর মধ্যে বাস্মিতার বীজ ছিল।

আজ এই তিনজন সম্পর্কে বলতে গিয়ে একটা কথাই তিনজন সম্পর্কে মনে হচ্ছে। তিনজনেই জীবনে সার্থক হতে পারেননি। গভীর বেদনা অনুভব করি তিনজন সম্পর্কে। মধ্যে মধ্যে ভাবি কেন পারলেন না? অথচ উপাদান ছিল প্রচুর।

স্বর্গীয় নির্মলশিববাবুর কারণ জানি। ধনসম্পদ এবং ইংরেজ সরকারের রাজপুত্ররূপের মোহে পড়ে তিনি তাঁর সাধনমার্গ থেকে ভ্রষ্ট হয়েছিলেন। সুখ তাঁকে নষ্ট করেছিল। তিনি যদি রায়বাহাদুর উপাধি না পেতেন, তবে শেষ জীবন এমন সফলভাবে নিষ্ফল ব্যর্থ হত না। তাঁর জীবনে ছিল সুদুল্লভ একটি গুণ, বহু তপস্যা না করে এ গুণ আয়ত্ত করা যায় না। মানুষ মনুষ্য নিয়ে জন্মগ্রহণ করে না, সে জন্মায় জীবরূপ নিয়ে, তার স্বাভাবিক ধর্ম হল ক্রোধ হিংসা লোভ। নির্মলশিববাবু জন্মেছিলেন যেন অক্রোধ নিয়ে। ওটি যেন ছিল তাঁর জন্মগত গুণ-সম্পদ। শেষ-বয়সে উপাধি এবং সম্পদ তাঁর দেবদুল্লভ গুণকেও বহুলাংশে নষ্ট করেছিল। বাইরের যারা, তাঁরা হয়তো এর আঁচ পাননি। আর যারা লাভ-পূরের নিকটের মানদুষ তারা এ আঁচ পেয়েছিল। আর ছিল প্রগাঢ় সাহিত্যানুরাগ, অভিনয়-প্রীতি ও প্রতিভা। এমন অভিনয়-প্রতিভা ও প্রীতি দুল্লভ। জীবনের

প্রথমাংশে এসব ক্ষেত্রে তিনি ছিলেন সত্যকারের সাধক। তাঁর সাধনার ফল গোটা গ্রামকে ধন্য ও সমৃদ্ধ করেছিল। কিন্তু সে-সাধনাতেও তাঁর ছেদ টেনে দিলে ইংরেজ রাজসরকারের তুচ্ছ প্রসাদ প্রলোভন।

নিভাগোপালবাবুকে নষ্ট করেছে, তাঁর জীবনকে ব্যর্থ করেছে, ঠিক তার উলটো দিকের আঘাত। মধ্যবিস্তৃত ঘরের সন্তান; বাড়িতে শাসন ছিল অতিমাত্রায় কঠোর, আঠারো-উনিশ বৎসর বয়স পর্যন্ত তাঁর কাকার হাতের বেহাঘাত তাঁকে সহ্য করতে হয়েছে। তবু হার মানেননি। হার মানতে হল নিষ্ঠুর অভাবের মধ্যে পড়ে। আদর্শানুরাগী তরুণ, কন্যাদায়গ্রস্ত শিক্ষককে তাঁর অন্তিমশয্যায় প্রতিশ্রুতি দিলেন, কন্যাদার থেকে উদ্ধার করবেন। শিক্ষক তাঁকে আশীর্বাদ করে নিশ্চিন্ত হয়ে শেষ-নিশ্বাস ত্যাগ করলেন। গোপালবাবু গোপনে শিক্ষক-কন্যাকে বিবাহ করে প্রতিশ্রুতি রাখলেন। কিন্তু বিবাহের সম্মুখভাগেই কথাটা প্রকাশ পেয়ে গেল। বৈশ্যপাণি খুল্লতাতে লোক নিয়ে ছুটে গেলেন, বিবাহ বন্ধ করবেন। কিন্তু তখন বিবাহ হয়ে গেছে। বর্জিত হলেন সংসার থেকে গোপালবাবু। বয়স তখন ১৯।২০, আরম্ভ হল দঃখের পরীক্ষা। উত্তীর্ণ হতে পারলেন না। আত্মসমর্পণ করতে বাধ্য হলেন। আশ্রয় নাই, ভ্রমসংগ্রহের সাধ্য নাই; কি করবেন? ওই অবস্থাতেই অগ্রসর হতে না-পেরে তাঁকে দ্বিতীয়বার বিবাহ করতে হল, তারও বেশি-নিতে হল তাঁকে পল্লিশের চাকরি। জীবনাদর্শের সব শেষ হয়ে গেল। নইলে তিনিই নিয়ে এসেছিলেন আমাদের গ্রামে বিবেকানন্দের ভাবধারাকে বহন করে। সাহিত্য-সাধনার একটি ধারাকে শব্দ বাজিয়ে নিয়ে এসেছিলেন তিনি এবং নির্মল-শিববাবু, তাঁরাই এ ক্ষেত্রে ছিলেন বৃদ্ধ ভগীরথ। সব চেয়ে বড় ছিল তাঁর সংগীতপ্রতিভা। এমন সতেজ এবং সুডোল মধুস্বরা কণ্ঠস্বর বোধ হয় আমার জীবনে আমি শুনিনি। সে সুস্বরমাধুর্য আজও কানে লেগে রয়েছে। শব্দরাচারের শিবাচটকং, রবীন্দ্রনাথের 'কে হে মম মন্দিরে' এ গান দু'খানি ছেলেবেলায় শুনছি, তাবিস্মরণীয় হয়ে আছে।

থাক সে-সব কথা।

মিছিলের কথা বলি।

সেদিন মিছিল চলল করতাল বাজিয়ে, দেশের বন্দনা গান গেয়ে। বন্দেমাতরম্ ধ্বনি তুলে গ্রাম প্রদক্ষিণ করে এসে উপনীত হল আমাদের গ্রামের মহাপাঠে। সেখানে স্নান করলেন সকলে।

'ভাই-ভাই এক ঠাই, ভেদ নাই' বলে পরস্পরকে আলিঙ্গন করলেন। 'বাংলার মাটি বাংলার জল' মন্তোচ্চারণ করে হলুদ রঙের রাখী বাঁধলেন পরস্পরের হাতে। শপথ নিলেন—এ শপথ সকলে নিলেন নিজের কাছে নিজে। শপথ নিলেন 'সকল দুর্বলতাকে করব পরিহার, আত্মনিয়োগ করব পুণ্যের তপস্যায়। সকল কাজিমাতে করব মার্জনা, করব ধৌত, করব মৃদু। অন্তরকে করব শুদ্ধ, করব নির্মল সুপরিচ্ছন্ন সুপবিত্র।'

আশ্চর্যের কথা, তরুণেরা যারা ইতিমধ্যেই জমিদার ও তান্ত্রিক-প্রধান গ্রাম্য-

সমাজের প্রভাবে মদ্যপান শূন্য করেছিল, কলকাতা-ফেরত যারা কলকাতার ফ্যাশন ও বিলাসলালাসায় মদ্যপান শূন্য করেছিল—দুই দলই শপথ করলে ছাড়ব।

এরা বললে—মদ খাব না।

ওরা বললে—Drink করব না।

এরা খেত—দেশি মদ।

ওরা খেত হুইস্কী।

সত্যিই সেদিন এল নবযুগ। নতুন সূর্যোদয়। জ্যোতির্ময়ের আবির্ভাব যেন প্রত্যক্ষ দেখেছিলাম।

আমার হাতে রাখী বেঁধে দিয়েছিলেন আমার মা।

আমার বড় মামা তখন লাভপুরে ছিলেন। তাঁরও থাকা উচিত ছিল মিছিলের পুরোভাগে। কিন্তু তিনি তা থাকেননি। ছিলেন পিছনে। তাঁর সঙ্গে তখন বিপ্লবী দলের ক্ষীণ সংযোগ স্থাপিত হয়েছে। মুরারীপুত্র বাগানের বোমারু দলের সঙ্গে পার্টনার কিছ্র লোক সংস্রবে এসেছিলেন, তাঁদের মধ্যে তিনিও ছিলেন একজন। তিনি মিছিল থেকে ফিরে মায়ের হাতে রাখী বাঁধলেন। মা একটি রাখী নিয়ে আমার হাতে বেঁধে দিলেন।

মনে আছে আমার। স্পষ্ট মনে পড়ছে।

মনে পড়ছে—গোপালবাবু কবিতা রচনা করে হাতে লিখে নাটমন্দিরের দেওয়ালে সেঁটে দিয়েছেন। শুনলাম ওটা নাকি রাজদ্রোহমূলক কবিতা। বয়স তখন আমার সাত পূর্ণ হয়েছে। রাজদ্রোহ কাকে বলে ঠিক বুঝি না। তবে কবিতাটিতে যে একটি ঝাঁজ ছিল, সে অনুভব করবার মতো আমার মনের স্পর্শশক্তি তখন হয়েছে। সে কবিতাটির একটা লাইন আজও মনে আছে। ভাবটা গোটাই মনে রয়েছে। কবি বলছেন মহাশক্তিকে—মা, তুমি জাগো...মা, তুমি জাগো। যে লাইনটি মনে আছে, সেটি হচ্ছে এই—

“দেবাসুর-সংগ্রামের এই তো সময়!”

মনে হরোছিল...অসুর ওই ইংরাজেরা। স্পষ্ট মনে আছে।

এগারো

কয়েক বৎসর আগে হ'লে ও-লাইনের অর্থ হত অন্যরূপ। বুদ্ধতাম, অসুর মানে তারাই যারা সোমনাথ ভেঙেছে, বেণীমাধবের ধ্বজা ভেঙে মসজিদ তুলেছে, যারা বৃন্দাবনে গোবিন্দজীর মন্দিরের চূড়া ভেঙেছে; কিন্তু উনিশশো পাঁচ সাল নতুন কাল নিয়ে এল, সঙ্গে সঙ্গে আনলে নতুন ব্যাখ্যা নতুন বাজনা। এ ছাড়াও অনেক কিছ্র নিয়ে এল।

বিচিত্র আবির্ভাব! কেমনভাবে সে যে এল তা বলেও যেন তৃপ্ত হচ্ছে না। গাজনে মহাকালের পূজা হয়, ধ্বজাপতাকা উড়িয়ে ভক্তবৃন্দ উচ্চকণ্ঠে কালাধিপতি

মহাকালের নাম ঘোষণা করে বলে, বলো—শিবো কালরুদ্র। নতুন বৎসর আসে, সে নিয়ে আসে নতুন জীবন। এও ঠিক তেমনি। বন্দেমাতরম্!

উনিশশো পাঁচ সালের পর নতুন জীবন আত্মপ্রকাশ করল।

আগে বলেছি, এর পূর্বে পর্যন্ত আমাদের গ্রামে ছিল পুরানো কালের মানুষদের অসহায় মনের ধর্মবিশ্বাস—অন্ধ ধর্মবিশ্বাস। আর একদিকে ছিল নতুন কালের ইংরেজি সভ্যতার ফেনা অর্থও ফ্যাশন। নিছক ফ্যাশন। যাকে আমি তুলনা করি সেকালের প্রচলিত—O. H. M. S. Whisky'র সঙ্গে। ইংরেজ জাতির অধিপতির প্রতি আনুগত্য সঙ্গার করা এই ফ্যাশনের একটি স্বভাবধর্ম ছিল। সেই হিসাবে O. H. M. S. নামটি সার্থক।

হঠাৎ Whisky পরিণত হ'ল সঞ্জীবনী রসে।

নেশার উত্তেজনায় কৃত্রিম জীবনোচ্ছ্বাস নয়, এ যেন স্বতন্ত্রসারিত ভোগবতী ধারার আত্মপ্রকাশ। চোখের সামনে সে দেখা দিল আমাদের বীরভূমের বৈশাখের তৃণহীন গৈরিক প্রান্তরের বৃকে—নববর্ষে শ্যামলাভায় জেগে-ওঠা তৃণাকুর প্রকাশের মতো। বিস্ময় লাগে। প্রশ্ন জাগে, লালমাটির রুদ্ধ রসহীন বৃকের মধ্যে এই পৃথিবী-দগ্ধ-করা রৌদ্র সহ্য করে এই তৃণবীজগুলি বেঁচে ছিল কেমন করে? মনে মনে যেন অনুভব করতে পারি—জীবন অবিদ্যমান। সেদিনও মনে হ'য়েছিল জীবনমহিমা—মানবসাধনা অবিদ্যমান।

শুধু তৃণাকুরই জাগল না, কিছুদিনের মধ্যেই ফুল ধরল ঘাসগুলির ডগায়। উনিশশো পাঁচ সালেই 'বন্দেমাতরম্' নাম ললাটে ধারণ করে জেগে উঠল দুটি প্রতিষ্ঠান। আরও একটি প্রতিষ্ঠান জাগল, যার নামে বন্দেমাতরম্ না থাকলেও বন্দেমাতরমের প্রত্যক্ষ প্রাণধর্ম ছিল সেই প্রতিষ্ঠানটিতেই।

'বন্দেমাতরম্ থিয়েটার'। থিয়েটার শব্দটিকে বাংলা ভাষায় রূপান্তরিত করবার মতো মনোভাব তখনও হয়নি। আর হল 'বন্দেমাতরম্' লাইব্রেরির প্রতিষ্ঠা।

আর প্রতিষ্ঠিত হল 'দরিদ্র সেবা ভাণ্ডার'। এর প্রতিষ্ঠাতা নিত্যগোপালবাবু, তাঁর সঙ্গে ছিলেন স্বর্গীয় শৈবশচন্দ্র বন্দ্যোপাধ্যায়। যাদবলালবাবুদের প্রতিষ্ঠায় প্রতিবন্দ্বী জমিদারবংশের সন্তান।

বন্দেমাতরম্ থিয়েটার, বন্দেমাতরম্ লাইব্রেরির প্রতিষ্ঠাতাদের অগ্রণী ছিলেন স্বর্গীয় নির্মলশিববাবু। তাঁর সঙ্গে ছিলেন নিত্যগোপালবাবু, শিবকেন্দ্রবাবু। থিয়েটারের মধ্যে ছিলেন আর-একজন। তিনি ছিলেন আমাদের গ্রামের জামাতা, গৃহ-জামাতা—স্বর্গীয় শশাঙ্ককেশব বন্দ্যোপাধ্যায়। শশাঙ্কবাবুর প্রণ ছিল এই থিয়েটার। আরও একজন ছিলেন প্রথম নিয়ন্ত্রক, তাঁর নাম ছিল রাকেশচন্দ্র মথ্যোপাধ্যায়। তিনিও ছিলেন গৃহজামাতা। শশাঙ্কবাবুর কথা একটি গল্পে আমি বলেছি, 'চন্দ্র জামাইয়ের জীবন-কথায়। শেষের দিকটা কল্পনা। অবশ্য পুরো কল্পনা নয়, দেশের স্বাধীনতা-আন্দোলনে তাঁর অ্যাক্টিভ তখন জেগেছিল। আমাকে গোপনে বলেছিলেন—আর বয়স নাই তারাক্ষর! সাহস পাই না। ভরসা হয় না।

থাক সে-সব কথা। থিয়েটারের কথা বলি। থিয়েটার আমাদের গ্রাম সমাজে

অনেক রস পরিবেশন করেছে। ভালোয়-মন্দতে অনেক দিয়েছে। নতুন যুগের ভাব-ধারার সঙ্গে পরিচয় আমাদের এই নাট্য-আন্দোলন যতখানি করিয়ে দিয়েছে, ততখানি আর কিছুতে হয়নি। নির্মলশিববাবু, নিত্যগোপালবাবু আগেই সাহিত্যের অমৃত-রসের সন্ধান পেয়েছেন। সাহিত্যরস-পিপাসার সঙ্গে এই নাট্য-আন্দোলনের সমন্বয় ঘটল। তাঁরা নাটক লিখেছেন— অভিনয় হয়েছে। হয়তো নাট্য সম্প্রদায়ের সৃষ্টি না-হলেও তাঁরা সাহিত্য-চর্চা করতেন। কিন্তু তাঁরা ছাড়া প্রাণে যুবক সম্প্রদায় ছিল, তাঁরাই অনেকখানি রক্ষা পেল নাট্য-আন্দোলনের প্রভাবে। কয়েক জনের কথা বলি। নির্মলশিববাবুদের সমবয়সী বন্ধু ছিলেন দু'জন—একজন যষ্ঠী, অপরজন সীতাংশু, ডাকনাম ফোড়ন। যষ্ঠী ফোড়ন তখনও পড়ে। পড়ে নামমাত্র। অধঃপতনের সকল আয়োজন প্রায় সম্পূর্ণ। যষ্ঠী টেরি কাটে—ডাইনে-বায়ে দু'দিকে সামনের চুল কপালের উপর গুলুটিয়ে গোল হয়ে উঠে থাকে, লম্বা ফুলে-ফেঁপে থাকে, যষ্ঠী তাঁরই মধ্যে গুঁজে রাখে আস্ত তিনটি-চারটি সিগারেট। এবং সেই নিয়েই ইস্কুলে যায়। বাড়ি ফেরে। বাড়িতে গ্রাজুয়েট প্রাইভেট মাস্টার রেখেছিলেন বাপ। মাস্টার বই খুলে বসে থাকেন, যষ্ঠী বাঁয়া ওবলা নিয়ে সঙ্গীতচর্চা করে। ফোড়ন সঙ্গে থাকে। এমনি ফোড়ন এবং যষ্ঠী অনেক তখন। এরা স্বাভাবিকভাবে পরিণত হত ঊনবিংশ শতাব্দীর বিকৃত তান্ত্রিক কি শৈব কি বৈষ্ণবে। কিন্তু এই নাট্য-আন্দোলন এদের নতুন কালের ভাবের সঙ্গে পরিচিত করে দিলে। এই প্রসঙ্গে আর-একজনের কথা মনে পড়ছে। তার নাম ছিল দুর্কাড়ি চক্রবর্তী। বর্ণ-ব্রাহ্মণের ছেলে, সামান্য লেখাপড়া শিখেছে, তার উপর গিয়েছে দৃষ্টিশক্তি, প্রায় অন্ধ বললেই হয়। দিনের আলোয় মানুষকে দেখে সে আবছা আবছা। রাস্তার ধারে বাড়ি—দাওয়ার উপরটিতে বসে থাকে রাস্তার দিকে শূন্যদৃষ্টিতে চেয়ে। মানুষ যায় আসে— সে দেখে কিছু যেন নড়ছে, কিছু যেন চলছে। হঠাৎ কোনো পরিচিত বাস্তব কণ্ঠস্বর কানে এলে গুঁথ-খানি উজ্জ্বল হয়ে ওঠে, সে ডাকে—কে, মরিরাম? শোন—শোন।

মরিরামের দৃষ্টি আছে, কাজ আছে, সে চলে যায়—দুর্কাড়ির মূখের আলো নিভে যায়।

দুর্কাড়ি বাঁচল থিয়েটারে যোগ দিয়ে। সুন্দর চেহারা ছিল, অভিনয় করবার শক্তিও ছিল। আর একটা শক্তি ছিল, দৃষ্টিশক্তি ছিল না কিন্তু কানে শ্রবণে সে পার্ট মন্থস্থ করে ফেলত অল্প সময়ের মধ্যে।

শশাঙ্কবাবু এসে ডাকতেন—দোকন?

—জামাইবাবু!

—এস।

শশাঙ্কবাবু হাত ধরে তাকে নিয়ে যেতেন, দোকন যেত—মহলার মজলিসে বসত। রাতে শশাঙ্কবাবুই তাকে পেঁাছে দিতেন। দোকন সকাল থেকে দাওয়ায় বসে পার্ট আওড়াত আপন মনেই। ক্রমে সে পেলে অভিনয়ে প্রতিষ্ঠা। তখন তার সঙ্গীর অভাব হত না। বেকার যুবকেরা তার কাছে বসে আড্ডা জমাত। তার সুপারিশ নিয়ে

তারাও ঢুকবে থিয়েটারে। তা ছাড়া লাইব্রেরি থেকে দোকন নাটক আনত। ওরাই তাকে পড়ে শোনাত। দোকন সূর করে বস্তুতা করে যেত—

“উত্তাল তরঙ্গময়ী ফেনিল নর্মদা

ভীষণা রাক্ষসী-মুখে তুলিয়া হৃৎকার—

কার লোভে ছুটিয়াছ পুনঃ উন্মাদিনী!”

অদ্ভুত ছিল তার স্মৃতিশক্তি। যে-ভূমিকায় সে একবার অভিনয় করেছে সে-ভূমিকার অংশ কোনোদিন ভোলেনি। উলুপী নাটকে সে গঙ্গার ভূমিকায় অভিনয় করেছিল। সে ছবি আমার আজও স্পষ্ট মনে পড়ছে।

নাট্য-আন্দোলন আর একটি সমূহৎ কাজ করেছিল। গ্রামের সকল স্তরের যুবক সম্প্রদায়ের মধ্যে একটি অতি মধুর প্রীতির সম্পর্ক স্থাপন করেছিল। সে-কালের গ্রাম্য সমাজ, গ্রামাটী জমিদার-প্রধান, জমিদারেরা সকলেই ব্রাহ্মণ, দীর্ঘকাল ধরে ব্রাহ্মণ সমাজের যুবকেরা অপর সকল স্তরের যুবকদের থেকে স্বতন্ত্র থাকতেন। চোলা-ফেরায় ওঠায়-বসায় অহেতুক অশোভন স্বাতন্ত্র্য রক্ষা করে চলতেন। এক দণ্ডায় এক বিছানায় বসতেন না, এমন কি কোনো সাধারণ কর্মে গ্রামের তরফ থেকে সম্প্রদায়নির্বিশেষে কোথাও যেতে হলে স্বাতন্ত্র্য বজায় রেখে পথ চলতেন। মেলায় যাত্রা-কীর্তনের আসরে যুবকদের ছেলেরা বসত যেখানে, সেখান থেকে খানিকটা সরে বসতেন অন্য সম্প্রদায়ের যুবকেরা। নাট্য-আন্দোলনের মধ্য দিয়ে প্রীতির সম্পর্ক স্থাপিত হওয়ার ফলে—সেই বিসদৃশ স্বাতন্ত্র্য অনেক পরিমাণে বিলুপ্ত হয়ে গেল। নাট্যসম্প্রদায়ের মহলার আসরে সকলেই বসতেন এক ঘরে এক বিছানায়, পরস হাস্যপরিহাসে সকলেই যোগ দিতেন, সকলেই হাসতেন সমান প্রাণ খুলে, সমান উচ্চ-কণ্ঠে। শূদ্র তাই নয়—এই সর্বস্তরের যুবকদের এমনি অন্তরংগ মেলামেলার ফলে—জীবনে, আচার-আচরণে ও ব্যবহারের মধ্যে দেখা দিল উদ্ভূত আভিজাত্যের পরিবর্তে উদার মাধুর্য, সন্মত আত্মীয়তা; অন্য দিকে সভয় সঙ্কোচ এবং গোপন হিংসার পরিবর্তে অসঙ্কোচ প্রসন্নতা, শ্রদ্ধান্বিত গুণমুগ্ধতা।

এর জন্য সমস্ত শ্রদ্ধা, সমস্ত প্রশংসা প্রাপ্য দুটি লোকের। প্রথম, এ যজ্ঞের যাঁকে যজ্ঞেশ্বর বলা যায়—তিনি, স্বর্গীয় নির্মলশিব বন্দ্যোপাধ্যায়। তাঁর প্রকৃতির মধ্যে—তাঁর ধাতুর মধ্যে ছিল অপরূপ মাধুর্য। প্রথম যৌবনে মানুষকে কাছে টানবার, মানুষকে স্বীকার করবার, মানুষকে মানুষ বলে বুকে গ্রহণ করবার এই সহজাত মাধুর্য এবং ঔদার্যের তুলনা সংসারে বিরল—অতি বিরল। দ্বিতীয় জন—ওই শশাঙ্কবাবু, হাত ধরে এদের নিয়ে আসতেন, নির্মলশিববাবু পরমস্নেহে গ্রহণ করতেন সকলকে। শশাঙ্কবাবু ছিলেন ঘরজামাই। আমাদের উর্নবিংশ শতাব্দীর খাঁটি ঘরজামাই। যাঁরা চিরকাল বসবাসের সংসারেও জামাই সেজে থাকতেন, এক মুহূর্তে ভুলতেন না জামাইয়ের মর্যাদা—তিনি তাঁদের একজন। আমাদের গ্রামে তিনিই বোধ হয় শেষ খাঁটি ঘরজামাই। ভোরবেলা উঠতেন, প্রাতঃকৃত্য শেষ করে দস্তুরমতো বেশভূষা করে নিচে নামতেন, সামান্য জলযোগ করে ছাড়ি, থিয়েটারের বই এবং পার্ট লেখার কাগজপত্র বগলে নিয়ে বের হতেন। এসে বসতেন—দোকানের

দাওয়ার অথবা গোপাল স্বর্ণকারের দাওয়ার। তারা সসম্মুখে অভ্যর্থনা করে মোড়া বা চৌকি পেতে দিত। তামাক সেজে হুক্কাটি হাতে দিত। তিনি তামাক খেতেন, পার্ট লিখতেন, আর খোঁজ নিতেন—পাড়ার কোন কোন তরুণের থিয়েটারে যোগ দেবার অভিপ্রায় আছে, যোগ্যতা আছে। তাদের ডাকতেন, তাদের সঙ্গে কথা বলতেন, নিমন্ত্রণ করতেন মহলার আসরে যাবার জন্য। সন্ধ্যার ঠিক আগে এসে তার দরজায় দাঁড়িয়ে ডাকতেন, এস, আমার সঙ্গে এস। তিনি জানতেন যে, সঙ্গে না-নিয়ে গেলে ইচ্ছা সত্ত্বেও ওরা যেতে পারবে না। গিয়েও হয়তো দরজার মদুখ থেকে ফিরে আসবে। সঙ্গে নিয়ে হাসিমুখে শশাঙ্কবাবু আসরে ঢুকে বলতেন, একে নিয়ে এলাম। বেশ ছেলে—ভালো ছেলে।

নির্মলবাবু সহজাত মিষ্ট হাসি হেসে বলতেন, বস বস। তুমি তো—এর ছেলে?
—আজ্ঞে হ্যাঁ।

—এত দূরে—এমনভাবে এক পাশে সরে বসলে কেন? ভালো করে উঠে বস।
গান গাইতে জান?

—আজ্ঞে না।

—বাজাতে?

এবার চুপ করে থাকত সে।

—বাজাতে পার তা হলে। কই, তবলাটা বাঁধ দেখি!

এগিয়ে দিতেন তবলাটা।

মজলিস চলত। গানে বাজনায়ে, সরস সর্বজনীনতার মহিমায়, উদার রসিকতায়, প্রসন্ন হাস্যের মধ্যে কেমনভাবে যে সে একদিনেই অন্তরঙ্গ হয়ে উঠত, সে-কথা কেউই বুঝতে পারত না।

মজলিস শেষে শশাঙ্কবাবু জ্বলতেন তাঁর হ্যারিকেন লস্টনটি। একেবারে আসল ডিট্‌জ লস্টন। তেমনি ঝকঝকে, ঠিক যেন নতুনটি। কাচাটি তেমনি পরিষ্কার। সন্ধ্যা কাচাটি একদিন করে চুন মাখিয়ে সাফ করতেন। তেমনি আধখানা চাঁদের মতো করে কাটা পলতেটি। আলোটি জেদলে বলতেন, এস।

ডাকতেন তিনি—দোকনকে, হারি স্বর্ণকারকে, পণ্ডানন সাহাকে, ক্ষুদ্রদরস সাহাকে। প্রত্যেককে পেঁাছে দিয়ে তিনি বাড়ি ফিরতেন। এর মধ্যেও ফিল্তু শশাঙ্কবাবু ছিলেন—বিশ্বামিত্র। দূরন্ত ছিল তাঁর ক্রোধ। সে ক্রোধ হত তাঁর অভিনয়ের সময়ে বা অভিনয়ের পথে হুটুতে কি বাধা-বিঘ্ন সৃষ্টি হলে। সূরেন গড়ুঙীকে দেওয়া হয়েছিল একটি পরিচারকের ভূমিকা। রাজবাড়ির পরিচারক। রাজবাড়ি আক্রান্ত হয়েছে, নিরুপায় অসহায় বৃন্দ রাজার পরিদ্রাণের কোনো পথ নেই। রাজা ডাকছেন—ওরে, কে আছিস—আমার জপের মালা। ওরে—মালা আন, আমার জপের মালা। ওরে, কে আছিস—

শশাঙ্কবাবু তিন মাস প্রত্যহ সূরেনকে তালিম দিয়েছেন—মালাগাছি হাতে নিয়ে রংগমণ্ডে প্রবেশ করে—রাজাকে প্রথম প্রণাম করবে, তারপর মালাগাছি রাজার হাতে দেবে, তারপর আবার একটি প্রণাম করে চলে আসবে। সূরেন প্রতিদিন

মহলার সময় ঠিক ঠিক নির্দেশ পালন করে এসেছে। অভিনয়ের দিন রংগমঞ্চে প্রবেশ করবে সুরেন, শশাঙ্কবাবু মালা হাতে দাঁড়িয়ে আছেন। রাজা ডাকছেন। ঠিক সময়টিতে মালা সুরেনের হাতে দিয়ে—রেসের ঘোড়াকে জিকির ইংগিতের মতো ইংগিত দিলেন তিনি। সুরেন প্রবেশ করলে রংগমঞ্চে। রংগমঞ্চে প্রবেশ করে দর্শকভরা আসরের দিকে তাকিয়ে তার কেমন গোলমাল হয়ে গেল। সে প্রণাম করলে, তারপর মালাখানি রাজার হাতে না দিয়ে নিজের গলায় পরলে, তারপর আবার প্রণামটি করে ফিরে এল। এক-গা ঘেমে সে তখন যেন নেয়ে উঠেছে। ওদিকে দর্শকের আসরে হাসির অটুরোল উঠেছে তখন। শশাঙ্কবাবুর মনে হচ্ছে, সমস্ত অভিনয়ের উপর বজ্রাঘাত হয়ে গেল। মাথায় তাঁর আগুন জ্বলে গেল। সুরেন উইংসের ফাঁক থেকে পা বের করবামাত্র তার গালে তিনি বসিয়ে দিলেন প্রচণ্ড চপেটঘাত।

সুরেন জ্ঞান হারিয়ে পড়ে গেল সেইখানে।

শশাঙ্কবাবুর দৃক্‌পাত নেই, তিনি তার গলা থেকে মালাখানি খুলে নিয়ে নিজেই গিয়ে দিয়ে এলেন রাজার হাতে।

দোকনদের দল বলত, বাপরে—জামাইবাবু সাক্ষাৎ বাঘ!

আবার বলত, এমন মানুষ আর হয় না।

সুরেনও বলত।

পরের দিনই শশাঙ্কবাবু নিজে গিয়েছিলেন সুরেনের বাড়ি।

—সুরেন! সুরেন!

—কে?

—আমি হে। শশাঙ্কবাবু। জামাইবাবু। শোন। বাইরে এস।

—আজ্ঞে জামাইবাবু!

—কাল মেরেছি। বড় লেগেছিল তোমার। তোমার—

‘তোমার কাছে মাফ চাইতে এসেছি’ বলতে পারেন না। মুখে বাধে। কিন্তু সুরেন বুঝে নেয়। সে পায়ের ধুলো নিয়ে বলে—আজ্ঞে না। লাগে নাই বেশি।

—আজ যেন ঠিক সময়ে যেয়ো। ঠিক আটটায় প্লে আরম্ভ হবে।

—যাব আজ্ঞে।

অভিনয়ের ট্রাটির জন্য শুধু যে সুরেন গড়াগড়ীরাই মার খেয়েছে শশাঙ্কবাবুর হাতে তা নয়। রথী-মহারথীরাও মার খেয়েছে, তিরস্কৃত হয়েছে। স্বয়ং নির্মলশিববাবুও একবার চড় খেয়েছিলেন। নির্মলশিব ছিলেন অক্রোধ। চড় খেয়ে হেসে বলেছিলেন, বড় জোর হয়ে গেছে হে শশাঙ্ক।

নির্মলশিববাবু পাট ম্‌খস্থ করেননি। নিজে ছিলেন নাট্যকার, পাট আটকায়নি, তিনি নিজেই গড়ে বলে চালিয়ে এসেছিলেন।

আর একবার নির্মলশিববাবু রংগমঞ্চে হেসে ফেলেছিলেন। তার জন্যও শাস্তি দিয়েছিলেন শশাঙ্কবাবু। পরবর্তী অভিনয়ে তাঁকে সামান্য দূতের ভূমিকা গ্রহণ করতে

আর একবার, ইন্দুবাৰু নামে একজন বিদেশী ভদ্ৰলোক অভিনয় করবেন। অভিনয়ও হচ্ছে বিদেশে। লাভপুৰ থেকে ত্ৰিশ মাইল দূরে—সুপ্রাচীন জমিদার-প্রধান গ্রাম এড়োয়ালাত। কাঁদীর কাছাকাছি। রেল-স্টেশন থেকে পনেরো মাইল পথ। গরুর গাড়ি ছাড়া যান নাই। অভিনয়ের দিন সকালবেলা ইন্দুবাৰু আসার কথা। কিন্তু গাড়ি ফিড়ে এল, ইন্দুবাৰু এলেন না। সমস্ত দিন শশাঙ্কবাৰু গ্রামের বাইরে পথের ধারে একটা গাছতলায় বসে রইলেন। সন্ধ্যা হয়ে গেল, ইন্দুবাৰু এলেন না। ওঁদিকে ডুপ্লিকেটের ব্যবস্থা হচ্ছে। অভিনয় শুরুর হবে। হঠাৎ ইন্দুবাৰু এসে হাজির হলেন অশ্বপুষ্ঠে। মুখে রঙ, হাতে একগাছা বালা। ভদ্ৰলোক ধানবাদের ওঁদিকে কোথায় অভিনয় করছিলেন গত রাত্রে। অভিনয় শেষ হতে বিলম্ব হওয়ায় যে ট্রেন ধরবার, সে ট্রেন ফেল করেছিলেন; পরের ট্রেনে এসে অপরাহ্নে নেমেছেন। গরুর গাড়িতে মাইল পাঁচেক এসে এক গিঞাসাহেবের কাছে অনেক কাৰ্কুতি করে ভাড়া দিয়ে অশ্বপুষ্ঠ সংগ্রহ করে এসে পেঁচেছেন। শশাঙ্কবাৰু চাপেটাম্বাতের জন্য উদ্যত হয়েছিলেন, কিন্তু বিবরণ শুনে ক্ষান্ত হন।

ইন্দুবাৰুর কথায় নাট্য-আন্দোলনের আর একটি বৃহৎ কল্যাণের কথা মনে পড়ছে। সেটি হল আমাদের যুবক সম্প্রদায়ের সঙ্গে দেশ-দেশান্তরের যুবক সম্প্রদায়ের যোগাযোগ। এত বিদেশী বাড়ি, গগনমান্য রসিক জনের সঙ্গে আমাদের গ্রামের যোগাযোগ হয়েছিল যে, সে-কথা স্মরণ করে আজও বিস্মিত হই।

কামদাবাৰু, ইন্দুবাৰু, ললিতবাৰু, প্রফুল্লবাৰু, হরিশবাৰু, সোমনাথবাৰু, ফণিবাৰু, আরও কত জন—তুলসীবাৰু, প্রমথ, বলাই।

পেশাদার রংগমণ্ডের রাধাচরণ ভট্টাচার্য দীর্ঘদিন লাভপুৰে ছিলেন। তখন তাঁর বয়স অল্প, স্ত্রীভূমিকায় অভিনয় করতেন, মেয়েদেরও এত ভালো মানাত না নারী-ভূমিকায়। তেমনি ছিল সুকণ্ঠ।

ক্ষুদীরাম মালাকার। সে বোধ হয় পঁচিশ বৎসর অভিনয় করেছে লাভপুৰে। আর্ট থিয়েটারের আমলে—তিনকাড়ি চক্রবর্তী, নরেশ মিত্র এঁরাও একবার লাভপুৰে গিয়ে ‘কর্ণাজুঁন’ নাটকে পরশুরাম ও ক্ষুদার্থ ব্রাহ্মণের ভূমিকায় স্বেচ্ছায় অভিনয় করে এসেছেন।

আর যেতেন স্বর্গীয় নাট্যকার ক্ষীরোদপ্রসাদ বিদ্যাবিনোদ। ওখানে থাকতেন। নাটক লিখতেন। যেতেন স্বর্গীয় নাট্যকার ও অভিনেতা অপরেশচন্দ্র মুনোপাধ্যায়। মন্থমোহন বসু মহাশয় গিয়েছেন। রসরাজ স্বর্গীয় অমৃতলাল বসু গিয়েছেন। তিনিই আমাদের নবপরিচয় নাট্যমণ্ডের যবনিকা উত্তোলন করেছিলেন।

আমি বাল্যকালে এঁদের দূরে থেকে দেখতাম।

প্রথম যৌবনে ধন্য হয়েছি এঁদের কাছে এসে।

মনের আবেগে কালের গাঙী ছাড়িয়ে—একসঙ্গে অনেক কালের কথা বলে ফেলেছি। উনিশশো পাঁচ সালে—আমাদের প্রথম রংগমণ্ডের উদ্ঘোষন হল। আজও মনে পড়ছে। কী অপূর্ণ মায়ারাজ্যের দ্বারোদ্ঘাটন হল সেদিন! দৃশ্যপট—উজ্জ্বল

আলো! অভিনয়ে নতুন সদর—নতুন ছন্দ! আমার শিশু-নয়নের নিদ্রা কোথায় গেল কে জানে, আমি বিনিদ্র হয়ে বসে অভিনয় দেখলাম। হরিশ্চন্দ্র আর বিব্বমঙ্গল অভিনয় হল প্রথম।

হরিশ্চন্দ্র ও বিব্বমঙ্গলবেশী নির্মলশিববাবুকে মনে পড়ছে। পাগলিনীবেশী নিভাগোপালবাবুকে মনে পড়ছে। বিশ্বামিত্রবেশী শশাঙ্কবাবুকে মনে পড়ছে। চণ্ডালবেশী আমার মামাকে মনে পড়ছে। আর মনে পড়ছে—চিন্তামণি ও শৈব্যবেশী এক কলকাতার কিশোরকে। তার নাম ছিল শিবচন্দ্র। আরও একজন এসেছিল, তার নাম জ্যোতির্ময়। সেও এসেছিল কলকাতা থেকে।

এর পরই হ'ল পাকা স্টেজ। নতুন ড্রপসিন আঁকানো হল। মধ্যস্থলে ভারত-মাতা, দুই পাশে—একদিকে হিন্দু, অপরিদিকে মদুসলমান; ভারতমাতা দু'জনের হাত ধরে মিলিয়ে দিচ্ছেন। উপরে লাল অক্ষরে লেখা বন্দেমাতরম্ থিয়েটার। ছবির নিচে লেখা—‘হিন্দু মদুসলমান একই মায়ের দুই সন্তান’।

এসব নিয়ে এল ওই নতুন কাল।

এই যে এল নতুন কাল, সে অবশ্য এল আপন বেগে; কালবৈশাখী ঝড়ের মতো এল। যা কিছু আবর্জনা, যা কিছু জীর্ণ, যা কিছু পথে দিলে বাধা, তাদের উড়িয়ে ভেঙে ফেলে ঢেলে দিলে বর্ষণ; আবর্জনার পুঞ্জ মাটির সঙ্গে মিশে পচল, উর্বর করে তুলল দেশকে, নতুন সৃষ্টিসমারোহে চঞ্চল হয়ে উঠল চারিদিক। ঋতুর পর অন্য ঋতুর মতো কাল হতে কালান্তর আপনিই আসে। কিন্তু বসন্তশেষে গ্রীষ্মাব-ভাবের মধ্যে চৈত্র সংক্রান্তিতে আমরা করি গাজন। বৈশাখে বিষ্ণুদেবতার চন্দনযাত্রার অনুষ্ঠান করে সচেতনভাবে কাল-হতে-কালান্তরে মহাকালের পদাচিহ্ন আলপনা এঁকে আমরা করি তার অর্চনা। অনেক সময় ঋতু অথবা কাল পরিবর্তনের জন্য সাধকেরা সাধনা করে থাকেন। ভারতবর্ষেও তাই হয়েছিল। সে মহাযজ্ঞের প্রথম সমিধসংগ্রহ এবং অগ্নিপ্রজ্জ্বলন হয়েছিল বাংলা দেশেই। ইতিহাসে সে-কথা লেখা হবে।

আমাদের গ্রামে সে যজ্ঞাগ্নির আলোর আভাস এল, তার উত্তাপও আমরা অনুভব করলাম। উচ্চারিত মন্ত্রসংগীতের ঝঙ্কার মনের তানে কম্পন তুললে।

এর জন্যও আয়োজনের প্রয়োজন হয়, সাধনার প্রয়োজন হয়। সে সাধনা আমাদের গ্রামে ঝাঁরা করেছিলেন তাঁদের মনে পড়ছে।

স্বর্গীয় যাদবলালবাবুর কথা আগেই বলেছি। তিনিই গ্রামে হাই স্কুল প্রতিষ্ঠা করেছিলেন, দাতব্য চিকিৎসালয় এবং বালিকা বিদ্যালয়ও তিনি প্রতিষ্ঠা করেছেন। তখন তাঁকে কীর্তির নেশায় পেয়ে বসেছে। শ্মশানভূমির

প্রান্তর তাঁর কীর্তিমালায় হেসে উঠেছে। তিনিই আমাদের গ্রামের সেই সাধক। মানুষ্যও অকৃতজ্ঞ নয়, আজও লাভপূর বলতে আমরা যাদববাবুর লাভপূরকেই বঝি। তাঁর উত্তরাধিকারীদের সঙ্গে পরবর্তীকালে গ্রামের সমস্ত লোকের বিরোধ বেধেছে। আসল বিরোধ সেই প্রতিষ্ঠার বিরোধ, সে বিরোধ জীবনের সর্বক্ষেত্রে

প্রসারিত হয়েছে, কিন্তু তবুও কেউ স্বর্গীয় যাদবলালবাবুকে ভুলে যায়নি, তাঁর স্মৃতির প্রতি বিন্দুমাত্র অগ্রস্রা প্রকাশ করেনি। যাদবলালবাবুর কীর্তি লাভপদ্রে অবিস্মরণীয়, তিনিই লাভপদ্রে নবযুগ-যজ্ঞ-প্রজ্জ্বলনের সমিধ সংগ্রহ করেছিলেন, বেদী রচনা করেছিলেন, নৈবেদ্য সাজিয়েছিলেন। দীর্ঘাকৃতি, গৌরবর্ণ, নীলচক্ক, হাস্যপ্রসন্ন মুখ, মিষ্ট কথা ; এ মানুষকে লঙ্কের মধ্যে চেনা যায়। আমরা ছেলেবেলায় আমাদের চণ্ডীমণ্ডপে খেলা করতাম, তিনি তাঁর ভিতরবাড়ি থেকে তাঁর ঠাকুরবাড়ি, কাছারিবাড়িতে যেতেন ওই চণ্ডীমণ্ডপ হয়ে; প্রতিটি ছেলের সঙ্গে কথা বলে যেতেন। তিনি আমার কাছে অবিস্মরণীয়। তিনি লাভপদ্রে আবির্ভূত না হলে, এই বর্তমান রচনা কোনোদিনই রচিত হত না। আমি লিখতেই হয়তো শিখতাম না। লাভপদ্র অন্তত বিশ-ত্রিশ বৎসর পিছিয়ে থাকত।

তাঁর সঙ্গে আর একজন এসেছিলেন লাভপদ্রের সৌভাগ্যক্রমে। তিনি স্বর্গীয় রায় বাহাদুর অরিনাশচন্দ্র বন্দ্যোপাধ্যায়। যাদবলালবাবু তাঁর মেসোমশায় হতেন। দরিদ্রের সন্তান, অসাধারণ বুদ্ধি ও প্রতিভা দেখে যাদবলালবাবুই তাঁকে পড়তে সাহায্য করেছিলেন ; এম. এ. পাস করে আগ্রা কলেজে অধ্যাপনা করতেন ; যাদবলালবাবুর কীর্তি স্থাপনের প্রারম্ভেই তিনি লাভপদ্রে এলেন। নূতন কালের শিক্ষায় প্রদীপ্তদৃষ্টি শক্তিশালী মানুষ, নিষ্ঠাবান সাধক, জীবনে বিপুল আশা ও উৎসাহ। তিনি প্রাণপাত পরিশ্রমে যাদবলালবাবুর সকল কীর্তিকে সার্থক ও পূর্ণ করে তুললেন। পরবর্তীকালে সমগ্র বীরভূম তাঁর কর্মে কল্যাণ পেয়েছে। তাঁর সে কর্মের সন্তোষ লাভপদ্রে। তিনি বিবাহও করেছিলেন লাভপদ্রে।

আজও স্মরণ করতে পারি, তাঁর গম্ভীর কণ্ঠস্বরে আমার বৃদ্ধের ভিতরটা যেন গুরু গুরু শব্দে ধ্বনি তুলত। যখনই কালপরিবর্তনের কথা স্মরণ করি, তখনই আমার কল্পনানগরে আমি দেখতে পাই, লাভপদ্রের পশ্চিমদিকে গেরুয়া রঙের প্রান্তরে বেদী বাঁধা হয়েছে, সমিধ সংগৃহীত হয়েছে, নৈবেদ্য সাজানো রয়েছে। স্বর্গীয় যাদবলালবাবু স্নান করে পটবস্ত্র পরে হাত জোড় করে দাঁড়িয়ে আছেন, তিনিই যজমান ; যজ্ঞস্থলে বেদীর উপর উত্তরসাধকের বেশে স্থান গ্রহণ করেছেন অরিনাশবাবু। অদূরে দাঁড়িয়ে আছেন স্বর্গীয় অভূষণিবাবু, স্বর্গীয় নির্মলশিববাবু, শ্রীযুক্ত নিত্যগোপালবাবু, শ্রীযুক্ত ফাল্গুনীকঙ্করবাবু, দশ বোধে ; ওঁদের পিছনে আমিও দাঁড়িয়ে আছি। স্বয়ং কাল-পুরোহিত।

যজ্ঞ প্রজ্জ্বলিত হল। ঘৃতগন্ধে আকাশ-বাতাস ভরে উঠল। মন্ত্র উচ্চারিত হতে লাগল। সব পাণ্টে যেতে শুরু হল। দ্রুত পাণ্টে যেতে শুরু হল সব।

বারো

আমার শৈশবকালের পটভূমিতে দেশের দ্রুত পরিবর্তন, সমাজের পটভূমিতে গ্রামের দ্রুত পরিবর্তনের উপরেও আমাদের পারিবারিক জীবনে এল মর্মান্তিক পরিবর্তন। আমার বয়স তখন আট বছর।) সে-কথা বলবার গ আমার ছেলেবেলার নিজের কথা কিছু বলে নেব। আমার মনে যে ঘটনাগুলি হয়ে রয়েছে সেইগুলির কথা। যে যে শৈশব-সার্থীদের চোখ বৃজ্জলে আজও দেখতে পাই ত কথা। আগে বলব ঘটনার কথা।

আমার জীবনে প্রথমে সঙ্গী আসেনি, বন্ধু আসেনি, এসেছিল সঙ্গিনী, বান্ধবী। তার কথা আগে বলেছি। চারু আমার সম্পর্কে ভাইঝি, আমার থেকে বছর দেড়েক বড়। আমাদের বাড়িতে কোনো শিশু ছিল না, আমাদের সঙ্গে এক দেওয়ালে নাড়ি আমার জ্যেষ্ঠামশায়ের বাড়িতেও কোনো শিশু ছিল না। আমাদের বাড়ির দৌহিত্র-বংশের কন্যা চারুই ছিল আমাদের নিকটতম বাড়িতে আমার একমাত্র সমবয়সী। তার মা—আমার বউদিদি আমার মার চেয়ে বয়সে ছিলেন অনেক বড়। তবুও সে-কালের প্রথা অনুযায়ী—বয়সে ছোট শাশুড়ীকে প্রণাম করতেন, ভক্তি করতেন। সে ভক্তি ছিল স্বতস্ফূর্ত। তার কারণ অবশ্য আমার মায়ের ব্যক্তিত্ব এবং শক্তি। তাঁর কাছে আপনি মাথা নুয়ে পড়ত। তাঁরা সবাই ছিলেন আমার মায়ের গড়েপার আসরের শ্রোতা।

চারু আমাকে পৃথিবীর অনেক কিছু চিনিয়েছে। বাড়ির আশপাশ থেকে গাছ তুলে এনে সিমেন্ট-বাঁধানো উঠানে বাগান করতাম, চারু আমায় গাছের নাম বলত। আমার আঁটি থেকে ভেঁপু তৈরি হয়, এ-কথা সে-ই আমাকে বলেছিল। কাগজের নৌকা করতে সে-ই আমাকে শিখিয়েছিল। পুতুল খেলাতে শিখিয়েছিল।

চারু আমার অত্যাচার সহ্য করেছে অনেক। মেয়ে বলেই বোধ হয় বয়সে বড় এবং দৈহিক শক্তি বেশি থাকা সত্ত্বেও সে আমার প্রহার সহ্যই করত, কখনও আমার গায়ে হাত তোলেনি। একবার তার উপর চরম অত্যাচার করেছিলাম। এর আগে দেওঘর যাওয়ার কথা বলেছি। চারুর মাও পুত্রসন্তান কামনায় আমাদের সঙ্গে দেওঘর গিয়েছিলেন, সঙ্গে চারুও গিয়েছিল। চারুর কাকা—আমার আশুদাদা—তিনি সঙ্গে গিয়েছিলেন—তাঁর ছিল অশ্লশূলের ব্যাধি। আশুদাদার স্ত্রী তাঁর জন্য ধর্ম দিয়েছিলেন। আশুদাদা আমার প্রথম শিক্ষক। দেওঘরে হল হাতেখড়ি; সেই-খানেই তিনি শূন্য করলেন আমাকে পড়ানো। আশুদাদা ছিলেন ছোটখাটো মানুষ্ট, মৃদু ছিল ফ্রেণ্ডকাট দাড়ি। সাধারণ লোকের কাছে তিনি কেমন দেখতে ছিলেন জানি না, কিন্তু আমার স্মৃতিতে তিনি বড় সুন্দর মানুষ। ছোটখাটো মানুষ আশুদাদার ব্যক্তিত্ব ছিল অসাধারণ। আমার বাবা আমাদের অঞ্চলে ব্যক্তিত্বের জন্য, গম্ভীর প্রকৃতির জন্য খ্যাতনামা ছিলেন। আজও তাঁর নাম আমাদের গ্রামের আজকালকার

প্রবীণেরা করে থাকেন। আমার বাবার চেয়ে আশুদাদা বয়সে বড় থাকলেও সম্পর্কে ছিলেন ভাইপো, প্রতিষ্ঠায় ছিলেন অনেক ছোট। কিন্তু আশুদাদা বাবাকে অনেক সময় তিরস্কার করতেন। বিশেষ করে, জমিদার বংশের মর্যাদা রাখতে গিয়ে মামলা-মকদ্দমা করার ক্ষেত্রে বলতেন—কেন? মামলা কেন? যদি আপসে কথা বললে মিটে যায়, তবে মামলা কেন? আরও তিরস্কার করতেন যখন মধ্যে মধ্যে বাড়িতে তান্ত্রিক সন্ন্যাসীর দল এসে আতিথ্য হত। বাবা হাসিমুখে সহ্য করতেন আমার যত ভালোবাসা ছিল এই মানুষটির উপর, তত ভয় ছিল। এই আশুদাদাও গিয়েছিলেন দেওঘরে। পাণ্ডাদের মহল্লায় বেশ একটা বড় বাড়িতে বাসা হয়েছিল। কয়েকখানা ঘর পড়ে ছিল—তার মধ্যে একটাতে ছিল বোলতার চাক। একটা শ্বিপ্রহরে চারদূর সঙ্গে সেই ঘরে প্রবেশ করে দুজনে বোলতাদের বিরুদ্ধে যুদ্ধ ঘোষণা করে দিলাম। ছোট ছোট ঢেলা সংগ্রহ করে এনেছিলাম পূর্ব থেকেই। ঢেলা ছুঁড়তে শুরু করলাম। ঢেলা লাগে না। তখন চারদুই বললে—একটা লম্বা কিছু নিয়ে খোঁচা দিলে কি হয়?

কি যে হয় তা চারদু কয়েক মিনিটের মধ্যেই উপলব্ধি করলে। লম্বা একটা কিছু—বোধ হয় ঘর ঝাড়বার জন্য একটা বাথারি-জাতীয় কিছু—বাড়িওয়ালারা বাড়িতেই রাখত—সেটা দিয়ে খুঁচিয়ে দিলাম। বোলতারা ভেঁ-ভেঁ করে উড়ল—উড়ে তেড়ে এল। আমি বুঝে নিলাম কি হবে। সঙ্গে সঙ্গে ভেঁ-দৌড়—পিছনে অনুসরণ করছে বোলতা। আমি ঘর থেকে বেরিয়েই দরজাটা দিলাম টেনে। চারদু চীৎকার করতে লাগল ঘরের মধ্যে। মর্মান্তিক আত্ননাদ। আত্ননাদ শুনে ওদিক থেকে আশুদাদা চীৎকার করে শাসন করলেন চারদুকে, আমি আর দরজা খুলতে সময় পেলাম না, পারিলে এসে ঢুকলাম বাবার বিছানায়। চারদু বোলতার কামড়ে ফুলে ঢোল হয়ে উঠেছিল। তবু সে আমার উপর রাগ করেনি। তবে চারদুটা ছিল বুদ্ধিহীন, আশুদাদা বলতেন—মাথাঘোটা। দুর্ভাগিনী চারদু আজও বেঁচে আছে। ভাইদের সংসারে নিঃসন্তান চারদু জীবনের ভার বহন করে চলেছে। দুর্দান্ত মদুখরা মেয়ে। আমি যখন দেশে যাই, তখন সর্বাগ্রে দেখা হয় চারদুর সঙ্গে। চারদুর ভাইয়েরা গ্রামের ভিতর থেকে সরে এসে স্টেশনের ধারে বাড়ি করেছে। আগে থেকে খবর জানা থাকলে চারদু পথের উপরেই দাঁড়িয়ে থাকে নইলে আমার সাড়ায় বাড়ি থেকে বেরিয়ে এসে ছানি-পড়া চোখের মোটা কাচের চশমা আমার মদুখের উপর তুলে আমায় দেখে বলে, এলেন? ওরে বাপ রে, বাপ রে, বাপ রে! এক যুগ পরে? বলে সেই পথের উপরেই ভূমিষ্ঠ হয়ে প্রণাম করে।

আমি বলি—ভালো আছি স তুই?

—ভালো? ভালো কি করে থাকব, বেঁচে রয়েছি যে! চারদু হাসে। চারদুর পরে এল বন্ধুরা। প্রথম বন্ধু কে তা ঠিক স্মরণ হচ্ছে না, দুজন প্রায় এক সঙ্গেই এসেছিল। একজন লক্ষ্মীনারায়ণ—অন্যজন প্রতুলকৃষ্ণ। ডাকনাম—নারায়ণ আর খোকা। শান্তশীল আর অশান্তশীল। একজন যত শান্ত, যত মধুর প্রকৃতি, অপরিজন তত অশান্ত তত বিচিত্র দুর্ভবুদ্ধি। নারায়ণ স্বর্ণাঙ্গী নির্মলশিববাবুর মেজ বোনের ছেলে, যাদবলালবাবুর দৌহিত্র, তার মা গ্রামের মেয়ে, আমার মায়ের

সমবয়সী, কিছু ছোট, সখী। তিনি ছেলেকে কোলে নিয়ে এলেন। নারাণের সঙ্গে আমার বন্ধুত্ব হয়ে গেল এক মৃদুহৃদে। আমার ছিল বিখ্যাত কার্তিক-গড়িয়ে মতি-লাল মিস্টারী হাতের তৈরি দুটি কার্তিক ঠাকুর। একই হাতের তৈরি, কিন্তু একটি ছিল খারাপ। খুব তাড়াতাড়ি গড়া বলেই এমন হয়েছিল। মতি বোধ হয় বিরক্ত হয়ে গড়েছিল। আমিই দুটির নামকরণ করেছিলাম—বাবু-কার্তিক, আর পেয়াদা-কার্তিক। আমি ছিলাম দুই কার্তিকেরই মালিক, সুতরাং আমি অনুগ্রহ করে নিতাই নারাণকে দিতাম পেয়াদা-কার্তিক। কোনো-কোনোদিন জেদ ধরত, আজ বাবু-কার্তিক নেবেই সে। আমি তখন বলতাম—তবে আমি খেলবই না। তারপর জানালার গরাদ ধরে জানালায় উঠে দেওয়ালের, কুলদুগ্ধিতে হাত পুরে বাইরে আনতাম আর আকাশে উড়িয়ে দিতাম কাল্পনিক পাখরা।

—এই—গিরে মদা—হুস—ধা!

গিরে মদা, অর্থাৎ গিরি নামক কোনো ব্যক্তির কাছ থেকে কেনা মন্দাটা।

—এই—তিলে মাদী—হুস—ধা!

অর্থাৎ তিলের মতো অজস্র কালো বিন্দু আছে গায়ে যে মাদী পায়রাটার—সেইটা।

এ-সব নাম এবং এই পাররা ওড়ানোর ভঙ্গি শিখেছিলাম আশুদাদার ভাইপো যষ্ঠীর কাছে। যে যষ্ঠী নির্মলশিববাবুর সমবয়সী, থিয়েটারপ্রসঙ্গে যার নাম এর

নারাণ অবশেষে পেয়াদা-কার্তিক নিয়েই খেলতে রাজী হত। এর পরে বয়স বাড়ার সঙ্গে সঙ্গে খেলার ধারা পাল্টাল। নারাণের সঙ্গে বন্ধুত্ব ক্ষীণ হল না। বোধ হয় তখন আট-দশ বছর বয়স, তখন থেকে একটা নতুন খেলা খেলতে শুরু করেছিলাম আমরা দুজনে। রামায়ণ খেলা। খেলাটা আমার আবিষ্কার। তখন রামায়ণ পড়েছি, তিন-চারবার তো নিশ্চয়। রামায়ণের কাহিনী কণ্ঠস্থ। এমন কি, বানর সেনাপতিদের সূগ্রীব-তাংগদ-নল-নীল-গয়-গবাক্ষ করে সমস্ত নাম—মহাবীর হনুমান তো বটেই, ওদিকে রাক্ষস সেনাপতি খর, দুষণ, ভস্মলোচন, অতিকায়, তরণীসেন—সব নাম মৃদুস্থ। আমাদের দেশে গেরুয়া রঙের খোয়াইয়ের মধ্যে অজস্র বিচিত্র আকারের বিচিত্র বর্ণের—লাল নীল সবুজ নুড়ি ছড়ানো। সেই নুড়ি কুড়িয়ে আনতাম পকেট এবং আঁচল ভর্তি করে। তার থেকে রঙ এবং আকার মিলিয়ে কোনোটিকে করতাম রাম, কোনোটিকে লক্ষ্মণ, কোনোটি হনুমান, কোনোটি রাবণ, কোনোটি কুম্ভকর্ণ, কোনোটি অতিকায়, কোনোটি মেঘনাদ। বারান্দায় খড়ি দিয়ে সেতুবন্ধ থেকে স্বর্ণলংকা এঁকে দুইদিকে প্রস্তর বাহিনী সাজিয়ে রামলীলা হত। তালশিরের কাঠিতে সুতো বেঁধে হত ধনুক এবং কুণ্ডিকাটি ভেঙে করতাম তীর। সীতাহরণ থেকে সীতা-উদ্ধার পর্যন্ত এই খেলা চলত। বলা বাহুল্য, আমিই বেশির ভাগ নিতাম রামপক্ষ, নারাণকে নিতে হত রাবণপক্ষ। তাই নিত নারাণ। নারাণের চরিত্রের মধ্যে ছিল নির্মলশিববাবুর ওই মহৎ গুণের প্রতিফলন—অক্লান্ত-গুণ। আরও গুণ তার ছিল—সে ছিল সত্যাকারের সমাজ-কর্মী। প্রথম যৌবনে—

চরকা খন্দর নিয়ে সংগঠনে সত্যকারের শক্তির পরিচয় দিয়েছিল। কিন্তু ওই এক পথে, যে পথে নির্মলশিববাবু হয়েছেন সাধন-দ্রষ্ট, সেই পথে নারাণও হল সাধন-দ্রষ্ট। সে-কথা থাক। বয়স বাড়ার সঙ্গে সঙ্গে চোন্দ-পনরো বছর বয়সে—আবার খেললাম নতুন খেলা। তখন আমরা দুই দলের দুই নেতা। আমরা যুদ্ধ করলাম। ওই যুদ্ধের খানিকটা ছাপ আছে ‘ধাত্রী দেবতার’ প্রথমে।

তারপর বয়স বাড়ল। বন্ধুত্ব বিচিত্রভাবে পরিণত হল সম্পর্কে। সে হল আমার ভগ্নিপতি—আমি হলাম তার ভগ্নীপতি। কিন্তু দুজনের জীবনপথ ধীরে ধীরে সরতে শুরুর করছে তখন। বলতে ভুলেছি সাহিত্যচর্চা, তাও শুরুর করেছিলাম দুজনে একসঙ্গে। নিত্যগোপালবাবুর কবিতা লেখা দেখে আমরাও কবিতা রচনা করলাম—

“শারদীয়া পূজা যত নিকট আইল
তত সব লোকদের আনন্দ বাড়িল।”

আর এরই মধ্যে এল প্রতুলকৃষ্ণ—থোকা।

চারুর জ্ঞাতি-ভাই থোকা। নিত্যগোপালবাবুর আপন খুড়তুত ভাই। আমরা ইস্কুলে এক ক্লাসে ভর্তি হলাম। থোকা, আমি আর শিবকৃষ্ণ—তিনজন ছাত্র ক্লাসে। থোকা প্রথমবার হল ফাস্ট, হয়ে ডবল প্রমোশন নিলে। আমি সেকেন্ড, ক্লাস প্রমোশন পেলাম। শিবকৃষ্ণ থার্ড, ফেল হল। কিছুদিন পর থোকাকে একদা দেখলাম, গ্রীষ্মের শ্বিপ্রহরে আমাদের ঠাকুরবাড়িতে ঘুরছে। আমাকে ডাকলে। আমি গেলাম। অনেক কথা হল। সে সমস্তই হল কেমন করে নির্মলশিববাবু-নিত্যগোপালবাবুর মতো ফ্যাশনেব্ল হওয়া যায়। থোকা বললে—ওরা দাড়ি কামায়। ওরা ছ-আনা দশ আনা চুল কাটে। তাই এমন সুন্দর দেখায়। সে বের করলে একটা কাঁচি, এবং প্রস্তাব করলে সে আমার চুল কাটবে—আমায় কামিয়ে দেবে, আমি করব তার ক্ষৌরকর্ম। সে প্রথমেই আমার মাথার পিছনে চালালে কাঁচি। তারপর বললে, ঠিক হয়েছে। এইবার দাড়ি। কিন্তু দাড়ি তো নেই, কি কামাবে? অথচ না কামালে চলবে না। অতএব ভুরুর উপর চালালে কাঁচি। তারপর আমি ধরলাম কাঁচি। কয়েক মূহুর্ত পরে যথাসাধ্য সুন্দর করে তাকে ছেড়ে দিলাম।

মা পিসিমা মধু দেখে অবাকবিস্ময়ে চেয়ে লেন।

থোকার কথা অনেক।

তেরো

থোকার কথা অনেক।

আমার চেয়ে দেড় বছরের বড়; হিলহিলে লম্বা। কথায়-কথায় ফিক্-ফিক্ করে হাসত। দারুণ দৃষ্টিও তার সে হাসি বন্ধ হত না। মায়ের একমাত্র সন্তান। প্রকাণ্ড একটি পরিবারের মধ্যে বড় হয়ে উঠেছে। থোকার বাপ-খুড়োরা ছয় ভাই। সে-আমলের নিয়ম অনুযায়ী থোকার মা-খুড়ি-জেঠীদের আসল নাম কেউ জানে না।

বউরা বাড়িতে পদার্পণ করবামাত্র নামকরণ হত—মতি-বউ, য়ুই-বউ, বেলি-বউ, শরৎ-বউ, মানিক-বউ, রানী-বউ, সৌরভ-বউ ইত্যাদি। বউদের নামের মধ্যে মূল্য এবং সৌন্দর্য্য দ্বাই বোধেই পরিচয় চোখে পড়বে। সমাদর যেখানে বেশি সেখানে মানিক-বউ নাম পেতেন বউ-মানিক, রানী-বউ হতেন বউ-রানী। খোকার মায়ের নাম ছিল—য়ুই-বউ, লোকে ডাকত য়ুই-বউ বলে। অতি শান্ত সরল মিষ্ট প্রকৃতির ছোটখাটো মানুষ ছিলেন, গায়ের রঙ ছিল কাঁচা সোনার মতো। অঙ্গবয়সে বিধবা হয়েছিলেন। শূদ্ধ তাই নয়, সে বৈধবোর আঘাত যেমন আকস্মিক তেমনি প্রচণ্ড ; ছোট দেওরের বিবাহে গেল তাঁর বড় ছেলে, খোকার দাদা অতুল, আর ফিরল না, কলারায় মারা গেল। সেখান থেকে ফিরেই তিন দিন কি চার দিনের দিন মারা গেলেন স্বামী। কয়েকটা দিনের মধ্যে বাড়ির আনন্দ-আয়োজনের আসরে য়ুই-বউদি একসঙ্গে হারালেন স্বামী পুত্র। য়ুই-বউদি মারা গেছেন গত বৎসর ১৩৫৬ সালে। খোকার উপর তাঁর প্রত্যাশা কতখানি ছিল তা বদ্বতে পারিনি, কখনও কোনো উৎকণ্ঠা প্রকাশ করতে দেখিনি। খোকা কলকাতাতেই থাকে। আমি কলকাতা থেকে গেলে বউদির সঙ্গে দেখা হত ; কিন্তু কখনও প্রশ্ন করেননি—খোকার সঙ্গে দেখা-টোকা হয়নি ভাই? এর একটা কারণ আমার মনে হয়, এই সংসারটির সে-আমলের ভাবভাবিক অতি কঠোর ব্যবস্থার ফল। এরই জন্যে খোকা জীবনে হয়েছে অকৃতকার্য—বার্থ। নিত্যগোপালবাবুর নাম পূর্বে করেছি—তিনি এই বাড়ির জ্যেষ্ঠ সন্তান, ভগবানের অজস্র প্রসাদ নিয়ে জন্মগ্রহণ করেছিলেন, দুর্লভ রূপ, দুর্লভ মধুর কণ্ঠস্বর, তেমনি ক্ষুরধার বুদ্ধি, স্মৃতিশক্তি ; বলেছি তো অজস্র প্রসাদ। সংসারের এই কঠোর ব্যবস্থার ফল তাঁর জীবনের বার্থতার অন্যতম কারণ। অন্তঃপুরে খোকার কুণ্ডলিনী পিসিমা ছিলেন সর্বময়ী কদ্রী, বাইরে কতী ছিলেন ওঁদের সেজকাকা। একজন জ্বলন্ত চুল্লী, অপরজন উত্তপ্ত কড়াই। ষোলো-সতেরো বয়স যখন নিত্যগোপালবাবুর—যখন তিনি এণ্ট্রাস পরীক্ষা দেবেন তখনও বৈদ্যঘাতে তাঁর পিঠ জর্জরিত করে দিয়েছেন সেজকাকা। তাঁর প্রচণ্ড শাসনের অন্তরালে ছিল এমন উচ্চাশা, যা মানুষকে পুড়িয়ে ছারখার করে দেয়। সম্ভবত, সম্ভবত কেন—নিশ্চয়ই, তার উগ্র উচ্চাশা ছিল এই যে, তাঁদের বাড়ির ছেলেরা প্রত্যেকেই হবে স্কুলের পরীক্ষায় প্রথম, মাইনরের পর থেকে এণ্ট্রাস, এফ. এ., বি. এ., এম. এ.-তে বার্ত্তি পাবে, প্রথন হবে, পরিশেষে হবে ম্যাজিস্ট্রেট অথবা জজ। এই গ্রামের অপর যে সকল পরিবারের মাথা তাঁদের পরিবারের মাথা থেকে উঁচু হয়ে আছে, সেগুলিকে অবনত করে দেবে। তাঁর সকল শাসন ছিল—গ্রাম্য ঈর্ষ্যা-বিশ্বেষের উত্তাপে উত্তপ্ত। সে-আমল ; দৃষ্টি একমাত্র আদর্শ ছিল সরকারী চাকরির প্রতি। নইলে নিত্যগোপালবাবুর প্রতিভার বিকাশে তাঁর সে আকাঙ্ক্ষা পূর্ণ হতে পারত। থাক। খোকার কথা বলি। খোকারও ছিল মিষ্ট কণ্ঠস্বর এবং তার বুদ্ধিও ছিল তীক্ষ্ণ ; সে আর কিছু পারুক-না-পারুক, পরীক্ষা পাস করে বি. এ. ডিগ্রি নিয়ে কোনো বড় অপিসের হেডক্লার্কও হতে পারত। কিন্তু সেজকাকার শূভ কামনার উগ্রতা সে সহ্য করতে পারলে না। ক্লাসে সে ফার্স্ট হতেই সেজকাকা হেড মাস্টারকে ধরে তাকে ডবল প্রমোশন দেওয়ালেন। খোকা পড়ত

আমার সঙ্গে, আমাকে পিছনে ফেলে উপর চলে গেল—সেজঁকাকার উগ্র উচ্চাশা সেদিন পরিভূত হয়েছিল সাময়িকভাবে। তারপর অন্তরালে যা ঘটে গেল—সে দেখবার দৃষ্টিও তাঁর ছিল না, অবকাশও ছিল না। বেচারা শিশু হাঁটুজলে সাঁতারে পারঙ্গ-মতা দেখিয়েছে বলে তাকে অগাধ জলে ঠেলে দিয়ে পাড়ের উপর দাঁড়িয়ে প্রতীক্ষা করে রইলেন—মধ্যসমুদ্র থেকে তুলে আনুক সহস্রদল পশ্চাট, যার মধ্যে ঘুমিয়ে আছেন কমলালয়া লক্ষ্মী। প্রথম ভাগ পড়ে (সত্যসত্যি প্রথম ভাগ, পাঠ্য-বইয়ের নাম ছিল শিশুপাঠ—প্রথম ও দ্বিতীয় ভাগ সংক্ষিপ্ত করে সে এক বিচিত্র বই) ফাস্ট হয়ে বলে খোকাকে ঠেলে উঁচুতে তুলে দ্বিতীয় ভাগ বাদ দিয়ে—তার সামনে প্রায় ধরে দেওয়া হল চারুপাঠ। খোকা বেচারা—চারুপাঠে ভীমভীষণ ঝগড়াতিড়িত ‘উত্তাল তরঙ্গমালা: বিক্ষুব্ধ অর্ণববক্ষে’ পড়ে গিয়ে ডুবে গেল অর্ণবহলে, অথবা উত্তাল তরঙ্গমালায় তিড়িত হয়ে উবর বালুবোলায় নিক্ষিপ্ত হল যে বেলাভূমে—মুন্ডা তো দূরের কথা, বিনুক শামুকের একটা কুঁচি পর্যন্তও নাই। পালাতে লাগল খোকা। বাড়িতে পড়তে বসে পালাতে লাগল, স্কুলে ক্লাশ থেকে পালাতে লাগল, মিথ্যা কথা বলতে শিখল বাধ্য হয়ে, ছেলেমানুষ অপটুভাবে মিথ্যা বলত। প্রথম প্রথম পালাবার স্থান আবিষ্কার করলে—‘পেমেনা’ নামক এক গন্ধবাগিকনন্দন বন্ধুর বাড়িতে। বসে থাকত, তামাক খেত। ক্রমে সে-স্থানের সম্ভান জানাজানি হতেই যত্র-তত্র ধানমান হল।

তখনক দিন পরের একটা ঘটনার কথা বলছি। তখন আমার ফাস্ট ক্লাস। খোকা তখনও ফোর্থ ক্লাস। সেই বোধ হয় স্কুলে শেষ বৎসর খোকাকার। আমার ক্লাস থেকে বেরিয়ে আমি লাইব্রেরির দিকে যাচ্ছি : বড় হলের মধ্য দিয়ে পথ : হলে দুটো ক্লাস বসে পাশাপাশি—ফোর্থ ক্লাস আর থার্ড ক্লাস। ফোর্থ ক্লাসে পড়াচ্ছিলেন আমাদের সেকেন্ড মাস্টারমশাই ননীবাবু, তিনি আমায় দেখেই হঠাৎ বললেন—এই হয়েছে। শোন তো তারাকঙ্কর।

দেখলাম, খোকা দাঁড়িয়ে মূর্চকি মূর্চকি হাসছে। বইয়ের আড়াল দিয়ে অবশ্য। সেকেন্ড মাস্টার বললেন, শ্রীমান প্রভুলকৃষ্ণের বাড়ি তো তোমাদের পাশেই। এক খিড়িকির ঘাটেই তো আচরণ তোমাদের। বলতে পার—শ্রীমান প্রভুলের মা নাকি কাল খিড়িকির ঘাটে পা পিহলে পড়ে অজ্ঞান হয়ে গিয়েছিলেন?

কি বলব ভেবে পেলাম না। এমন কোনো সংবাদও শুনিনি, তার উপর আজই তাঁকে বকতে শুনছি। খোকাকেই বকছিলেন।

আমি বিরত হলাম, কিন্তু খোকা হেসেই চলল সমানে।

মাস্টার মশাই বললেন, অতঃপর আজ তোমাদের বাউরীপাড়ায় একটা নাকি দাঙ্গা হয়ে গেছে?

দাঙ্গা হয়েছে কি না জানি না, তবে বাউরীপাড়ায় ঝগড়া তো লেগেই থাকে, আজ সকালেও গোলমাল একটা শুনছি। হঠাৎ প্রতুল বলে উঠল, এই ডাক্তারবাবুকে শুধান না স্যার। বাঁকা বাউরী আর নন্দ বাউরীর শালায় মধ্যে ঝগড়ায় লাঠালাঠিতে নন্দের মাথাটা দু-ফাঁক হয়ে গিয়েছে কি না? বলুন না ডাক্তারবাবু?

ডাক্তারবাবু স্কুলে কোনো প্রয়োজনে এসে হলে মাত্র প্রবেশ করেছেন। হেসে

ডাক্তারবাবু বললেন, দু-ফাঁক ঠিক নয়, তবে কেটে খানিকটা গিয়েছে। খোকাই নিয়ে এসেছিল তাকে ডাক্তারখানায়। কিন্তু সে-কথা এখানে কেন? কি ব্যাপার?

মাস্টার বললেন, আমি পরশু শ্রীমান প্রতুলকে আলটিমেটাম দিয়েছি যে, বেতন নিয়মিত দিলেই যে তুমি এই ক্লাসের বৈশিষ্ট্যে বসতে পাবে, তা পাবে না। হয় পড়া-শুনা কর, নয় স্কুল ছাড়। পাক্সা উচ্ছেদের নোটিশ। কি প্রতুল, বল, কথা ঠিক কি না?

খোকার নাকের নিচের অংশটা খোলা বইটায় ঢাকা, উপরের অংশটা দেখা যাচ্ছিল, সে ঘাড় নেড়ে জানালে—হ্যাঁ, কথা ঠিক।

খোলা বইয়ের আড়ালের অন্ধকারে ঠোঁটের উপর মুচ্যক হাসি ঘন ঘন খেলে যাচ্ছিল, সে সত্য অন্ধকার ঘরে শব্দ তুলে ছোট্ট ইন্দুরের ছুটে বেড়ানোর মতো শব্দের ইঙ্গিতেই আত্মপ্রকাশ করছিল। খোকার মুখের আড়াল দেওয়া বইয়ের ভিতর থেকে শব্দ উঠাছিল খুক-খুক-খুক। মাস্টার মশায় বললেন, কিন্তু কাল পড়া জিজ্ঞাসা করতেই, ঠিক এমনিভাবে বইয়ে মদ্য ঢেকে দাঁড়াল এবং কড়িকাঠের দিকে চেয়ে দাঁড়িয়ে রইল। অবশেষে বললে—কাল খিড়িকির ঘাটে পড়ে গিয়ে ওর মা সাংঘাতিক অঘাত পেয়েছেন—শয্যাশায়ী হয়ে রয়েছেন, তাঁর সেবা করতে গিয়ে পড়া করবার অবকাশ পায়নি। মাতৃভক্তি, মাতৃসেবার পুরস্কার দিতে না পারি, তিরস্কার কি করে করি? কাল সন্তুণ্ট মনে মার্জনাই করেছিলাম। আজ জিজ্ঞাসা করলাম পড়া, আজও ঠিক কালকের অবস্থা—দেখুন না, বইয়ে মদ্য ঢেকে দাঁড়িয়ে রয়েছে। আজ বলছে—বাউরীপাড়ায় ভীষণ দাঙ্গা বেধেছিল কোনো এক বাউরী-বধূকে নিয়ে : দুই বীর-পুংগবে ম্বন্ধবৃন্দ, সে যুদ্ধ থেকে কেউ তাদের নিবৃত্ত করতে পারেনি—অগত্যা ওকেই যেতে হয়েছিল রণাঙ্গনে। যুদ্ধমান দুই বীরের উদ্যত মহাস্থের মধ্যস্থলে উপবীতধারী দেবতার মতো দাঁড়িয়ে ওকে বলতে হয়েছে—ক্ষান্ত হও। নতুবা ভস্ম করে দেব। তবে তারা ক্ষান্ত হয়েছে। কিন্তু ওখানেই শেষ নয়, বিচার করতে হয়েছে—ওই কন্যাটি বীর প্রাপ্য—

খোকা বললে, তারপর নন্দার শালায় কথা ফেটেছিল, তাকে—

ডাক্তার বললে, হ্যাঁ, তাকে আমার কাছে এনেছিল। একটু টিংচার জাইডিন দিয়ে বেগ দিলাম।

মাস্টার মশায় বললেন, তবে আজও তোমার মার্জনা। জনসেবার পুরস্কার দিতে না পারি, তিরস্কার করব কি করে? বস প্রতুলচন্দ্র। যাক, তাগে তার গোড়ার কথা বলি।

প্রতুল ডবল প্রমোশন নিয়ে পরের বার ফেল হল পরীক্ষায়। প্রতুলের সেজ-কাকা যত চটলেন প্রতুলের উপর, তত চটলেন পরীক্ষকদের উপর। তিনি বেগে ইস্কুলে গেলেন এবং রাগারাগি করে প্রতুলকে প্রমোশন দেওয়ালেন, এবং আমাদের বাড়িতে আমার গৃহশিক্ষকের কাছে পড়ার ব্যবস্থা করে দিলেন। কিন্তু তখন তার শিশুমন অরণ্যবাহির উত্তাপে আতঙ্কিত কুরঙ্গশিশুর মতো পলায়নপর। জীবনে সে আতঙ্ক ব্যাধির মতো পেয়ে বসেছে। সে একমাত্র পথ আবিষ্কার করেছে—পলায়ন।

সে পালাতে চায়, ছুটে পালায়, জ্ঞানরাজ্য সমাদর করে ডাকলেও সে কণ্ঠপাত করে না। নিত্য সন্ধ্যায় সে পড়তে আসত। আমার গৃহশিক্ষক রজেন্দ্র মন্ডল মহাশয় দুর্বলদেহ মানুষ ছিলেন। তার উপর ছিল তাঁর নিতান্ত অল্পবয়স। অতি সংপ্রকৃতির আন্তরিকতাপূর্ণ মানুষ ছিলেন, স্কুলে পড়াতেন কঠিন পরিশ্রম করে। পড়ানোর সূচীর মধ্যে তাঁর কাজ ছিল—ড্রিল শেখানো। প্রায় দু-ঘণ্টা—দুটো থেকে চারটে—নিজে ড্রিল করে দেখিয়ে ড্রিল শেখাতেন। স্কুল থেকে ফিরতেন একেবারে ক্লান্ত হয়ে। সন্ধ্যায় পড়াতে বসে পড়াগদলি দেখিয়ে বদ্বিষয়ে দিয়ে তিনি প্রায়ই ঘুমিয়ে পড়তেন। যেমন তাঁর নাক ডাকা শব্দ হত, অমনি থোকা পড়া বন্ধ করত। দু-মিনিট—তিন মিনিট—পাঁচ মিনিট অন্তর পড়া বন্ধ করত, এক মিনিট দু-মিনিট তিন মিনিট নীরব থাকত আবার শব্দ করত—মনোহর ইক্ষুদন্ড, মনোহর ইক্ষুদন্ড, মনোহর ইক্ষুদন্ড। তারপর হঠাৎ আমার হাতখানা চেপে ধরত; আমি মৃদু তুলে চাইলেই ফিক্ করে হেসে ফিসফিস করে বলত—আমি চললাম। ব্রু, কুণ্ঠিত করে মাথা নেড়ে ইংগিতে প্রশ্ন করতাম আমি—কোথায়? বা কেন?

সে বলত, বাড়ি।

আমি পড়তে পড়তেই আঙুল দেখিয়ে দিতাম মাস্টারের দিকে।

সে বলত, বলো তার মা ডাকছিল।

থোকাদের বাড়ি এবং আমাদের বৈঠকখানাবাড়ি সামনাসামনি, মাঝখানে হয়তো দশ ফুট চওড়া একটা গ্রাম্য রাস্তা। ওদের বাড়ির কথাবার্তা আমাদের এখান থেকে স্পষ্ট শোনা যেত। ওই কথা বলেই থোকা বই বগলে নিয়ে অন্ধকার রাস্তায় আমাদের বৈঠকখানার উঁচু দাওয়া থেকে ঝপ করে লাফিয়ে পড়ত। সিঁড়ি বেয়ে নামবার বিলম্ব তার সেই না। মিনিট দুয়েক পরেই শোনা যেত থোকার পিসিমার উচ্চ কণ্ঠের কথা—এরই মধ্যে তোর পড়া হয়ে গেল থোকা?

এর উত্তরে থোকা কি বলত শোনা যেত না। কিন্তু ওর পিসিমার কথা শোনা যেত—ভাত খেতে চলে গেল? এই তো সন্ধ্যা। এরই মধ্যে ভাত খেতে গেল?

এবার থোকার কথা শোনা যেত। সে এবার উচ্চকণ্ঠেই জবাব দিত, না? গেল না? মাস্টার সন্ধ্যা বেলাতেই খেয়ে নেয়। ভূতের ভয় মাস্টারের। ওর নাম ব্দ-ব্দ মাস্টার, তা জান না—না কি? আমি হঠাৎ চমকে উঠতাম মাস্টার মশায়ের ডাকে—পড়। তুই নিজে পড়।

মাস্টার জেগে উঠেছেন ইতিমধ্যে। সম্ভবত থোকার পিসিমার উচ্চ কণ্ঠস্বরেই জেগে উঠতেন, এবং নিজের ‘ব্দ-ব্দ মাস্টার’ নাম শব্দে লজ্জা পেতেন। তার প্রতি-ক্রিয়ায় ক্রুদ্ধ হতেন।

থোকার পিসিমা বলতেন, এই খানিকক্ষণ পড়ানোর জন্যে মাসে দু-দুটো টাকা? বলাছি আমি সাতনকে। এ যে গালে চড় মেরে টাকা নেওয়া!

তিনি বকেই যেতেন।

এদিকে ক্রোধ মাস্টারের মনে খোঁচা-খাওয়া সাপের গর্তে ঘুরপাক খাওয়ার মতো ঘুরপাক খেত।

এ লজ্জা তিনি রাখবেন কোথায়! ছাত্রকে না পড়িয়ে তিনি ফাঁকি দিয়ে টাকা নিয়ে থাকেন! বদ-বদ মাস্টার নামের লজ্জাও লঘু হয়ে যেত।

অথচ এ নামটায় তাঁর ছিল অপারিসমীম লজ্জা। আমাদের বাড়ির ঠাকুর তরুণ ক্ষুদ্রিরাম নিষ্ঠুর কৌতুক করে মাস্টারকে ভয় দেখিয়েছিল। ঠাকুর ক্ষুদ্রিরাম মাস্টার মশায়ের চেয়েও অল্পবয়সী ছিল। মাস্টারের বয়স ছিল কুড়ি-বাইশ, ক্ষুদ্রিরামের ছিল সতেরো-আঠারো। আমাদের বৈঠকখানা থেকে ভিতর-বাড়ি যেতে একটি দীর্ঘ গলিপথ অতিক্রম করতে হয়। দূ-পাশেই আমাদের নিজেদের লোকের বাড়ি-ঘর। আমার জ্যেষ্ঠামশায় পেরেছিলেন আমাদের পুরানো বাড়ি, সে-বাড়ির অনেক অপবাদ। একটা পুরানো ডুমুর গাছ গলির মাথায় ছত্রছায়া মেলে থাকত। সেখানে নাকি কেউ থাকতেন, মধ্যে মধ্যে দূটো পা ঝুলতে দেখা যেত—চকিতের মতো ; এই বাড়িতেই ছিল একটা শিউলীগাছ, সেখানেও কেউ থাকতেন নাকি—তাঁর মাথা ন্যাড়া, পায়ে খড়ম। তিনিও মধ্যে মধ্যে দেখা দিতেন, এবং তিনি দেখা দিলেই নাকি আমাদের পরিবারের মধ্যে কাউকে যেতে হত। এই ভৌতিক গোরব বা অপবাদগ্রস্ত গলি নিয়েই হোক বা অন্য কোনো হেতু হতেই হোক, মাস্টার মশায় ক্ষুদ্রিরামের ভূত সম্পর্কীয় কুসংস্কার দূর করতে চেয়েছিলেন। অনেক নজীর দেখিয়েছিলেন, বিজ্ঞান-বাদ বন্ধাতে চেয়েছিলেন, সায়েবদের দোহাই পেড়েছিলেন এবং ক্ষুদ্রিরামকে নির্বাক করে দিয়েছিলেন। ক্ষুদ্রিরাম তখন নির্বাক হয়ে সেই রাতে মাস্টার মশায় যখন খাওয়া-দাওয়া সেরে আমাদের বাড়ির ভিতর থেকে একাকী বৈঠকখানায় আসছেন, (সদৃশকৌশলে ক্ষুদ্রিরাম সেদিন মাস্টারকে একাই ফেলেছিল) তখন হঠাৎ ওই গলির মধ্যে এক স্থানে ঝরঝর শব্দ তুলে এক রাশি কিছুর বর্ষণ হয়ে গেল। সম্মুখেই ডুমুরতলা, তার ওদিকে শিউলীবৃক্ষ। মাস্টার মশায়ের রক্তকবচ—অভয়মন্ত্র বইয়ের মধ্যে আছে, বই তখন সাঙ্গে নেই। কাজেই তিনি বদ-বদ-বদ-বদ শব্দ করে আমাদের বাড়ির মধ্যেই ফের দৌড়ে গিয়ে পড়ে গেলেন। শব্দটা তিনি প্রাণ খুলেই করেছিলেন, পাড়ার লোকে শুনেছিল ; কাজেই ও-নামটা সেই দিন সেই ক্ষণেই করণ করে দিলে লোকে। মর্ম্মান্তিক লজ্জা সেই জন্যে। এ লজ্জাও তাঁর কাছে লঘু হয়ে যেত। টাকা নিয়ে ছাত্রকে পড়াতে তিনি ফাঁকি দেন! চোখ ফেটে তাঁর জল আসত। হতভাগ্য শিশুর মনের দৃষ্ট বন্ধে ওঠা সহজ নয়, সে-আমলে এ দিকটার বন্ধবার মতো আলোকপাতও হয়নি ; কিন্তু শিশুর প্রতি করুণা-মমতা মানুষের অন্তরের সহজাত বৃত্তি, জৈব প্রবৃত্তির মতো। অনেক ক্ষেত্রে শিশুকে হরণ করে পশু তাকে হত্যার পরিবর্তে পালন করেছে। মাস্টার মশায় হৃদয়বান মানুষ ছিলেন, তবুও পরদিন সন্ধ্যায় পড়তে এলেই তাকে ধরতেন মূলের মঠোয় চেপে। তারপর নির্মম প্রহার। কী কান্নাই কাঁদত প্রভুল! কিন্তু মাস্টার তাকে ছেড়ে দেবার কিছ্রক্ষণ পরেই সে চোখ মুছতে মুছতে আমার দিকে তাকিয়ে ফিক্ করে হেসে ফেলত। আমি তাকে বলতাম, আমি বলিনি রে। মাস্টার মশাই নিজেই শুনেছে।

সে হাড় নাড়ত—ঠিক ঠিক। তুমি বল নাই সে আমি জানি।

দু-চার দিন আমিও বলে দিয়েছি। যে-দিন ছুটি নেওয়ার ইচ্ছা হত, অথচ

থোকার পিসিমা ওঁদিকে কোনো গোল ভুলতেন না সেই দিন সে-দিন আমাকেই তুলতে হত সাড়া। ডাকতাম—মাশ-শাই —অর্থাৎ মাস্টার মশাই! স্যার! এঁদিকে টেনে নিতাম অঙ্কের খাতা।

—হুঁ!

—এটা হল কি না দেখুন।

—কি, পড়।

—অঙ্ক স্যার।

—এখন অঙ্ক নিয়ে বসলি কেন? উঠে বসতেন মাশ-শাই। নর্মাল ট্রেনার্সিক পাস ব্রজেন্দ্র পণ্ডিত অঙ্কশাস্ত্রে সত্যকার পণ্ডিত ছিলেন। কলেজ-ক্লাসের গণিতশাস্ত্র নিয়ে আপন মনেই কষে যেতেন। সে যে তাঁর কী আনন্দ, আমি তা ভুলব না। আবার কবিতাও লিখতেন, মস্ত খাতায় কবিতার পর কবিতা লিখে যেতেন। তিনি আজ নেই, কিন্তু কবিতার খাতার স্তূপ আছে। নাটকও লিখোঁছিলেন তিনি। সে-কথা থাক। থোকার কথাই বলি। জেগে উঠে বসে অঙ্ক দেখে বলতেন, কুড়কুড়ির ছা, ভুরভুরির মা, কষেছ তো ঠিক। বাঃ বাঃ! ওই বিচিত্র শব্দ দুটি তাঁর আবিষ্কার, ওর অর্থ তিনিই জানতেন। আমি যেটুকু বুদ্ধতাম, সেটুকু মাস্টার মশায়ের স্নেহের সমাদর। মাস্টার এর পর লক্ষ্য করতেন থোকা নেই।

—থোকা? পালিয়েছে?

—হ্যাঁ স্যার। বললে, জিজ্ঞাসা করলে বলিস, মা ডাকছিল।

—হুঁ!

এর পরই বলতাম—আমিও যাই স্যার।

—ওই ছোঁড়াই তোর লেখাপড়া হতে দেবে না। চল্।

তার পরদিন আবার থোকাকে সংপথে পরিচালনা করবার চেষ্টা করতেন। এ দিনের প্রহার তত নির্মম হত না। থোকা কাঁদত। আমার সঙ্গে কথা বলত না। কাঁদতে কাঁদতেই পড়ত। আমি মধ্যে মধ্যে তীব্র দৃষ্টিতে তাকাতাম, সেও তাকাত। একবার—দুবার—তিনবারের বার থোকা ফিক্ করে হেসে ফেলত।

এই সময়টুকুর বাইরে থোকার সঙ্গে আমার কোনও সঙ্গ ছিল না। তার জীবন যেখানে মনস্তির অবকাশ পেয়েছে, সেইখানেই সে গিয়েছে। বাড়ি ঘর সমাজ থেকে ছুটে পালিয়ে গিয়েছে, নিচের স্তর থেকে আরও নিচের স্তরে গিয়েছে। সে যেন খুঁজত অন্ধকার। যে অন্ধকারে মানব শৃংখলা-শাসন-লজ্জা-সমস্ত কিছু থেকে মুক্ত। সেখানে সে ছুঁত বুনো কালো ঘোড়ার মতো। গ্রীষ্মের ছুটিতে থোকা গামছা কাঁধে বের হল স্নান করতে। গিয়ে উঠল আমবাগানে। কাঁচা আম খেয়ে কামড়ে ছড়িয়ে দাঁত টকে গেলে উঠত তালগাছে। তাল কেটে খেয়ে জলে নেমে—পুকুরের পাঁক ঘুলিয়ে বাড়ি ফিরত প্রায় তৃতীয় প্রহরে। তখন ভাত খেলেও চলে, না-খেলেও চলে! সেজকাকা তখন ঘুমিয়েছেন। বাড়ির সবাই তখন ঘুমিয়েছেন। জেগে আছেন শুধু তার মা। এর পর হঠাৎ থোকা পেটের যন্ত্রণায় অধীর হয়ে চিৎকার করত। তারপর ভেদবর্মি। এই ভেদবর্মি তিনবার কলারার পর্ষায়ে উঠেছে।

আম জাম তাল এ-সবের সময় পার হয়ে গেলে খোকা ছুটত বিচিত্র আঁকাবাঁকা পথে। সমস্ত কথা ভুলে গিয়েছি। দু-বারের কথা বলছি। একবার হঠাৎ দেখি, খোকা থিয়েটারের স্টেজের ভিতর থেকে উঁকি মারছে। তখন পাকা স্টেজ হয়েছে। সামনেটা চট দিয়ে ঢাকা থাকে। সেই চটের একটা বড় ছিদ্র দিয়ে খোকার মুণ্ডটা বেরিয়েছে। সে মুণ্ডটা দুলিয়ে ডাকলে। লোভ সামলাতে পারলাম না। সে বললে, পিছনের জানালা দিয়ে এস। পিছন দিকে গিয়ে দেখলাম, জানালার একটা শিক নেই। শিকটা খোকা ছাড়িয়েছিল কি না খোকাই জানে। অন্য ছাড়িয়ে থাকলে সেটা খোকার চোখ এড়ায়নি। জীবনের যে-দিকটা পিছনের দিক, যে-দিকটায় জমে থাকে আবর্জনা, ভাঙা খোলা—সে-দিকটার খবর ছিল খোকার নখদর্পণে। ওর চোখে পড়তই। আমি যখন ওদিক দিয়ে ঘুরে গিয়ে ভিতরে ঢুকলাম, তখন সে এরই মধ্যেই সেজেগুজে বসে আছে। মাথায় সখীর পরচুলো—একটা বর্ণীওয়ালা চুল পরে দেওয়ালে ঝুলানো একখানা আয়নায় মুখ দেখছে আর ফিক্ ফিক্ করে হাসছে, বললে, কেমন লাগছে বল তো?

আমারও সে-দিন ভালো লেগেছিল। আমিও পরলাম একটা পরচুল। আয়নায় মুখ দেখলাম। খোকা বললে, বিশ্বমণ্ডলে আমি সাজব পাগলিনী, তুমি সাজবে চিত্তামণি। হোক?

আমি ঘাড় নেড়ে সম্মতি দিলাম, মুখে বললাম, হ্যাঁ।

—দস্তখচংবাবুর চেয়ে আমি ভালো পার্ট করব। দেখো তুমি। বলেই সে গানও এক কলি গাইলে—কেমন মা তা কে জানে?

দস্তখচংবাবু হল নিত্যগোপালবাবুর সে-আমলের একটা চটানে নাম। আমাদের গ্রামে ফুল্লরা দেবীর স্থানে মেলা হয়। সে মেলায় সে-কালে বড় বড় যাত্রার দল আসত। একবার কলকাতার থিয়েটার পার্টিও গিয়েছিল। সে-বার এসেছিল ফকির অধিকারী মশাইয়ের নামজাদা দল। মেলায় যাত্রা হল। দশখানা গ্রামের লোক দেখলে। দেখতে পেলে না কেবল আমাদের গ্রামের ভদ্রঘরের মেয়েরা। মেলায় মেয়েদের জন্যে আসরও করা হয়েছিল, কিন্তু তবু সেখানে যাওয়া চলত না সে-আমলে। হোক না কেন ফকির অধিকারীর দলের যাত্রাগান। এই কারণেই গ্রামের মেয়েরা পরামর্শ করে ঠিক করলেন—নিজেদের মধ্যে চাঁদা তুলে একদিন যাত্রাগান করাতে হবে।—গ্রামের ভিতরে তাঁরা চাঁদা তুলতে শুরু করলেন। কিন্তু দলের সঙ্গে কথাবার্তা বলবে কে? কর্তা, যাঁরা যাঁরা গ্রামের প্রধান তাঁদের কাছে এ-কথা বলতে সাহস হল না। তাঁরা এসব কাজ কখনও করেন না। মেয়েরা ধরলেন নিত্যগোপালবাবুকে। নিত্যগোপাল নিজে সুকণ্ঠ গায়ক—গান-বাজনায় গভীর আসক্ত। তার উপর অফুরন্ত প্রাণশক্তি, পনেরো-ষোলো বছরের উৎসাহী ছেলে—সঙ্গে সঙ্গেই ঘাড় নেড়ে সায় দিয়ে ঘাড় পেতে তুলে নিলেন দায়। দলের ম্যানেজারের সঙ্গে কথা বলে এলেন। দলের ম্যানেজারের কাছে এ ধরনের বায়না নতুন নয়। তখন বাংলা দেশের কোনো বর্ধিষ্ণু গ্রামে যাত্রার দল তিন দিনের বায়নায় গেলে অন্তত ছ-দিন গান গেয়ে তবে বের হত গ্রাম থেকে। এ-পাড়ার মেয়েরা ও-পাড়ায় যায় না, এ-বাবুর বাড়ি ও-বাবু

যায় না, বাবুদের পাড়ায় দোকানী-পাড়ার লোকেরা বসতে পায় না ; সূতরাং তিন দিন মূল বায়নার পর তিন দিন বাড়তি গাওনা গেয়ে তবে তারা ফিরত। এ-সব ক্ষেত্রে দক্ষিণাও কম নিত। খাওয়া-দাওয়া এবং শীতান্তে শীতবস্ত্রের 'সেল প্রাইসের' মতো 'কম-সম' দক্ষিণা নিয়েই গান গাইত। আর মেয়েদের উদ্যোগের প্রতিভা হয়ে এই রকম কিশোর ছাওয়ালরাই আসে বরাবর। দিনে চাল ডাল মাছ এবং রাতে ঘি ময়দা, আসরে পান তামাক আর টাকা পণ্ডাশেক দক্ষিণায় বায়না হল। দশ টাকা বায়নাও দেওয়া হল। ম্যানেজার পাকা লোক, বললেন, শর্তগুলো কাগজে লিখে কিন্তু একটা সই করে দিন।

নিত্যগোপালবাবু বললেন, বেশ তো। বলেই কাগজ কলম নিয়ে খস-খস করে লিখে দিলেন।

ম্যানেজার বললেন, সইটা—? সইটা কি—

—আমিই করব। বলেই সই করে দিলেন—এন. জি. মুখার্জি।

সন্ধ্যায় যাত্রার দলের সাজ-পোশাক নিয়ে গরুর গাড়ি এল। সাজঘরে আলো জ্বলছে, আসরও পড়েছে; কিন্তু নিত্যগোপালবাবু তখন লুটকিয়ে পড়েছেন। সন্ধ্যা পর্যন্ত যে টাকা উঠেছে তার পরিমাণ দেখে তিনি কিংকর্তব্যবিমূঢ় হয়ে পড়েছেন। চাল-ডাল ঘি-ময়দা মাছ-তরকারি উঠেছে; কিন্তু টাকা উঠেছে তিরিশটি, আরও পাঁচ টাকার প্রতিশ্রুতি আছে। কিন্তু সে বাকি টাকা কোথায়? কি করবেন নিত্যগোপাল-বাবু? এ-দিকে যাত্রার দলের ম্যানেজার বসে রয়েছেন টাকার জন্য। টাকা না-নিয়ে গান শুরু করবেন না। এ বিষয়ে তাঁর অভিজ্ঞতা অনেক। শ্রোতারা এসেছে, তাদের মধ্যে থেকে জনকয়েক গিয়ে বললেন, কই মশায়, কখন আরম্ভ করবেন? বাবুরা যে সব এসে গেছেন। কতরা তখন সত্যিই এসেছেন, তাঁরা সোঁদিন নিমন্ত্রিত অতিথি। ম্যানেজার বললে, আমরাও তো তৈরি। দেখুন না—সকলেই তৈরি। কিন্তু আমাদের টাকা কই? বাকি চল্লিশ টাকা দক্ষিণা—পান-তামাকের দু-টাকা; টাকাটা পেলেই শুরু করব। তিনি কই?

—কে?

—কে আবার? একটা তীক্ষ্ণকণ্ঠ ব্যাংগভরে ধ্বনিত হয়ে উঠল—সারা আসরটা ছিড়িয়ে পড়ল। শনির ভূমিকার অভিনেতা শনি সেজেই তার স্বভাবগত তীক্ষ্ণকণ্ঠে ব্যাংগ করে বলে উঠল, কে আবার? সেই দস্তখচংবাবু মশায়। বায়না করতে গিয়ে কাগজ টেনে নিয়ে খসখস করে লিখে—টানা ইংরেজিতে সারোঁবি ঢঙ দস্তখচং সেরে দিলেন। সেই ছোকরা—দস্তখচংবাবু?

কথাটা ছিড়িয়ে দিলে শনি। বাবুদের কানে গেল। ব্যবস্থাও হল সঙ্গে সঙ্গে। তবু যাত্রা শুরু হয় না। কেন?—আরে মশায়, সে দস্তখচংবাবুকে আনুন, তিনি সামনে বসুন, তবে তো গাইব আমরা।

গান হয়ে গেল। দল চলে গেল। লোকে গানের কথাও ক্রমে ভুলে গেল, কিন্তু নিত্যগোপালবাবুর 'দস্তখচংবাবু' নামটা লোকে সহজে ভুললো না।

খোকার জ্যাঠাতুত দাদা নিত্যগোপালবাবু, খোকা আড়ালে তাকে বলে দস্তখচং-

বাবু। শূদ্ধ নিত্যগোপালবাবুকেই নয়, অন্তরালে নিজের বাড়ির সকলকেই ডাকে। এমনি ধরনের এক-একটা নাম ধরে।

স্বপ্রহরের অবসরে এমনিভাবে সে ঘুরে বেড়াত। আপনার মনে যা খুশি তাই করত এবং আমাদের সঙ্গে দেখা হলেই এই অবসরের কীর্তি-কলাপের কথা এমন রঙ দিয়ে বড় করে বলত যে, অবাক হয়ে যেতাম আমরা। ছোট একটা সাপ দেখে থাকলে বলত—সাড়ে-তিন হাত লম্বা একটা মিস্ কালো আলান (কেউটে) সাপ, বন্ধলে কিনা, বন্ধলে কিনা—এই তার ফণা। কুলোর মতোন—কুলোর মতোন ; চক্র কি? এই চক্র। আমাকে তাড়া করলে।

—তারপর?

—আমাকে তাড়া করলে। সোঁ-সোঁ করে তাড়া করলে।

—হ্যাঁ। তারপর? তুই কি করলি?

—ছুটলাম। হ্যাঁ, ছুটলাম। আমিও ছুটলাম। বোঁ-বোঁ করে ছুটলাম।

—সাপের দৌড়ের সঙ্গে মানুষ পারে?

—তা—পারে নাকি? কিন্তু—আমি—আমি—। আমি মন্তর জানি কিনা। সেই সীতারাম বাবা সন্মোসীর কাছে শিখেছিলাম। সেই মন্তর বলে বললাম—যা, ফিরে যা। সে তখন সদুড়-সদুড় করে ফিরে গেল।

এমনি ধারায় থেমে থেমে নিজে মিথ্যে কথা ভেবে নিয়ে শ্রোতার চক্ষে প্রকট করে ধরেই সে মিথ্যে বলতে শিখেছিল। সে-অভ্যাস তার জীবনে আজও যায়নি। মিথ্যে যখনই বলে, এবং বলে সে প্রায়ই—অকারণেই বলে, নিঃস্বার্থভাবেই বলে—অপরের ঈর্ষ্যা না করেই বলে,—বলে এমনি থেমে থেমে। আমাদের গ্রামের লোক বা তার পরিচিত লোক সঙ্গে সঙ্গে তাকে ধমক দিয়ে বলে—থাম থোকা।

থোকা দৃষ্টিত হয় না, লজ্জিত হয় না, ফিক্ করে হাসে।

চোন্দ

যখন ভাবি, এত অবহেলা অবজ্ঞার মধ্যে, অত্যন্ত পীড়াদায়ক অপ্রতিষ্ঠা ও গৌরবহীনতার মধ্যেও থোকা ওই হাসিটুকু বাঁচিয়ে রাখল কি করে, তখন আশ্চর্য না হয়ে পারি না।

জীবনের অনর্ভূতি মরে গেছে? মনের ক্ষেত্র, সারা জীবন প্রশংসা প্রেরণা সন্নেহ উৎসাহের বর্ষণ না পেয়ে, শাসনের উত্তাপে, অবহেলা ও অপ্রতিষ্ঠার বালু-ঝড়ে একেবারে অনর্বর হয়ে বন্ধ্যা হয়ে গেছে?

হয়তো হবে। কোনো ফুলই ফোটাতে পারলে না সে তার জীবনে। শূদ্ধ প্রথম কিছ্ তার উপর উত্তাপ বিকিরণ করলেই তার জীবন-বিস্তৃত বালুকণা চিক্‌মিক্‌ করে ওঠে,—তার না আছে কোনো মূল্য না আছে কোনো অর্থ। মূল্য নাই, অর্থ

নাই বলে লোকে হাসি দেখলেও চটে ওঠে। সকল লোকই চটে ওঠে—স্বামী পদ্ম
পর্যন্ত।

আমার অনন্মান, ওর স্বামীও ওর গল্পে বাধা দিয়ে বলে, থাম বাপদ্ম, আর বকো
না।

—কেন?

—কেন? যত সব মিছে কথা—

—কক্‌খনও না।

—নিশ্চয় মিছে কথা। যা বলছ, তাই হয় কখনও?

—হয় না? তুমি সব জান!

—সব না জানি; এটুকু জানি যে, তোমার সব কথা মিছে।

—মিছে?

—নিশ্চয় মিছে।

—নিশ্চয় মিছে?

—নিশ্চয়—নিশ্চয় মিছে!

—এই দেখ—

এবার মদুখের কাছে মদুখ নেড়ে বউ বলে, নিশ্চয় মিছে—নিশ্চয় মিছে—নিশ্চয়
মিছে, একশো বার মিছে। হাজার বার, লক্ষ বার মিছে। ঢের ঢের মিথ্যাবাদী
দেখেছি—তোমার মতো দেখিনি।

এবার থোকা ফিক্‌ করে হেসে ফেলে। ওঃ, বউ কথাটা জোর বলেছে—হাজার
বার, লক্ষ বার মিছে! এঃ, ধরে ফেলেছে!

ছেলেরা বড় হয়েছে, তারা বাড়িতে-ঘরে পাড়ায়-গ্রামে দেশে-দেশান্তরে যত
পরিচিত স্থান আছে, সর্বত্রই তাদের বাপের অখ্যাতি অপবাদের কথা শুনবে আসছে。
চোখেও দেখেছে, বাপের প্রতিষ্ঠাহীনতার দৈন্য তাদের পীড়া দেয়—তারাও অনেক
সময় গল্পমদুখের থোকাকে বলে, তুমি বাপদ্ম, বড় বাজে বকো।

—বাজে বকি? জানিস তুই? শস্যার কোথাকার!

—না! বকো না!

—অ্যাই—

—চুপ কর, চুপ কর—লোক আসছে, থাম। না যদি থাম তবে আমিই উঠে যাচ্ছি
—যত খুশি পেট ভরে তুমি বাজে বকো—মিছে কথা বল। ‘পেট ভরে’ কথাটা বিচিত্র
উচ্চারণে বলে ‘পে-ট ভ-রে’! ছেলে উঠেই চলে যায়।

অল্প দ্রুটি একটি মদুহুতের জন্য থোকা স্তম্ভ হয়ে থাকে, তারপর আপন
মনেই ফিক্‌ করে হেসে ফেলে। ধরে ফেলেছে ছেলেটা।

অর্থহীন মূল্যহীন হাসি, বালকগণের ঝিকমিক। নীরস-নিষ্ফল জীবনের
প্রতিফলন ওষ্ঠপ্রান্তে ফুটে ওঠে। কেন মিথ্যে বলে—সে থোকা জানে না। হয়তো
ওর আত্মা ব্যঙ্গ-ভরে বলে—সব ঝুট হয়। তাই হয়তো মিথ্যে বলতে গ্লানির
পরিবর্তে আনন্দ অনুভব করে থাকে থোকা।

ভগবানকে ধন্যবাদ যে, খোকা হাসে, কাঁদে না। কাঁদলে সে কোনোদিন মরে যেত।

খোকার অনেক কীর্তি, কিন্তু কথা এইটুকুই—এর বেশি নয়। এক-একটা কীর্তি অপরটারই পুনরাবৃত্তি। থাক খোকার কথা এইখানে। খোকার পর আরও বন্ধুরা এল, পাড়ারই ছেলে সব।

শ্বিজপদ, বৈদ্যনাথ, বড় পাঁচু, ছোট পাঁচু।

ক্রমে ও-পাড়া থেকে এল বংশী। তার পরের পাড়া থেকে বীরেশ্বর।

বীরেশ্বর বয়সে আমার চেয়ে বড়। তারই মাধ্যমে আলাপ হল আমাদেরই পাড়ার বীরেশ্বর বয়সী করালীর সঙ্গে।

শ্বিজপদ আমার জীবনের অনেকটা জুড়ে আছে।

আমার ‘কবি’ উপন্যাসের বিপ্রপদ—শ্বিজপদেরই অক্ষম রুগ্ণ অবস্থার চিত্র। বাল্যকালে শ্বিজপদ ছিল দুর্দান্ত দুর্বল ক্রোধী, প্রচণ্ড রুঢ়ভাষী; কিন্তু আমার কাছে এবং আরও কয়েকজনের কাছে সে ছিল প্রীতি-মধুর, মিষ্টভাষী, অপরূপ মানুষ। আমার সঙ্গে সে খুব পেত না। তবে পেলে কৃতার্থ হত। সম্পর্কে (দূরসম্পর্ক নয়) আমি হতাম তার দাদামশায়, তার মায়ের কাকা। সে, তার দাদা, তার বোনেরা আমাকে ‘দাদামশায়’ বলত। শ্বিজপদ ছাড়া সবাই ছিল বয়সে বড়। এদের সকলের চরিত্রেই ছিল শ্বিজপদের মতো দুটি বিপরীতধর্মী মানুষ—একজন যত ক্রোধী, অপরজন তত মিষ্টভাষী। এর কারণ একেবারে রক্তগত বৈচিত্র্য, বংশানুক্রমের অতি সুস্পষ্ট প্রকাশ। শ্বিজপদের মা, আমার ভাইঝি শ্রীগঙ্গাসুন্দরী—‘তিগুণী’র বংশের ভাষা—তার নিজের ভাষা ছিল অতি মিষ্ট; শ্বিজপদের বাপের দিকের চরিত্রে ছিল অপরিমেয় রুঢ়তা, প্রচণ্ড ক্রোধ, ককর্শ উচ্চ কণ্ঠ; আর ছিল জৈব আবেগের উন্মত্ততা, সে প্রায় অন্ধ উন্মত্ত ঘোড়ার মতো ছুটিয়ে নিয়ে চলত জীবনকে। প্রয়াগে গঙ্গা-যমুনার সঙ্গমস্থলে সাদা কালো দুটি স্রোতধারা যেমন পাশাপাশি চলে, তেমনি ছিল শ্বিজপদের জীবন। আমার ভাগ্যে আমি যতবার ওদের জীবনধারায় অবগাহন করেছি, ততবারই স্নাত হয়েছি স্নিগ্ধ শান্ত কালিন্দীর কালো জলের ধারায়।

শ্বিজপদ আমার চেয়ে বয়সে ছিল এক বংশরের ছোট। পড়ত কিন্তু ক্লাস তিনেক নিচে, ক্রমে সে ব্যবধান—পাঁচ-ছয় ক্লাসের ব্যবধানে পরিণত হয়েছিল। শ্বিজপদের কণ্ঠ ছিল উচ্চ, উল্লাস ছিল উগ্র, তেমনি প্রবল ছিল জৈব প্রবৃত্তির পথে ছুটবার আবেগ। শ্বিজপদের বাবা ছিলেন আমার বাবার বাল্যবন্ধু, সম্পর্কে হতেন নাতজামাই, প্রতিবেশীও ছিলেন অতি-নিকট। শ্বিজপদের বাবা নিত্য আসতেন আমার বাবার ওখানে। চা খেতেন, গল্পগুজব করতেন। রামজী গোসাঁই-বাবা তাঁকে ডাকতেন ‘রাজা’ বলে। তার কারণ যৌবনে শ্বিজপদের বাবা গ্রামের যাত্রার দলে রাজা দূর্বোধন সাজতেন। রাজার মতো চেহারাও ছিল। তাঁর কথা থাক। শ্বিজপদের কথা বলি। আমার জীবনে শ্বিজপদ এবং বড় পাঁচু হঠাৎ একদা এক অভিনব অধ্যায়ের সূচনা করে দিলে, সে সূচনা সুহরেক্ষার মতো সুস্পষ্ট সুহ্রপাত থেকে

ভবিতব্যের রেখার মিলে প্রশস্ত হয়ে হল পায়ে-চলা পথ ; তারপর পরিণত হল রাজপথে ;—অথবা তারা সেইদিন বস্মীক-স্তূপে আরোহণের আশ্বাদন দিয়ে আমাকে ভাবীকালে দূর হ পর্বতাভিযানে রত করে দিয়ে—নিজেরা নেমে গেল অন্ধকার স্ফুট পথে। অন্ধকারে কোন মনোরমের হাতছানি তাদের মৃগ্য করেছিল, সেই কথাই আজ ভারাক্রান্ত হৃদয়ে ভাবি।

স্পষ্ট মনে রয়েছে সেদিনের কথা।

বড় পাঁচু, ম্বিজপদ আমার সঙ্গে খেলা করছিল আমাদের বাড়িতে। কয়েকদিন আগে নারায়ণের সঙ্গে ঝগড়া হয়েছে। বড় পাঁচু এবং ম্বিজপদকে নিয়ে রামায়ণ-খেলা খেলছি। পাঁচু হি-হি করে হাসছে ; ওটা ছিল পাঁচুর স্বভাব। কথার একটু জড়তা ছিল। অল্প বয়সেই—বোধ হয় এগারো-বারো বছর বয়সেই মারা গিয়েছিল পাঁচু, তবু যতটুকু মনে পড়ে, তার স্বভাবের মধ্যে একটি ভীরা চতুরপ্রকৃতির জীব উঁকি মারত। ঠাকুরবাড়িতে পূজক ছিলেন বড়ো ভট্টাচার্য, আগুনের মতো কোপন-স্বভাব, কণ্ঠস্বর একটু খনা ছিল বলে ছেলেবয়সে নাম হয়েছিল—খনা, ক্রমে সেই নাম কোপন-স্বভাব হেতু—‘খুনে’তে পরিণত হয়েছিল। চতুর ভীরা পাঁচু তাঁর কাছেও হি-হি করে হাসত। ভট্টাচার্য পূজা করতেন, পাঁচু দোরের পাশে দাঁড়িয়ে উঁকি মারত আর হাসত—হি-হি! হি-হি! হি-হি! আশ্চর্য চতুর পাঁচু অনুভবে বদ্ধত যে, খুনে এতেই খুশি হবে।

সত্যি ভট্টাচার্য রাগ করতেও পারতেন না। তিনিও হেসে ফেলতেন এবং পূজার মধ্যে অবকাশ হলেই প্রশ্ন করতেন—কি?

—পেছাদ।

প্রসাদ দিতেন ভট্টাচার্য। একটু চিনি, একখানা বাতাসা। এর বেশি শিবঠাকুর আর কি পান?

পাশাপাশি পাঁচটি শিবমন্দির। ভট্টাচার্য এক মন্দিরে পূজা সেরে ম্বিতীয় মন্দিরে ঢুকতেন। পাঁচু আবার এসে দাঁড়াত।

—হি-হি! হি-হি! হি-হি!

—আরে আবার কি?

—ভগদাচার্য!

—কি? আবার কি?

—পেছাদ।

—আরে! আবার প্রসাদ? এই যে দিলাম!

—তু আমাকে বায়ে বায়ে দে—আমি বায়ে বায়ে খাই ভগদাচার্য।

এবার ভট্টাচার্যই হেসে ফেলতেন হা-হা-করে।

সেদিন খেলতে এসেও অকারণে হাসিছিল পাঁচু।

হঠাৎ নারায়ণ এসে নিমন্ত্রণ জানালে। ভাগবত খেলছে তারা।

ভাগবত! অবাক হয়ে গেলাম।

ভাগবতের কথকতা তো তখন শুনোছি। সংস্কৃত শ্লোক—তার ব্যাখ্যাগান, বিচিত্র রসরসিকতা—সেই সব ওরা করবে? কে করবে? তুই? নারায়ণ?

—না, আমি না। নিশাপতি করবে। মঞ্জলিডিহি থেকে নিশাপতি এসেছে।

নিশাপতি মঞ্জলিডিহির ছেলে হলেও লাভপুত্রের সঙ্গে সম্পর্ক রাখে বেশি। নারায়ণের জীবনে সে-ই হয়েছে—নব নায়ক। সে-ই করবে ভাগবতের কথকতা।

গেলাম। সঙ্গে ম্বিজপদ পাঁচু এরাও গেল। সতিাই অবাক হয়ে গেলাম। নিখুঁত পরিপাটি আয়োজন। একখানি আসন, সামনে একটি ছোট জলচৌকি, তার উপর একখানি কার্পেটের ঢাকনি, তার উপরে ফুল ও একখানি বই। পদ্মপমাল্যশোভিত কণ্ঠে তিলকশোভিত নিশাপতি বসেছে আসনের উপর। সে বললে, অহো ভাগ্য! আসুন—আসুন। নমস্কার—

নমস্কার।—বললাম আমরা।

নিশাপতি গম্ভীরভাবে বললে, দেবর্ষি নারদকে দেখে রাজা বললেন—অহো ভাগ্য! আসুন—আসুন—আসুন, দেবর্ষি, নমস্কার।

নিশাপতি তখন ভাগবত কথকতার এ স্টাণ্টটুকু আয়ত্ত করেছে। সে-কালে ভাগবতের আসরে এইভাবে অনেকজন আগন্তুক কথকের সাদর সম্বর্ধনায় আপ্যায়িত হয়ে বিনয় প্রকাশ করে অপ্রস্তুত হতেন। আমি অপ্রস্তুতই হলাম। কিন্তু পাঁচু বা ম্বিজপদ হল না। তারা এমন হি-হি করে হাসতে শুরুর করে দিলে যে, নিশাপতিই অপ্রস্তুত হয়ে গেল। এর পর সে সংস্কৃত শ্লোক আউড়ে গেল।

মুখস্থ চাগক্য শ্লোক আউড়ে তার ব্যাখ্যা করে নিশাপতি ভাগবত পাঠের খেলা খেলছিল। চাগক্য শ্লোক তখন বাল্য বয়সেই শেখানো হত। আমি চাগক্য শ্লোক মুখস্থ করি নাই; তবে কেউ বললে চাগক্য শ্লোক বলে চিনতে পারতাম। আমার মুখস্থ ছিল রঘুবংশের প্রথম শ্লোক—বাবা শিখরোচ্ছলেন,

“বাগর্থবিব সম্পূস্তৌ বাগর্থ প্রতিপত্তয়ে।

জগতঃ পিতরৌ বন্দেঃ পার্বতী-পরমেশ্বরৌ॥”

আমার সে শ্লোক আওড়াবার অবকাশ ছিল না। আমি চুপ করেই রইলাম। নিশাপতি শ্লোকের ব্যাখ্যা শুরুর করলে। বিষ্ঠার মধ্যেও স্বর্ণখণ্ড থাকলে, তা সব্বই সংগ্রহ করবে। বাস্, আর যায় কোথায়! হি—হি—হি! হি—হি—হি!—বিষ্ঠা! ভাগবতের মধ্যে বিষ্ঠা! পাঁচু এবং ম্বিজপদ হেসে আসর পণ্ড করে দিয়ে উঠে পড়ল, এবং হঠাৎ পাঁচু মুখে মুখে কবিতা রচনা করে ফেললে—

নিশাপতি—খিশাপতি—ছিশাপতি রে—

ভাগবতে হ্যাক-থু—হ্যাক থু-থু। হি-হি-হি! হি-হি-হি! হি-হি-হি! সে আর থামে না। নিশাপতি প্রায় ক্ষেপে গিয়ে ভ্রষ্টবোগীর মতো আসন ত্যাগ করে উঠে মারপিট শুরুর করে দিলে। ওরা দলে ছিল ভারী। এলাকাটা ছিল ওদের। তবুও আমার শুরুর মার খেয়েই এলাম না, নাকের বদলে নরুনের মতো দূ-এক ঘা দিয়েও এলাম। এলাম আমাদের বৈঠকখানায়। এসে শোধ নেওয়ার পরামর্শ চলতে লাগল। হঠাৎ বাগানের একটা গাছ থেকে পড়ল একটি পাখির বাচ্চা। ছোট্ট পাখির বাচ্চা,

বাসা থেকে পড়ে গেল কি করে? খেলার মোড় গেল ঘুরে। শোধ নেওয়ার পরামর্শ স্বাগিত থাকল। পাখিটাকে কুড়িয়ে নিয়ে তাকে বাঁচাবার জন্য পরিচর্যা শুরুর করে দিলাম। জল দিলাম, গাড়ুর নলের মুখে জল। খামার থেকে ধান এনে দিলাম তার মুখে—খা খা। পরিচর্যায় হাঁপিয়ে উঠে ছোট পাখির ছোট প্রাণটুকু বেরিয়ে গেল। ঘাড়টি লটকে পড়ল। অত্যন্ত দুঃখ হল। আহা-হা, ছোট পাখিটি! বাঁচলে—কেমন পুষতাম!

(অতঃপর পাখিটিকে সমাধি দেবার কল্পনা হল। মাটি খুঁড়তে আরম্ভ করলাম। পাখির ছানাটি পড়ে রইল বাগানের বাঁধানো বেদীর উপর।

হঠাৎ পাঁচু ডাকলে—দেখ।

দেখি, পাখির মা ডাল থেকে নেমে এসে ছানাকে ডাকছে। তার চারিপাশে ঘুরছে, সন্নেহে ঠোকরাচ্ছে।

আমি অবাক হয়ে দেখছিলাম।

পাঁচু ইতিমধ্যে মুখে মুখে কবিতা রচনা করে ফেললে—

“তারা দাদার পাখির ছানা মরিয়াছে আজি

তার মা এসে কাঁদতেছে কেউ-কেউ করি।”

আমাদের বৈঠকখানার দরজায় লাইন দুটো খাঁড় দিয়ে লিখে ফেললে সে। আমি বিস্মিত হয়ে পাঁচুর মুখের দিকে চেয়ে রইলাম। কবির সম্মান, কবির মূল্য তখন বুদ্ধিনি, কিন্তু পাঁচু যা করেছে সে যে একটা মহাগৌরবের—তার মূল্য যে পরম মূল্য—তা যেন সেই মূহুর্তেই উপলব্ধি করলাম। উপলব্ধি করলাম নিজের বিস্ময়ের পরিণাম থেকে, গভীরতা থেকে। মা-পাখিটা ইতিমধ্যে ডালে গিয়ে বসলে, আবার এল, আবার গেল, কয়েকবারের পর ডালেই বসে রইল। তখন খাঁড়ি নিয়ে আমি পাঁচুর লাইন দুটির নিচে লিখলাম—

“পাখির ছানা—মরে গিয়াছে—

মা ডেকে ফিরে গিয়াছে—

মাটির তলায় দিলাম সমাধি—

আমরাও সবাই মিলিয়া কাঁদি।”

লাইন কাঁটি অত্যন্ত কুড়ি বৎসরের উপর লাল রঙ করা দরজার খড়খড়ির গায় লেখা ছিল। বোধহয় কুড়ি বৎসরেরও বেশি। আমার আমলেই আমি নিজে হাত সাদা রঙ দিয়েছিলাম দরজায়, তাতেই সে ঢাকা পড়ে গেছে। আমার সাহিত্য-সাধনা শুরুর হয়ে গেল সেই দিন।

পাঁচু লিখেছিল প্রথম দুটি চরণ। আমি করেছিলাম পাদপূরণ। দিন তারিখ মনে নেই। তবে বয়স মনে আছে। আমার বয়স তখন আট বছরের কম। আট বছরেই আমার বাবা মারা গেলেন। তখন বাবা আমার বেঁচে ছিলেন। সেই বারেই পূজোর সময় কবিতা রচনা করলাম—

“শারদীয়া পূজা যত নিকট আইল

তত সব লোকের আনন্দ বাড়িল।”

আর মনে নেই, আরও অস্তত বারো-চোদ্দ লাইন ছিল। বাবা 'সে-কবিতা দেখে-ছিলেন। কবির সম্মান, কবির মূল্য আমাকে বদ্বিষিয়েছিল পাঁচু। জিহবার জড়তা, সবতাতেই হাসি, বিচিত্র পাঁচু হঠাৎ সেদিন কি করে এবং কেন কবিতা রচনা করেছিল—তা ভাবি আর বিস্মিত হই। কবিতা রচনা করা তার পক্ষে স্বাভাবিক ছিল না। কিন্তু তার আকস্মিক উচ্ছ্বাস মূহূর্তে আমাকে দিয়ে গেল জীবনের দীক্ষা।

পনেরো

“শারদীয়া পূজা যত নিকট আইল

তত সব লোকের আনন্দ বাড়িল।”

কবিতাটি রচনা করেছিলাম যখন, তখন অলক্ষ্যে কাল নিশ্চয়ই হেসেছিলেন। আজ সেই বহুকালের পুরানো কথা স্মরণ করতে গিয়ে—যখন পুরানো ছবিগদুলি ঝাড়ামোছার পর স্পষ্ট হয়ে চোখের সামনে ভেসে উঠছে তখন মনে হচ্ছে—সেদিন ছবিগদুলি আঁকা হওয়ার সময় অনেক কিছুর চোখে পড়েনি—পড়লেও সেদিন তার অর্থ উপলব্ধি হয়নি। কাল হেসেছিলেন এবং সে-হাসি ঠিকই চোখে পড়েছিল, কিন্তু তাকে কালের হাসি বলে চিনতে পারিনি। এতকাল পর্যন্ত, এই মূহূর্তে সেই কাহিনী লিখবার আগের মূহূর্ত পর্যন্তও না। আজ মনে পড়ছে সেই কালের হাসির খানিকটা ফুটেছিল বাবার মুখে—খানিকটা ফুটেছিল লোকের মুখে। বাবা হেসে-ছিলেন, রোগশয্যা শূন্যে ছোট কাগজে ছাপানো কবিতাটি পড়ে তাঁর মুখে হাসি ফুটেছিল। প্রসন্ন, কিন্তু রোগের ক্লান্তি ও ক্লিষ্টতার জন্য বিষন্ন ও ব্যথিত। আমার ডেকে সমাদর করে জিজ্ঞাসা করলেন, তুমি কতটা লিখেছো, নারাণই বা কতটা লিখেছে?

কবিতাটির নিচে রচয়িতা হিসাবে আমার এবং নারাণের নাম ছিল। ছাপা হয়েছিল কলকাতার তখনকার দিনের এক বিখ্যাত প্রেসে—ক্যালিডোনিয়ান প্রেসে। নারাণের ঠাকুরদা ছিলেন ক্যালিডোনিয়ান প্রেসের বড়বাবু। তিনি ছিলেন বিখ্যাত কুলীন। যেঠেরা তারাচরণের বংশধর, আমাদের গ্রামের জামাই। বছরে বার দুয়েক শ্বশুরবাড়ি আসতেন। পূজোর সময় একবার এবং আর-একবার যখন হোক। তিনিই এনেছিলেন ছাপিয়ে। নারাণের সঙ্গে তখন বিরোধ মিটে গেছে; নারাণের পাশ থেকে নিশাপতির দলও অন্তর্হিত হয়েছে, আমার আশপাশ থেকে ম্বিজপদ পাঁচু এরাও সরেছে। পৃথিবীকে যারা ভালো-মন্দবোধের বিচার দিয়ে বেছে-বুছে ভোগ করে—তাদের সঙ্গে, যারা দুহাতে ভোগ করে যায় কোনো বিচার না করেই তাদের সঙ্গে ঠিক বনে না। ওদের সঙ্গে তাই ঠিক বনত না আমার। পাঁচু অল্পবয়সে গেছে, ম্বিজপদ অনেক দিন দুর্নিয়াকে দুর্দান্তভাবে ভোগ করে—শেষ-জীবনে যেন কার প্রচণ্ড গদাঘাতে ভগ্ন-উল্লু দুর্যোধনের মতো শেষ নিঃশ্বাস ত্যাগ করেছে। সুস্থ জীবনে যার প্রচণ্ড চিংকার করে পৃথিবীতে কোলাহল সৃষ্টি করে চলা অভ্যাস ছিল, হঠাৎ সে একেবারে রোগে শয্যাশায়ী হয়ে পড়ল; কঠিন যৌন-ব্যাধি থেকে বাত। রোগের সামান্য উপশম হলেই ম্বিজপদ লাঠিতে ভর দিয়ে বেরিয়ে গ্রাম্য

রাস্তা উচ্চ হাস্যে রসিকতায় মদুখর করে তুলত। থাক সে-কথা। শ্বিজপদরা বার বার এসেছে আমার কাছে। কিন্তু কিছুতেই বনেনি, কয়েক দিন পরেই আমার সংগ ছেড়ে বেন পালিয়ে গেছে। সে-দিনও নারাণ এলে ওরা চলে গিয়েছিল। বড় পাঁচুর দেওয়া প্রেরণা তখন আমার মনের প্রদীপে আলো জ্বালিয়েছে। একটা ছোট কথা মনে পড়ে গেল। এ ঘটনার অনেক পরে—সম্ভবত বছর পঁচিশেক আগে—কালী-পূজার রাতে আমাদের গ্রাম থেকে মাইল পাঁচেক দূরে এক জায়গায় পূজা। দেখতে চলেছিলাম; হঠাৎ পথের ধারে গাছতলায় সিগারেট খেতে বসে দেশলাইয়ের কাঠির আলোয় চোখে পড়ল কিছু খড় পড়ে আছে, বোধ হয় কোনো রাহী ফেলে গেছে। সঙ্গে সঙ্গে খেয়াল হল খড়গুলিতে আগুন ধরিয়ে বহুতৎসব করবার। ধরিয়ে দিলাম আগুন, খড় পড়ে ছাই হতে লাগল। হঠাৎ বেশ একটু দ্রুতগতিতে এল দুটি লোক, বললে—‘বাঁচলাম বাবু, দাও তো একটু আগুন, লস্টনটা ধরিয়ে নিই।’ আলো ধরিয়ে নিতে আগুন পাই নাই সারাটা পথ। সাথে দিয়েশলাই নাই।’ আলোর শিখা জেদলে নিয়ে তারা চলে গেল মাঠের পথে। আমার সামনে খড় জ্বলে নিভে গেল; অন্ধকার গাঢ় হয়ে উঠল। কেউ খড় পুড়িয়ে হাসে, কেউ পথের আলো জ্বালিয়ে নেয় তা থেকে।

বাল্যকালে একদিন আমার আলোয় নারায়ণকেও বললাম, তুই ভাই ধরিয়ে নে তোর মনের পিদীম এই শিখাতে। তা হলে ভালো হবে—একসঙ্গে চলব দুজনে।

নারায়ণ প্রথমটা উৎসাহিত হয়েছিল। এ উৎসাহ তার অনেকদিন ছিল। ওই কবিতা রচনায় সেদিন সেও যোগ দিয়েছিল। কতটা সে, কতটা আমি রচনা করেছিলাম—সে হিসাব আজ মনে নেই, করবও না।

বাবার প্রশ্নের জবাব দিয়েছিলাম, আমি অর্ধেক, নারাণ অর্ধেক।

—তুমি সবটা লিখলে না কেন?

আমি চুপ করে ছিলাম। তারপর বলেছিলাম, ওব ঠাকুরদাদাই যে ছাপিয়ে দিলেন। এবার বাবা চুপ করেছিলেন।

সেদিন ষষ্ঠী। সপ্তমীর দিন সকালে ছাপা কবিতার তাড়া নিয়ে ঢাক ঢোল শানাই কাঁসি কাঁসির ঘণ্টা মদুখর শোভাযাত্রার মধ্যে—দুটি শিশু কবি—সর্বসমক্ষে সলজ্জ বিনয়ের অন্তরালে সগৌরবে আত্মঘোষণা করলে—‘আমাদের পদ্য, পড়ে দেখুন।’ আমার এই আত্মঘোষণার সময় কাল হেসেছিলেন বিচিত্র হাসি।

ক্ষুদ্র একটি বাংলার পল্লীতে সে-কালের গ্রাম্য বাঙালীর সমাজে এ আত্মঘোষণা খুব কঠিন ছিল না। কিন্তু আমাদের গ্রাম ক্ষুদ্র ছিল না—আকারেও না, প্রকৃতিতেও না, প্রতিষ্ঠার স্বন্ধে অহরহ উত্তীর্ণ গ্রামখানিতে দ্বন্দ্বী রথীর সংখ্যা ছিল অনেক। আভিজাত্য কৌলিন্য-গৌরব, বংশগৌরবের এবং সম্পদগৌরবের প্রতিদ্বন্দ্বিতায় সমাজক্ষেত্রটি প্রায় কুরুক্ষেত্র তখন। অল্পস্বল্প ভূসম্পত্তি, গোয়ালে গাই, পুকুরে মাছ—এমন ধরনের ব্যক্তিত্ব সে কুরুক্ষেত্রে অর্ধরথীর সামিল। কিন্তু তা হলেও অস্ত্রে ধার তাঁদের কম ছিল না। কুরুক্ষেত্রের সমরে সেনাপতি শাল্যের মতো বিক্রমে তাঁরা ভীষ্ম দ্রোণের অভাবে সৈন্যপতা গ্রহণের শক্তি ধরতেন। বড় রথী ছিলেন তাঁরাই,

যাঁরা শব্দে গ্রামেই প্রতিষ্ঠাবান নন—গ্রামের বাইরেও যাঁরা গণ্যমান্য। এমন গণ্যমান্য ব্যক্তিদের মধ্যে আবার আমাদের গ্রামে এমন সব মানুষ ছিলেন, যাঁরা সংস্কৃতির কেন্দ্র কলকাতায় থাকতেন। প্রচুর অর্থ উপার্জন করতেন। রূপে, সম্ভ্রায়, অশ্বে, খব্জায়, শশ্বনাতে তাঁরা এমনই দীপ্যমান ছিলেন যে তাঁদের চিনিয়ে দিতে হত না—দেখবামাত্র চেনা যেত। এই রথীদের সামনে প্রতিষ্ঠাকামী বালকের আত্মঘোষণা সহজ ছিল না। সেদিন রথীরা সবাই সমবেত। সমস্ত বৎসরের মধ্যে দুটি দিন তাঁরা সকলে একত্রিত হতেন, মহাসপ্তমীর প্রভাতে ঘট পূর্ণ করবার ঘাটে এবং বিজয়া-দশমীর দিন ওই ঘাটেই—ঘট বিসর্জনের অপরাহ্নে। আজ স্মৃতি স্মরণ করতে বসে সেদিনের আমার গ্রামের সেই দীপ্তমুখ প্রসন্নস্বাস্থ্য উজ্জ্বলশ্রী প্রাণবন্ত মানুষের সমারোহ মনে করে চোখে জল আসছে। চারিদিকে দীপ্ত—চারিদিকে সবল শ্বশ্বে যুগ্মমান মানুষ, সে কত কোলাহল—কত বাজনা—কত উল্লাস—সে কী উচ্চ হাসি, সে কী প্রাণখোলা আলাপ! আবার তেমনি কঠিন উচ্চ ছিল বাদানুবাদ, ক্ষেত্রবিশেষে দৈহিক আক্রমণও হয়ে যেত। আর বক্র তীক্ষ্ণ হাস্যের গুণ আরোপ করে মর্মান্তিক শরক্ষণ—সে যেন অগ্নিবাণ ব্যর্থ হচ্ছে বরুণাস্ত্রে, বরুণাস্ত্র ছিন্নবিচ্ছিন্ন হচ্ছে বায়বাস্ত্রে, বায়বাস্ত্র স্তিমিত প্তম্ব হয়ে যাচ্ছে শৈবাস্ত্রে : সে যুদ্ধ বিচিত্র! তার মধ্যে ছাপা পদ্য হাতে নিয়ে যখন প্রবেশ করলাম, তখনকার অবস্থা আজ কল্পনা করতে গিয়ে মনে হচ্ছে—অভিমন্যুর মতোই দৃঃসাহস হয়েছিল আমার সেদিন। কাগজ বিলি করতেই এই রথীদের অধর-ধনুতে বক্র হাস্যের জ্যা যোজিত হয়েছিল—পদ্য! কবিতা! কে লিখে দিলে? কি থেকে টুকলে? এরই মধ্যে ডিম ফুটে কালিদাস-হংস বেরুল নাকি? কেউ কেউ হয়তো মহাকবির “মন্দঃ কবিশপ্রার্থী” শ্লোকাটির প্রথম চরণও আউড়েছিলেন। সংস্কৃত-জানা কালিদাস-গড়া লোকও না-থাকা ছিল না আমাদের গ্রামে আমার কালে। আমার বাবার কালিদাস গ্রন্থাবলী আজও রয়েছে। অর্ধ-প্রসন্ন অর্ধ-বক্র কালের হাসির প্রসন্ন ভাগটা ফুটেছিল শয্যাশায়ী আমার বাবার মুখে—বক্রকুটিল দিকটা ফুটল সেদিনের সমবেত জনতার মুখে। কয়েকজনের মুখে প্রসন্ন প্রশংসার হাসিও ফুটেছিল। তাঁদের আজও ভুলিনি। এঁদের ভোলা যায় না।

স্বর্গীয় নির্মলশিববাবু, তাঁর মেজদাদা স্বর্গীয় অতুলশিববাবু, শ্রীযুক্ত নিত্যগোপালবাবু, এঁদের সেদিনের প্রশংসা-প্রসন্ন হাসি আমার চোখের উপর ভাসছে।

শ্বিজপদ সেদিন ইঠাং আমায় সম্বোধন করলে ‘কপিবর’ বলে। সঙ্গে সঙ্গে কোন পূজাবাড়ি থেকে সংগ্রহ করে আনা একটা কপিপাতা নিজে কচকচ করে চিবিয়ে খেয়ে বললে, কপি খেয়ে ফেললাম। ওর আচরণটুকু আমাকে ওর বাক্যের আঘাত থেকে বাঁচিয়ে দিলে। বদ্বলাম, কেউ ওকে শিখিয়ে দিয়েছে কপিবর কথাটা। কিন্তু কপির অর্থ বেচারী জানে না। আমি কপিপাতা চিবিয়ে খাওয়া দেখে হেসে উঠেছিলাম। পরবর্তীকালে শ্বিজপদকে আমিই ডাকতাম ‘কপিবর’ বলে। সে প্রাণ খুদো হাসত। মধ্যে মধ্যে বলত, একদিন কিন্তু ‘উং-প’ শব্দ করে ঘাড়ে চড়ে বসব।

আমি হাসতাম, বলতাম, ঘাড়ে না, তুই নাতি, তুই বন্ধু—পাড়িস তো বন্ধুকে লাফিয়ে পাড়িস।

কখনও কখনও বলতাম, দোহাই, যেন ঘাড়ে বসে কান ধরে টেনে ছিঁড়িস না।

সে জিভ কেটে পায়ের ধুলো নিয়ে বলত, দাদু, ছিঁ-ছিঁ দাদু! ছিঁ-ছিঁ! গাল পেতে বলত, মার মার, তিন চপেটাঘাত—থ্রি শ্ল্যাপস। সটাসট—সটাসট!

সেদিনের কথাই বলি। কপিবর বলে কপির পাতা চিবিয়েই শ্বিজপদ ফ্যান্ট হল না, সপ্তমীর দিন সন্ধ্যায় শ্বিজপদ ও-পাড়ার ছেলেদের সঙ্গে ঝগড়া করে এল—ওই ছাপানো ‘পদ্য’ নিয়ে।

—কে লিখতে পারে? কার ক্ষমতা আছে বল না শূনি? আমাদের পাড়ায় চারজন পদ্য লিখেছে। গোপালবাবু লিখেছে, নির্মলবাবু লিখেছে, তারাক্ষর লিখেছে, নারায়ণ লিখেছে। কে লিখেছে তোদের পাড়ায়?

—লেখে নাই, লিখতে পারে আমাদের কালীকাক্ষরবাবু।

—কালীকাক্ষরবাবু! কালীকাক্ষরবাবু তোদের পাড়ার? একা তোদের পাড়ার? কালীকাক্ষরবাবু দু-পাড়ার।

শেষ পর্যন্ত মারপিট করে ফিরল শ্বিজপদ।

আমাকে এসেই ডাকলে।—লাগাও যুদ্ধ ওদের সঙ্গে, ও-পাড়ার সঙ্গে।

আমাদের বাড়িতে তখন সমস্ত কিছু যেন থমথম করছে। বাবার অসুখ দেখে ক্রমশই অধীর হয়ে উঠছেন পিসিমা। বাবা পুজোর বাজার করতে গিয়েছিলেন কলকাতা; সেখান থেকে এসে জ্বর পড়েছেন। একজ্বরী জ্বর। প্রথমে ছিল তন্দ্রা জ্বর। ধীরে ধীরে জ্বর বেশি হয়ে চলেছে। আজ চারদিন তিনি বিছানা ছেড়ে উঠতে পারেননি। আমাদের গ্রামের ডাক্তার গিরিশবাবু ভয় পেয়েছেন আজ। আমার আশুদাদাও চিন্তিত হয়েছেন। তখন আমাদের জেলায় সিউড়িতে ছিলেন লাল। গোলোক বলে একজন বিচক্ষণ ডাক্তার। কিন্তু তাঁর চেয়েও খ্যাতি বেশি ছিল রামপুর-হাটের হরিতারণ ডাক্তারের। ডাক্তার আনবার জন্য লোকও অপরাহ্নে রওনা হয়েছিল, কিন্তু অন্য কয়েকজন প্রবীণে সে-লোককে ফিরিয়ে এনেছেন।

সে-কালে এটি ছিল একটি গ্রাম্য সমাজের বৈশিষ্ট্য।

শুদ্ধ ক্রিয়াকলাপেই নয়, অসুখে-বিসুখেও প্রতিটি প্রতিষ্ঠাবান ব্যক্তি এসে একান্ত আপন জনের মতো বসতেন। কতটা তার আন্তরিক কতটা তার স্নেহ কতটা পালনের তাগিদ—সে-কথা বলতে পারব না, তবে এটা ছিল। সে অসুস্থ ব্যক্তি যেমন প্রতিষ্ঠার মানুষ হোক না কেন, তার চারিপাশে মানুষের অভাব হত না।

রোগের গুরুত্ব তাঁরা ঠিক বুঝতে পারেননি। তাঁরা নিজেরা প্রত্যেকেই নাড়ী দেখতে জানতেন। ওটা ছিল সে-কালের অপরিহার্য একটা শিক্ষা। অনেকের এই নাড়ীজ্ঞান ছিল যেমন সূক্ষ্ম, তেমন বিচক্ষণ।

ব্যাঙের মতো লাফ দিয়ে নাড়ী চলছে, পায়ের মতো থমকে-থমকে চলছে, পিঁপড়ের পায়ের মতো চলছে—এ-সব কথা এখনও আমার মনে আছে। তাঁরাই নিজেরা নাড়ী বিচার করে লোক ফিরিয়ে আনলেন।

বাবার হয়েছিল টাইফয়েড। কলকাতা থেকে বীজাণু সংক্রামিত হয়েছিল। নাড়ী দেখে তাঁরা সে আভাস সকলেই পেয়েছিলেন, কিন্তু রোগ কতটা কঠিন হয়েছে বা

হতে পারে তাই নিয়ে মতভেদ হয়েছিল। আমার বাবার স্বাস্থ্য ছিল অপরিপক্ব। এই রোগে—শেষ তিন-চারদিন বিছানায় থাকলেও—বসেই আছেন; সকলের সঙ্গে আলাপ-আলোচনা করে যাচ্ছেন। তিনি নিজের বললেন, কেন এত ব্যস্ত হচ্ছে শৈলজা? তুমি ব্যস্ত হলেও তো রোগ ব্যস্ত হয়ে চলে যাবে না। ওর ভোগ ও পূর্ণ ভোগ করে তবে যাবে।

সপ্তমীর দিনই সকালবেলা আমরা পূজোর পোশাক বের করে দিয়েছেন। আমরা তখন ভাই বোন তিনজন—আমি বড়, আমার ছোট বোন, তারপর আমার মেজভাই; আমার কনিষ্ঠ সহোদর পাঁচ মাস মাতৃগর্ভে। আমাদের সকলকে পোশাক পরিয়ে ভালো করে দেখেছেন কাকে কেমন মানিয়েছে। রসিকতা করেছেন ঘোর কৃষ্ণবর্ণ রাম চাকরের কোলে আমার ছোট ভাইকে দেখে। মাকে আদেশ করেছেন পোশাকী কাপড় পরতে। পরদিন মহাষ্টমীতে আমাদের বাড়িতে গ্রামের লোকের নিমন্ত্রণ, তার খোঁজ-খবর নিয়েছেন। আমাদের বাড়ির সম্মুখেই চণ্ডীমন্ডপ—জানালা খুললে খাটে বসেই সব দেখা যায়। তিনি খাট থেকে নেমে জানালার ধারে দাঁড়িয়ে পূর্ণঘট চণ্ডীমন্ডপে প্রবেশমাত্র প্রণাম করেছেন :—নবপল্লবকে মন্ডপে স্থাপন করে সন্ত তীর্থের জলে স্নান করানো দেখেছেন—হলুধ্বনি দিয়ে পান স্ফুপার ছিটিয়ে বরণ করে নবপল্লব পূজাবেদীতে স্থাপনার পর তবে আবার বিছানায় শুয়েছেন। সুতরাং তাঁকে খুব বেশি অসুস্থ না ভাববার মতো কারণ অনেক ছিল। বৃষ্টিতে কয়েকজন পেরেছিলেন। মা-পিসিমা মনের একটা আকুলতা থেকে বৃক্ণেছিলেন। রাম চাকরও যেন বৃক্ণেছিল। আর বৃক্ণেছিলেন যোগেশদাদা। যোগেশ মজুমদার ছিলেন আমার জ্যাঠামশায়ের নায়েব। তাঁর কথা আগে বলেছি। তাঁর মতো নাড়ীজ্ঞান কচিৎ দেখা যায়। নাড়ী দেখে তিনি বলে দিতেন—এ জ্বরের ভোগ হবে কত দিন। বলতে পারতেন জ্বরের পরিণতি কি হবে। খুব বেশি দিনের কথা নয়, বোধ হয় বৎসর পঁচিশেক আগে, আমাদের ওখানে স্বনামধন্য কয়লা-ব্যবসায়ী শ্রীযুক্ত মুনীনন্দনাথ মুনোপাধ্যায়ের একটি ছেলের টাইফয়েড হল। বারো দিনের দিন যোগেশদাদা নাড়ী দেখে এসে বললেন, কলকাতা থেকে ডাক্তার আনবার জন্য লোক গেল। আমি প্রশ্ন করেছিলাম, তুমি কেমন দেখলে যোগেশদা?

—আমি? দাঁড়িতে হাত বুলিয়ে যোগেশদা স্নান হাসি হাসলেন।

—কঠিন কিছ?

একটু চুপ করে থেকে বললেন, ভাই, নাড়ীর গতি আমি যতটুকু বুঝি ততো আমার মনে হল, রোগটি ব্রহ্মা-বিষ্ণুর আয়ত্তের বাইরে। তবে শিব সব পারেন। মৃত্যু একমাত্র তাঁর আয়ত্তাধীন।

তারপর বলে দিলেন—আঠারো দিন কি বাইশ দিন। তার পূর্বে বোধ হয় একটি অঙ্গ পঙ্গু হয়ে যাবে।

সে অসুখে চিকিৎসার জন্য গিয়েছিলেন কলকাতার বর্তমান চিকিৎসা-জগতের অন্যতম শ্রেষ্ঠ চিকিৎসক। পাঁচ-ছ দিন তিনি ছিলেন, প্রাণপণে চিকিৎসা-বিজ্ঞানের দিক থেকে যা করবার করেছিলেন। অবশ্য তিনিও আশা প্রকাশ করেননি। কিন্তু

তাঁর কর্তব্য তিনি করেছিলেন। প্রায় অক্ষরে অক্ষরে যোগেশদাদার নাড়ী-পরীক্ষার ভবিষ্যদ্বাণী বাস্তবে পরিণত হয়েছিল। চিকিৎসা তিনি করতেন না, শুদ্ধ ওই নাড়ীজ্ঞান অস্বস্ত করেছিলেন আশ্চর্য সাধনায়। আজ পেনিসিলিন-স্টেপটোমাইসিনের যুগে যোগেশদাদার নাড়ীজ্ঞান অনেকটা বিভ্রান্ত হত একথা ঠিক, কিন্তু তাঁর একটা কথা লেখবার সময়েও আমার কানের কাছে যেন বাজছে। ঐ সময়েই তিনি বলেছিলেন, ভাই, সাধারণ-রোগের নাড়ী আর আর মৃত্যু-রোগের নাড়ীতে পার্থক্য আছে। বদ্বা কঠিন, সব সময়ে বদ্বতে পারাও যায় না। তবে গভীর মন দিয়ে নাড়ী পরীক্ষা করলে আভাস পাওয়া যায়, বদ্বা যায়। সাধারণ-রোগে নাড়ী দেখে এও বলা যায়—ঠিক ঠিক ঔষধ পড়লে এই এই দিনে এই এই উপসর্গের হ্রাস হবে, এই-ভাবে জ্বরত্যাগ হবে। সে বলা কঠিন নয়। রোগের প্রকোপের মাত্রা, ঔষধের শক্তির মাত্রা, এ দুইয়ে যোগ-বিয়োগ করে বেশ বলা যায়। কিন্তু মৃত্যু-ব্যাধিতে ঔষধ কার্যকরী হয় না।

এই যোগেশদাদা বদ্বতে পেরেছিলেন। কিন্তু তিনিও একথা বলতে পারেননি। কি করে বলবেন—এই ভেবে তিনি কলকিনারা পাননি। রাম চাকর সবলকে বলেছিল—আমার কি রকম লাগছে গো। উঁহু, ই ভাল নয়। উঁহু! উঁহু!

সে এক বিচিত্র পরিবেশ! আজও মনে পড়ছে—আমার শিশুচিন্তের সে কী দ্বন্দ্ব! বাইরে দুয়ারের ওপারে আনন্দ-কলরোলের প্রবাহ বয়ে চলেছে, শঙ্খ-ঘণ্টায়-হুল্লুধ্বনিতে-ঢাক-ঢোলে-কাঁসিতে-সানাইয়ের সুরে ঘোষণা করে আনন্দ-কলরোল প্রহরে প্রহরে উচ্ছ্বসিত হয়ে উঠছে পরিচ্ছদের বর্ণচ্ছটায়, শরৎ-রৌদ্রের বলমলানিতে দেবীমূর্তির সৌন্দর্যে-গান্ধীর্ষে রূপের জোয়ার বয়ে যাচ্ছে। রূপের সঙ্গে গন্ধ মিশেছে—গঙ্গা-যমুনার ধারার মতো। দেবমন্দিরে উঠছে ধূপগন্ধ, ঘটদীপের গন্ধ, পরাতের উপরে রাশিকৃত গন্ধপুষ্প—পদ্মফুল এসেছে ডালা ডালা, গন্ধরাজ টগর মালতীর রাশি সাজানো রয়েছে, ওদিকে ঘষা হচ্ছে অগুরু, চন্দন। বধূ-কন্যাদের পরিচ্ছদে উঠছে পুষ্পসারের গন্ধ।

সেই চণ্ডীমন্ডপের গায়েই আমাদের বাড়িটা সেদিন যেন ধনীর দুয়ারে কাঙালিনী মেয়ের মতোই দাঁড়িয়ে ছিল। বাড়ির ভিতরে পূজার আয়োজন চলছে, তবু যেন সেখানকার আকাশ মেঘমলিন, সব যেন স্তম্ভ হতশ্রী, বারুও যেন অভাব ঘটেছিল। বাড়িতে থাকতে আমার শিশুচিন্তের যেন শ্বাস রুদ্ধ হয়ে আসছিল। তবু সেখান থেকে বেরতে পারিছিলাম না। কেউ জোর করে চণ্ডীমন্ডপে পাঠিয়ে দিলে—সেখানেও থাকতে পারিছিলাম না, কঠিন আকর্ষণে বাড়িতে এসে চুকেছিলাম।

আমাদের সে-কালের লাভপূর ব্যক্তিত্বে আভিজাত্যে এবং যোগ্যতায় রুচিতে এবং মহাধর্ম্যতায় বাংলাদেশের মহানগরীর রুচিসমৃদ্ধ পল্লীর সঙ্গে তুলনীয় ছিল; পূজার সময় সেই শোভা ষোলো-কলায় পরিপূর্ণ হত। বিদেশে যাঁরা থাকতেন, তাঁরা প্রতিটি জন ফিরতেন গ্রামে। ষষ্ঠীর দিন রাতি পর্যন্ত প্রত্যেকে যেন ফিরতে বাধ্য ছিলেন। না-আসাটা মহা-অপরাধ বলে গণ্য হত। সমাজের কাছে, গ্রামের কাছে, এই শর্ত

যেন দলিল লেখা ছিল। জীবনে স্ফুর্তিপ্রতিষ্ঠিত মানু্য ষাঁদের বলি, সেদিনের লাভপদের জীবন-স্বপ্নের মহারথী ও রথী—তেমন মানু্যের সংখ্যাই ছিল ষাট-সত্তর জন, এঁদের সঙ্গে আসত পরিজনরা। একটি পল্লীগ্রামে এমন দেড়শত মানু্যের আগমন কম কথা নয়। তাঁরা এসে পূজা-সমারোহের মধ্যে যে উল্লাসের সৃষ্টি করতেন তাতে গ্রামের সকল বিষন্নতা সকল মলিনতা নিঃশেষে বিলুপ্ত হয়ে যেত। তাঁরাও যেন দমিত-উল্লাস হয়ে গেলেন। আমার বাবার প্রতিষ্ঠা এবং ব্যক্তিত্বের কথা আগেই বলেছি। এই পূজা-সমারোহের মধ্যে তিনি থাকতেন পুরো-ভাগে। তাঁর কণ্ঠস্বরের উল্লাসকে যেন একটি মহিমা দিত। এবং তাঁর অসুস্থতা ছিল যেন কল্পনার বাইরের ব্যাপার। তিনি যে-অসুখে উঠতে পারেননি, সে-অসুখ তো কম নয়—এই কথাটাই সকলকে উল্লাসের মধ্যেও সচকিত করে দিয়েছিল। একে একে দল বেঁধে তাঁরা আসতে শুরু করলেন দেখতে।

এর মধ্যে বিশেষ করে মনে পড়ছে কয়েক জনকে। ইন্দ্রবাবু উকিল, যোগীবাবু উকিল আর ব্রজ জ্যোষ্ঠা-মহাশয়কে। বাবার সমবয়সী—অন্তরঙ্গ বন্ধু তিনজনেই। ইন্দ্রবাবু শুধু লক্ষ্যপ্রতিষ্ঠ উকিলই ছিলেন না—তিনি সে-আমলের সত্যকারের সংস্কৃতিবান মানু্য ছিলেন, পাণ্ডিত্যে-ব্যক্তিত্বে আচারে-ব্যবহারে তিনি ছিলেন বিদ্যাগার-ভূদেব-বর্ষিকম-ইন্দ্রনাথের (পঞ্চানন্দ) অনুগামী। সম্ভবত সে-কালে কংগ্রেসের সঙ্গে তাঁর যোগাযোগ ছিল। সন্তমীর সন্ধ্যায় বাবার রোগশয্যার চারিপাশে মজলিস বসে গেল। আমি উঁকি মারছিলাম। যেতে পারছিলাম না। মনে আছে—ইন্দ্রবাবু আমার গায়ে বীরভূমের বসোয়া বিষ্ণুপদের সিক্কের পাঞ্জাবি দেখে বলেছিলেন, হরিবাবু, এই জন্য আপনাকে এত ভালোবাসি। এখানে এসে দেখলাম ছোট ছেলেদের গায়ে আগাগোড়াই বিলিতি জামা পোশাক। আপনার ছেলের পরনে দেখছি ফরাসডাঙা ধুতি—দেঁশি সিক্কের পাঞ্জাবি। ছেলে কাঁদিনি—জরিদার ভেলভেটের পোশাকের জন্যে?

বাবা মদু হেসেছিলেন।

এইটুকুই মনে আছে। তারপর আলোচনা চলেছিল অনেকক্ষণ। যোগীবাবু ছিলেন অন্য ধরনের মানু্য। সৎ মানু্য, খাঁটি উকিল। বাবার সুখ-দুঃখের বন্ধু ছিলেন—আমাদের উকিলও ছিলেন। তিনি বসেই ছিলেন চুপ করে।

ব্রজ-জ্যোষ্ঠার আসার কথা মনে আছে। আত্মভোলা সরল রসিক মানু্য। গান গাইতে পারতেন। তিনি গান গেয়ে ঘরে ঢুকেছিলেন। শুনছি, তিনি সিঁড়ি থেকেই গান ধরেছিলেন—

“ও ভাই কানাই, তু ভাই বিনে রাখাল-খেলা হয় না খেলা—

তু ভাই শুল্লো থাকালি ঘরে, চলে যে যায় গোষ্ঠের বেলা।”

ঘরে ঢুকে বলেছিলেন, এ কি কান্ড ভাই হরাই! মনে মনে কত আঁচ করে গায়ে এলাম—মহামায়ার পূজা, তুমি ভাই অসুখ করে ঘরে পড়ে। শিবরাম! শিবরাম! তারা কালী—কালী তারা! কপালে হাত দিয়েই চমকে উঠে বলেছিলেন, হরি—হরি—হরি! এ যে অনেকটা জ্বর ভাই হরাই!

রজ-জ্যোঠা আমার পিঠে হাত দিয়ে বলেছিলেন, জ্যোঠা, তুমি নাকি পদ্য লিখেছ? আমাদের পাড়ার সদরে দেখি—ছেলের দল দেওয়াল থেকে কাগজ ছিঁড়ছে। আর ঐ পাড়ার শশনের ব্যাটা—কি নাম—আচ্ছা বাহাদুর লেডুকা—এই যে কি-পদ—তার কান ছিঁড়ছে। আমি ছাড়িয়ে দিয়ে বললাম, কান ছিঁড়িস না বাবা, তার আগে বল হল কি? বলে—হরিবাবুর ছেলে তারাক্ষর আর চারুবাবুর ছেলে নারায়ণ পদ্য লিখেছে—তাই ওই কি-পদ—ও এসে টিটকির দিয়েছে আমাদের পাড়ার ছেলেদের। তাই ছেলেরা—পদ্য ছিঁড়েই ক্ষান্ত হয়নি, ছোকরার কানও ছিঁড়ে দেবে। আমি বলি—বাবারা, তাতে রাগ কেন? সরকারপাড়ার আমরা সাতপুরুষ জমিদার—কাগজ-কলম-লিখন-পঠন-ও আমাদের বারণ; হায়-হায়-হায়, নইলে পোস্টাফিসে চাকরি পেয়েছি সেই কবে, আজও প্রমোশন হল না রে বাবা! যতবার দরখাস্ত করি, ততবার ওপর থেকে লেখে—‘না’। কেন ‘না’? না—দরখাস্তেই এত ভুল যে ওতে প্রমোশন হয় না। আমি বলি, দিস না ব্যাটার। জমিদারকে প্রমোশন দিতে হলে রাজা করতে হয়, সে তোমাদের হাতে নেই। কই জ্যোঠা, তোমার পদ্য দেখি। ছেঁড়া কাগজটা তো পড়া হয়নি।

ইঠাৎ ঘরে ঢুকলেন ডাক্তার এবং আশুদাদা। তাঁদের পিছনে পিসিমা।

ওষুধ খাবার সময় হয়েছে। ডাক্তার দেখবেন। পিসিমা বললেন, সকলেই বলছেন ভালো আছেন দাদা। কিন্তু আমার যে ভালো ঠেকছে না ডাক্তার। তুমি দেখ। ভালো করে দেখ। মৃদুহৃদে অন্ধকার এল ঘনিয়ে। ইন্দুবাবু আমার পিঠে হাত দিয়ে বললেন, ক্ষিদে পায়েনি? যাও, মায়ের কাছে যাও।

অকস্মাৎ কাল এসে দাঁড়াল।

তাকে যেন স্বচক্ষে দেখেছিলাম। অষ্টমীর দিনও কেটে গিয়েছিল এমনিভাবেই। মহানবমীর দিন অকস্মাৎ অতর্কিতে সে এসে দাঁড়াল। মনে হচ্ছে তার ঠোঁটের এক কোণে বাবার ঠোঁটের স্মৃতি হাসি, অন্য কোণে ফুটেছিল বন্ধুত্ব হাসি।

মহানবমীর দিন বেলা একটার সময় বাবা মারা গেলেন।

স্পষ্ট মনে পড়ছে, বাবা দশটার সময়ে বললেন—এ ঘর তিনি বদল করবেন। মহানবমীর দিন আমাদের ও-অঞ্চলে পূজা-সমারোহের সর্বোচ্চ লগ্ন। বলি হয় অনেক—ছাগ-মেঘ-মহিষ, এবং বলির নিয়ম এক স্থানের পর অন্য স্থানে পর্যায়ক্রমে। গ্রামে সকল পূজা-বাড়ির ঢাক-ঢোল একত্রিত হয়ে বাজতে থাকে, গোটা গ্রামের লোক এক স্থানের পর অন্য স্থানে চলে শোভাযাত্রার মতো।

এই কারণেই বাবা বললেন, এ ঘরে বাজনার শব্দ হবে প্রচণ্ড। একটু দূরের ঘরে যাবেন। ডাক্তার নিষেধ করলেন। কিন্তু তিনি শুনলেন না। দৃজনের কাঁধে ভর দিয়ে তিনি হেঁটেই ঘর-বদল করলেন।

বেলা এগারোটা নাগাদ দেখা দিল বিকার। ভুল বকতে আরম্ভ করলেন। তাঁর সে চোখের দৃষ্টি আমার চোখের উপর ভাসছে, রক্তাভ চোখের অস্থির চঞ্চল

অর্থহীন দৃষ্টি ; সে দৃষ্টি কি যেন খুঁজছিল। মনে আছে, ইন্দ্রবাবু উকিল মদুখের কাছে বসে প্রশ্ন করলেন, হরিবাবু!

—আঃ! কি?

—কে আমি বল তো? চিনতে পারছ আমাকে?

—হ্যাঁ, হ্যাঁ। তুমি ইন্দ্র।

—কিন্তু এমন কেন করছ?

—সর ইন্দ্র, সর। সরে বস। দেখছ না, বসতে পাচ্ছেন না। দাঁড়িয়ে আছেন।

—কে? কি বলছ?

—ঠিক বলছি। বাবা। আমার বাবা এসেছেন, দাঁড়িয়ে আছেন। আঃ, ইন্দ্র, গুরুজনের সম্মান রাখ। সরে বস, জায়গা দাও। বাবা—আমার বাবা। সরে যাও, সব সরে যাও। শৈল, আসন দে। আসন দে।

কপালের উপর জলপটি, লাল চোখ, অস্থির দৃষ্টি—বাবার চোখ আমার দিকে পড়ল, কিন্তু আমি তাঁর চোখে পড়লাম না।

কে যেন আমার কোলে তুলে নিয়ে গেল।

তারপর মনে পড়ছে, বাবার শেষনিঃশ্বাস ত্যাগের ছবি। সেই সময় ছুটে এসে পড়েছিলাম।

বিহবল হয়ে দেখলাম।

চারদিকের কলরব কান্না—কিছুই আমার দৃষ্টি আকৃষ্ট করতে পারেনি। আমি দেখলাম, সে বিকারের প্রচণ্ডতা—সে অস্থিরতা।

আবার আমাকে কে নিয়ে গেল।

বাবার দৃষ্টি তখন স্থির হয়ে গেছে।

আবার ফিরে এলাম।

জনতা তখন স্তম্ভ। মৌন মৃদু সব। মা উপড় হয়ে পড়ে আছেন আপাদমস্তক আবৃত করে ঘরের এক পাশে। বোধ হয় চেতনা ছিল না তখন। পিসিমা পড়ু আছেন। একে একে লোক আসছে, দাঁড়াচ্ছে, আবার চলে যাচ্ছে। শব্দ উঠছে পদধ্বনি।

বাবা শব্দে আছেন। চোখ দুটির পাতা তখন নামিয়ে দিয়েছে কেউ। আমি নেড়েছিলাম বাবার দেহ। ঠাণ্ডা হিম—কঠিন। মৃদুত্বে মনে হল, আর ডাকলে সাড়া দেবেন না। ঠাণ্ডা হিম কঠিন হয়ে গেছেন বাবা। স্বচক্ষে মৃত্যু দেখলাম প্রথম। আমিও যেন কেমন হয়ে গেলাম। আতঙ্কিত অভিভূত আমি থরথর করে কাঁপতে লাগলাম।

ষোলো

আমার কাল সে-কাল আর এ-কালের সন্নিষ্কণের কাল।

আমার কালের কথা স্মরণ করতে গেলেই মনে পড়ে আমার কালের সে-কালকে। ধরাশায়ী বিশালকায় ঘনপল্লব বনস্পতি। মনে ভেসে ওঠে আমার পিতার শবদেহের

কথা। শালপ্রাংশু মহাভূজ, লৌহকপাটের মতো বৃদ্ধ, প্রশস্ত ললাট, ললাটে সারি সারি চিন্তাকুল বলীরেখা। গভীরদৃষ্টি মানুষ্যটির জীবন্ত প্রতিচ্ছবি মনে পড়ে না। মনে পড়ে কঠিন হিমশীতল দেহ, অধ্বনিমীলিত স্থির শূন্যদৃষ্টি চোখ, নিথর হয়ে পড়ে আছেন, ধ্যানস্থ হয়ে গেছেন যেন অনন্তের ধ্যানে। এই আমার সে-কালের ছবি। তাই সে-কালকে শ্রদ্ধা করি, প্রণাম করি, তার মহিমার কাছে আমি নতমস্তক। তার বৃদ্ধি-বিচ্যুতি অপরাধ, তার স্থলন আমি সবই জানি আমার পৈতৃক চরিত্রের বৃদ্ধির মতো। আমার বাবা তাঁর দিনপঞ্জীতে তাঁর চরিত্রের কোনো দিক অনুশ্রীতিতে রাখেননি। এবং সে-দিনলিপি আমাকেই উদ্দেশ্য করে লিখে গেছেন, সব জ্ঞানিয়ে গেছেন; বার বার বলে গেছেন অপরাধের প্রায়শ্চিত্ত করতে, বংশগত ঐতিহ্য-মহিমাকে অক্ষুণ্ণ এটুট রাখতে, অপূর্ণ কামনাকে পরিপূর্ণ করতে। সে ঐতিহ্য, সে মহিমা ব্রাহ্মণের। ধনীর নয়, দরিদ্রের নয়, জমিদারের নয়, প্রজার নয়, মহিমময় মানুষ্যের। যে বৃদ্ধি জীবনে ছিল, তার প্রায়শ্চিত্ত করতে আদেশ দিয়ে গেছেন। তাই তো শ্রদ্ধা ছাড়া অবজ্ঞা বা ঘৃণা করতে পারি না সে-কালকে। তাই তো বলতে পারি না, সে-কাল ছিল ভ্রান্ত। কোনো ভ্রান্ত জন কি বলে?—অপরাধের প্রায়শ্চিত্ত করো। আমি পারিনি; হে আমার উত্তরপুরুষ, তুমি করো।

কোনো ঘৃণ্য জন কি বলে?—জীবনে যেটুকু সত্য তাকে জীবন বিনিময়ে রক্ষা করো। হে আমার উত্তরপুরুষ, তোমার উত্তরপুরুষের জন্য এটুকু গচ্ছিত দিয়ে গেলাম তোমার কাছে।

কোনো অতৃপ্ত আত্মকেন্দ্রিক অসুস্থ মানুষ্য কি বলে?—আমার জীবনে যা পরিপূর্ণ হল না, হে আমার উত্তরপুরুষ, তা যেন তোমার জীবনে পূর্ণ হয়!

আমার কালের অপরাধ নতুন-কাল যেন আমার মা।

জ্যোতির্ময়ী—প্রসন্ন।

তিনি বলেন, আঘাতে বিচলিত হয়ো না, ক্রান্ত হয়ো না, পথ চল।

শ্রুতিশুদ্ধবস্ত্রাবৃত্তা মায়ের একটি কথা বলেই শেষ করব।

বাবার মৃত্যুর পরই অকস্মাৎ একদিন অনুভব করলাম—আমি নিঃসহায়, আমি সমগ্র গ্রামে উপেক্ষার পাত্র, করুণার পাত্র। আমার ভবিষ্যৎ অন্ধকার।

শারদীয়া নবমীর দিন আমার বাবা মারা গেলেন। পরদিন বিজয়া-দশমী। তারপর দিন একাদশী। একাদশীর দিন সকালে আমাদের হিন্দুসংসারে একটি অনুষ্ঠান আছে। আজও আছে। বলে 'বাত্রার সাইত'।

সম্ভবত, রামচন্দ্র বিজয়া-দশমীর দিনে রাবণ বধ করে বিজয়যাত্রা শেষ করে পরদিন প্রাতে সভানুষ্ঠান করেছিলেন। পুরুষকৃত করেছিলেন বানর-সৈন্যদের, রাক্ষসদের মার্জনা করেছিলেন, প্রসাদ বিতরণ করেছিলেন। মহাযজ্ঞ শেষে আরম্ভ হয়েছিল নবজীবন। সেই অনুকরণেই বোধ হয় এই প্রথার সৃষ্টি।

সেদিন সকালে শ্রুভসময়ে চণ্ডীমন্ডপে গৃহস্থকর্তা তাঁর সম্বল নিয়ে বসতেন। আজও নামাত্র বসেন। সামনে থাকত বাক্স। বাক্সের মধ্যে আধূলি সিকি দুগ্ধানি

ডবলপয়সা। তখন আনি মদ্রার সৃষ্টি হয়নি। ডবলপয়সা ছিল আমার এবং আকারে ছিল টাকার মতো বড়। প্রথমেই আমাদের গ্রাম-দেবতা ফুল্লরা দেবীর পূজক পুরোহিত ও গর্দীবান এসে প্রসাদী বিষ্ণুপত্রের মালা গলায় দিয়ে আশীর্বাদ করে দাঁড়াতে। কতটা টাকা বা আধুনি বা সিকি দিয়ে প্রণাম করতেন। তারপর দুর্গা-পূজার পূজক, পুরোহিত, পরিচারক, পাচক, ছেত্তাদার, প্রতিমাগঠনের কারিগর, ডাকসাজের মালাকার, নাপিত, বাদ্যকর, প্রতিমাবিসর্জনের বাহকদল, প্রতিমার চুল যারা তৈরি করে তারা, প্রতিমার নাকের নথ দেয় যারা তারা, আসন-অঙ্গদুরী-সরবরাহকারী, ফুলবিষ্মপত্র-সরবরাহকারী—সে অনেক-অনেকজন এসে তাদের প্রাপ্য নিয়ে যায়। গ্রামস্তর থেকে লাঠিয়াল আসত, তারা বিসর্জনের মিছিলে রক্ষক হিসেবে থাকত, তারা নিয়ে যেত প্রাপ্য। এর পর আসতেন চিকিৎসক, বৈদ্য, বিষবৈদ্য —ঋণ সাপুড়ে, গো-বৈদ্য, চৌকিদার, দফাদার, কনস্টেবল, পোস্টাফিসের পিওন। মোদক আসত মিষ্টান্ন নিয়ে, মদ্রা আসত মসলা নিয়ে। জেলে আসত মাছ নিয়ে। তারা কাপড় পেত, টাকা—একটা টাকাও নিয়ে যেত, হিসেবে জমা করত। গ্রামের দাই আসত, রজক আসত, কর্মকার আসত। দু-আনা চার আনা বৃত্তি নিয়ে যেত। বাউল আসত, দরবেশ আসত, ভিক্ষুক আসত, সন্ন্যাসী আসত। সাঁওতালেরা আসত দল বেঁধে, তারা নাচত; বাঁশী মাদল বাজাত, দু-পয়সা চার পয়সা বিদায় পেত আর পেত অন্দের দুয়ারে আঁচল ভরে মূড়ি খই মূড়িকি। এ-সব এই মহাযুদ্ধের আগে পর্যন্ত পেত। এই আসরে এসে বসত গ্রামের শিশু বালক-বালিকার দল। প্রতি আসরে একটি করে পয়সা পেত। এ হল শিশুদের বৃত্তি, এ আজও আছে। এই দিনটিতে ছেলের হাত পাততে কোনো বাধা নাই। লক্ষপতির সন্তানেরও নাই। আমি আমার বাবার কাছে প্রতি বার পেতাম একটি করে টাকা। তা ছাড়া স্কুল আসর ঘুরে পাঁচ ছ-আনা হত। সে-বার যাত্রার সাইতের আসরে আমাকেই বসিয়ে দিলে আমার বাবার শূন্য আসনে। ঠিক বুদ্ধতে পারলাম না ব্যাপারটা। কিছুক্ষণ পরেই হল আমার ছুটি। উঠবার সময় কিন্তু আমার বৃত্তি একটি টাকা নিতে ভুললাম না। অন্যকে তখন পাশের আসর থেকে ডাকলেন জ্যাঠামশাই। একটি সিকি বা কিছু কেন নিলেন। ও-পাশ থেকে ডাকলেন হিরণ্যভূষণবাবু। তিনি বোধ হয় আধুনি দিলেন। আমি কিছু বুদ্ধতে পারলাম না এমন অভিাবিত সৌভাগ্যের হেতু। একটু উৎসাহিত হয়েই অন্যান্য কর্তাদের আসরে গেলাম স্বাভাবিকভাবেই।

এক স্থানে অভিাবিতভাবে সমাদৃত হলাম।

আমাকে একটা টাকা দিলেন। আমি অবাক হয়ে গেলাম।

আমার সঙ্গেই ছিল আমার বন্ধু ওই কর্তার ভাগিনেয়। তার হাতে দিলেন তিনি একটি সিকি। কর্তার ভাগিনেয় স্বাভাবিকভাবেই ক্ষুব্ধ হল। বললে, ওকে টাকা দিলে, আমি সিকি নেব কেন?

কর্তা কঠিন দৃষ্টিতে চেয়ে তাকে বললেন, যাও—যাও, যাও বলছি।

আমি পালিয়ে এলাম। হয়তো ভয়েই এসেছিলাম। মনে হয়তো হয়েছিল যে, আমার টাকাটাও হয়তো ফিরে দিয়ে সিকি নিতে হবে। বাইরে এসে দাঁড়িয়ে রইলাম

বন্ধুর অপেক্ষায়। সে কি পায় দেখব। যাত্রার সাইতে কে কত পায় এ নিয়ে প্রতিযোগিতা হত আমাদের মধ্যে। যে বেশি পেত, সে-ই জাপন সৌভাগ্যে স্ফীত হয়ে উঠত।

হঠাৎ কানে এল ভিতর থেকে বন্ধুর কান্নার শব্দ। বন্ধু কাঁদছে। সঙ্গে সঙ্গে কানে এল, কতঁর বাড়ির কোনো কর্মচারী বন্ধুকে বলছে, ছি, কাঁদতে নাই। ছেলেমানুষ, টাকা নিয়ে কি করবে? ওর বাবা মরেছে কিনা— তাই ওকে একটা টাকা দিয়েছেন তোমার মামা। ওর হিংসে করতে নাই, ও নেহাত হতভাগা ছেলে।

সে-দিনের সে-মুহূর্তটি আমার মনের মধ্যে অক্ষয় হয়ে রয়েছে। সে যে কী হয়েছিল— তা বর্ণনা করা আজ সম্ভবপর নয়। শুধু ওই একটা কথা যেন লক্ষ কোটী হয়ে আমার পৃথিবীর আকাশ বাতাস পরিব্যাপ্ত হয়ে বেড়ে উঠেছিল।

হতভাগা ছেলে! হতভাগা ছেলে! হতভাগা ছেলে!

ছুটতে ছুটতে বাড়ি ফিরে এসেছিলাম।

মা আমার তখনও মাটির প্রতিমার মতো আপাদমস্তক ধন্য কাপড়ে আবৃত করে পড়ে ছিলেন। এসে মায়ের কাছেই শুয়ে পড়েছিলাম। হাতে আর তখন টাকা-পয়সাগুলি সব ছিল না। পড়ে গেছে রাস্তায়।

মা মাথায় গায়ে হাত বুলিয়ে দিয়ে বলেছিলেন, তুমি মস্ত লোক হবে। কেন হবে হতভাগা? দুঃখ করে না। ও তোমাকে তাঁরা ভালোবেসে বলেছেন।

টাকাটি ছিল না, পড়েই গিয়েছিল। বাকি সিকি দুইটি আধূলিগূলি মা ভিক্ষার্থীদের দিয়ে দিয়েছিলেন।

এই করণেই এ-কালে অবজ্ঞা অবহেলা জীবনে যা এসেছে, তাই আমি পথে ফেলে দিয়ে এগিয়ে চলতেই চেষ্টা করেছি আজীবন। আমার কালের যে অংশ আমার সঙ্গে সঙ্গে চলেছে, পালন করেছে আমাকে মায়ের মতো— এ হল তারই শিক্ষা। দীক্ষা আমার কালের সে-কালের কাছে।

অনন্তের ধ্যানে সমাধিস্থ, অর্ধনির্মিলিত চক্ষু, হিমশীতল দেহ আমার বাবা আমার কালের অর্ধাঙ্গ—আমার জ্যোতির্ময়ী প্রদীপ্ত-দৃষ্টি শূন্যবাসপরিহিতা তেজস্বিনী মা আমার কালের অপর অর্ধাঙ্গ; আমার জীবনে আমার কাল সাক্ষাৎ অর্ধনারীশ্বর মূর্তিতে প্রকটিত। তাই আমার সে-কাল আর এ-কালের মধ্যে কোনো দ্বন্দ্ব নাই। চির-কল্যাণের একটি ধারা তার মধ্যে আমি দেখতে পাই। কোনোকালে ওপারে ফুটেছে ফুল—কোনোকালে এ-পারে ফুটেছে ফুল। আমি সকল কালের সকল ফুলের মালা গেঁথেই পরাতে চাই মহাকালের গলায়। ওই অর্ধনারীশ্বর মূর্তি আমার কালের রূপ ভেদ করেই একদা আমাকে দেখা দেন। সে-দিন আমার মালা-রচনা সমাপ্ত হবে। বলব, নাও আমার মালা। শেষ করে দিলাম মালা-গাঁথার পালা। আমি হারিয়ে যাই তোমার মধ্যে। তোমার জয় হোক—জয় হোক—জয় হোক!

কৈশোর-স্মৃতি

এক

আমার স্বপ্নামবাসী এক প্রোড়ের কৈশোর-স্মৃতি লিখে পাঠিয়েছেন।

শাস্ত্রমতে এগার থেকে পনের বছর পর্যন্ত পাঁচ বছর হল কৈশোর। ষোল বছর বয়স হলেই শাস্ত্রমতে সে যুবক হয়ে যায়। অর্থাৎ বাল্য এবং যৌবনের মধ্যবর্তী কাল হল কৈশোর। ঠিক যেন ভোরবেলার তন্দ্রাচ্ছন্ন কালের মতো কাল। বাইরের পাখির ডাক, ফুলের গন্ধ, বাতাসের স্পর্শ, আলোর আভাস, প্রতিটি ইন্দ্রিয়ে সাজা তুলে তাকে জাগিয়ে তোলে ধীরে ধীরে। বলে- ওঠ, জাগ, দেখ বাইরের পৃথিবী কত সুন্দর, কত কর্মমুখর, ঘরের কোণ ছেড়ে বাইরে এস। জেগে উঠে বাইরে এসে পথে নামা আর কৈশোর শেষ হয়ে যৌবনের জাগরণ হওয়াও ঠিক এক রকম।

আমাদের স্কুলে সংস্কৃত পড়াতেন হেডপন্ডিত মশায়। তিনি বলতেন—‘বাবা, কৈশোর কাকে বলে জানিস? গরুর বাছুরের শিং ওঠা দেখেছিস? শিং দুটো দেখা দেয় অথচ মাথা ছাড়িয়ে ওঠে না, গুঁতোবার ঠিক শক্তি জন্মায় না অথচ অনবরত সে গুঁতোতে চায়। কৈশোর হল ঠিক তাই।’ রসিক লোক ছিলেন তিনি। কিন্তু কথাটা ঠিক বলেছিলেন। ফুল ধরাবার আগে চারাগাছ সতেজ হয়ে বাড়তে শুরুর করে। আলোর দিকে মাথা তুলে দাঁড়ায়। গাছের কৈশোর ওই সময়টুকু।

সে হিসাবে আমাদের দেশে কৈশোর আসে শাস্ত্র-নির্দিষ্ট সময়ের তারও কিছু পরে। অন্ততঃ আমাদের কালে আসত। কালটা ছিল এখন হতে চার্লিশ বছর আগে। দেশে এখন পরাধীনতার শীত খাতু বর্তমান। রাত্রি ছিল বড়, দিন ছিল ছোট, সূর্যোদয় হত বিলম্বে। চোন্দ-পনের বছরের আগে তখন নবীনদের মনে ভাবিষ্যতের আহ্বান আসত না। তখন ইংরেজি ১৯১১-১২ সাল; একদিন সে দিনের কথা আমার মনে অনিবার্ণ প্রদীপের শিখার মতো অক্ষয় হয়ে আছে, যখন তখন সে স্মৃতি আমার মনে জেগে ওঠে। সোঁদিন রাত্রি তখন প্রায় বারোটা, ইঠাৎ ঘুম ভেঙে গেল বহু মানুষের চীৎকারে। আগুন—আগুন—আগুন!

আমার দেশ বীরভূম জেলার লাভপুর গ্রামে। আমাদের ও অঞ্চলে মাটির দেওয়ালি, খড়ের চাল। মাটির দেওয়ালের ঘর পাকাবাড়ির মতো পোস্ত, এক একখানা ঘর একশো-দেড়শো বছর কাটিয়ে দেয়। চাল দেড়ফুট দূর ফুট পুরুর করে খড় দিয়ে ছাওয়ানো। চাল কাটামোতে পাকা তালের কড়ি-বর্গা, চাল-কাঠ, তার সঙ্গে দেশী জাম অর্জুন কাঠের কত সম্বন্ধ কারুকার্য করা কাঠ লাগানো থাকে। আগুন লাগলে আগুনের অগ্নিমান্য সেরে যায়। খাদ্য শূন্য, সুস্বাদুই নয়, পরিমাণেও সে পায়

ভূরিভোজন। আমাদের দেশের বসতি অত্যন্ত ঘন, চালে চালে প্রায় ঠেকে থাকে, কলকাতার বাড়ির ছাদের মতো এ-চাল থেকে ও-চাল করে যাওয়া চলে! হনুমানের দল মাঠ থেকে গ্রামের একপ্রান্তে একটা চালে উঠে এ প্রান্তে এসে মাটিতে নেমে গ্রামান্তরে চলে যায়। কাজেই ‘আগুন’ শব্দ শুনলে গোটা গ্রাম চকিত হয়ে উঠে। আমাদের গ্রামে সমাজ-সেবক-সমিতি নামে একটি সমিতি ছিল, নানা কাজের মধ্যে নেভানোর কাজ ছিল সবচেয়ে বড় কাজগুলির একটি; বালতি ছিল পঁচিশটা। ‘আগুন’ শব্দ শুনলেই ছেলের দল ছুটে গিয়ে সমিতির বাড়ির দরজায় জমত। সেখান থেকে ছুটত বালতি নিয়ে। নিয়ম ছিল ছেলেরা জল তুলবে, তার চেয়ে বড় যারা তারা সেই জল তুলে ধরবে, আর আগুন-ধরা চালের উপর উঠে সেই জল নিয়ে আগুনের সঙ্গে লড়াই করবে অগ্রবর্তীরা প্রধানেরা। আরও নিয়ম ছিল, ছোটরা গ্রামান্তরে যাবে না। তাদের কাজ গ্রামের গন্ডীর মধ্যে সীমাবদ্ধ। সোঁদিন রাতে ঘুম ভেঙে উঠে বাড়ির ছাদে উঠে দেখলাম, আকাশ লাল হয়ে উঠেছে উত্তর দিকে। গ্রাম তখন জেগেছে, পাকা বাড়িগুলি ছাদে ছাদে কথা চলছে। কোথায় আগুন? বদ্বতে পারছি না, বোধহয় মহুগ্রামে! ওঃ, উকো উড়ছে দেখ! দেখেছ! চৈত্রমাস। চাল একেবারে শুকনো হয়ে আছে! ওদিকে আকাশে জ্বলন্ত খড়ের কুঁটি আগুনের শিখার বেগে হাউইয়ের মতো ছটকে উড়ে আকাশময় ছড়িয়ে জ্বলতে জ্বলতে ভেসে চলেছে। কিছুদূর গিয়ে ঝড়ে পড়েছে। অধিকাংশই আকাশে নিভে যাচ্ছে অবশ্য। কিন্তু জ্বলন্ত অবস্থায় নেমেও আসছে অনেক স্ফুলিঙ্গ। দূর থেকে ভেসে আসছে বিপন্ন মানুষের আত্ম চিৎকার। মহুগ্রাম আমাদের গ্রামের উত্তরে। তখন আমি দিনের বেলা গ্রামান্তরে যেতে পাই, রাত্রে যাবার হুকুম পাইনি। রাত্রে যেতে সাহসও ছিল না তখন। অন্ততঃ এই দিন। এই ক্ষণটুকু আগে সাহস ছিল না। রাত্রে ওই আকাশের লাল ছটার মন্তপথ উন্মোচিত হয়ে উঠল যেন। সঙ্গে সঙ্গে মানুষের আত্মকলরব আমার মনে যেন একটা অলঙ্ঘনীয় আহ্বান এনে দিল। ডাক সোঁদিন আমি যেন স্পষ্টে শুনছিলাম। হঠাৎ বেরিয়ে পড়লাম। ছুটে নীচে নেমে এলাম। পিছনে মা-পিসিম! বিস্মিত শব্দকত হয়ে আমায় ডাকলেন, ওরে—ওরে! আমি শুনতে পেয়েছিলাম কিনা মনে নাই, কিন্তু বারেকের জন্য ক্ষণেকের জন্যও দাঁড়াইনি। ছুটেছিলাম ছুটেছিলাম। সমিতির বাড়ির দোরের কখন পেঁচোছিলাম ঠিক স্মরণ করতে পারি না, তবে গিয়েছিলাম। কারণ মনে পড়েছে গ্রামান্তরে জ্বলন্ত ঘরের সামনে যখন দাঁড়িয়েছিলাম, তখন আমার হাতে বালতি ছিল। তিন-চারখানা ঘরে তখন আগুন লেগেছে। চাবীর গ্রাম। চাবীদের মেয়েরা মাটির হাঁড়ি ভরে জল তুলে আনছে। একটি মেয়ের কাঁধ থেকে একটা জলসুঁধ কলসী ফেঁসে পড়ে গেল। আমি তারই হাতে দিলাম বালতিটা। এইটে—এইটেতে আন জল।

খালি হাতে আমি চাইলাম জ্বলন্ত চালের দিকে; চৈত্র মাসের শুকনো খড় দুলছে—হাওয়ায় মধ্যে মধ্যে আগুনের শিখা লম্বা হয়ে যেন শূন্যে পড়ছে, মহুহুত সামনের খানিকটা খড় জ্বলে উঠছে। আগুন যেন লাল ছুটন্ত ঘোড়ার মতো ছুটে এগিয়ে আসছে। কি যে হল আমার, আমি উঠে পড়লাম মই বেয়ে চালের উপর।

আমার কান দুটো ঝাঁ ঝাঁ করছিল, গরম হয়ে উঠছিল, এই ছুটন্ত জ্বলন্ত লাল ঘোড়াটার মূখের সামনে দাঁড়িয়ে ওকে আঘাত করব, রক্তব জলের খারা ঢেলে। আর টেনে খসিয়ে নেব ওর ছুটন্ত ক্ষুরের সম্মুখের সুগম পথকে, অর্থাৎ ছাড়িয়ে দেব খড় বাঁখারি বাঁশ। ওকে থমকে দাঁড়াতে হবে। কতটা আমি পেরেছিলাম জানি না, তবে সমবেত চেষ্টায় আগুনকে দাঁড়াতে হল থমকে, তারপর নিভল। নিভল যখন, তখন রাগি তিনটে। আমার গায়ে অনেক জায়গায় আগুনের আঁচে ফোঁস্কা পড়েছিল। কেটেও গিয়েছিল কয়েকটা জায়গায়। বাঁশ ছাড়াতে খড় টানতে দড়ি ছিঁড়তে হাত আর পায়ে বেশ আঘাত পেয়েছিলাম। সেই আমার কৈশোর জাগরণ, সেদিন বৃদ্ধিতে পারিনি—আজ পারি। তবে পরের দিন থেকে আমি যে পাণ্টে গিয়েছিলাম এটা অনুভব করতে পারতাম। মনে হত বড় হয়েছি আমি। সত্যি বড় হয়েছি। পদক্ষেপে সেই মনের কথাটুকু যেন ঘোষণা করে চলতাম। আশেপাশের লোকের মৃদু কথাও শুনতে পেতাম—ছেলেটা ভাঁটো হয়ে উঠল দেখতে দেখতে।

তখন পৃথিবী এল তার আহ্বান নিয়ে।

১৯১১-১২ সাল।

তখন বাংলাদেশে ছেলেদের কৈশোরের কল্পনায় সার্থক জীবন ভাবতে গেলেই তিনটি স্বর্ণসিংহাসন ভেসে উঠত। একটিতে আঙুল দেখিয়ে দাঁড়াতে তেজোদৃশ্ত এক সম্ম্যাসী মাথায় গৈরিক পাগড়ি, গায়ে গেরুয়া আলখাল্লা, আয়ত অশ্রুত দুটি চোখ। বলতেন—জানিও, জন্ম হইতেই তুমি মহামায়ার উদ্দেশে বলি প্রদত্ত। আত্ম-বলি দিয়া এই সিংহাসনের অধিকারী হও। সে সম্ম্যাসী—বিবেকানন্দ।

আর একটি সিংহাসনের পাশে দাঁড়াতে, আর এক তেজোদৃশ্ত পুরুষ? মাথায় পাগড়ি, গায়ে চাপকান, দৃঢ়বন্ধ অশ্রুত দুটি ঠোঁট, তেমনি ললাট, তীক্ষ্ণ অন্তর্ভেদী দৃষ্টি। তাঁর হাতে লেখনী, কুক্ষিতলে বই। নাম পড়া যেত বইগুলির। কপাল-কুন্ডলা, দুর্গেশনন্দিনী, আনন্দমঠ, রাজসিংহ, বিষবৃক্ষ, কৃষ্ণকাকতের উইল, কমলা-কান্তের দস্তর, আরও অনেক—অনেক। এই বইগুলি আমাদের বাড়িতে ছিল, আমি পড়েছিলাম। বাকি বইগুলি তখনও পড়িনি। তিনি বলতেন, আমার পিছনে এস। গান গেলে এস পৃথিবীর দেশে দেশে বাংলাদেশের বেদনার গান। বলি ও-সুখের কথায় বাঙালীর অধিকার নাই। কিন্তু দুঃখের কথায় আছে। বিষ্ণুমচন্দ্র বলতেন, সার্থক হলে এ সিংহাসনে তুমি বসতে পাবে।

আর একটি সিংহাসনের পাশে দাঁড়িয়ে থাকতেন একটি পনের-ষোল বছরের কিশোর। দেবদত্তের মতো কল্পনার জন সে। তার ছবি কখনও দেখিনি, তবে বাউল-দের মূখে তার গান শুনেছি।

“বিদায় দে মা ফিরে আসি

হাসি হাসি পরব ফাঁসী দেখবে ভারতবাসী।”

কাদিরাম আঙুল দেখিয়ে বলতেন, এ সিংহাসনের মূল্য গলার ফাঁসী পরে দিতে হবে। বন্দেমাতরম্।

এই তখনকার দিন।

হর বিবেকানন্দের মতো দীপ্তিবজ্রী সন্ন্যাসী, নয় বস্কিমের আদর্শে সাহিত্যিক, নয় কাদিরামের আদর্শে শহীদ হওয়াই বাঙালীর ছেলের কৈশোরের স্বপ্ন। আরও ছিল বই কি।

ছিল মর্তের কুশন-আঁটা রূপোর চেয়ার।

মোহনবাগান ছিল। মোহনবাগান সেবার আই. এফ. এ. শীল্ড পেয়েছে। মনে আছে, এগারোজন খেলোয়াড়ের শীল্ড-বল নিয়ে গ্রুপ-ফটোর ব্লক ছাঁপিয়ে বাংলাদেশের ক্লাবে ক্লাবে পাঠানো হয়েছিল। আমাদের হাফ-ইয়ারলি একজামিন' হচ্ছে; পরীক্ষা দিচ্ছি, আমাদের হেডমাস্টার মশাই হঠাৎ এসে সেই ছবিটা আমাদের দেখিয়ে বললেন, দেখ, এরা গোরাদের খেলায় হারিয়ে শীল্ড নিয়েছে। পারবি এমনি খেলতে?

খেলাতেও আমার ঝোঁক ছিল। কি শীত কি গ্রীষ্ম, ছুটির পর বীরভূমের অব্যাহত প্রান্তরে, খেলার মাঠে বল নিয়ে ছুটতাম, বল যতক্ষণ দেখা যেত ততক্ষণ খেলা চলত। নাত্র দুজন খেলোয়াড়, আমি আর একজন। তাও চলেছে খেলা—ধাঁই—ধাঁই, আমি এদিকে, বীরেশ্বর বলে একটি ছেলে সে ওদিকে। বীরেশ্বর আজও খেলতে পারে বোধ হয়। কালো কণ্ঠ পাথরের মতো শক্ত শরীর তার। খেলাতেও তেমনি পারদর্শিতা ছিল। সুযোগ পেলে সে বাংলাদেশের একজন খ্যাতনামা খেলোয়াড় হতে পারত। ফুটবল সিজনে নিত্য তার ছবি উঠত কাগজে। আমার সাধ ছিল, আমি হব শিব ভাদুড়ীর মত লেফট আউট।

আরও একটা ছিল গদি-আঁটা চেয়ার। সে ছিল অভিনেতার আসন। শাখের থিয়েটারের মারফতে ওই আসনটাকে তুলে ধরা হয়েছিল, নইলে পেশাদারী থিয়েটারে স্বাবার কথা মনে থাকলেও কেউ উচ্চারণ করতে পারত না। তবে শাখের থিয়েটারে নাম কেনার আকাঙ্ক্ষা কিশোর মনের কোণে দাঁড়িয়ে হাতছানি দিত। আমাদের লাভ-পূরের শাখের থিয়েটার সত্য সত্যই ভালো থিয়েটার ছিল। পাকা স্টেজ, প্রচুর সাজ-সরঞ্জাম, সত্যকারের অভিনয় প্রতিভা—সবই ছিল। স্বর্গীয় নাট্যকার নির্মলশিব বন্দ্যোপাধ্যায় ছিলেন এই আয়োজনের পুরোধা। তিনি প্রতিভাশালী অভিনেতা ছিলেন। নাটক লিখে, অভিনয় করে, সাহিত্য ও নাট্য চর্চার একটি অপূর্ণ পাদ-পাঠে পরিণত করেছিলেন আমাদের গ্রামকে। এই প্রসঙ্গে ছোট একটি গল্প বলি। কলকাতা থেকে খাস কলকাতাই একদল বরষাত্রী গিয়েছিলেন আমাদের গ্রামে। মেয়ে আমাদের গ্রামের। ধনীর কন্যা এবং সাধের কন্যা। তাই আমাদের শাখের রঙ্গমঞ্চ অভিনয়ের ব্যবস্থা করেছিলেন। বরষাত্রীরা হেসে বললেন—রাত্রি জেগে অভিনয় দেখার দারুণ থেকে অব্যাহতি দিতে হবে। অনেক বিনয়ের পর স্থির হল, এক অঙ্ক দেখবেন। বিবাহ শেষ রাত্রে। বিবাহের পরদিন অভিনয়। সেজন্য থাকতে হল তাঁদের। বিবাহের দিন তাঁরা খেয়েদেয়ে শয়ন করে, আমি গিয়েছি পান নিয়ে। ঘরে ঢুকতেই শুনলাম, একজন বলছেন—আজ যে মে গোলমাল করে ঘুমোতে দেবে না, কাল তাকে

সমস্ত রাত্রি থিয়েটার দেখার সাজা নিতে হবে। অর্থাৎ ওখানে থিয়েটার দেখা, আর কুইনিন মিস্ত্রিচার একটু একটু করে খাওয়া একই রকম ব্যাপার। আমি যত পেলাম লজ্জা তত হল দঃখ। পরের দিন তাঁরা থিয়েটার দেখতে বসলেন।—গোড়া থেকেই গোল কর না গোল কর না করে গোলমাল শুরুর করলেন। অভিনয় আরম্ভ হল। নির্মলশিবাবদুর বীররাজা নাটক। সেখানি তখনও পাণ্ডুলিপি, কলকাতার রঙ্গমঞ্চে তখনও অভিনয় হয়নি, ছাপাও হয়নি। প্রথম দৃশ্য অভিনীত হতে হতে কলকাতার বাবুরা হ্রদ কুণ্ঠিত করে চুপ করলেন। নিজেদের মধ্যে গা টেপার্টীপ শুরুর করলেন। বার অর্থ হল, এ-কি হে! এরকম তো কথা ছিল না। এ যে ধুকড়ির মধ্যে খাসা চাল। একেবারে দাদখানি।

আমাদের গ্রামের একজন রসিক বসে কথাটা শুনছিলেন। তিনি প্রথম দৃশ্য শেষ হতেই চোঁচিয়ে উঠলেন—গোবিন্দ ভোগ! গোবিন্দ ভোগ! অর্থাৎ দাদখানি চালটা কলকাতার; এখানকার ভালো চাল আমাদের গোবিন্দ ভোগ। কলকাতার বাবুরা রাত্রি তিনটা পর্যন্ত অভিনয় শেষ দেখে তবে উঠেছিলেন।

আমার কৈশোরে এই পাঁচখানি আসনের হাতছানিই আমাকে উঁতলা করেছিল। দু-এক বছর যেতেই সেবা সমিতির সম্পাদক হলাম। আজও সে স্মৃতি মনে জাগলে ক্ষণিকের জন্যও উদাস হয়ে পড়ে আমার সমস্ত সত্তা। মনে পড়ে সেই সেই পদ্য সাধনার স্বাদ। মনে পড়ে, যে পাঁড়িতে, যে আতের সেবা করতাম,—তার চোখের সে দৃষ্টি, যে দৃষ্টিতে থাকত বিধাতার স্পন্দন আশীর্বাদ। একবার কলেরা মহামারীর আকারে আমাদের অঞ্চলে দেখা দিয়েছিল। কলকাতা থেকে স্বাস্থ্য বিভাগের বড় কর্তা বেন্টলি সাহেব গিয়েছিলেন একদল ভলেন্টার নিয়ে। তখন আমি ছেলেদের নিয়ে কাজ করে যাচ্ছি। বেন্টলি সাহেব আমাকে তাঁর নিজের ওয়াটার প্রুফটি উপহার দিয়েছিলেন। আমার উপন্যাস ধাত্রীদেবতার মধ্যে এই মহামারীর এবং আমার সে-সময়ের ভাব ফুটে উঠেছে।

সঙ্গে সঙ্গে চলত সাহিত্য সাধনা। লিখতাম কবিতাই বেশী। নাটকও লিখতাম। এবং ছাদের উপর সিন হিসেবে নানা রঙের গায়ের রূপার টাঙিয়ে অভিনয় করতাম। পরবর্তী জীবনে অভিনয় করেছি। অভিনয়ের জন্য সূখ্যাত পেয়েছি। নিজের রোগা চেহারার জন্য রঙ্গমঞ্চে নামতে আজ লজ্জা পাই, নইলে হয় তো রঙ্গমঞ্চে অন্ততঃ এখানকার শখের অভিনয়ে অভিনয় করতাম। কিছুদিন আগে সাহিত্যিকেরা রবীন্দ্রস্মৃতি সমিতির তরফ থেকে অভিনয় করেছিলেন। তাঁদের জেদে শেষ পর্যন্ত একটি চাকরের ভূমিকা বেছে নিয়েছিলাম। অভিনয় দেখে তারিফ করে আমাদের এক সাহিত্যিক দাদা প্রেক্ষা-গৃহ থেকে হেঁকে বলেছিলেন—কি হলে এমন চাকরটি পাওয়া যায়? বলি ওহে, মাইনে নেবে কত?

তারপর শুরুর করেছিলাম গল্প লেখা, উপন্যাস লেখা। তখন আমার বয়স মধ্যবয়সে। বত্রিশ বছর পার হয়ে গেছে। মধ্যে সাহিত্য-সাধনার একটা দীর্ঘ ছেদে পের।

এই দীর্ঘ ছেদটা শহীদ হবার তপস্যায় কেটেছিল আমার। এ তপস্যা শুরুর

হয়েছিল কৈশোরেই। পনের-ষোল বছর বয়সে এসে পড়েছিলাম বিপ্লবী দলের সংস্পর্শে। পুরো বিপ্লবী হইনি তবে তাঁদের জানার সৌভাগ্য হয়েছিল। ম্যাট্রিক পাস করেছিলাম ষোল বছর বয়সে। কলকাতায় সেন্ট জর্জ'স কলেজে ভর্তি হলাম। কিছুদিন যেতে-না-যেতে দলের সঙ্গে যোগসূত্র স্থাপিত হয়ে গেল। তখন প্রথম মহাযুদ্ধ চলেছে। ওদিকে রবীন্দ্রনাথ নোবেল প্রাইজ পেয়েছেন। রবীন্দ্রনাথের 'এবার ফিরাও মোরে' কবিতাটি ছিল আমার পরম প্রিয়। আমার আত্মার বাণী। কবিতা লিখতাম। বিপ্লবের পথে অগ্রসর হতে মনে মনে বলতাম, "ওরে তুই ওঠ আজ, আগুন লেগেছে কোথা?" গান গাইতে পারি না, তবুও তখন গাইতাম—"একলা চল রে।"

এর মধ্যেও কিন্তু মোহনবাগানের খেলা দেখেছি। অনেক কষ্টে অনেক সাহস সঞ্চয় করে ভাদুড়ী ভাই দুজনের—সেকালে বলত ভাদুড়ী ব্রাদার্স; তাদের কাছে দাঁড়িয়ে দেখেছি। মনে আছে, শিব ভাদুড়ীর জামাখানি সন্তর্পণে স্পর্শ করে মনে মনে গভীর আনন্দ পেয়েছিলাম।

এ গল্প আমার ফুটবল খেলার সংগী বীরেশ্বরের কাছে করেছিলাম, অনেক বাড়িয়েও বলেছিলাম। সেদিন আমরা ছিলাম তিনজন, বীরেশ্বর ছাড়া আর একজন, তার নাম কালিদাস দত্ত। শরৎচন্দ্রের শ্রীকান্তের নৌবিহারের মতো আমরা লুকিয়ে নদীর ঘাটে পারাপারের নৌকা খুলে নিয়ে ভেসে চলেছিলাম। কালিদাস হাল ধরেছিল, মধ্যে মধ্যে বুকনি কাটছিল গুরুগম্ভীর ভাষায়, ওটা তার বিলাস ছিল। আজও মনে আছে সে কথাগুলি; হঠাৎ বলে উঠল—সাবধান, দোদুল্যমান। অর্থাৎ নৌকা দুলছে। আমি ভাদুড়ী ভাইদের কথায় বলেছিলাম—এই লম্বা, কালিদাস বলেছিল—লম্বমান! মান দিয়ে কথা বলে বাকাকে গম্ভীর করত সে। দোদুল্যমান, ঝোঝুল্যমান, রোরদ্যমান, প্রকম্পমান, শেষ পর্যন্ত বোধকৃত্যমান ছোছট্যমান পর্যন্ত।

তখন পুজোর ছুটি। বাড়ি এসে দেখলাম একজন লোক বসে আছে। লোকটি ছিল সাধারণ ভদ্র আগন্তুকের বেশে পদলিসের লোক। আমাকে অনুসরণ করেই সেখানে গিয়েছিল। বিদেশী বিপন্ন পরিচয়ে আমাদের বাড়িতেই রইল সেদিন। কৈশোরের স্বপ্নভরা মন—তাকে আশ্রয় দিয়ে কত কথা বলেছিলাম মনের আবেগে। তাকে আমার কবিতা শুনিয়েছিলাম। সেবারকার দুর্গাপূজা সম্বন্ধে কবিতা। একটা লাইন আজও মনে আছে—

“মাটির হাতে আর খেলার প্রহরণ

জননী মিছে তুমি ধরো না ধরো না।”

তারিফ তিনি খুব করেছিলেন। কিন্তু কলকাতায় ফিরবাগাই আমায় পদলিসে ধরলে, সঙ্গে তিনিই ছিলেন। পূর্ণ লাহিড়ীমশাই ছিলেন, আমার পিতৃবন্ধু, তিনি আমাকে বড়িয়ে ব্যবস্থা করলেন—বাড়িতে বন্দীত্বের (Home internment)।

শৃঙ্খলিত হল আমার কৈশোর আমার সঙ্গে। তবু সে সেই শিকল টেনে নির্ভয়ে এগিয়ে চলল—এগিয়ে চলল যৌবনের দিকে। ১৯২১-এর দিকে। ১৯২৮-এর দিকে।

১৯২১-এ অসহযোগ আন্দোলন। (১৯২৮ সালে সাহিত্যসাধনাকে আমার জীবন হিসাবে গ্রহণের সূত্রপাত।)

কৈশোরের সোনার আসনের স্বপ্ন আজও শেষ হয়নি। কারদুরই হয় না। ওই স্বপ্নই চলে। জীবনের শেষ দিন পর্যন্ত চলে। স্বপ্ন চলে, সঙ্গে সঙ্গে আমি চলি, চলি আর নিজেকেই বলি—

“ওরে বিহংগ, ওরে বিহংগ মোর
এমনি অন্ধ বন্ধ করো না পাখা।”

দুই

ইংরেজি ১৯১১-১২ সাল। আমার বয়স তখন চোদ্দ-পনেরো। ইংরেজি ১৮৯৮ সালে আমার জন্ম।)

ওই আগুন লাগা রাতে আমার কৈশোর জাগল। বাড়ি ফিরে এলাম পোড়া খড় এবং কাঠের কালি মেখে; গায়ে ফোস্কা পড়েছে, কয়েক জায়গা কেটে গিয়েছে; শেষ রাতে তখনও মা-পিসিমা জেগে বসে রয়েছেন আমার জন্যে; আমি এসে তাঁদের সামনে দাঁড়িলাম। আজও স্পষ্ট মনে পড়েছে, চোখের সামনে ভাসছে যেন তাঁদের চোখের বিস্ময় জ্বলজ্বল দৃষ্টি! যেন চারটি উজ্জ্বল দীপশিখা। আমার মনে আত্মপ্রত্যয়, তাঁদের চোখে বিস্ময়। কাপড়ে কালি—সর্বাঙ্গে কালি—দেহের ক্ষত থেকে রক্ত তখনও গড়াচ্ছে; পোড়া জায়গাগুলি কালো হয়ে উঠেছে, তবু তাঁরা আহা-উহু বলে সমবেদনা প্রকাশ করবার মতো ভাষা খুঁজে পেলেন না। চিহ্ন থেকে আগুনের মধ্যে রূপ দিয়ে পড়ার দুঃসাহসিকতার পরিচয় পেয়েও, শঙ্কা প্রকাশ করে তিরস্কার করতে পারলেন না। আমারও মনে এল না কোন প্রকার অপরাধ-বোধের একবিবন্ধ সংকোচ। জীবনে নিরপরাধ বা অপরাধের সঙ্গে সংস্রবহীন অসম-সাহসিকতার মধ্যে অন্যায়বোধ নেই কিন্তু অনুশোচনাবোধ আছে। সে বোধ অপরাধবোধের চেয়ে কম পীড়া দেয় না। সে বোধ কোন পীড়া বা লজ্জা দেয়নি সেদিন। বিজয়ী বীরের মতো দাঁড়িয়েছিলাম তাঁদের সম্মুখে। সে রাতে স্নান করিনি, সেই কালি মেখেই বাকী রাতিটা শূরেছিলাম।

যে রকম ঘরের ছেলে আমি, এবং তখনও আমাদের দেশে যে ধারা-ধরন প্রচলিত, তাতে এই ভাবে আমার কৈশোরের জাগরণ একটু বিচিত্র। তখনও আমাদের দেশের প্রচলিত ধারায় আমাদের মতো ছেলেরা যাঁরা যুবক তাঁরা নিজের ঘরে আগুন লাগলেও পরিচ্ছন্ন ঢিলেঢালা পোশাক একটু-আধটু এংটেসংটে নিয়ে নিচে দাঁড়িয়ে সাধারণ জনগণকে আগুন নেভাতে হুকুম দেন। যাঁরা নেভাবার কাজে ইতিমধ্যেই রত হয়েছে তাদের নির্দেশ দেন—এই কর, ওই কর! ওইখানে জল দে! জল আন! এই, দাঁড়িয়ে করছি কি! জল আন! রাখ, গায়ের কাপড় রাখ!

অর্থাৎ জন্মগত অধিকারে অশ্বারোহী বা রথী সেনাপতি তাঁরা, দৈবক্রমে পায়ের

নিচের ঘোড়া মরে গেলে বা রথখানি চূর্ণ-বিচূর্ণ হলে মাটিতে দাঁড়িয়ে তলোয়ার ধরেন না, সেটা মর্ষাদার বাধে। এইটাই হল তখনকার প্রাচীন ধারা-ধরনের ধারা-বাহিকতার স্বরূপ এবং সে ধারাবাহিকতা তখনও ক্ষুদ্র হয়নি। উনিশশো পাঁচ সাল-এর ছ' সাত বৎসর পূর্বে নতুন এক যুগের সূচনা করেছে। আমরা সেই কালের বালক বলেই বোধ হয় এমনটা সম্ভবপর হল। আরও বোধ হয় একটা কারণ ছিল। বাল্যেই পিতৃহীন হয়েছিলাম, উনিশশো ছ সালে আট বছর বয়সে আমার মাতার উপরের-বাবার স্নেহছায়া তাঁর দেহপাতের সঙ্গেই বিলুপ্ত হয়েছিল। তার ফলে আমাদের লাভপূরের প্রতিষ্ঠানস্বত্ব-জর্জর সমাজের অনেক জর্জরতা আমাকে আক্রমণ করেছিল। আমাকেও করেছিল, আমাদের বংশের এই আভিজাত্যের ধারাকেও আক্রমণ করেছিল। তখন সামান্য বালকসুন্দর চাপল্য অথবা গুণটির জন্য আমার উপর বাক্যবাণ বর্ষিত হতে শুরুর হয়েছে। অনেক ক্ষেত্রে অকারণেও বাক্যবাণ বর্ষিত হত। এর কতকগুলি আদিম মানুষের রচিত গৃহাচারের মতো আমার মনে অক্ষয় হয়ে আছে।

তখন বোধ করি আমার বয়স এগারো কি বারো। ইংস্কুলে প্রাইজ ডিস্ট্রিবিউশন হবে, প্রাইজ পাব ক্লাশে দ্বিতীয় স্থান অধিকার করেছি বলে। প্রাইজ উপলক্ষে আবৃত্তি করবার জন্যে আমাকে ও লক্ষ্মীনারায়ণকে দেওয়া হয়েছে স্বর্গীয় কামিনী রায়ের একলব্য নাটকের খানিকটা অংশ। আমি একলব্য, লক্ষ্মীনারায়ণ দ্রোণ। লক্ষ্মীনারায়ণ বাল্যজীবন-ভাগ্যে আমাদের মধ্যে সর্বাপেক্ষা সৌভাগ্যবান। স্বর্গীয় যাদবলালবাবুর দৌহিত্র, তার মামারাই তখন গ্রামের প্রধান। তার মেজমামা স্বর্গীয় অতুলশিববাবুই তখন ইংস্কুলের সেক্রেটারী তাঁর বাপ শ্বশুরকুলের সহায়তায় নিজের উদ্যমকে কম্পনাতিত সার্থকতায় সফল করে তুলেছেন, সে সফলতা তখনও গতিশীল। সফলতা সফলতার দিকে এগিয়ে চলেছে, তার উপর নারায়ণ লেখাপড়াতেও ভালো ছেলে। আমার চেয়ে এক ক্লাশ নিচে পড়ে, ক্লাশের প্রথম ছেলে সে। সমাদরের অজস্র-তায় তার জীবন তখন নির্মেষ শরতাকাশে পূর্ণিমা রাত্রির সূর্যপ্রসাদ-ধন্য পূর্ণ-চন্দ্রের মতো। স্বভাবেও সে ওই চাঁদের মতো মধুর এবং স্নিগ্ধ। পরিণত বয়সে হিসেব করে দেখেছি, সে হিসেবে মনে হয়েছে যে, বাল্যের ওই সমাদরের অজস্রতাই তার চরিত্রে এ প্রসন্ন মাধুর্য দিয়ে গেছে। থাক সে কথা, যে কথা বলিছিলাম তাই বলি। নারায়ণ ছিল আমার অন্তরঙ্গ বন্ধু; যত প্রীতি তত ঈর্ষ্যা—জীবনের যত মধুর তত বিষ তার সবচেয়ে বেশী অংশটা নেয় সে। তার ও দূরতোর বেশি অংশ নিই আমি। বিষ পান করেও মোহ ঘোচে না, বাড়ে; আমরা দুজনে ইংস্কুলে, ইংস্কুলের বাইরে ঘরে বা মাঠে গিয়ে এই আবৃত্তি অভ্যাস করতে শুরুর করলাম। এর আগে পর্যন্ত বরাবরই আমরা দুজনে একসঙ্গে আবৃত্তি করেছি। প্রথম বৎসর আমরা দুজনে পাশাপাশি দাঁড়িয়ে সুরে সুর মিলিয়ে হাত জোড় করে একসঙ্গে আবৃত্তি করেছি—

“সকলে দাঁড়াই এস সারি সারি হয়ে,
ম্যাজিস্ট্রেট এসেছেন অদ্য বিদ্যালয়ে।”

তারপর প্রতি বৎসরেই আমরা একসঙ্গে সূরে সূর মিলিয়ে কবিতা আবৃত্তি করেছি এবং সবচেয়ে বেশি প্রশংসা পেয়েছি। এবার প্রথম আমরা নাটকের অংশ আবৃত্তি করব। আমাদের গ্রামে তখন শেখের অভিনয়ের খুব সমারোহ। অভিনয় দেখে আমরা আবৃত্তির সূত্র পেয়েছি। আমাদের উৎসাহ স্বাভাবিক ভাবেই প্রবল। দু'জনে পরামর্শ করে নিজেদের পোশাক ঠিক করে নিলাম। আমি একলব্য, ব্যাধের ছেলে, তপস্বী। সূত্ররাং আমি পরব মোটা কাপড় ও গায়ে নেব একখানি চাদর : নারায়ণ পরবে থান এবং সাদা জামা। এর পর ঠিক হল নারায়ণ নাট্যসম্প্রদায়ের সাজ-ঘর থেকে দু'টি ধনুর্বাণ ও তুণীর নিয়ে আসবে। একথা অবশ্য শিক্ষকদের জানানো হল না। কারণ সে আমল ছিল এমন যে ইন্সকুলের ছেলের হাতে খেলার অস্ত্র দেখলেও রাজপুত্রদেরা এবং শিক্ষক মহাশয়রা চমকে উঠতেন। এ ক্ষেত্রে রাজপুত্রদেরা ছিলেন সূর্য এবং শিক্ষক মহাশয়েরা ছিলেন বালির স্তূপ। স্থির হল, একেবারে আবৃত্তির সময়টিতে আমরা বেণের তলায় লুকানো যাত্রার দলের ধনুর্বাণ নিয়ে বের হব। তাই-ই হল। শূন্য মিলল না এক জায়গায়, দেখলাম নারায়ণ কোর্ট-প্যান্ট এবং পাগড়ি পরে এসেছে। নারায়ণ ক্ষুব্ধ মনেই বললে—মামারা বললেন, এই পরে যাও। যাই হোক—প্রথমেই আমি একলব্য হিসেবে চাদর গায়ে তীর-ধনুক হাতে সভামণ্ডপের ছোট আঙিনার মতো স্থানটুকুতে এসে হাঁটুগেড়ে বসলাম। তারপর নারায়ণ এল ; তারও পিঠে ধনুর্বাণ। আরম্ভ হল আবৃত্তি। নিস্তব্ধ সভামণ্ডপ। এগারো-বারো বছরের দু'টি ছেলের পক্ষে এমন প্রাণবন্ত আবৃত্তি সত্যি বিস্ময়ের কথা। আবৃত্তি শেষ হল। সভামণ্ডপ হাততালিতে এবং প্রশংসাগুঞ্জে ভরে গেল। ডিস্ট্রিক্ট ম্যাজিস্ট্রেট ছিলেন একজন প্রবীণ বাঙালী। আমি তখন ক্লাশে শ্বিতীয় হওয়ার গৌরবে পুরস্কার নেবার জন্য গিয়ে নমস্কার করে দাঁড়িলাম। তখন তিনি স্মিতমুখে বললেন—তুমি তো একলব্য। প্রাণটা ভরে উঠল। কিন্তু কিছুক্ষণ পরেই এমন নিস্তর আঘাত পেলাম এই কৃতিত্বের অপরাধে যে, সে কথা মনে হলেই সমস্ত শরীরটা আমার আজও কুঁকড়ে ওঠে। অনুষ্ঠান শেষ হতেই সভামণ্ডপ থেকে বেরিয়ে আরও বহুজনের সপ্রশংস অভিনন্দনে অভিনন্দিত হব—এই প্রত্যাশায় ইন্সকুলের বারান্দায় ইচ্ছে করেই দাঁড়িয়েছিলাম। আমাদের গ্রামের থিয়েটারের অভিনেতা বৃক-বৃন্দের দু-তিন জন এসে আমাকে বললেন—বলিহারি, বলিহারি, একেবারে জাত-মন্ননার মতো বদলি বললে হে!

একজন বললেন—বাস-বাস। এইবার ইস্তকা দাও ইন্সকুলে। ঢুকে পড় থিয়েটারে। আমরা আর ছেলে খুঁজে ফিরতে পারছি না!

একজন বললেন—এই জায়গাটা যদি আরও একটু ফিলিং দিয়ে বলতে পারতে। মিনি থিয়েটারে ঢুকতে বলেছিলেন তিনি বললেন—‘ও সব ঠিক হয়ে বাবে। ফিলিংসের ওষুধ খাইয়ে দোব।’ দেখিয়েছিলেন ওষুধ খাওয়াটা ভাঙ করে। ওটা মদ!

আমার চোখে জল এল, মনে হল-খরিশ্রী শ্বিতা হলে তার মধ্যে লাক দিয়ে পাড়ি। এখানে শেষ নয়। প্রাইজের ছুটির পর ইন্সকুল খুলতেই প্রথম বস-টাতেই

কেস্ট চাকর এসে ডেকে নিয়ে গেল লাইব্রেরিতে। সেখানে হেডমাস্টার মশার মদ্য লাল করে বসে আছেন। নারায়ণও এল। কঠোর কণ্ঠে প্রশ্ন এল—ধনুর্বাণ নিয়ে গিয়েছিলে কেন?

You? Why?

চূপ করে রইলাম।

আবার প্রশ্ন হল—কেন? কেন? কেন? You?

এবার বললাম—একলব্য ধনুর্বিদ্যাই শিখিছিল—

What? What? আমাকে শিক্ষা দিবি? You ইচ্ছাপাকা! এ তোর বুদ্ধি! তোর! আমি আন্দাজ করেছিলাম। Yes! লাভপুরের ছেলে যে লেখাপড়া ছাড়াবি, থিয়েটার করবি, উচ্ছ্রাসে যাবি, তোর তো পথ সাফা, বাবা মরে গেছে, সিধে রাস্তায় ঘোড়া হাঁকিয়ে চলে যাবি অধঃপাতে।

এইখানে নারায়ণ খালাস পেয়ে গেল। সবটা ঘাড়ে পড়ল আমার। অপরাধটা শুদ্ধ থিয়েটারের অনুকরণ করার জন্য নয়—অপরাধটা গুরুতর হয়ে উঠেছে অন্য-খানে, ডিশিষ্ট ম্যাজিস্ট্রেটের সামনে এই খেলার তীর-ধনুক নিয়ে বেরিয়ে Arms Act-এ অপরাধী সাব্যস্ত হয়েছি। কালটা তখন ১৯১৯-২০ সাল। আলিপুর বোমার মামলার পরও কয়েকটা মামলা হয়েছে। ১৯০৫ সালের ৩০শে আশ্বিন যে নবজীবনের জোয়ার এসেছিল—সে তার প্রথম আঘাতে যতটুকু ভাঙচোরা করবার ভেঙেচুরে যতটুকু সঞ্জীবনী ঢেলে দেবার ঢেলে দিয়ে আবার একবার সরে গেছে। ভাঁটা পড়েছে। রাজশক্তি দুর্বোলের মেঘমুগ্ধ হয়ে তীর কিরণসম্পাতে মাটির শুষে নেওয়া সঞ্জীবন রস টেনে নিচ্ছেন। লাভপুরে ক্রিমার প্রতিক্রিয়া শূন্য হয়ে গেছে। এবং শূন্য হয়েছে বেশ প্রবলভাবেই। এর জন্য স্থানীয় প্রধান স্বর্গীয় যাদবলাল-বাবুর উত্তরাধিকারীরা সহযোগিতা করছেন। যাদবলালবাবুর মেজ ছেলে—স্বর্গীয় অতুলশিববাবু তখন প্রেসিডেন্ট পঙ্কয়েত এবং অনারারী ম্যাজিস্ট্রেট; ভবিষ্যতে আরও অনেক রাজসম্মানের প্রত্যাশী! তাঁরা অহরহই শঙ্কিত থাকেন লাভপুরে কোথায় কখন একটি রাজদ্রোহসূচক বাক্য উচ্চারিত হয় এবং তার ধ্বনি গিয়ে পৌঁছয় শিউড়ি সদর শহরে। কেউ যদি ‘বন্দনা’ শব্দটি উচ্চারণ করতে যান—তবে ‘বন্দ’ পর্বন্ত বলতে-না-বলতে হাঁ-হাঁ করে ওঠেন—পাছে ওটা ‘বন্দে মাতরম্’ গিয়ে দাঁড়ায়। ভয় তাঁদের অপরিমিত। অন্যথায় তাঁরা আন্তরিকভাবে বিরোধী নিশ্চয় ছিলেন না। কারণ স্বদেশী কাপড়ের দোকান তাঁরাই করেছিলেন এখানে, যাতে করে এ অঞ্চলের লোকে স্বদেশী কাপড় পরতে পারে। অতুলশিববাবু হেডমাস্টার মশার অস্তরঙ্গ ছিলেন। দৃজনের ধারণা ছিল ইংরেজ অজেয়। এই কারণেই তাঁদের ভয় ছিল মাত্রাতিরিক্ত। ইংরাজের গুণের প্রতি শ্রদ্ধার চেয়ে ইংরাজের পুলিশী-শাসনের ভয়স্করতাই ছিল তাঁদের কাছে বড় কথা। আমাদের গ্রামে যে শেখের নাট্যসম্প্রদায় স্থাপিত হয়েছিল ১৯০৫ সালে তার নাম দেওয়া হয়েছিল—বন্দে-মাতরম্ থিয়েটার। যে গ্রন্থাগার স্থাপিত হয়েছিল—তারও নাম হয়েছিল—বন্দে-মাতরম্ লাইব্রেরি। প্রতিক্রিয়া আরম্ভ হতেই ড্রপসিনে লেখা বন্দেমাতরম্ শব্দটি

জল-সাবান দিয়ে মূছে তখন সেখানে লেখা হয়েছে ‘অন্নপূর্ণা’। লাইব্রেরির রবার স্ট্যাম্প মারা বইগুলিতে সমস্ত কালি দিয়ে বন্দেমাতরম্ শব্দটি কাটা হয়েছে। ছেলেদের একটি লাঠিখেলার আখড়া হয়েছিল—একবার পদলিস তদন্ত হতেই আখড়াটি উঠে গেছে। সুতরাং ভীতু স্বভাবের হেডমাস্টার মশায়ের আমাকে Arms Act-এ ফেলা হয় তো স্বাভাবিকই ছিল। কিন্তু আমার সে বন্ধুবার বয়স হয়নি এবং ‘বাবা মরে গেছে, ঘোড়া হাঁকিয়ে অধঃপাতে যাবি’ কথাটির মধ্যে মর্মাস্তিক বেদনদায়ক শ্লেষ ছিল, তাই সেদিন আমাকে জবাবলায় অস্থির করে তুলেছিল। এর পূর্বে গ্রামের অগ্রজ স্থানীয় যুবকেরা যে শ্লেষ করেছিলেন, তার সঙ্গে এর যোগ ছিল বলেই বোধ করি এতখানি অসহনীয় হয়ে উঠেছিল। সেদিন হেডমাস্টার মশায় অবশ্য মূখে শাসন করেই ছেড়ে দিয়েছিলেন।

আর একটি দৃষ্টান্ত দিই। এই বয়সেই বোধ হয় এই ঘটনার বৎসরখানেক আগে বা পরে পূজার তিন চার দিন পূর্বের ঘটনা। ইন্সকুল বন্ধ হয়েছে। চারিদিকে পূজা যেন ফুলের মতো ফুটতে শুরু করেছে, সকালবেলা সেদিন আমরা তিনজনে বেরিয়ে পড়েছি। আমি, স্বিজপদ আর ষড়ানন। স্বিজপদের কথা ‘আমার কালের কথায়’ বলেছি। স্বিজপদ জীবনে অন্ধকারের মূখে ধাবমান একটি প্রচণ্ড গতিশীল উল্কা। মধ্যে মধ্যে আমার শক্তির আকর্ষণে এসে কয়েক ঘণ্টা বা কয়েক দিনের জন্য আমাকে প্রদক্ষিণ করে ঘুরত। তারপর আবার চলে যেত। ষড়ানন আমাদের গ্রামের ছেলে নয়, তার বাড়ি সিউড়ির উত্তরে। তার মা এসেছিলেন আমাদের বাড়িতে পাচিকার কর্ম নিয়ে। বিধবার একটি সন্তান। লেখাপড়া শেখেনি, শিখেছে মাছ ধরতে। শিখেছে সকাল থেকে সন্ধ্যা পর্যন্ত ঘুরে বেড়াতে। আমাদের বাড়িতে আসার পর তাকে ইন্সকুলে ভর্তি করে দেওয়া হয়েছিল, কিন্তু ইন্সকুল বা ষড়ানন পরস্পরে কেউ কাউকে সহ্য করতে পারেনি। ইন্সকুলের ছুটি, বাড়ির প্রাইভেট মাস্টারমশাইও দেশে গিয়েছেন, আমরা তিনজনে শরণ প্রভাতে প্রসন্ন আলোর মধ্যে সেদিন কেমন করে মিলিত হয়েছিলাম মনে নেই। তবে হয়েছিলাম, এবং ছুটির আনন্দে ছুটে বেরিয়ে গেলাম গ্রাম থেকে। আমার মনে একটি অজ্ঞাত আকর্ষণ ছিল পশ্চিম দিকে। গ্রাম থেকে পশ্চিম মূখে বেরিয়ে গিয়েছে ডিস্ট্রিক্ট বোর্ডের রাস্তা, লুপলাইনের আমদপূর স্টেশন। সেবার আমার মেজমামা পূজায় আমাদের বাড়ি আসবেন। তিনি তখন কলকাতায় পড়েন। কলেজ বন্ধ হলেই আসবেন কথা ছিল। তিনিই নিয়ে আসবেন আমার পূজার নূতন গরদের জামা, নূতন জুতো। সবচেয়ে বড় আকর্ষণ ছিল একখানি বাঁধানো একসারসাইজ বৃক। তখন আমার গোপন সাহিত্যচর্চা শুরু হয়েছে। বাড়িতেই একজন সঙ্গী পেয়েছি। নারায়ণও একজন সঙ্গী, সে ছাড়াও ইনি আর একজন, এসেছেন অত্যন্ত আকস্মিকভাবে। আমাদের বাড়িতে নায়েব হয়ে এলেন কালীশরণ চক্রবর্তী। পাশের গ্রাম দোনাই-পূরে বাড়ি; বয়স বোধহয় পঁয়ত্রিশ, লম্বা মানুষ; অম্বলের রোগী, দাড়িগোফ-ওয়ালা লোকটির সঙ্গে ভারি মিল হয়ে গেল আমার। আমার কবিতা লেখা দেখে তিনিও আমার সাথীর মতো, সমবয়সীর মতো বললেন—আমিও পারি লিখতে!)

—সত্যি?

—হ্যাঁ। আপনার ছন্দে কিছ্‌র কিছ্‌র ভুল আছে। বলেন তো ঠিক করে দি।

আমি তখন পদ্মজার পদ্য অর্থাৎ আগমনী কবিতা লিখছি। এবং তখন আমার মধ্যে চিন্ময়ী ও মন্ময়ী দেবতা এক হয়ে গিয়েছেন, ‘বন্দেমাতরম’ মন্ত্র শিশুমনেও ক্রিয়া করেছে; কবিতায় আমি দশভুজকে আক্ষেপ করে বলছি—মা, তোর পূজা করতে এত সাধক বীর দিলেন হৃদয়শোণিত ঢেলে। শূর্য করোঁছলাম বোধ হয় পদ্ম রাজা থেকে; পৃথ্বীরাজ পার হয়ে চিতোরে লক্ষ্মণ সিংহের কথা লিখছি। লিখছি—তুই মা ক্ষুধার্ত হয়ে এলি। বললি, “ম’য় ভুখা হু”, চাইলি রাজার ম্বাদশ পুত্র বলি। রাণা এগারোটি ছেলেকে যখন যুদ্ধে পাঠালেন তাকে উৎসর্গ করে, তারপর বংশের জন্য একটিকে রেখে ম্বাদশের স্থান পূরণ করলেন নিজে; তবু তুই মা জাগলি না! আমাদের গ্রামের কবি শ্রীযুক্ত নিত্যগোপালবাবুর “দেবাসুর সংগ্রামের এই তো সময়” কবিতার সুর আমার মনে সুর বেঁধেছে। থাক সে কথা। আমি কালীশরণবাবুকে বললাম, কই, এই জায়গাটি ঠিক করে দিন দেখি! তিনি আমার কাছে জেনে নিলেন ইতিহাসের গল্পটুকু এবং আমার বলবার কথাটুকু; তারপর কিছুক্ষণ চোখ বুজে বসে থেকে আমার লাইনগুলি কেটে চমৎকার করে লিখে দিলেন দুটি স্তবক। এ’র সঙ্গে মিলে সাহিত্যচর্চা স্বাভাবিকভাবেই বেড়ে গেছে। একসারসাইজ বৃকের আকর্ষণ সেইজন্যই সবচেয়ে বেশী। আদি কবি বাল্মীকি স্নানের পথে ক্রৌঞ্চমিথুনের একটিকে শরাহত হতে দেখে যে দিন প্রথম কবিতা রচনা করেছিলেন সে দিন আগে ভূজপত্র বা তালপত্র সংগ্রহ করে তবে নদীর তলে নৈর্মেছিলেন, একথা তিনি লিখে স্বীকার করে না গেলেও অদ্রান্ত সত্য।

সেই একসারসাইজ বৃকের আকর্ষণে নানা গল্পের মধ্যে প্রায় মাইল তিনেক হেঁটে গিয়ে গাছতলায় বসলাম। তারপর স্পষ্টভাষায় সঙ্গীদের কাছে প্রস্তাব করলাম, চল, আমদপুর যাই। আমার মামা আসবেন। খাতা আনবেন—জামা আনবেন—জুতো আনবেন।

দ্বিজপদ চিরকাল আমার কবিতার ভক্ত। কবিতা সে কোন দিনই বোঝেন জীবনে, কিন্তু কবিকে সে ভালোবাসত। আমার জন্য সে পাড়ার ছেলেদের সঙ্গে ঝগড়া করেছে; মার খেয়েছে; মেরেছে। সে সোৎসাহে বললে—চল। ষড়াননও রাজী—চল। আমদপুর আরও চার মাইল। সাত মাইল হেঁটে স্টেশনে এলাম। কলকাতার ট্রেন চলে গেল; মামা এলেন না। দীর্ঘনিঃশ্বাস ফেলে আবার ফিরলাম। এবার পা-দুটি ক্লান্ত, সম্মুখে একসারসাইজ বৃকের হাতছানি নাই; শরতের প্রভাত প্রসন্ন হলো মধ্যাহ্ন প্রখর, তখন সেই মধ্যাহ্নকাল, পথে বীরভূমের রাঙা মাটির লাল ধূলা। বেলা একটা নাগাদ প্রখরতায় ক্রিষ্ট হয়ে সর্বাগে লাল ধূলায় আচ্ছন্ন হয়ে বাড়ি এসে পৌঁছলাম। তখন বাড়িতে কলরব কোলাহল পড়ে গেছে। সকালবেলা বেরিয়ে বেলা একটা পর্যন্ত আমার অনুপস্থিতি একটা অতি অস্বাভাবিক ব্যাপার। এগারোটা থেকে খোঁজ হয়েছে। বারোটা নাগাদ প্রকাশ পেয়েছে যে, আমাদের দেখা গেছে সূর্যদপূরের বটতলার কাছে। আমদপুরের পথে। আমাদের গ্রামেরই

একজন মসলমান গাড়েয়ান আমদপদুর থেকে ফেরার পথে দেখেছিল, সেই সংবাদ দিয়েছে। সঙ্গে সঙ্গে কলরব শব্দ করেছেন আমার পিসিমা। এই রৌদ্র—এই এতটা পথ—এই আশ্বিন মাস—মাত্র এগারো-বারো বছরের ছেলে, ফিরবে কি করে?

তিনি ছুটে গেলেন নারায়ণদের বাড়ি। নারায়ণদের তখন লাভপদুরে ঘোড়ার গাড়ির ব্যবসা ছিল। লাভপদুর থেকে আমদপদুর যাত্রীদের ট্রেন ধরিয়ে দিত, আমদপদুর থেকে যাত্রী নিয়ে আসত লাভপদুর। সেই গাড়ির জন্য গেলেন। গাড়িখানি চাই, যা ভাড়া লাগে দেবেন। কিন্তু গাড়িখানি তখন মাত্র ষণ্টাখানেক আগেই আমদপদুর থেকে এসেছে। ঘোড়া দুটি ক্লান্ত। কাজেই তাঁরা ইতস্ততঃ করলেন। অবশেষে রাজী হলেন। এই কথাবার্তার অবসরে বাড়ির ভিতরের কয়েকটি কথা আমার পিসিমার কানে পৌঁছল। নারায়ণের মা নারায়ণকে বলছেন—আর খেলা খেলবি তারা শঙ্করের সঙ্গে? যাবি? মিশবি? ভালো ছেলে—ভালো ছেলে। হল তো ভালো ছেলে? খবরদার যাবি নে আর। আজ আমদপদুর পালিয়েছে, কাল দিল্লী লাহোর পালাবে ও ছেলে।

কথাটা তাঁর কথা নয়, তিনি আমাকে খুবই ভালোবাসতেন। নারায়ণের মতোই ভালোবাসতেন; কিন্তু কথাটা ইতিমধ্যেই গ্রামে এমন রটে গিয়েছে যে, তিনি তার প্রভাব এড়াতে পারেননি। লোকে এইটুকু সময়ের মধ্যেই বলতে শব্দ করেছে—“বাপ মরে গেছে, মাথার উপর মরুদ্রাবি নেই, ও ছেলে কদিন ভালো থাকবে, বথে গিয়েছে। আজ আমদপদুর গিয়েছে, কাল দিল্লী-লাহোর।”

গ্রামের লোকেরও বোধ হয় দোষ ছিল না; কারণ তখন আমাদের গ্রামের সদ্য যুবকদের মধ্যে বাপ-মার ব্যক্তি ভেঙে টাকা সংগ্রহ করে কলকাতা পালানো একটা নিয়মিত ঘটনায় দাঁড়িয়েছিল। আমাদের বাড়ির উত্তর-পূর্ব দিকের বাড়ি, আমাদেরই দৌহিত্র বংশের একটি শাখার বাড়ি এবং দক্ষিণ-পূর্ব দিকে আর এক দৌহিত্র বংশের বাড়ি। এক বাড়ির ছেলে নিত্যগোপালবাবু, খোকা, অন্য বাড়ির ছেলে ষষ্ঠী। ‘আমার কালের কথা’র মধ্যে এদের পরিচয় দিয়েছি। নিত্যগোপালবাবুর আর এক খুড়তুত ভাই ছিল। রামগোপাল। বসিষষ্ঠীর সহোদর ছিল রাধাশ্যাম। রাম-গোপাল এবং খোকা—এদের দুজনকে কলকাতায় পড়তে নিয়ে গিয়েছিলেন তাঁদের অভিভাবকেরা। তারা দুজনেই বাসা থেকে ইন্সকুল বেরিয়ে নিখোঁজ হতে শব্দ করেছেন তখন। খোঁজ পেতে অবশ্য বেগ পেতে হত না, দেশেই তারা পালিয়ে আসত। ওঁদিকে রাধাশ্যাম, আমি বলতাম রাধাদাদা, তখন ব্যক্তি খোলা পেলেই টাকা সংগ্রহ করে দেশ থেকে কলকাতা ছুটেতে শব্দ করেছেন। শব্দ ওই দুই বাড়িতেই নয়, আরও কয়েকজন তখন এমনই দৃষ্টান্ত স্থাপন করেছেন। তারা সেই অনুযায়ী বিচার করে স্থির করেছে আমি বয়ে গিয়েছি। একটি বালক-চিত্তের বিচিত্র অভিলাষ পূর্ণ করবার আকুলতার মূলে যে কি অভিলাষ ছিল তা তাঁরা জানতেনও না। জানবার চেষ্টা করবার প্রয়োজনই বা কি তাঁদের! দেশ কালের ধারা ও পরিণতি অনুযায়ী ওই মন্তব্যেই গ্রামখানাকে ভরে দিলেন।

যাই হোক, গাড়িতে ঘোড়া জোতা হচ্ছে, এমন সময় আমরা আবির্ভূত হলাম

তিনজনে। সঙ্গে সঙ্গে ওই বাক্যবাণহত পিসিমা আহত ব্যাঘ্রীর মতো আমাকে আক্রমণ করলেন। যত প্রহার করলেন, তার চেয়ে বেশী কাদলেন। আর বারবার বললেন, শূনে আয় গ্রামের এ-মুড়ো (অর্থাৎ মাথা) থেকে ও-মুড়ো পর্যন্ত লোকে কি বলছে, শূনে আয়! সকলে একবাক্যে বলছে, উচ্ছন্ন গিয়েছে, বয়ে গিয়েছে। কথটা তীরের মতই বিধেছিল।

আরও কিছুদিন পর, সেও এক প্রাইজ ডিস্ট্রিবিউশন অনুষ্ঠানের দিনের ঘটনা। তখন জেলাশাসক অর্থাৎ ডিস্ট্রিক্ট ম্যাজিস্ট্রেট স্বর্গীয় অমৃতলাল মদুখোপাধ্যায় রায় বাহাদুর। তখনকার দিনে নামকরা জেলাশাসক। ইংরেজি ফ্যাশনে ঘাড় চেঁচে যে-সব ছেলে চুল কাটে তাদের ডেকে বিদ্যাবস্তার তথ্য জেনে নেন, যার সে গোরব নাই তাদের চুল কেটে ফেলতে বলেন। যাদের আছে, তাদের তারিফ করেন। সাধারণ পোশাকে জনসাধারণের সঙ্গে মিশে গিয়ে কনস্টেবলদের ঘুস নেওয়া ধরেন। স্টেশনে থার্ড ক্লাস বদ্বিকিং-এর জানালায় যাত্রীদের সঙ্গে টিকিট মাস্টারের ব্যবহার লক্ষ্য করেন। কোথায় গ্রামে অস্বাস্থ্যকর ডোবা, সারডোবা আছে খুঁজে বেড়ান, সেগুলিকে বন্ধ করতে বাধ্য করেন। ইংরেজের ছকা শাসন-পদ্ধতির মধ্যেও শাসন-কর্ম ছাড়া সংস্কার কর্মে তাঁর স্পৃহা ছিল। ইস্কুলের অনুষ্ঠানের পর তিনি আমাদের পাড়ায় এলেন। আমাদের পাড়ার মূল রাস্তাটি অতি সঙ্কীর্ণ ছিল, আজও আছে, তিনি সেই রাস্তাটিকে কিছুটা প্রশস্ত করবার অভিপ্রায়ে এসেছিলেন। রাস্তার দু-পাশে বসতবাড়ি। বাড়ি-ঘরের ক্ষতি না করে ভিত, দাওয়া সিঁড়ি কেটে রাস্তাটিকে প্রশস্ত করবেন এই ছিল তাঁর অভিপ্রায়। প্রত্যেক গৃহস্বামীকে ডেকে তিনি খানিকটা এমনই সীমানা চেয়ে নিচ্ছিলেন। আমাদের বৈঠকখানা বা কাছারীবাড়ি রাস্তার ধারে। প্রথমেই মাঝখানে সিঁড়ির দু-পাশে দুটি দুটি আট-দশ ফুট চওড়া দাওয়া, তারপর বারান্দা। বাড়ির সম্মুখে প্রায় দু'বিঘে জায়গায় বাগান ও খামার বাড়ি। তার একপাশের পাঁচিল চলে গিয়েছে রাস্তার পাশে পাশে। পাঁচিলের পাশে ভিতে প্রায় পাঁচ-ছ ফুট জায়গা পড়ে আছে। অমৃতবাবু আমাদের বৈঠকখানার সামনে এসে প্রশ্ন করলেন—এ বাড়ি কার?

পরিচয় দিলেন নির্মলশিববাবু, তখন তাঁর মেজদাদা গত হয়েছেন, তিনিই তাঁর স্থান দখল করেছেন। তিনিই তখন প্রেসিডেন্ট পণ্ডায়েত, অনারারী ম্যাজিস্ট্রেট, জেলার সাহেব-সুবাদের প্রিয়পাত্র। তিনি বললেন—নাবালকের বাড়ি ইত্যাদি ইত্যাদি। ইতিমধ্যে আমি বেরিয়ে এলাম বাড়ির ভেতর থেকে। নির্মলশিববাবু বললেন—এই যে!

অমৃতলালবাবু আমাকে দেখেই বললেন—ও! এই যে দেখছি King!

প্রাইজ ডিস্ট্রিবিউশন উপলক্ষে ঘণ্টা দুয়েক আগেই আমি এবং নারায়ণ আবৃত্তি করছি একসঙ্গে। সেবার আবৃত্তির বিষয় ছিল King and the Miller. সেবারও আমাদের আবৃত্তিই সবচেয়ে ভালো হয়েছিল এবং আমিই শ্রেষ্ঠ বলে পরিগণিত হয়েছিলাম।

আমি নমস্কার করে দাঁড়িলাম। তিনি আমার কাঁধে হাত রেখে বললেন—

King, খানিকটা জায়গা দিতে হবে। তোমার দাওয়াটার অর্ধেকটা আর পাঁচিলের বাইরের জায়গাটা রাস্তার জন্যে দিতে হবে।

আমি বললাম, নিন।

তিনি বোধ হয় এক কথায় এমন উত্তর প্রত্যাশা করেননি। সম্ভবতঃ অন্য স্থানগুন্টির অভিজ্ঞতা থেকে প্রত্যাশা করেননি। সবিস্ময়ে আমার মুখের দিকে চেয়ে বললেন—এক কথায় দিয়ে দিলে?

আমি এ কথার জবাব দিতে পারিনি, খুঁজে পাইনি, শুধু প্রসন্নমুখেই তাঁর দিকে চেয়েছিলাম। তিনি আবার প্রশ্ন করলেন—নিই তা হলে? এর পর মনে মনে বলবে তো লোকটা কি দুঃস্থ?

—না। তা বলব না।

এর পর তিনি আমার কাঁধে হাত রেখে পাশে নিয়েই এগিয়ে চললেন। চলতে চলতে কি তাঁর মনে হল, তিনি বললেন—না। তোমার জায়গা, আমি নেব না। তুমি বড় হয়ে নিজে দিও।

সে দেওয়ার ভাগ্য আজও আমার হয়নি, কারণ নেবার মানুষ কেউ নাই। দাবী কেউ জানায়নি। গ্রহীতা নাই।

এ ব্যাপারেও কিন্তু রটল, আমি ইঁচড়ে পেকেছি। এই কিশোর বয়সেই বংশগত আভিজাত্যের ঢলঢলে জুতো এবং জামা পরে নিতান্ত অশোভনভাবেই গ্রামের বয়স্কদের হটিয়ে সাহেবের পাশে পাশে চলার স্পর্ধা প্রকাশ করেছি। আর আমার ভবিষ্যতের কোনো প্রত্যাশা নাই। পড়াশুনা ছেড়ে জমিদার সেরেসতার মধ্যে তাকিয়া ঠেস দিয়ে বসলেই হয়।

এমনি করেই একটি ধারাবাহিক অধঃপতনে যাচ্ছি বা গিরোছি বা যাব এই দুর্নাম রটনাই আমাকে বোধ হয় সুনামের প্রতি আকৃষ্ট করেছিল। যত অপবাদ রটেছে ততই আমি চেষ্টা করেছি সুবাদ সুখ্যাতি অর্জন করতে।

এর প্রতিক্রিয়ায় বিপরীত পথে যাবারও সুযোগ ছিল যথেষ্ট এবং সে পথও তখন পর্যন্ত সুগম ও প্রশস্তই ছিল। আমার শৈশবের কথায় সেকালের কথার মধ্যে পরিচয় দিয়েছি। কিন্তু আমার মা ছিলেন আমার প্রেরণাদায়িনী। আর আমার বাবার আধ্যাত্মিক ভাবগম্ভীরতার প্রভাবও আমার উপর পড়েছিল। তাই সুগম ও প্রশস্ত পথে না ছুটে দুর্গম পথেই আমার জীবন মোড় নিয়েছিল।

আর সবচেয়ে বড় কারণ ছিল নবযুগের ধর্ম।

মহাকাল নতুন যুগে বেশ পরিবর্তন করলেন, রূপান্তর গ্রহণ করলেন। ১৯০৫ সাল নিয়ে এল নতুন দৃষ্টি। নতুন উপলব্ধি। নতুন ভাবধারা।)

জাহ্নবী যেন মাঝখানে ভগীরথের শঙ্খধ্বনি শুনতে না পেয়ে পথভ্রান্তের শঙ্খধ্বনির পিছনে পিছনে ছুটেছিলেন। ভগীরথ আবার ফেরালেন তার মোড়:

কীর্তিনাশিনী পদ্মাবতীর জলধারার প্রবাহ থামল না, কিন্তু নতুন ভাগীরথী আপন পথে প্রবাহিত হলেন।

আমাদের গ্রামে ১৯০৫ সালের প্রতিক্রিয়া প্রবল হয়েছিল। থিয়েটারের ড্রপসিন থেকে, গ্রন্থাগারের রবার স্ট্যাম্প থেকে বন্দেমাতরম শব্দ মূছে দেওয়া হয়েছিল, কেটে দেওয়া হয়েছিল। নির্মলশিববাবুরা জেলাশাসকদের সহযোগিতা করে রাজভক্ত বলে পরিচিত হয়েছিলেন।

নিত্যগোপালবাবুকে পদূলিস বিভাগে চাকরি নিতে হয়েছিল। তিনি দেশ-প্রেমমূলক কবিতা লেখাও বন্ধ করেছিলেন কিন্তু মহাকালের নব আবির্ভাবের প্রভাব রুদ্ধ হয়নি?

সে কি হয়?

নিত্যগোপালবাবুই প্রতিষ্ঠা করেছিলেন দরিদ্রভাণ্ডার। ওই দরিদ্রভাণ্ডারের মধ্যে আগুননেভানোর ব্যবস্থা হয়েছিল পরবর্তীকালে। এই ব্যবস্থার সূত্র ধরে সেদিন অন্ধকার রাত্রে একলা বেরিয়ে গিয়েছিলাম ছুটে।

আমাদের বাড়ির গলিপথে জ্যেষ্ঠাশায়দের বাড়ির ডুমুরগাছে ভূতের প্রবাদ ছিল, শিউলিগাছে 'কালপদুম'বের আসন ছিল, গলির দূর-পাশে রাত্রে সন-সন শব্দ তুলে গোখুরা বিচরণ করত। সন্ধ্যা হলে ওই গলিপথ আমার কাছে ছিল ভরষ্করের লীলাপথ। আমি গলির মুখে ষষ্ঠীদের বাড়িতে ঢুকে বলতাম—আমায় একটু দাঁড়িয়ে দাও গো!

সেদিনও সন্ধ্যাবেলা সে-বাড়ির একজন আলো হাতে আমায় বাড়ি পেঁপে দিয়ে গিয়েছে। সেদিন গভীর রাত্রে কার আহবানে সেই পথে একা ছুটে বেরিয়ে গেলাম, আগুন নিভিয়ে ফিরলাম। ফিরবার সময় একবার থমকে দাঁড়িয়েছিলাম। তারপর সাপের জন্য হাতে তালি দিতে দিতে একাই বাড়ি ফিরলাম। নিভরে।

কৈশোর জাগল। মহাকাল যে নবযুগ এনেছিলেন, প্রতিক্রিয়ায় সে যুগের ধর্ম, মহাকালের প্রসাদ—অন্যে গ্রহণ করতে ভয় করেছিল, কিন্তু আমি দৃঢ়হাত পেতে গ্রহণ করেছি।

তিন

আমার কৈশোরের কাল-ধর্মের কথা বলেছি। এবার বলব পটভূমির কথা। (আমার কৈশোরের পটভূমি আমাদের গ্রামের স্কুল। প্রাচীন গ্রাম। প্রাচীনকালে আমাদের ও অঞ্চলে সমগ্র রাঢ়ভূমিতেই পাকাবাড়ি এক রকম ছিলই না।) ম্যাটিকে পদুড়িয়ে ইট করার কল্পনায় তাঁরা শিউরে উঠতেন। বলতেন, মা বসুমতীকে পোড়ানো? সে সহ্য হবে না বলেই অনেকের বিশ্বাস ছিল। ইট পদুড়িয়ে একমাত্র দেবমন্দির তৈরি করতে বাধ্যত না। গোটা রাঢ়ভূমিতেই প্রাচীনকালের বসবাসের পুরানো ইমারত প্রায় দেখা যায় না। মুসলমান আমলের নবাবদের ইমারত আছে। রাজারাজড়াদের যে ইমারতগুলি আছে তার কিছু পুরাতন, অধিকাংশ আধুনিক

কালের। সে কালও গণনা কতকাল পিছনে যাবে অর্থাৎ পলাশীর ওপাশে যাবে কিনা বলতে পারি না। মধ্যবিস্তৃত গৃহস্থদের ছিল না বলেই মনে হয়। ইংরেজ রাজত্ব কালের হওয়ার পরই পাকাবাড়ির রেওয়াজ গ্রামাঞ্চলে দেখা গিয়েছে। মধ্যবিস্তৃত গৃহস্থ ঝাঁরা জমিদার হয়েছেন ইংরেজ আমলে, লর্ড কর্নওয়ালিস সাহেবের চিরস্থায়ী বন্দোবস্ত হওয়ার পর। এক সময় যখন আমাদের অঞ্চলে পদরজে ঘুরেছি তখন বিস্মিত হয়েছি কোথাও পুরানো কালের ভাঙা ইমারতের সম্মান না পেয়ে। পরে স্বর্গীয় অক্ষয়চন্দ্র সরকারের রচনায় একদিন পেলাম ঠিক এই কথা। সেকালে বসবাসের জন্য পাকাবাড়ির রেওয়াজ ছিল না। এক দেবগৃহ ছাড়া পাকাবাড়ির নির্মাণের পথে সংস্কারের বাধা ছিল।

আমাদের দেশে বলে ‘ডাক পুরুষের কথা’—অর্থাৎ প্রবচন, সেই প্রবচনে আছে ‘যেমন তেমন ঘর, খান পাঁচ-ছয় কর।’ একখানা বড় ঘর। দশ-বারো কুঠুরিওয়ালা ঘর করো না, তিন-চারখানা কুঠুরিওয়ালা ঘর করবে। বড় ঘরের বিপদ হল ঘরটা যদি ফাটে তবে গোটাটাই গেল, তার চেয়ে বড় কথা ছেলেদের মধ্যে ভাগ হবে। বড় ঘরের মধ্যে কুঠুরি ভাগ করে নিয়ে বসবাসে ঠিক স্বাভাব্য আসবে না, শান্তিও না। তার চেয়ে বড় কথা লক্ষ্মী চণ্ডলা। আজ এসেছেন বলে চিরদিন থাকবেন না। কাল যদি তিনি চলেই যান তবে ওই বড় বাড়ি তোমার ঘাড়ে চাপবে ঘটোংকচের মতো। (কর্নওয়ালিস সাহেব চিরস্থায়ী বন্দোবস্ত প্রবর্তন করে এতে কিছু ব্যতিক্রম ঘটালেন। বড় বড় জমিদারি ভেঙে ছোট ছোট লাট তোর্জি বিলি হল, তার ওপর পত্তনী, দর-পত্তনী, সে-পত্তনী প্রভৃতি স্বত্ব সৃষ্টির ফলে জমিদারের অধীনে উপ-জমিদার, উপ-উপ-জমিদার আবির্ভূত হলেন সমাজে। ওদিকে চিরস্থায়ী বন্দোবস্তের কল্যাণে চণ্ডলা লক্ষ্মীর পাদুটিও ভারী হয়ে উঠল; চিরস্থায়ী বন্দোবস্তের ওজনে ভারী পিতলের নুপুর পরে মা-লক্ষ্মী একদিকে তার কন্ডর কন্ডর শব্দের গরবে গরবিনী হয়ে উঠলেন, অন্যদিকে ওইভাবে চলাফেরা কম করতে বাধ্য হলেন।) বিখ্যাত ষাটোওয়ালা সাক্ষর কবি কণ্ঠমশায় অর্থাৎ নীলকণ্ঠ মুখোপাধ্যায় মশায় গান বাঁধলেন—‘আগে করবে জমিদারি তবে করবে পাকাবাড়ি।’ প্রবচনটা গানের কলিতে সংশোধিত হল।

তা হলেও দেশে তখনও পর্যন্ত আগেকার রেওয়াজই চলে আসছিল। পাকাবাড়ির সংখ্যা কমই ছিল আমাদের গ্রামে। খুব দরকারও ছিল না আমাদের দেশে পাকাবাড়ির। আমাদের দেশে মাটির কোঠাবাড়ি পাকাবাড়ির চেয়েও আরামপ্রদ এবং মজবুতও কম নয়। রবীন্দ্রনাথ আমাদের দেশের মাটির বাড়ির স্থায়িত্ব এবং আরাম দেখে ওই বাড়ি তৈয়ারির ধরন উন্নত করতেই ‘শ্যামলী’ তৈরি করার কল্পনা করেছিলেন। যাক, আমাদের মাটির দেওয়াল খড়ের চাল বসতির দেশে ইস্কুল, বোর্ডিং, ডিসপেন্সারীর পাকাবাড়িগুলি একটি মনোহর নবরাজ্যের সৃষ্টি করলে।

গ্রামের পশ্চিমপ্রান্তে পড়ে ছিল একটা ধু-ধু করা প্রান্তর, সেইখানে পাকা ইমারতের যে শোভা গড়ে উঠল তাকে আমাদের ওখানে লোকে বলত ইন্দ্রভূবন। সভ্যসভাই খাম ও রেলিং-ঘেরা, বারান্দাওয়ালা ডিসপেন্সারী-বাড়ি, লম্বা একটানা

বোর্ডিং-বাড়ি, তার ওপাশে রানীগঞ্জ টালিতে ছাওয়া চতুষ্পাঠী, চারিপাশে আম-বাগান, পুকুরের এমনই একটা মনোহর শোভা ছিল যাতে আমাদের কিশোর-চিন্তা ভরে উঠত।

তখন আমাদের নিকটতম রেল স্টেশন ছিল আমাদের গ্রামের পশ্চিম দিকে সাত মাইল দূরে লুপলাইনে আমদপুর। সিউড়ি আমাদের সদর শহর, সেও পশ্চিম দিকে। যত লোকজন আমাদের গ্রামে আসতেন তাঁদের একশো জনের মধ্যে আশি জন আসতেন পশ্চিম দিক থেকে। প্রথমেই তাঁদের চোখে পড়ত ইন্সকুল, ডিস-পেন্সারী বোর্ডিং-এর শোভা। সকলে মৃগ্ধ হয়ে যেতেন, মনে হত তাঁদের যে—কোন শহরে এসেছেন।

বোর্ডিং-এ ফটকের মূখেই চেয়ার-বেঞ্চ পেতে আসর জমিয়ে বসে থাকতেন হেডমাস্টার শশীভূষণ নিয়োগী। লম্বা মানুষ, শীর্ণ শরীর, প্রথম জীবনে দাড়ি-গোঁফ ছিল। বসে হুকোয় তামাক খেতেন। তামাকে তাঁর বিলাস ছিল। ভূর-ভূর করে এমন মিষ্টি গন্ধ উঠত যে ছেলেরাও বুকভরে নিঃশ্বাস নিয়ে ঘ্রাণে অর্ধ-ভোজন করে নিত। তামাক শেষ হলেই হেডমাস্টার মশাই ডাকতেন—কেণ্ট, কেণ্ট! তামাক! কেণ্ট ছিল ইন্সকুল ও বোর্ডিং-এর চাকর। ছেলেরা সে খুব ভালোবাসত। হেডমাস্টার মশায় ছাড়ি হাতে বা গাড়ি হাতে বের হয়ে গেলেই ছুটে আসত ছেলেরা। বড় বড় ছেলেরা! কেণ্ট তামাক, খানিক তামাক! দরজা খোলা পেলে চুরির বদলে ডাকাতি শুরু করে দিত। কেণ্ট সভয়ে বলত—ওগো, আর না, আর না। এই দেখ আর না।

তখনকার দিনে তামাক খাওয়াটা হাতখড়ির সঙ্গে না হোক পাঠশালাতেই শুরু হত। শরৎচন্দ্রের দেবদাসে পাঠশালার চিত্রটুকু নিখুঁত। জীবনে পার্বতী কদাচিৎ সত্য কিন্তু হুকো-কল্কে প্রায় সর্বজনীন সত্য। আমাদের বয়সীদের সংখ্যা গ্রামে ছিল জন তিরিশেক তো বটেই। তিরিশ জনের মধ্যে সাতাশ জন পাঠশালাতেই তামাক খাওয়া শুরু করেছিল। বাদ ছিল তিনজন। আমি, নারায়ণ আর ছকু বা গৌরীবিলাস। আমি এবং নারায়ণ দুজনে পাঠশালায় বাইনি। একেবারেই ইন্সকুলে ভর্তি হয়েছিলাম। গৌরীবিলাস ‘নন্দমশায়ের পাঠশালায় ফিরে এসেছিল। আমাদের মধ্যে নারায়ণ ইন্সকুল জীবনে বোধ হয় ফোর্থ ক্লাশ বা ক্লাশ সেভেন থেকেই ধরেছিল তামাক সিগারেট। আমাদের পূর্ববর্তী যারা তাদের তো কথাই নেই। তাদের কথাই বলছি। তারা ই হেডমাস্টার মশায়ের তামাক ডাকাতি করত।

হেডমাস্টার মশায়ও মধ্যে মধ্যে জেলখানা তল্লাশীর মতো বোর্ডিং খানাতল্লাশ করতেন; বেআইনি মাল ছিল হুকো-কল্কে, তামাক-টিকে, নভেল-নাটক। একেবারে বিশ-পাঁচশটা হুকো, সের তিন-চার তামাক, গাদাখানেক নভেল-নাটক কেণ্ট ঘাড়ে করে এনে তুলত মাস্টারমশায়ের ঘরে। বোর্ডিং-এ ছাত্রসংখ্যা ছিল জন পঞ্চাশেক, কুড়িটা হুকোই তাদের পক্ষে যথেষ্ট ছিল। এক হুকোতেই প্রায় সকলেই তামাক খেত। বোধ করি জাতিভেদের ভিত্তিতে প্রথম নড়েছে হুকোর ধোঁয়ায়। মাস্টার-মশায় বিজয়দর্পে ফিরে আসতেন আর চিৎকার করতেন সরু, গলায়, তাঁর গলার

আওয়াজ ভরাট ছিল না, চিৎকার করতেন—নিকাল যাও, আভি নিকাল যাও হামারা হিঁসাসে। নেহি মাংতা হ্যায়। দৃষ্টদৃষ্টি থেকে শূন্য গোয়াল ভালো। চাই না তাঁর এইসব তামাক-খাওয়া ছাত্র। চলে যাক সব, তিনি চেয়ার-বেঞ্চ দেওয়ালকে পড়াবেন। তারপর বের হত ফাইনের লিস্ট।

একজন ছাত্র ছিল নলিন মদুখুজ্জ। সকলে তাকে বলত 'নলে স্ক্যাপা'। নলিন স্ক্যাপা ছিল না, পুরবতী কালে তার মতো বিচক্ষণ সুদখোর মহাজন এবং কুটিল বিষয়ী দেখা যায়নি। সে স্ক্যাপামির অভিনয় করত এবং সার্থক অভিনয়। সে ছিল একজন বড়দরের তামাকখোর। ফোর্থ ক্লাশে ভর্তি হয়েছে, বয়স বোধ হয় বিশ, আঠারোর নিচে তো নয়ই; খানাতল্লাশীর আগে কেণ্ট খবর দিয়ে যেত। সেদিন কেণ্টকে খবর না দিয়ে হেডমাস্টার এসেছিলেন। কাজেই গোটা বোর্ডিং-এর সমস্ত বামাল ধরা পড়েছে। এবং হুকোগুলো মাস্টারমশায় নিয়ে আসেন—আর কেণ্ট চুপিসাড়ে আবার যথাস্থানে পৌঁছে দেয়—এই জন্য মাস্টারমশায় সেদিন ঘরে তাল্য এণ্টে চাবি নিজের কাছে রেখেছেন। ভয়ানক কড়া ব্যবস্থা সেদিন। মাস্টারমশায় কঠিন হয়ে বসে আছেন। ঘণ্টা কয়েক কাটল। রাত্রে খাওয়ার সময় মাস্টারমশায় তামাক খাওয়ার কুফল সম্বন্ধে একটি বক্তৃতাও দিলেন; এবং আশা করলেন সকলেই আজ থেকে তামাক খাওয়া ছেড়ে দিলে। ছেলেরা চুপ করেই রইল। মৌনতা সম্মতিসূচক ধরে নিয়ে হস্ট হলেন তিনি। নিজের ঘরে ফিরে তিনি তামাক খেতে বসলেন। হঠাৎ ক্রন্দনধ্বনিতে বোর্ডিংটা কেঁপে উঠল। প্রবল যন্ত্রণায় কেউ চিৎকার করে কাঁদছে। কার কি হল?

ছুটে গেলেন মাস্টারমশায়।

নলিন ছটফট করেছে এবং চিৎকার করে কাঁদছে, মরে গেলাম, ওরে বাবারে! ওঃ! ওঃ! মরে যাব আমি! আ—।

—কি হল? এই নলিন? কি হয়েছে?

পেটে হাত দিল নলিন।

—পেট কামড়াচ্ছে? মাস্টারমশাই প্রশ্ন করলেন।

সবেগে ঘাড় আন্দোলিত করে নলিন জানাল—না!

—তবে?

—ফেঁপে উঠেছে। ফুলে উঠেছে।

—ফেঁপে উঠেছে? ফুলে উঠেছে?

—দম বন্ধ হয়ে যাবে। ও মাগো।

—কেন হল এমন? কি খেয়েছিস?

—কিছু না।

—তবে?

—তামাক! একটান তামাক! ভাত খেয়ে তামাক না খেয়ে পেট ফেঁপে উঠেছে।

ওরে না রে। ছটফট করে নলিন ঘরের এদিক থেকে ওদিকে গাড়িয়ে চলে গেল।

মাস্টারমশায় পালিয়ে এলেন। ডাকলেন—কেণ্ট। কেণ্ট!

—আজ্ঞে।

—রাস্কেলটার হুকো-কল্কে দিয়ে এস! জলদি! জলদি!
চাবি ফেলে দিলেন। তারপর আবার বললেন—দাঁড়াও।

—সব হুকোগুলো দিয়ে এস। তামাক-টিকে-কল্কে সব।

তার ভয় হল। নলিন থামবে কিন্তু বাকী ঊনপঞ্চাশটা ছেলে ঊনপঞ্চাশ পবনের মতো ফাঁপা পেটের বায়ু উৎসারিত করে একটা প্রলয় ঝড় বইয়ে দেবে।

এমনি ধরনের অনেক ব্যাপারই ছিল সে সময়। একালের কল্পনায় সেকালের ছেলেদের অশ্রুত মনে হবে। একটি ছাত্র ছিল রাধারমণ শর। হেডমাস্টার মশায়ের অত্যন্ত স্নেহের পাত্র ছিল সে। অবাধ কর্তৃত্ব করত হেডমাস্টারমশায়ের ঘরে। রাধারমণের মস্তিষ্কে খানিকটা বিকৃতি ছিল। দু-তিনবার সে সত্যসত্যি পাগল হয়ে গিয়েছিল। রাধারমণ আমার থেকে বয়সে অনেক বড়, বোধ হয় ছ-সাত বছরের বড়। ছেলেবেলায় এই ছ-সাত বছরটা অনেক দীর্ঘকাল; আমার তখন সবে কৈশোর শুরুর হয়েছিল, রাধারমণ তখন ঘোঁবনে প্রবেশ করছে। ছাত্রজীবনে সে সঠিক কেমন ছিল জানি না, তবে উত্তরকালে তার সঙ্গে একত্রে কাটিয়েছি, তখন দেখেছি অপরূপ মানদুষ রাধারমণ। এমন সংস্কারায়ণ স্পষ্টভাষী মানদুষ কমই দেখা যায় সংসারে। বোধ হয় সেই কারণেই সে হেডমাস্টারমশায়ের প্রিয়পাত্র ছিল।

আমাদের ইন্সকুলে নতুন থার্ড-মাস্টার এলেন স্মিথজেন্দ্রনাথ মুখোপাধ্যায়। আগমনের শিখার মতো দীপ্ত একটি যুবা। নতুন কালের ভাবধারা জীবনের কানায় কানায় ভরে নিয়ে এসেছেন। স্মিথজেনবাবু ইন্সকুলে এলেন কোর্ট-প্যান্ট পরে। সারা ইন্সকুলটায় যেন মাছি ভনভন করে উঠল। চাল! নতুন চাল মারতে এসেছে রে!

রাধারমণ সেকেন্ড ক্লাশে পড়ে। সে হঠাৎ ক্লাশ থেকে উঠে চলে গেল হেড-মাস্টারের কাছে। একবার ঘরের চাবিটা চাই।

বিনা প্রশ্নে মাস্টারমশাই চাবি দিলেন। রাধারমণ চাবি নিয়ে হেডমাস্টার-মশায়ের ঘরে গিয়ে তাঁর পুরনো চাপকান এবং প্যান্ট পরে ক্লাশে এসে গম্ভীর মুখে বসল। বিপদে অবশ্য পড়ল, দমল না। পরের ঘন্টায় স্মিথজেনবাবু ক্লাশে এসে চাপকানধারী ছাত্রটিকে একটি বিশিষ্ট ছাত্র ধরে নিয়ে বহু প্রশ্নই জিজ্ঞাসা করলেন। রাধারমণ নিরন্তর হয়ে বসে রইল।

আমাদের ক্লাশের কথা বলি।

(আমার ইন্সকুল জীবন যখন শুরুর হয়ে তখন ক্লাশে আমরা তিনজন ছাত্র।) আমি, প্রতুল এবং শিবকৃষ্ণ। আমরা বলতাম শিবকেষ্ট।

প্রতুল ডবল প্রমোশন নিলে। তার পরবারই ফেল হল, সেবার তবুও তাকে প্রমোশন দেওয়া হল, তারপর আবার ফেল হল, আবার হল, আবার হল, আবার থেকে ক্লাশ দুই পিছিয়ে গেল।

শিবকেষ্ঠ প্রথম বছরেই ফেল হল, তব্দও সেবার প্রমোশন পেলে। আমাদের উপরের ক্লাশের দু'জন ফেল হয়ে সঙ্গী হল, ক্ষুদিরাম সাহা, পণ্ডানন সাহা। আমার চেয়ে বয়সে বড়, দু'জনেই আমাদের গ্রামের সাহা বংশের ছেলে। ক্লাশটা ছিল বোধ হয় ক্লাশ থ্রি। তখন বলা হত এইটখ্ ক্লাশ বি। লোয়ার প্রাইমারী শেষ করে এল আরও দু'জন নতুন ছেলে, ঠাকুরদাস পাল, গ্রীকৃষ্ণ পাল। পাশের গ্রামের দু'টি ছেলে খুড়ো আর ভাইপো। ঠাকুরদাস প্রিয়দর্শন বদ্বিমান। গ্রীকৃষ্ণের মোটাসোটা গড়ন, বলিষ্ঠ দেহ। সে যেন মূর্তিমান শ্বলতা।

ক্ষুদিরাম ও পণ্ডানন—এই দু'জনেই ছিল মারাত্মক রকমের শ্বলবদ্বি। শিব-কৃষ্ণেরও ঠিক তাই। অথচ এই চারজনই সংসার জীবনে সাফল্য লাভ করে গেছে। ক্ষুদিরাম ও পণ্ডানন সাহা জাতিতে শোণ্ডিক, পচুই মদের ব্যবসায় করত। সে ব্যবসা তারা তীক্ষ্ণবদ্ব মতো পরিচালনা করেছে। কিন্তু কি কারণে জানি না, লেখাপড়ার সঙ্গে একটা বিরোধ তাদের জন্মেছিল। ঠাকুরদাস বদ্বিমান ছেলে ছিল। কিছুদূর উপরে উঠে ইংরেজিতে তার কিছু অসদ্বিধা ঘটেছিল, অন্য বিষয়ে সে ভালোই ছিল। কিন্তু বোধ হয় তার সাংসারিক অসদ্বিধায় পড়া ছাড়তে বাধ্য হয়েছিল। যাক পরের কথা পরে। নতুন ক্লাশ-মাস্টার এলেন। তিনজনকে মনে পড়ছে। কান্তি মাস্টার অঙ্ক কষাতেন। পণ্ডানন পণ্ডিত বাংলা পড়াতেন। রজনী মাস্টার পড়াতেন ইংরেজি আর ইতিহাস। কান্তি মাস্টার ছিলেন সাক্ষাৎ কৃতান্ত। আমাদের ইন্সকুল থেকে এণ্ট্রান্স পাস করে তিনি শিক্ষকতা গ্রহণ করেছিলেন। এমন নিষ্ঠুরভাবে যে কেউ ছোট ছেলেদের মারতে পারে, এ আমি কল্পনাও করতে পারিনি। কালো রঙ, বড় বড় উগ্রদৃষ্টি চোখ, পেশী সবল পরিপুষ্ট দেহ কান্তি মাস্টারের প্রকৃতিতেই উগ্রতা ছিল এবং উগ্রতা তার চেহারাতেই ফুটে বেরিয়েছিল। নানা কৌশলে নিষ্ঠুর নির্যাতন করতেন। আমি ঠাকুরদাস দু'জন অঙ্ক ভালোই পারতাম, ঠাকুরদাস আমার থেকেও তখন অঙ্ক ভালো ছিল, তব্দ আমাদের নিষ্ঠুরতা ছিল না।

এটা? এটা কি হয়েছে! অ্যাঁ? শুন—শুন—শুন। আরে—
খামচে চুল ধরেই আনতেন কাছে, তারপর টেনে মাথাটা নামিয়ে টেবিলের তলায় আটকে দিয়ে বিরীশ শিক্ষা ওজনের কিল বলে যে বিখ্যাত কিলের কথা শোনা যায় তেমনি কিল বসিয়ে দিতেন। দম আটকে আসত। অ্যাঁ—! অ্যাঁ— শব্দ করে সামলাতাম। তিনি তাকিয়ে দেখতেন। তারপর আবার ধরতেন। এবার আঙুলের মাথায়। নখের মাথা কচলাতে কচলাতে টেনে টেবিলের উপর রেখে শ্লেটের কাঠ দিয়ে নখ থেকে প্রতিটি গাঁটের উপর আঘাত করতেন। হাত ঝাঁক দিয়ে কাঁদতে কাঁদতে সামলাতে হত। তারপর অন্য হাত। এবার দুই আঙুলের ফাঁকে পেন্সিল পুরে দিয়ে চাপ দিতেন। তারপর পেটের মাংস ধরে কচলাতেন।
বেচারী শিবকেষ্ঠ, ক্ষুদিরাম, পণ্ডানন আর গ্রীকৃষ্ণ। এরা অধীর অস্থির হয়ে উঠল। বউয়েরা অনেকে শ্বশুরবাড়ির নির্যাতনে আত্মহত্যা করেন। কান্তি মাস্টার যদি এক ঘণ্টার বদলে আরও ঘণ্টা দু'য়েক পড়াতে, তবে বোধ হয় ওই বয়সে

শিবকেষ্টরাও আত্মহত্যা করত। প্রায় তাই করেও ছিল। এবং তার ভাগ আমাদেরও নিতে হয়েছিল। প্রহারের ঠেলায় আমরা সকলে ঘনিষ্ঠ অন্তরঙ্গ হয়ে পরিচাণের পথ খুঁজতে লাগলাম। অবশেষে স্থির হল—কান্টি মাস্টারের ঘণ্টায় পালা করে পালিয়ে পরিচাণ পেতে হবে। দৈনিক দুজন করে। ছজন ছেলে, সপ্তাহে ছ'দিন ইস্কুল। তাহলে দুজন করে পালিয়ে প্রত্যেকে সপ্তাহে দু'দিন কান্টির কৃতান্ত হস্ত থেকে বাঁচতে পারা যাবে। ঠিক পূর্বের ঘণ্টায়, ঘণ্টা শেষের তিন-চার মিনিট আগে, সেই ঘণ্টার শিক্ষকের কাছে বাইরে যাওয়ার অনুমতি নিয়ে দুজনে বেরিয়ে পড়তাম ইস্কুল থেকে—এবং অল্প খানিকটা দূরে একটা নুড়ি পাথর সমাকুল ঢাঁবর আড়ালে বসে গল্প করতাম। পরের ঘণ্টাটি ঢং করে পড়ত, আমরা উঠতাম। ফিরে এসে ক্লাশে বসতাম।

কিছুদিন পরে, বোধ হয় মাস ছয়েক পরে একদিন এর প্রতিকার হল। আমার পেটের মাংস কচলোছিলেন কান্টিবাবু। তার ফলে পড়োছিল কালিশটে। সেই দাগ থেকে প্রকাশ হয়ে পড়ল কান্টিবাবুর নিষ্ঠুর প্রহার-পন্থতির কথা। আমার অভিভাবক জানালেন ইস্কুলে, হেডমাস্টারমশায়কে। ইস্কুলে বসে আছি, কেষ্ট এসে ডাকলে, 'হেডমাস্টার ডাকছেন।

ভয়ে শূঁকিয়ে গেলাম, লাইব্রেরিতে গেলাম। হেডমাস্টার পেটের দাগটা দেখলেন। হাফ-ইয়ারলি পরীক্ষার খাতা খুলে অঙ্কের নম্বর দেখলেন। তারপর বললেন—যা।

তারপর কি হল জানি না। কিন্তু কান্টি মাস্টার সেদিন ক্লাশে এসে বসলেন হাঁকডাক করে নয়, চুপচাপ। পড়ালেন না। ঘণ্টা শেষে উঠে চলে গেলেন। সেই-দিন থেকে মার বন্ধ হল। কিন্তু তার সঙ্গে আরও—কিছু যেন গেল। কান্টিবাবুর যে প্রশ্নের যোগ ছিল, পড়ানোর মধ্যে যে আগ্রহ ছিল তাও চলে গেল। আরও ছ'-মাস পরে কান্টিবাবু মোজারী পাস করে এখান থেকে চলে গেলেন। পরে অনেক কাল পরে হঠাৎ শুনলাম কান্টিবাবুর সংবাদ। কান্টিবাবু তখন লালবাগ কোর্টে খ্যাতনামা মোজার, উপার্জন করেন প্রচুর। তাঁর এক সহপাঠী আমাদের ইস্কুলের একজন প্রাক্তন ছাত্রের কন্যার বিবাহে হঠাৎ এসে উপস্থিত হয়েছিলেন। বিচিত্র নাটকীয় ঘটনা। কন্যার পিতা দরিদ্র শিক্ষক, কন্যার বিবাহের সংবাদ বন্ধুকে জানিয়েছিলেন, এবং প্রসংগক্রমে জানিয়েছিলেন, কেমন করে বিবাহ দেব জানি না। আজও অর্থ সংগ্রহ করে উঠতে পারিনি। কান্টিবাবু হঠাৎ এলেন এবং বললেন—আমার একটি মেয়ে ছিল, মারা গেছে। তার বিবাহের জন্য আমি অর্থ-সংগ্রহ করতাম, সেই অর্থ নিয়ে এসেছি, আমি খরচ করব।

আমি কল্পনায় দেখছি—কান্টিবাবুর বড় বড় উগ্রদৃষ্টি চোখ দুটি থেকে জল পড়ছে, এবং চোখের দৃষ্টির উগ্রতা গলে গলে ধূয়ে যাচ্ছে, সেখানে ফুটে উঠছে অপরূপ কোমল দৃষ্টি।

মনে হয়, ঐ দিনের পর তাঁর চোখের দৃষ্টিতে পুরানো উগ্রতা আর কোনোদিনই ফেরেনি। হয় তো তা সত্য নয়। তবু এটুকু ভাবতে ভালো লাগে। আরও একটা কথা এখানে বলব। লিখতে লিখতে অনুভব করছি—মনের সেই অনুভূতির কথা—

টুকু না লিখলে অপরাধ হবে আমার। মনে হচ্ছে এই প্রহার করাটাই তাঁর সব নয়, আরও ছিল। ওই নিষ্ঠুর প্রহার করেও তিনি ভালোবাসতেন। সে ভালোবাসার আশ্বাদ এতকাল পরেও মনে রয়েছে। তিনি হয়তো ওই চাকরিটাই পছন্দ করতেন না বা কোন রকম অসন্তোষ ছিল। কিংবা বাল্যজীবনে তিনি শিক্ষকের কাছে নিজে প্রচণ্ড প্রহার খেয়েছিলেন। এমনি একটা কিছুর হবে। নইলে কাল্টিবাবু ভালোবাসতেন, আমি আজও সে ভালোবাসার আশ্বাদ স্মরণ করতে পারছি; তাঁর হাসিও মনে পড়ছে।

আজ কাল্টিবাবুর কথা লিখতে গিয়ে মনের একটি উপলব্ধির কথা প্রকাশ না করে পারছি না। জীবনে যত মানুষ দেখলাম—মানুষই দেখেছি আমি, মানুষ খুঁজে বেড়িয়েছি। দেখলাম, প্রতিটি মানুষের কখনও-না-কখনও এমনি এক-একটি বা এমনি কয়েকটি বিচিত্র বিকাশ হয় যা মনে করিয়ে দেয়, বুদ্ধিয়ে দেয় তারও মধ্যে আছে সুন্দর বা মধুরের একটি প্রবাহ : সে শুধুই বালুচর নয়। ইঠাৎ একদিন বালুচর ভেদ করে উৎসারিত হয় মধুরের একটি নিকর। প্রতিটি—প্রতিটি মানুষের মধ্যেই হয়।

অরণ্যের বসন্ত-শোভা দেখে, তার স্নিগ্ধতার মধ্যে আমরা আত্মহারা হই, কিন্তু যারা ন্যাক অরণ্যের অধিবাসী, যারা বৃক্ষলতার প্রতিবেশী, তারা দেখে তার সদা-সর্বদার রূপ। সে রূপ মানুষের স্বার্থপরতার মতো, কুটিলতার মতো, হিংসার মতো রূঢ় ভয়ঙ্কর। যে পদাঙ্গুত তরুটির রূপটির মধ্যে পেলাম আমি অপরূপের সন্ধান তাকে স্পর্শ করামাত্র বুদ্ধিতে পারি তার কাণ্ডের কঠোর রূঢ় প্রকৃতির পরিচয়। যে লতাটির নবপল্লব শোভায় আপনাকে হারালে মানুষ, ছুটে গেল লতার কাছে—সে তার নমনীয় দেহ বেণ্টনীর জটিল পাকে তার পাদুটিকে এমন করে জড়ালে যে তাতেই হয়তো হল তার জীবনান্ত। হরিণ আবদ্ধ হয় এই লতার জালে—বাঘ এসে তাকে সংহার করে।

আসল কথাটা যেন এই—এই বহু বিচিত্র রূপেভরা সৃষ্টির মধ্যে সকল রূপই অপরূপ হয়ে আপনাকে প্রকাশ করবার সাধনায় মগ্ন। তপস্বীকেও দেখেছি, তপস্যায় বিমগ্ন হলে রৌষ-বহিতে জ্বলে উঠেছেন। অভিশাপ দিয়েছেন। মানুষের সঙ্গে মানুষ আমরা নিবিড় সান্নিধ্যে বাস করি—সহরহ পত্রস্পর্শের এই তপস্যায় আঘাত করি। তারই ফলে পাই রূঢ়তার পরিচয়। সরে যাই তিক্ত চিন্তে। আর ফিরে তাকাই না তার দিকে। তাই চোখে পড়ে না তার অন্তরের রূপ কখন অপরূপ হয়ে বিকশিত হয়ে উঠল, একান্ততা অসম্ভব করলে—রূপ এবং অপরূপেরও পরে আছে যে তরুণ রহস্য—তার সঙ্গে। সকল মানুষের জীবনেই এমনিভাবে অকস্মাৎ একটা বসন্ত শোভা দেখা দেয়। কারও দেখা দেয় বারবার। কারও দেয় বহু—বহুবার। যখনই তার জীবনরূপে এমনি অপরূপের আবির্ভাব হয়, তখনই সৃষ্টিতে আসে একটি কল্যাণ। সচেতন বুদ্ধিতে, যশের আশায়, পুণ্যের কামনায় মানুষ যখন এ ফুল ফোটাতে যায়—যখন এ ফুল ফোটে না, ফোটে তখনই যখন

আপনার বৃদ্ধি বিবেচনাকে পিছনে ফেলে—বসন্তের এক আকস্মিক ক্ষণের বৃষ্টির রস সঞ্চারের মতো—মানুষের জীবনাবেগের উচ্চতা তার দেহকোষে কোষে ছাড়িয়ে পড়ে তাকে আত্মহারা করে দেয়—যখন সে নিজেকে বৃষ্টিতে পারে না কি করেছে তখনই ;—তখনই রিক্ত শব্দে কঠিন জীবন-পাদপের শাখার প্রান্তে প্রান্তে ফুটে ওঠে ফুল ; জীবনের রূপ অপরূপ হয়ে বিকশিত হয়ে ওঠে। এইখানেই তো জীবন নাটক। এমনই একটি ছেদে শেষ হয় এক একটি অঙ্গ।

চার

আমার শিক্ষক ছিলেন ব্রজেন্দ্রনাথ মন্ডল। ইন্সকুলে তিনি ছিলেন ড্রিল মাস্টার। তাঁর কথা ‘আমার কালের কথা’য় বলেছি। কিন্তু ইন্সকুলের প্রথম শিক্ষকের কথা বলা হয়নি।

আমাদের সাতন পণ্ডিত; ঐ নামেই আজীবন পরিচিত থেকে গেলেন। আমাদের গ্রামের লোকই ছিলেন তিনি। আমাদের গ্রামের পাশেই, রশি দুই-তিন দুয়ে খান-কয়েক ধানক্ষেতের পরেই মহুগ্রাম। সেই গ্রামে তাঁর বাড়ি ছিল। ভাল নাম সতীশ-চন্দ্র মিশ্র। ভারি ভালো মানুষ ছিলেন। তেমনি রসিক ছিলেন পণ্ডিত মশায়। ক্লাসে যে ভালো ছেলে হত বিপদ হত তার সবচেয়ে বেশি। তাকেই তিনি তাঁর ঠিক ডান দিকে বেগের প্রথম স্থানে বসাতেন, আর আনন্দের আতিশয্য হলেই তার মাথায় তবলা বাজিয়ে দিতেন। এখানেই শেষ নয়, আমাদের শিবকেস্টকে আদর করে পণ্ডানন্দেব বলতেন, পড়ার সময় কিন্তু বলতেন শিবে!

—শিবে!

—আজ্ঞে!

—দাঁড়া, পড়া বল। পড় রিডিং।

শিবকেস্ট প্রথম শব্দেই আটকে যায়। গয়ে র-ফলা দীর্ঘ-ই মৃদুগ্য য-য়ে ম-য়ে কি হয় শিবকেস্ট উচ্চারণ করতে পারে না। ‘মনে মনে বানান করে, আর আওড়ায়, কি হবে বৃষ্টিতে পারে না।

—পড় পড়, বানান করে পড়।

শিবকেস্ট সশব্দে বানান করে—গয়ে র-ফলা দীর্ঘ—ঈ—

—কি হয়?

শিবকেস্ট কি বলত ঠিক মনে নেই। তবে—গরীষ বা গিরীষ জাতীয় একটা কিছু বলত।

—পচা।

পচার কণ্ঠস্বর আবার অনুমানিক ছিল। তা ছাড়া বেচারার জিভের মাপটা একটু বেথাপ্পা ছিল, হয় ছোট নয় বড় কিছু একটা ছিল, যার জন্য তার জিভে

উচ্চারিত শব্দগুলি যেন গড়িয়ে বেরিয়ে আসত। র-কার তার ড-কার হতই এবং অত্যন্ত স্পষ্ট ও উচ্চভাবেই হত। সে—একবার সি-ডি উচ্চারণ করেই থেমে চুপ করে থাকত।

এবার দাঁতে-দাঁতে কষকষ করতেন সাতন পশ্চিমত। —তোর মাথা আমি চিবিয়ে খাব শিবে।

ঠিক এই সময়েই ক্ষুদ্রিরাম ক্লাসে ঢুকত কচি নিমপাতা সমেত একটা ডাল নিয়ে। পশ্চিমতের হাতে দিত। পশ্চিমত নিমপাতাগুলি একটানে ছিঁড়ে বের করে নিয়ে মুখে পুরে কচ কচ করে চিবিয়ে খেতেন। ডালটা ফেলে দিতেন ছুঁড়ে। এবং ধাঁ করে মারতেন ডান পাশের ভালো ছেলের মাথায়, না হয় কান ধরে টানতেন।

—মাশ্শায়!

—শিবে, পচার পড়া হয়নি কেন?

—আজ্ঞে স্যার। আমি তার কি করব স্যার?

—দেখবে! তুমি দেখবে।

এর পর শিবে এবং পচার দণ্ডবিধান হত। কান দুটো লাল করে দিয়ে, চুল টেনে ছিঁড়ে, গালে চড় মেরে, পিঠে কিল মেরে—শেষে—স্ট্যান্ড আপ্। কিংবা স্ট্যান্ড আপ অন দি বেঞ্চ। কোনো দিন—নিল ডাউন। কোনো কোনো দিন বাইরের কাঁকর পাথর কুড়িয়ে এনে তাই বিছিয়ে তারই উপর নিল ডাউন। নাকথতেরও প্রচলন ছিল সে কালে। নাকের ডগায় ছাল-চামড়া উঠে লাল হয়ে যেত। চরম শাস্তি দিতেন নিমপাতার মূঠা মূঠের মধ্যে পুরে দিয়ে।

—চিবো চিবো। গেল। কোঁৎ করে গেল। হুঁ।

তারপর গালাগাল দিতেন—কুকুর-দেঁতো, পেঁটা-নেকো, কটা চোখো, মাথা-মোটা! চোখ দুটো ছিল তাঁর রক্তাভ এবং দৃষ্টিতে ছিল একটা চিন্তামগ্নতার আভাস। তিনি যেন অহরহই চিন্তামগ্ন থাকতেন। সমস্ত জীবন এই চিন্তামগ্নতার আভাস তাঁর চোখে দেখেছি। কি ভাবতেন কে জানে। তিনি ছিলেন গ্রামের লোক। তাই ইস্কুলের বাইরেও তাঁর সঙ্গে দেখা হত। পশ্চিমত মশায় সকালবেলায় গ্রাম্য শিব এবং কালী মায়ের আটনে পূজা করতেন। কপালে সিঁদুরের ফোঁটা, হাতে ফুলের পাত্র। নমঃ নমঃ করে আতপ চাল আর ফুল বেলপাতা ছিঁটিয়ে দিয়ে জমিদারি সেরেসতার দস্তর নিয়ে বের হতেন। তখন তিনি ছিলেন জমিদারের আদায়কারী গোমস্তা। সমস্ত জীবন এই করে গিয়েছেন। আমাদের ওখানকার আমার বয়সী থেকে আমার ছেলেদের বয়সীরা পর্যন্ত সবাই বোধ হয় তাঁর ছাত্র। বহু কৃতজ্ঞন তাঁর ছাত্র। তিনি যখন তাঁদের সঙ্গে সম্ভ্রম করে কথা বলতেন—আমি লজ্জা পেতাম। এই মানদুর্ঘটির শেষ বয়সটা বড় সক্রিয়। কল্পনাতীতভাবে সক্রিয়। অব্যবসায়ের কণ্টে সক্রিয় নয়। সৈদিক দিয়ে তাঁর বিশেষ কণ্ট ছিল না। মধ্যবস্ত্র গৃহস্থ—জমি ছিল, পুকুর ছিল, বাগান ছিল। কিন্তু বিচিত্র বিস্ময়কর পথে এল তাঁর জীবনে বিরোগান্ত পরিণতি। তাঁর দুটি ছেলে—শ্রীধর আর সুদাই অর্থাৎ সুদর্শন।

শ্রীধরকে ম্যাট্রিক পাস করালেন। স্দুদাইও পড়াছিল। কিন্তু হঠাৎ দেখা গেল দ্দুটো ছেলেই নেশাখোর হয়ে উঠেছে। শেষে পথে ঘাটে সমাজে তারা নেশার প্রমত্ত হয়ে বেড়াতে লাগল। গাঁজা খেয়ে শ্রীধরের মস্তিষ্ক বিকৃত হয়ে গেল। আমাদের গ্রামের মহাপীঠ ফুল্লুরাতলায় গাঁজাখোরদের আসরের সভ্য হল। সে আসরে মহাপীঠের মহন্ত গদীয়ান থেকে শ্রীধর পর্যন্ত দশ বারোজন সভ্য। সকলেই অর্ধোন্মাদ। বাট বছর থেকে তেইশ চাব্বিশ বছর বয়সের শ্রীধর নিয়ে অশ্লুভ উদার সভা। এই সভার আসরে পারা ষুতকুমারীর শাঁস এবং আরও কিছু মিশিয়ে তামাকে সোনায় পরিণত করবার বিচিত্র পরীক্ষা চলত। এই নিয়েই তর্কবিতর্ক করতে করতে শ্রীধর একখানা চেলাকাঠ আর একজন গঞ্জকাসেবীর মাথায় দিলে বসিয়ে ; ফলে তার মাথাটা চুর হয়ে গেল। আদালতে শ্রীধর সর্বিষ্ময়ে বললে—এত নরম ওর মাথা। সে আমি জানতাম না।

দায়রা আদালতে বিচার হল—সেখানেও শ্রীধর ওই কথাই বললে, আর ফিকফিক করে হাসলে। শ্রীধরের সে পাগলের হাসি অকুণ্ঠিত। শ্রীধর বেকসুর খালাস পেলে।

ওদিকে স্দুদাই তখন দ্দুর্দান্ত হয়ে উঠেছে। বাপকে বাড়িতে পীড়ন করে—পরসাদে, গাঁজা খাব। বয়স তার তখন তের কি চৌদ্দ। বোধ হয় ক্লাস সেভেনে পড়ে।

প্রহার করে বাপকে। গ্রামের পথে পথে বাপের অযোগ্যতা ঘোষণা করে বেড়ায়।—যে বাপ গাঁজা খাবার পরসাদ দিতে পারে না ছেলেকে—সে কেমন বাপ? কিসের বাপ?

বাড়িতে পণ্ডিতমশায় মাথা হেঁট করে মৃত্যু কামনা করেন। মাথা হেঁট করে পথ চলেন।

হঠাৎ যেন স্দুর্দিন এল।

উনিশশো তিরিশ সাল। মহুগ্রামে মিটিংয়ে স্দুদাই এগিয়ে এল। বললে—আজ থেকে আমি নেশা ছাড়লাম।

সত্যিই নেশা ছাড়লে স্দুদাই। পিকেটিং করতে লাগল গাঁজা মদের দোকানে। মিটিংয়ে বক্তৃতা দিতে লাগল। সে বক্তৃতায় বলত নিজের কথা। বলত—দেখ ভাই, আমি রোজ চার পাঁচ আনার গাঁজা খেতাম। মদও খেতাম। গাঁজা না খেলে ভাত খেতে পারতাম না। পেট ফুলত। কিন্তু দেখ ভাই, আর আমি গাঁজা খাই না। বড় খারাপ জিনিস। তেমরা কেউ গাঁজা মদ খেও না। গাঁজার পরসাদ না থাকলে—আমি ঘটিবাটি বিক্রি করতাম। বাবাকে মাকে মারতাম। আমি আর গাঁজা খাই না। আমার জ্ঞান হয়েছে।

শুধু এইখানেই শেষ নয়। স্দুদাই, আর দুটি সমবয়সীর সঙ্গে, উনিশশো তিরিশ সালের আন্দোলনে আমাদের ওখান থেকে প্রথম গ্রেপ্তার হল। স্টেশনে সেদিন সে কি জনতা। স্দুদাইদের সে কি অভিনন্দন জানালে। ফুলের মালা গলায় নিয়ে, ললাটে চন্দন-তিলক নিয়ে তারা চলে গেল। সেদিন বৃন্দ পণ্ডিতের

চোখে দেখেছিলাম জল, মূখে সে কি হাসি। ঠোট দুটি হাসিকামায় থরথর করে কাঁপছিল। সে দৃশ্য আজও আমার চোখের সামনে ভাসছে।

সুদাইরা তিন মাসের কারাদণ্ড ভোগ করতে গেল—আলিপূর সেন্ট্রাল জেলে। সেখানে নেতাজী সুভাষচন্দ্র বোস ছিলেন তখন। তাঁর দৃষ্টি আকৃষ্ট হল ছোট তিনটি ছেলের উপর। তাদের কাছে ডেকে নিয়েছিলেন। যত্ন করেছিলেন। স্নেহ দিয়েছিলেন।

সুদাইরা ফিরল সগৌরবে। তখন আমি জেলে। আমি যখন জেল থেকে ফিরলাম তখন আন্দোলন স্তিমিত হয়ে এসেছে। পদ্বীসের নিষ্ঠুর নির্যাতনে দেশটা ভয়ে মূক হয়ে গেছে। বন্দেমাতরম্ উচ্চারণ করতেও কেউ সাহসী হয় না। এই অবস্থায় একদিন পিণ্ডিতের সঙ্গে দেখা হল। পিণ্ডিত কাঁদলেন। স্বরস্বর করে কঁদে বললেন—আমার অদৃষ্ট দেখ বাবা। আমার অদৃষ্ট! সুদাইটা আবার নেশা ধরেছে। আগের থেকে অনেক বেশি নেশা করছে। আমাকে ধরে মারছে। আমার অদৃষ্টই বোধ হয় এত বড় আন্দোলন সব মিছে হয়ে গেল। ব্যর্থ হয়ে গেল।

এর পর খুব কমই তাঁর সঙ্গে দেখা হয়েছে। উনিশশো বত্রিশ-তেরিশ সাল থেকেই আমি সাহিত্য সাধনার পথে কলকাতায় বেশি থাকতে শুরু করলাম। বিষয়-কর্মের সংগ্রহ পরিত্যাগ করলাম। নইলে হয় তো গোমস্তারূপী পিণ্ডিতমশায়ের সঙ্গে দু-চরবার দেখা হত। তখনও তিনি সংসারের জন্য গোমস্তাগিরি ছাড়েননি। হঠাৎই একদিন শুনলাম পিণ্ডিত মৃত্যু পেয়েছেন। মারা গেছেন।

উনিশশো তেতাঁল্লিশ সালের মহামারীতে পিণ্ডিতের সংসার সব শেষ হয়ে গেল একরকম। শ্রীধর গেল। সুদাই গেল। পিণ্ডিতের স্ত্রী গেলেন। বোধ হয় এক বিধবা কন্যা সেও গেল। রইল শুধু শ্রীধরের বিধবা স্ত্রী—তার একটি পুত্র। আর একটি কন্যা—তার বিবাহ হয়েছে আমারই এক বাল্যবন্ধুর সঙ্গে, তারা এবং তাদের পুত্রকন্যারা আছে। আমার বন্ধুটি কৃতী, শিক্ষিত, রাসিকজন, শিক্ষাব্রতী। তার বংশের জলগন্ডুষেই বোধ হয়, শিক্ষাব্রতী পিণ্ডিতের জীবনতৃষ্ণা মিটেবে।

সাতন পিণ্ডিত মশায়কে দেশে অধিকাংশ মানুহই ভুলে গেছে। যারা মনে করে রেখেছে তারা কি ভাবে তা জানি না। আমি প্রায়ই তাঁর কথা মনে করি। কখনও কখনও এই সক্রম জীবনকাহিনী নিয়ে উপন্যাস লেখার কথা ভাবি। কিন্তু বুদ্ধিতে পারি না, তাঁর এই দুর্ভাগ্যকে কোন ব্যাখ্যানে ব্যাখ্যা করব? জন্মস্তরের কর্মফল? অদৃষ্টের পরিহাস? সে আমি পারি না। তাঁর জীবনের ইতিহাসের অন্ধকারে ডুবে—তাঁর চরিত্রের যে ছিদ্র-পথে এ-পাপ ঢুকে তাঁর জীবনটাকে এমন ছিন্নভিন্ন করে দিলে তাকে আবিষ্কার করতে সাহস পাই না আমি।

তাকে আমি শ্রদ্ধা করি—ভালোবাসি, তাই তাঁর জীবনকাহিনী নিয়ে উপন্যাস রচনার অভিপ্রায় মন থেকে মূছে ফেলছি।

সাতন পিণ্ডিত আমার ইস্কুল জীবনের প্রথম শিক্ষক। তাঁর অনুরোধে আমার ছোট নাতি দৃষ্টদৃষ্টি করলে বড় নাতির মাথায় চড় বাসিয়ে দি।

সে বলে—ওই। আমি কি করলাম?
আমি বলি—তুমি দেখবে। তুমি দেখবে।

সাতন পন্ডিভের পরই মনে পড়ছে ফিফ্থ মাস্টার রঞ্জনী সিংহকে। আর একজনকে মনে পড়ছে। তিনিই আগে ছিলেন ফিফ্থ মাস্টার। হরিচরণ রায় নাম ছিল বোধ হয়। তাঁর কাছে পড়িনি—তবে তাঁকে দেখতাম প্রায়ই। আমার জ্যেষ্ঠামশায়ের বাড়িতে থাকতেন। সে আমলের এফ. এ. ফেল ছিলেন। খুব ভালো ইংরেজি জানতেন নাকি। আমার জ্যেষ্ঠামশায়ের টাকা অনেক। কৃপণ লোক। একটি সন্তান; তাই সেই সন্তানটিকে ইংরেজি শেখাবার জন্য হরিচরণ রায়কে বাড়িতে রেখেছিলেন। আমার জ্যাঠাতুত ভাইয়ের তখন বয়স তেইশ-চাব্বিশ তো বটেই। অহরহ মদ্যপান করেন; হরিচরণ রায় তাঁকে স্নেহ করতেন—তাই ওই অবস্থাতেও তাঁকে ইংরেজি খবরের কাগজ পড়ে শুনিয়ে ইংরেজি শেখাবার চেষ্টা করেন। হরিচরণ রায়ের আরও একটা স্নেহ এবং আকর্ষণ ছিল ছাত্রের পিতার উপর। আমার জ্যেষ্ঠামহাশয় ইন্সকুল কলেজে পড়েননি। কিন্তু এমন ভালো ইংরেজি বলতেন যে যারা ইংরেজি রসিক তারা মৃগ্ধ বিস্ময়ে তাঁর ইংরেজি বলা শুনত। অনেকে শখ করে শুনতে আসত, ইংরেজিতে কথা বলতে আসত। এমনটা সম্ভবপর হয়েছিল জ্যেষ্ঠামশায়ের পিতৃসৌভাগ্যে। বাপ ছিলেন বড় উকিল (সে আমলের বাংলানবিশ উকিল)। থাকতেন সিউড়িতে। সেই সময় এক ইংরেজ জজ আসেন, তাঁর ছোট ছেলেটির সঙ্গে উকিলবাবুর ফুটফুটে ছেলেটির হয় অকৃত্রিম অন্তরঙ্গতা। শুনছি—মেমসাহেবও তাঁকে ছেলের মতো ভালোবাসতেন। সেই আকর্ষণে মাতৃহারা শিশুটি দিনের অধিকাংশ সময়ই থাকতেন তাঁদের কুঠিতে। মুখে মুখে শিখলেন ইংরেজি এবং সে বলার ভঙ্গি পর্যন্ত তাঁদের মতো খাঁটি সাহেবী। জ্যেষ্ঠামশায় যেদিন কারণ করতেন—সেদিন রক্ষা থাকত না। হরদম ইংরেজি বলতেন। হরিচরণবাবু তাঁর সঙ্গে ইংরেজিতে কথা বলে যে আনন্দ পেতেন সেই আনন্দের আকর্ষণটাই ছিল সবচেয়ে বড়। সে কাল ছিল আলাদা। তিনি মাস্টারকে বলতেন—মাস্টার, এই কথাটা শুন, তোমার ছাত্রকে বন্ধিয়ে দাও। একটা কথা। মদ খাক—মদ খারাপ জিনিস নয়। কিন্তু এই কথাটি মনে রাখতে হবে, ফাস্ট গ্লাস ফর থার্ড, সেকেন্ড গ্লাস ফর হেলথ। বাস্ আর না। তারপর ফর ম্যাডেনস।

মাস্টার আরম্ভ করতেন—দ্যাটস্ রাইট স্যার, বাট।

বাস্—ওই শুন হল। এবং চলতে লাগল।

হরি পন্ডিভ—তাঁকে সকলে হরি পন্ডিভই বলত—বিচিত্র মানুষ ছিলেন। লোকে অনেকে তাঁকে বলত—কেন আর আপনি ও বাড়িতে আছেন পন্ডিভ? লোকে নিন্দে করে।

—করুক। ওটা মানুষের স্বভাব। আমার নিন্দে না পেলে আপনার নিন্দে করবে।

—কিন্তু আপনার আর ওই বাড়ির ভাত রোচে? হজম হয়?

—রোচে কি, হজম হয় না। আমার অম্লশূলের ব্যাধি অনেক দিনের। আর কিছ্‌র কেউ বলতে গেলে বলেন—প্লিজ—প্লিজ। আঙুল দেখিয়ে পথনির্দেশ করে বলতেন—নিজের কাজে যান।

হরি পিণ্ডিতের ইচ্ছা ছিল—আমাকে পড়ান। সে অভিপ্রায়ও প্রকাশ করেছিলেন বাবার কাছে। কিন্তু আমার পিসিমার অমতের জন্য সে হয়নি। পিসিমা বলতেন—হরি পিণ্ডিতের স্বভাবটা হল নিন্দ্রকের স্বভাব। রোজ নাকি জ্যেষ্ঠামশায়ের বাড়িতে খেতে বসে ঠাকুর থেকে কর্তা-করণীকে পর্যন্ত তিরস্কার করতেন; তরকারি-গাুলি মুখে দেবার আগেই হাত দিয়ে নেড়েই শূদ্র করতেন—অখাদ্য অখাদ্য। এই কি মানুষে খেতে পারে? রাবিশ। রাবিশ।

ইস্কুলেও হরি পিণ্ডিত ছেলেদের নাকি অনবরত গাল দিতেন—ড্যাম রাস্কেল ননসেন্স। এসব ছাড়াও বলতেন—কুস্তার বাচ্চা।

আপত্তি করলে বলতেন—ওরে হারামজাদ, সংসারে মানুষের বাচ্চার দুটো জাত। তা সে মানুষ বামনই হোক আর চন্ডালই হোক আর কাফ্রাই হোক। দুটো জাত। একটা হল ময়ূরের বাচ্চা—একটা কুস্তার বাচ্চা। ময়ূরের বাচ্চা দেখেছি—প্রথমে রোঁয়া না, রং না, দেখলে গা ঘিন-ঘিন করে—কিন্তু যত বড় হয়—তত তার পালকে-পুচ্ছে-রঙে-নাচে বাহার খোলে; আর কুকুরের বাচ্চা ছেলেবেলায় মোটাসোটা নাড়শ-নুদুশ; আর ময়না কুর-কুর বলে ডাকলেই লেজ নেড়ে সারা। যত বড় হবে তত তার ঘেমার চেহারা খুলবে। রোঁয়া উঠবে, পাঁজরা সার হবে, মাঠে মাঠে অখাদ্য খেয়ে বেড়াবে। গায়ের গন্ধে ভূত পালাবে পাড়া ছেড়ে, কিছ্‌র বললে দুপাটি দাঁত বের করে—গ্যাঁ শব্দ করে কামড়াতে আসবে। এই যেমন তুই এখন গ্যাঁ-গ্যাঁ করছিস ঠিক তেমনি। আরনা থাকলে দেখিয়ে দিতাম তোমার দাঁত বের করা মূখ ঠিক সেই রকম হয়েছে। কুস্তার বাচ্চা রে—তোরা কুস্তার বাচ্চা। রোঁয়া উঠতে শূদ্র হয়েছে, মুখে গন্ধ বেরুচ্ছে কুখাদ্যের। তামাক টেনেছি তারই গন্ধ উঠছে। দুদিন পর গাজা মদ খাবি তারই গন্ধ উঠবে। ড্যাম রাস্কেল সোয়াইন কোথাকার।

বাল্যকালে হরিপিণ্ডিতের সঙ্গে আমার একটি মধুর সম্পর্ক হয়েছিল; রাস্তায় আমাকে দেখলেই তিনি ডাকতেন। জ্যেষ্ঠামশায়ের বৈঠকখানা এবং আমাদের বৈঠকখানা পাশাপাশি। কজেই দেখা হত নিত্য কলেকবার। তিনি ডাকতেন—আমি যেতাম।

—ইউ বয়! কাম হিয়ার।

ইংরেজি তখন জানি না তবু ও কথা দুটোর মানে বুঝতাম। যেতাম। তিনি আমাকে ইংরেজিতে তালিম দিতেন।—এটা কি?—হেড। এগলো?—হেয়ার। এটা?—ফোরহেড। এ দুটো? আই ব্রাউ। তার নিচে ও দুটো? আইজ। ইয়ারস? কান দুটো ধরে নেড়ে দিয়ে বলতেন—এই দুটো। সব শেষে বলতেন—শোনো। ইংরেজিতে কবিতা আবৃত্তি করতে শূদ্র করতেন। সে মিল্টন কি টেনিশন, কি

শেলি কি ব্যয়রন—তিনিই জানতেন। আমি শব্দ, তাঁর মনের দিকে চেয়ে অবাক হয়ে সেই ধ্বনিঝঙ্কার শুনতাম।

কান্তিমাষ্টার এবং হরিপাণ্ডিত দুজনেই প্রায় এক সঙ্গেই চলে গেলেন ইন্সকুল থেকে। এঁদের জায়গায় নতুন মাষ্টার এলেন। কান্তিমাষ্টারের জায়গায় এলেন—আমাদের গ্রামেরই, আমাদের প্রতিবেশী গোবিন্দ সরকার। যেমন সুন্দর, তেমনি দুর্লভ স্বাস্থ্য। পালোয়ানের মতো চেহারা। তেমনি ছিল সুন্দর হস্তাক্ষর। এ কালে যাঁরা হাতের লেখা শিল্পবস্তুতে পরিণত করেছেন এবং সেই শিল্পকেই জীবিকা করে নিয়েছেন—তাঁদের মধ্যে যাঁরা শ্রেষ্ঠ এবং প্রতিভার অধিকারী—গোবিন্দবাবু তাঁদের সমকক্ষ ছিলেন। কিন্তু সেকালে এই শিল্পের এত প্রসার হয়নি—এবং শিল্পকর্ম করে জীবিকার সংস্থানের কল্পনাও লোকে তখন করতে পারত না। সেই কারণে গোবিন্দবাবু সমস্তটা জীবনের কিছুটা ইন্সকুল-মাষ্টারি কিছুটা কেরানিগিরি করে গেলেন। গোবিন্দবাবু ফুটবলেও খুব বড় খেলোয়াড় ছিলেন। ব্যাকে খেলতেন। গোল্ট পালকে লোকে বলত চাইনিজ ওয়াল। গোবিন্দমাষ্টার তেমনি ধরনের ওয়াল ছিলেন। তাঁর গায়ে ধাক্কা দিলে—যে ধাক্কা দিত সেই গড়াগড়ি দিত মাঠে। তেমনি ছিলেন খাইয়ে। পুরোদস্তুর খাওয়ার পর তিনি যখন মিষ্টি খেতে বসতেন তখন পণ্ড্রগ্রামের লোকের দৃষ্টি তাঁর উপর নিবন্ধ থাকত। তিনি নীরবে মাথা হেঁট করে খেয়ে যেতেন। পিতলের বালতি-ভরা মিষ্টি নিয়ে পরিবেশকরা দাঁড়িয়ে থাকত। এক-একবার দশ-বারোটা করে মিষ্টি পড়ত পাতে। এক-দুই-তিন-চারবার পড়ল।

—আর বিলিতি মাষ্টার?

নীরবে সম্মতিসূচক ঘাড় একপাশে হেলে গেল। পড়ল আর এক দফা।

—আর?

এবার কথা বললেন মাষ্টার—চারটে।

সে চারটে চলে গেল। —আর?

—দাও আর চারটে।

সে-ও শেষ হল। —আর না।

—আর চলবে না?

—অন্য মিষ্টি থাকে তো দুটো।

পণ্ড্রাশ-ষাটটা মিষ্টি খেয়ে মাষ্টার উঠে গজেন্দ্রগমনে চলে যেতেন।

মাষ্টারের নাম ছিল বিলিতি মাষ্টার। তার কারণ বিচিত্র। মাষ্টারের একটি স্বভাব ছিল বিজ্ঞাপন খোঁজা। চাকরির নয়। বিনামূল্যে জিনিস নমুনা হিসেবে পাঠাবার বিজ্ঞাপন। সেকালে এই বিজ্ঞাপন অধিকাংশই ছিল বিদেশী পণ্যের বিজ্ঞাপন। মাষ্টার সেই বিজ্ঞাপন দেখে চিঠি লিখতেন অথবা কুপন পূরণ করে পাঠাতেন। যথা সময়ে জিনিস আসত ডাকযোগে। বিনামূল্যে তিনি জার্মানী থেকে কোর্টী তৈরি করে আনিয়েছিলেন। রোজ যেতেন পোস্টঅফিসে। সেখান

থেকে লন্ডন, প্যারিস, বার্লিনের চিঠির প্যাকেট নিয়ে বাড়ি ফিরতেন। এই জনাই তাঁর নাম ছিল বিলিতি মাস্টার।

গোবিন্দবাবুর ভাই করালী সরকার আমার থেকে বছর তিনেকের বড়। দু' ক্লাস উঁচুতে পড়ত। করালীরও কিছু কিছু ওই সব গুণ ছিল।

গোবিন্দমাস্টার মারতেন না, কিন্তু তাঁর হাতের মূঠো দেখলেই ভয়ে প্রাণ উড়ে যেত।

গোবিন্দবাবু মাস্টারি নিলেন—নিরে একটু বিপদে পড়লেন। গোবিন্দবাবু যখন ছাত্র ছিলেন—তখন তাঁর একটি আড্ডা ছিল। নাম ছিল না আড্ডার, কিন্তু নাম দেওয়া যায়, ভালো নাম দেওয়া যায় বা যেত। ধুম্রলোক, বালানা, ছিলম-বিলাস, টোবাকো ক্লাব। অর্থাৎ তামাক খাওয়ার আড্ডা। যারা নতুন তামাক খেতে শিখত—তাদের জন্যে দ্বার ছিল অব্যাহত। সে যে বয়সেরই ধূমপানী হোক, আসরে স্থান দিতে আপত্তি করতেন না। এক কলেক্‌ তামাকের অংশ পেতে হলে একটি কি দুটি পরস্যা দিতে হত। পুরো এক কলেক্‌ যদি কেউ আরাম করে খেতে চাইত তবে চার পরস্যা দিতে হত। গোবিন্দবাবু যখন মাস্টার হলেন—তখন করালী ওই আড্ডার সহকারী কণ্ঠধার হয়েছে। এবং আড্ডায় সমানে ছোটদের আনাগোনা চলছে। সূত্ররং মাস্টার বিপদে পড়লেন। শেষ পর্যন্ত আড্ডার সময় নির্দিষ্ট করলে করালী। ছেলেদের জন্য নির্দিষ্ট সময়ে মাস্টার বাইরে চলে যেতেন।

ফিফ্‌থ মাস্টার এলেন রজনী সিংহ।

রুদ্র মানুষ। শীর্ণ দেহ, লম্বা চেহারা। অনবরত গোঁফ টেনে দাঁতের ফাঁকে ঢুকিয়ে কট্‌ কট্‌ করে গোঁফ কাটতেন। একটু কথা আটকাত। মাসে বোধ হয় দশ-দিনের বেশি স্নান করতেন না। ভারি ভালো মানুষ, ভারি মিষ্টি মানুষ। হেড-মাস্টার মশায়ের ভাণে তিনি। তিনিও বোধ হয় আমাদের ইস্কুলের প্রাক্তন ছাত্র। দীর্ঘদিন আমাদের ইস্কুলে মাস্টারি করে গেছেন।

শিক্ষক হিসেবে যোগ্য শিক্ষক ছিলেন। তাঁর কাছে যা পড়ছি তা আজও মনে আছে। অথচ তাঁকেই এক সময় অযোগ্য বলে অবসর নিতে বাধ্য করা হয়েছিল। অবশ্য অনেকদিন পরে। রজনীবাবুর হাতে আমাদের ইংরেজি এবং ইতিহাসের পড়া পড়ল।

তার আগে আমরা উঠলাম নতুন ক্লাসে—অনেক নতুন ছেলে এসে ভর্তি হল। সবই অবশ্য আশপাশ গ্রামের ছেলে। এর মধ্যে এল বৃদ্ধি পাওয়া ছেলে মন্মথ সিংহ। বেঁটে খাটো গোলগাল যেন একটি বাঁটল। আর এল ভোলানাথ পণ্ডিত। বিভূতি মিশ্র। আর এল আমাদের গ্রামের ও পাড়ার গৌরীবিলাস। আরও এল অনেক। কিন্তু তাদের সকলকে মনে পড়ছে না। কিছু দিনের মধ্যে তারা পড়া ছেড়ে দিলে বা পিছনে পড়ে থাকল।

গৌরীবিলাস যত বৃদ্ধিমান তত পরিশ্রমী। ক্ষুরধার বৃদ্ধি। কিন্তু বিভূতি

মিশ্র বিচিত্র এবং প্রতিভাবান। বিভূতি এসেই ক্লাসে প্রতিটি ছাত্রের সঙ্গে প্রতিশ্রুতি লাগিয়ে দিলে। এসেই শূন্যে যে আমি পদ্য লিখতে পারি।

আমিই ক্লাসে সকলের চেয়ে ছোট। বিভূতি বিশ্বাসই করলে না প্রথমটা। বললে। লেখ পদ্য, দেখব।

আমাকে লিখতে হল। নইলে আমার সব যায়—মান-মর্যাদা কিছু থাকে না! বিভূতি পড়লে। পড়ে প্রশংসাও করলে না, নিন্দাও করলে না, চুপ করে বসে রইল। ঠিক পরের দিন বিভূতি এসে বললে, আমি পদ্য লিখেছি।

সে দাঁড়িয়ে সেই পদ্য পড়লে। তার পরের দিন আবার লিখে আনলে। কিছুদিন পরেই সে ক্লাসে দাঁড়িয়ে মৃদু মৃদু পদ্য রচনা করতে শুরুর করে দিলে। দেখতে দেখতে এল হাফ-ইয়ারলি পরীক্ষা। ফল বের হল, গৌরীবিলাস সবচেয়েই প্রথম। কোনো বিষয়ে আমি দ্বিতীয় কোনটাকে বিভূতি। বিভূতি ইংরেজিতে বেশ কম নম্বর পেল। এর ফলে সে দাঁড়াল তৃতীয়। বিভূতি হঠাৎ পদ্য লেখা থামিয়ে দিলে। ইংরেজি গ্রামার মৃদু মৃদু করতে লেগে গেল। দু-পাতা তিন-পাতা ট্রান্সলেশন করে আনে। বাৎসরিক পরীক্ষায় ইংরেজিতে আমাকে ছাড়িয়ে গেল। গৌরীবিলাসের গৌরব এক নম্বরের জন্য বেঁচে গেল।

আবার বিভূতি শুরুর করলে পদ্য লেখা।

বিভূতি পদ্য লিখতে শুরুর করলে—অনেক লিখলে। কিন্তু তার পদ্যের সুর, হেমচন্দ্র, নবীনচন্দ্রের সুর ছাড়িয়ে নতুন কালের সুরের সঙ্গে সুর মেলাতে পারলে না। রবীন্দ্রনাথের কথা ও কাহিনী, এ সব আমি তখন পড়েছি। ওই সুর তখন আমার কানে বেজেছে। আমি ওই সুরে সুর মেলাতে চেষ্টা করি। বিভূতি যুক্তাক্ষরের ধনি কিছুতেই ধরতে পারত না। একদিন তাকে কথা ও কাহিনী দেখালাম; বিভূতি পড়লে “পশু নদীর তীরে, বেণী পাকইয়া শিরে—” তার ভুরু কুঁচকে উঠল, বললে—এ লাইনে সাত অক্ষর—ও লাইনে আট অক্ষর! এ আবার কি পদ্য? আরও একটু পড়লে—“জাগিয়া উঠিল শিশু! নিম্নম নিম্নক!” এখানে আবার আট—আর ছয়। সে সঙ্গে সঙ্গেই দৃঢ় বিশ্বাসের সঙ্গে ফতোয়া দিয়ে দিলে যে, এই কবিতাটি কবিতাই হয়নি।

ক্লাস দুই আরও উঠে বিভূতি একদিকে শুরুর করলে নেসফিল্ড, রোজ-হিল্ট পড়তে, পড়তে নয়—মৃদু মৃদু করতে শুরুর করে দিলে। অন্যদিকে সে কবিগান গাইতে শুরুর করলে। কবিতার চর্চা করতে করতে সে কবিরালদের কবি-গানের পাঠ্য আকৃষ্ট হয়ে পড়েছে। কবিরালদের প্রতিভা তার কাছে বিস্ময়কর বলে মনে হয়েছে। এক একদিন সে ইম্মুকে আসে শুরুর একটা খাতা নিয়ে; দুটি চক্ষু লাল; সারারাত্রি কবিগানের আসরে গান শূনে প্রায় আসর থেকেই চলে এসেছে ইম্মুকে। ক্লাসে এসেই ঢোলে। শেষে অপারগ হয়ে শরীর খারাপ বলে ছুটি নিয়ে বাড়ি চলে যায়। ক্লাসেই কবিগান করত। গালে হাত দিয়ে—কোমরে জামার উপর কাপড় বেঁধে ঠিক কবিরালদের মতো নেচে নেচে গায়—

ক য়ে কালী কপালিনী—খ য়ে খপ'র খারিণী—।

কবিগানের আশ্বাদন বিভূতি আমাকে প্রথম দিয়েছে। আমার কবি উপন্যাসের নিতাই কবিরালের ‘ওই ক রে কপালিনী’ গানও বিভূতির কাছেই শুনিয়েছিল। তখন কবিগানের অবস্থা—অষ্টাদশ শতাব্দীর পাঁচালীর মতো। এতে তখন অশ্লীল অংশ এত বেশি যে আমাদের লাভপুত্রের ব্রাহ্মণ ভদ্র পরিবারের কেউ কবিগানের আসরে যান না। তখন ঝুমুর এবং কবিগানে প্রায় অচ্ছেদ্য সম্পর্ক ছিল। কবিরালদের অধিকাংশেরই দোয়ার ছিল না, দোয়ারকি করত এই সব ঝুমুর দলের মেয়েরা।

বিভূতি কেমন করে যে এই কবিগানে আকৃষ্ট হয়েছিল জানি না। কিন্তু ওতেই সে প্রায় উন্মত্ত হয়ে উঠল। মনে হল বিভূতি বড় হয়ে এই কবিগান করাকেই জীবনের চরম সার্থকতা মনে করেছে। সে রামায়ণ মহাভারত শ্রীমদ্ভাগবত থেকে নানা পুরাণ পড়ে ফেললে। পড়ে ফেলাই নয়—প্রায় কণ্ঠস্থ করে ফেললে। অঙ্কতে সে কিছু কাঁচা ছিল—ওতেই ছিল তার বীতরাণ। অঙ্ক ছাড়া আর সব বিষয়েই বেশ সাফল্যের সঙ্গে পরীক্ষায় উত্তীর্ণ হয়ে ক্লাসের পর ক্লাস অতিক্রম করে চলেছিল—। হঠাৎ একদিন বিভূতি পড়া ছেড়ে দিলে। বোধ হয় তার পিতৃ-বিয়োগ হল।

তারপর অনেকদিন আর কোন সংবাদ পেলাম না।

শুনলাম না নতুন বিভূতি কবিরালের আবির্ভাবের কথা।

ভোলানাথ পণ্ডিত—আমাদের ভোলা পণ্ডিত—পণ্ডিতজী বরাবর সঙ্গে আছেন। সামনের দাঁটি দাঁত উঁচু। ওই উঁচু দাঁত দাঁটি এবং তার ধীর রসিক প্রকৃতি বলে দিত—পণ্ডিতজী পড়া ছাড়বে না। সে পণ্ডিত হবেই। বিভূতি সম্পর্কে ভোলানাথের মামা। ভোলানাথের খবর পেলাম সে এখন খুব অঙ্ক কষছে।

—অঙ্ক কষছে? বিভূতি?

—সুন্দর কথা। কঠাকালী। জমিদারী সেরাস্তার যাবতীয় অঙ্ক।

বিভূতি বাপের কাজ চালাচ্ছে। তাদের নিজের কিছু আদায় ছিল, তা ছাড়া তার বাপ করতেন কোনো জমিদারের আদায়ের কাজ। বেশ সম্মুখচিন্তে যোগ্যতার সঙ্গে বিভূতি করে যাচ্ছে এ সব কাজ।

দেখাও হয়েছিল একদিন সেই সময়। দেখলাম খাঁটি বিষয়ী বিভূতি।

তারপর একদা পণ্ডিতজী বললে—ওহে বিভূতি প্রায় ঋষি হয়ে উঠেছে।

—মানে।

—মানে বেদ-বেদান্ত, উপনিষদ, দর্শন চর্চা শুরু করেছে। সে একেবারে তপস্যা।

অবিশ্বাস করিনি। বিভূতি সম্পর্কে অবিশ্বাস করবার কিছুই নাই। সে সব পারে—সব।

বছর ছয়েক আগে—কি বছর আশেটক আগে বিভূতির সঙ্গে দেখা হয়েছিল।

একদিন নয় দুদিন। একদিন পশ্চিমজী তাকে নিয়ে এলেন আমার বাড়ি। দেখলাম—সতাই তপঃশীর্ণ, সংস্কৃত শাস্ত্রের প্রভাবে মিশ্রভাষী—বিভূতি তার চেয়ে মধুর হেসে আমাকে জড়িয়ে ধরলে।

তারপর একদিন একা এল।

বললে—একা তোমার সঙ্গে কথা বলতে এলাম।

—বল।

বসল, সিগারেট খেলে।

বললাম—কি বলবে বলছিলে?

সে অন্যমনস্ক হয়ে গেল।

আমি আবার ডাকলাম—বিভূতি।

—আ্যাঁ?

—বল।

—কি?

—কি বলবে বলছিলে?

—রাগ করবে না তো?

—না। তোমার কথায় আমি রাগ করব বিভূতি?

—ভুলে বলছি কথাটা। দঃখ পাবে না তো?

—না। বল তুমি, দঃখ আমি পাব না।

—তোমার লেখা পড়লাম। একটি লেখা ছাড়া বাকী আমার ভালো লাগল না।

—একটি ভালো লেগেছে তো?

—হ্যাঁ। খুব ভালো লেগেছে।

—কোনটি? কবি?

হাসলে বিভূতি। বোধ হয় তার নিজের কৈশোরের কবিয়ালীর মহড়া দেওয়া মনে পড়ে গেল। বললে—ওটি মন্দ নয়। ভালো। লোকটি থেয়া পেয়েছে পার হবে। আমার ভালো লেগেছে—গণদেবতা পশুগ্রাম—দুইয়ে একটি বই। খুব ভালো লেগেছে। ন্যায়রসকে পেলে কোথা? দেখবে তুমি, ওই তোমার পদ্যগ্রন্থ হয়ে থাকবে। দেখবে। আমাকে দঃ-একজন বললে অন্যকথা। কিন্তু—। সে ঘাড় নেড়ে অস্বীকার করলে।

আমি বললাম—আমি তোমার কথা মানি।

সেই তার সঙ্গে আমার শেষ দেখা। কয়েক মাস আগে বিভূতি মারা গেছে। তীর্থ করতে গিয়ে ট্রেন থেকে পড়ে গিয়েছিল। মেয়েরা ছিল মেয়েদের গাড়িতে। পুরুষদের গাড়িতে সে উঠতে গিয়ে উঠতে পারেনি। ফুটবোর্ডে ঝুলে আসিছিল। তাকে কোনো ট্রেনের বাস্তী ঠেলে ফেলে দিয়েছিল। হাসপাতালে মৃত্যুকালে কোনো অভিযোগ করেনি। তার বৃকে ঝোলায় ছিলেন তার নিত্য আরাধ্য শালগ্রাম শিলা, সঙ্গে বোঁচকায় ছিল কয়েকখানি কাপড় আর শাস্ত্রগ্রন্থ।

বিভূতির-কথায় আবেগের বশে কৈশোর ছাড়িয়ে প্রৌঢ়ে এসে পড়েছি, আবার ফিরে কৈশোরে।

রজনীবাবু আসতেন ক্লাসে। ইতিহাস পড়াতেন।

আগের ঘণ্টায় অঙ্ক হয়েছে। বোর্ডে লেখা রয়েছে অঙ্ক। রজনীবাবু অঙ্ক-গদালি মূছে দিয়ে তিন-চারটি অঙ্ক রেখে দিলেন।

৫৫৬—তার পাশে লিখে দিলেন—B. C.; —বল তারাশঙ্কর—ঐ খুঁস্ট-পূর্বাশ্বেদ কি হয়েছিল?

—কপিলাবাস্তুর নরপতি মহারাজ শুম্ভোদনের ঔরসে তাঁহার পত্নী মাম্মদেবীর গর্ভে বৃশ্চদেবের জন্ম হয়।

—ভাবীকালে তিনি কি প্রচার করেছিলেন?

—বৌদ্ধধর্ম।

—অহিংসা পরমো ধর্ম।

একদিন এমনি একটা ঘণ্টার পরই শুনলাম, বোর্ডিংয়ের ছেলে এবং গ্রামের ছেলেদের মধ্যে ভয়ানক ঝগড়া হয়ে গেছে।

আমার জীবনের ওই ঝগড়া একটা ঝড়। ঝড়ের মতো এল।

বোর্ডিং-এর ছেলে আর গ্রামের ছেলের মধ্যে ঝগড়া হয়ে গেল।

ফুটবল খেলার মাঠে হল ঝগড়া। তার জের এল ইস্কুলে। খেলার মাঠে ঝগড়াটা কি ভাবে ঘটেছিল জানি না। তখন ইস্কুলে তিনটে টিম। এ, বি, সি। আমরা সি টিমে খেলি। বোর্ডিং-এ ছোট ছেলের সংখ্যা খুব কম। মাত্র দু-একজন। সে সময় আমার সহপাঠী ওই বাটিকুল মোনা সিং ছাড়া আর কেউ বোধ হয় ছিল না। আশপাশ গ্রামের ছেলেরাও কেউ খেলতে আসত না। আসত বোধ হয় কেবল মহুদ-গ্রামের শরৎচন্দ্র। সে আমার চেয়ে বয়সে বড় হলেও মাথায় আমার মতোই ছিল।—দেখতে ছিল হিলিহিলে। বাকি সব আমাদের গ্রামের ছেলে। বীরেশ্বর, বংশী, শ্বিজপদ, বাদি, নারাণ, আর এক শ্বিজপদ তাকে বলতাম—বোবা শ্বিজ; তার কথায় ছিল জড়তা।

ফুটবল খেলা নিয়ে সে আমাদের কি মাতন। বিকেলে সাড়ে-চারটে থেকে সন্ধ্যা পর্যন্ত যতক্ষণ ফুটবল নজরে পড়ে ততক্ষণ খেলা চলত আমাদের। এ-টিম একটু দূরে, সেখানে কি করে ঝগড়া হল। কখন হল সে দেখবার আমাদের অবকাশ কোথায়? তবে ঝগড়া হল শুনলাম। বোর্ডিং-এর ছেলেদের দলপতি—মনিটার-ক্যাপ্টেন—তিনিও কিন্তু গ্রামের ছেলে। স্বর্গীয় যাদবলালবাবুর প্রথম দৌহিত্য শ্রীধীরেন্দ্রনাথ মৃথোপাধ্যায়। লাভপুরেই বাড়ি—অন্ততঃ তখন ছিল; মস্ত মনোহর তিনতলা বাড়ি। তবুও ধীরেনবাবু থাকতেন বোর্ডিং-এ। ফাস্ট ক্লাসে পড়তেন তখন।

এদিকের নেতা কালীকঙ্কর মৃথোপাধ্যায় আর শ্রীধর সূর্যকুমার মৃথো-

পাখ্যার। তাঁদের পিছনে গ্রামের ছাত্র এবং প্রাক্তন ছাত্রেরা অর্থাৎ বেকার যুবক সম্প্রদায় পর্যন্ত।

তার উপর গ্রামে তখন সমানে প্রতিষ্ঠার স্বন্দ্ব চলছে, স্কুল-প্রতিষ্ঠাতা স্বর্গীয় বাবদলালবাবুর বংশধর এবং গ্রামের ছাত্রদের মধ্যে।

এরও পরে গ্রামের ছেলেরা নানা আধুনিকতম আন্দোলন, ফ্যাশন হুজুগের সঙ্গে যোগ রেখেই নিজেদের মনে করে দিগ্গজ ; পড়াশুনায় এমন অবহেলা করে যে, কোন রকমে দু-কুড়ি সাতের খেলাও বজায় থাকে না;—অধিকাংশ ক্ষেত্রেই পাস মার্ক তিরিশের জায়গায় পঁচিশ ওঠে। কেবল ইংরিজী এবং বাংলাতে কোনক্রমে পাসটা হয়ে যায়। তাদের চুল ছাঁটার ঢং, টেরির বাহার, কামিজের বদল, ইস্কুলের অন্য ছেলেদের অন্তরে অতৃপ্তির অশান্তি জাগিয়ে তোলে।

এ দুটো কারণেই মাস্টারেরা একটু বিরূপই ছিলেন গ্রামের ছেলেদের উপর। গ্রামের বাবুদের ছেলেরা বেশ একটু বিলাসী, একটু আইনজ্ঞ, হয়তো বা একটু উচ্ছৃঙ্খলও ছিল, সেই কারণেই মাস্টারেরা বিরূপ ছিলেন। এখানে আইনজ্ঞ কথাটা একটু দুর্বোধ্য মনে হতে পারে। কিন্তু স্কুলেও আইন আছে, সে আইন অন্য ছেলেরা বিশেষ জানত না এবং জানলেও কোনো ক্ষেত্রে শিক্ষকেরা কেউ তা লঙ্ঘন করলেও সে আইন দেখাত না। এরা তা দেখাত। একটি গল্প—গল্প নয়, সত্য কথা বলি। আমাদের ‘রাধাদাদা’ ছিলেন। রাধাদাদা আমাদের ভাণে গোষ্ঠীর ছেলে, আমাদের প্রতিবেশী ; দিবা ফুটফুটে চেহারা, মাথার কার্তিকের মতো কৌকড়া চুল ; বাপ-মায়ের বড় আদরের শেষ সন্তান। রাধাদাদাই আমাদের ইস্কুলের প্রথম ছাত্র। ইস্কুলের প্রথম ছাত্র-ভর্তির খাতাখানি আজও আছে—তার প্রথম পাতাতেই—No. I সংখ্যার পাশেই লেখা আছে তাঁরই নাম—শ্রীরাধাশ্যাম মৃথোপাধ্যায়। একদা কোন একটা অপরাধের জন্য মাস্টার উঠে গিয়ে রাধাদাদার চুল ধরে পিঠে গালে কিলচড় মেরে তাঁকে পর্বদস্ত করে বললেন—Stand up on the bench. রাধাদাদা শিক্ষকের দিকে একবার বক্রদৃষ্টিতে চেয়ে ঘাড় ফিরিয়ে দিবা বসে রইলেন।

মাস্টার হাঁকলেন—You, Radhashyam !

রাধাদাদা ঘাড় ফেরালেন।

—Stand up on the bench, stand up.

—নু—নু—নো। রাধাদাদা তোতলা ছিলেন।

—You stand up.

—নু—নু—নেভা—ভা-র!

—আমি বলাছি। রাধাশ্যাম।

—আ—আ—প—আপনিই হোন আর যিনিই হোন—বে-আইনী অর্ডার আমি কারুর শুনব না। জজ ম্যাজিস্ট্রেটেরও না। নে—নে—ভার!

—হোয়াট বে-আইনী অর্ডার?

—ইয়েস। বে-বে-বে-আইনী অর্ডার।

এবার আশ্চর্য হয়ে গেলেন মাস্টার। বে-আইনী কথা? কি বে-আইনী কথা!

—ইয়েস—বে-আইন! অর্ডার। একসঙ্গে দুটো পানিশমেন্ট হতে পারে না।
মেরেছেন—বাস হয়ে গিয়েছে। যদি না-মেরে বলতেন—Stand up on the
bench. —দাঁড়াভাম বেণ্ডের উপর। মার, বেণ্ডের উপর দাঁড়ানো —দু-দুটো
পা—পা—পানিশমেন্ট হতে পারে না একসঙ্গে।

এ আইন কোথায় আছে তা জানি না। তবে রাধাদাদার আইন সম্পর্কে ধারণাটা
যে সূক্ষ্ম সে সত্য অস্বীকার করবার উপায় কোথায়? অপরাধ যেখানে একটা
সেখানে শাস্তি দুটো তো হওয়া উচিত নয়। পেনাল কোডে অনেক অপরাধে
বিশ্ববিধ শাস্তির বিধান আছে; আছে—দুটোর একটা বা দুটোই প্রযোজ্য হতে পারে।
কিন্তু অপরাধী এ কথা বলতে নিশ্চয় পারে। যাক সে কথা। রাধাদাদা কোনো-
মতেই দাঁড়ায় নি সেদিন।

আরও একবার রাধাদাদা এমনি আইনের বলে প্রমোশনই নিয়ে নিলে। বছর
তিনেক এক ক্লাসে থেকে সে বছর সটান হেডমাস্টারের কাছে গিয়ে বললে—আইন
অনুসারে প্রমোশন পাব এবার। আমি প্রমোশন নিলাম।

সেবার রাধাদাদা পরীক্ষাই দেয়নি। হেডমাস্টার বললেন—দু-বছর পরীক্ষায়
ফেল করেছিস—এ বছর পরীক্ষাই দিসনি। প্রমোশন নিবি কি?

—এবার পরীক্ষা দিলে—নি—নি—নিশ্চয় পাস করতাম। শরীর খারাপ
ছিল—ডা-ডা-ডাক্তারের সার্টিফিকেট দিতে পারি আমি।

তাতে হেডমাস্টার মশায় অবিশ্বাস করলেন। তিনি নিজেই ধরতে পারেন না
গ্রামের ছেলের অসুখ খাটি কি না। গেলা—মেলার সময় মাথায় সাবান ঘষে গিয়ে
কাপড় মুড়ি দিয়ে ছেলে এসে দাঁড়াল—স্যার, অসুখ করেছে। জ্বর এসেছে।

কপালে হাত দিয়ে স্যার দেখলেন—সতাই জ্বর বলে মনে হচ্ছে। ছুটি দিলেন।
বাড়ি ফিরে মাথায় তেল দিয়ে পুনরায় স্নান করে টেরি কেটে ছোকরা সেজে সিগারেট
মুখে চলে গেল মেলা। খবরও পেলেন মাস্টার। শুনলেন—বগলে রশুন টিপে
ঘণ্টাখানেক বসেছিল ছোকরা। এমন বিদ্যা অনেক জানে ওরা। অসুখে অবিশ্বাস
না করে মাস্টার মশায় রাধাদাদাকে বললেন—ভাল, এ বছর যে তুই ভাল করে পড়া-
শুনা করেছিস—ক্লাস টিচারদের কাছে লিখিয়ে নিয়ে আয়।

—কতজনের কাছে ঘু-ঘু-ঘুরব আমি?

—একজনের কাছে লিখিয়ে নিয়ে আয়।

হেডমাস্টার জানতেন, কোন শিক্ষকই তা দেবেন না।

কিন্তু তাই নিয়ে এল রাধাদাদা। ডব্ল মাস্টার —আমার মাস্টার রজেন্দ্র
পাণ্ডিতের কাছে লিখিয়ে আনলে—রাধাশ্যাম ডব্লিউ সত্যিই ভাল। এবং প্রমোশন
নিলে রাধাদাদা ওরই জোরে—আইনের বলে।

রাধাদাদার মধ্যে তবু তো একটি আনন্দময় মানুষ ছিল যার জন্য তার আইন
দেখানোটাও কৌতুকগুণে তিস্ত বা মর্যাদাহানিকর মনে হত না। কিন্তু অন্য-অন্য
ছেলেদের উত্তর-প্রত্যুত্তরে শিক্ষকেরা ক্রোধে আত্মহারা হয়ে যেতেন। এবং ভয়ও
করতেন। আমাদের গ্রামের নিত্যগোপাল মৃথোপাধ্যায় ভাল ছেলে, সে আমলে

তিনিই ছিলেন আমাদের ওখানকার তারুণ্যের প্রতীক। তিনিই আমাদের ইন্সকুলের প্রথম এন্ট্রান্স পরীক্ষার ছাত্র। ইন্সকুল খোলার বছরেই ফাস্ট ক্লাসে এসে ভর্তি হয়েছেন। কি অপরাধে ইন্সকুল সুপারিন্টেন্ডেন্ট অবিনাশবাবু তার দণ্ডবিধান করলেন—Three canes—তিনিটি বেয়াঘাত এবং সে বেয়াঘাত হবে ইন্সকুলের হলে, সকল ছাত্রের সম্মুখে। কিন্তু সে বেয়াঘাত করবে কে? মাস্টারেরা নীরবে মাথা হেঁট করে রইলেন। তখন হেডমাস্টার ছিলেন শশী রায়। অগাধ পাণ্ডিত্য—নাস্তিক মানুষ। কিন্তু দূরন্ত ভীতু লোক। তিনি বললেন—আমি পারব না। একজন এগিয়ে এলেন। তাঁর নাম আজ ঠিক মনে নেই। তবে লচু মাস্টার বলেই তিনি পরিচিত ছিলেন। লচু মাস্টার বেত হাতে নিয়ে ইন্সকুলের হলে, সর্বসমক্ষে টুলের উপর দণ্ডায়মান গোপালবাবুর পিঠে—ওয়ান—টু—থ্রি বলে বেত চালালেন। এর কয়েক দিন পরেই একদিন রাতে লচু মাস্টার লন্ঠন হাতে ছাত্র পাড়িয়ে গ্রাম থেকে বোডিং-এ ফিরছেন—এমন সময় কার নিক্ষিপ্ত অবাধ-লক্ষ্য লোষ্ট্রাঘাতে লন্ঠন চুরমার হয়ে গেল। কানের পাশ দিয়ে অন্ধকারের মধ্যে ঢেলা ডাক দিয়ে বেরিয়ে গেল। লচু মাস্টার ছুটলেন। ছুটে বাঁচলেন। এবং কয়েক দিন পরেই কাজে জবাব দিয়ে চলে গেলেন।

এই গ্রামেরই বাসিন্দা ছাত্র শম্ভু সরকার গোথরো সাপের বাচ্চা ধরে ছুরি দিয়ে বিষদাঁত ভেঙে পকেটে করে নিয়ে বেড়ায়। মাস্টার কানে হাত দিলে বলে,—খবরদার! গুরু কান।

মাস্টার পিছিয়ে আসেন সভয়ে। কানে গুরু থাকলে পিঠে বাবা মহাদেবের বাহন ঝাঁড় বাস করেন না কে বললে? গালে রামভক্ত হনুমান থাকেন না কে বললে? মনে হয়তো জেগে ওঠেন গোমাতা সূর্য্যভির ছবি—প্রতি লোমকূপে বাস করেন এক-এক দেবতা।

ওদের চেয়ে যারা ছোট, যারা ফিফ্থ—সিক্স্থ ক্লাসে পড়ে, তারা বেয়াঘাত করলে যন্ত্রণায় মাথা ঘোরাবার অ ছিললয় হঠাৎ পেটে ঢু মেরে বসে, ব্যাপারটা আকস্মিক দৃষ্টান্ত ছাড়া অন্য কোন ব্যাখ্যায় ব্যাখ্যা করা যায় না। তাতে শিক্ষকের বেয়াঘাতের সময় শক্তি-প্রয়োগে মাত্রাজ্ঞান-হীনতাই প্রকট হয়ে পড়ে।

এই পটভূমিতে মাস্টার মহাশয়ের বোডিং-এর ছেলেদের পক্ষেই যদি ন্যায় দেখে থাকেন তবে ন্যায়-অন্যায় ছেড়ে দিয়েও অস্বাভাবিক বলব কি করে? এবং আজ বন্ধুতে পারি সেদিন, অন্যায় যদি-ই বা ছিল বোডিং-এর পক্ষের, তবু আভিজাত্যের ঔদ্ধত্যটা যে এ পক্ষের অসহনীয় পরিমাণেই ছিল তাতে কোনো সন্দেহ নাই। এবং আরও একটু কিছুর ছিল। সেটা ছিল ইন্সকুল প্রতিষ্ঠাতাদের প্রতি মাস্টার মহাশয়ের অশোভন এবং ন্যায়হানিকর আনুগত্য। সন্দীর্ঘকাল—অন্ততঃ গোটা ইংরাজ রাজত্বের আমল ভোরই—শিক্ষকেরা সরকারী ইন্সকুল হলে সরকারের এবং বেসরকারী ইন্সকুল হলে—সরকার ও সরকারী কর্মচারীদের সঙ্গে ইন্সকুল প্রতিষ্ঠাতাদের প্রতি যে সন্তুষ্কৃত আনুগত্য পোষণ ও প্রকাশ করে এসেছেন তাতে বহুক্ষেত্রেই বিচার সূক্ষ্ম হতে পার নি। লাভপূরের ছেলেদের বহু অন্যান্যের সঙ্গে শিক্ষকদের

মানসিকতায় এই অন্যান্যটুকু নিঃসন্দেহে ছিল। তবে তা ক্রমশঃ কমে এসেছে। এটা কিন্তু গোড়ার দিকে বেশী ছিল।

এই সব কারণেই ঋগড়াটা একদিনেই চরমাকার ধারণ করলে। সেদিন ইন্সকুলে গিয়ে হঠাৎ হেডমাস্টার মশায়ের তীক্ষ্ণকণ্ঠের ক্রুদ্ধ উচ্চ চিৎকারে একবারে হতচাকিত হয়ে উঠলাম আমরা—অর্থাৎ বালকবৃন্দ।

চিৎকার উঠছিল—নিকালো! আভি নিকালো। নেইহ মাংতা হ্যায়, তুমকো মাফিক স্টুডেন্ট—হাম নেইহ মাংতা হ্যায়। Get out, get out.

দেখলাম লাইব্রেরী থেকে গলা ধরে হেডমাস্টার মশায় রামগোপালকে বের করে দিচ্ছেন।

রামগোপাল বেরিয়ে চলে গেল।

শুনলাম ফুটবল মাঠের ঋগড়ার বিচার হয়ে গেল।

সেইদিনই গ্রামে ফুটবল ক্লাবের পুস্তন হয়ে গেলঃ দি ফুজ্জরা অ্যাথেলেটিক ক্লাব। ক্যাপটেন—সুধীরকুমার মদুখোপাধ্যায়। সম্ভ্যায় ক্লাবের পুস্তন হল, রায়েই গ্রামের দক্ষিণ প্রান্তে বিস্তীর্ণ সমতলা সবুজ প্রান্তরে মাঠ তৈরি আরম্ভ হয়ে গেল। পরদিন অপরাহ্নে আমরা দেখতে গেলাম ; —তারা নিজেরাই কোদাল ধরে খেলার মাঠের দাগগুলি কাটছেন ; দড়ি ধরে সোজা লাইন, সবুজ ঘাসের মধ্যে বীরভূমের লাল মাটির লালচে দাগ চলে গেছে, দুপাশে গোলপোস্টও পোঁতা হয়েছে, চার কোণে চারটি লাল পতাকা উড়ছে ; নতুন একটা ফুটবলও এসেছে এরই মধ্যে ; কেমন করে এল তা জানি না। তবে এসেছিল। হয়তো দিনটা ঠিক পরের দিন না হয়ে আরও একদিন পরে হতে পারে। সম্ভবতঃ কলকাতার লোক পাঠিয়ে আনা হয়েছিল।

গ্রামে তখন ছাত্র আর প্রাক্তন ছাত্র নিয়ে বে টিম সে প্রায় দুর্ধর্ষ মোহনবাগান। সতাই তারা খুব ভাল খেলোয়াড় ছিলেন। বিশেষ করে কয়েকজন। রজনীদা সেন্টার ফরোয়ার্ড, বাঁ-পা ডান-পা সমান চলে এবং পায়ের বল চলে একে-বোঁকে পাশ কাটিয়ে—কারও সাধ্য হয় না সে বল স্পর্শ করে। শুধু বল গোলের পাশ দিয়ে চলে যায় এই দোষ, আর কেউ রজনীদার দিকে বাঈ ঠুকে এগিয়ে গেলেই তিনি বল ছেড়ে দিয়ে সরে দাঁড়ান ; ওসব গদুতোগদুতির মধ্যে তিনি নেই। আর আছে রামগোপাল। সে সতাই দুর্ধর্ষ, সে সবেই রাজী—তাকেই সকলের বেশী ভয়। সে উত্তর জীবনে খেলার জন্যে কলকাতার জি. পি. ও.-তে ঢাকার পেরেছিল। আর আছে ওরম্বা—ফুলবাক্য। এরা ছাড়া—সুধীরবাবু, কালীকিষ্করবাবু, এ'রাও ভালোই খেলেন।

দিন কয়েক, বোধ হয় দিন ক্লাতকে পরেই ইন্সকুলের ভিক্টোরিয়া অ্যাথেলেটিক ক্লাবের সঙ্গে ফুজ্জরা অ্যাথেলেটিক ক্লাবের ম্যাচ হয়ে গেল। সে আমাদের কি উৎসাহ। দেবে, অন্ততঃ পাঁচ-সাতখানা গোল দেবেই ফুজ্জরা অ্যাথেলেটিক ক্লাব।

রাধাদাদা খেলে না কিস্মিনকালে। সে ফুজ্জরা ক্লাবের উৎসাহদাতা। মোহনবাগানের ভাগ্যেও বোধ করি এমন উৎসাহ দাতা দু'-একটির বেশি নেই। ঝিপ ঝিপ করে

বৃষ্টি নেমেছে সকাল থেকে। অপরাহ্নে খেলার-আগেই প্রচণ্ড বর্ষণ হয়ে গেল। ভাগ্য মোহনবাগানের সঙ্গে মিলে যাচ্ছে। তবে মাঠ আমাদের বিচিত্র। যতই বৃষ্টি হোক, পা পেছলাবে না। বরং একটু নরম হবে মাটি। খেলোয়াড়েরা বিয়ার খাওয়া ঘোড়ার মতো বোধ হয় বৃন্দ হয়েছিলেন; বল পেলেই ছুটবেন হলদিঘাটের চৈতকের মতো। সামনে কেবল বাধা—ফুলবয়কে গোবিন্দ মাস্টার, দি ওয়াইন্ড এলিফ্যান্ট। তা সকলেই চৈতকের মতো জোড়া পা তাঁর শব্দে উপর তুলে দিতে বশ্বপরিবর। শব্দ একটু কাব্দ হয়েছেন ঘণ্টাখানেক মৃদু প্রান্তরে প্রবল বর্ষণে দাঁড়িয়ে দাঁড়িয়ে ভিজে।

জল কম পড়লে—রিমি-ঝিমির মধ্যে এল ভিক্টোরিয়া ক্লাবের দল। খেলোয়াড়েরা দাঁড়াল—দেখলাম আমাদের ক্যাপটেন ও সেন্টার হাফব্যাক সুধীরবাবু মাঠের বাইরে একটা বন্দুক হাতে দাঁড়ালেন। হুইসিল পড়বামাত্র তিনি ফায়ার করলেন একটা। তার পরেই বন্দুকটা ফেলে ছুটে গিয়ে নিজের জায়গা নিলেন।

আমাদের গোলে খেলছে রামধারী তেওয়ারী; থানার হেড রুনেস্টেবল তার কাকা—তাকে এখানে ইস্কুলে পড়বার জন্যে এনেছে। বেশ একটু টান থাকলেও বাংলা ভালই বলে। লম্বা চেহারা, চেহারার অনুপাতে হাত দুখানার আকার বেশী লম্বা—আজান্দুলম্বিত যাকে বলে, তাই। তার নাগালের বাইরে দিয়ে বলের যাওয়া খুব সহজ নয়। আর এখানে এসে অবধি রামধারী এই সাধনাটিই নিয়মিত করেছে। তার কাকা বীরভূমেই এ-থানা ও-থানা করে বোড়িয়েছেন। রামধারী কাকার পরিত্যক্ত বাসায় স্বপাকে খেয়েছে। সিদ্ধি বৃন্দেছে আর গোলে নিয়মিত গোলকিপারী করেছে আর নিয়মিত ফোর্থ ক্লাসেই পড়েছে। বোধ হয় সাত-আট বছরে মাত্র তিনটি ক্লাসের পড়া শেষ করে সে হঠাৎ একদা গেরুয়া পরে বোরিয়ে পড়েছিল। যাক। খেলার কথা বলি। খেলা শব্দ হল। দুর্দান্ত খেলা। বেমজা বল ছুটেতে লাগল বোর্ডিং-এর দলই কাব্দ হয়েছিল কিন্তু বল গোলের দিকে যাচ্ছে না। মধ্যে মধ্যে গুঁতোগুঁতি হচ্ছে। বিলিতি মাস্টার বল ঠেকাচ্ছেন; আবার আসছে আবার ঠেকাচ্ছেন। হঠাৎ বলটা একবার হাফব্যাক লাইন পেরিয়ে চলে গেল ফুল্লরা ক্লাবের দিকে। বল পেলে ফুল্লরা ক্লাবের হাফব্যাক। সে বলটাকে ধাঁ করে নিজেদের গোল লক্ষ্য করে মেরে দিলে। রামধারীও আশ্চর্য, সে ধরলে না। গোল হয়ে গেল। সেমসাইড গোল।

তখন বোধ হয় সেমসাইড গোল, গোল বলে পরিগণিত হত না। অন্ততঃ সে খেলায় হয় নি। ভিক্টোরিয়া ক্লাবের এঁরাও দাবি করেন নি। ব্যাক লাইন থেকেই বলটা মারা হল। রাধাদাদা ছুটে গিয়ে হাফব্যাককে বললে—এ-এ-কি-কি হল? গ—গা—গাধা কোথাকার?

হাফব্যাক এ গোলটা ভিক্টোরিয়া ক্লাবের গোল মনে করেছিল সিদ্ধির বোঁকে। অথবা পায়ের বে-ঠিকে এ-দিকে মারতে ও-দিকে মেরে দিয়েছে। সে বললে—ওদের ফরোয়ার্ড বাঘের মতো এসে পড়েছিল তাই আমিই মেরে দিলাম। আমি না-মারলে সে মেরে দিত। কি হত তখন? রামধারী তো ঢুলছে।

রামধারী বললে—রামধারী ঢুলে না দাদা। সে ঠিক দেখেছে। ওরা মারত

রামধারী জান দিয়ে ধরত। কিন্তু সেমসাইড বল রামধারী ছোঁবে কোন মূখে! ছো—ছো—ছো! লজ্জা নাই রামধারীর?

যাক, এইভাবে প্রথম খেলা শেষ হল।

এরই ঠিক কয়েকদিন পরেই গ্রাম-জীবনের বিচিত্র আকর্ষণে আমি পড়ে গেলাম এই স্বপ্নের মধ্যে—মধ্যে নয় ফুল্লরা ক্লাবের পুরোভাগে সকলে আমাকে খাড়া করে দিলে।

ব্যাপারটা হল এই।

যে জায়গায় ফুল্লরা ক্লাব খেলার মাঠ তৈরি করেছে—সে জায়গাটির মতো খেলার উপযুক্ত জায়গা কদাচিত পাওয়া যায়। সবুজ ঘাসভরা সুন্দর সমতল প্রান্তর। স্থানটি বিস্তীর্ণ। পাশাপাশি তিন-চারটি খেলার মাঠ হতে পারে। ইস্কুলের মাঠটি ইস্কুলের কাছে কিন্তু বীরভূমের তৃণহীন রুদ্ধ পার্শ্বেরে ডাঙা; সেখানে মা-ধরণী ব্যাঘ্রীর মতো হিংস্র। বাচ্চা আঘাত করলে বাঘিনী যেমন প্রতিশোধে কামড়ে রক্ত দেখে ছাড়ে, তেমনি ভাবেই এখানে কেউ মাটিকে আঘাত দিয়ে আছাড় খেলে মাটিতে খানিকটা রক্ত রেখে উঠতে হয়। এই সবুজ মাঠখানি ইস্কুল থেকে দূরে বলে হেডমাস্টার মশায় এদিকে আসতে দেন নি। তা ছাড়া এ জায়গাটি ইস্কুল কর্তৃপক্ষের সম্পত্তি নয়। যে স্থান তাঁদের সম্পত্তি নয় সেখানে তাঁদের ইস্কুলের ছাত্ররা খেলবে এটা তাঁরাও অনুমোদন করতেন না। এবার ফুল্লরা ক্লাবের ছেলেরা এখানে খেলতে শুরুর করার বোডিং-এর ছেলেরা ধীরেন্দ্রবাবুর নেতৃত্বে এখানে এল খেলতে। খেলার মাঠ তারা দাগ দিয়ে ছকে গেল।

ফুল্লরা ক্লাবের ছেলেরা এসে আমাকে টেনে দাঁড় করালে সামনে। আমি হলাম ফুল্লরা ক্লাবের বি-টিমের ক্যাপটেন। এক মূহুর্তে সি থেকে বি-এ প্রমোশন এবং একেবারে কমিশন লাভ—ক্যাপটেন পদ প্রাপ্তি।

এর কারণ ওই বিস্তীর্ণ মাঠটি আমাদের মহলের সীমানাভুক্ত, জমিদারের খাস পতিত।

আমাকে সামনে দাঁড় করিয়ে ভিক্টোরিয়া ক্লাবের সঙ্গে ঝগড়া হল। ভিক্টোরিয়া ক্লাবকে স্বপ্নের মামলায় পরাজিত হয়ে হঠে যেতে হল। তারা ফিরে গেল ক্রুদ্ধ হয়ে, ক্ষুব্ধ হয়ে। আমরা প্রচণ্ড উৎসাহে খেললাম সেদিন। আমি ক্যাপটেন। সেদিন বদ্বললাম না কি হল। ফুল্লরা অ্যাথলেটিক ক্লাব আমার ঘাড়ে চাপল। বছর তিনেক এর পর সুধীরবাবু কালীকীষ্করবাবুরা ছিলেন—তারপর তাঁরা চলে গেলেন। আমার ঘাড়ে ফুল্লরা ক্লাব চেপে রইল। আমি, বীরেশ্বর, বংশী নিত্য যাই। বল খেলি—বাড়ি এসে ক্লান্তভাবে শূয়ে পড়ি। ইস্কুলে হেডমাস্টার মশাই বিরূপ হলেন আমার উপর। গ্রাম্য স্বপ্নের সূত্রে প্রচ্ছন্ন বিরূপতা একটু ছিলই। একথা নিঃসংশয়েই বলছি। সেটা বাড়ল, প্রকাশ পেলে এইবার। তাতে সহসা মৃত্যুহর্ষিত পড়ল একটি ঘটনায়।

হেডমাস্টার মশায় গ্রামে বোডিং-এ ম্যাচ নিষিদ্ধ করে দিয়েছিলেন।

আমি এবং বীরেশ্বর একদিন পরামর্শ করলাম—আর তো ভাল লাগে না ভাই।

শক্তি পরীক্ষা না-করে আর তো থাকা যায় না। আর সঙ্গে হোক ম্যাচ খেলে তাদের হারিয়ে দিয়ে নিজেদের ধ্বজা না ওড়ালে বৃথাই এ জীবন।

অতএব ম্যাচ খেলা স্থির হল আমাদের গ্রাম থেকে সাত মাইল দূরের কীর্তিহার ইন্সকুলের টিমের সঙ্গে।

আমি তখন ফোর্থ ক্লাসে পড়ি। বয়স বারো। বীরেশ্বর থার্ড ক্লাসে, তার বয়স চৌদ্দ। সুতরাং এ-টিমের সঙ্গে কোশলে যদি বা পারি শক্তিতে পারব কেন?

চ্যালেঞ্জ করা হল। তাঁরা যুদ্ধ নিমন্ত্রণ গ্রহণ করলেন। এলেন। বেলা তখন প্রায় এগারটা। এলেন প্রায় পঁয়ত্রিশ জন। আমরা পনেরো জনের চাল-ডাল-মাছ-তরকারি যোগাড় করেছি—পঁয়ত্রিশ জনের খাদ্য বেলা বারোটার কোথায় পাই? তবে পাওয়া গেল; বহু কষ্টে দেবস্থান ফুল্লুরাতলায় খাবার ব্যবস্থা করলাম। খেতে বেলাও গেল—কষ্টও হল। আর তাঁরা এসেছেন প্রত্যেকেই আঠারো থেকে বিশ বছরের ছেলে—অর্থাৎ এ-টিম। এদিকে বোর্ডিং-এর ছেলেরা খবর পেয়ে এগিয়ে এলেন। মিল হয়ে গেল দু-পক্ষের অর্থাৎ গ্রাম ও বোর্ডিং-এ। একটা মিলিত টিম তৈরি হল। এঁরা বৈকি বসেছেন। আমাদের যোগ্য সম্মান হয় নি। খেলব না। প্রচুর রসগোল্লা এল। তাঁদের সম্মান করা হল—খাওয়ানোও হল। তাঁরা খেয়ে দেয়ে শেষ মদহর্ত চলে গেলেন, খেললেন না।

কয়েকদিন পরেই হেডমাস্টার আমাকে ডাকলেন। বেগামাত করলেন এবং জরিমানা করলেন পাঁচ টাকা। ওদের হেডমাস্টার চিঠি লিখেছেন—তাঁর ছাত্ররা অভিযোগ করেছে। আমার হেডমাস্টার মশায় কিন্তু একবারও আমাকে আমার কথা বলবার সুযোগ দিলেন না।

পিসীমা, মা বাড়ি বসেই শুনিয়েছিলেন।

বাড়ি থেকে লোক এল—পাঁচটি টাকা নামিয়ে দিয়ে বললে—তারাজ্ঞকরবাবু জরিমানা।

হেডমাস্টার মশায় বললেন—ফুটবল খেলা তোর বন্ধ।

আমি কিন্তু সেই দিনই যথানিয়মে গেলাম ফুটবল খেলতে। চিন্তে বোধ হয় বিদ্রোহ এমনি করেই জাগে।

পাঁচ

সেই বোধ করি আমার জীবনে প্রথম বিদ্রোহ উপলব্ধি।

এর আগেও কি পারিপার্শ্বিকের বন্ধন, পীড়নায়ক আদেশ, অভূষিতকর অরুচিকর যা কিছু সে সমস্তকে লঙ্ঘন করবার চেষ্টা করি নি? করেছি—অনেকবার করেছি। বাল্যে বাড়ির গাছের মধ্যে সে তো বারবার বহুবার ঘটেছে। শৈশবে যখন কথা ফোটে নি তখন ইচ্ছার বিরুদ্ধে ঘুম পাড়াতে চেষ্টা করলে, খাওয়ার চেষ্টা করলে চিৎকার করে বাড়ির শান্তি ছিন্নাভিন্ন করে কেঁদেছি, সেও বিদ্রোহ। কিন্তু

তব্দ বলব—সে বিদ্রোহে আর এ বিদ্রোহে প্রভেদ আছে। হেডমাস্টার আদেশ করলেন—ওই গ্রামের ফুটবল টিম ফুজরা ক্লাবে আমি খেলতে পাব না। তিনি জনতেন আমি ছেড়ে দিলেই ওটা উঠে যাবে। ইস্কুলের ফুটবল ক্লাবে আমার খেলা বন্ধ করেন নি। সেখানে খেলতে গেলে তিনি খুশীই হতেন হয়তো। কিন্তু খেলার কথাটা তখন প্রশ্নই নয়। আমার প্রশ্ন অন্য। আমার প্রশ্ন—অধিকার নিয়ে। কোনো অন্যান্য করি নি, তব্দ কেন আমি দণ্ডিত হলাম? শূদ্ধ প্রশ্নও নয়—স্কেভাও ছিল। স্কেভাও এই যে, ওদের স্কুলের শিক্ষক—নিজেদের ছাত্রের কাছে যা শুনলেন—তাই বিশ্বাস করে পত্র লিখলেন। আর আমার স্কুলের শিক্ষক একবারও আমাকে জিজ্ঞাসা করলেন না—আমার কি বলবার আছে? তা ছাড়া, ফুজরা ক্লাব তখন আমার কৈশোর-কীর্তির কুতুব-মিনার। আমি তার ক্যাপ্টেন। সেই কীর্তিস্তম্ভকে কেউ যদি নিজের হাতে ভূমিসাৎ করে দিতে বলে—তবে কি তাই কেউ পারে? রক্তচক্ৰ আদেশকর্তা যত জোরে উচ্চারণ করেন—ভাঙে, ঠিক তত জোরেই প্রতিধ্বনি ফিরে আসে—বিদ্রোহী আর্দ্রশ্রীর মধু থেকে—না।

আমার বিচারে উপলব্ধিতে আমার দিকে কোন হৃদয় ছিল না। তাতেই পেলাম আমি অপরিমিত শক্তি। সমস্ত দিন আমি নীরবে চিন্তা করলাম। ইস্কুলের পড়া একবর্ণ আমার কানে গেল না। আমি ভাবলাম—শূদ্ধ ভাবলাম। কিছুতেই আমার অন্তর ওই আদেশ পালন করতে সম্মত হল না। যে মূহুর্তে ভাবতে চেষ্টা করলাম যে, না—যাবে না, সেই মূহুর্তেই বৃকের ভিতরটার একটা প্রচণ্ড আলোড়নের সৃষ্টি হল, সে যেন একটা ঘর্ণাবর্তে অন্তরটা মূলশূদ্ধ উপড়ে পড়বে বলে মনে হল, চোখ ফেটে জল এল, ঠোট দুটি থরথর করে কাঁপতে লাগল। একটা প্রশ্ন—শতবার শতদিকে ধ্বনিত হয়ে উঠল—কেন? কেন? কেন?

আজও মনে করতে পারি।

চোখ জ্বালা করছিল। আগুনের শিখার মতো কিছু যেন আমার অন্তরকে দগ্ধ করছিল। মাথার ভিতরে চিন্তার শক্তি বিলুপ্ত হয়ে গিয়েছিল। চোখের দৃষ্টিতে সব যেন অর্থহীন হয়ে গিয়েছিল।

বাড়ি ফিরলাম।

জল খেললাম। তারপর বৈঠকখানায় গিয়ে যে আলমারিতে আমার ফুটবল থাকত তার কাছে গিয়ে দাঁড়লাম। ধীরে ধীরে বলটি বের করলাম। হুইশিল গলায় ঝুলিয়ে বেরিয়ে এলাম ঘর থেকে। মনে তখন আর প্রশ্ন নাই, শঙ্কা নাই, চোখের সম্মুখে পৃথিবী তখন অর্থহীন নয়, বৃকের ভিতর সমস্যার অমীমাংসার কোনো উদ্বেগ নাই। আমি পথের উপর নামলাম। সামনে আমাদের গ্রাম্য রাস্তা মাঠের দিকে চলে গিয়েছে। মাঠ ভেঙে ডিস্ট্রিক্ট বোর্ডের রাস্তা ধরে চললাম খেলার মাঠে। মূখের বাঁশী বাজাতে বাজাতে চলেছি। ডাক দিয়ে চলেছি—এস এস। শান্ত দৃঢ় পদক্ষেপ, ভরশূন্য চিন্তা। চিন্তাশূন্য অন্তর, মাথা উপু করেই পথ হেঁটে এসে গ্রাউন্ডে পৌঁছেই বলটাকে সর্বল পদক্ষেপের আঘাতে উর্ধ্বলোকে পাঠিয়ে দিলাম। কিছুক্ষণের মধ্যেই বীরেশ্বর এবং বংশী এসে উপস্থিত হল। আরও একজন বোধহয়

ছিল—বোবা শ্বিজ্ঞপদ। তারা আমার আগেই এসেছে; মনের বেদনায় তারা খোলা-মাঠের ওদিকে বীরভূমে প্রসিদ্ধ খোলাইয়ের মধ্যে বসেছিল।' ভারাক্রান্ত হৃদয়ে—তারা কেঁদেছিল হয়তো। ফুটবলের শব্দ পেয়ে তারা ছুটে এসে উপস্থিত হল। তারপর বাইশজনের বদলে চারজনে খেলা শুরু হল। দল নাই, গোল নাই, শূন্য বাক্তিগত প্রতিযোগিতা। সে দিনের সে কি খেলা! বীরেশ্বরের সে দিনের কি শট। বংশীর সে কি ড্রিবলিং! উল্লাসে আনন্দ চারজনে আমরা যেন স্নান করে উঠলাম। প্রসন্ন পরিপূর্ণ অন্তর নিয়ে বাড়ি ফিরলাম।

এর পর এল চিন্তার পালা।

বিদ্রোহ করেছি, এর পর কাল ইন্সকুলে বিদ্রোহ দমনের বেগহস্ত শক্তির সম্মুখীন হতে হবে। সমস্ত রাতি ঘুম হল না। ভয় নয় শূন্য চিন্তা করলাম—কি বলব? কেমন ভাবে বলব? জানি বেগাঘাত হবে, সে বেগাঘাত কেমন ভীষণতে সহ্য করব—সেই চিন্তা করলাম—ছবি আঁকলাম। কল্পনা করলাম, আবার কাল বৈকালে বেগাঘাত-জর্জরিত দেহে ফুটবল হাতে নিয়ে বাঁশী বাজিয়ে চলব খেলার মাঠে।

আমার পিসীমা আমাকে জিজ্ঞাসা করলেন—কি হয়েছে রে? সমস্ত রাতিই জেগে রইছি। নড়িছি, এ-পাশ ও-পাশ করছি।

আমার পিসীমা—আমার জীবনের এক বৃহৎ অধ্যায়। আমার মা, আমার বাবার পর এই পিসীমাই আছেন আমার জীবন জুড়ে। তিনি আমার কৈশোর জীবনের ছায়াছত্র। পিতৃবিয়োগের পর, তিনিই বসেছেন আমার পিতার আসনে। আমাদের ঘর-সংসার বিষয় আশ্রয় তাঁরই অঙ্গুলি নির্দেশে পরিচালিত হয়। রোগ-মৃত্যু এবং দৈব-দুর্ঘটনার কাছে তিনি ছিলেন অত্যন্ত দুর্বল, কিন্তু বাস্তব পৃথিবীর অপর কিছুতে তাঁর বিন্দুমাত্র শঙ্কা ছিল না। অসীম সাহসে তিনি দাঁড়াতে পারতেন। বাবার তিরোধানের পর প্রাচীন কালের বিষয়ী ঘরের আভিজাত্য-মহিমা তাঁকে আশ্রয় করেই আমাদের সংসার অক্ষুণ্ণ এবং অটুট ছিল।

আমার বয়স তখন তেরো বৎসর। পিসীমা এবং আমি এক ঘরে শুই। স্নেহময়ী আপন শয্যায় শুরেও বৃদ্ধিতে পেরেছেন আমার নিদ্রাহীন অবস্থার কথা। এক সময় তিনি প্রশ্ন করলেন। উঠে এসে বসলেন আবার মাথার শিয়রে।

—কি হয়েছে?

গায়ে হাত দিয়ে উত্তাপ দেখলেন। মাথার হাত দিলেন।

—শরীর খারাপ হয়েছে?

—না।

—তবে ঘুম হচ্ছে না কেন?

চূপ করে থেকে বললাম—কি জানি?

তিনি এবার আলো জ্বালালেন। —বল তো কি হয়েছে?

—কি বলব? হয় নি কিছুই।

—হয়েছে। আমি বৃদ্ধিতে পারছি তোর মূখ দেখে। বল।

বলতে হল। বললাম।

তিনি চুপ করে থাকলেন। কিছুক্ষণ পর বললেন—তখনই আমি বলেছিলাম জরিমানার টাকাটা এমন করে দেব না। দিতে হলে আমি যাব। মাস্টারকে জিজ্ঞাসা করব—বিচার তিনি করেছেন কি না? তারপর দেব। কিন্তু বউ বললে—না। কোন কথা বলবার দরকার নাই। বাদ-প্রতিবাদ কিছু না করেই টাকাটা পাঠিয়ে দাও।

তারপর আবার বললেন—বারগই যদি করেছিল মাস্টার তবে তা শুনলি না কেন? গেলি কেন খেলতে?

—খেলা কি অন্যায়?

—অন্যায় নয়। কিন্তু এখানে খেলতে বারণ করেছিল; ওখানে না খেলে ইস্কুলে খেললেই হত।

—ওখানে খেলতে গিয়েও তো কোন দিন কোন অন্যায় করি নি। তবে যাব না কেন? পিসীমা চুপ করে রইলেন।

আমি আবার বললাম—তা ছাড়া আমাদের গ্রামের ফুটবল টিম উঠে যাবে?

পিসীমা বললেন—কি করবি? কাল যদি অপমান করে কি মারে?

—মার খাব। অপমান সহ্য করব।

পিসীমা বললেন—ঘুমো। কাল যা হবার হবে!

আলোটা তিনি নিভিয়ে দিলেন। আমার মাথায় হাত বুলাতে লাগলেন। আমি ঘুমিয়ে গেলাম। পরদিন সকালে একবার মনে হল, যাব না ইস্কুল। কিন্তু সে দুর্বলতা জন্ম করলাম। গেলাম ইস্কুলে। প্রতীক্ষা করে রইলাম, কখন কেট চাকর এসে ডাকবে—তোমাকে ডাকছেন হেডমাস্টার। মনে হল সারা ইস্কুলে যে গুঞ্জন উঠেছে, সে গুঞ্জনের মধ্যে আমার কথাটাই বড় হয়ে উঠেছে।

হঠাৎ ক্লাসে এসে ঢুকলেন নীলরতনবাবু—থার্ড মাস্টার।

নীলরতনবাবু আমার 'খাদ্য-দেবতা'র রামরতনবাবু মাস্টার। এক মৃদু দাড়ি গোঁফ—বিশালকায় পুরুষ, সদানন্দ মানুষ, দেবতার মতো চরিত্র,—বহু শতের মধ্যে এমন মানুষ মেলে; নির্লোভ, নির্ভীক, বিচিتر। তেমনি কোমল, মধুর। লোকে বলত পাগল। ব্রজেন্দ্রবাবু এখান থেকে চলে গেলেন যখন তখন আমি সিক্সথ ক্লাসে পড়ি। ফোর্থ ক্লাস থেকে আমি নীলরতনবাবুর কাছে প্রাইভেট পড়তাম। নীলরতনবাবুর সঙ্গে কিন্তু ঘনিষ্ঠ সংশ্লিষ্ট তার অনেক দিন আগে থেকেই। তিনি আমাদের বাড়ির পাশের বাড়িতেই প্রাইভেট শিক্ষক হিসাবে থাকতেন। তাঁর ছাত্র দুটি পিতামাতার সমাদরের সন্তান। আদরে যে সৃষ্টি অনাসৃষ্টিতে পরিণত হয়, তাই। ষষ্ঠী এবং রাখাশ্যাম দুজনেই লেখাপড়া ছেড়ে দিলে। তবু তাদের অভিভাবকেরা নীলরতনবাবুকে ছাড়লেন না। মাস্টারও তখন স্নেহবন্ধনে বাঁধা পড়েছেন। বিচিتر মানুষ। জাতিতে ছিলেন কুঁড়কার। আপন মনে চিৎকার করে ছড়া বলতেন—

কুম্ভাকারে ধূম্রাকার

ধূম্রাকারে মেঘাকার

মেঘাকারে জলাকার।

বাপদ্ হে আমরা সামান্য নই। জলাকার বলেই না ধান হয়। বলে হা-হা করে হাসতেন।

ম্যাগেরিয়া জ্বর যখন আসত তখন লেপ মর্দা দিয়ে খামার বাড়িতে পোয়াল গাদান্ন গিয়ে শত্বতেন।

সুস্থ শরীর থাকলে শীতের দিনেও খোলা যায়গায় শত্বতেন। ষষ্ঠীর দাদা শীতের দিনে তাঁকে বাইরে মাত্র একখানা চাদর গায়ে শত্বতেন থাকতে দেখে বলেছিল—মাস্টার, তুমি কি হে?

মাস্টার গম্ভীরভাবে উত্তর দিয়েছিলেন—আমি মহিষ।

আমাকে বড় ভালবাসতেন। কত বিচিত্র কথা বলতেন। আমাদের গ্রাম সম্পর্কে বলতেন—মাই বয়, তোমাদের গ্রামটি ভয়ঙ্কর, ভয়ঙ্কর গ্রামের ভয়ঙ্কর মানুষ যেন হবে না। এইটাই একমাত্র শিক্ষা আমার।

তারপরই চুপি চুপি বলতেন—তবে বলি শোন। তখন আমি আমেদপুর মাইনর স্কুলের হেডমাস্টার। স্টেশনে বাই—দেখি, সব বাবদুরা নামছে। এই চুলকাটা, এই টেরি, এই জামা, এই অলেস্টার, এই নাইট ক্যাপ। বাপরে—বাপ রে—বাপ রে—। সে বাবদু দেখে কেমন যেন হয়ে যায়। তারপর টগটগ টগবগ করে জুড়ি গাড়ি আসে। জিজ্ঞাসা করি কোথাকার বাবদু? না লাভপদুরের। ভাবি, না জানি লাভপদুর কেমন? তারপর লাভপদুরে ফোর্থ মাস্টারের পোস্ট খালি হল—দিলাম একটা দরখাস্ত করে। দরখাস্ত করে কিন্তু ভয় হল। কি জানি—যদি দরখাস্ত মঞ্জুর হয়। হে ভগবান, রক্ষা কর! লাভপদুরে আমি যাব কি করে? আমার মোটা কাপড়, তিন বছরের জুতো এক জোড়া, সে শত্বকিয়ে কাঠ হয়ে গিয়েছে, শীতের দিনে একটা চটের ওভার কোট গায়ে দি। গানি ব্যাগ কেটে সেটা আমিই তৈরি করেছিলাম নিজে। এই সব নিয়ে লাভপদুর যাব কি করে? হে ভগবান! Oh God! হে আল্লা! রক্ষা কর। তা বাবদু রক্ষা করলেন না তাঁরা। দিলেন ঠেলে বিপদের মত্থে। মঞ্জুর হল দরখাস্ত। তা একবার ভাললাম যাক মরদুক গে, দিই লিখে—আমি যাব না। কিন্তু অদৃষ্টের টান—পড়লাম এসে।

বলেই হা-হা করে হাসতেন।

জীবনে নেশা ছিল না, বিলাস ছিল না, ছিল প্রাণভরা আনন্দ। ছিল ভিতরে বাইরে সুনির্মল পরিচ্ছন্নতা। অঙ্কের মাস্টার—বেড়তে বেরিয়ে লাল মাটির উপর কাঠি দিয়ে অঙ্ক কষতেন। প্রিয় ছিল তাঁর মিলটনের কাব্য। প্রিয় কবি ছিলেন তাঁর রবীন্দ্রনাথ। শান্তিনিকেতনের অনতিদূরে—বোধ হয় মাইল তিনেকের মধ্যেই তাঁর বাড়ি। রবীন্দ্রনাথের গম্প বলতেন। রবীন্দ্রনাথের কাব্য তিনি ভাল করে পড়েন নি, কিন্তু রবীন্দ্রনাথের শান্তিনিকেতনের শিক্ষা-সংস্কৃতির প্রতি ছিল তাঁর আন্তরিক অনুরাগ।

নীলরতনবাবু থার্ড মাস্টার মশাই এসে ক্লাসে ঢুকলেন। বললেন—তারাপ্রসন্ন,

এস আমার সঙ্গে। ক্লাসের মাস্টারকে বললেন—দরকার আছে, ওকে একবার নিয়ে যাচ্ছি।

বেরিয়ে গেলাম। একেবারে ইস্কুল থেকে বেরিয়ে পাশের আম-বাগানে গেলেন। বললেন—হেডমাস্টার মশায়ের কাছে তোকে ক্ষমা চাইতে হবে।

আমি সবিস্ময়ে মুখের দিকে চেয়ে রইলাম।

নীরতনবাবু বললেন—পিসীমা আমার হাতে একখানি পত্র দিয়েছেন হেডমাস্টার মশাইকে দিতে। দেখ—পত্রখানা।

আমার মায়ের সুন্দর হস্তাক্ষরে পত্র।

মান্যবরেম্,

মহাশয়, আমার ভ্রাতৃপুত্র তারাক্ষরকে আমিই কাল বৈকালে যথারীতি খেলিতে যাইতে আদেশ করিয়াছিলাম। সে এ পর্যন্ত ওই খেলার সূত্রে কোনো অন্যায় করে নাই। অন্ততঃ আমাদের দৃষ্টিতে কোন অন্যায় চোখে পড়ে নাই। সেই কারণে এবং গ্রামের ছেলেদের এই খেলার দলটি উঠিয়া গেলে ছেলেরা দুঃখ পাইবে—গ্রামের পক্ষেও লজ্জার কারণ হইবে। এই কারণে তাহাকে খেলিতে আমিই বলিয়াছিলাম। আপনি এই লইয়া তাহাকে শাস্তি দিলে সে শাস্তি আমাকেই দেওয়া হইবে। ইতি—তারাক্ষরের পিসীমা।

পত্র-রচনা আমার মায়ের কিন্তু প্রতিটি ছত্রে পিসীমায়ের কণ্ঠস্বর এবং দৃঢ় বাচনভঙ্গির পরিচয় প্রত্যক্ষ। কিন্তু পত্র পড়ে কি বলব? আমার বলবার আছে কি? আমি চুপ করে রইলাম।

নীরতনবাবু বললেন—এ পত্র আমি হেডমাস্টার মশায়কে দিই নি। দেবও না। যা বলবার সে আমি তাঁকে বলেছি। তিনি হেডমাস্টার—শিক্ষক—গুরু, সেই কারণে তোকে তাঁর কাছে ক্ষমা চাইতে হবে।

আমি তবুও চুপ করে রইলাম। আমার মনে সেই প্রশ্ন—কোথায় আমার অন্যায়? অন্যায় আদেশ প্রতিপালন না করাও কি অন্যায়?

মাস্টার মশাই আমার হাতের উপরে ধরে বললেন—চল।

নীরবেই আমি তাঁর অনুসরণ করলাম।

গিয়ে দাঁড়িলাম লাইব্রেরী বা আপিস ঘরে। হেডমাস্টার কিছু পড়ছিলেন, তাঁর পাশে চশমা খুলে হাতে নিয়ে আমার দিকে তাকালেন। আমি শীরভাবেই দাঁড়িয়ে রইলাম। চম্পল হই নি আমি। স্পষ্ট মনে আছে।

আশ্চর্য, কোন কথা আমার মুখ থেকে বের হইল না। আমি বলতে পারলাম না—স্যার, আমি মাফ চাইতে এসেছি। কিন্তু চোখে জল এল, গাড়িয়ে পড়ল গাল বেয়ে। সে কাম্য কোন উচ্ছ্বাস ছিল না। ছিল শুধু চোখের জল। সে দিন চোখের জলই আমার সকল কথা ব্যক্ত করে দিয়েছিল।

নীরতনবাবু বললেন—ও আপনার কাছে মাফ চাইতে এসেছে।

হেডমাস্টার মহাশয়ের কঠিন মৃদু ক্রমাগত যেন কোমল হয়ে এল। এল বোধ হয় আমার চোখের ওই ধারা দেখে। বললেন—আচ্ছা, এবার মাফ করলাম আমি। যাও, পড়াশুনা করগে।

চলে আসছি, আবার ডাকলেন।

বললেন—এবার থেকে কোথাও ম্যাচ খেলতে হলে আগে আমার পারমিশন নিতে হবে। বুদ্ধে? খেলতে হয়—আমি বন্দোবস্ত করে দেব। ডু ইউ আন্ডারস্ট্যান্ড? ঘাড় নেড়ে জানালাম—বুঝেছি। স্বীকারও করে নিলাম সানন্দে।

পররাষ্ট্র নীতি তাঁর হাতে তুলে দিয়ে হাসতে হাসতে ফিরে এলাম। ফুড্‌বল অ্যাথলেটিক ক্লাব বেঁচেছে। মরে নি।

বিদ্রোহ আমার জয়যুক্ত হল।

ছয়

বিদ্রোহ আমার জয়যুক্ত হল, কিন্তু সে জয় আমার সম্ভবপর হল দেবতা প্রসাদেই। পিসীমা এবং মা যদি না-থাকতেন, অনুকূল না হতেন, যদি আমাকেই একক লড়াই করতে হত, তাহলে আমাকে হয় হার মানতে হত অথবা আমাকে আমার ভবিষ্যৎ বলি দিয়ে বিদ্রোহকে জয়যুক্ত করতে হত। হয় শিক্ষকদের বিষদৃষ্টিতে পড়ে নিরন্তর গঞ্জনা এবং লাঞ্ছনা-সঙ্গে সঙ্গে শিক্ষা-জীবনের প্রতি অশ্রদ্ধা জন্মে যেত। পড়া ছেড়ে দিতাম। আর একটা পথ ছিল অন্য ইন্সকুলে চলে যাওয়া। কিন্তু সেও ঠিক জয় করা হত না। পলায়ন করা হত। ফুড্‌বল অ্যাথলেটিক ক্লাব উঠে যেত। তবে জয় আমার শক্তিতে অর্জিত না হলেও তার স্বাদ আস্বাদনে হানি ঘটল না। জীবনে জয়ের তুল্য মধুরস্বাদী আর কিছূ হয় না। শাস্ত্রে আছে, পুত্র এবং শিষ্যের কাছে পরাজয় আরও মধুর। হয়তো মধুর, কিন্তু কল্পনায় তাকে অতি মধুর করে তোলা হয়েছে, তাতে সন্দেহ নেই। অর্জুনের হাতে দ্রোণের পরাজয় হয়েছিল। সে পরাজয় কত মধুর সে-কথা বলবার জন্য দ্রোণ বেঁচে ছিলেন না। রামের এবং অর্জুনের পুত্রের হাতে পরাজয় ঘটেছিল—সেও যে মৃত্যু, এ-কথা পুত্রাঙ্গকার গোপন করেন নি। কিন্তু ক্ষেত্রেই সীতা এবং উলূপীর সত্যীষ্ণুগুণে, অলৌকিক করুণার মহিমায় তাঁরা যখন পুনর্জীবিত হলেন তখন বিজয়ী পুত্রেরা পিতার পদানত হয়েছে। এবং তাতেই পরাজয় মধুর হওয়া সম্ভবপর হয়েছে। শিষ্য ভীষ্মের হাতে পরাজিত হয়ে পরশুরাম তো চিরদিনের মতো আত্মগোপন করেছিলেন। মোট কথা, জয়ের আস্বাদের চেয়ে মধুর এবং তীব্র আর কিছূ নাই—হয় না। সেদিন মা এবং পিসীমার স্নেহের বলে সে আস্বাদ পেয়েছিলাম। এ ক্ষেত্রে পিসীমাই ছিলেন আমার সবচেয়ে বড় শক্তি।

আমার পিসীমা আমার জীবনে একটি সুবৃহৎ অধ্যায়। আমার বাবার কথা, আমার শৈশব জীবনের কথা আমার কালের কথায় বলেছি। বলেছি—যুগসন্ধিক্ষণে তিনি যেন ছিলেন যে-কাল বিগত হচ্ছে, বিদায় নিচ্ছে, তারই প্রতীক। সে কালের

শিক্ষা-অশিক্ষা, দোষ-গুণ, আলো-ছায়া, উদারতা-সঙ্কীর্ণতা, পাপ-পুণ্য পূর্ণ মাত্রায় তাঁর মধ্যে বিকাশ লাভ করেছিল। তিনি আমার দৃষ্টিতে ছিলেন বিরূপ বনস্পতির তুল্য। আকস্মিক মহাবড়ে মূল বনস্পতির মতোই উৎপাটিত হয়ে পড়েছিলেন।

আমার কাল গণনা—যুগসন্ধিক্ষণ উনিশশো পাঁচ সালের ৩০শে আশ্বিন। তিনি সেই বৎসরেরই পরবর্তী ৯ই আশ্বিন মহাপ্রয়াণ করেছিলেন। এই নতুন কালে বাবার মহাপ্রয়াণের পর আমার পিসীমা অতীতকালের মহিমার মতো আত্মপ্রকাশ করলেন। সূর্যাস্তের পরও যেমন পৃথিবীর বকে তার উত্তাপ বিকীরিত হয় তেমনি ভাবে আমার বাবার প্রভাবের মতোই তিনি আমাদের সংসারের সর্বক্ষেত্রে আসন নিয়ে ছিলেন। আমার জীবনে যাদের প্রভাব রক্তে-মাংসে, মেদে-মজ্জায়, চিন্তনে-মননে ধাতুগত হয়ে আছে, তাদের মধ্যে প্রথম তিনজনের তিনি একজন; বাবা-মা-পিসীমা।

সাংসারিক ভাগ্যে তিনি ছিলেন হতভাগিনী যাকে বলে তাই। গ্রামেই তাঁর বিবাহ হয়েছিল। স্বামী ছিলেন সে কালের বিষয়ী ঘরের দৌহিত্র এবং পরম রূপবান। পিসীমা আমার গোড়া থেকেই ছিলেন তেজস্বিনী এবং দৃষ্টভাগিনী। এটি আমাদের বংশগত স্বভাব। বহু ক্ষেত্রে দোষ, বহু ক্ষেত্রে গুণ। এই কারণেই আমার পিসেমশাই পিসীমাকে নিয়ে তাঁর ভাইদের থেকে পৃথক হয়ে সংসার বাঁধতে বাধ্য হয়েছিলেন। দুটি সন্তান, স্বামী, স্ত্রী নিয়ে একটি সংসার। গ্রামেই প্রতিষ্ঠাবান বংশ পিতৃকূল, শ্বশুরকূল অর্থাৎ আমার পিসীমার পিতৃকূল অধিকতর প্রতিষ্ঠাবান। যেন চন্দ্র-সূর্যের আলোকে আলোকিত পৃথিবী; অম্বকারের লেশমাত্র ছিল না কোথাও। ছেলে দুটি ছিল শুনছি যুগল কীর্তিকৈয় অথবা শিশু কন্দর্পের মতো সুন্দর। এই সুখের নীড়ে অকস্মাৎ হল বজ্রাঘাত। স্বামী এবং বছর সাতেকের বড় ছেলে চব্বিশ ঘণ্টার মধ্যে কলেরায় মারা গেলেন। পিসীমা ছোট ছেলেটিকে নিয়ে ফিরে এলেন পিতালয়ে। দেড় বছরের পর ছোট ছেলেটিও চলে গেল; সর্বস্ব হতে পিসীমা রইলেন পৃথিবীতে; তিন তিনটে চিতার আগুন তাঁর বকের মধ্যে অহরহ জ্বলতে লাগল।

এই শোকে তিনি যে কত কেঁদেছিলেন, সে আমি দেখি নি। তখন আমি জন্মাই নি। পরবর্তীকালে তাঁকে কিন্তু আমি কাঁদতে দেখি নি। আমি তাঁকে দেখেছি আগ্নেয়গিরির মতো রুদ্ধ কঠোর উত্তপ্ত। তাঁর নিজের জীবনের বণ্টনার ক্ষোভ রোষ তিনি ছাড়িয়ে দিতেন আগ্নেয় মতো কুণ্ডাহীন নির্বিচারে। মধ্যে মধ্যে এই ক্ষোভে বেদনায় তিনি অকস্মাৎ চেতনা হারিয়ে পড়ে থাকতেন, দীর্ঘক্ষণ পর জ্ঞান হত; ঘন ঘন কয়েকটি দীর্ঘনিশ্বাস ফেলে চোখ মেলতেন।

কিন্তু অন্যদিকে জীবনে তিনি ছিলেন আশ্চর্য রকমের নির্লোভ। আমাদের গোটা সংসারের কতৃৎ তাঁর হাতেই ন্যস্ত হয়েছিল আমার বাবার মৃত্যুর পর। কিন্তু তিনি নিজের বলে একটা কপর্দকও সঞ্চয় করেন নি। বৃষ্টি তাঁর তীক্ষ্ণ ছিল না কিন্তু বোধ ছিল প্রবল। জমিদারী আমাদের কিছূ ছিল, বার্ষিক তিন থেকে চার

হাজার টাকা আয়; সে জমিদারী পরিচালনায় তাঁর বোধের পরিচয় আমাদের সংসারকে বহু জটিলতা থেকে রক্ষা করেছে; বহুবার জয়যুক্ত করেছে। তাঁর চরিত্রের ছায়া ধাত্রীদেবতার পিসীমার উপর পড়েছে যথেষ্ট পরিমাণেই। দুটি ঘটনার কথা ধাত্রীদেবতার মধ্যে যথাযথ ভাবেই তুলে দিয়েছি। একটি আমাদের বৈঠকখানায় বা সদর বাড়ির সংলগ্ন পুকুরের পাড়ের উপর জরিপের শিকল ফেলা নিয়ে ঘটনা। সরকারি জরিপে অবশ্য কোনো সীমানার উপর দিয়ে শিকল নিয়ে যেতে অনুমতি নিতে হয় না। কিন্তু এই জরিপটি ছিল আধা-সরকারী। দুই বিবদমান পক্ষের সীমানা নির্ধারণের জন্য আদালত থেকে আমিন এসেছিল জরিপ করতে। সংকীর্ণ স্থানে শিকল টানতে অসুবিধা হওয়ায় সাজসরঞ্জাম ইত্যাদি নিয়ে আমাদের সীমানার উপর দিয়েই তাঁরা চলেছিলেন, আমাদের কিছুই জানান নি। পিসীমা সকালবেলা দেবতার দ্বারা জল দিয়ে প্রণাম সেরে, লক্ষ্মীর ঘরের মার্জনা নিজের হাতে সেরে, ভিতর বাড়ির তদারকের ভার মায়ের উপর দিয়ে নির্জে আসতেন বৈঠকখানায়। বৈঠকখানা গোশালা পুকুরঘাট তদারক করতেন। সেদিন পুকুরঘাটে এসে দাঁড়াবামাত্র চোখে পড়ল ওই দৃশ্য। বিস্মিত হয়ে নিজেই ডেকে প্রশ্ন করলেন—কারা ওখানে, কি হচ্ছে? উচ্চকণ্ঠে প্রশ্নটি করলেন, কিন্তু আমাদের পেছাদাকে সম্বোধন করে। হেঁকে বললেন—কেউ সিং, দেখ তো কারা ওখানে, কি হচ্ছে? কেউ সিং তাঁর কাছেই দাঁড়িয়ে। সঙ্গে সঙ্গে ওপারের জনতা ঘুরে দাঁড়াতে বাধ্য হল। বিবদমান পক্ষের একজন চিৎকার করেই উত্তর দিলেন—ময়রাপুকুরের পাড় জরিপ হচ্ছে গো।

পিসীমা এবার একটু শঙ্কিত হলেন, ময়রাপুকুরের পাড় জরিপের শিকল আমাদের পাড়ের উপর দিয়ে চলার অর্থ তিনি অন্য রকম বুঝলেন; মনে ভাবলেন, আমাদের পাড়ের খানিকটা অংশ—ময়রাপুকুরের পাড় জরিপ হচ্ছে তো আমার শান পুকুরের পাড়ের উপর শিকল কেন? তুলে নিন, শিকল তুলে নিন!

মহত্বে এক পক্ষ ক্রোধে উদ্ভূত হয়ে উঠলেন। আমাদের গ্রামে এই ব্যক্তিটি, শূন্য ওই ব্যক্তিটি নয়, তাঁর বংশটিই ক্রোধের জন্য বিখ্যাত বা কুখ্যাত। তন্ময় নামে গজিকা কুলাচার তাঁদের এবং সে আচার বেশ খানিকটা উৎকট রকমের উগ্র। ভদ্রলোক ক্ষিপ্ত-প্রায় হয়ে গাল দিয়ে উঠলেন—আচ্ছা হারামজাদা মেয়ে তো! আমরা কি জায়গা তুলে নিয়ে যাচ্ছি নাকি?

পিসীমা গম্ভীর স্বরে আদেশ দিলেন—যাও কেউ সিং, ওদের ওখান থেকে তুলে দিয়ে এস। সরকারি আমিনকে বলবে, আমার পাড়ের উপর দিয়ে শিকল টানতে সরকারি হুকুম আছে? থাকলেও কি আমাদের খবর দেওয়ার দরকার নাই?

কেউ সিংকে যেতে হল না। আমিন তৎক্ষণাৎ শিকল টেবিল সরিয়ে নিয়ে, নিজে এসে দুটি স্বীকার এবং দৃষ্ট প্রকাশ করে গেলেন।

আর একবার আমাদের একটা গাছ অন্য একজন কেটে নিয়েছিলেন। সীমানা গন্ডগোলের অজুহাতে গাছটা আমাদের অঙ্গভাসারে কেটে ফেললেন। পিসীমা কিন্তু সুকৌশলে আমাদের চাষীদের গাড়ি ষোঁগাড় করে রাতারাতি সেই গাছ তুলিয়ে এনে ঘরে ঢোকালেন। অপর পক্ষের কাটাই খরচটা গেল। উপরন্তু সীমানার দখল আমাদের

সাব্যস্ত হয়ে গেল। পরদিন তিনি নিজের তাঁদের বাড়ি গিয়ে বলে এলেন, এবার আমাদের সীমানার মধ্যে তাঁদের যে সব গাছ আছে সেগুলি তিনি কাটাবেন। তাঁরা যদি পারেন তো রোধ করেন যেন। এ ক্ষেত্রে সীমানা এবং অধিকার এমনই স্পর্শদণ্ড যে তাঁদের সেখানে যাওয়া হত ট্রেসপাস।

এমনি ধারার ছোটখাটো ঘটনা নিতাই প্রায় ঘটত। ছোটই হোক আর বড়ই হোক, জমিদারী—জমিদারী। বড় আর ছোট নিত্য একই ধরনের জটিলতা সর্বত্র। সে বর্ষমানের রাজবাড়ি থেকে লাভপুরের বাড়ীজেন্দারের সাত আনির বাড়ি পর্যন্ত। প্রতিটি ঘটনাতেই পিসিমা এইভাবে সে স্বল্পে উত্তীর্ণ হয়ে এসেছেন। ভয় ছিল তাঁর ইংরেজ রাজাকে, আর ভয় ছিল মৃত্যুকে। তাঁর মামার বাড়ি ছিল সিউড়ির উত্তর-পশ্চিমে মামদ-বাজার থানা এলাকায় মহলপুরে। বীরভূম ও সাঁওতাল পরগণায় যে সাঁওতাল বিদ্রোহ ঘটেছিল, সে বিদ্রোহ এবং ইংরেজদের কঠোর হস্তে নিষ্ঠুর বর্বর অত্যাচারে সে বিদ্রোহ দমন স্বচক্ষে দেখেছিলেন তাঁর মাতামহী। আমার বাবা এবং পিসিমা সেই অত্যাচারের কাহিনী শৈশব থেকে শুনেন এসেছিলেন। বন্য সাঁওতালদের রক্তাক্ত উন্মত্ততার কাহিনী, সে অত্যাচারের কাহিনীর কাছে সমুদ্রের কাছে গোম্পদ। কাল-বৈশাখীর বজ্রনির্ঘোষের কাছে মানুষের হৃৎকার! ইংরেজের নামে একটা জৈবিক আতঙ্ক ছিল তাঁর। পরিমাণে কম হলেও আমার বাবারও ছিল এই ভয়। কোনক্রমেই বয়স্ক জীবনের বৃদ্ধি বা সাহস দিয়ে একে সম্পূর্ণ জয় করতে পারেননি। ‘পদচিহ্ন’ রাখাকান্ত চরিত্রের মধ্যে এ কথা পরিষ্কৃত হয়েছে। বাল্যকালে পিসিমার কাছে আমি এই সাঁওতাল বিদ্রোহের গল্প শুনতাম। বলতে বলতে তাঁর নিজের কণ্ঠস্বর কাঁপতে থাকত। শব্দাতুর হয়ে উঠত। আমারও রোমাঞ্চ হত মুখে সিঁদুর মেখে, হাতে টাঙি আর তীর-ধনুক দিয়ে রক্তমুখ দানবের মতো সাঁওতালদের নাচের কথা শুনেন। শালা জংগলে মাদল বাজত, মশালের আলো জ্বলত চারিদিকে—তারই মধ্যে বিদ্রোহীরা নাচত।

পিসিমা বলতেন, সাঁওতালেরা বিশুবাবুর জয় দিত। বলত, বিশুবাবুই আমাদের রাজা। বিশুবাবু আমার মনের মধ্যে এমনই রেখাপাত করেছিল যে বিশুবাবুর সন্ধান আমি অনেক করেছি উত্তর জীবনে। কে ছিল বিশুবাবু? কেমন ছিল বিশুবাবু? * কোন সন্ধান পাইনি। ‘কালিদী’ উপন্যাস লেখার সময়ও পাইনি। কিন্তু শৈশব থেকে যে কল্পনা এই মানুষটির কীর্তি এবং নামকে অজানা এক বিচিত্র বীজের মতো মনোজগতে সযত্নে জল সিঞ্জন করেছিল সেই বীজ থেকেই ‘কালিদী’র সোমেশ্বর উদ্ভূত হয়েছে হিংস্র কণ্টকাকীর্ণ রক্তপুষ্পময় বৃক্ষের মতো।

তাঁর এই ভয় এতই প্রবল ছিল যে, সে হয়ে দাঁড়িয়েছিল অচলায়তনের লৌহ

* পরবর্তী কালে স্বর্গীয় শরচ্চন্দ্র রায় মহাশয়ের ইতিহাস পড়ে সাঁওতালবীর ‘বিরসা মহারাজ’-এর নাম পেয়েছি। বিদ্রোহী এই বীর সাঁওতাল যুবকই ছিলেন সাঁওতাল বিদ্রোহের প্রেরণা। তাঁকে সাঁওতালের বলভ—‘বিরসা ভগবান’। বিশুবাবু বোধ হয় বিরসা মহারাজ। সাঁওতালেরা বিরসা মহারাজের জয়ধ্বনি দিত; এ দেশের সাধারণ মানুষ বিরসা মহারাজকে জানত না বলেই বিশু রাজা বা বিশুবাবু বলে মনে করত।

কপাটের মতো। তাঁর এই রাজভয় এবং মৃত্যুভয় বিশেষ করে মার্মীভয়—এই দুইখানি লোহার কপাটকে ভাঙতে হয়েছিল আমাকে। বিদ্রোহ করে তাঁর সঙ্গে যুদ্ধ করে ভাঙতে হয়েছিল। বিদ্রোহ করতে তিনিই আমাকে শিখিয়েছিলেন। জয়যুক্ত হতে তিনি আমাকে সাহায্য করেছিলেন। ওই ইস্কুলের ফুটবল বিদ্রোহের কথা বলছি। কিন্তু পিসিমার বিরুদ্ধে বিদ্রোহ সহজ ছিল না।

তাঁর ব্যক্তিত্বের কথা বলছি, স্কোভের কথাও বলছি। আমার উপর সে ব্যক্তিত্ব কতখানি প্রভাব বিস্তার করেছিল, কতখানি আমাকে অভিভূত করেছিল, সেই কথা বলি। আমার তখন বয়স সতেরো। ষোল পার হয়েছি। কিন্তু দুটো কারণে অকস্মাৎ অনেকখানি পদোন্নতি হয়ে বয়সে প্রায় বিশকে ছাড়িয়ে গিয়েছি। হঠাৎ আমার বোনের বিয়ের টানে আমার বিয়ে হয়ে গিয়েছে এবং বিয়ের প্রায় মাসখানেকের মধ্যে ম্যাট্রিকুলেশন পরীক্ষা দিয়েছি। এই দুটোই ষোল বছরের একটি কিশোরকে বিশ-বাইশ বছরের যুবকের মর্যাদায় এবং মনোভাবে ভাবান্বিত করতে যথেষ্ট। আমার ভ্রূণীপতি এবং শ্যালক লক্ষ্মীনারায়ণ আমারই বয়সী। বাল্যকালে মাতৃহীন হয়ে সে বোর্ডিংয়ে থাকার অবসরে সিগারেট অনেক আগেই ধরেছে। আমি এ বিষয়ে সত্যিই ভালো ছেলে ছিলাম। সিগারেট তামাক ধরিনি। যা নাকি সেকালে গ্রাম্যজীবনে বিস্ময়ের বস্তু ছিল। বিয়ের পর বোধ করি অণ্টমণ্ডলা উপলক্ষে শ্বশুরবাড়ি গিয়েছি। শ্বশুরবাড়ি বাড়ির দরজা থেকে হাত চিল্লিশেক দূর। সেই দিন নারায়ণ আমাকে সিগারেট খাওয়ালে। বিয়ে হয়ে গিয়েছে। ইস্কুলের গান্ডি পার হিচ্ছি, চোখে একটা অকাল যৌবনের নেশা লেগেছে। মনে হল, নবযুবক মানাতে যেটুকু কর্মতি রয়েছে, সেটুকু ওই ধূমায়মান সিগারেট ঠোঁটে উঠলেই পূর্ণ হয়ে যাবে। তার আগেই বিয়ে উপলক্ষ করেই টেরি কেটেছি। আমাদের হেডমাস্টার মশায়ের ভারি আপত্তি ছিল টেরিতে। তিনি যে সদুপদেশগুলি ছাত্রদের দিতেন তার মধ্যে প্রথম ছিল—‘Comb your hair everyday. But don't divide into parts; অর্থাৎ সিঁথি কেটে টেরি কেটো না। আমিও কাটতাম না। কিন্তু বর যখন সাজলাম তখন টেরি কেটে দিলে দশজনে মিলে। শ্বশুরবাড়ি থেকে আয়না চিরুনি তেল পমেটম দেওয়া হল আমাকে, লাইসেন্স এল সমাজের সীলমোহর নিয়ে। যাক। টেরির পর সিগারেট। নারায়ণ সিগারেট ধরালে। বের করলে চোকা একটা কৌটো, গোল্ডেন বার্ডসাই-এর টোব্যাকো; তার সঙ্গে সিগারেট বানাবার কাগজ এবং একটা কল। টোব্যাকোর গন্ধটা কিন্তু সত্যি ভালো লেগেছিল। সিগারেট খেলাম। কাশলাম, চোখ দিয়ে জল পড়ল, তবুও খেলাম। সম্ভ্যে থেকে গোটা তিনেক বোধ হয়। রাত্রে আমার দশ বছরের পত্নী এসেই বললে—ও খুকী দিদি, কি বিচ্ছিরি গন্ধ, সিগারেট খেয়েছে।

খুকী দিদি আমার স্ত্রী-সম্পর্কীয়া দিদি। তিনি হেসে বললেন—মর মর মর। এর পর তামাক সেজে দিতে হবে। তখন কি করবি? চাকরে সেজে দিলেও ফদু দিতে হবে। বেশ করেছে সিগারেট খেয়েছে।

শ্বশুরবাড়িতে ওই কথাটা মনে কিছদু সাহস সঞ্চার করেছিল। আর সাহস ছিল পিসিমা। বাড়িতে রুপোর ফদুরসী। রুপোর কাজ করা ফদুরসী, তিন-চারটে গড়-

গড়ার সরঞ্জাম বাড়িতে ছিল। আমার বড় ঠাকুমা গড়গড়ায় তামাক খেতেন। পিসিমা সে সব গল্প করতেন মধ্যে মধ্যে। বলতেন—জিনিসগুলো নষ্ট হচ্ছে ব্যবহারের অভাবে। ছেলেরা বড় হলে তবে আবার ও-সবের কদর হবে।

কখনও কখনও বলতেন—কাছারিতে বসবি, রুপোর ফুরসীতে তামাক খাবি, সামনে বাক্স থাকবে, লোকজনে গম গম করবে বৈঠকখানা, তখন আমার চোখ জুড়াবে।

সুতরাং তামাক সিগারেটে পিসিমার আপত্তি থাকার কথা নয়। ভয় ছিল মাকে। পিঙ্গল দুটি চোখের স্থিরদৃষ্টি কম্পনা করলেই বুক কাঁপত। তবে মা বাইরে বড় বের হন না, সেইটাই মস্ত বড় ভরসা। ম্যাট্রিকুলেশন পরীক্ষা দিতে সিউড়ি গিয়ে দিন দেশেকের মধ্যে সিগারেটে পাকা হয়ে ফিরলাম। গোলেডন বার্ডসাই টোব্যাকো দু'টিন, কাগজ, পাউচ কিনে নিয়ে এলাম। পাকাবার কল কিনলাম না। পাকাতে তখন হাত পেকে গিয়েছে। বাইরে বাইরে সিগারেট খাই। মদ্য ধূয়ে নেবুপাতা চিবিয়ে বাড়ি ফিরা। মা আমার তীক্ষ্ণ দৃষ্টিশালিনী, বুদ্ধিতেও প্রখরা, কিন্তু আমি মায়েরই ছেলে। মাও সন্দেহ করলেন না।

দিন পনের পরে বোধ হয়।

আমার বোনের অকস্মাৎ প্রবল পেটের অসুখ হয়েছে।

রাত্রি তখন প্রায় সাড়ে-নটা। আমাদের গ্রামের সদর রাস্তার একটা নির্জন স্থানে দাঁড়িয়ে সিগারেট টানছি। আমার সঙ্গে নারায়ণ আছে, আরও দু'তিন জন বন্ধু আছে। অন্ধকারের মধ্যে সিগারেটের আগুন টানের সঙ্গে প্রদীপ্ত হয়ে উঠছে। হঠাৎ কানে অনুভব করলাম কঠোর এবং কঠিন আকর্ষণ। মূহুর্তে বদলালাম—আমার জননী। সঙ্গে সঙ্গে ভোজবাজীর মতো সিগারেটটা আমার হাত থেকে অন্তর্হিত হল।

—তুই সিগারেট ধরেছিস?

মা নন, পিসিমা। কঠোর কণ্ঠে তিনিই প্রশ্ন করলেন। বিবাহিত, কলেজের দুয়ারে উপনীত-প্রায় যুবককে সকলের সমক্ষে কানে ধরে ওই প্রশ্ন করতে তাঁর সংকোচ হল না, শ্বিধা হল না। আমারও সাহস হল না প্রতিবাদ করতে। শূন্য চতুরতার সঙ্গে বললাম—না তো! কোথায়?

সত্যি তো কই? কোথায়? পথে পড়ে থাকলেও তো আগুনটা অন্ধকারে দেখা যাবে। দেখাতে পিসিমা পারলেন না। সিগারেট তখন আমার জুড়োর তলায় চাপা রয়েছে।

পিসিমা এবার কান ধরে মাথাটা নামিয়ে মদ্য শূঁকে, দুই হাত প্রয়োগ করলেন, দুই হস্তে দুটি কর্ণ সজোরে মর্দন করে দিয়ে চলে গেলেন। এই ব্যক্তিত্বের বিরুদ্ধে বিদ্রোহ করা সহজ ছিল না।

আমার পিসিমা আমার জীবনে অন্ততঃ বিশ বৎসর পর্যন্ত প্রচণ্ড প্রভাব বিস্তার করেছিলেন। পূর্বেই তাঁর চরিত্রের কথা বলেছি। অত্যন্ত শক্ত, অনমনীয়, বিশ্ব-সংসারের উপর ক্ষুদ্র ছিল তাঁর প্রকৃতি। সমাজ ও সংসারের মৌলিক নীতিগতগুলির উপর ছিল দৃঢ় বিশ্বাস। অন্য দিকে ঐ অল্প বয়সে চব্বিশ-পঁচিশ বৎসরের মধ্যে

পৃথিবীর প্রায় সকল আপনজন হারিয়ে মৃত্যুকে ছিল তাঁর প্রচণ্ড ভয়। এই কারণেই বোধ করি পৃথিবীর যত কিছু মৃত্যুসংক্রান্ত সংস্কার তাঁকে আচ্ছন্ন করে রেখেছিল। এই বয়সের মধ্যেই তাঁর স্বামী, দুই ছেলে, তিন বোন, বাপ মারা গেলেন। গেলেন মাত্র বৎসর তিন-চারের মধ্যে। পৃথিবীতে আপনার বলতে রইলেন এইমাত্র ভাই আর একটি বোন। ভাইয়ের সূত্রে ভ্রাতৃজায়া। এবং তাঁদের কোলে এলাম আমি। আমার গলায় হাতে রাজ্যের মাদ্দুলি ঝুলিয়ে দিলেন। মাথার চুল রেখে দিলেন। ঠাণ্ডার ভয়ে গায়ে এমন জামা-জোশ্বা পরিয়ে মৃদু দে দিলেন যে বারো-চৌদ্দ বছর পর্যন্ত ঠাণ্ডা হাওয়া কোন রকমে গায়ে লাগলেই আমার সর্দি করত। স্নান বোধ হয় সপ্তাহে তিন দিন। চার দিনের তিন দিন গা-মোছা অর্থাৎ ভিজ়ে গামছা দিয়ে গায়ের তেলটা মৃদু দেওয়া। একদিন কিছুই না। এ চার দিন মাথায় জল ছোঁয়ানো নিষিদ্ধ ছিল। অথচ তিনি নিত্য দুইবেলা স্নান করতেন। স্নান ভিন্ন থাকতে পারতেন না। তাঁর মৃত্যুর আগের দিনেও তিনি জ্বর সত্ত্বেও তিনি স্নান করেছেন। বলেছেন, ও কিছু হবে না। দীর্ঘকাল হয়ওনি।

এর পর ছিল রাজ্যের বাধা-নিষেধ। হাঁচি, টিকটিক তো আছেই; অশ্লেষা, মঘা, দিকশূল, যোগিনী এরা ছিলেন এবং এখনও আছেন, পঞ্জিকার পাতায় ছাপার হরফে রয়েছেন। বাংলাদেশে পঞ্জিকাই সব থেকে বেশি বিক্রি হয় এবং এই সব যে পঞ্জিকায় বিশদভাবে থাকে তারই বিক্রি সর্বাধিক, অন্ততঃ বৎসরে কয়েক লক্ষ। পিসিমা আমার ছিলেন মহাপঞ্জিকা। বললেন—কুকলাস যদি গায়ে পড়ে তবে কয়েক মাসের মধ্যেই নিশ্চিত মৃত্যু। এবং নিশ্চিত প্রমাণ দিলেন যে, তাঁর বাবার গায়ে কুকলাস পড়েছিল, চার মাসের মধ্যেই তাঁকে যেতে হল। তাঁর বাবা—আমার পিতামহ চুরাশি বৎসর বয়সে সে এক রকম দেহত্যাগ করেছিলেন। কিন্তু তার জন্য দায়ী হল বেচারী কুকলাস। এখন এই কয়েক মাসের মধ্যে আরও অনেক কিছু তাঁর গায়ে বসেছিল ও পড়েছিল। কিন্তু ঐ প্রাচীন প্রবাদ বাক্যের ধারা অনুসারে কুকলাসই হল অপরাধী। এই বিশ্বাস এমনভাবে আমার মনে গেঁথে দিলেন পিসিমা যে, সে আমার মহা আতঙ্ক হয়ে গেল। কুকলাস ছেলেবেলায় ঠিক চিনতাম না। অনেকেই চেনেন না। টিকটিক ছাড়া সবই গিরিগিটির নামে চলে যায়। এর মধ্যে বহুরূপীরা খানিকটা স্বতন্ত্র। এবং ওই জাতটার গলায় নীল রঙের যে থলিটা ফুলে ফুলে ওঠে সেটা বেশ একটু ভীতিপ্রদ। ওই ওকেই ভেবে নিরেছিলাম কুকলাস। এবং কত যে বহুরূপী বধ করেছি সে বয়সে, তার হিসেব করে শিউরে উঠি। অন্ততঃ শ' দুই-তিনের তো কম নয়। বৈঠকখানার সামনে ছিল বাগান—মালতী মাধবী লতার নিবিড় কুঞ্জ, আরও বড় বড় গাছ। আম পেয়ারা কাঁঠাল নেবু এবং একটি দুর্লভ ডালিম গাছও ছিল। আমার ছিল তীরধনুক, বেশ পোক্ত তীরধনুক। ওই বহুরূপী বধ করেই লক্ষ্যভেদে পাকা হয়ে উঠেছিলাম। এই কারণে জীবনে যেদিন প্রথম বন্দুক ছুঁইছিলাম সেদিন প্রথম গুলিতেই লক্ষ্যভেদ করে একটি ঘুঘু মেরেছিলাম।

আমাদের বাড়ি থেকে বেরিয়ে সদর রাস্তা পর্যন্ত গলি পথের ধারে আমার জ্যেষ্ঠাশায়রা তুললেন একটা চালা। তার চালাটা ছিল নিচু, মাথায় ঠেকত। যাত্রাপথে

চাল মাথায় ঠেকা অত্যন্ত অশুভ লক্ষণ। পিসিমা আপত্তি করলেন, চাল তুলে দিতে হবে। আজ-কাল করে সেটা থেকেই গিয়েছিল। হঠাৎ আমার সম্পর্কিত এক দাদা কলকাতায় সাংঘাতিক পীড়িত হলেন। টেলিগ্রাম এল। তাঁর স্ত্রী কলকাতা রওনা হলেন। বাড়ি থেকে বেরিয়েই গলিপথে ওই চাল তাঁর মাথায় ঠেকল। এবং সেই অসুখেই দাদা মারা গেলেন। পিসিমা এর পর দুর্দান্ত বিরোধ শূন্য করলেন। তাঁর তারাপঙ্কর বিদেশে যায়-আসে। চাল কোন্ দিন মাথায় ঠেকবে এবং—। শিউরে উঠতেন তিনি। আমি তখন প্রাপ্তবয়স্ক। অনেক বদ্বিয়েছি, ফল হয়নি। চালাখানি তুলে দিলে তিনি শান্ত হয়েছিলেন।

ভোরের স্বপ্ন নাকি সত্য হয়। তিনি প্রায়ই ভোরবেলা স্বপ্ন দেখতেন এবং সে স্বপ্নের নব্বইটি দৃঃস্বপ্ন। দৃঃস্বপ্নের জন্য দেবতার পূজা হত নিয়মিত।

আমার যখন পাঁচ বৎসর বয়স তখন আমরা সপরিবারে গিয়েছিলাম বৈদ্যনাথধাম। আমাদের একটি বড় মামলায় জয়লাভের জন্য পিসিমা সেবার ধরনা দিয়েছিলেন। স্বপ্ন পেয়েছিলেন—জয়লাভ হবে। কিন্তু হয়নি। কোর্টের পর কোর্টে মামলা চলতে লাগল। আমরা হারতে লাগলাম। জয়লাভের কথা আমাদেরই। কিন্তু আইনের বিচিত্র বিধানে মামলাটির সময় তখনও হয়নি। বাবা বুঝেও সে-কথা বলতে চান নি। জিদের-বশেই মামলা চালিয়ে চলেছিলেন। তিন বৎসর ব্যর্থ মামলা চালিয়ে বাবা মারা গেলেন। এর পর বৎসর দেড়েক মামলা বন্ধ রইল। তারপর এল সেই সময়, এবং মামলা দায়ের করা মাত্র নীচের আদালতেই ডিগ্রি হল। প্রতিপক্ষ আর অগ্রসর হলেন না। আমরা জিতলাম। সেদিন শুনলাম, এ সেই সাড়ে চার বৎসর পূর্বের স্বপ্নের সফলতা। মনের গঠন অনুযায়ী তাই বিশ্বাসও করলাম। মোটা টাকার পূজাও গেল বৈদ্যনাথে।

এত ভূতের সন্ধানও জানতেন পিসিমা। কোথায় আছে বৈষ্ণবদেতা, কোথায় গলায়-দড়ে, কোথায় গলসে ভূত, কোথায় পেত্যা অর্থাৎ আলেয়া, কোথায় গোভূত—সব সন্ধান আমাকে জানিয়েছিলেন। একটা গোভূতের গল্প প্রায়ই বলতেন তিনি। তিনি সেটা চোখে দেখেছিলেন। একদা রাত্রে তিনি পুকুরে নেমেছেন, দেখলেন ঘাটের মাথায় সেটা দাঁড়াল। বাছুর ছিল, বড় হল। শিঙ গজাল, মাথা নাড়লে। পিসিমা রাম রাম বলতে সেটা ধীরে ধীরে চলে গেল।

সবচেয়ে আতঙ্ক ছিল কলেরা এবং ইংরেজ রাজাকে।

আমার যখন ন' বছর বয়স, তখন গ্রামে কলেরা হল। আমার জীবনে গ্রামে কলেরা হতে সেই প্রথম দেখলাম। আমার বাবার মৃত্যুর ছ'মাস পর। যান্ত্রিক শ্রম এবং স্পিন্ডিকরণ হবে, আরোজন হয়েছে। গ্রামে শূন্য হল কলেরা। পিসিমা ভয়ে শূন্য হয়ে গেলেন এবং সমস্ত পরিবারটিও তাঁর সংগে আতঙ্কিত হয়ে উঠল। কি হবে? প্রথম দিনেই ব্যবস্থা হল, শ্রমের আরোজন সংক্ষিপ্ত করা হবে। গ্রাম থেকে পাড়া নিমন্ত্রণ। দ্বিতীয় দিন প্রভাতে শ্রমের দিন শোনা গেল আরও কয়েক জনের কলেরা হয়েছে, আমাদের পাড়াতেও হয়েছে। শ্রম বন্ধ করা চলে না, অগত্যা

স্বাদশ জনের মধ্যে নিমন্ত্রণ সীমাবদ্ধ করে, কোনক্রমে শ্রাস্থক্রিয়া শেষ হল। আমি গোয়াল ঘরের মধ্যে শ্রাস্থ করছি, পিসিমা এলেন, ভয়ে ঠক ঠক করে কাঁপছেন তিনি। পাড়ায় আমাদের বাড়ির কাছে এসেছে রোগ। শ্রাস্থ শেষ হল—শ্রাস্থ করে সেদিন কোথাও যাত্রা নিষিদ্ধ। সারারাত্রি জেগে কাটিয়ে ভোরবেলা তিনি আমাদের নিয়ে পাশের গ্রামে, আমাদেরই একটি মহলে, এক ব্রাহ্মণ ভদ্রলোকের বাইরের বাড়িতে এসে উঠলেন। সেই বাড়িতে আমাদের রেখে তিনি নিজে ফিরে গেলেন গ্রামে। তিনি সেখানেই থাকবেন। কিন্তু তখন তিনি ভিন্ন আমার ঘুম আসত না। তিনি সন্ধ্যায় না এলে আমি চলে যাব—এই ভয়ে সন্ধ্যার সময় এই গ্রামে আসতেন। সকালবেলা চলে যেতেন। একদিন রাতে বাইরে কুকুরের দুরন্ত চিংকার শোনা গেল। পিসিমা সভয়ে উঠে বসলেন। তাঁর খারণা, কলেরা এই গ্রামে ঢুকছে, তাই কুকুরেরা এমন চিংকার করছে। কিন্তু গ্রামের লোকেরা বলল—মা, এ গাঁয়ের গ্রাম-দেবী মাকালী বড় জাগ্রত। এ গ্রামে একশো-দুশো বছরেও কখনও কলেরা ঢোকেনি। মায়ের ভয়ে ঢুকবার উপায় নেই।

পিসিমা দু'দিন পরে স্বপ্ন দেখলেন—তিনি যেন এই গ্রাম থেকে যাচ্ছেন লাভপুরে। গ্রামের মূখেই শুনলেন, কার শাসন বাক্য, আর কার কান্না। এগিয়ে গিয়ে দেখলেন, টকটকে লালপেড়ে শাড়ি পরা একটি কালো মেয়ে দাঁড়িয়ে আছেন। মাথায় সিঁদুর, পিঠ-ভরা চুল, হাতে লাল শাখা। কালো হলে কি হবে, দেখে মনে হয় এমন সুন্দরী আর হয় না! তিনি হাত বাড়িয়ে আঙুল দেখিয়ে বলছেন—যা-যা। বেরো, বেরো। ওদিকে এই কঙ্কালসার একটা মেয়ে, পরনে কালো দুর্গন্ধময় কাপড়। সামনে ঠোঁটের উপর দুটো দাঁত বেরিয়ে আছে, চোখে ভ্রূর দৃষ্টি, হাতে বড় বড় নখ, মাথায় খাটো খাঙরা কাঠির মতো চুল। সে দু'পা দু'পা করে পিছু হটছে।

এই সময় রায়জী বলে একজন চাপরাশি ছিল আমাদের। প্রোঁচ মানুষ মস্ত ভূড়ি। থপ থপ করে হাঁটত। আমাদের বাড়ির সঙ্গে তার সম্পর্ক তিন পুরুষের। জাতে ছত্রি। মধ্যে মধ্যে আমাদের বাড়িতে কাজ করত। যখন আমাদের চাপরাশি না থাকত তখনই রায়জীকে খবর পাঠানো হত। রায়জী এসে কাজে লাগত। আবার তার অভাব হলেও সে বলত, এখন কিছুদিন আমাকে রাখতে হবে পিসিমা। এই রায়জীটি ছিল এমন গম্পের একটি জাহাজ। ওই যে কলেরা-রূপিনী নারী-মূর্তি, ওটি রায়জীই কয়েক দিন আগে বর্ণনা করে পিসিমার এবং আমাদের মনে খোদাই করে এঁকে দিয়েছিল। বলেছিল কোন গ্রামের কলেরার গম্প। সে গ্রাম নাকি ধ্বংস হয়ে গিয়েছিল, সেই গ্রামই নাকি কলেরা হবার পূর্বে এমনটি একটি নারীকে ঢুকতে দেখা গিয়েছিল। হাতে ঝাঁটা, বগলে শবদেহ জড়ানো শ্মশানে পড়ে-থাকা চ্যাটাই, কঙ্কালসার দেহ, দন্তুর জ্বলন্ত-দৃষ্টি চোখ, হুস্ব পিঙ্গলকেশী একটি নারী সন্ধ্যার মূখে গ্রামে প্রবেশ করেছিল। গ্রামের লোক ভেবেছিল পাগলিনী। পরদিন সকালে আর তাকে দেখা যায়নি, কিন্তু তখন একজন কলেরায় আক্রান্ত হয়েছে। তারপর গ্রাম প্রায় শ্মশান হয়ে গেল। তখন একদা একজন ভোর রাতে দেখলে সেই মেয়ে বেরিয়ে গেল গ্রাম থেকে। বগলে চ্যাটাই, হাতে ঝাঁটা।

যাক। আমারও সেই নব্বছর বয়সের কাঁচ মনে কলেরা রাক্ষসীর ছবি আঁকা হয়ে গেল। এর বছর-দুয়েক পরেই আবার লাগল কলেরা।

এবার পিসিমার আগেই আমি ভয় পেলাম। সঙ্গে সঙ্গে পিসিমাও কাঁপতে লাগলেন এবং সেই দিনেই পালিয়ে গেলাম পাশের গায়ে। এবার অন্য গ্রাম। এ গ্রামের মা-কালীও খুব জাগ্রত।

পালাত প্রায় সকলেই। স্বর্গীয় যাদবলালবাবুর বাড়ি এ বিষয়ে অগ্রণী ছিলেন। তাঁর মেজ ছেলে স্বর্গীয় অতুলশিব একজন আদর্শ চরিত্রের সদাশিব মানুষ ছিলেন। বিদ্যোৎসাহী, পড়াশুনাই ছিল জীবনের বিলাস, সহৃদয় সত্যবাদী মানুষ। কিন্তু দুর্নৃত ছিল তাঁর মৃত্যুভয়। কলকাতায় যোবার প্রথম শ্লেগ হয় সেইবারই তিনি বি.এ. পরীক্ষা দিয়েছেন। কয়েক পেপার দিয়েছেন এমন সময় খবর পেলেন কলকাতায় শ্লেগ শুরুর হয়েছে, রইল পরীক্ষা, তিনি সেই দিনই চলে গেলেন লাভপুর। তিনি আফিং খেতেন; কেন খেতেন ঠিক জানি না, মাত্র বহিঃ বৎসর বয়সে মারা গিয়েছিলেন। সুতরাং আফিং খাওয়ার বয়স হরনি। মদ্য কোনকালে স্পর্শ করেননি যে মদ ছাড়বার জন্য আফিং ধরেছিলেন। হজমশক্তি, স্বাস্থ্য দুইই ছিল ভাল—সুতরাং সেদিক দিয়েও প্রয়োজন ছিল না। তবে আমার অনুমান এবং এই অনুমান সত্য বলেই আমার বিশ্বাস যে, পাছে তরল মল হয় সেইজন্যই তিনি আফিং খেতেন। সরল উদারহৃদয় মানুষটির এই ভয় নিয়ে লোকে তাঁর সঙ্গে রহস্য করত—বাবু, পাশের গায়ে কলেরা হয়েছে শুনছি। অতুলশিববাবু রূপোর আফিংয়ের কোঁটাটি বের করে খানিকটা আফিং মুখে ফেলে বলতেন, গোরদাস জল আন। এই অতুলশিববাবু সর্বাগ্রে সপরিবারে রওনা হতেন—হয় সিউড়ি, নয় কলকাতা। তাঁর প্রায় সঙ্গে সঙ্গেই পালাত রাখাদাদা—রাখাশ্যাম—যিনি ছিলেন আইনবিদ ছাত্র—বলতেন—একসঙ্গে দুটো পানিশমেন্ট হতে পারে না।

তিনি পরবর্তী জীবনে হয়েছিলেন খবরের ডিপো। বসে থাকতেন—আর তাঁর কাছে রাজ্যের ছেলেরা আসত তামাক খেতে, তবলা বাজানো শিখতে, ফিস্ট করতে, চা খেতে। রাখাদাদা দিনে চা খেতেন বিশ-পঁচিশবার। আর পাশা বা দাবা খেলতেন। অবশ্য এক কাপ চা খাওয়া ছাড়া কোনটাতেই তিনি মাস্টার ছিলেন না। এই রাখাদাদা নিজে পালাতেন কলকাতা, নয় ধানবাদ, নয় অন্য কোন ভাল যায়গায়। গ্রামে কলেরার খবর পাওয়ামাত্র তিনি বাড়ির দিকে রওনা হয়ে পথেই অতুলশিববাবুর কাছারির দরজায় দাঁড়িয়ে হাঁকতেন—ম-ম-মধ্যম বা-বা-বাবু।

কণ্ঠস্বর শুনেই মধ্যমবাবু অতুলশিব বুঝতে পারতেন। তিনি আফিংয়ের কোঁটা খুলতে খুলতেই উম্বিনকণ্ঠে বলতেন—রা-রা-রাখাই।

রাখাদাদা হাতের একটি আঙুল ইশারা করে দেখিয়ে ঘাড়টা দু'লিয়ে বলতেন—হুঁ।

—লে-লে-লেগেছে?

—পা-পালান। এ-একসঙ্গে দু-দু-দু-দু জু-জু-জন।

—ত-ত-ত-তুই ক্ ক্ ক্ কবে যাবি?

—আ—আজই।

অতুলশিববাবু, উঠতেন—ম্-ম্-ম্—ম্যানেজারবাবু, তি-তি-তি-তিনটের ট্রেনে গাড়ি চাই। আ—আ—আস্তাবলে বলে পাঠান।

অতুলশিববাবু এবং রাধাদাদা—দুজনেই ছিলেন তোতলা।

এর পরই রাধাদাদা আসত আমাদের বাড়ি। আমার পিসিমা ছিলেন তার ভিক্ষে মা। পৈতের পর মৃদু দেখেছিলেন। রাধাদাদা নিজের বাড়ি না ঢুকে আসত আমাদের বাড়ি। পিসিমাকে তার ভয় ছিল। রহস্য করত না, গম্ভীরভাবেই বলত, ভিক্ষে-মা, গ্—গ্ গাঁয়ের খবর খারাপ। ময়রা পাড়ায় এই-এই হয়েছে। মধ্যমবাবু যাচ্ছেন ক্-ক্ কলকাতা, আমিও যা-যা যাচ্ছি। তোমরাও সর।

রাধাদাদাদের বাড়ির মেয়েরাও অনেকে আমাদের সঙ্গে যেতেন।

বৎসর খানেক পর আবার কলেরা হল। আবার পালালাম।

এর পরই বোধ হয় এল আমার সেই কৈশোরের জাগরণ। সেই আগুন নিভিয়ে বাড়ি ফেরার লগ্নে সেবা সঙ্ঘের কাজে লাগলাম। বিবেকানন্দের বই পড়লাম। রামকৃষ্ণ মিশনের সেবা-ধর্মের কথা শুনলাম, পড়লাম। কলেরা সম্পর্কে তথ্য পড়লাম, জানলাম। তবু কলেরা সম্পর্কে আতঙ্ক গেল না। সে কি আতঙ্ক। কলেরা হয়েছে শুনলে আমার হাত-পা ঠাণ্ডা হয়ে যেত।

এর পর ম্যাট্রিকুলেশন পরীক্ষা দিলাম। তার আগেই হল বিয়ে। ভ্রমণ বয়স যোল। ঠিক এই সময় গ্রামে লাগল কলেরা। বোধ হয় বিয়ের মাসখানেক পরেই। সরে যেতে হবে, নইলে কলেরায় মৃত্যু হবে। রাধাদাদা পালালেন যেন কোথায়। তখন অতুলবাবু নাই। তিনি মারা গেছেন ক-বছর আগে। বোধ হয় তৃতীয় বার কলেরায় কিছুদিন পর। এবং নিয়তির পরিহাসের মতো ব্যাপার এই যে, অতুলশিব মারা গেলেন ভেদ-বমি করেই, কয়েক ঘণ্টার মধ্যেই।

যাক। এবার স্থির হল যে আমরা যাবো পাটনায় আমার মামার বাড়ি। আমার বিয়ের সময় দিদিমা আসতে পারেননি, দাদামশাই পক্ষাঘাত রোগে পঞ্জা হয়ে পড়ে আছেন দীর্ঘকাল। সদূতরাং মা এবার ছেলে-বউ মেয়ে-জামাই নিয়ে পাটনা যেতে চাইলেন। কিন্তু আমার শ্বশুর-পক্ষ থেকে দিদিশাশুড়ী স্বর্গীয় যাদবলালবাবুর স্ত্রী বললেন, এত দূর আমার নানি নাভবউ পাঠাব না।

মা আপত্তি করলেন না। কি করবেন?

সঙ্গে সঙ্গে শ্বিতীয় দূত এল যে, তাঁর নাটনী, আমার পত্নী নীতান্ত নবালিকা, দশ বছরের মেয়ে। তাঁর কাছ ছাড়া ঘুম হয় না, তাকে যেন এতদূর নিয়ে যাওয়া না হয়।

লেগে গেল কলহ।

প্রথমে স্বামিস্বের দাবি নিয়ে আমি। মায়ের স্তান মুখ দেখে আমার পৌরুষ জেগে উঠল। বললাম—নিশ্চয় যাবই।

যাদবলালবাবুর গৃহিণী ও-অঙ্গলে প্রবল প্রতাপান্বিতা মহিলা ছিলেন। জমিদারী চালাতেন। নিজের ছেলেদের বলতেন—মারব গালে চড়। তিনি আমার

মতো ষোল বছরের একছটাক ছেলে নাভজমাইয়ের দাবি শুনবেন কেন? বলে পাঠালেন—আমি বিয়ে দিয়েছি নাভনী, নাভনী বিক্রি করিনি।

এবার উঠলেন পিসিমা। ফণা তুলে উঠলেন। হোক বড়লোক, তবু এ বাড়িই বা খাটো কিসে? আমরা পুরাতন। আমাদেরও দূত গেল।

কিন্তু সে কথা থাক। পরে সে কথা। কলেরার কথা বলি।

সেবার পাটনা গেলাম। যাদবলাল-গৃহিণীই জয়যুক্তা হয়েছিলেন সেবার। আমার বোন, আমার স্ত্রী ওঁদের পরিবারের সঙ্গেই গেল। আমরা তিন ভাই গেলাম মাকে নিয়ে পাটনা।

এর পর, বছর কয়েক পর আবার লাগল কলেরা।

সে কলেরার আক্রমণ ভীষণ। সর্ব জেলাব্যাপী। অনাবৃষ্টির বৎসরের পরবর্তী বৈশাখে। দেশ জলহীন। কলেরা লাগল আগুনের প্রতাপে। প্রথর গ্রীষ্মে খড়ের চালের গ্রামে আগুন লাগল যেন। ‘ধাত্রীদেবতা’য় এই মহামারীর ছবি আছে। এক বিন্দু অতিরঞ্জন নাই। ডোম পাড়ায় ফ্যালা ডোমের বউ কলেরায় অক্লান্ত হয়ে পড়ে আছে। বাড়ির সকলে পালিয়েছে। দেখেছি—শকুনের পাল বসে আছে ভাঙা পাঁচিলের উপর।

এবার মনকে বাঁধলাম। পালাব না। ‘এই কি জীবন?’ শূন্য পালাব না নয়, সেবা সঙ্ঘের আমিই তখন সম্পাদক, সেবার স্বাদ আমি তখন পেয়েছি; বিবেকানন্দের মূর্তি চোখের সামনে ভাসত। এর একটা আরম্ভ আছে। মনে মনে যেটা আরম্ভ হয় মাটির তলায় বীজের অঙ্কুরিত হওয়ার মতো সে বস্তুান্ত অপ্রকাশিতই থাকে, এই প্রকৃতির নিয়ম। তার প্রকাশের দিন থেকেই তার ইতিহাস হয় শূন্য। সেই শূন্যের কথাই বলি।

আমাদের সেবা সঙ্ঘের দুটি বিভাগ ছিল। একটি হল মন্ঠির চাল সংগ্রহ করা। আমার আগে এটি চালাতেন রাধাদাদা। চাল তুলে জমা রাখতেন এক বড় দোকানির দোকানে। চাল কেনা-বেচার কারবার ছিল তাঁর। শর্ত ছিল প্রয়োজনমতো চাল তিনি দেবেন। তখন এমন অবস্থা ছিল না দেশের। অনাহার এমন ছিল না। ভিক্ষুক যারা ছিল তারা ছিল পেশাদার ভিক্ষুক। মধ্যে মধ্যে অসুস্থ লোকের সংসারে অভাব ঘটত। সেবা সঙ্ঘ থেকে তাকে সাহায্য দেওয়া হত। পাঁচ সের, দশ সের। বছরে চালা আদায় হত পনেরো-কুড়ি মণ। এর মধ্যে পাঁচ-সাত মণ রাধাদাদা খরচ করতেন গ্রামের চর্ষিশ প্রহরে। রাধাদাদা ওরও পাঁজা ছিলেন। মদ মাংস সবই খেতেন, শাস্ত্র বংশের সন্তান রাধাদাদার ওটা ছিল আনন্দবিলাস। হিরিনাম সংকীর্তন, কীর্তন হত, লোকে শুনত, রাধাদাদা পোয়াখানেক গাঁজা এনে হামানদিস্তের মধ্যে ফেলে ছেঁচতেন; আর লোককে ডেকে খাওয়াতেন। ভাল তামাক থাকত, তার সঙ্গে মেশাতেন। যে গাঁজা খেতে আপত্তি করত, তাকে ঐ তামাক খাওয়াতেন।

—বেশ, তামাক খাও। খাস বালাখানার তামাক।

যে খেত সে কিছুক্ষণ পর ভাম হয়ে যেত। রাধাদাদার এক খুড়ো কলকাতায় রাইটাস বিল্ডিংস-এ চাকরি করতেন। তিনি গরুর গাড়িতে আমেদপুর গিয়ে ট্রেন

ধরবেন, কলকাতা আসবেন। রাধাদাদা তাঁকে বললেন—সে কি হয়? গ্ গ্ গায়ের
ঢ ঢ চম্বিশ প্রহর হচ্ছে, আপনি চলে যাবেন?

—দূর, কি সব যাচ্ছেতাই কীর্তন এনেছিস।

—ব্ ব্ বেশ, তামাক খেয়ে যান।

চম্বিশ প্রহরের ভাণ্ডার-ঘরের সামনে গাড়ি আটকে কথা বলছেন রাধাদাদা।
—ব্ ব্ বালাখানার ত্ ত্ তামাক।

খুড়ো ঠিক না-জানা ছিলেন না রাধাদাদার কীর্তিকলাপ। কিন্তু তাঁর সঙ্গে
রাধা যে রহস্য করবে এ ধারণা তাঁর ছিল না।

তামাক খেলেন তিনি। রাধাদাদা গাড়েয়ানটাকেও খাওয়ালেন। পুরো একটি
কলকে সঙ্গে তাকে দিলেন। রথী কাত হল না—সারথি কাত হল—সে সেইখানেই
শুয়ে পড়ে বললে, সেই ভালো গো বাবু, কাল পরশু যাবেন! আমি মশাই আজ আর
পারব না। গরু দুটোকে চার আঁটি খড় দিয়ে গো বাবা! আমি ঘুমুচ্ছি।

খুড়ো গাড়েয়ানকে ঠেলা দিয়ে বললেন—এই, এই বেটা, ওঠ! এই!

সে বললে—উঁহু। ভাড়া তো নি নাই গো, যে চল বললেই যেতে হবে আমাকে!
যাব না।

খুড়ো এবার পায়ে করে ঠেলা দিলেন—গাড়েয়ান খিলখিল করে হেসে উঠে
বললে—কি যে কাতুকুতু দিচ্ছেন মাইরি!

খুড়ো মাথায় হাত দিয়ে বসলেন। রাধাদাদা তাঁকে এবার কীর্তনের আসরে টেনে
এনে বাঁসয়ে সিগারেট দিয়ে বললেন—একটু কীর্তন শুনুন। আমি মাথায় জলটল দিয়ে
বেটাকে খাড়া করছি না হয়।

চমৎকার নেভিকাট টোবাকোর হাতে পাকানো সিগারেট। রাধাদাদা তাতেও
ভিয়েন করে রেখেছেন। সিগারেট খেতে খেতে খুড়ো মশায়ের কীর্তনের ভাব
লাগে। মাথা দোলে। কিছুক্ষণ পর রাধাদাদা এসে বলেন—বেটাকে টেনে তুলেছি
কোনো রকমে।

খুড়ো রাধার পিঠে চাপড় মেরে বলেন—বাহবা, আচ্ছা কীর্তন এনেছিস। বহুত
আচ্ছা। ও বেটাকে আর টানিস না। যাব না আজ। গাইছে ভাল, শুন।

রাধাদাদা আর একটা সিগারেট তাঁকে খাইয়ে এসে ভাণ্ডারের দাওয়ায় বসেন,
দোসরা লোক খোঁজেন।

এই রাধাদাদার হাতে সেবা সঙ্গ চলছিল কোনো রকমে। রাধাদাদা বাঁচিয়ে রেখে-
ছিলেন এই সঙ্গটিকে। এর জন্মই আমি অন্ততঃ আজীবন কৃতজ্ঞ থাকব। লাভপূরও
থাকবে। রাধাদাদার হাত থেকে নিজে এতে আগুন নেভানো বিভাগ খোলা হয়েছিল।
তারপর এল আমার হাতে। একদিন আমাদের গ্রামের স্টেশনে ট্রেন থেকে নামানো
হল একটি জোয়ানের আহত দেহ। জোয়ানটি একটা রিজের উপর এক পাশে
দাঁড়িয়েছিল। ট্রেন পাস করছিল; সেই সময় লোকটা রিজ থেকে পড়ে গেছে। বেশ
গুরুতর আহত হয়েছে। আমাদের এখানে হাসপাতালে পাঠানো গার্ডের অভিপ্রায়।
নইলে সেই কাটোয়া। কাটোয়া পৌঁছতে আড়াই ঘণ্টা। এখানে হলে এখনি

চিকিৎসা হতে পারে। প্রাথমিক চিকিৎসার পর যা হয় ব্যবস্থা হবে। মোট কথা, গার্ড নিজের ঘাড়ের বোঝা নামাতে চায়। আহত লোকটা পড়ে রইল প্ল্যাটফরমে। স্টেশনে লোক নাই, হাসপাতালে ব্যবস্থা নাই, লোকটা যন্ত্রণায় কাতরাচ্ছে, লোকে ভিড় করে চারিদিকে দাঁড়িয়ে স্তম্ভ হয়ে দেখছে।

আমাদের ভিতরে সেই জাগল, যে জেগেছিল সেদিন আগুন লাগার রাতে।

কমেন যেন হয় এ সময়। পাশের মানুষ চোখে পড়ে না, বাধার কথা মনে থাকে না, পায়ে কাঁটা ফুটলে গ্রাহ্যের মধ্যে আসে না—একটা দৃঢ় সঙ্কল্প জাগে, কজের পথে বেগবান হয়ে ছুটি। সামনে বাধা এলে অবলীলাক্রমে লাফ দিয়ে পার হই, কারও সঙ্গে ধাক্কা লাগলে তার মুখের দিকে চকিতের জন্য প্রসন্ন হাসিভরা মুখে তাকাই। তারপর আবার ছুটি। সেদিন ওই লোকটিকে নিয়ে গেলাম হাসপাতালে। স্ট্রেচার তৈরি করেছিলাম নিজে।

তারপর একদিন খবর এল—বাজার-পাড়ার নালার মধ্যে এক বৃদ্ধ পড়ে আছে। লোকটি বোধ হয় বাঁচবে না। গেলাম। এক সস্তর-আশি বছরের ভিক্ষুক—এক টুকরো কাপড় কোমরে জড়ানো, পড়ে আছে নর্দমার মধ্যে, পাশে লাঠিটা পড়ে আছে। একটি দাওয়ার উপর তার ঝুলিটা। ওই দাওয়ায় শুয়েছিল রাতে, সেখান থেকেই পড়ে গেছে। সমস্ত গায়ে কাদা আর তেঁতুলি দুর্গন্ধ। লোকে নাকে কাপড় দিয়ে দাঁড়িয়ে দেখছে। গায়ে তার কাদা শুদ্ধ নয়, বিষ্ঠা। দাওয়াটা বিষ্ঠায় নোংরা হয়ে রয়েছে।

আমার সঙ্গে ছিল শ্যামু। শ্যামু আজ নাই। কিন্তু তার এতে যেন জন্মগত দীক্ষা ছিল।

শ্যামু আর আমি তাকে তুলেছিলাম নর্দমা থেকে। হাসপাতাল তাকে নিলে না। কি যেন হয়েছিল। তাকে সেবা সঙ্ঘের ঘরে এনে জল গরম করে সর্বাঙ্গ ধুয়ে পরিষ্কার কাপড় পরিয়ে শুইয়ে দিলাম। সেই হল সেবা বিভাগের শ্রম।

তার পরই এই কলেরা।

সেবা সঙ্ঘের দায়িত্ব নিয়ে কলেরা-আক্রান্ত পাড়ায় ঢুকলাম। বৃদ্ধটা মন্থতের জন্য কঁপে উঠেছিল। তবু ঢুকলাম।

পিসিমা ছুটে এসেছিলেন খবর পেয়ে।

—যেতে পারি নে।

—না পিসিমা। যাব, যেতে হবে আমাকে।

—আমি মাথা খুঁড়ব।

—না। সে তুমি পারবে না।

প্রচণ্ড বিরোধ শ্রম হল।

—আমি কাশী যাব।

—যাও' আমি যাব। আমাকে যেতেই হবে।

আমার মুখের দিকে তাকিয়ে তিনি বিস্মিত হলেন। বিরোধ চলছিল। এমন সময় কলকাতা থেকে এলেন দুজন মোড়কেস স্টুডেন্ট স্বেচ্ছাসেবক। আমাদের বাড়িতে এসেই উঠলেন।

পিসিমা তবু আশ্বস্ত হলেন। আমারও সাহস বাড়ল। দাওয়া থেকে পড়ে গেছে কলেরার রোগী, বাড়ি থেকে সকলে পালিয়েছে, তাকে পাঁজাকোলা করে তুললাম, রিচিং পাউডার গোলা জলে হাত ধুয়ে শিয়রে বসলাম, বাড়িতে কেউ নাই, মদুখে জল দিতে হবে।

পিসিমা দাঁড়িয়ে দেখলেন সব। তিনি যেন পাথর হয়ে গেলেন।

সাত

ঠিক এমনিভাবেই পাথর হয়ে গিয়েছিলেন তিনি আর একদিন। উনিশশো সতেরো সালে যেদিন কলকাতা থেকে পল্লিসের নির্দেশে বাড়ি ফেলে যেতে হল। বাস্ক-প্যাটরা-বিছানা নিয়ে রাশি ন'টার বাড়ি গিয়ে পৌঁছলাম। উনিশশো সতেরো সালের শেষ। তখন আমাদের ওদিকে ট্রেন হয়নি। লুপ লাইনে বোলপুরের একটা স্টেশনের পর মিত্রী স্টেশন আমেদপুরে নেমে সাত মাইল পথ গরুর গাড়ির ব্যবস্থা। খবর একটা গিয়েছিল আগেই। অস্পষ্ট ভাসা ভাসা। 'কুল জীবনে থার্ড' কি সেকেন্ড ক্লাসে পড়ি। উনিশশো চোদ্দ সালে যুদ্ধ লাগল, সঙ্গে সঙ্গেই খবরের কাগজে সংবাদ বের হল—রডা কোম্পানির আমদানি করা মশার পিস্তল এবং গুলি বাস্ক-বাস্ক চুরি হয়েছে। এবং সে বাজ বাংলার বিপ্লববাদীদের। তখন দেশে বাংলা দৈনিক কাগজ ছিল না। ইংরেজী অমৃতবাজার আসত হেডমাস্টার মশায়ের কাছে। সেই সংবাদটা যখন শুনছিলাম তখন রক্তে জোয়ার ধরেছিল।)

নতুন কাল এসেছে তখন।

আমার কালের কথায় সে কালের আবির্ভাবের কথা লিখেছি। ১৯০৫ সালে যে কালকে আবির্ভূত হতে দেখেছিলাম, সেই কাল। পৃথিবীর বাতাবরণের বিপ্লবাতনের কোথায় একটি স্থানে ঝড় ওঠে প্রথমে, সেই ঝড় ক্রমে আপন গতিবেগে ছড়ায় দূর-দূরান্তরে। পৃথিবীর সৃষ্টিতে নতুনকে এনে দিয়ে যায়। তেমনি ভাবেই মহানগরীর কেন্দ্র হতে ধীরে ধীরে স্বাধীনতার সাধনার প্রতিটি ঝড় একে একে পৌঁছে পৌঁছে এই কালকে প্রসারিত করেছিল। মানিকতলা, দিল্লীর রাজসূর্য যজ্ঞের শোভাযাত্রা বোমা, ঘটনাগুলি ক্ষেত্র প্রস্তুত করেই রেখেছিল।

এইখানে আমাদের ওখানকার একটি ঘটনার কথা উল্লেখ না করলে অন্যায় হবে। ঘটনাটি আমার মনে গভীর ছাপ এঁকে গেছে। নতুন থার্ড মাস্টার এলেন মিত্রজেন্দ্রনাথ মদুখোপাধ্যায়। বোধ হয় পাঁচ সালেই। অগ্নিশিখার মতো দীপ্ত একটি তরুণ। বয়স তখন কুড়ি-বাইশ। তপ্ত কাণ্ডনবর্ণ, খজুর মতো নাসা, তীক্ষ্ণ দৃষ্টি চোখ। তিনি ভুবনমোহিনী প্রতিভার কবি ডাক্তার নবীনচন্দ্র মদুখোপাধ্যায়ের ভাইপো। তিনি বস্তাও ছিলেন ভালো। পাঁচ সালের পর একদিন তিনি বিলিতি কাপড় পুড়িয়েছিলেন। চোখের সামনে আজও ভাসছে—সুতপীকৃত কাপড় পুড়ছে, চারিপাশে লোক দেখছে, মানুষ ছুটে এসে সেই বহিকুণ্ডে সমিধ দানের মতো নিজের বিলিতি কাপড় এনে

নিক্ষেপ করছে। আমার মা আমার হাতে প্রথম রাখী বেঁধে দিয়েছিলেন। সেই আমার উপনয়ন। শ্বজেনবাবুর এই বহুদ্যুৎসব আমার জীবনে প্রথম যজ্ঞ, নিত্য-গোপালবাবুর শারদীয়া পূজার কবিতা—‘দেবাসুর সংগ্রামের এই তো সময়’ বোধ হয় প্রথম মন্ত্রপাঠ। উনিশশো চৌদ্দ সালের ওই মশার পিস্তল লুঠের ঝাপটা একেবারে সোজা এসে লাগল বীরভূমে। হঠাৎ শুনলাম রামপুরহাটে দু’কড়িবালা দেবী নামে একজন মহিলা গ্রেপ্তার হয়েছেন। তাঁর বাড়িতে সেই পিস্তলের পিস্তল পাওয়া গেছে। তাঁর বোনপো, তাঁর প্রায় সমবয়সীই, নাম নিবারণ ঘটক, তিনিই এনে রাখতে দিয়েছিলেন। শুনলাম ধরা পড়ে তিনি ‘বন্দেমাতরম্’ ধ্বনি দিতে দিতে পুলিসের সঙ্গে গিয়েছেন হাসিমুখে। তখন একটা গান ছিল—

যায় যাবে জীবন চলে

‘বন্দেমাতরম্’ বলে।

আজকাল ইনকিলাব জিন্দাবাদে বিপ্লবের আয়ু বাড়ে কিনা, বিপ্লববাহি বর্ধিতর শিখায় জ্বলে কিনা, সন্দেহ আছে। মনে হয় বিপ্লববাহির সে কালের অগ্নিদেবতার মতো যজ্ঞহবি ক্রমান্বয়ে পান করে অগ্নিমন্দ্য হয়েচে। ধ্বনি শূনে শূনে কানে ঘাঁটা পড়ে গিয়েছে। সে কালে ‘বন্দেমাতরম্’ ধ্বনি উঠলে অগ্নিতে যেন ‘স্বাহা’ বলে ঘূতাহুতি পড়ত।

উত্তেজনায় মনের আবেগে বাড়িতে লুকিয়ে রামপুরহাট গেলাম। কেন গেলাম জানি না। যুক্তি ছিল না। তবু গিয়েছিলাম। দু’কড়িবালা তখন জেলে। রামপুরহাট নেমে ভয় হল, কাউকে জিজ্ঞাসা করতে পারলাম না তাঁর কথা। ফিরে আসবার পথে স্টেশনে বিচিত্রভাবে আলাপ হল নলিনী বাগচীর সঙ্গে। তিনি তখন কলেজের ছাত্র। যাচ্ছেন নলহাটের পথে, নলহাট থেকে ব্রাঞ্চ লাইন হয়ে নির্মিততা। আমার থেকে বয়সে বড়। স্টেশনের পিছনে মসুফেরখানায় তিনি পানিপাড়ির সামনে হেঁট হয়ে হাত পেতে জল খাচ্ছিলেন। আমিও জল খাবার জন্য পিছনে দাঁড়িয়েছিলাম। তিনি জল খাওয়া শেষ করে ‘আঃ’ বলে হাতের অঞ্জলির উদবৃত্ত অবশিষ্ট জলটুকু দিলেন ছাড়িয়ে। একটা তৃপ্তি এবং একটা উল্লাস ঠিক সেই মূহুর্তে তাঁর মনের ভিতর বোধ হয় কোন হেতুতে উচ্ছ্বসিত হয়ে উঠেছিল। কারণ যাই হোক, জলের অঞ্জলির সবটুকুই আমার মুখে এসে পড়ল। আলাপের সূত্র এই জলের সূত্র থেকেই। অনেকক্ষণ কথাবার্তা হয়েছিল। বোমা পিস্তলের কথা নয়। তাঁর কথাও বেশি নয়। আমিই কথা বলেছিলাম বেশি। নির্মিততার কথা থেকে শুরু। বললাম—নির্মিততা জানি। ওখানকার গৌরসুন্দরবাবুরা খুব বড় জমিদার। তার পরেই বললাম, ওঁরা আমাদের পত্তনিদার।

কোঁতুক অননুভব করেছিলেন তিনি। খুদে একটি জমিদার বা জমিদার-তনয়ের এমন কথা নিশ্চয় কোঁতুকজনক। বলেছিলেন, তোমরা জমিদার?

—হ্যাঁ। আমাদের ১০৭২ নম্বর হুদা শ্যামপুর শাসন করতে না পেরে গৌরসুন্দরবাবুকে ষেচে পত্তনি দিয়েছিলাম। খুব শাসন করেছেন কিন্তু গৌরসুন্দরবাবু।

এইভাবে আলাপ এগুতে এগুতে নিজের সব গুণপনার কথাই প্রকাশ করেছিলাম। আমি পদ্য লিখতে পারি। খুব ভালো পদ্য বলতে পারি। ইন্সকুলে ক্লাসে সেকেন্ড থার্ড হই। তিনি আমাকে কাগজ পেন্সিল দিয়ে পরীক্ষা করেছিলেন—লেখ তো একটা পদ্য। লিখেছিলাম বারো লাইন। কি লিখেছিলাম মনে নেই, তবে মাইকেলের ‘রসাল কহিল উচ্চে স্বর্ণ লতিকারে’,—এই কবিতার ছন্দ ধরে লিখেছিলাম। আমাদের ‘সাহিত্য-পাঠে’ এই ছন্দের কবিতার প্রাদুর্ভাব ছিল বেশি। পুজোতে তখন কবিতা লিখি; বাড়িতে নিয়মিত লিখি দুর্লভ একসারসাইজ ব্লকে; আমাদের লাভপুরে তখন মাসে মাসে সাহিত্যসভা বসে। প্রতি অধিবেশনে কবিতা লিখে পড়ি। বাড়িতে তখন এক মহাকাব্য ফেঁদেছি। নাদির শাহের ভারত অভিযান ছিল বিষয়বস্তু। সমস্ত রচনার মধ্যে এই ছন্দের রচনাই বারো আনা এবং ভারতের দৃষ্টে বিলাপ থাকত বেশি। সেদিন যে কবিতাটি বারো লাইন লিখেছিলাম সেটির মধ্যেও ওই ছন্দ এবং ওই বিলাপ ছিল। তিনি খুশি হয়েছিলেন। বলেছিলেন—তোমাকে চিঠি লিখব, উত্তর দিযো। কেমন?

তারপরই আসল কথাটি ফাঁস হয়ে পড়ল। প্রশ্ন করলেন—কোথায় এসেছিলে? প্রথমে বললাম—ফুটবল খেলা দেখতে।

কিছুদ্ধকণ পর কেমন যেন অপরাধ বোধ করলাম—বললাম আসল কথা। দুর্কড়ি-বালার বাড়ি দেখতে এসেছিলাম।

আলাপের বন্ধনটা দৃঢ় হয়ে গেল। তিনি নিজের কথা কিছু বললেন না, কিন্তু বললেন অনেক কথা, যার মধ্যে বিপ্লববাদের আভাস ছিল। চিঠিপত্র কয়েকখানা লিখেছিলাম। চার পাঁচখানা। তার বেশি নয়। দেখাও হয়েছিল আর একবার। এবার দেখা করার স্থান ছিল—সাঁইথিয়া, ময়ূরাক্ষীর তীর। সেদিন তিনিই অনেক কথা বলেছিলেন। স্পষ্ট কথা। এর মধ্যে আরও এমন সঞ্চটন হয়েছিল। যাতে আমার অন্তরের এই আকর্ষণটা আরও প্রবল হয়ে উঠেছিল। বংশের কীর্তির যেমন একটা আকর্ষণ আছে, তেমনই আকর্ষণ। যার মধ্যে আছে একটা কর্তব্যবোধ। আমার সেজমামা হঠাৎ স্লেগে মার্স গেলেন। তার আগে পত্রে বারকয়েক সংবাদ পেয়েছিলাম যে তিনি বাড়ি থেকে পালিয়েছেন এবং কাশী থেকে তাকে প্রায় ধরে আনা হয়েছে। মৃত্যুর পর সংবাদ পেলাম তিনি কাশীর বিপ্লবী দলের সঙ্গে ঘনিষ্ঠভাবে যুক্ত হয়েছিলেন। স্বর্গীয় শচীন্দ্র সান্যালের কাছেই পালিয়েছিলেন। প্রতিবারই সেখান থেকেই ধরে আনা হয়েছিল। বড়মামা প্রায় বিপ্লুত বিবরণই জানিয়েছিলেন। এবং মা চোখের জল ফেলতে ফেলতে বলেছিলেন—গাগু (সেজমামার ডাকনাম) যদি ফাঁসি যেত স্লেগে না মরে, তবে যে সে অক্ষয় কীর্তি রেখে যেত।

এইভাবেই আমার মনে সেদিন নতুনকালের সাধনার বেদী বাঁধা হয়েছিল। কিন্তু যোগাযোগের অভাবে প্রত্যক্ষভাবে যজ্ঞবাহির সম্মুখীন হয়ে সমিধ যোগাতে পারিনি। ম্যাট্রিকুলেশন পাস করে পড়তে এলাম। মাস ছয়েক পরে এই ঘটনা ঘটল।

পিসিমা একদা প্রায় জীবনের সর্বস্ব হারিয়ে অর্থোন্মাদ অবস্থায় ফিরে এসে-

ছিলেন পিতৃগৃহে। তাঁর পৈতৃক সংসারও ছিল বহু সংসার; বহুজনের সংসার; বহুজনের সমারোহ ছিল সে সংসারে। শৈশবে মাড়বিয়োগ হয়েছিল, পিতা ছিলেন পরম স্নেহপরাশ্রয়। তিনিই ধরেছিলেন সংসার। পাঁচ বোন এক ভাই ক্রমে যখন বড় হয়ে উঠলেন তখন বিশৃঙ্খল সংসার আবার সুশৃঙ্খল হয়ে উঠল, তারুণ্যের আনন্দে উল্লাসে মগ্ন হয়ে উঠল। সেকালের সম্পন্ন কুলীনের ঘর। মেয়েদের বিবাহ হল কুলীনের সঙ্গে। কুলীনের মেয়ের শ্বশুরবাড়ি কদাচিত্ ভাগ্যে জুটত। তবে সম্পন্ন শ্বশুরের ঘর হলে জামাতারা সেখানে বৎসরে অন্ততঃ মাস ছয়েকের জন্যে বসবাস করতেন। বাকী ছয়মাস অন্যান্য শ্বশুরগৃহে পরিভ্রমণ করে কর্তব্য পালন করতেন; তার সঙ্গে প্রাপ্য আদায় পেতেন জামাতাবিদায়। কাপড়, নগদ টাকা; এদিকে সম্পন্ন শ্বশুরঘরেও পোষা হওয়ার অনাদর কোনক্রমেই মাথা তুলে উঠতে পারত না। তাঁরা সব তীক্ষ্ণ দৃষ্টি ব্যক্তি ছিলেন—ভাগ্যে ঘরের অভাব হওয়া পর্যন্ত অপেক্ষা করতেন না, পরিমাণ কম হয়ে এলেই ক্যাম্বিসের ব্যাগে জিনিসপত্র গুছিয়ে নিয়ে একদা শ্বশুরকে প্রণাম করে বলতেন—আমাকে একবার যেতে হবে।

পিসিমার পৈতৃক সংসারেও জামাতাদের বাস ছিল। প্রথম দুই কন্যার এমনি কুলীন জামাতার সঙ্গে বিবাহ দেওয়ার পর আমার পিতামহ বাকী তিন কন্যার অবস্থাপন্ন কুলীনের ঘর খুঁজে বিবাহ দিয়েছিলেন। তার মধ্যে আমার ধাত্রীমাতা এই পিসিমাই প্রথমা। তিনি যখন স্বামীপুত্র হারিয়ে পিতৃগৃহে ফিরলেন তখনও সে সংসার জমজমাট। তারপর বৎসর চার-পাঁচের মধ্যেই এ সংসারও বিপর্যস্ত হয়ে গেল। পাঁচ বোনের তিন বোন গেলেন। ভাইয়ের সংসার ভাঙল। প্রথমা স্ত্রী গেলেন। তারপর গেলেন বাপ। এই দুর্ভাগ্যের ঝড়ঝঞ্ঝা ভোগ করে সংসারে বাঁচবার এবং প্রিয়জনকে বাঁচবার যে একটি পথ তিনি পেলেন বা মনে মনে রচনা করলেন, সেই পথে চলতে তিনি আমার কাছেই পেলেন প্রথম বাধা এবং আমাকে হার মানাতে না পেরে তিনি নিজে হার মানবার ভয়ে ক্রমে ক্রমে আমার কাছ থেকে দূরে সরে গেলেন। কিন্তু এই সরে যাওয়ার আগে আমার সঙ্গে যে ম্বন্দ তাঁর হয়েছে তাতে আমিও কম ক্ষত-বিক্ষত হইনি।

আমার সাহিত্যে নবদম্পতির বা তরুণ-তরুণীর রাগ-অনুরাগ, বিরহ-মিলনের কথা ও চিত্রের অভাব আছে। বাইরে থেকে এ অভিযোগ আছে এবং এ অভিযোগ সত্য বলেই আমি স্বীকার করি। তার কারণ আমার প্রথম যৌবনে পিসিমার সঙ্গে ওই ম্বন্দ। এই ম্বন্দ এমনি উত্তপ্ত এবং কঠোর হয়ে উঠল যে, আমার স্ত্রীর সঙ্গে আমার জীবনের সম্পর্কের সকল মাধুর্য ও সরসতা প্রায় ঝলসে গেল, কঠিন হয়ে গেল। জীবনের প্রথমে তরুণ-তরুণীর জীবনে যে মধুর দিবা-বিভাবরী আসে, সে এল না বা আসেনি বললেই ঠিক বলা হবে।

আমার প্রথম সন্তান স্নাতকের জন্মের পর পিসিমা তাকে কোলে তুলে নিয়ে খানিকটা সহজ হলেন বটে, কিন্তু আমাদের স্বামী-স্ত্রীর মিলিত জীবনের প্রতি তাঁর দৃষ্টি সরল সহজ হল না।

উত্তাপটা তাঁর পড়েছিল একদিকে বধুর উপর অন্যদিকে আমার কর্মজীবনের

উপর। আমি আমার কাজ নিয়ে যে কঠোরতার সঙ্গে সম্মুখে অগ্রসর হয়েছি, সে অনেকটা এই আঘাতে। যে সংসারে আমার জন্ম, আমার স্ত্রীর জন্ম, তাতে এইভাবে নিজেদের সুখ ও আনন্দের দিকটাকে বিসর্জন দিয়ে এ আঘাতের প্রতিঘাত দেওয়ার পদ্ধতিটাই ছিল একমাত্র মহত্বপূর্ণ পদ্ধতি। তিনিও বোধ হয় তাই শেষ জীবনে আমার খ্যাতি, আমার প্রতিষ্ঠা, আমার নাগরিক জীবনকে দূরে রেখে লাভ-পদের পল্লীজীবনে একান্তভাবে পৈতৃক ঘরদুয়ার নিয়েই কাটিয়ে গিয়েছেন। এখানে যখন মধ্যে মধ্যে আসতেন তখন একখানি ঘরের মধ্যেই নিজেকে আবদ্ধ রাখতেন। শূদ্রচিতার বাতিককে বড় করে তুলে আমাদের প্রবেশাধিকার রুদ্ধ করে রাখতেন।

দেনা-পাওনার মামলায় এবং হিসেবে আমার বগুনাটা বড় নয়; তাঁর বগুনাটাই বড়, অনেক কৌশল, অনেক ভাণ্ডার। জীবনে শূদ্র দিয়েই গেলেন অভিমান বেশ। তিনি একমাত্র যাকে বগুনা করে গেছেন তিনি হলেন আমার মা। নিয়ে যা কিছু গেছেন, তিনি তাঁর কাছ থেকেই। এবং এর জন্যে দায়ী যদি কেউ হয় সে তাঁর ভাগ্যদেবতা। তা ছাড়া আর কি নামে তাঁর জীবনের কর্মকাণ্ডের ধারাবাহিকতাকে অর্জিত করব?

তাঁর মৃত্যুর কথা বলে পিসিমার কথা শেষ করব।

ঊনশশো পঞ্চাশ সালের এপ্রিল মাসে কলকাতায় এলেন। তখন চোখের জন্য অত্যন্ত চিন্তিত হয়েছেন। চোখের দৃষ্টি কমে যাচ্ছে। এখানে দেখানো হল, ডাক্তার দেখে বয়স জিজ্ঞাসা করলেন। আশি পার হয়েছে বা হচ্ছে শুনেন হাসলেন। বললেন, বাইরেটা দেখার বয়স ফুরিয়ে আসার সময় হয়েছে যে, ভিতরের দিকে চোখ ফেরাতে হবে। তিনি বললেন, বাবা, ভেতরের দিকে উপরের দিকে চোখ রেখে বাঁচা চলে পাহাড়ের গৃহায় বসে, বায়ু আহার করে। মাটির উপর হেঁটে-চলতে হয়, ভাতের থালাটা টেনে নিয়ে ভাতের গ্রাস মুখে তুলতে হয় যে আমাদের মতো মানুষকে। হুঁচোট খাব, ভাতের থালায় হাত দিতে মাটিতে হাত দেব—এই জন্যই দেহটা যতদিন আছে চোখটা ততদিন সর্বাগ্রে চাই। ও বাবা, রক্ত; স্বামী পুত্র সবার অধিক। আমার বাবা, স্বামী পুত্র নাই, কিন্তু আমার ভাইপো—তাকে তো তুমি জান—সে আমার নিজের সন্তানের অধিক। সংসারে বাদের ছেলে আছে তাদের দশা তো দেখেছি, সে থাকা-না-থাকা সমান। আমার ভাইপো আমার সন্তানের অধিক। সে, তার বউ, তাদের ছেলে পুত্রবধূ আমার যে সেবা করবে সে আমি জানি, কষ্ট আমার হবে না; কিন্তু ভাতের থালায় হাত দিতে মাটিতে হাত দেব, এক পা হাঁটতে গিয়ে হুঁচোট খাব, এ আমি পারব না বাবা।

ডাক্তার ওষুধ দিলেন। খেয়ে তাঁর উপকার হল। দুপুরবেলা মহাভারত পড়তে শুরুর করলেন। এর পরই ব্যস্ত হলেন লাভপুত্র ফিরবেন। আমি বললাম—না। এখন থেকে এখানেই থাক। বড়িয়ে বললাম—দেখ, এত বয়স হল, সেবার দরকার, তা ছাড়া হঠাৎ যদি তোমার কিছু হয় তো তোমার সঙ্গে দেখা হবে না। কলকাতায়

গঙ্গা রয়েছেন, গঙ্গাতীরে ভোমার শেষকৃত্য হবে, লাভপুত্র আর বাওয়া উচিত নয়, যেও না তুমি।

ছেলেমেয়েরা সকলেই ধরলে তাঁকে।

তিনি বললেন—ওরে, বউকে ছেড়ে আমি থাকতে পারব না। অর্থাৎ আমার মাকে।

মা বললেন—বেশ, আমিও এখানে থাকব। মাসে একবার লাভপুত্র গিয়ে ঠাকুর-দেবতার পূজার ভোগের ব্যবস্থা দেখেশুনে আসব।

পিসীমা এবার বললেন—বেশ তাই হবে। তবে একবার তো যেতে হবেই।

—কেন?

—কেন? হাসলেন তিনি। তোদের বাসন-কোসন জিনিস-পত্র এতকাল আমি রেখেছি, তোর মা পর্যন্ত জানে না কি আছে কি নেই, কার কোনটা। আমি গিয়ে সব দেখিয়ে দেব। তোদের তিন ভাইয়ের পৈতে, বিয়ে, তোদের ছেলেদের অম্মপ্রাশন, পৈতের বাসন পৃথক করে দেব। জিনিসপত্র দেখিয়ে বুঝিয়ে দেব। আর—। আর বাবা, আমার দেনা-পাওনা?

পরে শুনলাম—যে টাকা আমি পাঠাতাম তাঁকে নিজস্ব খরচের জন্য তাই থেকে তিনি কিছু ধার দিয়ে থাকেন।

বললেন—লোকে অভাবে চায়, দিই। বলি—একবারে তো পারব না, এগুলা আমি রাখছি—ছেলেদের দিয়ে যাব, আমার শ্রাম্ব করবে তো—তাতেই দেবে।

এই কারণ দেখিয়েই তিনি সে মাসে লাভপুত্র ফিরলেন। সেখানে গিয়ে সকলের কাছেই বললেন—আসছে মাসে আমি কলকাতায় যাব, দেহটা সেখানেই রাখতে হবে—ছেলের হুকুম। যাবার সময় দেখা করতে পারি-না-পারি বিদায়টা নিয়ে রাখছি ভাই। দিনও আর নাই। সে আমি বুঝছি।

জুন মাসের শেষ দিকে আসবেন জানালেন।

জুন মাসের প্রথম সপ্তাহেই হঠাৎ এখানে খবর পেলাম, আমার ছোট ভাই বিনি লাভপুত্রে থাকেন তিনি রাজনৈতিক দলাদলির এমন জটলার জড়িয়ে পড়েছেন যে তা থেকে হয়তো আমাদের বন্ধুবান্ধবের মধ্যে একটা প্রচণ্ড বিরোধের সৃষ্টি হবে, হয়তো বা মর্মাস্তিক বিচ্ছেদ হয়ে যাবে। তাঁদের দলের মিটিং আসন্ন—যে মিটিং-এ এই জটলার জট বিস্ফোরণ হয়ে বিরূপাঙ্কের আবির্ভাব হবে। আমি টেলিগ্রাম করে ছোট ভাইকে কলকাতায় আনালাম। ছোট ভাই কলকাতায় এল বৌদিন সৌদিনও পিসীমা সহজ এবং সুস্থ। তার পরদিন বেলা দুটোয় তাঁর জ্বর হল। পরদিন বেলা তিনটের তিনি দেহত্যাগ করলেন। হাসি মর্মে। মৃত্যুর মিনিট কয়েক আগে পর্যন্ত বলেছেন—ভালো আছি। যাচ্ছেন বুঝতে পেরেছিলেন। কোন খেদ করেন নি। অথচ খেদ করবার ছিল। সংসারের মধ্যে তিনটি ভাইপো, তারা ঘটনাক্রমে সকলেই সেই ক্ষণটিতে বাইরে। শব্দ পদশব্দ শুনলেই ফিরে তাকিয়েছিলেন। বুঝতে পারি, প্রত্যাশা করেছিলেন—আমরা এসেছি। নিঃশব্দে তাঁর জীবনের প্রিয়তমা সখী প্রাত্যহিক আমার মায়ের হাতে হাতটা রেখে মহাপ্রাণ করলেন।

এই আমার পিসিমা। আমার ধাত্রীদেবতা। তাঁর কথা শেষ করার সময় ধাত্রীদেবতার পরিশিষ্ট উদ্ধৃত করেই তাঁকে প্রণাম জানাব।

সমস্ত জীবের ধাত্রী যিনি ধরিত্রী, জাতির মধ্যে তিনিই তো দেশ, মানুষের কাছে তিনিই বাস্তু। সেই বাস্তুর মূর্তিমতী দেবতা তুমি, তুমিই তো আমার বাস্তুকে চিনিয়েছ, তাতেই চিনেছি দেশকে। আশীর্বাদ কর, ধরিত্রীকে চেনা শেষ করে যেন তোমাকে চেনা শেষ করতে পারি।'

আট

আমার দাম্পত্য জীবনের নিরসতার জন্য দায়ী কিন্তু একা পিসিমা নন। আমার জীবনে যেমন তিনি, তেমনি আমার স্ত্রীর জীবনে ছিলেন একজন; তিনি তাঁর দিদিমা।

অথচ এই দুই মহিলাই একদা উদ্যোগী হয়ে আমার কৈশোরে এবং আমার স্ত্রীর প্রথম বাল্যজীবনেই এক খাঁচাতেই দুটি পাখি পোষার শখের মতো শখে দু'জনকে বেঁধে দিয়েছিলেন। ভালো হয়েছিল কি মন্দ হয়েছিল সে কথা আজ তুলব না। শুধু একটি কথাই বলব, সেই কৈশোরে বিবাহ না-হলে আমার জীবনে আমি সাহিত্যিক খুবসম্ভব হতাম না; জীবনের প্রবাহ রাজনৈতিক খাতেই নিঃশেষিত হত। বন্দী-জীবনে পড়াশুনা করে বিশ্ববিদ্যালয়ের পরীক্ষাগুলিও উত্তীর্ণ হতাম এবং আজকের এই প্রাপ্তবয়স্কের ভোটাদিকারের দিনে ভোটপ্রার্থী হয়ে জোরালো বক্তৃতা করে বেড়াতাম। বিধানসভায় বা লোকসভায় আমার কণ্ঠস্বর শোনা যেত।

সে কথা থাক। বলি আমার বিয়ের কথা, কৈশোরেই যে ঘটনাটি আমাকে ডবল প্রমোশন দিয়ে যৌবনের সিংহস্বারে খাড়া করে দিলে। অকালে পেকে উঠবার ষোগ বা সুরোগই হোক আর দুরোগই হোক, এনে উপস্থিত করলে। ষোগটা এল অতি অকস্মাৎ। ষোল বছর বয়স, ফাস্ট ক্লাসে পড়ি, ম্যালেরিয়ায় ভুগি ঠিক পনের দিন অন্তর। অর্থাৎ বারো মাসে বারোটা জ্বরের পালা বাঁধা। এক এক পালায় ছ'-সাত দিন। বিয়ের কথাটা অবশ্য বাল্যকাল থেকেই শুনে আসিছিলাম। সাত-আট বছর বয়স থেকেই শুনে আসিছিলাম আমার বিয়ের সম্বন্ধ হয়ে আছে। মেয়েটির পিতামহ এবং আমার বাবা ঘনিষ্ঠ বন্ধু ছিলেন। তিনি ছিলেন সে আমলের একজন নামজাদা পুন্ডলিস কর্মচারী; ওই মেয়েটি ছিল তাঁর প্রথমা পৌত্রী। মেয়েটির অন্নপ্রাশনে নিমন্ত্রণ রাখতে গিয়েছিলেন বাবা, সেই সময়েই এ প্রস্তাব দুই বন্ধুতে উত্থাপন এবং সমর্থন করে এসেছিলেন। স্বাভাবিক মৃত্যুর পর বাবার মাতুল এসে আমাদের বাড়িতে কতী হলেন। তিনি আনলেন আর এক সম্বন্ধ। এক উকিলের পৌত্রী, উকিলের পুত্রী। কতীর ইচ্ছার কর্ম। বাবার মাতুলের প্রভাবে এই সম্বন্ধটিই ক্রমে প্রধান্য লাভ করল। আমার যখন এগারো বছর বয়স তখন আমার এই পিতামহ (বাবার মাতুল) আমাকে তাঁর নিজের গ্রামে নিয়ে যাবার পথে ওই উকিলের বাড়িতে উঠলেন, আদালতে কাজকর্মও ছিল এবং তাঁর অন্য অভিপ্রায়ও ছিল। আমাকে মেয়ে দেখাবার

না হোক, উকিলবাবুদের তাঁর এই নাতি-রত্নটিকে দেখাবার অভিপ্রায় যে ছিল সে বিষয়ে আমি নিঃসন্দেহ। আমার সে কি পরীক্ষা! কন্যার পিতামহ খ্যাতিনামা উকিল, আমাকে প্রশ্নের পর প্রশ্ন করে চললেন। চতুর প্রবীণ উকিল, তাঁর প্রশ্নে আমার নাড়ী-নক্ষত্র সব বেরিয়ে পড়ল। কিন্তু তাতে আমি খুব গলদঘর্ম হই নি। বৃন্দ এমনই প্রসন্ন হৃদ্যতার সঙ্গে গল্পের ছলে কথা বলছিলেন যে আমি বিন্দুমাত্র অস্বাচ্ছন্দ্য বোধ করি নি। কয়েকটা প্রশ্ন আজও মনে রয়েছে। জিজ্ঞেস করলেন—
দিনে তো দশটার সময় থাও, ইস্কুল যাও। রাতে? রাতে ক'টার সময় থাও?

আমি উত্তর দিলাম—ন'টা-সড়ে ন'টার সময়। পড়া শেষ করে।

—কে কে থাও একসঙ্গে?

—মোলপুরের দাদা (আমার পিতামহ, বাবার মামা), আমি, নায়েব। আমরা তিনজনে একসঙ্গে খাই।

—তোমার মাস্টার? বাড়িতে মাস্টার নাই?

—আছেন। তিনি বাড়িতে খান না।

—ও। আর চাকর-টাকর পরে খায়? কে? কে?

—হ্যাঁ। চাকর আর চাপরাশী।

—কে খেতে দেন? মা—না পিসীমা?

—না, সাতনদিদি।

—দিদি? কি রকম দিদি?

—আমাদের বাড়ি রান্না করেন, আমি দিদি বলি।

—বাঃ! তাই তো উচিত। ঝিকে কি বল? দিদি?

—হ্যাঁ। ষমুনাদিদি বলি।

—ক-জন ষি?

—ষমুনাদিদি আর সোনা-পিসি। সে বাড়ির, বাসন-টাসন মাজে।

এইভাবে শব্দ বাড়ির কথাই নয়, আমার লেখাপড়ার কথাও জেনে নিয়েছিলেন। এমন কি কয়েক ছত্র কবিতা লিখিয়ে নিয়ে আমার হস্তাক্ষর এবং আমি কবিতা লিখতে পারি এই কথাটি সত্য কিনা তাও পরখ করে নিয়েছিলেন। এর পর পিঠে হাত বদলিয়ে তারিফ করে কানে কানে বললেন—একটি মেয়েকে দেখাচ্ছি, দাঁড়াও। এক্ষণি আসবে, বল তো কেমন মেয়ে?

উজ্জ্বল গৌরবর্ণ একটি মেয়ে, চোখ দুটি পিঙ্গল, বোধ হয় বছর আশ্টেক বয়স, বাড়ির ভিতর থেকে বেরিয়ে যাচ্ছিল, তাকে ডেকে দেখালেন।

এবার কথাটা মনে করে এগারো বছর বয়সে লজ্জিত হলাম খুব।

আসল পরীক্ষা কিন্তু এর পরে।

সেদিন ছিল শনিবার। সেখানে পেরিচোঁছিলাম সকাল দশটায়। তখন দেখেছিলাম আমার থেকে বছর চারেকের বড় একটি ছেলে বই বগলে ইস্কুল গেল। আলাপ হয় নি। বেলা দুটো, আমি একা দাঁড়িয়ে আছি বাড়ির ফটকে রাস্তার দিকে চেয়ে; প্রতীক্ষা করছি কখন মোলপুরের দাদা ফিরবেন। এমন সময় ফিরল সেই ছেলোটি।

ঠিক বোনের মতোই চেহারা। উজ্জ্বল গৌরবর্ণ, পিঙ্গল চক্ৰ। তীক্ষ্ণদৃষ্টিতে আমার দিকে তাকিয়ে বললে—তুমি তারাক্ষর?

—হ্যাঁ।

—এস আমার সঙ্গে। আমি...।

সঙ্গে গেলাম। একখানি ছোট ঘরে টেবিল চেয়ার আলমারি। বুদ্ধলাম পড়ার ঘর। ছেলোট বললে—চেয়ারে বস। কোন ক্লাসে পড়?

—ফোর্থ ক্লাস। (আজকালকার ক্লাস সেভেন)।

—ইংরেজি কোন বই পড়ান হয় ক্লাসে?

—Blakies' Indian Reader.

‘ব্লাকিস ইন্ডিয়ান রীডার’ তখনকার দিনে বোধ করি দ্ব-যুগ ধরে ছিল। ফাস্ট সেকেন্ড ক্লাসে ছিল ওয়েভালী নভেল।

বলবামাত্র ছেলোট আলমারি খুলে তার পড়ে শেষ করা ‘ব্লাকিস ইন্ডিয়ান রীডার’ বের করলে। একটা জায়গা বেছে বের করে বললে—রিডিং পড়। তারপর বললে—মানে কর।

তারপর বইখানা নিজের হাতে নিয়ে বললে—বানান কর। কঠিন একটা শব্দ—নিউমোনিয়া গোছের।

তারপর বইখানা আবার হাতে দিয়ে বললে—পার্সিং কর।

এর পর খাতা পেন্সিল হাতে দিয়ে ডিক্টেশন।

এর পর টেনে বের করলে—অ্যালজেব্রা এবং জ্যামিতি। তার সঙ্গে ব্যাকরণ কোম্বুদী প্রথম ও দ্বিতীয় ভাগ। মাসটা ছিল বোধ হয় মার্চের প্রথম, গায়ে তখনও সকালে গরম জামা পুরতে হয়। আমি এক গা ঘামে প্রায় নেয়ে উঠলাম।

বীজগণিত জ্যামিতির পরীক্ষা শেষ হয় এই সময় এলেন আমার মোলপুয়ের দাদা। তিনি আবার ছিলেন এই ছেলোটের ভিক্টো বাবা। অর্থাৎ উপনয়নের পর তিন দিনে ব্রহ্মচর্য পর্ব শেষ হবার পরদিন ধূতি-চাদর-জামা-জুতার গৃহীর বেশ পরিয়ে তাঁর ধর্ম-পিতার গৌরব ও পুণ্য অর্জন করেছিলেন। তিনি ঘরে ঢুকে এক গাল হেসে সেই ছেলোটিকে বললেন—কেমন দেখছ? পারছে বলতে?

এবং আমার দিকে চেয়ে বললেন—দেখছ? পড়াশুনায় কেমন দড়?

এর পর চেপে বসে বললেন—নাও, তোমরা পড়, আমি শুন।

ছেলোট উৎসাহিত হয়ে ব্যাকরণ কোম্বুদী তুলে নিলে।

আমি উঠে দাঁড়িয়ে বললাম—মাথা ধরেছে।

মোলপুয়ের দাদা একটু ব্যস্ত হয়ে উঠলেন—মাথা ধরেছে?

মাথা ধরে নি কিন্তু মাথায় ঘেন খুন চেপেছিল। তাড়াতাড়ি ঘর থেকে বেরিয়ে এসে গলায় আঙুল দিয়ে বসে পড়লাম একটা যায়গায়। বেলা সারোটার খেয়েছিলাম। তার ঘণ্টা চারেক পরে গলায় আঙুল দিয়ে বিশেষ কিছু বের করতে পারলাম না। কিন্তু মাথাটা ধীরে ফেললাম সত্যসত্যই। অপর দিকে ইংরেজি-অঙ্ক-জ্যামিতিতে আমার অক্ষমতার হ্রদটি বোরিয়ে পড়ে নি, যাতে করে এটাকে অক্ষমতার লজ্জা ঢাকা

দেওয়ার অপচেষ্টা বলে মনে হয়। এবং ব্যাপারটা এমন আকস্মিক যে, তেমন কিছু সন্দেহ করার মতো অবকাশ তাঁরা পান নি। আমার ক্রোধ ক্রোধ আমাকে নিৰ্বাচিত করলে নীরবে। তাতেও পরিচয় পেলাম না, ডাক্তার এলেন একজন, হজমের ব্যতিক্রম সন্দেহ করে ওষুধ লিখলেন, তাও খেলাম। সমস্ত রাহিটা প্রায়োপবেশন করে ক্ষিপের জ্বালায় বিন্দ্র হয়ে পড়ে রইলাম, সকালে উঠেই বললাম—বাড়ি ঘাব।

এমনিভাবে বিবাহের কথাবার্তা এবং পাত্রীপক্ষের সঙ্গে পরিচয় ছেলেবেলা থেকেই আমার ছিল। ওঁদিকে পুঁলিস কর্মচারীটি পুঁলিস সাহেব হয়ে আমাদের জেলায় এসে আমাদের বাড়ি যাওয়া-আসা করছিলেন। ওই দুই জায়গার এক জয়গায় আমার বিবাহ হবার কথা। কিন্তু আমার বোনের বিবাহ না হওয়া পর্যন্ত কোনো স্থানে পাকা কথা কওয়াটা আমার মা-পিসিমার কাছে ছিল অন্যায় অধর্মের সামিল। এদিকে বাবার মাতুল মারা গেলেন। মা-পিসিমা আমার বোনের বিবাহের জন্য চিন্তিত হয়ে উঠলেন। কে দেখেদুনে পায়ে খেঁজ করে? এবং টাকাকড়িরও অনটন হয়ে গেল হঠাৎ। বাবার মাতুলের মৃত্যুতে তাঁর উইল অনুযায়ী তাঁর সম্পত্তি আমারই পেলাম। উইল প্রবেট নিতে এবং জমিদারের খারিজ ফি দিতে হাতের নগদ টাকা শেষ হয়ে গেল। আসলে কর্মচারী ষাঁরা, তাঁরাই আত্মসাৎ করলেন অধিকাংশ টাকা। এই অবস্থায় এক স্থানে আমার বোনের সম্বন্ধ স্থির হল। বেশ সম্পন্ন গৃহস্থ ঘর, ছেলোট ভালো, স্বাস্থ্যবান, তখন আই. এ. পড়ছে। সেইবারই পরীক্ষা দেবে। পাত্রপক্ষ মেয়ে দেখতে এলেন কার্তিক মাসে।

এই সময়ে আমার পিসিমার সঙ্গে স্বর্গীয় যাদবলালবাবুর স্ত্রীর বেশ অন্তরঙ্গতা জন্মেছে। যাদবলালবাবুর স্ত্রীর ও অঞ্চলে ডাকনাম ছিল গিন্নীমা।

পিসিমা ডাকতেন গিন্নী।

আমার মা-ও বলতেন গিন্নী। গ্রাম সম্পর্কে আমার মা হতেন গিন্নীর মামী-শাশুড়ী। গিন্নী বলতেন বাঁকপুরের মমী।

গিন্নীর সঙ্গে রাঘের পিছনে ফেউয়ের মতো আসত তাঁর মা-মরা নাতনী। দশ বছর বয়স, দেখে মনে হত আট বছরের মেয়ে। রংটা ফরসা, যত্নের অভাব দেহের শীর্ণতা এবং বেশভূষার পরিষ্কট। দম্মী শাড়ি, কিন্তু সে ময়লা, নতুন অথচ ছেঁড়া। মেয়েটিকে লোকে বলত কটকটে। অর্থাৎ মৃথরা।

গিন্নী প্রায়ই আমাদের বাড়িতে চোখের জল ফেলতেন মৃত্যু কন্যার জন্য। প্রকাশে বাড়ি শূন্য পড়ে আছে। নাবালক চারটি ছেলে এবং মেয়েটি মানুষ হচ্ছে তাঁর কাছে। বাপ আবার বিবাহ করেছেন কিন্তু প্রথমা স্ত্রীর শোকে এমনই মদ্যপানে অভ্যস্ত হয়েছেন যে প্রায় অমানুষে পরিণত হয়েছেন। বাড়ি বিষয়-সম্পত্তি প্রথমা স্ত্রীর নামে বলে অল্লাদা বাড়ি করে বাস করছেন। এদের সম্পত্তি দেখেন মামারা। বড় ছেলে লক্ষ্মীনারায়ণ আমারই বয়সী। সে বোর্ডিং-এ থাকে। আমার শৈশবের বন্ধু। গিন্নীর বাসনা—নারায়ণের বিয়ে দিয়ে ওদের সংসার পাতিয়ে দিয়ে কর্তব্য শেষ করেন। মেয়েটির জন্য ভাবেন না, শৈশব থেকেই ওর বিয়ের সম্বন্ধ হয়ে রয়েছে,

গ্রামের একটি কুলীনের রূপবান ছেলে, কেশব চক্রবর্তীর সম্ভান, বিষ্ণুঠাকুর বংশের পালটি ঘর। এর জন্য মায়ের উইজে ব্যবস্থা আছে—ভাইদের সঙ্গে সম-অংশে মেরে ভাগ পাবে। বিষয় কম নয়; জমি, জমিদারী, কলিয়ারী ইত্যাদিতে বছরে বিশ-একুশ হাজার টাকা আয় এবং নগদ মজুদ বোধ হয় দেড় লক্ষের কাছাকাছি।

ইনিই যে একদা আমার জীবনের সঙ্গে গাটছড়া বাঁধবেন একথা ভূ-ভারতে কেউ মনে করে নি; আমি তো করিই নি। আমরা স্থির জানতাম বংশীর (সেই ছেলেরিটার নাম) সঙ্গেই বিয়ে ওর আটার আনা নিশ্চিত। মদুখরা বলে এবং বন্ধুর ভগ্নী বলে বকেছি, দূ-চার ঘা না-মেরেছি এমনও নয়। যে কার্তিক মাসের কথা বলছি সেই আশ্বিনে অর্থাৎ মাসখানেক আগের কথা বলি। পূজোর ঠিক আগেই, বোধ হয় দিন-দুই-তিন আগে অর্থাৎ যখন নারায়ণের মেজভাই চন্দ্রনারায়ণ আকস্মিক মরণাপন্ন রোগে আক্রান্ত হল। বিচিত্র রোগ। নির্ণয় হল না কি রোগ। ওদের বাড়িতে পূজোর ভিয়েন হাঁচছিল, অর্থাৎ মূর্ডকি, নারকেল নাড়ু, প্রভৃতি তৈরি হাঁচছিল। দেশে তখন ম্যালেরিয়া ঢুকেছে। চন্দ্রনারায়ণ ম্যালেরিয়ায় ভোগে, দুর্বল শরীর, সে ঘরের মধ্যে ঢুকে খানিকটা মূর্ডকি নিয়ে লুকিয়ে খেতে গিয়ে হঠাৎ পড়ল মদুখ গাঙ্গে। জ্বর নেই, কিন্তু অচেতন, শুধু একটা গোঙানি ছাড়া কোনো সাড়া নেই। কেউ বলে খনুশ্চকার, কেউ বলে কিছ—কেউ বলে কিছ। যথাসাধ্য ডাক্তার বৈদ্যের ট্রাটি রইল না। হয়তো ভুল বললাম—আর্থিক সাধ্য বিচার করলে কলকাতা থেকে খুব বড় ডাক্তার আনার সাধ্য ছিল তাঁদের, কিন্তু সময় ছিল না। সিউড়ি থেকে ডাক্তার যখন এলেন তখন রোগীর শেষ অবস্থা; নাড়ী ক্ষণে ক্ষণে ছেড়ে যাচ্ছে। ডাক্তার বলে গেলেন সাধ্যাতীত। রাত্রের মধ্যেই—।

এই অবস্থায় গিন্নী শিয়রে বসে কাঁদছেন। বাইরে শব সৎকারের প্রয়োজনীয় সামগ্রী সংগ্রহ চলছে। নারায়ণ নীরবে স্নানমুখে বসে আছে, আমিও বসে আছি তার কাছে। হঠাৎ কি কারণে মনে নেই, বাড়ি আসবার জন্য উঠলাম। একটি গলিপথ ধরে অল্প একটু পথ। সেই গলিতে দাঁড়িয়ে এই মেয়েটি আর একজনকে বিজ্ঞভাবে বুঝিয়ে বলছে—মেজদা আর বাঁচবে না। রাস্তার মধ্যেই মরবে।

সম্ভবতঃ তখনও মৃত্যু যে কি সে জ্ঞান মেয়েটির হয় নি। পরবর্তী জীবনে এমন মৃত্যু-ভরাতুরা—হয়তো ভুল বলছি—, এমন উন্মূলিত মমতাকাতরা নারী আমি খুব কমই দেখেছি। সে মমতা রবীন্দ্রনাথের ‘যেতে নাহি দিব’ কবিতায় পৃথিবীর মতো মমতা। আপনার জন যেখানে যে কেউ আছে এই মেয়েটি অহরহ তাদের দুঃহাতে আঁকড়ে ধর বসে আছেন, আর আত্মস্বরে বলছেন—‘যেতে নাহি দিব’। অহরহ যেন অনুভব-করছেন মৃত্যুর আকর্ষণ ক্ষণে ক্ষণে সবল থেকে সবলতর হয়ে উঠছে। থাক সে কথা।

সেদিন ওই কথা শুনে আমার রাগের আর সীমা রইল না। হৃদয়হীনা মেয়েটা অবলীলাক্রমে বলছে—রাস্তার মধ্যেই মরবে!

আমি ধমক দিয়ে উঠলাম—পাজি মেয়ে কোথাকার? ফের ওই কথা বললে মদুখ ভেঙে দেব তোমার। মরবে? কে বললে তোকে?

মেরেটা মদুখরা। সেইবার পাত্রী নয়, ফোস করে উঠল—কই দাও দাঁকি মদুখ ভেঙে! মদুখ ভেঙে দেবে?

—বললেই মদুখ ভেঙে দেব।

—বলবই তো। আমার দাদা মরবে তো তোমার কি? বেশ করবে মরবে। হাজার বার মরবে। নিশ্চয় মরবে।

সঙ্গে সঙ্গেই তার মাথার আমি কয়েকটা চড় মেরেছিলাম। মদুখ ভাঙতে পারি নি। ওটা বিধাতা আমার জন্যেই আমার হাত থেকে সেদিন বোধ হয় রক্ষা করেছিলেন। এমনি প্রহার আগেও করেছি বিবাহের পূর্বে। সব মনে নেই।

এখানে চন্দনারাগের কথাটা বলে শেষ করে নিই। ওকে নিজেই পরে ঘটনাচক্রে বিস্ময়কর ভাবে পাক খেয়েছিল। চন্দনারাগ কিন্তু সেই রোগে মারা যায় নি। সে যেমন অকস্মাৎ অচেতন হয়ে পড়েছিল তেমনি অকস্মাৎ আরোগ্য লাভ করলে। সেইদিন রাতে প্রায় তিনটের সময় মদুখের অবস্থায় বার দুয়েক বমির আক্ষেপে খানিকটা গাঢ় শ্লেষ্মা তুলে ফেলেই অকস্মাৎ চিৎকার করে উঠল—দাঁদ! তার পরেই চোখ মেললে। ঘণ্টা ছয়-সাতের মধ্যেই আর কোনো রোগ রইল না।

এই ঘটনা থেকেই গিন্নী উঠেপড়ে লাগলেন—নারাগের বিষে তিনি দেবেনই, এই বৎসরেই দেবেন।

পাত্রীও ঠিক হয়েই ছিল। ওদেরই আত্মীয় নারাগদের পালটি ঘর, কেশব চক্রবর্তীর সন্তান, খ্যাতনামা কর্মবীর রায় বাহাদুর অবিনাশচন্দ্র বন্দ্যোপাধ্যায়ের কন্যা। কার্তিক মাসেই আশীর্বাদ হবে।

এই সময়েই আর একটি ঘটনা ঘটেছিল যেটি আমি কোনমতেই ভুলে যাই নি। ভুলে যাই নি বলেই উল্লেখ করব। এবং আমার জীবনে এই টুকরোটুকুই একমাত্র পূর্বস্মরণ।

উমার, অর্থাৎ নারাগের এই বোনটির মারাত্মক ভূতের ভয়। একা উমার নয়, গিন্নীর বাড়িতে তাঁর পোত্রীও তখন গদাটি টিন-চার, সব প্রায় একবয়সী। সব কয়জনই সন্ধ্যা হলেই ভূতের ভয়ে হতচেতন হয়ে যায়। পূজোর পর কার্তিক মাস তখনও আসে নি। বাড়ির ভিতর রোয়াকে বসে আছি; গিন্নী স্লিগেড,—এই মেয়ে কটিকে গিন্নীর চেলা কোং বলত সকলে,—এসে আমাদের বাড়িতে হুড়মুড় করে ঢুকল।

কি ব্যাপার? না সন্ধ্যা হয়েছে, বাড়ি যাবে। কিন্তু পথে যদি ভূতে ধরে, তাই রক্ষীর প্রয়োজন। একটু দাঁড়িয়ে দাও গো!

দাঁড়িয়ে দেবে আমাদের কি। তার হাতে কাজ রয়েছে, সন্ধ্যা জ্বালাচ্ছে।

অতএব একটু অপেক্ষা করতে হবে। হঠাৎ বোধ করি উমাই আমাকে বললে—তুমি দাও না?

কে যেন, বোধ হয় আমাদের পাঁচকা ঠাকরুণ বললেন—‘তুমি’ কি লা? কে হয় তোর? সম্বন্ধ ধরে বলতে পারিস নে?

সম্বন্ধটা একটু কোঁড়কের। ষোল বছরের আমি দশ বছরের মেরেটির গ্রাম

সম্পর্কে দাদামশাই হই। দাদা বলতে বাধে না ; কিন্তু ওর সঙ্গে মশাই যোগ করতে বাধে।

উমার মামাজে বোন বললে—ওইটুকু আবার ঠাকুরদাদা হয়?

তাদের আমি ঠাকুরদাদা।

সঙ্গে সঙ্গে সকলে খিল খিল করে হেসে উঠল। এবং এই উমা আমার পিছন-দিক থেকে পিঠে ধরে ছড়া কাটতে শুরু করে দিলে—

“ঠাকুর দাদা গালে কাদা বাগবাজারের দই,

ঠাকুর দাদার সঙ্গে দূটে মনের কথা কই।”

এরই ঠিক পনেরো-কুড়ি দিন পর। অত্যন্ত আকস্মিকভাবে আমার বিবাহের সম্বন্ধ হয়ে গেল। আমার বোনকে দেখতে এলেন রামপুরহাট অঞ্চল থেকে সেই পাত্রপক্ষ, বাদির কথা আগে বলেছি। ছেলেটি আই. এ. পড়ছে, মধ্যবিত্ত ঘর, ছয়-সাত ভাই, সব ভাইগুলিই উদ্যমশীল। বড়ভাই এসেছেন দেখতে। দেখা হল, কন্যা পছন্দ হল। দেনা-পাওনাও স্থির হয়ে গেল। বিবাহের দিনও স্থির হল অগ্র-হায়ণের শেষে। উদ্বলোক বললেন—আমি তাহলে কন্যা আশীর্বাদ করে যাই। পঞ্জিকাতে দিন দেখেই তিনি প্রস্তাবটি করলেন—এমন ভালো দিন যখন পাওয়াই গেছে তখন এ কাজটি আমি সেরে যাই। আপনারা কয়েকদিন পর আদের ওখানে গিয়ে পাত্র আশীর্বাদ করবেন।

আমার মা-পিসিমা স্বস্তির নিঃশ্বাস ফেলে দেবতার চরণে প্রণতি জানাচ্ছেন। কন্যাদায় থেকে উদ্ধার পাচ্ছেন, বংশ ভালো, পাত্র ভালো, ঘর ভালো; এর চেয়ে কাম্য আর কি হতে পারে? পুরুষ-অভিভাবকহীন সংসার, তার উপর বাবার মাতুলের উইল প্রবেশ নিতে এবং ঐ সম্পত্তি দখল নিতে সংসারের সপ্তরের ভান্ডার নিঃশেষিত-প্রায়। এ ক্ষেত্রে যখন মধ্যে মধ্যে অল্পবয়সী মৃতদার পাত্রের কথা মনে ওঠে, তখন এমন পাত্র যে কল্পনাতীত। তাঁরা সঙ্গে সঙ্গে রাজী হয়ে গেলেন। যিনি বৈঠকখানা থেকে পাত্রপক্ষের প্রস্তাব বহন করে নিয়ে এসেছিলেন তিনি বোধ হয় আমাদের নায়েব। পিসিমা তাঁকে বললেন—দাঁড়ও বাবা, আগে ঠাকুরদের প্রণামী তুলে রাখি।

ঠিক এই সময় স্বর্গীয় বাদবলালবাবুর স্ত্রী গিন্নী আমাদের বাড়ি ঢুকলেন। পিসিমা হুসিমুখে বললেন—অ গিন্নি, মেয়ের বিয়ে পাকা হয়ে গেল। ওরা আজই আশীর্বাদ করে যাবেন।

গিন্নী বললেন—সেই শুনই তো আসছি গো। কথা আছে তোমাদের সঙ্গে। বাঁকীপুত্রের মামী কই? এই যে! চল গোপনে বলব।

মা-পিসিমার বুকটা ধড়াস করে উঠল। আশীর্বাদের মুখে গোপনকথা? কী সে কথা? কালটা গণনাৎ বিংশ শতাব্দী হলেও পল্লীসমাজে তখন গাঁই-গোত্র-নিকষ-ভঙ্গ, পালাটি ঘর, কুলের খুঁত ইত্যাদির প্রভাব চার আনা গিলেও বার আনা বর্তমান।

ঘরের মধ্যে গিলে গিন্নী বললেন—আশীর্বাদটা বন্ধ রাখতে হবে বাছা।

—কেন? পাংশু হয়ে গেল মায়ের মুখ।

গিন্নী বললেন—কোনো ভয়ের কথা নয়। ভালো কথাই বটে। আমি আমার নাতি নারাগের বিয়ে দেব, মাঝ মাসেই বিয়ে দেব। ওদের সংসার পাতিয়ে না দিয়ে আমার মরণও সুখ হবে না। আমি বাছা একটি সদ্বংশের সুশীলা কর্মক্ষমা মেয়ে চাই। বাঁকীপুরের মামার মতো মায়ের মেয়ে বড়ই (আমার বোনের ডাকনাম), আর ও যে কেমন কর্মক্ষমা সে আমি নিজের চোখে নিত্য দু-বেলা দেখছি। মনে আমার মাঝে মাঝে কথাটা ওঠে। ওই মেয়েকে যদি ঘরের বড় বউ করে সংসার পেতে দিতে পারি তবে ছোট দেওরগদূলি সুখে থাকবে। বলতে পারি নি—অবিনাশের মেয়ের সঙ্গে বিয়ের কথা হয়ে রয়েছে, আর নারাগের বিয়েও এত শীগগির দেবার ইচ্ছে ছিল না। কিন্তু এবার চন্দ্রনারায়ণের অসুখের পর আমি মত বদলেছি। নারাগের বিয়ে আমি এবারই দেব। ঘণ্টাখানেক ছেলোটা অচেতন হয়ে মৃত্যু গন্ধে পড়ে রইল, কেউ দেখলে না। কার্ল সম্বোধ্যে শব্দে গেলাম তোমাদের মেয়েকে দেখতে আসছে, সারা রাত্রি কথাটা ভেবেছি। আমি তোমাদের মেয়েটিকেই নিতে চাই। অবিনাশ আমার বোনপো। কিন্তু সে এখন বড়লোক। বড়লোকের মেয়ে আমি আনব না। আমি মনস্থির করেছি, অপেক্ষা শুধু ষষ্ঠীর মতামতের। তাকে আসতে আমি পত্র দিলাম। কাল পত্র পাবে। পরশু আসবে। তার মতও হবে। তোমরা আশীর্বাদটা হতে দিয়ো না।

মা পিসিমা আশাতীত সৌভাগ্যে স্তম্ভিত হতবাক হয়ে গেলেন।

নারাগদের বাৎসরিক আয় পঁচিশ-দ্বিশ হাজার টাকা, দেড় লক্ষাধিক নগদ টাকার মালিক। নারাগের দেহবর্ণ কাঁচা সোনার মতো। মৃত্যুখী দেহসৌন্দর্যে সে প্রিয়দর্শী। লেখাপড়াতে সে ক্লাসে ফার্স্ট হয়। এ যেন সেই গল্পের কথা, গরিবের মেয়ের ভাগ্যগুণে রাজপুত্রের বাড়ি থেকে এসে হাজির হল চতুর্দোলা।

গিন্নী আরও বললেন—দেনা-পাওনার জন্যে ভয় করো না। ওদের যা দিতে রাজী হয়েছ তাই দিয়ো নারাগকে। তাই নেব আমি।

কথা হয়েছিল সর্বসাকুল্যে দেড় হাজার টাকা। কিন্তু অনিশ্চিতের প্রত্যাশার নিশ্চিত ধ্রুবকে ছাড়বেন কি বলে?

গিন্নী বললেন—জবাব তো দিতে বলছি না। ওদের বল আমাদের বংশে আশীর্বাদ আগে থেকে হতে নিষেধ আছে। আশীর্বাদ হয় বিবাহের আসরে, বিবাহে বসবার প্রাক্কালে। কথা যেমন স্থির তেমনিই রইল। যদি নারাগের সঙ্গে বিয়ে স্থির হয়ে যায় তবে তখন পত্র লিখে জবাব দেবে।

তাই ব্যবস্থা হল। কথাটা ঘৃণাকরে অন্য কেউ জানে না। পাত্রপক্ষও দেনা-পাওনার ফর্দ করে ফিরে গেলেন, তিনিও কোনো সন্দেহ করলেন না। এদিকে আশীর্বাদ বন্ধ করেও মা-পিসিমা নারাগের সঙ্গে বিবাহের প্রত্যাশায় আস্থা রাখতে পারলেন না। দুটি দিন নন্দ এবং ভাজ বিনন্দ হয়ে রায়ে পরস্পরকে শুধু প্রশ্নই করে গেলেন।

—বউ!

—আঁ!

—জেগে আছ?

—রয়েছি ঠাকুরঝি।

—কি হবে বল তো?

—আমার তো মনে হয় না। কিন্তু আমি ভাবছি—

—কি?

—এখানকার পাথেরা যদি ভালো পাত্রী পায়? আমরা যেমন বাধা নেই, তেমনি তো তারাও নেই।

তৃতীয় দিন সকালে বড় ছেলেকে, আমাদের ও অশ্বলের বড়বাবুকে সঙ্গে নিয়ে গিন্নী এলেন আমাদের বাড়ি। বললেন—ফেলদুকে সঙ্গে এনেছি। পাকা কথা দিতে এসেছি। কোষ্ঠীর মিলের অপেক্ষা শূন্য। গ্রহাচার্যকেও আনতে পাঠিয়েছি। কাল সকালে ঘোটক বিচার হবে।

ষষ্ঠীকঙ্করবাবু বললেন—আমি খুব খুশীমনে মত দিয়েছি বাঁকীপুত্রের দিদি। এ বিয়ে হলে নারায়ণ সুখী হবে। আমি সুখী হব।

পরের দিন সকালে কোষ্ঠীর ঘোটক বিচার হল। বিচারে প্রায় রাজঘোটকই হল। শূন্য একটি খুঁত দেখা গেল। গ্রহাচার্য বললেন—এই পাথের জন্মলগ্নে গ্রহ-সংস্থানেব প্রভাবে কন্যাটিব কিন্তু স্বাস্থ্যভঙ্গ হবে, রোগে ভুগবেন।

আমার মা বললেন—ভুগুক। এত বড় ভাগ্য পেতে যদি সে রক্তনই হয় তবে সেটুকু সে সহ্য করবে। আর আমার মেয়ে—ওকে আমার বোগ ভোগ বোধ হয় এমনিই করতে হবে। আমি অশ্বলের রোগী।

কথা পাকা হবার অল্প একটু বাকী রইল। অবিবাহবাবুকে জবাব দিতে হবে। নারায়ণের বিবাহ দিতে গিন্নী বন্ধপারিকর হয়েছেন শুনে তিনি নাকি কয়েকদিন পরেই এখানে আসছেন—তার কন্যার সঙ্গে যে সম্বন্ধের কথা হয়ে আছে বহুদিন থেকে, সেই কথা পাকা করবেন। নারায়ণকে আশীর্বাদ করে যাবেন।

অপরাত্নে আবার তাঁরা এলেন মাতাপুত্রে। আরও কয়েকটা কথা আছে।

—কি বলুন?

—নারায়ণের বিয়ে দেব, তার আগে বা তার সঙ্গে তার বোনের বিয়েও—

—বেশ তো। তার বিয়ের কথা তো স্থির হয়েই আছে।

—না। ওটিকে আপনাদের নিতে হবে। তারশঙ্করের সঙ্গে ওর বিয়ে দিন।

মা-পিসীমা বিস্মিত হলেন—সে কি? আমরা তো তোমাদের পালাটি ঘর নই? ঘর হিসেবে নারায়ণেরা বিষ্ণু ঠাকুরের সন্তান, শ্রেষ্ঠ কুলীন। ওদের পালাটি ঘর হল কেশব চক্রবর্তীর সন্তানেরা। আমরা রামেশ্বর চক্রবর্তীর সন্তান, কেশবের সঙ্গে একই বংশ হলেও মান্য, প্রতিষ্ঠায়, গণনা গৌরবে ছোট ঘর। আমার কন্যা দাঁছি উঁচু ঘরে, তাতে বাধে না। তোমরা কন্যা নিচ্ছ তোমাদেরও বাধে না। কিন্তু কন্যা তোমরা দেবে কি করে?

—সে আমরা দেব। আমরা অনেক ভেবে ঠিক করেছি।

গিন্নী বললেন—বিয়ে দিয়ে কন্যা জামাইকে ঘরে অংশীদার করে আমি রাখব

না। তাতে ভাই-বোনে বিবাদ হবে। তা ছাড়া তোমরা আমাদের কাছে বাঁধা রইলে, আমরা তোমাদের কাছে বাঁধা রইলাম। মেরেটি একটু কটকটে। আমার চোখের সামনে থাকবে। আর বাপদ্দ আমার ভরসী হচ্ছে হয়েছে।

বিচিত্র ইচ্ছাটির মূলের স্বরূপ কি এবং কোথায় সে কথা গিন্নী বোধ করি নিজেও জানতেন না, ষষ্ঠীবাবুও না। নইলে যে ছেলোটর সঙ্গে বিয়ে স্থির হয়েছিল, তার সঙ্গে আমার তফাৎ কি ছিল? তুলনা করলে ছেলোটর রূপে রূপবান ছিল। আমার রূপ ছিল না।

গুণে অবশ্য প্রভেদ কিছু ছিল—আমি ম্যাট্রিকুলেশন পরীক্ষা দিছি সে বছর, সে তখন ক্লাস-তিনেক নিচে পড়ে। বয়স দু'জনেরই এক। কিন্তু এটুকু আর কতটুকু? তা ছাড়া এই দিকের বিচারটা তাঁদের অর্থাৎ গিন্নীর এবং বড়বাবুর করারই কথা নয়। তাঁরা এটাকে একটা বিশেষ বাঙ্কনীয় গুণ বলে মনেই করেন না।

বেথানটায় তাঁদের বিচারের তফাৎ ছিল—সেটা হল পাত্রের বৈষয়িক মূল্যের তফাৎ। সে ছেলোটর কুলীন গৃহজামাতার পুত্র। কিন্তু গৃহস্থামী ছেলোটিকে তাঁর অর্ধেক সম্পত্তি উইল করে দেবেন একথা সর্বজনবিদিত। সেই অর্ধেক সম্পত্তি আমার প্রাপ্য পৈতৃক সম্পত্তির তুলনায় মূল্যে কিছু কম।

যাই হোক, কোন বিচার তাঁরা তখন করেছিলেন তাঁরাই জানেন, তবে ইচ্ছেটাই সমস্ত বিচারকে প্রভাবিত করেছিল নিঃসন্দেহে। এখানে এক কথার রেহাই পাওয়া যায় প্রজাপতির নির্বন্ধ বলে। সেকালে লোকে তাই বলেছিল। লোকে অবশ্য আরও একটা কথা বলেছিল; কন্যাপক্ষের অবিভাবকদের উপর বৈষয়িক বৃদ্ধির দোষারোপ করেছিল। তখন আইন হয়েছে যে, অবিবাহিতা কন্যা মায়ের সম্পত্তির উত্তরাধিকারিণী হবে, সেক্ষেত্রে মায়ের সম্পত্তিতে ছেলেদের অধিকার থাকবে না। এখানে মায়ের উইল ছিল, উইলে বিধান ছিল, জামাই যদি সম্পন্ন অবস্থার না হন তবে মেয়ে ভাইদের সঙ্গে সম-অংশে অংশীদার হবে; আর সম্পন্ন করে বিবাহ হলে নগদ টাকা পাবে পাঁচ হাজার। তখনকার দিনে পাঁচ হাজার টাকাটা একটা মোটা অঙ্ক। সাধারণ সম্পন্ন মধ্যবিত্ত ঘরের মেয়ের বিবাহ হাজার থেকে দু-হাজার টাকার মধ্যেই হয়ে যেত। আড়াই হাজার হলেই সে বিয়েতে বড়লোকী ছোঁয়াচ লাগত। তিন হাজারে কথাই নেই, চার হাজারের উপরে উঠলে সে হত রাজকীয় বিবাহ। যাই হোক, লোকে বললে—সুকোশলে কন্যাটিকে একভাগ থেকে বঞ্চিত করলেন অবিভাবকেরা। আর বললেন—অন্য বিয়ে হলে আরও ভয় আছে; পাত্রপক্ষ হয়তো ভবিষ্যতে এই উইল নাকচ করবার চেষ্টা করতে পারে। এখন এমনভাবে বিনিময় করে বিয়ে হল যে, সে আশঙ্কা আর রইল না। নারায়ণের বড় মামার বৈষয়িক বৃদ্ধির কুটিলতার অপবাদ আছে। ভদ্রলোক কুটিল না হোন বৈষয়িক বৃদ্ধিতে জটিল, তাতে সন্দেহ নাই। কিন্তু একথা শপথ করেই বলব যে এ ক্ষেত্রে তাঁর বা তাঁর মায়ের এমন কোনো অভিপ্রায় ছিল না। আপন সংসারের পুত্র-কন্যাদের উপর এমন অগাধ অপরিমেয় স্নেহ সচরাচর দেখা যায় না। আমি বা বৃদ্ধেছি তাতে এই বিবাহ ব্যাপার আকস্মিক। এই ইচ্ছেটাই বড়। হঠাৎ মনে হয়েছে এই সঙ্গে মেরেটির বিয়ে দিয়ে

নিজের দায়িত্ব পালন সমাধা করলে কি হয়? তারপরই এসে দিয়েছে—
উৎসব, আড়ম্বর আনন্দের কল্পনা। ধনী মানুষের প্রকৃতিই ওই। ধনসম্পদের ধর্মই
ওই। উৎসব আরম্ভ হলে তাকে যতখানি বড় করে প্রসারিত করা যায় তাই করলেন
তারা। শব্দ ধনীর কথাই বা কেন, মানুষের স্বভাব হল আনন্দের সম্মান করা।

থাক কারণ অনুসন্ধান। মোট কথা ও'র ধরলেন—তারা আমাদের মেয়ে নেবেন।
বিনিময়ে তাদের মেয়েটিকেও আমাদের নিতে হবে। না হলে কথা এইখানেই থাক।

তখন পিসিমার মনেও ছোঁয়াচ লেগেছে। ষোল বছরের ছেলের সঙ্গে দশ
বছরের মেয়ের বিয়ে দিয়ে পরিণত বয়সে পুতুল খেলার নেশা ধরেছে মনে। বললেন
—কুষ্ঠী দেখানো হোক!

মা শব্দ আপত্তি তুললেন। বললেন—ছেলেও ছোট, মেয়েও ছোট, বিয়ের
সম্বন্ধ হয়ে থাক। বিয়ে দু-বছর পরে হবে।

সে কথা গিন্নী এবং পিসিমা নাকচ করে দিলেন।

গিন্নী বললেন—আমার নারায়ণের বা বয়স কি? সে তো তারাকঙ্কর থেকে
তিন মাসের ছোট গো।

পিসিমা বললেন—ইংরিজি ফেশান। আমার দাদার বিয়ে হয়েছিল পনেরো
বছর বয়সে।

মাকে চুপ করতে হল। কারণ, না হলে ওই ঘরে কন্যার বিবাহ হয় না।

কোষ্ঠীর ষোটক বিচারে বসলেন গ্রহচার্য।

বিচারে দেখা গেল—ষোটক হয় না। মেলে না কোনো রকমেই।

আবার এলেন নতুন গ্রহচার্য। তিনি সব দেখেশুনে বললেন—মিল হয়েছে বই
কি। মিল যদি না হবে তবে কন্যাপক্ষ পাত্রপক্ষ উভয় পক্ষের মনের মিল হয় কেমন
করে? তা যখন হয়েছে তখন এ বিবাহে কোনো বাধা নেই। তবে—

—কি তবে?

—এই মানে, পাত্র এবং কন্যাতে ঝগড়াঝাঁটি হবে। ইনি বলবেন আমি বড়, আমার
হুকুম মেনে চলতে হবে। উনি বলবেন—আমি বড়, আমার হুকুম মেনে চলতে
হবে; এই আর কি। ইনি যদি বলেন, দাও তো তেলের বাটিটা সন্নিবে, উনি বলবেন,
নাও না হাত বাড়িয়ে টেনে, পারছি না। ইনি অস্বল খেতে চাইলে, উনি ঝোল খেতে
চাইবেন। এই আর কি!

হাসির কলরোল উঠে গেল। এবং পাকা হয়ে গেল কথা।

গ্রামে কথাটা প্রচার হতেই অপবাদ রটে গেল আমার এবং নারায়ণের নামে। রুটল—
নানুরে চণ্ডীদাসের ভিটা দেখতে গিয়ে আমরা নিজেরাই এই বিয়ের সম্বন্ধ করে
এসেছি। সেখানে শপথ করে এসেছি।

ঘটনাটি এইরূপ—

মাস কয়েক আগেই বাইসিক্স হয়েছে। নারায়ণ এবং আমি একসঙ্গে বাইসিক্স
চাপা শিখেছি এবং একসঙ্গে এক কোম্পানির এক রকম বাইসিক্স কিনেছি। ছেলে-
মানুষের পা যত শক্ত হয় ততই সে বেশী হাঁটতে চায়। আমাদের বাইসিক্স হতেই

ভ্রমণ-বাসনা উদগ্ৰ হইয়া উঠেছিল। পদ্মজোর ছুটিতে, চন্দ্রনারায়ণ সেরে ওঠায় পরই নারায়ণ এবং আমি দুজনে পরামর্শ করে গোলাম নানুর চণ্ডীদাস। আমাদের গ্রাম থেকে এগারো-বারো মাইল পথ। নানুর দেখে এলাম, কিন্তু হলপ করে বলতে পারি পরস্পরের ভঙ্গীকে বিবাহে বন্ধুত্বের পরাকাস্তা দেখাবার শপথ নেওয়া দূরে থাক, এমন কল্পনাও আমাদের মনে ওঠে নি।

বৃদ্ধ গ্রহাচার্য যিনি তিনিও হেসে বললেন—ও কথা আমি-মুখ দেখেই জানতে পেরেছিলাম।

বৃদ্ধ বহুদর্শী ছিলেন—দ্রিকালদর্শী না থাকুন। তিনি যে উভয়পক্ষের আগ্রহ লক্ষ্য করে তারই উপর নির্ভর করে এই বিবাহে বোটক বিচারে খুঁতগাুলি উপেক্ষা করেছিলেন তার কারণ তিনি পরবর্তীকালে বলেছিলেন। বলেছিলেন—এমন ধরনের বিবাহ, যে বিবাহে কন্যা দুটি একেবারে নিরাপদ, মানে এ বাড়িতে বউ বকুন খেলে এ বাড়ির বেটী ও বাড়িতে গজনা খাবে। ও বাড়ির বউয়ের গহনা হলে এ বাড়ির সাধ্য যদি না-ও থাকে তবে ও বাড়ির বেটী হিসাবে ও বাড়ি থেকেই এ বাড়ির বউয়ের জন্যে গয়না আসবে। এ বিবাহে যখন দু-পক্ষের এমন আগ্রহ তখন কি সামান্য ওই সব খুঁতের জন্যে অমত করতে আছে? ওই রাজবোটক। ঝগড়াঝাটি—ও আর কদিন করবে বাবা? বাবা, জল আর পাথর, জলে পাথর কেটে নিজের পথ করে নেয়—পাথর দুই রেড় দিয়ে তাকে ধরে থাকে। তেমনি করেই জলে পাথরে মিলে মানিয়ে নেবে; ‘দু-বছর’, ‘পাঁচ বছর’, বড় জোর ‘দশ বছর’! কত ঝগড়া করবে? শেষকালে ক্লান্ত হয়ে ক্ষান্ত দেবে।

বিয়ের দিন স্থির হল দশই-বারোই মাঘ। দশই মাঘ নারায়ণের বিয়ে, বারোই মাঘ আমার।

নয়

ছেলেবেলায় আমার এক সঙ্গী ছিল—আমার সম্পর্কীয়া এক ভাই-ঝি। চারু তার নাম। আমার চেয়ে বয়সে সে বড়। তার কথা ‘আমার কালের কথা’ বলছি। চারুর এক সঙ্গিনী ছিল, তার নাম দুর্গা। ‘দুর্গো’ বলে ডাকত তাকে। যে দিকের সম্পর্কে চারু আমার ভাইঝি সেই দিকের সম্পর্কে দুর্গা ছিল আমার নাটনী। দুর্গার মা ছিলেন আমার ভাইঝি। ঠিক চারুর মতোই ভাইঝি। চারু এবং দুর্গা মাসী-বোনঝি কিন্তু সমবয়সী, পরস্পরের খেলার সঙ্গিনী। সেদিক দিয়ে ওদের সম্পর্ক ছিল—বেমান। দুর্গার ছেলে-পুতুলের সঙ্গে চারুর মেয়ে-পুতুলের বিয়ে হত। চারুর ছেলে-পুতুলের বিয়ে হত দুর্গার মেয়ে-পুতুলের সঙ্গে। বিয়েতে খুব ধুমধাম হত। গড়ের বাদ্য থেকে দীর্ঘতাং ভোজ্যতাং ভোজ। অবশ্য টিনের গড়ের বাদ্য, আর ধুলোকাদার লুচিচমুড়া। তা হলেও হত। আমি টিন বাজাতাম এবং খেতাম। তারপর খেলা শেষ হতেই লাগত দুই বয়সে ঝগড়া। ঝগড়ার কারণ অবশ্য প্রতিদিনই নতুন কিছু থাকত, কিন্তু পরিণতি হত এক। বিয়ে ভেঙে দিয়ে

যে-বার পদ্মতুল নিয়ে বাড়ি চলে যেত। নিজের পদ্মতুল পনের কাড়ি—হোক সে বেরান—প্রাণ ধরে কিছতেই পাঠাতো না তারা। তার চেয়ে হোক বিয়ে বাতিল।

আমার বিয়ের পরই যে বিবাদটি ব্যথলো পাঠপক্ষে আমার পিসিমায়ের সঙ্গে কন্যাপক্ষে উমার দিদিমার—সে বিবাদটিও আসলে ওই বিবাদ। ষোলো বছরের বর, দশ বছরের কনে। পাঠপক্ষ যখন বলেন—বউ আমাদের ঘরে থাকবে, তখন পাঠীপক্ষ বলেন—সে হবে না বাছা, এটা কি একটা কথা হল? ওই দশ বছরের মেয়ে, ও কি আমাকে ছেড়ে থাকতে পারে? না, আমি ওকে ছেড়ে থাকতে পারি? সে হবে না। আবার পাঠীপক্ষ যখন কোনো উপলক্ষ দেখে জামাইকে প্রথমতো নিজের বাড়ি নিয়ে যেতে চান দূ-চার দিনের জন্য, তখন পাঠপক্ষ বলেন—বলো কি বাছা? এ আবার কি কথা? ষোল বছরের ছেলে শ্বশুরবাড়ি যাবে কি? দিনে নেমন্তন্ন কর, যাবে থাকে চলে আসবে। ও-সব হবে-টবে না।

ওদিকে মেরেটি ইস্কুলে পড়ে; গ্রামের পথ দিয়ে ইস্কুলে যায়, পথে কত শ্বশুর-ভাসুরের সঙ্গে দেখা হয়। বিয়ের পর বউ-মানুষ ইস্কুলে যাবে, এ এক সমস্যা। এ সমস্যাটা হঠাৎ একদিন একটি ঘটনায় গুরুতর হয়ে উঠল। গ্রামে এলেন ডিস্ট্রিক্ট ম্যাজিস্ট্রেট। তিনি ছেলেদের ইস্কুল, মেয়েদের ইস্কুল পরিদর্শন করলেন। তাঁর সঙ্গে গ্রামের ভদ্রলোকেরা পার্শ্বদের মতো সঙ্গে ছিলেন। তাঁদের মধ্যে ছিলেন আমার এক সম্পর্কিত দাদা। উমা ইস্কুলে মেয়েদের সারিতে দাঁড়িয়ে টেনে দিলে হাত-খানেক ঘোমটা। ঘটনাটা গ্রামে একটি সরস হাস্যরসাত্মক গল্প হিসেবে মুখে মুখে ফিরতে লাগল। এতে ষোল বছরের বরটি পূলে দারুণ লজ্জা। এবং নিজেকে অপমানিতও বোধ করলে। সে দিলে মাথা নাড়া। বউমানুষ ইস্কুলে পড়া আর হতেই পারে না। কখনই না।

আবহাওয়াটা ক্রমশ কালবৈশাখীর ঝড় ওঠার আগের গুমোট আবহাওয়ার মতো হয়ে উঠল। ঝড়ও এল একদিন। মাঘ মাসে বিয়ে হল, মাঝে ফাল্গুন-চৈত্র গেল বৈশাখী দূপদূরের মতো; তারপর বৈশাখের অপরাহ্নে এল সেই ঝড়।

হঠাৎ গ্রামে আরম্ভ হল কলেরা।

রাধাদাদা হেঁটে তুললেন—মহামারী! মহামারী! পালাও। পালাও। আমার মা এই সন্ধ্যোগটি ধরে পিসিমাকে বললেন—আমি তা হলে ছেলে-বউ, মেয়ে-জামাই নিয়ে একবার পাটনা ঘুরে আসি। মা-বাবাকে দেখিয়ে আনি। এ কামনাটুকু তাঁর অন্তরের এবং বাংলার মেয়েদের পক্ষে স্বাভাবিক।

আমার মাতামহ এর প্রায় বছর দুয়েক আগে থেকেই শয্যাশায়ী হয়ে আছেন। মাথার শিরা ছিঁড়ে শরীরের একটা দিক পঙ্গু হয়ে গেছে। দিদিমাকে অহরহ তাঁর শিয়রে প্রয়োজন। এবং আমার মামাদের বাড়িতে তখন নানা বিশৃঙ্খলা এবং আর্থিক অবস্থাও অসচ্ছল। এই কারণেই আমাদের বিয়েতে তাঁদের কেউ-ই আসতে পারেন নি। এক্ষেত্রে ছেলে-বউ, মেয়ে-জামাই নিয়ে বাপের বাড়ি যাওয়ার সাধটা মেয়েদের একটা বড় সাধ। ভালো জামাই হয়েছে, রূপবান ছেলে, সম্পদশালী ঘরের সন্তান, লেখাপড়াতে ভালো। বউটি সুন্দরী নয়, কিন্তু অসুন্দরী স্ব কালো কেউ বলতে

পারবে না। ধনীর ঘরের মেয়ে, বউ এবং মেয়ের গায়ে এক-গা গয়না। সুতরাং দেখাবার অভিশ্রাবের মধ্যে অহংকার না থাক, গৌরব অনুভবের হেতু আছে। এই আশা নিয়েই ওঁদের বাড়িতে আমার মা নিজেই গেলেন; সন্নিহনেই জানিয়ে এলেন অনুরোধ। ওঁরা বললেন—ভেবে দেখি।

ভেবে চিন্তে উত্তর পাঠালেন—মেয়ে আমাদের ছোট। অত দূর পাঠাতে পারব না বাপু।

মা বললেন—বেশ। বউমা এখন আপনাদের কাছে থাকুক। নারায়ণ এবং বউদীকে পাঠিয়ে দিন। এর পর বউমা অবশ্যই পাঁচবার যাবেন, যাবার সুযোগ হবে। কিন্তু নারায়ণ-বউদীর যাওয়া হয়তো ঘটবে না। ওদের নিয়ে যেতে চাই আমি।

আবার ভেবে চিন্তে উত্তর পাঠালেন—উঁহু। সে হবে না।

এবার পিসিমা গর্জে উঠলেন—তাহলে আমাদের ছেলে-বউ যাবে।

—না, তোমাদের ছেলে তোমরা নিয়ে যাও। আমাদের মেয়ে পাঠাবো না।

—তাহলে আমাদের মেয়েও পাঠিয়ে দাও। আমরা ছেলে মেয়ে নিয়ে যাব।

—উঁহু। তোমাদের ছেলের উপর জোর নেই। কিন্তু তোমাদের মেয়ে আমাদের বউ, তাকে পাঠাবো না।

ভালো-রে-ভালো! এ তো দেখি গায়ের জোরের কান্ডের মতো কান্ড! আমাদের বউ পাঠাবে না, বলবে আমাদের মেয়ে। আবার আমাদের মেয়েও পাঠাবে না, বলবে আমাদের বউ—তা হলে চলবে কেন? হয় আমাদের বউ দাও, নয় তো আমাদের মেয়ে দাও।

—উঁহু। মেয়েও পাবে না, বউও পাবে না। আমাদের মেয়ে ছোট, বড় হোক, তবে যাবে। তোমাদের মেয়ে আমাদের বউ, সেয়ানা। সে বাপের বাড়ি যাবে কি? শ্বশুরবাড়িতে থাকবে।

—একবার তার দাদামশায় দিদিমাকে দেখতে যেতেও দেবে না?

—না। বড় মেয়ে তাকে আর দাদামশায় দিদিমার আদর নিতে যেতে হয় না।

—হয় না?

—না। আমাদের মেয়েকে নিয়ে যেতে এসেছি। আমরা সপরিবারে সিউড়ি যাচ্ছি। সে আমাদের সঙ্গে যাবে।

বউ তার আগেই পালিয়েছে আমাদের খিড়কির পুকুরের কলাবাগানের আড়াল দিয়ে, ছাই-গাদা আস্তাকুড় মাড়িয়ে, পুকুরের জলনিকাশী নালা-পথ ধরে।

—ওর বাস্ক-টাস্কগুলো দাও তবে।

এইবার বরটি উঠল ক্ষেপে—কী? এত বড় অপমান। আমাদের একটা কথাও থাকবে না?

যিনি বউয়ের বাস্ক নিতে এসেছিলেন তিনি যাদবলালবাবুর স্ত্রী গিন্নীর আশ্রিতা। মানুষিট বড় ভালো। বাল্যবিধবা, গিন্নীর সেবায়ত্ত করতেন। উমাকে খুব ভালো-বাসতেন। তিনি বললেন—কি করব? আমাকে যেমন বলেছেন—

—বেশ। তবে শুন, বউয়ের বাস্ক-পেঁটরা গয়নার্গাট্টই নয়, সব-সব বিয়েতে

আমাকেও বা-কিছু দিয়েছ—তাও নিয়ে যাও! বউয়ের উপরেই যখন কোনো জোর নেই, অধিকার নেই, তখন চেন-বাড়ি-আংটি শাল—এসব নিয়ে কি হবে? যাও, সব নিয়ে যাও।

হিড়হিড় করে টেনে বাস্ক-পেট্রা, গয়নার বাস্ক, বরকে দেওয়া বাস্ক-বাড়ি-চেন-শাল-আংটি—সব বের করে দিলাম আমি।

—যাও, নিয়ে যাও। - যাও!

ধুমায়মান অবস্থাটা হঠাৎ যেন জ্বলে উঠল দাউ দাউ করে। ব্যাপারটা যত আকস্মিক তত রুঢ়। এ যেন বিয়ে-ফেরত হওয়ার ব্যাপার!

সকলে হতভম্ব হয়ে গেলেন। আমার পিসিমা পর্যন্ত। সকলে স্তব্ধ। হঠাৎ বাড়ির বাইরে থেকে বাড়ি ঢুকবার রাস্তা ঘরের গলিপথ বেয়ে গিন্নীর কঠিন কণ্ঠস্বর ভেসে এল—যাও গৌরদাস নিয়ে এস, সব নিয়ে এস। যাও।

গিন্নী বাইরের দরজার মূখে সম্মুখের অন্ধকারে এসে কখন দাঁড়িয়েছিলেন, শুন-ছিলেন সব কথা।

গৌরদাস নামক ভূত্যাটি এসে দাঁড়িয়ে মাথা চুলকাতে লাগল।

আমি দেখিয়ে দিলাম—এই যে!

—নিয়ে এস গৌরদাস।

আমিই তুলে দিলাম সব গৌরদাসের মাথার উপর। গৌরদাস একে একে বয়ে নিয়ে গেল। দুই বাড়ি প্রায় পাশাপাশি। দুই বাড়ির মধ্যে আছে আমাদেরই ঠাকুর-বাড়ি এবং এই ঠাকুরবাড়ির ভিতর দিয়েই ঠুঁদের বাড়ির সদর রাস্তার যাওয়ার পথ। এই পথে গিন্নী এর পর থেকে নিতাই যতবার যাওয়া-আসা করেছেন ততবারই একবার করে থমকে দাঁড়িয়ে শুনতে চেষ্টা করেছেন কি কথা হচ্ছে আমাদের বাড়িতে। এবং এই ঝগড়াঝাটি নিতাই বেড়েছে। এর ফলে আমাদের বাড়িতে হাসির শব্দ শুনলে সন্দেহ করেছেন হয়তো সর্ববাদীসম্মত কোনো জবর ফন্দির হাদিস এরা নিশ্চয় পেয়েছে যাতে তাঁরা জম্ম হবেন। কথান্তর শুনতে পেলে সন্দেহ করেছেন। এই নিয়েই মতভেদ হওয়ার ফলেই এই কথান্তর শুরু হয়েছে।

উপরের ঘটনা খাত্তীদেবতায় প্রায় হুবহু দেওয়া আছে। এমন কি গৌরদাস এবং শ্রীপদরের বউ নাম দুটি পর্যন্ত।

আজকে পরিণত বয়সে পিছনের দিকে চেয়ে সমস্ত ঘটনাকেই হাস্যকর বলে মনে হচ্ছে। এবং এর স্বরূপ নির্ণয় করতে গিয়ে দুর্গা এবং চারদর পদতুল খেলার শেষের ঝগড়ার সঙ্গে কোন প্রভেদ চোখে পড়ে না। মনে হয়, মানুষের গৈশব থেকে বার্ষিক্য পর্যন্ত মনের খেলা একই খেলা; ওর আর দুই নেই। তফাতের মধ্যে যত বয়স হয় তত যুক্তিতর্করূপ ছদ্মবেশের বহর বাড়ে। আসলে ওটা ওই দুর্গা-চারদর ঝগড়া।

দশ

আমরাই সেদিন হারলাম। ওরা জোর করে মেয়ে বউ দুই-ই নিয়ে চলে গেল।

আমরাও তিন ভাই এবং মা চলে গেলাম পাটনা। পাটনায় আমার মামার বাড়ির সংসার একটি আশ্চর্য সাধনার সংসার এবং আশ্চর্য উদার সংসার। সেখানে আমার বড় মামার কঠোর শাসনে বাড়ির ছেলেদের চারিদিকে একেবারে কঠোর কৃচ্ছ্রসাধনের গন্ডী। ছেলেরা পড়ছেই, পড়ছেই, পড়ছেই। আর উদারতার দিকে এই বাড়িটিতে অভাব-অনটন সত্ত্বেও যে আত্মীয়, যে স্বজন এসেছেন কারুরই স্থানের অভাব হয় নি। অভাবের মধ্যে যা জুটেছে তাই সকলে মিলে সমান ভাগে ভাগ করে খেয়েছেন।

এখানে এসে সঙ্গী পেলাম আমার নমামাকে। আমার চেয়ে বছর দুয়েকের কি তিনেকের বড়: সোনার মতো গায়ের রং, তেমনি প্রিয়দর্শন। আই-এ পরীক্ষা দিয়েছেন। ছুটি অবসরে দু'জনের অন্তরঙ্গতা গাঢ় হয়ে উঠল। ইতিহাসে যেমন তাঁর অনুরাগ তেমনি ছিল তাঁর পড়াশুনা, জানাশুনা। পাটনার সিপাহী বিদ্রোহের আমলের ঐতিহাসিক স্থানগুলি থেকে শুরু করে প্রবৃত্তি বিভাগের আবিষ্কৃত সন্ধ্যা চন্দ্রগুপ্তের সম্মলে ভূগর্ভস্থ রাজধানীর সমস্ত কিছু তিনি দেখেছিলেন, জেনেছিলেন। সে সবগুলি আমাকে তিনি দেখাতে শুরু করলেন। এবং মুখে বলে যেতেন ইতিহাস। বড় বড় নজীর ছিল তাঁর কণ্ঠস্থ। সেই সব তিনি বলতেন আমাকে, শেখাতেন, বাড়িতে পড়তে দিতেন।

তখন সন্ধ্যা চন্দ্রগুপ্তের একশো স্তম্ভ দিয়ে গড়া সবুহ সভাকক্ষ মাটি খুঁড়ে বের করা হচ্ছে। সে এক বিস্ময়কর দৃশ্য। শত শত শ্রমিকে মাটি খুঁড়ে বের করে চলেছে অতীত কালের বাড়ি ঘর সভাগৃহ। মনে কল্পনার রথ ছুটে চলত। কত কাহিনী, কত রোমাঞ্চকর গল্পকথা মনে উঠে মিলিয়ে যেত।

সভাকক্ষের একশো স্তম্ভের যতগুলি অক্ষত ছিল, সেগুলির কতক গিয়েছিল বোম্বাইয়ের যাদুঘরে, কতক ছিল পাটনার যাদুঘরে, আর ভাঙা স্তম্ভগুলি পড়েছিল এই খোঁড়া জায়গার গর্তের মধ্যে। কি বিপুল তার পরিধি। দু'জন লোকে হাত বাড়িয়ে জড়িয়ে ধরতে পারত না। আরও বিস্ময় বোধ করেছিলাম সেদিন আর এক কারণে। এই স্তম্ভগুলি নাকি স্থাপিত হয়েছিল মজবুত কাঠের মণ্ডের উপর। সেই কাঠগুলির কিছু কিছু পাওয়া গিয়েছিল। কাঠ নয় বিশাল আয়তন শাল গাছের গুঁড়ি।

শালমলী বনস্পতি না বললে মন যেন ভরে ওঠে না। অবাক হয়ে দেখেছিলাম প্রথম দিন। দেখতে দেখতে কি মনে হয়েছিল। হাত দিয়েছিলাম, প্রায় দু'হাজার বছর আগেকার শালের গুঁড়ি।

কত শত বৎসর মাটির নিচে ছিল চাপা। সে পচেছে। হাতখানা ঢুকে গেল যেন সদা জলশূন্য কোনো দীর্ঘর পক্ষস্তরের মধ্যে। সে স্পর্শে দেহ শিউরে উঠেছিল। সভয়ে বের করে নিয়েছিলাম হাত। আমার হাতের দৈর্ঘ্য তাকে পরিমাপ করাও সম্ভবপর ছিল না। তারপর একখানা বাথারী নিয়ে সেটার মধ্যে ঢুকিয়ে দিলাম। এবার পেলাম শক্ত অংশের সন্ধান। বাথারী দিয়েই প্রায় শিশুর মতো অথবা উন্মত্তের মতো হাড়াতে লাগলাম পচা অংশটাকে। পচা অংশ ছাড়িয়ে ফেলতে গিয়ে জামা-কাপড় নষ্ট হয়ে গেল। মুখে লাগল তার দাগ। জিভে অনুভব করলাম তার স্বাদ। শেষে বের করলাম সেই কঠিন অংশটুকুকে। দু' হাজার দেড় হাজার

বৎসরেরও এই সার অংশটুকুকে কাল জীর্ণ করতে পারে নি। রক্তচন্দনের মতো বর্ণ সে অংশটুকুর। কোথাও পরিধিতে দৃ' ফুট, কোথাও তিন-চার ইঞ্চি, কোথাও বা সবটাই পচে গিয়ে পরবর্তী অংশের সঙ্গে বিচ্ছিন্ন করে দিয়েছে এই অংশটাকে। ওজনও তেমনি।

নমামা বললেন, হিমালয়ের শাল; নেপালের নিচে তরাই থেকে আনা হয়ছিল এই সব কাঠ।

হিমালয়ের পাদদেশে দৃ-হাজার বছর আগে বিশাল পল্লব মেলে দাঁড়িয়ে থাকত— এই শাল্মলী বনস্পতি। সূর্যকে বন্দনা করত।

সেই টুকুরোটুকু হাতে করে সেদিন বাড়ি এসেছিলাম। পথে নমামা এবং আমি কষ্করবাগের নির্জনতায় স্তব্ধ হয়ে বসেছিলাম। মন সেদিন আচ্ছন্ন হয়ে গিয়েছিল। কষ্করবাগের আম গাছের তলায় তলায় তখন অন্ধকার গাঢ় হয়েছে। সন্ধ্যা নেমেছে দিগন্তে, কষ্করবাগেও রহস্য ঘনীভূত হয়ে উঠেছে।

কষ্করবাগ নবাবী আমলের প্রমোদ কানন। পরিত্যক্ত, নির্জন।

আমার সেজ মামা প্রথম কলেজ জীবনেই বিপ্লবী দলভুক্ত হয়েছিলেন, উত্তর ভারতের বিখ্যাত বৈপ্লবিক নেতা রাসবিহারী বসুর দলে মিশেছিলেন। স্বর্গীয় শচীন্দ্র সান্যালের সঙ্গে তাঁর যোগাযোগ ঘনিষ্ঠ হয়ে উঠেছিল। দৃ'-দৃ'বার তিনি ঘর থেকে পালিয়ে গিয়েছিলেন। একেবারে সকল সংস্রব ছিন্ন করে এই দলের কাজে ঝাঁপ দিয়ে পড়বার অভিপ্রায় ছিল তাঁর। কিন্তু দৃ'-দৃ'বারই তাঁর ছোট ভাই, আমার নমামা তাঁর উদ্দেশ্য আবিষ্কার করে প্রায় সঙ্গে সঙ্গেই অনুসরণ করে ফিরিয়ে এনেছিলেন তাঁকে। কাশীতে সান্যালমশায়ের বাড়ি থেকেই ধরে এনেছিলেন। এর পরই তিনি সঙ্গে মারা যান। তাঁর মৃত্যুর পর বিপ্লবী দলই আমাদের জানিয়েছিলেন যে, একটি রিভলভার তাঁদের বাড়িতে থাকার কথা। সেটি নাকি ছিল আমার মৃত মামার কাছে। তাঁরা সেটি ফেরত পাবার অনুরোধ জানিয়েছিলেন। বাড়িতে কিন্তু পাওয়া যায় নি সেটি। পরে অনুসন্ধান করে তাঁর খাতাপত্রের মধ্য থেকে পাওয়া গিয়েছিল এর খোঁজ; 'কষ্করবাগে রইল' এমনই ধারার কথা এই নমামাই বোধ হয় আবিষ্কার করেছিলেন। সে কথা তাঁদের বলেও দিয়েছিলেন। বিস্তীর্ণ ভেঙে-পড়া কষ্করবাগের ভিতর থেকে তাঁরা এটি উদ্ধার করতে পারেন নি। অজ্ঞাত গদ্যস্থানেই সেটি থেকে গিয়েছে।

সেদিন সন্ধ্যায় কষ্করবাগে বসে নমামা সেই কথাটি আমার কাছে প্রকাশ করেছিলেন। এই সংবাদটি আমার মনে বিচিত্র এক রোমাণের সৃষ্টি করেছিল। নমামা সেদিন পাটনার নবাবী আমলের সমৃদ্ধ কষ্করবাগের গম্পও বলেছিলেন। কাহিনী-গদ্যি ভুলে গিয়েছি আজ, কিন্তু সূক্ষ্ম কষ্করবাগের আলোকোজ্জ্বল সারেঙ্গী-নৃপদ্বর-কষ্কর-মুখর রাগির স্বপ্ন-কল্পনা মন থেকে আজও মূছে যায় নি। সেই ষোল-সতের বৎসর বয়সে ভাঙা কষ্করবাগেই আমার প্রথম পরিচয় ঘটেছিল নবাবী আমলের ঐশ্বর্য-বিলাসের সঙ্গে। এই ষোল বছর পর্যন্ত আমি লাভপুরের বাইরে বিশেষ কোথাও যাই নি। কয়েকবার সিউড়ি ছাড়া দশ বছর বয়সে গিয়েছিলাম বিহার

শরিফ। আমার মাতামহ বিহার শরিফে চাকরি করতেন। বিহার শরিফেও বড় আমীর মদুলমানের বাড়ি বাগান আছে—সে আমি দেখি নি। বিহার শরিফের দৃষ্টি জায়গার স্মৃতি মনে আছে। বিহার শরিফের উত্তর দিকে খুব বড় কয়েকটি মাটির স্তূপ আছে। কেউ বলেন ওই স্তূপের তলায় আছে বৌদ্ধ বিহার, কেউ বলেন ওর তলায় পোঁতা আছে কামান বন্দুক। পাদপগদ্গম্ভহীন সেই মাটির স্তূপের দিকে বিস্ময় এবং কৌতূহলভরা দৃষ্টি নিয়ে তাকিয়ে থাকতাম অপরাহ্নের পর অপরাহ্ন। নিত্য অপরাহ্নে সৈদিকে যেতাম; এই দিকেই ছিল বিহার স্কুলের খেলার মাঠ। আর মনে আছে বিহারের পশ্চিম দিকে কয়েক মাইল দূরে একটি ছোট পাহাড়, সেই পাহাড়ের উপর একটি মসজিদ। মসজিদের গম্বুজের চারি দিকে ছোট ছোট খুপরিতে অসংখ্য টিয়া পাখির বাসা। আর পাহাড়টির একটি দিক আশ্চর্য রকমের খাড়া সোজা, মনে হয় কেউ যেন পাহাড়টির ওদিকের অংশটি তীক্ষ্ণধার অস্ত্র দিয়ে কেটে তুলে নিয়ে গিয়েছে। এক খাঁ-খাঁ-করা প্রান্তরের মধ্যে সেই পাহাড়টির উপর সেই মসজিদটি যেন স্বর্গ ও মর্তের মধ্যলোকে একটি সরাইখানার স্মৃতির মতো আমার মনের মধ্যে বাসা গেড়ে রয়েছে। বিহারের আর একটি কথা মনে পড়ছে। বিহারে ছিলাম আমরা তিন সঙ্গী। তিনজনের মধ্যে আমি আর দু'জন নেই। একজন আমার মাসতুতো ভাই মণি, সে আমার থেকে ছমাসের ছোট, আর একজন আমার পঞ্চম মাতুল বৈদেহীনাথ, আমার থেকে বছরখানেক কি বছর দেড়েকের ছোট। আমরা তিনজনে তর্ক করতাম, বাঁড়ুজেরা বড় না মদুখুজেরা বড়, না চাটুজেরা বড়? চাটুজের মণির খুঁটি ছিলেন বীক্ষমচন্দ্র, মদুখুজের বৈদেহীর মদুখাগ্রে ছিল আশুতোষের নাম, আমার খুঁটি ছিলেন সুরেন্দ্রনাথ হেমচন্দ্র। আমার মেজ মামা হাসতেন। তাঁর কাছেই তখন জেনেছিলাম ডবলিউ. সি. ব্যানার্জির নাম এবং রবীন্দ্রনাথ ঠাকুরও শার্ণ্ডিল্য গোষ্ঠীয়, বাঁড়ুজেরদের দলে পড়েন। কিন্তু এত প্রবল বল সত্ত্বেও আমার উচ্চতা খর্ব হয়ে যেত নন্দলাল বাঁড়ুজের নামে। নন্দলাল বাঁড়ুজের পদলিঙ্গ ইন্সপেক্টর যিনি মোকামা স্টেশনে প্রফুল্ল চাকীকে ধরতে গিয়েছিলেন।

আমরা তিনজনে সেই সময়েই একটি বিপ্লবীর দল গঠন করেছিলাম। এবং প্রতিজ্ঞা করেছিলাম—কিংসফোর্ডকে আমরা মারব। কিংসফোর্ডের অপরাধ আমরা জানতাম না, তবে ক্ষুদীরাম এবং প্রফুল্ল চাকী যখন তাকে হত্যা করতে চেয়েছিলেন তখন নিশ্চয়ই তাঁর অপরাধ ছিল অতি গুরুতর। একদিন এই নিয়ে গোপন পরামর্শ শুনলে ফেলোছিলেন আমার মাতামহ নিজে। এবং খুব একচোট হেসে শেষে শাসন করেছিলেন। বলেছিলেন, কে কোথায় শুনবে। আমার সরকারি চাকরিটি তোরা খাবি।

আমাদের দলের আর একটি কর্ম ছিল চুরি। বাড়ির পাশেই ছিল একখানি ক্ষেত, পাকা পাঁচিল দিয়ে ঘেরা। তার মধ্যে প্রচুর শালগম এবং ফুলকাপি হত। আমরা নিত্য স্প্রিংহর্সে কাঁচা শালগম এবং কাপি তুলে ভক্ষণ করতাম। আর দরজা জানলা বন্ধ করে নিয়মিত ডন-বৈঠক করে শক্তি সঞ্চয় করতাম। মণি এবং মামা বৈদেহী বলতো বিহারীদের কাছে বাঙালীর দৈহিক দুর্বলতার জন্য পাতবার উপায় নেই। দুর্বল ভেতো বাঙালী। এ নিয়ে প্রতিবাদ করলেই ওরা হাত চেপে ধরে বলে, এসো,

প্রমাণ কর। একদিন সারা সকাল এই নিয়ে আমাদের উত্তম আলোচনা হল। ক্ষুদ্ররাম প্রফুল্ল চাকীর নজীরেও আমরা জিততে পারলাম না। বাড়ির সামনে থাকত পাগলা যান্দুবাবু, সেই যান্দুবাবু আমাদের হারিয়ে দিলেন। বললেন, আরে পিস্তোল আউর বোম নিয়ে লড়াই তো যার খুশী করতে পারে। মেইয়া লোকেও পারে। উসমে শরীরের তাগদের পরিচয় কোথা? কিস্কর সিং, গোলাম, গামা, রাম মুরত—এঁদের তাগদের কথা জান। এরা চার ঘোড়ার আট ঘোড়ার গাড়ি বাঁ হাতে ধরে রুখে দেয়; বৃকের উপর হাতী চাপায়। সাহেব লোকের স্যাণ্ডা-ওণ্ডা যত বড় বড় তাগদওলা আছে সবকোইকে কড়ে আঙুলে করে পটকে দেয়। আরে এরা যদি ইচ্ছে করে তবে আংরেজ লোককে এক কনুইয়ের গুঁতোতে ভাগিয়ে দিতে পারে। শুধু বলেই ক্ষান্ত হলেন না যান্দুবাবু, বাড়ির পাশ থেকে ডাকলেন এক পালোয়ানকে, তাঁর বিশাল দেহ দেখিয়ে বললেন, দেখ না এদের কাছে লাগো তোমরা? তোমাদের বাংলায় লোকের যে কোনো আদমিকে ডেকে আন। ডেকে আন তোমার মামাদের, এমন কি তোমাদের বড়বাবু দাদামশায়কে ডাক না। ও স্রেফ ফু দিয়ে উড়িয়ে দেবে। তার প্রমাণ দেবার জন্যই বোধ করি যান্দুবাবু কোন ইঙ্গিত করলেন সেই পালোয়ানকে।

যান্দুবাবুর ইঙ্গিতে পালোয়ান বার কয়েক বাই ঠুকে জানুতে চাপড় মেরে এমন বিপদ শব্দ তুললে যে আমাদের তিনজনের কম্পনার বোমার শব্দও তার কাছে হার মেনে মাথা হেঁট করে স্বীকার করলে—নাঃ, এতখানি শব্দ আমরা ফাটলেও হবে না। হার মেনে ফিরে এসে তিনজনে পরামর্শ করলাম—শক্তি সঞ্চয় করে এ দুর্নাম মোচন করতেই হবে। উত্তেজনা সেদিন এতখানি হয়েছিল যে আমরা ঘর থেকে বেরিয়ে পড়েছিলাম। তখন কার্তিকের শেষ, ইস্কুল কাছারি কলেজ খুলেছে; বড় মামারা ইস্কুল কলেজে, দাদামশায় কাছারিতে, মাসিমা দীদিমা এঁরা বাড়ির ভিতরে গল্প করছেন; আমরা মৃত্ত স্বাধীনতার মতো বেরিয়ে পড়লাম। পুরানো শহর বেহারী শরিফ, সংকীর্ণ রাস্তা, বিশেষতঃ বাজারের ভিতরটায়। দেখলাম একথানা সাইকেল চড়ে আসছে একটি নব্য বেহারী তরুণ। দেখেই আমাদের যান্দুবাবুর গল্প চার ঘোড়ার জুড়ি আটকানোর কথা মনে পড়ে গেল। আমি বললাম—আমি ওই সাইকেল আটকাব।

মণি এবং বৈদেহী প্রথমটা অবাক হয়ে গেল। বললাম—সাইকেল আটকে অভ্যাস করলে বড় হয়ে চার ঘোড়া কেন, আট ঘোড়ার জুড়িও আটকাতে পারব।

মণি বললে—কিন্তু ও যে মেজ মামার বন্ধু। আমাদের চেনে। মেজ মামাকে বলে দেবে।

আমি বললাম—আমাকে তো চেনে না। তোমরা সরে দাঁড়িয়ে থাক। বলেই আমি দাঁড়িলাম প্রস্তুত হয়ে। গাড়ি কেমন করে আটকায় কখনও দেখি নি। আটকাতে হলে সামনে দাঁড়িয়ে আটকানোর কথাই সেদিন দশ বছর বয়সের আমার মাথায় এসেছিল স্বাভাবিক ভাবে। ওদিকে সাইকেলটি কাছাকাছি এসে পড়েছে। ঘণ্টা পড়ছে। আমি খুঁট নিয়ে দাঁড়িয়ে ঠিক হ্যান্ডেলের নিচেই রড ধরে ফেললাম। ভদ্রলোক নিজেই বোধ হয়, বোধ হয় কেন নিশ্চয় সাবধান হয়েছিলেন, ব্রেক কষেছিলেন; নইলে আমার সেদিন পড়ে যাওয়াই ছিল গতিবেগ এবং ভারের মিলিত শক্তির অমোঘ অক্ষফল।

ভদ্রলোক চট করে একটা পায় নাইয়েও দিলেন নিচে। সেদিন আমি আমার বিস্ময়কর শক্তি সাফল্যে পুনর্লবিত হয়ে উঠেছিলাম। আমার সে পুনর্লবিত হয়ে উঠল এবং অহঙ্কারে ও আত্মপ্রসাদে রূপান্তর লাভ করলে একটু পরেই। সেই বেহারী তরুণটি জিজ্ঞাসা করলেন—এমনভাবে ছুঁতে এসে আমার সাইকেল ধরলে কেন? পড়ে গিয়ে যে চোট লাগত।

আমি যতটুকু হিন্দীতে দখল ছিল সেই দখল মতো হিন্দী ভাষাতে কোন রকমে বুঝিয়ে দিলাম—বাঙালী দুর্বল নয়, ভীতু নয়, ভেতো নয়, এই প্রমাণ করতে আমি বাইসিকল রুখেছি। বড় হয়ে জুড়ি গাড়ি রুখব।

ভদ্রলোক খুব তারিফ করে বাঙালীর প্রশংসা করে হেসে চলে গেলেন। মণি এবং বৈদেহী মামা এবার অন্তরাল থেকে বেরিয়ে এল। সেদিন সন্ধ্যায় সাড়ম্বরে যাদুদাবাবুর কাছে সেই গল্প করলাম আমরা। যাদুদাবাবু অটুহাস্য করে উঠলেন। সে অটুহাসি আর থামে না।

এর পর ছ'বছর পর পাটনায় এলাম। বিহারের সেই স্তূপ এবং পাহাড়ের উপরের মসজিদ ছাড়া এর মধ্যে ইতিহাসের ছোঁয়াচ লাগা কোনো স্থান আমি দেখি নি। এবার দেখলাম মাটির তলায় চন্দ্রগুপ্তের রাজ্য-সভাকক্ষ; তার পাশে তখনও খনন-কার্য চলছে। বড় বড় ইন্টার প্রশস্তি কক্ষ সিঁড়ি বোরিয়েছে। প্রায় দু' হাজার বছর আগের শাল গাছের গুঁড়ির অংশ পেলাম আমার হাতে। কক্ষরবাগে পুনলাম ওই গল্প। আজ লিখতে বসে হিসেব করে দেখছি বিহারের এই স্মৃতি যেন স্পষ্ট হয়ে উঠল পাটনায়। কক্ষরবাগ যেন একটা আকর্ষণে বাঁধলে আমায়। ফাঁক পেলে একা চলে যেতাম কক্ষরবাগে। রাস্তা কম নয়, অনেকটা। কিন্তু বিহারের ভাগের একভাগ মতো সস্তা পরিবহণ ব্যবস্থার কল্যাণে পথের দুর্ভাবা হয়ে দাঁড়াতে পারে নি। আমার ন'মামা আমাকে প্রায় বেঁধে রাখতেন নিজের সঙ্গে। সকালে উঠেই বের হতাম দু'জনে। পাটনা সিটির নবাব বাড়ি, সিপাহী বিদ্রোহের ঐতিহাসিক স্থানগুলি, পাটনাদেবীর মন্দির, শিখগুরু গুরুগোবিন্দ সিংহের জন্মস্থান হরমন্দির, ওদিকে গোলঘর ঘুরে বেড়াইতাম দিনের-পর-দিন। তিনিই অপরাহ্নে নিয়ে যেতেন খোদাবক্স খাঁর ভারতবিখ্যাত গ্রন্থাগারে। সেখানকার প্রাচীন সংগ্রহ ছবি অস্ত্র পোশাক এক এক করে দেখিয়ে পরিচয় করিয়ে দিলেন ইতিহাসের সঙ্গে। শব্দ তাই নয়, কানিংহামের ভারতবর্ষের পুরাকীর্তির ইতিহাসের মধ্য থেকে একদিন বের করে দিলেন লাভপুরের নাম। অবাক হয়ে গেলাম। মনটা স্ফীত হয়ে উঠল। গৌরব অনুভব করলাম। লাভপুরের নাম রয়েছে? আমার লাভপুর তো সামান্য নয়। অবশ্য লেখা পড়ে বুঝলাম মল্লারপুরের সঙ্গে একটু গোলমাল হয়ে গেছে। লিখেছেন প্রাচীনকালে এখানে মল্লরাজারা রাজত্ব করতেন। টুকে নিয়ে এসেছিলাম লাভপুরের ইতিবৃত্তটুকু। এই নেশা আমাদের এমন পেয়ে বসেছিল যে এক একদিন সময়ের হিসেব ভুল হয়ে যেত। একদিন এমনি বেলার হিসেব ভুলে গিয়েছি, বেলা একটা বেজে গেছে। খেয়াল হতেই দ্রুত এসে দাঁড়িলাম চোকে। একথানা একা যাচ্ছিল তাতে সোয়ারী দু'জন।

একজন বসে রয়েছে। অপর জনটি প্রায় শূন্যে আছে। তার সর্বাঙ্গে আবৃত। সেখানাকেই খামিয়ে আমরা উঠতে চাইলাম। যে লোকটি বসেছিল গাড়োয়ান তাকে কিছু জিজ্ঞাসা করলে। তারপর বললে—ওঠ। বৈশাখ মাস, বেলা একটা, আমরা বাড়ি ফিরতে ব্যাকুল। বাড়িতে তিরস্কারের আশঙ্কায় শঙ্কিত! উঠে বসলাম। বাঁকীপুরে আদালতের ধারে যখন নামলাম তখন চোখে পড়ল শায়িত লোকটির সর্বাঙ্গে জাত বসন্তের ঘা; ঘাগুলির মামড়ি তখনও লেগে রয়েছে। দেখে দু'জনের মুখ শুকিয়ে গেল। বাড়িতে কথাটা বলতে সাহস করলাম না; কিন্তু বাড়ি ফিরেই আবার সমস্ত জামা-কাপড়, ময়্য জুতো পর্যন্ত নিয়ে ছুটলাম গঙ্গার ঘাটে। একথানা কার্বলিক সাবান সর্বাঙ্গে মেখে অবশিষ্টটুকুতে কাপড় জামা গেঞ্জি কেচে নিয়ে বাড়ি ফিরলাম প্রায় আড়াইটের সময়। এর পর দিন পনেরো যে কি কঠিন উন্মেষে কাটিয়েছিলাম সে আর বলার নয়, অন্ততঃ বলে বঝানো যাবে না। শেষের দিনকয়েক পড়লাম একা। সঙ্গী নমামা কোথাও গেলেন, সম্ভবতঃ বেতিয়ায়। এ সময় গায়ে ঘামাচি বা ফুস্কুড়ি দেখলেই দিনরাত্রি সেই নিয়েই আতঙ্কিত হয়ে থাকতাম। প্রথম দিন তিনেকের পর এই দুর্শ্চিন্তা থেকে নিষ্কৃতি দিলে এই কঙ্করবাগ। সকালে বিকেলে সন্ধ্যা পেলেই যেতাম কঙ্করবাগে। ঘুরে বেড়াইতাম। খুঁজতাম সেজ মামার লুকিয়ে রাখা সেই পিস্তলটি। মনে হত যদি পাই তবে অস্ত্রহাতে বেরিয়ে পড়ি; দেশের শত্রু নিপাত করে ফাঁসিকাঠে ঝুলে জন্ম সার্থক করি।

পড়ি গেল কাড়াকাড়ি

আগে কেবা প্রাণ করিবেক দান

তারি লাগি তাড়াতাড়ি।

সেদিন অস্ত্র হাতে করার মধ্যে প্রাণ নেওয়ার কথাটা বড় ছিল না। প্রাণ দেওয়ার কথাটাই ছিল বড়; একটি প্রাণ বলিদানে সহস্র প্রাণ জেগে উঠবে এই ছিল কামনা। নিজের মৃত্যুতে আসন্ন দেশমাতৃকার মৃত্তি। সেদিন যেন তারই মধ্যে অমৃত প্রত্যক্ষ হয়ে উঠেছিল। হিংসা বা নরহত্যার পাপ স্পর্শ করত না; ফাঁসির আসামীর ওজন বাড়ত; মন্ত্রশ্রীতে ফুটে উঠত মৃত্ত প্রাণের আনন্দদ্রুতি। সে এক দিব্য ভাব-প্রেরণা। সেই প্রেরণা তখনকার বাংলার আকাশে-বাতাসে পরিব্যস্ত হয়েছিল। সেই আকর্ষণে যেতাম কঙ্করবাগে। ঘুরতাম চারিদিকে। কিন্তু কোথায় সে অস্ত্র।

ঘুরে ক্লান্ত হয়ে বসতাম। কোনো কোনো দিন অন্ধকার হয়ে আসত। সেই অন্ধকারের মধ্যে মনে জেগে উঠত কঙ্করবাগের সম্মুখকালের উৎসব রজনীর কথা। অন্ধকারের মধ্যে মনে হতো দেখতে পাব কোনো গাছের তলায় দাঁড়িয়ে আছে কোনো তরুণ আমীর। পরণে চুস্ত পায়জামা, গায়ে আজানুলম্বিত মসলিনের আচকান, কোমরে কোমরবন্ধ। তাতে গোঁজা রয়েছে মখমলের খাপে হাতির দাঁতের বাঁটওয়ালা ছোরা, এক হাতে একটি ফুটন্ত গোলাপ, দূরে কোথাও উঠছে অলংকারের মৃদু শব্দ। অনুমান করতাম আসছে অভিসারিকা, তার মূর্তি অবিকল খোদাবক্স গ্রন্থাগারে সংগৃহীত হাতির দাঁতের ফলকে আঁকা বেগমদের ছবিব মতো। কত সন্ধ্যায় যে সকালে এই কল্পনা মনে জেগে উঠেছে তার হিসেব নেই আর। শূন্য এইটুকু

বলতে পারি যে উত্তরকালে সাহিত্য সাধনার সময় এই ধরনের গল্প যোগদল লিখেছি তাতে নিশ্চয় আছে গুলজারবাগের সেই সন্ধ্যাগুলির মনের ছাপ। গুলজারবাগ আরও মনের মধ্যে প্রভাব বিস্তার করেছিল রবীন্দ্রনাথের ক্ষুধিত পাষণের প্রভাবে। এই সময়েই একদিন মামাদের ওখানে পড়লাম ক্ষুধিত পাষণ।

এরই মধ্যে হঠাৎ একদা এল একখানি খামের চিঠি। আমার দশ বছর বয়সের বধু উম্মার চিঠি। সে বেশ বড় চিঠি এবং ভাষার বিন্যাসে যথেষ্ট নৈপুণ্য আছে। সেকালে নববিবাহিতা বালিকাদের অভিভাবিকারা বসে পত্র লেখাতেন। যে তরুণ পত্রখানি পেত সে অবশ্যই বিশ্বাস করত যে এ পত্র তারই বধুর অন্তরের কথা। আমিও এই বিশ্বাস করেছিলাম। কিন্তু তবু সেই পত্রের উত্তর দিলাম না। আমি তখন আদর্শবাদী তরুণ। যে বধু আমার মা পিসিমার অমর্যাদা করে তাঁদের আদেশ লঙ্ঘন করে দিদিমার বাড়ি চলে গেল তার অপরাধ সম্পর্কে আমার কোনো সংশয় ছিল না। সুতরাং তার পত্রের উত্তর দেব কি?

এরই কয়েক দিন পরেই এল পিসিমার পত্র। বাড়ি ফিরবার পরোয়ানা জারি করেছেন। এবং লিখেছেন—আমি বধুকে দীর্ঘ পত্র লিখেছি সে সংবাদ তিনি পেয়েছেন। সুতরাং ঘর সংসার সব বন্ধিয়ে দিয়ে তিনি কাশী যাবেন। পত্রপাঠ সব বন্ধে নেবার জন্য চলে আসা প্রয়োজন।

প্রয়োজন অনুসারে আয়োজন হল। মা কিছতেই লঙ্ঘন করতে পারলেন না এ পত্র। আমি গুলুছিমে নিলাম আমার সামগ্রীগুলি। সম্রাট চন্দ্রগুপ্তের সভাকক্ষের কাঠের মণ্ডের কাঠ, প্রাসাদের ইস্ট, পাথরের মূর্তিগুলি।

রওনা হলাম লাভপুর।

আজ ইস্ট কাঠগুলি হারিয়ে গেছে। কোথায় গেছে জানি না। আজও সেগুলির সন্ধান করি। কঙ্করবাগ মনের মধ্যে অক্ষয় হয়ে আছে।

ফিরে এলাম পাটনা থেকে।

ওদিকে তখন আমার শ্বশুরকুলও ফিরে এসেছেন সিউড়ি থেকে। এবং এদিকে অর্থাৎ লাভপুরে আমার পিসিমা এবং উম্মার দিদিমার মধ্যে ঝগড়াটা এক বিচিত্র যুদ্ধ-পর্বে পরিণত হয়েছে। রামায়ণে আছে মেঘনাদ মেঘের আড়ালে লুকিয়ে যুদ্ধ করতেন। তাতে মাটির উপর যে প্রতিপক্ষ থাকত তারই হত মহাবিপদ। এক্ষেত্রে দুই পক্ষই পরস্পরের কাছে থাকতেন অদৃশ্য। এবং ঘর থেকে ছাড়তেন দাক্ষ্যবাণ। আশ্চর্যের কথা—কথাগুলি একেবারে এসে মর্মস্থলে বিস্তৃত হত। আরও একটা কান্ড ঘটত—দুই বাড়ির মধ্যস্থলে এসে গতিবেগের তীক্ষ্ণতা ম্বিগুণিত হয়ে উঠত প্রতিবেশিনীদের কাছ থেকে শক্তি লাভ করে।

পিসিমা হয় তো বললেন—কি ভুলই করেছি! কেন গ্রামে বিয়ে দিলাম। দিলাম তো নিজেদের থেকে বড়লোকের বাড়িতে দিলাম কেন? ছেলের বিয়ের তো অসম্মত হয় নি। কত জায়গা থেকে বিয়ের সম্বন্ধ এল। বিয়ের তো ভাবনা ছিল না।

ও বাড়িতে যখন কথাগুঁলি গেল—তখন কথাগুঁলি উলটে-পালটে বিচিত্র চেহারা নিয়ে গেল, এবং পরিশেষে আরও খানিকটা যন্ধু হয়ে গেল।—কি ভুলই করেছি। কেন মরতে গ্রামে বিয়ে দিলাম। দিলাম তো বড়লোকের বাড়িতে দিলাম কেন? বড়লোক বলে তেজ দেখাচ্ছে। কত জায়গায় কত বড়লোক পায়ে ধরে সেধে গিয়েছে। আমার ছেলের বিয়ের ভাবনা! আজই ইচ্ছে করলে আবার আমার ছেলের বিয়ে দিতে পারি। তাই আমি দেব।

উমার দিদিমা জ্বলে উঠলেন। বললেন—ওরা ছেলের বিয়ে দিতে পারে আমি পারি না আমার নারানের বিয়ে দিতে? ওরা যৌদিন বিয়ে দেবে তার আগের দিন আমি নারানের বিয়ে দেব। আর আমাদের মেয়ে—তাকে আমরা বাড়ি করে সম্পত্তি দিয়ে রানী করে দিয়ে যাব!...

এ বাড়িতে সেই কথাগুঁলি এল যে চেহারা নিয়ে তাহল এই—ওরা ছেলের একটা বিয়ে দিলে আমি নারানকে তিনটে বিয়ে দেব। আমাদের মেয়ের একটা সতীন হলে ওদের মেয়ের তিনটে সতীন হবে। আমাদের মেয়েকে বাড়ি দেব, সম্পত্তি দেব, সে রানী হয়ে থাকবে। আর ওদের বেটা তারই লোভে আমাদের মেয়ের গোলাম হয়ে গড়াগড়ি খাবে।

পিসিমাও শূনে জ্বলে উঠলেন, কিন্তু তাঁর লক্ষপতি ধনী গৃহিনীর মতো অর্থের জোর নেই এবং আরও একটা জায়গায় তিনি পৃথিবীতে বোধকরি কাঙালের কাঙাল। আমি তাঁর গর্ভের সন্তান নই। সংসারে তিনি সর্বরিক্ত; তাই জ্বলে উঠেও যে পথে গেলেন, সে পথটা একটু বিচিত্র পথ। সেই পথ ধরেই তিনি বললেন—তাই দেবেন ওঁরা। কিন্তু আমার ছেলে সে নয়, সে গোলামী করতে যাবে না। তার চেয়ে সে ভিক্ষে করবে। আর আমাদের মেয়ের জন্য ভাবি না। আমার বাবা বলতেন—কুলীন ব্রাহ্মণের ঘরের ভগ্নী উপবীতের চেয়েও বড়। উপবীত থাকে গলায়। ভগ্নীর স্থান মাথায়। শালগ্রাম শিলার মতো গলায় বেঁধে আমার ছেলে তাকে ভিক্ষে করে পুষবে।

ওদের বাড়ি খবর গেল, আমার পিসিমা বলেছেন—আমার মেয়েকে সম্পত্তি দিতে না-পারি, আমার ছেলেবে বলব গলায় দড়ি দিয়ে বোনকে গাছে ঝুলিয়ে দিয়ে নিজে বিবাগী হয়ে দেশান্তরে ভিক্ষা করে বেড়াবে।

সে সব কথা সমস্ত মনে নেই কিন্তু তার যেন আর শেষ ছিল না। আমার জীবন বিষাক্ত হয়ে উঠল। শোনা যায় আগেকার কালে পরিচ্ছদে বিষ মাখিয়ে রাজা-বাদশারা অনুগ্রহের ছলে নরহত্যা করতেন। যে হতভাগ্য সেই পোশাক গায়ে দিত সারা দেহ বিষাক্ত হয়ে উঠত। আমার জীবনটা

তখন ঠিক তাই হয়ে উঠল। নারায়ণের যন্ত্রণা এতখানি ছিল না। কারণ ঝগড়ার মধ্যে তার দাম্পত্য-জীবন প্রত্যক্ষভাবে জড়ানো ছিল না। সবটাই আমার ও তার বোনের জীবনের উপর ক্রিয়ার প্রতিক্রিয়া মাত্র। আমাকে দ্বিতীয়বার বিবাহ করতে হলে তাকে আরও তিনবার বিবাহ করতে হবে। তার বোন পৈতৃক ধন-সম্পদে রাজা সম্পর্কহীন রানী হলে এবং আমি গোলামী না-করলে তবে তার স্ত্রীকে গলায় দাঁড়ি দিয়ে ডালে ঝুলিয়ে দেওয়া হবে। কিন্তু আমার ব্যাপারটা প্রত্যক্ষ।

যাক। এখন যা ঘটেছিল সেই ঘটনার কথা বলি। বাড়ি এসে পৌঁছলাম। পিসিমা অভিমানে দুঃখে ক্রোধে ফেটে পড়লেন। প্রথম কথাই তিনি বললেন—বললেন আমার মা-কে। তোমার সংসার তুমি বুঝে নাও। আমাকে ছেড়ে দাও। আমি কাশী যাব। তারাক্ষর বউকে চিঠি দিয়েছে। আমি শুনছি। বউকে দূরে রাখলে তার মনে কষ্ট হবে। তাকে নিয়ে এস। আমি থাকলে বউ আসবে না। আমি চলে যাব।

আমাকে অগত্যা উমার প্রথম প্রণয়লিপি বের করে তার হাতে সমর্পণ করতে হল। হস্তাক্ষর অবশ্যই উমার, কিন্তু পত্র রচনা কোন প্রাপ্ত বয়স্কার। তাতে অনুযোষ ছিল—বিবাহের পর এই প্রথম বিচ্ছেদের কালে আমি কোন পত্র লিখি নি, সেই প্রথম পত্র লিখেছে। এর চেয়ে তার মন্দভাগ্য আর কি হতে পারে! ইত্যাদি, ইত্যাদি, পত্রখানা পড়ে শোনালেন মা। পিসিমা তখনকার মতো শান্ত হলেন। ওদিকে ঝগড়া চলতে লাগল সমানে। এই ঝগড়ার মধ্যেও মাঝে মাঝে কৌতুকজনক ঘটনা ঘটত। বধূ উমা মধ্যে মধ্যে মা-পিসিমা দ্বারা সাময়িকভাবে বন্দি হত। আগেই বলেছি—পল্লীগ্রামের বিচিত্র ব্যবস্থায় আমাদের বাড়ির সংলগ্ন আমাদেরই ঠাকুরবাড়ির ভিতর দিয়ে উমার মাতামহদের বাড়ি থেকে সদর রাস্তায় যাবার পথ। সেই পথেই সে তার মাতামহের ঠাকুরবাড়িতে যায়, নিজের বাপের বাড়ি যায়; অর্থাৎ যে কোনো জায়গায় যেতে হোক আমাদের ঠাকুরবাড়ির ভিতর দিয়ে যেতেই হবে। এই যাতায়াতের পথে তাকে ধরে বাড়িতে এনে মধ্যে মধ্যে মা তার চুল বেঁধে দিতেন; সদৃশদেশ দিতেন।

নারায়ণ এবং আমি অন্যান্য বন্ধুর সঙ্গে বিকেলবেলা যথা নিয়মে বেড়াতে যেতাম। নারায়ণ মিষ্ট প্রকৃতির মানুষ। তার চরিত্রের কোন দিকেই কোনো জোর কোনো কালেই নেই। সে কেবলই প্রশংসা করত উমার। এইভাবে আমাকে আকৃষ্ট করবার চেষ্টা করত। একটা চেষ্টা তখন ও তরফ থেকে প্রকট হয়ে উঠেছে। মা-পিসিমার প্রতি আমার অনুরক্তি ক্ষুণ্ণ করে ওঁদের প্রতি আমাকে আকৃষ্ট করবার একটা চেষ্টা ওঁরা করেছিলেন। আমি

যে আমার জীবনের প্রথম প্রণয়লিপিকানি আমার মা-পিসিমার হাতে সমর্পণ করতে দ্বিধা করি নি এতে ওঁরা বেশ একটু ভীত হয়েছিলেন। এবং আমি এমনভাবে ঘোরাফেরা করি যে, ওঁদের এলাকার দ্বিসীমানার মধ্যে যাই না। এই অবস্থায় একদা একটা কৌতুককর ঘটনা ঘটল।

জ্যৈষ্ঠ মাস। গরমের ছুটিতে ইস্কুল বন্ধ। বেলা দশটা-এগারোটার সময় আমরা স্নান করতে যাই গ্রামান্তরের একটা পুকুরে। কাজল কালো জল টলোমলো দিঘি। বাইসিক্লের কেরিয়ারে কাপড় গোঁজি গামছা তোরালে বেঁধে চলে যাই। পিছনে একজন সঙ্গী থাকে। কোনো দিন থাকে, কোনো দিন থাকে না। ঘন্টা দুয়েক জলে তোলপাড় করে বাড়ি ফিরি। এই পুকুরে যাওয়ার একটা সংক্ষিপ্ত পথ উমার মাতামহের বগানের ভিতর দিয়ে। সুন্দর শেখের বাগান। অনেক রকম দুর্লভ গাছ আছে বাগানটিতে। ভালো ভালো আমের গাছ, লিচু গোলাপজাম জামরুলের গাছ। কিছু ফুলের গাছও ছিল, একটি গাছ ছিল মৃচকুলচাঁপার গাছ। গরমের সময় এই ফুলের গন্ধ চারিদিকে ছড়িয়ে পড়ত, বীরভূমের গুমোট গরমভরা স্তম্ভ রাত্রিতে গোপন মাধুর্যের মতো মনে হত। মৃচকুলচাঁপা আমার বড় প্রিয় ফুল। আমি এই স্নানে যাওয়ার পথে গাছতলা থেকে ঝরাফুল দুটি চারটি নিতাই কুড়িয়ে আনতাম।

সেদিন গাছতলায় বাইসিক্লটি রেখে ফুল কুড়াচ্ছি এমন সময় আমার ঠিক পাশের আমগাছ থেকে কেউ একজন ঝপ করে লাফিয়ে পড়ল। সঙ্গে সঙ্গেই প্রায় ওঁদিক থেকে একটা সাঁওতাল মেরে প্রায় বাঘিনীর মতো ছুটে এসে তার হাত চেপে ধরলে। মেরেটা বাগানের আগলদারনী। এবং যে লাফিয়ে পড়ল সে আমার একজন সহপাঠী, নাম সতীশ মন্ডল। সতীশ রামপদ্রহাট অঞ্চলের ছেলে, এখানে পড়ে এবং গ্রামেই এক ভদ্রলোকের শিশুপদ্রদের পড়ার, তাঁর বাড়িতেই থাকে। গ্রীষ্মের ছুটিতে বাড়ি যায় নি। এবং এই বাগানে সে নিয়মিত এসে আম ভক্ষণ করে ও পেড়ে গামছার বেঁধে নিয়ে যায়। আগলদারনী লক্ষ্য করেছে কিন্তু ধরতে পারে নি কোনো দিন। সতীশ এমনিই চতুর। চতুর তাতে সন্দেহ নাই। আমি যে পাশের গাছতলায় ফুল কুড়াচ্ছিলাম আমিই টের পাই নি তার অস্তিত্ব। আগলদারনী তার হাত ধরেই বললে—চল, তুকে নিয়ে যাব আমি গিন্নী মায়ের কাছে।

সতীশ দুর্দান্ত ছেলে। কিন্তু গিন্নী মায়ের নাম শুনেই সে বিবর্ণ হয়ে গেল। সে জানে যে, মেরেটার হাত ছাড়িয়ে পালিয়ে গিয়েও সে নিস্তার পাবে না। বিশেষ করে গিন্নী মায়ের স্কুলের ছাত্র সে। গিন্নীমা মধ্যে মাঝে আম চুরির উৎপাতে বিরক্ত হয়ে হেড মাস্টারকে ডাকেন, বলেন—

ও মাস্টার, কেমন তোমার শাসন, কেমন তোমার ছাত্র, একটা আম পাচ্ছি না আমি। আমার আম চুরি গেলে তোমাকে ধরব কিন্তু। শাসন কর তুমি ছেলেরদিকে।

আমি অবস্থা দেখে এগিয়ে গিয়ে বললাম—ওরে, ওকে ছেড়ে দে।

—কেন ছেড়ে দিব? আমি জাম চুরি করে উ রোজ। আজ তু সদ্ধ এসেছিস উর সাথে। হুঁ। তুকে সদ্ধ নিয়ে যাব আমি। তুকে আমি চিনি। তু উমা দাঁদের বর বটে। বল তুকেও লিয়ে যাব আমি।

চমকে না উঠলেও বুকটা খড়াস করে উঠল। এ সর্বনাশী বলে কি? আমি সতীশের সঙ্গে আম চুরি করতে এসেছি। আমাকে ধরে নিয়ে যাবে। কল্পনা চক্ষেই চকিতে ভবিষ্যতের একটা অধ্যায়ের ছবি ভেসে গেল। ধরে আমাকে নিয়ে যেতে পারবে না। আমি বাইসিক্ল চড়ে চম্পট দেব। কিন্তু ও-বাড়ি থেকে কথা আসবে আমাদের বাড়িতে, ওদের ছেলে ভালো ছেলে, আমাদের বাগানে আম চুরি করতে আসে। ছি—!

পিসিমা হয় তো মাথা কুটবেন।—ছি—ছি—ছি!

মা বিচিত্র বিষয় দৃষ্টিতে আমার মূখের দিকে চাইবেন—ছি!

সতীশ বেচারী ট্যাক থেকে একটা দূ-আনি বের করে তাকে দিতে চাইলে—এই নে। এই নে বাপু।

—না! উ তু রাখ। উ আমি লিব না। গিন্নী মা আমাকে বকছে। ভালো গাছে আম পাকে না কেনে? তুই ছোঁড়াটা পেড়ে নিয়ে যাস। গিন্নীমা বলে—তুয়া খাস। তুকে নিয়ে যাব। উকে নিয়ে যাব। বুলব—এই দেখ তুদের জামাই মিতে নিয়ে যায়, চুরি করে খায়। কুথা পাব ভালো আম।

সে টানতে লাগল সতীশের হাত ধরে। সতীশের সর্বঙ্গে পাকা আমের গন্ধ। কাপড়ে আমের রসের দাগ। মূখে লেগে আছে। হাতে আম-বাঁধা গামছার পোটলা। বাগানের চারি পাশেই গিন্নী মারের খাস তালুক; তাঁরই লোকজনে গিস্ গিস্ করছে। অন্তত আধ মাইল না গেলে সে এলাকা পার হওয়া যাবে না। বেচারী কেঁদে ফেললে।

আমি এবার আর থাকতে পারলাম না। এগিয়ে গিয়ে জোর করে ওকে ছাড়িয়ে দিলাম। বললাম—চলে যা সতীশ। তুই চলে যা। সঙ্গে সঙ্গে খুলে নিলাম বাইসিক্লের পাম্পটা। মেয়েটার নাম ছিল লুঙি। বললাম, এই দিয়ে পিটে তোরা হাড় ভেঙে দেব। চুপ করে দাঁড়িয়ে থাক। যা বলবি আমার নাম দিয়ে গিন্নীমাকে বলিস। আমি ছাড়িয়ে দিলাম। লুঙি দমবার মেয়ে নয়। কিন্তু এবার দমে গেল। সে গ্রামের অন্য জমিদার বাড়ির ছেলেরের খাতির করে না। সে জানে শূদ্ধ নিজের জমিদার ওই গিন্নী

মাকে । তবে আমি জামাই এই বলেই দমে গেল । নইলে পাম্পটা দেখে সে ঢেলা তুলত বা চীৎকার করে লোক জড়ো করত ।

যাই হোক সতীশ উর্ধ্ব্বাসে পলার্নন করলে । এবং আমি বাইসিক্লটা টেনে নিয়ে চড়ে রওনা হলাম গ্রামান্তরের দিঘির দিকে । বাড়ি ফিরলাম এবং খাবার সময় কথাগুলি খুলেই বললাম মা পিসিমাকে । ভাগ্য ভালো ছিল ছাড়া আর কি বলব ? বলতে গেলে বলতে হয় পিসিমার মেজাজটা ছিল ভালো । তিনি শূনে হেসে উঠলেন । বললেন, লুঁঙি তোকে ছেড়ে দিলে কেন ? বেশ হত । মিথ্যে চোর হয়ে শব্দর বাড়িতে গিয়ে দাঁড়াতিস । আর একদিন দাঁড়িয়েছিলি !

এগারো

পিসিমা বললেন, বেশ হত । মিথ্যে চোর হয়ে দাঁড়াতিস গিয়ে শব্দর বাড়িতে । আর একদিন যেমন দাঁড়িয়েছিলি ।

হেসেছিলেন প্রচুর এবং সে হাসি প্রাণখোলা হাসি । কথাটা সেদিনও মনে পড়েছিল, আজও এই স্মৃতির কথা লিখবার সময় মনে পড়েছে । অনেক দিন আগে, বোধ করি এগারো-বারো বছর বয়সে একদিন গিন্নীমায়ের চাপরাশী আমাকে পাকড়াও করেছিল চোর বলে । ফুল চোর বলে ধরেছিল । একা আমাকে নয়, আমাকে, আমার বোন, যিনি এখন গিন্নীমায়ের নাত-বউ, তাঁকে এবং আমার এক পিসতুত বোনকে—তিন জনকে পাকড়াও করেছিল ।

সেদিন ছিল সাবিগ্রী ব্রতের দিন । আমার পিসিমা এই ব্রত করেছিলেন । এবং ইহজন্মের এই বালবৈধবোর বেদনায় পরজন্মে চিরয়ুয্যতী হবার ব্যাকুল প্রত্যাশায় আকুল অন্তরের নিষ্ঠায় এই ব্রতটি পালন করতেন । তাঁর অন্তরের আকুলতা যেন প্রত্যক্ষভাবে গোটা সংসারটির উপর দীপ্ত দ্বিপ্রহরে মেঘোদয়ের মতো একটি ছায়া বিস্তার করত । অথবা গাঢ় অন্ধকার রাতে আকস্মিক এককলা চন্দ্রোদয়ের ফলে জ্যোৎস্নার মায়া বিস্তার করত । আয়োজনে অনুষ্ঠানে কোনো দ্রুতি হলে তাঁর আর আক্ষেপের সীমা থাকত না । চোখের জলে বুক ভেসে যেত । এই কারণেই গোটা সংসারটি সাবিগ্রী ব্রতের দিন এই ব্রতানুষ্ঠানের সকল আয়োজনকে পূর্ণ থেকে পূর্ণতর করবার জন্য স্বভাবিকভাবে উদ্গ্রীব হয়ে উঠত, প্রাণ ঢেলে দিতে চাইত ।

সাবিগ্রী ব্রত চৌদ্দ বৎসরের ব্রত । চৌদ্দ বৎসরের ব্রতে সংখ্যায় চৌদ্দটি

করে চৌদ্দ রকম ফুল এবং চৌদ্দ রকম ফল প্রয়োজন। এছাড়া আরও অনেক আছে অবশ্য। কিন্তু আমি এবং আমার বোনেরা নিতাম চৌদ্দ রকম ফুল সংগ্রহের ভার। এর সঙ্গে যে কয়েক রকম পারি ফলও সংগ্রহ করে আনতাম। সে কালটা ছিল ধর্মবিশ্বাসে ব্রত পালন এবং নানা আচার অনুষ্ঠান পালনের কাল। গ্রামে অনেকেই ব্রত করতেন। সুতরাং এই ফুল সংগ্রহের পালাটা খুব সোজা ছিল না। ফুল সংগ্রহ করতে হলে উঠতে হত রাত্রি থাকতে। সব বাড়ি থেকেই বের হত এক একটি ছেলের দল।

পাড়াগায়ে দু-চারটে সাধারণ ফুলের গাছ। যেমন—জবা, টগর, করবী কিছু নয়নতারার গাছ সব বাড়িতেই থাকত। কিন্তু যাকে বলে ফুলের বাগান, এ বড় একটা কারদুর ছিল না। ছিল তিন বাড়িতে। আমার বাবার আমলে আমাদের বাড়িতে ছিল সত্যকারের একটি ভালো বাগান। বেল যুঁই, কামিনী, গোলাপ, চামেলী, মালতী, কৃষ্ণচূড়া গাছগুলি আজও আমার মনে পড়ছে। এছাড়া সাদা লাল পাতি থোপা করবী, টগর, জবা এসব তো ছিলই। আর এক রকমের গাছ প্রচুর জন্মাত তাকে বলতাম কঁতুরী। (এ গাছগুলিকে কলকাতায় এসে মরশুমি ফুলের মহলে ‘হলিহক’ বলে পরিচিত হতে দেখেছি)। আমাদের বাড়িতে বাবার আমলে নিত্য প্রভাতে গ্রামের সকল দেব মন্দিরের পূজারীই উপস্থিত হতেন। সে কালে এটা একটা মহাভাগ্য ছিল। গ্রামের সকল দেবপূজার্থীর পদধূলি পড়া তো কম ভাগ্যের কথা নয়। আমার “পদাচল” উপন্যাসে এই ফুলের বাগানটি থেকেই হয়েছে প্রচণ্ডতম দ্বন্দ্বের সৃষ্টি।

যে সময়ের কথা বলছি সে সময়ে কিন্তু আমাদের বাগান শ্রীভ্রষ্ট হয়ে গেছে, যত্ন করবার মানুষ নাই; তার উপর বাবার মৃত্যুর পরই আমার বাবার মাতুল এসে আমাদের সংসারের কর্তৃত্বভার নিয়েছিলেন। তিনি ফুলের বাগানের উপর খুব প্রসন্ন ছিলেন না। শুধু মা এবং পিসিমা বাবার শেখের বাগানটি নষ্ট করতে দিতে চাননি বলে বড় বড় গাছগুলি বেঁচে ছিল, নইলে সেগুলিকে কেটে তিনি সেখানে ধানের মরায় বাঁধার পক্ষপাতী ছিলেন। সে আমলের বাগান থাকলে ফুলের জন্যে আমাদের বাইরে যেতে হত না।

যে দিনের কথা বলছি—সেদিন ভোরবেলা তখনও অল্প অল্প অন্ধকার আছে। উঠে সাজি হাতে তিন ভাই বোনে প্রাথম্যে এসে হাজির হলাম আমাদের বাগানে। এসে দেখি বাগান শূন্য। এর আগেই কারা এসে বাগান প্রায় মুড়িয়ে ফুল তুলে নিয়ে গেছে। কান্না পেল আমাদের। কাঁদতে কাঁদতেই চীৎকার করে বকতে লাগলাম—আমাদের বাড়ির চাকর চাপরাশীকে। যে ফুলগুলি ছিল সংগ্রহ করলাম—তাতেই সাজিটা প্রায়

তিন অংশ ভাঁত হল। তারপর ছুটলাম আর দুটি বাগানের উদ্দেশ্যে। একটি আমাদের বাড়ির কাছাকাছি, অপরটি হল গিন্নী মায়ের বাগান, গ্রামের পশ্চিম প্রান্তে ইস্কুল এলাকায়। বিস্তীর্ণ বাগান, পুকুর, পুকুরের চারিপাশে ফলের বাগান, এরই মধ্যে আবার একটি বাগান, নাম ‘ঘেরা বাগান’ অর্থাৎ চারিদিক পাকা পাঁচল দিয়ে ঘেরা। এই ঘেরা বাগানের মধ্যে এককালে খুব ভালো ফুলের বাগান ছিল। কিন্তু ফলের বাগানের আওতায় ফুল বাগান তখন নষ্ট হয়েছে—কিছু কিছু ভালো গাছ বেঁচে আছে তাদের স্বাভাবিক পরমায়ুর জন্য। এখানে দু-রকমের দুর্লভ ফুল ছিল। মূচকুন্দ-চাঁপা ও গন্ধরাজ। এ ছাড়া ছিল জবা, টগর, গুলগু—এইসব সাধারণ ফুল। বাড়ির কাছে যে বাগানটি সেখানে গিয়ে দেখি সেখানেও সেই “সাত ভাই চম্পা” গল্পের বাগানের অবস্থা; ফুল যে কটি আছে সে আছে উচু ডালে, নিচের ডালে ফুল বলতে নাই। কারা এসে এর আগেই তুলে নিয়ে গেছে। তিন ভাইবোনে এবার উর্ধ্ববাসে ছুটলাম মাঠ ভেঙে। গ্রামের পশ্চিমে ইস্কুল এলাকায় গিন্নী মায়ের বাগান : এই এলাকাটি গ্রামের বসতির সঙ্গে নিবিড়ভাবে সংলগ্ন নয়; মধ্যে আছে অনেকটা ধানক্ষেত, কয়েকটা পুকুর। মাঝখান চিরে একটি অপরিসর অপরিচ্ছন্ন সড়ক আছে, কিন্তু সে পথ ধরতে খানিকটা ঘুর হবে বলে মাঠে মাঠে ছুটে এসে উঠলাম বাগানের ধারে। চারিদিক পাঁচল দিয়ে ঘেরা। দরজায় তালাচাবি বন্ধ। পাঁচল ডিঙিয়ে ভিতরে যেতে হবে। থমকে দাঁড়লাম। এমন সময় আমার অজানা—পাঁচলের একটা ভাঙা জায়গা থেকে ছুটে বেরিয়ে এল একটি ছেলে ও একটি মেয়ে। হাতে সার্জি; এবং আমাদের সামনে দিয়েই বোঁ-বোঁ করে ছুটে বেরিয়ে গেল। দেখলাম—আমাদেরই পাড়ার নিশাপতি এবং “ভাইঝি”। ভাইঝির নাম প্রভা। কিন্তু সে বিশ্বসংসারে “ভাইঝি” বলেই পরিচিত থেকে গেছে সারা জীবন।

ভাইঝি এবং নিশাপতি ছুটে পালাল। আমরা হতভম্ব হয়ে দাঁড়িয়ে থাকলাম। কিছু বদ্বতে পারলাম না। এমন সময় লাফ দিয়ে পাঁচল ডিঙিয়ে এক শালপ্রাংশু মহাভদ্র দুপ শব্দে এপারে আমাদের সামনে পড়েই বললে—আব মিলা হ্যাঁ। পাকড়া গিয়া।

লোকটির মাম মহাবীর সিং। চমৎকার দেহ ছিল মহাবীরের। মহাবীর বাগানের মধ্যে ডন-টবঠক দাঁড়াল এবং বাগানের ফলফুল পাহারা দাঁড়াল।

নিশাপতির ভা বদ্বতে পারিনি। গিন্নীমা নতুন বন্দোবস্ত করেছিলেন। নিশাপতির ভা এবং ভাইঝি ফুল তুলছে—এমন সময় মহাবীর ওগাশ থেকে

দেখে ছুটেছে। নিশাপতি ও ভাইঝি ছুটে বেরিয়ে পড়েছে জানা ভাঙন দিয়ে। মহাবীর লক্ষ মেয়ে পাঁচিল ডিঙিয়ে এ পাশে পড়ে আমাদের পেয়ে ধরেছে। আব মীলা হায়। চলো গিন্নীমাকে পাশ।

আমার মাথায় সেদিন রক্ত চড়ে গিয়েছিল। ক্ষুদ্র জমিদার হলেও আমার বাবার এবং তাঁর প্রভাবে আমাদের বাড়ির মর্যাদাবোধ ছিল যে-কোনো বড় জমিদার বংশের সমান। মহাবীরকে ধমক দিয়েই বলেছিলাম—হাত ধরো না আমার।

ধমক আমার ব্যর্থ হয় নি। মহাবীরকে শুনতে হয়েছিল কথা। সে এবার সদর নরম করেই বলেছিল—ফুল চুরি করেছ কেন ?

অবাক হয়ে গিয়েছিলাম। দেবতা পূজার জন্য ফুল তোলায় কোনো বাধা আমাদের ওখানে কখনও ছিল না। দেবতা পূজার জন্য ফুল তোলায় বাধা দেওয়া সম্পর্কে একটি গল্প আমাদের ওখানে প্রচলিত ছিল। সে আমি জানতাম। গল্পটি হল এই :

এক রাজবাড়ির বাগানে নাকি অজস্র ফুল ফুটত। বাড়িতে ছিল বিগ্রহসেবা। এই বিগ্রহের পূজার জন্য রাজা যত্ন করে বাগান করেছিলেন। সেখানে এলেন এক দরিদ্র ব্রাহ্মণ। তাঁর ভিক্ষার বদলির মধ্যে একটি ছোট বিগ্রহ মূর্তি। রাজবাড়ির বিগ্রহ যদি হয় শক্তির, তবে ব্রাহ্মণের বিগ্রহ বিষ্ণুর। আর রাজার দেবতা যদি বিষ্ণু হন তবে ব্রাহ্মণের বিগ্রহ ছিলেন মাতৃকা দেবতার।

ব্রাহ্মণ গ্রামপ্রান্তে আগ্রস্র নিয়ে একটি কুটির বাঁধলেন এই বাগান দেখে। এত ফুল। দেবতাকে তিনি প্রাণভরে ফুল দিয়ে পূজা করবেন। নিত্য ভোরে এসে এই ফুল তুলে নিয়ে যেতেন। এবং প্রাণভরে পূজা করতেন। এদিকে রাজবাড়িতে হল ফুলের অভাব। রাজবাড়ির দেবতা-পূজার ফুল নাই। রাজা ক্রুদ্ধ হয়ে পাহারা বসালেন।

ব্রাহ্মণ ধরা পড়লেন।

রাজা বললেন—ব্রাহ্মণ হয়ে তুমি চুরি কর ?

—চুরি ? ফুল কি তোমার ? যিনি ফুল ফোটান তাঁর জন্যে আমি ফুল তুলি। এর ওপর তোমার অধিকার কোথায় ?

রাজা বললেন—তোমার প্রগলভতার উপযুক্ত শাস্তি দিতাম যদি তুমি ব্রাহ্মণ না হতে। তারপর রাজা তাঁর পূজক ব্রাহ্মণদের আদেশ করলেন—ফুলগুদালি কেড়ে নাও। এবং ব্রাহ্মণকে এ এলাকা থেকে দূর করে দাও।

ভাই হল। রাজার আদেশ প্রতিপালিত হতে দেরি হল না।

রাজা প্রসন্নমনে কাশ্মীরে মনোনিবেশ করলেন। এমন সময় দেবতার পূজক ছুটে এল—মহারাজ। আশ্চর্য ঘটনা।

পিসিমা লুণ্ডিকে একটাকা বকশিশ দিয়েছিলেন। বলেছিলেন—ভা ছেড়ে দিল কেন? জামাইকে গিন্নী মায়ের কাছে ধরে নিয়ে গেলে বেশি বকশিশ পেতিস!

বাড়ির পিছনে দাঁড়িয়ে গিন্নীমা খুক খুক করে হেসেছিলেন।

ঠিক এর দিন-দুই পরেই, কি দিন-চারেক পরেই, আবার লেগে গেল তুমুল গন্ডগোল।

আবার মাস দুয়েক পরেই একদিন এমনি একটা বিচিত্র ঘটনা উপলক্ষে দুপক্ষের মধ্যে একটি মধুর সংযোগ স্থাপিত হল এক দিনের জন্য।

আমি পড়ে গেলাম রেল রাস্তার উপর, লাইনের পাশে, লাইনের সঙ্গে সমান্তরালভাবে এবং একখানা ট্রেন চলে গেল লাইনের উপর দিয়ে, ট্রেনখানার ফুটবোর্ডটা আমার মাথার উপর দিয়ে চলে গেল। রেল লাইনের সঙ্গে আমার শরীরের তফাৎ ছিল ফুট খানেক, এক হাতের আঙুলগড়ালি ছিল লাইন ছদ্মে।

ঘটনাটির একটি দিক যেমন কৌতুকজনক অপর দিকটি তেমনি মারাত্মক না হোক রোমহর্ষক। মারা যাইনি বলেই মারাত্মক নয়। সামান্য এদিক-ওদিক হলেই কিন্তু আমার জীবনান্ত ঘটত সেদিন। এর কারণ নিছক আমার কৈশোর-চাপল্য; ষোলো বছরে যদি যুবা বলতে হয় তবে বলব সদ্য-যৌবনে-উপনীত আমার তরুণ মনের উদ্ভট খেয়াল। কিন্তু আমাদের দেশের সমাজ প্রচলিত বিশ্বাস অনুযায়ী এর হেতু আমার পিতৃকুল এবং শ্বশুরকুল নির্ণয় করলেন, কোন্দল-পরায়ণা কোনো এক বিধবার অভিশাপ। এবং আমার এই অভাবনীয় রূপে রক্ষা পাওয়ার হেতু নির্ণয় করলেন আমার পত্নীর আয়ত্তির পুণ্য ও শক্তি। সমস্ত ঘটনাটা আমার উপর দিয়ে গেলেও আমি হয়ে গেলাম নেহাতই ‘ফাউ’।

যে দিনের ঘটনা সেদিন দুপুর বেলা খাওয়া দাওয়ার পর আয়ত্তি পুণ্যবতী আমার স্ত্রী উমা এবং আমার বোন কমলা দুই নন্দভাজে আমার শ্বশুরদের ছাদে উঠেছিলেন। আলিসায় ঠেস দিয়ে গল্প করেছিলেন এবং পান চব্বণ করছিলেন। যে সময়ের কথা সে সময়ে আমার বোন পান খেতে অভ্যস্ত ছিল না। আমার মা এদিক দিয়ে অত্যন্ত কঠোর ছিলেন। মেয়েকে তিনি পান খেতে দিতেন না। সে অভ্যাসটা তখনও আমার বোনের বজায় ছিল। আমার স্ত্রী ছেলেবেলা থেকেই পান খেত। দেখিয়ে খেত, চুঁরি করে খেত, আঁচলের খুঁটে পান বেঁধে রাখত, নিজের ভবিষ্যৎ-কল্পনার বিলাসে পানের সঙ্গে জর্দা-সূঁতি-দোস্তা খাওয়া স্বপ্ন দেখত।

“ধাত্রী-দেবতা”র এক জায়গায় গৌরীর কার্যকলাপের মধ্যে দেওয়ালের ছবি

পরিষ্কার করতে গিয়ে ছবি ভেঙে পড়ার ঘটনা বর্ণার মধ্যে এর উল্লেখ আছে। গৌরী একসঙ্গে পাঁচ-ছটা পান মুখে পুরে সামলাতে পারেনি। পানের পিক গাড়িয়ে কাপড়ে পড়েছে; তাই দেখে সকলেরই প্রথম দৃষ্টিতে মনে হয়েছে ভাঙা কাচের ফলায় কেটে রক্তাক্ত হয়ে গেছে ছোট বধুটি। ছবির কথাটি বানানো হলেও, পান খাওয়া সম্পর্কে অতিরঞ্জন হয়নি বলেই আমার বিশ্বাস। সে যাক।

এখন ঘটনার কথাই বলি। ছাদে আলিসায় দাঁড়িয়ে গল্প করতে করতে পানের পিক ফেলতে হিচ্ছিল। এত পিক গিলে শেষ করা যায় না। ফেলিছিল মৃদু ফিরিয়ে ছাদের উপরেই। কারণ, যে দিকের আলিসায় ভর দিয়ে তারা দুজনে দাঁড়িয়েছিল—সে দিকে এক বিধবা ভদ্র মহিলার বাড়ি। দুই বাড়ির মধ্যে হাত দুয়েক প্রশস্ত একটি গলি। এই গলিতেই ছাদের জল পড়ে। ছাদের জল ছাড়া অন্য কোনো কিছ্ পড়লেই এই ভদ্রমহিলা তাঁর প্রতিবাদ করেন। ভদ্রমহিলা আমাদের গ্রামে কোন্দলের জন্য বিখ্যাত। সেকালে পাড়াগাঁয়ে কোন্দল-কলহ একটি যাকে বলে ‘আর্ট’, তাই ছিল। এমনভাবে গুঁছিয়ে গুঁছিয়ে কবিতার মতো ছন্দোবদ্ধভাবে সর্বনাশ কামনা করা সহজ নয়। “স্বামী যাবে, পুত্র যাবে, ভাই যাবে, ভাবী যাবে, ঘর পড়বে, দোর পড়বে, পথে দাঁড়াবে। হাত যাবে, চোখ যাবে, কাণ্য হবে; ভাতের খালায় হাত দিতে মাটিতে হাত ঘষবে; ভিক্ষের ভাতে ছাই পড়বে। নালায় খালায় পা পড়বে। যে গতরের তেজে লঘুগুরু মানে না সেই গতর চূর্ণ হবে। ছ-মাসকে ধরবে, ময়লায় মাটিতে মৃদু ঘষবে, মৃদু পোকা পড়বে।” এ-তো হল সাধু সংস্করণ। এর আবার রাত্য সংস্করণ আছে। “ভাতারের মাথা খা-লো, বেটার মাথা খা-লো, ভাইয়ের মাথা খা-লো, ভাবী-সাবী মরুক লো।” এর নিদর্শন “হাঁসুলী বাকের উপকথা”য় নিখুঁতভাবে দেওয়া আছে।

হিসেব করে দেখলে এর মধ্যে ছন্দ একটা পাওয়া যাবে এবং দেখা যাবে সর্বনাশের এমন গোলাকার গুঁড়ী টানা হয়েছে চারিদিকে যে-কোনো একটি ফাঁক দিয়ে বেরিয়ে পড়বার কোনো পথ নেই। হারাধনের দশটি ছেলের ছড়ায় শেষ ছেলটি মনের দুঃখে বনে গিয়েছিল। মরেনি তাই আবার একটি থেকে দশটি হয়েছে। বঙ্কিমচন্দ্রের কপালকুণ্ডলা জলে ভেসে গিয়েছিল, সে মরে গেল কথাটি বঙ্কিমচন্দ্র বলেন নি এই ফাঁকের বাকি দামোদর ‘মৃন্ময়ী’কে উদ্ধার করে সুখের সংসার গড়ে দিয়েছেন। আমাদের দেশে কোন্দলদক্ষ যারা তাঁদের দৃষ্টি এদিক দিয়ে একেবারে নিভুল। আগের স্বামীর মৃত্যুর অভিশাপ দিয়ে তবে ছেলের মৃত্যুর অভিশাপ দেন।

যাতে এক ছেলে হারিয়ে অন্য সন্তান প্রাপ্তির আশা না থাকে। স্বামী পুত্রের পর আশ্রয়দাতা ভাই। তখন ভাইয়ের মৃত্যুর ব্যবস্থা করেন। এমনভাবে হিসেব করলে দেখতে পাওয়া যাবে কোন দৃঃখ-দুর্দশা থেকেই পরিদ্রাণ নেই।

শুধু এইখানেই শেষ নয়, এই গালিগালাজগুলিকে প্রাণবন্ত করবার জন্য উচ্চারণের বিচিত্র ভঙ্গি আছে, এবং তার সঙ্গে আছে নানারূপ অঙ্গভঙ্গি। অভিনয়ের কালে অঙ্গভঙ্গি, হাত-পা নাড়া, চলা-ফেরা যেমন বস্তুবাক্যে প্রাণবন্ত করে তোলে ঠিক তেমনি আর কি। কখনও সামনে ঝুঁকি দলে-দলে, কখনও আকাশের দিকে তাকিয়ে দুই হাত উপরে তুলে, কখনও কখনও বা নেচে নেচে গালিগালাজ দেওয়ার রীতি ছিল সেকালে। আজকালকার চরমপন্থী রাজনৈতিক নেতারাও এমন গরম করে তুলতে পারেন না আসর।

এই ভদ্রমহিলা ছিলেন একজন নিপুণতম কোমলপারদর্শিনী। গল্পে মত্ত হয়ে পড়ে কখন যে আমার পত্নী পচ করে একদফা পিক ওই গিলির দিকে ফেলোঁছিল—সে তার খেয়াল ছিল না। খেয়াল হল ওই ভদ্রমহিলার তাঁর প্রতিবাদে।

—বলি, হ্যাঁ-লা! কে-লা? বলি তুই কে-লা? কোন্ গরবিনী সোহাগিনী রাজনন্দিনী লা? বলি, কোন্ গরবে এমন করে পানের পিক ফেলিস-লা?

আমার পত্নী অত্যন্ত ভীতু মানুস কিন্তু দোষ এই যে গোড়াতেই পিছপাও হন না। প্রথম একদফা তেড়ে-ফুঁড়ে উঠতে চেষ্টা করেন। অধিকাংশ ক্ষেত্রেই অর্থাৎ শতকরা নিরানব্বইটি ক্ষেত্রেই প্রতিপক্ষের কাছে পরাজয় মেনে ঘরে ঢোকেন, কখনও কখনও ক্ষমা চান, কখনও দেবতাকে মানত মানেন। এ ক্ষেত্রেও তিনি, ওই গিলিটির উপর তাঁর পৈতৃক মালিকানা স্বত্ত্বের জোরে একবার ঝুঁকি উঠলেন—কেন? আমাদের গিলিতে পানের পিক ফেলোঁছি—তাতে হয়েছে কি? তোমার ঘরে তো ফেলিনি।

—ফেলিস নি? পিকের ছিটে আমার ঘরের দেওয়ালে লাগেনি? দেওয়াল এঁটো হয়নি? আর হ্যাঁ-লা, হারামজাদী! তোদের গিলি? তোদের একার গিলি কিসের লা? আমার ঘরের ছাদের জল পড়ে ওই গিলিতে, ও গিলিতে আমার ভাগ নাই না-কি লা?

—আমাদেরও তো ভাগ আছে! সেই ভাগে ফেলোঁছি আমি বেশ করোঁছি! আর দেওয়াল কখনো এঁটো হয়?

—হয় না?

—হয়? এ কথা তো কোনোকালে শুনি নি!

শুনিস নি ? কি করে শুনবি ? মাছ-ভাত খাস, সিঁথিতে সিঁদুর, হাতে শাঁখার কোলে সোনার চুড়ি, পরণে নীলাম্বরী, পায়ে পারিজোর, ঝমঝমিয়ে চলিস, আচার-আচরণের বালাই নাই, ধরাকে ভাবিস সরাসরানা, জানবি কি করে, শুনবি কি করে। আমি যে বিধবা-লা ? আমার মতো তুই হ তখন জানবি। তখন বদুবি। এই তিন দিন, তিন দিন ; তিন দিনের মধ্যে তুই বদুবি, জানবি। আমি বললাম, আমার বহিঃস্থানা দাঁত, আমার জিভ নাকের ডগায় ঠেকে, আমার কথা আফলা হয় না। ফলবে, ফলবে, ফলবে। তিন দিন, তিন দিন, তিন দিন।

তারপর তুললেন আকাশের দিকে হাত।

—হে ভগবান বিচার করো। হে মা কালী, হে মা দুর্গা, হে মা ফুল্লরা। হে বাবা বড়ো শিব, হে বাবা ধর্মরাজ, বিচার কর, সাক্ষী থাক !

এবার বালিকা দুটি সভয়ে দ্রুতপদে ছাদ থেকে নেমে এসেই ক্ষান্ত হল না। ওই বাড়ি থেকে একেবারে পালিয়ে এল মাতামহীর বাড়ি, সেখান থেকে অভিসম্পাত শুনতেও পাওয়া যায় না এবং সেখানে প্রবল ভরসা দিদিমা আছেন। কিন্তু কথাটা বলতে পারলে না। চেপে গেল।

এ দিকে বিকেলবেলা পাঁচটার পর বেড়াতে বেরিয়েছি আমি ! তিন সঙ্গী সেদিন। আমি, দ্বিজপদ এবং বৈদ্যনাথ। দ্বিজপদ আমার সাহিত্যের মধ্যে আছে, “কবি” উপন্যাসে সে বিপ্রপদ ; “আমার কালের কথা”র মধ্যেও দ্বিজপদের কথা আছে। তার সঙ্গে কোথায় ছিল আমার একটি মধুর মিষ্ট সম্পর্ক জানি না, তবে ছিল। বৈদ্যনাথ গ্রামের অন্যতম প্রধান জমিদার স্বর্গীয় হিরণ্যভূষণ-বাবুর ছেলে। বৈদ্যনাথ বেঁচে আছে। তার সঙ্গে বাল্যকালের প্রীতির সম্পর্ক আজও আছে আমার। ভারী ভালো মানুষ। বেচারী একালের বিদ্যায় পারঙ্গম নয় এই তার জীবনের খুঁত। এই খুঁতটা সে নিজেই অনুভব করে আত্মবিস্ময়, সেই কারণে নিজেকে সে আজীবন ঘরের মধ্যেই লুকিয়ে রাখলে। আমি কিন্তু মনে করি তার মধ্যে আছে এক দুর্লভ মানুষ। যেমন তার মর্ষাদাবোধ, তেমনি তার মধুর প্রকৃতি ; মানুষের কাজে-কর্মে এমন বন্ধু আর পাওয়া যায় না।

কৈশোরে সে-কালে স্কুলে পরস্পরের সঙ্গে অনেকটা পার্থক্য স্বভেদেও আমরা ছিলাম ঘনিষ্ঠ বন্ধু। একসঙ্গে বেড়াতাম, একসঙ্গে খেলতাম। ঘোবনে একসঙ্গে অভিনয় করেছি। সেদিন তিনজনে বেড়াতে বেরিয়ে মাইল দুয়েক দুই নদীর ঘাটে চলে গেছি। পথ আছে পাকা শড়ক। আমরা

কিন্তু হাটি রেল লাইন ধরে। ম্যাকলাউড কোম্পানির ছোট লাইন। স্টেশন থেকে একশো-ক-দেড়শো গজ সমতল ভূমির উপর রেল লাইন চলার পরেই উচু বাঁধের উপর দিয়ে রেল লাইন চলে গেছে নদীর ধার পৰ্যন্ত। “কবি” উপন্যাসে এই বাঁধের উপরের লাইনের বর্ণনা আছে। এই পথটির একটি এমন কোনো সৌন্দর্য আছে যা আমাকে চিরদিন গভীরভাবে আকর্ষণ করে। শূন্য আমাকেই নয়, অধিকাংশ লোককেই করে। পাকা শড়ক ফেলে এই বাঁধের উপর দিয়েই লোকজন বেশি হাটে। সেদিনও এই পথ ধরে নদীর ধারে বসে অপরাহ্নটা কাটিয়ে সন্ধ্যার মূখে উঠলাম। ধরলাম এই লাইনের পথ। তিনজনে গান গাইতে গাইতে ফিরছিলাম সে কথা আজও মনে আছে। তখন সন্ধ্যার মূখে আমাদের গাইবার একটি অত্যন্ত প্রিয় গান ছিল।

“সন্মুখে রাঙা মেঘ করে খেলা
তরণী বেয়ে চল না—হি বেলা।
আধ আধ দেখা যায় কনক ভূমি—
সেথা কি গো তরী বেয়ে যা—বে তুমি।”

গলা ছেড়েই গান গাইছিলাম তিনজনে।

হঠাৎ ট্রেনের বাঁশি বেজে উঠল।

তখন সন্ধ্যার সময় একটা ট্রেন ছিল ; আমদপুর থেকে যেত কাটোয়া, লাভপুরে আসত সাড়ে-ছ-টার সময়। বদ্বলাম ট্রেনটা ছাড়ল লাভপুর স্টেশন। আমরা তিনজনেই নামলাম লাইনের উপর থেকে। লাইনের উপর থেকে মানে লোহার লাইনের উপর থেকে। তখন ওই লোহার লাইনের উপর দিয়ে হাটা আমাদের একটা নেশা ছিল। একটি লাইনের উপর পা ফেলে চলে আসতাম সার্কাসের তারের উপর দিয়ে হাটার মতো। শূন্যে ঝোলানো তারের উপর হাটার সঙ্গে অবশ্য তুলনাই হয় না এর, তবুও এ হাটা খুব সোজা নয়। ছোট লাইনের সরু লাইনের উপর হাটা খুব সোজা নয়। যাই হোক রেল লাইন থেকে নেমে পাশের পায়ে-চলা-পথের রেখা ধরে হাটিতে শুরুর করলাম। ছোট লাইনের বাঁধ, বড় লাইনের মতো প্রশস্ত নয়, সঙ্কীর্ণ। লাইনের উপর ট্রেন যখন চলে তখন যথেষ্ট সাবধান হতে হয়। ট্রেনের ব্যাভাস গায়ে লাগে। দরজা খোলা থাকলে কথাই নেই। অধিকাংশ লোকেই পথ ছেড়ে ঢালের গায়ে নেমে দাঁড়ায়। আমরা নেমে দাঁড়াই না। খানিকটা গ্রামীণ ব্যক্তিদের সাবধানতাকে প্রচ্ছন্ন ব্যঙ্গ করে দ্রুত ধাবমান ট্রেনের সঙ্গে মাত্র হাত দুয়েক ব্যবধান রেখে স্বচ্ছন্দে পথ হাটি। অনেক সময় ওই পায়ে-চলা সঙ্কীর্ণ পথটির উপর দিয়ে অনায়াসে বাইসিক্ল চড়েই চলে।

বে-সব দূঃসাহসীরা ট্রেন দেখেও সাইক্ল থেকে নামে না আমি ছিলাম তাদেরই একজন ।

আমরা স্টেশনের দিকে আসছি, ট্রেন স্টেশন থেকে ছেড়েছে । স্টেশন কম্পাউন্ডের শেষ যেখানে হয়েছে সেখানে একটা লোহার পোস্ট পৌতা আছে, গায়ে একটা বোর্ড আঁটা আছে, তাতে লেখা আছে **Shunting Limit**.

আমরা হাঁটিছি—সর্বাগ্রে আমি, তারপর দ্বিজপদ, তারপর বদি বা বৈদনাথ । ট্রেনটার ইঞ্জিন গজ পাঁচেক দূরে, **Shunting Limit** গজ পঁচিশেক দূরে । হঠাৎ আমার কি খেয়াল চাপল কে জানে ? হয় তো বা ট্রেনের গতি ও দূরত্ব নিয়ে যে সব অঙ্ক করতাম ইস্কুলে তার কিছু প্রভাব ছিল । পিছন ফিরে দ্বিজপদ এবং বৈদনাথকে বললাম—চল ছুটব । ট্রেনটার শেষ গাড়ি অর্থাৎ গার্ড ভ্যানটা **Shunting Limit** পার হতে হতে আমরা **Shunting Limit**-এর **Post**-এ গিয়ে পৌঁছব ।

ওরাও বললে—চল । ছোটো ।

ছুটলাম ।

পাশ দিয়ে বিপরীত মূখে ট্রেনখানা ছুটছে । বাতাস লাগছে সর্বাগ্রে । কানে আসছে বিচিত্র ট্রেনের শব্দ । সড়াৎ—সড়াৎ—সড়াৎ । আমার দুটি সন্মুখের দিকে আবদ্ধ, তবুও চলন্ত ট্রেনের কামরার আলো জানলা দিয়ে আমার মূখে ছটা ফেলে চলে যাচ্ছে । আমি ছুটছি । ওই যে গার্ডের গাড়ির আলো । মনে হলো পারব না পৌঁছতে ঠিক সময়ে । গার্ডের গাড়ি আগেই শাণ্টিং লিমিট পার হয়ে যাবে । আমি গতিবেগ বাড়িয়ে দিলাম । কি হবে জানি না তবু খেয়াল, পৌঁছতে হবে, পৌঁছলেই আমার জয় । নইলে আমার হার । সে নেশা প্রচণ্ড নেশা । আরও গতিবেগ বাড়াতে চেষ্টা করলাম । সঙ্গে সঙ্গে আমার পায়ে জুতোর মূখে কিসে লাগল প্রচণ্ড আঘাত, বাধা । মূহুর্তে পড়ে গেলাম । কিভাবে পড়লাম কি আঘাত পেলাম, কোথায় পড়লাম এ সবার কোনো বোধই রইল না । সে বোধ হয় আধ মিনিট কি এক মিনিট । তারপরেই কানে শব্দ এল—সর্বাগ্রে দিয়ে অনুভব করলাম—আমার কানের পাশে চলছে লাইনের উপর ট্রেনের চাকাগুলি,—মাথার উপর চলছে লম্বা টানা ট্রেনটার ফুটবোর্ড । একখানা দুখানা তিনখানা—। তারপর আর নাই ! লাইনের উপর চাকা চলার শব্দ চলে যাচ্ছে, চলে যাচ্ছে—একটু দূর, আরও একটু দূর, আরও দূর, আরও দূর । আরও অনেক দূর । ক্ষীণ শব্দ শুনছি লাইন বেয়ে আসছে কাছে । হঠাৎ কানে এল মানুষের ডাক—তারাশঙ্কর ! শঙ্কর ।

দ্বিজপদ এবং বদি ডাকছে ।

কি হয়েছিল কে জানে—অসাড় হয়েই পড়েছিলাম এতক্ষণ, এতটুকু নড়িনি। নড়লে বাঁচতাম না। মাথা তুলবার চেষ্টা করলেই ফুটবোর্ডের নিচের বোর্ডের ঘায়ে খুঁলিটা ভেঙে চুরমার হয়ে যেত। হাত নাড়লে চাকার টানত। একখানা হাত ও মাথাটা বিচিহ্নভাবে পিছলে গিয়ে পড়েছিল লাইনের পাশের স্লিপারের উপর। নড়িনি তাই বেঁচেছি। পথের উপর রেলওয়ের সার্ভে বিভাগ মাপের চিহ্ন একটা বাঁশের খুঁটি পড়েছিল—তাতেই চোট খেয়ে পড়েছি এমনভাবে। বৈদ্যনাথ এবং দ্বিজপদের ডাক শুনেনে সন্দিগ্ধ ফিরল। এতক্ষণ একটা বিচিহ্ন অবস্থা গিয়েছে। ভয় ছিল না, বোধ ছিল না, শব্দ চলন্ত ট্রেনের আভাস অনুভব করেছি শব্দ শুনিনি। এবার সন্দিগ্ধ ফিরে পেয়ে উঠবার চেষ্টা করলাম! মনে হল সর্বাংগটা মাটির সঙ্গে কঁকরে-পাথরে গেঁথে গিয়েছে। ওরা এতক্ষণ মহাভয়ে আচ্ছন্ন হয়ে গিয়েছিল। চোখে দেখেছিল আমার মাথাটা ট্রেনের ফুটবোর্ডের তলায় ঢাকা। ভেবেছিল কাটা পড়েছি। অক্ষুট আতঁনাদ করে থেমে গিয়েছিল। এতক্ষণে আমাকে গোটা পেয়ে ওরা টেনে তুললে।

বাঁ দিক চেপে পড়েছিলাম। হাঁটু ও কনুইয়ের কাপড় জামার অংশ নাই, চামড়া নাই, মাংস থেঁতলে গেছে। জুতোর ডগাটা ফেটে গেছে। আমি বেঁচেছি।

ওরা বললে—ওরা গোড়াতেই বুঝতে পেরেছিল এতে বিপদ আছে। ওরা থেমে গিয়েছিল। আমাকে প্রাণপণে ডেকেছিল। ছুটো না ছুটো না, ছুটো না। কিন্তু—। তাবপর হঠাৎ।

তারপর হঠাৎ ওরা দেখলে আমাকে পড়ে গিয়ে চলন্ত ট্রেনের তলায় ঢুকে যেতে। ওরা ভুল দেখেনি। হোঁচোট খেয়ে পড়ে কিভাবে কেমন করে যে চলন্ত ট্রেনের ফুটবোর্ডের তলায় ঢুকে গিয়েছিলাম এ বিশ্লেষণ করে বুঝে ওঠা মর্শকিল। বোধ করি আছাড় খেয়ে পড়েও গতিবেগে ছেঁচড়ে খানিকটা এগিয়ে গিয়েছিলাম। এই অবস্থা দেখে ওরা মূহূর্তে বন্ধবাক হয়ে দাঁড়িয়ে ছিল। ভেবেছিল ট্রেনটা চলে গেলে ছিন্নমুণ্ড অবস্থায় আমাকে দেখতে পাবে।

যাই হোক, বেঁচে গিয়েছি দেখে দুজনের যত আনন্দ, আমার শরীরের বাঁ দিকে তত যন্ত্রণা, তত জ্বালা। ওরা দুজনে আমাকে ধরে রেল কোম্পানির কুয়োর ধারে এনে সেই সমস্ত ক্ষতে জল সিঁগুন করে জ্বালা-যন্ত্রণা দ্বিগুণিত করেই ক্ষান্ত হল না, রেল কোম্পানির ডাক্তার নরহরিবাবুর ওখানে টিণ্ডার আয়োডিন প্রয়োগ করে শতগুণিত করে তবে ছাড়লে। এবং ওদের ব্যাখ্যাতেই আমার এ এক মহা-পরিণাম বলে ব্যাখ্যাত হল। বললে—এ-বাঁচা অসম্ভব বাঁচা। কি করে বাঁচল ভগবান জানেন।

তার ব্যাখ্যা করলেন গ্রামের বিজ্ঞজনেরা। সে ব্যাখ্যার কথা আগেই

বলেছি। আমার পত্নীর আয়ত্তির শক্তি, সিঁথির পয়ে সিঁদূর হয়েছে পাকা, হাতের পয়ে বজ্রকঠিন হয়েছে শাঁখা। আর এই বিপদে পড়ার হেতু আমার বয়সের চাঞ্চল্য নয়, আমার বুদ্ধিচাপল্য নয়, হেতু হল এই বিধবা মহিলাটি ব্রিটিশটি দন্ত-বিশিষ্ট মৃৎখের তীর রসনায় উচ্চারিত অভিশাপ।

এই স্নুখটি অবলম্বন করে আবার একদিন দুপক্ষ কাছাকাছি এসে পাশা-পাশি দাঁড়ালেন। পূজা দিলেন দেবস্থলে, আমাদের চণ্ডীমন্ডপে সধবাদের আহ্বান করে “ঠারগদুয়া” অর্থাৎ পান স্নুপারি দিয়ে বরণ করা হল, তাঁদের সিঁথিতে সিঁদূর পরিয়ে দেওয়া হল, তাঁরা প্রত্যেকেই আমার পত্নীর সীমন্তে সিঁদূর পরিয়ে দিলেন।

আমার স্ত্রী আজও এ অহঙ্কার ছাড়েন নি। আমার অস্নুখ-বিস্নুখ হলে তিনি জোর করেই বলেন—আমি না মরলে তো কোনো বিপদ হবে না।

উনিশশো বিশ্রি সালে জেল থেকেই চোখের অস্নুখ নিয়ে এসেছিলাম। ভুগেছি প্রায় বছর পাঁচেক। এর মধ্যে একজন তান্ত্রিক জ্যোতিষী এসেছিলেন আমাদের গ্রামে। তিনি আমার কোষ্ঠী বিচার করে অনেক কথা বলেছিলেন। বুদ্ধি ও যুক্তির পথে কোষ্ঠী-বিচারকে আমি মানি না। তবুও সত্যের খাতিরে বলতে হবে সে গণনার অন্তত ষাট-সত্তর ভাগ মিলে গিয়েছে। এই জ্যোতিষী আমার চোখের অস্নুখের কথাও বলেছিলেন। বলেছিলেন—ইনি কি এখন চোখের অস্নুখে ভুগছেন? এবং প্রতিকার হিসেবে কি জানি যেন কোন গ্রহের জপ করতে বলেছিলেন। আমি চিকিৎসা করিয়েছি, তিনি গ্রহের জপ করেছেন; চোখ ভালো হয়েছে। তিনি বলেন—ওই জপ, জপের জোরেই চোখ সেরেছে তোমার। আজও তিনি যে জপ করেন এবং বলেন—দেখো, চোখের অস্নুখে আর কখনো তুমি ভুগবে না।

এখনকার কথা থাক। তখনকার কথা বলি। ১৯১৫ সাল তখন। তখনকার দিনে এ কথা নিয়ে পরিহার করার মতো মন বড় কারও ছিল না। সেদিন ওই ব্যাখ্যাই সকলে নির্বিচারে মেনে নিয়েছিল। এর মধ্যেই পাওয়া যাবে ভাবীকালে কোন বিচিত্র পথে ওই বিচিত্র বিবাদের অবসান হয়েছিল।

বারো

এরপর আবার কি যেন একটা তুচ্ছ ছুতো নিয়ে ঝগড়া উঠল ঘনীভূত হয়ে। ঠিক মনে নেই। তবে এমনি ধরনের কিছুর। যেমন হয় তো এই ঘটনাকে উপলক্ষ করেই আমাদের বাড়িতে বধূর অতিরিক্ত পান খাওয়ার সমালোচনা হল। এত পান খাওয়া, এই বয়সে এ কি ভালো?

ও বাড়িতে রিপোর্টারের রিপোর্ট গেল—এত পান খাওয়া? মা-গো! বয়সকালে তা হলে হবে কি? এই বেতরিরবৎ শব্দ দু'দিদিমার আদরে! এ বাড়িতে এলে পান খাওয়া ঘৃণিয়ে তবে ছাড়বে।

ও বাড়িতে কি কথা হল কে জানে, এ বাড়িতে টেলিপ্রিন্টারে মূর্খিত হয়ে এল—ঘৃণিয়ে ছাড়বে। ঘোচালেই হল আর কি? দাসী-বাদী কি-না? এমনি নিয়েছে মেয়ে? পেটে কিল মেরে পান আদায় করবে।

এরপর আর সম্প্রীতি থাকে কি করে?

জোর করে ছাড়ালে পান খাওয়া ছাড়তে কে রাজি হয়? আর বেশী পান খেতে বারণ করলে পেটে কিল খেতেই বা রাজি কে হয়? সন্তরায় ঝগড়া বেড়ে চলে।

এরই মধ্যে হয়ে গেল ম্যাট্রিকুলেশন পরীক্ষা।

মনে পড়ছে আমাদের সহপাঠী। বর্তমানে লাভপুর ইন্সকুলের শিক্ষক, হেলারাম—গায়ে হলুদ, চোখে কাজল, হাতে হলুদ-মাথা সূতো নিয়ে, বিয়ের ঠিক পরদিনই গেল পরীক্ষা দিতে।

পরীক্ষা দিতে সিউড়ি গেলাম।

সেখানে দেখা হল একজন পরীক্ষার্থীর সঙ্গে, সে নাম করলে নলিনী বাগচীর। বার বার নলিনীদার দোহাই দিলে কথা বলছিল সে। ভালো ভালো কথা। জিজ্ঞাসা করলাম—নলিনীদা কে?

সে বললে—আমাদের ওখানকার, কাশ্মীনগর-কাপ খেলা হয় যেখানে, নিমিত্তা অঙ্গলের নাম শুনেছেন?

শুনছি বই কি। শব্দ নিমিত্তা কাশ্মীনগর নয়। নলিনী বাগচীর নামও জানি। তাঁর সঙ্গে আমার পরিচয় হয়েছিল। তাঁকে কবিতা লিখে

দেখিয়েছিলাম। তিনি আমাকে চিঠি লিখেছিলেন। উত্তরে তাঁর কথামতো আরও কবিতা লিখে পাঠিয়েছিলাম।

হ্যাঁ। তিনি। তিনি- আর বড় দেশে আসেন না। স্বদেশী করেন কি-না। দেশে পদলিস কড়া নজর রেখেছে। এলেই ধরে ফেলবে। তাঁরই কথা বলছি।

মনে পড়ে গেল তাঁকে।

পরীক্ষা দিয়ে দেশে ফিরে তাঁকে মনে করে অকারণে একদিন রামপদ্রহাট গিয়েছিলাম। নিতান্ত অকারণে।

এ সময়ে কিন্তু রামপদ্রহাট, সিউড়ি, এ সব জায়গাগুলি ছাত্রজীবনের পক্ষে খুব স্বাস্থ্যকর ছিল না। যারা না-কি জীবনে মেধাবী ছাত্র, প্রতিভাবান, তাঁরা পরীক্ষার ফল ভালো করেছেন কিন্তু জীবনে যতখানি মানুস হতে পারতেন তা হতে পারেন নি।

এই ১৯১৪।১৫।১৬ সালের মফঃস্বল শহর বিচিত্র স্থান ছিল। শিক্ষা-কেন্দ্রগুলি লেখাপড়া শিখিয়েছে, পরীক্ষায় পাস করিয়েছে। কিন্তু চরিত্রের উপর বিদ্যা ও শিক্ষার প্রভাব পড়তে পারেনি। সিগারেট তো নির্দোষ বস্তু, সিগারেটের মধ্যে চলত চরস। ভাং অর্থাৎ সিদ্ধি ছিল উপাদেয় পানীয়। ছেলেরা বলত, সিদ্ধি খেলে বুদ্ধি বাড়ে। সিদ্ধি খেয়ে বুদ্ধি বাড়ুক-না-বাড়ুক, ক্ষিধে বাড়ত। এক একটি ছেলে গ্রিশ-পংগ্রিশখানি রুটি খেয়ে তবে উঠত। মধ্যে মধ্যে দু-চারজন পাগল হয়ে যেত। এমন একটি ছেলের কথা আমি জানি। আমাদের থেকে এক বছর কি দু-বছরের পরের ছাত্র। বয়সে সমবয়সী। নাম বৈদ্যনাথ মন্ডল। হুগলী নর্মাল স্কুলে খুব ভালোভাবে পাস করে এসে ইংরেজি পড়তে ভর্তি হল। বৈদ্যনাথ ছিল প্রতিভাবান ছাত্র। অক্ষে-সংস্কৃতে-বাংলায়-ইতিহাসে ইন্সকুলের শিক্ষকদের সমকক্ষ। ইংরেজিতেও অলপদিনে সে পাকা হয়ে উঠল। শিক্ষকেরা আশা করলেন, বৈদ্যনাথ ম্যাট্রিকে খুব উচ্চস্থান অধিকার করবে। অন্যায় আশা তাঁরা করেননি। বৈদ্যনাথ ফাস্ট ক্লাশে উঠে হঠাৎ একদিন সিদ্ধি খেয়ে পাগল হয়ে গেল। ফাস্ট ক্লাশের ছাত্রেরা তখন দল বেঁধে সিদ্ধি ঘন্টে খায়। খায় কিন্তু অভিযোগ করে, খেয়ে কিছন্ন হয় না। বুদ্ধি আশানুরূপ বাড়ে না। একদিন এই অভিযোগে বিরক্ত হয়ে তাদের নেতা বৈদ্যনাথ মন্ডলকে কি অনুরূপ সহযোগে সিদ্ধি ঘন্টলে কে জানে, সেই সিদ্ধি খেয়ে বৈদ্যনাথ মন্ডল প্রথম হাসতে শুরুর করলে, তারপর বক্তৃতা শুরুর করলে, সেই বক্তৃতায় আকৃষ্ট হয়ে গোটা বোর্ডিংয়ের ঘুম ভাঙল, হেডমাস্টার এলেন, বৈদ্যনাথ তাঁকে দেখে অনুপ্রাণিত হয়ে বললে—

—Twinkle, twinkle, little star.

—নীল উজ্জ্বল তারারি !

—মাস্টারমশাই, ওই যে তারারি দেখছেন, ওটি কি বলছে জানেন ?
কিছুক্ষণ মৃদু আঙুল দিয়ে ভেবে-চিন্তে বললে—কি বলছে বুঝতে পারছি
না, কিন্তু কিছু বলছে ।

বৈদ্যনাথ পাগল হয়ে গেল । দাঁড়ি বেঁধে তাকে বাড়ি পাঠানো হল ।
সে বৎসর সে পরীক্ষা দিতে পারলে না । দীর্ঘদিন পরে সুস্থ হয়ে আবার
ফিরল বৈদ্যনাথ, কিন্তু তার সে প্রতিভা তখন নষ্ট হয়ে গেছে । পরীক্ষায়
ফাস্ট ডিভিসনে পাস করে সে লাভপদুরেই শিক্ষকতা করছে । আজও আছে ।
এমন উচ্চস্তরের শিক্ষক দুর্লভ কিন্তু আজও তার পূর্ব মস্তিস্ক সে ফিরে
পায় নি । আজও সে মধ্যে মধ্যে অকারণে হাসে ।

সে সময়ে এমনভাবে বহু প্রতিভা নষ্ট হয়েছে । এরপর আমি দেখছি
লাভপদুরে ছাত্রজীবনের আরও অধঃপতন । মদ্যপান করতে দেখছি । সে-ও এসেছিল
শহর থেকে । লাভপদুরও তখন শহর না হয়েও শহরের বাড়ী । লাভপদুরের
সংস্কৃতিগৌরব নাকি বীরভূমের সকল স্থানের গৌরবকে শূন্য করে দিয়েছে ।

যাক । রামপদুরহাটে তখন এমনি একটি সংস্কৃতিবানের দল ছিল ।
লাভপদুরের ছাত্রদের সঙ্গে তাদের ঘনিষ্ঠ যোগাযোগ । দীর্ঘ দীর্ঘ পত্র, তার
মধ্যে হৃদয় বিগলিত করা খণ্ডকাব্য, উচ্চস্তরের লিরিক ; এই ধরনের পত্রের
আদান-প্রদান চলত নিয়মিত । সুতরাং রামপদুরহাট যাওয়ার মধ্যে নলিনী
বাগচীকে খুঁজতে যাওয়ার সন্দেহে সন্দেহভাজন হওয়ার সম্ভাবনা আদৌ ছিল
না । দুর্কাড়িবালাও তখন জেলে । কিন্তু আমার আকুলতা যতই থাক নলিনী
বাগচীকে কোথায় পাব ? রামপদুরহাটে কেউ তার সন্ধানই জানত না । সেই
ছেলেটির বাড়ি পর্যন্ত যেতে হল । নলহাটি-আজিমগঞ্জ লাইন ধরে আজিমগঞ্জ
গেলাম । আজিমগঞ্জেরই একটা ঠিকানা সে আমাকে দিয়েছিল । কিন্তু
সেখানে তাকে পেলাম না । অগত্যা আজিমগঞ্জে শেঠদের বাগান দেখে গঙ্গান্নান
করে ফিরে এলাম ।

কবিতা লিখেছিলাম গঙ্গার ঘাটে বসে ।

বাড়ি ফিরলাম । এর ঠিক দু-দিন কি চার দিন পরেই শুনলাম
বাঙালী পল্টন তৈরি হচ্ছে । বাঙালী পল্টন যুদ্ধে যাবে । সেই বাঙালী
পল্টনের জন্য লাভপদুরে মিটিং হবে । ম্যাজিস্ট্রেট আসছেন, পুলিস সাহেব
আসছেন, তার সঙ্গে আসছেন কুলদাপ্রসাদ ভাগবতরস ।

তিনি মিটিং-এ বক্তৃতা দিলেন । সে কি বক্তৃতা ! স্বিজেন্দ্রলাল রায়ের
'মানুষ আমরা নহি তো মেষ' এই লাইন দিয়ে শূন্য করলেন । আজও
মনে হয় এমন বক্তৃতা আর জীবনে শুনিনি ।

বক্তৃতা শেষ হল, আমি উঠে দাঁড়ালাম। আমি যেতে চাই যুদ্ধে।

আমি যুদ্ধে যেতে চাই বলে উঠে দাঁড়াবার পরই আরও দু-তিন জন উঠে দাঁড়াল। হাততালি পড়ল।) আমাদের ডেকে নিয়ে গিয়ে আলাদা বসানো হল। তারপর সভার শেষে নির্মলশিববাবুদের পেস্ট হাউসে মাথা থেকে পা পর্যন্ত মাপ নেওয়া হল। হল অনেক কিছুর। এমন সময় কে এসে যেন নির্মলশিববাবুকে ডেকে নিয়ে গেল। তারপরই আমাকে।

বেশি দূর না। রশি দুয়েক দুয়েই রখতলা। ওই রখতলাতেই ইন্সকুলডাঙা থেকে আমাদের পাড়ার সোজা রাস্তা। গিয়ে দেখি রখতলাতে দাঁড়িয়ে দুই ব্যাগ্রী, যে ব্যাগ্রী দু-জন বছর দুয়েক ধরে প্রচণ্ড বিক্রমে হুস্কার-যুদ্ধ করেছেন তাঁরা আজ একযোগে এসে দাঁড়িয়েছেন এবং হুস্কার ছাড়ছেন। শান্তস্বভাব নির্মলশিববাবুকেই তখন সহ্য করতে হচ্ছে সে হুস্কার।

—ছেলেধরা নিয়ে এসে এ সব হচ্ছে কি? যুদ্ধে যাবে? যুদ্ধে যাবে কি? কেন যাবে? এ সব মজ্জুদ্দীপনা তোমার করা কেন? কার হুকুমে ছেলে নিয়ে যাবে? কিসের যুদ্ধ? কার যুদ্ধ?

আমি যেতেই গিন্নী বললেন—যুদ্ধে যাবে? তুমি যুদ্ধে যাবে? দাও আমাদের বিয়ে ফেরত দাও। আগে বল তুমি বিয়ে করলে কেন? বল তুমি, আমার নাতনিকে তুমি কেন বিয়ে করলে? বিয়ে করলে তো যুদ্ধে যাবে কার হুকুম।

আমি যুদ্ধে যাবার জন্য উঠে দাঁড়াবার সময় এতটা ভাবিনি। ভাববার সময়ও ছিল না। এবং আমি যে ইতিমধ্যে এতখানি বাঁধা পড়ে গেছি তাও বুঝিনি। যুদ্ধে গিয়ে গোলাগুলির আক্রমণ সম্পর্কে একটা-আধটা কথা বুদ্ধের মাপ দেবার সময় মনে হয়েছে, ভয়ও লেগেছে কিন্তু তার আগেই যে এমন ভাবে বাক্যবাণের সম্মুখীন হতে হবে একথা আদৌ মনে হয়নি। তাই ডাহা হতভম্ব হয়ে গেলাম। কিন্তু মৃখে কোনো উত্তরই যোগাল না। কি উত্তরই বা দেব? বিয়ে ফেরত কিভাবে হয় তাও জানি না।

ইতিমধ্যে পিসিমা এগিয়ে এসে আমার হাতখানা ধরে বললেন—চল, বাড়িতে বসি আছ, তাই দিবে আমাকে, তোর মাকে, আর ওই বালিকা বউকে কেটে যুদ্ধ শিখে যুদ্ধে যাবি। চল, কাটাঁচ চল আমাদের তিনজনকে।

বিয়ে ফেরত দেওয়ার ব্যবস্থা জানা ছিল না এবং সকলকে কেটে যুদ্ধ শেখাও অসম্ভব ছিল, সুতরাং যুদ্ধে যাওয়া হয়ে গেল। সড় সড় করে বাড়ি ফিরলাম। দু-তিন দিন গিন্নী ঠাকুরবাড়ি যাওয়া-আসার পথে আমাদের চণ্ডীমন্ডপের দরজার দাঁড়িয়ে আমার খবর নিয়ে গেলেন। অর্থাৎ আমার কার্ষ-কারণে কোনো রকম বদ মতলব দেখা যাচ্ছে কিনা?

যাই হোক ; এই ধরনের কড়া দৃষ্টির মধ্যে নানাপ্রকার বিচিত্র কথা শুনতে পেলাম, কথা একটাই, তারই বহু বিচিত্র রূপ। আমার পিসিমা ইচ্ছাতে বন্ধুবান্ধবদের দিয়ে প্রশ্ন করালেন—বন্ধুকে নিয়ে আসবেন কিনা ?

—সেই জন্যই কি যুদ্ধে যেতে চাই ? না—কি ?

একদিন নিজেই বললেন—বউমাকে এইবার নিয়ে আসি, কি বল ?

মা বাধা দিয়ে বললেন—বউমাকে তো আমরা পাঠিয়েই দিইনি। ওঁরাই নিয়ে গেছেন। ওঁরা যদি না পাঠান ?

—তা না হয় আমাদের অপমান হবে ?

আমি পড়লাম মহাবিপদে। কি বলব আমি। সত্য বলতে কি বধুর জন্য বিরহ অনুভবের কোন লক্ষণই আমার মধ্যে আমি অনুভব করি নি।

ওঁদিকে ওঁদের বাড়িতে বধু তিরস্কৃত হল দিদিমার কাছে।—হারামজাদী খুকী। দিদিমা, দিদিমা করে পাগল। দিদিমার জন্যে শব্দরবাড়ি থেকে পালিয়ে এল। দশ ক্রোশ বিশ ক্রোশ নয়, বাড়ির দোরে বিয়ে দিয়েছি, তা-ও থাকতে পারলেন না খুকী। এখন ছোঁড়া যুদ্ধে যেতে চায়। নে, এখন ঠালা নে। সামলায় কে দেখ ! এখন যা, স্নড় স্নড় করে নিজেকে থেকে যা !

কিন্তু তাই-বা কি করে হয় ? যদি ঘরে ঢুকতে না দেয় ? তা অর্বাচি পারবে না। কিন্তু পিসশাশুড়ী জন্মালে কি হবে ?

এই জল্পনা-কল্পনার মধ্যে একদা সংবাদ এল, আমি পাস করেছি।

পাস করার আনন্দটা (আমি জীবনে ওই একটা পাসই করেছি) একটা অভূতপূর্ব অভূত আনন্দ। অন্তত আমার কাছে তাই মনে হয়েছিল। এমন বিপুল উল্লাস কখনও অনুভব করিনি। বিয়ে আমার একরকম ছেলেবেলায় হয়েছে, বিয়েতেও না। পরবর্তী জীবনে সম্মান পেয়েছি, তাতেও না। বি-এ এম-এ-যারা পাস করেছেন তাঁদের জিজ্ঞাসা করি নি তবে আমার মনে হয়, ওই প্রথম পাসের আনন্দের মতো বিপুল আনন্দ আর কোনো পাস করে হয় না।

হয় বোধ হয়। পরে যে পরীক্ষায় পাস করে মানুষ ভালো চাকরি অর্থাৎ বিদ্যাগৌরবের সঙ্গে জীবনে প্রতিষ্ঠাগৌরবও পায় তাতে হয়। আমি শুনছি আগে আই-সি-এস, আই-পি-এস ধরনের পরীক্ষা পাস-করা ছাত্র সারা রাতি নৃত্য করেছে, গলা না থাকলেও গান করেছে। হুলা করেছে। তবে একে বোধহয় পরীক্ষা পাসের সামিল করা যায় না। পাস বলতে ওই এম-এ পর্যন্ত।

দশ বছর ধরে যে পরীক্ষাটি পাস করবার জন্য বছরে চার-চারটে পরীক্ষার

পড়া তৈরি করেছি, ইস্কুলে কঠোর শাসনের মধ্যে কাটিয়েছি হঠাৎ ওই খবরটি এসে অনেক কথার মধ্যে এই কথাটিও বলে—খালাস তুমি ওই ইস্কুল থেকে। ব্যাপারটা কত বড় বড়বড়, ওখানে স্বেচ্ছায় গিয়ে যদি বলি, আমি আর একদিন পড়ব, তবে মাস্টাররা বলবেন—হবে না বাপু। আর ক্লাশ নেই। এ যেন সোনার তরীর উলটো ব্যাপার। ঘাটের উপর বসে আছি ধানের বোঝা মাথায় নিয়ে, হঠাৎ সোনার তরী এল, এসে বললে—তোমার মাথার ধান সোনা হয়ে গেছে, তুমি আমার নৌকায় উঠে এস। ওপারে চল। ঘাটের লোকও বললে—যারা না-কি সারা বর্ষা-শরৎ-হেমন্ত-শীত—চারটে ঋতু পর্বন্ত চোখ রাঙিয়ে ধান পর্দা দিয়েছে, নিড়িয়ে নিয়েছে, সিন্চন দিইয়ে নিয়েছে, কাটিয়েছে তারাও বলে—আর না, তোমার ফসল যখন সোনা হল তখন আর এ-পারে চাষ তোমাকে দিয়ে চলবে না। ও-পারে গিয়ে লেগে পড়।

হয়তো উচ্ছ্বাসটা বেশি বলেই মনে হবে অনেকের, সে যারা চারটে-পাঁচটা-সাতটা পাস করেছেন। ডাঃ শ্রীকুমার-সুদনীতকুমার-মেঘনাদ—এঁদের মনে হবে। হয়তো প্রমথ বিশী, জগদীশ ভট্টাচার্য এদেরও হবে। হয়তো এম-এ পাস আমার বড় ছেলে বড় জামাইয়েরও মনে হবে। কিন্তু যারা আমার মতো একটা পাস তাদের বেশি মনে হবে না। এ আমার দৃঢ় বিশ্বাস। দশ বছর পড়ে দশ বছরে অত্যন্ত একচল্লিশটা পরীক্ষার পর (বছরে কোয়ার্টারলি ধরে এবং টেস্ট ও ফাইনাল ধরে) পাসটার স্বীকৃতির সঙ্গে দু-বছরে এক-একটা পাসের স্বীকৃতির কি তুলনা হয়? ও-তো তৈরি ভাত-ডাল মেখে গ্রাস বানিয়ে মুখে তোলা। আর এ হল উনোনে আঁচ দেওয়া থেকে শূন্য করে বাটনা বেটে, তরকারী কুটে, চাল ধুয়ে, রান্না করে, জায়গা করে খাওয়ার মতো ব্যাপার।

সারাটা দিন গ্রামের পথে পথে বেড়িয়েছিলাম। লোককে দেখবামাত্র প্রণাম করেছিলাম। একরকম উপবাস করে ছিলাম। খেতেই পারিনি ভালো করে। রাতে ফিস্ট করেছিলাম। এবং গান করেছিলাম। সেদিন সিদ্ধিও খেয়েছিলাম।

বিয়ে নিয়ে ঝগড়াবিবাদের অশান্তি কোথায় উপে গেল।

পরের দিন থেকে গবেষণা চলতে লাগল—কোথায় পড়তে যাব?

পিসিমা জানালেন কলকাতায় পাঠাতে তিনি রাজি নন। বললেন—কলকাতা ভয়ঙ্কর জায়গা। সেখানে লোকে দিক ভুলে হারিয়ে যায়। সন্ধ্যার অন্ধকারে গুন্ডায় ছুঁরি মারে, একটুখানি অন্যমনস্ক হলে বড় বড় জুড়ি গাড়ির তলায় চাপা পড়ে। ট্রামের তার কেটে পড়বামাত্র লোকে মরে যায়।

গাড়ি-চাপা-পড়া তিনি স্বচক্ষে দেখেছিলেন। জগন্নাথ বাবার পথে হাওড়া স্টেশনেই আমাদের গ্রামের একটি বালক চাপা পড়ে মরেছিল। কলকাতার কথা হলেই শিউরে উঠে তিনি এই গল্পটি করে তারপর চিড়িয়াখানা যাদুঘর কালীঘাটের কথা বলতেন।

ট্রামের তার কেটে গিয়ে পড়ে মৃত্যুর কথা গল্প করতেন আমার বউদিদি। আমার বউদিদির মায়ের ফিটের ব্যারাম ছিল। তার উদ্ভব না-কি ট্রামের তার-কাটা থেকে। বউদিদির দাদা কয়লার ব্যবসারী ছিলেন। কলকাতায় ঘুরতে হত অনেক। একদিন কেউ এসে গল্প করেছিল বাড়িতে—ওই ট্রামের তার-কাটার গল্প। ট্রামের তার কেটে একজনের গিয়ে পড়বামাত্র লোকটা মরে গেল। শুনবার পর বউদিদির মা অনেকক্ষণ চুপ করে বসে রইলেন। কেউ জিজ্ঞাসা করলে—কি হল? এমন করে বসে কেন?

বউদিদির মা বললেন—আমার স্নেহীল দিনরাত কলকাতার রাস্তায় ঘুরছে, ট্রামের তার কেটে যদি স্নেহীলের গিয়ে পড়ে? এরপরেই তিনি অশ্রুট আতর্নাদ করে পড়ে গেলেন মাটির উপর। সেই তাঁর ফিটের ব্যাধির শুরুর।

ব্যাপারটা বারবার শুনে সে আমলে আমার মনেও একটি আতঙ্কের সৃষ্টি করেছিল। যাই হোক, পিসিমা এসব গল্প বলে সর্বশেষে মাকে বললেন— আরও একটা কথা আছে বউ।

মা বললেন—কি?

—ওখানে ছেলেকে পাঠাব। ওখানে ওদের (অর্থাৎ আমার মামা-শ্বশুরদের) মস্ত ব্যবসা, বাসা। আমরা থাকব না। এখন ছেলেটিকে ডেকে নিয়ে আদর-যত্ন করে যদি ওদের কোলগত করে নেয়, তখন?

মা বললেন—কলকাতা পাঠাতে আমি বলছি না কিন্তু ছেলেকে অবিবাস করছ কেন? সে তো কোনো অবিবাসের কাজ করেনি। এই তো বাড়ির দোরে শ্বশুর-বাড়ি। বড়ী (আমার বোন) রয়েছে সেখানে, তার সঙ্গে দেখা করার ছুতো করেও তো যায়নি। বউমার চিঠি পর্যন্ত সে আমাদের দিয়েছে।

পিসিমা অপ্রস্তুত হলেন, বললেন—না না। সে কথা আমি বলিনি। তবে মন না মতিভ্রম। ছেলেমানুষ। এই বয়সেই তো শ্বশুরবাড়ির শখ। যাওয়ারই তো কথা। বউ তো আনতেই হবে। বিয়ে তো আর দিতে পারব না। সে কালও নাই, কাল না মানলেও পথ নাই। বড়ীর সঙ্গে বদলে বিয়ে হয়েছে। তবে আমি শিক্ষা দিতে চাই। বলে কি-না আমি কে? আমি থাকতে মেয়ে পাঠাবে না।

বলতে বোধ হয় ভুলেছি, এমন কথা উঠেছিল, বলেছিলেন ওরা।

সেই আঘাতটা তাঁকে লেগেছিল। তবে ঝগড়া-ঝাঁটি যাই হোক এবং তার কারণ স্বরূপ নানা কঠিন কথার যতই উল্লেখ করে থাকি আসল কারণটা ছিল ছেলে হারাবার ভয়। যে কারণে চিরদিন একশো শাশুড়ী একশো বউয়ের মধ্যে নিরেন্দ্রবুই ক্ষেত্রে বিরোধ বাধে। চিরদিন হয়ে আসছে। অন্তত আমাদের দেশে, আমাদের সমাজে। এ সমাজ ষতদিন থাকবে ততদিন হবে। যে-বউ শাশুড়ীর কটু-কথা শোনেন নিজের বধু-জীবনের প্রথমভাগে সেই বধুই শাশুড়ী হয়ে নিজের বধুকে কটু-কথা বলেন। পিসিমা ছিলেন জীবনে সর্বহারার। সর্বহারার সত্যকার অর্থে সর্বহারার। এই সর্বহারার নারীর জীবনে আমিই ছিলাম একমাত্র অবলম্বন, তাই আমাকে হারাতে, আমাকে ছাড়তে, কাউকে আমার মতো বস্তুটিকে হাতে তুলে দেবার শক্তি তাঁর ছিল না। তার চেয়ে মৃত্যু তাঁর ভালো ছিল।

আমার কিন্তু কলকাতায় আসবার প্রবল আকাঙ্ক্ষা। আমি তখনও কলকাতা দেখিনি। শুনেছি পড়েছি কলকাতার গল্প। বিরাট বিচিত্র মহানগরী। কলকাতায় বিরাট বিশ্ববিদ্যালয়। পাণ্ডিত্যের মূর্তিমান অধ্যাপক, কলকাতায় সাহিত্যের কেন্দ্র, বড় বড় কাগজের আপিস; বড় বড় সাহিত্যিক সেখানে থাকেন; কলকাতায় স্বপ্নের যাদুপুরী রঞ্জমণ্ড, কলকাতায় মোহনবাগানের খেলা, যাদুঘর, চিড়িয়াখানা, সার্কাস, বড়দিন; বিরাট নগরীর একপ্রান্ত থেকে আর এক প্রান্ত পর্যন্ত বিচিত্র ট্রাম যানের ব্যবস্থা, অবিরাম চলছেই চলছেই। আমার তখন ধারণা ছিল ট্রাম আদৌ থামে না, সে চলেই চলেই, সেই চলন্ত অবস্থাতেই উঠতে হয়, নামতে হয়। কলকাতায় ভারতবর্ষের যত করদরাজ্যের রাজারা আসেন। উদয়পুরের মহারাণা আসেন। কলকাতায় ঘোড়দৌড় হয়। কলকাতায় বায়স্কোপ (তখন সিনেমাকে বায়স্কোপ বলতাম) আছে, কলকাতায় রাত্রি নাই। শৈশব থেকে শুধু শুনেই এসেছি, দেখতে পাই নি। একবার আসবার সমস্ত আয়োজন করেও আসা হয় নি। সে দুঃখ আমার মনে সমান প্রবল হয়েছে ছিল তখনও পর্যন্ত। আরও আকর্ষণ ছিল। আমাদের গ্রামের যারা কলকাতায় থাকতেন তাঁদের বিচিত্র বেশ; মার্জিত বহিরঙ্গেরও একটা প্রবল আকর্ষণ ছিল। একালে এখনও গ্রাম্য বালকেরা বোধকরি এ আকর্ষণ অনুভব করে। সেকালে দলত—কলের জল, বালাম চাল তিনমাস পেটে পড়লেই আলাদা মানুষ। কালো-কুচ্ছিতও কলের জলে বালাম চালে “ছিরি” অর্থাৎ শ্রীমন্ত হয়ে ওঠে।

একটি ষোলো বছরের ছেলের পক্ষে এ আকর্ষণ দুর্নিবার। তবুও তাকে অন্তরের মধ্যেই নিবারণ করতে হল। মা বললেন, পিসিমা বললেন, আমিও বললাম, বলতে হল—বেশ। স্থির হল বহরমপুরে ভাঁতি হবে। বললাম—বেশ।

খুশি হলে পিসিমাই আমাকে নিয়ে বহরমপুর রওনা হলেন। আমি যখন ফাস্ট ক্লাশে পড়ি তখন আমাদের স্কুলে এসেছিলেন থার্ড মাস্টার। তাঁর নাম প্রমথনাথ মৈত্র। তিনি আমার গৃহ-শিক্ষক হয়েই আমাদের বাড়িতেই ছিলেন। মাস আষ্টেক থেকে ওখান থেকেই মোক্তারি পাস করে তিনি তখন বহরমপুরে মোক্তারি করছেন। তাঁকে পত্র লিখে আমার নিয়ে তাঁর ওখানেই গেলেন। তখনও কলেজ খোলে নাই। ভাঁত শূন্য হয় নাই। কয়েকদিন থেকে ওখানকার ব্যবস্থা করে পিসিমা আমাকে নিয়ে ফিরলেন। হোস্টেলে থাকব। প্রমথবাবু সব ঠিক করে দেবেন বললেন। এর সপ্তাহ-দুয়েক পরই বাজ-পেঁটার বেঁধে বহরমপুর রওনা হলাম। এবার আমি একা। এই আমার জীবনে প্রথম একক স্বাধীনভাবে যাত্রা। অবশ্য সিউড়ি, রামপুরহাট বাদ দিয়ে। মাকে সঙ্গে নিয়ে পাটনা এর আগে গিয়েছি এসেছি কিন্তু সে ক্ষেত্রে মাকে আমি নিয়ে যাই নি, মা আমাকে নিয়ে গেছেন।

তখনও ভাগীরথীর এমন দুরবস্থা হয় নি। বর্ষার সময় দুকুল-প্লাবিনী গঙ্গায় স্টীমারে আজিমগঞ্জ থেকে বহরমপুর পৌঁছলাম। ভারি ভালো লেগেছিল এই পথটুকু।

বহরমপুর পৌঁছে প্রমথবাবুর বাড়িতে উঠলাম। কিন্তু প্রমথবাবু কোনো ব্যবস্থাই করে রাখেন নি। অর্থাৎ প্রধান সমস্যা হোস্টেলের সিটের কোনো ব্যবস্থা করতে অবকাশ পান নি। ভেবেছিলেন এলেই ব্যবস্থা হয়ে যাবে। কিন্তু সমস্যাটা এত সোজা ছিল না তখন। কলকাতায় ভারত-রক্ষা আইনের প্রবর্তনের ফলে বহরমপুর কলেজ, হোস্টেল তখন আকণ্ঠ ভরে উঠেছে। প্রমথবাবুর এক ভাই কলেজে পড়তেন সেকেন্ড ইয়ারে—তাঁর নামটি বেশ—কাঁঁতবাস মৈত্র। তাঁর সঙ্গে প্রথমেই দেখতে গেলাম হোস্টেলের সিট। প্রমথবাবু বলে দিলেন। কিন্তু বেলা একটা থেকে সন্ধ্যা ছ-টা পর্যন্ত হোস্টেলে হোস্টেলে ঘুরে ব্যর্থ-মনোরথ হয়ে ফিরে এলাম। মহারাজা হোস্টেল বলে একটি হোস্টেলে একটি সিট ছিল চাকরদের ঘরের সংলগ্ন। অন্ধকার, স্যাঁতসেতে; ঘরের একটি মাত্র জানলার ওপাশে একটি সাপের খোলস ঝুলতে দেখে আমি ওখানে থাকতে রাজি হলাম না।

প্রমথবাবু সত্যি আমাকে রেহ করতেন। তিনি ব্যবস্থা করে রাখেন নি সেটা তাঁর অবহেলা নয়, ভেবেছিলেন এলেই হয়ে যাবে; এতটা ভাবতে পারেন নি। তিনি বললেন—তাহলে আমার এখানেই কয়েক দিন থাক—তারপর একটা ব্যবস্থা হবে।

এদিকে তখন এই অকল্পিত অবস্থার ষাত-প্রতিষাতের মধ্যে বিচিগ্রভাবে আমার মনে কলকাতা আসবার বাসনা প্রবল হয়ে উঠল। এই তো হয়েছে।

এই তো সন্ধ্যা। মন আমার উল্লাসে নেচে উঠল—এ সন্ধ্যা আর কিছুতেই ছাড়বে না। আজ রাতে, আজই রাতে রওনা হবে। নইলে কলকাতা যাওয়া অন্তত দু-বছর পিছিয়ে যাবে। মহানগরী আমার হাতছানি দিয়ে ডাকছে তখন।

আমি বললাম—না। আমি কলকাতা যাই তা হলে, দেরি হলে সেখানেও এই অবস্থা হবে।

একটু রাগও দেখলাম। বললাম—ব্যবস্থা যখন করেন নি তখন আর পরে ব্যবস্থা হবে বলে কি লাভ? আমি কলকাতাই যাব।

প্রমথবাবু আর কিছু বললেন না।

আমি সেই রাতেই রওনা হলাম। সারারাত্রি ট্রেনে এসে ভোরবেলা নামলাম শেয়ালদা স্টেশনে।

তখনও স্টেশনের ইলেকট্রিক লাইটগুলি জ্বলছে। সামনে জনহীন সারকুলার রোড ঘুমন্ত অজগরের মতো নিথর।

কুলি বললে—কি বাবু? ঘোড়ার গাড়ি?

বললাম—থাম। রাখ জিনিস এইখানে। সকাল হোক।

বিরাট ঘুমন্ত মহানগরীর প্রবেশদ্বারে দাঁড়িয়ে বুকটা কেঁপে উঠল। কোথায় যাব? কেমন করে যাব? মহানগরী শূন্য বিচিত্রই নয়; পাণ্ডিত্যের লীলাভূমি, বিদ্যা, সাহিত্যের তীর্থক্ষেত্রই নয় মহানগরী হিংস্র প্রবণকের, পরস্বাপহারীরও আবাসস্থল। পরস্পরেই সাহস ফিরে পেলাম। কিসের ভয়? ফুটুক, আলো ফুটুক!

হঠাৎ শব্দ শুনে দেখলাম লম্বা আকারের হলুদ রঙের ছোট ট্রেনের মতো গাড়ি চলছে রাস্তার উপর দিয়ে, গাড়ির মাথায় একটা ভাঙা রেফের মতো বেকে উঠে তারের সঙ্গে লেগে রয়েছে।

ভেরো

ট্রাম গাড়ি। এই সেই ট্রাম গাড়ি! জীবনে প্রথম দেখলাম। ছাদের লম্বা ডাঙাটা মারফৎ বিদ্যুৎশক্তি নিচ্ছে তার থেকে। পথের উপরে পাতা লাইন বেয়ে চলেছে। তখন ট্রাম গাড়ির রং ছিল হলুদ। দরজা ছিল পাশে, খোলা দরজা। পাশাপাশি ছ-সাতটা দরজা। লোকাল ট্রেনের মতো। ট্রামখানা চলে গেল হ্যারিসন রোড ধরে। আমি বসে রইলাম।

আলো ফুটে উঠলো বোধকরি আধঘণ্টার মধ্যেই। এরই মধ্যে দেখলাম সারকুলার রোড যান-বাহন জনতায় জেগে উঠল। সেই প্রথম দিনই দেখে-ছিলাম, শেয়ালদহ স্টেশন থেকে কি বিপুল পরিমাণ শাক-সবজি তরি-তরকারি বোঝাই গরুর গাড়ি, এবং বড় বড় বন্ডি মাথায় শয়ে শয়ে মৃটে বের হচ্ছে কলকাতার ভিতরে। সারি সারি—তার আর শেষ নাই। মাছের গন্ধ পেলাম। দেখলাম বাস চলছে। তখন মোটরের যুগ ছিল না। সে সময় কলকাতায় কতগুলি মোটর ছিল জানি না। সেদিন মোটরকার চোখে পড়ে নি। শেয়ালদহ স্টেশনে ট্যাক্সি দেখেছি বলেও মনে পড়ছে না।

শেয়ালদহ স্টেশনে সেই আধঘণ্টার মধ্যেই বোধ হয় খান-তিনেক ট্রেন এসেছিল। তিনবার জনস্রোত আমার চোখের সামনে স্টেশন সীমানা পার হয়ে রাস্তায় পড়ে বোধ হয় তিন-চার মিনিটের মধ্যেই কে-কোথায় মিলিয়ে গেল। তারপর জাগল কলকাতা। সারকুলার রোডের অবস্থা দেখে তাই মনে হল। আমি এবার একখানা ঘোড়ার গাড়ি ভাড়া করলাম। আগে থেকেই ঠিক করে রেখেছিলাম, কোথায় যাব। যাব এণ্টালী, ক্যাণ্টোফার লেন। আমার মেসোমশায়ের বাড়ি। একই বাড়িতে আমার দুই মাসিমার বিবাহ হয়েছিল দুই সহোদরের সঙ্গে। সেখানে উঠে তারপর কলেজে ভর্তি হব এবং হোস্টেলে যাব। কোথায় ক্যাণ্টোফার লেন তা জানি না। শুধু জানি, ট্রাম কোম্পানির পাওয়ার হাউসের পিছনে। গাড়োয়ানকে বললাম সে কথা। বললাম, দেখ কলকাতায় আমি নতুন এসেছি। আমাকে এই ঠিকানায় পৌঁছে দিতে হবে। ভাড়া তাঁরা যা বলবেন তার থেকে একটাকা বেশি দেব। তোমাকে কিন্তু একটি কথা বলতে হবে।

সে প্রশ্ন করলে—কি?

বললাম—তুমি আল্লার নাম নিয়ে বল যে আমার কোনো বিপদ হবে না।

সে আমার মৃথের দিকে তাকিয়ে হাসলে। বললে—বাবুজী বোধহয় কলকাতার কেচ্ছা অনেক শুনেন। ওঠ বাবু, কোনো ডর নাই তোমার। তুমি যা বললে তাই বলছি আমি। খোদাতায়ালার নাম নিয়ে বলছি—চল, আমি তোমাকে ঠিক পৌঁছে দেব। কোনো বিপদ হবে না তোমার।

উঠে বসলাম গাড়িতে। গাড়ির ছাদের উপর বাস-বিছানা তুলে বেঁধে নিলে। আমি নিশ্চিন্ত হয়ে বসলাম। বাসের মধ্যে আমার অনেক দামী জিনিস ছিল। সাধারণ পড়ুয়া ছেলের যা থাকে তা থেকে অনেক বেশি; আমার তখন বিয়ে হয়ে গিয়েছে। সোনার ঘড়ি-চেন-বোতাম, হীরের আংটি প্রভৃতি জিনিসগুলি আমার সঙ্গে এবং বহরমপুর স্টেশনে ট্রেনে উঠবার আগে সেগুলিকে বাস-বন্ধ করেছি। ভয় হয়েছিল ট্রেনে কেউ না ঘুমন্ত অবস্থায়

খুঁলে নেয়। বাস্কাটা ছাতের উপর চড়াতেই একবার মনটা কেমন ছ'্যাৎ করে উঠলো। গাড়োয়ান একা নয়, তার একজন ছোকরা সঙ্গী রয়েছে। কিন্তু পরমুহূর্তে নিজেই লজ্জা পেলাম। গাড়োয়ান তার ঈশ্বর আল্লার নামে শপথ করেছে। তবু তাকে অবিশ্বাস করছি কেন ?

আমার বাল্যকাল থেকে বাড়িতে শুনতে এসেছি—কেউ যদি ভগবানের নামে শপথ করে সে শপথ ভাঙে তবে তার পাপ তার দায়িত্ব ভগবানের। তুমি তাকে অবিশ্বাস কোরো না, করলে ঈশ্বরের প্রাতি অবিশ্বাসের পাপ স্পর্শ করবে তোমাকে।

এ কথাগুলি আজকের যুগে হয় তো অচল। লাখো লাখো প্রমাণ হাজির হবে—ভগবানের নাম নিয়ে কত জাল কত জুয়াচুরি পৃথিবীতে ঘটেছে। এবং ভগবানই যেকালে অলৌকিক মিথ্যা বলে প্রমাণিত হয়ে গিয়েছে, সেকালে এ-কথা হাস্যরসেরই খোরাক যোগাবে। কিন্তু আজও আমি বলব—ভগবান আছেন বলে কোমর বেঁধে তর্ক আমি করব না কারুর সঙ্গে, ভগবান আছেন প্রমাণের জন্যে ভুতের গল্পেরও আমদানি করব না, অলৌকিক ঘটনার নজিরও খাড়া করব না ; শুধু বলব ভগবানের নাম নিয়ে লাখো লাখো পাপকর্ম যেমন ঘটেছে পৃথিবীতে তেমনি ভগবানের নাম কোটি কোটি—বহু কোটি মানুষকে পাপপ্রবৃত্তি থেকে রক্ষা করেছেও এসেছে। এই বিংশ শতাব্দীর খানিকটা অবাধি মানুষের সভ্যতা যে এতদূর এগিয়ে এসেছে তার এই পথচলার সবচেয়ে বড় পাথের হল ভগবান, ভগবানের নাম।

সেদিন ভগবানের নাম এবং ভগবানের উপর বিশ্বাসই ছিল আমার মনের বল। ওই বলেই আমি নিশ্চিত হয়ে গাড়ির মধ্যে বসে বহু প্রত্যাশার এই মহানগরীকে দেখতে পেরেছিলাম দু-পাশে চোখ মেলে।

ষোলো বছর বয়স পর্যন্ত কলকাতার কত কথা কত গল্প শুনছি। কত বিচিত্র কথা। যত শুনছি তত আকর্ষণ অনুভব করছি। কিন্তু অভিভাবকহীন একটি বালকের সে প্রত্যাশা পূর্ণ হয় নি। একবার যাত্রার আয়োজন সম্পূর্ণ করে গাড়িতে উঠবার সময় বাধা পড়েছিল। কলকাতা আগা ঘটে নি। সে-যে কি স্কোভ আমার হয়েছিল সে আর আজ প্রকাশ করা সম্ভব নয়। ঘটনাটুকু এখানে অবাস্তব হবে না।

১৯১২ সাল। সম্রাট পঞ্চম জর্জের রাজ্যাভিষেক ; দিল্লীর দরবারের পর সম্রাট আসবেন কলকাতা। সুন্দরী রূপসী কলকাতা তার জন্য অপরাধ সজ্জায় সজ্জিত হচ্ছে। গ্রামে বসেই তার সংবাদ পাচ্ছি। সে না কি এক বিরাট উৎসব। সে উৎসবের রূপসজ্জায় সমারোহের আড়ম্বরের তুলনা

ভারতবর্ষের ইতিহাসে নাই। সেই উৎসব দেখবার জন্য বাড়িতে মা-পিসিমার কাছে আবেদন জানিয়েছিলাম। তাঁদের আপত্তি কোথায় তখন ঠিক বুঝতাম না। আমার বয়স তখন চৌদ্দ। তাঁদের আপত্তি নয়, সমস্যা ছিল, কার সঙ্গে আমাকে পাঠাবেন? কোথায় পাঠাবেন? সে বার তাঁরা “না” বললেন না। ষষ্ঠীকিষ্করবাবুর জামাই অমরেন্দ্রনাথ; তিনি আমাদের গ্রামেরই মানুষের মতো এবং একটি সর্বজনপ্রিয় মধুর প্রকৃতির তরুণ। মানুষটি সেকালে আমাদের কিশোর সমাজের ভালোবাসার জন ‘গাব্দুদা’কে দেখলে আমাদের দৃষ্টি উজ্জ্বল হয়ে উঠত। গাব্দুদার মতো ভালোবাসা আমাদের ওখানে আর কোনো তরুণ পেয়েছেন কি-না জানি না। আমার বিশ্বাস পান নি। সে সময় গাব্দুদা কলকাতাতেই থাকেন। পড়া শেষ হয়েছে কি হবে। কয়েক দিনের জন্যে লাভপুরে এসেছেন। উৎসব-সমারোহের আগেই কলকাতা ফিরে যাবেন। গাব্দুদার জ্যেষ্ঠা ভ্রাতৃবৎ তাঁর সত্য সত্যই মায়ের মতো, বাল্যে মাতৃহীন গাব্দুদাকে তিনিই মানুষ করেছেন। তিনি আবার ষষ্ঠীকিষ্করবাবুর জ্যেষ্ঠা ভগ্নী, স্বর্গীয় যাদবলালবাবুর প্রথমা কন্যা। দাদার কাছেই গাব্দুদা তখন থাকেন। আমার পিসিমা গেলেন গাব্দুদার কাছে।—বাবা অমর, তুমি যদি শঙ্করকে নিয়ে যাও তোমার সঙ্গে! রাজা আসছেন, কলকাতায় অনেক ধুমধাম, তার দেখতে বড় সাধ। তা ছাড়া সে কলকাতা কখনও দেখে নি।

গাব্দুদা সন্দ্রম এবং আগ্রহের সঙ্গে বললেন—বেশ তো। নিয়ে যাব আমি, এরজন্য আপনি এলেন কেন? আমায় তো ডেকে পাঠালেই পারতেন। আমি নিয়ে যাব, দেখাব সব।

পিসিমা বললেন—ওকে নিয়ে গিয়ে ওর মাসির বাড়ি পেঁাছে দিলেই হবে।

গাব্দুদার বৌদি—স্বর্গীয় যাদবলালবাবুর কন্যা, তিনি বলে উঠলেন—সে-কি? সেখানে একদিন যাবে, দেখা করে আসবে, সেখানে থাকবে কেন? থাকবে আমাদের ওখানে। আমরা কি পর? দেখ তো, ও-তো আমাদেরও ছেলে!

এই গুণটি, (শুধু গুণ বললেই যেন বলা হচ্ছে না বলে মনে হচ্ছে) এই সুদর্শন গুণটি যাদবলালবাবুর প্রকৃতির দান, এই মহৎ গুণটি তাঁর সন্তানদের মধ্যে পূর্ণভাবে সঞ্চারিত ছিল; মানস স্রোতের থেকে নির্গত গুণা ব্রহ্মপুত্রের ধারার মতো। পরবর্তী পুরুষেও সে ধারার মহিমা সম্পূর্ণ রূপে বিলুপ্ত হয় নি। তবে সমতল ক্ষেত্রের খালিকণা তার মধ্যে মিশে গিয়ে তার রং এবং স্বাদ অনেক পরিমাণে বদল করে দিয়েছে।

সে কালে তাঁদের বাসায় লাভপুর এবং লাভপুরের আশপাশের লোকের

প্রবেশাধিকার এবং দশ-দশ দিনের জন্য থাকার অধিকার ছিল অব্যাহত। এবং যে যে-সম্মানের মানুষ তাতে তার থেকে অধিক সম্মান দিয়ে তাঁরা অভ্যর্থনা করেছেন।

যাই হোক ঠিক হয়ে গেল আমি যাব। দিন স্থির করে গাবুদা বলে পাঠালেন। ট্রেন বোধ হয় সন্ধ্যায়। আমদপুদুর-কাটোয়া রেল লাইন তখন হয় নি। লাভপুদুর থেকে সাত মাইল এসে আমদপুদুর ট্রেন ধরতে হবে। স্বস্তী-কিস্করবাবুদের ঘোড়ার গাড়িতে আমদপুদুর পর্যন্ত যাওয়ার ব্যবস্থা। রওনা হবে চারটে সাড়ে-চারটের সময়। তখন সন্ধ্যাকেশের চলতি ছিল না। ব্যাগ বলতে অধিকাংশ ক্ষেত্রে ক্যাম্বিসের ব্যাগ ছিল, অবস্থাপন্ন লোকেরা চামড়ার তৈরি গ্যাডস্টোন ব্যাগ ব্যবহার করতেন। আমাদের একটি গ্যাডস্টোন ব্যাগ ছিল। সেই ব্যাগটি গুদিয়ে নেওয়া হয়েছে। বিছানার দরকার হবে না বলে পাঠিয়েছেন গাবুদা। আমি ভাত খাওয়ার পর থেকেই দশ-দশ মিনিট অন্তর ঘড়ি দেখছি। তখন বড়দিনের ছুটি। ঘড়ি চলছে না মনে হচ্ছে। অধীর হয়ে আমাদের বৈঠকখানার সামনে বাগানে, খামার বাড়িতে ঘুরছি। মধ্যে মধ্যে বাড়ি এসে একবার ব্যাগটা খুলে কোন একটা জিনিস বের করছি—আবার পুরছি। বেলা যখন তিনটে সাড়ে-তিনটে—তখন শরীরটা যেন কেমন করে উঠল। এ কেমন-করে ওঠাটা যারা ম্যালেরিয়ার ভোগেন নি তাঁরা বুঝতে পারবেন না। প্রথমটা বেশ মিষ্টি পা শির-শিরে শীত অনুভব করার মধ্যে মনে হয় পায়ে গায়ে কেমন যেন অস্বস্তি। তারপর কম্প। তারপর দেখতে দেখতে গায়ে উত্তাপ সাড়ে-তিন সাড়ে-চার, পাঁচ, সাড়ে-পাঁচ। দুরন্ত মাথায় ঘন্টা, সর্বশেষ বমি। বমি করে পেটের খাদ্য শেষ কণা বেরিয়ে গেলে জ্বর কমতে থাকে।

আমার মাথায় বাজ ভেঙে পড়ল।

কি করব? কি করি? কি করে একে ঠেকানো যায়?

ছটে বাড়ি এলাম। দুটো কুইনিনের বড়ি লুকিয়ে গিলে ফেললাম। আবার বৈঠকখানায় গেলাম মনকে দূত করে ভাবতে চেষ্টা করলাম, কিছুই হয় নি আমার। কিছু হলেও কাউকে জানতে দেব না। জানাব না। কলকাতায় গিয়ে যা হয় হবে। অন্যের বাসা, অন্যেরা বিব্রত হবেন সে-সব বিবেচনা আমার কিশোর জীবনের বিপুল আগ্রহের কাছে তুচ্ছ হয়ে গেল। মনেই হল না। কিন্তু কিছুই হয় নি ভাবলে কি হবে! ম্যালেরিয়ার প্যারাসাইটগুলি যে তখন শরীরের ভিতর নৃত্য শুরু করে দিয়েছে। দেহের অবস্থা তখন নর্তকীদের নৃত্যপরা চরণ-মুখের রঙ্গমণ্ডের পাটাতনের মতো। গলার ভিতর দিয়ে শব্দ

বের হচ্ছে এক রকম এবং কাঁপতে শুরু করছে শরীর। ঘরের ভিতর রূপার মর্দাড়ে শীত কাটছে না, অসহ্য হয়ে উঠছে। বেরিয়ে এলাম, রোদে দাঁড়াব। রোদ ভারি মিষ্টি লাগে এ সময়। এবং পাছে কেউ এ অবস্থা দেখে ফেলে তাই খামার বাড়িতে গিয়ে ধানের পোয়ালের আড়াল দিয়ে একটি নিরুলা জায়গায় বসলাম। হঠাৎ মাথায় এল—বমি করে পেটের অন্ন তুলে ফেলতে পারলে জ্বরটা কম থাকতে পারে! ভাবনা মাত্রে কোশিস অর্থাৎ চেষ্টা আরম্ভ করে দিলাম। গলায় আঙুল দিলাম। প্রথমেই উঠল—গলিত কুইনিন, যা ষষ্ঠাধানেক আগে খেয়েছি। তারপর আর চেষ্টা করতে হল না। আপনা আপনিই সব নির্গত হয়ে গেল। এবং সমস্ত শব্দীয়টা ঘামে ভিজ গেল। কিন্তু মাথায় অসহ্য যন্ত্রণা।

ঠিক এই সময়েই ডাক শুনলাম। পিসিমাই ডাকছেন—কই রে? কোথায় গেলি? আর ওদের গাড়ি এসেছে। যাত্রা করবি আর।

অর্থাৎ কপালে দইয়ের ফোঁটা দিয়ে মাথায় একশো আটবার দুর্গানাম জপ করে দেবেন।

তখন আমার যেন দাঁড়বারও শক্তি নাই এমন অবস্থা। তবুও প্রাণপণে শক্তি সঞ্চয় করে কোনো রকমে উঠে দাঁড়িলাম—বেরিয়ে এলাম পোয়ালের আড়াল থেকে।

আমার মূখ দেখেই পিসিমা বললেন—ও কি রে? মূখ এমন ফন ফন করছে কেন?

—না। কিছু না। রোদে ছিলাম কি-না?

—রোদে কেন?

—বৌজির বাচ্চা দেখছিলাম।

—না। দেখি তোর কপাল দেখি। এ-কি? গা-যে পড়ে যাচ্ছে।

—রোদে ছিলাম যে!

মানুষ ভগবানকে বলে ছলনাময়। কিন্তু দুঃখ এই, মানুষের ছলনা রাখেতে এতটুকু সাহায্য করেন না তিনি। শেষের কথা কয়টা শেষ করতে করতে আমার পেটের খাদ্য মোচড় দিয়ে উঠে এল গলায়; বসে পড়তে পড়তে হুড় হুড় করে বেরিয়ে এল।

এরপর বিছানায় গিয়ে শূতে হল। গাব্দার গাড়ি চলে গেল।

শূয়ে আমি কাঁদতে লাগলাম। মনে হল, এ জীবনে আর আমার কলকাতা যাওয়া হবে না। সে দিন জ্বর কমে এলে নিজের মনেই গান করেছিলাম—

“আমার সাধ না মিটল, আশা না পূরিল, সকলি ফুরায়ে যায় মা!”

এই গান গাওয়ার কথা “সন্দীপন পাঠশালা”র আছে। সীতারামকে যখন হৃদগলী পড়তে পাঠাতে তার বাপ অমত করলে—তখন সীতারাম রাতে উঠে বারান্দায় বসে গান গাইছে।

“আমার সাথ না মিটিল, আশা না পূরিল—ইত্যাদি।”

এই গানটি সে আমলে ছাত্র মহলে খুব প্রিয় গান ছিল। আজ ভাবি এবং ভেবে পাই না—এই ধরনের বিষাদের সুর কেন তে জীবনে ভালো লাগত? অবশ্য সেদিন ও গানটা আমার পক্ষে খুবই চমক রূপে খাপ খেয়েছিল সন্দেহ নাই।

সেই কলকাতায় এসেছি।

তখনও রোদ্দুর ওঠে নি! জুলাই মাস! আকাশে মেঘ ছিল কিনা মনে পড়ছে না! তবে রোদ্দুর ওঠবার সময় তখনও হয় নি। ছটাও বাজে নি।

আজও মনে পড়ছে শেয়ালদার সামনে, সারকুলার রোডের উপরে একখানা লাল রঙের বাড়ি। সে বাড়িখানা কোন্ বাড়ি আজ বুঝতে পারি না। তবে চোখের সামনে ভাসে লাল রঙের বাড়িখানা। চোখে পড়ল সদ্য-খোওয়া রাজপথ! তখন বোধ হয় পিচ হয় নি।

মনে পড়ছে বউবাজারের মোড়ে একটা গির্জা। এগিয়ে এসে জোড়া গির্জা। দুপাশে বড় বড় বাড়ি। ট্রাম লাইনে হলুদ রঙের ট্রাম গাড়ি চলছে।

ট্রামে কিভাবে চড়ব, কি করে নামব—সেই নিয়ে মনে দৃষ্টিশক্তি। ট্রাম থামে না, চলেই, চলেই! চলন্ত ট্রামেই উঠতে হয়, নামতে হয়। লক্ষ্য করে দেখলাম, না, ট্রাম তো থামে। অনেকে ছুটে গিয়ে উঠছে এবং চলন্ত ট্রাম থেকেই নামছে বটে, কিন্তু থামে। ট্রামে পোস্টের গায়ে-লেখা প্লেটগদলি চোখে পড়ল। লেখাগদলিও পড়লাম এবং আশ্বস্ত হলাম। তবে লক্ষ্য করে দেখলাম—চলন্ত ট্রামে ছুটে গিয়ে যারা চড়ছে এবং চলন্ত ট্রাম থেকে যারা নামছে তাদের ওঠা-নামার কৌশল।

গাড়িখানা বাঁয়ে বেকেছিল সেদিন—এটালী মার্কেটের পাশ দিয়ে। তারপর অলিগালি ঘুরে চলতে লাগল। মধ্যে মধ্যে দাঁড়িয়ে গাড়োয়ান জিজ্ঞাসা করে নিলে। কোন্ দিকে ক্যান্টোফার লেন। প্রথমে নিয়ে গিয়ে তুলেছিল ক্যান্টোফার রোড-এ। সেখান থেকে ঘুরে ঘুরে এমন পল্লীর মধ্যে এলাম যে মনটা শঙ্কিত হয়ে উঠল। শূন্যই বসিত, বসিত, বসিত। সঙ্কীর্ণ পথ, বিচিন্ন গন্ধ, বিচিন্ন মানুষ। শূন্যই মদসলমান! মদসলমান! মদসলমান!

আজ সত্য বলতে হ'লে বলতে হবে আমাদের সমাজের এমনি একটা সংস্কার বা শিক্ষা যাই হোক ছিল, যা আমার মনেও সোঁদীন ছিল, যে পরিমাণ ভয় ওই মূসলমান বস্তিতে পেয়েছিলাম সে পরিমাণ ভয় অনূরূপ হিন্দু বস্তিতে আমার হত না, অথচ ওই মূসলমান গাড়োয়ানটিই আমার ভরসা।

একবার তাকে হেঁকে বললাম—এ কোথায় নিয়ে এলে? ক্যান্টোফার লেন কতদূরে?

সে উপর থেকে ঝুঁকে আমাকে বললে—কিছু ভয় নেই থোকাবাব, আমি ঠিক নিয়ে যাচ্ছি। আর এসে পড়েছি।

ঠিক এই সময়েই ডান দিকে একটা কাঠের পোস্টে লোহার প্লেটে লেখা দেখলাম ক্যান্টোফার লেন।

ক্যান্টোফার লেনের দ্বাধারে মূসলমানদের বস্তি।

(একবারে লিণ্টন স্ট্রীটের মোড়ের দিকে প্রথম বাড়ি আমার মেসো-মশাইদের। বড় দোতলা বাড়ি। বাড়ির ফটকের পাশেই মার্বেল ট্যাবলেটে লেখা—শ্রীনগেন্দ্রনাথ চট্টোপাধ্যায়—বি-এল, উকিল।

চীৎকার ক'রে বললাম—থামো, থামো।)

চোদ্দ

নগেন্দ্রনাথ চট্টোপাধ্যায়, আমার ছোট মেসোমশায় একটি দুর্লভ চরিত্রের মানুষ। যেমন রূপবান সৌম্য-দর্শন মানুষ তেমনি অন্তরের ঐশ্বর্যে ঐশ্বর্যবান। সহস্রের মধ্যেও বোধ করি এমন মানুষ মেলে না। স্বামী বিবেকানন্দের প্রভাবে প্রভাবান্বিত দৃঢ় চরিত্রের লোক, অথচ শান্ত স্নিগ্ধ মধুর-ভাষী। একালে এমনি একটি মানুষ দেখেছি যুগান্তর দলের শ্রীযুক্ত ভূপেন্দ্রনাথ দত্তের মধ্যে। দু'জনের মধ্যে রূপের পার্থক্য অনেক কিন্তু দু'জনেরই দেখেছি—হাসলে যেন স্থানটিতে উত্তাপহীন আলো জ্বলে ওঠে। অথচ এই যুগেই রূপবান এক বিপ্লবী নেতাকে দেখেছি—হাসির মধ্যেও বাঁকা তরোয়ালের ধার, হাসিতেও মানুষকে আঘাত করবার প্রবৃত্তি। মানুষের সাধনার পার্থক্যে বোধ হয় এটা ঘটে থাকে।

এঁরা অর্থাৎ নগেন্দ্রনাথেরা ছিলেন আট ভাই। নগেন্দ্রনাথ ছিলেন মেজভাই। আমি যখন এঁদের ওখানে গেলাম তখন পাঁচ ভাই-সংসার ও কর্ম জীবনে প্রবেশ করেছেন, তিন ভাই পড়ছেন। পাঁচ ভাইয়ের চার জন প্রতিষ্ঠাবান

তখন। বাড়িটিই প্রতিষ্ঠাবানের বাড়ি। একটি বিশেষ উচ্চমানের সংস্কৃতি এ বাড়িটিতে শক্ত ভিতের উপর প্রতিষ্ঠিত ছিল। এবং নগেন্দ্রনাথই ছিলেন এ বাড়ির কেন্দ্রমণি। বাহিরের উকিল হিসেবে খুব খ্যাতিমান উকিল না-হলেও করপোরেশন থেকে পাড়ার ছোট প্রতিষ্ঠানটির সঙ্গে তাঁর ছিল অন্তরের যোগ। চৈতন্য লাইব্রেরির সঙ্গে তিনি ঘনিষ্ঠভাবে যুক্ত ছিলেন। পাড়ার মুসলমানদের তিনি ছিলেন নির্ভরের স্থান, বিশ্বাসের পায়। তিনিই ছিলেন বাড়ির কর্তা।

বড় ভাই ছিলেন বড় কন্সট্রাক্টর। তখন তিনি থাকতেন রংপুরে। তৃতীয় ভাই ছিলেন খ্যাতিমান ডাক্তার। সিভিল সার্জেন হয়ে রিটারার করেছিলেন তিনি। চট্টগ্রাম অস্ট্রাগার লন্ঠনের সময় তিনি ছিলেন ওখানকার সিভিল সার্জেন। চতুর্থ ভাই ধীরেন্দ্রনাথ চট্টোপাধ্যায় ইঞ্জিনীয়ার এবং ইনিও আমার এক মেসোমশায়। পঞ্চম ভাই তখন ইস্ট ইন্ডিয়ান রেলওয়ের ক্যাশ ডিপার্টমেন্টে সদ্য চুকেছেন। পরে ট্রেজারার হয়েছিলেন। ষষ্ঠ ভাই এম-বি পড়ছেন তখন। তারপর জিতেন্দ্র। সে আমার থেকে কিছু বড়, সে তখন সেকেন্ড ইয়ারে পড়ে। ছোট নূপেন ইস্কুলের ছাত্র। এছাড়াও তাঁদের বাড়িতে অনেক ছেলে; তারাও পড়ে ইস্কুলে।

আর ছিলেন এঁদের মা। তিনি আমার দিদিমার বাল্যসখী। হাঁ, এই একটি মায়ের মতো মা দেখেছি। এমন ব্যক্তিত্বময়ী মহিলা খুব কম দেখা যায়। এবং তিনি ছিলেন এই রূপবান সন্তানদের যোগ্য জননী। তাঁর বাবা তখনও বেঁচে। কন্যা দৌহিহাদের কাছেই থাকতেন! নাতিরা বলতেন— নানাদাদা। পাকা সোনার মতো গায়ের বর্ণ, ঠিক দাদামশায়ের মতোই স্কুলোদর নাদুসনদুস পুরুকেশ। বৃদ্ধ প্রার বড়াই করতেন—‘দেখ-দেখ গায়ের রং। কখনও সাবান মাখি নি আমি।’ নাতিদের সঙ্গে রসিকতা, রহস্যলাপ শুনবার মতো। সকালবেলা থেকেই বাড়িখানি আনন্দে উল্লাসমুখর হয়ে থাকত। সত্যাকারের আনন্দের সংসার যাকে বলে তাই। এবং আজ সেই বাড়ির কথা লিখবার সময় এই কথাই মনে হচ্ছে যে, পুণ্য এবং ধর্ম না থাকলে আনন্দের সংসার হয় না। এ বাড়িতে ধর্ম ছিল, পুণ্য ছিল। মা ছিলেন সংসারে ধর্মের খুঁটির মতো। কোন অন্যায়, কোন অধর্ম, কোন অসত্যকে কখনও প্রশ্রয় দিতেন না তিনি। এবং এমনই দীপ্তিময়ী ছিলেন যে, কোন কারণে রুদ্ধ হলেই অগ্নিশিখার মতো যেন জ্বলে উঠতেন। প্রতিষ্ঠাবান পুত্রেরাও হস্ত হয়ে উঠতেন। ভীত হতেন না কেবল মেজ ছেলে নগেন্দ্রনাথ। প্রসন্ন হাস্যের সঙ্গে তিনি মায়ের সম্মুখীন হতেন এবং সকল উদ্ভাপ সকল দহন আত্মসাৎ করে নিতেন। মায়ের মুখ প্রসন্ন হত, হাসি ফুটত। বাড়িটিতে

ন্যায়পরায়ণতার এমন একটি মান আমি দেখেছি যাতে শৃদ্ধ বিস্মৃতই হই নি, সংস্পর্শে এসে লাভবান হয়েছি।

শৃদ্ধ একটি ক্ষেত্রে অসংঘম দেখেছি, সেটি প্রকাশ পেত তাঁদের সমালোচনার আসরে। মানুষকে সমালোচনা করতেন তাঁরা নির্দয়ভাবে। সহজে কাকেও স্বীকার করার প্রবৃত্তির যেন অভাব ছিল। নগেন্দ্রনাথের মধ্যে এ দোষও ছিল না। আমার দৃষ্টিতে তিনি ছিলেন সর্বগুণান্বিত একটি পবিত্রাত্মা মানুষ।

পূর্বেই বলেছি স্বামী বিবেকানন্দের প্রভাবে প্রভাবান্বিত চরিত্রবান মানুষ ছিলেন তিনি; উত্তর জীবনের তিনি দীক্ষাও নিয়েছিলেন বেলুড় মঠে। ভোর চারটের সময় উঠে প্রাতঃকৃত্য সেরে শাস্ত্রপাঠ করতেন। হিন্দু দর্শন, ইউরোপীয় দর্শনে পণ্ডিত ছিলেন। আবার রাতে এই আলোচনা ও পাঠ চলত নিয়মিতভাবে। অসাধারণ সহাগুণ, বিস্ময়কর বিবেচনাশক্তি।

একবার তাঁদের ভাইদের আসরে ইংরিজ সাহিত্য নিয়ে আলোচনা হচ্ছে। ভাইরা ছাড়াও আরও আত্মীয় কয়েকজন আছেন। বাড়িতে দেশ-দেশান্তরের আত্মীয় বন্ধুদের জন্য দ্বার ছিল অব্যাহত, সমাদর প্রীতি ছিল অজস্র এবং অকপট। কেউ কখনও একটি কাঁটার স্পর্শ অনুভব করেন নি। সকলকে নিয়ে সন্ধ্যার আসর বসত। কোনদিন চলত রাজনীতির আলোচনা, কোনদিন সাহিত্যের, কোনদিন শিল্পের। ধর্মনীতির আলোচনা বড় বসত না, কারণ এক নগেন্দ্রনাথ ছাড়া সকলেই ছিলেন ঊনবিংশ এবং বিংশ শতাব্দীর সংযোগকালের বাস্তব-ন্যায়-মাগী মানুষ। সে দিন এই আসরে মেরী করেলীর (যতদূর মনে পড়ছে) কোন উপন্যাসের কথা উঠল এবং সেই নিয়ে নগেন্দ্রনাথের সঙ্গে তাঁর এক ভাইয়ের মতভেদ ঘটল। নগেন্দ্রনাথ যা বললেন তাতে প্রতিবাদ করে তাঁর ভাই বললেন—না, ভুল হল তোমার। ওখানটায় তুমি যা বলছ তা নয়, সেটা হল এই।

নগেন্দ্রনাথ হেসে বললেন—না না, তুমি মনে করে দেখ। এই বটে।

ছোট ভাই বললেন—না। আমার স্পষ্ট মনে পড়ছে।

কয়েকবার বাদ-প্রতিবাদের মধ্যেই ভাই উত্তপ্ত হয়ে বলে উঠলেন—না। আমি যা বলছি, তাই ঠিক। এবং মন্তব্য করে বসলেন—বই পড়তে হলে পড়ার মতোই পড়া উচিত। এবং না নিশ্চিত হয়ে তর্ক করা উচিত নয়। বের কর বই।

ওঁদের বাড়িতেই একটি সুন্দর লাইব্রেরি ছিল। ইংরিজি, বাংলা, সংস্কৃত, উপন্যাস, ইতিহাস, দর্শনের বইয়ের সংগ্রহ ছিল এবং প্রাতি মাসেই কিছদ কিছদ বই নিজে বাছাই করে কিনে আনতেন নগেন্দ্রনাথ। অন্য ভাইয়েরাও

দু-চারখানা আনতেন। একখানা ইস্‌দু বই ছিল, একজনের উপর ভার ছিল। চাবি থাকত নগেন্দ্রনাথের কাছে। বই বাড়ির লোকদের মধ্যেই আবদ্ধ থাকত, বাইরে যেত না।

সে সময়টায় মেরী করেলীর নাম খুব; তাঁর অনেক বই ছিল এঁদের লাইব্রেরিতে এবং আলোচ্য বইখানিও ছিল। ছোট ভাই বললেন—বের কর বই।

নগেন্দ্রনাথ বললেন—থাক। আজ থাক।

—না। থাকবে না। বের কর।

ভাই যেন সেদিন বেশী উত্তপ্ত হয়ে উঠেছিলেন, খৈশ হারিয়েছিলেন। আমার যতদূর বিশ্বাস তাতে তাঁর মনের ভাব ছিল এই নগেন্দ্রনাথের উপরে এ সকল বিষয়ে পারিবারের সকলেরই এমনই গভীর শ্রদ্ধা ছিল যে তাঁর কথা ঠিক বিশ্বাস করছে না কেউ। এই কারণেই তিনি অসহিষ্ণু হয়ে উঠেছিলেন। তাই তিনি জেদ ধরলেন—বের কর বই। আন, চাবি আন আলমারির।

তিনি নিজেই উঠলেন।—কই চাবি?

নগেন্দ্রনাথও উঠলেন।—আনাছি চাবি। বেরিয়ে গেলেন। এবং ফিরে এলেন—চাবি কোথায় গেল প্রশ্ন নিয়ে। কোথায় গেল চাবি? কে নিলে? ভ্রম ভ্রম করে খুঁজে চাবি পাওয়া গেল না।

চাবিটা তিনি নিজেই লুকিয়ে ফেলেছিলেন। যিনি এই লুকানো লক্ষ্য করেছিলেন তিনি আড়ালে তাঁকে প্রসন্ন করেছিলেন—নগেন্দ্রনাথ, চাবিটা আপনি লুকোলেন কেন? আমি তো জানি, আপনি যা বলেছেন—তাই ঠিক। গোলমাল করে ফেলেছেন উনি।

নগেন্দ্রনাথ হেসে মৃদুস্বরে বললেন—এই উত্তেজনার মধ্যে বই বের করলে ও অত্যন্ত অপ্রতিভ হবে ভাই। সকলের সামনে কঠিন লজ্জা পাবে। সেই জন্যই চাবিটা লুকিয়েছি। এর পর কাল বা পরশু ও নিজেই দেখবে এবং ভুল বদ্বাতে পারবে।

দিন দুয়েক পর চাবিটা পাওয়া গেল। পাওয়া গেল দশটার সময়। বাড়ির সকলে আফিস আদালত কলেজ ইন্সকুল চলে যাবার সময় চাবিটা টেবিলের উপর রেখে দিলেন তিনি। যে ভাই তর্ক করেছিলেন তিনি তখন ছুটিতে, তিনিই একমাত্র থাকবেন বাড়িতে।

আর দু-একটি ঘটনার কথা বলব।

তাঁর মেজ ছেলে শচী। শচীন্দ্রনাথ। শূচ্যা ছিল আদরের নাম।

ষোলো-সতেরো বছরের শচীর হ'ল টাইফয়েড। এ অবশ্য অনেক পরের কথা।

টাইফয়েডে শচী ভুগেছিল আশি বা চুরাশি দিন। শচীর বিছানায় আশি দিন বসে তার সেবা শূদ্রা করে উঠলেন তিনি শচীর মৃত্যুর পর। নিজেই ব্যবস্থা করলেন সব। যেমন বাড়ির সকল কাজের ব্যবস্থা তিনিই করেন ঠিক তেমনি ভাবে।

আর একবারের কথা।

এ কথাটা আবার অনেক দিন আগের কথা। অর্থাৎ তখন আমার বরস বারো বছর। তেরো বছরে আমার উপনয়ন হয়েছিল, আর আগের বছরে উপনয়ন হল আমার বড় মাসিমার ছেলের, রমাপতি দা'র। তাঁদের বাড়ি বর্ধমান জেলার ধবণী গ্রামে। কবি ও গায়ক সাধক নীলকণ্ঠের বাড়ি যে ধবণী গ্রামে—সেই ধবণী। গেলাম এই উপলক্ষে। দূর্গাপুরে নেমে ক্রোশ পাঁচ-ছয় পথ। পথটার ক্রোশ আড়াই তিন দূর্গাপুরের জঙ্গলের ভিতর দিয়ে। গ্র্যান্ড ট্রাঙ্ক রোড নয়, একেবারে খাটী বনপথ। দূর্গাশে চাকার দাগ, মাঝখানে ছোট ছোট শালের চারা, শতমূলী ও অনন্তমূলের লতা, চাকার দাগের দূ'ধারে ঘন শাল বন। তিরিশ ফুট চল্লিশ ফুট উচু নিবিড় শালবন। বর্ধমান ছাড়িয়ে অন্ডালের মধ্যে রেল লাইনের পাশে পাশে বিশাল এই জঙ্গলটি জঙ্গল নয়, সত্যিকারের বনভূমি। বর্ধমানের প্রান্তদেশ থেকে বাঁকুড়া মেদিনীপুর পর্যন্ত বিস্তৃত। বিখ্যাত ঝাড়খণ্ডের অরণ্যভূমির একাংশ। বাঘ-ভালুক আছে; মধ্যে মধ্যে ডোরাদার রাজকীয় মহিমাম্বিতেরও আবির্ভাব হয়। এর চেয়েও বেশী ভয় ডাকাতের ঠ্যাঙাড়ের! আমরা ধবণীগ্রামে সকাল নটা-দশটায় পৌঁছলাম, শূন্যলম—অপরাহে দূর্গাপুরে নেমে রাণি আটটা নাগাদ আসবেন ছোট মেসোমশাই এবং মেজমামা। আমার মেজমামা এই ক্যাটোফার লেনের বাড়িতে থেকেই কলকাতায় পড়তেন। এ বাড়িতে তিনি বোন-ভগ্নীপতির বাড়ি বলে থাকতেন না, থাকতেন মাসির বাড়ি ব'লে। আমার দিদিমা—মায়ের মা এবং নগেনবাবুর মা বাল্যসখী, বাল্যজীবনে পাটনায় এক বাড়িতে এক সঙ্গে থেকেছেন, একটি নিবিড় প্রেমের সূত্রে দুজনে আবদ্ধ ছিলেন। এবং উত্তরকালে সাত কন্যার জননী সখী আমার দিদিমাকে কন্যাদায় থেকে উদ্ধার করবার জন্যই সখীর শেষ দুই মেয়েকে তাঁর পুত্রবধূ হিসেবে গ্রহণ করেছিলেন। কলকাতা থেকে মেজমামা এবং ছোট মেসোমশায় দুজনে আসবেন শুনে খুব খুশী হয়েছিলাম। সেই ছেলেবেলা থেকেই এই মানদুর্ঘটিকে বড় ভালো লাগত আমার। শূদ্র আমার কেন, সকলেরই লাগত। এর উপরে ধবণীতে গিয়ে অত্যন্ত বিব্রত বোধ করছিলাম। ওখানের ছেলেরা, বিশেষ করে জয়ধর কি জয়চন্দ্র বাই হোক, জয়া নামে একটি ছেলে আমার পিছনে এমনি লেগেছিল যে উদ্ভ্রান্ত করে

তুলেছিল প্রথম দিনেই কয়েকটা ঘণ্টার মধ্যে। আমার অপরাধ আমি তার থেকে বয়সে মাস কয়েক কি এক বছরের ছোট হলেও তার উপরে পড়তাম। মেসোমশায় এলে, তাঁকে আঁকড়ে থাকলে এ উৎপাত থেকে রক্ষা পাব, এই আশাতেই তাঁর প্রতীক্ষার বেশি আগ্রহান্বিত হয়ে উঠেছিলাম আমি। সন্ধ্যা থেকে রাত্রি নটা পর্যন্ত প্রত্যাশা করে শেষে হতাশ হলাম। তাঁরা এলেন না। গাড়িও ফিরল না। ঘুমিয়ে গেলাম। সকালে উঠে শুনলাম রাত্রি প্রায় সাড়ে-বারোটা একটার তাঁরা এসে পৌঁচেছেন। এবং বহু কষ্টেই পৌঁচেছেন। মাঝ বনের মধ্যে গাড়ির “লিখে” অর্থাৎ এ্যাক্সেল ভেঙে গিয়েছিল। রাত্রি তখন আটটা। গাড়োয়ান নিরুপায় হয়ে বলেছিল—বাবু মহাশয়েরা দুর্গা দুর্গা হরি হরি বলেন, আর আশপাশে খসখস শব্দ শুনলে একসঙ্গে চেঁচিয়ে উঠেন। এ ছাড়া আর উপায় নাই। তারপরে সকাল হলে পর যা হয় হবে।

মেসোমশাই প্রশ্ন করলেন—কি হবে।

—দুর্গাপুত্র ইন্সটিশানে হেঁটে যাব আমি, আপনারা থাকবেন বসে। লিখে কিনে আনব, মিস্ত্রী আনব, লিখে লাগাব, তারপর যাব।

—আর কোন উপায় হয় না?

—হয়। হেঁটে যেতে পারেন। কিন্তু লটবহর বইবে কে?

—তাও বলছি না। কোন রকমে—ওটাকে জুড়ে-টুড়ে নেওয়া যায় না? মেরামত হয় না?

—হয়। তার অন্তর-টন্তর পাই কোথা?

—কি অস্ব চাই?

—দা’ একখানা; আর ধরুন পেরেক হাতুড়ি। দড়িও চাই। তা অবিশ্য খুলে টুলে নিলে হয়।

মেসোমশায় তৎক্ষণাৎ তাঁর ট্রাক্স খুলে—একখানি উৎকৃষ্ট ধারালো দা’ হাতুড়ি, পেরেক, একখানা বড় ছুরি দড়ি বের করে দিলেন।—নাও।

এবং দেশলাই বাতি বের করে বাতিটি জেদলে, কিছু পাতা ও শুকনো কাঠ কুড়িয়ে আগুন জেদলে বললেন—বল আর কি করতে হবে?

সেই রাতে জঙ্গলের একটি সরু শাল গাছ কেটে, ভাঙা লিখেটার নিচে জোড়া দিবে পেরেক ঠুকে, দড়ি বেঁধে নিয়ে রাত্রি সাড়ে-বারোটার সময় এসে পৌঁচেছেন।

এই ধরনের গোছানো মানদ্ব ছিলেন তিনি।

গোটা বাড়িটাতেই একটি পরিচ্ছন্ন গোছালো ভাব ছিল। বাড়ির প্রতিটি জিনিস নির্দিষ্ট স্থানটিতে থাকত, এবং একচুল এদিক ওদিক বেঁকেচুরে থাকত

না। বড় থেকে ছোট পর্যন্ত প্রত্যেকের কাপড় জামা খবখবে পরিষ্কার থাকত। প্রত্যেকের নিজের গায়ে মাথা সাবান এবং কাপড়ের সাবান থাকত। গামছা রুম্মালে নিত্য সাবান দিতেন নিজে নিজে। প্রত্যেকের জুতোজোড়াটির পালিশ থাকত আয়নার মতো চকচকে। জামা কাপড়ে মহাধাঁতা ছিল না কিন্তু পরিচ্ছন্নতায় এবং শূদ্রতায় ছিল চোখ-জুড়ানো। শূদ্রতার উপর এঁদের বাড়ির একটা ঝোঁক দেখেছিলাম। নগেনবাবুদের পাঁচ ভাই সারা তখন কর্মজীবনে প্রবেশ করেছেন—তাদের সকলের বয়স পঁয়ত্রিশের নিচে; কিন্তু তারা তখন থেকেই সাদা পাড় অর্থাৎ থান ধুতি ব্যবহার করতেন। এটি আমার নিজের খুব ভালো লাগত। আমার বাবার এই রুচি দেখেছিলাম। তিনি একচল্লিশ বছর বয়সে মারা গেছেন। আমার মনে পড়ে তিনিও এই থান ধুতি পরতেন। থান ধুতিতে আমার নিজেরও শখ ছিল বা আছে। এঁদের বাড়ির মহাধাঁতা ছিল জুতোতে এবং গেঞ্জিতে। এ দুটো তারা বেশ দামী ব্যবহার করতেন এবং এ সবার উপর এমন যত্ন ছিল নিজেদের যা আমার সেই কিশোর মনকে মগ্ন করেছিল। ছেলে থেকে শূদ্র করে প্রাপ্তবয়স্ক উপার্জনশীলরা প্রত্যেকে নিজের রুম্মাল গেঞ্জি গামছায় সাবান দিচ্ছেন, নিজের কাপড় নিজে কাচছেন, নিজের জুতো নিজে পরিষ্কার করছেন; চাকর দূরের কথা, নিজেদের স্ত্রীর উপরেও এ কাজের বোঝা চাপাতেন না।

বাড়ির বধূরাও ছিলেন তেমনি। বধু তখন ছ'জন, এম-বি পড়ছিলেন যিনি তিনি তখন সদ্যবিবাহিত। ছ'জনের মধ্যে দুই বধু বিদেশে বিদেশবাসী ছেলের কাছে। বাকী চারজনের মধ্যে সদ্যবিবাহিতা পিগ্রালায়ে। তিনজন থাকতেন এখানে। তার মধ্যে দুজন ছিলেন আমারই মাসিমা। ভোর বেলা থেকে তাদের কাজ শুরুর হত। সে কি শৃঙ্খলা, কি নিয়মানুবর্তিতা। কখন যে তারা উঠে স্নান সেরে পরিচ্ছন্ন কাপড়খানি পরে আপন আপন কাজে লাগতেন আমি কোনদিন জানতে পারি নি।

সকালে উঠেই দেখতাম, গ্যাসের স্টোভে লুটির কড়াই চেপেছে, পাশে রয়েছে প্রকাণ্ড কেতলী। ঘরের মধ্যে দিদিমা তরকারী কুটছেন। রান্নাঘরে বৃদ্ধ বেহারী মহারাজ রান্না চড়িয়েছে। বধূরা ঘড়ির কাঁটার মতো কাজ করে চলেছেন।

সাতটার মধ্যে সারি সারি বড় বড় পিঁড়ি বিছানো হয়ে গেল—বোধ করি কুড়ি-বাইশখানি। ছোট ছেলেদের বাদ দিয়ে, ভাইয়েরা এবং বাড়ির কুটুম্ব আত্মীয়েরা সব বসে গেলেন; রেকাবীতে লুচি আলুভাজা নন্ন তো হালুয়া ডিম, তার সঙ্গে চা খাওয়া হয়ে গেল। খাওয়ার সময় দিদিমা এসে বসতেন। এটুকু ছিল যেন তাঁর জীবনধর্ম। কেউ খেতে না পারলে আপনি এসে কাছে বসতেন—খাও, নন্ন তো বল খাইয়ে দি।

আবার দশটায় একদফা পড়ত পিঁড়ির সারি।

আবার রাত্রি সাড়ে-নটা থেকে দশটার মধ্যে। রাত্রির খাওয়া ছিল এঁদের বিলাসের খাওয়া। প্রতিদিন মাংস ছিল বাঁধা বরাদ্দ।

এই বাড়িতে এসে পড়লাম।

এঁদের বাড়ির আর একজনের কথা না বললে অন্যায্য হবে। তিনি এ বাড়ির মালিকদের মাতামহ। ‘নানাদাদা’। নানা এবং দাদা দুটো কেমন ক’রে কোন্ নিয়মে কোন্ সমাস অনুসারে নানাদাদা হয়েছে সে বিশ্লেষণ থাক। ‘নানাদাদা’ই তাঁর নাম, আসল নামটা চাপাই পড়ে গিয়েছিল। আমি যে কালে ওই বাড়িতে গিয়েছিলাম সে কালে কারদুর কাছেই শুনতে পাই নি। নানাদাদা কর্মজীবনে পাটনায় থাকতেন, একটিমাত্র কন্যাই ছিল সংসারের বন্ধন, সেই বন্ধনে বৃদ্ধ তখনও বাঁধা আছেন, একটি আশি বছরের পরম দামাল শিশু।

কাঁচা সোনার মতো রং, শরতের সাদা মেঘের মতো সাদা হাতকা চুল, মোটামোটা মানদুষ, এখনি হা-হা শব্দে হাসছেন, আবার পর মনুহুতেই কোন নাতি বলছে, দেখুন তো নানাদাদা অন্যান্যটা—; অমনি সঙ্গে সঙ্গে ফুঁক হয়ে উঠছেন নানাদাদা—মহা অন্যান্য! অত্যন্ত অন্যান্য! আমাদের আমল হলে এর জন্যে হেঁচো পড়ে যেত। পাজী-ছুঁচো বদমাশ কোথাকার!

তারপর তিনি সপ্রশ্ন দৃষ্টিতে তাকাতেন তার দিকে। বোধ হয় প্রশ্ন করতেন—কার বল তো? এবং কি অন্যান্য বল তো?

নাম বললেই আর একদফা শূন্য হ’ত। কেবলমাত্র মেজ নাতি অর্থাৎ নগেন্দ্রনাথের নাম করলেই তিনি হেসে বলতেন—না-না-না। মিথ্যে কথা, হতে পারে না।

তারপর রেগে উঠতেন অভিযোগকারীর উপরেই, বলতেন—মিথ্যে কথা বলছ তুমি? ঠাট্টা করছ আমার সঙ্গে?

খুব চটে উঠলে হাতের লাঠিটাও তুলতেন—মারব তোকে।

এ প্রায় সারাদিনই চলত। আনন্দের সংসার, কৃতী নাতির দল মাতামহটিকে ঘিরে আনন্দের তুফান তুলতেন। শূন্য নাতিই নয়, নাতিদের ছেলেরাও সব বড় হয়েছে। বড় নাতির বড় মেয়েরও ছেলপদলে হয়েছে। আরও দু’টি মেয়ের অর্থাৎ নাতির মেয়েরও বিয়ে হয়েছে।

বৃদ্ধের আর একটি বাতিক ছিল। সাবান মাখা দেখলে তিনি চটে যেতেন। নিজের রং ছিল কাঁচা সোনার মতো, ওই অত পরিণত বয়সেও দেহের সে বর্ণে কোথাও এতদূরু মালিন্য পড়েনি। সেই রঙের দিকে দৌঁথিয়ে

বলতেন—দেখ্, দেখ্, এই রং দেখ্ ! ও-রে সাবান মাখলে কেউ কখনও ফরসা হয় না। আমি কখনও সাবান মাখি নি। তবু দেখ্।

বিশেষ ক’রে কালো মানুষ সাবান মাখলে বেশী চটতেন। মতক্ষণ সে সাবান মাখত ততক্ষণ তিনি গালাগাল ক’রে যেতেন। সে আমলে ঢাকা ঘেরা স্নানের জায়গা অর্থাৎ বাথরুমের প্রচলন হয় নি। খুব বড় বা পুরো সাহেবী-ভাবাপন্ন বাড়ি ছাড়া বাথরুম থাকত না। বাঁধানো একটু উঁচু একটা প্রশস্ত চাতাল, তার সঙ্গে চৌবাচ্চা এবং কল, এই ছিল স্নানের জায়গা। ও বাড়িতে বারান্দার কোলে একফালি বাইরের উঠানেই ছিল স্নানের জায়গা এবং সামনেই বারান্দায় একখানি চৌকীর উপর ছিল নানাদাদার আসন। তখন অর্থাৎ পঁয়ত্রিশ বৎসর আগেও জীবনের মান এমন ছিল যে জীবনে বিস্ময় না মেনে উপায় থাকে না। ইলেকট্রিক লাইট ওঁদের বাড়িতে অনেক দিন থেকেই আছে, কিন্তু মাত্র খান কয়েক ছাড়া ফ্যান ছিল না। এখন ও বাড়িতে পাঁচ ছটা আধুনিক রুচিসম্মত বাথরুম এবং খান তিরিশেক পাখা হয়েছে। আরও অনেক কিছ—কিন্তু সে থাক। নানাদাদার কথা বলি। গরমের কয় মাসই আমি ছিলাম ও বাড়িতে—জুন মাস থেকে অক্টোবরের প্রথম অর্থাৎ পূজোর আগে পর্যন্ত। নানাদাদা একখানি তালপাতার পাখা হাতে বসে থাকতেন—মধ্যে মধ্যে বাতাস খেতেন, বাকী সময়টা হাতেই থাকত—রাগলে পাখা ছুঁড়েও মারতেন। খুব গরমের সময় নাতিদের ছোটরা বা নাতিদের ছেলেরা এসে পাখাখানি আত্মসাতের চেষ্টা করত। টেনে নিয়ে বলত, আমি হাওয়া করি।

সৌম্যদর্শন বৃদ্ধের মৃদু প্রসন্ন হাস্যে উদ্ভাসিত হয়ে উঠত, বলতেন—তুই হাওয়া করবি? তার চেয়ে তুই বস্, আমি হাওয়া করি।

তার হাতের পাখা এবার জোরে নড়তে শুরুর করত। এবং নিজেই ঢুলতে শুরুর করতেন। হাতের মৃদু আলগা হত। অমনি দুর্ঘটনাক্রমে বালকটি পাখাখানি সন্তর্পণে টেনে নিয়ে সটকাতো। কয়েক মিনিট পরে গরমে ঘেমে জেগে উঠতেন, চীৎকার করতেন—ও-রে সয়তান, ও-রে পাজী!

ছোট নাতি নৃপেন, সে প্রায় আমারই সমবয়সী তাকে বড় ভালোবাসতেন নানাদাদা। পূর্বেই বলেছি কালো মানুষ সাবান মাখলে চটতেন; কালো লোকের মধ্যে আমিও ছিলাম তবে আমি নতুন আগন্তুক আর সাবান মাখার খুব নেশা আমার ছিল না। আমার কাছে দেশের কথা শুনতেন এবং রহস্য করে মধ্যে মধ্যে বলতেন—হ্যাঁ-রে, অ প্রভার ছেলে, তোদের দেশে নাকি বড় রুই মাছের মাথা অশ্বলে রোঁধে খাব? তেঁতুল-গোলা জলে সেদ্ধ ক’রে? আরে রাম রাম। তোদের পুরুরে বড় বড় মাছ আছে? বারো সের চোন্দ

সের? এঁয়া? বলিস কি, আখম্ন পঁচিশ সের মাছও আছে? তাহলে আমি তোদের দেশে যাব একবার। ছিপে মাছ ধরব।

তারি বোঁবনকালে ছিপে মাছ ধরার প্রবল শখ ছিল; সে শখ তারি বৃদ্ধ-বরসেও যায় নি। বড় মাছের কথা শুনলেই বলতেন, যাব। আমার নিয়ে গিয়ে বসিয়ে দিবি। তারপর দেখবি। পদুকুরে একটা মাছও থাকলে সেইটাকেই খরে নিয়ে আসব।

সঙ্গে সঙ্গেই ডাকতেন মেয়েকে। অ—।

মেয়ে এই সব দিক্‌পালের মতো ছেলেদের মহিমমগ্নী মা, হাসিমুখেই এসে দাঁড়াতেন, বৃদ্ধতেন অসময়ে বাপের আহ্বানে গিয়ে নিশ্চয়ই কোন অসম্ভব কিছ্‌দু আবদার শুনবেন।

বাপ বলতেন—শুনেনিহিস প্রভার ছেলে কি বলছে? ওদের পদুকুরে বড় বড় মাছ আছে। আমি যাব একবার। ওদের ওখান থেকে কীর্ণাহার ঘুরে আসব। বড় বড় মাছ ধরে আনব। কি বলিস?

—বেশ তো! প্রসন্ন হাস্যের সঙ্গে মেয়ে উত্তর দিতেন।

এই সৌম্যদর্শন বৃদ্ধ ছিলেন এই আনন্দের সংসারের ধ্বজার মতো। বাইরেই বসে থাকতেন, বাড়িতে ঢুকে তাঁকে দেখলেই যে কোন আগন্তুকের মন প্রসন্ন এবং পদুকিত হয়ে উঠত। সংসার ছিল সুবহু। মেয়ের সাত ছেলে—তাঁদের ছেলে-মেয়ে। বিবাহিত মেয়েদের স্বামী-সন্তান। এই এত বড় সংসারে নানাদাদা যতদিন জীবিত ছিলেন ততদিন কোন অকল্যাণ ঘটে নি। বিয়োগবেদনার এক ফোঁটা অশ্রুও এ বাড়িতে ঝরতে পায় নি। অনেক কাল আগে একটি নাতি বাল্যকালে মারা গিয়েছিল। মেয়ের ছেলে আটটি, তার মধ্যে একটি নাই। আর তার আগে জামাই গিয়েছেন। এদের মৃত্যুর পরই নানাদাদা মেয়ের সংসারে এসেছেন। আগে নয়।

এমন মানুস আমি জীবনে আরও দৃ-চারজন দেখেছি। যাঁরা নাকি এক একটি সংসারকে পরিপূর্ণ আনন্দময় করে রাখেন। এষুগ ভাগ্য-মানার যুগ নয়, পদুগের পদুজির কথাও অচল, ও পদুজি রাতিল রাজার আমলের নোট। সে হিসেবে একে নেহাতই আকস্মিক বললে বা কাকতালীয় ন্যায় বলে ব্যাখ্যা করলে বাদ-প্রতিবাদ করব না। তবে এ আমি দেখেছি। দেখার দার্শনিক মূল্য দাবি না করে শুধু দেখাব সত্য হিসেবেই লিখছি। এই মানুসেরা যতদিন থেকেছেন ততদিন সংসারে আনন্দের হিল্লোল বয়েছে। পরিপূর্ণ থেকেছে সংসার।

নানাদাদা সেই বিরল ভাগ্যবান পদুগবান মানুসদের একজন, তাই বলছি, তারি কথা না বললে অপূর্ণ থাকবে এ কথা।

পনেরো

এবার ঘটনার কথা বলি।

প্রথম ও বাড়িতে নেমোঁছলাম প্রায় ভোরবেলা। সকলেই অপরিচিত, চেনা মানদ্বয়ের মধ্যে ছোট মেসোমশায় নগেনবাবু। আর দুই মাসিমা। পরিচয় দিয়ে হতভম্বের মতো দাঁড়িয়ে ছিলাম স্বাভাবিকভাবে। কিন্তু ওই বাড়িতে দূর দূরান্তের সম্পর্কের আত্মীয়ের আসা-যাওয়া খুবই সাধারণ ব্যাপার। ছেলেরা এতে অভ্যস্ত। চাকরেরাও তাই। ছেলেরাই আমাকে সমাদর করে ঘরে নিয়ে গেলেন। কেউ কোন কথা না-বলতেই চাকরেরা বিছানা বাস্ত্র তুলে নিয়ে দোতালার যত্ন করে রেখে দিলে। মেসোমশায় খবর পেয়ে বেরিয়ে এলেন তাঁর আপিস ঘর থেকে। পূর্বেই তাঁর সুন্দর চেহারা এবং সৌম্য প্রসন্নতার কথা বলেছি। হেসে বললেন—বাড়ির মধ্যে যাও। দিদিমাকে মাসিমাদের প্রণাম করে এস। মুখ হাত ধুয়ে ফেল, চা খাও।

ওঁদের বাড়ির ছোট দুই ভাই জিতেন্দ্রনাথ এবং নৃপেন্দ্রনাথ আমার বয়সী। জিতেন্দ্রনাথ তখন সেকেন্ড ইয়ারে উঠেছেন, কলেজের ছাত্র; নৃপেন্দ্র ইন্সকুলে পড়ে, বোধ করি সেকেন্ড ক্লাসে; দুজনের মধ্যে কলেজী গোষ্ঠীর দাবিতে জিতেনের সঙ্গেই আলাপটা প্রথমেই জমে গেল। মেসোমশায় বললেন—জিতেন, তুমি তারাক্ষরকে নিয়ে যাও, আগে তোমাদের কলেজে দেখ। চেষ্টা কর। যদি ওখানে না-হয় তবে যেখানে হোক ভর্তি করে দাও।

থেকে দুজনে দশটাত্তেই বের হলাম। আমার শরীর তখন অবসন্ন, চোখের পাতা ঘুমে যেন ঢুলে পড়ছে।

জিতেন বাড়ি থেকে বেরিয়েই বললেন—কলকাতায় তো এই প্রথম? না?

বললাম—আজ্ঞে হ্যাঁ।

সদুত্তরং জিতেন আমাকে কলকাতার সঙ্গে পরিচয় করাতে শুরুর করে দিলেন সঙ্গে সঙ্গেই। ওঁদের বাড়ি থেকে বেরিয়ে অল্প খানিকটা গিয়েই বিজলী রোডের উপর একদিকে ট্রাম্‌ওয়ের পাওয়ার হাউস, অন্যদিকে সেই কৃশচানদের সমাধিক্ষেত্র যার মধ্যে “দত্তকুলোদ্ভব কবি শ্রীমধুসূদন”—এর সমাধি আছে। জিতেন দেখালেন। বললাম—চলুন দেখে আসি। মনে পড়ে গেল

তারাক্ষর-স্মৃতিকথা

তার প্রসিদ্ধ কবিতার প্রথম পঙ্ক্তি। “দাঁড়াও পথিকবর, জন্ম যদি তব বঙ্গে।” কিন্তু দেখা হ’ল না। তখন ফটক বন্ধ ছিল।

ট্রামে উঠেই ঢুলতে শুরুর করলাম। জিতেন কিন্তু দেখিয়েই চলেছেন। বলেই চলেছেন—এইটে হল জোড়া গিজের্। দুটো টাওয়ার!

কানে অস্পষ্ট শুনলাম, কিন্তু চোখ তুলে তাকিয়ে দেখতে পারলাম না। পরে জিতেন আমাকে বলেছিলেন যে তিনি সেদিন ভারী বিরক্ত হয়েছিলেন এই গোয়ো ছেলোটর গুমোর দেখে। সবই যেন তুচ্ছ—কিছুই দেখতে চায় না।

শেরালদার খোঁচা দিয়ে ডেকে আমাকে নামতে বললেন। সে কালের ট্রামগুলি ছিল লোকাল ট্রেনের চংয়ের—পাশাপাশি সারি সারি আটটা-দশটা দরজা; প্রতি দরজায় ঢুকে মুখোমুখি দু’খানা লম্বা বেণু, এ দিকের দরজা থেকে ও দিকের জানলা পর্যন্ত। রং ছিল হলদে। দরজার সামনে লম্বা ফুট বোর্ড। সে ট্রামের আর একখানাও এ আমলে দেখা যায় না। হাওড়ায় আছে।

রংবাসী কলেজে সিট পেলাম না।^১ তবে আচার্য গিরিশচন্দ্র বসু মহাশয়কে দেখলাম। জিতেন দেখালেন। একালে “বর্ধমান সম্মিলনী” ইত্যাদির কার্যকলাপে দেখি আচার্য গিরিশচন্দ্রের সুযোগ্য পুত্র অধ্যক্ষ শ্রীপ্রশান্ত বসুর নাম। ওঁদের বাড়ি বর্ধমান জানলে সেদিন পাশের জেলা বীরভূমের লোক হিসেবে নিশ্চয় একটা দাবি জানাতাম।

ওখান থেকে রিপন, সেখান থেকে মেট্রোপলিটান। তখন এ কলেজগুলি ঐ নামেই পরিচিত ছিল; তখনও সুরেন্দ্রনাথ কলেজ বা বিদ্যাসাগর কলেজ নামকরণ হয়নি।^২

কোথাও সিট নেই। আমি এবার ব্যাকুল হয়ে উঠলাম। তাহ’লে কি করব? ঘুম ছেড়ে গেল! আর হয় তো বহরমপুর ফিরে গিয়েও সিট পাব না। জিতেন বললেন, চলুন, সেন্ট জেভিয়ার্স কলেজে দেখি।

কোথা দিয়ে যে সেদিন সেন্ট জেভিয়ার্স কলেজে গিয়েছিলাম মনে নেই। তবে পার্ক স্ট্রীট মনে আছে। পার্ক স্ট্রীট তখন সত্যসত্যি পার্ক স্ট্রীট ছিল। দু’পাশের ফুটপাথের উপর বড় বড় ঘন-পল্লব গাছ; পথখানি ছায়ায় ঢাকা। লোকজনের ভিড় নেই। এত বড় বড় ঝকমকে দোকানদানীরও তখন কিছুই ছিল না। চৌরঙ্গীর মোড়ে ছিল শব্দ হল এ্যান্ড এ্যান্ডারসন। সেন্ট জেভিয়ার্স কলেজের সামনেটাও তখন অন্য রকম ছিল—বড় বড় গাছ; প্রায় একতলা সমান উঁচু সিঁড়ি ভেঙে কলেজ হলে ঢুকতে হ’ত। সামনে

ছিল প্রকাণ্ড বড় বড় কয়েকটা থাম। সেনেট হলের সামনের চেহারার সঙ্গে অনেকটা সাদৃশ্য ছিল। কলেজ হলে ঢুকে অবাক হয়ে গেলাম। সামনে চমৎকার থিয়েটারের স্টেজ। এবং হলের মেঝেটি সুন্দর মসৃণ কাঠের। পা পিছলে যায়। বঙ্গবাসী, রিপন বা মেট্রোপলিটান কোন কলেজের চেহারা এই এমন আকর্ষণীয় নয়। সেই কারণেই মনে হল ওসব কলেজেই যখন জায়গা পাই নি তখন কি এখানেই জায়গা হবে ?

হল্ পার হয়ে দক্ষিণ দিকের বারান্দায় এসে দাঁড়িলাম। সামনেই রেস্তোরাঁর ঘর, কলেজের আপিস। ওদিকে নিচে দক্ষিণে সুপ্রশস্ত সবুজ মাঠ। আজও মনে রয়েছে সেদিন আকাশে মেঘ ছিল না, দুপুরের রৌদ্রে সবুজ মাঠ ঝলমল করছিল। এবং সেই মাঠে ইউরোপীয় এবং এ্যাংলো-ইন্ডিয়ান ছেলেরা ফুটবল খেলাছিল। মাঠের দক্ষিণ দিকে জুনিয়র কেমিস্ট্রিজ কোর্সের ইন্সকুল ছিল তখন। মস্ত দোতারা বাড়ি। আর দেখলাম সাদা পাদরীর পোশাক প'রে একেবারে খাঁটী ইউরোপীয় ফাদারেরা ঘুরে বেড়াচ্ছেন। একজনও দেশী অধ্যাপক দেখলাম না। প্রত্যেকেরই মুখে দাড়ি। জিতেন বললেন, এ'রাই প্রফেসর সব। রোম্যান ক্যাথলিক পাদরী। সত্য বলতে কি, ভড়কে গেলাম খানিকটা।

একটা গল্প মনে পড়ে গেল। আমাদের দেশে লাভপুরে তখন নতুন ইন্সকুল হয়েছে। সেই ইন্সকুলে এক গ্রাম্য পুরোহিত তাঁর ছেলেকে ভাঁত করতে নিয়ে এসেছিলেন। ছেলেটি বাপের সঙ্গে সারি সারি গোল থামগুলো প্রশস্ত বারান্দা অতিক্রম করে স্কুলের বড় হলে ঢুকে বাপের চাদরের খুঁট টেনে ধরে কাতরভাবে বলেছিল, বাবা ! এতবড় স্কুলে আমি পড়তে পারব না বাবা ! আমারও সেদিনের অবস্থা প্রায়ই সেইরকম হয়েছিল। দাঁড়িয়ে সেই কথাই ভাবছিলাম। ঠিক তখনই জিতেন আপিস ঘর থেকে ফর্ম এনে বললেন, এখানে সিট আছে ! নিন ফিল্ আপ করুন।

তখন ফাউন্টেন পেনের আমল নয়। কিন্তু জিতেনদের বাড়িতে ফাউন্টেন পেন ছিল কলেজে ভাঁত হওয়ার অধিকার অর্জনের পুরস্কার। সোয়ান পেন আর পকেট-বাড়ি। আমিও বিশ্বে উপলক্ষে পেয়েছিলাম একটি ব্ল্যাকবার্ড পেন। কলেজের হল্টি অভিনয়ের সময় হত প্রেক্ষাগার, অন্য সময়ে ওইটিই ছিল কমন রুম। প্রকাণ্ড বড় একখানা কালো-ব্যানিশ টেবিলের পাশে অনেক-গুন্ডা চেয়ার। সেইখানে এসে ফর্ম পূরণ ক'রে টাকা হিসেব ক'রে জমা দিয়ে ভাঁত হয়ে বাড়ি ফিরলাম। আমার রোল নাম্বার হ'ল ১১৭।

আমার সঙ্গেই বেরিয়ে এল আরও দুটি ছেলে। একজনের নাম্বার ১১৬ একজনের ১১৮। সুশীল আর অনাথ। সেন্ট জেভিয়ার্সে তখন নাম্বার

অনুযায়ী বসবার নিয়ম ছিল। মনে হচ্ছে বেগে ও হাইবেগে নাম্বারগুলিও লেখা থাকত। আমার দুপাশের দুজন সহপাঠীর সঙ্গে প্রথমেই আলাপ হয়ে গেল। বেশ শক্ত সমর্থ দেহ। তারা দুজনেই এক ইন্সকুল থেকে পাস করে এসেছে। ঠিক মনে পড়ছে না—মরুশিদাবাদ বা ওই অঞ্চলের ছেলে।

এরপর সমস্যা, কোথায় থাকব? সেন্ট জেভিয়ার্সের তখন কোন হোস্টেল ছিল না। অথচ তখন প্রথম মহাযুদ্ধের আমল, ইন্ডিয়া ডিফেন্স এ্যাকট পাস হয়েছে। বিনা বিচারে আটকের ব্যবস্থা। কলেজের ছাত্রদের উপর কড়া নজর। পদলিখের নির্দেশ—কলেজ কতৃপক্ষ যে কোন মেসে বা বোর্ডিংয়ে থাকা অনুমোদন করেন না।

মেসোমশায় এবং দ্বিদিমা বললেন—যতদিন তেমন ভালো মেস বোর্ডিং না হয় এখানেই থাকবে তুমি।

সেন্ট জেভিয়ার্স কতৃপক্ষ অবশ্য শীঘ্রই বোর্ডিং মেস খুলবেন।

এই কারণেই সেন্ট জেভিয়ার্সে বাইরের ছাত্রের ভিড় কম। সিট তখনও খালি।

রাস্তায় খানকয়েক একসারসাইজ বুক এবং একটা কপিং পেনসিল কিনে দিলেন জিতেন।

ষোলো

সেন্ট জেভিয়ার্সে আমার কলেজ-জীবন মাত্র মাস কয়েক।)

এ কয়েক মাসের মধ্যে কলেজ কতৃপক্ষ কোন হোস্টেল খুলতে পারেন নি, কোন মেসও না। তাই এই কয়েক মাস ইটলিতে মেসোমশায়দের বাড়িতেই থেকে গেলাম।

সেন্ট জেভিয়ার্সে অধ্যাপকেরা সকলেই ছিলেন ইউরোপীয়। এঁদের মধ্যে ফাদার পাওয়ার, ফাদার কারবেরীকে মনে আছে। ওঁরা দুজনেই ইংরাজির অধ্যাপক ছিলেন। আর একজন ছিলেন বেলজিয়ান-ফাদার। তাঁকে মনে পড়ে কিন্তু নাম মনে নেই। আর অতি অল্প বয়স, মাথার চুল লালচে, ফুরফুরে সদ্য-ওঠা দাড়ী গোঁফ, বোধ করি নাম ছিল ফাদার লালমো, ছেলেরা তাঁর নাম দিয়েছিল লালমোহন। ছেলেদের সঙ্গে তাঁর ভারি ভাব ছিল। বাইশ থেকে চব্বিশের মধ্যে বয়স, জীবনে তারুণ্যের চঞ্চলতা গোপন রাখতে পারতেন না।

ক্লাসে প্রায় ১৬০।১৭৫ জন ছেলে । কলকাতায় বাসিন্দাদের ছেলেই বেশি । তাদের কলকাতাই চালের কাছে আমরা সন্দেহ কোণ-ঘেঁষা হয়ে থাকতাম ।

এক নম্বর রোল ছিল যার তার নাম হালিম । ওই পার্ক স্ট্রীট সারকুলার রোড জংসনের কাছাকাছি বাড়ি । এক মুসলমান ব্যবসায়ীর ছেলে । যত উগ্র তত মধুর ছিল এই ছেলেটি । আমরা এর থেকে সবলে দূরে থাকতাম । সে সিঁড়ি উঠত দড়বড় শব্দ তুলে, নেমে যেত এমনি শব্দ তুলে ; মধ্যে মধ্যে ক্লাসরুমের কাঠের মেঝেতে জুতো ঘষত ।

আর একজন ছিল, ক্লাসের মধ্যে রূপের দীপ্তিতে সব চেয়ে উজ্জ্বল, প্রাণচাঞ্চল্যে সব চেয়ে চঞ্চল অথচ মিষ্ট ছেলে, তার নাম ছিল সঞ্জীব । ছেলেটি কোন কমেই তেমন কমঠ ছিল না কিন্তু সকল কমেই প্রাণপ্রাবল্যে, উৎসাহের উল্লাসে সকলের আগে এসে স্থান করে নিয়ে দাঁড়াত । অভিজাত বংশের রক্ত ছিল তার দেহে । পাইকপাড়ার কুমার অরুণ সিংহের ভাগ্নে ছিল সে । নিত্য নতুন জামা প'রে চমৎকার একখানি সাইকেলে চড়ে কলেজে আসত । থাকত খুব কাছেই, হ্যারিংটন স্ট্রীট কি হাঙ্গারফোর্ড স্ট্রীটে তখন কুমার অরুণ সিংহ থাকতেন । দুপুরে টিফিনের সময় কলেজের পিছন দিকে ফুটবল গ্রাউন্ডে কলেজের ছেলেরা ফুটবল খেলত । জন কয়েক পুরানো ছাত্র, নিয়মিত-খেলোয়াড় ছাড়া নতুন ছেলেদের ভিড় জমে যেত । এক একদিন জন কয়েক ক'রে খেলার সর্বিধে পেত । কিন্তু সঞ্জীব, নতুন ছাত্র হলেও এবং খেলোয়াড় হিসেবে তার কোন পারজন্মতা না-থাকলেও নিজের স্থানটি সে নিতাই করে নিত অবলীলাক্রমে । সে হিসেবে সে ছিল নিত্যকার টোয়েন্টিথার্ড ম্যান । এবং নিতাই জুন-জুলাই-আগস্ট মাসের ভিজে মাঠে একটি বা দুটি বা চারটি আছাড় খেয়ে জামার সর্বাঙ্গে কাদা মাখিয়ে ঝাঁক'রে বাইসিক্ল চড়ে বাড়ি গিয়ে আবার পরিচ্ছন্ন পোশাক প'রে কলেজে ফিরে আসত মিনিট দশেকের মধ্যেই । সঞ্জীবের বাড়ি ছিল আমাদের ওঁদিকেই । আমদপুর-কাটোয়া লাইনে ধাঁধলসা স্টেশন পত্তন সঞ্জীবের বাড়ির চেষ্টাতেই হয়েছিল । সঞ্জীবের ভগ্নীপতি ছিলেন ম্যাকলাউড কোম্পানীর রেলওয়ে বিভাগের সর্বময় কর্তা ।

আর একজন ছিলেন, তাঁর নাম গোপনই করব, করে বলব নিত্য রায়, মধ্যে মধ্যে বয়েজ স্কাউটের দলের স্কাউটের পোশাক পরেই কলেজে আসতেন ; কলেজের শেষে স্কাউট দলে যোগ দিতে চলে যেতেন । চলার-ফেরার, কথার-বার্তার অমন অহেতুক স্মার্ট ছেলে আর আমি দৌখ নি । সে তখন থেকেই নিটা রে । নিত্য থেকে 'নিটা' বলে ডাকলেই খুশী হত ।

চট করে ষাড় ফিরায়ে হেসে বলত—ইয়েস্ । র-শেষান্ত কথাগুলোর

‘র’ উচ্চারণটা তখন থেকেই সে মূছে ফেলোছিল। হিয়ারকে বলত হিরা—, স্যারকে বলত সা—।

নিত্য রায় কিন্তু উত্তরজীবনে নিজেকে সুপ্রতিষ্ঠিত করেছে। ভালো চাকরি করে। এর আট ন বছর পর আমি কানপুরে গিয়েছিলাম আমার শ্বশুরকুলের ঠালায়। তাঁরা তখন আমাকে কয়লা-ব্যবসায়ী বানিয়ে তুলবার জন্য বন্ধপরিচর। সেই সূত্রে কানপুরে থাকি এবং ওদিকে কানপুর ওয়াটার ওয়ার্কস এবং এদিকে রেলওয়ে স্টেশনে ছুটোছুটি করি। সেই সময় নিত্য রায়কে স্টেশনে রেলের কোন বিভাগে পদস্থ কর্মচারী হিসেবেই দেখেছিলাম। একলা একটা বড় ঘরে বড় টেবিলে নিটা রে বসে কাজ করত। বাইরে আদালী থাকত। আমি দেখেই তাকে চিনেছিলাম। মোটা একটু লেগেছিল কিন্তু চেহারার কোন পরিবর্তন হয় নি। তবুও সন্দেহ একটু হ’ত বই কি! একদিন সন্দেহ ঘুচে গেল। দরজার বাইরে দাঁড়িয়ে আছি শুনতে পেলাম ভিতরে টেলিফোনের ঘণ্টা বাজছে। ঘণ্টা থামল। সঙ্গে সঙ্গে শুনলাম—নিটা রে।

—ইয়েস, ইয়েস। নিটা স্পী-ই-কিং!

ঘুচে গেল সন্দেহ। বদলায় এই সেই নিত্য।

এরপর আরও দু-চার জায়গায় দেখা হয়েছে। শেষবার বোধ হয় ১৯৩৯৪০ সালে অধ্যাপক নির্মল বোস, আমি এবং সুধীর রাহা তিন জনে গিয়েছিলাম দুমকা বেড়াতে। পুজোর ঠিক পরেই। আমদপুরে দেখি নিত্য রায়। ফাস্ট ক্লাস থেকে নেমে আমাদের সঙ্গে বাসে সঙ্গী হয়ে চড়ে বসল। আমি চিনলাম। নিটা রে আরও খানিকটা মোটা হয়েছে। সিউড়ীতে আমাদের সঙ্গেই নামল। নির্মলবাবুকে আমি বললাম নিত্যর কথা। আমার তিন মাসের কলেজ-জীবনের ক্লাস ফ্রেন্ড।

নির্মলদা বললেন—আলাপ করব?

বললাম—করুন না।

নির্মলদা আলাপ করলেন এবং এসে আমার স্মৃতিশক্তি তারিফ ক’রে বললেন—হ্যাঁ, হি ইজ মিস্টার নিটা রে। ই.আই.আর.-এর কর্মচারী। চলেছেন আমদপুর-সিউড়ী-দুমকা-ভাগলপুর বাসের প্যাসেঞ্জার কেমন হয় দেখতে। আলাপ ক’রে জিজ্ঞাসা করলাম—মশায়ের নামটি জানতে পারি? বললেন—এন্ রে। আবার বললাম—এন্ রে? পুরো নামটি কি বলুন তো। এবার ভুরু কঁচকে বললেন—নিটা রে। বললাম—ইউ মিন নিত্য রায়। বললেন—ইয়েস, নিটা রে। এ সব হল আমদপুরে। সিউড়ীতে নেমে নিত্য কিন্তু সকলকে স্তম্ভিত ক’রে দিলে তার স্মার্টনেসে। উনিশশো চল্লিশ সাল, ইংরেজ রাজত্বের

শেষ জৌলুস তখন পুর্লিশ প্রচণ্ডতায় তৈলহীন দীপের উস্ক-দেওয়া পলতের আলোয় লালচে এবং কালচে হয়ে জ্বলছে। তার উপর এর আগেই সিউড়ীতে সদ্য সদ্য পার হয়েছে স্বনামকুখ্যাত দোহা সাহেবের আমল। লোকের অন্তরে যাই থাক, বাইরের দেওয়ালে রাজার ছবি প্রায় সব ঘরেই শোভা পায়। সিউড়ী-আমদপুর্-সাইথিয়া-দুমকা বাস সার্ভিসের আপিস-ঘরের দেওয়ালেও ষষ্ঠ জর্জের ছবি টাঙানো ছিল। ঘরে ঢুকলেই সামনে পড়ত। বাস সার্ভিসের মালিক ভূপেনদা আমার বন্ধুস্থানীয়। আমরা ঘরে ঢুকলাম। ও বেলা দুমকার বাসের টিকিট কিনব। রায়ও ঘরে ঢুকল। ঢুকেই টেবিলের সামনে চেয়ারে বসে ছবিখানার দিকে আঙুল দেখিয়ে ইংরেজিতে বলে উঠল—এই যে ভদ্রলোক, ও'র সঙ্গে ল্যান্ডনে বারিংহাম প্যালেসে এক টেবিলে ডিনার খাওয়ার সৌভাগ্য আমার হয়েছিল। তখন উনি অবশ্য ছিলেন প্রিন্স অব ওয়েলস্।

নিটা রে স্কাউট হিসেবেই বিলেত গিয়েছিল এবং সেই হিসেবেই প্রিন্স অব ওয়েলসের নিমন্ত্রণ পেয়েছিল, সে সব কথাই সে সেখানে শুনিয়ে দিলে।

আর একজন—তিনিও সম্ভ্রান্ত ঘরের ছেলে, বাড়ির গাড়িতে চড়ে আসতেন। চমৎকার চেহারা। বড় শান্ত মানদুশ, মধুর প্রকৃতি। কোঁকড়া চুল, মাঝখানে সিঁথি, গৌরবর্ণ রং। তাঁর সঙ্গে দুবছর পরে তখনকার মেট্রোপলিট্যান কলেজে দেখা হয়েছিল। নাম তাঁর মনে নেই।

আমাদের দেশের আশু দাসও সেন্ট জেভিয়ার্সে পড়ত। লাভপুর্ ইস্কুলেরই ছাত্র। তাকেও পেলাম এখানে। তাকে পেয়েই ক্রাসের ছেলেদের সঙ্গে আলাপের চাহিদাটা কমে গেল। আশু পরে পুর্লিশে চাকরি নিয়েছিল, শম্ভুনাথ পিণ্ডিত স্ট্রীটে একটা হাতখানেক লম্বা পায়ের ছাপ ওই আশুই আবিষ্কার করেছিল।

(এরা ছাড়া নিবিড় আলাপ হ'ল আমার দু'পাশের দু'জনের সঙ্গে। সুশীল আর অনাথ। সুশীল লম্বা, অনাথ মাথায় একটু খাটো। কিন্তু দু'জনেই সবল দেহ। ব্যায়াম-করা পেশীসবল শরীর। দু'জনেই একজায়গায় ছেলে। এক ইস্কুল থেকে পাস করেছে। বাসা দু'জায়গায় কিন্তু থাকে প্রায় একসঙ্গে অহরহ। কলেজে তাদের দু'জনের মধ্যে আমি ছেদের সৃষ্টি করি। অন্যের সঙ্গে কথা বলে কম। আমার সঙ্গে কথাবার্তা বাধ্য হয়েই বলতে হ'ত। সেই বাধ্যতার মধ্য দিয়েই আলাপ ধীরে ধীরে গাঢ় হয়ে উঠতে শুরু করল। টিফিনের সময় কলেজের একদল ছুটতে ফুটবল গ্রাউন্ডে, একদল ফুটপাথে। ওদিকে ওয়েলসলী পার্ক স্ট্রীটের জংসন, তার ওপারে

এ্যালেন গার্ডেন। এদিকের ফুটপাথে ছাড়িয়ে খুব বেড়াত। আমি বেশির ভাগ খেলাই দেখতাম। খেলতে খানিকটা পারতাম, এক সময়ে মোহনবাগানিরা-বীর-পদবী লাভের লোভ ছিল মনে মনে, কিন্তু তবুও মাঠে নামতে পারতাম না। সে ওই সঞ্জীবের মতো সকল কাজে এগিয়ে দাঁড়বার দৃঃসাহস যাদের আছে তারাই পারে। বাইশ জনের খেলা বাঁশ্র জনে মিলে খেলতে ভালো লাগত না। মধ্যে মধ্যে এ্যালেন গার্ডেন-এ এসে বসতাম। অন্যথ স্দুশীল এখানে একখানি বেঞ্চ অধিকার করে বসে থাকত। কথাবার্তা বলত। ওদের কাছে বসলে ওরা খুব খুশী হ'ত না।

হঠাৎ আলাপটা একদিন জমে গেল আমার খাতার পাতায় লেখা একটি কবিতা উপলক্ষ করে। আমাদের লাভপদুরে অভুলশিব লাইব্রেরিতে মাসে মাসে সাহিত্যসভা হ'ত। সেখানে পাঠাবার জন্য কবিতা লিখছিলাম। সত্যেন্দ্রনাথের কবিতার অনুকরণ। প্রথম লাইন দুটো আজও মনে আছে—

“বাস করে যারা কেউটে তাড়িয়ে সৌন্দর বনের শেলেদা বাঘ।

ভেতো সে বাঙালী ভীতু সে বাঙালী-জাতির কপালে পড়েছে দাগ।”

তারা পড়ে খুব খুশী। বললে—তোমার লেখা ?

বললাম—হ্যাঁ।

—নকল ক'রে নেব এটা !

তখন এমন অহঙ্কার ছিল না যে কবিতাটা মারা যেতে পারে। তখন ধারণা ছিল খুব পণ্ডিত অথবা বেশ বড় লোক না হ'লে কাগজে লেখা সহজে ছাপা হয় না। অথবা বেশ বড় লোকের পৃষ্ঠপোষকতা থাকা চাই। আপত্তি করলাম না। তারা নকল ক'রে নিয়ে গেল। দিন কতক পর নিজেরাই একটা কবিতা চাইলে। বললে—কই নতুন পদ্য কই ?

কবিতার তখনও পদ্য নাম চলতি ছিল। চোন্দ অঙ্করের চলতি খুব কমে গিয়েছে। দ্বিপদীর প্রথম দুই পদের মিলের হাস্যামা ঘুঁচিয়ে তাকে সোজা-লাইনে সাজিয়ে কাব্যরচনাই তখন বেশী চলেছে এবং চলতির জন্য সোজাও মনে হ'ত। কলেজে দুই পাশে এমন কাব্যোৎসাহী দুই বন্ধুকে পেয়ে উৎসাহ অনুভব করলাম। একটি কবিতা রচনাও করা ছিল আগামী মাসে লাভপদুরের সাহিত্যসভার জন্য। কবিতাটির নাম ছিল—“খোকার ত্যাগ।” একটি খোকা তার সদ্য মাতৃহীন বন্ধুর সঙ্গে খেলা করতে গিয়েছিল, কিন্তু বন্ধু কেঁদেছে, বলেছে কাল রাতে তার মা যে কোথায় চলে গেছে খুঁজে পাচ্ছে না ; সেই কারণে তার আর কিছই ভালো লাগছে না, সে খেলতে পারবে না। এ খোকাটি ক্ষুণ্ণ হয়ে বাড়ি ফিরে নিজের মাকে বলেছে, ওর মা কোথায় গিয়েছে তুমি খুঁজে এনে দাও। মায়ের চোখে জল এল, তিনি বললেন—

ওরে পাগল, ওর মা যে স্বর্গে গেছেন, অনেক দূর। কি ক'রে ডেকে আনব তাঁকে? তা হ'লে আমাকেও খুঁজে পাবি নে তুই। খোকা মায়ের মৃত্যুর দিকে বিস্ময়বিম্বলিত দৃষ্টিতে কিছুক্ষণ তাকিয়ে থেকে বললে—না, তা হ'লে তুমি খুঁজতে যেয়ো না। কিন্তু তুমি আমার সঙ্গে এস। ওই খোকাকে ডেকে নাও। ওর চোখ মর্দাচ্ছে কোলে নাও। আমি হেঁটেই আসব। ও আমাদের বাড়িতেই থাকবে। মাগো, আমার মায়ের ভাগ আমি ওকে দেব। শেষ দূটো লাইন ছিল—

“ওরই দিকে নয় মৃত্যু রেখে শোবে, আমি করব না রাগ,

সত্যি বলছি—আমি ওকে দেব আমার মায়ের ভাগ।”

আমার ভালো লেগেছিল কবিতাটি। দিলাম ওদের। কিন্তু ওদের ভালো লাগল না। বললে—সেই রকম পদ্য লেখ। সেই দেশের কথা নিয়ে। সেই ধরনের পদ্য চাই।

তখন বোধ হয় আগস্ট মাস, পূজো আসছে সামনে। সে কালে পূজোর সময় সাহিত্যের আসরে আগমনী কবিতার স্থান ছিল প্রথমই। বাংলা দেশের প্রাচীন সংস্কৃতির ধারাটি জাতীয়তাবাদের কল্যাণে পুনরুজ্জীবিত হয়ে তখন প্রবল এবং গভীর ধারায় প্রবাহিত হ'ত। এ কালে ইজমে'র স্রোতের ধাক্কায় বালির চড়া পড়ে সে খাত মজে এসেছে। লোকসঙ্গীতের ধুরোকে ঝাঁরা প্রবল ক'রে তুলতে চাচ্ছেন তাঁরা শারদীয়া পূজাকে উচ্চবিস্ত এবং সম্পন্ন মধ্যবিস্তের উৎসব বলে এবং এর মধ্যে আধ্যাত্মিকতা “ব্যাখি”র বীজাণু আছে বলে আগমনী সঙ্গীতকে পরিহার করেছেন এবং কলকাতা শহরে এখন হাজার দরুণে বারোয়ারী দুর্গা পূজা গজিয়ে ওটা সত্ত্বেও আগমনীর পাতা সাহিত্যপত্রিকা থেকে আজ উঠে গেছে। কিন্তু বাংলা দেশের লোকসমাজে আজও শরৎকালের আবির্ভাবের সঙ্গে সঙ্গেই বাউল-বৈরাগীরা একতারা, ডুবুকা, বাঁয়া, মল্লিরা, গাবগুবাগুব বাজিয়ে গৃহস্থের দুয়ারে বাজারে হাটে হাজির হয়ে গাইতে শুরু ক'রে দেয়—

“গিরি—গৌরী আমার এসেছিল।

স্বপ্নে দেখা দিয়ে মা-মা বলিলে

স্বপ্ন ঘোরে আবার কোথা লুকাইল।”

মানুষেরা আজও পূজাকে রোমান্টিত হয়ে ওঠে। সেই আগেকার কালের মতোই ওঠে। অভাব-অভিযোগ রোগ-শোক অপার বেদনারও পারে এসে পেঁছয় তারা। এবং বৃক বেঁধে ভক্তিশুদ্ধ চিন্তে পূজার প্রত্যাশা করে। এইখানেই এ উৎসব হয়ে ওঠে সার্বজনীন। এবং বাংলা দেশে যদি সার্বজনীন উৎসব বলে কোন উৎসব পার্বণ থাকে, তা এই শারদীয়া উৎসবই। ধনী

মধ্যবিত্তের সাধ্য কি যে এ পার্বণের ভাবানুভূতিকে নিজেদের নাট-মন্দিরের গাভীর মধ্যে আবদ্ধ রাখে। শুদ্ধ ধনী দাঁরদের মধ্যেই এ পূজা আবদ্ধ নয়, রাঢ় বঙ্গে হিন্দু মুসলমান সম্প্রদায় নির্বিশেষে সম্প্রসারিত। সেকালে কিন্তু এর প্রভাব সাহিত্যে প্রবলভাবেই পড়ত। আমি সেই উপলক্ষ করেই “আগমনী” কবিতা লিখেই ওদের হাতে দিলাম। প্রথম জার্মান যুদ্ধ তখন প্রবলভাবে চলছে। সেই স্মরণও এসে পড়েছিল।—

“মাগো, আর একবার নাচতে হবে।

ওদের দেশে নাচিস মাগো তা থৈ তা থৈ,

মোদের দেশে নাচবি কবে?

সত্যি রূপে হোথায় গেলি,

মিথ্যে সেজে হেথায় এলি,

আঁকা তিনটে চক্ষু মেলি রইলি চেয়ে,

পলক ফেলে জাগ মা ভবে।”

ওরা এ কবিতা পেয়ে মহানন্দে নেচে উঠল। বললে যে, এ কবিতা তারা হাতে লিখে বা ছেপে বিল করবে। কবিতা ছাপা হয়েছিল প্রীতি-উপহারের মতো। কিন্তু তাতে আমার নাম ছিল না। এতে দৃষ্ট হয়েছিল। ঠিক ব্যাপারটা বুঝতে পারি নি তখন। এরপর নিতাই এ্যালেন গার্ডেনে বসে আমাদের কাব্যচর্চা চলত। ওদের কাছ থেকে কিছু কিছু বইও পেয়েছিলাম। সখারাম গণেশ দেউস্কর, স্বামী বিবেকানন্দের বই। স্বামীজীর বই আমি লাভপূরেই পড়েছিলাম। তবুও আবার পড়লাম। আরও কিছু কিছু বই পড়েছিলাম। একদিন আমাকে ওরা নীলচে ধরনের মলাট দেওয়া একখানি বই দিয়ে বললে, এখানা তোমাকে প্রাইজ দিয়েছেন আমাদের এক দাদা। তোমার ভালো পদ্যের জন্যে দিয়েছেন। বইখানির মলাটে ঠিক মাঝখানে তেরচাভাবে বেশ টানা হাতের লেখার মতো হরফে সোনার জলে লেখা “বন্দেমাতরম”। খুলে দেখলাম, স্বদেশী গানের বই। সে আমলের সমস্ত স্বদেশী গানই তার মধ্যে ছিল। বইখানি অনেক যত্নে রেখেছিলাম। কিন্তু উনিশশো তেরিশ-চৌত্রিশে বীরভূমে ওই দোহা সাহেবের বীরভূম কনস্পিরেসী কেসের আমলে অনেক বইয়ের সঙ্গে ওখানিকেও উই পোকার মূখে শেষ হতে দিতে হয়েছে। তখন বাড়ি কবে সার্চ হবে তার কোন ঠিক নাই। তাই নেহাৎ নিরীহ ধরনের বই কিছু রেখে বাকী সবই আমার এক পিসতুত ভাইয়ের খালি বাড়িতে বাস্তুবন্দী ক’রে রেখেছিলাম। আমি রাখি নি, রেখেছিলেন আমার কথামতো আমার বাড়ির লোকে। আমি তখন সাধ্যমতো বীরভূমের বাইরে বাইরেই থাকি। তাঁরা কাঠের প্যাকিং বাক্সে বইগুলি পুরে ও বাড়িতে

রেখেছিলেন। তার ওপর ঢাকা দিয়েছিলেন ঘড়টের স্তূপ। পরে যখন ঘড়টের স্তূপ সরানো হ'ল তখন কাঠের বাঁকটি একটি উই চিপিতে পরিণত হয়েছে। ভেঙে পাওয়া গিয়েছিল প্যাকিং কেসের কয়েকখানা পাতলা কাঠ, কিছ্‌র আধ-খাওয়া-মলাট এবং আধ-খাওয়া কিছ্‌র কাগজ।

একদিন ওদের সেই দাদাকে দেখলাম।

মধ্যে মধ্যে এক একদিন ওদের এক একজন, কখনও বা দু'জনই এ্যালেন গার্ডেনে অনদ্‌পস্থিত থাকত। বলত—একটু কাজ ছিল।

একদিন অনাথ ছিল, সদুশীল ছিল না। তার কাজ আছে। আমি এবং অনাথ বসে আছি, কথা বলছি, এমন সময় সদুশীল ফিরে এল। বললে—ওঠ, তারাক্ষর !

—কোথায় ?

—এস না।

অনাথ কোন প্রশ্নই করলে না। তিনজনে পূর্বমুখে সারকুলার রোডের দিকে হেঁটে চললাম। সারকুলার রোড জংসনের একটু আগে পার্ক স্ট্রীটের দুই পাশে প্রাচীন কালের কয়েকটি কবর স্থান। সেইখানে নিয়ে গেল। তখনকার পার্ক স্ট্রীট স্বতন্ত্র পার্ক স্ট্রীট ছিল। বড় বড় গাছ দুই পাশে। গাছের আড়াল দিয়েই একরকম যাওয়া চলত।

কবরস্থানের চারিপাশের পাঁচিলের একটা অল্পস্বল্প ছাড়ানো জায়গা দিয়ে ভিতরে ঢুকে একজন মানুষকে দেখলাম ! একটা বড় কবরের আড়ালে বসে আছেন। তাঁর চেহারা আমার মনে আজ আবছা হয়ে এসেছে। তবে তাঁর মুখে তখন দাড়িগোঁফ, মাথায় চুল ছিল। শ্যামবর্ণ রং। বেশ স্বাস্থ্যবান ভারিক্‌ ধরনের মানুষ। বয়স তিরিশ হয় তো হবে। মাথায় একটা টুপি ছিল। মদুসলমানী ঢঙের।

আমার পদ্যের প্রশংসা ক'রে বললেন—প্রাইজ পেয়েছ ? পড়বে সমস্ত গানগদলি।

অনাথ সদুশীলের দিকে স্নেহে দৃষ্টিপাত ক'রে বললেন—এ দুটো গদুন্ডা। এরা তোমার মতো পদ্য লিখতে পারে না। তোমার কিন্তু শরীরটা দুর্বল। তোমার শরীরটা ভালো করো।

তারপর বললেন—বছর দুয়েক আগে নলিনীর সঙ্গে তোমার আলাপ হয়েছিল, রামপদ্রহাটে ? কথানা চিঠিও লিখেছিলে। না ?

আমি অবাক হয়ে গেলাম। বললাম—হ্যাঁ।

তিনি বললেন—দেশ স্বাধীন হবে। তৈরী হও সব। বন্ধুলে ? কেঁপে উঠলাম।

আর কোন কথা না বলে তিনি বললেন—যাও আজ । সদাশীল তুই থাক ।

আমি অনাথ চলে এলাম । পথে অনাথকে জিজ্ঞাসা করলাম—অনাথ, উনি কে ?

অনাথ বললে—নাম জেনে কি করবে ? উনিই আমাদের দাদা ।

পদ্মজোর দিন পনেরো আগে সদাশীল অনাথ হঠাৎ কলেজে অন্তর্নিহিত হ'ল । এবং পদ্মজোর ছুটি পর্বন্ত আর এলই না কলেজে । দ'পাশে দ'জনের সিট খালি পড়ে থাকত, মাঝখানে আমি বসে থাকতাম । ক্লাসে সঙ্গী বলতে ওরাই দ'জনে ছিল, অন্যদের সঙ্গে বড় আলাপ হয় নি । ক্লাসের পর বেরিয়ে এসে আশ্রুর সঙ্গে দেখা হয় । তারই সঙ্গে কথাবার্তা ব'লে হাঁপ ছাড়ি । এদিকে সামনে পদ্মজো । কলকাতার বাজারে লেগেছে ছোঁয়াচ, রঙীন বসনে ভূষণে রংচঙে হয়ে উঠেছে । কলেজেও ছোঁয়াচ লেগেছে । পদ্মজোর বন্ধের আগের দিন এবং পরের দিন, দ'দিন অভিনয় হবে । সেকালে অন্য কলেজে অভিনয়ের বড় রেওয়াজ ছিল না কিন্তু সেন্ট জেভিয়ার্সে ছিল । কলেজ হলেই স্থায়ী রকমের স্টেজ সাজানো ছিল এবং এই ইউরোপীয়ান ধর্মযাজক অধ্যাপকেরা এ দিক দিয়ে ছিলেন উদার । তাঁরা অভিনয়ে উৎসাহই দিতেন । কলেজ বোর্ডে নোটিশ পড়ে গেল গেল—যাঁরা অভিনয়ে অংশ নিতে ইচ্ছুক তাঁরা স্বাক্ষরকারীর কাছে নাম দিয়ে আসুন । স্বাক্ষরকারী ছিলেন নীতিন রায় । নীতিন রায় কলেজে প্রায় সর্বজন-পরিচিতই ছিলেন । বোধ হয় তখন থার্ড ইয়ার তাঁর । আশ্রুর সঙ্গে খুব আলাপ । ভদ্রলোকের চেহারাখানি সকল ছেলেরই দৃষ্টি আকর্ষণ করত । একটু সায়েবী ঘেঁষা ফরশা রং, চোখ দুটিও কটা, বিড়ালান্না যাকে বলে, দোহার শরীর একটু স্কুলতার দিকেই ঝুঁকিয়ে, ভদ্রলোক চলতেন বেশি ভারী রকমের পা ফেলে । মাথায় একটু খাটো মনে হ'ত । আর একজন ছিলেন বেশ লম্বা, শ্যামবর্ণ, একটু মিষ্টি বাঙালী চেহারার ভদ্রলোক, তিনিও থার্ড ইয়ারের ছাত্র, তিনিও ছিলেন অভিনয়দক্ষ ব্যক্তি । তবে নীতিনবাবুরই নাম বেশি । আমার মেসোমশায়ের ভাই ভদ্রবাবু ছিলেন সেন্ট জেভিয়ার্সের ছাত্র, আই-এসসি পাস করে মোডিকেল কলেজে তখন পড়তেন, তিনি নীতিন-বাবুর গল্প করতেন ।—নীতিন খুব ভালো থিয়েটার করে ! সাহস আছে ! “চন্দ্রগুপ্ত” প্রের সময় যা সাহস ও দেখিয়েছে !

ব্যাপারটা তাঁদের আমলের । “চন্দ্রগুপ্ত” নাটকে চাণক্যের ভূমিকা নিলেন—ছিলেন ওই শ্যামবর্ণ ভদ্রলোকটি, তিনি তখন থার্ড ইয়ারের ছাত্র । নীতিন বাবু কলকাতারই ছেলে, ভবানীপুত্রে বাড়ি, বোধ করি স্কুলজীবনেই সে

আমলে পাশ্চাৎ হিসেবে খ্যাত হয়েছিলেন। তবে কলেজে এসে নিজেই ঠাই করে নিয়েও এই ভদ্রলোকের পিছনেই ছিলেন তখন পর্যন্ত। কাজেই তিনি নিয়েছিলেন চন্দ্রগুপ্তের ভূমিকা। এরপর রিহারশালের সময় চাণক্যের ভূমিকায় ভদ্রলোক অকস্মাৎ নিজের দৃবলতা অনুভব ক'রে বলেছিলেন—বই বদলাতে হবে। চাণক্য আমি পারব না। এ দিকে তখন সময় কমে এসেছে। কি হয়? ছেলেদের কাছে অভিনয় হবে বলে চাঁদা নেওয়া হয়েছে। নতুন নাটক ধরবার সময় কোথায়? তখন নীতিনবাবু এগিয়ে এলেন, বললেন—আমি করব চাণক্যের পাট। তখন ভূমিকার নাম পাটই ছিল বাংলা ভাষায়। এবং নাকি ভালো অভিনয়ই করেছিলেন। ভদ্রবাবু বলতেন—তবে ওই জায়গাটা বদলে, যেখানটায় আছে না—এই শীর্ণ ব্রাহ্মণ বলে বদকে ঠুকে চাণক্য নিজেকে দেখাবে সেই জায়গাটায় লোকে একটু হেসেছিল।

সেবারে হ'ল “সিংহলবিজয়” অভিনয়। নীতিনবাবু বিজয়সিংহ। সেই ভদ্রলোক সিংহবাহু। আশু আমাকে ধরলে—তাকে পাট নিতে হবে। আমি নীতিনকে বলেছি।

আমি ভয় খেয়ে গেলাম। অভিনয় কখনও তো করি নি। আশু বললে—ওরে, তুই লাভপুত্রের ছাওয়াল। লাভপুত্রে থিয়েটারের ট্রেনিং ছেলেবেলা থেকে। তাছাড়া তুই ইস্কুলে যে সব রেসিটেশন করেছিস আমি তো দেখেছি।

আশু যেবার ম্যাট্রিক পরীক্ষা দেয়, আমি ফাস্ট ক্লাসে উঠি, সেবার প্রাইজ ডিস্ট্রিবিউশন উপলক্ষে আমি আর লক্ষ্মীনারায়ণ একলব্যের গুরুদক্ষিণা আবৃত্তি করেছিলাম স্বর্গীয়া কামিনী রায়ের “পৌরাণিকী” থেকে। নাটকের আকারে লেখা একলব্য কাব্যনাটকটি আজও আমার বড় ভালো লাগে। আমি একলব্যের ভূমিকা আবৃত্তি করেছিলাম, নারায়ণ ছিল দ্রোণ। স্বর্গীয় গুরুসদয় দত্ত বোধ হয় তখন জেলা ম্যাজিস্ট্রেট। তিনি আমার খুব প্রশংসা করেছিলেন। প্রোতাদের খুব ভালো লেগেছিল।

আশুর ধারণা সেইটুকুর উপর ভিত্তি ক'রে। সে জোর করেই নিয়ে গেল নীতিনবাবুর কাছে। তখন তাঁদের নায়িকা কুবেরীর ভূমিকা নিয়ে পছন্দ চলছে। আশু বললে—একে দাও। পরীক্ষার দিন ধার্য হ'ল দু'দিন কি তিনদিন পর। হঠাৎ এর মধ্যে এক চিঠি কলেজের কাছে-ঢাকা বাস্কে এসে হাজির হল। সূর্য্যলীল লিখেছে—কদাচ থিয়েটার করিবে না। দাদা বারণ করিয়াছেন।

আশ্চর্য হয়ে গেলাম। সূর্য্যলীল চিঠি দিয়েছে, কোন ঠিকানা নাই। নিজের কোন খবর নাই। শুধু থিয়েটার করতে বারণ করেছে। মনে থিয়েটার নিয়ে শখও ছিল, ভয়ও ছিল। এ দিকে সেই রহস্যময় দাদা ব্যক্তিটির প্রতি একটি

আকর্ষণও ছিল। এই স্বপ্নে পড়ে শেষ পর্যন্ত ভুল এবং দাদার আকর্ষণই জয়ী হ'ল। নির্দিষ্ট দিনে বোরিয়ে পথ থেকে ফিরে গেলাম। সে দিনটা ছিল বৃহস্পতিবার—সেণ্টজেন্ড্রাসের ছুটি। পার্ক স্ট্রীটে ঢুকেও ফিরলাম। ফিরে চলে গেলাম কলেজ স্ট্রীটে কমলালয়।

পূজোর সময়; বোনের, ভগ্নীপতির তত্ত্ব, বউয়ের তত্ত্ব করতে হবে; নিজের এবং ভাইদের জামা চাই। বাড়ি থেকে ফর্দ এসেছে। এতদিন এর জন্যে কলকাতায় যে আত্মীয়-স্বজন থাকতেন তাঁদের কাছে ফর্দ পাঠানো হ'ত, টাকা পাঠানো হ'ত। পাঠবার সময় পিসিমা কাদতেন। আজ অন্যের উপর নির্ভর করতে হয়। পছন্দ-অপছন্দ সম্পর্কে একটা কথা বলা চলে না। নিজেদের একটু অনুগ্রহের পাথ বলে অনুভব করতে হয়। এবার আমি কলকাতায় এসেছি। আমার কাছে এসেছে ফর্দ, টাকা। লিখেছেন—তোমার মেসোমশায়ের সঙ্গে পরামর্শ ক'রে সঙ্গে কাউকে নিয়ে জিনিসপত্র কিনো। অন্য জিনিস মেসোমশায় কিনে দিয়েছিলেন, জামাগড়ালির জন্যে বলেছিলেন, কোন দোকানে মাপ দিয়ে করিয়ে নাও।

কমলালয় তখন মাত্র বছর দেড় কি দুই খুলেছে। কলেজ রোয়ের যে মদুখটা হ্যারিসন রোডে মিশেছে সেই মদুখে একখানা বাড়ির পরই একটি ছোট ঘরে ছিল কমলালয়। খোলা অবধি লাভপুত্রের লোকেদের সঙ্গে এঁদের হৃদয়তা ছিল। কমলালয়ের কণ্ঠস্বর শ্রীযুক্ত খগেন চক্রবর্তী আমার থেকে হয়তো চার-পাঁচ বছরের বড়। তিনি নিজে টেলারিং শিখে কাজ শুরু করেছিলেন। সে আমলে এই কৃতী পুরুষটির অক্লান্ত পরিশ্রম দেখেছি। ব্যবসারে যাকে বলে স্পেকুলেশন, কমলালয়ের সাফল্যের মধ্যে তা কতটা আছে সে জানিনে, কিন্তু এই মানুষটির পরিশ্রম এবং ভদ্র মার্জিত ব্যবহার, ঠিক নির্দিষ্ট দিনে জিনিস দেওয়ার নীতি যা দেখেছিলাম সেই প্রথম থেকে তাতে সাফল্য তাঁর প্রাপ্য। আজকের কথা জানি নে। আমি সেই প্রথম আমলের কথা বলছি।

কমলালয়ে জামার বরাত দিয়ে ফিরবার পথে হঠাৎ শেখারদার মোড়ে সেই টুপিপরা মানুষটির সঙ্গে দেখা হয়ে গেল। সেই পার্ক স্ট্রীট গোরস্তানের দাদা। চড়লেন ট্রামে এবং সঙ্গে সঙ্গেই নেমে গেলেন। মনে হ'ল আমাকে নামতে বললেন।

নামলাম। অনুসরণ ক'রে গেলাম বৈঠকখানা বাজারে। সেখানে তিনি অল্প কয়েকটি কথা বললেন—থিয়েটার করছ না তো?

বললাম—না।

—চিঠি পেয়েছ?

—গেরেছি ।

—ভালো । দেশকে স্বাধীন করতে হবে । এখন শুধু এই ভাবনা । আর কিছু না । বন্ধুকে ? পুজোর ছুটিতে আরও অনেক ভালো পদ্য লিখে আনতে হবে । যাও । বাড়ি যাও ।

আমি প্রণয় করলাম—সুশীল অনাথ—

—পুজোর পর দেখা হবে তাদের সঙ্গে ।

চলে গেলেন তিনি, আমার শরীরে রক্তস্রোত চঞ্চল উত্তপ্ত হয়ে উঠল । বন্ধুতে পারলাম—যা অস্পষ্ট ছিল স্পষ্ট হয়ে গেল । উত্তেজনায়, একটা অজানা আশঙ্কায় মাথার চুল পর্বন্ত খাড়া হয়ে উঠল । বাড়ি চলে গেলাম ।

পরের দিন কলেজে আশু বললে—তুই কাল এলি নে ?

কথা বলতে গিয়ে চুপ করে গেলাম । মনে পড়ল আশুর দাদা সি-আই-ডি সাব-ইনস্পেক্টর ।

আশু মনে করলে আমি ভয় পাচ্ছি । সে বললে—এত ভয় কেন রে ? চল একদিন রিহারশ্যাল দিলেই সব ঠিক হয়ে যাবে । আমি এখনও ঠেকিয়ে রেখেছি ।

বললাম—না ভাই । পারব না ।

অগত্যা আশু বললে—তবে থাক । নে সিগারেট খা ।

আশু কদিন আগে টিফিনে সিগারেট ধরিয়েছে । ওই একটা সিগারেটই দিলে ।

সে দিন বললাম—না । ও ভালো লাগে না আমার । জামাতে গরু হয় । মেসোদের বাড়িতে টের পাবে ।

মোট কথা আমার কানে বাজছে সেই কথাগুলি—এখন দেশের ভাবনা ছাড়া আর কিছু না । দেশকে স্বাধীন করতে হবে । ওই কথাগুলি শোনা অবাধ উপলব্ধির মূহুর্ত থেকে আমার সমগ্র দেহে মনে একটা শক্তির তপস্যা শূর্য হয়ে গেছে । একটা ক্রিয়া চলছে ।

আজ তাই ভাবি । সে কালের জাতীয়তাবাদের মধ্যে মন্ত্রগুণিত আত্ম-গুণিততা বড় ছিল না, তার চেয়েও বড় ছিল চিন্তাশক্তি আত্মশক্তির তপস্যা । দেশের মুক্তিসাধনার সঙ্গে মানুষের চরিত্রগঠনের কাজ চলছিল প্রবলতর বেগে । সে কালে কেউ এ কালের ধারা কল্পনাও করতে পারতেন না । ওই দিকটা যেন কাটা ঘাড়ের মতোই মিলিয়ে যাচ্ছে । চরিত্রবান মানুষের প্রয়োজন শেষ হয়েছে ; উপহাসের সামগ্রী হয়েছে । তাই আজ সাহসী মানুষ, সং অসং যে বাহবে না, যে মিথ্যায় হোক সত্যে হোক কাজ হাসিল করার মতো কুট কৌশলী সেই আজ সবচেয়ে যোগ্য ব্যক্তি । যাক সে কথা । প্রকৃতি অনাচার সস্ত না । প্রকৃতির প্রতিক্রিয়া অবশ্যই হবে ।

এরই মধ্যে একটি বৃহস্পতিবারে, তারিখ মনে নেই তবে খুঁজলে বের হবে—হ'ল সাইক্লোন। ১৯৪২ সালের সাইক্লোনের মতোই সে সাইক্লোন। পশ্চাশের কাছাকাছি বলসের মান্দুখ ঘাঁরা তাঁদের নিশ্চয় মনে আছে। সেই-বারের সাইক্লোনেই হ্যারিসন রোড বৃক্ষশূন্য হয়ে গেল। পার্ক স্ট্রীট ন্যাড়া হ'ল। তার আগে শেয়ালদার মোড় থেকে কলেজ স্ট্রীট পর্যন্ত হ্যারিসন রোডের দু'পাশে বড় বড় গাছ ছিল। পার্ক স্ট্রীটের সে পরিচয় নামেও আছে এবং কিছু গাছ এখনও পুরনো গোরস্তানের পাশে আজও আছে। আমি বৃহস্পতিবারের সন্ধ্যোগে দশটায় খেয়ে দেয়ে কমলালয়ে এসেছি। সকাল থেকেই আকাশ মেঘাচ্ছন্ন। এলোমেলো হাওয়া, টিপি টিপি বৃষ্টি। আশ্বিন মাসে যেটা অভ্যস্ত সাধারণ। মেসোমশায়দের বাড়ির যে ঘর আপিসে কলেজ ইন্সকুলে বেরিয়ে গেলেন। যদিও মেঘ ঘোরালো হচ্ছে, হাওয়া জোরালো হচ্ছে, বৃষ্টির ঝাপটা তেজালো হচ্ছে তবুও কেউ কোন শঙ্কা করলেন না। আশ্বিন মাসের বৃষ্টি হাওয়া, শরৎকালের মেঘ, এসেছে আবার চলে যাবে বিকেলের আগেই।

পল্লীগ্রামের লোকেরা অবশ্য আশ্বিনের ঝড় সম্পর্কে শঙ্কিত। ধানের খোড় সন্ধ্যা ধানগাছগুলিকে শুইয়ে দিয়ে যায়। তার বেশি কিছু না। তার কারণ আশ্বিনের সর্বনাশা সাইক্লোন এর আগে বোধ করি গ্রীষ্ম বৎসরের মধ্যে হয় নি। কি তারও বেশী।

আমার মনে পড়ছে—কমলালয়ে বসে আছি, কথা বলছি, সাড়ে-বারোটা বেজেছে, বাইরে ওদিকে ঝড় উঠেছে খেয়াল হয় নি। হঠাৎ হ্যারিসন রোডে নবীন ফার্মেসীর সামনে একখানা ছ্যাকরা গাড়ি গেল উলটে। বাতাস বইছিল পূর্ব দিক থেকে। প্রচণ্ড একটা দমকা এসেছিল, ঠিক সেই মুখেই গাড়িটা মোড় নিচ্ছিল। একখানা পানের দোকানের মাথার চাল উড়ে গেল। ঝাপটাতর দমকটা পাক খেয়ে কলেজ রোয়ের ভেতরে ঢুকেও ক্ষান্ত হল না, কমলালয়ের চণ্ডা কাঠের পাল্লাতেও বার দুই মাথা ঠুকে চলে গেল। এবার চাকিত হয়ে উঠল সকলে। বাইরের দিকে তাকিয়ে বৃষ্টির ধারা এবং ঝড়ের মাতন, আকাশের রং দেখে মনে হল—এ আবার কি রকম? বোধ করি মিনিট চারেকের মধ্যে খবর চাউর হয়ে গেল—সাইক্লোন আসছে, সাইক্লোন। হাওড়া ব্রিজ পোর্ট কমিশনার থেকে দশ নম্বর (ঠিক মনে নেই কত নম্বর, তবে যেন দশ নম্বর বলেই মনে হচ্ছে) ফ্যাগ উড়িয়েছে। হাওড়া ব্রিজ হওয়া অবধি এ ফ্যাগ এ পর্যন্ত একবার উড়েছে। এই দ্বিতীয় বার। বন্ধ কর। সব বন্ধ কর। হুড়োহুড়ি পড়ে গেল। আমি বেরিয়ে এলাম। রাস্তায় হ্যারিসন রোডে দাঁড়ানো যায় না। বাতাসে ঠেলে ফেলে দেয়। বৃষ্টি

সন্দের তীক্ষ্ণতা নিয়ে মৃদু বিধে। ট্রাম বন্ধ হয়ে গিয়েছে কখন। কি করব? হেঁটেই পাড়ি দিলাম। পূর্ব দিক থেকে হ্যারিসন রোড বেয়ে ঝড় বইছে প্রচণ্ড বেগে। তখন অত্যন্ত তিরিশ মাইল বেগে বোধ হয়। আমি চলছি শেরালদার মৃদু। খানিকটা আসবার পর পিছনেই ভেঙে পড়ল একটা গাছের ডাল। আমি শঙ্কিত হয়ে দক্ষিণ ফুটপাথে এসে দক্ষিণমুখি গলি-পথ ধরলাম। ক্যাটোফার লেনে যখন এসে পৌঁছলাম তখন বেলা আড়াইটে। ওঁদের বাড়ির ফটক পূর্বমুখী। কাঠের দরজার পাশে দু'খানা মাথার লোহার আটোয় আটকে আছে বটে কিন্তু পিছনের দিকে দু'টো পাশে ঠালা মেয়ে আতর্নাদ করছে। যেন কোন অদৃশ্য বুনো হাতি মাথা লাগিয়ে ঠেলেছে।

সে আংটা খোলা প্রচণ্ড শক্তিশালী লোকেরও অসাধ্য।

তখন কিন্তু বাড়ির মানদুধেরা উপায় উদ্ভাবন করে ফেলেছেন। বাড়ির সকলেই ফিরেছেন প্রায়। আপিস ইন্সকুল কলেজ আগেই খবর পেরোছিল। সব বন্ধ হয়ে গেছে বারোটা নাগাদ। তখনও ট্রাম ছিল।

আমি চীৎকার করে ডাকতেই তাঁরা হেঁকে বললেন—দাঁড়াও।

পাঁচ-ছ জনে দু'টো বাঁশ দিয়ে দরজাটাকে সামনে ঠেলে ধরে বললেন—এবার তুমি আংটাটা খোল। আংটাটা খুলতে তাঁরা ধীরে ধীরে বাঁশ নিয়ে পিছিয়ে গিয়ে দরজাটা খুলে দিলেন। এমনি হঠাৎ ছেড়ে দিলে দরজার পাশে দু'খানা আছাড় খেয়ে পড়ত দু'দিকের দেওয়ালে। কিন্তু এতেও ক্ষতি আটকাল না। এ দরজা দু'পাশের, কিছু হ'ল না বটে কিন্তু দরজার পরেই বাড়ির প্রথম ঘরখানার একটা জানলার ছিটকিনি ঝড়ের বেগে খুলে গিয়ে এক পাশে জানলা সজোরে খুলে গেল, আবার ফিরে এল, আবার খুলল; শুধু খুলল না—কজার বাঁধন ছিঁড়ে প্রায় ঘড়ির মতো উড়ে গিয়ে পড়ল পাশের বাড়িতে।

তারপর রায়ে সে কি ঝড়ের তাণ্ডব! সে কি শব্দ, সে কি গোঙানি! যেন প্রলয় হয়ে যাবে। কৈশোর যৌবনের সন্ধিস্থল পর্যন্ত এমন প্রচণ্ড এবং এত দীর্ঘক্ষণস্থায়ী প্রাকৃতিক বিপর্যয় দেখিনি। আতঙ্ক এবং কৌতূহলের সীমা ছিল না। রাতি তখন কত জানি না, বারোটার পর তাতে সন্দেহ নেই—হঠাৎ প্রচণ্ড একটা শব্দে বাড়িটার ছাদখানা থরথর করে কেঁপে উঠল। বিরাটকায় বিপুল ওজনের একটা কি যেন আছাড় খেয়ে পড়ল সেখানে। সমস্ত বাড়িটা আতঙ্কে উঠে বসল। সেটা একখানা বিরাটকায় টিনের চালা। উড়ে এসে পড়ল এ বাড়ির ছাদে। রাতি দু'টো থেকে ঝড় কমতে লাগল। সকাল হল। আকাশে তখনও মেঘ, বাতাসও আছে, তবু প্রসন্ন সূর্যালোক বলে দিলে—বিপদ বিগত হয়েছে।

আমরা উঠলাম, বাড়ির বাইরে দেখলাম—নালা বেয়ে তখনও প্রবল জলস্রোত বইছে। রাস্তায় জল জমে রয়েছে। ওই পাড়ার মেসোমশায়দের বাড়ির পূর্ব দিকে রেললাইন পর্যন্ত ছিল বাগানের-পর-বাগান, নারকেল এবং নানান গাছের সমারোহ। দেখলাম সব যেন ফাঁকা হয়ে গেছে। আমরা দল বেঁধে বেরিয়ে দেখে এলাম। ধরাশায়ী গাছগুলোর শাখাপল্লবে মাটি ঢেকে গেছে। মরা কাক, বাদুড়, ছোট ছোট পাখী ছিটিয়ে পড়ে আছে চারিদিকে।

এরপরই কলেজের প্রথম পরীক্ষা দিয়ে বাড়ি রওনা হলাম। সন্ধ্যা অনাথ পরীক্ষা দিতেও এল না। দু-একদিন শেয়ালদার মোড় ঘুরে এলাম। সেই মানুষটির সঙ্গে দেখা হল না।

মনে আছে বাড়ি গিয়েছিলাম সন্ধ্যার ট্রেনে। ওই ট্রেনখানার নাম ছিল লুপ মেল। মধ্যরাতে আমদপূর পৌঁছবে। নিছক মেল ট্রেনে চড়বার জন্যে ওই ট্রেনে গিয়েছিলাম। হাওড়ায় এসে লুপের কাউন্টারে টিকিট কিনতে গেলাম। প্রচন্ড ভিড়, ওরই মধ্যে একজন পিছন থেকে বললেন—আমার একখানা টিকিটও নেবেন ভাই দয়া করে। আমদপূর।

—আমদপূর? পিছন ফিরে তাকলাম—ভাবলাম পরিচিত কেউ হবে।

না, পরিচিত কেউ নন। অপরিচিত একজন বেশ পরিচ্ছন্ন ভদ্রলোক। একখানা পাঁচটাকার নোট আমার হাতে বাড়িয়ে দিলেন। দু'খানা টিকিট কিনে বাইরে এলাম। মালপত্র নিয়ে কুলী বসে ছিল, তাকে নম্বর খুঁজে বের করে ট্রেনে এসে চড়লাম। সেই ভদ্রলোকও চড়লেন। স্টেশনে তিনি একটা কাঠের বাঁশী কিনলেন। আমার দিকে তাকিয়ে বললেন—কিনবেন আপনি?

—আমি ভো বাজাতে জানি না।

—শিখবেন। ও শিখতে আর কি লাগে।

কিনলাম দেখাদেখি। ট্রেনে ভিড় খুবই ছিল। তবু জায়গা মন্দ মিলল না। বড় বগী ইস্টার ক্লাসের দরজার দু'পাশের দু'টো বাস্কে তিনি বেশ কায়দার সঙ্গে জিনিস ঠেলে ঠুলে জায়গা করে একটায় আমাকে উঠিয়ে নিজে অন্যটায় চড়ে বসলেন। মাঝখানে দরজাটা রেখে বন্ধে বালিশ দিয়ে আমার দিকে মুখ করে আলাপ শুরু করলেন। নিজেই পরিচয় দিলেন।

কলকাতায় বাড়ি। আমাদের ওই দিকেই লাভপুর থেকে কয়েকমাইল উত্তরে তাঁর বোনের বিয়ে হয়েছে। সেখানে যাবেন। বোনকে তারা পাঠায় না। অথচ কলকাতায় মানুষ বোনটির কত কষ্ট হচ্ছে ভেবে বড় কষ্ট পাচ্ছেন। এবার পাঠাবে। তাই খুঁশি হয়ে যাচ্ছেন। আমার প্রশ্ন করলেন—আপনার নামটি কি ভাই?

বললাম। তিনি খুব খুশি হয়ে বললেন—চমৎকার নাম তো! তারা-
শঙ্কর! বাঃ! আমাদের দেশে একজন লেখক ছিলেন জানেন? পশ্চিম
তারাশঙ্কর তর্করত্ন? কাদম্বরীর অনুবাদ করেছিলেন? বললাম—জানি।
পড়েছি কাদম্বরী।

—আপনি তো এই বয়সে অনেক পড়েছেন! নিজেকে লেখেন-টেছেন না?
এমন নাম! এর মধ্যে কাদম্বরী পড়েছেন! আর কি পড়েছেন? শব্দ
নাটক নভেল? না আরও কিছু পড়েন? এই বয়সে নীলবসনা সুন্দরীর
ফাঁদে পড়েই সর্বনাশ হ'ল দেশটার! আমার ভগ্নীপতিকে তাই বলি আমি।
বলি, বিবেকানন্দ পড়! আপনি পড়েছেন?

—পড়েছি।

—পড়েছেন? বাঃ বাঃ। ভালো ছেলে আপনি। নিজেকে লেখেন-টেছেন
কিছু? আপনারই মতো আমার এক খুড়তুতো ভাই আছে, চমৎকার লেখে।

আমি চুপ করে রইলাম। বলতে লজ্জা পেলাম।

তিনি উৎসাহিত হয়ে বললেন—তা হ'লে লেখেন। বাঃ, বেশ! বেশ!
কবিদের লেখকদের লজ্জা পাওয়াটাই স্বাভাবিক। *My shame in crowd
but solitary pride!* তাই না? হাসতে লাগলেন, তারপর বললেন,
শোনান না আপনার লেখা! আচ্ছা। আগে আপনাকে আমার বাঁশী
শোনাই। নিজের বাঁশীটা ফেলে এসেছি। এগদুলোতে সুদ ঠিক থাকে না
অনেক সময়। পথে রাতি কাটাতে হবে বলে কিনলাম। বাজাতে লাগলেন বাঁশী।

চমৎকার বাজান। সমস্ত ট্রেনটাই প্রায় বাঁশী বাজালেন। আমদপুরে
নেমে বললেন—এইবার আপনার পালা। দাঁড়ান একটা ব্যবস্থা করি। স্টেশন
মাস্টারকে বলে ওয়েটিং রুম খুলিয়ে নি। সেই ভোর বেলা গাড়ি ভাড়া
ক'রে রওনা, কি বলেন? হাঁটব মশাই। মাল থাকবে গাড়িতে।

সত্যিই ওয়েটিং রুম খোলালেন। আলো আনালেন। অভ্যুত্থান
ভঙ্গলোক। তারপর আমার লেখা শুনলেন। আজও আমি তাঁর তারিফ
কানে শুনি!—

“মাটির হাতে আর খেলার প্রহরণ

জননি মিনতি গো, ধরো না—ধরো না!”

বাঃ বাঃ। ঠিক বলেছেন। জাগতে হয় জাগ। কালীমূর্তিতে জাগ!
বন্দুক পিস্তল ধর! নইলে মিছে! পদতুল পদজো।

সমস্ত রাতি কাটিয়ে সকাল বেলা রওনা হলাম। লাভপুরের কাছাকাছি
এসে বললাম—আর পেঁছে গেছি। আপনি কিন্তু এ বেলা আমাদের বাড়ি
থেকে রওনা হবেন।

মনে রয়েছে তিনি বলেছিলেন—তা বাব। কিন্তু মনটা দমে যাচ্ছে বত কাছাকাছি হাঁচ, বদ্বলেন না? পদ্বলিসের সঙ্গে কারবার কি করে! আমার ভগ্নীপতির বাপ হলেন রিটার্ডার্ড পদ্বলিস অফিসার। চিঠি লিখেছেন পাঠাব। কিন্তু গেলে যে কি বলবেন সে বোধ হয় দেবতাতেও বলতে পারে না। না পাঠালে কিন্তু থানায় আমি ডায়রি করে বাব। বদ্বলেন!

এক বেলা কিন্তু থাকলেন না তিনি। চা জল খেয়েই রওনা হলেন। ফিরে এলেন একলা সন্ধ্যা বেলা। বললেন—পাঠালে না! আমি মশায় থানা থেকে ঘুরে আসি। ডায়রি করব আমি। রাগে ভদ্রলোকের সে কি মর্দাতি! সত্যি থানায় গিয়ে ডায়রি করে এলেন।

সে ভদ্রলোক চলে গেলেন।

বলে গেলেন—কলকাতায় নিশ্চয় দেখা করব। হয় তো শীগগির আসতেও পারি। আমার বোনকে নিয়ে যাবার জন্য যদি আইন আদালত করি, বাড়িতে পরামর্শ করে ঠিক হবে অবশ্য; তা হ'লে আপনি এখানে থাকতে থাকতেই আসব।

তখনও দেশের অবস্থা এমন রক্ত অবস্থায় পৌঁছয় নি। (প্রথম মহাযুদ্ধ চলছে। বাজার দর চড়েছে। মনে পড়ছে প্রথম মহাযুদ্ধের সময় কাপড়ের দামই সব থেকে বেশী চড়েছিল বলে মনে হয়েছিল। মিলের ভালো ধুতি শাড়ি ছ টাকা জোড়া দাম হয়েছিল। তাই মনে হয়েছিল অগ্নিমূল্য!) তবে তখনও দেশে সপ্তয় ছিল। যে যেমন সে তেমনি দূশো, পাঁচশো, হাজার, পাঁচ হাজার নিয়ে নাড়াচাড়া করত। কাজেই চড়া বাজারেও পদ্বজোর আনন্দ স্জান হয় নি। আমাদের গ্রাম তখন জমজমাট গ্রাম। প্রাণ-প্রাচুর্যও যথেষ্ট। পদ্বজোর ক'দিন আনন্দ যেন উথলে পড়ত।

ওই পদ্বজো ম'ডপেই দেখা হল আমার বালিকা বধুর সঙ্গে।

মনে হ'ল তার যেন একটা পরিবর্তন এসেছে। আমাদের দুই বাড়ির কলহের মধ্যে পড়ে এই এগারো বছরের মেয়েটি যেন হাঁপিয়ে উঠেছে। সেকালে এগারো বছরের মেয়ের সাংসারিক চেতনা একালের ষোলো-সতেরো বছরের মেয়েদের থেকে অনেক বেশী জাগ্রত হ'ত। তাদের স্বপ্ন বলতে সংসার স্বপ্ন।

গ্রামে তখন নানান গুজব। পাড়াপ্রতিবেশীদের জল্পনা কল্পনা সন্দের-প্রসারী। তারা অনুমান করে এই আশ্বিন-কাঁতক কাটলেই অগ্রহারণ থেকে ফাল্গুনের মধ্যে আবার দুই বাড়ির দরজায় রসদুটোঁকি বেজে উঠবে। অর্থাৎ আমার এবং আমার ভগ্নীপতি নারায়ণের আবার বিয়ে সন্নিশ্চিত। দোষটা তাঁদের ষোল আনা এ কথা নয়, আমাদের দু-পক্ষের অভিভাবকদের মনোভাবও অনেকটাই তাই ছিল! আমার বোনকে নিয়ে গন্ডগোল ছিল না! ওদের

বাড়িতেই শূদ্ধ আমার বোনের বিয়ে হলে কোন গন্ডগোলই ঘটত না। তবে একা আমার বিয়ে হলে, ঝগড়াটা যেভাবে পেকে উঠেছিল তাতে আমার কপালে দুই পত্নীযোগ এক রকম সন্নিশ্চিতই ছিল। 'এই সব গুজব মেন্নেটিকে ওই বয়সেই গ্লান ক'রে তুলেছিল।

পুজোর পর আকস্মিকভাবে উমার সঙ্গে একদিন একান্তে দেখাও হয়ে গেল। আমার যেটি খাঁটি শ্বশুরবাড়ি অর্থাৎ শ্বশুরমশায়ের নিজবাড়ি সে বাড়ি পড়ো-বাড়ির মতোই খাঁ খাঁ করত তখন। শ্বশুর মশায় আবার বিবাহ করে আলাদা বাড়ি করে সংসার পেতেছেন। এ ছেলেমেয়েরা থাকে মাতামহীর কাছে আমার বাড়িতে। অবশ্য তফাৎ মাত্র রশি দুই আড়াই। সেবার পুজোর পর ওই বাড়িতে নাতি-নাতবউদের সংসার পাতবার আয়োজন করছেন মাতামহী। সেই কারণে বাড়িটার তালা খোলা হয়েছে। আমার বোনই সংসারের কর্তা হবেন! কর্তা হবেন ভগ্নীপতি নারায়ণ। ভাইরাও আসবে। আসবে না কেবল উমা অর্থাৎ আমার স্ত্রী। তাঁকে মাতামহী তাঁর জীবনের সঙ্গে প্রায় জাহাজের জালিবোটের মতো বেঁধে রেখেছেন। এই সময়ে তারই উদ্যোগপর্ব চলছে। নারায়ণচন্দ্র সকাল বিকেলে চায়ের আসর খুলেছেন। ওদের সংসার দেখাশুনার জন্য এক বামুন ঠাকুমা নিযুক্ত হয়েছেন, তিনি চায়ের আসরে নিষ্ঠার ব্যবস্থাও করেছেন। তখন নারায়ণদের বাড়িতে সেই গল্পের মতো ঘড়া ভর্তি দুধ হয়। সাত আট সের দুধ। তাই থেকে ছানা ক্ষীর তৈরী করে মিষ্টি করতেন তিনি। স্নাতরাং আসর জমে উঠতে দেরী হয়নি। কিন্তু এ আসরে আমি সভ্য ছিলাম না। ছিলাম না ওই ঝগড়ার কারণেই। বিকেলে আমার গতিবিধি ছিল নদীর দিকে। পুজোর পর আমাদের কুয়ে নদীতে জল থাকত হাঁটু-খানেক, তাতে নৌকা বা ডোঙা চলত না। সেগুলি বাঁধা থাকত দহে। সেখানে গিয়ে সন্ধ্যা পর্যন্ত ওই নৌকা বা ডোঙা খুলে নৌবিহার করে আসতাম। এতে সঙ্গী ছিল বীরেশ্বর। বীরেশ্বরের কথা আগে বলেছি। বীরেশ্বরের নাম সার্থক। সত্যিকারের বীর সে তাতে সন্দেহ নেই। এমন দুঃসাহসী এবং এমন শক্তিশালী মানুষ কদাচিত্ চোখে পড়ে। পৃথিবীর কোন কিছুরে তার ভয় দেখিনি এবং এমন কোন খেলা বা শস্ত্র কাজ নেই যা সে পারে না। বিদ্যায় প্যাঁড়তে তার পারঙ্গমতা নেই, ওদিকে তার রুচিও নেই, কিন্তু যে কোন কঠিন খেলা ব্যায়াম কসরত সে সামান্য চেষ্টাতেই আয়ত্ত করতে পারত; শূদ্ধ তাই নয়, অসামান্য কৃতিত্ব অর্জন ক'রে সকলের সামনে দাঁড়াবার যোগ্যতাও তার ছিল। বীরেশ্বরের কথা যখন মনে হয় তখন আপগোশ হয় যে এমনি একটি সাহসী শক্তিশালী ছেলে পরাধীন দেশে জন্মগ্রহণ করে ব্যর্থ হয়ে গেল। বীরেশ্বরের কর্মক্ষেত্র ছিল যুদ্ধবিভাগ।

বুদ্ধাবিভাগে প্রবেশাধিকার পেলে বীরেশ্বর একজন রণপণ্ডিত হতে পারত। আরও একটা ক্ষেত্র তার ছিল। সে যদি সেকালে বিপ্লবীদের সংস্পর্শে আসবার সুযোগ পেত তবে সে সার্থক হতে পারত। কিন্তু সে সুযোগও তার হয়নি। আমাদের গ্রামের পরিবেশ তেমন ছিল না। বাড়ির আবহাওয়াও না। সেই কারণে বীরেশ্বর নিতান্তই সাধারণ মানুষ থেকে গেল। পদূলিশে চাকরি পেলে বীরেশ্বর নরখাদক বাঘের মতো ভয়ঙ্কর পদূলিস কর্মচারী হ'ত। কি যে তার দৃঃসাহস এবং ওই দৃঃসাহসে যে তার কত কৌতুক ছিল তার আর কি বলব! আমাদের লাভপূর থানার উঠানে থানা বিল্ডিং-এর সামনের বারান্দা থেকে হাত বিশেক দূরে একটি আম গাছ ছিল। এই গাছের আম আমাদের চাকলার সব থেকে আগে ধরত এবং পাকতো। এবং আম গাছের পাশে গোটা দুই-তিন খেজুর গাছ ছিল; শীতের সময় প্রতি বৎসরই সেপাইরা এই গাছ কামিয়ে খেজুর রস সংগ্রহ করত। বীরেশ্বরের কৌতুক ছিল—এই আম চুরি করা এবং খেজুর রস সংগ্রহ করা। এ কাজ সে অন্তত পক্ষে ক্রমান্বয়ে সাত-আট বছর করেছে। পদূলিশ কিন্তু কোনদিন ধরতে পারে নি।

এই নৌবিহার ছিল বীরেশ্বরের আবিষ্কার। আগে বলছি—বীরেশ্বর ফুটবলে একজন অসামান্য কৃতি খেলোয়াড় ছিল। বাল্যকাল থেকে বীরেশ্বরের সঙ্গে আমার প্রীতি ওই ফুটবল খেলার সুদে ধরে। আমার জীবন নিত্য কয়েক-ঘণ্টা ওর সঙ্গে নিয়মিতভাবে অচ্ছেদ্য বন্ধনে জড়িয়ে থাকত।

একবারকার কথা মনে পড়ছে।

শীতকাল, পৌষমাসের শেষ। আমরা খেলা শেষ করে বাড়ি ফিরছি। সে আমলে আমাদের ফুটবল খেলা চলত নারোমাস। চাষের ক্ষেতের মধ্য দিয়ে পথ। দু'পাশে রবি ফসলে ক্ষেতগুলি ভ'রে উঠেছে। সে দিন বোধ করি জন চারেক ছিলাম আমরা। হঠাৎ বীরেশ্বর এবং দ্বিজপদ দাঁড়িয়ে গেল। এ দ্বিজপদ “কাব”র বিপ্রপদ নয়, এ আর এক দ্বিজপদ—বীরেশ্বরের প্রতিবেশী এবং আত্মীয়। বললে—চল তুমি। আমাকে সরিয়ে দেবার চেষ্টাটা আমি বুঝতে পারলাম। কাজেই আমার কৌতুহল বেড়ে গেল। তখন বীরেশ্বর প্রকাশ করলে—পরের দিন তাদের পৌষলা হবে—তার জন্য তারা আলু চুরি করবে ক্ষেত থেকে।

আমি সবিস্ময়ে বলছিলাম—সে কি! কিনলেই তো হয়।

বীরেশ্বরের যুক্তি হল—চুরি ক'রে যদি পৌষলা না করলে পৌষলার আমোদটা কোথায়? মিষ্টক কোথায়?

আমার মনেও নেশা লেগেছিল সেদিন। আমিও ক্ষেত থেকে ওদের

আঁচলে আলু তুলে দিয়েছিলাম। হঠাৎ লোক এসে পড়েছিল। আমরা প্রচণ্ড দৌড় মেরে ঘর-পথে গ্রামে ঢুকেছিলাম। বীরেশ্বর বলেছিল—এই তো আমোদ।

পরের দিন কিন্তু ওই জমির চাষী ঠিক আমাদের বাড়ি এসে হাজির হয়েছিল। সে সকলকেই চিনেছিল কিন্তু এসেছিল আমার মায়ের কাছে। বলেছিল—উনি কেন গেলেন মাশায়, তাই আপনাকে নিবেদন করতে এসেছি।

মা জিজ্ঞাসা করলে মিথ্যা বলতে পারিনি। স্বীকার করেছিলাম। মা প্রশ্ন করেছিলেন—তুমি তো ওদের সঙ্গে পোষলা করতে যাবে না, তুমি কেন গেলে? চুরি করতে গেলে?

আমি ভেবে-চিন্তে নিজেকে খতিয়ে দেখে বলেছিলাম—চুরি করতে কেমন লাগে তাই দেখলাম।

মা বলেছিলেন—কিন্তু এ কথা কি ভেবেছিলে যে, যে-চাষী চাষ করছে সে সকালে উঠে দেখে—তোমার পিতৃপুরুষের মৃত্যুে বিস্তা পড়ুক বলে গাল দিতে পারে? ঘটনাটি “সন্দীপন পাঠশালা”র আছে। এ ঘটনাটি মায়ের ওই কথায় এবং সেদিন চাষীর তাড়ায় পালাবার সময় বৃকের মধ্যে যে উদ্বেগ বোধ করেছিলাম তার স্মৃতিতে আমার জীবনে অক্ষয় হয়ে আছে।

এই বীরেশ্বর।

বীরেশ্বরের সঙ্গে সেবার ‘আলাপটা নতুন ক’রে জমেছিল—কলকাতার ফুটবল খেলার গল্প নিয়ে। সেবার আমি কলকাতায় লীগ এবং শীল্ড খেলা দেখে গিয়েছি, সেই খেলার গল্প শুনতে আসত সে। এবং এই গল্পের আসর বসত নদীতে ওই নৌকার উপর। বেলা তিনটে হতে-না-হতে চলে যেতাম, বাড়ি ফিরতাম সাড়ে-সাতটায়। আর একজন সঙ্গী আমাদের ছিল। আসলে সে বীরেশ্বরের বন্ধু। আমার চেয়ে বয়সে বছর চার-পাঁচের বড়। আমাদের গ্রামের দত্তদের ছেলে। ইস্কুলে আমাদের থেকে উচুতে পড়ত। আমাদের মধ্যে সে আমলের একটা সামাজিক ব্যবধান ছিল। কালিদাস দত্ত প্রথম দু-তিন দিন একটু সমীহ করত। তারপর সে সহজ হল। তখন এই চারঘণ্টা কালিদাস এক নাগাড় হাসিয়ে যেত। হাসাত’ সে বকুতা ক’রে। এবং এই বকুতায় “মান” শব্দ সহযোগে অজস্র নতুন শব্দ তৈরী করে যেত। আরম্ভ করত—“ওই যে দোদুল্যমান ভাসমান তরণী এই কলকল্যমান প্রবহমান নদীতরণে দ্রুত ধাবমান—হঠাৎ যদি টলটলায়মান হইয়া উলটায়মান হয় তখন নিমজ্জমান হইয়া তোমরা কি ক্রিয়মান হইবে?”

বীরেশ্বর সঙ্গে সঙ্গে উত্তর দিত—সন্তরণ করিব।

—মুর্থ! বল—সন্তরণমান হইব। কিন্তু অভ্যন্তর হইতে যদি কুম্ভীর

উদ্যমান হইয়া আক্রমণমান হয় এবং ঠ্যাং জলতলে নিমজ্জমান হয়, তবে কি করিবে ?

—তাই তো ? ! কি করিব আপনি বলমান হউন ।

—বাহবা ! কালিদাস বাহবা দিত । তারপর বলত—সেই কারণে বলিতোঁছি নিমজ্জমান হইবার পূর্বেই ঝপ্পমান হইয়া ওই যে শেওড়া বৃক্ষের ডাল জম্বু বৃক্ষের ডাল বায়ুতে দোলদোলায়মান দেখিতেছ তাহাই আঁকড়াইয়া ধরিল্লা ঝোঝুলামান হইবে । এবং চিল্লায়মান হইয়া লোক ডাকিবে বৃঝিয়াছ ?

আমার জীবনে এই নৌকাবিহারের স্মৃতি কালিদাসের এই রসকাব্যের স্মৃতিতে মধুর হয়ে আছে ।

এরই মধ্যে একদিন, সে দিন পূজোর পর আমাদের ওখানে যে সাহিত্য সভা ছিল তারই অধিবেশন হবার কথা । সন্ধ্যার সময় অধিবেশন হবে । আমি কবিতা দিয়েছি এবং ওখানকার ঠাকুরপাড়ার মদুসলমান মিয়াদের সম্পর্কে প্রবাদ গল্প নিয়ে একটি প্রবন্ধও দিয়েছি । এই কারণেই সেদিন নৌবিহার স্থগিত ছিল । সে দিন বিকেলে বেরিয়ে নারায়ণদের বাড়ির সামনে আমার পাড়ার বন্ধুদের সামনে পড়ে বাঁধা পড়লাম । আমাদের পাড়াটা সে কালে অভিজাত পাড়া বলে গণ্য হ'ত আমাদের গ্রামে ! পাড়ার বন্ধুরা আমাকে অবজ্ঞা করতে পারত না, কিন্তু ঠিক তাদের সঙ্গে জলের সঙ্গে জলের মতো মিশে না-যাওয়ার জন্য আমার বিরুদ্ধে অভিযোগ করত । সে দিন তারা স্বখন পাকড়াও করলে তখন আর “না” বলবার ঘো রইল না । বাড়ির ভিতরে চায়ের মজলিশে নিয়ে গেল ।

এইখানে সেদিন দেখা হল উমার সঙ্গে ।

ওই যে ওদের বাড়িতে ছিলেন অভিভাবিকা ঠাকুরমা—তিনিই সন্ধ্যাকালে আমাকে বন্দী করলেন একটি ঘরে । ডাকলেন, তোমাকে নারায়ণ ডাকছে একবার উপরে । কি বলবে ।

বুঝলাম নারায়ণ বলবে ঝগড়ার কথা । সেটা আমার পক্ষে প্রীতিপ্রদ ছিল না । কিন্তু এতগুণিল বন্ধু-বান্ধবদের সন্মুখে না বলে ঝগড়ার গুরুত্বের প্রমাণ দিতে লজ্জা হল ।

—ওই ঘরে । বলে দেখিয়ে দিয়ে ঠাকুরমাটি পাশে সরে দাঁড়ালেন । এবং আমি ঘরে ঢুকেতেই বাইরে থেকে দরজা বন্ধ হয়ে গেল ।

ঘরের মধ্যে দাঁড়িয়ে ছিল আমার বালিকা বধূটি ।

সে দিন সে জিজ্ঞাসা করেছিল—লোকে বলছে তুমি আবার বিয়ে করবে ?

ছুটির মধ্যে আর কয়েক দিনই বউটির সঙ্গে এই ভাবেই দেখা হতোছিল । বোধ করি আমার সারা জীবনে রোমান্স বলতে এই ক'টা দিনের দেখাশুনা ।

পদ্মজোর ছদ্মটি শেষ হল।

কলকাতায় এলাম। মেসোমশায়দের বাড়িতে উঠলাম। বোধ হয় ঠিক পরের দিন গেলাম কালীঘাট মহিম হালদার স্ট্রীটে আশু দাসের সঙ্গে দেখা করতে।

আশু দাসের বড় দাদা মাখন দাস ছিলেন সি-আই-ডি সাব-ইনস্পেক্টর কি ইনস্পেক্টর। সেখানে আশুর সঙ্গে কথা বলছি এমন সময় দেখলাম সেই ভদ্রলোক এসে ঢুকলেন ওদের বাড়িতে। যিনি, পদ্মজোর ছদ্মটির সময় বাড়ি যাবার ট্রেনে আমার সঙ্গী ছিলেন, যিনি বোনকে আনবার জন্য গিয়েছিলেন, তিনি।

হেসেই তিনি বললেন—কাল এসেছেন?

—হ্যাঁ। বিস্ময়ের আর অবধি রইল না আমার। কিন্তু আপনি—?

—মাখনবাবুর সঙ্গে দেখা করতে এসেছি।

এর কিছুক্ষণের মধ্যেই আমার পাঠ্য জীবন শেষ হয়ে গেল।

তিনি সি-আই-ডি অফিসার। ওই সূদীর্ঘ অনাথ এবং সেই মূসলমানী টুপিপরা রহস্যময় দাদা ব্যক্তিটির সঙ্গে আমার সংযোগ সূত্র আবিষ্কার করেছেন তিনি। তিনি সে কালের বিখ্যাত পুন্ড্রিস কর্মচারী ৮পূর্ণ লাহিড়ী মহাশয়ের আত্মীয়। সেই সূত্রে তিনি লাহিড়ী মহাশয়কে আমার কথা বলেছিলেন। কারণ ছিল এই যে, ৮পূর্ণ লাহিড়ী মহাশয় এক সময় লাভপুরে সাব-ইনস্পেক্টর ছিলেন এবং আমার বাবার সঙ্গে তাঁর অন্তরঙ্গতা ছিল ঘনিষ্ঠ। এদিকে আশু দাসের সঙ্গে আমার প্রীতির সম্পর্ক জেনে আশুর দাদা মাখনবাবুকেও জানিয়েছিলেন। মাখনবাবুও আমাদের দেশের লোক। এই সব যোগাযোগের জন্যই আমার ভাগ্যে বন্ধন-যোগটা গৃহ-বন্ধন-যোগেই পর্যবসিত হল। পড়া ছেড়ে বাড়িতে আবদ্ধ থাকতে হল।

তবু বন্ধন—বন্ধন।

এই বন্ধনের মধ্যেই কৈশোর পার হয়ে উপনীত হলাম যৌবনে।

ঘরে বসে এই বন্ধন মৃদুস্তির স্বপ্ন দেখতাম।

একদিন বন্ধন অর্থাৎ বাধা-নিষেধ কাটল। সে বোধ হয় আঠারো সাল। কিন্তু তখন পরাধীন ভারতবর্ষই আমার কাছে কারাগারে পরিণত হয়েছে।

দাঁড়ালাম—কি করব? কোন্ পথে যাত্রা করব শূন্য?

হঠাৎ শুনতে পেলাম—জালিনওয়ালাবাগের খনি।

শূন্যলম—অহিংসার পথে গান্ধীজীর আহ্বান।

সেই পথেই যাত্রা আমার শূন্য হল।

আমার সাহিত্য-জীবন

(প্রথম ভাগ)

এক

নিজের জীবনকালের কথায় নিজের জীবনকে গোণ করে কালকে বড় করে শৈশবের কথা এবং কৈশোরের কথা লিখে সাহিত্য-জীবনের কথা লেখার সংকল্প যখন করেছিলাম তখন এ কাজ যে কতো কঠিন তা ভেবে দেখি নি। লিখতে বসে মনে হচ্ছে এমন কঠিন কাজে হাত না-দেওয়াই ভালো ছিল। মনে পড়ছে বাল্যজীবনে প্রথম যেদিন কাঁব হিসাবে আত্মঘোষণা করি, সেই দিনের কথা।

আমার জীবনের প্রথম রচিত কবিতা খড়ি দিয়ে লিখেছিলাম আমাদের বৈঠকখানা-বাড়ির একটা খড়খড়িওয়ালা দরজার গায়ে। তখন বয়স আমার সাত বৎসর—আটে পড়েছি। সুদীর্ঘকাল—বোধ হয় সতেরো-আঠারো বৎসর ওই লেখা শিলালিপির মতো ধুলার আস্তরণের নিচে থেকে বিবর্ণ সাদা অক্ষরে আঁকা ছিল। আমার বয়স যখন ছাব্বিশ-সাতাশ তখন আমিই নিজেকে একদিন সাদা রং দিয়ে দরজাটা রং করে সে লেখা মূছে দিয়েছি।

অল্পস্বল্প ছড়া কবিতা—এ ছেলেরা ছ-সাত বছর থেকেই মৃদু মৃদু রচনা করে চিরকাল। যে সবচেয়ে কম রচনা করে—সেও অন্তত অন্যের উপর বিরক্ত হয়ে তার নাম নিয়ে ব্যঙ্গ করে বিদ্রোহিত কাব্য রচনা করে থাকে। ওই লেখা রচনাটির আগেও আমার আশৈশব বন্ধু নারায়ণকে ভেঙিয়ে আমি রচনা করেছি—নামে, খামে, টামে, মামে, ঘামে, মে-মে-মে-মে ইত্যাদি। একালের ছেলে-মেয়েদেরও লক্ষ্য করেছি—আমার পাঁচ বছরের পৌত্র বারু (ডাক নাম) আমার চার বছরের দৌহিত্যকে ভ্যাঙার, বাবলু—খাবলু।

বাবলু বলে, বারু—খারু।

আমার দরজার লেখা কবিতাটি কিন্তু এ ধরনের ব্যঙ্গ-কবিতা নয়। যাকে বলে জাত-কবিতা, তাই। দস্তুরমতো করুণ রস অবলম্বন করে লেখা। তিন বন্ধুতে খেলা করছিলাম, হঠাৎ আমাদের বৈঠকখানার সামনের বাগানে একটি গাছের ডালের পাখির বাসা থেকে একটি পাখির বাচ্চা পড়ে গেল মাটিতে। তিন বন্ধুতে ছুটে গিয়ে তাকে সমস্তে তুলে এনে বাঁচাবার এমনই মারাত্মক চেষ্টা করলাম যে বাচ্চাটি বার কয়েক খাবি খেয়েই মরে গেল। বালক-মনে একটি করুণ রসের ধারা সঞ্চারিত করে গেল। আমার সঙ্গীদের মধ্যে একজন ছিল পাঁচু। তার জিহ্বার ছিল জড়তা, সব সময় সব তাতেই সে হি-হি করে হাসত। আর-একজন ছিল, তার নাম বিজপদ। তিনজনেই

দীর্ঘনিশ্বাস ফেলোছিলাম বোধ হয়। তারপর কল্পনা করেছিলাম বাগানের মধ্যে পক্ষীশাবকটির সমাধি রচনার। যেমন কল্পনা তেমন কাজ। ভাঙা ডালের টুকরা নিয়ে মাটি খুঁড়তে লেগে গেলাম। ইতিমধ্যে এমন একটি ঘটনা ঘটলো যে-ঘটনাটুকুর জন্য সমস্ত ঘটনাটিই মনের মধ্যে অক্ষয় হয়ে গেল এবং সাহিত্যরচনার প্রেরণা এসে গেল আমার জীবনে।

পাঁচু হঠাৎ বললে—দেখ দেখ।

—কি ?

—পাখিতার মা এচেছে। দাকছে।

সত্যিই পক্ষীমাতা বাসায় ফিরে শাবকটিকে মাটিতে পড়ে থাকতে দেখে মরা ছানাটির পাশে এসে ঠোঁট দিয়ে তাকে নাড়া দিচ্ছে—ডাকছে। একটি আহা শব্দ আমাদের তিনজনের মুখ দিয়েই বোধ হয় বেরিয়েছিল। কিন্তু বালক-চরিত্র বিচিত্র। সলো সলোই স্বজপদ পা টিপে টিপে পক্ষীমাতাকে ধরবার জন্য অগ্রসর হল। পক্ষীমাতা উড়ল। এবং কিচ-কিচ শব্দ করে পাক দিয়ে ঘুরতে লাগল মাথার উপর।

হঠাৎ পাঁচুর হাত দিয়ে কবিতা বেরিয়ে গেল। আদিকবি বাল্মীকির কবিতা মুখ দিয়ে বেরিয়েছিল—কামার্ত ক্রৌঞ্চমিথুনের একটিকে নিহত হতে দেখে। পাঁচুর কাব্য নিঃসৃত হয়েছিল অনুরূপ প্রেরণায়। সে একটা খড়ি দিয়ে আমাদের ওই দরজার খসখস করে দু-লাইন কবিতা রচনা করে ফেলল।

“তারাদাদার পাখির ছানা মরিয়েছে আজ

তার মা এসে কাঁদতেছে কেঁউ কেঁউ করি।”

“পাখি সব করে রব রাত পোহাইল” কবিতার ছন্দ পাঁচুর তখন অল্প হয়ে গিয়েছিল। স্বজপদ এ সবের ধার কোনদিনই ধারে নি, সে-দিনও না। আমার মনে কিন্তু দোলা লেগে গেল। পাঁচু—পেঁচো! যার জিহ্বায় জড়তা, অহরহ অস্থির চঞ্চল যে পেঁচো, পাঠশালা-পলাতক যে পেঁচো সেই পেঁচো, খসখস করে পদ্য লিখে ফেললে? একেবারে ছন্দে গেঁথে মিল দিয়ে পদ্য! প্রাপ্তবয়স্ক রসিক জন ও কবিতায় মিল খুঁজে পাবেন না। কিন্তু আমি সেদিন মিল পেয়েছিলাম—‘আজি’ এবং ‘করি’ শব্দ দুইটি হ্রস্বইকরান্ত, ওই হ্রস্ব-ই—হ্রস্ব-ইয়ে মিল দেখেছিলাম। আর কিছুর বয়স্ক হলে পাঁচু সহজেই “মরিয়েছে আজি” না লিখে “আজি গেল মরি” লিখে পরের লাইনের “কেঁউ কেঁউ করি”র সলো প্রথম শ্রেণীর মিল দিয়ে দিত। কিন্তু বালক কবিচিন্ত ওতেই পরিভূত হয়েছিল, ছন্দে গেঁথে তার মনের কথা বলা তো হয়েছে—আর বেশীর দরকার কি? আমার কাছে সে কবিতা সেদিন প্রথম শ্রেণীর কবিতা বলে মনে হয়েছিল!

বিজ্ঞপদ কিন্তু এতে একটুও চঞ্চল হয় নি, প্রেরণাও পায় নি। আমি হলাম, আমি প্রেরণা পেলাম। কবির সম্মান, কবির মূল্য, কাব্যসাধনার মহিমা সেদিন নিশ্চয়ই বদ্বি নি, তবু সেদিন এটুকু বদ্বিছিলাম যে, পাঁচু বা করেছে তা মহাগৌরবের, তার মূল্য অথের নয় মহিমার। ওদিকে পাঁখির মা তখনও কাঁদছে, একবার এসে ছানার পাশে বসে তাকে ঠোঁট দিয়ে নাড়ছে আবার উড়ে গিয়ে ডালে বসছে। আমিও পাঁচুর খিড়িটি নিয়ে পাঁচুর কবিতার নিচে লিখলাম—

“পাঁখির ছানা মরে গিয়েছে
মা ডেকে ফিরে গিয়েছে
মাটির তলার দিলাম সমাধি
আমরাও সবাই মিলিয়া কাঁদি।”

এমনি পোষা জীবজন্তুর সমাধি লক্ষ্য করলে অনেক বালক-কবির রচনা দেখতে পাওয়া যায়। মানুষ মরলে শিশু বালক তেমন উপলব্ধি করতে পারে না, কিন্তু তার প্রিয় পাঁখিটি কি কুকুরটি যখন মরে তখন সে কাঁদে, তাকে সমাধি দেয়, তার উপর তার চিত্তের স্বভাবসংসারিত বেদনাপ্রসূত কাব্য উৎকীর্ণ করে দেয় সে। আমাদের গ্রামে ঢুকবার মুখেই পথের পাশে এমনি একটি কুকুরের সমাধি ছিল। তার উপরে আঁকাবাকা অঙ্করে লেখা ছিল—

“সমাধি মোদের ভুকুর
আমাদের ভালো কুকুর।”

কুকুরটার নাম ছিল ভুকু।

মাটির তলার পাঁখির ছানাকে সমাধি দিয়ে দরজার গায়ে খিড়ি দিয়ে প্রথম কবিতা রচনা করেছিলাম পাঁচুর প্রেরণায়। পাঁচু এর পর এমন কবিতা আর রচনা করেছিল কি না জানি না, তার আর কোনো লক্ষণ আমার চোখে পড়ে নি। কিন্তু আমার নেশা লাগল। এর পরই পূজোর সময় পূজোমন্ডপের দেওয়ালের গায়ে আমাদের গ্রামের নিত্যগোপাল মদুখোপাধ্যায়ের রচিত আগমনী কবিতা চোখে পড়ল। হাতে লিখে দেওয়ালে সেন্টে দিয়েছেন। প্রতিবৎসরই তিনি কবিতা লিখে এইভাবে দেওয়ালে সেন্টে দিতেন। আমারও সাধ হল পূজো উপলক্ষে কবিতা লিখব।

আমার বাল্য-সার্থী ছিল লক্ষ্মীনারায়ণ। তাকে সঙ্গে নিয়ে পর বৎসর আগমনী কবিতা রচনা করলাম। প্রথম দু-লাইন আজও মনে আছে—

“শারদীয়া পূজা যত নিকটে আইল
তত সব লোকের আনন্দ বাড়িল।”

আরও এক লাইন মনে পড়ছে—‘চারিদিকে বাজিতেছে কত ঢাক ঢোল’।

এর সঙ্গে কি মিল দিলে কি লাইন রচনা করেছিলাম তা মনে নেই তবে ‘গোলে হরি বোল’ দিই নি এটা মনে আছে। বাই হোক এই কবিতা আমরা লিখেই ক্ষান্ত হই নি, রীতিমতো ছাপিয়ে সকলের মধ্যে বিলি করে কবি সাহিত্যিক হিসাবে আত্মঘোষণা করেছিলাম। আজ সাহিত্যিক জীবনের কথা লিখতে গিয়ে সেই দিনের স্মৃতি মনে জেগে উঠছে। আমার বাল্যকালের স্মৃতির কথা “আমার কালের কথা”র যা লিখেছি তাই তুলে দেব।

সপ্তমীর দিন সকালে ছাপা কবিতার তাড়া নিয়ে দুটি শিশু-কবি সর্বসমক্ষে সলজ্জ বিনয়ের অন্তরালে সগৌরবে আত্মঘোষণা করলে—‘আমাদের পদ্য পড়ে দেখুন’। আমার এই আত্মঘোষণার সময় কাল নিশ্চয় বিচিত্র হাসি হেসেছিলেন। বদ্ব্যভিচারিণী নি আমি সেদিন আমার জীবনের সঠিক চলার পথে পা দিলাম।

যাক আমার আত্মঘোষণার কথাই বলি। বাংলার ক্ষুদ্র একটি পল্লীতে সে-কালের সমাজে আত্মঘোষণা খুব কঠিন ছিল না। বাংলাদেশে তো কবির অভাব ছিল না। অনেক আউল কবি, বাউল কবি, তন্ত্রসাধক কবির নাম বাংলা-সাহিত্যের ইতিহাসে আছে আরও অনেক অনেক জনের নাম কালের গর্ভে বিলীন হয়ে গেছে। তারা ছাড়াও খেয়া-ঘাটের মাঝি ছিল কবি, হাল-বলদের লাঙলের কারবারী চাষীও ছিল কবি, মৃদাি ছিল কবি, ময়রা ছিল কবি—চন্ডাল বলতাম যাদের তাদের মধ্যেও অনেক কবি জন্মেছে। উদ্ধারগপূরুর শ্মশানঘাটে এমনি এক চন্ডাল কবির সঙ্গে দেখা হয়েছিল, আলাপ হয়েছিল, এক রাতি তার সঙ্গে ঘন জঙ্গলে ভরা গঙ্গার তটভূমির উপর শ্মশানের টিনের চালায় বাস করেছিলাম। পৈত্রিক পেশা তার—শ্মশানে শবদাহ করা, কড়ি আদায় করা, শবের সঙ্গে থেকে কাপড় খুলে নেওয়া, বিছানাপত্র জড়ো করে একদিকে রেখে দেওয়া—সে তাই করছিল। পোড়া শবের গন্ধ ওঠে, সেইখানেই আসে তার ভাত—সেই ভাত সে হাত মূছে খেতে বসে যায়; মদ খায়; নির্লিপ্ত চিত্তে নির্নিমেষ দৃষ্টিতে চিতার দিকে চেয়ে বসে গান গায়—

“আমার মনের চিতে নিভল না।

দেহের জ্বালা জ্বড়ালো রে চিত্তের আগুনে,

আমার মনের চিতে নিভল না।”

আমাদের গ্রামে বাউড়ীদের মধ্যে ডোমেদের মধ্যে কত কবি আছে। তাদেরই একজনকে নিয়ে আমার মানস সরোবরে স্নান করিয়ে আমার “কবি” উপন্যাসের নায়ক হিসাবে অভিষেক করেছি।

বাংলাদেশটাই কবির দেশ। কবি অনেক আছে, কবির কাব্য শুনবার লোকেই বরং অভাব, শ্রোতা নেই। তাই আগের কালের কবির কাব্য রচনা

করে তাতে সদূর যোজনা করে নিজেকেই নিজে শূন্যত। মাঠের মধ্যে হাল বইতে বইতে চাষী-কবি গান বেঁধে সদূর দিয়ে আপন মনেই গেয়ে উঠত—পাশে পথের উপর দাঁড়িয়ে আমি সে-গান শুনছি।

‘চাষকে চেনে, গোরাচাঁদরে মানেরী ভা-লো—’ গোরাচাঁদ কোনো বন্ধু চাষী নয়, গোরাচাঁদ—বাংলাদেশের মানুষের প্রাণের গোরাচাঁদ—শচীমান্নের দলুলাল। তাকে ছাড়া কাকে বলবে দুঃখের কথা? আমার ব্রজজ্যাঠা ছিলেন পোস্টাফিসের চাকর, তন্দ্র-মন্দ্র সাধক, গাঁজা খেতেন, মদ খেতেন, আধপাগলা আত্মভোলা মানুষ; সুকণ্ঠ গায়কও ছিলেন। দারুণ গ্রীষ্মে কুটুম্ববাড়ি ষাণ্মাস পথে জুতো জোড়াটা ছিঁড়ে গেল। উত্তপ্ত বীরভূমের লাল কঁকরের পথে খোঁড়াতে খোঁড়াতে কুটুম্ববাড়িতে (মস্ত জমিদারবাড়ি) উপস্থিত হলেন। কুটুম্ব সত্যশচন্দ্র সরকার মহাশয় বারান্দায় বসে ছিলেন; তিনি ব্যস্ত হয়ে জিজ্ঞাসা করলেন—‘এ কি ব্রজবাবু, খোঁড়াচ্ছেন কেন? কি হল?’

ব্রজজ্যাঠা সেই অবস্থাতেই সঙ্গে সঙ্গে গান রচনা করে খাঁটি মনোহরশাহী কীর্তনের সদূরে গেয়ে উঠলেন—

“ভাস্করেরই কর (ও) অতীব প্রথর (ও)

ফোসোকা (ফোস্কা) পড়িল পায়ে।

তাহার (ও) উপর (ও)—পথেতে কঁকর (ও)

লবণের ছিটা ঘায়ে ॥”

সদূতরাং এদেশে কবি হওয়াটা এমন আর কি বিস্ময়ের কথা?

কিন্তু না। বিস্ময়ের কথা বটে।

ছাপানো হরণে, আধুনিক কালের ধারায় আগমনী কবিতা। এতে শারদীয়া শব্দটি আছে, বহিরঙ্গের রূপ আছে, ঢাক-ঢোল আছে, বিচিহ্নবর্ণ বেষভঙ্গার উল্লেখ আছে কিন্তু আগমনীর মধ্যে গিরিরাজ কই? গিরিরানীর মেনকা কই? নূতন কালের নূতন ধারা যে এ কাব্যরচনার মধ্যে স্পষ্ট। এ যে রীতিমতো মাইকেল, বঙ্কিমবাবু, নবীনবাবু, হেমবাবুর মতো একটা কেউকেটা হবার চেষ্টা।

কবিতাটি ছাপানো হয়েছিল কলকাতায় কালিডোনিয়ান প্রেসে। মস্ত বড় প্রেস—সাহেব কোম্পানির ছাপাখানা, ছাপা চমৎকার—নীল কালির হরণগুণি চোখ জুড়িয়ে দেয়। আমার বন্ধু নারায়ণের পিতামহ ছিলেন কালিডোনিয়ান প্রেসের বড়বাবু। তাঁর কাছে পাঠিয়েছিল নারায়ণ—তিনি ছাপিয়ে পাঠিয়ে দিয়েছিলেন।

কাব্য যেমন হোক তার প্রকাশের আড়ম্বর এবং সমারোহ দেখে লোক একবার কাগজখানার দিকে, একবার আমাদের দিকে ফিরে তাকালে। আমাদের

গ্রামের অবস্থা তখন বিচিত্র। গ্রাম্য সমাজে উচ্চতম আসনের অধিকার নিয়ে যুদ্ধক্ষেত্রের মতো দ্বন্দ্বজর্জর। কুরুক্ষেত্র বললে অত্যাঁক্তি হয় না। অর্থাৎ পদাতিক এখানে নগণ্য—গৌণ, মৃত্যু এখানে রথীর দল। শিক্ষায় সভ্যতায় সম্পদে আমাদের গ্রামের ব্রাহ্মণ সমাজ সতাই তখন রথীপদবাচ্য। কিছু জমিদার, কিছু জমি, পুকুর, বাগানের মালিক সকলেই। সকলেই মহামানী দুর্যোধনের মতো মানী। সকলেরই পণ—বিনা রণে নাই দিব সুচ্যগ্র মেদিনী। এঁরা তো শল্য প্রভৃতির মতো রথী। ভীষ্ম, দ্রোণ, কর্ণ, ভীম, অজ্ঞানের মতো রথীও ছিল। স্বচ্ছল জমিদার—বিস্তীর্ণ কৃষিক্ষেত্র, প্রাচীন কালের শিক্ষা ও আভিজাত্য-সম্পন্ন কয়েকটি পরিবারও ছিল। কলকাতার সঙ্গে ঘনিষ্ঠ সম্পর্ক—সমগ্র ভারতে সম্প্রসারিত কল্লার ব্যবসায় প্রচুর অর্থ, এমন পরিবারও ছিল একটি। তাঁকে কেন্দ্র করে তাঁর আত্মীয়স্বজনেরা ছিলেন। তাঁরা বারোমাস থাকতেন কলকাতায়। এ ছাড়া উকিল ছিলেন, চাকুরে ছিলেন কয়েক জন। এই প্রতিষ্ঠার দ্বন্দ্বজর্জর লাভপদের ক্ষেত্রে সকলেই ছিলেন যুদ্ধাশ্রম। তাঁদের কাছে কাগজে ছাপিয়ে কবিতা বিলি করে আত্মঘোষণার অর্থ সম্পূর্ণ আধুনিক। তাঁরা সঙ্গে সঙ্গে বন্ধু নিলেন বালক দুটি কোন্ কালের কবি হতে চায়। এবং সে কবিকে এ কালের বিধি অনুযায়ী কোন্ প্রাপ্য দিতে হবে।

ব্রজজ্যাঠা জমিদার সত্যেশবাবুর বাড়িতে যখন গান রচনা করে গেয়ে ঢুকলেন “ভাস্করেরই কর অতীব প্রথর—ফোসকা পড়িল পায়ে” তখন গৃহস্থ সঙ্গে সঙ্গে শীতল জলে কবির পদসেবার ব্যবস্থা করে এক জোড়া জুতাও তাঁর পায়ে সপ্রেমে পরিয়ে দিয়েছিলেন। সে-কালের কবিরা ছিলেন মানদুষের প্রাণের মানদুষ, রাজসভায় সভাকবি, দেশের মধ্যে কীর্তনীয়া, কবির সর্বোচ্চ আসন ছিল মহাজনত্ব। এ-কালের কবিরা কাল পরিবর্তনের সঙ্গে সঙ্গে অন্তরে বাহিরে পরিবর্তিত হয়েছেন। তাঁরা রাজসভায় যান না। রাজার বন্দনা রচনা করেন না। জনতার সভায় সভাপতির আসনে বসে অভিভাষণ দেন; গান তাঁরা আর গেয়ে শোনান না। এ-কালের কবির দাবি অনেক; দম্ভ না হোক—মর্ষাদ্য আকাশস্পর্শী। কাজেই এ-কালে কবি বা সাহিত্যিক প্রতিষ্ঠাকামী যারা, তাঁদের পথ হয়েছে দুর্গম কটেকাকীর্ণ। সেকালের কবিদের পরস্পর সম্পর্ক ছিল ভাববিনিময়ের—রস-সাধনায় সহযোগী ছিলেন তাঁরা। একালে আমাদের সাহিত্যিকদের পরস্পরের সম্পর্ক প্রতিযোগিতার। রস-সাধনায় আমরা প্রতিযোগী—হয়তো ছিদ্রান্বেষীও। একালে সাহিত্যে সমালোচনা আছে, সমালোচনার পত্রিকারই কদর বেশী। পাঠকেরাও প্রিয় কবি সাহিত্যিককে জনতায় অপদস্থ দেখে প্রীতিলাভ না করলেও কৌতুক খানিকটা

উপভোগ করেন। এ পরিবর্তনের কারণ বোধ হয় ওই। প্রাণের মানদ্ব গদ্যরচাকুর হয়ে বসেছেন, নিজেদের দর্পিত করেছেন বলেই বোধ করি পদ্যজোর ফুলের ভিতরের কীটদংশন স্বাভাবিকভাবেই অনুভব করছেন।

এই কালের প্রারম্ভ তখন। ইংরাজি উনিশশো চার-পাঁচ সাল। শহরে এর অনেক আগেই হয়তো এ-কাল আরম্ভ হয়েছে কিন্তু গ্রামাঞ্চলে এ-কালের তখন প্রারম্ভ। আমাদের গ্রাম অন্য গ্রাম থেকে খানিকটা এগিয়ে ছিল। সুতরাং সেদিন কবি হিসাবে আমাদের আত্মবোষণায় সকল রথীই উদ্যত ধনদ্বর্ণা হস্তে একবার সংশয়তীক্ষ্ণ তির্যক দৃষ্টিতে চেয়ে দেখে ইঞ্জিতেই প্রশ্ন করেছিলেন, সতাই তোমরা প্রতিষ্ঠাকামী? যে অস্ত্র হাতে নিয়ে প্রবেশ করেছে—সে অস্ত্র সতাই তোমার? প্রয়োগবিধি জান তুমি? মনে পড়ছে বহুজনের দৃষ্টিকোণে এই সংশয় দেখে ভীত হয়েছিলাম। সংকুচিত হয়ে পড়েছিলাম।

শুদ্ধ তিনজনকে কৃতজ্ঞতার সঙ্গে স্মরণ করছি। একজন স্বর্ণায় নির্মলশিব বন্দ্যোপাধ্যায়, একজন তাঁর মেজদাদা স্বর্ণায় অতুলশিব বন্দ্যোপাধ্যায়, একজন প্রীযুক্ত নিত্যগোপাল মদ্যোপাধ্যায়।

সঙ্গে সঙ্গে একজনের অতি কটুবাক্য মনে পড়ছে, আজ পর্যন্ত ভুলতে পারি নি। তাঁর নাম করব না, তিনি আজও জীবিত—বলোছিলেন, হরিবাবুর ছেলেটা ইচড়ে পেকে গেল! চুরি করে পদ্য লিখে ছাপিয়ে বিলদুচ্ছে। উচ্ছিন্নে যাবে।

দুই

ওই কথা মনে পড়ছে, সঙ্গে সঙ্গে মনে পড়ছে যখন সাহিত্যক্ষেত্রে সত্যসত্যই প্রবেশ করলাম তখনকার কথা। তারপর এই দীর্ঘকালের কথা। বাংলা ১৩৩৪ সালের ফাল্গুন মাসের কল্লোলে আমার প্রথম গল্প ‘রসকলি’ প্রকাশিত হয়। ১৩৩৫ সালের বৈশাখে ‘হারানো সুর’। ’৩৪ সালের ফাল্গুনের কল্লোলে ‘রসকলি’ প্রকাশিত হওয়ায় বাণ্যাসিক মূল্য দিয়ে কল্লোলের গ্রাহক হলাম। ‘হারানো সুর’ প্রকাশিত হল এক মাস পর; তখন সম্পাদক জানালেন, আমাকে আর কল্লোলের জন্য মূল্য দিতে হবে না, কল্লোল আমি নিয়মিত পাবে এর পর থেকে। সুতরাং এই ১৩৩৫ সালের বৈশাখ থেকেই আমার সাহিত্যিক জীবনের কাল গণনা শুরু করব। ১৩৩৫ থেকে ১৩৫৭

সাল পৰ্বন্ত চব্বিশ বৎসর পূর্ণ দৃষ্টি যুগ। এই চব্বিশ বৎসরে বাংলা সাহিত্যক্ষেত্রে অভিজ্ঞতা আমার ভালোর ঐ দিনটি থেকে তো পৃথক নয়। প্রকৃতিতে এক। স্বন্দজর্জর। হবে নাই বা কেন? মাইকেল বাক্স রবীন্দ্রনাথ শরৎচন্দ্র বাংলা সাহিত্যের পুঞ্জোদ্ভূতকে জীবন্তে, মহিমায়, শোভায় তীর্থস্থলে পরিণত করেছেন, সমগ্র বিশ্ববাসীর দৃষ্টি আকৃষ্ট হয়েছে এই তীর্থক্ষেত্রে পানে। এখানে সেবাইতের অধিকার পাবার জন্য প্রবেশপত্র পাওয়া তো সাধারণ কথা নয়। প্রতিযোগিতার স্বন্দ সেও সহজ স্বন্দ নয়। একই দলের সাহিত্যিকদের মধ্যে যে ঈর্ষা যে জর্জরতা দেখেছি, যে সমস্ত মন্তব্য উচ্চারিত হতে শুনছি সে সব প্রকাশের অধিকার আমার নাই। নাই এই কারণে যে, তার মূলে বিদ্বেষটা খাটী সত্য ছিল না। যার নিন্দা করেছে তারই জন্য ব্যক্তিগতভাবে তার প্রাণ উতলা হয়েছে—আকুল হয়েছে—তাকে কাছে পেয়ে বিপুলানন্দে জীবনের একটি স্মরণীয় মুহূর্তকে পেয়েছে সে। তবু তার নিন্দা করেছে। করতে বাধ্য হয়েছে বেদনার্ত জীবনের প্রলাপের মতো। এ ব্যক্তিগত হীনতা নয়, এ জীবনের স্বভাব। অবশ্য এমন ব্যক্তিও আছেন যাকে হীন না বলে উপায় নাই, কারণ তিনি হীন অভিপ্রায়ে এই দুর্বলতাকে গল্পের আকারে প্রকাশ করেছেন—তাও এমনভাবে করেছেন যে, যেন গল্পের নায়কটিকে সহজেই পাঠক চিনে নিতে পারে। আমার ভালো লাগে নি। অবশ্য গল্পের মধ্যে আমি নেই তবুও ভালো লাগে নি। বাংলার পাঠক-সমাজেরও ভালো লাগে নি। তার প্রমাণস্বরূপ পঁচিশ-ছাব্বিশ বছর আগের পাঁচশোর প্রথম সংস্করণটির অর্ধেকের উপর আজ প্রকাশকের ঘরেই রয়েছে।

ঠিক এই কারণেই আজ সাহিত্য-জীবনের কথা লিখতে বসে মনে হচ্ছে এ সংকল্প করে ভালো করি নি। সাহিত্য-জীবনের প্রথম ভাগটা আমার ভাগ্যের অবহেলার কাল, অবজ্ঞার যুগ। অবহেলা অবজ্ঞার সে এক বোঝা ঘাড়ে নিয়ে পথ চলেছি। সে সব কথার যতটা প্রকাশ না করলে নয়—তাই করব কিন্তু তাও কে অবজ্ঞা করলে, তার নাম আমি প্রকাশ করব না। প্রকাশ করব কৃতজ্ঞতার সঙ্গে কার কাছে কত ভালোবাসা পেয়েছি। কে কতখানি এগিয়ে দিয়েছেন। আর প্রকাশ করব যে-কালের মধ্যে আমি সাহিত্যক্ষেত্রে প্রবেশাধিকার পেলাম সেই কালে সাহিত্যের কি কি রূপান্তর ঘটল তাই।

আমার সাহিত্য-জীবনের শুরুর কোনখান থেকে করব সে নিয়ে আমার মনে কোন অস্পষ্টতা নেই। এই শুরুর দৃষ্টি জীবনে অত্যন্ত স্পষ্ট প্রত্যক্ষভাবেই ঘটেছিল।

(১৯৩০ সালের ডিসেম্বর মাসে বৌদিন জেলখানা থেকে বের হলাম সেই দিনই মনে মনে এ সংকল্প করেছিলাম। জেলখানাতেই তখন “চেতালী ঘুণি” এবং “পাষণপদুরী” উপন্যাস দুখানি পড়ান করেছি ; এবং তখন জেলখানার রাজনীতি-সর্বস্ব মানদ্বয়ের চেহারা দেখে ভবিষ্যৎ ভাবনার শঙ্কিত হয়েছি ; চিন্তা ভারাক্রান্ত হয়ে তখন রাজনীতির দিকে সম্পূর্ণরূপে বিমুগ্ধ হয়েছি। ভারতবর্ষের মানদ্ব, হিন্দুসংস্কৃতির পথে জীবনযাত্রা শূন্য করেছি। কোন মতেই মিথ্যাচরণের আগ্রহ নিয়ে স্বাধীনতা সংগ্রামের এই পথে অগ্রসর হতে মন রাজী হইল না। আত্মাই যদি কলুষিত হয় তবে স্বাধীনতার মধ্যে কি পাব আমি ? বন্ধনমুক্ত জীবনে কোন্ আত্মার বিকাশ হবে—প্রকাশ হবে ? সব থেকে পীড়িত হলাম আত্মকলহের কুটিল কদর্যতা দেখে। পরস্পরকে হের প্রতিপন্ন করবার জন্য সে কি ষড়যন্ত্র ! মোক্ষম অস্ত্র প্রতিপক্ষকে স্পাই প্রতিপন্ন করা। একের দল ভাঙিয়ে বিশ্বস্ত অনুসারকদের নিজের দলভুক্ত করে নিজের দলকে পুষ্টি করে তোলাটাই তখন মূখ্য কর্ম হয়ে দাঁড়িয়েছে। তখনও সম্মুখে মন্দিরের গদি ছিল না, ছিল জেলা কংগ্রেসের চৌকি। অ্যাসেম্ব্লির চেয়ার তখনও অনেক দূরে, শূন্য প্রাদেশিক কংগ্রেস কমিটির সভ্যপদ মাত্র সম্মুখে।

সৌদিন যা দেখেছিলাম ভুল দেখি নি। ঠিকই দেখেছিলাম। ১৯৩২/৩৩ সালের কংগ্রেস নির্বাচনে সে কদর্য স্বন্দর মীমাংসার জন্য গ্রীষ্মকালে এসেছিলেন কলকাতায়। মীমাংসা হয় নি। গ্রিপদুরী কংগ্রেসে সে স্বন্দর ভাঙনে পরিণত হল। তার জের আজও চলেছে, চলেইছে। ইংরেজ চলে গিয়েছে ; আজ সে কদর্যতা নখর-দন্ত প্রকাশ করে যুধ্যমান। দক্ষিণ-পন্থী-বামপন্থী ; দক্ষিণপন্থীর মধ্যে একশো দল ; বামপন্থীর মধ্যে হাজার দল। নিত্য প্রভাবে সংবাদপত্রে প্রচারিত পরস্পরের নিন্দাজনক বিবৃতি পড়ি আর সৌদিনের সংকল্পকে প্রণতি জানাই। কিন্তু দেশের মুক্তিযজ্ঞের সাধকদের মনে যজ্ঞশেষে চরুলোভ যে সিদ্ধির আশ্বপ্রসাদের পরিবর্তে এমন কুৎসিত গ্রাস প্রকাশ করবে, তা ভাবি নি। অবশ্য এখানে একটি কথা না বললে আমাকে পাপ স্পর্শ করবে তাই এ প্রসঙ্গ শেষ করবার পূর্বে সেই কথা বলব। সত্যকারের মুক্তিসাধক আজও আছেন, তাঁদের অনেককে জানি—চিনি। অনেককে জানি না। তাঁদের উদ্দেশে সপ্রদ্ব প্রণাম জানিয়ে বলি, অরণ্যের অন্ধকারে কুটিল-জাতব কোলাহলের মধ্যে তোমাদের প্রশান্ত কণ্ঠের আশ্বাসই তো আজ আমাদের সবচেয়ে বড় ভরসা !

(১৯৩০ সালে ডিসেম্বরে জেল থেকে বের হবার আগে রাতে জেলখানার বিদায় অভিনন্দন-সভা বসল। সভাপতি ছিলেন স্বর্গীয় ডাক্তার শরৎচন্দ্র

মুখোপাধ্যায়। বিদায়-সভায় চিরাচরিতভাবে বক্তৃতা হল। বক্তারা বললেন, পূনরাগমনায় চ! শীঘ্র আবার ফিরে এস।

আমি সেই সভাতেই আমার সংকল্পের কথা ঘোষণা করেই বললাম। বলা বাহুল্য খিঙ্কতও হলাম। খিঙ্কার দিলেন না শুদ্ধ শরণাবাদ। তিনি স্মৃতমুখেই বললেন, শিবাস্তে সন্তু পন্থানঃ।

সুতরাং এইখান থেকেই আমার সত্যিকারের সাহিত্য-জীবন শুরুর।

তবুও এর পূর্বের কয়েকটি ঘটনার সঙ্গে আমার সাহিত্য-জীবন এমন ঘনিষ্ঠভাবে জড়িত এবং তার প্রভাব এমনভাবে আমার সাহিত্য-জীবনকে প্রভাবান্বিত করেছে যে, সে ঘটনাক্রমটি প্রকাশ না করলে আমার সাহিত্য-জীবনের গতি-প্রকৃতি সঠিক ব্যাখ্যাত হবে না।

সাহিত্যের হাতে-খড়ি নিয়েছিলাম কবিতায়। সবাই নিয়ে থাকে। বাংলা তেরশো বত্রিশ সালে বীরভূমে বঙ্গীয় সাহিত্য সম্মেলন অনুষ্ঠিত হল—সে সম্মেলনে মূল অধিবেশনে স্বাগত সম্ভাষণ জানিয়ে কবিতা পাঠ করলাম। সম্মেলনশেষে লাভপুরে ফিরলাম, সঙ্গে দুজন প্রতিনিধি এলেন। তাঁদের নিয়ে গেলাম চণ্ডীদাস নামদুর। আমদপুর থেকে কাটোয়া পর্যন্ত ছোট লাইনের উপর লাভপুর এবং কীর্ণাহার স্টেশন, কীর্ণাহার থেকে নান্দুর ছ মাইল পথ। যানবাহনের মধ্যে একমাত্র গোরুর গাড়ি পাওয়া যায়। সঙ্গীরা গোরুর গাড়ি পছন্দ করলেন না; পদব্রজেই রওনা হলাম। কিন্তু বৈশাখের রৌদ্রে কষ্ট হল খুব। অন্তত তাঁদের হয়েছিল। আমার পথ হাঁটা অভ্যাস তখন খুব। ফেরার পথে দুর্বাপাক ঘটল, ট্রেন ফেল হল,—ফলে কীর্ণাহার থেকে লাভপুর পর্যন্তও পদব্রজে ফিরতে হল। মোটমোট একুশ-বাইশ মাইল পথ। যাই হোক সঙ্গীদের ফুটবাথ দিয়ে—খাইয়ে-দাইয়ে রাতের ট্রেনে রওনা করে দিয়ে সেই ক্লান্ত দেহ মন নিয়েই ‘নান্দুর পথে’ বলে একটি কবিতা লিখেছিলাম। কবিতাটির ছন্দের মধ্যে ক্লান্ত মনের একটি সুন্দর সুর ধরা পড়েছিল।

“কতদূর কতদূর, মধুগীতি ভরপুর

পীরিতি-সায়র-তীরে মধুর নান্দুর।”

এই কবিতাটি ভারতবর্ষে প্রকাশিতও হল। জলধর সেন মহাশয় লিখলেন, ‘এমনি মিষ্টি ছোট কবিতা মধ্যে মধ্যে পাঠিয়ে।’ (কিন্তু তবুও কবিতার পথে মন যেতে চাইল না। তখন আমাদের গ্রামে নাটকের রচনার ঢেউ উঠেছে। স্বর্গীয় নির্মলশিব বন্দ্যোপাধ্যায় নাট্যকার হিসাবে বাংলাদেশে খ্যাতিলাভ করেছেন। কলকাতার রঙ্গমঞ্চে কয়েকখানি নাটকও অভিনীত হয়েছে। সে-সব নাটক সর্বপ্রথম অভিনীত হত আমাদের গ্রামের রঙ্গমঞ্চে। গ্রামে মস্ত পাকা নাটমঞ্চ, সামনে টিনে ঢাকা বিস্তৃত একটি দর্শক বসবার আসন। এমন কি

বৈদ্যুতিক আলোর ব্যবস্থাও ছিল। আমাদের গ্রামের শ্রীবুদ্ধ নিত্যগোপাল মদুখোপাধ্যায় নাটক লেখেন, শ্রীবুদ্ধ কালীকিঙ্কর মদুখোপাধ্যায় নাটক লেখেন। হরি স্বর্ণকার—নাট্য সম্প্রদায়ের দূত প্রহরীর ভূমিকায় অভিনয় করে, ঘরে সোনা-রূপার গয়না গড়ে—সেও একখানা প্রহসন লিখে বসল। “গোর-মানুষ”। প্রচলিত গল্পকে সে প্রহসন আকারে লিখেছে। সে প্রহসনও আবার চুরি হল; চুরি করলে এক ব্রাহ্মণতনয়। উমা সরকার ওরফে সাঁওতাল সরকার সেই প্রহসন নিজের নামে চালাবার চেষ্টা করলে; হরি স্বর্ণকার সেই নিয়ে মামলা করলে স্থানীয় ইউনিয়ন বোর্ডে। মামলা দায়ের করলে, কি করবার আয়োজন করলে ঠিক মনে নেই; তবে মামলা উঠল না, তার আগেই মিটমাট হয়ে গেল। উমা সরকার ক্ষমা প্রার্থনা করে তার দাবি প্রত্যাহার করলে। এমনই আবহাওয়ার মধ্যে আমার মনেও নাটক রচনার জন্য আকুলতা জাগল। অনেক ভেবে তৃতীয় পানিপথের যুদ্ধ নিয়ে একখানা নাটক লিখলাম। আঠারো টাকা খরচ করে Grant Duff-এর তিন খণ্ড মারাঠাদের ইতিহাস কিনে পড়লাম। নাটক আমাদের রঙ্গমঞ্চে অভিনীত হল। নাটকখানি মঞ্চে আশ্চর্য রকম জমে গেল।

অভিনয়ের পর নির্মলশিববাবু বললেন, নাটকখানিকে ভালো নকল করে আমাকে দে, আমি কলকাতায় দেখাব। আর্ট থিয়েটারে দেব।

আর্ট থিয়েটারের তখন সমারোহের যুগ। “কর্ণাজর্দন” থেকে “মগের মল্লুক” পর্যন্ত অপারেশনবাবুর নাটক একটার-পর-একটা হৈ-হৈ করে চলেছে। কলকাতার প্রবেশমুখে শ্রীরামপুরের স্টেশনের দেওয়াল থেকে ওঁদিক বোধহয় রানাঘাটের দেওয়াল পর্যন্ত রঙীন প্রাচীর-বিস্তাপনীর ছটায় ঝলমল করে। গোটা কলকাতায় পথের দু পাশের দেওয়াল নাট্যকারের এবং নাটকের নামের যেন নামাবলী গায়ে জড়িয়ে থাকে। অভিনয় হয়, দর্শকে করতালি দেয়, মনে হয় অভিনন্দন জানাচ্ছে নাট্যকারকে। নাটকের মতো অন্য কোন রচনা বোধ হয় রচয়িতাকে এমন নগদ বিদায় দেয় না। সুতরাং নির্মলশিববাবুর কথায় আমার চোখে সেদিন রঙীন স্বপ্ন নেমে এল। স্বপ্ন দেখলাম। অনেক স্বপ্ন। দেওয়ালে দেওয়ালে আমার নাম। রঙ্গমণ্ডের রহস্যপূরীতে প্রবেশাধিকার। অনেক—অনেক—অনেক।

মহাকবি কালিদাস নিজে বামন ছিলেন না কিন্তু বামনেরও যে চাঁদ খরতে সাধ হয় এবং লোকে উপহাস করলেও ওটা যে মনুষ্যস্বভাবের কোন আত্মবিস্মৃত মূহুর্তের ধর্ম এটা তিনি বুঝেছিলেন তাই নিজে বামন অর্থাৎ ব্যর্থ কবির দলের বেদনার ভাগ নিয়ে তাদের সঙ্গে একাত্মতা ঘোষণা করে রঘুবংশের ভূমিকা রচনা করেছিলেন। স্বপ্ন দেখা স্বাভাবিক, আমিও

দেখেছিলাম। কিন্তু উপহাসিত হলাম। সেটা আমি আকারে খাটো বলে নয়, সাধারণ নাটমণ্ড কৌশলীর হাতের ক্রেনের টানে নাগালের বাইরে চলে গেল বলে। নির্মলশিববাবু তখন নাট্যকার হিসেবে প্রতিষ্ঠা পেয়েছেন—তার উপর তিনি ছিলেন রসিক মানুষ, সর্বোপরি কাণ্ডন-কৌলীন্যে নিকষ কুলীন। খ্যাতি অপেক্ষাও খ্যাতিরটা ছিল ওজনে অনেক ভারী। আর্ট থিয়েটারের অধ্যক্ষ এবং নাট্যকার তাঁর অন্তরঙ্গ বন্ধু। নির্মলশিববাবু তখন সিউড়ীতে রাজ-পুরুষদের বন্ধু-বন্ধনে আবদ্ধ হয়েছেন, নিজে আর নাটক লেখার সময় পান না, বোধ করি সেই কারণেই অধ্যক্ষ বন্ধু বলেন—কই মশাই—নাটক-টাটক কিছ্ এনেছেন? দিন, মশাই—এক-আধখানা নাটক দিন। নইলে আর পারাছি না, একা আর কত করব? সেই আশ্বাসেই নির্মলশিববাবু কলকাতায় এসে তাঁর হাতে নাটকখানি দিয়ে বললেন—পড়ে দেখুন। নাটক ভালো হয়েছে। আমি পড়েছি, অভিনয় করেছি—খুব জমেছিল।

—আপনি পড়েছেন মানে? আপনার নাটক নয়? অধ্যক্ষ নিজের হাত দৃখানি পিছনের দিকে নিয়ে মূর্তি বেঁধে একটু ঘুরে দাঁড়ালেন।

—আমার সময় কোথায়। নাটকখানি ভাগ্নী জামাইয়ের লেখা। তাকে তো দেখেছেন আপনি।

—হ্যাঁ। বসুন। তামাক খান। তারপর আর সংবাদ কি বলুন?

নাটকের বাঁধানো খাতাখানি হাতে নিয়েই নির্মলশিববাবু আর আর সংবাদ বললেন। অবলেন—বিদায়ের সময় হাতে তুলে দেবেন।

বিদায়ের সময় অধ্যক্ষ বললেন—ও আমি নেব না মশাই। জানেন তো—নাটক চুরি নিয়ে থিয়েটারের ম্যানেজার নাট্যকারদের বদনাম আছে অনেক।

হেসে নির্মলশিববাবু বললেন—পড়ে দেখুন, ভালো লাগবে। খুব জমবে আমি জোর করে বলতে পারি।

—না মশাই। মাফ করবেন আমাকে। তা ছাড়া ডিরেক্টরদের হুকুম ছাড়া নাটক আমি নিতে পারব না।

নির্মলশিববাবু আমার প্রথম জীবনের সাহিত্যগুরু। আমার প্রতি ছিল অগাধ স্নেহ। তিনিও এতেও দমিত হলেন না। ডিরেক্টরেরাও তো তাঁর অপরিচিত নন! অনেকেই তাঁর বন্ধু। পরের দিন তিনি বইখানি গ্রীষ্মক হরিদাস চট্টোপাধ্যায় মহাশয়ের হাতে দিলেন। হরিদাসবাবু সঙ্গে সঙ্গেই নাট্যাধ্যক্ষের হাতে দিয়ে বললেন—দেখুন পড়ে...বাবু। নির্মলশিববাবু বললেন ভালো নাটক। দেখুন! আপনার পছন্দ হলে আমি পড়ে দেখব।

হরিদাসবাবুর নাটকবোধ প্রশংসনীয়। রবীন্দ্র মৈত্রের “মানময়ী গার্লস স্কুল” নাটক নির্বাচনে তিনি সে পরিচয় দিয়েছেন। “শনিবারের চিঠি”তে

নাটকখানি পড়ে তিনিই সেখানিকে নির্বাচিত করেছিলেন। মঞ্চে তখন নাটকের দারুণ অভাব। এবং অধ্যক্ষ নাট্যকার রোগে শয্যাশায়ী অক্ষম। তাই তাঁকেই সেদিন নাটকের খোঁজে থাকতে হয়েছিল। কিন্তু বর্তমান ক্ষেত্রে তিনি নিয়ম-তান্ত্রিকতা বজায় রাখলেন। জেলার কর্তার কাছে কোন দরখাস্ত পাঠালে সে দরখাস্ত তিনি যেমন নিয়মমাফিক তদন্ত ও মতামতের জন্য মহকুমা হাকিমের কাছে অবিলম্বে পাঠিয়ে দেন, ঠিক তেমনি ভাবেই অধ্যক্ষের হাতে দিয়ে তাঁর মতামতের প্রতীক্ষায় রইলেন। নইলে তিনিই যদি পড়তেন তবে কি হত বলতে পারি না। কারণ অনেক কাল পরে—এই কিছুদিন আগেও কোন রঞ্জামণ্ডের কর্তৃপক্ষ ওই নাটকখানি মণ্ডস্থ করতে চেয়েছিলেন; তাঁদেরও পছন্দ হয়েছিল। আমিই দিই নি। থাক—সে পরের কথা। সেই ঘটনার কথাই বলি।

এবার অধ্যক্ষ মশায় নাটকখানি হাতে নিলেন। মজলিসের রসালাপের মধ্যে একসময় একান্তে নির্মলশিবাবাবুকে বললেন—একটু অপেক্ষা করে যাবেন।

মজলিস ভাঙল। সকলে নামলেন। অধ্যক্ষ এবং নির্মলশিবাবাবু রইলেন। সিঁড়ির উপরের পাদুকাধারি ক্রমশঃ মোটরের স্টার্ট নেওয়ার শব্দের মধ্যে সঙ্গতের তেহাই শব্দে সঙ্গীত শেষ ঘোষণার মতোই ঘোষণা করলে—তারা চলে গেছেন। অধ্যক্ষ খাতাখানি নির্মলশিবাবাবুর হাতে ফিরিয়ে দিয়ে বললেন—অনুগ্রহ করে এখানি নিয়ে যান। নাট্যকারকে ফিরিয়ে দেবেন।

—পড়বেন না ?

—না। এবার গম্ভীরভাবে অধ্যক্ষ বললেন—দেখুন নির্মলবাবু, আপনি বন্ধ লোক, আপনি আগেই নাট্যকার হিসেবে মঞ্চে পাসপোর্টও পেয়েছেন, আপনার নিজের নাটক যদি থাকে আনন্দ, আনন্দের সঙ্গে নেব, অভিনয়ও হবে। কিন্তু দোহাই! বন্ধ আত্মীয় এদের এনে ঢোকাবার চেষ্টা করবেন না। আজকের সন্ট কাল ফাল হয়ে ভূমি বিদীর্ণ করে বের হলে আমাদের পস্তাতে হবে। আপনি বড়লোক, নাটক লেখা আপনার নেশা—আমাদের এটা পেশা। এখানে সহজে তো শরিক ঢুকতে দেব না। রঞ্জামণ্ডের চৌধুড়ির রাশ ধরে সারথ্য করা অভ্যাস, দুর্ভাগ্যক্রমে কোন দিন ভুলের জন্য সারথ্য-কর্মচ্যুত হলে অশ্বের জন্য তৃণ কর্তন ছাড়া আর গতি থাকবে না। সে ভুলের গ্রিসীমান্ন পা বাড়াই না আমি।

নির্মলশিবাবাবু নতমস্তকেই খাতাখানি ফিরে নিয়েছিলেন।

নতমস্তকেই আমাকেও ফিরে দিয়েছিলেন। আমি কলকাতায় এসেছিলাম। কংগ্রেসের একটা কাজ ছিল—সেটাকে লক্ষ্য ঘোষণা করেই এসেছিলাম কিন্তু আসলে ওটা ছিল উপলক্ষ্য—লক্ষ্য আসলে ছিল—ওই নাটক নিয়ে ভাগ্য-

পরীক্ষা। কলকাতায় এসে উঠেও ছিলাম নির্মলশিবাবাদুদেরই বাসায়। দেশে মস্ত জমিদারি থাকলেও তাঁদের মূল ব্যবসা কলকাতায়—কয়লার ব্যবসায়। মস্ত আপিস—প্রকাণ্ড বাসা। উদ্‌গ্রীব হয়ে আছি। অপরাহ্নে নির্মলশিবাবাদু থিয়েটারের মজলিসে যান—ফেরেন সাড়ে-দশটা এগারোটা কোনদিন বা একটায়। আমি জেগেই থাকি, যদি ডাকেন তৎক্ষণাৎ গিয়ে দাঁড়াব। সুসংবাদ শুনব। সেদিন এসে থমকে দাঁড়ালেন। তারপর চলে গেলেন। তাঁর হাতে খাতাখানা আমার তীক্ষ্ণ উৎসুক চক্ষুর দৃষ্টি এড়াল না। কিন্তু উঠে গিয়ে প্রশ্ন করতে লজ্জা বোধ করলাম। কিছুক্ষণ পর তিনি আবার ফিরে এলেন। তিনিও থাকতে পারেন নি। বেদনা তিনিও পেয়েছিলেন, যথেষ্ট পেয়েছিলেন। আমার ডাকলেন। আমি উঠে এলাম। নীরবে তিনি খাতাখানি আমার দিকে বাড়িয়ে দিলেন।

আমি খাতাখানি নিলাম, একবার অকারণে পাতাগুলির কয়েকখানা উলটে বললাম—হল না?

—না।

আমি দাঁড়িয়ে রইলাম। তিনি চলে গেলেন। আমি একটা দীর্ঘ-নিশ্বাস ফেললাম। আবার তিনি ফিরে এলেন। মনে হল কিছু বলতে চাচ্ছেন—বলতে পারছেন না।

এবার আমি প্রশ্ন করলাম—কী খারাপ হয়েছে বললেন?

—ভালো-খারাপের কথাই নাই তারাত্তর, বইখানা না পড়েই ফিরিয়ে দিয়েছেন।

—না-পড়েই?

—হ্যাঁ।

তিনি আবেগভরেই সমস্ত কথা আমাকে বলে গেলেন। বললেন—তবে তুই যেন ছাড়িস নে। কতকাল আটকে রাখবে?

ভেঙে গেল নাট্যকার হওয়ার স্বপ্ন।

পরদিনই কংগ্রেস-সংক্রান্ত কাজ শেষ করে সন্ধ্যার গাড়িতে চলে গেলাম। বাড়ি ফিরে খাতাখানি উনানে গুঁজে দিলাম। ভাবাবেগে বিচলিত হয়েছিলাম, নইলে মনে হওয়া উচিত ছিল যে, ঐ খাতাখানিই আমার হাস্যকর উদ্বাহু মূর্তির একমাত্র চিত্র নয়, ওই খাতারই আরও নকল আছে। দেশের মধ্যে অভিনয় হয়েছে, সেখানে আছে, বাড়িতেও আছে, মূল খাতাখানিই আছে। সে রয়ে গেল ভাবীকালে আমার ভাগ্যে আরও একবার মসীলেপনের জন্য। থাক, সে কথা যথাস্থানে হবে।

তিন

এই ঘটনাটি আমার জীবনে সাহিত্যসাধনায় একটি ধারা-পরিবর্তন ঘটলে দিয়ে গেল। সেদিন যদি এই ঘটনাটি না ঘটত, যদি নাটকখানি মগ্ধ হত, এমন কি ওই কথাগুলি না বলে পড়ে দেবার ছল করেও দু-দশটা দোষ দেখিয়ে সহানুভূতিসূচক কথা বলে ভদ্রতার সঙ্গে ‘হল না’ কথাটা বলতেন তা হলে নাটক লেখা ছাড়তাম না। নাটকই লিখে যেতাম। নাট্যকার হিসেবেই হয়তো আমার পরিচয় হত। কিন্তু এই আঘাত আমার মুখ ফিরিয়ে দিলে রঞ্জামগ্ন এবং নাটকের পথ থেকে। নাটক আর লিখব না স্থির করলাম। কী লিখব? কিছুই লিখব না। স্থির করলাম কিছুই লিখব না।

লিখলাম না কিছুই কয়েক নাস।

কংগ্রেসের কাজ রয়েছে, সমাজ সেবক সমিতির সেবামর্ম রয়েছে, বাড়িতে অভাব-অভিযোগের মধ্যে ক্ষেতের ধান-চাল রয়েছে, এদিকে ওদিকে ঘুরে বেড়ানো রয়েছে—এর মধ্যে একটি ধোঁকার টাটি তৈরী করা এমন শক্ত কি?

হঠাৎ আবার ঘটল একটা ঘটনা।

নির্মলশিববাবুর বড় ছেলে সত্যনারায়ণ—সে নিজে লেখে না কিন্তু সাহিত্যে তার খুব শখ। কালটা যদি পুরাকাল হত আর সত্যনারায়ণ যদি রাজপুত্র হত তবে সে সত্যাদিত্য নামে সাহিত্যরসিক এবং সাহিত্যের পুণ্ড্রপোষক বলে বিখ্যাত হত এ নিশ্চয় বলতে পারি। সে হঠাৎ এল, মাসিক পত্রিকা বের করবে। এবং আমাকে হতে হবে সহকারী সম্পাদক। সম্পাদক নির্মলশিববাবু। অবশ্যই উৎসাহিত হলাম। ভুলে গেলাম লিখব না সংকল্পের কথা। রবীন্দ্রনাথ “বৈকুণ্ঠের খাতা”য় লিখেছেন সাহিত্যের কামড় কচ্ছপের কামড়। অর্থাৎ কামড় দিলে সহজে সে কামড় ছাড়ে না। সেটা অবশ্য সাহিত্যিক এবং পাঠক সম্পর্কে লিখেছেন। লেখা শোনাবার লোক পেলে সাহিত্যিক সহজে তাকে ছাড়ে না, ক্ষিদে পেলে খাইয়েও লেখা শোনায়, ঘুম পেলে খুঁচে ঘুম ভাঙিয়েও শোনায়। মশা কামড়ালে মশারি খাটিয়ে তার মধ্যে বসিয়েও লেখা শোনানো আমার প্রত্যক্ষ অভিজ্ঞতার আছে, আমাকেই শুনতে হয়েছে। কিন্তু আমি বলছি সাহিত্যসেবার নেশার কথা। এটিও ওই কচ্ছপের কামড়। তফাত এই যে, মধ্যে মধ্যে ব্যর্থতার ধাক্কা

মেঘগর্জনে ছেড়ে দেয়, এবং আবার কিছুদিন পরেই জলাশয়ের ধারে গেলেই সাহিত্য-কর্ম তেড়ে এসে দ্বিগুণ জোরে কামড়ে ধরে। আমারও তাই হল। সত্যনারায়ণের খনিত সাহিত্য-সরোবরে সেদিন যেমন নেমোঁছি অমনি কামড় খেলাম। ধরলেন সাহিত্য-কর্ম। শ্রোতা এ কামড়ে বেদনা অনুভব করে—কিন্তু সাহিত্যিককে সাহিত্য-কামড়ে ধরলে ঠিক তার উলটো হয়, সে বেশ প্ৰদলক অনুভব করে। বাতের ব্যাথায় রক্ত মোক্ষণের মতো একটা আরাম হয় তার। ফলে এবার লিখতে লাগলাম দু হাতে। কবিতা-গল্প-সমালোচনা-সম্পাদকীয়—অনেক লিখে যাই। কাগজখানির নাম ছিল “পূর্ণিমা”। আমিই প্রায় রাহুর মতো গিলে ফেলতাম তার অধেকটা, কিন্তু একটা কী যেন খচখচ করত তব্দ মন ভরত না। যে সব লেখা “পূর্ণিমার” কর্তৃপক্ষের ভালো লাগত সে সব আমার ভালো লাগত না।

ঠিক এই সময়ে একদিন—সিউড়ীতেই হবে, এক উকিলের বাড়িতে উঠেছি কংগ্রেসেরই কাজে। উকিলরাই তখন কংগ্রেসের পাণ্ডা। বীরভূমে শরণাবাহুই ছিলেন কংগ্রেসের প্রাণ। সভাপতি। কিন্তু প্রাণ আর মস্তিস্ক দুটো স্বতন্ত্র বস্তু। মস্তিস্কের বাড়িতে রাগে থাকতে হল। রাগে ঘুম আসে না। হয় গরম নয় শীত, দুটোর একটা হেতু বটে। তার উপর ছেঁড়া মশারির ফাঁক দিয়ে মশা ঢুকছে ঝাঁকে ঝাঁকে। সিউড়ীতে মশকের উপদ্রবের অবস্থাটা অন্ধের দিবারাত্রির মতো, ওর আর শীত-গ্রীষ্ম নাই। জেগে বসে বিড়ি খাই আর গুনগুন করে গান গাই। এমনই অবস্থায় হঠাৎ হাতড়ে মিলল একখানা মলাটছেঁড়া “কালিকলম” পত্রিকা।

আলোটা বাড়িয়ে দিলাম। চোখে পড়ল অদ্ভুত নামের একটা লেখা এবং লেখকের নামটা অদ্ভুত না হলেও বিচিত্র।

“পোনাঘাট পেরিয়ে”, লেখক শ্রীপ্রমেন্দ্র মিত্র।

পড়ে গেলাম গল্পটি। বিচিত্র বিস্ময়পূর্ণ রসমাদকতার মন মদির হয়ে গেল। মশকের গানে বা দংশনেও কোনো ব্যাঘাত ঘটাতে পারলে না।

ওলটালাম পাতা। আবার পেলাম একটি গল্প। গল্পটির নাম মনে নেই। লেখক শৈলজানন্দ মদ্বোধিপাধ্যায়।

অদ্ভুত! বীরভূমকে এমনি করে কলমের ডগায় অন্ধরে অন্ধরে সাজিয়ে রূপ দেওয়া যায়!

তার আগে “পূর্ণিমা”র আমি একটি “স্রোতের কুটো” বলে গল্প লিখেছি। গল্পটি আমার বিচারে ভালোই হয়েছে কিন্তু “পূর্ণিমা”র বিচারে ভালো হয় নি। তব্দ বোঁরসোঁছিল; জঠর পূর্ত করতে খাদ্যেরই যেখানে অভাব সেখানে

ভালো খাদ্যের কড়াকাড়ি তো খাটে না। বুনো ওল থেকে মেটে আলু—
 যা-হোক হলেই চলে। সোঁদিন রাতে দেখলাম ওই লেখাগদুলির সঙ্গে আমার
 “স্নোতের কুটো”র চং-এর বেশ মিল আছে। তবু একটা কথা মনে হয়েছিল—
 মনে হয়েছিল গল্পগদুলির আত্মা যেন জৈবিক বেগের প্রাবল্যে বেশী
 অভিভূত;—পরভূত হয়েছে বললেও অত্যাঙ্ক হয় না। এমন কি ঐ
 আবেগের সঙ্গে যে স্বন্দ তার স্বাভাবিক ধর্ম, তারও অভাব রয়েছে বলে মনে
 হল। জীবদেহ আশ্রয় করেই জীবনের বাস। কিন্তু সে তো তাকে অতিক্রম
 করার চেষ্টার মধ্যেই মানবধর্মকে খুঁজে পেয়েছে! সেইখানেই তো নিজেকে
 পশুর সঙ্গে পৃথক বলে জেনেছে। ইচ্ছে হল এমনি গল্প লিখব।
 সত্যকারের রক্তমাংসের জীবদেহে ক্ষুধা আর তৃষ্ণা—তার কামনার ধারার সঙ্গে
 মিশেই চলেছে। জীবন চলেছে একটি স্বতন্ত্র ধারায়। কোথাও জিতেছে
 কোথাও হারছে।

দিন কয়েক পরেই এলাম একটি নির্বিড় পল্লীগ্রামে। আমাদেরই মহলে।
 যেখানে বাসা হল, তার সামনে একটি ছায়ানিবিড় আখড়া, বৈষ্ণবের কুঞ্জ।
 গ্রামের লোকে বলে কমলিনীর আখড়া, রসিক জনে রসান দিয়ে বলে
 কমলিনীর কুঞ্জ। বৈষ্ণব নাই, আছে শূদ্ধ কমলিনী বৈষ্ণবী। আমি
 পৌঁছবার কিছুক্ষণ পরই স্কারে-ধোয়া কাপড়খানি পরিপাটি করে পরে
 শ্যামবর্ণ মেয়েটি হাস্যমুখে সামনে এসে দাঁড়াল। হাতে একখানি ঝকঝকে
 মাজা রেকাবিতে দু-খালি পান, পাশে দুটি লবঙ্গ, টুকরো দুয়েক দারুচিনি,
 একটি ছোট-এলাচ, নামিয়ে দিয়ে হেঁট হয়ে মাটিতে মাথা ঠেকিয়ে প্রণাম
 করলে—বললে, প্রভুর জয় হোক!

উঠবার সময় মাথার কাপড় একটু সরে গেল। রাখাল-চুড়া-বাঁধা
 কেশপ্রসাধন চোখে পড়ল। আবার ঘোমটাটি তুলে দিয়ে সে খুঁটিয়ে আমার
 বাড়ির কুশলবার্তা নিলে। সে যেন পরমাত্মীয়।

কী একটা কাজে উঠে ঘরের মধ্যে গিয়েছি—কানে এল—আমাদের
 গোমস্তা বলছে—পানের চেয়ে বৈষ্ণবীর হাসি মিষ্ট।

মনে হল, বৈষ্ণবীর কর্ণমূল পর্যন্ত আরক্ত হয়ে উঠেছে। উঁকি
 মারলাম—না তো। সর্দিনয়ে বৈষ্ণবী আরও একটু হেসে বললে—বৈষ্ণবের
 ওই তো সম্বল প্রভু!

এই তো! এই তো সেই জীবনের জয়।

কথার হাওয়ার জৈব রসের দিঘিতে ঢেউ উঠল, তাতে তো ওর জীবন
 ডুবল না, ডুব দিলে না, সে ঢেউয়ের উপর নাচতে লাগল পদ্ম ফুলের
 মতো।

এর পরই এল পাগলা বৈরাগী পদ্মলিন দাস। লোকে বলে—ক্ষ্যাপা।

সঙ্গে তার বলাই মোড়ল।

ক্ষ্যাপা ফাঁক পাবা মাত্র গিয়ে উঠল কমলিনীর আখড়ায়।

পদ্মলিন ওখানেই প্রায় চব্বিশ ঘণ্টা থাকে। সেদিন রাতে শব্দেই শব্দনলাম—
কমলিনী বলছে পদ্মলিনকে—যাও—বার্দি যাও।

—কেন?

—রাগ করবে যে।

—কে?

—কে আবার? তোমার বন্টমী। বলেই সে হেসে ছড়া কেটে উঠল
পাঁচসিকের বন্টমী তোমার গোসা করেছে—হে গোসা করেছে।

আমার ঘুম ছুটে গেল। দোয়াত কলম খাতা নিয়ে বসে গেলাম।
পেরোছি। “রসকলি”র পত্তন করলাম।

গ্রামে ঢুকতেই ছোট নদীর ধারে একটা বটগাছ দেখেছিলাম; বিচিত্র
বটগাছটা। তার শিকড়গুলোর তলায় মাটি ধুয়ে গিয়েছে; বড় অজগরের
মতো এঁকেবেঁকে বেরিয়ে আছে শিকড়টা। মনে হয় একটা বড় সাপ গর্তে মদুখ
ঢুকিয়ে দেহটার রোদ-বাতাস নিচ্ছে। সেটা মনে পড়ে গেল। সেখান থেকেই
শব্দ করলাম।

গল্প পেলাম।

আমার নায়িকা মঞ্জরী, জীবদেহের সরোবরে পদ্মের মতো জীবন নিয়ে
ফুটল। শব্দ আমার গল্পের নায়িকা মঞ্জরীই ফুটল না—আমার মনে হল,
আমি কেমন করে আচম্বিতে পৃথিবীর মায়াপদ্মরীতে এটা ওটা নাড়তে নাড়তে
সোনার কাঠি কুড়িয়ে পেলাম। যার স্পর্শে অসাড় মানব ঘুম ভেঙে ফুটে
ওঠে ফুলের মতো। গল্প লেখার ওইটাই একটা বড় সমস্যা। সব হয় কিন্তু
বেঁচে ওঠে না—জেগে ওঠে না। জানি না, পৃথিবীর যারা মহারথী তাঁদের
কেউ এই বাঁচিয়ে তোলার, জাগিয়ে তোলার বিদ্যাই বলুন—আর মন্দাই বলুন—
এটা কারুর কাছ থেকে শিখেছেন কিনা—অথবা শাস্ত্র পড়ে পেয়েছেন
কিনা। তবে আমার মনে হয় ওই শব্দটুকু একদিন অকস্মাৎ জেগে ওঠে।
কেমন করে জানি না শিল্পী সাহিত্যিকের আসে একটা তন্ময়তার যোগ;
তখন পাত্র-পাত্রীর জীবনের সুখ-দুঃখের মধ্যে ডুবে যায় শিল্পী; তখনই
জেগে ওঠে—ফুটে ওঠে। এইটুকুর জোরেই আমি যতটুকু পেরোছি সেটুকু
সম্ভবপর হয়েছে। এই কারণেই আমার পাত্র-পাত্রীর মদুখে আমার ভাষার
কথা আমি বলতে পারি না, তাদের নিজের ভাষা আমার ভাবনার রচনায়
বেরিয়ে আসে। মহান পূর্বাচার্যগণের মতো নিজস্ব একটি ভাষা আমি এই

কারণেই করতে সক্ষম হই নি। সে শক্তি বোধ হয় আমার নেই এবং সে চর্চা করার ঐকিও আমার জাগে নি। নইলে অনুকরণ করে একটা ভাষা তৈরী করা খুব কঠিন নয়; বেকিয়ে পেঁচিয়ে কথা বলার যে আধুনিক ঢংটা শিক্ষিত মধ্যবিত্ত সমাজের মধ্যে সমাদৃত হয়েছে, সেটা রবীন্দ্রনাথের অননু-করণীয় ভাষার অক্ষম অনুকরণ। ক্ষেত্র-বিশেষে ফরশা বাঙালী মেয়ের মৃদুধ্বনি লিপিস্টিক রুজ প্রসাধনের মতো ঝকঝকে হয়ে ওঠে বটে কিন্তু তাতেও তার মেকী ফিরিঙ্গীয়া চাকা পড়ে না। আমি আমার দেশের মানুষকে যতদূর জানি এবং আমি নিজেও সেই মানুষদেরই একজন বলে বেশ একটু খুঁতখুঁতে-চিত্ত। সেই কারণেই বর্ণসাক্ষর্যকে পছন্দ করি না। আত্মাকে খর্ব করে যেখানে দেহ-পরিতোষ বা পরিচর্যা বড় হয়ে ওঠে সেখানে ভিতরটা হয় খাটো, বাহিরটাই হয় বড়। বাহার বড় হলে সে হয় বিলাসিনী, তাকে নিয়ে প্রমোদ-রসের রঙীন ফানুস উড়িয়ে উল্লাস করা চলে কিন্তু তাকে নিয়ে অন্তরের দঃখের কথা বলা চলে না, গভীর সুখের কথাও না। রাম্বিলাসের তৃপ্ত-সাধন আর অন্তরের তৃষ্ণা মেটানো—দুটো সম্পূর্ণরূপে স্বতন্ত্র কথা। রবীন্দ্র-নাথের সাহিত্য তাঁর নিজের রূপ এবং আত্মার মতোই ষড়্ভুজাঙ্গী। রসলালিত্য ও বৈচিত্র্যে সে যত ললিত এবং বিচিত্র, ভাবগভীরতায় আত্মিক ধ্যানে সে তত গভীর এবং তন্ময়। নিজের পদ্বীজ বৃদ্ধেই আমি তাকে অনুকরণ করি নি।

থাক ও কথা এইখানে।

আমার কথায় ফিরি। নতুন গল্পটি লিখে মনে হল, আমি, আমার মনে যে মানুষগুলি আছে তাদের বাইরে এনে জীবন্ময় করে জীবনের হাটে মৃদুস্তি দেবার সোনার কাঠি পেরেছি।

গল্পটি লিখে তার নাম দিলাম “রসকলি”। আমাদের “পূর্ণিমা” তখনো চলছে। কিন্তু আগের গল্প “স্রোতের কুটো” সম্পর্কে মন্তব্যের কথা স্মরণ করে এবং মন্দ কবির স্বভাবগত যশোলিপ্সার প্রেরণায় ওটিকে “পূর্ণিমা”র না দিয়ে পাঠিয়ে দিলাম বাংলাদেশের একখানি বিখ্যাত পত্রিকায়। ডাক-টীকট অবশ্যই দিলাম। এবং উদ্বিগ্ন চিঠে দিন গণনা করতে লাগলাম। দিন পনেরো পর একখানি রিপ্লাই কার্ড লিখলাম। পনেরো দিন পর দু-ছত্রে জবাব এল—গল্পটি সম্পাদকের বিবেচনাধীন আছে।

আবার মাসখানেক পর আর-একখানা রিপ্লাই কার্ড লিখলাম।

জবাব এল। সেই দু-ছত্রে জবাব, সম্পাদকের বিবেচনাধীন আছে।

আবার লিখলাম চিঠি। আবার সেই এক জবাব। এক সই।

বোধ হয় সাত মাস কি আট মাস চলে গেল। মোটমোট আট থেকে

দশখানি রিপ্লাই কার্ড আমি অক্লান্ত ভাবে লিখে গেলাম। তাঁরাও সেই একই জবাব দিলেন। আট মাস পর আমি আবার এলাম কলকাতায় ; কাজ দ্ব-চারটে ছোটখাটো, তার মধ্যে ওটাও একটা। এবার স্বয়ং গিয়ে আপিসে হাজির হলাম। টেবিলের সামনে দাঁড়িয়ে প্রশ্ন করলাম আমার একটা গল্প—

—দিয়ে যান—ওখানে।

—না। অনেক আগে পাঠিয়েছি।

—পাঠিয়েছেন? কি নাম আপনার? গল্পের কি নাম?

বললাম নিজের নাম, গল্পের নাম। তাঁরা একথানা খাতা খুলে দেখেদুনে বললেন—ওটা এখনও দেখা হয় নি। দেখা হয় নি? বিবেচনাধীন থাকার এই অর্থ? আমার ধারণা হয়েছিল—পড়ে দেখা হয়েছে—হয়ত কিছুটা ভালো লেগেছে—কিছুটা লাগে নি, সেইজন্য বিবেচনা করছেন—দেওয়া যায় কি না যায়। তাছাড়া গল্পটি নিছক প্রেমের গল্প; পত্রিকাটির রুচি সম্পর্কে কড়াকড়ির একটা খ্যাতিও আছে; কটন-ইন্সকুলের মতো গল্পটিকে শায়েস্তা করে নেওয়ার বিবেচনাও এক্ষেত্রে অসম্ভব নয়। গল্প যে প্রকাশযোগ্য সে বিশ্বাস আমার ছিলই।

(আজ এই উত্তরে মনে একটা ক্ষোভ জেগে উঠল। নতুন লেখক বলে তাঁরা গল্পটা পড়েও দেখেন নি? মনে পড়ে গেল “মারাঠা তর্পণে”র লাঞ্ছনার কথা। ভাবলাম, সাহিত্যসাধনার বাসনায় জলাঞ্জলি দিয়ে গঙ্গান্নান করে বাড়ি ফিরে যাব এবং শান্ত গৃহস্থের মতো জীবনটা ধানচালের হিসাব করে কাটিয়ে দেব। আর বেঁচে থাক কংগ্রেস, ওরই মধ্য দিয়ে জেল খেটে কাটিয়ে দেব জীবন।)

বললাম, দয়া করে আমার গল্পটা ফেরত দিন।

—নিয়ে যান। দেখে দিন মশাই—।

অন্য একজন দেখেদুনে লেখাটা ফেরত দিলেন। আমি লেখাটা হাতে করে মধ্য কলিকাতা থেকে দক্ষিণ কলিকাতা পর্যন্ত হেঁটে বাড়ি ফিরলাম। চোখে বার কয়েক সেদিন জল এসেছিল। ভাগ্যকে তখন মানতাম, ভাগ্যকেই সেদিন বার বার ধিক্কার দিলাম। বাড়ি চলে গেলাম সেই রাতেই। গঙ্গান্নান আর করা হল না।

চার

জলাঞ্জলি দেবার সঙ্কল্পটিকে কাজে পরিণত করবার জন্য কর্মজীবনে ঝাঁপ দিয়ে পড়লাম। খানচালের হিসাবের কাজ নয়; ওতে মনই উঠল না। কাজ, দেশসেবার কাজ। বংগ্রেসের আদর্শে খানিকটা গঠনমূলক কাজ হলেও কংগ্রেসের কাজ নয়। ইউনিয়ন বোর্ডের প্রেসিডেন্ট হলাম। কিছু কাজ আমার চাই। চরকা কাটি বটে কিন্তু ওতে সমস্ত দিনটা কাটে না। আমাদের ইউনিয়ন বোর্ডের অবস্থা তখন বিশৃঙ্খল। ওই কাজই ঘাড়ে তুলে নিলাম। একটা বাই-ইলেকশনে মেম্বর হয়ে সঙ্গে সঙ্গেই প্রেসিডেন্ট হলাম। আমার মনের অবস্থা বদলবার জন্যেই ঐ কথা এখানে উল্লেখ করছি। সকালে বাইসিকল নিয়ে বের হই—গ্রামে গ্রামে ঘুরি, পথ-ঘাট নালা-খাল দেখে বেড়াই। ভাঙা পথ মেরামত করাই, আঁকাবাঁকা নালাকে সোজা করে কাটাই; ওখানকার আবালবৃদ্ধবনিতার সঙ্গে পরিচয় করি। তাদের মনের খবর বিচিত্র পরিচয় নিজের মনে বহন করে ফিরে আসি। বাড়ি ফিরি দুটো আড়াইটের সময়। তারপর স্নান-আহার। বিকেলে বোর্ড আপিসে খাতাপত্র দেখা, মজদুরদের মজদুরি দেওয়া নিয়ে কেটে যায়। দেখতে দেখতে কাজটা বড় ভালো লাগল। ভাললাম যেন মনোবেদনা। ভাললাম এই পথেই চালিয়ে দেব জীবন। প্রশংসা তো পেলামই—মনও কর্মের তৃপ্তিতে ভরে উঠল। একদিন ডান হাতখানাকে প্রায় ভেঙে ফেললাম উৎসাহের প্রাবল্যে।

একটি গ্রাম্য পথের খানিকটা অংশ নিয়ে ইউনিয়ন বোর্ডের এক সম্ভ্রান্ত চাষী পরিবারের সঙ্গে নয় বৎসর ধরে বিরোধ চলছিল। ওই অংশটার পাশে ছিল ওই চাষী ভদ্রলোকের পুকুর। তাতে রাস্তাটি সেখানে এমনই সঙ্কীর্ণ যে, গরুর গাড়ি কোনক্রমেই যেতে পারে না। পুকুরের ধারে একমানুষ-সমান উঁচু তালগাছের সারি দুর্ভেদ্য বেড়ার মতো খাড়া হয়ে রয়েছে। বোর্ড বলে, এনক্লোচমেন্ট। ভদ্রলোক বলেন, কিসের এনক্লোচমেন্ট? বোর্ড হল কবে? এ রাস্তা এ-রকমই চিরকাল। শীতে গ্রীষ্মে ক্ষেতের উপর দিয়ে গাড়ি চলে। অন্য সময় গ্রামের মধ্যে গাড়ি সৃষ্টির আদিকাল থেকে চলেই না।

এই নিয়ে প্রথম ওখানকার প্রেসিডেন্ট জমিদার নির্মলশিব বন্দ্যোপাধ্যায় মশায় চেষ্টা করেন। সফল হন না। ভীতি প্রদর্শন করেন—তাতেও না।

তারপর জেলা ম্যাজিস্ট্রেট আসেন—হুকুম করেন, কিন্তু তাতে চাষী ভদ্রলোক দমেন না। শেষে শেষে মামলা হয়। মামলাতে ইউনিয়ন বোর্ড হেরে যায়। বোর্ড তখন স্থির করে উপরে লিখে সরকারী জমিকল্পন বিধানে ওই অংশ কেনা হবে। কিন্তু এই সময়েই নিম্নলিখিতবাবু হলেন পীড়িত—স্বাস্থ্যের জন্য তিনি চলে গেলেন কাশী, বোর্ডে হল বিশৃঙ্খলা, রাস্তাটা পরিভ্রান্ত হয়ে পড়ে রইল। আমি ওখানে মজদুর লাগাবার কথা বলতেই সকলে হা-হাঁ করে উঠলেন। মজদুর উঠিলে দেবে। বোর্ডের অপমান হবে। সকল বিবরণ বললেন তাঁরা। আমি ভাবলাম। ভেবে বললাম, মজদুর ওখানেই লাগানো হোক। দাসী রইলাম আমি। আমার জোর, আমি তো জানি এদেশের মানদুষকে। যতদূর জানি তাতে এ-দেশের মানদুষের কাছে প্রার্থনা করে বিফল হয়ে ফেরার তো কথা নয়। সঙ্কল্প করলাম যাচাই করে দেখব। এ-দেশের মানদুষকে জানার একটা অহঙ্কার ছিল।

সাধারণতঃ সম্ভ্রান্ত লোকেরা চাষী সজ্জনদের জানান অন্তর্গত জন হিসেবে; বৈষয়িক ব্যবহারের মধ্যে দিয়েই সে পরিচয়টা হয়ে থাকে। ক্ষেত্র-বিশেষে চাষীরা অন্তর্গত নেন, সম্ভ্রান্তরা অন্তর্গত করেন। সে অন্তর্গত এদের শোধ হয় না, শোধ করতে চেষ্টাও করে না। মানদুষের সঙ্গে মানদুষের যে পরিচয় সে সম্পূর্ণরূপে স্বতন্ত্র। আমার পরিচয় এদের সঙ্গে ওই তিন ধারাতেই হয়েছিল। বৈষয়িক ব্যবহারের পরিচয়ও ছিল; দেনা-পাওনা নিয়ে বিরোধ হয়েছে, কখনও বা দু-একটা মামলাও হয়েছে। কিন্তু ওদিকে আমার বা আমার অভিভাবিকা আমার মায়ের আসক্তি খুব প্রবল ছিল না বলে অগেই আপোস হয়ে যেত। আমাদের জিদ ছিল না বলেই ওদের জিদ বাড়ে নি। নইলে ওদের যে জিদ সে জিদ জমিদারের চেয়ে কম নয়। মামলা চালিয়ে ওরাই সর্বস্বান্ত হয়েছে বেশী। সর্বস্বান্ত হয়ে ভগ্নহৃদয়ে যতজন হার স্বীকার করছে তাদের সংখ্যা সর্বস্বান্ত হয়েও যারা হার স্বীকার করে নি, পৈতৃক ভিটা ছেড়ে অন্যত্র চলে গেছে তাদের সংখ্যার চেয়ে বেশী নয়। এ পরিচয় আমি জেনেছিলাম। এ নিয়ে আমার একটি গল্প আছে “রাজা রানী ও প্রজা”। রাধাবল্লভ বলে একটি প্রজার সঙ্গে মামলা বাধল। সে গৃহত্যাগ করে ফিরতে লাগল, তবু সে অবনত হল না। অকস্মাৎ ঘটনাচক্রে রাধাবল্লভ পেলে আমাদের বাড়িতে সন্নেহ সমাদর। সে গলে গেল। আমি যখন ঘটনাস্থলে অর্থাৎ বাড়িতে এসে পৌঁছলাম তখন এক মূহুর্তেই সব মিটে গেল।

এ ছাড়া এদের সঙ্গে মানদুষ হিসেবে পরিচয়ের একটা বড় সদ্বোগ আমার হয়েছিল। আমি গ্রামে গ্রামান্তরে মেলায় ঘুরেছি অনেক। এদের অতিথি

হয়েছি, পরিচর্যার পরিভূত হয়েছি। এমনও হয়েছে, গরমের দিন, মশার উপদ্রব, সঙ্গে মশারি নাই—তাদেরও মশারির অভাব, যা আছে তাও বের করতে লজ্জা পেয়েছে—সুতরাং বিনা মশারিতেই শূন্যে মশার কামড়ে অস্থির হয়েছি—এমন সময় পাথার হাওয়া গায়ে লেগেছে। গৃহস্থামীর নিজেকে কখন উঠে এসে বাতাস করতে শুরু করেছেন। অথচ গ্রামের বা পার্শ্ববর্তী গ্রামের বিশিষ্ট লোকে যখন জিজ্ঞাসা করেছেন, উঠেছেন কোথায়? বা উঠেছিলেন কোথায়?—উত্তরে যখন গৃহস্থামীর নাম করেছি তখন তাঁরা বিস্ময় প্রকাশ করে বলেছেন, উঠবার আর জায়গা পেলেন না। কারণ জিজ্ঞাসা করে উত্তর পেয়েছি যে, এতবড় কুটিল মামলাবাজ কুচক্রী আর স্থিতীয় নাই এ অঞ্চলে। বলেছেন, যে অন্ন পেটে গিয়েছে সে হজম হলে হয়। গ্রাম্য ভদ্র-জনের সমাজে, চাষীর গ্রামে, বৈষ্ণবের আখড়ায় এমনই ভাবে তাদের জানবার সৌভাগ্য আমার হয়েছিল। একটা বড় সন্নিবিধা ছিল আমার। রূপ আমার ছিল না, যেটুকু লাভ্য বা স্ত্রী ছিল সেটুকুও রৌদ্রে ঘুরে ঘুরে এমনই পুড়ে গিয়েছিল যে ককট নাগ বিষজর্জর নল রাজার সারথ্য কর্ম গ্রহণের সুযোগের মতো আমিও পেরেছিলাম ওদের সঙ্গে সমান হয়ে মিশবার সুযোগ। ওদের কথাবার্তা আচার-ব্যবহার সব জেনেছিলাম সেদিন—ওদেরই একজনের মতো।

আর একটা সুযোগ আমার হয়েছিল।

দেশসেবার বাতিক যখন নেশা হয়ে দাঁড়ায় তখন তাতে আর কৃত্রিমতা থাকে না। বাংলা-সাহিত্যে বাউন্ডুলে চরিত্র অনেক আছে। কাজ নেই কর্ম নেই, ঘুরে বেড়ায়, গাঁজা খায়, মদ খায় বা খায় না, মৃৎমানুষ, ঘৃণা অবজ্ঞার পাত্র; কিন্তু সকল বিপদ-আপদের ক্ষেত্রে সে আছেই। শ্যামানে আছে, অভাবে আছে, দুর্ভিক্ষে আছে, মহামারীতে আছে, অন্ধকার রাতে ভূতভঙ্গরাতের পাশে অভয় দিতে ব্রহ্মদৈত্যের মতো আবির্ভূত হয়েছে; আমার চরিত্র তখন অনেকটা ঐ রকম। মদ গাঁজাটা খাই না—কিন্তু তারও চেয়ে কোন একটা তীব্রতর নেশায় মেতে থাকি, ঘুরে বেড়াই। বন্যাটা আমাদের দেশে হয় না এমন নয়, তবে কম। আগুন, ঝড় এবং কলেরা—এই তিনটাই আমাদের অঞ্চলে সব চেয়ে বড় বিপদ। এরই মধ্যে ঘুরে বেড়ানো আমার নেশা ছিল। বিশেষ করে ১৯২৪।২৫ সালে আমাদের অঞ্চলে যে ব্যাপক মহামারীর আক্রমণ হয়েছিল তাতে আমি অন্ততঃ আমাদের গ্রামের চারিপাশে ত্রিশ-চাশ্লিশখানি গ্রামে একাদিক্রমে ছমাস ঘুরেছি, খেটেছি। এই সেবা আমার ব্যর্থ হয় নি। পাথরের দেবমূর্তি ভেদ করে দেবতার আবির্ভাবের কথা যেমন গল্প আছে তেমন ভাবেই এই পাপপুণ্যের রক্তমাংসের দেহধারী

মানুষগুলির অন্তর থেকে সাক্ষাৎ দেবতাকে বেরিয়ে আসতে দেখেছি। (এর খানিকটা আভাস আমার “ধাত্রী দেবতা”-র মধ্যে আছে।)

এই জোরেই, এই জানার অহঙ্কারে সেদিন আমি বলেছিলাম, মজদুর ওখানেই লাগানো হোক ; দায়ী রইলাম আমি। এবং এই জোরের যাচাই করে দেখবার সাহস পেয়েছিলাম। এই জোরেই এই জানার পূর্জির মূল্য বুঝে আমি এদের কথা বাংলা সাহিত্যে বলেছি, নিজের কথা বলার মতো করেই বলেছি। “হাসদুলীবাকের উপকথা”-র মানুষদের পর্যন্ত আমার এই ভাবে জানার সন্ধান ছিল। ওই সূচীদ এবং আমি বসে গল্প করছি আর বিড়ি টেনেছি। বাড়িতে যখন থাকতাম, এখনও যখন যাই লাভপুরে তখন সকাল বেলা উঠেই বাড়ি থেকে বের হই, আমার “কবি” উপন্যাসের বনিক মাতুলের চায়ের দোকানে গিয়ে বসি, চা খাই। তাদের সঙ্গে গল্প করি। যোগেশ বৈরাগী ওখানকার দূর্ধর্ষ ব্যক্তি, তার সঙ্গে আমার খুব ভাব। নিতাই বাউড়ী, সতীশ ডোম এরা এসে মাটিতে উপুড় হয়ে বসে গল্প করে গল্প শোনে। রাজা পয়েন্টসম্যান এসে সেলাম করে দাঁড়ায়, সেলাম হুজুর। জায়গাটা খাঁ-খাঁ করে বিপ্রপদ অর্থাৎ দ্বিজপদর জন্যে। সে নেই। পথে নন্দবালার সঙ্গে দেখা হয়, সে চুল বেঁধে নাকছাঁবি পরে থমকে দাঁড়ায়, বলে—হেই মা গো। কখন এলা ? বালি মনে পড়ল আসতে। ছেলেরা ভালো আছে ? তোমার শরীর এমন কাঁহিল হল ক্যানে ?

আমি হেসে বলি—তুই কেমন আছিস ?

—আমি ? ঠোঁটে পিচ কেটে সে বলে—যম ভুলেছে, কানা হয়েছে, নইলে আর আমাকে থাকতে হয় ? তোমাদিগে রেখে আমি যেতে পারলেই খালাস।

সে দাঁড়িয়ে দাঁড়িয়ে হিসাব দেয়—কে কে চলে গেছে এর মধ্যে। তাদের জন্যে কাঁদে।

কাম্বার পালা শেষ করে বলে—দেখ ক্যানে নেকনের ভোগ, পোড়া প্যাটের দায়, ওই গাঁয়ে বিয়ে ছিল, নাচতে যেয়েছিলাম। তা পুরনো কাপড় দিয়েছে দুখানা, আরও সব দিয়েছে। শ্যাম—

তারপরই মুখে কাপড় দিয়ে হাসতে শুরু করে। হাসতে হাসতেই বলে—শ্যাম বলে কি—দাদা—! বলে রাঙা শাঁখা পরতে হবে। মরণ ! এই বল্লেনে আর শাঁখা পরতে হয় ?

বিদায়ের সময় বলে—এই দেখ, এমন করে মথুরার সুখে বেজখামকে ভুলে থেক না। ভালো হবে না। মাসে একবার করে এস।

তারপর আমি চলি। মাঠে মাঠে ঘুরি। এমনি করেই ঘুরতাম চিরকাল।

রেলের লাইন ধরে নদীর ধার। সেখান থেকে সাঁওতাল পাড়া। সাঁওতাল পাড়া থেকে মাঠে মাঠে জীবের বটতলা হয়ে দু-সতীনে বরনা, সেখান থেকে তারা-মাল্লের ডাঙা। সেখানে বসে থাকি গাছতলায়। হঠাৎ কানে এসে পৌঁছায় গানের সুর। এদিক ওদিক চেয়ে দেখি, নজরে পড়ে—গাছতলায় বসে কি গাছের উপর চেপে কেউ গান ধরে দিয়েছে। এইখানেই একদিন দেখেছিলাম আমার “কবি”র নায়ককে। গাছগুলিকে মৃদু রসিক প্রোতা ধরে নিয়ে সে বাঁ হাত গালে দিয়ে—ডান হাতখানি নেড়ে নেড়ে আপন মনেই কবিগান শোনাচ্ছিল। মাঠে গান গায় চাষীরা—‘চাষকে চেয়ে গোরাচাঁদ রে, মাল্দেরী ভালো।’ কেউ বা গায়—বিচিত্র গান—‘হার দ্যাশে কি রোগ উঠেছে ও-লা উঠা, লোক মরিছে অসম্ভব।’

বেলা বেড়ে ওঠে, বারোটো বাজে, গ্রামান্তর থেকে মাঠের পথগুলির মাথায় স্বর্ণবিন্দু শীর্ষ—কাশফুল ফুটে ওঠে। ঝকঝকে মাজা ঘটি মাথায় মেয়েরা আসে দুধ নিয়ে ঘন্টে নিয়ে।

বসনের সঙ্গে দেখা হত, কুসুমের সঙ্গে দেখা হত, আজও বসনের মেয়ে ময়নার সঙ্গে দেখা হয়, তারা পথেই ঘটি নামিয়ে প্রণাম করে প্রশ্ন করে—কবে এলেন? বউদিদি, ছেলেরা ভালো আছে?

এদের সঙ্গে আমার পরম সৌভাগ্যের ফলে একটি আত্মার আত্মীয়তা গড়ে উঠেছে। এমনই সে আত্মীয়তা যে, প্রবাসে থাকি—প্রতিষ্ঠা খানিকটা পেয়েছি, তবু সে আত্মীয়তা এতটুকু ক্ষুদ্র হয় নি। এ পাওয়া যে কী পাওয়া সে আমি জানি। তাই আমি এদের কথা লিখি। এদের কথা লিখবার অধিকার আমার আছে। আমি ওদের জানি—ওদের আত্মীয় আমি। উপকারী নয়, কৃতজ্ঞতাভাজন নয়, ভালোবাসার জন। সেই দাবিতেই সেদিন যাচাই করে দেখতে সাহসী হয়েছিলাম, বলেছিলাম—দায়ী আমি।

পরের দিন সকালে গেলাম মজুর নিয়ে। তাঁর সীমানার একটু দূরে যেখানে কোন বিরোধ নাই সেখানে তাদের লাগিয়ে দিলাম। তারা কাটতে কাটতে এগিয়ে চলল—সেই সীমানার দিকে। এদিকে বেলা চড়ে উঠল। আমি এরপর গিয়ে হাজির হলাম বৃক্ষের বাড়িতে।—চৌধুরীমশায়।

—কে? বৃক্ষ তামাক টানছিলেন, হুকো নামিয়ে আমার দিকে তাকিয়ে হুকো রেখে উঠে দাঁড়ালেন—আসুন বাবা আসুন। এই রোদ্রে এই সময়ে এখানে কোথা গো! ওঃ ঘামে যে ভিজ়ে গিয়েছেন গো! বসুন। জল খান, হাত মৃদু ধরে ফেলুন। ওরে! ছেলেদের ডেকে হুকুম করলেন। নিজেকে একখানা পাখা নিয়ে বাতাস করতে লাগলেন। আমি বা অনুমান করেছিলাম তাই। একবিন্দু অমিল হল না। আমার জানায় ভুল হয় নি।

ইতিমধ্যে ছেলেরা নিয়ে এল—সরবত, কাঁকড়, পাকা আম, গুড়, জল। একজনের হাতে আসন। বৃদ্ধ আসনখানি নিয়ে নিজে পেতে দিলেন, বললেন—বসুন বাবা। সেবা করুন।

আসনে বসে আমি বললাম—শুধু খাব না কিন্তু চোখের রীমশায় ; দক্ষিণে নেব আমি।

—দক্ষিণে ? হাসলেন তিনি। ভাবলেন রসিকতা। বললেন—বেশ তো ! মাথাটা চরণতলে নামিয়ে দি। নিয়ে যা হয় করুন।

আমি এবার হাত জোড় করে বললাম—আমি আপনার কাছে ভিক্ষে চাইতে এসেছি চোখের রীমশায়।

বৃদ্ধ শশব্যস্ত হয়ে আমার হাত চেপে ধরে বললেন—কী বলছেন বাবা ? আমার যে অপরাধ হবে। বলুন কী বলছেন ?

আমি বললাম—রাস্তাটিকে রাস্তার মতো করতে যতটুকু জমি প্রয়োজন সেই জমিটুকু আমাকে ভিক্ষা দিতে হবে।

তিনি একবার হেসে ফেললেন, বললেন—আপনি বাবা জাত বামুন। তা, নেন, আগে জল খেয়ে নেন। তারপর চলুন, আমি নিজে দাঁড়িয়ে থেকে পুকুরের পাড় কাটিয়ে দিয়ে দক্ষিণান্ত করে আসি।

তিনি নিজে দাঁড়িয়ে সেই মানুষ-ভোর উচু তালগাছ কাটিয়ে জমি রাস্তার অন্তর্ভুক্ত করে দিলেন। তারপর বললেন—ছোটবাবুকে দিই নাই, ম্যাজিস্ট্রেট সাহেবের চোখরাঙানিকে ভন্ন করি নাই। মামলায় জিতছি। কিন্তু আপনার কাছে হারলাম। তা হেরে সুখ পেলাম, মনটা ভরে গেল গো। এইবার কিন্তু আমি নোব। আপনার পায়ের ধুলো নিয়ে ফিরে যাব। ওপারে আমার জমিদারির ব্যবস্থা করে দিলেন আপনি।

বৃদ্ধ পায়ের ধুলো সেদিন নিয়েছিলেন। প্রণাম আমি নিই না বৃদ্ধজনের। সেদিন না বলতে পারি নি। বৃদ্ধ চলে গেলেন। আমি উৎসাহের প্রাবল্যে নিজেই কুড়ুল নিয়ে গাছ কাটতে গেলাম ; বৃদ্ধের সীমানার এপারে একটা তেঁশরের বেশ বড় গাছ জন্মেছিল—সেই গাছটা। গাছটা পড়ল, পড়ত মাথার উপরেই, কোন রকমে মাথাটা সরালাম কিন্তু ডান হাতের কব্জির উপর পড়ল একটা ডাল। হাড় ভাঙল না কিন্তু দেখতে দেখতে ফুলে উঠল—আর অসহ্য বন্দনা।

মনে আছে এই বেদনার জন্য কয়েকদিন ঘরে বসে ছিলাম। যেমন বসে থাকি অমনি আবার মনের মধ্যে লেখার বাসনা জেগে উঠল। মাথার মধ্যে গল্পের কাঠামো খাড়া হল কিন্তু লেখা হল না। হাতে ব্যাণ্ডেজ বাঁধা।

(কয়েকদিন পর আবার পড়লাম কাজ নিয়ে। কেটে গেল প্রায় সাত-আট মাস। হঠাৎ সাত-আট মাস পর আবার আল্পাস্ত হলাম সাহিত্য-রোগে, মন্দকবির মতো উদ্ধাহ্ন হলাম। সকালে ইউনিয়ন বোর্ডে যাবার পথে একবার পোস্টোপিসে হাজরে দিবে যেতাম। ওটাও সাহিত্যব্যাধির জের। রিপ্লাই কার্ড লিখে ওই যে আট মাস নিত্য পোস্টোপিস যেতাম উত্তরের প্রত্যাশায় সেইটেই একরকম অভ্যাসে দাঁড়িয়ে গিয়েছিল। নিজের পত্র কদাচিৎ থাকত, তবে বোর্ডের পত্র থাকতই—সেইগুলি নিয়ে important person-এর মতো বোর্ডে চলে যেতাম। সেদিন চোখে পড়ল একটি মোড়ক। মোড়কটির উপর সুন্দর একটি ছবি। সমুদ্রের বেলাভূমে নটরাজ নৃত্য করছেন—তার পায়ে আছড়ে এসে পড়ছে সমুদ্র-তরঙ্গ। তুলে নিলাম মোড়কটি। “কল্লোলে”র ঠিকানা পেলাম। মোড়কটি এসেছিল নিত্যনারায়ণ বন্দ্যোপাধ্যায়ের নামে। ভিতরে ছিল একটি লেখা। বদ্বলাম, নিত্যনারায়ণ গল্প পাঠিয়েছিল—সেটি ফেরত এসেছে। মনে আবার জেগে উঠল বাসনা, নির্বাপিতপ্রায় বহিঃ আবার উঠল দ্বলে। “কল্লোলে”র ঠিকানাটা টুকে নিলাম। বোর্ড-আপিসে গিয়ে কয়েকটা কাজ সেরে সঙ্গে সঙ্গেই বাড়ি ফিরে কলকাতা যাওয়ার সেই সন্টকেসটা খুলে বের করলাম—“রসকলি”র পান্ডুলিপি। শেষ পৃষ্ঠাটি নতুন করে লিখে পৃষ্ঠাটি পালটে দিলাম।) ও পৃষ্ঠায় পোস্টোপিসের ছাপ ছিল। সন্দেহ হল—ওই ছাপ দেখে অনুমান করা কঠিন হবে না যে লেখাটি কোন কাগজ থেকে ফিরে এসেছে। সেই দিনই দিলাম পাঠিয়ে।

(আশ্চর্য—দিন চারেক পরেই, পোস্টোপিসে পেলাম “কল্লোলে”র গোল ছাপ দেওয়া সাদা পোস্টকার্ডে একখানি পত্র। লিখেছিলেন পবিত্র গঙ্গোপাধ্যায়।) চিঠিপত্র সবই আমার হারিয়ে গেছে। নইলে এখানে পুরো চিঠিখানি তুলে দেওয়া আমার উচিত ছিল। (তবে মনে আছে, পবিত্র লিখেছিলেন—“আপনার গল্পটি মনোনীত হইয়াছে। ফাল্গুন মাসেই ছাপা হইবে।”) শেষের দুটি ছত্র আমার মনে অঙ্কন হয়ে আছে। পবিত্রই আমার প্রথম উৎসাহদাতা। তিনি লিখেছিলেন—আপনি এতদিন চুপ করিয়া ছিলেন কেন?

সমস্ত অন্তরে শিহরণ জাগিয়ে একটা প্রশ্ন জেগে উঠল। কী বলতে চেয়েছেন? আপনার আরও আগে আবির্ভূত হওয়া উচিত ছিল?

(“রসকলি” প্রকাশিত হল। আমি “কল্লোলের”র গ্রাহক হলাম। এরপর দীনেশরঞ্জন লিখলেন—এখানে “রসকলি”র যথেষ্ট প্রশংসা হয়েছে। বৈশাখের “কল্লোলে”র জন্য একটি গল্প পাঠাবেন।)

তখন আমি জব্বরে শয্যাশায়ী এবং হাতও তখন অপটু, ফুলে রয়েছে, বেদনাও আছে। সেই অবস্থাতেই—হাতভাঙা অবস্থায়—যে গল্পটির কাঠামো

মাথায় এসেছিল—সেইটিকে কাগজে কলমে লিখে ফেললাম।—“হারানো স্মরণ” আমার দ্বিতীয় গল্প। ১৩৩৫-এর বৈশাখের “কল্লোলে” বের হল।

(এরপরই একদিন ডাকে পেলাম একখানি “কালিকলম”)। তাতে সমালোচনা প্রসঙ্গে লিখেছেন—“রসকলি” এবং “হারানো” স্মরণের মতো রসসৃষ্টি অধুনা সাহিত্যে বিরল।

“কল্লোল”—“কালিকলম”—এমনিভাবে গুণগ্রাহিতার পরিচয় না দিলে আমি চলতাম অন্যপথে। রাজনীতির পথে। সে বন্ধন, সে আকর্ষণ আমার তখনও কম দৃঢ়, কম প্রবল নয়। এই কারণেই এর পরে—মাত্র মাস ছয়েক পরেই যখন ত্রিংশ সালের আন্দোলনের বাজনা বেজে উঠল তখন—কলম ছেড়ে তাতেই পড়লাম ঝাঁপিয়ে।

মোহ কাটল জেলখানায়।

পাঁচ

জেলখানায় মোহ কাটল ১৯৩১ সালের সূচনায়।

“রসকলি”, “হারানো স্মরণ” প্রকাশিত হয়েছিল ১৯২৯ সালে, বাংলা ১৩৩৪ সালের ফাল্গুনে এবং ১৩৩৫ সালের বৈশাখে। স্মরণ মध्ये রয়ে গেল প্রায় দুটো বছর। এই কিছু কম দুটো বছর আমার মনের অবস্থা বিধাগ্রস্ত। দ্বিধার মধ্যে রাজনৈতিক জীবনাবেগটাই ছিল প্রবল। একসময় কৈশোর-যৌবনের সক্রিয় রামপুরহাট অঞ্চলে আলাপ হয়েছিল বিপ্লবী বীর নলিনী বাগচীর সঙ্গে। তিনিই আমার জীবনক্ষেত্রে এই দেশপ্রেমের বহিষ্করণ আমার মনে জাগিয়েছিলেন। পরাধীন দেশকে বৈদেশিক শাসনমুক্ত করবার সংকল্প ছিল তাঁর যজ্ঞাগ্নির মতো লেলিহান। সে বহিষ্করণ ছিল পরম পবিত্র। কয়েকবারই তাঁর সঙ্গে দেখা হয়েছিল। তারপর ১৯১৬ সালে তিনি যখন অন্ধনিরীতিতে বন্য ঘোড়ার মতো বেঁধে তার পিঠে সওয়ার হয়ে নিরুদ্দেশ—তখন হঠাৎ আমার বোনের বিবাহ উপলক্ষ করে আমার বিয়ে হয়ে গেল। ওদিকে বাংলার বিপ্লবের ক্ষেত্রে নিদারুণ দুর্যোগ নেমে এল। দিকে দিকে ব্যর্থ হয়ে গেল বিপ্লবের উদ্যম। আমাকে কিছু দিন ধরেই পদািন্সের সতর্ক দৃষ্টির সামনে কাটাতে হল। তার পর এল উনিশশো একুশ। একটা যুগান্তর ঘটল ভারতের রাজনৈতিক জীবনক্ষেত্রে। আমার জীবনক্ষেত্রেও এল। আমি দলের ঘনিষ্ঠ সম্পর্কে আসবার সুযোগ পাই নি। কাজেই আমার জীবনে দলীয়

মনোভাব বা সশস্ত্র বিপ্লবের নেশা বড় ছিল না। দেশপ্রেমের আবেগটাই বড় ছিল।) কোন সীমারে যজ্ঞ বিধেয়—যজ্ঞডম্বরে অথবা অশ্বখকাষ্ঠে—এ নিজে শাস্ত্রবিধান তখন আমার বড় হয়ে উঠতে পারে নি। যজ্ঞ-বহিই ছিল বড়, তাতে আত্মহুতিই একমাত্র বিধি ছিল আমার কাছে। ১৯২১ সালে মহাত্মাজীর অহিংস অসহযোগের আদর্শগত রোমাণ্টিসিজম আমার কল্পনাপ্রবণ মনকে আকর্ষণ করেছিল প্রবল ভাবে। যা ঘটে নাই—সকলে যা ঘটতে পারে না বলে ভাবে—তাই ঘটবে—সেই আকাশকুসুম ফোটানোর উন্মাদনাই বড় ছিল। স্বাভাবিক ভাবেই আমার জীবনে সাহিত্যের দিক থেকে ওই আবেগ আমাকে আকর্ষণ তখন বেশী করত। আরও একটা দিক আকর্ষণ করেছিল—সেটা হল মানব জীবনের মৌলিক নীতিবাদের সঙ্গে এই অহিংস আন্দোলনের একাত্মতা। মধ্যে মধ্যে দেশের রাজনৈতিক জীবনের স্তিমিত দশায় সাহিত্য করত আকর্ষণ। ১৯২৯ সালে তখন দেশের রাজনৈতিক জীবনের ধূমায়মান অবস্থা। মনে হচ্ছে জ্বলবে, আবার জ্বলবে। ভারতের এক প্রান্ত থেকে অপর প্রান্ত পর্যন্ত বহিমান হয়ে উঠবে। তবুও এই সাহিত্যিক সাফল্যের মূল্য সেদিন অনেক এবং আমার জীবনে অমূল্য। বুঝতে পারি নি—অদৃষ্ট বা ভাগ্যদেবতা যদি থাকেন—তবে সেইদিনই ওই মূল্যে আমার ভবিষ্যৎ জীবনের পাণ্ডা নির্ধারণ করেছিলেন। থাক, সে পরের কথা।

“হারানো সুরে”র পর নানা নতুন পত্রিকা থেকে নিমন্ত্রণ পেলাম। “কালিকলম”, “উপাসনা”, “ধূপছায়া”—আরও অনেকগুলি। গল্পও পর পর কয়েকটি লিখলাম। “কল্লোলে” একটি কবিতাও লিখেছিলাম। “কালিকলমে” “শ্যামানের পথে” নাম দিয়ে একটি গল্প বের হল। গল্পটি দৃষ্টিও আকর্ষণ করেছিল অনেকের। এ গল্পটিই আমার জীবনের ভবিষ্যৎ পথের বোধ হয় প্রথম মাইল-পোস্ট।) গল্পটি পরবর্তী কালে “চৈতালী ঘূর্ণি” উপন্যাস হয়ে প্রকাশিত হয়েছে। এবং আমার প্রথম প্রকাশিত পুস্তক।

একটু ভুল হল।

(প্রথম প্রকাশিত পুস্তক আমার একখানি কবিতার বই। নাম “দ্বিপদ”)।

মন্দ কবিতাশ্রদ্ধার্থী প্রকৃষ্ট উদাহরণ। কাব্য এবং কবির এমন মাঠে মারা যাওয়ার উদাহরণ বোধ করি বিরল। আমার এক শ্যালক—তিনি স্বর্গত, মহাউৎসাহী যুবক, ঝড়ের মতো প্রকৃতি—গানে, বাজনাতে, অভিনয়ে, উল্লাসে, হুজুমে, আমিরিতে সে একেবারে অস্বাভাবিক। ব্যবসা করতে নেমেই প্রচণ্ড ব্যবসা এবং প্রচণ্ড লোকসান করে বসলেন। কিন্তু তাতেও দমলেন না। আবার লাগলেন; এবার সফলও হলেন। এই ছেলেরি আমার থেকে বয়সে বছর কয়েকের ছোট ছিলেন। কিন্তু আমার স্ত্রীর জ্যেষ্ঠ সহোদর

হিসেবে এবং স্বকীয় স্বাভাবিক গুণে আমার পেট্রন হয়ে উঠলেন। এবং জোর করে আমার কবিতার খাতা নিয়ে কবিতার বই ছেপে বসলেন। লাল কালিতে ছাপা কবিতার বই। ছাপা হল কোন্ প্রেসে মনে নেই, তবে কল্লার ব্যবসায়ী মহলের লেটারহেড ছাপা হত সেখানে। এবং বইগুলি এসে উঠল শ্যালকের আপসে। কোণে বস্তাবন্দী হয়ে পড়ে রইল। অতঃপর শ্যালক কলকাতার ব্যবসায়ের পাট উঠিয়ে গেলেন রানীগঞ্জ অঞ্চলে; বইগুলি এবার স্থানান্তরিত হল সালিথায় এক লোহার কারখানায়। এদিকে শ্যালকটি একদিন মোটর সাইকেলে চড়ে রানীগঞ্জ অঞ্চলের পাথুরে ডাঙার উপর পাথরে ধাক্কা খেয়ে পড়ে বৃকে আঘাত পেলেন, তা থেকে শেষ পর্যন্ত দাঁড়াল নিউমোনিয়া এবং তাতেই তাঁর ঝঞ্ঝার মতো জীবনের অবসান হল। তাঁর সঙ্গে সঙ্গে “দ্বিপত্রে”র সর্ব সন্ধান বিলুপ্ত হল। তার পরও আছে—একদা ছাপাখানা থেকে এল বিল। বিল শোধ করে দীর্ঘনিশ্বাস ফেললাম।

এইখানে আমার প্রথম উপন্যাসের কথাও বলে রাখি।

রাজনৈতিক জীবনের ভাঁটার সময় একখানি উপন্যাস রচনা করেছিলাম—“মারাঠা তপণের” সঙ্গেই। বা কিছু আগেই। সেটি প্রকাশিত হয়েছিল শিশির বসু সম্পাদিত “একপয়সার শিশিরে”। তখন “সচিত্র শিশির” এবং “একপয়সার শিশির” বলে দুখানি কাগজ চলত। বইখানির নামও মনে নেই, তার কোন চিহ্নও নেই। শিশির বসুর কাছেও নেই। কারণ তখনও নতুন যুগের রচনা পড়ে পথ পাই নি, শরৎচন্দ্রকে অক্ষমভাবে অনুকরণ করেছিলাম।

১৩৩৫ সালের বৈশাখ মাসে আমার মেজভাইয়ের বিয়ের বাজার করতে কলকাতায় এসে একদিন পটুয়াটোলার বহুখ্যাত “কল্লোল” আপসে গেলাম। সঙ্গে আমার ছোটভাইও ছিল। বৈশাখের বেলা তখন প্রায় চারটে। বাইরে উত্তাপ অনেক। ছোট ঘরখানায় ঢুকবার সময় একটুখানি স্নায়ুচাঞ্চল্য অনুভব করলাম। কি বলব? কি বলব? কাকে দেখব? ঢুকে আশ্বাস পেলাম, দেখলাম শৈলজানন্দকে।

শৈলজানন্দের সঙ্গে “পূর্ণিমা”র কল্যাণে তখন পরিচয় হয়েছে। “পূর্ণিমা”র লেখার জন্য সত্যাদিত্যের অর্থাৎ সত্যনারায়ণের সঙ্গে কয়েকজন সাহিত্যিকের দরবারে উঁকি মেরেছিলাম। বোলপুরে শ্রীযুক্ত জগদীশ গুপ্তের ওখানে গিয়েছিলাম। গুপ্ত কোন কারণে “পূর্ণিমা”র উপর বিরূপ ছিলেন; তাঁর সঙ্গে আদৌ জমে নি; সে প্রায় ধাক্কা খেয়ে চলে এসেছিলাম। তারপর

অবশ্য যখন বোলপড়রে ছাপাখানা করেছিলাম তখন তাঁর সঙ্গে আলাপ হয়েছিল, কিন্তু এ কথা আমিও তুলি নি, তিনিও তোলেন নি। আর গিয়েছিলাম কালিদাস দাদার কাছে। কালীঘাটের ট্রাম ডিপোর কাছে বাসা, সন্ধ্যাবেলা দাদার ওখানে গিয়ে এক নজরেই হৃদয়বান মানুসটিকে চিনতে পেরেছিলাম। দাদার তখনও ভাই হতে পারি নি, ভাই না হলে দাদার রসের উৎসমুখ খোলে না। কিন্তু দাদার মনের দরজাটি স্ফটিকের—ভেতরটা দেখা যায়। সৈদিন আনলে কোঁতুকে মন পরিপূর্ণ হয়ে গিয়েছিল। একটা বাড়ির ভেতরের অংশে থাকতেন, গলিপথে গিয়ে উঠলাম। দাদা দরজা খুলে দাঁটি তরুণকে দেখে প্রথমটায় বোধ হয় পরীক্ষার নম্বর জানতে এসেছে ভেবে ভুরু কঁচকে বললেন—কি চাই ?

পরিচয় দিলেন সত্যনারায়ণ, বললেন—আমরা আসছি নাট্যকার নির্মলশিবাবাবুর ওখান থেকে। আমাদের “পুঁগমা” কাগজ বোধহয় আপনি দেখেছেন। পাঠানো হয় আপনাকে।

—ও হ্যাঁ। আসুন। দাদা দরজা ছেড়ে নিজে ভিতরে ঢুকলেন। বসুন।—বলে নিজে কিন্তু ঘুরে পিছন ফিরে দাঁড়িয়েই রইলেন। মনে হল একটু যেন চঞ্চল হয়ে গেছেন। একটু কেন, বেশ। যতক্ষণ কথা বললাম, প্রয়োজনের একটু বেশীক্ষণই বলেছিলাম, কেন না, এমন একজন মোলোয়েম প্রকৃতির লাজুক কবিকে পাওয়া তো সহজ নয়। কালিদাস রায়ের মতো খ্যাতনামা কবি, মেজাজ নাই, যা বলাই—উত্তর দিচ্ছেন। তবে পিছন ফিরে। মধ্যে মধ্যে সামনে ফিরছেন—কি—আমরাই ঘুরে সামনে গিয়ে দাঁড়াছি, তিনি কয়েক মিনিট মুখোমুখি কথা বলে আবার পিছন ফিরছেন। ভারী ভালো লেগেছিল।

তবে আজ মনে কখনও কখনও সন্দেহ হয়। দাদার স্বীকারোক্তির মধ্যে পাই মধ্যে মধ্যে তিনি কোঁতুকে মনে মনে অট্টহাস্য করে থাকেন। কথা বলবার সময় মধ্যে মধ্যে দেখি হাসি বেরুতে বেরুতে চাপা পড়ে; বৃদ্ধি, দাদা অন্তরে অন্তরে হাসছেন। ভেতরটা হাসিতে কাপছে বৃদ্ধিতে পারি। রোহিত মৎস্য যতই গভীর জলে চলুক—জলের উপরে একটি দাগ পড়ে; বাদ্যের দৃষ্টি প্রখর তাদের চোখ এড়ায় না। তাই আজ ভাবি—সৈদিন রসিকপ্রবর রসশেখর সাহিত্য-বিলাসের নমুনা দেখে অট্টহাস্য চাপতেই এমন ভাবে ফিরে ফিরে দাঁড়ান নি তো ? তবে লেখা দিতে তিনি বিমুখ হন নি।

শৈলজানন্দ আলাপী মানুস। তাঁর মাতামহের মৃত্যুকালে তখন তিনি তাঁর

কলকাতার বাড়িতেই। সেইখানে হৈ হৈ করে আলাপ। প্রথমটাতে সত্য-নারায়ণের সঙ্গে। বীরভূমের লোক, রানীগঞ্জে অনেক কাল কাটিয়েছেন, কয়লার ব্যবসায়েও কিছুদিন শিক্ষানবীস ছিলেন, প্রসিদ্ধ কয়লা ব্যবসায়ী লাভপুত্রের বন্দোপাধ্যায় বংশকে ভালো করেই জানতেন। তার উপর নাট্যকার নির্মলশিব নতুন খ্যাতি বংশ সম্পদ যোগ করেছেন সোনার গহনায় জহরতের মতো। প্রাণ খুলে হাসতে পারেন শৈলজানন্দ। আরও একটি মহৎ গুণ সেদিন লক্ষ্য করেছিলাম, নতুনকে ভালোকে তিনি আনন্দের সঙ্গে গ্রহণ করতে পারেন, স্বীকার করেন অতি সহজে। “পূর্ণিমা”য় প্রকাশিত “ম্রোতের কুটো” গল্পের উল্লেখ করে বার বার বললেন—ভালো হয়েছে। বেশ গল্প। চমৎকার।

মনে মনে তাঁকে নমস্কার জানিয়েছিলাম। তখন তাঁর লেখা এবং প্রেমেশ্বরের লেখা পড়ে “রসকলি” লিখেছি, লেখাটি তখনও বিখ্যাত কাগজে সম্পাদকের বিবেচনাধীন রয়েছে। কিন্তু সে কথা সেদিন বলা হয় নি। অবকাশও পাই নি, এ কথা বলতেও সঙ্কোচ হয়েছিল যে, আপনাদের মতোই একটি গল্প আমি লিখেছি।

শৈলজানন্দকে সেইদিন চিনে রেখেছিলাম।

“কল্লোল” আপিসে সেদিন শৈলজানন্দকে দেখে তাই আশ্বস্ত হলাম।

ছোট ঘর, একদিকের এক কোণ ঘেষে টেবিলের সামনে বসে আছেন স্বাস্থ্যবান এক ভদ্রলোক। তাঁর টেবিলের সামনেই তন্তুপোশে গেঞ্জি গায়ে বসে আছেন শৈলজানন্দ। ওদিকে এক কোণ ঘেষে চেয়ার-টেবিলে বসে এক ভদ্রলোক—চোখে চশমা; তিনি তখন কাগজ-পত্র গুটিয়ে কাঁচা তামাকের পাতা মদুখে পুড়ছেন।

শৈলজানন্দ কিছু নিয়ে এপাশের ভদ্রলোকের সঙ্গে দর-কষাকষির মতো আলাপ চালাচ্ছিলেন। সাহিত্যিকের দর-কষাকষি—তাই হাসি রসিকতার অভাব হয় নি। যখন ঢুকলাম তখন শৈলজানন্দ স্বভাবসিদ্ধ-হা-হা হাসি হেসে বলেছিলেন—আর চালাকি কোরো না, ধরা পড়ে গেছ। দাও, দিলে ফেল। তারপরই একটু বিনয়সহকারে কণ্ঠস্বরে গুরুত্ব আরোপ করে বললেন—সত্যি বলছি, বিশেষ দরকার আমার।

এই সময়েই আমি ঢুকলাম।

শৈলজা দেখেই সানন্দে বলে উঠলেন—আরে, তারাক্ষরবাবু—আসুন, আসুন। দীনেশ! তারাক্ষরবাবু। ইনি দীনেশবাবু, উনি পবিত্র।

পবিত্র তখন উঠে দাঁড়িয়েছেন। বললেন, আমি উঠছি, আপনি এলেন। তা বেশ, হবে এর পর আলাপ। কেমন?

চলে গেলেন। দীনেশবাবু বললেন, বসুন, বসুন।

বসলাম। তারপর সব চুপ। আমিও চুপ। তাঁরাও চুপ। ভাবছি কেমন করে জমানো যায়। কী বলি! কড়িকাঠের দিকে চাইলাম, মেঝের দিকে চাইলাম, হঠাৎ একটা কথা খুঁজে পেলাম, ভাবলাম বলি, আমার ভাইয়ের বিষয়ে, চলুন না আমাদের দেশে। কথাটা আমাদের গ্রাম্যসমাজ অনুযায়ী চমৎকার। এই সুত্র ধরে অনেক কথা বলা যেতে পারবে। অস্তিত্ব আমি বলবার সুযোগ পাব আমাদের গ্রামের অনেক কথা। মৃধ তুললাম বলবার জন্য, তুলেই একটু অপ্রস্তুত হলাম, দেখলাম—দীনেশবাবু মৃধ টিপে ও চতুর হাসি হেসে শৈলজ্ঞানেন্দ্রের দিকে চেয়ে না-এর ইঞ্জিতে ঘাড় নাড়ছেন। মৃধ আপনিন্ই চকিতে ফিরল শৈলজ্ঞানেন্দ্রের দিকে। দেখলাম—শৈলজ্ঞান দীনেশবাবুর দিকে তাকিয়ে আছেন—দু হাতের দশটি আঙুল মেলে দেখাচ্ছেন। যে মৃধতে আমার চোখ পড়ল, সেই মৃধতে তিনি একটা হাত নামিয়ে পাঁচ আঙুল দেখালেন। তারপরই হাত জোড় করলেন।

দীনেশবাবুকে চতুর লোক মনে হল। চতুর বলে খুঁত বলছি না আমি। আমি বলছি, নাগরিক যে হিসাবে গ্রামীণের কাছে চতুর সেই হিসাবে চতুর তিনি। মৃধতে তিনি আমার দিকে মনোযোগী হয়ে উঠলেন, বললেন, তারপর তারাক্ষরবাবু, আপনাদের ওখানে খুব বড় বড় মাছ আছে পুকুরে না? ছিপে ধরা যায়?

এর উত্তর আমি দেবার আগেই ঘরে প্রবেশ করলেন একজন বিচিহ্ন তরুণ। লম্বা চুল, চমৎকার মৃধশ্রী, বগলে কোন বইয়ের ফাইল, এক হাতে দইয়ের ভাড়, অন্য হাতে একটা ঠোঙা এবং পাকা কলা। রবীন্দ্রনাথের কবিতা আওড়াতে আওড়াতে প্রবেশ করলেন। এবং প্রবেশ করেই আবৃত্তি বন্ধ করে বললেন, ভাই দীনেশ—

ভাই দীনেশ, কি ভাই দীনেশবাবু—ঠিক মনে নেই।

দীনেশবাবু মৃধতে আমার দিকে হাত বাড়িয়ে বললেন—নূপেন, ইনি তারাক্ষরবাবু

ঘাড় বেঁকিয়ে আমায় দেখে নূপেন বললেন, “রসকলি”।

দীনেশবাবু আমায় বললেন—আর উনি হলেন “শতাব্দীর সূর্য”—নূপেন চট্টোপাধ্যায়।

নূপেন এবার দইয়ের ভাড়, ঠোঙার চিড়ে, কলার ছড়া, “শতাব্দীর সূর্য”র ফাইল নামিয়ে বললেন, ওঁর সঙ্গে আলাপের আগে একটা সঙ্কল্প দৃশ্যের কথা বলব।

—বল।

—আজ দেখলাম, বউ বিয়ের বেনারসী শাড়ি পরে ভাত রখিছে। দেখে আর অন্ন আমার মুখে রোচে নি। সারা দিন পর এই দই-চিঁড়ে খাব। নূপেন চলে গেলেন বাড়ির ভিতরের দিকে চিঁড়েতে জল দিতে। দীনেশবাবু একবার শৈলজার মূখের দিকে তাকালেন অর্থপূর্ণ দৃষ্টিতে, শৈলজা ভুরু দুটো উচু করে কপাল কুঁচকে তাকিয়ে রইলেন নূপেন্দ্র যে দরজার ভিতরে অন্তর্ভূত হলেন সেই দরজার দিকে।

আমি প্রায় হতভম্ব হয়ে গিয়েছিলাম। অস্বস্তি বোধ করছিলাম। আমাকে আড়াল দিয়ে ওই ইঞ্জিত-আলাপনটা আলপিনের খোঁচার মতোই বিখিঁছিল। এবং নূপেন্দ্রের ওই বেনারসী শাড়ি পরে ভাত রান্নার কথাটির ব্যঙ্গনায় নিজেকে এমনই গ্রামীণ মনে হল যে চলে আসবার জন্য অঁজিতে লাগলাম।

এরপর নূপেন্দ্র প্রবেশ করে বললেন—একজোড়া শাড়ি আজ আমার না কিনলেই নয়।

এরই মধ্যে আমি বিদায় নিয়ে বেরিয়ে এলাম। আর “কল্লোল” আপিয়ে যাওয়া আমার ভাগ্যে ঘটে ওঠে নি।

ছয়

এই বারেই চাকদুশ পরিচয় হল মুরলীধর বসু—মুরলীদাদার সঙ্গে। মুরলীবাবুকে দাদা বলে ধন্য হয় মানদুশ। এমন মানদুশ—সাহিত্য এবং সাহিত্যিককে এমন প্রাণের সঙ্গে ভালোবাসা সচরাচর দেখা যায় না—পাওয়া যায় না। মুরলীদাদার প্রাণের পরিচয় সোজাপথে বেরিয়ে আসে, একেবারে খাঁটী মধুর মতো তার স্বাদ, আধুনিক যুগের আলাপের টোস্টের সঙ্গে মাখিয়ে দেবতাকেও ভোগ দেওয়া চলে। সাহিত্য-জগতে বুদ্ধির কড়াপাকে প্রাণের পরিচয় প্রায় লজ্জাস্ হয়ে দাঁড়িয়েছে, চিনিই মূল উপাদান—তবে কিছুটা অস্বাদময়—কথা, বাকভাষি এবং ব্যঙ্গনার কড়া ভিয়েনে এমন জমাট হয়ে উঠেছে যে সোজাসুজি মুখে ফেলে গলাধঃকরণ করা চলে না, দস্তুরমতো শক্ত দাঁতে কড়মড় করে ভাঙতে হয়, নয় তো চুষে চুষে শেষ করতে হয়। আবেগকে বর্জন করে কড়া বুদ্ধিবাদ এ যুগের ফ্যাশন, আমার ধাতে ওটা সয় না; আমি মোটেই ফ্যাশনেবল নই, সে আমি জানি। তাই মুরলীদাদাকে আমার এত ভালো লেগেছিল। একদম্ভের আলাপে মনে

হল কতকালের জানাশোনা। পরদিন নিমন্ত্রণ করলেন বাড়িতে। প্রত্যাখ্যান করতে পারলাম না। গেলাম। খাওয়া-দাওয়ার ব্যাপারেও আমি তৃতীয় বা চতুর্থ শ্রেণীর মানুস। খেতেও পারি না, হজম-শক্তিও দুর্বল। তা হলেও ভোজের চেয়ে প্রীতি পেলাম ভূরি পরিমাণে। সুখের কথা দুখের কথা, ঘরের কথা হলই। তারপর বললেন শৈলজার কথা। শৈলজানন্দের প্রতি ভালোবাসার পরিমাণ দেখে বিস্মিত হলাম। সে যে কী ভালোবাসা তা বলবার নয়। তারপর প্রেমেশ্বর-অচিন্ত্যর কথা বললেন। এদের সম্ভাবনার কথা আলোচনা করলেন। প্রেমেশ্বর-অচিন্ত্য সম্পর্কে আমার কৌতূহল ছিল অনেক। কালীঘাটে মনোহর পুকুর রোডে এক আত্মীয়-বাড়িতে একটি ছেলের কাছে এদের কথা শুনছিলাম। শৈলজানন্দের কাছেও শুনছিলাম। শৈলজানন্দ বলেছিলেন—প্রেমেনকে ধরা মুশকিল। আমি বরং তাকে বলব “পূর্ণিমা”র লিখবার জন্য। তার সঙ্গে আমার খুব সম্প্রীতি আছে। অচিন্ত্যকে আপনারা ধরবেন। এম. সি. সরকারের দোকানে পাবেন। বসে থাকে। তবে সে কি কান দেবে?

আত্মীয় ছেলেটি বলেছিল—অচিন্ত্যবাবু আমাকে প্রাইভেট পড়াতেন কিছদিন। এখন আর পড়ান না। না হলে এখানেই দেখতে পেতেন। তবে ভবানীপুত্রের পথে মোটা লেন্সের শেলের চশমা চোখে—সামনে ঝুঁকে শিকলিতে বাঁধা চাবির রিং ঘোরাতে ঘোরাতে যদি কোন কালো, লম্বা তরুণকে যেতে দেখেন তবে বন্ধুবেন সেই হল অচিন্ত্যবাবু। আর তার পাশে চৌদ্দ-পনেরো বছরের ছেলের মতো মাথায়, চুল কোঁকড়া, চশমা চোখে কাউকে দেখেন, তবে জানবেন সে হল প্রেমেন মিস্ত্রি। বলেছিল—এক-একটি বিদ্যের জাহাজ।

ছেলেটিই অবশ্য কথার দিক দিয়ে ভুবাড়ি।

থাক। মুরলীদাদা এদের কথা অনেকই বললেন, প্রথম বৎসর থেকে বাঁধানো “কালিকলম” আমার উপহার দিলেন। পরিশেষে বললেন, আসছে বৃহস্পতিবারে বারবেলার আসরে আসুন। সকলকে দেখতে পাবেন।

অচিন্ত্যবাবু এবং প্রেমেশ্বর মিলে এই বারবেলার বৈঠকে দেখলাম।

বৃহস্পতিবারের অপরাহ্নে এই বৈঠক বসত—এই কারণেই এর নাম ছিল বারবেলার আসর। আসর বসত কলেজ স্ট্রীট মার্কেটের উপরতলার প্রশস্ত বারান্দায়, বরদা এজেন্সির বইয়ের দোকানের সামনে; বরদা এজেন্সির ঘরেই ছিল “কালিকলম”ের আপিস। পাশেই ছিল আর্থ পাবলিশিং হাউস। বরদা এজেন্সির মালিক ছিলেন শিশিরবাবু। আর্থ পাবলিশিং হাউস চালাতেন শশীশ চৌধুরী। “কালিকলম”ের সম্পাদক কর্ণধার তখন একা মুরলীধর বসু। এঁরা তিন জনেই বারবেলার অর্থাৎ-সমাগমে গৃহস্থ। শিশিরবাবু চুপচাপ

থাকতেন—একটু অভিজাত শ্রেণীর গম্ভীর লোক বলে মনে হয়েছিল, শশাঙ্ক চৌধুরী আমারই মতো শীর্ণকায়—তখনই মাথার চুলে টাক উঁকি মারতে শুরু করেছিল ; শশাঙ্কবাবু সদানন্দ পুরুষ, মুখে আগে হাসি পরে কথা, দেখলেই বুঝতে পারা যায় যে, মানুষটির ভিতরের জনটি কাচের ঘরে বাস করেন। ভারী ভালো মানুষ। হৃদয় নামক যে বস্তুটি কয়লার খনিতে হীরকখণ্ডের মতো, কোথায় লুকিয়ে থাকে—খুঁজে বের করতে হয়, যে বস্তুটি বিগলিত হয়ে বড় হয়ে গেলে ডাক্তারেরা চিন্তিত হন, সেই বস্তুটি শশাঙ্কবাবুর যেন দেহের কয়লা খনি থেকে বেরিয়ে এসে ঝলমল করছে এবং উল্লাসে-উচ্ছ্বাসে বিগলিত হচ্ছে তবু শশাঙ্কবাবুর জীবন সম্পর্কে কোন চিন্তার হেতু নাই। “কালিকলম” “কল্লোলে”র যুগের এই দুটি মানুষ শ্রীযুক্ত মুরলীধর বসু এবং শ্রীযুক্ত শশাঙ্ক চৌধুরী সদৃশ মানুষ। আর একজন—কবি শ্রীযুক্ত সুবোধ রায়। সুবোধবাবু এখন হৃদরোগে প্রায় অক্ষম জীবন যাপন করছেন। মধ্যে মধ্যে তাঁর পত্র যখন পাই তখন মনে হয় অমৃতের স্পর্শ পেলাম। সুবোধবাবুর জীবন-দর্শনের সঙ্গে আমার জীবন-দর্শনের কোথায় একটি সমধর্মের সূত্র আছে।

বারবেলার কথা বলি।

এই আসরটির নাম এবং ব্যবস্থায় যে তত্ত্বটি পরিস্ফুট তখনকার সাহিত্যের তত্ত্বের সঙ্গে তার ঘনিষ্ঠ সম্পর্ক রয়েছে। প্রচলিত বারবেলা সংস্কারকে না মানা এবং তার ভয়কে উপেক্ষা বা চ্যালেঞ্জ করা। আমার অবশ্য এই নামটা ভালো লাগে নি। বাড়াবাড়ি মনে হয়েছিল। বারবেলা তখন কেই বা মানত ? ও সংস্কার তখন প্রায় উঠেই গেছে। আমাদের দেশে একবার একটা বাঘ এসেছিল ; বেচারী কোন কঠিন রোগে আক্রান্ত হয়ে গঙ্গাতীরের জঙ্গল ছেড়ে কোপাই নদীর ধার ধরে বায়ু পরিবর্তনের জন্যই হোক বা খাদ্যসংগ্রহের সুবিধার জন্যই হোক এসে পড়েছিল এই এলাকায়। এসে আর নড়তে চড়তে পারে নি ; একটা ঝোপের মধ্যে শুয়ে দীর্ঘনিশ্বাস ফেলত আর লেজটা নাড়ত। সেই দীর্ঘনিশ্বাস শুনে রাখালেরা এগিয়ে গিয়ে দেখতে পেলে লাঙ্গুল আন্দোলন। তারপর চারিদিকে রাষ্ট্র হয়ে গেল বাঘ। দেশের বাবুরা বন্দুক নিয়ে গেলেন। গুলি ছুঁড়লেন। এমন সময় একজন সাহসী ব্যক্তি মৃদুস্বরে বাঘটার উপর লাফিয়ে পড়ে দা দিয়ে কোপালেন তাকে। সে সময় বারবেলা না মানার বা মানার ভানে দুঃসাহসিকতা পথে যাত্রা ঘোষণার ইঙ্গিতটা বাড়াবাড়ি মনে হয়েছিল।

বারবেলা আমিও মানতাম না।

বোধ করি বারবেলা আসরে যোগ দেবার খুব অল্পদিন আগেই আমি

এক বৃহস্পতিবারের বারবেলায় রওনা হয়ে পথে ঠ্যাঙাড়ের হাতে পড়েছিলাম। অম্পের জন্যই বেঁচেছিলাম। বাইসিক্ল ছিল—সেই ষাণ্ডিক বাহনটির গতিই আমাকে রক্ষা করেছিল; বাইসিক্লের পিছনের টায়ারে দুটি বংশধণ্ডও এসে লেগেছিল। লোকে বলেছিল—ঠ্যাঙাড়দের দোষ তত নয়—যত দোষ আমার ওই বারবেলায় রওনা হওয়ার ধ্বংসাতার—ওজ্জ্বলতার। তবুও মানতাম না বারবেলা। এই কারণেই ভালো লাগে নি। যেমন আমার ভালো লাগে নি শনিবারের চিঠির প্রচ্ছদপটে শনিগ্রহের ছবি। মোরগ লড়াইয়ের ছবিটি ভালো।

বারবেলায় আসরে সেদিন অনেককে দেখলাম। তার মধ্যে শশাঙ্কবাবু, মুরলীদা, শিশিরবাবু ছাড়া পেলাম সরোজ রায়চৌধুরীকে, সুবোধ রায়কে আর কিরণকে—কিরণকুমার রায়কে। আরও অনেকে ছিলেন। সর্বসুদ্ধ পনেরো-ষোলো জন। বোঝা হয় ফণীন্দ্র পাল—যিনি এখন সিনেমা-জগতের সঙ্গে সংশ্লিষ্ট—তিনিও ছিলেন। সরোজ-সুবোধ-কিরণ পরবর্তী জীবনে ঘনিষ্ঠ অন্তরঙ্গ হয়েছেন। এঁদের মধ্যে আবার কিরণ আমার ঘনিষ্ঠতম আপনার জন হয়েছেন। আমার সাহিত্যিক জীবনে—যাঁদের কাছে শিখেছি—যাঁরা আমার সাধনার পথে উত্তরসাধকের মতো সহায়তা করেছেন, স্বীয় সংশয় মোচন করেছেন, হতাশায় আশা যুগিয়েছেন কিরণকুমার তাঁদেরই একজন। দুজনের একজন। অনাজন সঙ্গনীকান্ত দাস। তাঁর সঙ্গে আলাপ অনেকদিন পর।

অল্প সময়ের মধ্যেই আসর জমে উঠল। প্রত্যাশা করেছিলাম—রচনা পাঠ হবে, আলোচনা হবে, শুনব। কিন্তু সে সব কিছু হল না। নিতান্তই আসর, এবং সে আসরে নবযুগের বক্তৃতাভাষণগোষ্ঠে পরস্পরকে সকৌতুক আক্রমণ এবং আক্রমণ ধ্বংস উপভোগ্য।

প্রথম আলাপেই কিরণ আমাকে এমন আক্রমণ করলেন। আমার একটি গল্প বের হয়েছিল—তার মধ্যে অন্ধকার গলিপথে একজন চলেছেন তাঁর হারানো প্রিয়তমার সন্ধানে; রাত্রির-পর-রাত্রি তিনি এইভাবে খোঁজেন—মধ্যে মধ্যে অন্ধকারে কোনো শব্দ শুনলে বা কোনো মানুষের অস্তিত্বের আভাস পেলে দেশলাই জেদলে দেখেন। কাঠিটা নিভে যায়—আবার জ্বালেন। এই সূত্র ধরে কিরণ প্রথমেই বললেন—আপনি তো দেশলাই কোম্পানির এজেন্ট।

অবাক হয়ে গেলাম। বললাম—না তো। কে বললে?

—তবে? ওই গল্পটায় এত দেশলাই ধরচ করেছেন কেন? একটা চর্চা হাতে দিলেই তো হত।

আসরে বেশ খানিকটা হাস্যরোল উঠল।

কিছুক্ষণ পর আসরে আবির্ভূত হলেন প্রেমেন্দ্র এবং অচিন্ত্য। ওই দাঁড়িয়ে দাঁড়িয়ে মিনিট কয়েক বাক্যবাণ প্রয়োগে আসর-নাট্যটির সংলাপকে সমৃদ্ধ এবং উজ্জ্বল করে দিয়ে চলে গেলেন। মুরলীদা আমার সঙ্গে আলাপ করিয়ে দেবার চেষ্টা করলেন।

শুধু নমস্কার বিনিময় হল। আর ছোট একাক্ষর একটি বাক্য—ও!

চলে গেলেন দুজনে। পাড়াগোঁয়ে মানুষ—জাত-বাঙালী—প্রথম আলাপেই নাম ধাম ঠাকুরের নাম (বাবার নাম)—গাই-গোত্র—কোন বেদ—কোন শাক এ সবার খোঁজ নিই; কি করেন—কত টাকা মাইনে জিজ্ঞাসা তখন সভ্যতা-বিরুদ্ধ বলে জিজ্ঞাসা করি না বটে তবে মনের মধ্যে ঔৎসুক্য অনুভব করি। এ আসরে একটু দমে গেলাম বই কি! রাঢ় দেশের পুরুরের মাছ কলকাতার জোয়ার-ভাটা-খেলা গাঙে এসে পড়লে যা হয় সেই অবস্থা।

এই সময় হঠাৎ একজন এলেন, একজন নয়—তাঁর সঙ্গে আরও দুজন ছিলেন—কিন্তু একটা নামই সমস্বরে উচ্চারিত হল বলেই একজন বলাই।

সমস্বরে উচ্চারিত হল—সুধাদা!

সুধাদার পুরো নাম জানি না—জানবার দরকারও নাই; লোকটি আজও কলকাতা শহরে রঙ্গমঞ্চে, রঙ্গারসিক মহলে, সাহিত্যিক মহলে সর্বজনবিদিত ব্যক্তি। রসিক ব্যক্তিটি দূর্ভাগ্যক্রমে জন্ম নিয়েছিলেন ধনী কয়লা ব্যবসায়ীর ঘরে। তাই নাট্যপ্রিয়তার জন্য রসিক মানুষটি ব্যবসায় ব্যর্থ হয়ে সর্বস্বান্ত হয়ে দুঃখ পেয়েছেন জীবনে। আবার নাট্যমন্দিরেও পুরো নামতে পারেন নি।

সংসারটাই রঙ্গমঞ্চ—আমরা সবাই অভিনেতা—এটা অবশ্য একটা দর্শনতত্ত্ব বটে। কিন্তু অভিনয়ের মেক-আপ আর বাকভাঙ্গি এ দুটো যেখানে বড় হয়ে ওঠে সেখানেই অভিনয়টা মেকী হয়ে যায়—অভিনয় বলে ধরা পড়ে। কিন্তু ও দুটোর সঙ্গে যখন প্রাণ সাড়া দেয়, যোগ দেয় সমানে তখন অভিনয়কে আর অভিনয় বলে ধরা যায় না। সেইখানেই মহানাটক হয় সার্থক। এমনকি প্রাণ যখন মেক-আপ ভাবভাঙ্গিকে ছাপিয়ে যায় তখনই দর্শকেরা কাদে—হাসে। সুধাদা তেমনি প্রাণবান অভিনেতা। তাঁর প্রাণের সাড়ায় ওই বৈঠকী অভিনয় প্রাণ পেলে। সকলে মেক-আপ খসিয়ে সোজা কথায় কথা বলতে শুরু করলেন। তিনি সেদিন সঙ্গে এনেছিলেন নাট্যকার মন্মথ রায়কে। তাঁর কতকগুলি একাঙ্কিকা তখন প্রকাশিত হয়েছে। নাটকও বোধ হয় অভিনীত হচ্ছে আর্ট থিয়েটারে কি কোথাও।

মন্মথ রায় লাজুক মানুষ—আমারই মতো চূপ করে রইলেন।

সুধাদা আলোচনা শুরু করে দিলেন। আসন্ন-পালটে গেল। সে দিন যা পেলাম, তা ওই সুধাদার কল্যাণেই এবং তাঁর কাছ থেকেই বেশী।

আসন্ন ভাঙল। বাসায় ফিরলাম। বাবার বেলা অচিন্ত্য সেনগুপ্তের বাড়ির ঠিকানা যোগাড় করতে ভুললাম না। তিরিশ-গিরীশ। ভবানীপুরে গিরীশ মদ্যার্জী লেনের কাছাকাছি প্রিয়নাথ মল্লিক রোডে আত্মীয়ের বাসাতে উঠেছিলাম।

পরদিন গেলাম তাঁর বাসায়। ঢুকেই বোধ হয় বাঁদিকের ঘরে অচিন্ত্যাবাবুর লেখাপড়ার ঘর। অনেক বই। তার মধ্যে বসে আছেন। ডেকে বসালেন। কিছু কিছু আলাপ হল। উৎসাহ দিলেন। আমি অনেক চেষ্টা করলাম স্বচ্ছন্দ হতে। কিন্তু স্বভাবদোষে পারলাম না। পরিশেষে—তাঁর কাছে পড়বার জন্য তাঁর “বেদে” বইখানি চাইলাম। পড়ে কাল ফেরত দিয়ে যাব।

অচিন্ত্যাবাবু একখানি নতুন বই বের করে আমার হাতে দিয়ে বললেন—নিশ্চয় যান। ফেরত দিতে হবে না।

আমি একটু লজ্জিত হয়েছিলাম। সত্যসত্যি বইখানি আমি পড়বার জন্যই চেয়েছিলাম। আমার নিজের দাবি কতখানি সে সম্পর্কে আমি সম্পূর্ণ সচেতন ছিলাম। সাহিত্যক্ষেত্রে সদ্য আগত আমি, অচিন্ত্যকুমার নিজের শক্তিতে প্রতিষ্ঠা লাভ করেছেন। তাঁর বই উপহার পেতে যে যোগ্যতার প্রয়োজন ছিল সে তো আমার ছিল না। যে অন্তরঙ্গতার দাবিতে সাহিত্যিক না হয়েও সাহিত্যিক বন্ধুর কাছ থেকে বই উপহার পায় তাই বা কোথায় তখন? এবং আমাদের লাভপ্দের সাহিত্যিক জীবনে এবিষয়ে আমার যে শিক্ষা বা অভিজ্ঞতা সে-ও এর বিপরীত। আমাদের ওখানে তখন আমার অগ্রজতুল্য তিন জন সাহিত্যিক রয়েছেন, তাঁদের নাটক গল্পের বই তাঁরা নিজেরাই প্রকাশ করেছেন। স্বর্গীয় নির্মলশিব, শ্রীযুক্ত নিত্যগোপাল মদ্যোপাধ্যায়, শ্রীযুক্ত কালীকঙ্কর মদ্যোপাধ্যায়; এঁরা আমাকে কোন বই দেন নি। সে নিশ্চয় মনে বেদনা বা ক্লোভ হয়ত প্রথম প্রথম হয়েছিল কিন্তু পরে ওইটেই হয়ে গিয়েছিল সহজ অবস্থা। অচিন্ত্যকুমারের কাছে “বেদে” বইখানি পেয়ে তাই আনন্দের পরিবর্তে লজ্জাই বেশী অনুভব করলাম। কি বলব কয়েক মিনিট বসে ভাবলাম। বলব, না না, আমি ফেরত দিয়ে যাব। কিন্তু অচিন্ত্যাবাবু তার পদবেই আবার বললেন, আপনাকে দিলাম।

উঠলাম, উঠেও দু মিনিট দাঁড়িয়ে রইলাম। ইচ্ছে ছিল অচিন্ত্যাবাবু বইখানায় প্রথমত লিখে দেন। কিন্তু বলতে পারলাম না। প্রীতি যদি নাই পেয়ে থাকি, তবে প্রীতিভাজনের বা সুস্বপ্নের লিখে মিথ্যাচরণ করবেন কেন? কিন্তু অকপট ভাবেই বলব কিছুক্ষণের মধ্যেই সকল গ্রামি আমার

কেটে গেল। অক্ষয় হয়ে রইল আমার মনে এই কথাটি যে, সাহিত্যিক হিসাবেই গণনা করে অচিন্ত্যাবাবুই তাঁর বই উপহার দিয়ে আমাকে প্রথম সম্মানিত করলেন।

আমার সম্পর্কে কিছু লিখতে গিয়ে [‘কথাসাহিত্য’—প্রাবণ, ১৩৫৭] অচিন্ত্যাকুমার এই কথাটিই লিখেছেন। এবং এই লিখে না দেওয়ার কথাটি স্মরণ করেই লিখেছেন, ‘আমার প্রথম বই “বেদে” সদা সদা বেরিয়েছে, কি দিয়ে অভ্যর্থনা করব অতিথিকে, একথানা বেদে তাকে উপহার দিলাম।’

“সেইটের মধ্যে যেন নিরবচ্ছিন্ন প্রীতি ছিল না, ছিল বা প্রচ্ছন্ন স্পর্ধা। ভাবখানা এমন, একটা প্রকাণ্ড কর্ম করেছে, তুমি দেখ, তুমি সাক্ষী হও। তাই সে কথাটি পরবর্তীকালে আমার আর মনেই ছিল না। যে ভাবটি প্রীতির রসে সঞ্চিত থাকে না, তা স্বপ্নজীবী।”

আমিই তাঁকে একদিন এই কথাটি পট্টালাপের মধ্যে স্মরণ করিয়ে দিয়েছিলাম। তাতে অচিন্ত্যাবাবু একটু আশ্চর্যান্বিত অননুভব করেছিলেন। কিন্তু অননুভব করা তো উচিত ছিল না। প্রথম যৌবনে একদিনের আলাপে বই দিয়ে যদি না লিখেই দিয়ে থাকেন, যদি প্রীতি দিতে নাই পেরে থাকেন, তবু তো স্বীকৃতি দিয়েছিলেন। স্পর্ধা খানিকটা থাকেই। যেখানে নেই সেখানে সে স্তিমিত। আজ অচিন্ত্যাবাবু প্রৌঢ়স্বে উপনীত হয়েছেন—স্পর্ধা শক্তি সব পরিণত হয়েছে মহৎ মাধুর্যে। তাই তিনি বিষমতা অননুভব করেছেন। আমার জীবনে কিন্তু এইটুকুই প্রথম স্বীকৃতির সম্পদ। এমনভাবে কেউ আমাকে সম্মানিত করেন নি। বই পরবর্তীকালে অনেকের কাছেই পেরেছি কিন্তু এমন প্রথম আলাপেই কেউ দেয় নি। তাই পরম প্রীতিভরে যদি নাও হয়, পরম শ্রদ্ধাভরে এ কথাটি স্মরণ করি। সময়ে সময়ে মনে হয় হয়তো বা আমার চিঠিতেই অভিযোগ ছিল। তা যদি থেকে থাকে তবে সে আমারই অপরাধ। অহংকে গড়ে তোলে মানদুষ; মানদুষ তা থেকে আত্মাকে পাবার জন্য। অহং হল প্রতিমা, তার মধ্যেই দেবতার মতো আত্মা যখন আবির্ভূত হন তখন প্রতিমা মাটিস্থ থেকে মুক্তি পায়। তার রং এবং রংতার গৌরব ধুলোর মেশে। অচিন্ত্যাবাবু আত্মাকে অননুভব করেছেন।

তিনি ১৩৩৬ সালে “কল্লোলে”র ভার নিয়েছিলেন। দীনেশবাবু ছায়াছবির জগতে চলে গেলেন। অচিন্ত্যাবাবু আমাকে গল্পের জন্য লিখলেন। আমি “স্বৈরিনী” নাম দিয়ে একটি গল্প লিখে পাঠালাম। অচিন্ত্যাবাবু গল্পটি জৈষ্ঠ সংখ্যা ‘কল্লোলে’ ছাপতে দিয়ে লিখলেন, “স্বৈরিনী” নামটি বদলে দিলাম। নামকরণ করলাম “রাইকমল”। নায়িকা রাইকমল।

(আমার ইচ্ছা ছিল আমার প্রথম বই উৎসর্গ করব অচিন্ত্যাবাবুকে । “বেদে” পেন্নে এতখানি অভিজ্ঞত হয়েছিলাম আমি । কিন্তু তা হয় নি । রাজনীতির নেশা আমাকে তখন আরও বেশী আচ্ছন্ন করেছিল । তা ছাড়া আকস্মিকভাবে নেতাজী সদ্ভাষচন্দ্রের সংস্পর্শে এসে তাঁর মহৎ ব্যক্তিত্বের প্রভাবে ও মাধুর্ষে অভিজ্ঞত হয়ে সে বই তাঁকেই উৎসর্গ করেছিলাম ।)

সাত

আমার প্রথম প্রকাশিত উপন্যাস “চৈতালী ঘুর্ণি” ।

“রাইকমলে”র আগে ১৩৩৫ সালের “কালিকলে” “শ্মশানের পথে” নামে একটি গল্প বেরিয়েছিল । এই গল্পটির মধ্যেই আমার ভাবী সাহিত্যিক জীবনের সূত্র নিহিত ছিল । পল্লী-জীবন, পল্লী-সমাজ জীর্ণ হয়েছে, ভেঙে পড়তে গিয়ে কোন ক্রমে সেই ভাঙা কাঠে বাঁশে ঠেকা খেয়ে ঝুঁকে পড়ে টিকে রয়েছে কায়ক্লেশে—শ্মশান আসছে এগিয়ে । জমিদার মহাজন কাবুলিওয়ালার শোষণ তাড়না ; ম্যালেরিয়ার আক্রমণ ; ঈশ্বরের নীরবতা—গ্রামের চাষীকে টেনে নিয়ে চলেছে অবশ্যম্ভাবী ধ্বংসের পথে, মৃত্যুর পথে ।

এক অভিজ্ঞতা আমার প্রত্যক্ষ । (ছোট জমিদার বংশে আমার জন্ম—আবার কংগ্রেসকর্মী এবং আমার মা দিয়েছিলেন এক বিচিত্র ন্যায়-অন্যায় বোধের ধারণা ; তাই গ্রামে গ্রামে কখনও খাজনা আদায় উপলক্ষে কখনও সেবাস্বর্গ উপলক্ষে ঘুরবার সময় গ্রামের অবস্থা আমার চোখে বিচিত্র রূপ নিয়ে ফুটে উঠেছিল । এর আগে শরৎচন্দ্রের পল্লী-জীবন নিয়ে লেখা উপন্যাসগদ্যলির মধ্যে রমা, অন্নদাদিদি, রাজলক্ষ্মী, সাবিট্রীর জীবনের ব্যর্থতায় বেদনাক্লান্ত হয়েছি, এবং দেখেছি সমাজ সর্বত্র দাঁড়িয়ে আছে গ্রিভজের এক কোণে, বিপদুল তার শক্তি, কঠিন তার আক্লেশ । আমার বিচিত্র অভিজ্ঞতায় আমি দেখলাম তার শক্তি নাই, সে মৃদুস্ব—শক্তি তার নাই, সে সক্রিয় নয়, শূন্য আয়তন এবং ভারটা একদা বিপদুল ছিল বলেই ঘটোৎকচের দেহের মতো সে জীবনের গতির পথ রোধ করে পড়ে আছে । ওর দেহে চাবুকের আঘাতে স্পন্দন জাগবে না, ওকে ভারি ধারালো অস্ত্রাঘাতে খণ্ড খণ্ড করে সরিয়ে সংকার করতে হবে । চিতা জ্বালাতে হবে । শবদেহটা আগলে আছে বৈদেশিক রাজশক্তি । একটাকে সরিয়ে আর একটাকে রাখলে চলবে না । দুটোকে একসঙ্গে সরাতে হবে । এক চিতায় দুটো যাবে ।

প্রজার কাছে খাজনা আদায় করোঁছি—সুদ নিয়োঁছি খাজনা বৃদ্ধি করোঁছি ; কাছারিতে মহাজনকে বসিয়ে রেখেছি। যে প্রজা খাজনা দিতে পারছে না তাকে মহাজনের কাছে ঋণ নিতে বাধ্য করোঁছি—সেই টাকা খাজনা হিসেবে জমা করোঁছি। আমার তখন বয়স অল্প, আমাদের প্রবীণ নান্নেব করেছেন—আমি অবাক হয়ে দেখোঁছি। শরিকী জমিদারের কাছারিতে গিয়েছি—সেখানেও দেখোঁছি তাই। আরও বেশী দেখোঁছি—দেখোঁছি সেখানে তাঁরা নিজেরাই মহাজনি করেন, ধান টাকা সুদে ধার দেন। দেখোঁছি এক ভাই নিঃসন্তান অবস্থায় মারা গেল, অবীরা বিধবাটির হিতার্থী সেজে তার হাতে একশো টাকা দিয়ে হাজার টাকার মূল্যের সম্পত্তি লিখে নিলেন। কথা থাকল সম্পত্তি দখল গেলে তাকে আরও টাকা দেবেন, কিছ্ জমিও দেবেন। জমিদারের সম্পত্তি দখল করতে কতক্ষণ লাগে সে আমলে? দখল হল। বিধবা এল। রিক্তহস্তে ফিরে গেল।

এর সঙ্গে মানুষের জীবন-বেদনা এমনি ভাবে জড়িয়ে গেছে, এমনি ভাবে মানুষের ভাগ্যকে নিয়ন্ত্রণ করেছে যে একে বাদ দিয়ে মানুষের জীবনরূপ অসম্পূর্ণ, খণ্ডিত। নিয়তি—ভাগ্যফল—অদৃষ্টবাদের পটভূমির রং মুছে গেল আমার চোখের সামনে থেকে।

জেলখানায় বসে এই ভাবনাকে প্রসারিত করবার সুযোগ পেয়েছিলাম।

আরও অভিজ্ঞতা এর সঙ্গে যুক্ত হয়েছিল। সে অভিজ্ঞতা কলিয়ারির। শ্বশুর-কুল আমার কলিয়ারির মালিক। তাঁরা পড়ো জমিদার-ঘরের অর্থ-শিক্ষিত জামাইটিকে নিয়ে বিব্রত হয়েছিলেন যথেষ্ট। কখনও কলকাতার আপিসে কখনও কল্যা-কুঠিতে পাঠিয়ে কাজের লোক করে তুলতে চেয়েছিলেন। প্রতিবারই মাস ছয়কের বেশী লেগে থাকতে পারি নি। পালিয়ে এসেছি। কাজের লোক হই নি—তবে সেখানকার অভিজ্ঞতা আমার জীবনের পাথর হয়েছে।

দুই অভিজ্ঞতাকে জুড়ে “চৈতালী ঘূর্ণী”র সৃষ্টি।

জেলখানা থেকে বেরিয়ে এলাম। “উপাসনা”র সম্পাদক কবি সাবিত্রী-প্রসন্নের সঙ্গে আলাপ আগেই হয়েছিল, এবার তিনি অন্তরঙ্গ বন্ধ হলেন। তাঁর “উপাসনা”তেই “চৈতালী ঘূর্ণী” বের হল। “কল্লোল”, “কালিকলম” তখন নাই।

বইয়ের আকারে “চৈতালী ঘূর্ণী” ছাপা হল “উপাসনা” প্রেসেই। বইখানি উৎসর্গ করলাম নেতাজী সুভাষচন্দ্রের নামে। বাংলার যৌবনশক্তির তিনি প্রতীক। নবযুগের অগ্রদূত। শব্দ তাই নয়, আগেই বলছি এই সময় তাঁর ব্যক্তিগত সংস্পর্শে এসে আমি মগ্ন হয়ে গিয়েছিলাম।

সে কথাটি এখানেই বলব।

জেলখানা থেকে বেরিয়ে এলাম, তারপর সরকারের সঙ্গে আপোস-কথাবার্তার সূত্রপাত হল। এদিকে বাংলা দেশে লাগল কংগ্রেস নিয়ে বিরোধ। একদিকে সুভাষচন্দ্র অন্যদিকে যতীন্দ্রমোহন সেনগুপ্ত। দুজনকে কেন্দ্র করে প্রাদেশিক কংগ্রেস নির্বাচনে জটিল দ্বন্দ্বের সৃষ্টি হল। আমি তখন কংগ্রেসের সঙ্গে প্রত্যক্ষ সংগ্রহ ত্যাগ করলেও কংগ্রেসের সভা। জমিদারির সঙ্গে সংগ্রহ কাটাবার অভিপ্রায়ে বোলপুরে একটি প্রেস করেছি। কলকাতা যাই আসি। বীরভূমেও এই বিরোধ বাধল। সেখানে সুভাষচন্দ্রের পক্ষে নরেন্দ্র বন্দ্যোপাধ্যায় এবং যতীন্দ্রমোহনের পক্ষে সিউড়ীর গোপিকাবিলাস সেনগুপ্ত, সূরেন সরকার প্রভৃতি। স্বর্ণায় ডাক্তার শরণ মদুখোপাধ্যায় মশায় নিরপেক্ষ থাকতে চেষ্টা করেছেন। নরেন্দ্র বন্দ্যোপাধ্যায় বিদেশী। তিনি লাভপুরে ডেটিন্দ্য হিসেবে কিছুদিন ছিলেন, তারপর আমার বাগানেই খানিকটা জায়গা নিয়ে বাড়ি করেছিলেন একখানি। চতুর ব্যক্তি। তাঁর ধারণা ছিল তিনিই আমাকে মানদ্ব করছেন এবং আমি তাঁরই একান্ত অনুগত। এই বিরোধে সবচেয়ে বেশী অনিয়ম এবং অনাচার করেছিলেন তিনি। এবং আমার অজ্ঞাতসারে আমার বিশ্বস্ত আনুগত্য অনুমান করে সব অনিয়মেই আমাকে জড়িয়ে রেখেছিলেন। যে সভা হয় নি সে সভা কাগজে কলমে খাড়া করে আমাকেই তার সভাপতি হিসেবে জড়িয়েছিলেন। কালে মহারাজ ভবনে আনে মহোদয়ের আদালতে যখন বিচার শুরুর হল তখন বীরভূমের মূল সাক্ষী হলাম আমি। আমি রাজনীতি ছাড়তে চাইলেও রাজনীতির কবলরূপী ভালুক আমার ছাড়লে না।

ওয়েলিংটন লেনে সাবিট্রীপ্রসন্নের প্রেস, কাগজের আপিস এবং বাসা। আমি ওখানেই তখন অতিথি হিসেবে রয়েছি। কিরণ রায়ের সঙ্গে অন্তরঙ্গতা জমে উঠছে। এমনি সময় একদিন ওয়েলিংটন স্কোয়ারের কোণের বি-পি-সি-সি থেকে স্বর্ণায় কিরণশঙ্কর সাবিট্রীপ্রসন্নকে অনুরোধ জানালেন যেন তারাশঙ্করকে নিয়ে একবার তিনি আসেন।

আমি বললাম, না। তিনি যা বলবেন সে আমি পারব না। মিথ্যা বলব না।

কয়েকদিন পর আবার অনুরোধ এল। বললাম, না।

বার বার তিনবার।

এর পর একদিন সাবিট্রীপ্রসন্ন বললেন, চল, এক জায়গায় বেড়িয়ে আসি।

—কোথায়?

—চল না। বললে চিনবে না হয়তো।

তিনজনে বের হলো। আমি, সাবিত্রীপ্রসন্ন, কিরণ রায়। ভবানীপুরে এলগিন রোডের মোড়ে নেমে সাবিত্রীপ্রসন্ন আমাকে এনে তুললেন স্বর্গাস্থ শরণাবাবুর বাড়িতে। সামনের ঘরে আট-দশ জন দর্শনার্থী। ভিতরে বোধ হয় দশ-পনেরোটা কি তার বেশী টাইপরাইটার খটখট শব্দে অবিরাম চলেছে। ডানদিকের ঘরে সূভাষচন্দ্র আলোচনা করছেন সহকর্মীদের সঙ্গে। একটি অগ্নিশিখার মতো দীপ্তিমান কিশোর ব্যস্ত হয়ে ঘুরছেন। সূভাষচন্দ্রের দ্রাতৃপুত্র। কে ঠিক বলতে পারি না। সাবিত্রীপ্রসন্ন সংবাদ পাঠালেন। সূভাষচন্দ্র মিনিট কয়েক পরেই বেরিয়ে এলেন। আলাপ করলেন কয়েকটি কথায় কিন্তু তাতেই পেলাম প্রাণের স্পর্শ।

আপনিই তারাক্ষরবাবু! আপনার সঙ্গে কথা বলা আমার যে কি প্রয়োজন! আমি আসছি। পাঁচ মিনিট অপেক্ষা করুন।

ভাইপোকে ডেকে বললেন, চা দাও।

এই সময় একটি ঘটনা ঘটল। একজন কংগ্রেসকর্মী—মাথায় চুল, মুখে দাড়ি-গোফ, কপালে সিঁদুরের ফোঁটা—একটু ঘেন ব্যঙ্গ করেই বলে উঠলেন, ওই। হল—। সাহিত্যিক নিয়ে এইবার জল-খাওয়ানো মজলিস—।

বাকি কথা মুখেই রইল তাঁর। সূভাষচন্দ্র চলে যাচ্ছিলেন, ঘুরে দাঁড়ালেন বাঘের মতো এবং বাঘের মতোই গর্জন করে উঠলেন, হোয়াট!

এক বিস্ময় অতীতজন করি নি, বস্তা ভদ্রলোক মূহূর্তে ধপ করে বসে গেলেন চেয়ারে।—আমার অতিথি! বলে সূভাষচন্দ্র ভিতরে ঢুকে গেলেন।

আমি ভীত হয়েছিলাম খানিকটা। শক্ত করে মনকে বাঁধলাম। সাবিত্রীকে শব্দ বলায়, তুমি অনায়াস করেছ। আমাকে এমনভাবে এখানে আনা তোমার উচিত হয় নি।

বেরিয়ে এলেন সূভাষবাবু।

সঙ্গে সঙ্গে নরেন বন্দ্যোপাধ্যায়। সূভাষবাবু তাঁকে বললেন, না আপনি যান। তিনি চলে গেলেন।

সূভাষবাবুই প্রথমে কথা আরম্ভ করলেন, আপনি কেন সাক্ষী দেবেন?

আমি খুব সংযত করলাম নিজেকে। বললাম, আমি তো মিথ্যা বলব না। একটা কথা—। বলেই তাঁর মুখের দিকে তাকালো আমি।

তিনি প্রসন্ন মুখেই বললেন, বলুন।

বললাম, দেখুন, আমরা যারা কংগ্রেসের কর্মী হয়ে কাজ করি, তারা দেশের সেবা করতেই আসে, তাই তো সূভাষচন্দ্র বা জে. এম. সেনগুপ্তের

সেবা করতে আসে না। আমি দেশের সেবা করতে চেয়েছি—চাই—সত্য বলতে সাক্ষী দেব আমি।

মুহূর্তে দুই পাশ থেকে দুটি আঙুলের টিপনি খেলাম। একদিক থেকে কিরণ অন্যদিক থেকে সাবিট্রী আমাকে টিপলেন। আমি এর অর্থ ঠিক বুঝলাম না। বুঝতে চাইলামও না। আমি তখন কঠোর সত্য বলতে দৃঢ়প্রতিজ্ঞ। সাবিট্রী, কিরণ আশঙ্কা করেছিলেন, সদ্ভাষচন্দ্র উষ্ণ হয়ে উঠবেন। আবার হয়তো গর্জন করবেন।

আমি সদ্ভাষবাবুর মুখের দিকেই তাকিয়ে ছিলাম। তাঁর সুন্দর মুখখানা কঠিন হয়ে উঠল মুহূর্তের জন্য, টকটকে রং লাল হয়ে উঠল। কিন্তু পর মুহূর্তেই তিনি হাসলেন, প্রসন্ন হাসি। বললেন, নিশ্চয়। মানদ্বকে দেবতা হিসাবে সেবা করলে সাধনাই পণ্ড হয়ে যাবে। কিন্তু আমি সত্য কথাটাই জানতে চাই। বলুন আপনি। সত্য কি ঘটেছিল?

পিছনে ঘরের ভিতরের দিকে তাকালেন তিনি, একান্তে আলাপের স্থান খুঁজলেন। দেখলেন স্থান নাই। বললেন, চলুন, লেনে বেড়াতে বেড়াতে কথা বলি।

চারজনেই লেনে বেড়াতে বেড়াতে কথা বললাম। আমি বিবরণ বলে গেলাম, তিনি মধ্যে মধ্যে দু-একটি প্রশ্ন করলেন। শেষে বললেন, আপনার কথা আমি অকপটে বিশ্বাস করলাম। আপনি সত্য বলেছেন। আমি দুঃখিত, লজ্জিত—নরেনবাবু এই সব করেছেন—আমাকে ছোট করেছেন, কলঙ্কভাগী করেছেন। আপনি বিশ্বাস করুন, এ আমি চাই নি। এ আমি চাই না।

আমি অভিভূত হয়ে পড়েছিলাম। হারিয়ে ফেলেছিলাম নিজেকে।

তিনি আমাকে বলেছিলেন, আপনি শরৎবাবুকে (বীরভূমের) নিয়ে বিরোধ মিটিয়ে দিন।

আমি পারি নি। শরৎবাবুরা রাজী হন নি।

আমি তখন এই মানদ্বটির কাছে প্রায় আত্মসমর্পণ করেছি মনে-মনে।

“চৈতালী ঘূর্ণী” তাঁকেই উৎসর্গ করেছিলাম।

আট

নেতাজী সদ্ভাষচন্দ্রের সঙ্গে আর-একবার আমার দেখা হয়েছিল। কালানুক্রমেও এই ঘটনার খুব অল্পদিন পর। এবং আমার সাহিত্য জীবনের উপক্রমণিকা পর্বে এর কিছুদিন পর নেমে এল নাটকের যবনিকার মতো

একটি সংঘাতময় ছেদ। তিনিই আমাকে পথ নির্বাচনে কিছুটা সাহায্য করলেন—এই সাক্ষাতে।

তার আগে আমার তখনকার জীবন সম্পর্কে কয়েকটি কথা বলব। জেল থেকে বেরিয়ে এসে—জেলখানার সংস্করণ মনে রেখে—বৈষয়িক জীবন থেকে মদ্রুতি নেবার জন্য ছোটভাইকে সব ভার অর্পণ করে বোলপুরে একটি ছাপাখানা করলাম। মনে মনে আকাঙ্ক্ষা ছিল একখানা কাগজ বের করব। সাপ্তাহিক কাগজ, নিলাম-ইস্তাহার-সর্বস্ব নয়, রীতিমতো দেশপ্রেম-প্রচার-পত্রিকা। আমার মেজভাই তখন বেকার এবং বিপত্তীক হয়ে আধা-সন্ন্যাসী। গজভদ্র কপিখের মতো অর্থনৈতিক অবস্থা! যাদের কাছে অর্থ পাই তাঁরা দেন না, উপরন্তু চেষ্টা করেন যে সম্পত্তি আছে সেসব যাতে নিলাম হয়, তা হলে তাঁরা তা কেনেন! এ গ্রাস আত্মীয়ের। থাক সে সব কথা। বিষয়বস্ত্তন থেকে মদ্রুতি দিতে যাঁরা সাহায্য করেছেন তাঁদের চরণে ক্ষোভহীন অন্তরে প্রণাম নিবেদনই করব।

বাড়ির বন্ধুদের কিছু অলঙ্কার বিক্রি করা হল। মেজভাইয়ের স্ত্রী মারা গেছেন, তিনি আর বিবাহ করবেন না সংস্করণ করেছেন, স্নতরাং বড়-বউ, ছোট-বউয়ের দু-একখানা নিয়ে বাকিটা মেজ-বউয়ের অলঙ্কার থেকে সংগ্রহ করা হল। তখন সাবিত্রীপ্রসন্নের “উপাসনা”র আমার ভাঙা নৌকার বন্দর। সাবিত্রীপ্রসন্ন আমাকে প্রেস ও সরঞ্জামপাতি কিনে দিলেন। ওই ওয়েলিংটন লেনেই বাসা নিয়েছি। এই সময় “শনিবারের চিঠি”র কথা ওঠে। গালাগালির অন্ত থাকে না; যাঁরা গাল খেয়েছেন তাঁরা জ্বলেন, যাঁরা খান নি, তাঁরা নিজেদের দুর্ভাগা মনে করেন। আমি অবশ্য একবার গাল তখন খেয়েছি। কিন্তু তবুও দুর্ভাগার দলেই আছি। একদা ইচ্ছা হল “শনিবারের চিঠি”র দুর্দান্ত সজনীকান্তকে দেখে আসি। কেমন সে লোকটা! রাজেন্দ্রলালা স্ট্রীটে “শনিবারের চিঠি”র আপিস। সাবিত্রী এবং কিরণকে কিছু না বলেই একদিন বেরিয়ে গেলাম। মানিকতলা খালের কাছাকাছি রাজেন্দ্রলালা স্ট্রীটে সভয়ে প্রবেশ করে দাঁড়ালাম। চকমিলানো বাড়ি, উঠানের চারি পাশে ঢাকা রোয়াক বা বারান্দা। সেই বারান্দায় বেশ জ্বরদস্ত কাঠামো—মোটাক নাক, বড় উগ্র-দৃষ্টি চোখ, ফরসা রং, চেয়ারে বসে গড়গড়ায় রবারের নল লাগিয়ে তামাক টানছে। মনে হল এই সজনীকান্ত, “শনিবারের চিঠি”র সম্পাদকের মতো জ্বরদস্ত চেহারাটা বেশ মিলে যাচ্ছে। তবে রবারের নলে গড়গড়া টানতে দেখে অশ্রদ্ধা হল! এ কি গুরুচন্ডালী ব্যাপার! থাক গে! আমাকে দেখেই চোখ দুটো আরো খানিকটা বড় করে ভরাটগলায় প্রস্থ করলেন—কি চাই?

পাতলা রোগা মানুষ—সদ্য জেল থেকে ফিরেছি—আরও রোগা হয়ে ।
ওজন তখন ১০২ পাউন্ডে নেমেছে । সর্বাপেক্ষে একটা কালো ছোপ পড়েছে ।
মনে হল লোকটি আমার থেকে বয়সে অনেক বড় । সভয়ে উত্তর দিলাম—
আমি শ্রীযুক্ত সজনীকান্তবাবুকে খুঁজছি ।

নাকের ডগাটা ফুলে উঠল—বললেন—আমিই সজনীকান্তবাবু ! কি
দরকার আপনার ?

লেখক বলে পরিচয় দেবার মতো যোগ্যতা ছিল না, ভরসা পেলাম
না ; চট করে বললাম—আমার বাড়ি বীরভূম, আপনার দেশের লোক—একটু
সাহায্যের জন্য এসেছি ।

—কি সাহায্য—?

—আমি একটি প্রেস কিনব । ছোটখাটো—মফস্বলে কাজ করবার মতো
প্রেস ; আপনি নিজে প্রেস করেছেন, যদি এই কেনার ব্যাপারে একটু সাহায্য
করেন ।

আরও কয়েকটা কথা বলে আমি চলে এলাম । দেখে এলাম সজনীকান্তকে ।
সেদিন যদি আমি সাহিত্যের কথার অবতারণা করতাম তবে নিশ্চয় সজনীকান্ত
উত্তরে সেদিন বীরভূমের ধান-চালের প্রসঙ্গ উত্থাপন করতেন বলেই আমার
ধারণা ।

সজনীকান্তকে দেখে—প্রেস কিনে বোলপুরে প্রেস করলাম । বোলপুর
কোর্টের পাশেই ছাপাখানা । চেক, রসিদ, আদালতের ফর্ম, ক্যাশ-মেমো,
প্রীতি-উপহার ছাপি, একসারসাইজ বুকে কপিং-পেন্সিলে গল্প লিখি ।
“উপাসনা”র পাঠাই । ওদিকে সরোজ রায়চৌধুরী জেল থেকে ফিরে “নবশক্তি”র
সম্পাদক পদ না পেয়ে, “অভ্যুদয়” নামে সাপ্তাহিক পত্র বের করলেন,
তাতে আমি আরম্ভ করলাম আমার দ্বিতীয় উপন্যাস—“পাষণপদুরী” ।
বোলপুরের ছাপাখানার গল্পলেখক শ্রীযুক্ত জগদীশ গুপ্ত আসতেন মধ্যে
মধ্যে ।

হঠাৎ বিপত্তি উপস্থিত হল ছাপাখানা নিয়ে ।

বীরভূমের জেলা ম্যাজিস্ট্রেট তখন স্বনামধন্য গদ্রুসদয় দত্ত । রায়বেঁশে
নিরে বীরভূমকে মাতিয়ে তুলেছেন । তিনি স্বর্গার—ভার সম্পর্কে বিশেষ
আলোচনা না করাই ভালো । রায়বেঁশে নৃত্য, রতচারী দল বাংলার
সংস্কৃতিকে যেটুকু সম্বন্ধ করেছে তা স্বীকার করেও বলব যে সেদিন এই
মাতনটি যারা দেশকর্মী তাঁদের চোখে ভালো ঠেকে নি । এই মাতনটি সেদিন
দেশের মানুষের দৃষ্টিকে কংগ্রেস আন্দোলন থেকে ফিরিয়ে অন্য দিকে নিবদ্ধ
করবার জন্য সৃষ্টি হয়েছে বলে মনে হয়েছিল । এবং এই রায়বেঁশে বা

ব্রতচারী আন্দোলন প্রচার করতে তিনি যে শাসকের প্রতাপ প্রয়োগ করেছিলেন তাতেই এ আন্দোলন ব্যর্থ হয়ে গেছে। হয়তো কোন একটি বা দুটি গ্রামে সংগৃহীত তহবিলের জোরে আজ কাজ চলছে—তবু মোটামুটি যে ব্যর্থ হয়েছে তাতে সন্দেহ নেই। দেশের মানুষের হৃদয় হরণ করার মতো বস্তুরও অভাব ছিল। দত্তসাহেব বলেই তিনি খ্যাত ছিলেন, তাঁর প্রতাপে ইস্কুলে-ইস্কুলে, গ্রামে-গ্রামে তখন রায়বেংশে নৃত্যের ঢোল বাজতে লেগেছে—উকিল নাচছে, মোস্তার নাচছে, ডেপুটি নাচছে, সাবডেপুটি নাচছে, দারোগা নাচছে, চৌকিদার নাচছে, হাকিম নাচছে, আসামী নাচছে, রায়বাহাদুর নাচছে, রায়সাহেব নাচছে, জমিদার নাচছে, ধনী নাচছে, হেডমাস্টার নাচছে, সেকেন্ডমাস্টার নাচছে, ছাত্র নাচছে—সে এক অত্যন্তুত কাণ্ড। না নেচে পরিচাণ নাই। হাত ধরে টেনে এনে বলেন—নাচুন রায়বাহাদুর! তেমনি ছিল তাঁর অসহিষ্ণুতা। আই-সি-এস-সদলভ অসহিষ্ণুতা কি বস্তু যাঁরা জানেন তাঁরাই বুঝবেন সে কথা।

রায়পুরের কংগ্রেসকর্মী ব্যোমকেশ চক্রবর্তী বা চট্টোপাধ্যায় দত্তসাহেবের একটি আচরণে খুব ক্ষুব্ধ হয়েছিল। দত্তসাহেব বীরভূমে যেখানে ষত প্রাচীন মূর্তি পেয়েছিলেন সব সংগ্রহ করে এনেছিলেন। মূর্তি, পট, দারুশিল্প; সে বোধ হয় ওয়াগন-ভর্তি জিনিস। রায়পুরে ছিল প্রাচীন ঐতিহাসিক গুরুত্বপূর্ণ একটি মূর্তি, তিনি সেটিও সংগ্রহ করে আনেন। গ্রামের লোকে ক্ষুব্ধ হলেও প্রতিবাদ করতে সাহসী হয় নি। ব্যোমকেশ “আনন্দবাজারে” এই সম্পর্কে একটি নামহীন পত্র লেখে, পত্রখানি প্রকাশিত হয়। তাতে দত্তসাহেব ক্ষিপ্ত হয়ে ওঠেন। প্রথম সন্দেহ করেন পণ্ডিত হরেকৃষ্ণ সাহিত্যরসকে। তাঁকে বোধ হয় কিঞ্চিৎ শাসনও করেছিলেন। এবং নিজের প্রতাপে গ্রামে প্রসাদভিক্ষুকদের দিয়ে এই প্রতিবাদের প্রতিবাদপত্র “আনন্দবাজারে” প্রকাশিত করালেন। ব্যোমকেশ আরও ক্ষুব্ধ হয়ে উঠল এবং রায়বেংশে নিয়ে এক ব্যঙ্গ কবিতা লিখে আমাদের প্রেস থেকে ছাপিয়ে নিলে। তখন আমরা অর্থাৎ আমি বা আমার মেজভাই কেউই বোলপুরে ছিলাম না। কম্পোজিটরদের দিয়ে ব্যোমকেশ ছাপিয়ে নিয়ে জেলায় দিলে ছড়িয়ে। কবিতাটির প্রথম দু লাইন ছিল আমাদের জিলায় প্রচলিত একটি ছড়া—

আমার বিয়েয় যেমন তেমন

দাদার বিয়েয় রায়বেংশে

আর ঢকাঢ়ক মদ খে সে।

ব্যোমকেশ একটু বুদ্ধিহীনতার কাজ করেছিল। আমার অনুপস্থিতিতে ছাপানো তার অন্যান্যও হয়েছিল এবং নিবুদ্ধিতার কাজও হয়েছিল। আমি থাকলে

ছেপে দিতাম, দাম নিতাম না এবং সঙ্গে সঙ্গে কাগজখানিতে ছাপাখানার নামও দিতাম না। কম্পোজিটর কোন সন্দেহ করে নি; ছেপে প্রেসের নাম দিয়েছিল এবং ফাইলে তার কপিও রেখেছিল। ওদিকে দত্তসাহেবের হাতে কাগজখানা পড়তে দেরি হল না। দত্তসাহেব জুড়ে উঠলেন। বিশেষ পুন্ডলিস-কর্মচারী এল বোলপদুর, প্রেস খানাতল্লাস হল, কাগজখানাও বের হল। কম্পোজিটরসমত থানায় গেলাম। বললাম এ কবিতা সম্পর্কে আমি কিছুই জানি না। কম্পোজিটর বেচারী বিনা ধমকেই বলে দিলে রায়পদুরের ব্যোমকেশবাবু ছেপে নিয়ে গিয়েছেন, বিয়ের প্রীতি-উপহার বলে। এখন ওই কাগজখানার বলে কিন্তু কোন রাজদ্রোহের অভিযোগে মামলা দায়ের করা যায় না। এবং আমাদেরও গ্রেপ্তার করা যায় না। থানা থেকে ফিরে এলাম। বিশেষ পুন্ডলিস-কর্মচারীটি চলে গেলেন দত্তসাহেবকে বিবরণ নিবেদন করতে। কয়েকদিন পরেই এল নোটিশ। আমাদের উপর নোটিশ এল দু'হাজার টাকা জামানত দিতে হবে। এবং ব্যোমকেশের উপর নোটিশ এল ১৪৪ ধারার। কোন সভায় সমিতিতে বক্তৃতা দিতে পারবে না, একসঙ্গে চারজনের বেশী পাঁচজনের অর্থাৎ পঞ্চায়েত বৈঠকে যোগদান করতে পারবে না—কারণ তাতে দেশের নিরাপত্তা বিপন্ন হবে। এর ফল, আগে ব্যোমকেশের কথা বলব যদিও ব্যোমকেশের ঘটনাটা আমাদের পরিণতির অনেক পরে ঘটেছিল। ব্যোমকেশ সতর্ক হল। ঘরের ভিতর সে আশ্রয় নিলে। এই কারণে সে জেলে যেতে চায় না। এমন সতর্ক হল যে দারোগা কোনক্রমে ব্যোমকেশের নাগাল পায় না। ওদিকে দত্তসাহেবের হুমকি আসে, কি হল? কোথায় ব্যোমকেশ?

দারোগা বলে, হুজুর তাকে কোন রকমেই পাচ্ছি না।

দত্তসাহেব বলেন, তাকে আমার চাই-ই!

দারোগা ব্যোমকেশকে বদ্বিষয়ে বলে, একবার চলুন, কোন রকমে মার্জনা ভিক্ষা করে আমার বাঁচান, আপনিও বাঁচুন।

ব্যোমকেশ আগে জেল খেটে এসেছে, সে পাকা কাঠের মতো শক্ত। স্বল্পভাষী, মৃদু হাস্যময়, ব্যোমকেশ কথা বলে না, শুধু হাসে। চাপাচাপি করলে শুধু হাত জোড় করে। শেষ পর্যন্ত বললে, আপনি বাঁচুন কোন রকমে। যে রকমে পারেন। এতে আমার ফাঁসি হবে না, সুতরাং আমি মরব না। জেলখাটা আমার অভ্যাস আছে।

তাই হল। পুরানো অভ্যাসটা শেষ পর্যন্ত ঝালিয়ে নিতেই হল ব্যোমকেশকে। দত্তসাহেবের চাপে দারোগা শেষ পর্যন্ত মরিয়া হয়ে একদিন পাঁচ-সাত জন লোক আড়ালে-আবডালে রেখে একজনকে পাঠালেন তাকে ডাকতে। সে বাড়ির দোরে দাঁড়িয়ে ডাকলে—ব্যোমকেশ, ব্যোমকেশ!

—কে ?

—শোন হে একবার ।

সাবধানী ব্যোমকেশও এতখানি সন্দেহ করে নি । সে উঁকি মেরে দেখল, একজনই রয়েছে রাস্তার এবং সে লোকটি বিশেষ পরিচিত । কোন সন্দেহ না করেই সে পথে নেমে এল । সঙ্গে সঙ্গে অলিগলি থেকে বেরিয়ে এল আট-দশ জন । ঘিরে ফেললে তাকে । পদলিসও এল সঙ্গে সঙ্গে ! আর কি ? আইনের ধারায় আছে জনতা চারজনের বেশী হলেই অপরাধী হবে ব্যোমকেশ । অপরাধী ব্যোমকেশ চালান গেল । ছ'মাস জেল হয়ে গেল । তবু তো দস্তসাহেব তাকে “আনন্দবাজারে”র পঠলেখক বলে জানতেন না । জানলে কি হত বলতে পারি না ।

আমাদের ব্যাপারটা আগেই ঘটেছিল ।

মামলা কিছু হয় নি । তলব হল । তিরস্কৃত হলাম । কিন্তু জামিন বা বন্ড কি দেব স্থির করতে পারলাম না । সময় নিলাম ।

ঠিক এই সময় একদিন শুনলাম, নেতাজী সুভাষচন্দ্র এসেছেন শান্তি-নিকেতনে রবীন্দ্রনাথের সঙ্গে কোন প্রয়োজনে সাক্ষাৎ করতে । যতদূর মনে পড়ছে, সঙ্কটগ্রাণ সমীতি নাম নিয়ে যে একটা অপ্রিয় আলোচনা হয়েছিল, সেই নিয়েই তিনি রবীন্দ্রনাথের কাছে এসেছিলেন । বেলা তিনটের তখন বোলপদুর স্টেশনে আপ-ডাউন দুখানি ট্রেনের ক্রসিং হয় । তিনটের বোলপদুরে চাপলে সাড়ে-সাতটা আটটায় হাওড়া পেঁছানো যায় । আমাদের বাড়ি লাভপদুরে যেতেও আপ ট্রেনখানি সবচেয়ে সুবিধের । আমি বোলপদুর থেকে বাড়ি ফিরছি । আপ প্ল্যাটফর্মে দাঁড়িয়ে আছি, হঠাৎ চোখে পড়ল একখানি গাড়ি এসে থামল স্টেশনের বাইরে । সুভাষচন্দ্র দীপ্তমান তারুণ্যের জীবন্ত মূর্তি—চারিদিক যেন উদ্ভাসিত করে নেমেই ওভারব্রিজ পার হয়ে ডাউন প্ল্যাটফর্মে গিয়ে দাঁড়ালেন । আমার ইচ্ছা হল, দেখা করি । কিন্তু সন্দেহ হল, চিনতে পারবেন কি ? কি বলব ? কি পরিচয় দেব ?

হঠাৎ চোখে পড়ল, সুভাষচন্দ্র স্থির হয়ে দাঁড়িয়ে একদৃষ্টে আমার দিকে চেয়ে রয়েছেন । চোখ দেখেই বদ্বলাম, চিনেছেন,—স্মৃতিসমুদ্র মন্থন করছেন । আমি অবাক হয়ে গেলাম । হাজার হাজার মানুষের ভিড়ের মধ্যে যে মানুষ বিচরণ করেন, সমগ্র দেশ যার চিন্তার ক্ষেত্র, অতীত থেকে ভবিষ্যৎ পর্যন্ত যার দৃষ্টি প্রসারিত, স্বপ্নে যিনি বিরাট দেশের ভবিষ্যৎ রচনা করেন, তার পক্ষে আমার মতো অতি সাধারণ চেহারার একজনকে একবার পনেরো-বিশ মিনিট দেখেই কি মনে রাখা—চেনা সম্ভবপর ? দেখলাম, সম্ভবপর । প্রতিভা—অতিমানবের শক্তিতে যারা শক্তিমান তাঁরা তা পারেন । এই শক্তি দেখেছি

রবীন্দ্রনাথের। সে কথা যথাস্থানে বলব। আর আমি বিলম্ব করলাম না।
ডাউন প্ল্যাটফর্মে গেলাম, নমস্কার করে দাঁড়িলাম।

তিনি তখন স্মৃতি মন্থন করে আমার নাম ঠিক ধরেছেন। বললেন,
আপনি তারাক্ষরবাবু!

—আজ্ঞে হ্যাঁ।

—এখানে? কি করেন এখানে?

বললাম সংক্ষেপে—প্রেস করেছি এখানে।

তিনি বললেন, ভালো। প্রেস চলছে কেমন?

এবার বললাম, চলছিল কোন রকমে। কিন্তু বৃষ্টিতে পারছি না, বন্ধ
করব কি চালাব।

—কেন?

বিবরণ বললাম। তাঁর আশ্চর্য শব্দ চোখ দুটি দপ করে যেন জ্বলে
উঠল। সে সত্যিই জ্বলে ওঠা। এমন ভাবে চোখ জ্বলে ওঠা আমি
আর কারও দেখি নি। তার ছটা আমার চোখে লাগল। উত্তাপ আমি
অনুভব করলাম। বললেন, না। বন্ধ করে দিন। বন্ডও দেবেন না,
জামিনও দেবেন না।

স্থির হয়ে গেল পথ।

প্রেস বন্ধ হল। গোরুর গাড়ি করে লাভপুরে এনে ফেললাম।

এদিকে হঠাৎ আমার প্রিয়তমা কন্যা বৃন্দা মারা গেল। আমার জীবনে
নেমে এল প্রথম অশ্রুর ষবনিকা।

বয়স

হঠাৎ আমার ছ-বছর বয়সের কন্যা বৃন্দা মারা গেল।

আমার সমগ্র জীবনে এই আঘাত একটা পরিবর্তন এনে দিলে।
জীবনপ্রবাহের মোড় ফিরে গেল। আমার জীবনে চলার পথে যে দু-নোকাল
দু-পা রেখে চলা তাতে ছেদ পড়ল। একখানা নৌকাকেই আশ্রয় করে
হাল ধরলাম। এই মর্মান্তিক আঘাত না এলে বোধ হয় তা হত না।
এবং জীবনে এই বেদনার সঙ্গভীর সমুদ্রে যদি না পড়তাম, তবে বেদনা-
রসকে উপলব্ধি করতে পারতাম না।

আমার গল্প-উপন্যাসের কয়েক ক্ষেত্রেই বৃন্দাকে হারানোর বেদনার কথা

আছে। “বেদেনী” গল্প-সংগ্রহে “বাণী মা” গল্পের মধ্যে স্পষ্ট করেই বলেছি। “বাণীর আগে একটি মেয়ে ছিল। কালো মেয়ে, একটি চোখ ট্যারা, তার নাম দিয়েছিলাম ব্দলব্দল। ব্দলব্দল সংক্ষিপ্ত হইয়া শেষে ব্দলদুতে পরিণত হইয়াছিল। সেই ব্দলদু অকস্মাৎ একদিন চলিয়া গেল। প্রথমটা সে আঘাতে পাগল হইয়া গিয়াছিলাম। এখন মধ্যে মধ্যে ভাবি, অদ্ভুত অপূর্ব সে আঘাত। মানুষ যে কতখানি ভালোবাসিতে পারে, শোকের নির্মম আঘাত না পাইলে সে উপলব্ধি মানুষ করিতে পারে না। নারিকেলের ছোবড়া ও খোলার মতো হৃদয়ের আবরণটা না ভাঙিলে অন্তঃস্থলের শস্য-পানীয়ের অমৃত স্বাদের সন্ধান পাওয়া যায় না।

“কিন্তু শোক চিরদিন থাকে না। চিরদিন কেন, বোধ করি, যে সদ্গুণকে মানুষ ক্ষণস্থায়ী বলিয়া আক্ষেপ করে, তার চেয়েও স্বল্পক্ষণস্থায়ী। শোক আশ্বাদে অতি তীব্র অপূর্ব, তার প্রভাব অতি-অতি পবিত্র। শোক মানুষকে উদার করে, পঙ্কিল হীনতার উর্ধ্বলোকে লইয়া যায়, তাই শোক অল্পক্ষণস্থায়ী।”

এ গল্প ব্দলদুর মৃত্যুর ছ-সাত-মাস পরের লেখা। ব্দলদুর মৃত্যুর অব্যবহিত পরে আমার সত্যকার সাহিত্য-জীবনের শূন্য যে গল্প সেটির নাম “শ্মশান ঘাট”। বিষয়বস্তুতে ভাবরসে এই বেদনা এই কথাই মাথামাথি হয়ে গল্পটি গড়ে উঠেছে। তার মধ্যে কন্যাহারা উদাসী নায়কের যে অন্তর-বেদনা ফুটে উঠেছে সে আমারই বেদনা। সংসারের সঙ্গে সকল বন্ধন আমার কেটে গেল ছিঁড়ে গেল—এই আঘাতে।

“শ্মশান ঘাট” গল্পটির সূচনা কিন্তু ব্দলদুর মৃত্যুর আগেই হয়েছিল। তখন আমি পিঠে বোঁচকা বেঁধে গ্রামে-গ্রামে ঘুরি। কংগ্রেস ছেড়েছি, দেশোদ্ধার নয়, তবু ঘুরে বেড়াই। মেলা দেখি, গ্রাম দেখি, ঘুরি। পূর্ব-জীবনের অভ্যাসটা নেশায় দাঁড়িয়ে গেছে। এই নেশাতেই ব্দলদুর মৃত্যুর দিন পনেরো আগে গিয়েছিলাম উদ্ধারগঙ্গার।

সেখানেই সেই বিচিত্র পরিবেশ দেখে ওই পটভূমিতে গল্প শূন্য করেছিলাম। শূন্য শূন্যই অবশ্য। উদ্ধারগঙ্গার বাজারের কুন্ডকার পাল কর্তা, মাদুর-বুনিয়ি প্রীমতী মেয়ে কুসুম; তাদের সন্ধ্যার রূপকথার আসরে কুকুরছানাটির আবির্ভাব, কেনারাম নামক উদাসী ব্যক্তিটির বক্তৃতা, ওই কুকুরছানা দিতে যাওয়া, বিজ্ঞদাসের কানা টাকা পাওয়া, শ্মশান ঘাটের পৈরু—তার ছোটমেয়ে, চিতায় সেই ছোটমেয়েরটির শবদাহ, সবই সত্য। প্রথম অংশটি সেখানেই লিখেছিলাম। এই পটভূমিতে কোন গল্প গড়ে উঠবে, কল্পনা দানা বাঁধে নি। ব্দলদু চলে যাওয়ার আঘাত না পেলে অন্য রকম কিছু

হত। পথে অনেক ঘটনা ঘটেছিল। রামজীবনপুত্রে একখানি গোয়ালঘরের কোঠায় আগ্রয় পেয়েছিলাম, সমস্ত রাত্রি মশার কামড়ে সৰ্বাঙ্গ ফুলে উঠেছিল; সেখানে এক বাবাজী সমস্ত রাত্রি গান শুনিয়েছিল, পথে দুটো মহিষের প্রচণ্ড ঝুঞ্জে আটক পড়েছিলাম, ছুটে পালাতে গিয়ে এক পাটি জুতো হারিয়েছিল; উদ্ধারণপুত্রেই জেলে ডিঙিতে জেলেদের সঙ্গে গল্প করেছিলাম; তারা নিজেদের মধ্যেই মাছ চুরি করে ঝগড়া করেছিল। স্নানঘাটে এক পিতৃহারা শৌখিনবাবু পুত্র দেখেছিলাম, তার সে কি অপূৰ্ব কান্না দেখেছিলাম; পিতার শেষ কৃত্য করে গঙ্গার ঘাটে এসে প্রচুর মদ্য পান করে কাঁদছে, আর খেদ করছে, এমন বাবা আর হয় না। আমার জন্যে জমি জমিদারি পুত্রুর বাগান টাকা তেজারতি রেখে আমাকে অনাথ করে চলে গেল। এমন বাবা কারোও হয়? না হয়েছে? না হবে? টের না কাটলে আমার খাওয়া রোচে না, ঘুম আসে না, সেই জন্যে বাবা আমার শেষ সময়ে অনুমতি করে গেল—বাবা তুই যেন মাথা কামাস নে। মাথা কামালে স্বর্গে গিয়েও আমার চোখে জল আসবে। এমনকি পুত্রুতকে ডেকে বলে গিয়েছেন সে কথা।

এরপরই গঙ্গার ঘাটে শূন্যে বাবাগো বলে আকাশ ফাটিয়ে কান্না। ঘণ্টাখানেক পরে দেখা যায় অচেতন হয়ে পড়ে আছে মৃদুর দোকানের পাশে ভাড়ারঘরের দাওয়ায়। হয়তো এই সমস্ত কিছুর একটা নিম্নে গল্প শেষ হত, তখনকার দিনের সাহিত্যের প্রচলিত ভাবধারায় সমাজ ও মানুষের বিকৃত রূপকে ফুটিয়ে তুলে তার উপর কশাঘাত বা খজাঘাত যে কোন আঘাত দিয়েই গল্পটি শেষ হত। কিন্তু আমার হৃদয়ের সোঁদীন অবস্থা অন্যরূপ; বেদনায় ক্ষতিবিক্ষত। তাই বেদনাই উঠল বড় হয়ে। এবং সেই সময়েই একটা উপলব্ধি আমার হয়েছিল। বিকৃত মানুষ বিকৃত সমাজ ওই বিকৃতির পীড়ায় কি নিষ্ঠুর যন্ত্রণা ভোগ করে। বাল্যকালে পাটনার পাগলখানায় এক বালক উন্মাদকে দেখেছিলাম, সে নর্দমার পাঁক গায়ে মাখত এবং সেই জল সে অঁজিলা ভরে ভরে পান করত; কিন্তু ওই জল পান করবার সময় তার সে কি মৃদুবিবৃতি; কত কষ্টে সে যে সেই জল খেত তা দেখলেই বন্ধুতে পারা যেত। এই বেদনায় হৃদয় ভরে উঠেছিল বলেই কবি বলতে পেরেছেন—

“কার নিন্দা কর তুমি? এ তোমার এ আমার পাপ।”

বলু মারা গেল এই অগ্রহারণ, রাতে। রাত্রি দশটায়।

শেষ সমস্যাটা এল অতি আকস্মিকভাবে। ডাক্তার সকালবেলা বলে গেলেন কাল অল্পপথ্য দেব। বিকেলবেলা সাড়ে-চারটের সময় ডাক্তার আমাদের পাড়ায়

এসেছিলেন, পথে তাঁর সঙ্গে দেখা হল। তাঁকে আমি বললাম, যখন পাড়ায় এসেছেন একবার দেখে যান। তিনি হেসে বললেন, না। দরকার নেই। অকারণ দুটো টাকা দণ্ড করা ব না আপনার।

তখন আর্থিক অবস্থা আমার অত্যন্ত অসচ্ছল। ১লা অগ্রহায়ণ অষ্টম পর্ব গেছে। জমিদারির সঙ্গে কিছু পত্তনি সম্পত্তি ছিল, তার দরদুন খাজনা জমা দিতে হয়েছে। কার্তিক মাসে খাজনা আদায় হয় না। সদুরাৎ দিয়ে থুয়ে হাত রিক্ত। ডাক্তার এসব বদ্বতেন। আমাদের অবস্থাও জানতেন। বললেন, কাল ভাত দেব। ভালো আছে। এই কথা বলতে বলতেই ডাক্তারের সঙ্গে অনেকটা এগিয়ে গেলাম। তারপর বাড়ি ফিরলাম; ভাবলাম, কয়েকদিন বাড়ি থেকে বের হই নি, বেড়ানো হয় নি, আজ একবার বেড়াতে যাব। গায়ে জামা দিয়ে বের হব, হঠাৎ ইচ্ছে হল, বদ্বকে একটু আদর করে যাই। পাশে বসে কপালে হাত দিয়েই কেমন মনে হল। যেন বড় ঠাণ্ডা মনে হল; এবং অত্যন্ত স্তিমিত মনে হল; হাতখানা ধরে চমকে উঠলাম। আঙুলগুলি অস্বাভাবিক ঠাণ্ডা। নাড়ী ক্ষণে ক্ষণে যেন কেটে যাচ্ছে। অস্থির চঞ্চল—যেন ইতস্ততঃ ধাবমান। কাউকে কিছু না বলে ছুটে বেরিয়ে গেলাম ডাক্তারের কাছে। তারপর মৃত্যুতে মানদ্রবে টানাটানি। মানদ্রব বলে যেতে নাই দিব। কিন্তু “তবু হায়, যেতে দিতে হয়।”

চলে গেল বদ্ব।

শেষ মূহুর্তের কিছু আগে টাকার প্রয়োজন অনুভব করলাম। কোন অতি নিকট আত্মীয়ের কাছে পাওনা টাকা চেয়ে পাঠালাম। কিন্তু সে তিনি দিলেন না।

সে কি রাগি! সে কি অন্ধকার!

মনে হয়েছিল এ রাগি কোনকালে শেষ হবে না। অনন্ত এক রাগির অস্তিত্ব যেন অনুভব করেছিলাম। আকাশের দিকে চেয়ে বসেছিলাম, সীমাহীন অনন্ত আকাশ যেন রাগির সঙ্গে নেমে এসেছিল আমার চারিদিকে। মনে হয়েছিল, এ পৃথিবীতে এক শোকাহত আমি ছাড়া আর কেউ কোথাও নাই; অসীম অনন্ত অন্ধকার অকালের মধ্যে আমি হারিয়ে গিয়েছি। শব্দ ঘরের মধ্যে থেকে মধ্যে মধ্যে সাড়া পাচ্ছিলাম একটি আত্ম নারীকণ্ঠের। তখন মনে হচ্ছিল আর একজন আছে। এর মধ্যে সে আর আমি।

পরের দিন সূর্য উঠল। আলো হল। কিন্তু আমার তখন অধীর অস্থির অবস্থা। মনে হচ্ছে পালিয়ে যাই! কোথায় যাই! বাল্যকালে

আট বছর বয়সে পিতৃবিয়োগ হয়েছিল। তখন কি আঘাত পেয়েছিলাম সে আঘাত অনুভব করার মতো স্পর্শশক্তি হয় নি আমার মনের। তারপর এই প্রথম আঘাত, মৃত্যুর সঙ্গে মৃত্যুমুখি দাঁড়ানো। অসহ্য তীব্র বেদনার ছুটে পালাতে ইচ্ছে হচ্ছে। দ্বিতীয় দিন সকালে উঠেই কাজ আছে বলে কলকাতা চলে এলাম। হাওড়ায় যখন পেঁছলাম তখন যেন জ্বর আসছে মনে হল। স্টেশন থেকে এসে উঠলাম “উপাসনা” আপিসে, ধর্মতলা স্ট্রীটে। এসে দেখি অভাবনীয় ব্যাপার। “উপাসনা” উঠে যাচ্ছে। সাবিত্রীপ্রসন্ন বিদায় নিচ্ছেন। “উপাসনা”র স্থানে “বঙ্গপ্রী”র প্রতিষ্ঠা হচ্ছে। সজনীকান্ত দাস আসর জাঁকিয়ে বসেছেন। চারিপাশে অনেক লোকের ভিড়। কিরণ রায় পদ্রাতন এবং নতুনের মধ্যে দাঁড়িয়ে আছেন। তিনিই আমাকে নিয়ে গেলেন সজনীকান্তের কাছে। স্বল্প দূরটি কথা বলেই সজনীকান্ত ভিড়ের মধ্যে মধ্যমণির মতো জেঁকে বসলেন। আমি পাশের ঘরে সাবিত্রীপ্রসন্নের কাছে গিয়ে বসলাম। তারপর ওখান থেকে বিদায় নিয়ে বের হলাম, যাব বালীগঞ্জে, আত্মীয়ের বাড়ি। ট্রামে বা বাসে ছোট বিছানা এবং টিনের স্লটকেস নিয়ে উঠে বসলাম। এর পর কি মনে করে কখন কি করছি খেয়াল নেই ; যখন খেয়াল হল তখন আবার আমি ট্রেনে। লাভপুর ফিরাছি। সেদিন কলকাতা থেকে পালিয়েছিলাম নিজের অজ্ঞাতসারেই ; সংসারের প্রতি স্নেহ-মমতার থেকেই মানুষ সন্ধান করে সান্ত্বনার। প্রীতির মানুষ, স্নেহের মানুষ, মমতার মানুষ দুঃখের ভাগ নিলে মনে হয় একজনের অতীতেই দেউলে হয়ে যাই নি, ফাকির হয়ে যাই নি ! সেদিন “বঙ্গপ্রী”র আসরে তরুণ নবীনদের উল্লাস সমারোহের মধ্যে সে তো আমার পাবার কথা নয় ! তখন আমি তাঁদের অধিকাংশের কাছেই অপরিচিত ; এবং সাহিত্যসেবী হিসেবেও অখ্যাত। একমাত্র সাবিত্রীপ্রসন্ন সান্ত্বনা দিতে চেয়েছিলেন। কিন্তু তিনিও ছিলেন সেদিন মূহ্যমান। তাঁর রক্ত দিয়ে প্রাণ দিয়ে গড়া “উপাসনা” উঠে যাচ্ছে। গোটা প্রতিষ্ঠানটা থেকেই তাঁকে পরের মতো সরে যেতে হচ্ছে। সেদিন দেশে ফিরে যে বৈরাগ্য অনুভব করেছিলাম তাতে সাহিত্য-সাধনার সংকল্পও কাটা-ঘুড়ির মতো যেন ভেসে যেতে চেয়েছিল।

ঠিক এর কয়েকদিন পরেই আমার ভাগ্যে ঘটল কবি-সঙ্গর্শন।

শান্তিনিকেতনে, শ্রীনিকেতনের উদ্যোগে হল পল্লী-কর্মী সম্মেলন। স্বর্গীয় কালীমোহন ঘোষ ছিলেন এ সম্মেলনের প্রধান উদ্যোগী। জীবনের প্রথম থেকেই স্বর্গীয় ঘোষ মহাশয়ের সঙ্গে আমার একটি যোগসূত্র ছিল। কলারায় সেবাকর্মের কারণেই এ যোগাযোগ স্থাপিত হয়েছিল। আমাদের সেবা-সম্প্রদায় কাজ তিনি অনেকবার দেখে গেছেন। খুশী হয়েছেন। তিনি আমাকে

ভালোবাসতেন। তিনি বিশেষ করে লিখলেন আমি যেন আসি। সে সন্নেহ আহ্বান ঠেলতে পারলাম না। শোকের তীব্রতা তখন কমেছে, সে তখন গভীর এবং সুপ্রসারিত প্রসারে পরিব্যাপ্ত হয়েছে। বেদনাহত মন নিয়েই গেলাম শান্তিনিকেতনে। সেখানে সন্মেলনশেষে শুনলাম, কবি আমাদের সঙ্গে দেখা করবেন।

সন্ধ্যার সময়; উদয়নের একটি ঘরে মেঝের উপর বিছানো শতরঞ্জির উপর আমরা বসলাম, বসেছিলাম পূর্বমুখী হয়ে; সামনেই ছোট চৌকির উপর কবির আসন। বড় বড় দুটি দীপদানে আলো জ্বলছিল। আমাদের দলের সকলে আমাকেই দিলেন সামনে; কথা বলবার ভার আমার উপরেই পড়ল। স্পন্দিত বক্ষে বসে রইলাম। কবি তখন একটি কোন বক্তৃতা রচনা করছিলেন। বোধ হয় “কমলা লেকচার।” যাই হোক, কবি এলেন, এসে আসন গ্রহণ করলেন।

কালীমোহনবাবু পরিচয় দিলেন আমার। প্রসঙ্গক্রমে বললেন, সাহিত্যিকও বটেন।

কবি স্মৃতিহাস্যে বললেন, হ্যাঁ, লাভপুত্রে সাহিত্যের চর্চা আছে। ভালো অভিনয়ও হয় সেখানে।

এরপর আমি অপর সকলের পরিচয় দিলাম।

কবি আমাদের আশীর্বাদ করলেন, পল্লীর পুনর্গঠনের গুরুত্ব বদ্বিষ্মে বলে বললেন, গ্রামকে গড়ে তোল। নইলে ভারতবর্ষ বাঁচবে না।

দশ

মহাকবির উপদেশ কালে পরিণত করব বলেই ঠিক করেছিলাম সেদিন; রাজনীতির পথে নয়, সেবার পথে। কিন্তু তাও পারলাম না। তখন যেন আমার জীবন কোন কিছুতেই বাঁধা পড়তে চাইছিল না। বদ্বিষ্মের মৃত্যুর আঘাত জীবনে যেন সমস্ত বর্তমানের সঙ্গে যোগসূত্র ছিন্ন করে দিয়েছিল। নোঙর-ছেঁড়া নৌকার মতো আমার জীবন ছুটে চলতে চাইছিল। লাভপুত্র থেকে পালিয়ে এলাম কলকাতায়—আবার সঙ্গে সঙ্গেই ঘণ্টা দুয়েক পরে ঘ্রেনে চেপে বসলাম; সেদিন আমার জ্বর ছিল, জ্বরের ঘোরের মধ্যেও এই বাঁধন-ছেঁড়া মনের গতিটি স্পষ্ট এবং প্রত্যক্ষ বটে কিন্তু জ্বরজর্জর মনের অবস্থাটি অস্পষ্ট;—ঠিক মনে পড়ছে না। তবে অনুমান করতে পারি যে,

আমার তেদ্বিশ-চৌদ্বিশ বৎসরের জীবনে যে পথের সন্ধান আমি করেছি সেই পথের জন্য মন আমার সোঁদন হাহাকার করে উঠেছিল, যেটা চাপা ছিল, বাঁধা ছিল সংসারের প্রতি কর্তব্যবোধের পাথরে মায়া-মমতার দড়িতে, সন্তান-শোকের ঝড়ে-তুফানে সে সব ছিঁড়ে গিয়েছিল।

আজ পরিণত বয়সে হিসাব-নিকাশ করতে বসে এর মূল্য এবং স্বরূপ নির্ণয় করতে গিয়েও গোল বাধে। প্রশ্ন জাগে—সত্য করে কি চেয়েছিলাম! এর উত্তর সম্পর্কে আমার কোন সংশয় নেই; এখানে আমি চিরকালের উত্তরকে মানি;—চেয়েছিলাম যা আদিকাল থেকে যে কাল থেকে মানদ্ব জন্তুজীবনের গন্ডীকে অতিক্রম করে মন পেয়েছে—সেই মনে মনে যা চেয়ে এসেছে মানদ্ব তাই চেয়েছিলাম; এবং সে হল পরম তৃপ্তি, যার অপর নাম শান্তি। কিন্তু তার পরেই প্রশ্ন আসে—তা হলে শান্তি কি—প্রতিষ্ঠা, যশ খ্যাতি? আমার সেই তেদ্বিশ বৎসর বয়স পর্যন্ত রাজনীতির পথে, সাহিত্যের পথে, সেবার পথে, খেলার পথে, অভিনয়ের পথে, ধনসম্পদের পথে ওই প্রতিষ্ঠাকেই কি কামনা করি নি। সূত্র—যে সূত্র অর্থমূল্যে পাওয়া যায় সংসারে, ভোগ্য বস্তু যা এনে দেয় তা আমি চাই নি। এ বিষয়ে আমার মন পরিচ্ছন্ন, সংশয়হীন—কারণ তখনও পর্যন্ত লিখে পারিশ্রমিক একটি কপর্দকও পাই নি। এবং অশ্বিনী দত্ত রোডের উপর শরৎচন্দ্রের বাড়ি তখনও হয় নি। শরৎচন্দ্রের মতো প্রতিষ্ঠাবান হলে উঠব এমন কল্পনাও কোন দিন মনে উঁকি মারে নি এ কথা শপথ করেই বলতে পারি। এ ছাড়াও একটা জোরালো, প্রায় অকাটা প্রমাণ আছে এ বিষয়ে। আমাদের গ্রামের স্বর্গীয় যাদবলালবাবু সম্পদ অর্জনের একটা রাজপথ তৈরি করে গিয়েছিলেন; কল্লার ব্যবসার পথ। এ পথে যাত্রা শুরুর করলে অর্থাগম ছিল সুনিশ্চিত। আমাদের গ্রামের এবং আশেপাশের বহুজনই এ পথের পথিক হয়ে মহাজনত্ব অর্জন করে গেছেন। যে সময়ের কথা বলছি সে সময়ে যতীন দাস রোডে আমাদের ও অঙ্গলের কৃতী কল্লা-ব্যবসায়ীদের তিনতলা বাড়ি উঠছে এবং উঠছে সারি সারি। আমার প্রথম জীবন থেকে আমার শ্বশুরদের আমাকে এই পথে টানাটানির বিরাম ছিল না। কিন্তু কিছুতেই এ পথে চলতে আমি কোনো আকর্ষণ বোধ করি নি, কোন তৃপ্তি পাই নি, বার বার পালিয়ে গিয়েছি।

অর্থ, ভোগ, সম্পদ কামনা করি নি—এ পথে। আমি কেন—বাংলা সাহিত্যে যারা প্রতিষ্ঠা অর্জনের চেষ্টায় যাত্রা শুরুর করেছিলেন তাঁরা কেউই করেন নি—এ কথা সুনিশ্চিত। যারা বেঁচে থাকবার মতো উপকরণ সংগ্রহের জন্য মাসিক ষাণ্ঠিকিৎ কাগজ মূল্য দাবি মনে মনে পোষণ করতেন

তাদের সম্পদলোভী যে বলবে সে নিতান্তই নিন্দ্যক, ইতর। সম্পদের কথা ওঠেই না। কিন্তু খ্যাতি ও প্রতিষ্ঠা কামনাকে তো অস্বীকার করা যায় না। শান্তি কি তার মধ্যেই আছে? এত কালের জীবনে শান্তি পাই নি—তবে আভাসে অনুভব করেছি—আছে। রচনাকালে তন্ময়তার মধ্যে তাকে বোধ করি সকল লেখকই পান। তন্ময়তা ভঙ্গ হলেই চকিতে গাঢ়তম অন্ধকার গুহায় আলোর আবির্ভাবে বহির্জগতের আবির্ভাবের মতো দ্বন্দ্বময় জগৎ প্রকট হয়ে ওঠে। রচনাকাল ছাড়াও এক-এক সময়ে তাকে পাওয়া যায়। কেউ পান নির্জন প্রকৃতির বিচিত্র আয়োজনময় পরিবেশের মধ্যে। আমি অনেক সময় পেয়েছি মানুষের বহু সমাবেশের মধ্যে। কি ভাবে কেমন করে এ উপলব্ধিতে উপনীত হয়েছি জানি না—তবে এ কথা সত্য যে, বিপুল জনসমাবেশের মধ্যে একা দাঁড়িয়ে মনে হয়েছে আমি মহা অরণ্যের মধ্যে দাঁড়িয়ে রয়েছি; সবল পুরুষকে মনে হয়েছে আকাশ-অভিসারী বনস্পতি, প্রত্যেকে প্রত্যেকের মাথা ছাড়িয়ে উর্ধ্ব থেকে উর্ধ্বতর লোকে বেড়ে উঠবার চেষ্টা করছে; নারীকে মনে হয়েছে পুন্পিপতা লতা। উদ্ভিদ-লোক থেকে মানবজন্মে জীবনের অভিসারের কথা ভাবি, ভাবি বলেই মনে হয় উদ্ভিদময় জগৎ থেকেও মানুষের সমাবেশের মধ্যে সন্দ্বরের অধিষ্ঠান অধিকতর স্পষ্ট এবং প্রত্যক্ষ।

মানুষের জীবনে চরম কাম্য শান্তি—সে শান্তি মেলে বোধ করি এই বনস্পতির আলোকাভিসারে—উর্ধ্বলোকে মাথা তোলার পথের মতো বেড়ে ওঠার পথেই। অকস্মাৎ একদিন আসে যে দিনকার বেড়ে ওঠার কামনা তৃপ্ত হয়ে যায়—শান্ত হয়ে যায়; সে দিন সে ফুল ফোটানো পর্বন্ত শেষ করে দিয়ে আলোকগ্নান করে যায় পরমানন্দে। এই উর্ধ্বলোকে মাথা তোলাটাই বনস্পতির যেমন পরিপূর্ণ আত্মপ্রকাশ, মানুষেরও তেমনি প্রতিষ্ঠার পথে প্রতিদ্বন্দ্বিতা করে বেড়ে ওঠাই পূর্ণ আত্মবিকাশ। সেদিন এই সাহিত্যের ক্ষেত্রে নিজের মূলকে প্রসারিত করে দিয়ে এই ক্ষেত্রের যে সামান্য রসটুকু আহরণ করতে পেরেছিলেন স্বাদে তাকেই মনে হয়েছিল অমৃত—পূর্ণাঙ্গীভূত তাকেই অনুভব করেছিলেন প্রাণদা।

বৃন্দুর মৃত্যু ছাড়া আরও একটি ঘটনা ঘটেছিল যার ফলে লাভপুরের সমাজজীবন আঘাতে অঘাতে আমাকে জর্জর করে তুলেছিল; প্রত্যক্ষভাবে আমার সঙ্গে বিরোধ বেধে উঠল ওখানকার ধনসম্পদে-রাজসম্মানে প্রেষ্ঠ প্রতিপত্তিশালী বাড়ির সঙ্গে। তাঁরা আবার আমার নিকট সম্পর্কে আত্মীয়, আমার মামাশ্বশুর। যারা আমার প্রথম জীবনের স্মৃতিকথা—“আমার কালের কথা” পড়েছেন তাঁরা এই ঘটনাটির মধ্যে অনেক-কিছু খুঁজে পাবেন। আমাদের

গ্রামের কালীকঙ্কর মদ্যোপাধ্যায় জীবনে কৃতী ব্যক্তি। ওই শ্রেষ্ঠ প্রতিপত্তিশালী বাড়ির নিকট জ্ঞাতি-বাড়ির ভাগিনের এবং উত্তরাধিকারী। সেই হিসাবে তাঁদের আত্মীয়ও বটেন। অন্যদিকে ওই বাড়ির কর্তাদের মাসতুত ভাই স্বর্গীয় রায়বাহাদুর অবিনাশচন্দ্র বন্দ্যোপাধ্যায়ের জামাইও বটেন কালীকঙ্করবাবু। সে হিসাবেও নিকট আত্মীয়। কিন্তু আশ্চর্যের কথা জীবনের প্রথম থেকেই একটি যেন বিষম সম্পর্কের সূত্র ছিল উপরের পদুপশোভার মর্মস্থলে। ক্রমে ক্রমে জীবনের অগ্রগতির সঙ্গে মালার ফুল বাসী হয়ে যত শুকিয়ে এল ততই প্রকট হল এই প্রচ্ছন্ন বিষম সূত্র। নানা ছদ্মতায় এই সূত্রটি জীর্ণ হওয়ার পরিবর্তে হল দৃঢ় থেকে দৃঢ়তর। বাদে-প্রতিবাদে বিশেষ করে সামাজিক জীবনে, রাষ্ট্রীয় অধিকারের ক্ষেত্রে সমালোচনায় নিন্দায় প্রতিবাদে, সরকারীভাবে প্রতিবাদমূলক দরখাস্তের পথ ধরে বেড়েই চলেছিল। হঠাৎ একটা ঘটনা ঘটল। কালীকঙ্করবাবু মেয়ের বিয়ে দিলেন এক বিলেতফেরত ছেলের সঙ্গে। বিবাহটি হল কলকাতায়। লাভপুরে ঘটলে ওই বিবাহের দিনেই যে কি ঘটত জানি না।

কলকাতায় বিবাহ হল। লাভপুরে তার প্রতিক্রিয়া হল। আমি নিজে লাভপুর সম্পর্কে যতটা জানি তাতে এই ঘটনায় লাভপুরে কোন আবর্ত সৃষ্টি হওয়ার কথা নয়। লাভপুরের সমাজ সে কাল পার হয়ে গিয়েছিল তখন। ওই প্রতিপত্তিশালী বাড়িতে তো কোন প্রতিবাদ ওঠার কথাই নয়। জাতিতে ইংরেজ থেকে শূরু করে বিলেতফেরত রাজপুরুষদের সঙ্গে তাঁদের নিত্য মেলামেশা, এক টেবিলে এক আহাৰ্য খাওয়া, হিন্দু সমাজের আচার-আচরণ সম্পর্কে কঠিন থেকে ব্যঙ্গাত্মক সমালোচনা করা তাঁদের নিত্যকর্ম-পদ্ধতির পর্যায়ভুক্ত। সভায় সমিতিতে সকল প্রকার রক্ষণশীলতার বিরুদ্ধে তাঁরা অভিযান চালিয়ে চলেছেন। কিন্তু এই ব্যাপারে তাঁরা বেকে বসলেন। সূর উঠল প্রথম অন্তঃপুরে। সেই সূরে ভাষা যখন ফুটল তখন শূন্যলাম বিলাতফেরতের সঙ্গে কন্যার বিবাহ দেওয়া সমাজবিরোধী কর্ম। এই বিবাহ দেওয়ার দরুন সমাজে অপাণ্ডস্তেয় হয়েছেন তিনি।

আমি আশ্চর্যভাবে প্রথম থেকেই এতে জড়িয়ে গেলাম। নাটকীয়ভাবে ঘটল ঘটনাটি। একদিন বিকেলবেলা বাড়ি থেকে আমাদের বাড়ির সংলগ্ন আমাদেরই চণ্ডীমন্ডপ পার হয়ে যাচ্ছি। দেখলাম এক বিচার-সভা বসেছে। বিচারকেরা সকলেই মাতৃস্থানীয়, তাঁদের মধ্যে প্রধানা ওই প্রতিপত্তিশালী প্রগতিশীল বাড়ির একজন। যিনি অভিযুক্ত তিনি আমাদের অতি নিরীহ পুরোহিত। তিনি নতমস্তকে নীরবে দাঁড়িয়ে আছেন। আমি অবশ্য প্রথমটা ওঁদিকে লক্ষ্য না করেই চলে যাচ্ছিলাম। ভেবোঁছিলাম তিথি-নির্ণয় বা পূজা-

পার্বণ সম্পর্কীয় কোন আলোচনা চলছে পুরোহিতের সঙ্গে। হঠাৎ প্রধানা আমাকে ডাকলেন। বললেন, তারাক্ষর, তোমাদের পুরোহিত যে ধর্মবিরুদ্ধ কর্ম করলেন তার প্রতিবিধান কর। পুরোহিতই যদি ধর্মহীন হন তবে সমাজে ধর্ম থাকে কি করে?

বিস্মিত হলাম। আমাদের এই পুরোহিতটি সত্য সত্যই ভালো মানুষ ছিলেন। এবং মূর্খ ছিলেন না; আমি তাকে শ্রদ্ধা করতাম। তিনি কি করলেন?

বললেন—বিলাতফেরতের সঙ্গে বিবাহে কন্যাদানে পুরোহিত্যের কথা তুমি শোন নি? ওঁকে প্রায়শ্চিত্ত করতে বল, নইলে ওঁকে পরিত্যাগ কর।

কথা শুনে আমার আর বিস্ময়ের সীমা রইল না। আমি কয়েক মৃদুত্ব স্তব্ধ হয়ে রইলাম।

পুরোহিত বেচারী এতগুলি সম্পন্ন অবস্থার যজ্ঞমান চলে যাওয়ার ভয়ে বিকৃত হয়ে নির্বাক আমার মূর্খের নিকে চেয়ে বললেন—আপনারা যদি বিলাত যান, বিলাতফেরতের সঙ্গে করণ-কারণ করেন তবে আমরা ক্রিয়াকর্ম আপনাদের ছাড়ব কি করে? আপনাদের নিজেই আমরা। যদি সকলে বলেন তবে করব প্রায়শ্চিত্ত। আপনাদের তো ছাড়তে পারব না।

এবার আমি বললাম—ভটচাঁজ মশায়, আপনি যদি প্রায়শ্চিত্ত করেন তবে আমি আপনাকে পুরোহিত হিসাবে ত্যাগ করব। পতিত করার কথা আমি ভাবতেই পারি না, কিন্তু পুরোহিত হবার মতো দৃঢ়তা আপনার নেই বলে পুরোহিত হিসাবে আপনাকে আর নেব না।

সকলে চমকে উঠলেন। একজন দেশসেবক সদা জেলফেরত ব্যক্তির মুখে এ কি কথা!

আমি বললাম—বিলাত যাওয়ার পাতিত্য ঘটে জাতিচ্যুতি ঘটে এ সংস্কারকে আমি মানি না। সুতরাং পুরোহিত মশায় কোন অন্যান্য কাজ করেছেন বলে আমি মনে করি না। অন্যান্য না করে যিনি প্রায়শ্চিত্ত করেন তিনি দূর্বল। তাঁর দ্বারা পুরোহিত্য হয় না। এই শূন্য হল।

সমাজের মধ্যে সম্পদশালী ষাঁরা, রাজশক্তি ষাঁদের পৃষ্ঠপোষক, তাঁরা কি সহলে দমিত হন? তাঁদের বাসনা কি এক কথায় সংঘত হয়? এরপর সত্যকারের কাজ শূন্য করলেন এই দিকে। ওঁদেরই বাড়ির কর্মচারী এবং সম্পন্ন একজন প্রবীণ ভদ্রলোকের পোত্র এবং দৌহিত্রের উপনয়ন উপলক্ষে দুইপক্ষে পরামর্শ করে স্থির করলেন এই ক্রিয়ায় পুরোহিতকে বর্জন করবেন এবং কালীকিষ্করবাবু বাড়িতে নিমন্ত্রণ বাদ দেবেন।

পুরোহিত এসে আমাকে সংবাদ দিলেন। কালীকিষ্করবাবু কলকাতায়

থাকেন, বাড়িতে থাকত তাঁর ভাগিনের। সে কিন্তু এল না, আসতে তার বিধা হল। এ সময় পর্যন্ত কালীকিষ্করবাবুর সঙ্গে আমার সম্পর্কটুকু নিতান্তই সামাজিক ; তাঁর সঙ্গে অন্তরের কোন যোগ ছিল না বললেই সত্য বলা হবে। আমার কাছে আদর্শবাদই বড়। কালীকিষ্করবাবু গোণ। সুতরাং কালীকিষ্করবাবুর ভাগিনের আমার কাছে না আসা আমার চোখেই পড়ল না। আমি প্রবীণ ভদ্রলোকটির কাছে গেলাম। পাত্রবিধি আলোচনা করলাম না, তর্ক করলাম না, সোজা বললাম পদ্রোহিত এবং কালীকিষ্করবাবুদের বর্জন করলে আমি আপনার নিমন্ত্রণ গ্রহণ করব না, বর্জন করব এবং আমার যার্যা অনঙ্গামী তাঁদেরও বলব আপনার বাড়ির নিমন্ত্রণ বর্জন করতে।

ভদ্রলোক ভড়কে গেলেন। ১৯৩২-৩৩ সালে আমার অনঙ্গামী অনেক। তিনি স্বীকার করলেন, তিনি মনে মনে বিলাতফেরতের সঙ্গে করণ-কারণ অনুমোদন না করলেও কালের গতিকে বড় বলে মেনে এ নিয়ে কোন বাদ-প্রতিবাদ তুলতেন না। কিন্তু—

এবার সংবাদ পেলাম ওই শ্রেষ্ঠ প্রতিপত্তিশালী ঘরের সঙ্গে এই ব্যাপার নিয়ে ওই শ্রেষ্ঠ বাড়িটির চিরকালের বিরোধী বাড়িটিও নাকি হাত মিলিয়েছেন। তাঁদের পরামর্শেই এবং সাহসে এটি তিনি করতে উদ্যত হয়েছেন।

একটু ভেবে তিনি বললেন, আমি একটু ভেবে দেখি।

ভেবে দেখে অপরাহে। আমাকে বললেন, আমি ও সঙ্কল্প ত্যাগ করলাম। তারাজঙ্কর। আমাকে ধন্যবাদও দিলেন, আশীর্বাদ করলেন।

এবার কালীকিষ্করবাবুর ভাগিনের এল। সে ছিল আমার সমবয়সী, বন্ধু ; আমাকে ধন্যবাদ জানিয়ে গেল।

এতেও কিন্তু মিটল না। এবার এল শেষ এবং কঠিন পরীক্ষা। ওই প্রতিপত্তিশালী বাড়ির গৃহিণী—যিনি প্রথম সূত্র তুলেছেন তিনি তুলাট ব্রত করবেন। অর্থাৎ যজ্ঞ করে যজ্ঞশেষে নিজের সঙ্গে ওজন করে স্বর্ণ রৌপ্য থেকে খাতুতে, বস্ত্রে, নানা পার্থিব সামগ্রী দান করবেন। নানাস্থান থেকে পণ্ডিত আসছেন, কাশী থেকে আসছেন পণ্ডিত গ্রীষ্মকর এবং প্রমথনাথ তর্কভূষণ। বিরাট আয়োজন নবগ্রামের ব্রাহ্মণ ভোজন। তিনি এই যজ্ঞে পদ্রোহিত এবং ওই কালীকিষ্করবাবুর বাড়িকে পাতিত্য দোষে বর্জন করতে কৃতসঙ্কল্প হলেন। আমার কাছে তাঁদের দূত এল।

আমাদের গ্রামের অধিনাশ মূখোপাধ্যায় (“আমার কালের কথা”র ‘অধিনাশ দাদা’) তাঁদের কর্মচারী, কালীকিষ্করবাবুর বন্ধু, আমার সঙ্গে প্রীতির সম্বন্ধ আছে, তিনি এলেন আমার কাছে। আমাকে এবার সোজা বললেন, দেখ, তুমি কেন এতে বিরোধিতা করছ? সম্পর্ক বিচারে, প্রীতি অন্তরঙ্গতা

বিচারে, কালীকিষ্কর কি এঁদের চেয়ে তোমার আপন? তুমি সরে দাঁড়াও।

আমি বললাম, একটু ভুল করছ। আমি কোন ব্যক্তির জন্য কোন ব্যক্তির বিরোধিতা করছি না। কালীকিষ্করবাবুর সঙ্গে আমার সম্পর্ক বিচার আমি করছি। ওদের সঙ্গেও করছি। আমি জানি কালীকিষ্করবাবুর সঙ্গে এই দিক দিয়ে ওদের যে বিরোধিতা আজ মাথা ঠেলে উঠেছে সে বিরোধিতা অগস্ত্যের আবির্ভাবে বিষ্ণুর মতো প্রণত হয়ে মিলিয়ে যাবে। সে অগস্ত্য হলেন রায়বাহাদুর অবিনাশবাবু। যে বিলাতফেরত ছেলেটির হাতে কন্যা সমর্পণের জন্য এত বিরোধ, রায়বাহাদুর সেই নাতজামাইকে সঙ্গে নিয়ে এখানে আসবেন এমনি তুলাট ধরনের আর-এক আয়োজনে। সে আয়োজনে ব্রাহ্মণ-পাণ্ডিতের বদলে আসবেন সাহেবসদ্বার দল। জজ ম্যাজিস্ট্রেট পুলিশ সাহেব ডেপুটি প্রভৃতি নবীন যুগের মহামহোপাধ্যায়ের দল। তাঁদের মধ্যে এই নবীন বিলাত-প্রত্যাগত জামাতাটি নবগ্রহের সভায় কিশোর-গ্রহ বৃদ্ধের মতো বসে ওঁদের কাছ থেকেই প্রশংসাবাক্যে তুষ্ট হবেন। হয়তো এই ঝগড়াটা সেইখানেই মিটবে। সে সভায় এঁদের বাড়ির অকৃতী এই জামাতাটির কোন স্থান হবে না। এ সবই আমি জানি। কিন্তু তবু আমি সরে দাঁড়াতে পারব না। প্রথমেই বলছি এ দাঁড়ানো আমার কোনো ব্যক্তির জন্য কোনো ব্যক্তির বিরুদ্ধে নয়। আমি দাঁড়িয়েছি আমার আদর্শের জন্য। আমি কোনমতেই সরে দাঁড়াব না।

অবিনাশ মদুখোপাধ্যায় দীর্ঘনিঃশ্বাস ফেলে উঠে দাঁড়ালেন, ভুল করলে তারাজক্ষর। কাশী থেকে পাণ্ডিত শ্রীশঙ্কর আসছেন, প্রমথনাথ তর্কভূষণ আসছেন—তারা যখন এই কথা বলবেন তখন?

বললাম, সে কথাও মানব না।

—কিন্তু সমাজ মানবে।

—মানে আমি পতিত হয়ে থাকব।

এবার তিনি আর দাঁড়ালেন না, চলে গেলেন। ঠিক সঙ্গে সঙ্গেই আর এক দরজা দিয়ে ঢুকলেন কালীকিষ্করবাবুর ভাগিনেয় এবং তাঁর এক আত্মীয়। বৃদ্ধের আমার বাকি রইল না যে তাঁরা অবিনাশ মদুখোপাধ্যায়ের পিছনে পিছনেই এসেছেন এবং সকল কথাই শুনছেন অন্তরালে দাঁড়িয়ে।

বংশী সজল চোখে আমার হাত চেপে ধরলেন। তাঁর আত্মীয় আমাকে ধন্যবাদ জানালেন। বললেন সকল কথাই লিখবেন তারা কালীকিষ্করবাবুকে।

আমি হাসলাম। এবং আমার এই দাঁড়াবার কারণ আবারও একবার তাঁদের বুঝিয়ে বললাম। কিন্তু তারা মানবেন কেন? তাঁদের কৃতজ্ঞতা যাবে কোথায়?

থাক ও কথা। এখন তারপর যা ঘটল তাই বলি।

পাণ্ডিত গ্রীষ্মকর এবং প্রমথনাথ তর্কভূষণ সমস্ত শ্রুত এক কথায় সমর্থন করলেন আমাকে। তাঁদের প্রস্তাব অগ্রাহ্য করে বললেন, কাল পরিবর্তন হয়েছে, কর্মসূত্রে কাল আর নেই। কালভেদে উপলব্ধির পরিবর্তন হয়। হিন্দু সমাজেরও হয়েছে। ও বিধান আজ অচল। শুধু তাই নয়, সেই রায়েই আমাদের পুরোহিতকে ডেকে ঐ যজ্ঞের শাস্ত্রপাঠ কর্মের জন্য বরণ করালেন।

লাভপূরের সমাজে সেই রায়ে সাধারণের চক্ষুর অন্তরালে নববিধান প্রবর্তিত হল। যজ্ঞ মিটে গেল। পাণ্ডিতেরা চলে গেলেন, আমি রইলাম, কয়েকদিনের মধ্যেই অনুভব করলাম এর প্রতিক্রিয়ায় আর-এক বিরোধের সম্মুখীন হতে হবে আমাকে।

এই বিরোধ আমাকে পাণ্ডিত করে তুলেছিল। বিরোধে ভয় আমি পাই নি। কোনদিন পাই নি। কিন্তু এই অশান্তি, বিশেষ করে বৈষয়িক পথ ধরে বিরোধ এসে যখন অশান্তির সৃষ্টি করে তখনই এইটে আমার অসহ্য হয়ে উঠে।

একট দৃষ্টান্ত দেব।

তাঁদের সঙ্গে আমাদের একটি এজমাল সম্পত্তি। তাঁরা সেই সম্পত্তির সরকারী রাজস্ব দাখিল করলেন না। এর ফলে সম্পত্তি উঠল নিলামে। এর প্রতিকার করতে হলে, নিলামের মূখে তাঁদের দেয় টাকা আমাকে দাখিল করতে হবে এবং পরে তাঁদের উপর মকদ্দমা করে সেই টাকা আদায় করতে হবে। অথবা নিলামে ওই সম্পত্তি ডাকতে হবে। কোনটার সামর্থ্য আমার নেই। আমি নিলামের পূর্বে আর-একজন সম্পদশালীকে সম্পত্তিতে আমার অংশটুকু বিক্রি করে দিয়ে নিষ্কৃতি নিলাম। শুধু এইটুকু প্রতিহিংসা আমার চরিতার্থ হল যে, সম্পত্তিটা তাঁদের ষোল আনা হল না।

আরও একটি ঘটনা ঘটেছিল। যা নিয়ে ঘটনাক্রমে আমাকে আবার গ্রামের প্রভাবশালী সম্প্রদায়ের বিপক্ষে দাঁড় করিয়ে দিলে। এক বৃদ্ধ সন্ন্যাসীকে নিয়ে বিরোধ। সে কথা এখানে থাক। শুধু এইটুকু বলি যে এই সন্ন্যাসীর সংস্পর্শে আসার ফলটুকু আমার জীবনের অক্ষয় সম্পদ। তাঁর কথা আমার “বিচিত্র” বইয়ে বলেছি।

আমার সাহিত্যিক-জীবনের ভূমিকা-পর্ব শেষ হল। বলতে গেলে এইখানে যাত্রা শূন্য হল “বঙ্গপ্রীতি”তে। তার আগে কেমন করে আবার সাহিত্য-সাধনায় মন ফিরল সেই কথাই বলব।

“উপাসনা” উঠে গেল। সাবিত্রীপ্রসন্ন চলে গেলেন, এলেন সজনীকান্ত

দাস । তিনিই এই প্রতিষ্ঠানের নতুন মাসিক পত্রিকা “বঙ্গপ্রী” শুরুর করলেন । নাম কার দেওয়া সঠিক জানি না, তবে তিনিই সম্পাদনা শুরুর করলেন সমারোহের সঙ্গে । ওই পর্বের সঙ্গে আমারও নতুন পর্ব আরম্ভ হল ।

“উপাসনা”র তখন “যোগ-বিয়োগ” নামে একখানি উপন্যাস ক্রমশঃ প্রকাশিত হচ্ছিল । এবং “সর্বনাশী-এলোকেশী” নামে একটি গল্পও দেওয়া ছিল “উপাসনা”র দস্তরে । “উপাসনা”র শেষ সংখ্যায় আকণ্ঠ ঠেসে সাবিত্রী-প্রসন্ন সব শেষ করেছিলেন । এবং “উপাসনা”র হিসাব-নিকাশ চুকিয়ে দেবার সময় উপন্যাস ও গল্পের জন্য পারিশ্রমিক আদায় করে দিয়েছিলেন ষাট এবং দশ । উপন্যাসের দরদুন বারো মাসে পাঁচ টাকা হিসেবে ষাট টাকার । এই আমার সাহিত্যিক-জীবনের প্রথম উপার্জন । এই কারণেই “উপাসনা” “বঙ্গপ্রী”র কথার পুনরাবৃত্তি । টাকাটা বোধ করি বদলার মতুর পরেই উদ্ভ্রান্ত অবস্থায় কলকাতায় গিয়ে “উপাসনা” আপিস থেকেই আবার যে রাতেই জ্বর নিয়ে বাড়ি ফিরলাম, সেই দিন পেয়েছিলাম । বাড়িতে দিন কয়েক জ্বরে ভুগে আবার এলাম কলকাতায় । এবার সপরিবারে স্ত্রী-পুত্রকন্যাদের নিয়ে এলাম আমার স্ত্রীর মাসিমার বাড়ি । তিনি ছিলেন আমার স্ত্রীর মায়ের মতো । উমার (আমার স্ত্রীর) বাল্যকালে মাতৃবিয়োগ হয়েছিল, তিনিই তাকে মাতুল্নেহে কোলে টেনে নিয়েছিলেন । তাঁরই আহবানে এলাম কলকাতায় ; বালীগঞ্জ যতীন দাস রোডে । কাছাকাছি সাবিত্রীপ্রসন্ন এবং কিরণ রায়ও থাকেন । ওদিকে ধর্মতলা স্ট্রীটে “বঙ্গপ্রী” আপিস জমে উঠেছে । “শনিবারের চিঠি”র সজনীকান্তকে ঘিরে নতুন কালের সাহিত্যরথীর সমাবেশ হয় নিত্য-নিয়মিত । গল্পে-গুজবে, হাস্য-কৌতুকে, আলাপে-আলোচনায়, চায়ে-পানে, সিগারেটে-বিড়িতে, মধ্যে মধ্যে মৃড়ি-বোঁদেতে, ভাজা চাঁনেবাদাম-ছোলাতে মিশিয়ে সরগরম মজলিস । অধ্যাপক সুকুমার সেন, শ্রীযুক্ত অমল্য সেন, শ্রীযুক্ত শৈলজানন্দ, স্বর্গীয় রবীন্দ্র মৈত্র, শ্রীযুক্ত সরোজ রায়চৌধুরী, শ্রীযুক্ত নৃপেন্দ্রকৃষ্ণ চট্টোপাধ্যায়, শ্রীযুক্ত প্রমথনাথ বিশী, চিত্রকর শ্রীযুক্ত চৈতন্য চট্টোপাধ্যায়, শ্রীযুক্ত পরিমল গোস্বামী, কবি সুবল মদ্যুপাধ্যায়, চিত্রশিল্পী অরবিন্দ দত্ত, স্বর্গীয় বিভূতি বন্দ্যোপাধ্যায়, সাহিত্যিক উকিল দেবীদাস বন্দ্যোপাধ্যায়, সাহিত্যরসিক উকিল জ্ঞান রায়—এঁরা প্রায় এ আসরের নিত্যকার যাত্রী ছিলেন । মধ্যে মধ্যে আসতেন শ্রীপ্রমোদ মিত্র, কবি অজিত দত্ত, বিখ্যাত চিকিৎসক উদার আশুভোলা শ্রীরাম অধিকারী ; কখনও কখনও আসতেন শিল্পী শ্রীযুক্ত বামিনী রায়, শিল্পী শ্রীঅতুল বসু, শ্রীব্রজেন্দ্র বন্দ্যোপাধ্যায় । শ্রীযুক্ত অশোক চট্টোপাধ্যায় মধ্য মধ্যে আসতেন এবং আসার জমিয়ে তুলতেন কয়েক মৃদুহৃদের মধ্যেই । মধ্যে মধ্যে খাওয়াতেন । সে যাকে বলে সমারোহের কাণ্ড তাই । আন্তর

সভ্যেরা ভিঁনি এলেই ধরতেন কিছু খাওয়ান খুদুদা (অশোকবাবুর সমাদরের নাম)। তিনি পকেট থেকে হাত বের করলেন, হাতে উঠল হস্ততো একশো টাকার নোট। সেটি টেবিলের উপর রেখে বলতেন, খুচরো তো নেই। যা আছে এই।

সভ্যেরা চুপ করে যেত। একশো টাকার নোটখানাকে খুচরো করে নিলে খাবার আবদার জানাতে তাদের দ্বিধা হত ; খুদুদা তখন বলতেন, তাহলে ওখানা নিয়েই যা হার্ন কর। এরপর উঠত খুদুদার জয়ধ্বনি। এই মানদুটির মতো দরাজ-মন আমীর মানদু সত্যিই দেখি নি। একটু ভুল হল ; পরে অবশ্য দেখেছি, শিল্পী দেবীপ্রসাদকে দেখেছি। তিনি যাদের ভালোবাসেন তাঁদের বিন্দুপ্রমাণ অভাবের কথা জানতে পারলে তৎক্ষণাৎ মাদ্রাজ থেকে একটি T. M. O. পাঠাতেন তিনি। দেবীপ্রসাদ এবং অশোক চট্টোপাধ্যায় পরস্পরের ঘনিষ্ঠ বন্ধু। দুজনেই শালপ্রাংশু পালোয়ান বস্ত্রার এবং জুজুৎসুবিদ্। এঁরা দুজনে মধুমর্ম্মি হলে যা ঘটে সে দেখার মতো দৃশ্য। বিশেষ করে যখন দুজনের পাঞ্জা ধরে শক্তির পরীক্ষা করেন।

যাক ; ও কথা এখন থাক। “বঙ্গশ্রী”র আসরের কথা বলি। এই আসরে আর একজন আসতেন। সজনীকান্তের বন্ধু, স্ট্যান্ডার্ড লিটারেচার কোম্পানির এজেন্ট নিখিল দাস। হাসাতে জানেন না, হাসতে জানেন এবং হাসির বেগ সম্বরণ করতে অপরকে মেরে ধরে কামড়ে আঁচড়ে কাঁদাতে জানেন, সঙ্গে সঙ্গে তাঁর চোখেও জল পড়ে !

এই আসরের আকর্ষণে ধর্ম্মতলা স্ট্রীটে নিত্য বিকেলবেলা আসি। দূরে একান্তে বসে শুননি, দেখি, উপভোগ করি। এর আগেই বোধ হয় বলেছি যে, “বঙ্গশ্রী”র আসরে সজনীকান্তের মহল ছিল তিনটে। প্রথম মহলে থাকতেন কিরণ রায়, তিনি আপ্যায়িত করতেন নতুন আগন্তুকদের ; তার পরের মহল ছিল সজনীকান্তের সম্পাদকীয় দপ্তর ; এখানেই বসত এই বিখ্যাত মজলিস। এর পর পর ছিল তাঁর খাস-মহল, এখানে চারিদিকে ঠাসা ছিল হাজার পাঁচেক বই, এরই মধ্যে তিনি লেখাপড়ার কাজ করতেন এবং গভীর অন্তরঙ্গদের সঙ্গে আলাপ-আলোচনা করতেন।

কিরণ রায়ের সঙ্গে আমার পরিচয় অনেক দিনের হলেও সজনীকান্তের আসরে এবং অপর সকলের কাছেই আমি ছিলাম নতুন আগন্তুক। আমার সীমানা আমি নিজেই নির্ধারণ করে নিয়েছিলাম। আমি এসে বসতাম ওই কিরণ রায়ের মহলে। ভিতরে যখন মজলিস পুরোদস্তুর জমে উঠত তখন কিরণই নিজে যেত, এক পাশে চেয়ারে বসে শুনতাম। আঙা শেষ হলে সন্ধ্যার সমস্ত ফিরে যেতাম বালীগঞ্জে। সেখানে যখন পৌঁছাই তখন এ

আন্ডার আনন্দের রেশ আর থাকত না, মনে জেগে উঠত বদলদর স্মৃতি। মনে মনে সংশয় জাগত এ কেমন আনন্দ, এ কোন আনন্দ যা আকষ্ট পান করে এসেও বেদনায় তৃষ্ণা শোকের শব্দকতা এক বিন্দু অপনোদিত হল না ?

শ্রীধর অচিন্ত্যকুমার তাঁর বিখ্যাত গ্রন্থ “কল্লোল যুগে” লিখেছেন—
 “তারাক্ষর যে মিশতে পারে নি (“কল্লোল” দলের সঙ্গে) তার কারণ আহ্বানের আন্তরিকতা নয়, তারই নিজের বাহিমুখিতা। আসলে সে বিদ্রোহের নয়, সে স্বীকৃতির সে হৈর্ষের। উত্তাল উর্মিলতার নয়, সমতল তটভূমির কিংবা বালি, তুঙ্গ গিরিশৃঙ্গের।” কথাগুণিলির মধ্যে অস্পষ্টতা আছে। তবুও বিদ্রোহ কথাটি স্পষ্ট। বিদ্রোহ এবং বিপ্লবে প্রভেদ আছে। আমি বিদ্রোহের ছিলাম না। বর্তমানকে ভেঙেচুরে তাকে অগ্রাহ্য করে শূন্যবাদের মধ্যে জীবনকে শেষ করার কল্পনায় আমার মনের পরিতৃপ্তি কোনোদিন হয়নি। আমার রচনার সমাপ্তি পদ্ধতি বিশ্লেষণ করলেই এটা বোধ হয় স্পষ্ট ধরা পড়ে। আমার মনে ভেঙে গড়ার গভীর স্বপ্ন ছিল। উত্তাল উর্মিলতার মধ্যে তটভূমিতে আছড়ে পড়ে ফিরে গিয়ে তটভূমি ভেঙে এবং আবর্তসৃষ্টি করেই তৃপ্তি পাবার মতো মনের গঠন আমার ছিল না। ওই উর্মিলতার নিচে যে স্রোতোধারা প্রবাহিত হয়, যে স্রোত অহরহ সমুদ্রের বৃকের ভিতর প্রবাহিত হয় আপনার বেগে আপনার পথে, আমার মনের গতি অনেকটা সেই ধরনের। ঠিক এই কারণেই “বঙ্গশ্রী”র আসরেও প্রথম যখন এই উর্মিলতা এবং কল-কল্লোলের সমারোহ দেখলাম তখন একটু দূরে ওখানকার তটভূমিতেই আশ্রয় নিয়ে নিতান্ত দর্শকের মতোই বসে রইলাম। ঢেউগুঁলিকে গুনেই গেলাম, শোখিন সমুদ্র-স্নানার্থীর মতো কোমর বেঁধে নেমে পড়লাম না। বন্ধু কিরণ রায় মধ্যে মাঝে সমুদ্রতটের ব্যবসায়ী নুর্লিয়ার মতো হাত ধরে টানাটানি করতেন ; বলতেন, আরে নেমেই দেখা না কেন। দু-চারটে ঢেউ নিলে, দু-চারদিন এই তরঙ্গস্নান করলে তোমার স্নায়বিক দুর্বলতা কেটে যাবে। কিন্তু তাতেও আমি নড়ি নি। প্রাণ সাড়া দিত না। বহুর মধ্যে এই ভাবে এই ভাঙ্গিতে ছাড়িয়ে দেওয়াটা আসল ছাড়িয়ে দেওয়া নয়। এটা যেন আমি অনুভব করি গোড়া থেকেই। অচিন্ত্যাবাদ একে বাহিমুখিতা বলেছেন। কিন্তু আমার ধারণা এটা ঠিক তার বিপরীত। অন্তর্মুখিতা। অন্তরের আত্মাকে অনুভব করে তারই সহধর্মী অন্তরঙ্গ জনটিকে খুঁজছি। খুঁজতাম তটভূমিতে বসে। তটভূমিতে বসে দেখতে পেতাম তরঙ্গোচ্ছ্বাসের মধ্যে শব্দ সমুদ্রের জলই আসছে না, রালির রাশিও উঠে আসছে ; আবার বিচিরগঠন বিচিরবর্ণ বিন্দুক আসছে তারই সঙ্গে। অনেক অনেক কিছু শিখছি এই আসরে। আবার অনেক

বেদনাও পেয়েছি। পরনিন্দা পরচর্চা মদুখরোচক সামগ্রী; কিন্তু গদ্যগীজনের আসরে চলার বস্তু নয়। রসিকজনের ভিয়েনের গদ্যে সে সামগ্রী যখন খোলস পালটে রসবস্তুতে পরিণত হয় তখন আসল খাদ্যগদ্যের বিচার খাটো হয়ে রসের বিচারে অব্যাহত চলে যায় বড় বড় আসরে। এটাও সহ্য করা যায়। কিন্তু যখন আত্মকলুষকে রসিকতার রাংভায় মদুড়ে মাদক-মেশানো পানের খিলির মতো আসরে বিলি করে তখন সেটা অসহ্য হয়ে ওঠে। এই ধরনের সরস আত্মকলুষ বর্ণনা করে বাহাদুরি অর্জন করতেও দেখছি এই আসরে। এবং অলপবিস্তর সাহিত্যিক টংও আমার কাছে অসহনীয় মনে হত। প্রাণের মহল বন্ধ রেখে বুদ্ধির মহলের পোশাকী চলাফেরা কথা-বর্তাটাই সব চেয়ে বড় হয়ে উঠত অধিকাংশ আসরে। দু-চারদিন সাহিত্য প্রসঙ্গ নিয়ে তত্ত্বের পথে জ্ঞানের তোষণাখানার দরজা খুলে যেত।

“শ্মশান ঘাট” গল্পটির মধ্যে এমন একটি শোকাকর্ষিত হৃদয়ের অনুচ্ছবিসিত অথচ গাঢ় প্রকাশ আছে যে সেদিন “বঙ্গপ্রী”র সেই পরিহাস-রস-রসিকতা-মদুখর মজলিসটি তার প্রভাবে কয়েক মিনিটের জন্য সক্রমণ মৌনতায় আচ্ছন্ন হয়ে রইল। স্মৃতিটুকু মনের মধ্যে অগ্নান হয়ে আছে। বোধ করি আমরণ থাকবে। থাকারই কথা। ওই শান্ত মৌনতার মধ্যেই আমি বোধ করি সার্থকতার প্রসাদ আশ্বাদন করেছিলাম। সাধনায় সিদ্ধিলাভের মধ্যে থাকে যে অমৃত এমন আশ্বাদনের মধ্যে থাকে তারই আভাস। অন্য গ্রহণের পূর্বে জলগন্ডুষ গ্রহণের মতো। মনে করিয়ে দেয়—প্রাণ মন দেহকে প্রস্তুত করে তোলে অশ্বাদনের জন্য।

আরও একটা বিচার আছে। লৌকিক হিসাবে বিচার। অর্থাৎ যেটা নারিক মনোবিজ্ঞানের অঙ্কসম্মত। এতবড় মজলিসে এতগুলি গদ্যগীজন-সমক্ষে রচনা পাঠের সৌভাগ্য আমার সেই প্রথম। পড়বার আগে ভয় ছিল, পড়ার সময়েই ফিসফাস এবং একান্তে আলোচনা শুরুর হবে; পড়ার শেষে দুহাত উপরে তুলে আড়ামোড়া ছেড়ে হাই তুলে কয়েকজন উঠে পড়ে বলবেন, উঠলাম তাহলে। যারা থাকবেন তাঁরা বলে উঠবেন, এবার চা আনতে বল। অথবা কোন একটা তুচ্ছ পরিহাস উপলক্ষ করে মদুখরিত হয়ে উঠবে সভাগৃহ। সেই আশঙ্কা মিথ্যা হয়ে গেল। একজন বললেন, শেষটা—শ্মশানে ছোট মেয়েটির শবদাহের জারগাটা আর একবার পড়ুন তো।

কিছুক্ষণ স্তব্ধতার পর সজনীকান্ত বলে উঠলেন, অপূর্ব! অদ্ভুত হয়েছে। এই শব্দ দুটি সজনীকান্তের জিহবাগ্রে অবস্থান করে। ভালো লাগলেই বেরিয়ে আসবে। উনিশ-বিশ দূরের কথা, দশ-বিশ এমনকি পাঁচ-বিশেও ওই দক্ষিণা দানের এক ব্যবস্থা, কাগুন মূল্য। তফাত থাকে কণ্ঠ-

স্বরে। তাকে মারপ্যাচ বলব না, কারণ প্যাচের মারটা স্বেচ্ছাকৃত নয়; স্বাভাবিকভাবেই ভালোছের পরিমাণ ভেদে কণ্ঠস্বরের গাঢ়তার তারতম্য ঘটে। সে বদ্বতে কিছু সময় লাগে। এদিক দিয়ে সজনীকান্ত একেবারে পাকা সম্পাদক। সব লেখককেই সমান তুষ্ট রাখতে পারেন। এক হাতে রাম অন্য হাতে রাবণ নিয়ে কারবার করতে পারেন। আর-এক দিক দিয়ে সজনীকান্ত সাধকের চেয়েও শক্তিশালী উত্তরসাধক। তন্ত্রমতে সাধক যখন শাশানে শবসাধনায় বা এমনি কোনো পদ্ধতির সাদনায় আসন গ্রহণ করেন তখন সর্বাগ্রে প্রয়োজন হয় একজন উত্তরসাধকের। উত্তর সাধক বিনীত চোখে সাধনস্থানের অনতিদূরে দাঁড়িয়ে থাকেন সদাজাগ্রত নন্দীকেশবরের মতো। এবং অহরহ উচ্চারণ করেন মা-ঠৈ বাণী। সেই মা-ঠৈ বাণী ভয়ঙ্কর শাশানেও সৃষ্টি করে এক অভয় পরিমন্ডলের। সেই পরিমন্ডলের মধ্যে প্রশান্ত অনর্দ্বিগ্ন সাধক সাধনা করে যান। সাহিত্যের সাধনক্ষেত্রে এই যুগে সজনীকান্তের মতো এতবড় উত্তরসাধক আমি আর দেখি নি। বর্তমান কালের যারা সাহিত্যিক দিকপাল তাঁদের মধ্যে যিনি তাঁর কাছে এসেছেন প্রত্যেকেই এই উত্তরসাধকের বলে বলীয়ান হয়েছেন। বনফুল, মানিক বন্দ্যোপাধ্যায়, নারায়ণ গঙ্গোপাধ্যায়, সম্বুদ্ধ প্রভৃতি রথীরা আমার কথা অকপটে স্বীকার করবেন বলেই আমার বিশ্বাস। এযুগে সজনীকান্তের এই গুণ একজন পেয়েছেন। তিনি অধ্যাপক শ্রীজগদীশ ভট্টাচার্য। কোন সাময়িক পরিচয় সম্পাদকের পদে তিনি যদি অধিষ্ঠিত থাকতেন তবে তিনি এদিক দিয়ে সার্থক হতে পারতেন।

গল্পটি সজনীকান্ত সঙ্গে সঙ্গে প্রেসে দিলেন। প্রথম সংখ্যাতেই যাবে। কথা ছিল শ্রীযুক্ত সরোজকুমার রায়চৌধুরী ও স্বর্গীয় রবীন্দ্র মৈত্রের গল্প প্রকাশিত হবে। সে ব্যবস্থা আংশিক বদল হয়ে স্থির হল, ৮রবীন্দ্র মৈত্রের গল্প যাবে দ্বিতীয় সংখ্যায়। ৮মৈত্র নিজে খুশী হয়েই মত দিয়েছিলেন। তিনি তখন প্রভাতের কুয়াশামুক্ত সূর্যের মতো স্বকীয় দীপ্তিতে উজ্জ্বল হয়ে প্রকাশ পেয়েছেন জীবনক্ষেত্রে। “শনিবারের চিঠি”তে তাঁর “মানময়ী গার্লস স্কুল” নাটক প্রকাশিত হিচ্ছিল। তখনকার দিনের অন্যতম শ্রেষ্ঠ নাট্যপ্রতিষ্ঠান আর্ট থিয়েটারের ‘স্টার’ রঙ্গমঞ্চে সেই নাটক অভিনীত হচ্ছে। ৮অপরেণচন্দ্রের নাটক ছাড়া অন্য কারও নাটক বড় একটা স্থান পেত না। পেলেও খুব সার্থক হত না! এই সময়ে ৮অপরেণচন্দ্র ছিলেন বাতে শয্যাশায়ী। প্রায় পঙ্গু অবস্থা। এদিকে সামনে এসেছে বর্ডািন। সেকালে কলকাতায় বর্ডািনের একটা বাজার ছিল। বোধ করি কলকাতার সারা বছরের সেরা বাজার। চৌরিঙ্গীর হল্ এন্ডারসন, হোইটওয়ে লেড্‌ল থেকে

হাতিবাগানের ফুটপাথের ফেরিওয়ালাদের দোকান পর্যন্ত পণ্যসম্ভারে ঝলমল করত। হগ মার্কেট থেকে টালার চুনীবাবুর বাজার পর্যন্ত কাঁপ, কড়াইশুঁটি, গলদা চিংড়ি, ভেটাক, তপসে, মার্টনমুর্গীতে বোঝাই হয়ে যেত। চিড়িয়াখানা থেকে থিয়েটার, সিনেমা, ময়দানে সার্কাসের তাঁবু পর্যন্ত লোকের সারি লাগত। বড়দিনে থিয়েটার সিনেমায় নতুন বই না হলে সেকালে চলত না। বড়দিনে নতুন নাটক চাইই। এবং বড়দিনে লন্ডনের মধুর নাটকেরই চলতি ছিল বেশী। আর্ট থিয়েটারে নাটক চাই, অপারেশনচন্দ্র বাতে শয্যাশায়ী। আর্ট থিয়েটারের অন্যতম ডিরেক্টর স্বনামধন্য পদুস্তকব্যবসায়ী সাহিত্যরসিক শ্রীযুক্ত হরিন্দাস চট্টোপাধ্যায় মহাশয়ই বোধ হয় “শনিবারের চিঠি”তে প্রকাশিত এই নাটকখানি পছন্দ করে স্বর্গীয় মৈত্রকে ডেকে বইখানি নিয়ে মগ্নস্থ করেছিলেন। এ সৌভাগ্য সেকালে খুব একটা বড় সৌভাগ্য এবং সম্মান। সম্পাদকের দরজা কাঠের হলে নাট্যমণ্ডের দরজাগুলি ছিল লৌহদ্বার। মাথা ঠুকলে মাথাই ভাঙত, দরজা খুলত না। স্বর্গীয় নাট্যকার নির্মলশিববাবুর কাছে শুনছি— তিনি যখন প্রথম নাট্যকার হিসেবে “মিনার্ভা”য় প্রবেশাধিকার পান তখনকার কথা। সে কি দুরভাগ। তিনি সম্পদশালী পিতার সন্তান। সে হিসেবে অভিনেতা-অভিনেত্রীবৃন্দ একটু সম্ভ্রমের চোখেই দেখত। তবুও অনেক দুরভাগ তাঁকে ভুগতে হয়েছিল। একদিন একজন প্রায় গন্ডমূর্খ অভিনেতা তাঁর রচনায় ভুল ধরেছিল—বলেছিল, মশায় এ আপনি কি লিখেছেন। Sequence of tense জানেন না আপনি? এইখানটা বুঝিয়ে দিন আমাকে।

নির্মলশিববাবু অমর্যাদার ক্ষোভে এবং মূর্খকে বুঝাতে না পারার দুরভোগে যখন যেম্নে প্রায় নেয়ে উঠেছেন তখন ভাগ্যক্রমে স্বর্গীয় অপারেশনচন্দ্র মুখোপাধ্যায় মহাশয় এসে পড়ে তাঁকে বাঁচিয়েছিলেন। মূর্খ অভিনেতাটিকে ধমক দিয়ে বলেছিলেন, যাও যাও, ওতে যা আছে তাই মূখস্থ করগে যাও। ছিকোয়েন্স বিচের করতে হবে না। যিনি নাটক লিখেছেন তিনি সিকোয়েন্স অব টেন্স জানেন।

নাট্যক্ষেত্রে শ্রদ্ধেয় শ্রীযুক্ত শিশিরকুমারের আবির্ভাবের পর এই ধারণার কিছুটা পরিবর্তন হয়েছে তখন; ওই কিছুটা বাদে বেশ কিছুটা তখন বর্তমানও; এই অবস্থায় সসম্মানে আহ্বান করে দক্ষিণা দিয়ে নাটক নেওয়ার মধ্যে স্বর্গীয় রবীন্দ্র মৈত্র যে সম্মান পেয়েছিলেন তার দাম অনেক। নাট্যক্ষেত্রে আর্ট থিয়েটারে আমার দুরভোগের কথা এর আগেই আমি লিখেছি। এই আর্ট থিয়েটারে অপারেশনবাবুর হাতেই সেটা ঘটেছিল।

স্বর্গীয় রবীন্দ্র মৈত্র সাহিত্যক্ষেত্রে তখনই খ্যাতিমান ছিলেন। “প্রবাসী”তে তাঁর গল্প প্রকাশিত হত স্বনামে। “শনিবারের চিঠি”তে দিবাকর শর্মার নামে

হাস্য ও ব্যঙ্গসাম্বন্ধ গল্প লিখতেন। “আনন্দবাজারে” লিখতেন “দধিকদম”। তাঁর তিরোধানের সঙ্গেই “আনন্দবাজার পত্রিকা” “দধিকদম” শিরোনামে তুলে দিয়ে তাঁর প্রতি শ্রদ্ধার পরিচয় দিয়েছেন। “দধিকদম” নামটিও ছিল স্বর্গীয় মৈত্রেয় দেওয়া। সজনীকান্ত “বঙ্গপ্রী”র সম্পাদক পদ গ্রহণ করায় তিনি “শনিবারের চিঠি”র সম্পাদকের পদও তখন গ্রহণ করেছেন। তিনি তখন ফলভার-অবনত বৃক্ষের মতো পরিপূর্ণচিত্ত। এবং চিত্তের দিক থেকে তিনি ছিলেন মহানুভব। জীবনে দয়া, মানুষ্যের প্রতি প্রেম প্রভৃতি আদর্শের প্রতি অনুরাগে বাংলার সাহিত্যক্ষেত্রে তাঁর তুলনা বিরল। আমার গল্পটি শুনে প্রসন্নচিত্তে বললেন—আমার গল্প থাক। এই গল্পই যাক প্রথম সংখ্যায়।

শুধু তাই নয়, “মানময়ী গার্লস স্কুল” উদ্‌ঘাটনের দিন তিনি তাঁর সাহিত্যিক বন্ধুদের মধ্যে আমাকেও বন্ধুরূপে গণনা করে নিমন্ত্রণ করেছিলেন। বাংলা ১৩৩৯ সালের ১৫ই পৌষ “মানময়ী গার্লস স্কুলে”র উদ্‌ঘাটন হয়েছিল। “বঙ্গপ্রী”র মজলিসের প্রায় সকলেই ছিলাম। হাস্যরস-প্রাণিত করতালি-মুখ্যরিত প্রেক্ষাগৃহে আমাদের গোটা দলটি সোদিন যে বিজয়োল্লাস অনুভব করেছিল তা যখন আজ স্মরণ করি তখন আনন্দে মন ভরে উঠে। মনে মনে বৃদ্ধিতে পারি সেই দিনই প্রথম আমি “বঙ্গপ্রী”র গোষ্ঠীর সঙ্গে এক হয়ে গিয়েছিলাম। গোটা “বঙ্গপ্রী”র দল সোদিন স্বর্গীয় রবির বিজয়ে দিগ্বিজয়ের উল্লাস অনুভব করেছিল। অনুভব করবাই কথা। “মানময়ী গার্লস স্কুলে”র অভিনয়ের সে সফলতা মহৎ। আয়োজনে সমারোহ ছিল না। অভিনেতা-অভিনেত্রীদের মধ্যে তখনকার দিনের দিকপালেরা কেউ ছিলেন না, এখনকার অন্যতম দিকপাল শ্রীযুক্ত জহর গাঙ্গুলী তখন নিতান্তই নবীন ও তরুণ; শ্রীযুক্তা অনুরূপা দেবীর “পোষ্যপুত্র” ফটিকচাঁদের ভূমিকায় অভিনয় করে সবে পরিচিত হয়েছেন। বয়েসে নবীন প্রিয়দর্শন তরুণ—মেদ এবং ভাঁড়ির কোন চিহ্ন ছিল না। মানসের ভূমিকায় অভিনয় করে প্রথম রজনীতে তিনি খ্যাতিমান হয়ে গেলেন; দর্শক-মানসের সঙ্গে প্রিয়জন-সম্পর্ক স্থাপিত হয়ে গেল। নায়িকা নীহারিকার ভূমিকায় পদ্যাবতীও খ্যাতিলাভ করলেন। স্বর্গীয় রবীন্দ্র মৈত্র খ্যাতির উচ্চাসনে অধিষ্ঠিত হলেন এক রায়ে। বিখ্যাত হয়ে গেলেন তিনি। সাহিত্যিক বিচারেও এ খ্যাতির মধ্যে খাদ ছিল না। রবীন্দ্রনাথের “চিরকুমার সভা”র পর এমন স্নমধুর হাস্যরসের মিলনাম্বক নাটক তখন পর্যন্ত আর অভিনীত হয় নাই। আজ স্মৃতি-কথা লিখবার সময় মনে মনে বিচার করে লিখছি—আজও পর্যন্ত আর হল না।

স্বর্গীয় রবীন্দ্র মৈত্রের সঙ্গে ঘনিষ্ঠ অন্তরঙ্গতার আমার সন্মোগ হয় নি। কল্প কয়েকদিনই আমি তাকে দেখেছিলাম। তবে কয়েক দিনেই তিনি যে

সাহিত্যিকদের সকল জন থেকে পৃথক তা বন্ধোহিলাম। তাঁর পদক্ষেপ থেকে আরম্ভ করে আলোচনা-আলোচনার ধারা কিছুদূর সঙ্গেই অন্য কারুর মিল ছিল না, সবেই ছিলেন তিনি পৃথক। সহজ স্পষ্ট সোজা এবং আশ্চর্য রকমের শক্ত। মনের কথা উচ্চকণ্ঠে বলতেন, কোন সঙ্কোচ করতেন না। দৃঢ়তার সঙ্গে নিজের প্রত্যয়কে প্রচার করতে দ্বিধা ছিল না। যা অন্যায় মনে হত তার প্রতিবাদ করতে ইতস্ততঃ করতেন না। অপরে কে কি ভাবতে পারে সে ভাবনা তাঁর ছিল না। তিনি নিজের ভাবনাকে প্রকাশ করতেন অসঙ্কোচে এবং সে ভাবনায় কোনোদিন কারুর অনিষ্ট কামনা থাকত না। নিজের কথা—সে যে কথাই হোক, প্রশংসার বা নিন্দার সব কথাতেই তিনি ছিলেন মুক্তকণ্ঠ।

একদিনের কথা মনে পড়ছে। “বঙ্গশ্রী” আপিসের প্রথম মহলে আমি একা বসে আছি। কিরণ নেই, সজনীকান্তও অনুপস্থিত। দুজনেই বোধ হয় “বঙ্গশ্রী”র মালিকের কাছে গেছেন। ভিতরের আড্ডা শূন্য। ওয়েলিংটন স্কয়ারের দক্ষিণ দিকে “বঙ্গশ্রী” আপিসের কাঠের সিঁড়িতে পদশব্দ উঠল। রবি মৈত্রের পদধ্বনি চিনতেও ভুল হত না। উপরে উঠতে উঠতেই তাঁর কথা শুনতে হয়ে যেত। কথাও শুনতে পেলাম। উপরে উঠে আমাকে দেখে আমার কাছে এলেন। জিজ্ঞেস করলেন, কিরণ কই? সঙ্গে সঙ্গে ঘরে উঁকি মেরে বললেন, এত চুপচাপ সব?

বললাম—কেউ নেই। এরা দুজন গেছে হেড অফিসে।

বললেন—যাক গে। এখন শুনুন, এরা মশায় অদ্ভুত। অদ্ভুত লোক। আশ্চর্য ভালো লোক।

কারা বন্ধুতে না পেরে আমি মধুর দিকে তাকিয়ে রইলাম।

বললেন—থিয়েটারের অভিনেতার দ্ব-তিনজন আমার বাড়ি গিয়েছিল। চমৎকার মানদুষ। বলে, এমন ভালো বই আমরা আর অভিনয় করি নি। বলে, এবার যে বই লিখবেন তাতে যেন আমার উপযুক্ত একটা ভালো পার্ট থাকে। সুন্দর মানদুষ এরা। কিন্তু অনেকের খুব কষ্ট।

বলেই যেতে লাগলেন “মানময়ী গার্লস স্কুলে”র সাধকতার কথা। বলতে বলতে হঠাৎ বোধ করি মনে হল যে নিজের অতটা কথা বলার পর আমার সম্পর্কে কিছু বলা উচিত। বললেন, আপনার খবর বলুন। আর কি লিখছেন? আপনার গল্পটি কিন্তু খুব ভালো লেগেছে আমার।

কয়েক মিনিট পরেই বললেন, শুনছি কয়েকজন বিশেষরূপে দৃষ্টি অর্থাৎ বিদগ্ধ অর্থাৎ মধুপোড়া বলেছে—মানময়ী খুব সস্তা লেখা—জায়গায় জায়গায় ভালগার। নীলচে চোখ তাঁর জ্বলে উঠল। বললেন, ও সব নরকাসুরদের আমি গ্রাহ্য করি না।

তিনিই ব্যাখ্যা করলেন নরকাসুন্দর অর্থে বরাহরূপী ভগবানের ঔরসে পৃথিবীর গর্ভজাত পুত্র। ভগবানের পুত্র হলেও বরাহ-স্বভাবসম্পন্ন সন্তান অসুন্দর-প্রকৃতি প্রাপ্ত হয়েছিল। ইংরিজি সভ্যতার ও শিক্ষার দৃষ্টতায় দার্শনিকতায় যাদের মন বিকৃত হয় তারাই ঘৃণা করে দেশের আচার-বিচার সব কিছুকে। দাঁত দিয়ে মায়ের বুক চিরে-ফেড়েই ওদের আনন্দ। ফরাসী ধরনে তাদের হাসতে লজ্জা হয় না, ইংরিজি ধরনে কাশতে লজ্জা হয় না; শূদ্র লজ্জা হয় এ দেশের সব কিছুতে। এমন কি এ দেশের সন্তানহারা মা ছেলেকে বুকে জড়িয়ে—ওরে গোপাল রে বলে কাঁদলে গোপাল শব্দের জন্য এই শোক-বিলাপ তাদের কাছে ভালগার হয়ে দাঁড়ায়। ইংরিজি সভ্যতার আমদানির প্রথম আমল থেকে এ আমল পর্যন্ত এরা কালে কালে পোশাক পালটে আসছে। ধুয়ো পালটে আসছে। বিলিতি ড্রাম বাজলে এরা তালে তালে পা ফেলে কিন্তু ঢাক বাজলে বলে—থামলে বাঁচি। আমি গ্রাহ্য করি না ওদের। এই ধরনের অনেক কথাই তিনি সেদিন বলেছিলেন। সে কথা মিথ্যে নয়।

১লা ‘বঙ্গপ্রী’ বের হল। তখন বেলা চারটে। মাত্র পঞ্চাশ কপি বই এল, প্রচ্ছদপটে দুটি হাঁসের ছবি ছিল। পল্লীর জলায় হাঁস দুটি সত্য সত্যই প্রীর দ্যোতনার সৃষ্টি করেছিল। ‘বঙ্গপ্রী’র প্রবন্ধগৌরব বাংলা সাহিত্যে স্মরণীয় হয়ে আছে। শূদ্র প্রথম সংখ্যাই নয়, দুই বৎসর ‘বঙ্গপ্রী’ সজনীকান্তের সম্পাদনায় প্রকাশিত হয়েছিল—দুই বছরের কাগজই রচনাগৌরবে স্মরণীয়।

কিরণ গাড়ি নিয়ে কয়েকজন বিশিষ্ট ব্যক্তিকে কাগজ দিতে বের হল। সঙ্গে আমিও গেলাম।

বাড়ি ফিরলাম। ফিরে আবার বসলাম কাগজ কলম নিয়ে। লিখলাম ‘ডাইনীর বাঁশী’ বলে একটি গল্প। এ গল্পটি সত্যাকার একটি ভালো গল্প। আমাদের গ্রামে ছিল গন্ধর্গিকদের মেয়ে—নিঃসন্তান বিধবা—স্বর্ণ; লোকে বলত সে ডাইনী। সনা ডাইনী! আমাদেরই বৈঠকখানা বাড়ির সংলগ্ন শালপুকুরের উত্তর-পূর্ব কোণে একটি অশ্বখতলায় ছিল তার বাড়ি। গল্প শেষ করে কিরণকে শোনালাম। কিরণ লাফ দিয়ে উঠল। নিয়ে গেল ‘বঙ্গপ্রী’ আপিসে। সজনীকান্তকে শোনালে। সজনীকান্ত কিন্তু গল্পটি নিলেন না। বললেন, ওঁর লেখা মাঘ মাসে বের হয়েছে, এখন অন্ততঃ পাঁচ মাস আগে ওঁর লেখা যাবে না।

এগারো

সাবিত্রীপ্রসন্ন গল্পটি নিয়ে “ভারতবর্ষে” শ্রীযুক্ত হরিন্দাসবাবু হাতে দিয়ে এলেন। এরই বোধ হয় দু-তিন দিন পর অকস্মাৎ সংবাদ এল রবীন্দ্র মৈত্র দেহত্যাগ করেছেন। গিয়েছিলেন তিনি রংপুর। রংপুরেই ছিল তাঁদের বাস। সেখানে গিয়ে ম্যালিগ্যান্ট ম্যালেরিয়ায় আক্রান্ত হয়ে তিন-চার দিনের অসুখেই তিনি মারা গেছেন। সংবাদটা “বঙ্গশ্রী”র আসরে বিনামেঘে বজ্রাঘাতের মতোই এসে পড়ল। রবীন্দ্র মৈত্র পনেরো কুড়ি দিন আগে অকস্মাৎ বিখ্যাত হয়েছেন। লাল কাণ্ডনের গাছের পদ্পশোভার মতো সে খ্যাতি। বসন্তারম্ভে গাছটি হয় পহরিস্ত, সেই রিক্তগাছটি অকস্মাৎ একদা রক্তাভ কোমল পদ্পশোভায় বলমল করে ওঠে। সপ্তাহ দুয়েক পর গাছ ভরে যায় নব পত্রপল্লবের শ্যামশোভায়; পদ্পশোভা হয় অন্তর্হিত।

রবীন্দ্র মৈত্র সপ্তাহ তিনেকের জন্য তাঁর সেই বিপুল খ্যাতিকে ভোগ করে চলে গেলেন পরলোকে। যেন একরাশির বাদশাগিরি এ সব, এইটেই প্রমাণ করে গেলেন তিনি।

এর কয়েকদিন পর আমি ছেলেমেয়েদের নিয়ে দেশে ফিরলাম। সামনে মাঘ মাসের তৃতীয় বা শেষ সপ্তাহে আমার বড় ছেলে সনতের উপনয়ন। যাবার আগে কিরণ এবং সাবিত্রীপ্রসন্ন বললেন, “চৈতালী ঘূর্ণী”র হিসেব নিয়েছ প্রকাশকের কাছে?

নিই নি। ভয়ে সেদিকে যাই নি। মনে হয়েছে যদি তাঁরা বলেন, একখানার বেশী বই বিক্রি হয় নি। নিয়ে যান বই। গদ্যদামের ভাড়া দিয়ে যান। একখানা বই কিছুদিন আগে আমি নিজেই খরিস্দার সঙ্গে কিনেছিলাম। কাজেই একখানা বই বিক্রি সম্পর্কে নিঃসন্দেহ ছিলাম।

সাবিত্রী এবং কিরণের তাগিদে যেতে হল। ওঁরা দুজনে নিতাই জিজ্ঞাসা করতেন, গিয়েছিলে? কত বিক্রি হয়েছে?

বলতাম, যাই নি। আজ যাব।

অবশেষে একদিন গেলাম প্রকাশকের দোকানে। বই জমা দেওয়ার রসিদ দেখালাম, পরিচয় দিলাম, সবিনয়ে হিসেব চাইলাম।

দোকানের মালিক ভদ্র মানুষ, বাংলা দেশে সুপরিচিত ব্যক্তি। তিনি বসতে বললেন; একজন কর্মচারীকে বললেন—দেখ তো “চৈতালী ঘূর্ণী” কতগুনি আছে?

কর্মচারীটি আমার দিকে তাকিয়ে বললেন, আপনার বই ?

ঘাড় নেড়ে জানালাম, হ্যাঁ। গলা আমার তখন শুকিয়ে গিয়েছে।

কর্মচারীটি বললেন, বইগুলো নিয়ে যান আপনি। ঝাকামুটে ডেকে আনুন। বিক্রি হয় না। ও দিয়ে জায়গা জুড়ে রাখতে পারব না আমরা।

মালিক অন্য কারও সঙ্গে কথা বলছিলেন প্রথমটা বোধ হয় খেয়াল করেন নি। শেষটা তাঁর কানে গিয়েছিল। তিনি ধমক দিয়ে উঠলেন।— তোমাকে যা বললাম তাই কর। যাও !

তিনি লম্জিত হলেন আমার কাছে।

কর্মচারী হিসেব নিয়ে এলেন কয়েক মিনিট পরে। সংখ্যাটা ঠিক মনে নেই, তবে দেড় বছরে পঞ্চাশ থেকে ষাটখানির মধ্যে বই বিক্রি হয়েছে। তাঁদের কমিশন বাদে আমার পাওনা হয়েছে চল্লিশ টাকা কয়েক আনা। আসবার সময় কর্মচারীটি আবার স্মরণ করিয়ে দিলেন, এবার ভদ্রভাবেই বললেন, বইগুলো নিয়ে যান।

আমি বললাম—কাল বা পরশু এসে নিয়ে যাব।

টাকাটা নিয়ে বাড়ি এলাম। দু দিন কি তিন দিন পর বাড়ি চলে গেলাম। এর মধ্যে কলেজ স্ট্রীট দিয়ে হাঁটি নি। কি জানি—সেই লোকটি দেখে যদি হাঁকে বা পিছনে এসে জামা চেপে বলে, বই নিয়ে যান মশায়।

মাঝখানে একখানি বইয়ের কথা বলতে ভুলেছি। “পাষণপদুরী”র কথা। জেলখানার মধ্যে বইখানির পত্তন করেছিলাম। জেল থেকে বেরিয়ে “চৈতালী ঘূর্ণী” যখন “উপসনা”র বের হয়, সেই সময় জেলখানার পটভূমিকায় “পাষণপদুরী” আরম্ভ করি। “পাষণপদুরী”র অন্যতম নায়ক কালী কর্মকার আমার চোখে দেখা মানুষ। আমি সেদিন সিউড়ী আদালতে সমন অনুযায়ী আত্মসমর্পণ করতে যাই, সেইদিনই হত্যাপরোধে কালী কর্মকারকে গ্রেপ্তার করে পদুলাস নিয়ে যাচ্ছিল। আঘাতে প্রহারে জর্জরিত খুলি-খুঁসর দেহ, চোখে অসুস্থ অস্থির দৃষ্টি, পরনে ছিন্নবিচ্ছিন্ন একখানা কাপড়, কপালে দগদগে একটা ক্ষতচিহ্ন, কোমরে দাঁড়-বাঁধা অবস্থায় আমাদপুর্বে বসে ছিল। লোকটির দেহবর্ণ গোর, চুলগুলি পিঙ্গলাভ, চোখের তারা দুটিও পিঙ্গল, বিড়ালের চোখের তারার মতো। সেইখানেই শুনলাম কালীর কাহিনী। নিজের বন্ধুর মাথা হাতুড়ি মেরে ডিমের খোলার মতো ভেঙে দিয়েছে। গোটা গাঁ আগুন দিয়ে পুড়িয়ে দিয়েছে। কালী অস্থির দৃষ্টিতে চারিদিক চেয়ে দেখাছিল এবং তারই মধ্যে শুনছিল তার কাহিনী বর্ণনা। মধ্যে মধ্যে সে প্রশ্ন করে উঠছিল।

—বাসিনীকে বোটা বামনা দিনরাত জ্বালাত কেন ?

—আমাকে পীতত করতে গেল কেন ?

—আমার ঘর আগে পুড়িয়ে দিলে কেন ? কখনোও বা ভুল সংশোধন করে দিচ্ছিল।—

—না, না, গাঁ পুড়িয়ে দিতে চাই নি আমি। ওই বোটা কৃপণ বামনের ঘরে আগুন দিয়ে ওকেই পুড়িয়ে মারতে চেয়েছিলাম। কিন্তু কি করব। আগুন ছাড়িয়ে পড়ল। কি করব ?

কালীর কাহিনী, কালীর মূর্তি আমার মনে গভীর রেখাপাত করেছিল। এরপর জেলখানায় কালীকে তার বিচার ও দণ্ডকাল পর্যন্ত প্রায় নিতাই দেখেছি। মস্তিষ্ক তার বিকৃত হয়ে গিয়েছিল, তবে উন্মাদ পাগল নয়। তাকে কিছুদিন রাখা হয়েছিল হাসপাতালে, তারপর কিছুদিন সেলে। নিতাই তার কাছে যেতাম, কথা বলতাম। জেল হাসপাতালে চিকিৎসায় এবং সেবায় অনেকটা স্নেহ হয়ে উঠেছিল সে। স্নেহ হয়ে সাধারণ বিচারার্থী কয়েদীর ওয়ার্ডে সকলের সঙ্গেও কিছুদিন ছিল। তবে রাতে ওই ওয়ার্ডের মধ্যেই একটা শিকে-ঘেরা খাঁচার মধ্যে তাকে রাখা হত। কালীর সঙ্গে আলাপ জমাতে গিয়েই সাধারণ কয়েদীর অনেকের সঙ্গে আলাপ হয়ে গেল। বিচিত্র এই কয়েদীজীবনের যে পরিচয় পেলাম তাতে আর বিস্ময়ের অবধি রইল না। ক্রমে দেখতে পেলাম কয়েদখানায় অবরুদ্ধ মানবগুলির নিরুদ্ধ কামনায় বিচিত্র কুটিল এবং অসহায় প্রকাশ। জেলখানাতেই আরম্ভ করেছিলাম “পাষণপুত্রী”। মৃত্তির পর নতুন করে যখন সাহিত্য-জীবন আরম্ভ করবার অভিপ্রায়ে আত্মনিয়োগ করলাম তখন প্রথম লিখলাম “চৈতালী ঘুর্ণী”, তারপর লিখলাম “পাষণপুত্রী”। “চৈতালী ঘুর্ণী” প্রকাশিত হল “উপাসনা”-য়। ইচ্ছা ছিল “চৈতালী ঘুর্ণী” শেষ হলেই সার্বভৌমপ্রসঙ্গের হাতে “পাষণপুত্রী” দেব। “উপাসনা” ছাড়া নবীন লেখকদেব অন্য কাগজগুলি তখন উঠে গিয়েছে। কিন্তু হঠাৎ একটা যোগাযোগ ঘটে গেল। এ যুগের অন্যতম ঔপন্যাসিক শ্রীযুক্ত সরোজকুমার রায়চৌধুরী পত্রিকা বের করলেন, নাম “অভ্যুদয়” সরোজকুমার জেলে যাবার পূর্বে ছিলেন “নবশক্তি”র সম্পাদক। “নবশক্তি”তে প্রকাশিত কোন রাজদ্রোহমূলক রচনার জন্যই তিনি সম্পাদক হিসাবে কারাদণ্ডে দণ্ডিত হন। অথচ দণ্ডভোগান্তে মৃত্তি পেলেন যখন তখন “নবশক্তি”র সম্পাদক পদে তাঁকে আর নিযুক্ত করা হল না। বোধ করি দৈনিক কাগজে সহকারী সম্পাদকের পদ দিতে চেয়েছিলেন কতৃপক্ষ। সরোজকুমার নিজের মর্বাদা অক্ষুণ্ণ রেখে সমস্ত্রমেই সে পদ গ্রহণ করেন নি। এবং স্বাধীনভাবে “অভ্যুদয়” বের করলেন। যতদূর জানি স্বর্গীয় কিরণশঙ্করবাবু

এবং নেতাজী সুভাষচন্দ্র এই স্বাধীন চেষ্টায় তাকে যথেষ্ট উৎসাহিত করেছিলেন, নানাভাবে সাহায্যও করেছিলেন। এই “অভ্যুদয়ে” প্রকাশের জন্য সরোজকুমার আমার “পাষণপদুরী” সাদরে গ্রহণ করলেন।

কয়েক সংখ্যা পরেই কিন্তু “অভ্যুদয়” বন্ধ হয়ে গেল অর্থাভাবে। “পাষণপদুরী” উচ্ছিন্ন হয়ে পড়ে রইল। সেকালে নতুন লেখকদের বই কেউ প্রকাশ করতে চাইতেন না। দোষ দিতে পারি না। সেকালে প্রকাশিত বইয়ের সংস্করণ হত কদাচিত্ এবং তাও বারো-চৌদ্দ বছরের আগে নয়। তবে মাসিকপত্রে প্রকাশিত উপন্যাসের তবু একটা কদর ছিল। মাসিকপত্রে যখন বেরিয়েছে তখন অবশ্যই একটা সাহিত্যিক মূল্য আছে এবং মাসে মাসে বের হয়েছে যখন তখন একটি ধারাবাহিক বিজ্ঞাপনে বিজ্ঞাপিতও হয়েছে। এসব ক্ষেত্রে প্রকাশকেরা অন্ততঃ বলতেন, আচ্ছা রেখে যান, দেখি ভেবে। “অভ্যুদয়ে”র অকালমৃত্যুতে “পাষণপদুরী”র ভবিষ্যৎ হল অন্ধকার। বেশ একটু দুঃখ পেলাম। কিন্তু সরোজকুমার আবার অধিষ্ঠিত হলেন “নবশক্তি”র সম্পাদকের আসনে এবং আমার উচ্ছিন্ন “পাষণপদুরী”কে নতুনের মর্ষাদা দিয়ে প্রকাশিত করলেন “নবশক্তি”তে। বইখানি শেষ না হতেই বর্মণ পাবলিশিং হাউস আমার ঠিকানা সন্ধান করে বইখানি প্রকাশ করবার আগ্রহ প্রকাশ করলেন। একখানা চুক্তিপত্রও হয়ে গেল। টাকা দেবেন কিস্তিবন্দীতে। প্রথম কুড়ি টাকা নগদ এবং বর্মণ পাবলিশিং হাউসের মধ্যে পছন্দমত তিরিশ টাকার বই। দ্বিতীয় কিস্তি আর আদায় হয় নি। বই প্রকাশিত হল, কাগজে কাগজে সমালোচনা হল। “বঙ্গপ্রীতি”তেও সমালোচনা বের হল। তার শেষ লাইনটি আমার মনে আছে। “বই শেষ করিয়া মনে হয়—হায় কালীর ফাঁসি হইয়া গেল?” সত্য বলতে, সমালোচনা পড়ে পড়ে ক্ষুণ্ণ হয়েছিলাম। বদ্ব্যতে আমি ভুল করি নি বইখানি সমালোচকের ভালো লাগে নি। ও ছয়টি নিতান্তই স্কুলের নিরীহ ছাত্রদের জন্য কনসোলেশন প্রাইজের মতো। অথচ পরবর্তীকালে অনেকেই বইখানির প্রশংসা করেছেন। “প্রবাসী”তে “চৈতালী ঘুর্ণী”র এক সমালোচনা করেছিলেন অধ্যাপক প্রিয়রঞ্জন সেন; লিখেছিলেন—কলের শ্রমিক-ধর্মঘটে বইখানি শেষ হইয়াছে, নায়ক গোষ্ঠ পদালিসের গদালি খাইয়া মরিয়াছে। লেখক এই ঘটনাকে “চৈতালী ঘুর্ণী”র সহিত তুলনা করিয়া আশা করিয়াছেন কালবৈশাখী আসিবে! চৈতালীর ক্ষীণ ঘুর্ণী অগ্রদূত কালবৈশাখীর। অপেক্ষা করিয়া দেখা যাউক কি হয়? কালবৈশাখী আসে কি না?

সে আজ কুড়ি বছর হয়ে গেল। সেদিক দিয়ে “চৈতালী ঘুর্ণী”র ভবিষ্যদ্বাণী সত্য হয়েছে বলেই মনে হয়। এ নিয়ে অনেকে আমাকে

মার্কসবাদে প্রভাবান্বিত বলে ঠাউরেছেন। কিন্তু মার্কসের ক্যাপিট্যাল বা তাঁর লেখা কোনো বই আমি পড়ি নি। এদেশে বাংলা ভাষায় প্রকাশিত মার্কসবাদের উপর লেখা প্রবন্ধ কিছু কিছু পড়েছি মাত্র। আমার সম্বল প্রত্যক্ষ অভিজ্ঞতা ;) তা থেকেই আমি আমার উপলব্ধিসম্মত সিদ্ধান্তে উপনীত হয়েছিলাম। কারণ ও কর্মে এবং সেই কর্ম ও কারণে ঘটনা থেকে ঘটনান্তরের মধ্য দিয়ে সৃষ্টির প্রবাহ চলেছে ; রামায়ণ ও মহাভারতের মধ্যেই পেরেছিলাম এই তত্ত্বের সন্ধান। শিখেছিলাম লক্ষ কোটি বৎসর পূর্বে একটি সংঘটনের প্রতিঘাতে ঘটল এক ঘটনা, এবং সে ঘটনার শেষ সেইখানেই হল না ; তার জের চলল আর-এক যুগান্তরে। রামায়ণ মহাভারতের মহাবিস্ময়কর রচনা-সার্থকতার মূল তত্ত্বই যেন এইটি। এই মহাসত্যের অমোঘ গতিপথে স্বয়ং ভগবান এসে দাঁড়িয়েও তাকে রোধ করতে পারেন নি ; এমন কি ভগবান বলে তাঁকে পাশ কাটিয়ে এতটুকু বাঁকা পথে যায় নি সে সংঘাত-সমুদ্ভূত শক্তি ; সে চলেছে সোজা পথে। নরসিংহ অবতারে শাপগ্রস্ত ভগবান—যুগান্তর দ্বৈতায় করেছেন সেই শাপের ফলভোগ ; দ্বৈতায় যে অন্যায় করলেন তিনি তারই প্রতিঘাতে স্বাপরে তিনি ব্যাধের শরাঘাতে হলেন নিহত। এই সত্যের অমোঘ নির্দেশে—বন্যপশু বানরকে অন্যায় গুপ্তহত্যার প্রায়শ্চিত্তে তাঁকেও পশুর মতোই হত হতে হল। সেই গাছের আড়ালে জরা-ব্যাধ অস্বাভাবিক করে মৃগভ্রমে তাঁর প্রতি শর নিক্ষেপ করেছিল। এই থেকেই আমার এ উপলব্ধি হয়েছে। কৃষ্ণাবতারে কুরুক্ষেত্রের প্রায়শ্চিত্ত জীবনকালেই হয়েছে গৃহযুদ্ধে যদুবংশ ধ্বংসে ; তাই এর আবির্ভাবে দেখতে পাই এক অভিনব রূপান্তর। দেনাপাওনা শোধ যেখানে হয় সেখানেই মানবসাধনার উত্তরকালে বা জন্মান্তরে কালান্তরে এক উত্তরণ ঘটে। বুদ্ধাবতারে ঘটেছে তাই। হিংসা থেকে অহিংসা। জ্ঞানযোগ থেকে বোধিতে।

হাজার হাজার বৎসর ধরে মানুষের প্রতি মানুষের অন্যায়ের প্রায়শ্চিত্তের কাল একদিন আসবেই। এই আমি বুঝছিলাম। উনিশশো ষোলো-সত্তেরো সাল থেকে উনিশশো ত্রিশ-একত্রিশ সাল পর্যন্ত গ্রামে গ্রামে মানুষদের মধ্যে ঘুরে এইটুকু বুঝেছিলাম যে, সে দিন আসতে আর দেরি হবে না। রদশিবিপ্লব সেই দিনের উষাকাল তাতে সন্দেহ নাই। বাতাসটা উঠেছিল সেইখানেই প্রথম ; সেখান থেকেই বাতাস উঠে এখানকার গুমোটের মধ্যে চাঞ্চল্য তুলেছে। এর জন্য মার্কসবাদ পড়তে হয় নি আমাকে। তবে মার্কসবাদের একটি তত্ত্ব অভিনব। এদেশে প্রকাশিত নানা প্রবন্ধের মধ্যে এইটুকু জেনেছি। এদেশে প্রকাশিত নানা প্রবন্ধের মধ্যে একটি সত্যের সন্ধান

পেরোছি, যেটি ভারতীয় সত্যের সঙ্গে সম্ভব হবার অলঙ্ঘনীয় দাবি নিয়ে এসে দাঁড়িয়েছে। সে হল অর্থনৈতিক ব্যবস্থার ব্যক্তি, সমাজ ও রাষ্ট্রকে নিয়ন্ত্রণ করার শক্তি। শক্তি যে কেমনভাবে ঠেলে নিয়ে চলেছে মানুষের সমাজকে, মানুষকে, সেই সত্যকে প্রবন্ধ মারফৎ জেনেছিলাম প্রথম—তারপর গ্রামে গ্রামে ঘুরে সেখানকার সামাজিক উত্থান-পতনের ইতিহাস সংগ্রহ করে মিলিয়ে দেখে উপলব্ধি করেছিলাম এই তত্ত্বকে। কিন্তু তার বস্তুবাদ-সর্বস্বতাকে মানতে পারি নি। পথ এবং লক্ষ্যের বৈষম্যকেও আমি দ্রাস্তি এবং অপরাধ বলে মনে করি। মনে করি এতেই নিহিত আছে তার ভবিষ্যৎ বিপদ। যদুবংশের বিপদের মতো।

সে কথা থাক। এখন এই দুটি সত্যকে মেনে—দুটিকে মিলিয়ে একটি করে নিয়ে সেদিন যাত্রা শুরুর প্রথম পদে লিখেছিলাম “চৈতালী ঘুর্ণী”। “চৈতালী ঘুর্ণী” বৈশাখের অগ্রদূত এবং আমাদের জীবনেই সেদিন চৈত্র দ্বিপ্রহরে ছোট স্বল্পায়ু ঘুর্ণীগুণি অদূরবর্তী কালবৈশাখীরই ইঞ্জিত দিচ্ছে—এটুকু আমার খিসিস ছিল না—ছিল জীবনের অভিজ্ঞতা থেকে উপলব্ধি; সে উপলব্ধি দ্রাস্তিতে পৰ্যবসিত হয় নাই। সেই সঙ্গে এটাও যেন উপলব্ধি করি যে আরও আছে—মানুষের বিশেষ করে এই দেশের মানুষের যাদের আমি জানতে চিনতে চেষ্টা করেছি—আমি নিজেই যাদের একজন, তাদের আত্মার তৃষ্ণা থেকে রুচি থেকে বৃদ্ধিতে পেরোছি সামাজিক সাম্যই সব নয়—এর পরও আছে পরম কাম্য; সেই পরম কাম্য অর্থনৈতিক সাম্য হলেই পাওয়া যাবে না। অন্তরের পবিত্রতা পরিচ্ছন্নতা, পরিশুদ্ধতার মধ্যেই আছে সেই পরম কাম্য সুখ ও শান্তি। ঈর্ষা বিদ্বেষ থেকে অহিংসায় উপনীত হওয়ার মধ্যেই আছে পূর্ণ মানবত্ব, সত্যকামের সাম্য প্রতিষ্ঠিত হতে পারে সেই অবস্থায় উত্তরায়ণে, পূর্ণ মানবত্ব অর্জনের ভিত্তির উপর। সমাজকে যন্ত্রের মতো ব্যবহার করে ছাঁচে ফেলা মানুষ তৈরী করে সে অবস্থায় উপনীত হওয়া যায় না। ‘মনুষ্যত্ব’ কোনও মেড-ইঞ্জি উপায়ে পাবার নয়। সমাজতান্ত্রিক বায়োলজি বিজ্ঞানের কথা শুনছি। আমি বৈজ্ঞানিক নই; অভ্যাসে অভ্যাসে প্রকৃতির পরিবর্তন হয় কি না হয় সে তর্ক না গিয়েও বলব, মানুষ গিনিপিগ নয়; সমগ্র সৃষ্টির মধ্যে প্রকৃতিতে সে প্রচণ্ডতম শক্তিশালী। মানুষকে অ্যাটম বোমার ঘায়ে মেরে ফেলা যায়; তাকে ভীত করে সাময়িকভাবে হারমানানোও যায় কিন্তু সত্যকথা জয় করা যায় না। হিরোসিমা, নাগাসাকির মানুষদের প্রকৃতি কি পরাজয় মেনে নিয়েছে? তারা কি কখনোও ভুলতে পারবে এ কথা? অ্যামেরিকা বোম্বিন অ্যাটম বোমের আঘাত হেনেছিল তাদের উপর সেদিন যারাই ছিল তাদের দলে—রাশিয়া

ইংল্যান্ড প্রভৃতি—সবার উপরেই তাদের বিরাগ-মহাভারতের অপমানিতা অম্বার মতোই তপস্যামগ্ন হয়ে রয়েছে। বিড়ম্বিত জীবনের দুর্ভোগ ও পীড়ন থেকে মুক্তিই শুধু তার কাম্য নয়—সে জন্মান্তরেও এর প্রতিহিংসা চাইবে। যে আজ যত দান নিয়ে আসুক, যত সাহায্যই করুক, তবু সে ভুলবে না। যাতে ভুলানো যায়, যাতে হিংসা-জর্জর প্রকৃতিকে প্রসন্ন করা যায় সে হল প্রেম, সে হল অহিংসার সাধনা। প্রাণহীন বিকৃত ধর্মগত মন্ত্র জপের অহিংসা নয়। সে অহিংসার সাধনা আমার চোখের উপর দেখেছি। স্নাতরাং ব্যাখ্যার প্রয়োজন নাই।

/ বারো

ও সব কথা থাক। এখন যা ঘটেছিল তাই বলি।

“বঙ্গদ্রী”র প্রথম সংখ্যা প্রকাশিত হওয়ার অল্প কিছুদিন পরেই রবীন্দ্র মৈত্র মারা গেলেন। তারপরই আমি ছেলেমেয়েদের নিয়ে দেশে ফিরলাম। হয়তো শব্দরবাড়িতে আরও কিছুদিন থাকা চলত কিন্তু আমার বড়ছেলের উপনয়নের দিন কাছে এসে পড়ায় ফিরতে হল।

দেশে এসে কয়েকদিনের মধ্যেই মনের মধ্যে জেগে উঠল সেই অশান্ত। যে জাগলে মানুষের আর নিকৃতি নেই। মানুষ ঘুরে বেড়ায় স্থান হতে স্থানান্তরে, খুঁজে বেড়ায় এমন কাউকে বা এমন কিছুকে যাকে সে জানে না, চেনে না, বোঝে না।

দেশের অবস্থার সঙ্গে নিজেকে খাপ খাওয়ানো অসম্ভব হয়ে উঠেছে তখন। পরিচিত রাজনীতি-ক্ষেত্র তখন দলাদলির বিবেষে জর্জর। গ্রামের সমাজে চিরকালের বন্ধুবান্ধবদের সঙ্গে প্রকৃতিতে মেলে না, সেখানেও আমি নিঃসঙ্গ।

এই অবস্থায় মনে পড়ল বিখ্যাত চিত্রশিল্পী শ্রীযুক্ত বামিনী রায়ের কথা। তাঁর সঙ্গে একদিন দেখা হয়েছিল। প্রথম পরিচয়েই তিনি আমাকে বলোছিলেন, দেশে কেন? চলে আসুন এখানে! কলকাতায়। শ্যুশান না হলে শব-সাধনা হয় না। প্রত্যেক সাধনায় সাধনপীঠের প্রয়োজন হয়। এ যুগে কলকাতাই হল বাংলার সাহিত্যের শিল্পের সাধনপীঠ। এখানে আসুন, কষ্ট করুন, একবেলা খেয়ে থাকুন—তবে পাবেন।

সেদিন কথাটা আদৌ মনঃপুত হয় নি। ভেবেছিলাম—কেন? দেশে

এসে মনের এই অশান্ত অবস্থায় সেই কথাটা মনে পড়ে গেল। কিন্তু তাই বা যাব কোন্ ভরসায়? আশ্রয়ের বাড়িতে থাকার লজ্জা যে কত তা বোধ করি আমার থেকে কেউ বেশী বদ্ববে না। সেই লজ্জার পীড়নেই কলকাতায় থাকতে পারি না। স্বাধীনভাবে থাকতে যে অর্থের প্রয়োজন সে অর্থ উপার্জন তখন আমার সাধ্যাতীত। অন্ততঃ সাহিত্য-সেবা করে হত না। কুড়ি-পঁচিশ টাকা না হলে চলে না। কিন্তু মাসে কুড়ি টাকা উপার্জন কি করে হবে? ‘বঙ্গপ্রী’তে গল্প প্রকাশিত হলে পনের টাকা পাওয়া যেতে পারে। কিন্তু ‘বঙ্গপ্রী’তে তো ছ মাস অন্তর গল্প প্রকাশিত হবে। সম্পাদক সে কথা স্পষ্টাক্ষরে জানিয়ে দিয়েছেন।

হতাশার মধ্যে স্থির করলাম থাক এইখানে সাহিত্যসাধনা। কিন্তু তাতেও অশান্ত শান্ত হল না। অবশেষে কাঁধে বোঁচকা বেঁধে একদা বেরিয়ে পড়লাম। মাঘ মাস শ্রীপঞ্চমীর পরদিন শীতলা ষষ্ঠীতে আমাদের ওখান থেকে পনেরো মাইল দূরে দৈদ্য বৈরাগীতলায় বৈষ্ণব সাধক গোপালদাস বাবাজীর আবির্ভাব-বর্তিখতে মেলা। সেই মেলায় চলে গেলাম। দূরন্ত শীত তখন। আশ্রয় নিলাম এক গাছতলায়। সেইখানেই ইট দিয়ে উনোন তৈরি করে একবেলা খিচুড়ি রান্না করে দুবেলা খেয়ে কাটিয়ে দিলাম তিন দিন।

বিরাত মেলা। দৈনিক লক্ষ লোকের সমাগম। চারিদিকে অন্নস্র। দশ-বিশ মাইল দূর-দুরান্তর থেকে ভক্তেরা চাল দাল কাঠ বয়ে এনে এখানে খেলে অন্নস্র। দৈনিক তিন হাজার মণ চাল রান্না হয়। অবিরাম হরিশ্বনি ওঠে। দৈনিক লক্ষ লক্ষ টাকার কেনা-বেচা।

পঞ্জীজীবনের যাবতীয় প্রয়োজনীয় জিনিস আসে ভারে ভারে। দুমকা থেকে আসে কাঠের কারবারীরা; বিস্তীর্ণ আমবাগানে কারখানা খুলে বসে, দরজা, জানলা, তক্তপোশ, পিলসদুজ, চোর্কি, জলচোর্কি, গাড়ির চাকা, চাষের সরঞ্জাম সব তৈরি করে বিক্রি করে। ওদিকে বাবলা কাঠ ঢেলে রেখেছে স্তম্ভীকৃত করে; লাঙ্গলের মাথা তৈরী হবে। এরা এসেছে গঙ্গাতীর থেকে। বাবুই সাবুই বিক্রি হচ্ছে, শন পাট বিক্রি হচ্ছে। লোহার সামগ্রী তৈরি করছে কর্মকার। বিক্রি হচ্ছে। এর মধ্যে আছে মনিহারী, মিষ্টি। মধ্যে মধ্যে হঠাৎ দুটো দোকানের ফাঁক থেকে কেউ হেঁকে ওঠে—ও দাদা! একটি পাথর বসানো গিলটির আংটি নিয়ে যান। শুনছেন? ও দাদা!

সন্ধ্যার সময় থেকে মেলার আর-এক রূপ।

হরিশ্বনি থেমে যায়। অন্নস্রগুন্ডলি স্তবধ। সেখানে জ্বলে শব্দ টিমটিমে কেরোসিনের ডিবে। কিন্তু দোকানে দোকানে জ্বলে ওঠে আড়াইশো বাতির স্টোভ ল্যাম্প, অ্যাসেসটিলেন গ্যাস-বাতি, সারি সারি সদৃশ্য

চাঁদোয়ার তলারী তত্ত্বপোশের উপর পড়ে জুয়ার আসর। পাজাবী, পাঠান, বাঙালী জুয়াড়ীরা আসে দেশদেশান্তর থেকে।

তার পাশেই তাঁবদুতে তাঁবদুতে বাজি, ম্যাজিক, গোলকধাম, সার্কাসের খেলা শুরু হয়। বাজনা বাজে।

একবারে একপ্রান্তে বেশ্যাপল্লী; সেখানে জ্বলে ওঠে আলো। রাত্রি বাড়ে, তাণ্ডব শুরু হয়।

দেখে শুনে ওই গাছতলায় বসেই আকাঙ্ক্ষা হল এই মেলার রূপটি ধরব। সেখানেই বসলাম লিখতে। লেখা হোক, তারপর যা হয় হবে। ফেলেই দেব বা আগুনে দিয়ে দেব।

মাঘ মাসের শীতের মধ্যে দৈধার মেলার গাছতলায় বসে “মেলা” গল্পটি রচনা করেছিলাম। রাত্রি তিনটে অবধি মেলার পথে ঘুরেছি, জুয়ার আসরের পাশে দাঁড়িয়ে জুয়াড়ীদের—জুয়ার-উন্মত্ত মানুষদের লক্ষ্য করেছি; পাপপঙ্কিল প্রকাশ্য বেশ্যা-বাজারের মধ্যে দাঁড়িয়ে মানুষের পাশব উন্মত্ততা লক্ষ্য করেছি; ক্লান্ত হলে ফিরে এসে গাছতলায় খড়ের বিছানার উপর বসে লণ্ঠনের শিখা বাড়িয়ে দিয়ে খাতা-পেন্সিল নিয়ে লিখতে বসেছি। মেলার ছিলাম দু দিন। দু দিনের পর দৈধার মেলায় আর থাকা অসম্ভব। পুকুরের জল কাদা হয়ে ওঠে, মাঠ-ঘাট-আশপাশ পঙ্কিল হয়ে পড়ে। বাতাস ভারী হয়ে যায়। তবুও এই মেলা থাকে এক মাস। আমি আরও দু-চার দিন থাকতাম কিন্তু উপায় ছিল না। দু-তিন দিন পরেই আমার বড়ছেলের উপনয়নের দিন; সেই কারণেই ফিরতে হল।

“মেলা” গল্পের প্রথম পাণ্ডুলিপি বোধ করি আজও আছে। তখন লিখতাম একসারসাইজ ব্লকে, কপিইং পেন্সিলে। একসারসাইজ বইয়ের ৫৬ কি ৬০ পৃষ্ঠা হয়েছিল প্রথম খসড়াটি। বাড়ি ফিরে এলাম। ছেলের পৈতে হয়ে গেল। তারপর খাতাটা নিয়ে আবার বসলাম। এবার হল ৪০ পৃষ্ঠা। সে আমলে আমি প্রতিটি গল্পই অন্ততঃ দুবার করে লিখেছি, প্রয়োজন হলে তিনবার চারবারও লিখেছি। শুধু যে রচনা উন্নত করবার জন্যই লিখেছি তা নয়, কোন পাণ্ডুলিপিতে হাতের লেখা খারাপ হলেও বদলেছি, কাটাকুটি হলেও বদলেছি। শৈলজানন্দের হাতের মন্ত্যার মতো হস্তাক্ষরে সুন্দর সাজানো পাণ্ডুলিপি, অচিন্ত্যকুমারের চোখ-জুড়ানো পাণ্ডুলিপি দেখে এমন সুন্দর পাণ্ডুলিপি রচনার উপর খুব একটা ঝোঁক ছিল আমার। পেন্সিলে লেখা খাতা থেকে আমার বাল্যকালের সেই পুরানো নিব লাগানো কলমে লিখতাম। রেডইঙ্ক নিব ছিল আমার প্রিয় নিব। কলমটি আমার ম্যাট্রিক পরীক্ষা দেওয়া কলম। কলমটি ফেটে গেল শেষটায়;

তাতেও তাকে ছাড়ি নি। এক টুকরো রূপোর পাতের বাঁধন দিয়ে ব্যবহার করেছি। সেটি আজও আছে। প্রথম ফাউন্টেন পেন কিনেছিলাম ১৯৩৮ সালে।

‘মেলা’ গল্প লেখা হল, পড়ে থাকল। কোথায় পাঠাব? “ভারতবর্ষে” “ডাইনীর বাঁশী” রয়েছে। “বঙ্গশ্রী”-সম্পাদক ছ মাসের আগে লেখা ছাপবেন না। “কল্লোল” “কালিকলম” উঠে গেছে। “প্রবাসী”তে পাঠাতে ভরসা নেই, সেখানে লেখা দেড় বছর ধরে সম্পাদকের বিবেচনাধীন থাকে। তার উপর এই গল্পটিতে মেলার পটভূমিতে উল্লাস ও উচ্ছ্বলতার উন্মত্ত মানুষের অবদমিত প্রবৃত্তি যে নগ্ন মূর্তিতে আত্মপ্রকাশ করেছে তাতে “প্রবাসী”র পৃষ্ঠায় এ গল্পের স্থান হতেই পারে না। এর মধ্যে হঠাৎ কাজের ঢেউ এসে টান দিলে। কাছাকাছি কয়েকখানি গ্রামে লাগল মহামারী। গলায় জলের বোতল ওষুধের ঝোলা নিয়ে বেরিয়ে পড়লাম। ফাল্গুন গেল, চৈত্রেরও কয়েকদিন কেটে গেল এরই মধ্যে। তারপর আবার বেকার। আমাদের সম্পত্তিটুকু দেখাশুনার ভার তখন ছোটভাইয়ের উপর দিয়েছি। মেজভাই বাড়িতেই প্রেসটা নিয়ে গোছগাছ করছে। আমি নিতান্তই বেকার। মাঠে মাঠে দিনে দূপদূরে বেরিয়ে পড়ি, বেকারত্ব অসহ্য হলে উঠলে। তখন আরও একটা প্রবল আকর্ষণ আমার টানছিল। আমার মেয়ে বদলুর স্মৃতি আমাকে পরলোক রহস্যের প্রতি আকৃষ্ট করে তুলছিল। শ্মশানে গিয়ে বসে থাকতাম। রাগে বিছানা ছেড়ে উঠে বদলুর খেলার স্থানগুলির অদূরে নীরবে দাঁড়িয়ে থাকতাম। ব্যর্থ প্রতীক্ষায় শেষ রাতি পর্যন্ত দাঁড়িয়ে থেকে আবার নিঃশব্দে এসে বিছানায় দেহ এলিয়ে দিতাম।

এরই মধ্যে একদা “বঙ্গশ্রী” আপিস থেকে কিরণের চিঠি এল, কয়েকটা মামুলী কথার পরই সে লিখেছে, ‘কই, “ভারতবর্ষে” তোমার “ডাইনীর বাঁশী” বের হল কই? এত দৌর করছে কেন? তার চেয়ে যদি হুকুম কর, তবে “ভারতবর্ষে” আপিস থেকে ওটা ফিরে এনে “বঙ্গশ্রী”তে বৈশাখেই বের করে দি। সজনীবাবু উৎসুক হয়ে আছেন।’

সেদিন আরও একখানি পত্র ছিল। রিপ্লাই কার্ডে “ভারতবর্ষে” পত্র লিখেছিলাম, সেই রিপ্লাই কার্ডে স্বর্গীয় জলধর দাদার সংবাদ বহন করে এনেছে—‘ভায়া’ তোমার গল্প বৈশাখেই বের হচ্ছে।’

কিরণকে পত্র লিখে দিলাম—“ডাইনীর বাঁশী” বৈশাখে “ভারতবর্ষে” বের হচ্ছে। তোমাদের জন্য নতুন গল্প দিতে পারি।’ সঙ্গে সঙ্গে উত্তর পেলাম—‘আজই ডাকে দাও।’ ডাকে না দিয়ে নিজেই রওনা হলাম কলকাতা।

কলকাতায় পৌঁছে তৃতীয়বার গল্পটি লিখলাম। “বঙ্গপ্রী” আপিসে যেতেই কিরণ হাত পাতলে—আনছুস ? দে।

কিরণ নানা জেলার ভাষা জানত।

লেখা দিলাম। কিরণ পড়লে, পড়ে মৃদু ভাব করে বললে—এ যে ভয়ানক কাণ্ড করেছিস। তোর সাহস তো খুব। “শনিবারের চিঠি”র সম্পাদক সজনী দাসের হাতে এই লেখা দিব ?

সম্পাদক নিজেই দেখা দিলেন। ঘর থেকে বেরিয়ে এসে আমাকে দেখেই মোটা নাকটা ফুলিয়ে বললেন—কই লেখা ? এইটে নাকি ? বলেই তুলে নিয়ে চলে গেলেন ঘরের মধ্যে। আমি পলায়ন করলাম। সন্ধ্যার পর মাস-বশুরের বাড়িতে ফিরেই শুনলাম টেলিফোনে কেউ আমাকে ডেকেছিল। কে তা অবশ্য তাঁরা নাম জিজ্ঞাসা করেন নি। তবে সংবাদ আছে, আমি যেন সন্ধ্যার পর থাকি।

সন্ধ্যার পর কিরণ এল। উচ্ছ্বাসিত হয়ে বললে—সজনীকান্ত বললে কি জানিস ?

উৎকণ্ঠিত হয়ে প্রশ্ন করলাম—আগে বল গল্প ফেরত দিলে কি না।

—ছাপা হচ্ছে। প্রেসে চলে গেছে। কিন্তু এইটে আর কি কথা। আসল কথা শোন। সজনী দাস বললে—এই লোকটি বাংলা সাহিত্যে অনেক কথা—এ যুগের লেখকদের সকলের চেয়ে বেশী কথা—বলতে এসেছে। এর পূর্বাঙ্গ অনেক। এনেছে অনেক।

“মেলা” গল্পের শেষ একটি প্যারা সজনীকান্ত বাদ দিলেন। প্রথমটা মন খুঁতখুঁত করেছিল। কিন্তু ছাপা হওয়ার পর পড়ে সজনীকান্তের শিল্পবোধের পরিচয় পেয়ে মৃদু হয়ে গেলাম। বৈশাখেই (১৩৩৮) “ভারতবর্ষে” এবং “বঙ্গপ্রী”তে “ডাইনীর বাঁশী” এবং “মেলা” একসঙ্গে প্রকাশিত হল। “মেলা” গল্পের বাস্তব পটভূমির চিত্র সম্পর্কে অনেকে উচ্ছ্বাসিত প্রশংসা করলেন।

এর পরই লিখে ফেললাম আর-একটি গল্প। “রাজা, রাণী ও প্রজা”। গল্পটি একটি মিথি গল্প। সুখপাঠ্যও বটে। কিন্তু “মেলা” বা “ডাইনীর বাঁশী”র মতো নয়। সজনীকান্ত শুনলেন, প্রশংসা করলেন, কিন্তু বললেন—এখন আর “বঙ্গপ্রী”তে পূর্বে আর আগের লেখা নিতে পারব না। দমে গেলাম। তবে আর ভালো লিখেই বা ফল কি ? এই সময়কার একটি ঘটনা মনে পড়ছে। গল্পটি পকেটে নিয়ে গেলাম শৈলজানন্দের বাড়ি। অপরাহ্ন বেলা, শৈলজানন্দ বের হচ্ছেন। আমাকে দেখেই বললেন—একটু কাজে যাচ্ছি ভাই। সেখান থেকে বেরিয়ে পথে পথে ঘুরছি—হঠাৎ দেখা

হল পবিত্র গঙ্গোপাধ্যায়ের সঙ্গে। পবিত্রকে গল্পটি শোনবার জন্যে ধরলাম। পবিত্র বললেন—এখন তো একটি সভায় যাচ্ছি ভাই। বাগবাজারে কর্মযোগী রায়ের বাড়িতে সাহিত্যসেবক সমিতির বৈঠক। সেখান থেকে ফিরে শুনব। চলুন না সেখান সেরে একসঙ্গে ফিরব।

অনিমন্ত্রিত হয়ে যাব? মনটা খঁতখঁত করে উঠল। পরমুহূর্তেই সে খঁতখঁতুনি ঝেড়ে ফেলে চলে গেলাম। অনেক সাহিত্যিকদের দেখতে পাব এ সৌভাগ্যের কাছে অনিমন্ত্রণের লজ্জা ছোট হয়ে গেল। কোন পার্থক্য বস্তু পাবার লোভে যাচ্ছি না; যেখানে প্রাপ্তি অপার্থক্য—পদুগাময়, সেখানে নিমন্ত্রণের প্রতীক্ষা কেন? ওতে নিমন্ত্রণ লাগে না, কোথাও নাম-গান হওয়ার সংবাদ পেলেই ভক্তকে যেতে হবে। না যাওয়াটাই পাপ। চলে গেলাম।

অনেককেই খেঁচেছিলাম। সকলের নাম মনে নেই। মনে আছে অগ্রজতুল্য প্রদ্যুম্ন শ্রীযুক্ত উপেন্দ্রনাথ গঙ্গোপাধ্যায়কে, স্বর্গীয় প্যারীমোহন সেনগুপ্তকে এবং স্বর্গীয় কর্মযোগী রায়কে। শ্রীযুক্ত উপেন্দ্রনাথ গঙ্গোপাধ্যায়ই সেদিন সভাপতি। বৈঠকে গল্প পড়বেন স্বনামধন্য শ্রীযুক্ত রমেশচন্দ্র সেন। একান্তে পবিত্রের অন্তরালে বসে রইলাম। পবিত্র দু-চার জনের সঙ্গে আলাপ করিয়ে দেবার চেষ্টা করলেন কিন্তু তাঁরাও উৎসাহিত হলেন না, আমিও না। সময়টা গরমের সময়। আমি ঘামতে শুরু করলাম। হঠাৎ সভায় অঘটন ঘটল। শ্রীযুক্ত রমেশবাবু এসে পেঁহু হলেন না। শেষে কয়েকজন কবিতা পড়ে আসর শুরু করলেন। এমন সময় রমেশবাবু ব্যস্ত হয়ে এসে সভাপতিকে মৃদুস্বরে কয়েকটি কথা বলেই আবার চলে গেলেন। শ্রীযুক্ত উপেন্দ্রনাথ বললেন—কবিবরাজ-সাহিত্যিক বিপ্লব, তাঁর একটি রোগীর অবস্থা অকস্মাৎ মন্দ হয়ে পড়েছে। এক্ষেত্রে আমাদের দাবি তিনি রাখতে পারছেন না। রসায়নের দাবি রসের দাবিকে আজ ছাড়িয়ে গেছে। সুতরাং—

সভাভঙ্গের কথাই তিনি বলতে চাইলেন; কিন্তু মৃদু ফুটে না বলে ইঞ্জিতেই জানিয়ে দিলেন। সকলেই বেশ একটু ক্ষুব্ধ হল। তাই তো!

পবিত্র সঙ্গে সঙ্গে বলে উঠলেন—আমি কিন্তু আপনাদের অনুমতি হলে রসের দাবি মেটাতে পারি। আমার সঙ্গে তারাশঙ্কর রয়েছে, সে আমাকে তার নতুন লেখা গল্প শোনাতে এসেছিল। বৈঠকের সময় হওয়ায় শোনা হয় নি। সঙ্গে ধরে এনেছি, বৈঠকের শেষে বাড়ি ফিরে শুনব। গল্প ওর পটেটেই আছে।

সভার অবস্থা তখন অকস্মাৎ জাহাজডুবিতে খাদ্যসম্ভার জলমগ্ন হওয়ায় রেশনিং ফেল করা ফুড ডিপার্টমেন্টের মতো! এক্ষেত্রে চাল গমের স্থলে

রাঙা আলু কি মানকচুই সই। রেশনিং চালু রাখা নিয়ে কথা। স্দুতরাং কতৃপক্ষ উৎসাহিত হয়ে অভয় দিয়ে বললেন—বের করুন গল্প। ৮ কর্মযোগী রায়ের বাড়িতে বৈঠক, তিনি এসে আমার পাশে বসে সরাসরি পকেটে হাত পুরে দিলেন। আমি কিন্তু খুব লজ্জিত হয়েছিলাম। মনে হয়েছিল আমার সাহিত্যিক হ্যাংলামিটা যেন সক্রিয়ভাবে প্রকাশিত হয়ে পড়েছে, শৈলজানন্দের (বোধ হয় শৈলজানন্দেরই) গল্পের নায়কের হ্যাংলামির মতো। “এক দরিদ্র কেরানী কোন নিমন্ত্রণে গিয়েছিল। সেখানে কারও কিছু মূল্যবান বস্তু হারানোর জন্যে সকলের পকেট তল্লাশ করতে গিয়ে কেরানীর পকেটে পেলেন অনেকগুলি মিষ্টান্ন। দরিদ্র কেরানী গোপনে ছেলেদের জন্যে নিয়ে যাচ্ছিল।”

যাই হোক, আসরে পড়তে হল গল্পটি। পড়া শেষ হলে সমালোচনা আরম্ভ হল। একজন কঠোর সমালোচনা করলেন। একটি চরিত্রের পরিণতি নিয়ে সমালোচনা। তিনি প্রমাণ করলেন—এই চরিত্রের পরিণতি এই হতেই পারে না। স্দুতরাং গল্পটি একান্তভাবে ব্যর্থ। এই সমালোচনার পর আর কেউ সমালোচনা করতে চাইলেন না। অর্থাৎ অস্বাঘাত করবার আর স্থান ছিল না। আমি চুপ করেই বসে রইলাম। ভাবছিলাম বাস্তবে এবং সাহিত্যে এত পার্থক্য কেন? যে চরিত্র নিয়ে এত কথা সে চরিত্র বাস্তব। “রাজা, রানী ও প্রজা” গল্পের রাজা আমি, রানী আমার গৃহিণী, প্রজা যে সে রাধাংলভ, সেও আমার মতো বাস্তব সত্য; ঘটনাটিও পনেরো আনা সত্য। সমালোচক বললেন—গল্পটিকে মিষ্টি মধুর স্দুখপাঠ্য করে তোলাবার জন্যই চরিত্রটিকে নষ্ট করা হয়েছে। স্দুতরাং গল্পটি মিষ্টি হয়েছে স্দুখপাঠ্যও হয়েছে। তবে সাহিত্যে অচল।

এইবার সভাপতি শ্রদ্ধেয় উপেন্দা তাঁর ভাষণ শুরুর করলেন। আমার মাথা তখন মাটিতে নুয়ে পড়েছে, বার বার নিজেকে ধিক্কার দিচ্ছি, কেন এলাম? লোককে লেখা শোনাবার জন্য কেন আমার এই ব্যাকুলতা? ঠিক এই মূহুর্তে কানে ঢুকল—‘আমার কিন্তু গল্পটি বড় ভালো লেগেছে। গল্পটির সবচেয়ে বড় গুণ, পড়ে বা শুনলে সারা অন্তর একটি পবিত্র মাধুর্যে ভরে ওঠে। আর চরিত্রের কথা? মানব চরিত্র আত্মিক নিয়মে পরিণতি লাভ করে না। দুই আর দুই চার সব ক্ষেত্রে হয় না। মানুষের চরিত্রে ও যোগফল তিনও হয় পাঁচও হয়। ওতে বিস্ময়ের কথা কিছু নাই। লেখক নতুন কিন্তু তাঁর ভবিষ্যৎ আছে। উজ্জ্বল ভবিষ্যৎ বলেই আমার মনে হচ্ছে।’

তিনি আমাকে সান্ত্বনা দেবার জন্যেই বলেন নি। সভার শেষে আলাপ

করে আশীর্বাদ করেছিলেন। সেদিন সভান্তে নির্বাক হয়ে বাড়ি ফিরলাম। পরিপূর্ণ মন নিয়ে। পরের দিন গল্পটি দিয়ে এলাম “ভারতবর্ষ”। “ডাইনীর বাঁশী” ও “মেলা”র জন্যে পারিশ্রমিক দশ এবং পনেরো—পঁচিশ টাকা পেলাম। এবং শৈলজানন্দের সাহায্যে “উপাসনা”র প্রকাশিত “যোগবিলোগ” উপন্যাসখানির সর্বস্বত্ত্ব গুরুদাস চট্টোপাধ্যায় অ্যান্ড সন্সকে একশো টাকায় বিক্রি করে অনেক আশায় আশান্বিত হয়ে বাড়ি ফিরলাম। মা এবং পিসিমাকে সেই টাকাগুলি দিলাম, বললাম—রথযাত্রায় জগন্নাথ দর্শনে যাবার ইচ্ছার কথা শুনিয়েছিলাম। এই টাকায় তোমরা পুরী যাও। রথের দাঁড়ীতে কামনা কর যেন আমার যাত্রা কোনদিন না থামে। ওই টাকার সঙ্গে আমার জীবনের দাঁড়ী জড়িয়ে দিয়ে এস।

সঙ্গে সঙ্গে স্থির করলাম, এইবার যেখানে হোক—মহানগরীর দীন দারিদ্রেরা যেখানে বাস করে সেইখানেই না হয় গিয়ে বাসা নেব। খাওয়ার ভাবনা করি না, তখন পাইস হোটেলের ছড়াছড়ি। দু' আনায় রাজভোগ না হলেও কাছাকাছি রাজভোগ। স্থির করে আবার বসলাম লিখতে। লিখলাম ‘খজা’। গল্পটি শুরুর করে চলে গেলাম রাজনগর, ওখানেই শেষ করব গল্পটি।

আমাদের জেলার প্রাচীন আমলের রাজধানী রাজনগরের ধ্বংসস্থলের পটভূমিকাটির প্রয়োজন ছিল। ধ্বংসস্থলের মধ্যে দোতলার একটি অংশ কোন মতে দাঁড়িয়ে আছে। সন্ধ্যাবেলা একটি হ্যারিকেন নিয়ে ভাঙা সিঁড়ি বেয়ে কোন মতে গিয়ে বসলাম সেই ভাঙা দোতলার ছাদে। অন্ধকার রাত্রে চারিপাশে জমাট-বাধা অন্ধকারের মতো ভগ্নস্থল এবং অরণ্যের মতো ঘন জঙ্গল। মধ্যে বিরাট কালীদহ দাঁড়ি। সেইখানে বসে লিখে চলেছি, হঠাৎ আলোটা গেল উলটে, সেটাকে তুলতে গিয়েই অনদ্ভব করলাম ভাঙা বাড়িটা দুলছে, চারিদিকে শাক বেজে উঠল। ছাদের উত্তর প্রান্তে খানিকটা ভাঙন ভাঙল। বুঝলাম ভূমিকম্প হচ্ছে। কি করব? স্থির হয়েই বসে রইলাম। কয়েক মূহুর্ত পরে বুঝলাম ভূমিকম্প থেমে গেছে। এবার দেশলাই জেদলে আলোটা জ্বলল। ওঁদিকে নিচে তখন ডাকছেন আমার বন্ধু, যাঁর বাড়িতে রাজনগরে আঁতখি হয়েছে। তিনি বললেন, নেমে আসুন মশায়! আলো খাতা তুলে নিয়ে উঠলাম। ভাঙা সিঁড়ি, সন্তর্পণেই নামছিলাম, হঠাৎ একটা সিঁড়ির উপর দাঁখি এ মাথা থেকে ও মাথা পর্যন্ত জুড়ে শব্দে আছে এক বিষধর। রং দেখে বুঝলাম গোখরু। স্থির হয়ে শব্দে আছে, গাঢ় ঘুমে যেন ঘুমিয়ে পড়েছে। কিন্তু আমি ওকে পার হয়ে যাই কি করে? ভূমিকম্পে ভাঙা দোতলাটাকে খাড়া রেখে ধ্বংসস্থলে সমাহিত না

করে নিয়াতি কি এই একেই পাঠিয়ে দিল শেষে? সর্পদংশনে মৃত্যু অনেক দেখেছি আমি। এক সময় চিকিৎসকের কাজ করেছি। মল্ল-তল্ল বাড়ফুঁক বিদ্যায় নয়। মিহিজামের পি. ব্যানার্জীর লেকিসন ওষুধ রাখতাম। এটি ছিল আমার আর-এক বেকারত্ব বিনাশনের নিমিত্ত বেগার খাটার পথ। সর্পদংশনে বড় যন্ত্রণায় মৃত্যু হয়। কিন্তু কি করব? আলোটা বাড়িয়ে সামনে ধরে রইলাম। আলোকে অর্থাৎ অগ্নিকে ভয় করে সাপ। আলোটা থাকতে ফণা তুলে আক্রমণ করতে পারবে না। পিছন ফিরে ছাদে ওঠাও অসম্ভব। স্থির হয়ে দাঁড়িয়ে রইলাম। নিচে থেকে তাগিদ এল—কি করছেন মশাই?

চীৎকার করে জবাব দিতে সাহস হল না। স্থির হয়েই দাঁড়িয়ে রইলাম। অকস্মাৎ আমার মুখে শুদ্ধ বিচিত্র হাসি ফুটে উঠেছিল। সাপটা জীবন্ত নয়, মৃত। মুখের দিকটা একটা ফাটলের মধ্যে যখন ঢুকেছিল, ঠিক সেই মুহূর্তে কেঁপেছিল ধরিত্রী; ভূমিকম্পের নাড়ায় ফাটলটা কমে এসে সাপটার মুণ্ডটাকে নিষ্ঠুর পেষণে পিষে চেপে ধরেছে। তাতেই মরে গেছে সাপটা।

এই বিস্ময়কর পরিঘাণের মধ্যে আমি যেন রহস্যময়ী নিয়্যাতিকে চকিতে কৌতুকপরায়ণার মতোই মিলিয়ে যেতে দেখলাম—তাকে দেখলাম না, তার আঁচলের খানিকটা যেন দূলে উঠে মিলিয়ে গেল। অনুমান করলাম, তার অধরে বিচিত্র মধুর পরিহাসের হাসি।

নেমে এলাম।

উৎকণ্ঠিত বন্ধু বললেন—আচ্ছা বাতিক, কি করছিলেন এতক্ষণ? সিঁড়িতে দাঁড়িয়ে ভাবছিলেন কি?

হেসে সব ঘটনা বললাম। তিনি শিউরে উঠে বললেন—আমারই ভুল, আমারই ভুল, ওখানে ভয়ঙ্কর সাপ। আপনাকে যেতে দেওয়া উচিত হয় নি।

আমি আবারও হাসলাম।

বন্ধু বললেন—ও যা হবার তো হয়েছে। ওদিকে দারোগা এসে বসে আছে বাসায়। খোঁজ করতে এসেছে এখানে আপনি এসেছেন কি জন্যে?

দারোগাটি পূর্বপরিচিত এবং লোকটি ভালো। তিনি বললেন—কালই আপনি এখান থেকে চলে যান। আপনি এসেছেন বিকেলে, রাতি আটটার সাইকেলে আই-বি-র এ-এস-আই এসেছে আপনার পিছনে। দোহা অর্থাৎ সামসুদ্দোহার ভয়ানক নজর আপনার উপর। পারেন তো জেলা ছাড়ুন। নইলে ও আপনাকে রেহাই দেবে না।

দারোগা চলে গেল।

মনে হল এটাও যেন একটা ইঞ্জিত। ওই কাপড়ের আঁচলের খানিকটা যেন এবারও দুলে গেল।

বাড়ি ফিরেই বিছানা-বাক্স বেঁধে রওনা হলাম। একখানি টিন-ছাওয়া কুঠুরি ভাড়া করলাম, অশ্বিনী দত্ত রোড-মহানিবর্ণণ রোড-মনোহরপুকুর রোডের সঙ্গমস্থলের কাছাকাছি। এসে উঠলাম সেখানে।

জগন্নাথের রথের চাকায় বাঁধা জীবন চলতে শুরু হল। পাকা হয়ে শুরু করলাম সাহিত্যিক-জীবন। ভূমিকা শেষ হয়ে গেল। শেষ হয়ে গেল লাভপরের জীবন। তখন হিসেব করে মনে হয়েছে—এর পরিণতি ব্যর্থতায়, এর পরিণতি অর্থাহারে, হয়তো অনশনে, হয়তো বা ক্ষয়রোগাক্রান্ততায় এবং শেষে মানুষের পরিহাসে ও ব্যাণ্ণে। কিন্তু তবু আমি থামতে পারি নি। মনে মনে শুরু এই বলেছি, ধন নয় মান নয়—শুরু এইটুকু, যেন মৃত্যুর পর মানুষ একবার স্মরণ করে। আর-একটি কামনা জানিয়েছিলাম। যেন হীন প্রবৃত্তি আমার না হয়। চরমতম অভাবেও যেন প্রতারণা না করি, চুরি না করি। ভিক্ষা না করি! এ কামনার সময় স্মরণ করেছি ভগবানকে।

সাহিত্যিক-জীবনের প্রথম পর্ব সমাপ্ত হয়ে গেল। দ্বিতীয় পর্ব আরম্ভ হল ওই টিনের ঘরে।

তেরো

যে পথে মানুষ অস্তরের প্রেরণায় চলতে চায়, সে পথে চলার মূখে এসে দাঁড়ায় সহস্র বাধা। নিজের কর্মফল—ঘর, সংসার ও সমাজের সহস্র মানুষের আকর্ষণ-বিকর্ষণ, নিজের অতীত কর্মের ক্রিয়া-প্রতিক্রিয়া অনিবার্যভাবে ওই সহস্র মানুষের সঙ্গে আর্টেপৃষ্ঠে বন্ধন করে টেনে নিয়ে যায় তাদেরই সঙ্গে সঙ্গে। সে বন্ধন ছিঁড়ে, সেই শক্তির আকর্ষণ কাটিয়ে যে সরে দাঁড়ায়, চলতে চায় নিজের মনের পথে, জীবনে তাকে সহ্য করতে হয় অনেক! আমাকেও সহ্য করতে হয়েছিল। সে নিয়ে বড়াই কিছদ নেই। শুরু চলার পথে এই বাধা-বিয়ের ঘাত-প্রতিঘাতে মনের উপর যে প্রভাব পড়েছিল, যার চিহ্ন অবশ্যই আছে আমার রচনার মধ্যে, তাই নির্ণয়ের জন্যই সে কথা বলতে হচ্ছে। এবং আজ পিছনের দিকে তাকিয়ে আমার পায়ের ছাপ আঁকা যে পথ-রেখাটি

দেখতে পাচ্ছি, তার বাঁকগুলিও এই ঘাত-প্রতিঘাতের দ্বারাই নিয়ন্ত্রিত, সে জন্যও বলতে হচ্ছে ।

আজ যখন খতিয়ে দেখি তখন দেখি, সে-দিন আত্মীয়-স্বজন, বিশেষ করে শ্বশুরবাড়ির দিক থেকে গঞ্জনা-বাকাই আমাকে ঠেলে নিয়ে গিয়েছিল এই বাঁকের ওপারে । নিজের সংসারে গঞ্জনা না থাকলেও নীরব হতাশা ছিল । সে দিয়েছিল খানিকটা ঠেলা । দোষ আজ কাউকেই দিতে পারি না । সত্যি তো, যার হাতে মানুষ কন্যা সমর্পণ করে, যে সন্তানকে অনেক দুঃখ-কষ্টের মধ্যে পালন করে বড় করে তোলে, তার সাংসারিক প্রতিষ্ঠা (যে প্রতিষ্ঠার অন্তত বারো আনা হল আর্থিক এবং বৈষয়িক প্রতিষ্ঠা) দেখতে চায় বইকি মানুষ । সামাজিক প্রতিষ্ঠাও নির্ভর করে এরই উপর । সাহিত্যিক প্রতিষ্ঠাকামী আমার সম্পর্কে তাদের মনোভঙ্গ তো ভিত্তিহীন ছিল না । যাক ও কথা । সেদিন কিন্তু এ কথা ভেবে দেখবার মতো মন আমার ছিল না—আমি দুঃখ পেয়েছিলাম, বেদনা পেয়েছিলাম, অভিমান করেছিলাম । সে দূরন্ত অভিমান । আজও মনে পড়ে, অভিমানবশে রাগে টিনের ঘরের গরমে বিন্দু রাগে কল্পনা করতাম—লিখে যাব, এমন কিছু লিখে যাব, যার সমাদর আমার জীবনকালে হবে না ; অপরিমেয় দুঃখের মধ্যে একদা অকালে জীবন শেষ হয়ে যাবে, অবজ্ঞাত অখ্যাত চলে যাব ; তারপর একদা দেশের দৃষ্টি পড়বে আমার লেখার ওপর । সচকিত হয়ে লোকে সন্ধান করবে, জানবে আমার জীবনের বার্থ ইতিহাস ; মৃত্যু হয়ে উঠবে । সেই দিন আত্মীয়স্বজন সচকিত হয়ে অশ্রু বিসর্জন করবে । যাকে বলে নিতান্ত অপরিণত বয়সের রোমান্টিক কল্পনা, তাই । অভিমান এবং বেদনার আতিশয্যই বোধ করি আমাকে এমনি করে তুলেছিল ।

এর সঙ্গে আর-এক কঠিন ধাক্কা আমাকে এই মোড় ফেরায় গতিবেগ ঘূর্ণিয়েছিল । সেও আমারই কর্মফলের প্রতিক্রিয়ার ধাক্কা । উনিশশো তেত্রিশ সাল বীরভূমের রাজনৈতিক কর্মীদের জীবনে দুর্ঘোণের কাল ; ওখানে তখন পদলিস সাহেব হয়ে এসেছেন মহাশূরঙ্গর সামসুন্দোহা ।

সামসুন্দোহার পরিচয় বঙ্গবিখ্যাত । সুতরাং পরিচয় দেবার প্রয়োজন নেই । মৌদীনীপদ্রে কঠোর দমননীতি চালিয়ে বীরভূমে এসে ফাঁক খুঁজছিলেন । হঠাৎ মিলে গেল ফাঁক । এই সময়ে বীরভূমে নরেন বন্দ্যোপাধ্যায়ের নেতৃত্বে একদল ছেলে গুপ্তসমিতির পত্তন করে কাজ শুরু করেছিল । এর সংবাদ সঘনো আমার কাছ থেকেও তাঁরা গোপন করে রেখেছিলেন ! হঠাৎ লাভপদুর ইন্সকুলের একটি ছেলের নামে এল একটি প্যাকেট । ঠিক তার দুদিন পরেই তার বাড়ি খানাতল্লাশ হয়ে গেল । বের হল রাজদ্রোহমূলক ইস্তাহার ।

ঠিক এই সময়ে লাভপদ্র থেকে মাইল ছয়েক দূরে হল একটি ছোটখাটো ডাকাতি। ডাকাতদল ফেলে গেল একটি হাণ্ডার। কলকাতার আই-বি সে হাণ্ডার সনাক্ত করলে শ্রদ্ধাভাজন বিপ্লবী শ্রীযুক্ত বিপিন গাঙ্গুলীর হাণ্ডার বলে। ভুল সনাক্ত করে নি তারা। হাণ্ডারটি শ্রীযুক্ত বিপিনদা স্নেহোপহার দিয়েছিলেন জগদীশ বলে একটি ছেলেকে। জগদীশ সেই হাণ্ডার অন্য কাউকে দিয়েছিল। এদিকে যে ছেলোটর বাড়িতে ইস্তাহার বের হল, সে নির্মম অত্যাচারে অভিভূত হয়ে স্বীকারোক্তি করলে।

আর যায় কোথা ! দোহা সাহেব এক বিরাট কনস্পিরেসি কেস ফেঁদে বসলেন। যে সব পদ্বীস কর্মচারীর বিবেকে বাধল, মৃদু আপত্তি যারা তুললেন, তাঁদের সোজা বলে দিলেন সরে পড়তে হবে এই জেলা থেকে ; এবং যারা অস্থায়ীভাবে পদোন্নতি পেয়েছেন তাঁদের নিচে নামতে হবে।

যে যেখানে কর্মী ছিল, তাদের জালে ফেলে গদুটিয়ে তুলতে বন্ধপরিকর হলেন দোহা সাহেব। এবং দোহা সাহেবের কিছ্রু নেকনজর আমার ওপর ছিল। আমার পেছনে স্পাই লাগল। হঠাৎ একজনের বাড়িতে একখানা বাজেয়াপ্ত বই পেলেন, তাতে নাম লেখা ছিল T. C. Banerjee অর্থাৎ তিনকড়ি ব্যানার্জি। দোহা সাহেব C-টাকে উঁড়িয়ে নিয়ে S বলে চালাতে চাইলেন। কিন্তু যার বাড়ি থেকে বের হল, সে C-কে S বলে চালাতে দিলে না। এর পরই ঘটল এক সাংঘাতিক ঘটনা। আমাদেরই গ্রামে আমাদেরই পাড়াতে ঠিক সন্ধ্যার সময় উঠল আতঁ চিৎকার, ডাকাতি ! ডাকাতি ! নারী-কণ্ঠের আতঁনাদ। সকলেই তখন জেগে ছিল, বেরিয়ে পড়ল, ছুটে গেল, আমি গেলাম সকলের আগে। পাড়ার প্রান্তে এক ভদ্রমহিলা চীকার করেছিলেন। তিনি সম্পর্কে ছিলেন আমার শাশুড়ী। তাঁর মস্তিষ্ক ছিল খুব অসুস্থ। প্রায়ই তিনি চোর-ডাকাত দেখতে পেতেন। চিৎকারও করতেন। আমি জানতাম এঁর একটা মানসিক জটিলতা ছিল, নিজেকে তিনি অনেক টাকার মানুষ বলে মনে করতেন এবং সর্বদাই সেটা প্রচার করে বেড়াতেন। লোকে মৃখ টিপে হাসত। রাগে ডাকাত দেখা এবং চোর দেখাটা তারই প্রতিবাদ। বাড়িটাকে তিনি শিক দিয়ে খাঁচার মতো করে তুলেছিলেন।

সে দিন কিন্তু গিয়ে দেখলাম ব্যাপার বেশ একটু গুরুতর। ডাকাতে নিতে কিছ্রু পারে নি, তাঁর চিৎকারের ভয়ে পালিয়েছে, কিন্তু তাঁর কপালে দুটি আঘাতচিহ্ন রেখে গেছে। চার আঙুল দূরে দুটি লম্বা ধরনের ক্ষণীত। বললেন, ডাকাতটা এসেই বললে—টাকা দে। ভদ্রলোকের ছেলের মতো পোশাক। হাফপ্যান্টপরা, মৃখে রুমাল বাঁধা।

তিনি চেঁচিয়ে উঠলেন।

ডাকাতটা বললে—চুপ।

তিনি তবু চুপ করলেন না।

তখন ডাকাতটা একখানা পিঁড়ি তুলে নিয়ে তাঁর কপালে মারলে এবং ছুটে পালিয়ে গেল। ডাকাত একটাই ভিতরে এসেছিল; ত্রিশ-চল্লিশজন ছিল বাইরে।

আমি কিন্তু মূহুর্তে দেখলাম, তিনি মানসিক ব্যাধিতে কল্পনার ডাকাতদের দেখে ভয়ে নিজেই মাথা ঠুকেছেন ওই শিকের ঘেরার গায়ে।

আমি নিজে ওই শিকের ফাঁকাও মেপে দেখলাম। মিলেও গেল। তখন আমাদের থানায় সাব-ইনস্পেক্টর ছিলেন এক মান্না উপাধিধারী ভদ্রলোক। এমন শক্ত, সৎ, সাহসী লোক পদ্বলিস বিভাগে কমই দেখা যায়। আমি দাগী রাজনৈতিক কর্মী হলেও তাঁকে অকৃত্রিম বন্ধু মনে করতে দ্বিধা অনুভব করতাম না। মান্না খবর পেয়ে তদন্তে এলেন, তাঁর চোখেও সমস্তটাই কেমন যেন ঠেকল। প্রসঙ্গক্রমে আমাকে তিনি সে কথা বললেন। তখন আমি বললাম, আমার ধারণার কথা। খানিকটা ভেবে দেখলেন তিনি, তারপর আঘাত দুটির ব্যবধান ও শিকের ব্যবধান মেপে মিলিয়ে দেখলেন। এবং আমাকে বললেন, ঠিক ধরেছেন আপনি।

ওদিকে দোহা সাহেব খবর পেয়ে এলেন ছুটে।

মান্নার রিপোর্ট পড়ে চটে উঠে তাঁকে ধমকালেন। বললেন, এটুকু আক্কেল নেই তোমার! এ ডাকাত নিজেই ওই তারাক্ষর। সে তোমাকে ইচ্ছে করে ভুল পথে নিয়ে গিয়েছে। এবার ওকে আমি পেরেছি।

ভদ্রমহিলাটিকে ডেকে তাঁকে বোঝালেন, এ কাজ তারাক্ষরের। এবং সাড়ম্বরে তাঁকে শুনিয়ে দিলেন, তাঁকে কেমন ভাবে আমি মিথ্যাবাদিনী প্রমাণ করেছি। পরিশেষে খোলাখুলি বললেন, আপনি বলুন, তারাক্ষরকে সন্দেহ হয় আমার। তারপর দেখুন, আমরা ঠিক বের করে দিচ্ছি।

ভদ্রমহিলাটি ছিলেন বিচিত্র মানুষ। ‘আমি অনেক টাকার মানুষ’ এই ধারণার জটিলতা বাদ দিয়ে তিনি ছিলেন আশ্চর্য রকমের সত্যবাদিনী এবং দৃঢ় চরিত্রের মানুষ। তিনি শুনলে তেলে বেগুনে জ্বলে উঠলেন। বললেন, এত বড় মিথ্যে কথা বলব আমি? বললে যে আমার মূখ খসে যাবে। নরকেও আমার ঠাই হবে না। যে-মানুষ গ্রামে পাড়ায় বিপদে-আপদে ভরসা, তার নামে এই কথা বলব আমি? এই মাস পাঁচেক আগে রাতি দুটোর সময় আমার নাতনীর প্রসব-বেদনা উঠেছে—প্রথম প্রসব। আমার বাড়িতে কেউ পুরুষ নেই। শীতকাল, কেউ সাড়া দেয় না, আমি কাঁদছি, আমার

কান্নার শব্দ পেয়ে উঠে এল, নিজের গিল্পে ডাক্তার ডেকে আনলে, দাই ডেকে আনলে। সেই মানুষ এই কাজ করেছে—এই কথা আমার মন্থ দিয়ে বের হবে? কখনোও না।

এ সত্ত্বেও দোহা আমাকে ছাড়তেন না। কিন্তু সে দিক দিয়ে মান্নার দূততা আমাকে বাঁচিয়েছিল। রিপোর্ট বদলাতে বা হুকুমে নিজের ধারণাকে পরিবর্তন করতে মান্না রাজী হন নি।

সব কথাই কানে এল।

মান্না ইঞ্জিতে বলেও দিলেন, বীরভূম থেকে সরে যান আপনি।

কলকাতার যেখানেই থাকি, বাড়ির দরজায় লোক বসে থাকে। সুতরাং আত্মীয়ের বাড়ি ছেড়ে স্বতন্ত্রভাবে বাসা নিয়ে স্থায়ীভাবে কলকাতায় বসলাম।

ঘর ভাড়া পাঁচ টাকা। লাইট-চার্জ এক টাকা। চা জলখাবার সাত-আট টাকা। খাবার খরচ আট টাকা—এ-বেলা দু আনা, ও-বেলা দু আনা। ট্রাম বাস অন্য খরচ আট টাকা। মাসে তিরিশ টাকা।

মাসখানেক পরেই খবর পেলাম, দোহা সাহেব তদন্ত করছেন আমার গ্রামে, কোন্‌ আয়ে আমি কলকাতা থাকি। কি আমার জীবিকা?

শিক্ষিত হলাম। গল্প লিখে মাসে ত্রিশ টাকা উপার্জন করি—এ প্রমাণ করা সহজ ব্যাপার নয় বলেই মনে হল। অনেক ভেবে অবশেষে ছুটে গেলাম সজনীকান্তের কাছে। পরিমল গোস্বামী “শনিবারের চিঠি”র সম্পাদক। ওর নিচে সহ-সম্পাদক হিসেবে আমার নামটা দিতে হবে। এবং “শনিবারের চিঠি”র মাইনের খাতায় আমার নাম তুলে ত্রিশ টাকা হিসেবে খরচ লিখতে হবে। মাইনে অবশ্য আমি নেব না; এবং কুড়ি টাকার অধিক বলে খরচ দেখানোর বিশুদ্ধ নিয়ম অনুযায়ী যে এক আনার টিকিট লাগে সেটাও আমি দেব। সজনীকান্ত হেসে বললেন, তাই হবে।

এইভাবে আমি “শনিবারের চিঠি”র সহকারী সম্পাদক হলাম।

উনিশ শো তেত্রিশ সালে ওই মনোহরপদকুর সেকেন্ড লেনে একখানি পাকা-দেওয়াল টিনের ছাউনি ঘর ভাড়া করলাম। সাহিত্যিক-জীবনের ভূমিকা-পর্ব শেষ করে পুরোদস্তুর সাহিত্যিক জীবন শুরু হল। কল-চৌবাচ্চা ছিল না, একটা টিনের গোল জালা কিনলাম, ভোরবেলা কলে জল এলেই বালতি করে রাস্তার কল থেকে জল এনে জালাটা ভর্তি করে রাখতাম। তার আগেই ঘর পরিষ্কার, জল দিয়ে মোছা শেষ হত। আসবাব কিছু ছিল না, একটা দেওয়ালের তাকে সামান্য জিনিস থাকত; মেঝের উপর শতরঞ্জি পেতে, সন্টকেস টেনে সেইটিকেই রাইটিং ডেস্ক হিসেবে ব্যবহার করতাম। কিছুদিন পর আলিপুরের আদালতের কাছে পুরানো আসবাবের দোকান থেকে একটা

কুশনমোড়া আধ-সোফা এবং একটা ফোন্ডিং চেয়ার কিনেছিলাম। বিকেলবেলা ফোন্ডিং চেয়ারটা বের করে বাইরে গলি-রাস্তায় পেতে বসে আরাম করতাম। বিড়ি টানতাম। খাওয়াদাওয়ার ব্যবস্থা ছিল আরও বিচিত্র। ওখান থেকে রাসবিহারী অ্যাভেনিউয়ের মোড়ে যেতাম চা খেতে। তা সে যতবারই ইচ্ছে হোক না কেন। দুপুর এবং রাত্রির আহারের ব্যবস্থা প্রথম মাসটা করেছিলাম আমাদেরই দেশের কয়েকটি ছেলের সঙ্গে। মনোরঞ্জন সরকার, বাদল, সন্দীর আরও দু-তিনজন ভাগ্যান্বেষণে ওইখানেই মহানির্বাণ রোড, অশ্বিনী দত্ত রোড এবং মনোহরপুকুর সেকেন্ড লেনের সংযোগস্থলে কয়লার ডিপো খুলেছিল, তার সঙ্গে ছিল ব্যবসা, মৃদিখানা। ওদেরই সঙ্গে মাস-খানেক খাওয়াদাওয়া করেছিলাম, তারপর পাইস হোটেলে।

সকালবেলা গৃহকর্ম সেরে লিখতে বসতাম, বেলা বাড়েটা নাগাদ স্নান সেরে লেখা বগলে বেরিয়ে যে-কোন পাইস হোটেলে খেয়ে নিয়ে কাগজের আপিসে হাজির হতাম। বেলা আড়াইটে তিনটে নাগাদ প্রথম দিকে “বঙ্গশ্রী” আপিসে এবং সজনীকান্তের “বঙ্গশ্রী”র সঙ্গে সম্পর্কচ্ছেদের পর “শনিবারের চিঠি”র আপিসে এসে খান দুই-তিন চেয়ার জুড়ে তারই উপর আধ ঘণ্টা প্যারতাল্লিশ মিনিট ঘুমিয়ে নিতাম। বেলা পাঁচটা ছটা পর্যন্ত আড্ডা দিয়ে বাসায় ফিরতাম। যেদিন ফিরতে রাত্রি হত, সেদিন পথেই খাওয়া সেরে ফিরতাম।

এই ঘরখানিতেই কাটিয়েছিলাম প্রায় দেড় বছর। এর মধ্যে অনেকগুলি ভালো গল্প এবং একখানা উপন্যাস লিখেছিলাম। “শ্যুশানবৈরাগ্য”, “ছলনাময়ী”, “মধুমাস্তার”, “ঘাসের ফুল”, “ব্যাধি”, “রঙীন চশমা”, “জলসামর”, “রায়বাড়ি”, “টেলদার”, “আখড়াইয়ের দীঘি”, “ঢায়া”, “ভারিণী মাঝি”, “প্রতীক্ষা”—আরও দু-চারটি গল্প এখানেই লিখেছিলাম। এই সময় আরও একটি গল্প লিখেছিলাম, “নট্টমোক্তারের সওয়াল”—“দুই পুরুষের” বীজ। আরেকটি গল্প লাভপুরে লিখেছিলাম—“নারী ও নাগিনী”, পূজাসংখ্যা “দেশে” প্রকাশিত হয়েছিল। “আগুন” উপন্যাসও এই ঘরে লেখা। তবে “আগুন”র খসড়া তৈরী করেছিলাম বেহার প্রদেশের মগমা নামক স্থানে; বেহার ফায়ার ব্রিক্‌স্‌ কারখানায়—আমার পিসতুতো ভাইয়ের বাসায়।

এই সময়টুকুর স্মৃতি আমার পরম রমণীয়। আজ মনে করতে পারি, সে দিন কোন দুঃখই আমাকে স্পর্শ করতে পারত না। এবং দুঃখ আমার আশ্চর্য করুণায় ঘুচিয়ে দিয়েছেন ভগবান। কি বলব? ভগবান ছাড়া কি বলব? একদিনের কথা বলি। সকালে সোদিন জল ধরা হয় নি। স্নান করে এলাম কালীঘাটের গঙ্গায়। সেখানে ঘাটে দেখা হল আমাদের ওখানকার

ষষ্ঠী দাসের সঙ্গে। সেও গেছে গঙ্গান্নানে, মনিব বাড়ির জন্য গঙ্গাজল নিয়ে যাবে। সে আমার গঙ্গান্নান করতে দেখে বিস্মিত হল। ষষ্ঠী চাকরের কাজ করত কালীকিষ্করবাবুর বাড়িতে। সেখানে যখন দু মাস এক মাস অন্তর এসে দশ-পনেরো দিন কালীকিষ্করবাবুর বাসায় থাকতাম, তখন সে আমায় দেখেছে। গঙ্গান্নানে পদ্যসংস্থের প্রবৃত্তি আমার নেই সে তা জানত। তাই আমাকে সেই দুপদ্যরোদে গঙ্গান্নানে আসতে দেখে তার আর বিস্ময়ের অবধি ছিল না। সবিস্ময়েই সে প্রশ্ন করেছিল, আজ আপনি গঙ্গান্নানে?

আমি হেসে কারণ বললাম।

অপরাহেই ষষ্ঠীচরণ এল আমার ওখানে। সে বললে, আমি দিনান্তে একবার যখন হোক এসে আপনার কাজ করে দিয়ে যাব। মাও আমাকে বার বার বলে দিয়েছেন—ষষ্ঠী, তুই যাস, কদাচ ভুলিস নে।

মা অর্থাৎ কালীকিষ্করবাবুর স্ত্রী। সত্যকারের মায়ের মতোই সহোদরার মতোই স্নেহে প্রীতিতে তিনি আমাকে ধন্য করেছেন।

ষষ্ঠী এক বেলা নয়, দু বেলাই আসত। কারণ বিকেলবেলা এসে দেখত ঘরদোর পরিষ্কার হয়েই আছে। সে আমি ফেলে রাখতাম না। কখনও কখনও তিন বেলা অর্থাৎ রাত্রি নটার পরও এসে হাজির হত। বসে সুখদুঃখের গল্প বলত, আমি শুয়ে থাকলে কাছে বসেই হাত একখানি বা পা একখানি টেনে তুলে নিত কোলের ওপর। আমার ক্রান্ত অবসন্ন দেহকে সুস্থ করে দিয়ে যেত।

ষষ্ঠীর এই স্নেহ, কালীকিষ্করবাবুর স্ত্রীর এই স্নেহ আমার অন্তরে ভগবানের প্রত্যক্ষ স্পর্শ দিয়ে গেছে। ওঁদের অন্তরের মধ্যে আমি তাঁকে প্রত্যক্ষ করেছি।

এই মনোহরপদ্যকুর সেকেন্ড লেনে ছিলাম প্রায় বছর দেড়েক। এই বছর দেড়েকেই ষষ্ঠীচরণ আমার যে স্নেহ সেবা করেছে, সে আমার মনে অক্ষয় হয়ে আছে। ষষ্ঠীর একটি গুণ ছিল, অবশ্য তার ব্যক্তিগত গুণ, সে বসেই দিব্য আরামে ঘণ্টার-পর-ঘণ্টা ঘুমোতে পারত বা পারে। ষষ্ঠী ঘরে ঢুকে ঝাড়ু হাতে বসল আমার লেখবার জায়গার পাশে, বার দুই-তিন গলা ছেড়ে সাড়া দিয়ে জানিয়ে দিলে, আমাকে উঠতে হবে। আমি সঙ্গে সঙ্গেই উঠলাম, সে অন্যের বাড়ি চাকরি করে, সুতরাং তার সময়ের মূল্য আমাকে আগে দিতে হবে। উঠে বেরিয়ে যেতাম রাসবিহারী অ্যাভিনিউর উপর দাদার দোকানে, নয়তো মনোরঞ্জনদের কয়লার ডিপোতে। আধ ঘণ্টা বা পঁয়তাল্লিশ মিনিট পর ফিরে আসতাম, এসে দেখতাম ঘরখানার কিছু অংশ পরিষ্কার করে ষষ্ঠীচরণ এক জায়গায় স্থিরভাবে উবু হয়ে বসে আছে—এক হাতে ঝাড়ু, অন্য হাতখানার

কনুই হাঁটুর উপর, এবং হাতের তালুর উপর মাথাটি ধরে রেখেছে, চোখ দুটি বন্ধ ; কখনও কখনও নাক ডাকতেও শুনছি। আমি ডাকলে তবে তার ঘুম ভাঙত। এতে সে অপ্রস্তুত হত না। সজাগ হয়ে চটপট কাজ সেরে সে চলে যেত।

মধ্যে মধ্যে সে দৃষ্টি করে বলত, এ আপনি কি করছেন বাবু ? চাকরি-বাড়ির কি ব্যবসা-বাণিজ্য কিছুর যদি করতেন, তা হলে—

আমি এসব ক্ষেত্রে কখনও তার সঙ্গে উপহাস করে কথা বলি নি, বা রসিকতা করেও প্রচলিত ব্যঙ্গ করি নি। সে আমার অকৃত্রিম হিতৈষী। তবে অকপটেই বলতাম, এ ছাড়া অন্য কাজ আমার ভালো লাগে না ষষ্ঠী, মন লাগাতে পারি না।

ষষ্ঠী মধ্যে মধ্যে বলত, আচ্ছা, কি লেখেন আপনি ? মা খুব প্রশংসা করে। বাবুও মধ্যে মধ্যে প্রশংসা করে। শোনান দেখি খানিক আমাকে।

আমি শুনিয়েছি তাকে আমার লেখা। “ছলনাময়ী”, “মধুমাস্তুর”, “রায়বাড়ি”, “আখড়াইয়ের দিঘি”, “টারা”, “তারিণী মাঝি” গল্পগুলি তার ভালো লেগেছিল। এই থেকেই আমি বুঝেছিলাম, বাংলার অতি সাধারণ মানবদের আমরা আধুনিক লেখক-শ্রেণী যে নির্বোধ বা রসবোধহীন মনে করি, এর চেয়ে ভুল আর কিছুর হয় না। যারা রামায়ণ মহাভারত বদ্ব্যপ্তে পারে—কৃত্তিবাসী কাশীরামদাসীই শব্দ নয়, গদ্য-অনুবাদ—যেগুলির ভাষায় ছাঁকা সংস্কৃত শব্দের প্রাধান্য এবং ভাগবতের কথকতা যারা বদ্ব্যপ্তে পারে, তারা একালের লেখাগুলি বদ্ব্যপ্তে পারবে না কেন ? দেশের ভাষায় লেখা বিষয় যদি দেশের মানুষই বদ্ব্যপ্তে না পারে, তবে সে কেমন লেখা ? প্রবন্ধ নিবন্ধ বদ্ব্যপ্তে না পারে, এ কালের বুদ্ধিবাদী হিসাবে লেখায় যে অংশগুলিকে সূক্ষ্ম ও উজ্জ্বল বলে মনে মনে অহঙ্কার বা আত্মপ্রসাদ অনুভব করি, যাকে বলি ফাইন টাচেস্, সেগুলিও তারা হয়তো বদ্ব্যপ্তে না ; কিন্তু যে অংশটুকু গল্প, যার আরম্ভ আছে, গতি আছে, এক অনিবার্য পরিণতি আছে, সে তারা অবশ্যই বদ্ব্যপ্তে পারবে এবং তার প্রভাবও তাদের উপর পড়বে। আমি দেখছি তাতে তারা অভিভূত হয়, গল্পের পাত্রপাত্রীর সুখে-দুখে তারা হাসে, তারা কাঁদে। বুদ্ধিবাদী সমঝদারেরা হলেন চাখিয়ে রসিক ; তাঁরা চেখে চেখে পরখ করেন রসবস্তুর পাকটি ঘন কি ফিকে ; তাঁদের তারিফের দাম অনেক—রসবস্তুর ভিয়েনের কারিগরের পক্ষে। কিন্তু তাঁদের নিজেদের জন্য এ বস্তুর দরকার যৎসামান্য। এঁরা মনের গঠনের দিক থেকে সম্পূর্ণ কাটছাঁট-করা পালিশ-করা কঠিন কন্টিপাথরের চাকতি, সোনা-রূপার দাগ যাচাই করে মূল্য নির্ণয় করেন, সোনা-রূপার অলঙ্কারে

এঁদের দরকার নেই। সাধারণ মানুষ হল নরম কণ্ঠিপাথর, সে থেকে বিগ্রহ গঠিত হয়, তাহার পরে এই সোনা-রূপার অলঙ্কার।

এই সাধারণ মানুষের মধ্যেই রসপিপাসা সত্যকারের তৃষ্ণা। রসিক জনের তৃষ্ণা নিজের চিন্তার মধ্যেই খোঁজে পরিতৃপ্তির পানীয়। এদেশের বড় লেখকেরা অন্যের বই কদাচিত্ পড়েন। সাধারণ মানুষেরাই সাহিত্যের সত্যকারের পাঠক।

বাংলা দেশে এই পাঠকদের সঙ্গে লেখকদের মধ্যে একটা দূরত্বের ব্যবধান রচিত হয়েছে ইংরাজি শিক্ষার প্রভাবে। আমাদের লেখকেরা ইংরাজিতে ভেবেছেন, তার পর বাংলায় তর্জমা করেছেন। এবং আমরা যখন লিখেছি তখন ইংরাজি-জানা শিক্ষিত জনসাধারণের কথাই ভেবেছি। এদেশের মাটির সঙ্গে প্রাচীন কাল থেকে এ কাল পর্যন্ত সাধারণ মানুষের চিন্তাধারা যে ভাবে যে ভঙ্গীতে মাটির বন্ধু চিরে বয়ে এসেছে, সেই ধারা বা ভঙ্গীতে ভাবি নি। ইংরাজি বা ইউরোপীয় সংস্কৃতির স্রোতোধারা থেকে ড্যাম বেঁধে, সোণা লাইন টেনে ক্যানেল বেটে সেই জল ঢেলে দিতে চেয়েছি এ দেশের মাটির উপর। সমতল শহরের বন্ধুকে সে জলের ধারা এসেছে, কিন্তু অসমতল ভূ-প্রকৃতি পল্লীবাংলার মধ্যে তাকে নিয়ে যেতে পারি নি। প্রয়োজনও মনে করি নি।

এ সব মানুষ সর্বাগ্রে চায় গল্প। আমরা সর্বাপেক্ষা প্রকট করতে চেয়েছি তথ্য। গল্প বা, তার মধ্যে একটি স্বাভাবিক পরিণতির ছেদ আছে। সেই স্বাভাবিক পরিণতির আগেই অসমাপ্তির মধ্যে ইঞ্জিত টেনে ছেড়ে দেওয়াটাই আমাদের আধুনিক আর্টের বিশিষ্ট লক্ষণ। সঙ্গীত-শিল্পেও গায়ক গান শেষ যেখানে করেন, সেখানটা কলির শেষ শব্দ নয়; মধ্যস্থলেই বিরতির ছেদটিতে ছেড়ে দেন। কিন্তু সম্পূর্ণ গানটি তার পদবৈই গাওয়া হয়ে যায়। আমার জীবনে যা উপলব্ধি তাতে গল্পের মধ্যেও গল্পটি এমন সম্পূর্ণভাবে বলার আগেই ইঞ্জিত দিয়ে গল্পকে ছেড়ে দেওয়ার জন্য সাধারণ মানুষ তৃপ্তি পায় না। অসাধারণ মানুষ যারি তাঁরা আমার নমস্য তাঁদের কথা বাদ দিয়েই বলেছি। তবে একজন অনন্যসাধারণ ব্যক্তি আমাকে যা লিখেছিলেন বা দেখা হলে বলেছিলেন, তাতে আমায় ধারণা জোর পেরেছিল, বেগ পেরেছিল। সেই কথাই বলছি।

এর কিছুদিন পরই আমার দুখানি বই প্রকাশিত হল। “রাইকমল” এবং গল্পসংগ্রহ “ছলনামগ্নী”। “রাইকমল” প্রকাশিত হল রঞ্জন প্রকাশালয় থেকে, অর্থাৎ সজনীকান্তের প্রকাশভবন থেকে। একটি বিচিত্র ঘটনার মধ্যে সজনীকান্তের সঙ্গে লেখক-প্রকাশক সম্পর্ক স্থাপিত হল। “বঙ্গপ্রী” আপিসে

আমার খোঁজে একদিন হঠাৎ এল এক দস্তরী ; পরিচয় দিলে, ‘আমি “চৈতালী ঘূর্ণি”র দস্তরী। সাবিত্রীবাবুর “উপাসনা”র কাজ করতাম। আমি “চৈতালী ঘূর্ণি”র ফর্ম আর রাখতে পারব না। একশো বই বেঁধে দিয়েছি দেড় বছর দু বছর আগে। তার কিছু টাকা আমি পাব। আর বাকি ফর্মগুলি মলাট না দিয়ে বেঁধে রেখেছি, তার টাকা পাব। আপনি আমার টাকা মিটিয়ে বইগুলো নিয়ে নিন। গুদামে আমার জায়গা নেই। এ বই আমি রাখব না। না নিলে পুরনো কাগজের দরে বেচে দেব ফুটপাথের হকারদের।’

আমার পায়ের তলায় কাঠের মেঝে। ধর্মতলা স্ট্রীটে পুরানো আমলের বাড়ির সিঁড়ি এবং সিঁড়ির পর দরদালানের মতো অংশটির মেঝেটিও কাঠের, সেই কাঠের উপর দাঁড়িয়ে ছিলাম, সে কথা মনে রইল না। মনে মনে বললাম মা ধরণী, দ্বিধা হও, আমি তোমার বন্ধুর মধ্যে মন্থ লুকিয়ে এ লজ্জা থেকে নিষ্কৃতি পাই। মন্দকবি যশপ্রাখীর সমাধি হয়ে যাক !

‘বাবু ! কি বলছেন বলুন ?’—কণ্ঠস্বর সেই দস্তরীর।

আমি কি উত্তর দেব খুঁজে পাচ্ছিলাম না। আমার কাছে গোটা আট-দশ টাকা সম্বল। কে আমাকে এখানে টাকা ধার দেবে ? পৃথিবীটা কালো হয়ে গেল চোখের উপর।

এমন সময় হঠাৎ শুনলাম, ভারী পায়ের জুতোর শব্দ। আরও লজ্জায় মাথা নুয়ে গেল। সজনীকান্তের পায়ের শব্দ অনুমান করতে ভুল হয়নি। সঙ্গে সঙ্গে অনুমান করলাম, এ ঘটনা জেনে “শনিবারের চিঠি”র সম্পাদক সজনীকান্তের অধরপ্রান্তে ঈষৎ ব্যঙ্গ হাস্য খেলে যাবে। তিনি সেই হাসি হেসে একবার বক্রদৃষ্টিতে তাকিয়ে চলে যাবেন। সজনীকান্ত দাঁড়ালেন থমকে, জিজ্ঞাসাও করলেন, ‘কি হয়েছে ? কি ?’

এমন প্রশ্ন করবার জন্য সজনীকান্তের একটি রুঢ় কণ্ঠস্বর আছে। এর উত্তরে আমি কিছু বলতে পারি নি ; বলেছিল ওই দস্তরী। সমুদয় কথা বলে সে সজনীবাবুকেই সালিশ মেনেছিল—‘আপনিই বলুন বাবু, এই বই রেখে কি করব আমি ? দেড় বছরে—’

তাকে কথা শেষ করতে দেন না সজনীবাবু, ওই রুঢ় কণ্ঠস্বরে প্রশ্ন করেছিলেন, ‘কত ? কত টাকা পাবে তুমি ?’

‘বোধ করি ছাপামশি টাকা কয়েক আনা’—দাবি জানিয়েছিল দস্তরী।

সঙ্গে সঙ্গে সজনীকান্ত বুক-পকেট থেকে ব্যাগ বের করে তার হাতে ছখানি দশ টাকার নোট দিয়ে বললেন, ‘এই নাও তোমার টাকা। বই সমস্ত আমার “শনিবারের চিঠি”র ঠিকানায় তুলে দাও। বাকিটা মনে ভাড়া রইল। বেশি লাগলে দেব।’ বলেই আর দাঁড়ালেন না, ভারী পায়ে শব্দ তুলে কাঠের

সিঁড়ি ভেঙে নেমে গেলেন। আমি অবাক হয়ে দাঁড়িয়ে রইলাম। তার কিছুক্ষণ পর চোখে জল এল। বিস্ময়েরও অবধি রইল না। সজনীকান্তের মৃত্যুর চেহারায়, নাকের গড়নে, বড় চোখের দৃষ্টিতে এমন একটা কিছু আছে যাতে তাঁকে অত্যন্ত রুঢ় নিষ্ঠুর প্রকৃতির মানুষ বলে মনে হত। তার উপর “শনিবারের চিঠি”তে তাঁর কলমের মুখে যে নিষ্ঠুর যন্ত্রণাদায়ক সমালোচনা বের হয়, তাতে তাঁর প্রকৃতি-নির্ণয়ে মানুষ প্রায় নিঃসন্দেহেই এই সিদ্ধান্তে উপনীত হয়। বিস্ময় এই কারণেই। যে মানুষকে ভাবলাম পাথর, তার মধ্যে কোথায় ছিল এই উদারতার নিব্ব্বর! উদারতাই বলব। প্রীতি বলব না। সৌন্দর্য তিনি আমার প্রতি ব্যক্তিগত প্রীতিবশে এই কাজ করেন নি। ব্যক্তিগত হিসাবে হয়তো অনুগ্রহবশতই করেছিলেন। কিন্তু সাহিত্যিক সম্প্রদায়ের মর্যাদা রাখবার জন্য এর মধ্যে একটি সন্নিহিত সসম্প্রদায় উদারতা ছিল, এ কথা আমি শপথ করে বলতে পারি। একা আমি নই; আমাদের সময়ের আরও অনেকে এইভাবে তাঁর উদারতায় উপকৃত হয়েছেন। তার দিল্লি দেখেছি আমি, থাক এ কথা এইখানেই। সজনীকান্ত এই ভাবেই হয়েছিলেন আমার প্রকাশক।

কিছুদিন পর “রাইকমল” আমি নিজেই টাকা খরচ করে ছাপলাম। সজনীকান্তই হলেন আমার প্রকাশক। প্রথম সংস্করণের প্রচ্ছদপটে নামটি লিখে দিয়েছিলেন শিল্পী অরবিন্দ দত্ত। এর কিছুদিন পর বরেন্দ্র লাইব্রেরির বরেন্দ্র ঘোষ মশায় আমার প্রথম গল্পসংকলন প্রকাশ করলেন—“ছলনাময়ী”, “মেলা”, “সন্ধ্যামার্গ” এমন করে দশটি গল্পের সংকলন। পাঁচশোর সংস্করণ।

এমনিই দিতে হল। গল্পের বই, তাও আমার মতো নতুন লেখকের গল্পের বই টাকা দিয়ে কিনে ছাপাবার মতো বইয়ের বাজার তখন ছিল না। বাই হোক, বই দুখানি সমালোচনার জন্য পাঠানো হল কাগজে কাগজে। দু-একটিতে বের হল, অধিকাংশ কাগজে বেরই হল না। চার-পাঁচ লাইনের সমালোচনা—লেখকের সম্ভাবনা আছে, আশা আছে।

কিছু দিন পর হঠাৎ—হঠাৎ নয়, মনে মনে আকাঙ্ক্ষা ছিল কিন্তু সাহস হত না; আকাঙ্ক্ষা হত কবিগুরুদের কাছে বই পাঠাই। তিনি কি বলেন, দেখি। কিন্তু সাহস হত না। ইতিমধ্যেই তখন চারিদিকে আধুনিক লেখকমহলে আমার সম্পর্কে আলোচনা হতে শুরু হয়েছে, অবহেলা করবার উপায় ছিল না, কারণ বড় কাগজে তখন আমার গল্প স্থান পাচ্ছে নিয়মিত। কিন্তু আলোচনা আপনাপনি স্বাভাবিকভাবেই আরম্ভ হয়েছে। তাতে এই কথাই উঠেছে যে গল্প লেখে বটে, জমিও বটে, কিন্তু বড় লাউড, অর্থাত্ স্থূল। সঙ্কল্পতার অভাব আছে। এই সমালোচনা শুনে রবীন্দ্রনাথের দরবারে বই পাঠাতে

গিয়েও পিছিয়ে আসতাম। হঠাৎ একদিন এই দুর্বলতা জয় করে ফেললাম। দুখানি বই রেজেষ্ট্রী করে পাঠিয়ে দিলাম তাঁর কাছে। আর পাঠালাম শরৎ-চন্দ্রের কাছে। বোধ করি এক সপ্তাহ পরেই একদিন একখানি বিচিত্র খামের চিঠি পেলাম। সাদা খামের এক কোণে ‘র’ অক্ষর লাল কালিতে ছাপা। ঠিকানায় লেখাও রবীন্দ্রনাথের হাতের; বুকটা খড়াস করে উঠল, হাত কাঁপতে লাগল। গলা শুকিয়ে গেল। তখন আমি লাভপদুরে রয়েছি। লাভপদুর পোস্টাফিসের পূর্বদিকে কলেক্টর ফুলের সারিবন্দী গাছ বেশ কুঞ্জবনের মতো ঘন এবং নিরালা। সে নিরালায় গিয়ে চিঠিখানি খুললাম। পড়লাম, সেই বহু-আকাঙ্ক্ষিত হাতে লেখা—

“কল্যাণীয়েষু,

আমার পরিচরবর্গ আমার আশেপাশে উপস্থিত না থাকায় তোমার বই দুখানি আমার হাতেই এসে পৌঁচেছে কিন্তু তাতে পরিতাপের কোন কারণ ঘটে নি। তোমার “রাইকমল” আমার মনোহরণ করেছে।”

বুকখানা আবার খড়াস করে উঠল।

“রাইকমল” মনোহরণ করেছে! আনন্দে উল্লাসে আমার চিত্ত যেন আকাশলোকে সঞ্চার করে বেড়িয়েছিল সেদিন। একটি কথাও ছিল না, যাকি নিন্দার ইঞ্জিত বহন করে। পরিশেষে লিখেছিলেন, “তোমার অপর বইখানি সময়মতো পড়ব।” কবি তখন কোনও বিশেষ কাজে কলকাতা যাচ্ছেন। বোধ হয় বিশ্ববিদ্যালয়ের সমাবর্তন-উৎসবে অতিথি হয়ে যাচ্ছেন। আমিও এলাম কলকাতায়। কয়েকদিন পরই এলাম। ঠিক মনে পড়ছে না কার কাছে, তবে কারও কাছে শুনলাম, তিনি বিচিত্রা ভবনের আসরে এক নতুন গল্পলেখকের বিশেষ প্রশংসা করেছেন। বলেছেন নাকি, এর সম্বন্ধে প্রত্যাশা পোষণ করেন তিনি। আমি চম্পল হলাম। কিন্তু কারও কাছেই সে কথা প্রকাশ করলাম না। কে জানে, কার কথা বলেছেন।

দিন দশেক পর বাড়ি এলাম, ব্যগ্রভাবে খোঁজ করলাম—চিঠি? আমার চিঠিপত্র আসে নি?

এসেছে কয়েকখানি। কিন্তু তার মধ্যে ঈর্ষাসিত পত্রখানি ছিল না। এবার পত্র লিখলাম। সেই পত্রের মধ্যে লিখলাম, “রাইকমল সম্পর্কে আপনি আমাকে সান্ত্বনা দিয়েছেন কিনা জানি না। কারণ আমার সমসাময়িকেরা আমার লেখাকে বলেন—শুল।”

ঠিক চারদিন পরই কবির চিঠি পেলাম। এবার পত্রখানি বড়। তার আরম্ভটাই হল—“তোমার কলমের শুলতার অপবাদ কে বা কারা দিয়েছেন জানি না, তবে গল্প লিখতে বসে যারা গল্প না লেখার ভান

করে, তুমি যে তাদের দলে নাম লেখাও নি, এতেই আমি খুশী হয়েছি।”
এরপর “ছলনাময়ী” সম্পর্কে কথা। গল্পগদ্যের প্রসংসা করেছেন
মুত্তকণ্ঠে।

এর কিছুদিন পরই তাঁর সঙ্গে আমার প্রথম দেখা হয়। সেই কথা
এখানে বলব। এরপরই তাঁর কাছ থেকে আহ্বান এল।—দেখা কর।

মাসটা চৈত্র মাস, সে আমার মনে রয়েছে। ‘প্রবাসী’তে “অগ্রদানী”
গল্প প্রকাশিত হয়েছে।

আমি গেলাম কিন্তু গেরোর মতোই। তাঁকে কোনো কথা জানিয়ে গেলাম
না। একদা বিকেল পাঁচটায় শান্তিনিকেতনে হাজির হলাম। কোথায় যাব?
সরাসরি রবীন্দ্রনাথের বাসভবনের উঠানে গিয়ে হাজির হব তীর্থযাত্রীর
মতো? তাও ভরসা পেলাম না। স্বর্গত কালীমোহনবাবু আমাকে স্নেহ
করতেন কিন্তু তিনি শ্রীনিকেতনে থাকেন ধারণায় সে অভিপ্রায় ছেড়ে গেস্ট
হাউসে গিয়ে হাজির হলাম। নতুন তারাক্ষরের আবির্ভাবে তখনও নামের
আগে শ্রী ছাড়ি নাই বটে তবে দেহশ্রী আমাকে জেলের মধ্যেই ছেড়ে পরবর্তীকালের
শ্রীহীন নামের ভূমিকা রচনা করে রেখেছে তখন থেকেই। পরিচ্ছদেও
মূল্যগোঁরব ছিল না। গেস্ট হাউসে থাকবার অভিপ্রায় অধ্যক্ষকে জানাবামাত্র
আমাকে প্রণয় করলেন—কি অভিপ্রায়ে এসেছি।

বললাম—কবির দর্শনপ্রার্থী হয়ে এসেছি। তাঁর সঙ্গে দেখা করব।

ঈ কুণ্ঠিত করে ওখানকার অধ্যক্ষ বললেন—তাঁর সঙ্গে দেখা করবেন?

—আজ্ঞে হ্যাঁ।

—দেখা তো হবে না।

বললাম—সে ব্যবস্থা আমি করে নেব।

—কিন্তু গেস্ট হাউসে তো জায়গা হবে না। রাতে কলকাতা থেকে
বিশিষ্ট লোকেরা আসবেন।

—তা হলে? প্রশ্নটা করেই ভাবলাম—যাই তা হলে শ্রীনিকেতন অথবা
বোলপুর।

এর উত্তরে অধ্যক্ষ আমার প্রতি সহানুভূতিপরবশ হয়েই বললেন—তা হলে
এক কাজ করতে পারেন। এ বাড়ির ওপাশে পান্থনিবাস নামে একটি থাকবার
জায়গা আছে সেখানে থাকতে পারেন।

সেই পান্থনিবাসেই আম্তানা পাতলাম। তখন সন্ধ্যা হয়-হয়। তিনখানা
ছোট ঘর নিয়ে পান্থনিবাস। মাঝের ঘরখানা ওরই মধ্যে বড়। বাকি
দুখানার দুজনা খুব জোর তিনজনের ঠাই হয়। আমি একখানা ছোট
ঘরেই বিছানা রেখে চায়ের দোকানের খোঁজে বের হলাম। দেখা করব কাল

সকালে। খানিকটা মদ্যশিকলেও পড়েছি। খবর দিয়ে আসি নি এবং দেখা করবার হুকুমনামাও আনতে ভুলেছি। ভাবছি কি করে খবর পাঠাই। চা খেয়ে ফিরে এসে দেখি পান্থনিবাস গুলজার। বহরমপুর থেকে বরাবর বাইসিক্লে চারটি দুঃসাহসী ছেলে এসে হাজির হয়েছে। বাসা পেয়েছে বড় ঘরটায়। তারা হৈ চৈ জুড়ে দিয়েছে। আমার সঙ্গে আলাপ করলে। বড় ভালো লাগল ছেলে কটিকে। বললে, কবির সঙ্গে দেখা করবে। সে যে করেই হোক! চেঁচামেচি করবে, না খেয়ে পড়ে থাকবে; পরিশেষে বললে পরিশেষে গাছের ডালে উঠে ঝাঁপ খেয়ে পড়বার ভয় দেখাবে। সন্ধ্যা বেলা থেকে সদুরে বেসদুরে তালে বেতালে গান করে তারা এমন জমিলে ফেললে যে আমিও তাদের ছেড়ে বের হতে পারলাম না। খাওয়া-দাওয়া সেরে শূন্যে পড়বার সময় কিন্তু চিন্তিত হলাম তাদের জন্যে। বিছানার মধ্যে বেচারাদের চারটি ছোট বালিশ মাত্র সম্বল আর চাদর একখানা করে গিয়েই আছে। প্রশ্ন করলাম—রাত কাটবে কি করে? মশারি আনেন নি। তারা হেসেই সারা। বহরমপুরের ছেলেদের মশার ভয়?

মশা? মশাই, সারাদিন বাইসিক্লে ঠেঙিয়েছি। পড়ব আর ঘুমোব।

একজন বলল—নাসিকাগর্জনের শব্দে বেটারা বিশকোশ দূরে পালাবে।

অগত্যা আমি গিয়ে শুনলাম। শূন্যেও ঘুম এল না। গরম তো বটেই, তবে মনের উত্তেজনাই প্রধান কারণ, মনে মনে কবির সঙ্গে দেখা করে কি করব কি বলব তারই মক্শ করছি। কিছুক্ষণের মধ্যেই মনে হল ছেলেরা ও ঘরে মারপিট শুরুর করেছে। চটপট চড়-চাপড়ের শব্দ উঠছে। কিন্তু কই, বাদানুবাদ কই? কয়েক মদ্যহত পরেই শুনলাম—
উঃ! উঃ! এই মেরেছি!

বদলালাম মশা।

আধঘণ্টা পরেই শুনলাম—একজন প্রস্তাব করলে—চল বাইরে যাই।

হুড়মুড় করে বেচারারা বাইরে চলে গেল।

আবার কিছুক্ষণ পর ফিরল। আবার সেই চড়-চাপড়।

আর থাকা গেল না। ডেকে বললাম—আসুন আমার মশারির মধ্যে, কোন রকমে পাঁচজনের বসে রাত কাটানো তো চলবে!

বেচারারা বাঁচল। মদ্যেও তাই বললে—বাঁচলেন।

তারপর বলে—গল্প বলুন মশায়।

বললাম—দোহাই। সহ্য হবে না। গল্প জানিও না, আর আমি মশায় গল্পের উপর হাড়চটা। রাত বারোটা বেজে গেছে, এখন চুপচাপ বসে ঢুলতে ঢুলতে ষতটা পারেন ঘুমিয়ে নিন।

রাশি চারটে বাজতেই ওরা বললে—আর না। এইবার আমরা বাইরে বেরিয়ে পড়ব। অনেক জ্বালিয়েছি আপনাকে। তাই বেরিয়ে পড়ল। কোন বাধা নিষেধ শুনলে না।

সকালে কালীমোহনবাবুর খোঁজে বের হলাম। কবির কাছে সংবাদটা পাঠাব। হঠাৎ দেখা হল আমাদের জেলার সুধীন ঘোষের সঙ্গে। তিনি তখন কবির খাসমহলের কলমনবীশ।

তিনি বিস্মিত হয়ে প্রশ্ন করলেন—আপনি কখন?

বললাম বিবরণ। তিনি তিরস্কার করে বললেন—দেখুন তো কাণ্ড! গুরুদেব শুনলে ভয়ানক রাগ করবেন। আমাদের তো বাকি থাকবেই না আপনিও বাদ যাবেন না।

আমি বললাম—কালকের কালটা যখন ভূতকালে পরিণত হয়েছে তখন কাজ কি আজ তার জের টেনে? কালকের কথাকে গয়াধামে পিঁড় দান করে আজ থেকেই পালা শূন্য হোক না। এখন দেখা করবার ব্যবস্থা করে দিন।

বললেন—আমি এখনই চললাম। আপনি যেন পান্থনিবাসেই থাকেন।

তিনি চলে গেলেন। আমি দাঁড়িয়ে রইলাম। হঠাৎ এই সময় দেখা হল অধ্যাপক কাননবিহারী মুনোপাধ্যায়ের সঙ্গে। তিনি সব শুনে বললেন—দেখুন তো মশায়! আমি যে পাশেই রয়েছি। আসুন চা খাবেন আসুন।

আমি বললাম—স্থানত্যাগে নিষেধ আছে।

তিনি বললেন—সে ব্যবস্থা আমি করছি। পান্থনিবাসে কি বলে এলেন তিনি।

অতঃপর তাঁর সঙ্গে না-গিয়ে উপায় রইল না। কিছুক্ষণ পরে ফিরে এসে শুনলাম—সুধীনবাবু আমার খোঁজে এসে ফিরে গেছেন। আমি আবার বেকুব বনে গেলাম।

উত্তরাধ্ব পল্লীর ফটকের কাছে দাঁড়িলাম। দেখলাম—শান্তিদেব প্রমুখ ছাত্র-ছাত্রীরা সঙ্গীতযন্ত্র হাতে ঢুকছেন। শুনলাম কিসের যেন রিহারশ্যাল হবে। ছায়াঘন কালো কাকিরের পথ বেয়ে তাঁরা চলে গেলেন। আমি দাঁড়িয়ে রইলাম। কালীমোহনবাবুর সঙ্গে পরিচয় থাকলেও তাঁর ছেলে শান্তিদেবের সঙ্গে তখন পরিচয় ছিল না। তবে তাঁকে আমি চিনতাম।

হঠাৎ দেখা হল কালীমোহনবাবুর সঙ্গে। তিনি বললেন—আরে আপনি?

নিবেদন করলাম সব। তিনি সম্মেহে তিরস্কার করে বললেন—আমি

প্রীতিকেতনে বাস করি কে বলল আপনাকে ? আসুন এখন । এখন এখানে গানের পালা বসছে । এখন দেখা হবার সময় নয় ।

ওঁর বাড়িতে ষষ্ঠা দেড়েক কাটিয়ে পান্থনিবাসে ফিরলাম । শুনলাম সূধীনবাবু আরও দু'বার খুঁজে গেছেন । আমার আর আপসোসের বাকি রইল না । চুপ করে বসে আছি । আবার এলেন সূধীনবাবু । বললেন—কি লোক আপনি মশায় ? গুরুদেব তিনবার পাঠালেন আমাকে । বললেন—সে গেল কোথায় ? উঠেছে কোথায় ? আমি বলেছি গেস্ট হাউসে উঠেছেন । গেলেন কোথায় কি করে বলি ? বললেন—খোঁজ কর । দেখ কোথায় আটকে গেল । বলে দিলেন দু'পদুর বেলা ওকে নিয়ে এস । আর যেন কোথাও না যায় ।

সেই চৈত্রের দু'পদুর ! বীরভূমের উত্তাপ ! আমি পান্থনিবাসের উত্তর-দিকের ঘরের জানলার ভিতর দিয়ে পথের পানে চেয়ে রয়েছি । দেখলাম একথানা গামছা মাথায় দিয়ে সূধীনবাবু আসছেন । কবি তখন “পদনশ্চ” নাম্নী বাড়িখানিতে থাকতেন ।

ঘরের দরজায় এসেই বুক গুরুগুরু করে উঠল । থমকে দাঁড়িয়ে গেলাম । সূধীনবাবু ভিতরে ঢুকেই আবার পর্দা সরিয়ে ইশারা করলেন—আসুন ।

দুকলাম । একটা মোড় ফিরেই একথানা ঘরের দরজায় এসে দাঁড়াতেই দেখলাম—প্রশান্ত সৌম্য স্বর্ণকান্তি দীর্ঘকায় কবির উজ্জ্বল দৃষ্টির সম্মুখে আমি । কবির সামনে টেবিলের উপর লেখা কাগজ, হাতে কলম, কাগজের ওপাশে একটি পাথরের পাতে পূর্ণপাত্র গোলাপ ফুল, ওপাশে খোলা জানলার ওধারে বিস্তীর্ণ মৃদু লালমাটির প্রান্তর দু'পদুরের রোদে ঝলসে যাচ্ছে ; পাতা উড়ছে চৈতালী হাওয়ায়, কয়েকটা গাছে নতুন পাতার সমারোহ । উত্তপ্ত বাতাসে ফুলের গন্ধ ভেসে আসছে । আমি তাঁকে ভালো করে দেখবার অবকাশ পেলাম না । চকিত হয়ে উঠলাম তাঁর প্রশ্নে ।

দৃষ্টিতে তাঁর প্রশ্ন ফুটে উঠেছে । বললেন—এ কি ? তোমার মূখ তো আমার চেনা মূখ । কোথায় দেখেছি তোমাকে ?

আমি হতভম্ব হয়ে গেলাম ।

তিনি আবার প্রশ্ন করলেন—কোথায় দেখেছি তোমাকে ?

এবার আমি নিজেকে সংযত করে বললাম—আমার বাড়ি তো এ দেশেই । হয়তো বোলপদুরে দেখে থাকবেন । বোলপদুরে কয়েকবার আপনাকে দেখেছি প্লাটফর্মে দাঁড়িয়ে ।

তিনি তখনও স্থিরদৃষ্টিতে আমার মূখের দিকে তাকিয়ে ।

বোলপুর স্টেশনে ঠিক এমনি দৃষ্টি দেখেছিলাম নেতাজী স্ভাষচন্দ্রের চোখে। এমনি স্মৃতিমণ্ডন-করা প্রশ্নভরা সন্ধানী দৃষ্টি।

আমার কথায় তিনি ঘাড় নেড়ে বললেন—না—না। তোমাকে যে আমি আমার সামনে বসে কথা বলতে দেখেছি মনে হচ্ছে।

মুহূর্তে একটা কথা আমার মনে পড়ে গেল। বৎসর পাঁচেক আগে ১৯৩৩ সালে সমাজ-সেবক কর্মীদের এক সম্মেলন হয়েছিল, তখন কবি কর্মীদের সঙ্গে দেখা করেছিলেন। আমি ছিলাম কর্মীদের মদ্যপাত্র। আমিই কথা বলেছিলাম। কবি কি সেই কথা বলছেন? সেই অল্পক্ষণের স্মৃতি তাঁর মনে আছে?

আমি সসঙ্কোচে সেই কথা নিবেদন করলাম।

তিনি বার কয়েক ঘাড় নাড়লেন। তারপর বললেন—হ্যাঁ। মনে পড়েছে, তুমিই ছিলে কর্মীদের মদ্যপাত্র। ঠিক আমার সামনে বসেছিলে তুমি। বস তুমি বস।

একটা মোড়ায় বসলাম।

আরম্ভ হল কথা। আমার সকল প্রশ্ন মৃক হয়ে গিয়েছিল। তিনিই প্রশ্ন শূন্য করলেন।

—কি কর?

বললাম—করার মতো কিছুতেই মন লাগে নি। চাকরিতেও না, বিষয়-কাজেও না; কিছুদিন দেশের কাজ করেছি—

—অর্থাৎ জেল খেটেছ?

—হ্যাঁ।

—ও পাক থেকে ছাড়ান পেয়েছ?

—জানি না। তবে এখন ভাবি পেয়েছি।

—সেইটে সত্যি হোক। তা হলে তোমার হবে। তুমি দেখেছ অনেক। এত দেখলে কি করে?

—কিছুদিন সমাজ-সেবার কাজ করেছি। আর কিছুদিন বিষয়-কর্ম করেছি। সামান্য কিছু জমিদারি আছে। ওই দুই উপলক্ষে গাঁয়ে গাঁয়ে অনেক ঘুরেছি, লোকের সঙ্গে অনেক মিশেছি, কারবারও করেছি।

—সেটা সত্য হয়েছে তোমার। তুমি গাঁয়ের কথা লিখেছ। খুব ঠিক ঠিক লিখেছ। আর বড় কথা, গল্প হয়েছে। তোমার মতো গাঁয়ের মানুষের কথা আগে পড়ি নি।

তারপরই হেসে বললেন—তবে এ কথার শূন্য প্রথম আমিই করেছি। আমি যখন বাংলাদেশের গাঁয়ের ঘাটের কথা লিখি তখন বাংলা সাহিত্যে রাজপুতানার রাজত্ব চলেছে।

আবার বললেন—তুমি দেখেছ। আমি তো দেখবার সুযোগ পাই নি। তোমরা দেখতে দাও নি। আমাদের তো পতিত করে রেখেছিলে তোমরা।

আমি মাথা হেঁট করে রইলাম।

আবার বললেন—দেখবে—দু'চোখ ভরে দেখবে। দূরে দাঁড়িয়ে নয়। কাছে গিয়ে পাশে বসে তাদের একজন হয়ে যাবে। সে শক্তি এবং শিক্ষা তোমার আছে।

এবার আমি বললাম—পোস্টমাস্টারের পোস্টমাস্টার, রতন, ছুঁটির ফটিক, ছিদাম রুই দু'খীরাম রুই এদের কথা—

ওদের দেখেছি। পোস্টমাস্টারটি আমার বজরায় এসে বসে থাকত। ফটিককে দেখেছি পদ্মার ঘাটে। ছিদামদের দেখেছি আমাদের কাছারিতে। ওই যারা কাছে এসেছে, তাদের কতকটা দেখেছি কতকটা বানিয়ে নিয়েছি।

সেখান থেকে কেমন করে কি জানি কথাটার মোড় ঘুরে গেল—সাহিত্য-সমালোচনার প্রসঙ্গের দিকে। ওই, আমার কলমের স্থূলতার অপবাদের কথা উঠল। হঠাৎ যেন রক্তোচ্ছ্বাসে মৃদুখানি ভরে উঠল। বললেন—ও-দুঃখ পাবে। পেতে হবে। যত উঠবে তত তোমাকে ক্ষত-বিক্ষত করবে। এ দেশে জন্মানোর ওই এক কঠিন ভাগ্য। আমি নিষ্ঠুর দুঃখ পেরিয়েছি।

একটা দীর্ঘনিশ্বাস ফেলে বলে উঠলেন—মধ্যে মধ্যে ভগবানকে বলি কি জান তারাশঙ্কর? বলি, ভগবান, পুনর্জন্ম যদি হবেই তবে এ দেশে যেন না জন্মাই।

আমি বিহ্বল হয়ে গেলাম। বিবেচনা করলাম না কাকে বলছি, কি বলছি, বলে উঠলাম—না-না এ কথা আপনি বলবেন না। না-না।

হাসলেন তিনি এবার। আবার দীর্ঘনিশ্বাস ফেলে বললেন—তোমার এইটুকু যেন চিরকাল বেঁচে থাকে; বাঁচিয়ে রাখতে পার যেন।

আর কথা হল—তখনকার লীগ রাজত্বে বাংলা ভাষাকে যে আরবী ফারসী শব্দবহুল করবার চেষ্টা হাচ্ছিল তাই নিয়ে। বললেন,—তাই তো ভাবি, যা করে গেলাম তা কি এরপর শিলালিপির ভাষার মতো গবেষণার সামগ্রী হয়ে তাকে তোলা থাকবে! অনেকক্ষণ উদাস দৃষ্টিতে উত্তরদিকের রৌদ্রদগ্ধ প্রান্তরের পানে চেয়ে রইলেন।

কোথায় যেন ডাকাছিল একটা চিল।

হঠাৎ আমার দিকে ফিরে চেয়ে বললেন, তোমার “ডাইনীর বাঁশী”র চিলটার কথা মনে পড়ছে। গল্পটি খুব ভালো লেগেছে আমার।

আমি যেন আর সইতে পারছিলাম না এমন স্নেহ সমাদরের ভার।

কথার জের টেনে তিনি বললেন—কলকাতার একজন বড় পণ্ডিত সাহিত্যিক

এই গল্পটির কথা শুনেন কি বললেন জান ? আমি দৃষ্টিতে প্রশ্ন তুলে নীরবে চেয়ে রইলাম। কবি বললেন—তিনি আশ্চর্য হয়ে গেলেন শুনেন। বললেন উইচক্সফোর্ট নিয়ে বাংলা গল্প। এ নিশ্চয় ইউরোপের গল্প। ওদের দেশের গল্প পড়ে লিখেছে।

অর্থাৎ চুরি করেছে আমি।

আমি একেবারে গ্রাম্যালোকের মতোই বলে উঠলাম, না-না। স্বর্ণ ডাইনী যে আমাদের পাড়ায় থাকে। এখনও আছে। আমাদেরই কাছারি বাড়ির সামনের পুকুরের ঈশানকোণে তার বাড়ি। আর—

এতক্ষণে একটু সংঘত হয়ে সবিনয়ে বললাম—আমি তো ইংরিজিও ভালো জানি না। যেটুকুও জানি তার উপযুক্ত পড়বার বইও পাই না আমার দেশে। কোথায় পাব ? ওদের দেশের গল্প তো আমি বেশি পড়ি নি।

কবি হেসে বললেন—আমি জানি, আমি বুঝতে পারি। তোমাকে আমি বুঝেছি। দেখবার আগেই বুঝেছি। ও কথাটা তোমাকে বললাম কেন জান ? বললাম আমাদের দেশের সাহিত্যিকদের দেশের সঙ্গে পরিচয় কত সঙ্কীর্ণ তাই বোঝাবার জন্য। ডাইনী মানে ওদের কাছে উইচক্সফোর্ট হলেই সে ইউরোপ ছাড়া এদেশে কি করে হবে। আমাদের দেশের ডাইনী এঁরা দেখেন নি, জানেন না, বিশ্বাস করেন না। আমি তাই তাঁদের বললাম ; বললাম—উহুঃ উহুঃ ! এ তারশঙ্করের চোখে দেখা। আমি যে নিজেকে দেখতে পাচ্ছি গ্রীষ্মকালের দুপুরে তালগাছের মাথায় বসে চিলটা লম্বা ডাক ডাকছে, গলাটা তার ধুক্ ধুক্ করছে। আর নিজের ঘরের দাওয়ার বাঁশের খুঁটিতে ঠেস দিয়ে স্বর্ণ ডাইনী বসে আছে আচ্ছন্ন মতো। আমি চোখে দেখতে পাচ্ছি। তাই তো চিলের ডাক শুনেন ছবিটা চোখে ভেসে উঠল ; গল্পটা মনে পড়ে গেল।

ওদিকে অপরাহ্নের আভাস ফুটে উঠল প্রান্তরের রৌদ্রাকীর্ণতার মধ্যে।

সেই দিকে তাকিয়ে রইলেন তিনি।

বললেন, এখানে এস। যখন ক্লান্ত হবে এখানে চলে এস। দরজা খোলা রইল। আমি ইঞ্জিত বুঝলাম। প্রণাম করলাম। সন্ধানিবাবু এসে দাঁড়ালেন। বেরিয়ে এলাম ঘর থেকে। সন্ধানিবাবু আমাকে পেঁঁছে দিয়ে গেলেন পান্থনিবাসে।

আমি আর একমুহূর্ত দেরী করলাম না। আমার আর ঠাই নাই। সব পরিপূর্ণ হয়ে গেছে। চলে এলাম লাভপুর।

চিঠি পেলাম এমন করে চলে এলাম কেন ?

ওই কথাই লিখলাম—আর আমার নেবার জায়গা ছিল না ; আমি ঘেন অভিভূত হয়ে গিয়েছিলাম । তারই মধ্যেই চলে এসেছি ।—কবির সঙ্গে এই আমার প্রথম সাক্ষাৎ । এরপর যে কথা বলছিলাম, সেইকথা বলি । প্রায় মাস কয়েক পর হঠাৎ ট্রেনে দেখা হয়েছিল স্বর্গীয় স্দুকুমার চট্টোপাধ্যায় এবং স্বর্গীয় কালীমোহন ঘোষ মহাশয়দের সঙ্গে । তাঁরা ইন্টার ক্লাসে, আমি থার্ড ক্লাসের যাত্রী । বর্ধমান স্টেশনে প্রাটফর্মে তাঁরা নেমেছেন, আমিও নেমেছি । আমাকে দেখে কালীমোহনবাব্দ উচ্ছ্বাসিত হয়ে আমার ডাকলেন, শুনুন, শুনুন ।

ট্রেনে তুলে নিলেন নিজেদের গাড়িতে । বললেন, ভাড়া লাগে দেওয়া যাবে ।

স্বর্গীয় স্দুকুমারবাব্দও আমার পরিচিত ব্যক্তি । রামানন্দবাব্দের ভাইপো এবং দীর্ঘকাল বীরভূমে ছিলেন এস. ডি. ও. । শব্দ তাই নয়, এতবড় সমাজকর্মী সচরাচর দেখা যায় না । অবসর নিয়ে কবিগদ্যরুর কাজে লেগেছেন—শ্রীনিকেতনে, কালীমোহনবাব্দের সঙ্গে । কালীমোহনবাব্দ আমার সঙ্গে স্দুকুমারবাব্দের পরিচয় করিয়ে দিলেন ।

স্দুকুমারবাব্দ বললেন, গুরুদেবের আদেশে আপনার গল্প আমরা সেখানকার বড়োদের আসরে পড়ে শোনাই । বরষকদের আসরে এ কালের কি লেখা পড়ে শোনাব, আমরা ভেবে পাচ্ছিলাম না । গুরুদেব বললেন, তারাসঙ্করের গল্প পড়ে শোনাও তো, আমার মনে হয় বদ্বতে পারবে ওরা । এইটে ও পেরেছে বলে মনে হয় আমার । দেখ তো পরীক্ষা করে ।

তা, পারছে বদ্বতে ।—বললেন স্দুকুমারবাব্দ ! কবি বলেছিলেন—মাটিকে এবং মাটির মানদ্বকে ও জানে, এর সঙ্গে ওর যোগ আছে ।

এই সঙ্গে “রাইকমল” প্রসঙ্গে একটি কৌতুককর কথা বলব এবার । একখানি বড় কাগজে বইখানির সমালোচনা দীর্ঘকাল ধরে হয় নি ! একদিন ঐ কাগজের একজন বন্ধুস্থানীয়কে তাগাদা দিতে গিয়ে তাঁকে একটু আঘাত দিয়ে ফেললাম । এর পরই সমালোচনা বের হল “রাইকমলে”র নিন্দা করে । তবে “রাইকমল”কে নিন্দা করতে গিয়ে তিনি, শরৎচন্দ্র, বিভূতিভূষণ—এঁদের বৈষ্ণবী চরিত্রেরও নিন্দা করলেন । লিখলেন, বৈষ্ণবী চরিত্রের যা সত্যাকারের পরিচয়—তাতে তারা সমাজের কলঙ্ক ; অনেক ঘষে-মেখে রাঙিয়ে নিয়েও এঁদের স্ফুট কোন বৈষ্ণবী চরিত্র নিয়েই বাংলা-সাহিত্য গৌরবান্বিত হয় নি ।

রবীন্দ্রনাথ যে উৎসাহ দিলেন, সেই উৎসাহ আমাকে সেই শক্তি দিয়েছিল, যে শক্তিতে ডাক শব্দে কেউ সাড়া না দিলেও অন্ধকার দূর্ঘোণের রায়ে

মানুষ একলা পথ চলেতে পারে। এবং এই সময়ে মহাকাব্যের মনের গতিরও আভাস পাওয়া যাবে এই থেকে। সাহিত্যের সঙ্গে দেশের মানুষের যোগ স্থাপন করতে তিনি ব্যগ্র হয়ে উঠেছিলেন।

মানুষের জীবনে উৎসাহের প্রয়োজন আছে।

তন্দ্রসাধনায় শুনোছি, সাধকের 'ভয় নাই'—'মাতৈঃ' এই কথা শোনাবার জন্য আর একজন সিন্ধু সাধকের প্রয়োজন হয়। শবাসনে বসে সাধক যে মন্থতে ভয় পায়, চিন্তে যে মন্থতে দুর্বল হয়, সেই মন্থতেই সে শুনতে পায় ওই সিন্ধু সাধকের ওই অভয়বাণী। সাধনায় রত সাধকের সঙ্গে সঙ্গে ভয় দূর হয়, নববলে বলীয়ান হয়ে ওঠে। রবীন্দ্রনাথের উৎসাহবাণী আমার কাছে সেই অভয়বাণী।

আমি এ দিক দিয়ে সৌভাগ্যবান। প্রথম জীবনে আমার সমসাময়িকদের সঙ্গে তাঁদের ও আমার রচনার সুরের অমিলের জন্য যতই নিঃসঙ্গতা অনুভব করে থাকি, যতই বিরূপ সমালোচনায় সমালোচিত হয়ে থাকি,—পূর্বচাৰ্ণগণ, সাহিত্য সাধনার যারা সিন্ধুলাভ করেছিলেন সে সময়, তাঁদের কয়েকজনের অভয় এবং উৎসাহ আমি পেয়েছিলাম! এঁদের মধ্যে রবীন্দ্রনাথের পরই যার নাম করতে হয়, তিনি হলেন আচার্য মোহিতলাল। রবীন্দ্রনাথ বেঁচে ছিলেন আমার “ধাত্রী দেবতা”র প্রকাশকাল পর্যন্ত। এবং তাঁর কাছে যে কোন সংশয়ে ছুটে যাওয়ার মতো দৃষ্টিসাহস আমার ছিল না। তাঁকে খানিকটা ভয়ও করতাম আমি। এ ছাড়াও শান্তিনিকেতনের আবহাওয়া তাঁর কাছে না-যেতে পারার একটা প্রধান কারণ। আমি গ্রামের মানুষ, ওখানে গিয়ে শহরের এবং বাংলা দেশের ও ভারতবর্ষের সর্বস্থানের বিদগ্ধ মানুষদের গ্রাম্য বেশ দেখে ভয় পেতাম, সংকুচিত হতাম। গ্রাম্য মানুষ শহুরে সাজলে হাস্যকৌতুকের সামগ্রী হয়ে দাঁড়ায় শহুরে মানুষের কাছে। কিন্তু শহুরে মানুষ গ্রাম্য মানুষ সাজলে গ্রাম্য মানুষেরা শঙ্কিত হয়, ভীত হয়। তাঁদের আচারে-আচরণে-বিনয়ে সব জায়গাতেই আসল মানুষটা আড়ালে থাকে, অভিনেতার আসল ব্যক্তিত্বের মতো। রবীন্দ্রনাথে যে আচার-আচরণ তাঁর সাধনা-লব্ধ দিব্যভাবের মতো স্বাভাবিক ও সহজ, অন্য লোকের পক্ষে সে আচার-আচরণ সহজেই কৃত্রিম বলে ধরা পড়ে। এমন ক্ষেত্রে গ্রামের মানুষের সঙ্গেই সন্নিবিষ্ট করবেই। শান্তিনিকেতন আমার দেশের দশ-মাইল দূরের ভুবনডাঙা। সেখানকার সঙ্গে পরিচয় আমার অনেক দিনের। ওখানে আগে আগে গ্রাম্য পোশাকী দু-একজন অতি বিদগ্ধ তরুণদের হাতে আমি কঠিন ধাক্কা খেয়েছিলাম। চমৎকার মিষ্ট ভাষার সর্বিনয়ে অবলীলাক্রমে মর্মভেদী রহস্য করে আঘাত করেছিলেন। এবং এমন সঙ্গেইও করেছিলেন যে, আমার নিবুদ্বিক্ততার গন্ডারের

চামড়ার খোঁচা মেরে যে কৌতুক তাঁরা অনুভব করলেন সেটা নেহাতই এক-
 তরফা। আমাকে আঘাত লাগে নি। লাগলেও বন্ধুতে পারি নি। অবশ্য
 গ্রামের লোকে রসিকতা জানে না, তা নয়। 'জানে অনেক ক্ষেত্রে এই সব
 শহুরে মানুষদের, শরৎচন্দ্রের দাঁজপাড়ার দাদার মতো শ্রীকান্তের ময়লা দুর্গন্ধ-
 ষড়্ভুজ গায়ের কাপড়টা গায়ে দিতে হয় ; সে অবশ্য নিজের দোষে। গ্রামের লোকে
 রসিকতা জানলেও অতিথির উপর তা প্রয়োগ করে না, আগন্তুকের উপরেও
 না। এই কারণেই রবীন্দ্রনাথের কাছে ঘন ঘন যাওয়া-আসা করতে আমার দ্বিধা
 ছিল। তিনি কিন্তু এই যাওয়া-আসা চেয়েছিলেন। এমন কি “শান্তিনিকেতনের
 একটা কোণ দখল করে বসলে” তিনি খুশী হতেন—এমন কথাও আমাকে
 লিখেছিলেন তিনি। কিন্তু সে আমি পারি নি। মদুখেও রবীন্দ্রনাথ আমাকে
 এ কথা বলেছিলেন। সেই বোধ হয় তাঁর সঙ্গে আমার শেষবার সাক্ষাৎ।
 এর আগে আরও কয়েকবারই তাঁর সঙ্গে সাক্ষাৎ হয়েছে। কলকাতায়, শান্তি-
 নিকেতনে, মেদিনীপুরে। চিঠিও পেয়েছি তাঁর। সে সব কথা পরে বলব।
 শেষবারের কথাটা সে সবার আগে বলতে চাই এই কারণে যে এইবারে তিনি
 শান্তিনিকেতন এবং দেশের সাধারণ মানুষ, বিশেষ করে বীরভূমের সম্পর্ক-
 সম্বন্ধে কয়েকটি কথা বলেছিলেন। তাছাড়া রবীন্দ্রনাথের এক বিচিত্র রূপ
 আমার দেখবার সৌভাগ্য হয়েছিল, সেই কথা এইখানে বলার লোভ সংবরণ
 করতে পারছি না।

লাভপুর থেকে শান্তিনিকেতন গেলাম। উত্তরায়ণে গিয়ে শুনলাম, কবি
 চীনাভবনে গেছেন,—একটি নতুন ভবনের দ্বারোদ্ঘাটন অনুষ্ঠান আছে।
 আমি ফিরে একটু চালের সন্ধ্যানে পুরানো গেস্ট-হাউসের এলাকার মধ্যে
 কাচ-বাংলার পাশে কাকর-বিছানো পথের উপর পৌঁচোঁছি, এমন সময় কবির
 গাড়ি ওদিক থেকে এসে পৌঁছিল। আমার কাছাকাছি একজন ভিন্নপ্রদেশবাসীও
 দাঁড়িয়ে ছিলেন। গাড়িতে ছিলেন কবি এবং সূধাকান্ত দা। গাড়িটা থেমে
 গেল। সূধাকান্তদা নামলেন এবং আমার হাত ধরলেন। ইতিমধ্যে ওই
 ভদ্রলোকটি কবির কাছে গিয়ে কথাবার্তা বলতে লাগলেন। সূধাকান্ত ছুটে
 গেলেন আবার। কবি কি বললেন এবং লোকটিকে গাড়িতে তুলে নিয়ে চলে
 গেলেন। সূধাদা আমার কাছে ফিরে এসে বললেন, চলুন, আপনাকে ধরে
 নিয়ে যাবার ভার আমার ওপর দিয়ে গেলেন। বললেন, তারাক্ষরকে নিয়ে
 এস। এর কি কথা আছে বলছেন, আমি কথাটা শেষ করে ফেলি এর মধ্যে।
 আমরা কথা বলতে বলতেই উত্তরায়ণের সামনে বেদীর ধারে গিয়ে দাঁড়িলাম।
 তখন বারান্দার বঁসে কবি লোকটির সঙ্গে কথা বলছেন, কন্ঠস্বর ঈষৎ উচ্চ
 এবং তীক্ষ্ণ।

সুধাকান্ত বললেন, কি হল ? গলা চড়ছে কেন ?

আমিও মুখ ফিরিয়ে দেখলাম, কবি পিছনে ঠেস দেবার জায়গা থেকে সরে সোজা হয়ে বসেছেন ।

হঠাৎ কবি উচ্চকণ্ঠে ডাকলেন, বনমালী ! আবার ডাকলেন, বনমালী ! বনমালী ! তারপর ডাকলেন, মহাদেব ! মহাদেব !

কণ্ঠস্বর পর্দায় পর্দায় চড়ছে । এরপরই ডাকলেন, সুধাকান্ত ! সুধাকান্ত ! এরা কি ভেবেছে বাড়ির মালিক মরে গেছে ? তখনকার কবির মূর্তি বিস্ময়কর-রূপে প্রদীপ্ত । যেন প্রখর রৌদ্রে কাগুনজন্মা চোখ-ঝলসানো দীপ্তিতে প্রখর হয়ে উঠেছে । সমস্ত উত্তরায়ণ সে কণ্ঠস্বরে যেন সন্দ্রস্ত হয়ে উঠল ! এ-পাশের বাড়ি থেকে দূজন-একজন উঁকি মারলেন । তাঁদের মুখে শঙ্কার চিহ্ন । দু-একজন উত্তরায়ণের প্রবেশ-পথে যাঁচ্ছিলেন বা আসাছিলেন, তাঁরা থমকে দাঁড়ালেন । আমার মনে হল, গাছপালাগর্দূলও স্তব্ধ হয়ে গেছে । সুধাকান্ত ছুটে গেলেন কবির কাছে এবং প্রথমেই সেই ভদ্রলোককে উঠতে অনুরোধ করলেন । তিনি উঠে চলে গেলেন । কবি সোজা হয়েই বসে সুধাকান্তের সঙ্গে কথা বললেন । আমি ভাবছিলাম, ফিরে যাই । কবির এমন ক্রোধ ক্রোভ আমি দেখি নি । এই অবস্থায় কি তাঁর সঙ্গে দেখা করা সম্ভব হবে ? সেই মুহূর্তেই সুধাকান্তদা নেমে এলেন । বললেন, চল, তোমার তলব পড়েছে ।

চুপি চুপি প্রশ্ন করলাম, কিন্তু ব্যাপারটা কি ?

সুধাদাও চুপি চুপি বললেন, লোকটি বড় উদ্ধত, শান্তিনিকেতনের কর্তৃপক্ষকে অশিষ্ট ভাষায় অপমান করবার চেষ্টা করেছে । উনি রেগেছেন, কিন্তু লোকটি অতিথি আগন্তুক, ওকে তো রেগে কিছু বলতে পারেন না । অথচ নিদারুণ ক্রোভ ! সেটা ওই বনমালী, মহাদেব এবং পরিশেষে এই সুধাকান্তকে হাঁক দিয়ে বের করে দিলেন ।

কথা বলতে বলতেই বারান্দায় উঠলাম এবং প্রণাম করলাম । কবি তখনও সোজা হয়ে বসে । আমার মুখের দিকে তীক্ষ্ণ দৃষ্টিপাত করে বললেন, শান্তিনিকেতন জায়গাটি তো আমার খারাপ বলে মনে হয় না । যারা আসেন, তাঁদেরও ভালো লাগে । তোমার কেমন লাগে ?

কণ্ঠস্বর শুনে এবং প্রশ্নের ভঙ্গী দেখে ভীত হলাম । রস্তুভাবেই বললাম, আমারও ভালো লাগে ।

গম্ভীরকণ্ঠে এবার বললেন, তাহলে তুমি শান্তিনিকেতনের নিন্দা করে বেড়াও কেন ?

আমি একেবারে ভয়ে বিস্ময়ে হতবাক হয়ে গেলাম । তবুও বলবার চেষ্টা

করলাম, কই না তো। আমি তো কখনও কারও কাছে শান্তিনিকেতনের বিরুদ্ধে কিছু বলি নি।

তবে? তবে তুমি শান্তিনিকেতনে আস না কেন? তোমার বাড়ি তো এই কাছেই, নিত্য আসা-যাওয়া করা চলে। এবার কণ্ঠস্বর প্রসন্ন হয়ে উঠল, আমার সন্তুষ্ট ভাব দেখে মিষ্ট হাসিতে ভরে উঠল তাঁর মুখ। বললেন, বস।

বসলাম। তিনি বললেন, আমি আশা করেছিলাম, এখানকার একটা কোণ আগলে তুমি বসবে। কিন্তু সে তুমি এলে না। এখানে আসাও তোমার দীর্ঘকাল পরে পরে। কেন বল তো?

আমি মৃদুস্বরে বললাম, এমনই বিব্রত থাকি কাজে যে, সময় করতে পারি না। মিথ্যা কথাই বলেছিলাম।

তিনি সামনের দিকে চেয়ে একটু বিষমভাবেই বলেছিলেন, কি এত কাজ? কাজ করতে হলে তো বোলপদুরে আসতে হয় গো তোমাকে। তোমাদের মুনসেফী কোর্ট। বিষয়কাজ করবে আর কোর্টে আসতে হবে না—এ তো হয় না। তোমাকে যে টেনে আনবে। তুমি তো নিশ্চয় বোলপদুরে আস।

না। ও-পথ আমি মাড়াই না।

বল কি? তবে বিষয়কর্ম চলে কি করে? যন্ত্র বেগড়ালে কারখানায় পাঠাতেই হবে। বিষয় থাকলে গাংগোল বাথবেই, সে গাংগোলের মীমাংসার জন্যে আদালতে হাঁটতেই হবে।

আমি এবার স্বীকার করলাম, বিষয়কর্ম আমি দেখি নি। ওর সঙ্গে আমার সম্পর্কই রাখি নি। ও যা করবার করে আমার ছোট ভাই। আমি কিছু গ্রামের কাজ করি। কালীমোহনবাবু জানান।

তবে শ্রীনিকেতনে আসছ না কেন?

আমি একটু চুপ করে রইলাম, তার পর বললাম, আছে একটু যোগাযোগ। তবে গ্রামে না থাকলে তো গ্রামের কাজ হয় না।

কবি নীরব হয়ে গেলেন। কিছুক্ষণ পর বললেন, তা হলে তোমার টানা অন্যান্য হবে। তোমার ইচ্ছা নেই। একটু মৃদু হাসলেন। তার পর বললেন, এ জেলার লোকের কাছে এ জায়গাটা বিদেশ হয়েই রইল। কোথায় যে রয়েছে মাঝখানের খাতটা!

কণ্ঠস্বর করুণ হয়ে উঠেছিল তাঁর। সে আমার আজও কানে বাজছে।

মোহিতলালের সঙ্গে আমার যোগাযোগে এই ধরনের কোন বাধা ছিল না। শহরেরই মানদ্রুঘ মোহিতলাল, কিন্তু বাংলা দেশের সংস্কৃতির সঙ্গে নিবিড় ছিল তাঁর পরিচয়, এবং প্রগাঢ় ভালোবাসা ছিল এই সংস্কৃতির প্রতি। সে

পরিচয় আধ্যাত্মিক, এবং ভালোবাসা নিখাদ আত্মিক। এই ভালোবাসা দিয়ে তিনি গ্রামপ্রধান বাংলা দেশকে গ্রহণ করেছিলেন। এবং তাঁর আশেপাশে ভক্তদের মধ্যে ওই ধরনের গ্রাম্য-পোশাকী শহুরে আলাপিন-গোঁজা-সাঠিধারী কেউ ছিল না। শান্তিনিকেতনের এঁদের সংখ্যা সেকালে দু-একজন হলেও তাঁরা ছিলেন একাই একশো।

মোহিতলালের সঙ্গে যোগাযোগ ঘটেছিল “বঙ্গপ্রী”র কল্যাণে। সজনীকান্তেরও গুরুস্থানীয় ছিলেন তিনি। তাই “বঙ্গপ্রী”র প্রথম সংখ্যা থেকেই তাঁর উপদেশ এবং লেখা সম্পর্কে মতামত ছিল অপরিহার্য। প্রতি সপ্তাহেই তাঁর পত্র আসত। প্রতি মাসের কাগজ বের হলেই তার লেখাগুলি পড়ে সে সম্পর্কে আলোচনা করে পাঠাতেন।

বোধ করি আমার প্রথম লেখা “শ্যুশানঘাট”ই তাঁর দৃষ্টি আকর্ষণ করেছিল। দ্বিতীয় গল্প “মেলা” পড়ে পরিচয় জানতে চেয়েছিলেন। সেই বৎসরই পূজার সময় “বঙ্গপ্রী”তে প্রকাশিত হয়েছিল “শ্যুশানবৈরাগ্য” এবং “প্রবাসী”তে বেরিয়েছিল “ঘাসের ফুল”। “ঘাসের ফুল” গল্প পড়ে তিনি উল্লসিত হয়ে উঠেছিলেন। তাঁর বিচারে এমন গল্প আমি দুটি-চারটির বেশি লিখি নি।

মোহিতলালের বিশেষত্ব ছিল এই যে, ভালো লাগলে অকুণ্ঠভাবে তা তিনি ঘোষণা করে বলতেন, ভালো না লাগলে সেও তিনি বলতেন প্রচণ্ড ক্রোভের সঙ্গে। নিন্দায় প্রশংসায় তাঁর খাদ ছিল না।

প্রথম তাঁকে দেখলাম “বঙ্গপ্রী”-আপিসে। দেখে ভীত হয়েছিলাম। তাঁর দৃষ্টি, তাঁর বাচনভঙ্গী, কণ্ঠস্বর শুধু বলিষ্ঠই নয়, কিছু পরিমাণে উগ্র। মতবিরোধে আপোস নেই। মীমাংসা একমাত্র শৃঙ্খলই সম্ভব। আত্মপ্রত্যয় পাহাড়ের মতো দৃঢ়। তাঁকে নড়ানো যায় না। নিজের উপলব্ধি ছাড়া কারও কথা তিনি মেনে নেন না। তাঁর মতে যা মিথ্যা, যা অসুন্দর, তার বিরুদ্ধে তিনি খজাধারী। জীবনে ভালোবাসেন শুধু সাহিত্য। আহার নেই, নিদ্রা নেই, মানদুর্ঘটি ঘটনার-পর-ঘটনা সাহিত্য-আলোচনা ও পাঠ নিয়ে বসে আছেন। আমাকে সেদিন আমার জীবন সম্পর্কে প্রশ্ন করেছিলেন। পদস্থানপদস্থ অননুসন্ধান করে জানার মতো জেনে নিয়েছিলেন সব।

তন্ত্রসাধনা সম্পর্কে তাঁর গভীর আকর্ষণ ছিল। ইংরেজি অনুবাদে তন্ত্রশাস্ত্র তিনি পড়েছিলেন অনেক। তাই যখন শুনলেন যে, আমরা পদুবানুক্রমে শান্তিতন্ত্রের উপাসক তখন আমার দিকে সর্বস্বায়ে চেয়ে বসেছিলেন, আপনি নিজে তন্ত্রসাধনা করেছেন?

বলেছিলাম, দীক্ষা হয় নি। তবে গুরুদ্বয় তর্পণ বসে বোঁড়িয়েছি।

তারপর যখন শুনলেন যে, আমি জেল-খাটা স্বদেশীওয়ালা, এবং এক সময় কিছুদিনের জন্য ঘরেও পুঁলিসের নজরের উপর নজরবন্দী ছিলাম, তখন তাঁর মুখ গম্ভীর হল—অপ্রসন্নতাই বলব তাকে। বললেন, এ পথে চলতে হলে ও-সংস্রব চলবে না। ধর্ম নইলে মানুষ বাঁচে না, প্রতিটি মানুষেরই একটা-না-একটা ধর্ম আছে, কিন্তু যারা ধর্ম-প্রচারক হয় তারা নিজেরাই হয় ধর্ম থেকে দ্রুত; ধর্মকে প্রতিষ্ঠা দিতে হয়,—নিজের অন্তরে দাও। অন্যের অন্তরে তাকে প্রতিষ্ঠা দেবার চেষ্টা যখনই করবে তখনই হবে অধর্ম! তা ছাড়া, রাজনীতি হল সাময়িক—কালে কালে পালটায়; কিন্তু সাহিত্যধর্ম শাস্যবত।—দীর্ঘ উপদেশ দিয়েছিলেন।

ঢাকা গিয়ে নিজেই পত্র লিখেছিলেন—আপনার উপর প্রত্যাশা রাখি, তাই চিন্তাও হয়। এবং যে সর্বনাশা ছোঁয়াচ একবার আপনার লাগিয়াছিল তাহা সহজে মানুষকে রেহাই দেয় না। বার বার সাবধানবাণী উচ্চারণ করিতেছি সেই কারণে।

এর পর দীর্ঘকাল পত্রালাপ চলিছিল—আমার সঙ্গে। সে পত্রের প্রত্যেকটিই এক-একটি মূল্যবান প্রবন্ধ।

একবার প্রশ্ন করলেন, কারণ করেছেন কখনও? শুধু তান্ত্রিকবংশের সন্তান হলে প্রশ্নই করতাম না। কিন্তু আপনি আবার কংগ্রেসী যে!

সত্য কথাই বলেছিলাম। বলেছিলাম, তন্মতে কারণ করার অধিকারও হয় নি, করিও নি। এবং তিরিশ সাল পৰ্যন্ত অন্য ভাবেও না। তার পর বার দুয়েক কি তিনেক চোখে দেখেছি। বেশ খেতে ভরসা হয় নি। পাটনাতে প্রভাতী-সংস্থের নিমন্ত্রণে গিয়ে এক বিখ্যাত বৃদ্ধ উকিল সম্বর্ধনা করেছিলেন এক পেগ হুইস্কি দিয়ে। সঙ্গে আরও সাহিত্যিক বৃদ্ধ ছিলেন। বৃদ্ধ উকিল খাটি মধ্যযুগের অভিজ্ঞাত। সেই প্রথম। তার পরে এই রকমই বার দুয়েক।

উহু, তান্ত্রিক-চক্রের কথা জানতে চাচ্ছি। ও তো মদ খাওয়া। আমি কারণ করার কথা বলছি।

না। সে করি নি। আমাদের কুলগুরু আমার মানসিক গতি দেখে নিবেদন করেছিলেন। বলেছিলেন, সে মন তোমার নয়। মনের গতির পরিবর্তন না হলে এ পথে পা দিয়ে না। তবে চক্রের পাশে বসে চক্রের উপকরণ বৃদ্ধিগেয়েছি! চক্র দেখেছি।

বলুন। ব্যাপারটা শুনুন!

বলেছিলাম—সেই সব গল্প। বিশেষ করে বামা ক্যাপার তারাপীঠে সাধকদের চক্রের কথা শুনে বার বার বিস্ময় প্রকাশ করেছিলেন। বলেছিলেন, অদ্ভুত ব্যাপার!

তার পর বলেছিলেন, আপনার উপর প্রত্যাশা আমার দৃঢ় হল। আপনি মনের দিক দিয়ে ও-পাথের পথিক না হলেও ও-পাথের উপর প্রজ্ঞা হারান নি।

প্রতি পত্রে লিখতেন—হবে, আপনার হবে। নিজেকে দৃঢ় রাখুন।

“রসকলি” গল্প-সংগ্রহ বের হল, বইখানি রবীন্দ্রনাথকে উৎসর্গ করেছিলাম। কবিকে বই পাঠালাম, মোহিতলালকেও পাঠালাম। কবির কথা পরে বলব। কারণ এর কিছুদিন আগে “জলসাঘর” গল্প-সংগ্রহ সম্পর্কে কবির কথা বলবার আছে। মোহিতলাল বই পেয়েও কিছু লিখলেন না। আমি আবার লিখলাম। লিখলেন—এ সম্পর্কে আমার মতামত আমি ঘোষণা করিয়া বলিব স্থির করিয়াছি। তাহার সময় আসিয়াছে। কাগজে লিখিব। তাহা হইতেই জানিতে পারিবেন। এবং গল্পগদ্য লিখতে মতামত তো প্রতিটি গল্প-প্রকাশের সময়ই জানাইয়াছি। সুতরাং এত ব্যগ্রতা কেন?

“রসকলি” প্রকাশিত হয়েছিল ১৩৪৫ সালের প্রথম দিকে। গোটা পঁয়তাল্লিশ সাল চলে গেল, কোথাও কোনও সমালোচনা (মোহিতলালের) প্রকাশিত হল না।

১৩৪৬ সালের ১লা বৈশাখ। সে দিন বেলা আড়াইটার সময় এক আকস্মিক আঘাতে নিষ্ঠুর বেদনায় ও ক্লোভে ব্যাথাভুর ক্ষুদ্র মন নিয়ে বাড়ি ফিরলাম। ঠিক এই ধরনের আঘাত এক ভিক্ষুক ছাড়া কেউ কখনও পায় না। এই রাজনৈতিক ব্যাপারেই পেয়েছিলাম আঘাত। বীরভূমের ডিস্ট্রিক্ট-বোর্ড ইলেকশনে জড়িয়ে পড়তে হয়েছিল। কংগ্রেস প্রতিদ্বন্দ্বিতায় নেমেছিল। লাভপুরে কংগ্রেসপ্রার্থী ছিলেন কালীবিষ্ণুর মন্থোপাধ্যায়। প্রতিদ্বন্দ্বী ছিলেন আনন্দের গ্রামের স্বপ্ৰধান ব্যক্তি। প্রার্থীরা দুজনেই আত্মীয়। এ ছাড়াও এই স্বপ্ৰধানের ছেলে নেমেছিলেন কংগ্রেসের সঙ্গে প্রতিদ্বন্দ্বিতার আসরে। সেবার সেই প্রধান ব্যক্তিটি ডিস্ট্রিক্ট-বোর্ডের চেয়ারম্যান হবেনই। কাজেই প্রতিদ্বন্দ্বিতা ঘোরালো এবং জোরালো। লাভপুরে কালীবিষ্ণুরবাবুর নির্বাচনের ভার প্রায় পুরোপুরি আমার মাথায়। ইঠাৎ একদিন কালীবিষ্ণুরবাবু ডেকে খবর দিলেন যে, তাঁর সঙ্গে প্রতিদ্বন্দ্বী আত্মীয় প্রধানজনের মিটমাট হয়ে গেল। তিনি স্নেহাস্পদ কালীবিষ্ণুরবাবুর সঙ্গে প্রতিদ্বন্দ্বিতা করতে চান না, নাম প্রত্যাহার করবেন—আসবেন সরকার মনোনীত সভ্য হিসাবে। নাম প্রত্যাহারের নির্দিষ্ট দিন ঠিক পরের দিন, ১লা বৈশাখ ১৩৪৬।

বৈশাখ মাসে মফস্বলে মনিং কোর্ট। ভোরবেলা আত্মীয় প্রধানের মনোনয়ন প্রত্যাহারপত্র নিয়ে কালীবিষ্ণুরবাবু আমাকে টেনে নিয়ে গেলেন সিউড়ি। কোর্টের বটতলায় কাজ শেষ হতে বারোটা বেজে গেল। এর পর কালীবিষ্ণুরবাবু নিয়ে গেলেন ওই প্রধান ব্যক্তির সিউড়ির বাড়িতে। সেখানে তখন ওই

প্রধানের ছেলে রইলেন। ওখানেই তাঁর প্রধান আড্ডা। ওখান থেকেই তিনি নির্বাচনের কাজ চালাচ্ছেন। নির্বাচনের কাজ তাঁর জেলাব্যাপী। কারণ এই প্রধানজন সেবার ভাবী চেয়ারম্যান হিসাবে কংগ্রেসদলের প্রতিদ্বন্দ্বী দলের নেতা। সেখানে দৈনিক একটা করে যজ্ঞের আয়োজন। পঞ্চাশ থেকে একশো জনের আহার বিপ্রাম চলছে। মিটমাট হয়ে গেছে। কালীকঙ্করবাবুকে নিমন্ত্রণ জানিয়ে ওঁরাই নিয়ে গেছেন। আমিও গিয়েছি। নির্বাচনের প্রতিদ্বন্দ্বিতা সামাজিক বিরোধ নয়, তা ছাড়া আমার সঙ্গেও ঘনিষ্ঠ আত্মীয়তা ওঁদের। তবুও সত্য বলতে মনটা খুঁতখুঁত করছিল। এই ধরনের দ্বিধাবোধকে আমি দুর্বলতা বলে মনে করি, একে প্রশ্রয় দিই না কোন কালেই। একে জয় করবার জন্যই গেলাম। ভাললাম, একে আজ প্রশ্রয় দিলে বিরোধ বাস্তবিক হয়ে পড়বে, ওখানে গিয়ে হাস্যপরিহাসের মধ্যে অনেকটা সহজও হয়ে এলাম। এমন সময় ডাক এল, পাতা দেওয়া হয়েছে।

আমার মনটা খুঁতখুঁত করে উঠল। ঘাড়ি দেখলাম, দেখলাম বেলা একটা। কালীকঙ্করবাবু আমার হাত ধরলেন। আমার ঘাড়ি-দেখা দেখেছিলেন তিনি, বুদ্ধিমান ব্যক্তিটি মনের ভাবও বুঝেছিলেন। বললেন, এস এস। বাড়ি গিয়ে খেতে অনেক বেলা হবে। এরাও কিছ্র ভাববে। শেষটা একটু আস্তেই বললেন। যে কারণে দ্বিধা সত্ত্বেও গিয়েছিলাম, সেই কারণেই এতেও 'না' বললাম না। বসলাম কুশাসনের ওপর। পাতায় ভাত তরকারি দিয়ে গেছে। গ্রাসের জল হাতে ঢেলে হাত ধুয়ে ভাতে হাত দিয়ে গ্রাস তুলেছি। সামনে, ঘরের দরজার চৌকাঠের উপর দাঁড়িয়ে প্রধান ব্যক্তিটির পদ্য মাথায় জবাকুসুম তেল ঘষছেন এবং মৃদু মৃদু হাসছেন। আমাদের খাওয়াও দেখছেন। গ্রাসটা আমার মৃৎখের কাছে পৌঁচেছে, এমন সময় তিনি হেসে বলে উঠলেন—ঠিক কথাগুলো মনে নেই, তবে তার অর্থ হল, আমাদের বিরোধিতা করে আমাদের বাড়িতেই খেতে তুমি লজ্জা পাচ্ছ না? অবশ্য আর-একজনের নাম যোগ করে সুকৌশলে নিজেকে বলার দাবিদার লাঘব করবার চেষ্টা করেই। বললেন, জান, অমৃদু কি বলছিল? বলছিল, তোমাদের সঙ্গে ইলেকশনে বিরোধিতা করে তোমাদের বাড়িতেই খেতে এল? লজ্জা হল না? এবং ব্যাপারটাকে পরিহাসের সামিল করবার সঙ্গে সঙ্গেই হা হা করে হেসে উঠলেন। আমার মনে হল, আমাকে যেন ডাণ্ডা দিয়ে আঘাত করলে কেউ। করলে মাথার উপর। ব্রহ্মরক্ষা যেন ফেটে যাবে মনে হল। তবুও প্রাণপণে আত্মসম্বরণ করে ধীরভাবেই হাতের গ্রাসটা মৃৎখের কোল থেকে পাতার ওপর নামিয়ে দিলাম। খাবার জন্য পাতার ওপর ঝুঁকে পড়েছিলাম, সোজা হয়ে বসলাম। দেখলাম, প্রতিটি মানুষই হাতে গ্রাস নিয়ে মাটির পদতুলের মতো

অসাড় হয়ে গেছে যেন। আমি আশ্বস্ত হলাম। আমার নিজেই মনের কণ্ঠ নয়, কথাটা সকলের মনেই প্রচণ্ড আঘাত হেনেছে। আমি ভাতের গ্রাসটি নামিয়ে হেসে তাঁকে বললাম, তোমাকে অসংখ্য ধন্যবাদ। লম্বাহীনতার যে কাজ করতে উদ্যত হয়েছিলাম, তা থেকে তুমি আমাকে নিবৃত্ত করেছ। আমাকে তুমি রক্ষা করেছ। যথাসময়ে কথাটা উচ্চারণ করেছ। এখনও অম্লের গ্রাস মূখে তুলি নি, উদরস্থ হওয়া দূরের কথা। এক মিনিট পরে হলে এর আর প্রতিকার ছিল না। বলেই আমি উঠে পড়লাম। উচ্ছ্বস্ত হাত ধরে দাঁড়ালাম। অবশ্য এর পর ওই প্রধান ব্যক্তির ছেলেরা অন্ততাপ প্রকাশ করেছিলেন। খেতেও অনেক অনুরোধ করেছিলেন। কিন্তু অল্প আমি আর গ্রহণ করি নি। ভদ্রতা রাখতে জল খেয়েছিলাম।

সেই ক্ষুব্ধ ক্ষতিবিস্তৃত মন নিয়ে বাড়ি ফিরলাম। ১লা বৈশাখের বেলা দেড়টা। কালীকিঙ্করবাবুর মোটরে ফিরছি, বায়দন্তরে বহুদ্যুতাপ হু-হু করে বয়ে যাচ্ছে। আমার মনে হল, আমার অন্তর্দাহের সঙ্গে তার কোন প্রভেদ নেই। আমার বৃকের ভিতর এমনি জ্বালা, এমনি উত্তাপ। তবুও আমি পৃথিবীর মতো শান্ত। ভাগ্যিস আমি অল্পগ্রাসটা মূখে তুলি নি। আমার ভগবানকে আমি প্রণাম জানালাম বার বার। রক্ষা করেছ তুমি আমাকে, রক্ষা করেছ চরম বহিদাহের জ্বালা থেকে। ওই অল্প গ্রহণ করলে আমার অন্তর্দাহের আর সীমা থাকত না। হয়ত বা আজীবন দগ্ধ হতাম। পরলোক থাকলে পিতৃপুরুষ নরকস্থ হতেন হয়তো। তোমাকে প্রণাম, তোমাকে প্রণাম, তোমাকে কোটি কোটি প্রণাম। নতুন বৎসরের প্রথম দিনে ভাগ্যে যা জুটল, ভগবান, তাই যদি এ বৎসর ধরে আমার দৈনিক প্রাপ্য হয়, তবে তুমি যেন এইভাবে অন্তরে জাগ্রত থেকে আমাকে রক্ষা করো। বাড়ি এসে পৌঁছলাম, বেলা তখন আড়াইটে।

বাড়ির সকলেই ঘুমুচ্ছেন। স্তব্ধ। বাঁ-বাঁ করছে দুপদ। মনে আছে একটা কাক এই সময়ে ত্রিপ্রহর-অবসান ঘোষণা করে বারান্দার রেলিঙের উপর বসে কা-কা শব্দে ডেকে উঠল।

আমি দেখলাম, বারান্দার পড়ে রয়েছে—১৩৪৬ সাল বৈশাখের “প্রবাসী”। সেই দিনই এসেছে। উলটে দেখতে গিয়ে চোখে পড়ল “রসকলি”র সমালোচনা। নিচে সমালোচকের নাম মোহিতলাল মজুমদার। রুদ্ধানিবাসে পড়ে গেলাম—

“শ্রীযুক্ত তারাগন্ধর বন্দ্যোপাধ্যায়ের ছোট গল্প বাংলার পাঠকসমাজে ইতিমধ্যেই যথেষ্ট খ্যাতিলাভ করিয়াছে এবং সাহিত্যরসজ্ঞ ব্যক্তিগণ তাঁহার শক্তি ও প্রতিভা স্বীকার করিতেছেন।...বর্তমানে কাব্যের ক্ষেত্র আগাছার ভরিয়া গিয়াছে, বস্তুতঃ রবীন্দ্রনাথের পরে সাহিত্য-সম্রাটের পদ কোন কবি প্রাপ্য

হয় নাই। গল্পলেখকগণের মধ্যে সর্বাপেক্ষা শক্তিমান কে, এই প্রশ্ন উত্থাপন ও তাহার সমাধান করিতে হইলে তারাশঙ্করের কৃতিত্ব ধেরূপ উত্তরোত্তর স্পষ্ট হইয়া উঠিতেছে, তাহাতে শেষ পর্যন্ত তাহার দাবিই গ্রাহ্য হইতে পারে এমন ভবিষ্যদ্বাণী করিবার দুঃসাহস আমি করিতোঁছি।...

এক মূহুর্তে আমার অবস্থা সে যে কি হয়ে গিয়েছিল, সে আজ বর্ণনা করতে পারব না। দীর্ঘদিন পরে সে বর্ণনা করা যায় না। তবে মনে আছে, এতক্ষণ ধরে যে মর্মান্তিক বেদনাকে সহ্য করে দৃষ্টিকে শূন্য রেখেছিলাম, সে আর শূন্য থাকে নি। চোখের জলে দৃষ্টি বাপশা হয়ে এসেছিল। বৈশাখের উত্তম বারান্দায় বৃকে টপটপ করে চোখের জল ঝরে অভিষিক্ত করে দিয়েছিল খানিকটা স্থান।

দীর্ঘ সমালোচনা। প্রতি ছত্রেই এই অকুণ্ঠিত প্রশংসার ঘোষণা। কোন রকমে পড়ে গেলাম—তারশঙ্করের গল্পগদ্যলিখে জীবনকে দেখিবার যে দৃষ্টিভঙ্গী তাহাই উৎকৃষ্ট কবিদৃষ্টি—বস্তুর বাস্তবতাকেই গ্রাহ্য করিয়া তাহার রসরূপ আবিষ্কার করায় যে কবি-মনোভাব, তাহার একটি অভিনব মৌলিক ভঙ্গী তাহার গল্পগদ্যলির মধ্যে ফুটিয়া উঠিয়াছে। ইহা কবি-মানসের সেই সবল ও সূক্ষ্ম অপক্ৰপাত বাহ্য জীবনের বিচিত্রতম অভিব্যক্তিকে একটি কেন্দ্রস্থির রস-কল্পনার অধীন করিতে পারে; পশু ও মানুষ, বন্য ও সভ্য, সূর্য্যপ ও কুরূপ, প্রাকৃত ও অপ্রাকৃত এবং রূক্ষ ও কোমল, মেঘ্য ও অমেঘ্য, আদিম দূর্নীতি ও শিক্ষিত সূর্নীতি এই সকলের মধ্যেই তিনি জীবনের সেই একই রস-রহস্যের সন্ধান পাইয়া থাকেন।...তাহার কবিশক্তির আর-একটি উৎকৃষ্ট লক্ষণ এই যে, জীবনের যে রঞ্জভূমিতে এই সকল নটনটী অভিনয় করিতেছে তাহার দৃশ্যপটও কোথাও অবান্তর নহে—বাহ্য প্রকৃতি ও অন্তঃপ্রকৃতি একই সূত্রে বাঁধা। ছোটগল্পের স্বল্পপারিসরে মানবজীবনকাব্যের এমন রসঘন চিত্র বিনি আঁকিত করিতে পারেন (‘‘রসকলি’’র প্রথম ও শেষ গল্পটি বিশেষ করিয়া স্মরণ করিতোঁছি) তাহার প্রতিভার নিকট বাংলা-সাহিত্য আজিকার এই দুর্দিনে অনেক কিছুর আশা করিয়া থাকিবে।

আমি সেদিন ওই বারান্দায় শুয়ে ওই কাগজখানির উপর-মাথা রেখে ঘুমিয়ে পড়েছিলাম তারপর। গাঢ় সে ঘুম। এমন ভাবে একটি মর্মান্তিক বেদনা ও ক্ষোভ কয়েক মিনিটের মধ্যে মূছে যেতে পারে—এ জানতাম না সে দিনের আগে।

তাই বলছিলাম, অভয়দাতার প্রয়োজন হয়।

ওই ক্ষোভে এর পর আমার ওই নির্বাচনে উল্কার মতো সারা জেলাটা ঘুরে বেড়াবার কথা। কাগজ-কলম কুলদ্বীপিতে তোলা থাকবারই কথা।

কিন্তু মোহিতলালের এই প্রেরণা ক্ষোভ ভুলিয়ে দিয়ে যেন বলে দিয়েছিল, কিসের ক্ষোভ ! কিসের বেদনা ! অমৃতের সাধনা কর তুমি ।

মোহিতলালকে পত্র লিখেছিলাম । প্রশংসা সম্পর্কে সংকুচিত হয়েই কিছু লিখেছিলাম । তার নকল আমার কাছে নেই । এবং সপ্রসঙ্গ প্রণাম জানিয়ে সমস্ত ঘটনা লিখে লিখেছিলাম, এমন ভাবে নিষ্ঠুর আঘাতে আহতকে সঞ্জীবিত যিনি করতে পারেন, তিনিই গুরু । আপনি আমার শত সহস্র প্রণাম গ্রহণ করুন ।

প্রদ্যোত্তর পেলাম—আমার সমালোচনার মধ্যে আপনার যে প্রশংসা আমি করিয়াছি তাহাতে আপনি বেশ সঙ্কোচ অনুভব করিয়াছেন । আমার কোন সঙ্কোচের কারণ নাই । সত্যকে আমি চিরদিনই উচ্চকণ্ঠে ঘোষণা করিয়া থাকি । এ ক্ষেত্রেও তাহাই করিয়াছি । না বলিলেই অনায়াস করিতাম । ইহাতে আপনার সংকুচিত হইবার কোন কারণ থাকিতে পারে না, আবার ইহাতে ক্ষীণ হইয়া আত্মবিস্মৃত হইলেও মহাভ্রম করিবেন । সাধনা করিয়া চলুন ।...

পরিশেষে ওই ঘটনা সম্পর্কে লিখেছেন—আঘাত পাইয়াছেন, ভালোই হইয়াছে । ইহাতে আপনার সৃষ্টিশক্তি জাগ্রত হইবার কথা । নিষ্ঠুর সহিত এই সময় শক্তিকে উদ্ধুদ্ধ করিয়া সৃষ্টির কাজে লাগিয়া যান দেখি । আমার সৃষ্টির কাজ তখন আরম্ভ হয়েছে । “শনিবারের চিঠি”তে “ধাত্রী দেবতা” শেষ হয়ে আসছে এবং “প্রবাসী”তে এই বৈশাখ সংখ্যাতেই আরম্ভ হয়েছে “কালিন্দী” ।

মোহিতলালের কথা অনেক । তিনি আমার গুরুদের অন্যতম । আমার জীবন-সাধনার তাঁর কাছ থেকে অহরহ অভয়বাণী পেয়েছি ।

মোহিতলাল আমার জীবনে একদা সত্য সত্যই আচার্যের কাজ করেছেন । জীবনের বিচলিত মূহুর্তে তাঁর অভয় এবং উৎসাহ পেয়েছি তপস্যাসিদ্ধ উত্তরসারকের অভয়ের মতো । তাঁর চরিত্র, তার সাধনার নিষ্ঠা, জীবন ও জগৎ-রহস্য উদ্ঘাটন করে তার লীলা প্রত্যক্ষ করার বিচিত্র দৃষ্টি আমার উপর এমনই প্রভাব বিস্তার করেছিল যে, তাঁকে একদা লিখেছিলাম—আমি দীক্ষা গ্রহণের জন্য গুরু অনুসন্ধান করিতেছি । আপনি কি আমাকে দীক্ষা দিতে পারেন ?

এ একেবারে প্রথম দিকের কথা । অর্থাৎ “প্রবাসী”তে “রসকলি”র সমালোচনা প্রকাশের অনেক আগের কথা । যে সময় আমার কন্যাশোকের কথা পূর্বে লিখেছি সেই সময়ের কথা । “বঙ্গভ্রমী” প্রকাশিত হবার কিছুকাল, বোধ করি ছ-সাত মাস, পরের কথা । তখন আমাদের কুলগুরুদর শেষগুরুদেবের দেরক্ষা করেছেন । এরও বৎসর তিনেক পূর্বে, একসময় তাঁর তম্পীবহনের

চেঁচো করেছি, তখন কুলগদর বলেছিলেন, এ পথে তো তোমার তৃপ্ত হবে না বাবা। তোমার মন ছুটেছে আলাদা সড়ক ধরে। তার দু খারে বাড়ি, কাতারে কাতারে লোক। এ পথ যে জনমানবহীন পথ। আর দশজন যেমন, তোমার খাত তেমন হলে আমি 'না' করতাম না। দিতাম কানে তিন ফঁ। ব্যবসা, তেজারতি, চাষ, মামলা—দেওয়ানী ফৌজদারী করে ঘরে ফিরে কাপড় ছেড়ে আসনে বসে কাড়িকাঠের দিকে তাকিয়ে বীজমন্ডটি সুরগে এনে জপে বসে যেতে; কারণের বোতল পেলেই 'কালী কালী বল মন, জয় তারা' বলে অকারণে চক্কের নামে কুচক্রে বসে যেতে। বাবা, আমরা তান্ত্রিক বামদুন পশ্চিম লোক, ইংরিজি মত বদ্বি না, মনে করি—ওতে ইহলোকের খুব ভালো মন্ত্র আছে। একশোটা ধনদা-কবচ ধারণ করলে যা না হবে, ওই মতে দীক্ষা নিলে তাই হবে। তবে ও মন্ত্র তারপর এগিয়ে যাওয়া বড় কঠিন। বারা চেঁচা করে, তারা প্রায় দেখি নাস্তিক হয়ে যায়। তুমি বাবা সেই পথ ধরেছ। খানিকটা না এগুলে তোমার যে কি মতি হবে, তা তো বদ্বিতে পারছি না। বারা এক পা এপথে, এক পা ওপথে ফেলে চলে, ইহকালের জন্যে ইংরিজি মত আর পরকালের জন্যে দেশী মত ধরে, তাদের ধরনের মানুষ তুমি নও। কাজেই মন্ত্রদীক্ষা এখন তোমার নেওয়াও উচিত নয়; আমার দেওয়াও উচিত নয়। আগে তোমার মন স্থির হোক।

এ কথা আমার কন্যা-বিয়েগেরও পূর্বের কথা। ১৯৩০ সালের আন্দোলনেরও দু-এক বৎসর আগের কথা। কথাটি তখন আমার মনে রেখাপাত করেছিল। এবং আন্দোলন জেল ইত্যাদির প্রতিক্রিয়ায় ও জেলের মধ্যে ইউরোপীয় বিপ্লবীদের ইতিহাস ও দর্শন কিছু পড়াশুনা ও আলোচনার ফলে মনের গতি এমনই পশ্চিমাভিমুখী হয়ে দাঁড়িয়েছিল যে, ওই গুরুদেবটিকে অজ্ঞান ধন্যবাদ জানিয়েছিলাম এই উপদেশের জন্য। তিনি অবশ্য তখন দেহরক্ষা করেছেন; জীবিত থাকলে ধন্যবাদের উত্তরে কি বলতেন জানি না।

যাই হোক, ১৯৩২ সালে কন্যা-বিয়েগের ফলে যে নিদারুণ আঘাত পেরেছিলাম, তাতে মনের গতির কাঁটা উদ্ভ্রান্তের মতো পাক খাচ্ছিল। এই সময় মনে দারুণ তৃষ্ণা জেগেছিল পরলোকতত্ত্ব জানবার। তখন লাভপদ্রে থাকলে নিতাই গিয়ে শূশানে বসে থাকতাম। এ সেই সময়ের কথা। কিন্তু দীক্ষা নেব কার কাছে? কি মন্ত্রে দীক্ষা নেব?

মোহিতলালের সঙ্গে পরিচয় হওয়ার পর অকস্মাৎ একদিন মনে হল, এর কাছে দীক্ষা নিলে হয় না?

এ কথায় অনেকের মনে সংশয় জাগতে পারে। সেই কারণে এখানে এই প্রসঙ্গটি পরিষ্কার করা প্রয়োজন। নূতন কালের মানুষ বারা, বারা

পূরাতন কালকে দেখেন নি, তাঁদের কাছে হয়তো দীক্ষার কথাই সমগ্রভাবে প্রকাশ্যে একটা দ্রাব্ধি এবং ব্যক্তিবিশেষের কাছে হাস্যকরও। কিন্তু আমি যে হিসাবে দীক্ষার কথা বলছি, সেটা ঠিক হাসির কথা নয়। দীক্ষা তাঁদেরও একটা করে আছে। জীবনে বিশেষ একটি মতবাদে পূর্ণ আস্থা স্থাপন করে সেই মতবাদসম্মত একটি দৃষ্টিভঙ্গিতে জীবন ও জগৎকে দেখা ও বুঝতে চেষ্টা করার কথাই আমি বলছি; মতবাদে বিশ্বাস স্থাপন করাটাই দীক্ষাগ্রহণ এবং সেই মতবাদসম্মত দৃষ্টিভঙ্গিতে জীবন ও জগৎকে দেখা, বুঝতে পারা এবং সেই মতবাদ-অনুমোদিত পন্থায় নিজের জীবনযাত্রা নির্বাহ করাই হল সেই সাধনা।

যারা সেকাল দেখেছেন, তাঁদের মনে সংশয় জাগবে, আমি ব্রাহ্মণসন্তান হয়ে বৈদ্যসন্তান মোহিতলালের কাছে দীক্ষা চাইলাম কি বরে? আর্যবেদও অবশ্য পশ্চিম বেদ বলে স্বীকৃত। তবুও প্রচলিত সমাজবিধানে চতুর্বেদ-অন্তর্গত ব্রাহ্মণ ছাড়া এই গুরুবুর কাজে অধিকার অন্যের ছিল না। অন্তত গৃহীর ছিল না। তবে সম্যাসীর এ বাধা নেই কারণ সম্যাসীর জাতি নেই, বর্ণ নেই, ইহলোক পরলোক কিছুই নেই—আছে শুধু তপ এবং সাধনা। সেই তপ এবং সাধনা তাঁর কাছে সকলেই গ্রহণ করতে পারে, তিনিও বিতরণ করতে পারেন।

মোহিতলালকে আমার সম্যাসী বলেই মনে হয়েছিল সেদিন। এবং অন্য দিক দিয়ে বিকৃত বর্ণাশ্রম ধর্মের গন্ডীকে লঙ্ঘন করে যাওয়ার মতো সাহস ও প্রবৃত্তি দুইই তখন আমি পেয়েছি। জ্ঞানযোগে তাঁর দৃষ্টির গভীরতা, ধ্যান-যোগের মতো সাহিত্যতত্ত্বময়তা, নিজের মতের দৃঢ়তা, জগৎ ও জীবন-ব্যাখ্যার শূন্যতা ও অশূন্যতার ঊর্ধ্বস্তরের অনুভূতি অথচ তার প্রকাশে জ্যোতির্ময় পরিব্রততার ধারণা, সাধনফল সম্পর্কে নিলোভ অনাসক্তি দেখে আমি তাঁকে সম্যাসী ভাবেই দ্বিধা করি নি। দু-একবার ঢাকা গিয়ে সংসারের মধ্যেও মোহিতলালের সম্যাসীর আসন আমি দেখে এসেছি। এই দেখেই আমি গভীর বিশ্বাসের সঙ্গে তাঁকে লিখেছিলাম, আপনি আমাকে দীক্ষা দিতে পারেন?

কি দীক্ষা নেবে, সে সম্পর্কেও আমার ধারণা একটা ছিল।

আমাদের কুলগুরু আমাকে বলেছিলেন, শক্তিতন্ত্র তোমাকে দীক্ষা নিতে হলে 'তারার'-মন্ত্রে নিতে হবে। শক্তিতন্ত্রে তারাই হলেন সরস্বতী। তারার অপর নামই হল—নীল সরস্বতী। কালী হলেন মহালক্ষ্মী।

কথাটা আমার মন মেনে নিরেছিল। শক্তিতন্ত্রমতে দীক্ষাই যদি নিই, তবে এই মন্ত্র ছাড়া আর কোন মন্ত্র আমি নিতে পারি?

মোহিতলালকে যখন পত্র লিখলাম, তখন শান্তিতন্মমতে দীক্ষা আমি নিতে চাই নি। আমি চেয়েছিলাম সারস্বত তন্মমতে দীক্ষা। এমন কোন তন্ম বর্তমানে আমাদের দেশে প্রচলিত নেই, কিন্তু অতীত কালে তো ছিল। ভারতবর্ষে মহাকবি বাল্মীকি এবং মহর্ষি বেদব্যাসের জীবন থেকে তো এর আভাস পাই। আদিকবি রামচন্দ্রকে পুণর্গঠকের অবতার বলে স্বীকার করেও তাঁর মনুষ্যজীবন বর্ণনায় মহাকালের অমোঘ নিয়ম থেকে অব্যাহতি দেন নি। বেদব্যাস শ্রীকৃষ্ণকে জরাব্যাধের শরাঘাতে দেহত্যাগ করিয়েছেন, যদুবংশকে কুরুক্ষেত্রের প্রাতিফলে গৃহযুদ্ধে ধ্বংস হতে দিয়েছেন। এই অনুভূতি এই দৃষ্টিভ্রান্তির জন্য অবশ্যই একটা সাধনা তাঁরা করেছিলেন। একটি ইষ্টকে তাঁরা ধ্যান করেছিলেন। এবং তাঁদের জীবনে যে পরিশুদ্ধতা, যে প্রসন্নতা, যে শান্ত কাঠিন্য আমরা দেখতে পাই, তাঁদের যে মহর্ষি স্বীকারে কোনো সংশয় জাগে না, তার একটি সাধনপন্থা নিশ্চয়ই আছে। সে পথ ও সে তন্ম পরবর্তী কালে যেন হারিয়ে গেছে। কালিদাস মহাকবি, কিন্তু মহর্ষি আখ্যা পান নি। অথচ নূতন কালে রবীন্দ্রনাথ ঋষি স্ব অর্জন করলেন আমাদের চোখের সামনে।

মধ্যযুগে কবিরা ঋষিদের পরিবর্তে ভক্ত অর্জন করেছেন। তাতে তাঁরা জীবনে যাই পেয়ে থাকুন, ঋষিদের এবং ভক্তদের মধ্যে পার্থক্য থাকুক বা না থাকুক, একটু হিসেব করে দেখলেই দেখা যাবে যে, খাঁটি সারস্বত-সাধনা বা সারস্বতী-তন্মমতে সাধনা তাঁদের মূল সাধনা ছিল না। তাই ঋষিদৃষ্টি তাঁরা অর্জন করেন নি। কথাটা সম্পর্কে আমার বাল্যকালে আমি যে সেকালের ঘরোয়া আলোচনা শুনছি, সেই কথা এখানে বললে কথাটা পরিষ্কার হয়ে যাবে।

মধ্যযুগে চণ্ডীদাস থেকে রামপ্রসাদ পর্যন্ত কবিরা সাধক! ওদিকে কবীর তুলসীদাসও তাই, ভক্ত-সাধক। এঁদের কাব্য সাধক কাব্য, তবুও একটি বিশেষ রসের অভিসম্পত্তে এমন অভিষিক্ত যে বৈষ্ণব কাব্যের মালাখানি যদি বলি, অগদ্যচন্দনে এমন চাঁচত যে মালতী-মল্লিকা-মুখী প্রভৃতি বিভিন্ন পদ্যের বর্ণ এবং গন্ধ সেখানে ঢাকা পড়ে বা চন্দনগন্ধের সঙ্গে মিশে অন্য এক রূপ ও গন্ধ ধারণ করেছে, তবে অন্যায় বলা হবে না। শান্ত কাব্যও তাই, সে রক্তচন্দনের শোভাই বড়। সেকালে আমাদের শান্ত কর্তারা বলতেন, মা সারস্বতী হলেন শক্তি এবং শিবের ঘরের গিন্নী কন্যা। মা-বাপের হাল-হাঁদিস রুচি এমন কি তাঁদের আসল তত্ত্ব পর্যন্ত সব জানেন। তাই সাধকেরা শক্তি বা শিব যাকেই জানতে হোক, ধরে গিয়ে দাঁড়ীঠাকরুনটিকে। বলে ঠাকরুন, তুমি দয়া করলেই ঠিক সুনজরে পড়ব এবং বোঁশ সুনজরে পড়ব। এখন বলে

দাও দেখি, কি ভাবে কথা বললে, কি নামে ডাকলে ওঁরা খুশী হন, তোমার মা-বাপের আসল তত্ত্বটাও বলে দাও তো !

বৈষ্ণবেরা বলেন, ঠাকরুন, তোমার ঠাকুরটিকে তুমি যে ভালোবাসার পেয়েছ, সেই ভালোবাসার তত্ত্বটা আমাদের বলে দাও দেখি । কিসে খুশী হন, কেমন করে ডাকলে খুশী হন বলে দাও তো !

অর্থাৎ সরস্বতী এ যুগে স্বাধীন সত্তা হারিয়েছেন । ঋষিদৃষ্টিতে কাব্য-সাধনা বিলুপ্ত হয়েছে ।

নূতন কালে, বাংলা দেশে নবজাগরণের সময় সরস্বতী অর্থাৎ জ্ঞানযোগ্য নূতন করে স্বাধীন আসন পেয়েছেন । সারস্বত-তন্ত্রের পুনরুত্থান হয়েছে । বশিষ্ঠ রবীন্দ্রনাথ ঋষি অর্জনের স্বীকৃতি পেয়েছেন ।

অবশ্য সাধারণভাবে মা-সরস্বতীর দুঃখ আরও বেড়েছে । সেখানে বণিকের মানদণ্ডটি রাজদণ্ডে পরিণত হওয়ায় বণিকের একমাত্র দেবতা, যিনি নাকি বাংলা দেশের মতে একাধারে সরস্বতীর সহোদরা এবং সপত্নী তিনি, অর্থাৎ মা-লক্ষ্মী ওই দাঁড়িপাল্লার দণ্ডটির তাড়নায় সরস্বতীকে করেছেন নিজের অধীন । একালে একেবারে হালে বি. কম., আই. কম-র সংখ্যাবৃদ্ধি সে সত্যটিকে একেবারে প্রকট করে দিয়েছে । সে দিক দিয়ে সরস্বতী এখন লক্ষ্মীর রাজমহলের দাসদাসী সরবরাহের আড়কাটিতে পরিণত হয়েছেন । বাই হোক, স্বল্প কলেকজন সাধকের জীবনে একালে সেই প্রাচীন সারস্বত-তন্ত্রের নবজাগরণে আমি প্রত্যাশা করেছিলাম, এই দীক্ষাই নেব । দীক্ষার উপর তখন আমার একটা আকর্ষণ হয়েছিল, সে আমি পূর্বেই বলেছি । আমি সাহিত্যসৃষ্টিই করতে চাই নি ; আমি জানতে চেয়েছিলাম জন্ম-মৃত্যুর রহস্যকে—বায়োলজি এবং মেডিকেল সায়েন্সের পরও যা আছে তাই, তাকে অনুভব করতে চেয়েছিলাম । অন্তত মৃত্যুর মৃথোমুখি দাঁড়িয়েও চিন্তের আনন্দ অনুভবের শক্তি অর্জন করতে চেয়েছিলাম । সংঘম নয়, ভয় সংবরণ নয়, আনন্দ-অনুভব-শক্তি, যা আজ নেই । নূতন কালের ভাবের ভাবুক কল্পও নেই । তাকে অর্জন করা যায় বলেই আমার দৃঢ় বিশ্বাস । এ দীক্ষা দিতে পারতেন রবীন্দ্রনাথ । জীবনে তাঁর সাকার না হলেও নিরাকার একটি দেবতা ছিলেন । তিনি তাঁকে ধ্যান করেছেন নিত্য নিঃশব্দে । রবীন্দ্রকাব্যের সর্বত্র তাঁর আভাস ও অস্তিত্ব রয়েছে । কিন্তু তাঁর কাছে যাওয়ার আমার সাহস ছিল না, পূর্বেই বলেছি ! তাই মোহিতলালকে লিখলাম ।

মোহিতলাল লিখলেন—দীক্ষা লইয়া কি করিবেন ? দীক্ষার আমার নিজের কোনও বিশ্বাস নাই । আমার দীক্ষা সাহিত্যের দীক্ষা, সে মন্ড

আপনি ক্ষুদ্রিত হয়। অন্তরে বীজ থাকিলে সাধনার উত্তাপে নিষ্ঠার অভিসঙ্গমে সে বীজ আপনি উদ্ভূত হইবে, মন্দ-চৈতন্য আপনি ঘটিবে।

আমি মনে মনে বিবগ্ন হলাম। এবং এ কথা আর কখনোও তাঁর কাছে লিখি নি। উত্তরকালে শাস্ততন্ত্র নিয়ে অনেক কথাই তিনি আমাকে লিখেছেন। শাস্ততন্ত্রের প্রতি তাঁর একটা বিপুল আকর্ষণ ছিল। কিন্তু এ মস্ত্রে দীক্ষা নিতে তাঁর ঘেন কোথাও বাধা ছিল। সম্ভবত নূতন কালের ইউরোপীয় সাহিত্যের মাধ্যমে নাস্তিক্য-মতবাদের প্রভাবই ছিল সেই বাধা।

বাংলা দেশের কয়েকজন কবি—যাঁরা মোহিতলালের সমসাময়িক বা কিছু পূর্ববর্তী—তাঁদের জীবন দেখে মনে হয় এবং আমার দৃঢ়বিশ্বাসও বটে যে, মোহিতলাল যদি জীবনে দীক্ষা নিয়েই হোক বা না নিয়েই হোক কোনো দেবতাকে অনুভব করতেন, নিত্য-নিয়মিত ধ্যান করতেন, তবে তাঁর কাব্যসৃষ্টির প্রতিভা প্রদীপ্ততর হয়ে উঠত। বর্তমানে বাংলা দেশের সর্বাগ্রজ কবি কব্জানিধান, কবি কুমুদরঞ্জন, কবি কালিদাস রায়কে দেখেই এই কথা বলছি। কথা বললেই এঁদের প্রসাদতৃপ্ত অন্তরের পরিচয় মেলে। মাত্র জ্ঞানযোগে সিন্ধু অত্যন্ত কঠিন। সেখানে মধ্যপথে শূন্যবাদের মস্ততার আচ্ছন্ন হওয়ার আশঙ্কা প্রবল। শূন্যবাদের মস্ততা মোহিতলালকে কোন দিন আচ্ছন্ন করে নি, তিনি জগৎ ও জীবনের বৈজ্ঞানিক নিয়মের মধ্যেও একটি নীতিকে আবিষ্কার করেছিলেন। তাকে তিনি জানতেন। মনে মনে মানতেনও। কিন্তু মনে মানা এক কথা এবং নিঃসংশয় বিশ্বাসে তার অনুশীলন আর এক কথা। কবি কুমুদরঞ্জন সম্পর্কে তিনি লিখেছেন—ইহার প্রধান লক্ষণ রূপপিপাসা। অর্থাৎ কবি কুমুদরঞ্জনের বৈকবীর দৃষ্টিভঙ্গিও সৃষ্টির ধারার লক্ষণ। ইহার ভগবান যিনি তিনি আর কিছুই নন, তিনি পরম সুন্দর; বিশ্বের বিরাট দেউলে সেই পরম সুন্দরই তৃণ হইতে তারকা পর্যন্ত সর্বত্র বিরাজ করিতেছেন। বেদান্ত বাহাকে ব্রহ্ম নাম দিয়াছে, বাহাকে সর্বব্যাপী ও সর্বময় বলিয়াছে।...এ সম্পর্কে আলোচনা করে শেষে তিনি নিজেই লিখেছেন—ওই দেউল, ওই বিগ্রহ, ওই আরতির আনুষ্ঠানিক বাহা-কিছু সকলই সেই রূপ-পিপাসার শূন্যই প্রতীক নয়, শূন্যই রূপক নয়, কোন অর্থে (অর্থাৎ কোন দিক দিয়া) একেবারে একটা সাক্ষাৎ রূপ হইয়া উঠিয়াছে।

মোহিতলাল শূন্যবাদী হলে কাব্যরসটুকু স্বীকার করেও বক্তব্য হাসতেন। তা তিনি হাসেন নি। তিনি জ্ঞানবাদী হতে চেয়েছিলেন এবং কঠোর সাধনার জ্ঞানযোগের শূন্যবাদের ধাপ অতিক্রমও করেছেন।

কিন্তু বিশেষ ইচ্ছা এবং সেই ইচ্ছার সপ্রেম ধ্যান করেন নি। সেই কারণেই তাঁর জীবনের কঠোরতা উত্তরোত্তর বৃদ্ধি পেয়েছে।

ইউরোপীয় ধারায় বঁরা সাহিত্য সাধনা করেছেন, তাঁদের কথা আমি বলছি না। তাঁদের প্রকৃতির ধাতু আলাদা। তাঁদের একটি বড় দল এবং স্বতন্ত্র ধারা এদেশে একালে সৃষ্টি হয়েছে। যদি বলি এঁদের দলে এবং ধারায় ভারতীয় ধারার বৈদিক ও তান্ত্রিক বা যে কোন মতের কোন মন্ত-দীক্ষাকে এঁরা স্বীকার করেন নি তবে অন্যায় বলা হবে না।

আরও একটু স্পষ্ট করে বললে এই দাঁড়ায় যে জগৎ ও জীবনকে দেখার ভাঙ্গিতে এঁরা বস্তুপুঞ্জ ও মৃত্যুর মধ্যেই সমস্ত কিছুকে সীমাবদ্ধ রেখেছেন। জন্ম ও মৃত্যুর মধ্যে জৈব কোষের ক্ষয়শীলতার মধ্যেই জীবনের ক্ষুরণ এবং মৃত্যুর দিকে এগিয়ে গিয়ে তার মধ্যেই জীবনের শেষ এঁদের। জৈব কোষের চরম ক্ষয়ের পরও অনন্তকাল প্রবহমান বিশ্বশক্তির সঙ্গে একাত্মতা অনুভব এঁরা করতে চান না। যেটা ক্ষুরিত হল সেটার অস্তিত্বই ওই শক্তির মধ্যে ছিল—তদদ্রও যেতে চান না। তাই দীক্ষা তাঁদের অবান্তর। রবীন্দ্রনাথের জীবনদেবতা এঁদের কাছে স্বীকৃতি পান না।

এঁদের কথা থাক। মোহিতলালের কথা এবং নিজের কথা বলি।

প্রথমে দীক্ষার কথাই বলি।

মোহিতলালের সঙ্গে এই পহালাপের পরও আমার গুরুসঙ্কালে আমি ক্ষান্ত হই নি। অবস্য়াৎ এক সন্ন্যাসীর সঙ্গে সাক্ষাৎ হল। তিনি তান্ত্রিক নন, বৈষ্ণব নন খাঁটি যোগী—এবং সাগ্নিক তপস্বী। সন্ন্যাস গ্রহণের দিনে যে হোমকুম্ভ প্রজ্জ্বলিত করে দীক্ষা নিয়েছিলেন সেই অগ্নিকে তিনি একমাত্র স্নান, আহার ইত্যাদি জৈব-কৃত্যের সময় ছাড়া, অহরহই স্পর্শ করে থাকেন। এই লোকটিকে দেখে আমার দীক্ষাগ্রহণের আকাঙ্ক্ষা আবার প্রবল হয়ে উঠল। আত্মসংবরণ করতে পারলাম না। প্রথম দিন প্রথম দর্শনেই তাঁকে প্রার্থনা জানালাম, বাবা, আমার চিন্তা বড় অশান্ত, দীক্ষার জন্য আমি ব্যাকুলতা অনুভব করি। আপনি আমাকে দীক্ষা দেবেন?

সন্ন্যাসী তখন দীর্ঘপথশ্রমে ক্লান্ত, সদ্য আসন গ্রহণ করে তাঁর বহনকরা অগ্নি দিয়ে অগ্নিকুণ্ড প্রজ্জ্বলিত করছেন। তিনি উত্তর দিলেন, বাবা, সূখা রাখতে গেলে হিরণ্য পাত্র অর্থাৎ স্বর্ণপাত্রের প্রয়োজন হয়, মৃৎপাত্র হয় না।

মনে কঠিন আঘাত পেলাম। কয়েক মৃহুত অপেক্ষা করে 'নমো নারায়ণায়' বলে প্রণাম জানিয়ে চলে এলাম। এই প্রণাম-পদ্ধতির তুল্য অপরূপ প্রণাম-পদ্ধতি আর নেই। মানদ্বকে প্রণাম কেউ করে না। মানদ্বের অন্তরস্থ নারায়ণ অর্থাৎ দেবত্ব বা মহত্ত্বকে প্রণাম জানায়।

এর পর এই সম্ম্যাসীর সঙ্গে আমার এক অদৃশ্য বন্ধ শুরু হল। বিচিত্র সে বন্ধ। সেই বন্ধের শেষে সেই অভূত সম্ম্যাসী নিজে আমাকে বন্ধে টেনে নিয়ে বিচিত্রভাবে আমাকে পরাজিত করলেন। সে পরাজয়ে যে আনন্দ, তার আনন্দ আজও আমার অন্তরলোকে অমৃতের মতোই অক্ষয় হয়ে আছে। তাঁর প্রসঙ্গ আমার জীবনকে খন্য করে দিয়েছে। সে অমৃতে সেদিন আমার সকল অশান্তির দাহ জুড়িয়ে গিয়েছিল।

তিনি আমাকে দীক্ষার কথায় বলেছিলেন, দীক্ষার জন্য অধীর হয়ো না। জীবনে যার সাধনা থাকে, তার গুরু আপনি আসেন। তোমার গুরু আসবেন। তোমার সাধনা তুমি করে যাও। শুনোছি, তুমি জ্ঞানের সাধনা কর। তার সঙ্গে এই রকম কর্মের সাধনা কর। নইলে পূর্ণ হবে না সাধনা। আমি তখনকার মতো গুরুর সন্ধানে বিরত হলাম। রত হলাম সাহিত্য-সাধনায়।

চোদ্দ

বলতে বলতে খানিকটা সময়ের ফের ঘটে গেছে। অনেকটা পরের কথায় চলে এসেছি। ফিরে যেতে হবে পিছনে। “বঙ্গশ্রী”র আমলে। তখন সবে “চৈতালী ঘূর্ণি”, “পাবাগপদুরী”, “ছলনামরী” ও “রাইকমল” বের হয়েছে। থাকি কালীঘাট-বালিগঞ্জের ঠিক মাঝখানটিতে একটি বস্তির ধারাদারি, ঘরখানি টিনে ছাওয়া, পাকা মেঝে, পাকা দেওয়াল। আমাদের দেশের বস্তিচরণ দাস বালিগঞ্জে আমারই গ্রামবাসী বন্ধু কালীবিষ্ণুরদাদার বাড়ি খানসামার কাজ করে, সে এসে দিনান্তে একবার পথের কল থেকে জল তুলে দেয়, ঘরদোর পরিষ্কার করে দেয়, বসে ঘুমোয়, মধ্যে মধ্যে বলে—কি লেখেন বাবু, পড়ুন শুনুন! সে বন্ধুতে পারে দেখে উৎসাহিত হই। খাই পাইস হোটেল—তাও একটা নির্দিষ্ট হোটলে নয়, কালীঘাট থেকে ধর্মতলা পর্যন্ত পথের মধ্যে যেটা যেদিন ক্ষুধার সময় চোখে পড়ে সেটাতাই। খরচ, মাসে পঁচিশ-তেরিশ টাকার বেশি নয়। তাও সব মাসে কুলোয় না। যে মাসে টাকা ফুরোয়, সে মাসে তিনটে টাকা থাকতেই লাভপূরে রওনা হই। আবার কিছু লিখে, কোনক্রমে দশটা টাকা যোগাড় করে কলকাতা রওনা হই এবং কাগজের আপিসে আপিসে ঘুরে সেগুলি দাখিল করে আসি আর অনুরোধ জানাই যাতে সেই মাসেই প্রকাশিত হয়। তা হলেই টাকাটা পাব। লেখা বের না হলে তো টাকা পাওয়া যাবে না। পাওয়ার মতো

প্রতিষ্ঠাও হয় নি, আর আমি চাইতেও পারতাম না, মৃত্যু বাধত। দুটো জায়গা ছিল যেখানে গল্প দাখিল করেই টাকাটা চাইলেই পাওয়া যেত। “বঙ্গপ্রী”তে সজনীকান্তের কাছে আর “দেশ” পত্রিকার আপিসে, পবিত্র গাঙ্গুলীর তত্ত্বেরে এবং সুপারিশে। পবিত্র তখন “দেশ” পত্রিকার সহকারীর কাজ করেন। সম্পাদক শ্রীযুক্ত বঙ্কিম সেন মশায় তখন বোধ হয় দীর্ঘদিন ধরে অসুস্থ ছিলেন, আসতেন না। সব কাজের কর্তা ছিলেন শ্রীযুক্ত মাখন সেন মশায়ের দক্ষিণহস্তস্বরূপ এক ব্যক্তি। সমগ্র “আনন্দবাজারে”ই তাঁর অপ্রতিহত প্রতাপ। তিনি কর্মী মানুষ, গুণীও বটেন। কিন্তু এসব স্বীকার করেও এইটুকু নালিশ করব, তিনি মেজাজী ও রুঢ় মানুষ, এবং সে রুঢ়তা সেকালে “আনন্দবাজারে”র আপিসে আধিপত্যের উত্তাপে অসহনীয় ও অশোভন হয়ে উঠত। এঁর সাহিত্য-বিচার নির্ভর করত মেজাজের উপর। “দেশ” পত্রিকায় আমার প্রথম রচনা প্রকাশিত হয়েছিল একটি পূজা-সংখ্যায়, গল্পটির নাম—“নারী ও নাগিনী”। এই গল্পটি সম্পর্কে তিনি নাকি উচ্ছ্বাস প্রকাশ করে বলেছিলেন, ফরাসী গল্পের সমকক্ষ ; এবং দক্ষিণা নির্দিষ্ট করে দিয়েছিলেন দশ টাকা। দশ টাকা সেকালে আমার পক্ষে অনেক। এর পর থেকে সাধারণ সংখ্যা “দেশে” আমার অনেক গল্প বেরিয়েছে। সাধারণ সংখ্যায় প্রকাশিত গল্পের দক্ষিণা ছিল—পাঁচ টাকা। সজনীকান্তের কাগজ মাসিক-কাগজ। মাসে একবারের বেশি সেখানে যাওয়া যায় না এবং প্রতিমাসেও যাওয়া যায় না। সে যাওয়ার উপায় থাকলে মাসের অর্ধেক সমস্যা মেটে—পনের টাকা পাওয়া যায়। “দেশ” মাসে চারখানা বের হয়। সেখানে বার-দুই যাওয়া যায় এবং দশটা টাকা মেলে। এই যাওয়া-আসার অভিজ্ঞতায় এই ভদ্রলোকের বিচিত্র বিচারপদ্ধতি আমার পক্ষে ভিত্ততার কারণ হয়ে আছে। মেজাজ ভালো থাকলে লেখার প্রশংসা করে নিয়েছেন এবং সঙ্গে সঙ্গেই ভাউচার সই করে দিয়েছেন। আবার মেজাজ খারাপ থাকলে শোরগোল তুলেই এমন ভাবে ‘না’ বলেছেন যে লজ্জায় মরে গিয়েছি ভিক্টরুর মতো। “মুসাফেরখানা” গল্পটি ভালো গল্প, সে গল্পও খারাপ মেজাজে ফিরিয়ে দিয়েছেন। বলেছেন, এটা একটা ডাস্টবিন নয়। “মহামারী” বলে একটি গল্পের কথাও মনে পড়েছে। শীতের সময়, বোধ হয় মাঘ মাস, বাদলা নেমেছে, সে দিন আমার হাত রক্ত হয়ে পড়েছে প্রায় ; তিন টাকাও অবশিষ্ট নেই ; লাভপূর পালাতে হলে বিনা টিকিটে যেতে হবে—এমনই অবস্থা ! একটি লেখা—ওই “মুসাফেরখানা” (“রসকলি” নামক গল্প-সংগ্রহে প্রকাশিত) নিয়ে “দেশ” আপিসে গোলাম একটা-দেড়টার সময়। সেদিন কিছু একটা হয়েছিল আপিসে। নিচের তলার শ্রীযুক্ত মাখন সেন মশায়ের ঘরে কর্তাব্যক্তিরা

ছোটোছোটো করছেন। পবিত্র বললেন, বসুন ভাই, আজ একটু অপেক্ষা করতে হবে। বসলাম, বাড়ি টানতে লাগলাম একটার-পর-একটা। মধ্যে মধ্যে চা। ওটা সেকাল থেকেই “আনন্দবাজারে” মহোৎসবের মতো অটেল। চাইলে তো মেলেই, না চাইলেও মেলে; নতুন আগন্তুক এলেই তাকে সংবধনার সমস্ত উপস্থিত সকলকেও পরিবেশন করে যায় বেয়ারা। আপিসের কর্তার গ্লিপ সহই করিয়ে নিয়ে যায়। বেলা চারটে নাগাদ পবিত্র গল্পটা হাতে করে গেলেন কর্তব্যাক্তির কাছে। লেখাটা হাতেই ফিরে এসে বললেন, আজ নয়, কাল; কাল আসতে বললেন। আমি একটু সাহস করে একখানা গ্লিপে লিখে দিলাম, আমার প্রয়োজন অত্যন্ত জরুরী। যদি অনুগ্রহ করে আজই দেখে ব্যবস্থা করেন তো অনুগ্রহীত হই। পবিত্রকে বললাম, এটা নিয়ে আর-একবার যান ভাই; পবিত্র এবার লেখাটা তাঁর হাতে দিয়ে ফিরে এলেন, বললেন, বসুন। আধ ঘণ্টা পর তিনি চটির শব্দে ঘরখানিকে সচাকিত করে তুলে এসে টেবিলের উপর লেখাটি ফেলে দিলেন এবং একটি ‘নো’ শব্দ উচ্চারণ করে দিয়েই চলে গেলেন। সে দিনে শীতের সন্ধ্যায় টিপিটিপি বৃষ্টির মধ্যে বর্ষণ স্ট্রীট থেকে মনোহরপদকুর সেকেন্ড লেন পর্যন্ত হেঁটে বাড়ি ফিরেছিলাম। এর পর শ্রীযুক্ত মাখন সেন মহাশয়ের সঙ্গে পরিচয় হলে অনেকখানি এই উত্তাপ থেকে রেহাই পেয়েছিলাম। “আনন্দ-বাজারে” আমার “প্রতিমা” গল্প য়েবার প্রকাশিত হয়, সেবার এই গল্পটিই “আনন্দবাজারে” সেরা গল্প হিসেবে বিবেচিত হয়েছিল—সেই সূত্রেই আলাপ, সঙ্গে নিয়ে গিয়েছিলেন সজনীকান্ত, এবং সেই হিসেবে আমিই পেয়েছিলাম সর্বোচ্চ দক্ষিণা—পঁচিশ টাকা। সে অবশ্য পরের কথা।

কাগজের আপিসে এই অবস্থা হলেও তখন কিন্তু তরুণ মহলে খ্যাতি হয়েছে আমার। মধ্যে মধ্যে কলেজের ছেলেরা আসতেন। তিনটি ছেলে প্রায় নিঃশব্দেই আসতেন। এঁরা তিনজনেই ছিলেন কবিবশঃপ্রার্থী। এঁদের একজন আজ নেই, অনেক কাল আগেই নিতান্ত তরুণ বয়সেই মৃত্যু তাঁর জীবনে ছেদ টেনে দিয়েছে। তাঁর নাম ছিল ফাল্গুনী রায়, তাঁর মা দু-চারটি ভালো গল্প লিখেছিলেন। মায়ের প্রথম গল্প এবং আমার প্রথম গল্প ‘কল্লোলে’র এক সংখ্যাতেই প্রকাশিত হয়েছিল। নৃসিংহবালা দেবী তাঁর নাম। ফাল্গুনীর আসতেন তিনজন—ফাল্গুনী, সুধীরজন মদুখোপাধ্যায় এবং বিশ্বনাথ মদুখোপাধ্যায়। এঁদের সঙ্গে একালের নাম-করা লেখক সুশীল জানাও বোধ হয় মধ্যে মধ্যে আসতেন। সুধীরজন এবং বিশ্বনাথ—এঁরাও আজ সাহিত্য-ক্ষেত্রে প্রাতিষ্ঠ্য পেয়েছেন। সুধীরজন সেকালে বড় মদুখোপাধ্যায় ছিলেন। এসে চূপ করে বসে থাকতেন। গৌরবর্ণ, মিষ্ট চেহারার কিশোর। মধ্যে মধ্যে অনুরোধ

করতেন, তাঁদের বাড়ি যাবার জন্য। কাছেই তাঁদের বাড়ি ছিল। বলেছিলাম, যাব। কিন্তু পরিচয়ে একদিন জানলাম, সন্দ্বীপের বাবা জেলা-ম্যাজিস্ট্রেট। শুনাই মন আমার বেঁকে গেল। পদ্বীস সাহেব সামসুদ্দোহার কুটিল ধর্ম্মাধর্ম্মহীন ব্যবহারে তখন আমার মন ইংরেজের চেয়েও ইংরেজের কর্মচারীদের উপর বেশি বিরূপ। অবশ্য বীরভূমে সামসুদ্দোহার আমলেই ছিলেন শ্রী. কে. কে. হাজরা জেলা-ম্যাজিস্ট্রেট। তাঁর দৃঢ় ন্যায়পরায়ণতায়, ভদ্র ব্যবহারে আমি মুগ্ধ হয়েছি। শ্রীযুক্ত হাজরার সঙ্গে আমার ব্যক্তিগত পরিচয় ছিল না; জেলা-ম্যাজিস্ট্রেটের সঙ্গে পরিচয় করবার মতো যোগাযোগ ছিল না, কোনোদিন কোন প্রয়োজনও হয় নি তাঁর কাছে যাবার। তবুও য় শুনিয়েছিলাম, দূর থেকে অন্য লোকের সঙ্গে কথাবার্তার শুনিয়েছিলাম, তাতেই মুগ্ধ হয়েছিলাম। কিন্তু শ্রী কে. কে. হাজরা একজন দুজন ছাড়া মেলে না। আজও না। সরকারী কর্মচারীদের কথার ঝাঁজ, চোখা-বাঁকা-ধারালো খোঁচা আজও অনদ্ভব করি, সেইতে হয়, এই তো সেদিন—। থাক, সে কথা, সে কথা যথাস্থানে লিখব।

সেবার পূজোর সময় যে কটি গল্প লিখেছিলাম, তার মধ্যে “রায়বাড়ি” গল্পটি অন্যতম। “রায়বাড়ি” গল্পটি আমার খুব প্রিয় গল্প। তার কারণ পরে বলব। গল্পটি লেখার ছোট্ট ইতিহাস বলব। পূজোর আগে দেশে গিয়েছি, আমার বন্ধু জগবন্ধু ডাক্তার এসে একখানা ছাপা কাগজ আমার হাতে দিলেন। বললেন, তাঁদের গ্রামের আমাদেরই বন্ধু শরৎচন্দ্র চন্দ্র মাস্টারের পুত্রনো ঘরের মেঝে বাঁধাবার জন্য জিনিসপত্র বের করা হয়েছে, তার মধ্যে এটা ছিল। দেখ, এটা কি বল দেখি! সত্যিই কাগজখানা বিচিত্র! একটা ছাপানো জিনিসের ফর্দ। এবং সে ফর্দ দেখে একালে ইংরিজজানা মহলের এক-আধজন বহুদর্শী ছাড়া বলতে পারবেন না, সেটা কিসের ফর্দ। একটা মস্ত বড়—অন্তত সাত-আট পৃষ্ঠা ফর্দের এক পৃষ্ঠার আখখানা। আজও যত দূর মনে পড়ছে, তাতে তিল কুশ থেকে আরম্ভ করে কৌশাকুশি, পদ্মপাত, কুশাসন, কম্বলের আসন, হাঁড়ি, মালসা, পিতলের গ্রাস, আতপচাল, ষি, আলু, কচু, লবণ, হলুদ, হরতকী, মিষ্টান্ন, একদফা কাষ্ঠ, মায় খড়কে কাঠি পর্যন্ত রয়েছে। ফুল-বিষপত্র বাদ পড়ে নি। আরও আছে, জলের জন্য জালা, ঘাট, হস্তপ্রক্ষালনের জন্য মৃত্তিকা, দাঁতনকাঠি, এবং চাকর একজন—এও তার অন্তর্ভুক্ত।

দেখে আমি বললাম, এ কোন বিরাট ক্রিয়ার ফর্দ। এটুকুতে যা আছে, তা দেখে মনে হচ্ছে, সে ক্রিয়া অল্পপ্রাশন উপনয়ন বিবাহ নয়; হয় প্রাক্ক, নয় দেবপ্রতিষ্ঠা, যাতে বহু পণ্ডিত-নির্মালিত হয়েছিলেন। এটুকুতে

পশ্চিমবঙ্গের সংবর্ধনা এবং পরিচর্যার ব্যবস্থার ফর্দ রয়েছে। কিন্তু এত বড় শ্রাস্ত্র বা ক্লিয়া কোথায় হয়েছে এখানে? বড় বড় রাজা মহারাজা ছাড়া কোথায় হবে এখানে? বড় জমিদার বলতে বরেন্দ্রভূমে। রাঢ়দেশে কজন রাজা আছেন—বর্ধমান, কাশিমবাজার, কাঁদী। আর দু-চার জন রাজা আমাদের অঞ্চলে আছেন, কিন্তু তাঁরা কণীতর জন্য খ্যাত নন। সম্ভবত এঁদের বাড়িরই কোন ক্লিয়ার ফর্দ, শরৎ চন্দ্রদের বাড়িতে এসেছে বিচিত্রভাবে। এদের এককালে ছিল মসলাপাতির দোকান, কোন জিনিসের মোড়ক হয়ে চলে এসে থাকবে।

ফর্দটি আমি রেখে দিলাম। মনের মধ্যে দেবপ্রতিষ্ঠার কথাটা বড় হয়ে উঠল না, শ্রাস্ত্রের কথাই ঘুরতে লাগল। মহাসমারোহের কোন শ্রাস্ত্র। দশ দিনের মধ্যে শ্রাস্ত্র, নকল করে চল্লিশ-পঞ্চাশ খানা ফর্দ তৈরিতে সময় লাগবে, তাই হয়তো ছাপানো হয়েছিল। এর সঙ্গে যোগ দিল “জলসাঘর”র স্দর। সেই বছরেই গত বৈশাখে “জলসাঘর” বের হয়েছিল এবং “জলসাঘর”ই আমাকে পরিচিত করে দিয়েছিল পাঠক-সমাজের মধ্যে। বহুজনের অভিনন্দন পেয়েছিলাম। কে বলেছিলেন মনে নেই, বলেছিলেন—“জলসাঘর”র ভাঙনের কথা লিখলেন; গড়নের কথা লিখুন। তখন থেকেই কল্পনা ছিল—আরও দুটি গল্প লিখে “জলসাঘর” নাম দিয়েই একটি বই প্রকাশ করব। প্রথম জলসাঘর গড়ে ওঠা, দ্বিতীয় জলসাঘরের পরিপূর্ণ জৌলুস, তৃতীয় এবং শেষেরটি আগেই লেখা হয়ে আছে। সেই কল্পনা নিয়েই এই ফর্দটিকে উপলক্ষ করে “রায়বাড়ি” লিখলাম—লিখলাম—জলসাঘর গড়ে ওঠার গল্প। জলসাঘরের ভাঙনের কথা মনে রেখেই লিখলাম “রায়বাড়ি”। প্রজাদের অভিসম্পাত থাকল। “রায়বাড়ি”র বিশ্বস্তর রায়ের চরিত্র চোখে দেখি নি, কিন্তু এমন চরিত্রের কথা গল্পে আমি শুনিয়েছিলাম। ছেলেবেলা থেকে শুনিয়েছি এবং এমনি কঠিন চরিত্রের মানুষের ছায়া আমার পিতৃপুরুষদের মধ্যে, পিতৃপুরুষদের সমসাময়িকদের মধ্যে দেখেছি বলেই এ চরিত্র এত সজীব, এত বাস্তব আমার কাছে। ১০৯২ নং লাটটি আমাদেরই ছিল। ওই লাট শাসন করতে না পেয়ে আমারই পূর্বপুরুষ সেকালের নামকরা এক দুর্ধর্ষ জমিদারকে পত্তনি দিয়েছিলেন। সে জমিদারটির নাম আমাদের ও-অঞ্চলে আজও লোকের কাছে গল্পের কথা হয়ে আছে। তিনি ছিলেন মর্দাশদাবাদের নিমতিতার জমিদার গৌরসুন্দর চৌধুরী। এবং ১০৯২ নং লাটের প্রজাদের নিমতিতায় গৌরসুন্দরের সঙ্গে মিটমাট করতে যাওয়ার ছবিটুকু একেবারে বাস্তব সত্য। গল্পের শেষে আছে, দুকূলপ্রাবী গঙ্গার বৃকে নৌকা ভাসিয়ে বিশ্বস্তর নিরুদ্দেশ যাত্রায় চলে যাবেন। জলসাঘরের বাঁতি আধখানা জ্বলে সেদিন নিবে গিয়েছে। রায়বাড়ি অঙ্ককার। সম্রাস্যসীর গেরুয়া

পরিধান করে রাস একখানি দণ্ড হাতে নিয়ে গাঢ় অন্ধকারের মধ্যে এসে দাঁড়ালেন গঙ্গার ঘাটে। চলে যাবেন। একবার ফিরে তাকালেন বহু মমতার রাসবাড়ির দিকে। দেখলেন, এ কি! আবার আলো জ্বলছে, রাসবাড়ির সেই জলসাঘরে; সেই আখপোড়া বাতিগুলিই আবার জ্বলে উঠেছে। সেই আলোতে ঘরে তাঁর পদ্বীপদ্রুদেবের ছবিগুলো দুলছে, তাঁরা যেন তাঁকে ডাকছেন। ফিরে আসতে বলছেন! চোখে তাঁর জল এল। তিনি ফিরে এলেন। কালী বাগদী কালী-বাড়ির বিরাট সিংহদ্বারে গিয়ে সবলে করাঘাত হানলে—দুয়ার খোল।

“জলসাঘরে”র মাঝের গল্প আর লেখা হয়নি। লিখি নি। এর এক বৎসর পরেই “জলসাঘর” বই প্রকাশিত হল। সজনীকান্ত জলসাঘরের “জলসাঘর” প্রকাশ করবেনই। সেই কারণেই ওই দুটিকে এক করেই জলসাঘরের পালা শেষ করলাম।

রবীন্দ্রনাথ তাঁর নৃত্যনাট্যের দল নিয়ে কলকাতায় এলেন। আমি একদিন “জলসাঘর” হাতে নিয়ে বিচিত্রা-ভবনে উপস্থিত হলাম। তাঁকে প্রণাম করে বইখানি তাঁর হাতে দিয়ে চলে এলাম। এখানে এম্পায়ারে এবং ছায়ার নৃত্যনাট্যের পালা হল। সে বোধ হয় সবসন্ধ্য সাত-আট দিন। এরই মধ্যে তাঁর কাছে যারা যাওয়া-আসা করলেন, তাঁদের কাছে “জলসাঘরে”র প্রশংসার কথা শুনলাম। কলকাতার নৃত্যনাট্যের পর্ব শেষ করে তিনি শান্তিনিকেতনে ফিরলেন। ফেরার পথে তাঁর হাতে নাকি “জলসাঘর” বইখানি ছিল। ট্রেনেই তিনি ইরিসিপ্লাসের আক্রমণে জ্ঞান হারান বা আচ্ছন্ন হয়ে পড়েন। এরপর কয়েকদিন চেতনাহীন অবস্থা তাঁর। গোটা দেশ উৎকণ্ঠায় আহার নিদ্রা ত্যাগ করে তাকিয়ে রইল শান্তিনিকেতনের দিকে। সে কি উদ্বেগ! তারপর মেঘ কাটল, আবার আলোর ভরে উঠল দেশ। কবির চেতনা ফিরেছে। আশঙ্কা কেটে গিয়েছে। এ সংবাদ যেদিন কাগজে বের হল, ঠিক তার তৃতীয় দিনে দুখানি পত্র পেলাম শান্তিনিকেতন থেকে। একখানি লিখেছেন সন্ধ্যীর কর—কবির প্রাইভেট সেক্রেটারি, অন্যখানি শ্রীযুক্ত রথীন্দ্রনাথ ঠাকুর। সন্ধ্যীর কর লিখেছেন—তারাশঙ্করবাবু পত্রপাঠ যদি একখানি “জলসাঘর” কবিকে যে-ভাবে লিখে দিয়েছিলেন তেমন লিখে পাঠিয়ে দেন তবে অত্যন্ত উপকৃত হব। গুরুদেবকে যে বইখানি দিয়েছিলেন সেখানি খুঁজে পাওয়া যাচ্ছে না। সম্ভবত তাঁর অসুখের সময় যে সব ভক্ত এখানে এসেছিলেন তাঁদেরই কোন সাহিত্যরসরসিক বা রসিকা নিজের পিপাসা মেটাবার জন্য নিয়ে গেছেন। এদিকে গুরুদেব বইখানির বার বার খোঁজ করছেন। না-পেলে অত্যন্ত ক্রুদ্ধ হবেন। পাঠালে অত্যন্ত উপকৃত হব। আমার নামে বা রথীন্দ্রবাবুর নামে পাঠাবেন।

শ্রীধনু রথীন্দ্রবাবুর পত্র সংক্ষিপ্ত। তিনি লিখেছেন—শ্রীসুধীর কর আপনাকে পত্র লিখছেন। একখানি বই পাঠালে অত্যন্ত খুশী হব।

বই পাঠিয়ে দিলাম সেই দিনই।

এর কয়েক দিন পর “প্রবাসী” আপিসে পদ্মলিন সেন তাঁর স্বভাবসিদ্ধ মৃদুহাস্যসহকারে বললেন, শুনছেন নাকি?

বুদ্ধগাম না কথা। উত্তরে প্রশ্নই করলাম, কি?

একটু বিস্মিত হয়েই পদ্মলিনবাবু বললেন, সে কি? কেউ জানায় নি? না তো। কি?

পদ্মলিনবাবু আবার হেসে বললেন, না, তাহলে বলব না। থাক। শীর্ণকায় মানুষ্যটি আপনি ক্ষীতকায় হয়ে উঠবেন। হয়তো বা ফেটেই যাবেন।

আমি আর বার দুই অনুরোধ করেই ক্ষান্ত হলাম। এটুকু আমার স্বভাবের বাইরে। তবে সংবাদটা পেলাম। শ্রীধনু সুধীর করেই আমাকে জানিয়েছিলেন। চেতনা ফিরে পেয়ে কবি চেয়েছিলেন তাঁর বিজ্ঞানের বইয়ের প্রচুর আর চেয়েছিলেন “জলসাঘর” বইখানি। ওই “রায়বাড়ি” গল্প, গেরুয়া পরে সবস্ব ভ্যাগ করে নিরুদ্দেশ যাত্রায় বেরিয়ে, গজার ঘাটে নৌকায় উঠতে গিয়ে বিস্ময়ের রায় বারেক ফিরে তাকিয়ে যে দেখলেন, অন্ধকার রায়বাড়ির জলসাঘরে আবার জ্বলে উঠেছে আধ-নেবানো বাতিগদূল এবং সেই আকর্ষণে যে আবার তিনি ফিরে এলেন, এরই মধ্যে অষ্টাদশের ওষুধের থেকে চেতন্যের দীপ্তির মধ্যে তাঁর নিজের ফিরে আসার একটি মিল পেয়েছেন বলে তাঁর মনে হয়েছে।

শ্রীধনু সুধীর কর লিখেছেন, গুরুদেব কোন খ্যাতিনামা কবিকে আপনার সম্পর্কে একখানি মূল্যবান পত্র লিখেছেন। তাতে ইউরোপের গল্পলেখকদের সঙ্গে আপনার তুলনা করেছেন। পারেন তো চিঠিখানি সংগ্রহ করুন।

যাঁকে লিখেছেন তিনি খুব সম্ভব ৮সুদ্রেশ্বর মহাশয়। কারণ মধ্যে মধ্যে আমার সম্পর্কে কিছু বলতে হলেই বলতেন, রবীন্দ্রনাথ তারাক্ষরকে চিনিিয়েছিলেন আমাকে! যাই হোক, আমি কিন্তু কোন খোঁজ করি নি।

কি বলে যাব? কি বলব?

এই কারণেই “জলসাঘরে”র “রায়বাড়ি” আমার খুব প্রিয় গল্প। কিন্তু গল্পটি মাসিকপত্রের কতৃপক্ষের কাছে আদৌ সাদর অভ্যর্থনা পায় নি। এই পত্রিকাটির আপিসের নিয়ম ছিল গল্প যাবে মালিকের কাছে। তিনিই গল্প নির্বাচন করতেন। আগে সম্পাদকদের হাতে দিতাম, তিনি পাঠিয়ে দিতেন

কর্তার দস্তরে। এ সময়ে কর্তার কাছে সরাসরি দিয়ে আসবার মতো সাহস এবং প্রীতি আমার হয়েছিল। আমি গল্পটি কর্তার হাতে দিতেই তিনি দ্রুত কৃষ্ণিত করে বললেন, এই তো পর পর তিন-চারটে গল্প আপনার ছাপা হল। আবার এখন কেন? আমি বললাম, থাক আপনার কাছে, এক মাস পরেই ছাপবেন।

তিনি আর কোনও কথা বললেন না। লাল পেনসিল দিয়ে একটা টেঁড়াচিহ্ন দেগে রেখে দিলেন। টেঁড়া কাটা চিহ্নটাই এতদিন যে, কাটা অর্থাৎ বাতিল ইঙ্গিতটা মনোহর বদিয়ে দেয়। আমি সন্নিগ্ধ হয়ে সম্পাদকীয় দস্তরে গিয়ে কথার কথায় চিহ্নটার অর্থ জিজ্ঞাসা করলাম। উত্তর পেলাম, ওটার অর্থ রিজেক্টেড। যাবে না।

সম্পাদকীয় দস্তরে কোন কথা না বলেই ফিবে এলাম। লেখাটাও ফিরিয়ে আনলাম না। মনে মনে স্থির করলাম, থাক, ওঁরাই ফিরিয়ে দিল।

গল্পটি কিন্তু পরের মাসেই ছাপা হল। তখন আমি দেশে। একটু বিস্মিত হলাম। তখন আমার শরীর খুব অসুস্থ হয়ে পড়েছে। পাইস হোটেল খাওয়ার ফল ফলেছে। দুবস্ত পেটের রোগে ভুগছি।

পদ্মজোর ঠিক পরেই কিছুদিনের জন্য পাটনায় মামাদের ওখানে যাব স্থির করলাম। যাব—হঠাৎ বাধা পড়ল “গণদেবতা”র যে হিন্দু-মুসলমান দাঙ্গার কথা আছে, সেই দাঙ্গা আমাদের দেশে বেধে ওঠার উপক্রম হল।

শুধু ওই একটা তালগাছ নিয়েই। মুসলমানটির নামও ওই রহম শেখ। এবং এই ঘটনাটি আমার জীবনে লাভপূরের সঙ্গে বন্ধন-সূত্রে আবার হানলে কঠিন আঘাত।

একটি তালগাছ কাটার ঘটনা উপলক্ষ করে আমাদের ও-তঞ্চলে যে হিন্দু-মুসলমান দাঙ্গা বাধবার উপক্রম হল তার এক পক্ষে রহম শেখ, অন্য পক্ষে আমাদের গ্রামের প্রধান ধনী ষষ্ঠীকিষ্করবাবু। এ ঘটনাটি “পঞ্চগ্রামে”র মধ্যে জুড়ে দিয়েছি। তখন লীগ-আমলের প্রথম। লীগ-মন্ত্রিস্ব প্রতিষ্ঠিত হওয়ার প্রথম বা দ্বিতীয় বৎসর। সামান্য ঘটনাকে উপলক্ষ করে অল্প কয়েক দিনের মধ্যেই যে ভয়ঙ্কর একটা বিপর্যয় ঘটনার উপক্রম হল সে স্মরণ করলে আজও শিউরে উঠি। আমিও এর মধ্যে প্রায় স্বেচ্ছায় জড়িয়ে পড়েছিলাম; জড়িয়ে পড়েছিলাম হিন্দুদের পক্ষেই, পঞ্চগ্রামের দেবু ঘোষের মতোই। ফলে যখন সদর থেকে রিজার্ভ ফোর্স এসে হাজির হল এবং গ্রামের ভিতর দিয়ে রাস্তার রাস্তার মার্চ করে বেড়ালে, তখন আমার বাড়ির সামনেই তাদের হট্ট হুকুম দিয়ে সেখানেই প্রায় আধ ঘণ্টা লেফট-রাইট কচকাওয়াজ করিয়ে বেশ হুমকি দেখিয়ে গেল। যতদূর মনে পড়ছে, সে দিনটি ছিল কোজাগরী

পূর্ণিমার পর তৃতীয়া কি চতুর্থী। এদিকে পূজোর পর ষোলদশীতেই আমরা পাটনা রওনা হওয়ার কথা ছিল কিন্তু এই কারণেই আটকে গিয়েছি। সে দিন রিজার্ভ ফোর্স এসে পড়তেই আমি নিশ্চিন্ত হয়ে সেই রাতেই বেরিয়ে পড়ব স্থির করলাম। সন্ধ্যাবেলা একজন ডেপুটি ম্যাজিস্ট্রেট তলব পাঠালেন খানায় এবং আমাকে খুব শাসিয়ে দিলেন। অথচ বাঁদের নিয়ে বিবাদ, প্রকৃতপক্ষে যাঁরা দাঙ্গার এক অংশ তাঁদেরই ঘরে আতিথ্য গ্রহণ করে তাঁদেরও খন্য করলেন, নিজেও খন্য হলেন। খন্য না হলেও আহায়ে পরিচর্যায় সন্নিদ্রায় পরিতৃপ্ত হলেন।

আমি রাতেই রওনা হয়ে গেলাম।

ভাগলপুর পড়ে পথে। শ্রদ্ধাভাজন বন্ধু “বনফুলের” সঙ্গে তখন নিয়মিত পত্রালাপ চলত; তিনি বার বার নিমন্ত্রণ জানিয়েছেন, ভরসা দিয়েছেন—এখানে এস, অসুখ ভালো হবে, শরীর সেরে যাবে! আমি দায়িত্ব নিচ্ছি।

বনফুলের লেখা গল্পগুলি কল্পনাপ্রসূত হতে পারে, অর্থাৎ গল্পগুলির ঘটনা সত্য নাও হতে পারে, কিন্তু ডাক্তার বলাইচাঁদের দেওয়া ভরসা একেবারে খাঁটি বাস্তব। ভাগলপুরে থাকি বা না থাকি একবার ওখানে নেমে বলাইকে দেখিয়ে ওষুধপত্রের একটা ব্যবস্থা করে নেবার অভিপ্রায় ছিল, আর ছিল এই সবল এবং প্রাণখোলা মানুষটির সঙ্গে কয়েকটা দিন আনন্দের মধ্যে কাটিয়ে দেবার বাসনা। ভাগলপুর থেকে গৈবীনাত-মন্ডলের এ দুটি ডায়গা যাবারও অভিপ্রায় ছিল। ভাগলপুরে নেমেছিলাম খানিকটা রাতি থাকতে। রাতিটুকু টেনে দিয়ে আলো ফুটেতেই একটা এক্সা করে বনফুলের দরজায় হাজির হলাম। মোটাসোটা মানুষটি কাছাকাঁচা গুঁজতে গুঁজে স্পিরিট খুলে আমাকে দেখেই হৈ-হৈ শব্দ করে দিলেন। এ দুটির এসে খাতা বৈশিষ্ট্য। বলাই যখন সেজে-গুঁজে সমাজে সভার ঘোরাফেরা বৈঠকের দৃষ্টি, কোমরে বেগুট আঁটেন; বাড়িতে বেগুট খুলে বসতেই নিশ্চিন্ত, সগল্প, কবিতা, গুঁজতে হয় এবং ক্রমে ক্রমে গোড়ালির কাপড় হাড়ির আপনার রাজ্যে প্রবেশ মধ্যে অনর্গল গল্প—সে বৈঠকী এবং সাহিত্যিক লেখা। দেখি, কেমন হয়! থেকে ডাক পড়লে ওই অবস্থাতেই কবিতা ত

টানতে টানতে গিয়ে হাজির হন সহাস্যমুখে স লেখা শব্দ করেন নি। হাস্যরস ও সহজ, ক্রোধও তত তাঁর সশব্দ। ফুঁক হ জানিয়ে দেবেন, তিনি রেগেছেন। অন্য দিবেয়ে উঠে পড়লেন। নির্দল সম্মানমানুষ। অতি অল্প আসবাবে ঘরখানি সুন্দর গাঠন। বৈজ্ঞানিক গবেষণায় পড়ছে, বনফুলের ফুলদানি কখনও খালি থাকেতার কথা। স্কাইড চড়ালেন গুচ্ছ সংগ্রহ করে সেগুলিকে পূর্ণ করে দেন, ন বসে পূরণ করে চলেছেন।

বাড়ির উঠানে জালের খাঁচায় ডজন খানেক বুনো হাঁস। পরে শুনছি, বাড়িতে গাহ এবং ভালো জাতের রামপক্ষী পুষেছেন। বলাইয়ের গৃহিণীও এদিক দিয়ে তাঁর সন্মোগ্য সহযোগী। বনফড়লের ক্রমবর্ধমান খ্যাতির সঙ্গে পাল্লা দিয়ে এই ভদ্রমহিলা ঘর-সংসারের এবচুল ক্রাউ না ঘাটলেও প্রাইভেট পরীক্ষার্থী হিসাবে একে একে আই. এ. এবং বি. এ. পাস করেছেন, এম. এ. পাস করার ইচ্ছেও রাখেন। ম্যাট্রিক পরীক্ষা পাস করাই ছিল। এবং বনফড়ল নাকি একমাত্র এই পাসের যোগ্যতাটাই বিবাহের সময় বিবেচনা করেছিলেন। তাঁর নাক পণ ছিল ম্যাট্রিক-পাস-করা মেয়ে ছাড়া তিনি বিয়ে করবেন না। এ ছাড়া অন্য কোনো কিছ্‌ তাঁর নিজের দাবি ছিল না। সেকালে ম্যাট্রিক পাস মেয়ে সাধারণ বাঙালীর ঘরে খুব সুলভ ছিল না এখনকার মতো। কাজেই বনফড়লের শিত্‌দেবকে কন্যাসন্ধানে একটু বেগ পেতে হচ্ছিল। খোজ পেয়ে তান বনফড়লকে জানিয়েছিলেন, 'ম্যাট্রিক পাস মেয়ে পাওয়া গিয়াছে। এখন তুমি নিজে দৌখিয়া পছন্দ-অপছন্দের কথা জানাও।' বনফড়ল জানিয়েছিলেন, 'আমার দাবি ম্যাট্রিক পাস মেয়ে। সে যখন পাওয়া গিয়াছে, তখন পছন্দ-অপছন্দের প্রশ্নই উঠে না। ভদ্র ও সদ্বংশ—সদ্বংশ দেববার কোন প্রয়োজন নাই।' বিবাহ হয়ে গেল। তাতে বনফড়লের জীবনে কোন ক্ষোভের কারণ হয় নি। পারিবারিক জীবনে তান সখী; পত্নী সত্যকারের গুণবতী এবং প্রকৃতিগতভাবে তাঁদের এক অসাধারণ। বনফড়লের মাছ-মাংসে একটু বেশী রুচি, পত্নীরও তাহ; এমন কি কতটা

৬ দিনে রান্না হবে—এ নিয়েও কোনাে মতভেদ হয় না। রন্ধনবিদ্যায় তাঁ উভয়েরই সমান পারদর্শিতা। কলকাতায় সজনীকান্তের বাড়িতে মসলমানবান্না করা মাংস খেয়ে অনেক সাহিত্যিকই তাঁর তারিফ আমাদের বনফড়ল-পত্নী অভ্যাস ও বেশী চর্চার ফলে উৎকৃষ্টতর রান্না জুড়ে গিয়েছে। বনফড়লের সঙ্গে বন্ধু-বান্ধবদের ভয়েও গোপন করব প্রথম বা দ্বিতীয় বং থেকে অবিকতর সমাদরের প্রত্যাশাতেও বাড়ির দিনের মধ্যেই যে ভয়ঙ্কর ওখানে অচিরে আত্মীয় গ্রহণের কোন বন্দনাই আজও শিউরে উঠি। আমর কবে যেতে পার সেও গণনা করে জড়িয়ে পড়েছিলাম হিন্দুদের লে-মেয়েতে তাঁদের তিনটি—কেয়া, অসীম, যখন সদর থেকে রিজার্ভ স্কেলিকিত পদোদ্যানের মতো সন্দের ঠেকল। রাস্তার রাস্তার মাচ করে

হুকুম দিয়ে সেখানেই প্রাধোই চা-পর্ব। ডিম-মাখানো ভাজা পাউরুটির হুকুম দেখিয়ে গেল। কারণ ওই বস্তুটা বলাইয়ের ঘরেই প্রথম

গাঁয়ের বাড়িতে এসব অজানা। ছোট্ট একটি তারাকর-স্বতিকথা

আধুনিক নাগরিক পরিবারের সঙ্গে সেই আমার প্রথম পরিচয়। আধুনিকও বটে, নাগরিকও বটে, কিন্তু উগ্রতাবর্জিত। সেইরূপে নিতে, খাপিয়ে নিতে বেগ পেতে হয় না, সময় লাগে না।

চারের কাপে চা ঢালতে ঢালতেই বনফুল পড়ুর দিকে তাকিয়ে বললেন, আজ গোটা চারেক হাঁস তৈরী করতে বল। আর মাছ— ভালো মাছ।

আমি শিউরে উঠে বললাম, দোহাই মশাই! মরে যাব আমি! আপনি জানেন না, আমি পেটের গোলমালে নিদারুণ কষ্ট পাচ্ছি।

তখন তাঁর সঙ্গে ‘আপনি’ ‘আজ্ঞে’ চলত।

বনফুল বাধা দিয়ে বললেন, ঠিক আছে। তাহলে তো মাংসই আপনার পথ্য। পথ্যই নয়, ঝুন্ডও বটে। ভয় করছেন কেন? আমি তো ডাক্তার। দায়ী আমি। নিন আর-এক পেয়লা চা। ওগো, আর-একখানা রুটি।

কথাব মাঝখানেই বলাই-গৃহিণী ডিম-মাখানো পিউকিটি নিয়ে হাজির! আমি উশড় হয়ে পড়লাম প্লেটের উপর।—দোহাই! অবিশ্বাস করছি না, কিন্তু ভয় যাচ্ছে না।

বনফুল নিজের প্লেটে সেটা নিয়ে হেসে বললেন, ওবে থাক।

এর পর নিয়ে গেলেন ক্লিনিকে।

বনফুলের ক্লিনিক-প্র্যাকটিস। স্টেশন রোডের উপর ঘরখানিতে নানা যন্ত্রপাতি ভর্তি বিচিত্র গন্ধ সেখানে। রক্ত, মল, মূত্র, পুঁজ, থুথু, পরীক্ষার বৈজ্ঞানিক ব্যবস্থা—টেস্ট টিউব, স্লাইড, মাইক্রোস্কোপ, স্পিরিট ল্যাম্প, রিপোর্ট-ফর্ম, খাতা। তাই মতো তাঁর সাহিত্যচর্চার খাতা-কলম। স্পিরিট ল্যাম্পের উপর ওষুধপত্র মিলিয়ে পরীক্ষার সামগ্রী চাপিয়ে দিয়ে এসে খাতা-কলম টেনে নিয়ে লিখতে বসছেন। তরুণ লেখনী, বৈজ্ঞানিকের দৃষ্টি, আকাশচারী বিহঙ্গের মতো কল্পনার পক্ষিবস্ত্র; লেখা চলে—গল্প, কবিতা, ব্যঙ্গসাত্ত্বিক, হাস্যরসাত্ত্বিক। বনফুল বললেন, এবার আপনার রাজ্যে প্রবেশ করছি। সিরিয়াস লেখা শুরু করছি। বড় লেখা। দীর্ঘ, কেমন হয়! একটা লিখেছি, শোনার আপনাকে।

তখনও পর্যন্ত বড় লেখা এবং সিরিয়াস লেখা শুরু করেন নি। হাস্যরস ও ব্যঙ্গরস নিয়েই কারবার করতেন।

কথা বলতে বলতেই ঘড়ির দিকে তাকিয়ে উঠে পড়লেন। নির্দিষ্ট সময় পার হচ্ছে, নাথাতো হবে পরীক্ষার বস্তু। নামাছেন। বৈজ্ঞানিক গবেষণায় রত হলেন। মনে হল, ভুলেই গেছেন সাহিত্যের কথা। স্লাইড চড়ালেন মাইক্রোস্কোপে। বিশ্লেষণ শেষ করে ফর্ম টেনে বসে পূরণ করে চলেছেন।

সই করলেন। খামে পদুরলেন। নামঠিকানা লিখে রেখে আবার একটা পরীক্ষা শুরুর করে দিয়ে এসে বসলেন লেখার টেবিলে। লিখে চললেন।

বিস্মিত হয়ে গেলাম শক্তি দেখে।

এরই মধ্যে লোক আসছে, ফিস দিয়ে রিপোর্ট নিয়ে যাচ্ছে। বেলা একটা পর্যন্ত একনাগাড়ে চলল এই দুই সাথনা—বিজ্ঞানের এবং সাহিত্যের।

এর পর বাড়ি। স্নান আহার। পরিচ্ছন্ন এবং অভিনব ভরা আহারের উপকরণ। মাংসে হাত দিয়ে ভাবিত হলাম। বনফুল বললেন, খান মশায়। আমি ডাক্তার, আমি বলছি—খান।

কথায় আদেশের সুর। ভয়ে ভয়েই খেলাম।

খাওয়ার পর লেখা নিয়ে বসলেন বনফুল। একটার-পর-একটা পড়ে যেতে লাগলেন। গতরাত্রি জেগে কেটেছে ট্রেনের থার্ড ক্লাসে। তার উপর দুপুরে ঘুম অভ্যাস। আমার চোখে ঘুম নামল। কিন্তু বনফুল পড়েই গেলেন, পড়েই গেলেন—একটার-পর-একটা, একটার-পর-একটা। আমার তন্দ্রাচ্ছন্নতা বোধ করি তাঁর চোখেই পড়ল না।

আজও মনে পড়েছে, সে দিন মনে মনেই বলেছিলাম, বনফুল সিংহ নন, ব্যাঘ্র। সিংহ শুনেনি মৃত বা অতিদুর্বল প্রাণী বধ করে না।

বেলা সাড়ে-চারটের সময় আবার চা-খাবার।

এইবার বনফুল থামলেন। বললেন, চা খান। ঘুম ছাড়বে। দিনে ঘুমোলেন না, ভালো হল, এতটুকু বদহজম হবে না। কি, অশ্বল মনে হচ্ছে?

সন্ধ্যার সময় বনফুল আমাকে নিয়ে বের হলেন; বিখ্যাত Asude অর্থাৎ আশু দে, মাখন চৌধুরী—এঁদের সঙ্গে আলাপ করিয়ে দিলেন। আরও কারও কারও সঙ্গে আলাপ হয়েছিল। তবে একটি বৌতুকের কথা মনে আছে। হঠাৎ পথের মাঝখানে দাঁড়িয়ে পড়লেন, বললেন, দাঁড়ান।

একটি পাশের পথের দিকে আঙুল দেখিয়ে মৃদুস্বরে বললেন, এক ভদ্রলোক আসছেন, দেখছেন?

দেখলাম, একজন খাটি বাঙালী প্রোচ অর্থাৎ আমারই মতো ডিসপেন্সিসিয়াগ্রস্ত প্রোচ বাঙালী আসছেন। গলায় যেন একটা কম্ফার্টার জড়ানো ছিল মনে হচ্ছে। বনফুল বললেন, উনি হলেন শরৎচন্দ্রের “শ্রীকান্ত”র সেই মেজদা। যিনি নাকি গঁদের আঠা দিয়ে নাক ঝাড়া, জল খাওয়া, বাইরে যাওয়ার সময়ের হিসেবের কাগজ খাতায় এঁটে রাখতে গিয়ে নিজের পড়বার সময় পেতেন না, বছর বছর ফেল করতেন, যিনি “ছিনাথ বউরুপী”র ব্যাঘ্রবেশ দেখে দাঁতকপাটি লাগিয়ে তক্তপোশে পড়ে গোঁ-গোঁ করেছিলেন।

উনিই তিনি ?

উনিই তিনি । দেখুন না, মজা দেখুন ।

ভদ্রলোক বড় রাস্তায় পড়তেই বনফুল তাঁকে নমস্কার করে কুশলবাণী প্রদান করলেন এবং আমার পরিচয় দিয়ে বললেন—ভাগলপুর বেড়াতে এসেছেন । শরৎচন্দ্রের লেখায় ভাগলপুরের যে সব জায়গার কথা আছে, দেখেছেন এবং দেখবেন । যে সব পাত্রপাত্রীর কথা আছে—

এর পর ভদ্রলোক আর দাঁড়ালেন না । হনহন করে চলে গেলেন ।

বনফুল হেসে বললেন—শরৎবাবুর ওপর ভয়ানক চটা উনি ।

সন্ধ্যার পর আবার কিছুক্ষণের জন্য ক্রিনিক । তার পর বাড়ি ফিরে আবার চা এবং সাহিত্য । সে দিন সন্ধ্যায় শোনালেন তাঁর প্রথম সিরিয়স রচনা, বড় গল্প—‘টাইফয়েড’ ।

শুনে চমকে গেলাম ।

এর পরই এলেন বনফুলের মেজভাই ভোলানাথ । তিনিও ডাক্তার । ভাগলপুর থেকে কিছু দূরে ডাক্তারি করেন । চমৎকার চেহারা । খাপখোলা তলোয়ারের মতো । ভোলানাথও লিখতে পারেন । কিছু কিছু লেখা প্রকাশিতও হয়েছে । কিন্তু পরে আর চর্চা রাখেন নি । চমৎকার মানুষ ।

তিন দিন ছিলাম বনফুলের ওখানে । তিন দিনেই বন্ধুলাম, আমার রোগের উপশম হয়েছে । চতুর্থ দিনে রওনা হলাম । বনফুল ও তাঁর গৃহিণী অনেক অনুরোধ করলেন । কিন্তু আমার তাগিদ ছিল । এবং সপ্তাচারের সঙ্গে বলছিই যে, বনফুলের মতো স্বাস্থ্যবান ব্যক্তির সঙ্গে আহায়ে সাহিত্যলাপে মজলিসে পাল্লা দিয়ে চলা আমার পক্ষে কঠিনও হয়ে উঠেছিল ।

আমার জীবনে সাহিত্যিক সন্মুখের মধ্যে অন্তরঙ্গতমদের মধ্যে বলাই অন্যতম । সঙ্গনীকান্তের পরেই তিনি স্থান জুড়ে বসেছেন । দীর্ঘদিন ধরে অনেক প্রীতিনিবেদন নিয়মিতভাবে চলেছে পত্রালাপের মধ্যে । দু-চারবার মতান্তরও ঘটেছে । অনেকদিন নীরবও থাকি দুজনে । আবার একটা ডাক আসে, মনের দুরার খোলে ।

একবার জামসেদপুরে চলন্তিকা-সাহিত্য-সম্মেলনের আসরে আমরা প্রকাশ্যে কোমর বেঁধে লড়াই করেছিলাম । সে লড়াই কবির লড়াইয়ের মতো উপভোগ্য হয়ে উঠেছিল প্রোত্‌মণ্ডলীর কাছে । লোকে ভেবেছিল, দুই বন্ধুর বন্ধি বিচ্ছেদ ঘটে গেল জীবনে । কিন্তু সভার শেষে দুজনকে গলা ধরে বেড়াতে দেখে তাঁদের বিস্ময়ের সীমা ছিল না । ফেরাবার পথে ট্রেনে চার-পাঁচ ঘণ্টা ধরে বনফুল যে অলৌকিক কাহিনী শুনিয়েছিলেন, তার অনেকগুলি এখনও মনে আছে ।

আব একবার ঘণ্টিভল, আমার “কবি” উপন্যাস নিয়ে ।

“কবি” উপন্যাসখানি বনফুলের কাছে ভাঙ্গার বলে মনে হয়েছিল ।
অবশ্য আমি কোন বাদ-প্রতিবাদ কবি নি ।

আরও দু-চারশাব ঘটেছে হয়তো । সে সব তুচ্ছ ঘটনা । মোটের উপর বনফুল আমাব জীবনে অনেক প্রেমাণা যুগিয়েছেন । তাঁর কাছে আমার অনেক ঋণ । অদ্ভুত মানুষটিকে দূর থেকে প্রজ্ঞা নিবেদন করি । কাছে যেতে সাহস করি না, ওই সবলদেহ মানুষটিব সঙ্গে ভাল রেখে চলতে পারব না—কি আশ্চর্য, কি ঘোরাঘ, কি সাহিত্যালাপে ।

বনফুলের ওখান থেকে অর্থাৎ ভাগলপুর থেকে গেলাম পাটনা । পাটনাতে এসে দেখলাম একজন বড় মানুষকে । কিন্তু তার পূর্বে একজন অতি সাধারণ মানুষের কথা আছে । পাটনা যাবার পথে একটি নগণা মানুষ মনে ঠাই কবে নিষে বসে সযেছে । মাত্র কয়েক ঘণ্টাব জ্ঞানা পবিদয় । পরিচয়ই বা কি ! কয়েকটা কথাবার্তা, সামান্য কিছু অর্থ ও কর্ম বিনিময় । এতেই সে সেদিন এমন আনন্দ দিযেছিল যাব স্বাদ অমৃতের মতো, না হলে সে স্বাদের স্মৃতি আজও ভুললাম না কেন ?

কিউল জংশনের ধর্মশালায় পরিচায়ক । ওই দেশের দেহাতি মানুষ ; সবল সন্দুদেহ, শান্ত, মিন্ভাষী । রাতি একটােব সময় শীতে হি হি করে কাঁপতে কাঁপতে এলাম ধর্মশালায় । নদীব ধারে ফাঁসা মেশানে আমাকে জামা-জোড়া পবেও কাঁপতে দেখে কুলি ওখানই এনে ভাল দিলে । মধ্যে উঠান, চাবিদিকে খিলেবে বাবান্দাওয়ান্দা সানি সানি ঘন ; নদীব লাতাস নই ; উঠানে ঢুকতেই আবাম পেলাম । সঙ্গে সঙ্গে সেই রাতিকালে লোকটি এসে দাঁড়াল ।

পবণাম বাবুজী !

প্রজ্ঞাসা করল'ম—কে তুমি ? উত্তর পেলাম—আপনাদের সেবক আমি ।
এই ধরমশালাব নোকব । হাত জোড় কবে বললে ।

এ সংসারে কত মানুষ দেখলাম, বড়-ছোট নিঃস্বার্থ-স্বার্থপর ভদ্র-ইতর ; কিন্তু এমন একটা মানুষ দেখলাম না বলেই আজ মনে হচ্ছে । অন্তত এই ধরনেব এমন মানুষ ।

আপনাব কর্তৃগণলি লিখিতভাবে কবে গেল, এক বিবদু বিবস্তি দেখলাম না, যে কাগণলি কবনে এতটুকু ক্রটি তার চোখে পড়ল না ।

এবট মধ্যে সে কিছু নাগিক্যও করলে আমার সঙ্গে ।

বললে—আঁগিয়াবা বাবুজী, তোমাব বাতি না হলে তো অসুবিধে হবে ।

অন্ধকারে আলো কেউ ধবে না, এইটেই চিরন্তন দৃথ এবং সত্য । খরতে চাইলে নেব না ? বললাম—নিশ্চয় চাই । এনে দাও । মনে মনে ধর্মশালায়

প্রতিষ্ঠাতাকে ধন্যবাদ দিলাম সঙ্গীবেচনার জন্য। বললাম, তোমার শাসন পথে তুমি দেওয়ালীর সমারোহ জ্বালাবার ব্যস্থা করেছ যে নিশ্বাসে, সে নিশ্বাস সত্য হোক।—সত্য হোক—সত্য হোক। লোকটি তিন ঈশ্বর লম্বা আঙুলের মতো সরু বাতির বাণ্ডিল এনে নামিয়ে দিয়ে বললে—নাও, কটা নেবে।

ভাংছিলাম স্বার্থপরের মতো বেশি নেওয়ানি কি উচিত হবে?

লোকটি সবিনয়ে বললে—দাম কিন্তু শাসন থেকে একটা চড়া। কত বলেছিল মনে নেই। আজকের দিনের অর্থাৎ স্বাক্ষর তাগুনে পুড়ে থাক হয়ে যাওয়া বাজারের মধ্যে বসে সে বাজারের দর-দাম মনে করা অসম্ভব।

চমকে উঠে বললাম—দাম লাগবে নাকি?

সবিনয়ে সে হাতজোড় করে বললে—গরিব আদমী আমি শাস্ত্রী—ধরমশালার নোকর, আপনাদের সেবক, ঐশ্ব্যনকার অতিথি আগন্তুকদের অঙ্ককারে কষ্ট হয় দেখে লাতি এনে বেখেছি! বাজারে দাম অশা কম। এত দাম। ঐখানে আমি এনে রাখি, তোমাকে কষ্ট করে যেতে হয় না, তার জন্য কিছু বেশি নিই। এই মাত্র। তা তুমি একটাই নাও; নিলিয়ে রেখে দাও, দরকার হলে গ্যাচিস ধরিয়ে জ্বালিয়ে নেবে। ভয় নেই, অঙ্ককারে থাকলে কোন ফিনিস তোমার চুরি যাবে না। আমি পাহারা আছি।

সঙ্গে আমার লোটা বা কোনো জলাধার ছিল না; উঠানে একটি কুশোতে শিকলে বাঁশ একটি বালতি আছে—সাপাধনের জন্য। জল তলে হাত খেতে হয়। লোকটি লোটা ভাড়া দেয়, বালতি ভাড়া দেয়। মাটির ভাঁড় বাখে, বিক্রি করে। দাম বেশি সে কথা সে অকপটেই বলে; কিন্তু সব থেকে আশ্চর্যের কথা, লোকটিকে তবু কালোবাজারী বলে মনে হয় না। চড়াদামে কিনেও তাকে উপকারী বস্তু বলে মনে হয়। এর মধ্যেও তার লোভ দেখতে পাই নি। তার সঙ্গে আলাপের মধ্যেই সে মঠো-ভাঁড় ভাঙা বাতি এনে দেখিয়ে বলেছিল—এই জন্যে শব্দজী, এই লোকসান হয় বলেই দাম কিছু বেশি নিই। আর মাটির ভাঁড় কত ভাঙে, সে আর কি বলব? এই এত।

অনিশ্বাস করি নি। তাকে অনিশ্বাস কেউ করতে পারে কি না জানি না। যিনি করেন তিনি মহাপাষণ্ড তাকে সন্দেহ নেই। সকালবেলা সেই কুলি ডেকে দিলে, বিদায় নেবার সময় একটি আখ-লি তার হাত দিয়ে-ছিলাম। সে পর্বীদিকে সদা-ওঠা সূর্যের দিকে তাকিয়ে হাত জোড় করে বলেছিল, হে সূর্য্যনাবায়ণ, বার-জীর মঙ্গল কর।

কুলি বললে—এই ওর আশীর্বাদের এবং কৃতজ্ঞতা প্রকাশের ভাষা।

কথায় কতটা তাকে প্রকাশ করতে পারলাম জানি না, এই বিবরণ পড়ে

তার সম্পর্কে কার কি ধারণা হবে বলতে পারি না, কিন্তু সে আমার অতীত কালের অন্ধকার চিত্রাকাশে দ্যুতিমান একটি নক্ষত্রের মতোই জ্বলে রয়েছে। ভাগলপুর থেকে পাটনা যাওয়ার পথে আর সবই অন্ধকারে হারিয়ে গেছে, কিন্তু কিউল স্টেশনের ধর্মশালা দেখতে পাচ্ছি তারই আলোতে।

পাটনায় এসে বনফুলকে লিখলাম এই কথা। বনফুল উত্তরে যা লিখলেন তার মর্মার্থ—ওর কথা সাহিত্যের মধ্যে ধরে রেখে দিন। স্বর্গ পালন করুন। নিজের তপ্তে ওই নরদেবতাটির অর্চনা করুন।

আমি তার আগেই অর্থাৎ বনফুলকে পত্র লিখে তাঁর পত্র আসতে আসতে “ভ্রমণ-কাহিনী” নাম দিয়ে একটি গল্প লিখে পাঠিয়ে দিলাম “দেশ” পত্রিকায়। “বাদ্যকারী” নামে গল্পসংগ্রহে গল্পটি আছে।

পাটনায় এলাম দীর্ঘকাল পর। বোধ হয় বছর আশেটেক পর। শেষ এসেছিলাম উনিশশো তিরিশ সালের মে মাসে কি জুন মাসের প্রথমে। জেলে যেতে হবে, আদালতে হাজির হয়ে আত্মসমর্পণের দিন পড়েছে, তার আগেই এখানে এসেছিলাম আমার মাকে নিয়ে যেতে। দেশের ম্যালেরিয়ার মারের শরীর খারাপ হয়েছিল। মা এসেছিলেন শরীর সারাতে। তার পর এই। এই সময় আমার বড় ছেলে এখানে থেকে কলেজে পড়ছিল। সেও ছিল পাটনায়।

পাটনায় এই প্রথম এলাম সাহিত্যিক পরিচয় নিয়ে। আমার বড় মামা ছিলেন ব্যাধিগ্রস্ত মানুষ। পাটনার ওই পাড়ায় সকল কর্মের অগ্রণী, লাইব্রেরি, ক্লাব, থিয়েটার, সেবাস্থান, সংস্কার-সমিতি—সর্বত্র ছিল তাঁর স্থান। ওইটাই ছিল তাঁর কর্ম এবং ধর্ম। সরল মানুষ, প্রেমিক মানুষ, পড়াশুনাও প্রচুর, কিন্তু তার সঙ্গে দূরত্ব ছিল তাঁর ক্রোধ। প্রথম দিন সন্ধ্যাতেই তিনি আমাকে নিয়ে গেলেন একটি আড্ডায়।

একটি মানুষ দেখলাম সেখানে।

কিউলে দেখে এসেছিলাম একটি মানুষ, আর এই এক মানুষ। ভাস্কর মহিমময় দিব্যকান্তি প্রসন্ন সহাস্য। ছ ফুটের উপর লম্বা, যাকে বলে—শালপ্রাণশূন্য মহাভদ্র। রক্তাভ গৌরবর্ণ, তীক্ষ্ণ সঙ্গঠিত দীর্ঘনাসা, বৌতুলোদ্ভল ঝকঝকে চোখ, মজলিসের সকল মানুষের উপরে মাথা তুলে বসে আছেন—ইচ্ছে করে নয়, স্বাভাবিকভাবে।

লম্বা হাতখানা বাড়িয়ে সাদর সম্ভাষণ জানিয়ে বললেন—এস ভাগ্নে এস।

একটি শব্দ উচ্চারণ করে একটু থেমে আবার একটি শব্দ উচ্চারণ করে কথা বললেন। বর্ণনা শুনে চালা মনে হতে পারে—হয়তো এমন

ধরনে কথা বলা তাঁর প্রথম ঘোবনের কোন ফ্যাশন অনুরাগী অভিযাসও বটে, কিন্তু অন্তরের প্রসন্নতার মাধুর্যে কণ্ঠস্বর ও বাগ্‌ভঙ্গি এমন অস্বাভাবিক যে পদাঙ্গত একটি গোলাপের ডালের মতো কাঁটার কথা ভুলিয়ে দিয়ে ফুলের শোভায় চিত্তলোককে রঙের বাহারে রাঙিয়ে তোলে, হাসসত্ত্ব করে দেয়, গঞ্জে তৃপ্ত করে। গোলাপের ডালের উপমাটা আপনিই এসে গেল। কারণ, শচীমামার কথা বলতে গেলেই গোলাপবাগের কথাই মনে পড়বে তাঁর ছবির পটভূমি হিসেবে। গোলাপের শখ শচীমামার বোধ করি এ জীবনের সব থেকে বড় শখ।

শচীমামা—শচীন্দ্রনাথ বসু, ব্যারিস্টার। শচীমামাকে না দেখলে পাটনা দেখা সম্পূর্ণই হয় না বলেই আমি মনে করি। হাজার মানুষের মধ্যে প্রথম চোখে পড়বার মতো মানুষ। বাংলা দেশে এ কালে এমন সদৃশ রূপের একটি মানুষ মাত্র আমার চোখে পড়েছে। তিনিও অংশ্য যে-সে-নন, ঠাকুর বংশের সন্তান শ্রীসৌম্যেন্দ্রনাথ ঠাকুর। দীপ্তিতে শচীমামার কান্টি, সৌম্যেনবাবু অপেক্ষা আরও উজ্জ্বল। খেমন বাইরের কান্টি, তেমনই কান্টি অন্তরের। শূন্য কান্টিই নয়, অন্তরের ঐশ্বর্য ও অফুরন্ত এবং সে ভাঙার উদারতায় অকৃপণ, মাধুর্যে সুপ্রসন্ন প্রশান্ত। ভরাট কণ্ঠস্বর, তেমনি প্রাণ-খোলা হা-হা-হা হাসি।

পাণ্ডিত্যও অগাধ, বেদোজ্জ্বলা বুদ্ধি, কিন্তু তার স্পর্শ প্রথর কণ্ঠকতীক্ষ্ম নয়। রস-রসিকতায় প্রদীপ্ত, কিন্তু উত্তাপ নেই। মানুষটির সমস্ত জীবনকে বেঞ্চে করে বৈরাগ্যের একটি গৈরিক উত্তরীয় জড়ানো আছে। জীবনে এ মানুষের যা বা যতখানি পাওয়া উচিত ছিল তার কিছুই পান নি, কিন্তু তাঁর কামনা বাসনা যেন এক অপরূপ প্রসন্নতার স্পর্শে প্রশান্ত হয়ে নির্লিপ্ততার পরিণতি লাভ করেছে। সুপ্রসন্ন বৈরাগ্যে তিনি মহিমাম্বিত।

প্রথম ঘোবনে হেডমাস্টার ছিলেন দেওঘর ইন্সকুলে। তারপর উর্কিল হয়েছিলেন। ওকালতির কালে অসহযোগ আন্দোলনে বর্তমান ভারতের রাষ্ট্রপতি পণ্ডিত রাজেন্দ্রপ্রসাদের সহকর্মী ছিলেন; তারপর কিছুকাল উদাসীর মতো দেশে দেশে বেড়িয়েছেন। এখন ব্যারিস্টার, কিন্তু সে দিকে তাঁর আদৌ রুচি নেই, অনুরাগ নেই। প্রথম বয়সে সাংবাদিকতার ক্ষেত্রে স্বর্গীয় মতিলাল বোষ মশায়ের সঙ্গে পরিচয়ের সূত্রে “অমৃতবাহারে” লিখতেন।

সন্ধ্যায় তাঁর বাড়িতে একটি মনোরম আড্ডা বসত। সেখানে পাটনার বাঙালী সমাজের বিশেষ বিশেষ ব্যক্তি আসতেন। শ্রীযুক্ত যোগীন ঘোষ—পাটনার বাঙালী সমাজের মদ্যোজ্জ্বল-করা বিশ্ববিদ্যালয়ের ছাত্র, পাটনার ট্রেনিং কলেজের অধ্যক্ষ বা সহকারী অধ্যক্ষ; সাহিত্যে যত অনুরাগ তত পড়াশোনা,

ঈশ্বর বস্তু তীক্ষ্ণ রসিকতার অনুরাগী হলেও সম্ভব নয় মানুষ ; সভ্যতারের বুদ্ধিদায়ী ব্যক্তি । তার সঙ্গে তাঁর শখ বাগানের । যোগীনন্দ মিতব্যয়ী ব্যক্তি, জীবনে কোনখানে এক বিম্ব আতিশয্য অমিত্যচার নেই কিন্তু ফুলের শখে যোগীনন্দ প্রচুর খরচ করেন—শব্দ অর্থই নয়, তাব সঙ্গে নিজের শ্রম এত সময় । আর ছিল তাঁর ছেলেকে সভ্যতারের মানুষ করে তোলার কামনা এবং তাব জন্য অধাবসায় । যোগীনন্দর ছেলে পাটনা বিশ্ববিদ্যালয়ের কৃতী ছাত্র ; হীবোমানিকের মতো উজ্জ্বল ; তাব সঙ্গে যোগীনন্দর মানুষের জীবন-গঠনে যা কিছু প্রয়োজন তা অর্জনে সাহায্য করেছেন, উৎসাহিত করেছেন । নিজের ছেলেকে নিয়ে গঙ্গার তীরে যেতেন, ছেলেকে সঁতার শেখাতেন । ছেলে গঙ্গা-পারাবার কবত, বাপ নৌকা নিয়ে পাশে পাশে চলতেন ।

আব একজন আসতেন শ্রীশম্ভু চৌধুরী—পাটনা মেডিকেল কলেজের সান্যালদেব আশ্রয় ; সায়ালজির অধ্যাপক ; লক্ষ্যের লোক, লক্ষ্যের স্থিতিতে স্থিতি, সান্যাল ও পাহাড়ী সান্যাল তাঁর আশ্রয় । পাটনাতেই বাড়ি কিনে পাকা বাসিন্দে হয়েছেন ; লক্ষ্যের তদুত্ত-ভাবনা সবই আছে এবং তন্য দিকে শ্রীযোগীনন্দর সঙ্গে এক টোলের ছাত্রের মতোই সাহিত্য ও কুসুমবিলাসী । ফুলের বাগানে শব্দবান্দ খরচ অনেক ।

এদেব দুজনের বাড়িতে যে গেল এবং সম্ভবত এখনও যে যায়, তাকে কিছুক্ষণ মগ্নভাবে দাঁড়িয়ে থাকতে হয় । বিশেষ করে শীতকালে, মরসুমী ফুলের সমাপ্তির সময় । দেশ-দেশান্তর থেকে বীজ আনিয়ে চাষা তৈরি করে যে ফুল তাঁরা ফোঁন, তাব শোভা দেখে যে কোনো মানুষকে মগ্ন হতেই হবে—সে যত বড় রূঢ়প্রকৃতি বাস্তববাদী হোক না কেন ? বাগানের এক প্রান্তে কোনো পাতে গোবর পচছে, কোনটায় পাতা পচছে, কোনটায় কিছু, এবং সে সবই তাঁরা নাড়েন ঘাঁটেন । শচীমামা এদের নাম দিয়েছিলেন, বাগানিয়া । এই বাগানিয়াদের বাগান থেকে মরসুমী ফুলের কিছু চারা আসত শচীমামার বাড়ি । শচীমামার শখ ছিল শব্দ গোলাপে । যশিডির বিখ্যাত গোলাপবাগানের মালিক তাঁর ছাত্র । শচীমামা প্রথম দিন ফুলদান থেকে একটি গোলাপ ফুল তুলে আমার দিয়েছিলেন ।

আর-একজন এই আসরের নিয়মিত সভ্য ছিলেন । তিনি আসতেন সকলের শেষে, তাই শেষেই তাঁর নাম করছি—নইলে তিনি বৈশিষ্ট্য-খ্যাতিতে-সংস্কৃতবানতার কারও চেয়েই কম নয়, বরং সাহিত্যক্ষেত্রে খ্যাতিনামা একজন বড় অধিকারী । আমাদের রঙীনদা অর্থাৎ শ্রীশম্ভু হালদার ; বি এন. কলেজের বাংলার অধ্যাপক । পাটনার বাংলাসাহিত্য সম্পর্কে সর্বশ্রেষ্ঠ কণ্ঠ-পাথর । আজীবন কুমার রঙীনদা সাজে-পোশাকে চালে-চলনে যেমন পরিচ্ছন্ন

তেমনই পরিপাটি। সে আমলে থাকতেন বি. এন কলেজের হোস্টেলের অধ্যক্ষ হিসেবে; সে ঘরে গিয়ে চোখ জুড়িয়ে যেত। রঙীনদা সন্ধ্যার পর হোস্টেলের দেখাশুনা ও তত্ত্বাবধান সেরে আয়নার মতো পালিশ-করা গ্রেজিকিডের আলবার্ট পাল্পে, খদ্দেরের দামী খুঁতি, চমৎকার ফ্যানেলের পাঞ্জাবি ও সরুপাড় সাদা শালখানি গায়ে দিয়ে এসে হাজির হতেন—কোনদিন. সাড়ে-আট, কোনদিন নয়, কোনদিন সাড়ে-নটায়। শচীমামার গেটের বাইরে রাস্তায় একখানি ফিটন এসে থামত। শচীমামা বসতেন হাট্টু ভেঙে, হাট্টুর ভাজের মধ্যে হাতের মৃদোটি রাখতেন, শব্দ শুনেনই হাত তুলে বলতেন—ঃঃই!

তারপর থেমে থেমে বলতেন, সে—এসেছে।

প্রথম দিন রঙীনদা আসতেই শচীমামা আমার দিকে তাকিয়ে হেসে বলেছিলেন, ভাগে, এইবার তোমার যাচাই হবে। এইবার বোঝা যাবে, তোমার কত দর! কাঁচপাথর এল! শিক্ষিত অবশ্যই হয়েছিলাম। এই পিণ্ডিত-মন্ডলীর মধ্যে এসে অবধিই নিজেকে অসহায় এবং সত্যি নগণ্য বলে বোধ করছিলাম। শব্দ স্নেহ পরিমন্ডল অনুভব করে ভরসা পেয়ে পিপাসু চিন্তে তাঁদের মিলনতীর্থের গোমুখী থেকে করা জলধারা পানের প্রত্যাশায় বসে ছিলাম।

পরীক্ষা দেবার জন্য প্রস্তুতও নই, যোগ্যতাও নেই। ভয় না পেয়ে উপায় কি? রঙীনদা কিন্তু আদৌ আমাকে যাচাই করেন নি। তিনি আমাকে স্নেহের বশেই খাটি বলে গ্রহণ করেছিলেন।

রঙীনদা এলেই উঠত তর্ক। সাহিত্যিক তর্ক। এক দিকে শম্ভুবাবু ও যোগীনবাবু, অন্য দিকে একা রঙীনদা। ভরাট মোটাগলা রঙীনদার বশ্ত উচ্চ থেকে উচ্চতর গ্রামে উঠত। শচীমামা বসে বসে হাসতেন, উপভোগ করতেন। সর্বশেষে মৃদু খুলতেন তিনি। তাঁর মতামত মেনে নিতেন সবাই, না মেনেও উপায় থাকত না। তাঁর বিচার ছিল নিভুল, অনুভূতি ছিল সুস্বাদু; তাই বিচারের উক্তিগুলি হত অলঙ্ঘনীয়—সে যেন প্রাণের তারে ঝংকার তুলে দিত, সপ্তে সপ্তে মনে হত, তাই তো, এই তো ঠিক—এই তো সত্য।

পাটনার আরও অনেক সূধী ছিলেন। তাঁদের মধ্যে অধ্যাপক শ্রীনিবাস-বিহারী মজুমদার অন্যতম। ঐতিহাসিক, দৈক্ষ-সাহিত্যে সুপণ্ডিত এবং বোধ করি কোন প্রাচীন দৈক্ষবাচার্য ঘরের সন্তান। তাঁর অন্তরে বংশগত দৈক্ষ-সংস্কৃতির বীজ ছিল। কিন্তু তখনও তা উদ্ভূত হয়নি বলেই আমার মনে হয়েছিল সে সময়। এখনকার কথা জানি না। হওয়ারই কথা। একালের পাণ্ডিত্যের আধিক্যে, বৈষম্যের ফলে যদি সে বীজকে অঙ্কুরেই বিনষ্ট করে থাকে, তবে বলতে পারি নে।

বিমানবাহু এলে রঙীনদা সেদিন জেঁকে বসতেন, ভাবটা—যুদ্ধে দেখি !
তুমুল এবং প্রবল তর্ক শূন্য হয়ে যেত । রাশি দশটা সাড়ে-দশটার আসর
ভাঙত ।

বড় মামার সঙ্গে বাড়ি ফিরতাম স্তব্ধ হয়ে । মন পরিপূর্ণ হয়ে থাকত ।
কত শুনলাম, কত শিখলাম ! শীতের রাশি দশটা সাড়ে-দশটাতেই পথ হয়ে
যেত জনবিরল—সন্তত এই অঞ্চলটা । মধ্যে মধ্যে পিছনে অন্ধকারের মধ্যে
বেজে উঠত ঘোড়ার ফুরুর এবং গলার ঘণ্টার ধ্বনি । মনে হত কোন যেন
মধ্যযুগ ।

এক্সাওয়াল হেঁকে উঠত, হঠ যাইয়ে, বচ যাইয়ে—বচ যাইয়ে ।

রাস্তার ধার ঘেঁষেই আমরা চলতাম, আমাদের জুতোর শব্দ উঠত ।
কিন্তু সেসব কিছুই আমার আচ্ছন্ন চৈতন্যের ধ্যান ভাঙতে পারত না ।
স্বপ্নাচ্ছন্ন মতোই চলতাম । কোনো কোনো দিন কোনো বাড়ির বাগানের
গাছের ছায়ার অন্ধকারের মধ্য থেকে রসিক পাগলের কণ্ঠস্বর বেজে উঠত—
গাছ থেকে ফল পড়ল, সেই দেখে তুমি আবিষ্কার করলে মাধ্যাকর্ষণ, বেশ
কথা, বড় আবিষ্কার কবেছ—এ গ্রেট ম্যান তুমি । কিন্তু বলতে পার—
কোন আকর্ষণে, কার আকর্ষণে মানুষের জীবনটা চলে যায়, দেহটা পড়ে
থাকে ? বলতে পার ?

একদিনের কথা মনে পড়ছে । ওই কথাই আপন মনে বকছিল পাগল
রসিক । বাঙালীর ছেলে, শিক্ষিত ছেলে ছিলেন, শচীমামাদের থেবেও বয়সে
বড়ো ; পাগল হয়ে গিয়েছিলেন ।

জিজ্ঞাসা করেছিলাম, কি বলছেন ? কার সঙ্গে কথা বলছেন রসিকবাবু ?

দাড়িতে হাত বুলিয়ে চিন্তাকুল নেত্রে রসিকবাবু বলেছিলেন, কথা বলছি
নিউটনের সঙ্গে ।

নিউটনের সঙ্গে ?

হ্যাঁ । এই যে ইটের থামটা দেখছ, এইটে—এইটেই কখনোও নিউটন
হয়, কখনো শেকস্পিয়ার হয়, কখনোও গ্যালিলিও হয়, কখনোও মাইকেল
হয় । মাইকেল মধুসূদন গো ! তারা এসে থামের মধ্যে মিশে থাকে, কথা
বলে । আবার চলে যায় ।

কি জিজ্ঞাসা করছিলেন না ?

হ্যাঁ ।

যে প্রশ্ন করেছিলেন তাই পুনরাবৃত্তি করলেন—দেহটা পড়ে থাকে আর
জীবন কার আকর্ষণে কোথায় যায় ? বলতে পার ? তা পারলে না !
পারলে না ! জানো না ।

রসিক পাগল এই সময়টায় আমাকে খুব অভিভূত করেছিলেন। আধুনিক বিজ্ঞানসম্মত দৃষ্টিতে রসিকবাবু পাগল ছাড়া কিছুই নন। তাঁদের বংশেও নাকি এই ব্যাধি ছিল। তাঁর পূর্বপুরুষের কথা জানি না; তবে তাঁর ছোট ভাইকে দেখেছি, তাঁর মস্তিষ্কও স্বেচ্ছ নয়। রোগা লোক, খোনাটে সুরে কথা বলতেন। অত্যন্ত ভীতু, বিশেষ করে বড় ভাইকে প্রায় ভূতের মতোই ভয় করতেন। রসিকবাবুকে পথে আসতে দেখলে সঙ্গে সঙ্গে কাঠুর বাড়ি ঢুকতেন বা উলটো পথ কি পাশের গলি ধরে সরে পড়তেন। বলতেন, ওঁটা পাগল—বঁক পাগল। বোধ করি এক ভগ্নীও পাগল ছিলেন। প্রথম দিকে রসিকবাবু ভয় করবার মতোই মানুষ ছিলেন। অনেক কাল আগে, বোধ করি ১৯১৫।১৬ সনে তাঁকে যখন প্রথম দেখি তখন আমিও ভয় পেয়েছিলাম। মাথায় কাঁকড়া চুল, দাড়িগোঁফে আচ্ছন্ন মুখ, বোঁপানিসার নগ্ন দেহ, সবল পেশী পরিপুষ্ট ভোয়ান, বাঁধে কম্বল নিয়ে উন্মাদের মতো পথ হাটতেন, আর অনবরত বলতেন, ছুঃ! ছুঃ! ছুঃ! ছুঃ!

যেন ফুঁ দিয়ে কিছু উড়িয়ে দিচ্ছেন বা ঘুণায় ফুৎকার দিচ্ছেন— ছুঃ! ছুঃ! মুখটা এদিকে ফিরত একবার, ওদিকে একবার। সব দিকেই যেন সেই বস্তুটা রয়েছে, যাকে উড়িয়ে দিতে চান বা যার উপর ঘুণার নিষ্ঠুর নিক্ষেপ করছেন।

লোকে বলত, কালী সাধনা করতে গিয়ে শবাসনে বসে পাগল হয়ে গেছেন।

হওয়া কিছু বিচিত্র নয়। কারণ এ দেশে ও পদ্ধতিটা আছে, তখনোও ছিল, একেবারে ও-সাধনা বিলুপ্ত হয় নি এবং পাগলও বহুজন হয়েছে। এতে কেউ কোনো প্রতিবাদই করবেন না। সিদ্ধি পেয়েছেন, সাধনা পূর্ণ হয়েছে বললেই ঝগড়া হবে, কিন্তু রসিকবাবু তা থেকে রেহাই দিয়েছেন মানুষকে। তবে তাঁর কথাবার্তা আচার-আচরণ অত্যন্ত বিচিত্র। সেই কারণেই আমাকে আকৃষ্ট করেছিলেন রসিকবাবু। যখন তিনি উন্মাদ পাগল, তখনকার একটি কথা মনে পড়ছে। তখনই তাঁর প্রতি মন প্রথম আকৃষ্ট হয়। মামাদের বাড়ির সামনে রাস্তার উপরে একটা কুকুরছানাকে একটা এক্সা চাপা দিয়ে গেল। কুকুরছানাটা মরণ-যন্ত্রণায় চিৎকার করে উঠল। ছুঃ! ছুঃ!— শব্দ করে রসিক পাগল যাচ্ছিলেন পাশ দিয়ে, মৃদুত্রে সেই শব্দ শুনে নিভেই যেন একটা নিষ্ঠুর যন্ত্রণা অনুভব করে বেকৈচুরে ঘুরে দাঁড়িয়ে, চিৎকার করে উঠলেন—আঃ! মরণ। মৃত্যু আগোয়া।

তারপর ছানাটা তাঁর চোখে পড়ল। পাগল ছুটে এসে পাশে হাঁটুগেড়ে বসে ঝুঁকে পড়ে দেখে, চিৎকার করে উঠলেন—জল! পানি! জলদি! ডাক্তার! ডাক্তার বোলাও! জলদি!

এর মধ্যেই কুকুরছানাটা শেষ হয়ে গেল।

যে মূহুর্তে পাগলের তা উপলব্ধি হল, সেই মূহুর্তে উঠে দাঁড়িয়ে সারা শূন্যলোকটা খুঁজে চিৎকার করে উঠলেন—কাঁহা গয়া? কাঁহা? কিধর?

এর পর দীর্ঘকাল পরে রসিকবাবুকে দেখলাম—শান্ত পাগল। গভীর কোনো ভাবনায় ঘেন মগ্ন হয়ে আছেন। মানুষের সঙ্গে কদাচ কথা বলেন। কথা বললেও স্বল্প কথায় মূদুস্বরে উত্তর দেন। তখন দুপুর হলেই কারুর বাড়িতে গিয়ে বসেন। তারা খেতে বললে খান, না বললে কিছুক্ষণ পর উঠে চলে যান। আমার মামাদের বাড়িতে তাঁর খুব খাতির ছিল। আমার দিদিমা-মাসিমারা বিশ্বাস করতেন যে, শবাসন ছেড়ে পাগল হয়েও আবার সাধনা করে রসিক সিদ্ধ হয়েছেন।

সিদ্ধ হোন বা না হোন, বৃদ্ধ বয়সে শান্ত নীরব রসিকবাবুকে সেই এক ভাবনাতেই মগ্ন থাকতে দেখেছি। যে উন্মাদ, উচ্চ চিৎকারে ওই কুকুরছানাটার আত্মা বলুন, জীবন বলুন, প্রাণ বলুন সেটা কোন্‌দিকে গেল খুঁজেছিলেন, সেই পাগলকেই শান্তভাবে শীতের রাত্রে রাস্তার ধারে বসে একটা গ্যাস-পোস্টকে নিউটন ঠাউরে তাকে যখন প্রশ্ন করতে শুনলাম—গাছ থেকে ফল পড়া দেখে মাধ্যাকর্ষণ তো আবিষ্কার করলে তুমি; কিন্তু কই, বল তো মানুষের প্রাণটা কিসের আকর্ষণে, কেমন আকর্ষণে কোথায় যায়? কি হয়? তখন এ সন্দেহ আর থাকে না যে এই লোকটি—মৃত্যু কি, মৃত্যু কেন, মৃত্যু কোথায়—সেই আদিম মহাপ্রশ্ন নিয়েই পাগল হয়ে গেছেন ও আছেন।

রসিক-পাগলকে শান্তরূপে দেখি উনিশশো তিরিশ সনের মে বা জুন মাসে। তখনও তাঁর মুখে এই প্রশ্নই শুনছিলাম। আমি জেলে যাব, কোর্টের সমন হয়েছে হাজির হতে। আমার মা তখন পাটনায় ছিলেন; কোর্টের সমন পেয়েই তাঁকে আনতে গিয়েছি। বেলা সাড়ে-দশটা এগারোটার সময় পাগল এসে বাড়ি ঢুকে বসলেন—কম্বল নামালেন, আপনমনেই বিড়বিড় করতে লাগলেন। জিজ্ঞাসা করে জানলাম, এই সেই উন্মাদ পাগল রাসিকবাবু। দিদিমা-মাসিমারা তাঁর সিদ্ধিলাভের কথাও বললেন। আমার কৌতূহল বাড়ল। বেশ তীক্ষ্ণ মনঃসংযোগ সহকারেই তাঁকে দেখতে শুরু করলাম। খুব কাছে বসে কথা শোনবার চেষ্টা করতাম, কিন্তু কাছে গেলেই পাগল চুপ করে যেতেন। একদিন কিছু ঘেন আলোচনা করছিলাম আমরা, সে আলোচনার মধ্যে ‘বিষ’ কথাটা ছিল, এবং মৃত্যুও ছিল। একটার সঙ্গে অন্যটার সম্বন্ধ অত্যন্ত ঘনিষ্ঠ।

ঠিক এই সময়েই পাগলের জন্য ভাতের থালা কেউ নিয়ে এলেন, এবং

আসনের সামনে নামিয়ে দিলেন। আমরা আলোচনাই করছি, পাগলের দিকে দৃষ্টি কারোও ছিল না। হঠাৎ একসময়ে আমার বড় মামার দৃষ্টি পড়ল তিনি বললেন, কি হল রসিকদা, খাচ্ছেন না যে?

এবার আমিও দৃষ্টি ফেরালাম; দেখলাম, পাগল ভাতের থালা সামনে রেখে আসনে বসে আছেন, ভাতে হাত দেন নি; হাত নেড়ে যাচ্ছেন আর বিড়বিড় করে বকছেন।

মামার কথার উত্তরে পাগল মামার দিকে তাকিয়ে বললেন, বিষ? না? বিষ যেখানে, মৃত্যু সেখানেই। তা হলে মৃত্যু যেখানে, সেইখানেই বিষ। মৃত্যু তো সর্বত্র। বিষও সর্বত্র। ভাতেও তা হলে বিষ!

আমি এমনি, বোধ করি, তাঁর বিষভীতি ঘোচাবার জন্যেই বললাম, সর্বত্র কি শূন্য মৃত্যুই আছে? জীবনও যে রয়েছে সর্বত্র। ভাতেও কি শূন্য বিষই আছে? জীবন নেই? নইলে ওতেই জীবন বাঁচে কেন? জীবনই তো অমৃত।

মুখের দিকে তাকিয়ে তারিফ করে পাগল বললেন, ভালো বললে তো! হ্যাঁ। তাও তো বটে! তাই তো! তা হলে ভাতটা বিষ নয় বলছ? উহুঁ।

বললাম, বিষও বটে, অমৃতও বটে। বিষামৃত।

খুব খুশী হয়ে কথাটা বার বার যেন মনস্থ করলেন কিছুক্ষণ, তারপর খেলেন। যে কয়দিন সেবার ছিলাম, তার মধ্যে কয়েকদিন তিনি মামাদের ওখানে এসেছেন, রোজই কথাটা জিজ্ঞাসা করেছেন পাগল,—কি কথাটি হে? বিষামৃত, নয়?

হ্যাঁ। বিষামৃতেই সংসার সৃষ্টি হয়েছে।

হুঁ। ঘাড় নাড়তে শুরু করতেন পাগল।

শুরু তাঁর পাগলামির এই বিচিত্র একমুখীত্বই তাঁর সবটা নয়, আরও একটু ছিল। পাটনার অনেক সম্ভ্রান্ত ব্যক্তি তাকে ভালো খাওয়াতে চাইতেন, ভালো পরাতে চাইতেন, ভালো স্থানে আরামে রাখতেও চাইতেন, কিন্তু পাগল তা চাইতেন না। জগৎবাবু উকিল শীতবালে পাগলকে গাড়ি করে দোকানে নিয়ে গেলেন, দোকানদারকে বললেন, খুব ভালো কম্বল দাও। দোকানদার বিলাতী রাগের গাটির খুলে দিলে। পাগল একবার নেড়ে-চেড়ে বললে, উহুঁ।

আবার অন্য গাটির খুললে। পাগল ঘাড় নাড়লেন এবং শেষে আঙুল বাড়িয়ে যে কম্বল দেখিয়ে দিলেন, তা সামনের থাকে রয়েছে—একবারে অতি সাধারণ, যার দাম সেকালে ছিল দু টাকা কি তিন টাকা।

রসিক পাগলই। কোনো সিন্ধিযোগের বিভূতি তাঁর ছিল না; থাকলেও তার জন্যে আমি তাঁর দিকে আকৃষ্ট হই নি, আকৃষ্ট হয়েছিলাম এই বিন্দু প্রস্থ নিয়ে পাগল হয়েছেন বলে। আকাশের দিকে তাকিয়ে যারা ব্রহ্মাণ্ড কি প্রকাণ্ড বলে পাগল হয়, সে পাগলেরা পাগল হয়েও যে শ্রদ্ধা পায়, রসিককে আমিও সেই শ্রদ্ধার চোখে দেখেছি। এ সংসারে দুনিয়ার মঙ্গল করতে যারা বন্ধপারিকর হয়ে লক্ষ লক্ষ মানুষকে নির্যাতন করে, যুদ্ধ বাধায়, ধ্বংস করে দুনিয়া, তাদের চেয়ে এ পাগল অনেক শ্রদ্ধার মানুষ আমার কাছে।

আত্মসর্বস্বতামূলক পাগলামি আর রসিক পাগলের পাগলামি কত স্বতন্ত্র! প্রথমটা আমাকে বেদনা দেয়, দুঃখ পাই, মর্মান্বিত হয়ে ভাবি—অহংয়ের কি শোচনীয় পরিণতি! শেষেরটায় জাগে বিস্ময় এবং মৃগুও হতে হয় এই ভেবে যে, এই মহাতত্ত্বটা যে এমন দিশাহারা হয়ে ভাবলে, সে মানুষটার মধ্যে সম্ভাবনা তো কম ছিল না!

রসিক পাগল আমাকে এমনই প্রভাবান্বিত করেছিলেন যে, তাঁকে নিয়ে গল্প লিখেছি সে সময়। গল্পটির নাম “প্রতিধ্বনি”। পাগল মূর্খ ছিলেন না। কলেজে পড়েছেন, তবে কতদূর পড়েছেন আজ ঠিক মনে পড়ছে না। এবং প্রথম দিকে নাকি সে আমলের ইয়ংবেঙ্গলদের মতোই রীতিমতো ইংরেজ-নিবাস ছিলেন। যারা পশ্চিমপ্রবাসী বাঙালী-সমাজের সঙ্গে পরিচিত, তাঁরা জানেন এমনিতেই প্রবাসী বাঙালী-সমাজ কতখানি ইংরেজিভক্ত ছিলেন। সে আমলে ইংরেজের রাজ্যবিস্তারের সঙ্গে ইংরেজিতে রাজকাৰ্য সঙ্গম করে দেবার জন্যই বাঙালী দেশ ছেড়ে ভারতের বড় বড় শহরে গিয়ে বাস করেছিলেন। ইংরেজিতে দখলটাই ছিল জীবনে জীবিকা উপার্জনের মূলধন। এর উপর মডার্ন বা ইয়ংবেঙ্গল হবার ঝোঁক চাপলে সে মানুষ কেমন ধারার ছিল তা অনুমান করতে কষ্ট হয় না। কষ্ট হয়, সে মানুষ এই ধারায় ষড়রল কি করে ভেবে।

*

*

*

*

পাটনায় আর-একজন বৃদ্ধকে দেখেছিলাম। বাংলা-সাহিত্যের প্রতি অনুরাগী বঙ্গবাণীর প্রবীণ সেবক। সেকালের পশ্চিমী হাওয়ার মানুষ, ডাল রুটি ও ব্যারামে সবল দেহ—মথুরাবাবু। আমি যখন তাঁকে দেখলাম, তখন তিনি অশীতিপর বৃদ্ধ। তবুও বঙ্গ-সাহিত্যকে উপলক্ষ করে যে কোন অনুরোধ হোক, বৃদ্ধ এসে উপস্থিত হতেন। বঙ্গ-সাহিত্যের প্রতি তাঁর শ্রদ্ধা এবং অনুরাগ দেখে শ্রদ্ধানত চিন্তে ভাবতাম, প্রবাসী বাঙালী-

সমাজে জন্মে, মানুষ হয়ে, কি করে সে আমলে এত বড় অনুরাগ তিনি অর্জন করেছিলেন! সে আমলে প্রবাসী বাঙালীর পক্ষে বাংলার চেয়ে ইংরেজিটাই ছিল বেশী রসত। বাংলাতে একখানা সে আমলের ছোট আকারের পোস্টকার্ড লিখতে হলে তাঁরা বেশ একটু কষ্ট এবং মনে মনে তিস্ততা অনুভব করতেন।

এই ভাবটা খানিকটা কেটেছে জাতীয় আন্দোলনে, খানিকটা কেটেছে রবীন্দ্রনাথের নোবেল প্রাইজ প্রাপ্তির গৌরবে।

অবশ্য সর্বস্থানেই সর্বকালে ব্যতিক্রম থাকে, পাটনার বাঙালী-সমাজে মথুরাবাবুর কালেও ছিল। তিনি নিজেই ছিলেন এই ব্যতিক্রম। এবং ছিলেন আচার্য যদুনাথ সরকার।

আরও একজন ছিলেন। স্বর্গীয় যোগীন্দ্রনাথ সমাদার মহাশয়। এঁদের পর কিন্তু পাটনার বাঙালী-সমাজে দীর্ঘকাল এঁদের মতো নিষ্ঠাবান বাংলা-সাহিত্যের সেবকের আর আবির্ভাব হয় নি। এই দীর্ঘ ছেদের পর ঠিক এই সময়ে, অর্থাৎ আমি যখন গোলাম, তখন একদল বাঙালী তরুণ নতুন করে সাহিত্যসাধনার আসন পেতেছেন পাটনার। এঁদের সকলেই কৃতিবিদ্য। কেউ এম. এ. পাস করেছেন, কেউ এম. এ. পড়ছেন, কেউ বি. এ. পড়েন এবং সকলেই ছাত্র হিসাবে কৃতী। অবশ্য এর আগেই বর্তমান কালের বাঙালী সাহিত্যরথীদের মধ্যে একজন বিশিষ্ট রথী শ্রীযুক্ত অন্নদাশঙ্কর রায় পাটনার কয়েক বৎসরের জন্য এসেছিলেন। তিনি কোন আন্দোলন সৃষ্টি করেছিলেন বলে শুনি নি। তবে তাঁর ছাত্রজীবনের অসামান্য সাফল্যের গল্পের মধ্যে বাংলাভাষায় দখলের কথা শুনিয়েছিলাম। তারও একটি বৈশিষ্ট্য আছে। ম্যাট্রিকুলেশনে শ্রীযুক্ত রায়ের বাংলা ভাষা ছিল না। তিনি নাকি ওড়িয়া ভাষা নিয়ে পাস করেছিলেন। পাটনার কলেজে পড়তে এসে তাঁকে বাংলাসাহিত্যে ম্যাট্রিকুলেশন পরীক্ষা দিতে হয়। সেই পরীক্ষায় তিনি বাংলাভাষায় সর্বোচ্চ স্থান অধিকার করেন। তারপর আই. সি. এস. পরীক্ষা দিয়ে শিক্ষার্থী হিসেবে বিলেত গিয়ে যখন ‘পথে প্রবাসে’ লিখতে শুরুর করেন, তখন তাঁর অসামান্য সাফল্য পাটনার তরুণ-সমাজে একটা চাম্পল্যের সৃষ্টি করেছিল। একজন আই. সি. এস., পরীক্ষায় উত্তীর্ণ বাঙালীর সাহিত্য-প্রীতি এবং আই. সি. এস. খ্যাতি অপেক্ষাও সাহিত্যিক খ্যাতির মূল্যের তারতম্য পাটনার ছেলেদের মনে নতুন প্রভাব বিস্তার করেছিল—এতে সন্দেহ নেই।

এই ছেলেদের দলের মধ্যমাণি ছিলেন যিনি, তাঁর নামও ছিল মণি। বাংলাসাহিত্যের সেবার অনুরাগে এবং অধিকারে জন্মগতসুদ্রে তাঁর উত্তরাধিকার

ছিল। অবশ্য সাহিত্যক্ষেত্রে উত্তরাধিকার জন্মাধিকারে থাকে না; দুনিয়ার বিষয়গত জাতিগত আইন এখানে অচল। তবুও ক্ষেত্রে ক্ষেত্রে এ উত্তরাধিকার সার্থক হয়। মণির ক্ষেত্রে তাই হয়েছিল। মণি—মণীন্দ্রনাথ সমাদ্ভার স্বর্গীয় ষোগীন্দ্রনাথ সমাদ্ভারের ছোট ছেলে। মণির বড় ভাইয়েরা সরকারী চাকুরে। এক ভাই ডেপুটি ম্যাজিস্ট্রেট, এ আমার মনে আছে। মণি এম. এ. পাস করে চাকরির চেষ্টা না করে সাহিত্যসাধনার বাসনা পোষণ করত। তাতেই কেন্দ্র করে নবেন্দু ঘোষ, শিশির ঘোষ, শিশিরের দাদা, ষোগীন্দ্রনাথের ছেলে প্রভৃতি একদল বাঙালী তরুণ “প্রভাতী সঙ্ঘ” নাম দিয়ে একটি সঙ্ঘ স্থাপন করেছিল এবং হাতে লিখে “প্রভাতী” নামে একখানি হাতে-লেখা মাসিকপত্রে লেখার সাধনা শুরুর করেছিল তখন।

এঁরাই এলেন একদিন আলাপ করতে, ওঁদের সঙ্ঘে যাবার জন্য নিমন্ত্রণ জানাতে। সকলেই প্রায় আমার বড় ছেলের সমবয়সী—দু বছর চার বছরের বড়। লাজুক ছেলের দল, চোখে মূখে স্বপ্নের ছাপ, এবং সঙ্কোচও আছে। সে সঙ্কোচ আমাকে নয়; সঙ্কোচ, প্রতি বাড়িরই অভিভাবকদের কাছে। তাঁরা তো এই সাধনাকে বেশ প্রীতির চক্ষে দেখেন না, কারণ সাহিত্যসাধনা যতই ভালো বস্তু হোক, ওই মানুষের ভবিষ্যৎ দৃষ্ট বরবার পক্ষে স্বাস্থ্য নষ্টকারী ডিসপেনসিয়ার মতোই দুরারোগ্য এবং বুটিল ব্যাধি। ধরলে বড় একটা ছাড়ে না এবং চোঁচাচোকুর ও অগ্নিমন্ডলের মতো নিরীহ উপসর্গে শুরুর হয়ে বৎসর কয়েকের মধ্যেই যখন পেড়ে য়েলে, তখন আর উপায় থাকে না। সাহিত্যসাধনাকে তাঁরা মানসিক ডিসপেনসিয়ার বলেই মনে করতেন।

“প্রভাতী সঙ্ঘ” পাটনার বাঙালীসমাজে সত্যকারের সাহিত্যচর্চা সৃষ্টি করেই ক্ষান্ত হয় নি। মণীন্দ্র শান্তিশালী সম্পাদক ও সমালোচক হয়ে উঠেছিলেন। “প্রভাতী সঙ্ঘ”র নবেন্দু ঘোষ বাংলাসাহিত্যে শক্তিমান লেখক হিসেবে নিজেকে সুপ্রতিষ্ঠিত করেছেন। শিশির ঘোষ আজ বিশ্বভারতীতে অধ্যাপক, বর্তমানে তিনি শ্রীঅরবিন্দের দর্শনের পথে সাধনা করেন, অন্যথায় তিনিও বাংলাসাহিত্যে সম্পদ যোজনা করতে পারতেন। মণীন্দ্র অকালে মারা গেছেন। মণীন্দ্রের হাতে লেখা “প্রভাতী” বৎসর কয়েকের জন্যে ছাপা হয়েছে ও প্রকাশিত হয়েছিল। “প্রভাতী” স্বল্পকালের মধ্যেই বিশিষ্ট একটি ছাপ রেখে গেছে। “প্রভাতী”র দাবিতেই “বনফুলের” বিখ্যাত উপন্যাস “রাহি” প্রকাশিত হয়েছে। আমার “কবি” উপন্যাসও “প্রভাতী”তে প্রকাশিত হয়েছে। কল্লেকজন নবীন লেখকের কয়েকটি বিখ্যাত গল্পও “প্রভাতী”ই হাতে তুলে সাহিত্যের দরবারে হাজির করেছে।

চোখে হাই-পাওয়ার চশমা, মাথায় কোঁকড়া চুল, ভারী-গলা মণি সমাদ্দারের মূখে হাসি লেগেই থাকত। তাঁর বাড়িতেই ছিল “প্রভাতী সঞ্চর” স্থায়ী আসর। আর তাঁদের প্রধান পৃষ্ঠপোষক ছিলেন আমাদের রঙীনদা। অকৃতদার রঙীনদা নিজের ঘরদোর গোছগাছ করতে এবং আশপাশ পরিচ্ছন্ন পবিত্র রাখতেই সারা জীবন এমনই ব্যস্ত থেকে গেলেন যে, নিজে আর সাহিত্যসাধনার সময় পেলেন না কিন্তু এই উদারচরিত্র সাহিত্যানুরাগী মানুষটি যেখানেই এবং যার মধ্যেই সাহিত্যসাধনার সন্ধান পেয়েছেন, সেইখানেই ও সেই জনকেই অকৃপণ স্নেহে সাহায্যে সমৃদ্ধ করবার প্রাণপণ চেষ্টা করছেন।

উনি আমাকে বলোঁহলেন, তুমি যেও হে তারাক্ষর, ওদের উৎসাহ দিও। বদলে হে, বড় ভালো ছেলে ওরা।

আমি একদিন গেলাম মণির বাড়ি।

গিয়েই মনে হল, এ কোথায় এলাম? এ যে সাধকের সাধনপাঠ! স্বর্গীয় যোগীন্দ্রনাথ সমাদ্দার মশায়ের লাইব্রেরি-ঘর। রাশি রাশি বই চারদিকে, ঝাঝখানে এবং আলমারিগুলির ফাঁকে অসংখ্য প্রস্তরমূর্তি—সে এক বিচিত্র সংগ্রহশালা! এক জ্ঞানীর জ্ঞানভান্ডার!

বদুলাম, মণির উত্তরাধিকার কিসের শক্তিতে প্রতিষ্ঠিত হয়েছে।

অস্পর্ষসে পিতৃহীন ছেলেটি, এই ঘরের চারপাশে ঘুরেছে আর স্বপ্ন দেখেছে। ঐতৃক সাধনার মূল্য উপলব্ধি করেছে দেহের প্রতি লোমকূপে-কূপে, আবেগময় রোমাণ্শের মধ্যে বদুকের মধ্যে বাসনা পোষণ করেছে বাবার আসরে বসবে।

সেদিন মণি আমাকে তার বাবার লেখা বিখ্যাত গ্রন্থ “সমসাময়িক” ভারতের কয়েক খণ্ড উপহার দিয়েছিল। স্বর্গীয় সমাদ্দার মহাশয়কে প্রণাম জানিয়েই তা গ্রহণ করেছিলাম। তারপর আরও কয়েকদিন গেলাম ওদের আস্তায়। সকলেই ওরা বিশ্ববিদ্যালয়ের কৃতী ছাত্র, রাশি রাশি ইংরেজি বই পড়েছে। আমি তার কিছুই পড়িনি। ওরা আলোচনা করত, আমি মদ্বু হয়ে শুনতাম! কিন্তু মধ্যে মধ্যে মনে হত, এই পড়ে ইউরোপের সাহিত্য এবং ওই দেশের বিচিত্র জীবনধর্ম সম্পর্কে যা ওরা জেনেছে তাই যদি এ দেশে মানুষের জীবনধর্ম সম্পর্কে সত্য বলে মনে করে, কি প্রয়োগ করে, তবে কিন্তু ভুল হবে।

যেমন মনে হয়েছে, এ কালের দ্ব-একজনের তখনকার লেখা পড়ে। তাঁরা শক্তিমান লেখক। কিন্তু লেখা পড়ে তার মধ্যে এ দেশের জীবনের সন্ধান পাই নি। ভাষা পড়ে তারিফ করতে হয়—যেমন মাজা-ঘষা, তেমন চোখা, চমৎকার বাংলা। কিন্তু তবু এ কথা অবশ্যই বলব যে, এ ভাষা তো বাঙালীর ভাষা নয়। পাঠ-পাঠীগণের দেশী কাপড়জামা বেশভূষা সত্ত্বেও

মনে হয় এরা কারা ? বাঙালী ? ইংরেজ ? মান্দা ? তাই যদি হয়, তবে জীবন কোথায় ? তার স্পর্শ কই ?

যাই হোক, ওরা আমাকে কিছ, কিছু বই পড়ালে। তারপর একদিন বললে, ওরা একটি উৎসব-অনুষ্ঠান করবে। “প্রভাতী সম্বন্ধ”র প্রথম বার্ষিক অনুষ্ঠান। আমি আছি এখানে, আর ওরা নিমন্ত্রণ করেছে খ্রীস্জনীকান্ত দাসকে, বনফুলকে এবং শরদিন্দু বন্দ্যোপাধ্যায়কে। রঙীনদা উৎসাহিত করেছেন। শচীমামা বলেছেন, খুব ভালো, আন, আন। জমিয়ে তোল আসর। আমি সেদিন শচীমামার সাক্ষ্যমজলিসে যাওয়ায় বললেন, ওগো ভাগ্নেকে ভালো করে খেতে দাও। ওকে সারিয়ে তোল। এবার আসরে গাওনা গাইতে হবে। গায়ে জোর না হলে গাইবে কি করে ?

প্রভাতী সম্বন্ধ এই অধিবেশনের কথার আগে এক বেহারী ভদ্রলোকের কথা বলব।

পাটনাতে শচীমামার ওখানেই ভদ্রলোকের সঙ্গে আলাপ হয়েছিল, তিনিই বাঙালীর সম্পর্কে আমার কাছে কঠিন অভিযোগ করেছিলেন। ওই শচীমামার ওখানেই তিনি আসতেন। শচীমামার উদার প্রসন্ন সাহচর্য শ্রদ্ধা বাঙালীকেই মৃগ্য করে নি ও-দেশের গুণীজনদেরও মৃগ্য করেছিল।

ভদ্রলোকটির নাম ছিল খুব সম্ভব অম্বিকাপ্রসাদ। রাজনৈতিক কর্মী ছিলেন, কিন্তু সাহিত্যানুরাগ ছিল প্রবল। ইংরিজি পড়েছিলেন নিশ্চয়, কিন্তু কতদূর তার পরিচয় দেওয়া আমার মতো স্বল্প-ইংরিজি-জানা লোকের পক্ষে বুঝে ওঠা কঠিন। বাংলা-সাহিত্য সম্পর্কে তাঁর জ্ঞান এবং পড়াশুনার ব্যাপকতা দেখে বিস্মিত না হয়ে পারি নি। অম্বিকাপ্রসাদ জীবিত নেই। দেশ স্বাধীন হবার অব্যবহিত পূর্বেই বা পরেই তিনি ইহলোক ত্যাগ করেছেন। দু-বছর আগে কলকাতায় প্রান্তীয় হিন্দী-সাহিত্য-সম্মেলন উপলক্ষে পাটনার খ্যাতনামা রাজনৈতিক কর্মী এবং প্রসিদ্ধ হিন্দী-সাহিত্যসেবী বেণীপুত্রীজী তাঁর সম্পর্কে আক্ষেপ প্রকাশ করে বলেছিলেন, অম্বিকাপ্রসাদের অভাবে তাঁদের অপদ্রবণীয় ক্ষতি হয়েছে। তখন কিন্তু বাঙালীদের মধ্যে অনেকেই অম্বিকাপ্রসাদকে ভালো চক্ষে দেখতেন না। শচীমামার কথা ছাড়া অবশ্য। অম্বিকাপ্রসাদকে বাঙালী-বিশেষী বলতেন অনেকে। অম্বিকাপ্রসাদ একদিন আমাকে আমার “জলসাগর” গল্পসংগ্রহখানি এনে বললেন, এ শব্দটা কেন আপনি প্রয়োগ করেছেন তারাক্ষরবাবু ?

শব্দটি ‘খোটা’ শব্দ। “টহলদার” গল্পে এক জায়গায় ছিল, “বাবুদের খোটা চাপরাসীটা ভোরের আমোজে নাক ডাকাইয়া ঘুমাতেছে।” অম্বিকাপ্রসাদ বললেন, কথাটার অর্থ কি বলুন তো ?

মেংকার বাংলা বলতেন। ভেমনি বদ্বতেন। তাঁর কথার প্রথটা প্রথম মনে জাগল, তাই তো, অর্থ কি? ঠিক অর্থ বদ্বতেন তো লিখি নি। দেশপ্রচলিত শব্দ। আমাদের রাড়ের পল্লী অঞ্চলে হিন্দীভাষী লোকদের ‘খোটা’ বলে থাকে। শব্দটার অর্থ কি, কি হিসেবে ব্যবহার করে, তা সত্যিই ভাবি নি। আমাদের দেশে এই রকম কয়েকটা কথাই আছে। একটা ‘ভোজপুর্নে’। ‘ভোজপুর্নে’ শব্দটার অর্থ স্পষ্ট—ভোজপুর্নের অধিবাসী। কিন্তু ব্যবহার করি যখন, তখন মনে ভাসে একটা বলশালী দুর্দান্ত জ্ঞান—যে হয় লাঠি না হয় কুস্তিগিরের কাজ করে। ‘খোটা’ শব্দটার অর্থ বা ব্যঞ্জনা আরও নীচুস্তরের। কাঠখোটা আমরা তাদেরই বলি, যারা কাঠের মতো নীরস কিন্তু নীরস তরুণের নয়, গড়া-পেটা মৃগদুরও নয়, সাদা কথার খেঁটে। অর্থাৎ একেবারে অসংস্কৃত শব্দ কাঠখোঁড় বা দিয়ে আঘাতই করা যায়। সেই অর্থে খোটা শব্দের অর্থটা দাঁড়ায়—বর্বর, হুদয়হীন বা নিষ্ঠুর।

কথাটা নিয়ে খানিকটা তর্ক উঠেছিল, কিন্তু আমিই সেদিন প্রকাশ্যেই তাঁর কাছে মার্জনা চেয়ে বলেছিলাম, প্রচলিত শব্দ বলে না বদ্বতেনই ওটা আমি প্রয়োগ করেছি। পরে ওটা সংশোধন করে দেব।

অম্বিকাপ্রসাদ বলেছিলেন, তারাশঙ্করবাবু, বাঙালী সাহিত্যিকরা সকল দেশ থেকে এগিয়ে আছেন আজ। তাঁদের খুব সাবধান হতে হবে। এগিয়ে আছেন তাঁরা ইংরিজির জোরে! এই ইংরিজির জোরেই তাঁরা সব প্রতিভা নিয়ে মাতব্বরির করেছেন; সেখানে তাঁরা অনেক কিছু করেছেন—সে অবশ্যই বলব। কিন্তু তাঁরা সব প্রতিভার লোকদের এত ছোট নজরে দেখেছেন, এত অবজ্ঞা ঘৃণা করেছেন যে, সবার অন্তরেই দগদগে ক্ষত হয়ে রয়েছে। আমি ঠিক জানি না, তবে আমার মনে হয়, ইংরিজিনবিশ বাঙালী বাংলা দেশের দেহাতী বাঙালীকেও ঠিক এমন আঘাতই দিয়েছে। ইংরেজ থাকবে না তারাশঙ্করবাবু। তাকে যেতে হবে। সে যৌন বাবে, সেদিন এদের বিপদ ঘটবে। তার সঙ্গে ইংরিজি ভাঙার এবং ভাবনার সাহিত্যেরও বিপদ আসবে।

তখন বেশী কেউ ছিল না আশ্চর্য। সময় দুপুরবেলা। সেদিন শচী-মামার ওখানেই নিমন্ত্রণ খেয়েছি। অম্বিকাপ্রসাদও নিমন্ত্রিত ছিলেন। শচী-মামার বাড়িতে এসেছেন শ্রদ্ধেয়া বাসন্তী দেবীর ছোট বোন—শ্রীযুক্তা মাধুরী দেবী। বিখ্যাত গায়িকা শ্রীমতী সত্যী দেবীর মা। এককালে শ্রীযুক্তা মাধুরী দেবীর স্বামী পাটনায় ওকালতি করতেন। পাটনার বাঙালী সমাজে এবং কিছু বাংলা-জানা বেহারী-সমাজে তাঁর একটি পরম প্রীতির স্থান ছিল। অম্বিকা-

প্রসাদ ছিলেন সেই প্রীতিমদ্যদের একজন। দুপদরে খাওয়ার পর বাইরের বরে অম্বিকাপ্রসাদ কথাগদ্য বললেন। শচীমামা শুনছিলেন।

আমি বলেছিলাম, অম্বিকাবাবু, কথাগদ্যের মধ্যে সাবধান-বাণী যা উচ্চারণ করলেন তা আমার মনে থাকবে। কিন্তু ইংরিজনিবিশদের কথা এবং ইংরিজী সাহিত্যের প্রভাবে প্রভাবান্বিত সাহিত্যের কথা যা বললেন তার সঙ্গে একমত হতে পারছি নে। কারণ ইংরেজ গেলেও ইংরিজি যেতে পারে না। পৃথিবীর সঙ্গে এ দেশের লোককে সম্বন্ধ রাখতে হবে। তা ছাড়া ইংরিজি শিক্ষা ও সভ্যতার মারফত যে বিজ্ঞানবাদ ও বোধ এসেছে তাকে দূর করে কার সাধ্য?

অট্টহাসি হেসেছিলেন অম্বিকাপ্রসাদ।

এই দেশের কোটি কোটি লোক, খারা মাটির মানুষ, তারা এই ইংরিজি চাল আর চালিয়াতিকে ঝেঁটিয়ে তাড়াবে। তারা নিজের বুদ্ধের ভাষা আর ভাবকে গঙ্গার ধারার মতো ঢেলে দেবে। বস্তুবিজ্ঞান দিয়ে ভয় দেখাচ্ছেন, তার ভয়ই বা তারা কেন করবে? তাকে তারা নেবে। আপনার মতো করে নেবে। দেখে নেবেন। তারাশঙ্করবাবু, এ দেশে তুলসীদাসজীর “রামচরিত-মানস”ই এ দেশের লোককে বাঁচিয়ে রেখেছে। আপনার দেশে কৃষ্ণবাস কাশীরামের রামায়ণ মহাভারত কত চলে খেঁজি নেবেন। আপনি বা আপনারা তার কাছে মাকি।

পরের দিন, বোধ করি কি দু-একদিন পর অম্বিকাপ্রসাদ রবীন্দ্রনাথের একখানি বই হাতে করে এলেন। সে দিনও অপরাহ্নবেলা। শচীমামা বাগানে কিছু করছিলেন। আমি একা বসেছিলাম। আমার হাতে বইখানি দিয়ে তিনি বললেন, পড়ুন। এই শেষটা পড়ুন! দাগ দেওয়া আছে।

পড়লাম—“ভস্মাচ্ছন্ন মৌনী ভারত চতুষ্পথে মৃগচর্ম্য পাতিয়া বসিয়া আছে—
আমরা যখন আমাদের সমস্ত চটুলতা সমাধা করিয়া পুণ্ড্রকন্যাগণকে কোট ফুক পরাইয়া দিয়া বিদায় হইব, তখনো সে শান্ত চিন্তে আমাদের পৌষদের জন্য প্রতীক্ষা করিয়া থাকিবে। সে প্রতীক্ষা ব্যর্থ হইবে না, তাহার সন্মাসীর সম্মুখে করজোড়ে আসিয়া কহিবে, ‘পিতামহ আমাদের মন্দ দাও’।”

পাটনার কথায় অম্বিকাপ্রসাদকেও মনে পড়ে গেল। তাঁর কথাগদ্য মনের মধ্যে ছাপ রেখে গেছে।

পর পর কয়েক বৎসর গিরেছি। তিন বৎসর তাঁকে দেখেছিলাম।

অম্বিকাপ্রসাদের কথা এইখানে থাক।

এর আগে মণি-মন্ডলের “প্রভাতী সঙ্ঘ”র উদ্যোগে সাহিত্য-সভার আয়োজনের কথা বলেছি। ৫০ বৎসর আমি সাহিত্যিক পরিচয় নিয়ে প্রথম গেলাম, সেই বৎসরই এর শুরুর হল। গ্রীষ্মক সজনীকান্ত সভাপতি হিসেবে

নিমন্ত্রণ গ্রহণ করলেন। আমি ওখানে ছিলাম। আর নিমন্ত্রিত হলেন ভাগলপুরের বনফুল, মৃগেশ্বরের শ্রীযুক্ত শরাদিন্দুবাবু। বাঙালীসমাজে বেশ সাড়া পড়ে গেল।

পাটনায় আরও একটি সাহিত্যিক-সম্মেলন ছিল। তাঁরা ছিলেন একটু অভিজাতশ্রেণীর। একমাত্র রবীন্দ্র-সাহিত্য নিয়েই তাঁরা আলোচনা করতেন। এবং সে আলোচনার আসরও ছিল অতি অল্প কিছু লোকের মধ্যে আবদ্ধ। তাঁদের দু-একজন আমার আমার বাড়ির সম্পর্কে আত্মীয় হলেও তাঁরা এগিয়ে আসেন নি। আলাপও হয় নি। পরে হলেও সেকালে হয় নি।

সজনীকান্ত, বনফুল এসে উঠলেন মণি সমাদ্বারের ওখানে। স্বর্গত যোগীন্দ্র সমাদ্বার মশায়ের প্রশস্ত লাইব্রেরি-ঘরে তাঁদের ঠাই হয়েছিল। মনে পড়েছে, বনফুল এরই মধ্যে অর্থাৎ আমি তাঁর ওখান থেকে পাটনা আসার পর সস্তাহ তিনেকের মধ্যেই একখানি উপন্যাস—তাঁর প্রথম উপন্যাস “তৃণখণ্ড” লিখে শেষ করেছিলেন। সন্ধ্যাবেলায় গেলাম, বনফুল পড়া শুরু করলেন। তাঁর প্রথম উপন্যাস, তার উপর সদৃশ সন্ধ্যাবেলায় বলাইচাঁদ। সন্তোষকণ্ঠে আবেগের সঙ্গে পড়ে গেলেন।

‘তৃণখণ্ড’ কেমন বই, সে আলোচনা নিম্নপ্রয়োজন। তবে সেদিন লেগেছিল অপূর্ব। কাব্যে এবং গদ্যে রচনার টেকনিক তাঁর সেই প্রথম। পরে তিনি আরও লিখেছেন। এর সঙ্গে নাটকীয় টেকনিক মিশিয়ে “মৃগয়া” লিখেছেন। টেকনিকের দিক দিয়ে মধুদাদার অক্ষয় ভাণ্ডার অধিকারী তিনি। সেই দিন তার প্রথম পরিচয় পেয়ে আমরা যেন বদ্বন্দ হয়ে গিয়েছিলাম। বনফুলের ভিতরেব কবি-সাহিত্যিক সেই দিনেই যেন বলোঁছিল, ওই মানসীর হাতছানিতেই আমার জীবনতরী চলবে, ভাসবে, কেউ ঠেকাতে পারবে না। বাইরেটা নিতান্তই খোলস।

বই শেষ হতে বাজল দুটো।

বাড়ি এসে খাওয়া-দাওয়া করছি, এমন সময় খবর এল যে বেহার ন্যাশনাল কলেজ হলে সম্মেলন হওয়ার কথা, সেখানকার কর্তৃপক্ষ খবর পাঠিয়েছেন—তারাশঙ্করবাবু রাজনৈতিক অপরাধে কারাদণ্ডে দণ্ডিত ব্যক্তি, তাঁকে কলেজ-হলে বক্তৃতা করতে দিলে কলেজের পক্ষে ক্ষতিকর হতে পারে; সুতরাং তাঁকে বাদ দেওয়া হোক অথবা আই বি পদালিসের কাছে বধারীতি অনুরোধ নেওয়া হোক।

সজনীকান্ত, বনফুল, শরাদিন্দু বললেন, তারাশঙ্করকে যোগ দিতে না দিলে আমরা যোগ দিতে পারি না।

মণি সমাদ্বারের দলটি ব্যাকুল হয়ে উঠল—কি হবে?

রঙীনদা একেবারে ক্ষিপ্ত হয়ে উঠলেন। তিনি বললেন, এ হতে পারে না। প্রিন্সিপ্যালের কাছে কেউ গিয়ে নানা ভুলো সংবাদ দিয়ে ভুল বুদ্ধি দিয়ে এই কান্ড করেছে। এবং কে করেছে সে আমি জানি।

টোবিলাটার ওপর তিনি প্রচণ্ড একটা মৃদুঘাত করলেন।

বেশ গরম হয়ে উঠল বাঙালী-সমাজ। বিপদে পড়ল তরুণ ছেলে কয়টি। আমি নিজে হলাম বিব্রত। আমার বড়ামার রাগ সবচেয়ে বেশী। ওই শচীমামাই তখন হাসিমুখে এগিয়ে এসে বললেন, আরে, এ নিয়ে এত রাগারাগি কর কেন? হইচই কেন? চল, আমরা কজন যাই প্রিন্সিপ্যাল সাহেবের কাছে। দেখি কি বলেন তিনি।

আসল প্রিন্সিপ্যাল স্বর্গীয় ললিতবাবু তখন অসুখে শয্যাশায়ী। তাঁর জায়গায় কাজ চালাচ্ছেন ভাইস-প্রিন্সিপ্যাল জনাব মৈনুদ্দিন সাহেব। ললিতবাবু, যতদূর মনে পড়ে, শচীমামাদেরও শিক্ষক ছিলেন। শচীমামা ও আর দু-তিন জন গেলেন এবং আধ ঘণ্টার মধ্যেই সব গণ্ডগোল মিটিয়ে ফিরে এলেন। সেই স্বকীয় ভাষাতে থেমে থেমে ঝোক দিয়ে দিয়ে বললেন, নাও, এইবার কি বলে—আসর পাত। শব্দ করে দাও গাওনা!

গাওনাই বটে। সে এক জমজমাট আসর। আজ যত দূর মনে হচ্ছে, তাতে হলখানা ছিল মস্ত বড় এবং ঘরখানার এ-মাথা থেকে ও-মাথা পর্যন্ত লোকে ঠাসা। লোকগুলি প্রবাসী-সমাজের বিশিষ্ট ব্যক্তি এবং ছাত্র-সমাজের ভালো ছেলের দল। সত্যিকারের তৃষ্ণা নিয়ে এসেছে। আজকের দিনে বলাটা বাহুল্য হবে না যে, লোকের কাছে সেদিন সবচেয়ে বড় ঔৎসুক্য সজনীকান্ত সম্পর্কেই। “শনিবারের চিঠি”র তীব্র তীক্ষ্ণ সমালোচনায় তখন আধুনিক সাহিত্যক্ষেত্র প্রায় ছিন্নভিন্ন তিনি তখন সদ্যবুদ্ধজয়ী বীরের মতোই গৌরবান্বিত। তখন “কল্লোল” শব্দে আধুনিক সাহিত্যের অভিযান প্রায় ছত্রভঙ্গ হয়ে গেছে। “কল্লোল”, “কালিকলম”, “ধূপছায়া” উঠে গেছে; এমন কি শনিবারের বের-হওয়া চিঠির প্রসার রূপে রবিবারে যে লাঠি বেরিয়েছিল সে লাঠিতে ধূপ ধরে ভেঙে গেছে। ওই সময়ের লেখকদের মধ্যে শৈলজানন্দ প্রবোধ সান্যাল ছাড়া সকলেই যেন সাময়িকভাবে কলম থামিয়েছেন। সজনীকান্ত তখন সম্মুখ-বাহিনী ছত্রভঙ্গ করে দিয়ে পিছনের রথীদের আক্রমণোদ্যোগের আভাস দিয়েছেন।

সত্যিকথা বলতে কি, লোকে দুঃখও অনুভব করে, আবার “শনিবারের চিঠি”র মারের চাতুর্ঘ্য দেখে তারিফ করে না হেসেও থাকতে পারে না। সেই সজনীকান্ত কি বলবেন! এক দল তাঁকে বলে—কালাপাহাড়, সব ভেঙে-চুরে দিলে, বিগ্রহগুলোর নাক কেটে বিকৃত করে ফেললে। বলে অবশ্য গোপনে। তবে মারের তারিফ করে। হ্যাঁ, মার বটে!

আর একদল বলেন—হ্যাঁ, বলশালী সংস্কারক বটে।

যাই হোক, সে দিন সজনীকান্তের বক্তব্য শুনতে লোক ভিড় করে এসেছিল। প্রবীণ মধুসূদন থেকে মণি-দলের পরের দল পর্যন্ত।

সজনীকান্ত আধুনিক-সাহিত্যকে গাল দিয়ে শরৎচন্দ্র সম্পর্কেও সন্দেহের মন্তব্য করে বসলেন। তাঁর সেই সময়ের লেখা “পথের দাবি” “শেষপ্রশ্ন” প্রভৃতি ওই ধরনের লেখাগুলি সম্পর্কে বলেছিলেন—পল্লীসমাজের দাদাঠাকুর মন্দির দোকানে বসিয়া থেলো হুঁকায় তামাক খাইতে খাইতে পল্লীজীবনের গল্প আসর মাত করিয়াছেন, কিন্তু যেই তিনি থেলো হুঁকা ছাড়িয়া ও মন্দির দোকান ফেলিয়া বালিগঞ্জের ড্রিংগরুমে সোফা-সেটিতে হেলান দিয়া পাইপ টানিতে টানিতে গল্প বলিতে গিয়াছেন অমনি হাস্যাস্পদ হইয়াছেন, নাজেহাল হইয়াছেন গল্প অল্প না হইয়াও মাঠে মারা গিয়াছে।

কথাগুলি ঠিক এই কথাই নয়, আমার স্মৃতি থেকে উদ্ধার করে দিলাম। স্মৃতির উপর বিশ্বাস আছে।

সজনীকান্তের এই উক্তি সঙ্গে সে কি হাততালি! ঘরখানা যেন ফেটে পড়েছিল। আশ্চর্যের কথা, কেউ তাকে এ নিয়ে প্রশ্ন করে নি। উল্লসিতই দেখেছিলাম সকলকে। আমি সে দিন একটি ছোট লেখা পড়েছিলাম। লেখাটির উল্লেখযোগ্যতা কিছুই ছিল না। তখন প্রবন্ধ বা অভিভাষণ জাতীয় কিছু লিখতে হলে বিব্রত হতাম। কেন না, সেকালে ইংরিজি কোটেশন কিছু না থাকলে এবং মতামত ইংরিজি-সমালোচনা-সাহিত্য-সম্মত না হলে সেটা গ্রাহ্যই হত না। লেখাটি বেরিয়েছিল ‘দেশ’ পত্রিকায়।

আমি কিন্তু একটু আঘাত পেয়েছিলাম সজনীকান্তের এই উক্তিতে। বিষন্ন হয়েছিলাম। পরের দিন আসর মাত করলেন বনফুল ও শরদীন্দু। বনফুল হাসির কবিতা পড়ে হাসির হুল্লোড় বইয়ে দিলেন, শরদীন্দু পড়লেন “তির্মিগল” নামক হাসির গল্প। আমি পড়েছিলাম “জলসাবর” গল্প। লোকে জুতো ঘষতে লাগল। আমার বড়মামা রেগে আগুন। আমি কিন্তু নিজের কণ্ঠস্বরে ঢাকা পড়ে জুতো-ঘষার আওয়াজ পাই নি। শেষ পর্যন্ত পড়ে তবে ছেড়েছিলাম।

পাটনাতে এই বছরেই কিছুদিন পর এলেন বাংলা-সাহিত্যের রসিকচুড়ামণি “পরশুরাম”—প্রদ্যেয় শ্রীযুক্ত রাজশেখর বসু মহাশয়। এবং ঠিক তাঁর সঙ্গেই এসেছিলেন “অমৃতবাজারে”র সম্পাদক শ্রীযুক্ত তুষারকান্ত ঘোষ।

পরশুরামকে দেখবার পরম আগ্রহ ছিল। না জানি, এই লোকটি কি বিচিত্র ঢঙে কথা বলবেন! হয়তো বা কথায় কথায় হাসির তুফান উঠবে।

আমার তখন শরীরের যে অবস্থা তাতে হয়তো জিজ্ঞাসা করেই বসবেন, কোন বা ? কারিয়া পিরেত ?

শরীর দেখে অসুখের কথা উঠলে হয়তো বলবেন, এই উপসর্গ হয় ?

হয়তো সে উপসর্গ নেই—সে কথা বললে বলে বসবেন, হয়, জানিতি পার না ।

হয়তো বা ‘কঁচিসংসদে’র উত্তরখণ্ডে কোনো ডিস্‌পেন্সিয়ারীগ্রস্ত গাল্পিকের চরিত্রই দেখতে পাব । নানা শঙ্কায় শঙ্কিত আগ্রহ নিয়েই দেখতে গেলাম । রঙীনদা তাঁর সম্মানে বি. এন. কলেজের মাঠে একটা চায়ের মজলিসের অনুষ্ঠান করেছিলেন । সেখানে তিনি আমাকে একেবারে রাজশেখরবাবুর টেবিলে সামনের চেয়ারে বসিয়ে দিলেন । দেখে অবাক হয়ে গেলাম ।

ইনিই পরশুরাম ? “গজালিকা”-“কম্বলী”র স্রষ্টা রসসাগর ব্যাঙটি !

শান্ত স্নিগ্ধ স্বরূপ এবং মৃদুভাষী প্রসন্ন একটি মানুষ ; স্থির ধীর এমন মানুষের কাছে গেলে মনটি জুড়িয়ে যায় ; পবিত্র হয় ; জীবনে গভীরতার সন্ধান পায় । বড়লাম, হাস্যরসের সৃষ্টি এর খেলা । আসলে গভীর ভাবের ভাবুক । মধ্যে মধ্যে বিশ্রাম নেওয়ার মতো খেলা করেন ।

শ্রীযুক্ত রাজশেখরবাবু প্রথম জীবনে বা কৈশোরে পাটনার ওদিকে ছিলেন । পাটনা কলেজে কিছুদিন পড়েও ছিলেন । তাঁর মা বলতে গেলে দানাপুরের মেয়ে ; তাঁর বাবা দানাপুরের সামরিক বিভাগে কাজ করতেন । শ্রীযুক্ত বসুদ্র মাস্তুরের বয়স যখন মাসখানেক কি মাস দুয়েক তখনই হয় মিউটিনি । দিদিমার কাছে মিউটিনির অনেক গল্প তাঁরা শুনছেন । “যুগান্তরে” বর্তমানে তাঁর দাদা শ্রীযুক্ত শশিশেখর বসু তার অনেক কাহিনী লিখেছেন ।

সেবার পাটনা কলেজে ছেলেরা তাঁকে একটি অভিনন্দন দিয়েছিল । স্বরূপ কথায় একটি ছোট বক্তৃতা দিয়ে তিনি সবিনয়ে জানিয়েছিলেন লেখার কথা আলাদা, কিন্তু বক্তৃতা দিতে তিনি ঠিক পারেন না । সেই সভায় শ্রীযুক্ত ভূষারকান্তি ঘোষও বক্তৃতা দিয়েছিলেন । ঘোষ মহাশয় চতুর বক্তা । কি যেন একটি সরস গল্প বলে বক্তৃতা শেষ করে আসরটা খুব জমিয়ে দিলেন ।

পাটনার আর একজন বড়মানুষকে দেখেছিলাম, তাঁর কাছে আসবার সৌভাগ্যও হয়েছিল—শ্রীযুক্ত পি. আর. দাশ মহাশয় ।

শ্রীযুক্ত পি. আর. দাশ মহাশয় সেকালে পাটনার সাধারণ বাঙালী-বেহারী সমাজে গল্পের মানুষ ছিলেন । আইনজ্ঞ হিসেবে তাঁর যোগ্যতা, তাঁর দান-শীলতা, তাঁর বৈষ্ণবধর্মে অনুরাগ, তাঁর উপার্জন—সবই ছিল বিস্ময়কর । তাঁর যুক্তি-তর্কে সওয়ালে-জবাবে দিনকে রাতি করতে চাইলে তাই হয়, রাত্রিকে দিন বলে প্রমাণ করতে উঠলে কোন প্রতিপক্ষই রাত্রিকে রাতি বলে কানের

করতে পারেন না। তিনি উপার্জন করেন লক্ষ লক্ষ টাকা। কিন্তু তাঁর দান এমনি, খরচ এমনি যে, মধ্যে মধ্যে বা মাসের শেষে রিক্তহস্ত হয়ে পড়েন। সকালে সন্ধ্যায় তাঁর বাড়িতে খোল-করতালের বাজনা শোনা যায়, কীর্তনগান শোনা যায়—কীর্তনগান শুনতে শুনতে দাশ মহাশয় বিভোর হয়ে যান। আবার বিকেলবেলা বাড়ির সামনে যখন টেনিসের আসর পড়ে, তখন দাশ মশায় আর-এক মানুষ;—নিজে খেলেন না, কিন্তু বেতের চেয়ারে বসে খেলা দেখেন, প্রতিটি মারের সমালোচনা করেন। খেলে ভারতবিশ্বখ্যাত খেলোয়াড়েরা বিশ্ববিশ্বখ্যাত খেলোয়াড়েরা। খেলার মাঠের সঙ্গে সংশ্লব আমি তখন অনেক দিন ছেড়েছি। প্রতিজ্ঞা করে ছেড়েছি। ও-পথ হাটি না। এবং পথ-হাটা ছাড়ার সঙ্গে ক্রমে ক্রমে ও-দিকের খবর রাখাও ছেড়েছি। সে সেই মোহনবাগান-কুমোরটুলির মধ্যে সেমিফাইনালে মোহনবাগানের এক গোলে হারের খেলার পর। সে যে কি দুর্ভোগ আর আমাদের নিচ্ছেদের দীনতার কি পরিচয় ফুটে উঠেছিল, তা আজও মনে রয়েছে। সঙ্গে সঙ্গে হানিও পায়। সে যে কি হাস্যকর ঘটনা, সে আর কি বলব! বর্ণনা করে বোধ হয় সে দৃশ্য পাঠক-মানসে পরিষ্কৃষ্ট করা অসম্ভব। আমার সাহিত্য-জীবনের সঙ্গে তার সম্পর্ক অবশ্য অতি ক্ষীণ। তবে তারই ফলে আজও মাঠের সামনে খেলার সময় খেলাফেরত কদমাস্ত্র ছিন্নবস্ত্র উন্মত্তপ্রায় লোকগুলিকে যখন বাড়ি ফিরতে দেখি, তখন লজ্জা অনুভব করি, বেদনাও পাই। একবার মোহনবাগান-ইন্টার্নেলের খেলার শেষে ট্রামে যে কদম্বতা দেখেছি, তার নমুনা আমার খাতায় লেখা আছে। এই নিয়ে একটি গল্পও লিখেছিলাম সেবার। সে কি মুখভাঙ্গি করে পরস্পরকে ভ্যাংচানো, কি ইঞ্জিত, কি গালাগাল। সে সব সাহিত্যের আসরে ঠাই পায় না। তবে হ্যাঁ, মধ্যে মধ্যে এমন বোলচালও শোনা যায় যে, তারিফ না করে পারা যায় না। সব ভুলে হাসতেই হবে সেই মূহুর্তে। দুটো কথা আমার মনে গাঁথা হয়ে আছে। কোন দলের জ্ঞানি না, খেলোয়াড়েরা বল প্রতিপক্ষের গোলের কাছে নিয়ে গিয়েও গোল করতে পারে নি, বলটা গোলের সামনে গিয়ে গড়িয়ে চলে গেছে সীমানার বাইরে, কেউ ছুটে এসে ধরে নি বলটা, গোল লক্ষ্য করে মারে নি, বিবরণটা এই। এই নিয়ে আলোচনা করতে করতে বস্তা বলে উঠল, আর বাবা, চেঁচিয়ে গলা ফাটিয়ে দিলাম, ওরে, যা যা যা। তা নড়ল না একপা! কপাল চাপড়ে তারপরই বললে, তখন কি জানি মাইরি, ও জা নয়, নন্দ। রাখা নয়, কুটিলে।

কথা অসংলগ্ন তবুও প্যাচি আছে বইকি।

আর-একবার এক পক্ষ অন্য পক্ষকে বলছে, ক্যারসা হয়েছে। একেবারে

দই বানিয়ে ছেড়ে দিয়েছি। সঙ্গে সঙ্গে উত্তর হল, বাঁটালের দই বাবা, বাঁটিয়ে খোল করা না। খাওয়া যাবে না, মাথা চেঁচে মাথায় ঢালতে হবে।

অপ্রাসঙ্গিকভাবে খেলার কথা এসে পড়েছে। তবুও কিছুর না বলে থামতে পারছি না। “কল্লোল-যুগে” বন্ধুর অচিন্ত্যকুমার সেনগুপ্ত খেলার কথা উল্লেখ করেছেন, বলেছেন, মোহনবাগান তখনকার দিনে গোরা খেলোয়াড়দের হারিয়ে খেলার মাঠে বাঙালীর জাতীয় চেতনার আশ্রয়স্থল হয়ে উঠেছিল। মোহনবাগানের জিত হলে বাঙালী জাত ভাবত, এ তার জাতীয় জয়।

কথাটা অস্বীকার করার উপায় নেই। খেলার মাঠেই যেন জাতীয় চরিত্র, জাতীয় ভবিষ্যৎ একেবারে ভবিষ্যৎচিত্রের মতো ফুটে উঠেছিল। মহমেডান স্পোর্টিং-এর আবির্ভাব, তার কয়েক বছরের দুর্দান্ত খেলা, মুসলিম দর্শকদের সম্প্রদায়গত উল্লাস—ছেচল্লিশের দাঙ্গার এবং বঙ্গদেশ-খন্ডনের পূর্বচিহ্ন। শুনছি, সেকালে ওদের ধুরন্ধর খেলোয়াড়দের কোনো শটের বা কোনো পাশের প্রশংসা করে কোন কোন হিন্দু যদি বলত—ওয়ান্ডারফুল খেলছে, তবে সঙ্গে সঙ্গে আশপাশ থেকে তার মাথায় চাঁটি পড়ে যেত এক সঙ্গে দু’তিনটে কি তারও বেশী। এবং ঘাড় ফেরালে সে দেখতে পেত, কয়েকটি দাড়িশোভিত মুখমণ্ডল দন্তবিকাশ করে তার দিকে চেয়ে আছে আর বলছে, আরে রিসদ খেলবে না তো তোর বাপ খেলবে! এখন বাংলা ভাগ হয়ে ওদের খেলাও পড়েছে, তার দম্ভও নেই, এমন কি জিতলেও নেই। কিন্তু এখন বাঙালী দলের মধ্যে, বিশেষ করে সমর্থকদের মধ্যে, যে কদর কলহস্বন্দ্র দেখা দিয়েছে, তাতেই এখন আমাদের রাজনৈতিক জীবনের প্রতিচ্ছবি ফুটে বেরুচ্ছে। মোহনবাগান-ইন্স-বেঙ্গলের খেলা নিয়ে ঝগড়া ক্রমবর্ধমান। ওটার মধ্যে কোন ইঞ্জিত আছে কিনা বিশেষজ্ঞরা বলবেন। থাক। এবার মোহনবাগান-কুমোরটুলির সেই স্মরণীয় খেলার কথা বলি।

তখন আমি শ্বশুরকুলের কলকাতার কয়লা-আপসে কাজ শিখি। ওঁরা পাকড়ে এনে কাজে লাগিয়েছেন—কাজের মানুষ তৈরী হচ্ছে! রীতিমতো কোট পেটোলদুন টাই পরি, মাথায় হ্যাট পরি। দুর্ভাগ্যের কথা, সে অপরূপ বেশের ছবি নেই। বেড়ালবাচ্চার চোখ ফোটানো পদ্ধতিতে কয়েক মাসে কয়লা, হার্ড-ওয়ান—দুটো ডিপার্টমেন্টের চাব-পাঁচটা ব্রাঞ্চ ঘুরিয়ে এক অভিনব ডিপার্টমেন্টে দিয়েছেন। কোম্পানির নাম—এন. মিটার অ্যান্ড কোম্পানি। লিমিটেড অবশ্যই। এন. মিটার কলকাতার কোন প্রাচীন মিত্র-বংশের সন্তান, এখানে লেখাপড়ায় কি অসুবিধে হয়েছিল বলতে পারি না, ফাস্ট ক্লাসে বা ফাস্ট আর্টস অর্থাৎ আই. এ. পড়তে পড়তে বিলেত চলে যান। যেভাবে বাঙালীর ছেলেরা পালিয়ে বিলেত যায়, সেইভাবেই যান এবং বছর আট-দশ সেখানে

থেকে ইঞ্জিনিয়ার হয়ে এক বেলজিয়ান পল্লীসহ কলকাতায় ফেরেন। এ দেশ তখন নিজের গণ্ডিতে নেটিভ স্টেটসের প্রতাপ এবং প্রমোদম্প্রহা পুরোদমে বজায় আছে। মিঃমশায় সন্ধান করে গোয়ালিয়রের মহারাজার এক প্রমোদ-তরণী—হাউসবোট তৈরির কন্ট্রাক্ট সংগ্রহ করে ফেললেন। বিশ হাজার টাকার কন্ট্রাক্ট। খরচ খুব জোর বারো হাজার। মাস কয়েকের মধ্যে আট হাজার মুনোফা। এই টোপ নিয়ে লালবাজার অঞ্চলে তিনি ঘুরছিলেন। সেই টোপ গিললেন আমার শ্বশুরকুল। সায়েব-মিস্তির বেলজিয়ান পল্লীসহ গেলেন গোয়ালিয়রে, সঙ্গে চীনে মিস্ত্রী কাঠ-বোল্ট-নাট প্রভৃতি। এখানে রইল হেড অফিস। এখানে তিনি তাঁর তরফে বসিয়ে গেলেন তাঁর এক ভাইকে, এবং আমাকে বসালেন আর-এক পক্ষ। মিস্তির সাহেবের ভাইয়ের নাম বোধ হয় ডি. এন. মিটার। একখানি খাঁটি কলকাতার ছেলে। কথাবার্তায়, চালেচলানে, ঠোঁটের কোণে সিগারেট ধরায় শরৎচন্দ্রের দাঁজপাড়ার দাদার মতো কলকাতার মহিমা ঘোষণা করেন। তবে এটা ঠিক যে, দাঁজপাড়ার দাদার মতো অবজ্ঞা ছিল না! কথাবার্তা শোনবার মতো। তুবাড়ির মতো ফুলঝুরির ফোটাতে পারতেন ভদ্রলোক। দুনিয়ার জীবনটাকে সাবানের মতো ঘষে ফেনায় পরিণত করে রঙিন ফানুশের মতো উড়িয়ে উড়িয়ে শেষ করে দেওয়ার আইডিয়া ছিল তাঁর। কথায় কথায় বলতেন—দি আইডিয়া! কলকাতার কত গল্প যে করতেন! কাজ আমাদের খুব কম ছিল। গোয়ালিয়রের দু-তিনখানা চিঠির জবাব আর বরাত থাকলে জিনিস কিনে পাঠানো। বাকি অধিকাংশ সময়টাই ওই বাক্‌চাতুষ এবং গল্প চলত। আমার সাহিত্যপ্ৰীতির কথা জেনে লাক্ষিয়ে উঠে বেরিয়েছিলেন, মাই গুড লাক্! বলেন কি? আমি নিজে অথর। ড্রামাটিস্ট। মিলবে ভালো! ট্রা লা ট্রা লা।

এই ধরনের মানুষ। তাঁর “মৎকরাক্ষা” বলে একখানি প্রহসন আমাকে দিয়েছিলেন। তার বাক্‌ভাঙ্গি ভালো লেগেছিল। সীতাই ভালো ছিল।

তিনটে সাড়ে-তিনটে বাজতেই মিস্তির আমাকে টেনে নিয়ে চলতেন খেলার মাঠে।

মোহনবাগান সেবার ফাস্ট বা সেকেন্ড রাউন্ডে দুখর্ষ ডি. সি. এল. আইকে বেকুব বানিয়ে হারিয়ে দিলে। খেলার শেষে মিস্তির ফেল্ট-হ্যাটখানা শূন্যে ছুড়ে দিয়ে বিচিتر ক্রিপতার সঙ্গে অভ্যাস-করা সূকৌশলে মাথায় পরে নিয়ে বললেন, ইন দিস ওয়ে, ব্যানার্জি, জাস্ট ইন দিস ওয়ে, মোহনবাগান উইল উইন দ্য শিল্ড্‌ দিস ইয়ার।

‘ইয়ার’টা অবশ্য ‘ইয়া’ বলেই শেষ করলেন।

এই এ’র সঙ্গে সৌদিদ একটার সময় গেলাম ক্যালকাটা মাঠে—মাঠের

থারে চেয়ারের টিকিট কিনে বাস চারেক সিগারেট পকেটে নিয়ে বসলাম । তার তিন দিন আগে তাপিস থেকে মিস্ত্রি সে আমলের অয়েলস্কিনের ওয়াটারপ্রুফ আদায় করেছেন, সেইটে তাঁর কাঁধে, আমার কাঁধেও একটা । সিগারেট ফাঁকি, মিস্ত্রির গল্প করে যান, সময় চলে যায় হাওয়ায় উড়ে । তিনটে নাগাদ এল বৃষ্টি । সে কি বৃষ্টি ! আমি বললাম, ওরে বাপ, এ যে মৃশলধারে নামল !

মিস্ত্রি বললেন, লাইক ব্যাট্‌স্ অ্যান্ড ডগ্‌স্, তা ! পকেটে পদ্রুপ ।

ভিজ়ে একেবারে চুপসে গেলাম । শুনকনো ঝটখটে মাঠ জলে ডরে গেল । এরই মধ্যেও লোকের চাপ বাড়তে শুরু করল । সাড়ে-চারটে নাগাদ অবস্থা হল, দুই বাঁধের মাপের মধ্যে কানায় কানায় ভর্তি জলের আবর্তের মতো । সে জল মূহূর্তে মূহূর্তে বাড়ছে । ওদিকে গ্যালারির সামনে গ্রাউন্ড ঘেরা দাঁড়ির সমীপে । অবস্থা দেখে বাঁধ রক্ষা করতে সারি সারি পলিস এসে দাঁড়িয়েছে ব্যাটন হাতে । পিছনের গ্যালারির ওপর থেকে গ্রাউন্ডের দার পর্যন্ত সবলে দাঁড়িয়ে উঠেছে । পিছন থেকে চাপ আসছে সামনের দিকে—সামনের উদ্যতব্যাটন পলিসের ঠেকায় ধাক্কা খেয়ে সামনের মানুষ দিচ্ছে পেছনে ঠালা । মানুষ পড়ে যাচ্ছে, পাশের মানুষের জামা আঁকড়ে ধরছে—সে ছিঁড়ুক আর থাক, হাই হোক, তাকে বাঁচাতে হবে । মাঠের মাটির ওপর গোড়ালি-ঢাকা জল পায় পায় তলতলে কাদায় পরিণত হয়েছে, ছিটে লেগে সর্বাঙ্গ চিরিত করেছে, মূখে কাদা লাগছে, চোখে কপালে লাগছে, পা পিছলোচ্ছে । শ্বাস প্রায় বন্ধ হয়ে আসছে । সমগ্র জনতা চাপবন্দী হয়ে একবার সামনে, একবার পিছনে অহরহ যেন টলমল করছে । আজও মনে করতে পারি যে, সেদিন মনে হয়েছিল, বোধ করি পড়ে গিয়ে মানুষের পায়ের চাপে থেঁতলে যাব অথবা দম বন্ধ হয়ে যাবে । মিস্ত্রি আমার পাশে, তার টুপিটা কোথায় চলে গেছে, টাইটা বেচারি নিজেই শ্বাস-প্রশ্বাসের কষ্টে ঝুলে ফেলেছে । অয়েলস্কিনের ওয়াটার-প্রুফটা কাদায় ভরে গেছে, ছিঁড়ে ফর্দাফাই হয়ে গেছে, লম্বা ভিজ়ে চুলগলো চোখে নাকে এসে পড়ে আছে—সে হাঁপাচ্ছে । আমিও তাই । তবে আমি এতখানি অধীর হই নি । মিস্ত্রি অধীর হয়ে গেছে—তারই বুকে একটা হাত রেখে সামনে পলিস ঠেলেছে । সে হঠাৎ বলে উঠল সেই পলিস কন্স্টেবলটিকে, একেবারে খাঁটি মাতৃভাষায় সরল সহজ অকৃত্রিম ভঙ্গিতে, বাবা, দয়া করে এখান থেকে বার করে দাও বাবা ।

সে লোকটা ভেঁঙয়ে ভাঙা বাংলায় বলে উঠলো, হ্যাঁ, আভি বরছে বা-বা, দয়া কর্কে হিঁয়াসে বাহার করে দাও বাবা ! ঘুঁহুখা কাহে ?

আঁ ? হাম বোলা ঘুবনে লিরে ? বাহার করকে দাও বাবা ! হটো—হটো—
পিছ হটো । চলো ।

মিস্তিরে পিছনে কেউ পড়ে যাচ্ছিল, সে তার জামার কলার ধরলে
চেপে । মিস্তির এবার পড়ল, তার সঙ্গে আমিও পড়লাম । পুঁলিস
মারলে ব্যাটন ।

তারপর খেলা শুরুর হতে জনতা একটু স্থির হল । আমার পাশেই
উত্তর দিকের গোলপোস্ট, পাঁচ হাত তফাত । সেকেন্ড হাফে মোহনবাগান
ও-দিকে খেলছে । একটা বল এসে ধপ করে পড়ে কাদায় বসে গেল এইটিন
ইয়াডের লাইনের উপর । কুমোরটুলির খেলোয়াড়েরা অন্তত বিশ-পঁচিশ
গজ দূরে । মোহনবাগানের গোষ্ঠ পাল ছুটলেন মারবার জন্যে । পা
তুললেন, পড়লেন, পিছলে চলে গেলেন গজ দশেক, তারপর ছুটলেন
পরামানিক । তিনিও পা তুলতে গিয়ে পড়ে ঠিক এমনি ভাবে চলে গেলেন
গজ পনের । গোল-কিপার ছুটলেন, কিন্তু বলের কাছে পৌঁছবার আগেই
মুখ খুবড়ে পড়লেন । গজ বিশেক দূরে ছিল হুইটলে—কুমোরটুলির সেন্টার
ফরওয়ার্ড । সে এবার বেড়াতে বেড়াতে এল, টুপ করে মারলে, বলটাও এসে
জালে পড়ল—কাতলা মাছের মতো । বাস, দেহের নির্যাতনের ওপরে মনের
উৎসাহ-আশার মস্তকে একখানি ছিন্ন পাদুকার চাঁটি । আমাদের দেশের একটা
প্রচলিত কথা মনে পড়েছে—মারকে মার তার উপর পাঁচ সিকে জরিমানা ।
খেলার মাঠ থেকে বেরিয়ে মিস্তির কান মলোছিলেন, সত্যি সত্যি, আর যদি
খেলা দেখতে আসি তো—

আমি কান মলি নি, তবে মনে মনে সঙ্কল্প করেছিলাম, খেলা আর
দেখব না । সে সঙ্কল্প রক্ষা করেই এসেছি । বোধ করি সমস্ত সাহিত্যিক-
জীবনে দিন চার-পাঁচ পাল্লায় পড়ে গেছি । এর মধ্যে একদিনের কথা মনে
আছে, গ্রীষ্মক নুপেন চট্টোপাধ্যায়ের কাছেই বোধ হয় শুনোছিলাম যে,
গ্রীসোম্যোন ঠাকুর দেশে ফিরেছেন, তিনি মাঠে আসবেন । সেদিন গিয়েছিলাম
সোম্যোনবাবুকে দূর থেকে দেখতে ।

আর একদিন শৈলজানন্দের সঙ্গে গিয়েছিলাম ।

আর একদিন, এই সেদিন ১৯৫০।৫১ সনে কমনওয়েলথ ক্রিকেট টীমের
সঙ্গে ভারতীয় টীমের ক্রিকেট ম্যাচ দেখতে গিয়েছিলাম । ঘণ্টা দুয়েক হিলাম ।
ক্রিকেট ম্যাচ দেখা সেই প্রথম, সেই শেষ ।

নিজ এককালে উনিশ-কুড়ি বছর বয়স পর্যন্ত ফুটবল হকি খেলেছি ।
টেনিসও খেলতে চেষ্টা করেছি । ব্যাডমিন্টন ভালো খেলেছি । ফুটবল খেলার
ঝোঁকের জন্যে ইস্কুল-জীবনে পাঁচ টাকা জরিমানা দিয়েছি । আমাদের

ওখানকার কীর্তীহার ফুটবল টীমকে ম্যাচ খেলার নেমস্তম্ভ করে ভালো করে খাওয়াতে পারি নি বলে তারা না খেলে চলে গিয়ে আমার নামে আমাদের হেডমাস্টারের কাছে অভিযোগ করেছিল। হেডমাস্টারমশায় জরিমানা করেছিলেন, তাঁকে না জানিয়ে চ্যালেঞ্জ করার জন্যে। এই ঝোঁক আমার জীবন থেকে ওই একটি ঘটনায় মূছে গেছে।

তাই পাটনার গিয়ে যখন মজলিসে পি. আর. দাশ মশায়ের বাড়িতে আগন্তুক বিখ্যাত খেলোয়াড়দের নাম শুনতাম, তখন তাদের ঠিক চিনতাম না। আজও সে সব নাম মনে করতে পারি না। তবে দুটো নাম মনে আছে, একজন ওয়াই সিং। আর একজন ফরাসী দেশের খেলোয়াড়—ক্রোচে কি ক্রোসে। দাশ মশায়ের দুই ভাইপো তখন বালক। একজন ফাস্ট ব্রাসে উঠেছে, একজন টেস্ট দিয়েছে—খন্দু সেন ও নসদু সেন।

এই নসদু সেন ও খন্দু সেনকে বাংলা পড়াবার ভার আমাকে দিলেন দাশ মশায়। প্রথম দিন রাতে তাঁর সঙ্গে পরিচয় হল। গৌরবর্ণ, শূক্ৰকেশ, স্নান্দেহ মানদ্য, সরল সরস বাক্যলাপ। চোখ দুটি তাঁর প্রতিভার পরিচয় বহন করে। এক কথায় বললেন, একশো টাকা মাসে দেব আমি। ওদের বাংলার সঙ্গে পরিচয় করে দিন। এই টাকা থেকে আমার সাহিত্যিক-জীবনের প্রথম ফাউন্টেন পেন কিনেছিলাম। সেটি আজও রয়েছে।

সেবার পাটনার তিন মাস ছিলাম। মধ্যে মধ্যে দাশ মশায় এক-একদিন ডাকতেন। একটি ছোট ঘরে বসে আলাপ করতেন। আমার কথানি বই তাঁকে দিয়েছিলাম। “রাইকমল” তাঁর ভালো লেগেছিল। একদিন বলেছিলেন, আমার সময় থাকলে আমি ইংরাজিতে অনুবাদ করতাম আপনার এই বইখানি। এতে বাংলার অপরাধ প্রাণের পরিচয় আছে।

আর বলতেন, আমার এক সময় কিছু লেখবার ইচ্ছা ছিল। এখনো মধ্যে মধ্যে ইচ্ছে হয়। প্লটও তৈরি করি। কিন্তু সে আর লেখা হয়ে ওঠে না। আমার লেখার ইচ্ছে নাটক। আপনি নাটক লেখেন না কেন?

আমি ‘মারাতা তর্পণের’ কথা বলেছিলাম। বলেছিলাম, নাটক এই জন্যেই আর লিখি না।

দাশ মশায় বলেছিলেন, তা হলে আর একবার লিখুন নাটক। আমার একটা প্লট আপনাকে দেব আমি।

প্লটটির কালের পটভূমি বৌদ্ধযুগ। বলতে শুরুর করলেন তিনি। অল্প কিছুদূর বলার পরই সেদিন দু-তিনজন খ্যাতিমান ব্যক্তি এসে উপস্থিত হলেন। পাটনার বাঙালী। একজন তার মধ্যে পাটনা হাইকোর্টের জজ (তখন রিটারার করেছেন) অমর মধুপাখ্যায়। তাঁরা এসে বেহারে বাঙালীদের

সমস্যা তুলে আলোচনা শুরুর করলেন। সেই দিন সেই ঘরে আমার সামনেই বেহার-বেঙ্গলী-সেটলারস্ অ্যাসোসিয়েশনের পত্তন হল। স্থির হল, সভা আহ্বান করা হবে। এবং সমিতি তৈরী হবে। তার মন্ত্রপত্র থাকবে। কর্মী সন্ধানের কথা উঠল। আমি সেই সভায় মণি সমাদ্বারের নাম করেছিলাম। মন্থোপাধ্যায় মশায় বলেছিলেন, দীর্ঘ সন্ধান করে কেমন ছেলে। অল্পস্বল্প জানি। তবু ভালো করে জানি, সকলকে জিজ্ঞেস করি। কিন্তু দাশ মশায় বলেছেন, দরকার নেই। এঁরা হলেন সাহিত্যিক, তরুণ-সমাজের খাঁটি পরিচয় ওঁরাই জানেন নির্ভুলভাবে। বুঝলেন, এঁরা ছেলেদের খুব প্রিয়জন। মণিকেই নিন। মাথার ওপরে শচী বোস আছে।

পি. আর. দাশ মশায় পৃথিবীর নিন্দা-প্রশংসাকে গ্রাহ্য করেন না। উদার হৃদয়বান মানুষ। একটি বিশিষ্ট যুগের জীবন-দর্শনের প্রতীক। সব থেকে ভালো লেগেছিল মানুষটির সরলতা।

পাটনার প্রবাসী-বঙ্গ-সাহিত্য-সম্মেলন হল। তার অভ্যর্থনা-সমিতির সভাপতি হয়েছিলেন কলিকাতা হাইকোর্টের রিটার্ডেড চিফ জাস্টিস মন্মথনাথ মন্থোপাধ্যায় মশায়। দাশ মশায় সহকারী সভাপতি। সানন্দে পদ গ্রহণ করলেন, পাঁচশো কি বেশি টাকা চাঁদাও দিলেন। অপর্ণা দেবী তাঁর কীর্তনের সম্প্রদায় নিয়ে আসবেন, নিজের বাড়িতে তাঁদের থাকবার ব্যবস্থা করলেন। এরই মধ্যে কেউ তাঁকে বৃষ্টিয়ে দিলে, এতে আপনার মর্যাদার হানি হয়েছে। দাশ মশায় তাই বৃষ্টিয়ে গেলেন এবং আয়োজন শুরুর করলেন এই সময়টায় যাবেন রাজগাঁয়ে। তাঁবুর বরাত হল, আয়োজন হল। এখানকার বাঙালীরা রঙীনদার নেতৃত্বে গিয়ে বললেন—সে কি করে হয়? আপনি থাকবেন না, সম্মেলন হবে কি করে?

দাশ মশায় ঝাড় নেড়ে বললেন, উহু। সে হয় না। আমাকে যেতেই হবে।

একেবারে সরল ছেলেমানুষের মতো।

লোকে তাকে দাম্ভিক বলেছিল।

কিন্তু আমি মানুসটিকে যতটুকু জেনেছিলাম, তাতে ওই অভিমান বা দাম্ভিকতার মূলে দেখেছিলাম একটি সারল্য।

দাশ মশায়ের দরজায় এসে দাঁড়াল একটি ছেলে—গরিব, পড়বে, সাহায্য চাই।

বোরিয়ে এসে অসহিষ্ণুর মতোই প্রশ্ন করলেন, কি, কি চাই?

সাহায্য।

নেই। নেই। আমাকে কে সাহায্য করে ঠিক নেই।

দুকে গেলেন ভিতরে । আবার বেরিয়ে এলেন, কিসের জন্য সাহায্য ?
পড়ব ।

পড়বে ? কী পড়বে ? কোথায় বাড়ি ? কত সাহায্য চাই ?

উত্তর শুনলেন । বললেন, আচ্ছা মাসে মাসে এসে নিজে যাবে । যাও ।
এখন যাও । যাও ।

ভিতরে চলে এলেন ।

ঘটনাটি আমারই সামনে ঘটেছিল ।

দাশ মশায়ের সঙ্গে পরিচয় পাটনায় যাওয়ার ফলে—যা পেয়েছি—যা লাভ
করেছি তার মধ্যে অন্যতম ।

পনেরো

পাটনার কথা এখানেই প্রায় শেষ । ভবিষ্যতের কথা ভবিষ্যতে আছে । এ
পর্যন্ত এখানেই ছেদ পড়েছে ।

পাটনায় প্রবাসী-বঙ্গ-সাহিত্য-সম্মেলনের কথা একটু আছে । সেখানে
সাহিত্য শাখার সভাপতি হিসেবে স্বর্গীয় প্রদ্বৈয় মোহিতলাল যে অভিভাষণ
পাঠ করেছিলেন, সে নিয়ে একটা বড় বাদ-প্রতিবাদের সৃষ্টি হয়েছিল । তার
মধ্যে আধুনিক সাহিত্য সম্পর্কে তাঁর বিরূপ মত প্রকাশ করতে গিয়ে বিছন্দ
অসৌজন্য-স্ফাপক মন্তব্য প্রকাশ করেছিলেন এ কথা সত্য, কিন্তু সেই অভিভাষণে
তিনি যে মত প্রকাশ করেছিলেন এবং তাঁর দূরদৃষ্টিতে যে ভবিষ্যৎ দর্শন
করেছিলেন, তা প্রায় অক্ষরে অক্ষরে মিলে গিয়েছে । এই নিয়ে তাঁর বিরোধী
দলের মধ্য থেকে একজন তরুণও যে উদ্ধত ব্যবহার করেছিলেন বা করতে
চেষ্টা করেছিলেন, তা স্মরণ করলে আজও লজ্জায় মাথা হেঁট করি ।
বিশ্ববিদ্যালয়ের ছাত্র । মোহিতলাল সভামণ্ডপ থেকে বেরিয়ে আসবামাত্র রাগে
আত্মহারা হয়ে ছুটে এসেছিল, তাঁর হাতটা ধরবার চেষ্টা করলে,
বারেকের জন্য ধরেওছিল । সেদিন বিক্রম এবং সাহস দেখেছিলাম
সজ্ঞানীকান্তের । সজ্ঞানীকান্ত মোহিতলালের সঙ্গে গিয়েছিলেন এবং সে সময়ও
পাশেই ছিলেন । সজ্ঞানীকান্ত মৃদুভাষী ছেলেটির সম্মুখীন হয়ে কঠিন প্রতিবাদে
তাকে আত্মস্থ এবং নিরস্ত করেছিলেন ।

মোহিতলালের সেদিনের অভিভাষণে একটি কথা স্পষ্ট হয়ে উঠেছে
আজ । তা নিয়ে আজও দ্বন্দ্ব রয়েছে । আজ আবার সেকালের দুই শিবির

ভেঙে তিন শিবির হয়েছে। প্রথম ও দ্বিতীয় শিবিরের কথা বলার প্রয়োজন নেই; তৃতীয় নতুন শিবির যেটি হয়েছে—তার সম্পূর্ণ প্রগতি হলেও সে যুগের প্রগতি সাহিত্যের সঙ্গে কোন সম্পর্ক নেই; এ প্রগতির অর্থ হল—মার্কসবাদ অনুযায়ী সাহিত্য। তাঁর কথা ছিল, বাংলা-সাহিত্যে বাঙালীর জীবন থাকবে, বাঙালীর বাংলা-ভাষা থাকবে, মানবজীবনের চিরন্তন সুখ-দুঃখ-হাসি-কান্না থাকবে; পটভূমিতে বিশেষ কাল এবং বিশেষ ভৌগোলিক পটভূমি থাকতেই হবে। এই রচনা রচনাগুণে রসোত্তীর্ণ হলে তবেই হবে সার্থক সাহিত্য; এবং তাই হবে সর্বকালীন ও বিশ্বজনীন। ইংরেজিতে মনে মনে বাক্য রচনা করে সেই ভাষাতে বিন্যাসে সুমার্জিত বাংলা-শব্দ বসিয়ে রচনার পদ্ধতিকেও তিনি মারাত্মক ভ্রম এবং অনিষ্টকর মনে করতেন। ভাব ও ভাবনার কথা এ ক্ষেত্রে বলাটাই বাহুল্য হবে। এক বিশেষ ভৌগোলিক সংস্থানের মধ্যে প্রকৃতিবৈচিত্র্যের বিশেষ প্রভাব জীবিকানির্বাহের বিশেষ পদ্ধতির অনুসরণের ফলে মানুষ এক উপলব্ধিতে উপনীত হয়—এই ধারণাই ধ্যানযোগে পরিপুষ্ট হয়ে পরিণত হয়েছে মানসিকতা গঠনের খাতুতে। তার মনোজগতের তাই উপাদান। ক্ষেত্রে এবং বাতাবরণের পার্থক্যে ফসলের পার্থক্যের মতো ভাবজগতের পার্থক্যও অবশ্যম্ভাবী। তাই এই বিংশ শতাব্দীর মধ্যভাগে ইউরোপের দিকে তাকিয়ে তার সাধনার সিদ্ধিফলের প্রেরণা নিদর্শন যখন খুঁজতে যাই, তখন সর্বাগ্রে দুটি আবির্ভাব চোখে পড়ে। একজন কার্ল মার্কস, অপর জন লেনিন। হিটলারও এই সাধনার ফল। ভারতবর্ষের দিকে তাকালে চোখে পড়বে রবীন্দ্রনাথ, গান্ধী, প্রীতরবিন্দ এবং নেতাজী সুভাষচন্দ্র। সুতরাং ভাবগত পার্থক্য অস্বীকারের উপায় কোথায়?

ভারতবর্ষের রূপ যদি কেউ আকাশ-পথে ঘুরে এসে ছাঁবি আঁকে তবে তাকে আঁকতে হবে, অসংখ্য দেউল মন্দির আকাশ-পথে মাথা তুলে দাঁড়িয়ে আছে। আশ্চর্যের কথা, রঘুপতি-যদুপতির উত্তর কোশল মথুরার প্রাসাদ নেই, বিক্রমাদিত্যের স্বর্ণপুরী নেই, কিন্তু মন্দির আছে। অসংখ্য মন্দির! তার আকাশমুখী চুড়ার সূক্ষ্মাঙ্গ যেন মনোলোকের উর্ধ্বমুখী বাসনার প্রতীক। বিচিত্র গঠন-কোশলে মনে হয় সে যেন সত্যি আকাশ ছুঁয়েছে।

ইউরোপের বস্তুবাদতত্ত্ব যখন এসে এর উপর সংঘাত হানলে, বিজ্ঞানের আবিষ্কারতথ্য যখন ডিনামাইটের মতো তাকে খুলিসাৎ করে দিতে চাইলে, বাইরের বহু উপকরণে তখনই রবীন্দ্রনাথের আবির্ভাব হল এবং ইউরোপীয় ভাববাদ ও তার ভাবনা-রস আকণ্ঠ পান করে গঠিত হল নবভারতের ভাব ও ভাবনা। যা ছিল বাইরে তাকে তিনি অন্তরে প্রতিষ্ঠা করলেন। বাইরের ভারত ভারত-জীবনের অন্তরলোকে দৃঢ়তররূপে প্রতিষ্ঠিত হল। সমগ্র

রবীন্দ্রকাব্যে সেই সনাতন ভারতের পরমোপলব্ধির অপরূপ নবীন প্রকাশ। মনোলোকে মন্দির গড়া হয়েছে, দেবতা সেখানে নবীন প্রকাশে মহিমাম্বিত, সেখানে শশ্ব বাজে, আরতি হয়, প্রদীপ জ্বলে, ফুল আছে, চন্দন আছে, বাইরের ভারতের সব কিছই আছে সেখানে। ইউরোপীয় শাসনের রক্ষণাবেক্ষণে পৃষ্ঠপোষকতায় ভারতের মঠ-মন্দিরের চারিদিকে বস্ত্রপুঞ্জ পাহাড়ের মতো জমে উঠল, তার ইয়াডের বৈদ্যুতিক আলোর জ্যোতিতে মন্দিরের আলোক নিম্প্রভ হল। কিন্তু তাতেও কোন ক্ষতি হল না। ভিতরের আয়োজন বাইরের সংঘাতকে প্রতিহত করে ব্যর্থ করে দিলে। সে আয়োজনের ফল যখন আবার বাইরে রূপ পরিগ্রহ করলে গান্ধীর সাধনায়, তখনকার ভারতের রূপের কথা, মহিমার কথা বলার প্রয়োজন আছে কি? নেই।

তাই আজ এ দেশের ইউরোপীয় ভাববাদীদের সর্বাপেক্ষা বড় প্রচেষ্টা হয়েছে, এই দুই ভারত-জীবনের প্রতীককে অস্বীকার করবার। ভারতের জীবন-ক্ষেত্রে এই দুই সিদ্ধমূর্তি যতক্ষণ স্থান জুড়ে আছেন ততক্ষণ ইউরোপের ওই দুই মূর্তিকে এনে অধিষ্ঠিত করা অসম্ভব। গান্ধীজীর নাম এবং তাঁর ছবি প্রগতি সাহিত্যের আসরে বজ্রন করা হয়েছে, কিন্তু রবীন্দ্রনাথকে অস্বীকার করতে সাহস নেই। যদিও একখানি বামপন্থী পত্রিকায় দেখেছি যে, এঁরা ভিতরে রবীন্দ্রনাথকে কদম্ব অভিধানে অভিহিত করে থাকেন। সম্প্রতি শান্তিনিকেতনের সাহিত্যমেলায় রবীন্দ্রনাথকে এ-যুগে অচল বলে আসার মধ্যেও এরই প্রকাশ আছে। রবীন্দ্রনাথ তার ঋষিদৃষ্টিতে এ ভবিষ্যৎ দেখতে পেরেছিলেন। এবার কিন্তু তিনি কৌতুক অনুভব করছেন। তিনি শঙ্কা প্রকাশ করেছিলেন। তার সংস্কৃতির সঙ্কট [“সভ্যতার সঙ্কট”] নামক মহাবাণীর মতো প্রবন্ধে তিনি পশ্চিমী-সভ্যতার উপর নিঃশেষে হারানোর কথা ব্যক্ত করেছিলেন। দেখেছিলেন বাহিরের রিক্ত ভারতের চেয়েও অন্তরে রিক্ত ভারতের আগামী অন্ধকারকে। “কল্লোল” ও “কালিকলমে’র’ যুগে একবার যখন তারুণ্যের বিদ্রোহ হয়েছিল তখন তিনি শঙ্কিত হন নি—কৌতুক অনুভব করেছিলেন।

“শেষের কবিতা”র অমিত রায়ের পকেট থেকে খেরো বাঁধানো খাতায় নিবারণ চক্রবর্তীকে আমদানি করে বৃদ্ধ পিতামহের মতো কিণ্ডং পরিহাস করেছিলেন। তার বেশী কিছু না। সকলেই ছিল তাঁর স্নেহের পাত্র। তিনি জানতেন যে, তারুণ্য তো চিরস্থায়ী নয়; প্রবীণতায় পৌঁছানো তার অবশ্যম্ভাবী পরিণতি। তাতে একদিন পৌঁছতেই হবে। মধ্যে মধ্যে ক্ষুদ্রও হয়তো হতেন। শুনছি এক আধুনিক কবির কবিতার দূর্বোধ্যতা লক্ষ্য করে

তিনি তাঁকে বলেছিলেন—তোমাকে লিঙ্গিত হতে হবে একদিন ; লিঙ্গিত হবে তুমি । কাকে যেন লিখেছিলেন—এই...কবির কবিতা যদি তুমি আমাকে বদ্বীক্সে দিতে পার তবে তোমাকে শিরোপা দেব । এর বেশী কিছু না । কাগজে-কলমে শঙ্কা প্রকাশ করেন নি এসম্পর্কে । কিন্তু এই তৃতীয় শিবির সম্পর্কে হয়েছিলেন শঙ্কিত । তখনও এ শিবিরের প্রকাশ্য স্কন্দাবার স্থাপিত হয় নি, স্কন্দাবারশীর্ষে রক্তপতাকাও ওড়ে নি ; তখন শব্দ দু-চারজন এ-পাশ ও-পাশ ঘুরে তাঁবু খাটাবার জায়গা-জমি খুঁজছেন । এদিক ওদিক চাইছেন । মধ্যে মধ্যে দু-চার কথা ফিস-ফাস করে বলছেন ; সে ফিস-ফাস কথা তাঁর কান এড়ায় নি । এবং ফিস-ফাস কথার সঙ্গে এঁদের নাসিকা ও ওষ্ঠের বক্রভাঁজমাও তাঁর চোখ এড়ায় নি । ১৩৪৬ সালে “সাহিত্যবিচার” প্রবন্ধে তিনি কাগজ-কলমে লিখে গেলেন—আশ্চর্য এই যে, সাহিত্যে... মধ্যবিস্তার অভিন্ন অত্যন্ত মেতে উঠেছে । (তখনও সর্বহারা কথাটা জোরালো হয়ে ওঠে নি, তত আওয়াজের জোর ছিল না এবং ইংরেজের শাসন তখনও কড়া) আমাদের দেশে কিছুকাল পূর্বে ‘তরুণ’ শব্দটা এই রকম ফণা তুলে ধরেছিল । আমাদের দেশে সাহিত্যে এই রকম জাতে ঠেলাঠেলি আরম্ভ হয়েছে হালে । আমি যখন মস্কা গিয়েছিলুম, চেকভের রচনা সম্বন্ধে আমার অনুকূল অভিরূচি ব্যক্ত করতে গিয়ে ঠোক্তর খেয়ে দেখলুম, চেকভের লেখায় সাহিত্যের মেলবন্ধনে জাতিচ্যুতি দোষ ঘটেছে, সুতরাং তাঁর নাটক স্টেজের মধ্যে পঙ্ক্তি পেল না ।...

আমার আশঙ্কা হয়, একসময়ে “গল্পগদ্য” বদ্বীক্সা লেখকের সংসর্গ দোষে অসাহিত্য বলে অস্পৃশ্য হবে । এখনি যখন আমার লেখার শ্রেণী নির্ণয় করা হয় তখন এই লেখাগদ্যলির উল্লেখ মাত্র হয় না...।...ভয় এই, এই আগাছাকে উপড়ে ফেলা শক্ত হবে ।

দুবার তিনি ‘আশঙ্কা’ এবং ‘ভয়’ শব্দ ব্যবহার করেছেন । এবং এই বিচারপদ্ধতি ও মনোভাবকে আগাছার সঙ্গে তুলনা করেছেন ।

এখানে বর্তমানে এই তৃতীয় শিবিরের সাহিত্যবদ্বীক্সির বীজ উৎপন্ন হয়ে কেমন আকার ধারণ করেছে তার ফসল অবশ্য আজও জন্মায় নি তবে বন্ধা ফুল অনেক ধরেছে, তার পাপড়ির বর্ণরেখায় কি কথা লেখা হচ্ছে তার একটু নিদর্শন দিলে সবটা পরিষ্কার হয়ে যাবে । তৃতীয় শিবিরের এক লেখক রবীন্দ্রনাথকে বিচার করতে গিয়ে রবীন্দ্রনাথের সাহিত্যের মধ্যে প্রাচীন ভারতীয় সংস্কৃতির মাধুর্য উপলব্ধি ও স্বীকৃতি রয়েছে বলে, বলছেন... প্রাচীন ভারতীয় সংস্কৃতি ভারতীয় বদ্বীক্সা চিন্তাধারার একটি প্রধান অংশে পরিণত । রবীন্দ্র-সাহিত্য অঙ্গে অঙ্গে তার প্রমাণ বহন করেছে ।

“অচলায়তন” নাটক সম্পর্কে আলোচনা করতে গিয়ে বলেছেন—“অচলায়তন নাটকখানি একখানি ‘নতজ্ঞানদ্বিদ্বেহ’ নাটকে পরিণত হয়েছে।”

রবীন্দ্রনাথের উপরোক্ত (“অচলায়তনে”) দাওয়াই কি পশ্চিমী সভ্যতার পক্ষে, কি কৃষক-শ্রমিক শ্রেণীর পক্ষে মোটেই কল্যাণকর নয়, একথা সব মার্কসবাদীই স্বীকার করবেন। অথচ এই পরামর্শ (অর্থাৎ ভারতীয় অহিংসা ও সংঘের ব্যক্তিমানস-সাধনা) দিয়েই অচলায়তন নাটকের উপসংহার— সংহার?—হয়েছে। তবে অচলায়তনকে বিপ্লবী চিন্তার বাহন বলে মেনে নেব কেমন করে ?

এ আলোচনা থাক। এখন ঘটনার কথা বলি।

এই সময়ের মধ্যে অর্থাৎ পাটনার কালের মধ্যে জীবনের চার বছর সময় জুড়ে রয়েছে।

এই চার বছরে কলকাতায় আমার জীবনে অনেক ঘটনা ঘটে গিয়েছে। রবীন্দ্রনাথের সঙ্গে প্রথম সাক্ষাৎ হয়েছে এই সময়ের মধ্যে, দ্বিতীয় সাক্ষাৎ হয়েছে—সেকথা পরে বলব। তার আগে কলকাতায় এই চার বছরে আমার জীবনের কয়েকটা কথা বলে নি। “বঙ্গপ্রী” থেকে সজনীকান্ত জবাব দিয়ে চলে এসেছেন। আমি দক্ষিণ কলকাতার সেই পাঁচ টাকা ভাড়ার ঘর ছেড়ে এসেছি বউবাজারে একটি মেসে। সেখান থেকে হ্যারিসন রোডে একটি বোর্ডিঙে।

বউবাজারের মেসটি ছিল একটি অতি বিচিত্র স্থান। এমন বিচিত্র সংস্থান কদাচিৎ ঘটে জীবনে। বাড়িটি কলেজ স্ট্রীট এবং সেন্ট্রাল অ্যাভিনিউর মধ্যে বউবাজার স্ট্রীটের উত্তর ফুটপাথের উপর। সামনেই একটি গির্জা আছে। এবং উত্তর দিকের ফুটপাথের বাড়িটার ঠিক একখানা বাড়ির পরেই আছে ফিরিঙ্গী-কালী। চীনেম্যান, দেশী ক্রীশ্চান, অ্যাংলো-ইন্ডিয়ান, মুসলমান নিয়ে পাড়াটা। শব্দ তাই নয়, বড় বড় বাইজীদের বাসা এখানে। যে বাড়িটার আমাদের মেস ছিল, সেই বাড়িতে এককালে ছিল বিখ্যাত ইংরেজি দৈনিক “সারভেন্ট” পত্রিকার আপিস। একদিন পবিত্র গান্ধুলী মেসে এসে সে কথা বলে গেলেন। প্রকান্ড তিনতলা বাড়ি। উত্তর-দক্ষিণে লম্বা। নিচের তলায় চামড়ার গুদাম; সামনেটার ফার্নিচারের দোকান। একটা গলি-পথে চুকে পূর্ব-মুখী দরজার উপরতলার সিঁড়ি। এই সিঁড়িটাই বাড়িটাকে দু ভাগে বিভক্ত করেছে। সামনের ভাগে অর্থাৎ দক্ষিণে বউবাজারের রাস্তার দিকটার দোতলা এবং তিনতলার চারখানা বড় বড় ঘরে পশ্চিমদেশীয়া বাইজীরা থাকে। উত্তরে চারখানা চারখানা আঠখানা ঘরে চারটে মেস। দুখানা করে ঘর এক-একটি মেস। এক-এক ঘরে দশ-বারোজন থাকে, যাত্রার দলের আসামীই বলুন

আর ধর্মশালার ষাটাই বন্ধন—যা বন্ধনে উপহার যেমানান বেখাপ্পা হবে না। চট্টগ্রাম, কুমিল্লা, ঢাকা, বরিশাল, বাঁকুড়া, বর্ধমান, বীরভূম—স্নোক সব জায়গায়ই আছে। আমি যে মেসটার গিরীহাম, সে মেসটা হিল লাভপুরের নির্মলশিখাবাদুরের ব্যবসায়-প্রতিষ্ঠানের কর্মচারীদের মেস। শান্তিনিকেতনের কয়েকজন কর্মী একটি বাঁমাপ্রতিষ্ঠান কয়েঁহিলেন, সেই প্রতিষ্ঠানটি হাত কিলে তখন নির্মলশিখাবাদুর হোঁট ছেলে নিতানারায়ণের হাতে এসেছে। তাঁরাই তার সর্বসর্বা। শান্তিনিকেতনের কর্মীরা দূরে পড়েছেন। কিন্তু পূর্ববঙ্গীর কর্মীরা সেই শান্তিনিকেতনের কর্তৃক্সের আমলের। চট্টগ্রামবাসীদের মধ্যে এক দিকে এক কথা হচ্ছে, এক দিকে ঢাকাই কর্মীরা চালাচ্ছেন তাঁদের জেলার কথাবার্তা, ওঁদিকে চলেছে বাঁকুড়া ও বীরভূঁইয়াদের ঝগড়া। এরই মধ্যে খাস কলকাতার একটি প্রিয়দর্শন তরুণ, সে লাভপুরের থিয়েটারে এবং কলকাতার অ্যামেচারে নারীভূমিকায় অভিনয় করে, সেই সূত্রেই তার এখানে ঢাকারি, চস মিঠে গলায় গান ধরে—

“আমার জ্বলে নি আলো অন্ধকারে

দাও না, দাও না দেখা কি তাই বারে বারে।”

এরই মধ্যে হঠাৎ দরজার বাইরে থেকে একখানি কঁচিমুখ উঁকি মারে—
বাবুজী!

ছেলেটিকে শরৎবাবুর “শ্রীমন্তের” সেই রেগদন-প্রবাসী চতুর বাঙালীর ছেলেটির সঙ্গে তুলনা করব না, যে নাকি বর্মী মেয়েকে বিয়ে করে ষথাসর্বস্ব নিয়ে পালিয়ে আসবার সময় কাম্মার সূরে তাকে বঙ্গভাষায় ব্যাঙ্গ করেছিল—
হায় রে, আর তোর কিছু নেই যে নিয়ে যাই। ওঃ, এই যে হাতে একটা চুনীর আংটি রয়েছে, ওটাই দে রে! তবে এটা বলব যে সে হৃদয় নিয়ে কোঁতুকবশে হৃদয়হীন খেলা খেলতে গিয়েছিল। আমাদের মেসের গায়ে সিঁড়ি; তার ও-ধারে দুটি ঘরে থাকত দুটি বাঁজী—দুই বোন, লক্ষ্মী কি এলাহাবাদ তাদের দেশ। এটি ছোট বোন। বয়স আঠারো কি উনিশ। সুন্দরী বলব না। তবে প্রিয়দর্শনই তাতে সন্দেহ নেই। আমাদের মেসের আটোশ-তিঁরিশ জন এবং পাশের মেসের জন পঁচিশেক—সবসুদ্ধ পঞ্চাশ-পঞ্চাশ জনের একশো দশটি চক্ষু অহরহই উঁকিঝঁকি মেয়ে ফিরত তার সন্ধানে। মেয়েটি কোঁতুকে মধ্যে মধ্যে উঁকি মেয়ে কটাক্ষ হেনে বক্র হেসে আবার মুখ টেনে নিত। সন্ধ্যার সাজসজ্জা করে বারান্দার বেড়াবার অঁহিলায় এক পাক ঝরে পঞ্চাশটি ঝুবকের হৃদয় জর্জরিত করে সামনের বারান্দায় গিয়ে বসত। তারপর আসত মলমলের পাগড়ি, আঁকির পাজ্জাবি, হীরের বোতাম, হীরের আংটি-পরা শেঠের দল। ওঁদিকে ঘরে ভবলা

বাঁধা হত, চাকর ঘন ঘন উঠত নামত, পান পানীয় ইত্যাদি আনয়ন করত, খুসবাইয়ের গন্ধ ছুটত। গান শুন হত—শুন বা শন বা পিয়া—

ঘুঙুরের ধ্বনি উঠত। ওরা এ ঘরে বিছানায় শুয়ে বৃদ্ধ বাজাত। কেউ তারিফ করত, কেউ করত—হায় হায়! এখানে বলা ভালো যে, পদব'বজের ছেলেদের শতকরা নিরেনববুই জন ছিল কুমারের দল। রাজসাহীর দুই ভাই থাকত। তাদের একজন ছিল মৃগদর-ডাম্বেল-ভাঁজা ছেলে। সে এই সময়েই মৃগদর ঘোরাতে শুন করত।

কলকাতার থিয়েটার-করা ছেলেটি মেসে থাকত না। তবে আসত যেত। এদের এই অবস্থা দেখে সে হাসত, কৌতুক করত। একদা এই নিয়ে তকরার হয়; এবং সে বাজি রাখে যে, সে যদি এখানে এক মাস থাকে তবে ঐ তরুণীটি—যার পায়ে নাকি পঞ্চাশটি হৃদয় গড়াগড়ি খাচ্ছে, ওর ঘুঙুরের প্রতিটি দানার ঘায়ে আহত হচ্ছে, তাকেই সে জয় করে ওঠাতে পারে, বসাতে পারে হাসাতে পারে—কাঁদাতে পারে, এমন কি ওর যে ঘরে বসে গান শুনতে পঞ্চাশ বা একশো টাকা লাগে, সেই ঘরে তাদের বিনা দক্ষিণায় সমাদর করে ডেকে বসিয়ে ওর নাচ-গান শুনিয়ে দিতে পারে।

বাজি হয়েছিল। কি বা কত বাজি তা আমি জানি না। এ সব আমি ওখানে যাবার আগের ঘটনা। আমি যখন গেলাম, তখন ছেলেটি বাজি জিতে বসে আছে। এবং বোধ করি বাজি জিতেও নিজের অগোচরে নিজেকে দেউলে হয়েছে। সাধারণ কথায়—মরেছে।

ওঁদিকে মেয়েটির দিদি প্রাণপণ চেষ্টা করছে, তার এ মোহের কাজল মুছতে। ছেলেটির প্রাণপণ চেষ্টা বন্ধন কাটাত। কিন্তু তা কি হয়? সেও কাঁদে, ওঁদিকে মেয়েটিও কাঁদে। কেঁদেই সে ক্ষান্ত থাকে না, গানের সাড়া পেলেই বংশীরব-মুখা কুরাঙ্গীর মতো দীর্ঘবেণী দু'লিয়ে এসে উঁকি মেয়ে ডাকে—বাবুজী!

কখনোও কখনোও মধ্যরাতে পানীয়ের প্রভাবে দিগ্ভ্রান্ত নটবর শেঠমহারাজ-দের দু-একজন এসে ভুল করে বাঁয়ে না গিয়ে ডাইনে মোড় ফিরে আমাদের বারান্দায় ঢুকে পড়ে ডাকত—কাঁহা হো পিঁয়ারী?

পঞ্চাশটি কণ্ঠস্বর গজ'ন করে উঠত মস্ত আগ্নেয়গিরির মতো—কোন রে? কেডা?

পাকড়ো হালার পোকে!

মধ্যে মধ্যে এক আধজন ভয়ে আছাড় খেত!

আরও একটা বিচিত্র সংস্থান ছিল। সরু মিহি গলায় চিৎকার উঠত ছাদে বা সিঁড়িতে—ঈ—ওল্ড্‌ হ্যাগ—

উত্তরে আরও একটা গলা চেঁচাত—হোয়থ ? ইউ বিচ্ ।

উপরের ছাদে এই ফ্ল্যাটেই বলদন আর ঘরেই বলদন এগুনের জন্যে কাঠের রান্নাঘর ছিল । বোধ হয় খান তিনেক রান্নাঘর খালি ছিল, সেখানে থাকত দুটি ক্রীশ্চান মেয়ে ।—একটি যুবতী একটি বৃদ্ধী । ওদের দুজনে ঝগড়া বাধত । বৃদ্ধী ওই যুবতীটির রান্নাবান্না করত । তার সঙ্গেই খেত-দেত । যুবতীটি বিকেলে সাজসজ্জা করে বের হত, রাতে প্রায়ই মাতাল হয়ে ফিরত । তখনই বাধত ঝগড়া । মধ্যে মধ্যে সঙ্গে আসত ফিরিঙ্গী ছোকরা । খানিকটা দাপাদাপি করে শেষে গালাগাল করতে করতে কাঠের সিঁড়ি বেয়ে ছুটে পালাত । মাতাল যুবতীটা তাড়া করত ভাঙা বাজু বা মশারির ডাঙা নিয়ে ।

বৃদ্ধীটা মধ্যে মধ্যে কাঁদত । হিন্দিতেই বলত, ছোকরী সেও এককালে ছিল ।

বাবুরা অনেকে তাকে ডাকত ‘ম্যাগী’ বলে ।

সে কিছদ বলত না । কিন্তু একদিন আমাকে বলোঁছিল, দেখ, আমি ম্যাগীর মানে জানি ।

বাড়ির সামনে পশ্চিম দিকে ছিল খানিকটা পতিত জায়গা, সেখানে ছিল রিক্শার আশা । আর তার পাশেই ছিল চীনেম্যানদের বাসা । ছাদে দাঁড়ি টাঙিয়ে তার উপর সারি সারি নীল কাপড়ের জামা পেণ্টালন ক্লিপ এণ্টে শব্দকুতে দিত আর একপাল ছেলে নিয়ে—সে যে কি বকাবকি সে আর কি বলব ?

রবিবার দিন সকলে ছাদে উঠে সতৃষ্ণনয়নে তাকিয়ে থাকত উত্তর-পশ্চিম দিকের একখানা বাড়ির ছাদের দিকে । কি ? কানে কানে চুপিচুপি একজন বললে,—এর বাড়ি । ওই যে ফুলের টবওয়ালা ছাদ ।

নামটা একজন বিখ্যাত সিনেমা-অভিনেত্রীর ।

রবিবার দিন তিনি নিজে হাতে গাছগুলিতে জল দেন এবং পরিচর্যা করেন । তাই রবিবার সকালে ছাদে সকলে ভিড় করে দাঁড়ায় ।

আমাদের একজনের নাম ছিল রাজেনবাবু, চাটগাঁয়ের ছেলে । ছিমছাম অবিবাহিত যুবক । তাঁর বাই ছিল এই সিনেমা-স্টার দেখে বেড়ানোর । এবং মধ্যে মধ্যে এমন সব খবর নিয়ে আসতেন যে সকলে থ মেরে যেত ।

একদিন বললেন,—দেবীকে দেখে এলাম, এই দূ-হাত পাশ থেকে গাড়িটা ছুঁয়ে দেখেছি । লোকে বলে—কালো, আমি দেখলাম গোলাপী সার্টিনের মতো চকচকে গালের রঙ আর তেমনি কি চামড়া !

এই আসরের মধ্যে আমার আসর পাতলাম ।

সন্নিবে ছিল দুপুরের সময় । খাঁ-খাঁ করত সব মেসগুলি । ওদিকে হাইজীরা নিদ্রামগ্ন । উপরে ফিরিঙ্গী মেয়ে দুটিও ঘুমোত । আমি লেখতাম ।

বোলো

এই বিচিত্র বাসাটির স্মৃতি বিচিত্র। কত বিচিত্র মানুষ বিশেষ করে এই মহানগরীর বিস্ময়কর বৈচিত্র্যের সমাবেশ এখানে দেখেছি তার হিসাব দিতে গেলে—সে হবে অন্য গ্রন্থ। তবে একটি বৈচিত্র্যের কথা বলব। সে ফিরিঙ্গী কালী ও কালীতলার কথা। এই কালীস্থানটি বহু পুরাতন। কলকাতার তথ্য ভারতবর্ষের সামাজিক পরিবর্তনে এই দেবতাটির ভূমিকা ঐতিহাসিক বললে অতিশয়োক্তি হবে না। সেকালে সমাজের অবহেলিত বর্ণের যারা ক্রীশ্চান হয়েছিল—ওই আমাদের মেসের ছাদের বাসিন্দে ম্যাগী-লুসির পূর্বপুরুষদের আরাধ্যা দেবী। ক্রীশ্চান হয়েও বিপদে আপদে শোকে তারা মেরী ও ক্রাইস্টকে ডেকে সাহায্য পেরে না। ভাই ওই দেবীটিকে স্থাপনা করেছিল। এখানে তারা পূজা দিত সেকালে। প্রণাম করে কাজে বের হত। এইকালেও দেখতাম, ক্রীশ্চানরা এসে দাঁড়াতে—মূর্তির সামনে দাঁড়িয়ে থাকত। যেই দেখত বিশেষ লোকজন নেই অমনি পরস্পর দিয়ে টুপ করে একটি ছোট্ট প্রণাম নিবেদন করে চলে যেত। সন্ধ্যার পর থেকে এইটে ঘটত বেশী। আমি দাঁড়িয়ে দাঁড়িয়ে দেখতাম। মধ্যে মধ্যে দেখতাম—ম্যাগী বড়ী হাত জোড় করে বিড়বিড় করে কিছু বলছে।

রিক্‌শাওয়ালাদের ঝগড়া দেখেছি ; চীনেম্যানদের কর্মতৎপরতা দেখেছি। আমাদের গলির মধ্যে অন্ধকারে সওয়া হত।

এই বিচিত্র স্থানটিতে থাকতেই মহাকাব্যের সঙ্গে আমার দ্বিতীয়বার সাক্ষাৎ হয়েছিল। এই প্রসঙ্গে মনে পড়ছে কবিগুরুদের সঙ্গে প্রথম সাক্ষাতের বিবরণে একটি বিশেষ উল্লেখযোগ্য কথা বাদ পড়ে গেছে। প্রথম সাক্ষাতের সময় কথাবার্তার মধ্যে তিনি আমাকে বলেছিলেন—তোমার একটা কাজের কথা বলি, শোন। কলকাতা থেকে মধ্যে আমার কাছে এসেছিলেন শিশিরকুমার। শিশিরকুমার ভাদুড়ী। ভালো নাটক পাচ্ছেন না। আমি তাঁকে বললাম, আমার তো এখন রঙ্গমঞ্চকে দেবার মতো তৈরি কিছুর নেই! কি দেব? তবে তুমি তারাপ্রসাদের “রাইকমল” নাটক করে নিয়ে দেখতে পার। আমার

ভালো লেগেছে। বাংলার খাটি মাটির জিনিস। সাত্যকারের রস আছে। তাঁকে বইখানাও পাড়িয়েছি এবং তোমাকে তাঁর কাছে পাঠাবার কথাও দিয়েছি। তুমি কলকাতা গিয়ে শিশিরকুমারের সঙ্গে দেখা কর। তিনি তোমার জন্যে অপেক্ষা করছেন।

আমি অভিভূত হয়ে গিয়েছিলাম।

শিশিরকুমার ভাদুড়ী। রঙ্গমঞ্চে যার অভিনয়ের সঙ্গে সঙ্গে মানুষের অন্তরের নারায়ণ নারদের বাণীর ব্যঙ্গারে গঙ্গার মতো বিগলিত হয়ে যায়। বাংলার তথা ভারতবর্ষের মনোহারিণী যার প্রতিভা, তিনি আমার “রাইবমল” অভিনয় করবেন। মনে পড়ল “মারাঠা তপস্বী”র ছাঙ্কনার কথা। বহির্ভূত অন্তর্যামীর মতো আমার অন্তরের অন্তরে লুকানো বেদনার সন্ধান জেনে সেই বেদনাই উপশম করার ব্যবস্থা করেছেন আমার সঙ্গে দেখা হওয়ার আগেই। শিশিরকুমার তাঁর কাছে এসেছিলেন তাঁর বইয়ের জন্যে, তিনি আমার বই অভিনয় করতে বলেছেন।

তখনকার আমার মতো একজন সামান্য লেখকের পক্ষে এর চেয়ে বড় সৌভাগ্য আর কি হতে পারে? শিশিরকুমার ভাদুড়ী মহাশয় বাংলার রঙ্গমঞ্চে নূতন ভগীরথ, নবসঞ্জীবনের রক্ষার মতো প্রত্যা আমার জন্যে অপেক্ষা করছেন?

এতবড় সৌভাগ্য আমার।

কলকাতায় সে সময় থাকতাম মনোহর পুকুরে। সেই বস্তীচরণের সন্মুখ সোবার মধ্যে।

কবির কথায় আশাভরা বুক নিয়ে কলকাতায় এলাম। বন্ধুবান্ধব কাউকে বললাম না কথাটা। কি জানি শিশিরকুমার কি ভাবে নেবেন বা নিয়েছেন কথাটা। কোথায় দেখা করব তাঁর সঙ্গে? বাসার ঠিকানা জানি না। কাকেই বা জিজ্ঞাসা করব? অবশেষে একদিন স্টার থিয়েটারের দরজায় এসে হাজির হলাম। ওখানে তখন নাট্যাচার্যের অভিনয়ের আসর বসে।

একে কলকাতা, তায় থিয়েটারের কাণ্ডকারখানা। সকলেই অপরিচিত, সকলকে দেখেই ভয় করে। এঁরা বিচিত্র জগতের মানুষ বলে মনে হত। কথাবার্তার চঙে ভাষাতে শব্দিত হতে হত, এবং সেই “মারাঠা-তপস্বী”র স্মৃতি থেকে আমার মনে কেমন একটা অস্বস্তি ছিল। স্টার থিয়েটারের টিকিট-আপিসের সামনে এসে দাঁড়িলাম। কাকে জিজ্ঞাসা করি? কাকে বলি? অনেক সাহস করে টিকিটের ঘুলঘুলি দিয়ে মুখ বাড়িয়ে বললাম, নমস্কার।

হাতের পেনসিলটা কপালে ঠেবিয়ে খুব গম্ভীরভাবে স্থির দৃষ্টিতে আমার দিকে চেয়ে রইলেন।

আমি বললাম, আমি একবার শ্রীযুত শিশিরকুমার ভাদুড়ী মহাশয়ের সঙ্গে দেখা করতে চাই ।

কর সঙ্গে ?—ভদ্রলোকের চোখ দুটো বিস্ফারিত হয়ে উঠল ।

শিশিরকুমার ভাদুড়ী মহাশয়ের সঙ্গে ।

মিনিটখানেক আমার দিকে তাকিয়ে থেকে বললেন, দেখা হবে না ।

আমি—

হবে না মশায় । তিনি অভিনয় করছেন । এ সময় দেখা তিনি করেন না ।

দয়া করে আমার নামটা—

না মশায়, না । যা নিয়ম নেই, তা পারব না ।

কি করব ? চলে এলাম । পথে আপসোস হল, ও'র বাসার ঠিকানাটা 'জেনে এলাম না কেন ?

পরদিন আবার গেলাম ।

ঠিকানা জিজ্ঞাসা করলাম, উত্তর পেলাম—সে দেবার হুকুম নেই মশায় । তাঁর শরীর ভালো নয় ।

পরের দিন এলাম । সেদিন অভিনয় নেই, সব খাঁ-খাঁ করছে, ফিরে গেলাম । এইভাবে দিন আশ্টেক ফেরার পর সেদিন স্টার থিয়েটার থেকে বেরিয়ে এসে ফুটপাথে দাঁড়িয়ে মনে মনে সঙ্কল্প নিচ্ছিলাম, নাঃ থিয়েটার-জগতের দরজা আর মাড়াব না ।

ঠিক এই সময়টিতেই সাড়া পেলাম—তারাশঙ্করবাবু ।

এদিক ওদিক তাকাছি, আবার সাড়া এল—সামনের ফুটপাথে, আমি পবিত্র গাঙুলী ।

তখন কলকাতা এমনতর ঘন জনারণ্য হয়ে ওঠে নি, সামনের ফুটপাথের দিকে তাকাতেই পবিত্র গাঙুলী মশায়কে দেখলাম । হাতের তালুতে তামাকের পাতা কচলাচ্ছেন চুন সহযোগে ।

এ পারে এগিয়ে এসে প্রশ্ন করলেন, এখানে ? থিয়েটার দেখতে না কি ?

না ভাই, এসেছিলাম শিশিরবাবুর কাছে ।

বলে সকল বিবরণ প্রকাশ করে বললাম, তা হল না । আর হয়েও কাজ 'নেই । এ দরজা আর মাড়াছি না ।

দাঁড়ান দাঁড়ান । রবীন্দ্রনাথের হুকুমে এসেছেন, ফিরে যাবেন কি ? আসুন, দেখি আমি ।

তিনি উঠে গেলেন, দোতলায় । তারপর একজন স্ফুদর্শন ব্যক্তিকে ধরে তাঁর সঙ্গে কথা বলে তাঁকে ভিতরে পাঠালেন । বোধ করি মিনিট তিন-চারের মধ্যেই ফিরে এসে বললেন, চলুন, ভিতরে চলুন ।

শিশিরকুমার বোধ হয় আলমগীর সেজে বসে ছিলেন, “আলমগীর” অভিনয় হাছিল। আর বসে ছিলেন একজন বয়স্ক ভদ্রলোক। তিনি শিশিরকুমারের মামা।

আমরা ঢুকতেই শিশিরকুমার আমাদের দিকে তাকিয়ে বললেন, এস পবিত্র। আপনি তা হলে তারাশঙ্করবাবু।

আমি নমস্কার করলাম। প্রতিনমস্কার করতে করতেই তিনি বললেন, আরে, মশাই, আমি আপনার পথ চেয়ে বসে আছি।

পবিত্র হেসে বললে, কিন্তু বাইরে যে আপনার অনুচরেরা পথ বন্ধ করে বসে আছে। উনি দিন আশ্টেক ঘুরে প্রবেশ-পথ না পেয়ে ‘আর আসব না’ বলে ফিরে যাচ্ছিলেন। এমন মন্থত্বে আমার সঙ্গে দেখা তাই, আমার কথাই শোনে নাকি আপনার দ্বারপালেরা। অনেক বলে-কয়ে—তবে।

শিশিরবাবু হেসে হাত নেড়ে বললেন, ওদের দোষ নেই—ওদের দোষ নেই। দোষ আমার ভাগ্যের। থিয়েটারের দেনা হয়ে গেছে। কে প্যাওনাদার, কে প্যাওনাদার নয়—ওরা চেনে না; কাজেই একধার থেকেই ফিরিয়ে দেয়।

এমন সুন্দর কথা বলা শুনিনি।

তারপর বললেন—আমাকেই বললেন, নইলে পবিত্র জানে, কারও ভালো লেখা পড়লে, শিশির ভাদুড়ী তাকে খুঁজে বের করে আলাপ করে আসত। আমার থিয়েটারে নতুন লেখকদের দ্বার ছিল অব্যাহত। কত আনন্দ গেছে তখন! আজ আমাকে দেখছেন, আমি আমার কঙ্কাল। গভীর দীর্ঘনিশ্বাস ফেললেন।

তারপর বললেন, “রাইকমল” কিনে পড়ে নিয়েছি। ভালো জিনিস—বাংলার মাটির খাঁটি জিনিস ভালো হবে। হ্যাঁ। আমি ওই বগ বাবাজীর ভূমিকাটা নেব। একটু অদল-বদল করে নেব। বগের বদলে ব্যাঙ করলেই মানিয়ে যাবে। ছোট কমলের ভূমিকাটা প্রভার মেয়েকে দিয়ে চালিয়ে নেব। তারপর প্রভা। বইটা আমাকে শিগগির করে দিন। খুব শিগগির। আমি পড়ে পড়ে মার খাচ্ছি।

মাসখানেকের মধ্যে বই দেব বলে নমস্কার করে পরিপূর্ণ মন নিয়ে বিদায় নিলাম। ভারি ভালো লেগেছিল এই প্রাণ-খোলা প্রতিভাশালী মানদ্যটিকে। বার বার মনে পড়ছিল সেদিন রবীন্দ্রনাথের রচিত রামেন্দ্রসুন্দর-প্রশস্তি—তোমার বাক্য সুন্দর, তোমার হাস্য সুন্দর—

পরের দিনই বাড়ি চলে এলাম “রাইকমল”কে নাট্যরূপ দেবার জন্যে।

একখানা গানও রচনা করে ফেলেছিলাম, প্রথম দৃশ্যটাও লিখে ফেলেছিলাম। গানটি এবং আরম্ভ দুই-ই চমৎকার হয়েছিল। এতে করেছিলাম রসিকদাস বাউল ঘুরতে ঘুরতে রাইবমলের গ্রামে এসে পড়ল এবং কমলরঞ্জন এদের রাখাক্ষ সাজিয়ে, গায়ের লোকের দৈহ্যসংক্রান্তির পর্ব দেখে ওইখানে দুদিন চারদিন থাকতে গিয়ে থেকেই গেল। গানটার গোড়াটা ছিল—

“হায় কোন মহাজন পারে বলিতে

আমি পথের মাঝে পথ হারালাম ব্রজে চলিতে।”

সে যাক। আমি তখন ভাবিও নি, শিশিরবাবু গান গাইবেন কি করে? কিন্তু সব ভাবনার হঠাৎ সমাপ্তি ঘটল একদিন কাগজ পড়ে। দেখলাম, শিশিরকুমার স্টার রঞ্জাঙ্গ ছেড়ে দিয়েছেন, এবং হয়তো বা আর রঞ্জাঙ্গের সংগ্রহেই আসবেন না।

দুঃখ খুবই হয়েছিল। তবে শিশিরকুমারের সেদিনের সহৃদয়তা, তাঁর পরিচয় আমার জীবনের সম্পদ হয়ে রইল।

এইবার রবীন্দ্রনাথের সঙ্গে দ্বিতীয়বার সাক্ষাতের কথা বলব। তখন রবীন্দ্রনাথ বিচিত্রা-ভবনে এসেছেন। সেই ইরিসিংকাস হয়ে কবি যেবার জীবনমৃত্যুর সন্নিবেশে উপনীত হন—সেইবারের কথা। ববি তাঁর নৃত্যনাট্যের দল নিয়ে কলকাতায় এসেছেন—নিউ এম্পায়ারে অভিনয় হবে।

আমার দ্বিতীয় গল্পের বই “জলসাঘর” তখন কিছুদিন—কয়েকমাস হল বেরিয়েছে। কবিকে প্রণাম করে তাকে বই নিজে দিয়ে আসব এই বাসনা ছিল। কিন্তু বাই-বাই করে যাওয়া হয় নি। এবার কলকাতায় এসেছেন জেনে একদিন দুপুরবেলা “জলসাঘর” বইখানি নিয়ে বেরিয়ে পড়লাম।

গিয়ে দাঁড়ালাম নব্য বাংলার তীর্থভূমির মতো পবিত্র ঠাকুরবাড়ির সামনে। ও-বাড়ি ঠাকুরবাড়িই বটে বাংলা দেশের। সেই আমার প্রথম যাওয়া ঠাকুরবাড়ির এলাকায়। এর আগে চিংপুরের গ্রামে যেতে বড় বড় থামওয়ালারা—খুব উচু বড় সিঁড়িওয়ালা বাড়িটিকে দেখে ভাবতাম, এইটিই রবীন্দ্রনাথের বাড়ি। সেদিন ঠাকুরবাড়ির সামনে দাঁড়িয়ে চারিদিকে দেখে—কোথায় যাব, কোন দিকে যাব ভাবছি, এমন সময় পুরনো বাড়ির বারান্দায় দেখলাম শান্তিদেব ঘোষ যাচ্ছেন—বিচিত্রাভবনের দিকে। আমি তাকে ডাকলাম।

শান্তিদেব আমাকে চিনতেন। আগেই বলেছি তাঁর পিতার স্নেহাস্পদ ছিলাম আমি। শান্তিদেব মানুষ্যটিও বড় স্নিগ্ধ এবং মধুর। যা দেখে ভয় পাই, তা তাঁর মধ্যে ছিল না। আমি স্বস্তির নিশ্বাস যেলে তাঁকে ডাকলাম। তিনি নেমে এলেন। অভিপ্রায় শুনেই বললেন, দাঁড়ান দেখি, কি করছেন।

দেখে ফিরে এসে বললেন, আসুন । একা রয়েছেন, আপনার ভাগ্য ভালো ।

বিচিত্রাভবনের দক্ষিণ-পূর্ব কোণের ছোট ঘরখানিতে মহিমাম্বিত কবি বাইরের আকাশের দিকে তাকিয়ে বসেছিলেন । সে দিন সেই তাঁর আকাশ-দেখা দৃষ্টি দেখে আমার জন্ম ধন্য হয়েছে । আমি সেইদিন ঠিক বুদ্ধিতে পেরেছিলাম, মদহর্তে আমার মন বলে দিয়েছিল, হ্যাঁ, হ্যাঁ এই তো, সেই কবি, যে কবির মনে আকাশের, মেঘের, গোখুরির আলোর স্পর্শ সুরবজ্জ্বল তুলে দেয়, ধ্যানপুলকমগ্ন কবিকণ্ঠে আপনি ক্ষুদ্রিত হয়—

আজ নবীন মেঘের সুর লেগেছে আমার মনে,

আমার ভাবনা যত উতল হল অকারণে ॥

সেদিনও আকাশে মেঘ ছিল । আমি দেখলাম, ক্ষণে ক্ষণে তাঁর উজ্জ্বল দুটি চোখে তার ছায়া পড়ছে । এই কবির মনেই আসতে পারে এবং আসে বহু যুগের ওপার থেকে আষাঢ়ের গান । আকাশে বকের পাঁতি উড়ে চলে যায়, নীলনভোপটে তাদের সারির শব্দ লাগে, তাদের পাখার শব্দ কবিচিন্তকেই আত্মাহারা করে দেয়, গানের ঘরের দুয়ার আপনি খুলে যায় সোনার কাঠির স্পর্শে ঘুমন্ত রাজকন্যার চোখের পাতার মতো ।

শান্তিদেব আমার হাত ধরে আকর্ষণ করলেন । অর্থাৎ অপেক্ষা করুন । বোধ করি মিনিট দুয়েক, কি তারও বেশি সময় পরে কবি দৃষ্টি ফেরালেন ।

শান্তিদেব ঘরে ঢুকলেন, কবি নিজেই প্রশ্ন করলেন, কই তারাশঙ্কর ?

শান্তিদেব বিনাবাক্যব্যয়ে সরে দাঁড়ালেন, আমি তাঁর সম্মুখীন হলাম । প্রণাম করলাম । হেসে বললেন, বস ।

শান্তিদেব চলে গেলেন ।

আমি বইখানি তাঁর পাশের ছোট টেবিলটার উপর রেখে দিলাম ।

বললেন, বই ? গল্পের ? “জলসাঘর” ! জলসা দেখেই ? গান বোঝ ? আমি চুপ করে রইলাম ।

তিনি বললেন, পড়ব । সময় পেলেই পড়ব । তোমার লেখা আমার ভালো লাগে । কলকাতায় কি কাজে এসেছ ? বৈষয়িক ?

বললাম, বিষয় সামান্য আমাদের । আর বিষয়ের সঙ্গে সম্পর্ক রাখি না । এই লেখা-টোখার কাজ নিয়েই আসি যাই ।

তা ভালো । যদি একেবারে অকিড়ে ধরতে পার তো ভালো করবে । তবে তাতে দুঃখ পাবে । অনেক দুঃখ । সে দুঃখকে জয় করতে হবে ।

আমি বললাম, সম্প্রতি আমার তাই ।

—দুঃখকে ভয় কোরো না, হার হবে না।

তারপর বললেন, আমাদের নৃত্যনাট্য দেখেছ তুমি?

—আজ্ঞে না।

—কেন? শান্তিনিকেতন বাড়ির কাছে, এসে দেখ না কেন? এস এস।
আমি বলে দেব তোমাকে জানাতে। কালীমোহনকে বলে দেব।

তার পরেই বললেন, তোমাদের ওখানে তো অভিনয়ের খুব সমারোহ! দীনু দেখেছেন, গান শিখিয়েছেন। কালীমোহন দেখেছেন, খুব প্রশংসা করেন। আমিও একবার বলেছিলাম, দেখব তোমাদের অভিনয়। কিন্তু তোমরা দেখালে না আমাকে।

কথাটা সত্য। আমাদের লাভপূরের অভিনয়ের মান খুব উচু ছিল, সত্যিই অভিনয় ভালো হত। কবির “চিরকুমার সভা”র অভিনয় দেখে অনেকে সাধারণ রঙ্গমণ্ডলের অভিনয় থেকে ভালো হয়েছিল বলেছিলেন। শান্তিনিকেতন থেকে দলবেঁধে বিশিষ্ট ব্যক্তির অভিনয় দেখতে গিয়েছিলেন। শ্রীকৈতনের কি একটি উপলক্ষে অর্থ সংগ্রহের জন্য কলকাতার বর্তমান গ্রেস সিনেমায়—তখনকার অ্যালফ্রড থিয়েটারে—লাভপূরের সম্প্রদায়কে অনুরোধ করে অভিনয় করিয়েছিলেন। শান্তিনিকেতনের শিক্ষার্থীরাই আমাদের মণ্ডসম্ভা করে দিয়েছিলেন। সেই অভিনয়-নৈপুণ্যের কথা কবির কাহ পর্বন্ত পৌঁচেছিল। তিনি সত্যি বলেছিলেন, ওদের একবার শান্তিনিকেতনে ডাক। আমি দেখব ওদের অভিনয়।

কথা অনেকদূর এগিয়েছিল। কিন্তু কি যে হয়েছিল, কি বাধা যেন হয়েছিল। যত দূর মনে পড়ছে, কবিরই সময়ের অভাব ঘটেছিল। সেই কথা তুলে হেসে কৌতুক করে বললেন—তোমরা আমাকে দেখালে না। তার পর প্রশ্ন করলেন—তুমি? তুমি পার অভিনয় করতে?

—পারি এফটু আখটু।

—পার? অনেক কিছু পার তুমি। স্বদেশী, অভিনয়, লেখা। তা হলে ভালোই পার। নইলে আমার কাছে স্বীকার করতে না। তুমি আমাদের এই নৃত্যনাট্য দেখ। কলকাতাতেই দেখ। শান্তিদেবকে আমি বলে দেব। তুমি এসে একখানা প্রশংসাপত্র নিয়ে যেও।

আমি অভিভূত হলাম তাঁর স্নেহের স্পর্শে।

দোরের ও-পাশে সিঁড়ির মাথায় পায়ের শব্দ উঠল। অনেকগুলি একসঙ্গে। দেখলাম, গানের মহলার জনাই বোধ হয়, বন্দ হাতে শিক্ষার্থী দল উঠে এসে বড় হলে ঢুকছেন। শান্তিদেব এসে দাঁড়ালেন।

কবি বললেন—তোমার বই আমি পড়ব। বইখানি সরিয়ে তুলে রাখলেন।

আমি প্রণাম করে চলে এলাম । দু-তিন দিন পর শান্তিদেবের কাছে গেলাম, কিছু দেখা হল না । তিনি ছিলেন না ।

আমি ছাড়া 'মণ্ডে' নৃত্যনাট্য দেখে এলাম ।

সে কি দৃশ্য !

মণ্ডের বেদীর উপর আসনে কবি বসেছেন, সে যেন দেবতার আবির্ভাব হয়েছে । তার পরেও দেখেছি শান্তিনিকেতনের নৃত্যনাট্য ! কবির আসন অপূর্ণ থাকে, তাতেই যেন সব অপূর্ণ । কবিকে নিয়ে যারা সে নাট্য দেখেছে, তাদের চোখে সব স্থান ঠেকবে ।

কবির সেই আবৃত্তি—দে দোল—দোল, প্রিয়ারে আমার পেয়েছি আজিকে ভরেছে কোল ।

তারই সঙ্গে শান্তিদেবের নাচ । আর সেই আমার প্রথম দেখা । আমার মনে অক্ষয় হয়ে রয়েছে ।

কবি কদিন বলকাতায় ছিলেন, অভিনয় নিয়ে ব্যস্ত । লোকজনের সমাগমের তো কথাই নেই । তারই মধ্যে কিছু তিনি “জলসাঘর” পড়ে শেষ করেছিলেন এবং আগন্তুক অনেক জনের কাছে বলেছিলেন । তারই দু-চার টুকরো আমার কানে আসতে লাগল ।

এর পর কবি ফিরে গেলেন শান্তিনিকেতন । সন্ধ্যার ট্রেনে গেলেন । তখন ইরিসপ্রাসের আক্ৰমণ শুরুর হয়েছে ; বোলপুর পেছতে পেছতেই তিনি সংস্কারহীন হয়ে পড়লেন । পবনিন সকালে কাগজে কাগজে তাঁর অসুখের কথা প্রচারিত হল ।

মনে মনে ভগবানকে ডেকে বললাম, কবিকে তুমি বাঁচাও । রক্ষা কর । শতায়ু কর । কবি সেরে উঠলেন । তার পরই শান্তিনিকেতন থেকে একসঙ্গে শ্রীমদ্রবীন্দ্র কবির ও শ্রীমদ্রবীন্দ্রাবতার পত্র পেলাম—“জলসাঘর” বই পাঠাবার জন্য । কে যেন বইখানি নিয়ে গেছে । কবি বইখানি চান । রাগ করছেন না পেয়ে । এসব কথা আগেই লিখেছি । কবির সঙ্গে পরের দেখার কথাও লিখেছি ।

এদিকে আমার জীবনের যে অস্থির গ্রহটি আমাকে স্থান থেকে স্থানান্তরে ক্রমাগত তড়িত করে নিয়ে ফিরছিলেন, তিনি আবার সক্রিয় হয়ে উঠলেন ।

এমনই একটি অপবাদ আমার ঘাড়ে এসে চাপল যে, আমার পক্ষে এই মেসে থাকার অসম্ভব হয়ে উঠল । এই মেসটির সঙ্গে আমার মামাশব্দবাদের সম্পর্ক ছিল ঘনিষ্ঠ । অপবাদটা তাঁদের সঙ্গে শত্রুতার অপবাদ—দিলেন যিনি, তিনি আমার প্রবন্ধের ব্যক্তি । সত্যকে তিনি বিকৃত করলেন ! আমাকে আঘাত দিলেন আমার মামাশব্দবাদের ।

আমি ওই মেস ছাড়লাম। এবার এসে উঠলাম হ্যারিসন রোড মিজাপুর স্ট্রীট জংশনে ‘পুরবী’ সিনেমার সামনে শান্তিভবন বোর্ডিঙে।

সুবল বন্দ্যোপাধ্যায় এবং আমি দুজনে সামান্য জিনিসপত্র-কটা নিয়ে এসে বসে গেলাম শান্তিভবনে।

শান্তিভবন বোর্ডিঙে এসে পরম আরাম অনুভব করেছিলাম। জীবনে প্রমোশন পাওয়ার স্বাদ পেলাম। এ কাল পর্যন্ত সাহিত্য-জীবনের মধ্যে আহার বাসস্থানের সুখের দিক দিয়ে এর থেকে সুখে (অশ্ৰু কষা ফলের মতো সুখে) ছিলাম না এমন নয়; অর্থাৎ এর থেকে ভালো বাড়িতে আহাৰ্যের ব্যবস্থার ভালোতর ব্যবস্থা অবশ্যই পেয়েছি। যে সব আত্মীয়দের বাড়িতে এসে অতিথি হিসেবে থেকেছি তাঁরা আমাকে পরম যত্ন করেছেন, তাঁরা আমাদের বাঙালী সমাজে ধনী পর্যায়ে মানুষ; এবং তাঁদের আতিথেয়তা তাঁদের ব্যবহার যত্ন সবই তাঁদের শিক্ষা এবং শ্রীর উপযুক্ত। এবং আমার প্রতি স্নেহের মধ্যে কোন কৃত্রিমতাও ছিল না—এ সত্য অন্তর দিয়েই অনুভব করেছি। তাঁরা আমার হিতাকাঙ্ক্ষী। আমার সুখদুঃখের সমান অংশ চিরকাল গ্রহণ করে আসছেন। আজও সেই সম্পর্ক অক্ষুণ্ণ রয়েছে। মনে পড়ছে তাঁদের স্নেহ সমাদর। স্বর্গত রায়বাহাদুর অবিনাশচন্দ্র বন্দ্যোপাধ্যায় মহাশয়ের দুই কন্যা এই দুই আত্মীয় বাড়ির গৃহিণী। বন্দ্যোপাধ্যায় মহাশয়ের বড় মেয়ে আমার সাহিত্যের প্রতি মতিগতি দেখে এই পথে আমার সর্বাধা করে দিতে তাঁর বাবাকে একটি চাকরি দেবার অনুরোধ করেছিলেন। রায়বাহাদুরের হাতে ছিল “বঙ্গলক্ষ্মী” পত্রিকা। তিনিই ছিলেন সরোজনলিনী স্মৃতি সমিতির সম্পাদক। কাগজের সম্পাদিকা ছিলেন বড়মা অর্থাৎ শ্রীযুক্তা হেমলতা দেবী। তাঁর অধীনে আমাকে একটি কাজ দেবার কথা বলেছিলেন। রায়বাহাদুর আমাকে ভালো করে জানতেন; স্বর্গীয় গুরুদেবের দত্ত মহাশয়ের সঙ্গে রায়বাহাদুরের মধ্যে নিয়ে যে অপ্রীতিকর ঘটনা ঘটেছিল তাও তাঁর অজানা ছিল না। তিনি তাঁর মেয়েকে বলেছিলেন, তা হলে তো ভালোই হয়। কিন্তু “বঙ্গলক্ষ্মী”তে কাজ কি সে করবে?

তিনি ভুল ধারণা করেন নি। আমি সর্বিনয়েই বলেছিলাম—না বউদি, ওখানে চাকরি আমার সহিবে না।

রায়বাহাদুরের মেজ মেয়ে—তাঁর বাড়িতে মাসের মতো সহোদরার মতো যত্ন করেছেন সে কথা আগে বলেছি। মনে পড়ছে “বঙ্গলক্ষ্মী” গল্পের জন্য প্রতীক্ষা করে রয়েছে, মাসের তিরিশ তারিখ—আমি “জলসাঘর” লিখছি; বলেছি রাতে খাব না। রাত্রির মধ্যেই গল্প শেষ করব সঙ্কল্প নিয়ে বসেছি। তিনি নিজে অল্প কিছু খাদ্য নিয়ে এসে বলেছেন—আমি দাঁড়িয়ে আছি, তুমি না

খেলে নড়ব না। না খেয়ে লিখলে শরীর থাকবে কেন? লিখতেই বা পারবে কেন?

খেতে হয়েছে। তারপরও খাবার রেখে গেছেন, হিটার দিয়ে গেছেন, ফ্র্যাস্কে চা রেখে গেছেন; বলে গেছেন খিদে পেলে যেন খাই।

সুতরাং সুখ ও যত্নের দিক দিয়ে পরম আরামের কথা বলি না। মনের দিক দিয়ে এসব সুখ যত্ন সত্ত্বেও যে সজ্জাচ কাঁটার মতো খচ-খচ করত, নিজেকে অক্ষম এবং অন্যের উপর নির্ভরশীল মনে করে যে অশান্তি অনুভব করতাম তাই থেকে নিষ্কৃতি, চলাফেরার স্বাধীনতা এবং বেশ ভালো সুখ-সুবিধে দুটো একসঙ্গে পেয়ে আরাম অনুভব করলাম। অনেক আগেই—প্রায় বৎসর তিনেক—আত্মীয়বাড়িতে থাকা ছেড়েছি কিন্তু সুখসুবিধে পাই নি।

শান্তিভবনে এসেছিলাম হোলির কাছাকাছি—সালটা ১৩৪৮ সাল, ইংরিজি ১৯৩৮। জায়গাটি এত ভালো লেগেছিল যে এখানে এসে লেখা গল্পের প্রথম গল্পটিতে শান্তিভবনের উল্লেখ এবং ছাপ না পড়ে পারে নি। গল্পটির নাম “হোলি”। ১৩৪৪ সালের “শনিবারের চিঠি”র ফাল্গুনেই প্রকাশিত হয়েছিল। প্রথম প্যারাগ্রাফেই লিখেছিলাম—

“রাস্তা হইতেই বাড়িটা বেশ পছন্দ হইল, মির্জাপুর স্ট্রীট ও হ্যারিসন রোডের জংসনের উপরেই তিনতলা বাড়ি। সামনে দক্ষিণে পাক; দক্ষিণের বাতাস খানিকটা পাওয়া যাইবে। বাড়ির ভিতর প্রবেশ করিয়া দেখিলাম, বাড়িখানি বেশ বরকরে, এমন কি নিচের তলাতেও ধরিয়াগর্ভের ভোগবতীর করুণা বেগবতী নয়। দোতলায় উঠিয়া ঘুরিয়া ফিরিয়া দক্ষিণের বারান্দায় আসিয়া আর বিস্ময়মাত্র দ্বিধা রহিল না, বারান্দাটাই মন হরণ করিয়া লইল;—শুধু আরামপ্রদই নয়, বেশ একটা আভিজাত্যও আছে। বসন্তকাল—সন্ধ্যায় একখানি ইঞ্জিনের পার্তিয়া বসিলেই স্বর্গসুখ না হউক—চিশঙ্কুলোকের সুখটাও অন্তত পাওয়া যাইবে।”

সেদিন সুবল যা বলেছিল—তাও আছে কয়েক লাইন পরে। সুবল বলেছিল—নামটা কিন্তু শান্তিভবন না হয়ে শান্তি-কুঞ্জ হলেই ভালো ছিল।

এখানকার সব থেকে আরামের ছিল প্রত্যেকের জন্য এক-একখানি কুঠীর ব্যবস্থা। লম্বায় ১২।১৪ ফুট, চওড়ায় বড় জোর ৮ ফুট। তার বেশী না। কিন্তু তাতে অসুবিধা ছিল না। একটা মানুষের থাকতে কতটা জায়গা লাগে? ঋষিকল্প লেখক মহাত্মা টলস্টয়ের গল্প মনে পড়ে এ কথা।

এরপর লিখেছিলাম—বেশ জায়গা; একেবারে খাঁটি শহুরে আবহাওয়া। কাহারও উপর কাহারও আগ্রহ নাই, কিন্তু প্রত্যেকের উপর প্রত্যেকের সন্দেহ

আছে। এক মিনিটের জন্য বাহিরে বাইতে হইলেও দরজায় তালা পড়ে। পরিচয়ও বড় কাহারও সহিত কাহারও নাই, যে যাহার আপন আপন ঘরের মধ্যেই থাকে। দেখাশুনা এক হয় সিঁড়িতে, কিন্তু সিঁড়িটা অন্ধকার বলিয়া এক জায়গায় থাকিয়াও কথা না বলার জন্য চকুলজ্ঞাও ঘটিতে পায় না। আর দেখাশুনা হয় খাবার ঘরে, কিন্তু সেখানেও হাত এবং মুখ দুই ব্যস্ত থাকে, কাজেই কথা বলাও চলে না—করমর্দন করাও হয় না। কম্বুটি প্রাণী মাত্র সর্বজনপরিচিত।—কালী, নরেন, ভজ এবং লোচন, সকলে ইহাদের বিশ্বাসও করে; সে অবশ্য বাধ্য হইয়া, কারণ উহাদের দুইজন চাকর, অপর দুইজন ঠাকুর। আর একটি প্রাণী—একটি লাল রঙের বিড়াল—সে সব ঘরেই বাস, আপন ভাষায় দুই-একটা কথাও বলে, কখনো কখনো কাপ-ডিশও ভাঙে, কোনো কোনো দিন পাশে শুইয়া গলা ঘড়ঘড় করিয়া আদরও জানায়। আমি উহার নাম দিয়াছি—‘রাঙা-সখি’।

শান্তিভবনের কথা এত করে বলছি এই কারণে যে আমার সাহিত্য জীবনের একটি গুরুত্বপূর্ণ অংশ কেটেছে এইখানে। জীবনের পটপরিবর্তনের ভূমিকা রচিত হয়েছিল এই শান্তিভবনে থাকতেই। এখানে প্রায় ষোল বছর ছিলাম। এখানে থাকতেই “ধাত্রীদেবতা” রচনা আরম্ভ এবং শেষ; “কালিন্দী” এখানেই আরম্ভ করি। প্রথম ছ-মাসের লেখা এখানেই লিখেছি। এখানে থাকতেই ক্রমশ প্রকাশিত লেখাগুলি কিস্তিতে কিস্তিতে লেখার অভ্যাস আরম্ভ করেছি। এ একটা অভ্যাস অবশ্য। কিন্তু সে অভ্যাস সাধনা-সাপেক্ষ। “ধাত্রীদেবতা”র শেষ ছ-মাস এবং “কালিন্দী”র প্রথম ছ-মাস একসঙ্গে প্রকাশিত হয়েছে। এক সপ্তাহেই দুখানি উপন্যাস কিস্তিতে কিস্তিতে লিখেছি ওখন। লেখার তখন নেশা চেপেছে। “ধাত্রীদেবতা” কিছুদিন প্রকাশিত হতেই সকলে দৃষ্টি আকর্ষণ করেছে। বড় উপন্যাস লেখার বোঁশল যেন আরম্ভ হয়ে এসেছে আপনার অজান্তেই। সেই নেশাতে দেহের প্রতি চরম অবহেলা করে শুধু লিখেই গিয়েছি। সব দিন ভাত খাই নি। স্নানেরও সময় নির্দিষ্ট থাকে নি। সমস্ত দিন শুধু লিখেছি এবং চা খেয়েছি; মধ্যে মধ্যে তার সঙ্গে দু-এক টুকরো পাউরুটি, কখনও বা একটা ডিম। দিনে ৩০।৩৫ কাপ খেয়ে ক্রিড়ে অনুভব করতেই পারতুম না। পরবর্তীকালে চায়ের বিজ্ঞাপনে আমার নাম ও ছবি বের করেছিল। সেটা আমি সাহিত্যিক দাবিতে দিই নি, ওই ‘চাতাল’ দাবিতে দিয়েছি। আমাদের ও অঞ্চলে মাতালের সঙ্গে মিল রেখে ‘চাতাল’ শব্দটা প্রচলিত আছে।

এই সময় আমার স্বর্গীয় দীনেশচন্দ্র সেন মহাশয়ের সংস্পর্শে আসার সৌভাগ্য হয়েছিল। এই মানুষটির স্নেহে এবং অন্তরের উদার পরিচয়ে

আমি মৃদু হয়ে গিয়েছিলাম। এমন মাটির বাংলার খাঁটি মানুষ আর আমি দেখি নি। বাংলার সমাজ বাংলার সভ্যতা এবং সংস্কৃতির সঙ্গে সুগভীর পরিচয় তাঁর ব্যক্তি ব্যবহারে ও সৌজন্যে মৃতি ধরে দেখা দিয়ে সেকেন্দ্রে মিলি হাঙ্গি হেসে সম্ভাষণ জানাত। এই মানুষ বলেই তিনি লিখতে পেরেছিলেন—বাংলা সাহিত্যের ও সংস্কৃতির প্রথম সার্থক ইতিহাস। তাঁর সঙ্গে দেখা হওয়া ঘটনাটিও অতীত জীবনের একটি বিশিষ্ট ঘটনা। এই ঘটনায় হাঁ ও না-এর উপর পরবর্তী কালের জীবন নির্ভর করেছে। ঘটনাটির কথাই বলি।

একদিন ভূত্য কালী এসে ডাকলে, আপনার ফোন এসেছে।

শান্তিভবনে ফোন ছিল। ফোন ধরলাম, দেখলাম “শনিবারের চিঠি”র আপিস থেকে সুবল ফোন করছে। বললে—ওহে, তোমাকে ডাঃ দীনেশ সেন মশায় একবার ডেকেছেন।

বিস্মিত হলাম—ডাঃ দীনেশ সেন মশায়?

—হ্যাঁ। “আনন্দবাজার” আপিস থেকে ফোন করে খবরটা তোমাকে দিতে বললে। তোমার ঠিকানাও জিজ্ঞেস করলে।

ফোন ছেড়ে দিলে সুবল। আমি ভেবেই পেলাম না কি জন্যে তিনি ডাকবেন আমার। ঘটনাদুয়েক পর আবার ফোন এল, এবার এল “আনন্দবাজার” থেকে।—আপনাকে ডাঃ দীনেশ সেন মশায় খুঁজছেন। আপনি একবার তাঁর সঙ্গে দেখা করুন। আমরা ওবেলা “শনিবারের চিঠি”তে জানিয়েছিলাম। উনি এসেছিলেন আমাদের এখানে। আবার এখন ফোন করেছেন—আপনার কোনো জবাব পেয়েছি কি না। আপনি ওঁকে ফোন করে জানান কখন যাবেন। গাইডেই পাবেন ওঁর নাম্বার। উনি খুব ব্যস্ত হয়েছেন।

সত্য বলতে কি আমি বেশ একটু চমকিত হয়ে পড়লাম। ডাঃ সেন এমন ভাবে খুঁজছেন কেন? কোনো লেখা ভালো লাগলে অবশ্য রসিক সাহিত্যসাধক ব্যক্তি খোঁজ করে থাকেন। কিন্তু এমন ব্যস্ত হবার কথা তো নয়।

যাই হোক ফোন করলাম। তিনি আমার নাম শুনেই বললেন, তারে বাবা আপনাকে খুঁজে হররান, বুদ্ধায়সে “আনন্দবাজার” পর্যন্ত ছুটে গিয়েছি। তা ওয়া বলতে পারলে না ঠিকানা। “শনিবারের চিঠি”তে ফোন করলে, তারা বললে কোন বোর্ডিং-এ আপনি থাকেন। বললে, খবর দেবে। আমি আর ঘুরতে পারলাম না। আমার ঘোড়াটাও দুর্বল। বেহালা পর্বন্ত ফিরতে দম থাকবে না বলে আর এগুতে সাহস করলাম না। আপনাকে আমার বিশেষ দরকার। কখন আসছেন বলুন।

বললাম—কাল যাব।

—নিশ্চয় কাল। যেন ভুল না হয়।

পরের দিন—“শনিবারের চিঠি”তে গিয়ে—সেখানে রাস্তার হালহাদিস জেনে, ফড়েপুকুরের মোড়ে ট্রামে চড়লাম, সঙ্গে সজনীকান্তও ছিলেন, তিনিও এসম্প্রানেডে নেমে কোথাও যাবেন। ট্রামে একটু গিয়েই পেলাম শৈলজানন্দকে। তিনি উঠলেন শ্যামপুকুরের মোড়ে। যাচ্ছেন নিউ থিয়েটার্স স্টুডিও। ওখানে তিনি তখন চাকরি নিয়েছেন গল্প ও সংলাপ লেখক হিসেবে। ট্রামে ভিড় ছিল না; সময়টা এগারটার পর। গল্প জমে উঠল। শৈলজানন্দই তাঁর স্টুডিও জীবনের গল্প করলেন। সে গল্প দুঃখজনক। অনেক অবস্থা সহ্য করতে হয়।

এসম্প্রানেডে এসে তিনজনের ছাড়াছাড়ি হল। আমি বেহালার ট্রামে চড়লাম।

সেন মশায়ের বাড়িতে গিয়ে দাঁড়লাম। শীর্ণকায় বৃদ্ধ প্রসন্ন হাসিমুখে আমাকে গ্রহণ করলেন—আসুন আসুন, বাবা আসুন।

এই সম্বেদনেই আমি অভিভূত হলাম। মনে হল যেন দেশকাল পালটে গিয়ে মহানগরীর থেকে, ১৯৩৮ সাল থেকে—বাংলার পল্লীতে ১৩৪৪ সাল এসে পৌঁছে গেছে। এ ভাষা হারিয়ে গেল বাংলা দেশ থেকে—এ হৃদয় হারিয়ে গেল। সকল বাংলা থেকে গেল কি না জানি না—মহানগরী থেকে এবং বাংলা-সাহিত্য থেকে গেল।

বাংলা-সাহিত্য কথোপকথনের ভাষা আশ্চর্য রকমের মার্জিত হয়েছে। ধারালো হয়েছে—ঝকঝকে হয়েছে কিন্তু মধু হারিয়েছে—প্রেম হারিয়েছে—নিরাশ্রয় লাভ্যের মধুর্ষ হারিয়েছে এ কথা বলতে আজ স্বীকা করব না। আজকের কথোপকথনে, পঁচ মেরে কথা কাটাকাটির পালা জন্মাবার পথ প্রশস্ত হয়েছে কিন্তু আত্মীয়তা স্থাপনের সোজা সরল রাস্তাটা হারিয়ে গেছে। সম্বেদনের মধ্যেই তার পরিচয় রয়েছে। এ কালে—‘বাবা আসুন, এ কথা শিখিত মানুষের রসনা কিছুতেই উচ্চারণ করতে পারবে না। কিন্তু কী নিবিড় স্নেহ এর মধ্যে। অথচ এর মধ্যে কী যে আপত্তিজনক তা কেউ বোঝাতে পারবেন না। ইংরিজি আমি ভালো জানি না। কিন্তু বয়স্ক ব্যক্তির অল্পবয়সীকে my son বলে সম্বেদন ইংরিজিতে অচল বলে মনে হয় না। এখন মশায় ছাড়া সম্বেদন নাই।

ঘরের মধ্যে সে দিন খ্যাতিমান সাহিত্যিক আমাদের অগ্রজতুল্য শ্রীযুক্ত সৌরীন্দ্র মুনোপাধ্যায় বসেছিলেন। বোধ করি এম-এ পরীক্ষার বাংলা খাতা দিতে গিয়েছিলেন। আমি তাঁকে চিনলেও তিনি আনাকে চিনতেন না। চিনিরে দিলেন ডাঃ সেন। এবং মুনোপাধ্যায়কে বসতে অনুরোধ করে

বললেন—এঁর সঙ্গে আমার একটু কথা আছে, সে কথাটা সেয়ে নি। আপনি (কি তুমি আমার ঠিক মনে হচ্ছে না) একটু বসুন।

বলে আমার সঙ্গে নিয়ে পিছন দিকে ছোট্ট একটি ঘরে গিয়ে ঢুকলেন। ঘরখানির চারিপাশে স্তূপীকৃত পুঁথি এবং পুরোনো বই, মেঝেতে টেবিলে চেয়ারে পুরনু ধুলোর আন্তরণ পড়েছে। আমাকে বললেন—ঘরে ধুলো আছে বাবা। মা সরস্বতীর প্রত্যক্ষ পদরজ। এ সব পুঁথির ধুলো। কার যে কত বয়ঃক্রম তা বলতে পারব না। তবে পাঁচশো বছর বয়স দু-একখানার আছে গো। এ ঘরে আমি কাউকে হাত দিতে দিই নে। নিজে হাতে মাঝে মাঝে ঝাঁটপাট দি। বসুন, এখানেই বসুন কোনো রকমে।

তারপর বললেন—বম্বেব বম্বে টেকীজের হিমাংশু রায়কে জানেন? সে আমার শ্যালকপুত্র। আর ডাঃ সুরেন্দ্র দাশগুপ্তের সম্বন্ধী। সে আমাকে চিঠি লিখেছে। আপনাকে বম্বে যেতে হবে বাবা।

আমি অবাক হয়ে তাঁর মুখের দিকে তাকিয়ে রইলাম।

তিনি বললেন—সেখানে তারা একজন বাঙালী গল্পলেখক নেবে। আপনার লেখা পড়ে ভালো লেগেছে। আপনাকে চায় সে।

—আমাকে চান তিনি?

—হ্যাঁ। লিখেছে, আবার কাল সুরেনকে তারও করেছে। আপনি চলে যান সেখানে। তিন বছরের কন্ট্রাক্ট হবে আপনার সঙ্গে—প্রথম বছর ৩৫০ দ্বিতীয় ৪৫০ তৃতীয় বছরে ৫৫০ পাবেন।

আমি হতবাক হয়ে গেলাম। আমি এখানে মাসে চল্লিশ টাকা নিয়মিত উপার্জন করতে পারি না। পথে আজ শৈলজানন্দের মূখে শুনে এসেছি—নিউ থিয়েটার্স তাঁকে দেড়শো কি দুশো দেয়। সেন মশায়ের কথা যেন বিশ্বাস করতে পারছিলাম না।

সেন মশায় বলে গেলেন—তিন বছরের পর আবার কন্ট্রাক্ট হতে পারবে। হবেও। তবে সে তো আর লেখাপড়া কথা নয়! আপনি চলে যান, যেতে টাকাকড়ি দরকার হলে আমি দেব আপনাকে।

কি ভেবেছিলাম, কোন তর্ক, কোন হিসেব মনের মধ্যে সেদিন উঠেছিল মনে নেই, তবে এইটুকু ভুলি নি এবং কোন দিন ভুলব না যে—আমার মন সায় দেয় নি, মনে আমি কোন উৎসাহ অনুভব করি নি, বরং বেদনাই অনুভব করেছিলাম। মনে হয়েছিল—এ যাওয়া আমার সাহিত্য-সাধনার সঙ্গে সম্পর্ক চুকিয়ে যাওয়া হবে।

সেন মশায় সম্মুখে বলেছিলেন—তা হলে কবে যেতে পারবেন বাবা? আমি তার করব।

আমি অভিভূতভাবেই বলেছিলাম—আজ আমি এ কথার উত্তর দিতে পারব না। আমাকে সময় দিন।

সেন মশাই হেসে বলেছিলেন—মা ঠাকরুনের মত নেবেন?
অর্থাৎ আমার স্ত্রীর।

আমি সলজ্জভাবেই উত্তর দিয়েছিলাম—আমার মা আছেন, তাঁর অনুমতি চাই—

—বাবার মা বেঁচে আছেন? ভাগ্যবান গো আপনি। নিশ্চয় তাঁকে লিখুন—বউমাকে লিখুন। নিশ্চয় তাঁদেরও মত চাই বই কি। যারা চান না তাদের কথা আলাদা। কিন্তু আপনার নিজের মত আছে তো?

—সেও আজ বলতে পারব না। ভেবে দেখতে সময় দিন।

—ক দিন?

—এক সপ্তাহ।

—না। সে সময় হিমাংশু দেবে না। তিন দিন। তিন দিন পর রবিবার। সকালে আপনি আসবেন এখানে।

আমি প্রণাম করতে গেলাম, তিনি হাঁ-হাঁ করে উঠলেন—না।

অদ্ভুত একটা মনের অবস্থা তখন। ঠিক বুদ্ধানো যায় না। যেন একটা মর্মান্তিক বিরোগান্ত কিছ্‌দু ঘটবার উপক্রম হয়েছে—আমার চারিপাশে আমাকে ঘিরে ফেলেছে এমন অবস্থা। ফেব্রুয়ার পথে মাঠে বসে থাকলাম রাত্রি পর্যন্ত। তারপর হঠাৎ ফিরে পেলাম মনের জোর। স্থির করে ফেললাম না যাব না। এই পথের সাধনা ছেড়ে আমি যাব না। তাতে আমার যা ঘটে য়ুক।

পরদিন বাড়িতে চিঠি দিলাম মত জানাতে। সঙ্গীদের বললাম। সজনীকান্ত প্রথমেই বলে উঠলেন—চলে যাও। কি করবে এ করে?

আমি বললাম—না। আমি যাব না ঠিক করেছি।

সজনীকান্ত আমার মনের দিকে স্থিরদৃষ্টিতে তাকিয়ে রইলেন কিছুক্ষণ, তারপর বললেন—তোমার জন্ম হোক।

বাড়ি থেকে চিঠিও পেলাম—পিসিমা, মা, স্ত্রী সকলেই আমাকে সমর্থন করেছেন। মনে কোনো কিছ্‌দু রইল না, প্রসন্নতায় তৃপ্ত অনুভব করলাম। দেবতাকে প্রণাম জানিয়ে বললাম—আশীর্বাদ অভিগাপ যা তোমার ইচ্ছা তাই দিয়ো আমাকে—তোমার পূজা করার অধিকার থেকে শূন্য আমাকে বঞ্চিত করো না?

তিন দিন পর তাঁর কাছে গিয়ে উপস্থিত হলাম। তিনি বললেন—মন ঠিক হয়েছে বাবা?

—আজ্ঞে হ্যাঁ। আমি যেতে পারব না।

আমার মূখের দিকে তাকিয়ে রইলেন তিনি। তারপর বললেন—
মায়েদের মত হল না?

আমি মায়ের চিঠিখানি তাঁর হাতে দিলাম। আমার মায়ের হাতের
লেখা সেকালে ছিল অতি সুন্দর। সোজা সারিতে নিটোল মন্তব্য মতো
হরফগুলি নিপুণ গ্রন্থনে তারেগাঁথা মালার মতো সাজানো মনে হত;
দেখলেই চোখ জুড়িয়ে যেত। তিনি বললেন, আপনার মায়ের লেখা?

—আজ্ঞে হ্যাঁ।

ততক্ষণে তিনি পড়েছেন মায়ের চিঠির প্রথম পঙ্ক্তি। মা লিখেছিলেন—
তুমি এমন প্রলোভন জয় করিয়াছ জানিয়া আমি পরম তৃপ্ত পাইয়াছি। সুখী
হইয়াছি। আমি তোমাকে আশীর্বাদ করিতেছি।

এরপর আরও ছিল।

তিনি চিঠি থেকে মুখ তুলে আমার দিকে তাকিয়ে বললেন, আপনি ভা
হলে যাওয়ার পক্ষে মত চান নি, যাবেন না এরই পক্ষে মত চেয়েছিলেন?

—আমি আমার মত লিখেছিলাম।

—কেন বাবা? আপনার অমত কিসে? চরিত্র চরিত্রবানের উপর নির্ভর
করে। ভয় করলেই ভয়, সাহস করলেই ভয় জয় করা যায়।

আমি আমার মনটাকে তাঁকে বন্ধাবার চেষ্টা করলাম। বললাম, এ ছেড়ে
যেতে আমার মন চাইছে না, আমার মনে ইচ্ছে সব হারিয়ে যাবে আমার।

—সব হারিয়ে যাবে?

—হ্যাঁ, তাই মনে হচ্ছে আমার।

—আপনি তো কোথাও চাকরি করেন না?

—না।

অনেকক্ষণ চুপ করে বসে রইলেন বৃদ্ধ। তারপর অকস্মাৎ তাঁর হাতখানি
বাড়িয়ে আমাকে আকর্ষণ করে বললেন, কাছে আসুন আমার।

আমাকে বৃদ্ধ জড়িয়ে ধরলেন। তাঁর ছেলে—তৃতীয় ছেলেকে ডাকলেন।
তিনি বিশ্ববিদ্যালয়ের অধ্যাপক। তাঁর স্ত্রীকে ডাকলেন। ডেকে বললেন,
শোন এঁর কথা।

তারপর বললেন, গাড়ি আনতে বল।

তাঁর ক্রহাম গাড়িখানির কথা সাহিত্যক্ষেত্রে অপরিচিত নয়। সেই গাড়িতে
আমার নিয়ে বললেন, আসুন আমার সঙ্গে।

নিম্নে প্রথমেই গেলেন তাঁর বড়ছেলের বাড়ি। পৌত্র কবি সমর সেনকে
ডেকে আমার পরিচয় দিয়ে সেই কথা বললেন। সমর সেন সেকালে খ্যাতিমান

আধুনিক কবি ; কাব্যে তাঁর আধুনিকতার উগ্রতা তাঁর সম্পর্কে কোন কল্পনা করতে গেলেই সে কল্পনাকে ঝাঁঝালো করে তুলত। কিন্তু তাঁকে দেখে ভারি ভালো লেগেছিল। সুন্দর মিষ্টি চেহারা, কথাগুলি মিষ্টি। তিনি বিশ্ব-বিদ্যালয়ের কৃতী ছাত্র, বয়সে তখন তরুণ, তখন তাঁর পাণ্ডিত্য কাঁটাভরা ডালের মাথার বর্ণাঢ্য গোলাপ ফুলের মতোই হওয়া ছিল স্বাভাবিক। সেই ভয়ও ছিল আমার। কিন্তু কিছুক্ষণের আলাপেই দেখেছিলাম না—তা নয়। শূদ্র শ্লিগ্ন সৌরভময় যুঁই ফুলেরই সন্ধান মিলেছিল। প্রসঙ্গ যখন উঠল তখন বলি শ্রীযুক্ত বিষ্ণু দে, শ্রীযুক্ত কামাক্ষী চট্টোপাধ্যায় এঁদের মধ্যেও এই মাধব্য দেখেছি।

ওখান থেকে আরও দু-তিন জায়গায় তিনি আমাকে সেদিন দেখিয়ে আমার কথা শুনিয়ে বেড়িয়েছিলেন। তার মধ্যে কবি কালিদাস রায় দাদার বাড়িও ছিল। কালিদাস সঙ্গে তখন পরিচয় স্বল্প।

সে যে তাঁর কী আনন্দ সে প্রকাশ করতে পারব না।

তিনি শেষে আমাকে আশীর্বাদ করে কালীঘাটের মোড়ে ট্রাম ধরিয়ে দিয়ে বিদায় নিয়েছিলেন। আমি তাঁর আশীর্বাদ নিয়ে শান্তিভবনে ফিরেছিলাম।

সেদিন আমার দেবতাই আমাকে যেতে দেন নি—তাঁরই আকর্ষণে আমি থাকতে পেরেছিলাম।

এরপর আরও একবার লোক এসেছিল। এবার লোক পাঠিয়েছিলেন ডাঃ সুরেন্দ্রনাথ দাশগুপ্ত মশায়।

এসেছিলেন সাহিত্যিক শ্রীগঙ্গেন্দ্র মিত্র। এবার বেতনের হার ১০০ টাকা বাড়িয়ে প্রস্তাব পাঠিয়েছিলেন। ৪৫০ টাকা থেকে ৬৫০ টাকা। কিন্তু তাতেও না বলতে আর আমার দ্বিধাই ছিল না।

এরই ঠিক দিন তিনেক পরে শ্রীশরদিন্দু বন্দ্যোপাধ্যায়ের সঙ্গে আমহাস্ট স্ট্রীটের মোড়ে দেখা হল। তিনি বললেন—আপনি নিলেন না—আমি নিলাম ও কাজ। বসে যাচ্ছি আমি।

আমার জীবনের গতি স্থির হয়ে গেল সেই দিন।

দুঃখে আমার মৃত্যু হয় হোক আমি এ সাধনা ছাড়ব না। এখানে থাকতেই “ধাত্রীদেবতা” পুস্তকাকারে বের হল। সঞ্জনীকান্ত মনোরম প্রচ্ছদপট করে “ধাত্রীদেবতা” প্রকাশ করলেন। শান্তিভবন আমার সাহিত্য-জীবনের একটি বিশেষ ক্ষেত্র। ওইখানটি ছাড়বার ইচ্ছা আমার ছিল না। কিন্তু চায়ের নেশা ছাড়বার জন্যেই আমাকে শান্তিভবন ছাড়তে হল। জেলখানা থেকে পেটের গুণ্ডগোল অজ্ঞাণ ব্যাধি নিয়ে ফিরেছিলাম। সেটা পাটনায় গিয়ে এসে সরেছিল। শান্তিভবনে চায়ের অত্যাচারে আবার চাড়া দিয়ে উঠল। তাতেও

সাধন হই নি। কিন্তু একমাসে চায়ের দাম দিলাম ছাপ্পাম টাকা। অবশ্য সবই আমি খাই নি। তখন আমার বড় ছেলে এসে আমার কাছেই রয়েছে, এম-এ ক্লাসে ভর্তি হবে। বন্ধুবান্ধবও আসেন। কিন্তু তবু ছাপ্পাম টাকা চায়ের দাম? তখন দু-পরসা চার-পরসা চায়ের কাপ।

ছাড়লাম শান্তিভবন।

কোথায় যাব? সজনীকান্ত আহ্বান জানালেন—আমার এখানে এসে উপস্থিত। একখানা ঘর এখানে আছে। উপস্থিত থাও আমার বাড়িতে। তারপর যা হয় ব্যবস্থা হবে। ছাপ্পাম টাকার চায়ের অর্ধেক খেলেও সে তো কম নয়। মরে যাবে তুমি।

এলাম মোহনবাগান রোয়ে।

স্বর্গত ব্রজেন্দ্রনাথ বন্দ্যোপাধ্যায় মশায় যে বাড়িতে থাকতেন, তার নিচের তলায় সজনীকান্তের একখানি ঘর নেওয়া ছিল। সেই ঘরে এসে আস্তা পাতলাম।

সজনীকান্তের স্ত্রী শ্রীসুধা দেবী সাক্ষাৎ লক্ষ্মী। এমন মিষ্টভাষিণী মধুর চরিত্র সচরাচর দেখা যায় না। এখানে এসে তাঁর হাতের সমস্ত রান্নার এবং নিয়ন্ত্রিত পরিমাণ চায়ের ব্যবস্থায় কিছুদিনের মধ্যে সুস্থ হলাম। কোন মাসে এসেছিলাম ঠিক মনে নেই—তবে পদ্মজোর আগে।

সেবার পদ্মজোর “পিতাপদ্ম”, “বেদেনী” এ-গল্পদুটি এখানেই লিখেছিলাম। ‘প্রবাসী’তে “কালিন্দী” চলছে। মধ্যে মধ্যে অধ্যাপক নিমলকুমার বসু আসেন বাইশিল্ল চোপে; বলেন, ভালো হচ্ছে মশাই। খুব ভালো। “কালিন্দী” চালান চালান।

এখানে থাকতেই নূতনকালের শক্তিশালী লেখক শ্রীমান নারায়ণ গাঙ্গুলীকে প্রথম দেখলাম। “শনিবারের চিঠি”তে তাঁর গল্প তখন চকিত করেছে সকলকে। মনে মনে শুনতে পাই নূতন জনের পদধ্বনি।

একদিন “শনিবারের চিঠি”র আপিসের বাড়িতেই স্নান করে ঘরে যাচ্ছি, শুনলাম শ্রীমান নারায়ণ এসেছেন। ভিজ়ে কাপড় রেখে মাথায় চিরুনি দিয়েই খালিগারেই বোধ করি ব্যগ্রতাভরে দেখতে এসেছিলাম। শুনছিলাম বিশ্ব-বিদ্যালয়ের ছাত্র। সেবার বোধ হয় পরীক্ষা দিয়েছেন কি দেবেন। অথচ বাংলাদেশের সঙ্গে নাড়ীর যোগ। এই তো—একেই তো চাইছে দেশ।

এসে দেখলাম আমারই মতো ক্ষীণতনু অথচ ধারালো চেহারা সুকুমার একটি তরুণ। মৃদু চোখে প্রসন্নতা। অন্তরে জ্যোত্স্নদের জন্য অকৃত্রিম প্রজ্জ্বা। কোমল মন, তাতে বিনয় যেন পদ্মশোভার মতো বিকশিত। তার রূপে গন্ধে আমি মগ্ন হয়ে গেলাম প্রথম দিনই।

এদের মতো লোকই তো দরকার। আমার নিজের কথা আমি তো জানি—
 অভিজ্ঞতার সম্বল আমার যাই থাক—যতই থাক, দেশকে আমি যেমনই
 জানি, আমার মধ্যে যে পাণ্ডিত্যের অভাব রয়েছে। নারায়ণের সে সম্পদ
 আছে। এরপর “ভারতবর্ষে” শৈদিন নারায়ণের উপন্যাস—“উপনিবেশে”র শূন্য
 পড়লাম সেদিন আর সন্দেহ রইল না। নারায়ণ তখন কোথায় থাকতেন
 জানি না, ভারতবর্ষের ঠিকানাতেই অভিনন্দন জানিয়ে তাঁকে চিঠি লিখেছিলাম।
 মনের কথা সব লেখা যায় না। সব লিখতে পারি নি। মনে মনে বলেছিলাম—
 ষোল কলায় পরিপূর্ণ হও তুমি।

এখানে এসে সব থেকে বড় লাভ হয়েছিল—ব্রজেন্দ্রনাথ বন্দ্যোপাধ্যায়ের
 সম্পর্ক। তাঁকে ভালো ববে জানার দৌভাগ্য। এর আগেই তাঁর সংস্পর্শে
 অনেকবার এসেছি কিন্তু একবার ডিতে থেকে তাঁর ব্যক্তিগত ও পারিবারিক
 জীবনের মধ্য দিয়ে যা দেখলাম যা জানলাম তা আগেকার পরিচয় থেকে
 সম্পূর্ণ পৃথক।

* * *

অনেক কাল আগে তখন আমার প্রথম যৌবন, সেই সময় বিজ্ঞাপন দেখে
 তাঁর ‘মোগল-বিদ্রোহী’ এবং ‘বেগম সমরু’ ভিপি-তে বলবাতা থেকে আনিছে
 পড়েছিলাম। মধ্যে মাঝে মানিকপুত্রে “সংসদপুত্রে সেকালের কথা”র দু-এটি
 প্রবন্ধও পড়েছিলাম। তাঁর ভালো লেগেছিল একটি প্রবন্ধের কাহিনী।
 তাতে সেকালের এক চৌকিদারের মৃত্যুর পর তার সহায়হীন বিধবা স্ত্রী
 দুটি ছেলে নিয়ে বিব্রত হয়ে অবশেষে ম্যাজিস্ট্রেট সাহেবের কাছে দরখাস্ত
 করেছিল—স্বামীর পদের অর্থাৎ চৌকিদারির জন্য। জানিয়েছিল, যোগাতার
 সঙ্গেই সে এ দায়িত্ব বহন করতে সক্ষম। ইংরেজ ম্যাজিস্ট্রেট তার
 দরখাস্ত মেয়েছেলের দরখাস্ত বলে ফেলে দেন নি, বৌতুহলী হয়ে তাকে
 ডেকে জিজ্ঞাসা করেছিলেন তার যোগাতার কথা। মেয়েটি জানিয়েছিল
 যে, সে লাঠিয়ালের কন্যা, লাঠিয়ালের স্ত্রী, নিজেও লাঠি ধরতে পারে,
 চোব হোক ডাকাত হোক, তাদের বাধা দিতে সম্পূর্ণরূপে সক্ষম।
 সাহেব তাকে প্রশ্ন করলেন যে, সে পরীক্ষা দিতে সম্মত আছে কি না ?
 আবক্ষ ঘোমটা টেনেই মেয়েটি কথা বলছিল। ঘোমটাসুদ্ধ মাথা নেড়েই সে
 সম্মতি জানালে। লোকে হাসলে। সাহেব কিন্তু হাসলেন না। তিনি
 হুকুম দিলেন, নির্দিষ্ট দিনে পরীক্ষা হবে এবং পদকিস সাহেবকে বললেন,
 তিনি যেন কন্সটেবলদের মধ্য থেকে ভালো দু-তিনজন লাঠিখেলোয়াড় বাছাই
 করে রাখেন। নির্দিষ্ট দিনে কালেক্টরী বাড়ির সামনে লোকে লোকারণ্য হয়ে

গেল। সেই লোকারণ্যের মধ্যে অবগুষ্ঠনবতী বিধবা এসে তার স্বামীর বাঁশের লাঠি সামনে রেখে সাহেবকে এবং জনতাকে প্রণাম করে উঠে গাহকোমর বেঁধে কাছা এঁটে লাঠি হাতে নিয়ে দাঁড়াল। দেখা গেল লক্ষ্মাণী'না বাংলার বাগদারধুটির চেহারা পালটে যাচ্ছে। দেখতে দেখতে সে হয়ে গেল আর এক মেয়ে, বলা চলে ভীমা ভরস্করী। লাঠিখেলা আরম্ভ হল। সে খেলা—খেলা নয়, মারাত্মক যুদ্ধই। এক দিকে পশ্চিমদেশী সিপাহীদের মর্দাবার ইন্জং, অন্য দিকে এই মেয়েটির অস্ত্রসংস্থানের দায়। জিতোছিল সেই মেয়েটিই এবং শৃদ্ধ চাকরিই পায় নি, পুরস্কারও পেরেছিল।

এই কাহিনী'ক যিনি উদ্ধার করেছিলেন পুরাতন কাগজ ঘেঁটে, তাঁকে সেদিন দূর থেকেই নমস্কার জানিয়েছিলাম; অবশ্য তাঁর বাজের সম্পূর্ণ মূল্য তখন বুঝতে পারি নি, বুঝবার যোগ্যতা হয় নি। সত্য কথা বলতে কি, তাঁর কর্মের পূর্ণ মূল্য বুঝতে অনেক দেরি লেগেছে। বুঝতে যেন চাই নি ইচ্ছে করে। তার একটু কারণও ছিল। মনে হত আধুনিক কালের কবি এবং কথাসাহিত্যিকদের তিনি যেন খানিকটা অবজ্ঞার চোখেই দেখতেন। কথাটা অসতও নয়; এই মনোভাবের মূলে “অটোবায়োগ্রাফি অব জ্যান আননোন ইন্ডিয়ানে”র লেখক শ্রীযুক্ত নীলদ চৌধুরীর প্রভাব ছিল। আরও কিছু ছিল। সে হল আমাদের নিজেদেরই ব্যক্তিগত আচার-আচরণ। কবি এবং গল্পলেখকদের মনোভাব তাঁর প্রতি সেকালে প্রসন্ন দেখি নি। তাঁর নিজের আচার-আচরণ এমনই সুশৃঙ্খল, পরিচ্ছন্ন এবং মর্যাদাপূর্ণ ছিল যে, তাঁর পক্ষে আচার বা মর্যাদাভ্রষ্টতা সহ্য করা প্রায় অসম্ভব ছিল।

তাঁর সঙ্গে প্রথম পরিচয় আমার পত্রযোগে। আমার প্রথম গল্প “রসকলি” সর্বপ্রথম আমি “প্রবাসী”তেই পাঠিয়েছিলাম, আট মাস পড়ে ছিল “প্রবাসী”র দস্তরে; এর মধ্যে অন্তত আট জোড়া রিস্লাই-কার্ড অবশ্যই আমি লিখেছিলাম এবং প্রত্যন্তরে একই বাঁগ-গং ‘গল্পটি সম্পাদকের বিবেচনামত আছে’ জবাব পেয়েছি। নিচে সেই খাবত তাঁরই—ব্রজেন্দ্রনাথ বন্দ্যোপাধ্যায়, একটু বাঁকা লাইন, অক্ষরগুলির গোড়ার দিকটা মোটা, তার পর ক্রমশ সরু এবং জড়ানো হয়ে যেত। তারপর একদা কলকাতায় এসে “প্রবাসী” আপসে গেলাম। দেখলাম, ছোট-করে-চুল-ছাঁটা, সংজ্ঞাদেহ, নির্ভীকদৃষ্টি একটি মানুষ দরজার দিকে মূখ করে বসে আছেন। বাকি সকলে দক্ষিণমুখী, একজন তাঁর দিকে মূখ করে বসে আছেন। গিয়ে বললাম, আমার লেখা ফেরত নিতে এসেছি।

গম্ভীরস্বরে প্রশ্ন করলেন—লেখার নাম? আপনার নাম?

উত্তর দিতেই বিনাবাক্যব্যয়ে ফাইল বের করে কল্লেক মিনিটের মধ্যেই লেখাটি দিয়ে দিলেন। তার পর আবার নিজের কাজে মন দিলেন।

তার পর “বঙ্গপ্রী”র আপিসে তাঁকে দেখলাম। সজনীকান্তের আহ্বানে তিনি এলেন। সেই দিন তাঁর প্রতি “বঙ্গপ্রী”র লেখকগোষ্ঠীর যে সম্মম দেখলাম, তাতে একটু সচকিত হলাম। বন্ধু কিরণ রায় সেদিন প্রথম আমাকে বুঝিয়ে দিলেন ব্রজেন্দ্রনাথের সাধনার মহত্ব এবং গুরুত্ব। এবং সেই দিনই শুনলাম, আচার্য যদুনাথ সরকারের তিনি একনিষ্ঠ এবং অতিপ্রিয় শিষ্য।

আচার্য যদুনাথ আমার কাছে আমার প্রায় শৈশব থেকেই আদর্শ পুরুষ এবং ঋষিতুল্য পণ্ডিত। আমার মা প্রায়ই তাঁর নাম আমার কাছে বলতেন সেই ছেলেবেলা থেকে। আচার্য যদুনাথ পাটনার ছিলেন দীর্ঘকাল—আমার মাও পাটনার মেয়ে; বাঙালী সমাজে যদুনাথের ছাত্র-জীবনের খ্যাতি, তাঁর “রায়চাঁদ-প্রেমচাঁদ”—বুদ্ভিপ্রাপ্ত বিপুল গৌরবের কথা ছিল। তার উপর ছিল তাঁর আদর্শ দৃঢ় চরিত্রের খ্যাতি। সেই কথা মা আমাকে প্রায়ই বলতেন। বলতেন, সে আমলে নন্দলাল বলে একজন যদুনাথের সহপাঠী এবং প্রতিযোগী ছিলেন—বুদ্ধিতে তিনি কম ছিলেন না, কিন্তু বুদ্ধি প্রতিভা ও চরিত্রের অভাবে তৈলহীন প্রদীপের মতো। যদুনাথের সাধনা, তাঁর চরিত্রবল তাঁকে নিয়ে চলেছে সিক্কির পথে, চরিত্রবলহীন নন্দলাল বুদ্ধদের মতো কোথায় মিলিয়ে গেছে। যদুনাথ নাকি অশুচি অশুদ্ধ কিছুকে সহ্য করেন না।

ঠিক এই কারণেই সেদিন কিরণের কথা অগ্রাহ্য করি নি।

তারপর সেবার পূজোর সময় সজনীকান্ত বললেন, একটি গল্প “প্রবাসী”তে দিয়ে আসুন।

আমি ইতস্তত করে “রসকলি”র অভিজ্ঞতার কথা বললাম। তিনি বললেন, এখন আর তা হবে না। আগের ব্যাপারে চিঠিতে সই করে ব্রজেনদা সব দায়টা ঘাড়ে করলেও দায়ী তিনি নন। কারণ গল্পনির্বাচন করেন অন্য লোকে। এখন সে ধারার খানিকটা বদল হয়েছে।

“ধাসের ফুল” গল্পটি হাতে নিয়ে গেলাম “প্রবাসী” আপিসে।

ব্রজেনদা গল্পটি খুলে আমার নাম দেখে বললেন—বসুন। তারাক্ষর বাড়ুস্কে? পরশু, চা দাও।

তারপর কাজে মন দিলেন। চা খেয়ে সভয়ে বললাম, কবে খবর নেব?

—খবর? একটু হাসি তাঁর মুখে যেন খেলে গেল।

—মানে, পূজো-সংখ্যার জন্যে দিচ্ছি তো—

নেবেন। আবারও একটু হাসলেন, সঙ্গে সঙ্গে একটু দুললেন; এটি ছিল তাঁর স্বাভাবিক ভঙ্গি। লেখাটি সেই সংখ্যাতেই বোঁরয়েছিল।

তারপর “প্রবাসী”তে অনেক লেখা বের হল। কত বার গেলাম—প্রদূ দেখতে, দক্ষিণা আনতে। ঘণ্টার-পর-ঘণ্টা বসে থাকতে হয়েছে, ব্রজেনদা চা খাইয়েছেন, মধ্যে মধ্যে গল্প করেছেন। পরিচয় গাঢ় হয়েছে। এর মধ্যে তাঁর লেখা গ্রন্থগদুলি পড়েছি। শ্রদ্ধাও বেড়েছে।

হঠাৎ ঘটনাচক্রে এর পর এসে পড়লাম মানুষটির একেবারে অত্যন্ত সন্নিহিতে। একেবারে এক বাড়িতে। উপরতলায় তিনি, নিচের তলায় আমি।

১৯৩৯ সালে “ভাগ্যকুল ম্যান্সন” থেকে তিনি এলেন মোহনবাগান রো-র একখানি বাড়িতে। আমি তার নিচের তলায় এলাম।

ঘরখানি ছিল সজনীকান্তের। তিনি বই রাখবেন বলে ঘরখানা ব্রজেনদার কাছে ভাড়া নিয়েছিলেন একথা আগেই বলেছি। প্রসন্ন হাসোর সঙ্গে গম্ভীর ব্রজেনদা এসে বললেন, ভালো হল ভায়া। খুব ভালো হল। মধ্যে মধ্যে গল্পগদ্জব করা যাবে। তোমারও ভালো হল, “প্রবাসী”র লেখা দিতে যেতে হবে না তোমাকে। আমি নিয়ে যাব।

বাড়িতে ব্রজেনদা হাটু পর্যন্ত খাটো ধূতি পরেন, খালি গা, গলার পৈতে—খাঁটি এ দেশের মানুষ। হাতে কাগজের তাড়া নিয়ে চলে গেলেন “শনিবারের চিঠি”র আপিসে। দশটা বাজতেই বোঁরয়ে গেলেন আপিসে।

এই সময়ে দেখলাম ব্রজেনদার তপস্বী রূপ।

এমন তন্ময় তপস্যা, এমন বিরামহীন তপস্যা এ যুগে দেখি নি। ধূলিধূসর জরাজীর্ণ কাগজ—পুরাতন সংবাদপত্রের ফাইল নিয়ে বসে কাজ করে চলেছেন। কাগজ কাটছেন, আঁটছেন, তারপর লিখছেন মন্তব্য, আবার পাতা উলটাচ্ছেন, হঠাৎ উঠে চিঠি পায়ে দিয়ে চলেছেন—সজনীবাবু! সজনীবাবু! সমস্যা উপস্থিত হয়েছে, পরামর্শ চাই। দিনের-পর-দিন। রাত্রির-পর-রাত্রি। কোথায় আছে পুরনো সংস্করণের বই, কোথায় আছে কাগজ, খোঁজ করে কোন একজনকে সঙ্গে নিয়ে চলেছেন সেখানে। ঠিক তেমনি ভাবে—অ্যাডভেঞ্চারের বইয়ে স্বর্ণ-সন্ধানীরা যে ভাবে বনের মধ্যে পথ হেঁটে চলে, মাটি খোঁড়ে, সেই ভাবে। যাওয়া-আসার কাজে তিনি একটু অপটু ছিলেন, কোন একজনকে সঙ্গে না নিয়ে যেতে পারতেন না। তাঁর ধ্যানজ্ঞান এমন কি নিদ্রার মধ্যে স্বপ্নও ছিল এই গবেষণা। আমি অবাক হয়ে দেখেছি আর ভেবেছি, এতটুকু মানুষ পারে? আমার নিজের জীবনেও আমি নিত্য নিয়মিত শ্রম করি; নিত্য লিখি; এ শৃঙ্খলাকে কোনোদিন ভাঙি না; সে নিয়ে অনেকে বিস্ময় প্রকাশ করেন। আমিও বিস্মিত হলাম। শিখলাম তাঁর

কাছে। শব্দ এইটুকুই নয়, আরও দেখলাম মানুষটির জীবনের আর একটি দিক, এই গম্ভীর বাহ্যত-কঠোর মানুষটির স্নেহতৃষ্ণা।

সন্তানসন্ততিহীন জীবন ও সংসার। স্বামী এবং স্ত্রী পরস্পরকে নিবিড় ভালোবাসায় জড়িয়ে ধরেছেন, পরস্পরের জন্য কি ব্যাকুলতা, কি চিন্তা। তারই মধ্যে মাঝে মাঝে সজনীকান্তের শিশুকন্যা রমাকে নিয়ে কতো সমাদর!

জীবনে ব্যয়বাহুল্য নেই—কার্পণ্যও নেই, কেউ একটি পয়সা তাঁর কাছে পোলে কাগজে মড়ড়ে সেটি পকেটে নিয়ে ফেরেন। ডাকে বিলেত থেকে আসে দুর্লভ বইয়ের পৃষ্ঠার ফোটোগ্রাফ। এই সময়ে ব্রজেনদা মধ্যে মধ্যে বসে কাঁব দেবেন সেনের কবিতা আবৃত্তি করতেন। বন্ধুর পায়ের মল ঝমর ঝম বাজতো তাঁর মূখে। বলতেন—ভায়া নেহাত ‘শুদ্ধকং কাষ্ঠং’ মনে করো না। রসতৃষ্ণা আছে।

পূজোর সময় মাসখানেক নিয়মিত তিনি চেজে যেতেন বউদিদিকে নিয়ে। বলতেন—আমার তো কাজ আছে, গবেষণার অনুসন্ধানের কাজ আছে। ওঁর কি আছে?

এমন নিবিড় দাম্পত্য জীবন আমি দেখি নি।

ভোরবেলা আমি উঠি। ব্রজেনদাও ভোরবেলা উঠতেন। মধ্যে মধ্যে প্রায়ই শুনতাম, বাইরে উঠে এসে তিনি বলছেন—হ্যাঁ গা, গাড়িতে আজ জল রাখ নি?

মহুর্তে সচকিতকণ্ঠে বউদির কথা শুনতাম—এঃ যাঃ! ভুলে গিয়েছি।

ব্রজেনদার সহাস্য কথা শুনতাম—ঠিক আছে। আমি নিচ্ছি।

আকুল হয়ে উঠতেন স্ত্রী—না না, আমি যাই।

স্বামী উৎকণ্ঠিত হতেন এবার—না। উঠো না, সকালে উঠলে তোমার শরীর খারাপ হবে।

—না—না—না। আমি যাই। খবরদার তুমি জল নেবে না।

—আঃ। না, উঠো না তুমি। বারণ করছি আমি। আমি নিচ্ছি জল।

—না। আমার দিব্য রইল। মাথা খাবে আমার।

অবাক হয়ে বসে শুনতাম। কখনোও হাসি আসতো এই প্রোড় দম্পতির ছেলেমানুষি দেখে, কখনোও চোখে জল আসত। বৃষ্ণতে পারতাম—মনে হত একটা শূন্য ঘরে অনন্ত শূন্যের বাতাস ভেসে এসে ঢুকছে দীর্ঘনিশ্বাসের মতো।

এখান থেকে চলে গেলাম আমি বাগবাজার আনন্দ চ্যাটার্জী লেনে।

সেখানে থেকে নিত্য দশটা সাড়ে-দশটার আসতাম “শনিবারের চিঠি”র আপসে। একদিন হঠাৎ ব্রজেনদার সঙ্গে ঝগড়া হয়ে গেল। তিনি তখন “সাহিত্য-সাধক-চরিত্রমালা” সম্পাদনা আরম্ভ করেছেন। এরই মধ্যে মহিলা

অরশঙ্কর-স্মৃতিকথা

সম্পাদিত মাসিকপত্র নিয়ে গবেষণামূলক একটি প্রবন্ধ রচনা শুরু করেছিলেন। সেই নিয়েই কথা চলছিল। তিনি বলছিলেন—নসীপুর থেকে “ভুবনমোহিনী দেবী” একখানি মাসিক পত্র বের করেছিলেন বহুকাল পূর্বে, তারই কথা। এবং পত্রিকার প্রকাশক এবং ম্যানেজার ডাঃ নবীনচন্দ্র মৃধোপাধ্যায়।

শুনে আমি বললাম, দাদা, তা হলে হয়েছে। ভুবনমোহিনী দেবী নামে মহিলা হলেও আসলে মহিলা নন। ওটি নবীনচন্দ্র মৃধোপাধ্যায় ডাক্তারের ছদ্মনাম।

দ্রুত করে তিনি বললেন—তার অর্থ?

আমি “ভুবনমোহিনী প্রতিভা” কাব্যগ্রন্থের কথা স্মরণ করিয়ে দিলাম। যে কাব্যগ্রন্থের কবি মহিলা ভেবে সমালোচকেরা প্রশংসা করেছিলেন—বোধ হয় বাঙ্কিমচন্দ্রও করেছিলেন—এবং পরে কবির সঠিক পরিচয় পেয়ে এই প্রতারণার জন্য তাঁরা তিরস্কার করেছিলেন। ব্রজেন্দ্রনাথ বললেন—তা হলেও সম্পাদনার বেলা ও-কথা খাটেবে না। ভুবনমোহিনীকে সামনে রেখে কাজ যেই করুক, সম্পাদনা ভুবনমোহিনীর বলেই গ্রহণ করব আমরা।

বললাম, আসলে যে ভুবনমোহিনী বলে কারও অস্তিত্বই ছিল না। আমি খুব ভালো করেই জানি—কারণ “ভুবনমোহিনী প্রতিভা”র কবি ডাঃ নবীনচন্দ্র মৃধোপাধ্যায় পরে গিয়ে লাভপুরের ছ মাইল দূরে কীর্ণাহারে বাস করেছেন। তাঁর দুই স্ত্রী। তাঁর সন্তানসন্ততিরা এখনোও রয়েছেন।

ব্রজেন্দ্রনাথ কিছুতেই মানলেন না, এবং আমাকে কটু কথাই বললেন—বললেন, এ বানিয়ে গল্প লেখা নয়। ইত্যাদি ইত্যাদি।

আমিও কটু উত্তর দিয়ে উঠে এলাম। বললাম—আপনিই বা কি ঐতিহাসিক? একটি তথ্যের সংবাদ আমি দিচ্ছি, আপনি সন্ধান না করেই তাকে উড়িয়ে দিচ্ছেন?

উঠে চলে এলাম।

ঠিক দিন চারেক পরেই একখানি পত্র পেলাম। ব্রজেন্দ্রনাথ লিখছেন—‘ভায়া, তোমার কথাই ঠিক বলিয়া প্রমাণিত হইল। পরে কাগজ ঘাঁটিয়া বাহির করিলাম—ভুবনমোহিনী নবীনচন্দ্র নিজেই। কিছু মনে করিও না। ইতি ব্রজেন্দ্রনাথ।’

প্রকৃত মাথা নত হয়ে পড়ল। পরের দিন প্রণাম করে এলাম।

এর পর তাঁর “সাহিত্য-সাধক চরিত্রমালা” একে একে পড়ে মগ্ন হয়ে তাঁকে অভিনন্দন জানিয়ে এলাম একদিন। “সাহিত্য-সাধক চরিত্রমালা” তহবিলে কিছু সাহায্যও দিয়েছিলাম। তাঁর সে কি আনন্দ! আশীর্বাদ জানিয়েছিলেন। বলেছিলেন—ভায়া, দুটি গুণ তোমার আছে। সে দুটিতে যেন খাদ না মেশে।

বুঝেছ? অন্যের কীর্তিকে কর্মকে স্বীকার করা, আর নিজের কর্মে ফাঁকি না দেওয়া। বাস্, ওতেই জীবনযুদ্ধে জয় হয়ে যাবে।

অল্প একটু হেসে ডান হাতখানি বুকের উপর রেখে একটু দুঃলেন।

তার পর বললেন—আমার “বেগম সমরু” আবার ছাপা হচ্ছে। তোমাকে দিয়ে একটা কাজ করিয়ে নেব। আমাকে ভূমিকা লিখতে হবে কথাটা শুনে আমি বিস্ময়ে অভিভূত হয়ে গিয়েছিলাম। এ কি মানুষ!

কীর্তির চেয়ে কীর্তমান আমার কাছে বড়।

‘তোমার কীর্তির চেয়ে তুমি যে মহৎ’—এ তত্ত্ব যার জীবনে সত্য না-হয়ে ওঠে তার তিরোধানে সংসারের ক্ষতি তো বড় নয়; কারণ কীর্তমানের চেয়ে কীর্তি বড় হলে এবং সেই কীর্তি সংসারে থেকে গেলে হিসেবের অঙ্কেই ওই কথা বলবে।

ব্রজেন্দ্রনাথের তপস্যার নিষ্ঠা এবং মানুষ হিসেবে খাঁটিত্বই তাঁকে মহত্তর করেছিল। এবং তাঁর সাহচর্যে এসে এর শিক্ষা তাঁর কাছে আমি নিয়েছি।

মোহনবাগান রোয়ের জীবন এই সপ্তয়ে ধন্য। কয়েক মাসের পক্ষে এ অনেক। সজনীকান্ত, তাঁর পত্নীর যত্ন, ব্রজেন্দ্রনাথকে এইভাবে জানা—নারায়ণের সঙ্গে পরিচয় এবং স্নেহের সম্পর্ক গড়ে ওঠা—এতো কম নয়।

এখান থেকে মাস কয়েক পরেই উঠলাম—

এখান থেকেই পরে এলাম আনন্দ চ্যাটার্জী লেনে।

নির্মল বসু মহাশয় আমাকে নিয়ে এলেন। তিনি থাকতেন নিচে। আমি নিলাম দোতালার একখানা ঘর ভাড়া। দোতলাটা গোটাটাই তখন খালি পড়ে রয়েছে। এখানে আসার মাসখানেকের মধ্যেই খবর পেলাম আমার স্ত্রীর ঘুমঘুমে জ্বর কিছুতেই ছাড়ছে না। তাঁকে কলকাতায় দেখানো দরকার। দোতলার বাকী ঘর তিনখানাও ভাড়া করলাম। সব সমেত ভাড়া ২৫ টাকা।

বাড়িখানার সামনেই শিল্পী যামিনী রায়ের বাড়ি। এ বাড়ি ও বাড়ির মাঝখানে উঠানে একটা পাঁচল শূদ্ধ। প্রথম দিনেই তিনি আমার দাদা হলেন। ভাই সম্বোধন করে যামিনীদা বললেন—ভাই, এইবার—এইবার আপনার সাধনা পাকা হবে। হয় মরবেন নয় সত্য করে বাঁচবেন। এ কাজ ঠিক করলেন।

হেসে বললেন—এতদিন তো ভূমিকা করেছেন। এবার জীবননাট্য শূদ্ধ হল। নির্মল সুহৃদ্যের কাজ করলে।

সত্যি, শূদ্ধ হল নতুন জীবন। এইখানেই ছেদ টানলাম বর্তমানে।

পরিশিষ্ট : ১

তারাকঙ্কর

তারাকঙ্করের পিতা হরিদাস বন্দ্যোপাধ্যায়ের একটি স্মরণ্য ডায়রী আছে। বীরভূম জেলার লাভপুরে নিত্যন্ত গ্রাম্য পরিবেশের মধ্যে অবস্থান করিয়াও তিনি তাঁহার দেশ ও কালকে ধরিয়া রাখিতে চাহিয়াছিলেন। তিনি তুলিয়াছিলেন ফোটোগ্রাফ।

পুত্র তারাকঙ্কর দেশ ও কালকে ধরিয়া রাখিবার জন্য ছবি আঁকিয়াছেন। পিতার তোলা ফোটোগ্রাফগুলি তিনি এখনও মাঝে মাঝে দেখেন এবং পরিপ্রেক্ষিত ঠিক করিয়া লন। এঁটখানেই পিতা-পুত্রের যোগ।

মাতা প্রভাবতী প্রবাসী বাঙালীর সন্তান, পাটনার শহরে মেয়ে, স্বভাবতই উদারদৃষ্টিসম্পন্ন। তারাকঙ্করের রচনায় গ্রাম-শহরের দ্বন্দ্ব আছে। ক্ষুদ্র গণ্ডি ও বৃহত্তর পরিধির দ্বন্দ্ব।

তারাকঙ্করের ক্রমবর্ধমান গল্প ও উপন্যাস-সাহিত্যে তাঁহার জীবনের অন্তরঙ্গ ইতিহাসও ওতপ্রোত হইয়া আছে, সেই ইতিহাস চলমান, তিনি এখনও ফরাইয়া যান না। দেশের কবি-সমালোচক সম্প্রদায় এই অন্তরঙ্গ জীবনী-রচনার তৎপর হইতেছেন। এই জীবনী রচিত হইলে দেখা যাইবে যে, এঁই শিল্পী মানুষটির জীবন বিচিত্র। পুরাতন ও নূতন, অতীত ও ভবিষ্যৎ, বনেদী জমিদার ও সাম্যবাদী বিপ্লবী, গ্রাম ও নগর, সংস্কার ও সংস্কার-মুক্তির সম্বন্ধে তারাকঙ্কর একটি অতিশয় জটিল গ্রন্থি। এঁই গ্রন্থি উন্মোচন করিতে তিনিই পারিবেন, যিনি কারাগারের “পাষাণপূরী” হইতে নিষ্ঠার সঙ্গে “হাস্তলী বাক” পর্যন্ত তাঁহার অন্বেষণ করিবেন, এবং বক বাবাজীর আখড়ায়, রায়বাড়ির জলসায়রে, কলিকাতার চাঁপানার অথবা সীতারামের পাঠশালার তিনি আটক পড়িবেন না। তারাকঙ্কর শেষ পর্যন্ত তাঁহাকে লইয়া কোথায় পৌঁছাইয়া দিবেন বলিতে পারি না। তাঁহার নিতানব-উন্মেষশালিনী প্রতিভা বাঁধপথে চলিতেছে না, এঁটুকুই আমরা বিশ্বয়ের সহিত লক্ষ্য করিতেছি।

তাঁহার বহিরঙ্গ জীবনের স্থায়ী কাহিনী খুব দীর্ঘ নয়। লাহস করিয়া সেটুকু আমরা এখনই লিপিবদ্ধ করিতে পারি। ভবিষ্যৎ জীবনীকারের তাহা সহায় হইবে।

১৩০৫ বঙ্গাব্দের ৮ শ্রাবণ (ইংরেজি ১৮৯৮; ২৩ জুলাই) লাভপুরে তাঁহার জন্ম হয়। শৈশবেই (১৩১৩ আশ্বিন মাসে নবমী পূজার দিন) তাঁহার পিতৃবিয়োগ হয়। ভূই বিধবা নারী—মা ও পিসিমার স্নেহের স্নদের মধ্যে তিনি মানুষ হন। “ধাতুদেবতা”র শিবনাথের কাহিনীতে এঁই স্নদের ইতিহাস আছে। এই ভূই বৃদ্ধা এখনও জীবিত।

লাভপুরের উচ্চ-ইংরেজি বিদ্যালয়ে তাঁহার শিক্ষার পত্তন হয়। ১৯১৬ খ্রীষ্টাব্দে এই বিদ্যালয় হইতেই প্রবেশিকা পরীক্ষা পাস করিয়া তিনি কলিকাতার সেন্ট জেভিয়ার্স কলেজে আই. এ. শ্রেণীতে ভর্তি হন। কিন্তু কলেজের শিক্ষা বেশিদূর

অগ্রসর হইতে-না-হইতেই রাজনীতি ও সমাজনীতি বিষয়ে স্বাধীন মতামতের অস্তিত্ব সে যুগের অত্যাগাহী পুলিশের দৃষ্টি তাঁহার উপর পতিত হয় এবং তিনি গৃহেই নজরবন্দী হইয়া থাকেন। ১৯১৮ খ্রীষ্টাব্দে যখন এই বন্ধন শিথিল হয়, তখন তিনি পীড়িত দেহ লইয়া আর একবার বিশ্ববিদ্যালয়ের পথে চলিবার চেষ্টা করেন। তিনি কলিকাতা সাউথ সুবার্বান কলেজে (বর্তমানে আন্ততঃ কলেজ) ভর্তি হইয়া কয়েক মাসের মধ্যেই শারীরিক কারণে তাঁহার গতভাগতিক শিক্ষা রুদ্ধ হইয়া যায় এবং ১৯১৯ সালে করলা-ব্যবসায়ী আত্মীয়কুলের আওতার করলার ব্যবসায় শিক্ষায় মনোনিবেশ করেন।

সে শিক্ষাতেও তিনি বিশেষ পারদর্শিতা অর্জনের সুযোগ পান নাই। মহাত্মা গান্ধী প্রবর্তিত অসহযোগ আন্দোলনের ঢেউ সেখানেও তাঁহাকে স্থানচ্যুত করে এবং তিনি ১৯২৯ খ্রীষ্টাব্দে কংগ্রেসে যোগদান করিয়া আন্দোলনে অংশগ্রহণ পড়েন। কিন্তু কবি-শিল্পীর মনে কমরী উৎসাহ স্বভাবতই দীর্ঘকাল স্থায়ী হয় না, ১৯২৪-২৫ খ্রীষ্টাব্দে আবার তাঁহাকে ওলাঙঠা-মহামারী-আক্রান্ত বীরভূমের উৎসাহী জনসেবক হিসাবে দেখিতে পাই “পথের ডাক” নাটকে এই সময়ের কিছু ছবি আছে।

যে সৃষ্টিপ্রতিভা তাঁহার মধ্যে নৌহারিকা অবস্থায় ছিল, এই সময়ে তাহা নির্দিষ্ট রূপ পরিগ্রহ করিতে আরম্ভ করে। সমাজসেবার অবকাশকাল তিনি সকল সাহিত্যিকের প্রথম-উপলব্ধ্য কবিতারচনার দ্বারা বিনোদন করিতে থাকেন। তাঁহার এই যুগের কৌতুককর কাব্যসাধনা “ত্রিপজ” নামক অল্পনা সম্পূর্ণ হুস্ত্রাপ্য একটি কাব্যপুস্তিকার বিষয় হইয়া আছে, তাহার মধ্যেই বিলুপ্ত হইয়াছে বলিলে আরও ঠিক বলা হইবে।

ওলাঙঠা-মহামারীর মতো তারালঙ্করের জাতের মায়ূখের সমাজ সেবার উৎসাহও স্তিমিত হইয়া আসে, মন বিষয়াস্তরে ধাবিত হইতে চায়। বয়স বাড়িয়া গিয়াছে। পড়াশুনার ধারা ধরিয়া চলা আর সম্ভব নয়। স্ততরাং চাকুরি খুঁজিতে হয়। করিবার মধ্যে নাড়াচাড়া করিয়াছেন করলা লইয়া। জামদারিও বেশ বোঝেন। কিন্তু জমিদারি করিতে হইলে গ্রামের গাওর মধ্যেই বন্ধ থাকিতে হয়। সে অসহ। স্ততরাং স্বল্পপরিচিত করলাকে ভেলা করিয়াই তারালঙ্কর এবার ভালিলেন, উপাস্ত হইলেন কানপুরে। মাত্র ছয়মাস কাল চাকুরি করিলেন বটে, কিন্তু জীবনে নূতন সুর লাগিল, উচ্ছৃঙ্খলতার সুর, বাধন-ছেঁড়ার, শিকল-ভাঙার সুর বলিলে কাব্য করিয়া বলা হয়। ফলে তাঁহার জীবনে বহু-স্নেহলালিত জীবনে হৃৎক আশিল, মাটির পুতুল তারালঙ্কর গোড় খাইয়া পাথর হইতে লাগিলেন। বিবাহিত জীবন আরম্ভ হইয়াছিল অনেক পূর্বে—১৯১৫ খ্রীষ্টাব্দে মাত্র সতেরো বৎসর বয়সে স্বগ্রামে শ্রীমতী উমা দেবীর সহিত তাঁহার বিবাহ হইয়াছিল। এইবারে সত্যিকার সাংসারিক জীবন আরম্ভ হইল। তারালঙ্কর—পরাজিত শিকল তারালঙ্কর কানপুর হইতে লাভপুর ফিরিয়া আসিলেন।

পল্লীগ্রামের উত্তমবস্ত্র ও মধ্যমবস্ত্র বেকার সমাজে সেদিনও পর্বস্ত নাটক অভিনয়ই একমাত্র সাংস্কৃতিক অবলম্বন ছিল। গ্রামের স্তিমিত জীবনধারা দৈনন্দিন মহড়া ও পর্বকালীন অভিনয়ে সাময়িকভাবে প্রোজ্জ্বল হইয়া উঠিত; আবর্তের সৃষ্টি করিত। বেকার তারালঙ্কর সেই আবর্তে পড়িলেন। কাব্যলক্ষীর পূর্বতন পরিহাসে নাট্যলক্ষী দমিলেন না। স্বর্ণমান সৃজনী-নীহারিকা এবার নাটকে রূপ পরিগ্রহ করিল।

তারালঙ্কর “মারহাটা-তর্পণ” নাটক রচনা করিলেন। আদর্শ ছিল ঘরেই। লাভপুরের নির্মলশিব বন্দ্যোপাধ্যায়, কুড়ুমিঠার হরেকৃষ্ণ মুখোপাধ্যায়। নির্মলশিববাবু তখন “রাভকানা”র খ্যাতিতে ভাস্বর; কলিকাতার অপারেশ মুখোপাধ্যায় পর্যন্ত তাঁহার রশ্মি ধাবিত হইয়াছে। তিনিই হইলেন পৃষ্ঠপোষক। “মারহাটা-তর্পণ” গ্রামে মহাশয়গোছে অভিনীত হইল। তাহার পর বৃহত্তর খ্যাতির আশ্রয়ে নাটকের পাণ্ডুলিপি নির্মলশিব-মারকণ্ড অপারেশ-সমুদ্র পর্যন্ত প্রধাবিত হইয়া গেল। সে নাটকের এইখানেই স্বনিক।

উপজ্ঞাসের সূত্রপাত এই সময়ে। “দীনার দান” নামক ছোট উপজ্ঞাসখানি রচিত হইয়া নির্মলশিববাবুরই সহায়তায় “সাপ্তাহিক শিশির” পত্রিকায় ধারাবাহিকভাবে প্রকাশিত হয়। কিন্তু “দীনার দান” তখন পর্যন্ত দীন-তারালঙ্করের দান বলিয়া বখাষোগ্য মর্যাদায় গৃহীত হইল না। কালের কুটিল প্রবাহে তাহাও হারািয়া যায়।

গ্রামের সমাজ-জীবনে তারালঙ্কর তখন প্রতিষ্ঠা অর্জন করিতেছেন। বেকার জমিদার যেভাবে গ্রামোন্নয়নে ব্রতী হয় ঠিক সেভাবে নয়। একটু ঘনিষ্ঠভাবে—হাতে-কলমে তিনি কাজ আরম্ভ করিয়াছেন, মহাত্মা গান্ধীর আদর্শ সম্মুখে, মনেও সৃষ্টির আগুন। ১৯২৭ খ্রীষ্টাব্দ হইতে ১৯২৯ খ্রীষ্টাব্দ পর্যন্ত—তিন বৎসর কাল তিনি গ্রামের কাজে জড়াইয়া পড়িয়াছেন, ম্যালেরিয়া-নিবারণী-বাহিনীর কর্তৃত্ব করিতেছেন। গ্রাম-পঞ্চায়েতের (ইউনিয়ন বোর্ড) মোড়লিও (প্রেসিডেন্ট) ছই বৎসর করিয়াছেন।

কিন্তু এই আধা-সরকারী জোয়ালে যুক্ত থাকা স্বভাববিদ্রোহী তারালঙ্করের পক্ষে বেশিদিন সম্ভব নয়। অসহযোগ-আন্দোলনের তৃতীয় ঢেউ আসিতেছে ১৯৩০ খ্রীষ্টাব্দে তারালঙ্কর জোয়াল ছিঁড়িলেন। ইউনিয়ন বোর্ডের প্রেসিডেন্টের এই অনাচার স্থানীয় পুলিশ-বিভাগের সহ্য হইল না। তারালঙ্কর ধৃত ও কারারুদ্ধ হইলেন। একেবারে সিউড়ির জেলখানায়। সেখানে মাত্র চার মাসের বসতি তাঁহার জীবনের ধারা সম্পূর্ণ পালটাইয়া দিল। কবি ও শিল্পী তারালঙ্কর উদ্দেশ্যহীনভাবে লক্ষ্যহীন পথে ঘুরিয়া বেড়াইতে বেড়াইতে সহসা যেন পথের সন্ধান পাইলেন। এখনকার পূর্বের সমস্ত অতীত জীবন তাঁহার ভিত্তিনির্মে আমূল প্রোথিত হইয়া গেল। শুষ্ক হইল নূতন প্রাসাদ গঠন। বাংলা সাহিত্য জরযুক্ত হইল।

কারা প্রাচীরের অন্তরালে যাহারা তাঁহার সহবাসী ছিলেন, তাঁহাদের আদর্শ ও কর্মপদ্ধতি তাঁহাকে মুগ্ধ করিতে পারে নাই, ক্ষুব্ধ করিয়াছিল। কারা হইতে নিষ্কৃতি লাভের দিন ইঁহারা তারালঙ্করকে সর্ষধিত করিয়া কামনা করিয়াছিলেন, তিনি যেন শীঘ্র প্রত্যাবর্তন করেন। তারালঙ্কর এই সহৃদয় আমন্ত্রণ প্রত্যাখ্যান করিয়া বলিয়াছিলেন, ‘না আপনাদিগকে প্রণাম নিবেদন করিয়া আমি বিদায় লইতেছি। বুঝিয়াছি, নিছক রাজনীতি আমার ক্ষেত্র নহে। যে বঙ্গ ভারতীকে আমি উপেক্ষা করিয়াছি, এবার তাহারই সাধনায় আত্মনিয়োগ করিব মনস্থ করিয়াছি।’

সাহিত্যবিশাভিলাষী তারালঙ্কর সূত্রায় এবারে প্রস্তুত হইয়াই ভারতীয় প্রান্তরে উপস্থিত হইলেন। দীনেশরঞ্জন দাস সম্পাদিত “কন্মোলে” তখন শৈলজানক ও প্রেমেন্দ্র বাংলা কথা-সাহিত্যে নূতন ভঙ্গীর আমদানি করিতেছেন। এই নূতন

তারশঙ্করকে আকৃষ্ট করিল। নতুনভাবে উদ্বুদ্ধ হইয়া তিনি “রসকলি” গল্পটি রচনা করিলেন। নিজের ভালো লাগিল। তিনি তাহা প্রকাশার্থ পাঠাইয়া দিলেন একটি গতানুগতিক প্রসিদ্ধ মাসিক-পত্রিকায়। সেখানে তারশঙ্করের নতুন পরীক্ষা সফলিত হইল না। সুতরাং তারশঙ্কর “কল্লোল”-এর শরণ লইলেন। “রসকলি” দ্রুত গৃহীত হইল। আরও লেখার প্রার্থনাও দীর্ঘকাল দাখল হইলেন। কিন্তু বহু আশা লইয়া স্বয়ং তারশঙ্কর যখন “কল্লোল”-গৃহে দর্শন দিলেন, অতি আধুনিকতায় প্রমত্ত কল্লোলীদল তাঁহাকে সহদম্বতার সঙ্গে গ্রহণ করিলেন না। ডিব্বকে যথাযোগ্য খাতির করিয়া তাঁহার্য হংসকে অনাদর করিলেন। অভিমানক্ষুব্ধ তারশঙ্কর প্রতিহত হইয়া সম্পূর্ণ বিপরীতস্থানে সাবিত্রী-প্রসঙ্গের “উপাসনা”-র সাময়িকভাবে আত্মসমর্পণ করিলেন। ইহা ১৯৩১—৩২ সালের কথা। “চৈতালী ঘৃণি” ও “পাষণপুরী” এই দুইখানি উপন্যাস এই কালের মধ্যে লিখিত ও প্রকাশিত হয়। তিনি তখন মাকুর মতোন কলিকাতা-লাভপুর করিতেছেন। পত্রিকা-সম্পাদক ও পুস্তক-প্রকাশকদের দরজায় দরজায় তাঁহার মাথাটি ও ক্লিষ্ট ক্ষতবিক্ষত হইয়াছে।

“চৈতালী ঘৃণি” ও “পাষণপুরী” প্রকাশকালে আশারূপ সমাদর লাভ করে নাট। তারশঙ্কর না যশে না বাসে কলিকাতায় তখনও প্রতিষ্ঠিত হন নাট। প্রতিষ্ঠিত হইয়াছেন “বঙ্গভ্রমী” পত্রিকায় ধীরে ধীরে আত্মপ্রকাশ করিয়া। “বঙ্গভ্রমী” পত্রিকা ১৩৩৯ বঙ্গাব্দের মাঘ মাসে প্রথম আত্মপ্রকাশ করে। ইহার অব্যবহিত পূর্বে সম্পাদক সজ্জনীকান্তের সহিত তারশঙ্করের পরিচয় হয়। সজ্জনীকান্ত তখন “বঙ্গভ্রমী”-র লেখা সংগ্রহে তৎপর ছিলেন, কিন্তু তিনি তারশঙ্করকে উপেক্ষা করিলেন। পোড়-খাওয়া তারশঙ্করের তখন প্রচুর আত্মপ্রত্যয় জন্মিয়াছে। তিনি স্বয়ং অগ্রসর হইয়া আসিলেন, “শ্মশান-ঘাট” গল্পটি লইয়া। এই গল্পটি মেঘ-স্মৃতির দিক দিয়া তাঁহার ব্যক্তিগত জীবনে অক্ষয় হইয়া থাকিবে। তিনি সত্তা শ্মশান-ঘাটের চিতাবন্ধির উত্তাপদগ্ধ—প্রিয়তমা কত্বে ব্লুকে চিতায় তুলিয়া দিয়া আসিয়াছেন। খ্যাতির দিক দিয়াও এই গল্পটি স্রবণীয়। “শ্মশান-ঘাট” পরবর্তীকালে—“সন্ধ্যামণি”-ইহাকেই তারশঙ্করের সাহিত্য-সাধনার দ্বিতীয় বা সফল পর্বের “অবতরণিকা” বলা চলে। এখান হইতেই নিরুদ্বেগ-নির্ভয়পথে তারশঙ্করের জয়যাত্রা ধাবিত হইয়াছে নব নব যশের অন্বেষণে, নব নব খ্যাতির প্রতিষ্ঠায়। অল্প দিকে তাঁহার মাকু-জীবনও সমাপ্ত হইয়া আসিল। তিনি আত্মীয়-গৃহে, পরে কলিকাতার দক্ষিণ প্রান্তে এক টিনের ঘরে বাসা বাঁধেন, তাহার পর বউবাজারের মেস, হারিসন রোডের বোডিং এবং মোহনবাগান রো হইয়া ১৯৫০ খ্রীষ্টাব্দে তাঁহার বাগবাজারস্থিত বর্তমান বাসাবাড়িতে শ্রীযুক্ত নির্মলকুমার বসুর সহায়তায় আশ্রয় লাভ করেন। পরবর্তী বৎসরে বরাহনগরে নিজস্ব গৃহ প্রতিষ্ঠা। কিন্তু সে ইতিহাস বর্তমান বর্ষে অতীত ইতিহাস মাত্র। টালার বিস্তৃত ভূমি সংগ্রহ করা সত্ত্বেও তিনি এখনও বাগবাজারের মায়া বা ঘোর কাটাঁহিতে পারেন নাই।

তিনি এই পর্বে রাজনীতির সংশ্রব পরিত্যাগ করিলেও আইন এবং শৃঙ্খলার মালিকের পূর্বতন খ্যাতিমাহাত্ম্যে অনেকদিন পর্যন্ত তাঁহার পশ্চাদ্ধাবন করিয়া-ছিলেন। ইহাদের নিবিড় প্রেমপাশ এড়াইবার জন্ত তারশঙ্করকে কলিকাতা বাসের

একটা যুক্তিপূর্ণ কারণ নশাইতে হইয়াছিল, তিনি কিছুকালের জন্য “শনিবারের চিঠি”র সহ-সম্পাদকের ভোল গ্রহণ করিয়াছিলেন।

সজ্জনীকান্তের সম্পাদকত্বে প্রকাশিত “বঙ্গত্ৰী”র প্রথম দুই বৎসরের ইতিহাসের সহিত তারাশঙ্করের বঙ্গদেশের চিত্তজয়ের গৌরবময় ইতিহাস অঙ্গাঙ্গীভাবে জড়িত হইয়া আছে। এই কালের শেষের দিকে “জমিদারের মেয়ে” ধারাবাহিকভাবে “বঙ্গত্ৰী”তে বাহির হইতে আরম্ভ হয়। সজ্জনীকান্ত “বঙ্গত্ৰী”র সম্পাদকত্বে ইস্তফা দিয়া আসিলে (১৯৩৫, ১৫ জানুয়ারি) তিনিও “বঙ্গত্ৰী”র সহিত সম্পর্ক ত্যাগ করেন এবং “জমিদারের মেয়ে” “ধাত্রীদেবতা”-রূপে সম্পূর্ণ পরিবর্তিত আকারে ‘শনিবারের চিঠি’তে আবার গোড়া হইতেই প্রকাশিত হইতে আরম্ভ হয়। তারাশঙ্কর তখন লক্ষপ্রতিষ্ঠ।

আজ সাহিত্য ও জীবনের বহুবিভাগে তারাশঙ্কর যশস্বী হইয়াছেন। নাট্যক্ষেত্রে, ছায়াছবির পরদা গ্রামোফোন-রেকর্ডে সর্বত্রই আজ তিনি বিজয়ী। তাঁহার ছোট গল্প উপন্যাস ও নাটকে বাংলা সাহিত্য সমৃদ্ধ। এইগুলির প্রত্যেকটির রচনার ইতিহাস আছে এবং এগুলির প্রত্যেকটির মধ্যে তিনি ওতপ্রোত হইয়া আছেন। ভবিষ্যৎ জীবনীকারকে তারাশঙ্করের অন্তরঙ্গ জীবনের ছবি আঁকিবার জন্য এগুলির সাহায্য নইতে হইবে। আমরা সে গভীর গহনে প্রবেশ করিব না।

তারাশঙ্কর মানুষটি সম্পর্কেও আমরা আপাতত নীরব থাকিব। আগেই বলিয়াছি, মানুষটি অতিশয় জটিল। কিন্তু বয়ঃধর্মে জীবনের সার্থকতায় এবং নিত্য নব নব প্রাপ্তির প্রসন্নতায় জটিল মানুষটিও-প্রেমে ও রসে সরল হইয়া আসিতেছেন। মানুষের প্রতি তাঁহার সুগভীর প্রেমের পরিচয় আমরা ক্রমশ পাইতেছি। আশা করিতেছি, তাঁহার সাহিত্যবুদ্ধি প্রেমে নিমগ্ন হইয়া তাঁহার জীবনকে মহামহিমায় মণ্ডিত করিবে, প্রবাসী বঙ্গ সাহিত্য সম্মেলনের (কানপুর, ১৯৪৪) সাহিত্য-শাখার সভাপতি অথবা কলিকাতায় (১৯৪৭) মূলের উদ্বোধক তারাশঙ্করকে আমরা তখন খুঁজিব না। আমরা খুঁজিব রসিক তারাশঙ্করকে, কবি তারাশঙ্করকে।

তারাশঙ্কর কি ভালোবাসেন অর্থাৎ তাঁহার Hobby কি, ইংরেজি মতে এ খবরটা অত্যাৱণ্ণক। তিনি সর্বপেক্ষা ভালোবাসেন—মানুষ পাইলে গুছাইয়া কথা বলিতে; তাহার পর, আগে ভালোবাসিতেন চাষ-আবাব গার্ডেনিং (বাংলা খুঁজিয়া পাইলাম না। বাগান শব্দটা প্রয়োগে নৈতিক আপত্তি হইতে পারে); বর্তমানে ভালোবাসিতেছেন নাতিনী-নাতিদের। মাঝে মাঝে তাহাদের অত্যাচার বাংলা সাহিত্যকে ক্ষতিগ্রস্ত করিতেছে, এমনও দেখিতে পাই। গৃহিণী, দুই পুত্র দুই কন্যা ও এক জামাতা লইয়া তারাশঙ্করের দুই পুরুষের সংসার, তৃতীয় পুরুষ তাঁহার উপন্যাস সংখ্যার মতো ক্রমবর্ধমান।

১৩৫৪ বঙ্গাব্দের ৮ শ্রাবণ তারিখে তারাশঙ্কর উনগঞ্জাশের বিপদ উত্তীর্ণ হইয়াছেন। সেই উপলক্ষে তাঁহার সাহিত্যিক, শিল্পী ও সাহিত্যরসিক বন্ধুরা ১০ শ্রাবণ রবিবার নিউ গ্রামবাজার স্ট্রিটের [বর্তমান ভূপেন্দ্র বসু অ্যাভিনিউ] কে. বি. ক্লাব-প্রাঙ্গণে সমবেত হইয়া তাঁহাকে লইয়া একটি ছোটখাটো স্বরোয়া উৎসব করেন। বাংলা দেশের অনেক খ্যাতিমান কবি ও কথাশিল্পী স্বয়ং অথবা

প্রশস্তিপত্র মারফৎ এই উৎসবকে সার্থক করিয়া তুলেন। প্রশস্তিপত্রগুলি এই প্রসঙ্গে শেবে মুদ্রিত হইল। শ্রীযুক্ত প্রেমানন্দ্র আতর্ষী, হরেন্দ্রকৃষ্ণ মুখোপাধ্যায়, কমলাকান্ত পাঠক, নরেন্দ্রনাথ মিত্র ও বাসন্তী রায় নিজেরা উপস্থিত হইয়া স্ব স্ব প্রশস্তি পাঠ করেন। বক্তৃতা করেন অমল হোম, বিভূতিভূষণ বন্দ্যোপাধ্যায়, প্রবোধকুমার সান্নাল, মনোজ বসু, নারায়ণ গঙ্গোপাধ্যায়, বীরেন্দ্রকৃষ্ণ ভদ্র, বোগেশ ভট্টাচার্য ও গজেন মিত্র। ইহাদের মধ্যে শ্রীবিভূতিভূষণ বন্দ্যোপাধ্যায়, গজেন্দ্রকুমার মিত্র, নারায়ণ গঙ্গোপাধ্যায় স্বতন্ত্র নির্বন্ধাকারে তাঁহাদের বক্তব্য লিখিয়া পাঠাইয়াছেন তাহাতে এই সঙ্গে (তারানন্দ্র-প্রশস্তির পূর্বে) মুদ্রিত হইল। প্রথমে শ্রীযুক্ত স্মৃতি সেন এই উৎসবের অল্প রচিত নিয়মিত কথামূলিতে সুর যোজনা করিয়া গান করেন—

ভালোবাসা দিয়ে বরি বন্ধুরে, প্রেমের গর্বে লই বে নাম,
প্রতিভাদীপ্ত মধ্য-আকাশে ঘাসের ফুলের লও প্রণাম।
প্রসন্ন হাসি ভাস্কর এবার
মন্দির ঘর সৌরভভার
মোদের বাসনা কামনা, নিদ্রাঘ দিনের হোক রমণীয় এ পরিণাম।

বন্ধু-কামনা। এই আনন্দ সারা দেশ জুড়ে সবার হোক,
তব কালিন্দী ধাত্রীদেবতা কল্যাণে হোক বিগতশোক
হে কবি, তোমারে করি হে বরণ
গগদেবতার আনো জাগরণ,

মহন্তর পার করে দিয়ে নির্ভর কর পঞ্চ গ্রাম ॥

বাংলা দেশের সাহিত্যিক ও শিল্পীগণের পক্ষে সজ্ঞানীকান্ত দাস পরে এই কবিতাটি পাঠ করেন।

তারানন্দ্র,

অর্ধেক শতাব্দী ধরি জীবধাত্রী ধরিত্রীর মেহ
তোমারে করেছে রক্ষা। মাটিরে করনি অস্বীকার—
এড়াতে পেরেছ তাই সর্বনাশা যুগের সন্দেহ,
ভালোবাসা জরী হল। প্রেম হল বন্দী প্রতিভার।
আমাদের দুঃখদৈন্ত আমাদের বিক্ষোভ-শঙ্কার
তুমি বার্তাবহ বন্ধু। দিতেছ সার্থক বাণীমেহ—
সর্বহারার, গৃহহারার স্বার্থের সংঘাতে বারম্বার
রচিছে কল্পনা তব, আমাদের ভবিষ্যৎ গেহ।
আমরা কৃতার্থ আজি বন্ধু-তারানন্দ্র-সোহাগে
একদিন এই নামে ধন্য হবে নিখিল সংসার।
সেদিন স্মৃতি নহে উর্ধ্বে ছেরি বশস্বর্ষ আগে
দিকে দিকে খুলিতেছে বন্ধ বত হৃদয়ের দ্বার
গর্বভরে আজ মোরা দাঁড়াই সবার পুরোভাগে
জীবনের মাঝখানে জানাই তোমারে নমস্কার ॥

প্রশস্তিপত্রগুলি পাঠ করেন শ্রীবীরেন্দ্রকৃষ্ণ ভদ্র। সর্বশেষে তারানন্দর নিম্নলিখিত ভাষণ দেন—

“আমার পঞ্চাশৎ বৎসর প্রবেশের মুখে আমার সাহিত্য জীবনের গুরুজন বঙ্কুজন স্নেহভাজনেরা মিলে আজ সাধরে আহ্বান করে দিলেন যে স্নেহাশীর্বাধ, যে অজস্র-ধারার প্রীতি, অকপট অন্তরের গভীর শ্রদ্ধা, তাতে আমার ছুই হাতের অঞ্জলি পরিপূর্ণ হয়ে অন্তরের সকল আধারকে ছাপিয়ে আমার চারিপাশে অপরিমেয় সৌভাগ্যের মতো ছড়িয়ে পড়ে গেল। আমার এমন আধার আর নাই, বার মধ্যে লক্ষ্য করে রাখি। আমার অঞ্জলিতে, আমার অন্তরে যেটুকু ধরেছে, তাই আমার অবশিষ্ট জীবনের জ্ঞাত পর্যাণ্ট হয়ে রইল, বাকি জীবনপথে চলার কালে পাণেয়ের আমার অভাব হবে না। গুরুজনদের প্রণাম জানাচ্ছি। বঙ্কুগণকে অন্তর-উজাড় করে প্রীতি নিবেদন করছি স্নেহভাজনদের স্নেহ-আশীর্বাধ জানাচ্ছি ; আপনাদের জন্যে বাংলা সাহিত্য জয়যুক্ত হোক।

অসকোচে অকপটেই আজ স্বীকার করছি যে, সাহিত্যসাধনার আসরে এসে প্রথম প্রহরে কিছু কিছু মানি এবং বেদনা অনুভব করেছিলাম, ক্রমে ক্রমে তার অনেক অংশ দূরীভূত হলোও কিছুটা যেন যায় নি, সুপ্ত ক্রোভের মতো অন্তরে লুকিয়ে ছিল। আজ সে সমস্তই ধুয়ে মুছে গেল, আমাকে লজ্জিত করে দিয়ে গেল। মনে মনে বুঝতে পেরেছি যে, সে ক্রোভ ছিল অহেতুক, আমারই অন্তরের ক্ষুদ্রতা থেকেই তার উৎপত্তি হয়েছিল। আজ আপনাদের ভালোবাসার উদার প্রকাশে আমি ক্ষুদ্রতা থেকে মুক্তি পেলাম। জীবনের সংশয়কণ্টক এবং ক্রোভের বন্ধুরতার বন্ধুর প্রান্তরে আপনারা প্রেমে স্নেহে শ্রদ্ধার শুভ মর্মরে দেবালয় গড়ে দিলেন।

আপনারা বিশ্বাস করবেন, জীবনে সাহিত্য সাধনার অগ্রসর হয়েছিলাম এসক পাবার স্বপ্ন নিয়ে নয়, আমি এই সাধনার অগ্রসর হয়েছিলাম অস্ত্র উদ্দেশ্য নিয়ে। জীবনের প্রথম যৌবন থেকেই দেশের স্বাধীনতা-আন্দোলনের অগ্নি-সাধনার শিখার স্পর্শ পেয়েছিলাম। এ আশুন মনের গহনে লাগলে আর নেবে না। তার সঙ্গে অবশ্য সাহিত্যপ্রীতি ছিল, সাহিত্যকে প্রাণের বস্তুর মতোই ভালোবাসতাম ; বিবাহ-প্রীতিউপহার লিখতাম, শারদীয় পূজার আগমনী লিখতাম, আমাদের গ্রাম লাভপুরে স্বর্গীয় নাট্যকার নির্মলশিব বন্দ্যোপাধ্যায়, বৈষ্ণব সাহিত্যে সুপণ্ডিত হরেকৃষ্ণ সাহিত্যরত্ন মহাশয়ের সহযোগিতায় মাসে মাসে সাহিত্যসভার আয়োজন করতেন, সেখানে কবিতা পড়তাম। তাঁরা দুজনে সংশোধন করে দিতেন। ওখানে শেখর অভিনয়ের আসর ছিল সমৃদ্ধ, অভিনয়ও ছিল বহুপ্রশংসিত, সেখানে অভিনয়ের জ্ঞাত নাটকও লিখেছিলাম। সে নাটকখানিকে স্বর্গীয় নির্মলশিববাবু কলকাতার কোন রত্নমঞ্চের অধ্যক্ষের হাতে দিয়েছিলেন, কিন্তু তিনি সেখানি না পড়েই ফেরত দিয়েছিলেন, তার জ্ঞাত নাটকখানিকে নিজেই আশুন লম্পণ করেছিলাম। কারণ তখন সাহিত্যিক হবার, সাহিত্যসেবা করবার কল্পনাটাই বড় ছিল না। এই কল্পনাকে প্রথম আকৃষ্ট করে বাংলার বিখ্যাত কথালিঙ্গী শ্রীযুক্ত শৈলজানন্দ ও শ্রীযুক্ত প্রমোদ বিজের দৃষ্টি গেল। এমনই গল্প লিখবার বাসনার “রসকলি” গল্পটি

লিপি। বাংলার কোন বিখ্যাত মাসিকপত্রে পাঠ্য। কিন্তু বঙ্গবন্ধুগণের ধরে গল্পটি সম্পাদকমণ্ডলীর বিবেচনাধীন থাকায় নাটক-রচনার মতো গল্প-রচনার বাসনারও পবিসমাপ্তি ঘটাবার চিন্তায় গল্পটি ফেরত মিটে। কিন্তু কি মনে হয়, শেষ চেষ্টা করবার জন্য পাঠ্যটি “কল্লোলে”। স্বর্গীয় দীনেশ দাশকে নমস্কার জানাট। তিনি সঙ্গে সঙ্গে গল্পটি মনোনীত করে নতুন গল্প পাঠ্যে অন্তর্ভুক্ত করেন। সেদিন যদি তিনি আমাকে আহ্বান না জানাতেন, তবে এ পৃষ্ঠা আমি আসতাম না।

তারপরই এলো উনিশশো তিরিশ সাল। আমার জীবনে তখনও রাজনীতিই ছিল প্রধান। জেলে গেলাম। সেট জেলগান্ধীত্বই আমার রাজনৈতিক-জীবন এবং সাহিত্যিক-জীবন এক হয়ে গেল। কারা প্রাচীরের অন্তরালে হাজার হাজার বাংলার তরুণ জারতবর্ষের স্বাধীনতার তপস্যা করে—বন্ধনের মধ্যে মুক্তির তপস্যা। রাত্রে অন্ধকারের দিকে চেয়ে তারই পথ খোঁজে: ঘরের মধ্যে তারই স্বপ্ন দেখে। পিয়ুস্তানব মুখ, স্নেহসিক্ত গৃহকোণ তাবা যেন ভুলে গেছে। শাসনকে তুচ্ছ করে, অঙ্গকে ভয় করে না, মৃত্যুর মধ্যে মানস-বধূকে পাওয়ার পরমানন্দকে আত্মদান করে, এট ব্রাহ্মের কথা—এট হাজার হাজার তরুণের বকের আশুনের শিখার বিচিত্র রূপকে সাহিত্যের মধ্যে স্থান দেবার কল্পনায় আমার দ্বিধাবিভক্ত জীবন পূর্ণতা লাভ করলে। আমাকে আমি খুঁজে পেলাম। জেলগান্ধীর বিদায়-আসরে সেট কথা নিবেদন করে প্রত্যক্ষ রাজনীতির ক্ষেত্রে বিদায় নিয়ে সাহিত্য-ক্ষেত্রে এসে প্রবেশ করলাম। এট সময় আমার সর্বাঙ্গের পিয়ুস্তান সন্তান একটি কল্পার মৃত্যু আমাকে দিয়ে গেল গভীরতম বেদনার অমৃতস্বাদ। মানুষের বেদনাকে আমি যেন বঝতে পারলাম।

সেট বেদনার মধ্যে আকস্মিকভাবে পেলাম সজ্ঞানীকান্তকে। কবি শ্রীযুক্ত সাবিত্রীপ্রসন্নকে নমস্কার জানাট। তাঁকেও স্মরণ করি। তিনিও এর পূর্বে গাট প্রীতির স্বাদ অনুভবের সন্ধান দিয়েছিলেন। “কল্লোলে”র বন্ধুরা আমাকে আসরে পাঠ দিয়েছিলেন, কিন্তু অন্তরঙ্গভাবে গ্রহণ করেন নি। তাঁরা হয়তো আমার সঙ্গে কোথাও যেন অমিল অনুভব করেছিলেন, তাঁরা প্রশংসা করেছিলেন, কিন্তু প্রীতি দেন নি। সজ্ঞানীকান্ত তখন “বঙ্গশ্রী”র সম্পাদক, সহকারী ছিলেন কিরণকুমার রায়। কিরণকুমারের মধ্যস্থতায় সজ্ঞানীকান্তের সঙ্গে গাট প্রীতির সম্বন্ধ স্থাপিত হল। অকপটে স্বীকার করব, সজ্ঞানীকান্ত উৎসাহিত করেছেন, লেখা সংশোধন করে দিয়েছেন, অনেক—অনেক করেছেন তিনি। সঙ্গে সঙ্গে একথাও বলব, রাজনীতি নিয়ে সারাজীবনের এবং সাহিত্যক্ষেত্রের চিরন্তন গণ্ডি সংসারের মেহনীড় উপেক্ষা করেছে, প্রেম কামনা বাসনাকে যারা ভুলেছে, তাদের নিয়ে সাহিত্য রচনার এবং রাজনৈতিক মতবাদের মধ্যে মানুষের জীবনদর্শনের যে বিপ্লব সাধিত হচ্ছে, নতুন জীবনদর্শনের মতবাদকে নিয়ে সাহিত্যরচনার অগ্র সকলের সঙ্গে সজ্ঞানীকান্তও আমার সম্পর্কে শঙ্কিত হয়েছিলেন। বন্ধুদের প্রবোধক্কারও এ সম্পর্কে আমাকে একটি পোস্টকার্ড লিখেছিলেন। আমি একথার মধ্যে আত্মপ্রচার করছি না। আমার রচনা সম্পর্কে মোহ নেই, এমন কথা আমি বলছি না। তবে সে দাবি নিয়ে আজ আপনাদের সম্মুখে দাঁড়াইনি। সাহিত্যের বিচার হবে কালের

ধরবারে। আমি অসকোচে আপনাদের সম্মুখে দাঁড়িয়েছি ভালোবাসা পাবার আকাঙ্ক্ষায়; আমি আমাদের সমসাময়িকগণের মধ্যে বয়সে জ্যেষ্ঠ সেই দাবিতে। শ্রেষ্ঠত্বের দাবি আমার নয়। এই যুগ অনেক জনের কীভাবে সমৃদ্ধ, একক কারও যুগ এ নয়। সাহিত্যিক শিল্পীজনের সম্মান আমাদের জাতীয় জীবনের সচেতনতার কথাটাই ঘোষণা করছে। ভারতবর্ষ স্বাধীনতার প্রথম তোরণ আত্মক্রম করছে। ভবিষ্যতে বন্ধুজনের সকলেই সম্মানিত হবেন দেশের কাছে। সমসাময়িকগণের মধ্যে জ্যেষ্ঠ হিসাবে আমিই হব অগ্রণী সেশব আয়োজনের ক্ষেত্রে! আজ মনে হচ্ছে, এই দেশে জন্মলাভ করেছি পরম সৌভাগ্যের ফলে। আমার জীবনসাধনার মূল্য এমন স্নেহ-শ্রদ্ধায়-ভালোবাসায় পেয়ে জন্মকে সাংক্য বলে মনে করছি। সম্মান নয়, যশ নয়, ভালোবাসাই মানুষের জীবনের পরম কামনার ধন। যারা আমাকে সেই পরম সম্পদ এমন অঙ্কশ্রদ্ধারে দিলেন, তারা হয়ে রইলেন আমার কাছে জীবনদেবতার দূত। যারা দেন, তাঁরাই তো দাতা, আমি তো গ্রহীতা। আপনাদের দানে আমি ধন্য, আমি কৃতজ্ঞ, আমার জীবনের সকল দীনতাকে আপনারা মোচন করে দিলেন। আপনাদের আমি প্রণাম জানাই, দান গ্রহণকারী পরিপূর্ণ চিত্ততার যে আধিকারে আশীর্বাদ জানায়, সেই আধিকারে আশীর্বাদও জানাই, আপনারা জরযুক্ত হউন, পরম সম্পদে ভরে উঠুক আপনাদের জীবন, আমাদের সঙ্গে সঙ্গে অমরযুক্ত হোক সাহিত্য শিল্প দেশ ও জাত। বন্দে মাতরম।”

সবশেষে ত্রিযুক্ত নলিনীকান্ত সরকার ডোবোদন-সঙ্গীতের একটি প্যারডি করিয়া সুরসহযোগে গান করিলে আনন্দ ও জয়ধ্বনির মধ্যে সভা সমাপ্ত হয়। নলিনীকান্তের মারাত্মক হাসির গানটা এখানে নথিভুক্ত হইল।

গর্ব তোমার কোথায় বন্ধু, থর্ব হতেছে তোমার নাম।

মাথা কাটা গেছে, ঠাং কাটা গেল—কোথায় আশিস্ কোথা প্রণাম ?

আপনার হাতে খার তরবার,

ত্রিসম্পদ তব করেছ সাবাড়।

সম্প্রতি কাটা বাঁড়ুজ্জটাও—বড় শোচনীয় এ পরিণাম।

ঘেটুফু রয়েছে সেহটুফুই নিয়ে পাবলিশারেরা চাকিত চোখ,

তব “কালন্দা” “ধাত্রী দেবতা”—কল্যাণে তার বিগত শোক।

পকলে মালয়া করিছে দোহন

সজনী গঞ্জন, মনোজমোহন,

তুমি কামধেনু ভরাইছ কেঁড়ে পাথার করিয়া মাথার ঘাম।

আজ তারানকরের জন্মোৎসবে যোগ দিতে পেরে আমি গৌরব অমূল্য করছি। তারানকরকে আমি অনেকদিন থেকেই জানি, বশ-পনেরো বছর আগে বন্ধুবর রমেশ সেনের আড্ডায় তার প্রথম পারচয় ঘটে। তারপর মাঝে মাঝে তার সঙ্গে দেখা হত। তখন আমিও কলকাতার অধিবাসী। কিন্তু ভালো করে তখন তাকে জানতাম না, কলকাতায় বহু পরিচিত ও অর্ধপরিচিতদের ভিড়ের মধ্যে সেও একজন।

সে সময়ের একটি কথা আমার বেশ মনে আছে। তখন তারানকরের “রাইকমল”

বেরিয়েছে এবং অনেকের মুখে মুখে বইখানার স্মৃতিও ছড়িয়েছে। এক বর্ষার দিনে একথাও “রাইকমল” যোগাড় করে দেশের বাড়িতে ছুদিনের কিলের একটা ছুটিতে বেড়াতে গেলাম। একা বসে নির্জন ঘরে “রাইকমল” পড়তে আরম্ভ করলাম সন্ধ্যার পরে। অনেক রাত্রে বইখানা শেষ হল। তখন জানলা দিয়ে বাইরের জোনাকি-জ্বলা বাঁশ বাগানের দিকে চেয়ে আমার মনে হল, সাহিত্যে একটি নতুন স্রবের সন্ধান পাওয়া গেল এই বইয়ের মধ্যে। এক অজানা জগতের সঙ্গে নতুন পরিচয়ের আনন্দ। বীরভূমের মাটির গন্ধ পেলাম বইয়ের ছত্রে ছত্রে। আমার মনে আছে, দেশের লাইব্রেরিতে বইখানা আমি দিয়ে সকলকে বলেছিলাম, বইখানা পড়ে দেখ, নতুন জিনিস পাবে।

কিন্তু তারাক্ষরকে ভালো করে জানলাম আজ বছর চারেক আগে, কানপুর প্রবাস-বঙ্গ-সাহিত্য-সম্মেলনে একই ট্রেনের কামরায় আমরা বাই এবং আসি, কানপুরে একই ঘরে আমরা তিনদিন বাস করি। তারাক্ষরের মধ্যে যে সহজ, সরল ভদ্র, অমায়িক ও সুরসিক লোকটি বাস করে, তাকে আবিষ্কার করলাম ওই কয়দিনে। অনেক লোকের সঙ্গে এর চেয়েও বেশি দিন একত্র বাস করেছি, কিন্তু এমন নিবিড় আত্মীয়তা কারও সঙ্গে হয়নি। এমন আনন্দজনক বন্ধুত্ব কারও সঙ্গে গড়ে ওঠেনি। একথাও বলব, মনকে স্পর্শ করবার এই যে ক্ষমতা, তারাক্ষরের মধ্যে এর যে প্রকাশ ওই কদিনে আমি মনেপ্রাণে অনুভব করেছিলাম। অনেক হাজারের মধ্যে তা এক-আধজনকেই থাকে। তারাক্ষরের বন্ধুত্বলাভ আমার জীবনের একটি দ্রুত ঘটনা।

বশোর জেলার অধিবাসীদের পক্ষ থেকে আমি তারাক্ষরকে অভিনন্দন জ্ঞাপন করছি তার শুভ জন্মদিনে। বহুদিন ধরে এই দিনটি বার বার ফিরে আসুক। সে শত শত পরমায়ু নিয়ে বঙ্গবাণীর দেউলকে দিন দিন নবতর অর্থো মণ্ডিত করুক, দেশ ও জাতিকে নতুন পথের নির্দেশ দিয়ে চলুক তার জয়শ্রীমণ্ডিত লেখনী।

—শ্রীবিভূতিভূষণ বন্দ্যোপাধ্যায়

আজ যে শুধু তারাক্ষরের সাহিত্যিক ও শিল্পী বন্ধুরা তাঁকে অভিনন্দন জানালেন বা অদূর ভবিষ্যতে সমগ্র বাংলা তথা ভারতের মনীষীরা অভিনন্দন জানাবেন, সেইটাই তো বড় কথা নয়, আজ রসিক অরসিক নির্বিশেষে বাংলা দেশের সমস্ত পাঠক সাধারণের কণ্ঠ থেকেই স্বতঃ-উৎসারিতভাবে তাঁর উদ্দেশ্যে অভিনন্দন উচ্চারিত হচ্ছে, আমাদের চেনা ও জানার বাইরে লক্ষ হৃদয়ের শ্রীতি ও শুভেচ্ছা নিরন্তর প্রার্থনা করছে, তারাক্ষর শতায়ু হোন, শতায়ু হোন। এ যেমন আমাদের ভরসা, তেমনই আশা ও গর্বেরও কারণ বটে।

আশা এই জ্ঞাত যে, অনাগত দিনের যে সব সহায় সঞ্চল-হীন নিঃসঙ্গ তরুণরা এই পথে আসবেন, তাঁদের পক্ষে মস্তবড় সাহায্য হয়ে রইল তারাক্ষরের সাফল্যের এই ইতিহাস।

তারাক্ষর আজ সকলের উর্ধ্বে মাথা তুলে দাঁড়িয়েছেন নিজের শক্তি এবং নির্ভর জোরে। চূষক যেমন লোহাকে টানে বৈদ্যুতিক শক্তির জোরে, সূর্য যেমন সমস্ত জলাশয় থেকে বাষ্প আহরণ করেন নিজের অমিত তেজে, তেমনই করেই

তারালঙ্কার আর সমস্ত বৈশ্বাসীর শ্রদ্ধা ও শুভেচ্ছা নিজের দিকে টেনে আনতে পেরেছেন শুধু মাত্র নিজের কবিতার, সাহিত্যিক প্রতিভা ও চিন্তাশীলতার জোরে।

—শ্রীগজেন্দ্রকুমার মিত্র

১৯৩৮ সাল। মফস্বলের সুখচোরা ছেলে নতুন কলকাতায় এসে পোর্ট গ্রাফুরেটে ভর্তি হয়েছি। এই সময় একদিন নার্সালভাবে “শনিবারের চিঠি”র আখড়ার বসেছিলাম। হঠাৎ চমকে উঠলাম সজদীদার কণ্ঠস্বরে, নারাগ; এঁকে চেনো? ইনি তারালঙ্কার বন্দ্যোপাধ্যায়।

মফস্বলের ছেলের সর্বাঙ্গ শির শির করে শিউরে উঠল। লক্ষ্যই করিনি, ঘরে কখন একটি নতুন লোক এসে ঢুকেছেন। খালি গা, গলায় মালার মতো করে সাদা ধবধবে পৈতা জড়ানো, পৈতের সঙ্গে গোটা ছই মোটা মোটা আংটি হুলছে। পুরু চশমার আড়ালে ছোট চোখে উজ্জল দৃষ্টি।

আমার বিশ্বয়ের সীমা রইল না। তখন “শনিবারের চিঠি”তে তাঁর “ধাত্রী দেবতা”র অন্তে মাসের-পর-মাস প্রতীক্ষা করে থাকি। “চেতালী ঘৃণি”, “নীলকণ্ঠ”, “পাষণপুরী” এবং অত্যান্ত ছোট গল্প পড়ে এই লোকটি সম্পর্কে আমার শ্রদ্ধা আর কোতুলকের অন্ত নেই। এ-হেন তারালঙ্কার বন্দ্যোপাধ্যায় খালি গায়ে পৈতের সঙ্গে আঙটি জড়িয়ে আমার সামনে আবির্ভূত। এ কি বিশ্বাস করা সম্ভব?

বাংলা সাহিত্যে তারালঙ্কারের আবির্ভাবের মধ্যেও যেন এই বিশ্বয়ের চমক আছে।

“কল্লোল”-“কলিকলমে”র পাতায় যে বিদ্রোহ একদিন বাংলা সাহিত্যকে লব দিক দিয়ে ভাঙনের প্রেরণা দিয়েছিল, সে বিদ্রোহ যোপে টিকল না। বুদ্ধি-জীবীর সাহস এবং ইন্সটেলেক্ট-বিলাশের আশ্রয়ে যে বিপ্লবের স্বপ্ন “কল্লোলে”র লেখকেরা দেখেছিলেন। সে বিপ্লববোধ হয়ে রইল নিছক ব্যক্তিকেন্দ্রিক এবং লক্ষ্যহীন। শেভিয়ান নায়িকাকে এঁরা কল্পনা করলেন বাঙালীর ঘরে। বস্তির মজুরদের দিকে তাকিয়ে তাদের বোন-বিকৃতিকেই এঁরা সবচেয়ে বড় সমস্যা বলে ধরে নিলেন এবং বিকৃত কুখ্যার কাঁদেই এঁরা শুনলেন “ভুখা ভগবানে”র আত্ননাদ। উপযুক্ত সমাজ চেতনার অভাবে এঁদের বিদ্রোহ-বুদ্ধি অবদমনের বেগুয়ালে মাথা ঠুকে মরল, দেশকে সত্যিকারের কিছু দিতে পারল না।

অথচ, এঁদের চাইতে বেশকিছু অনেক বড় করে দেখেছিলেন শরৎচন্দ্র। পল্লী-সমাজের অন্তে তাঁর চোখ দিয়ে যে জল পড়েছে, তার সঙ্গে মিশে রয়েছে তাঁর বৃকের রক্ত। তাঁর অসার্থক নায়িকা কমল “কল্লোল”-পহীলের চাইতে আরও এক ধাপ এগিয়ে সমাজের সমস্ত কিছুকে নাড়াচাড়া দিতে চেয়েছে নিষ্ঠুর হাতে। তাঁর সব্যসাচী দেখেছে সমস্ত দেশ জুড়ে এক অগ্নিস্রাবী মহাবিপ্লবের জলজ্জ্যোতিরূপ—সেই অগ্নিতাপে পরাধীনতার নাগপাশ পুড়ে ছাই হয়ে যাবে।

কিন্তু “পল্লীসমাজ” কমল আর সব্যসাচীর মধ্যগত যে একটি ঐক্যব্রত রয়েছে, এঁরা আগলে যে একটি বস্তুরই সব বিচ্ছিন্ন রূপ, শরৎচন্দ্র তা ধরতে পারেন নি; উপযুক্ত সমাজ-চেতন্য তাঁর সহায়ক ছিল না। তাই সব্যসাচীর মতো বিপ্লবীর কল্পনা সবেও শরৎচন্দ্র শুধু প্রত্নই জানিয়ে গেলেন, উত্তর দিতে পারলেন না।

বাংলা সাহিত্যে বিচ্ছিন্নভাবে তখন প্রচুর উপকরণ ছড়িয়ে পড়ে ছিল।

এগুলির সমন্বয় এবং সামঞ্জস্য বিধান করতে পারলে শুধু “কল্লোল”-পত্নীত্বের বিদ্রোহই পথ খুঁজে পাবে না, সেই সঙ্গে বর্মার বিপ্লবী নেতা সব্যসাচী এগিয়ে এসে বাংলার পল্লী-সমাজের মান্নিগ্রন্থ ঘুণধরা জীবনকেও উদ্ধুদ্ধ করে তুলবে নব-জীবনের দিকে, এটা কারও কাছেই তখন স্পষ্ট হয়ে ওঠে নি। অথচ সেই সময় এমন একজন শক্তিমানের আবির্ভাব প্রয়োজন ছিল, যিনি এই বিক্ষিপ্ত উপকরণগুলোকে বিচার করে এবং সংহত করে পরিপূর্ণ যুগ-সাহিত্য গড়ে তুলতে পারবেন। এই যুগের দাবি মেটালেন তারাশঙ্কর। তাই বাংলা সাহিত্যে তাঁর আবির্ভাব চমকপ্রদ হলেও তিনি অনিবার্য।

তারাশঙ্কর রচনায় বহন করে আনলেন শরৎচন্দ্রের ঐতিহ্য; শৈলজ্ঞানেন্দ্রের ধারায় কল্পনা কুটির অন্ধকারে কিংবা ময়ূরাক্ষী আর কোপাইয়ের স্নান ছায়ার পেলেন এক বিস্তীর্ণতর জীবন-জিজ্ঞাসা; এই জিজ্ঞাসার উত্তর দিতে সব্যসাচীর বিপ্লবী সঙ্কল্প। এই ত্রিবেণী-সঙ্গমেই গড়ে উঠল তারাশঙ্করের সাহিত্য। বিশ্বব্যাপী যুগ সন্ধির আঘাতে-সংঘাতে তাঁর প্রতিভার ক্রম-বিকাশ। জরিয়ু সামন্ততন্ত্রের বেঠনী-প্রযুক্ত হয়ে তাই তিনি চলিষু সামন্ততন্ত্রের সহযাত্রী।

তারাশঙ্করের শ্রেষ্ঠতার মর্মতত্ত্বও এইখানে। তিনি চিন্তা বিলাসী আকস্মিক বিপ্লবী নন। স্তরে স্তরে, চিন্তিত প্রত্যয়ের দৃঢ়পদপাদে তিনি অগ্রসর। ঐতিহাসিক দৃষ্টিভঙ্গীর সাহায্যেই তাঁকে বুঝতে এবং বিচার করতে হবে। তাঁর যে প্রশ্ন-কাতর মন পাষণদুর্ভীর লোহার গরাদে অসহায়ভাবে মাথা ঠুকেছে কিংবা নীলকণ্ঠের বিষজালায় জর্জরিত হয়ে গেছে, সেই মনই এসে “ধাত্রী দেবতা”র “বন্দেমাতরম্” মন্ত্রে আশ্বাস খুঁজে পেয়েছে। সে মন আরও অগ্রসর হয়েছে “কালিন্দী”তে—যন্ত্রবাদের সঙ্গে সামন্তবাদের সংঘাত উপলব্ধি করে তিনি “গণদেবতা”র দেবারতনে এসে পৌঁচেছেন। দেবু পণ্ডিত। পণ্ডিত সীতারামের ভেতর দিয়ে একটির-পরে-একটি আলো জলে উঠেছে তাঁর দৃষ্টির সামনে আর সেই আলোর দীপালীতে ঝলমল করে উঠেছে তাঁর আধুনিকতম সৃষ্টি এবং অত্মতম শ্রেষ্ঠ কীর্তি “হাঁহুলী বাক”। এই “হাঁহুলী বাকের উপকথা” বলতে গিয়ে তারাশঙ্কর শুধু “বংশবাদি”র কাহারদেরই ফুটিয়ে তোলেন নি—ব্রাত্য, মন্ত্রহীন ভারতবর্ষে যুগান্তরের দোলা যেন রূপকচ্ছলে এতে আত্মপ্রকাশ করেছে।

শুধু বিস্তীর্ণ পটভূমিকা, শুধু গ্রামীণ সংস্কৃতির সঙ্গে অকুণ্ঠ অন্তরঙ্গতা, শুধু রাজনৈতিক চেতনা—এগুলিই তারাশঙ্করের শ্রেষ্ঠত্বের পরিচয় নয়। বিপ্লবের বিভিন্ন প্রবাহগুলি তাঁর রচনায় সমাবিষ্ট হয়ে একটা পরিপূর্ণ যুগ-সাহিত্যের মূর্তি গ্রহণ করেছে। এইটেই তাঁর সব চাইতে বড় সাফল্য। যুগশ্রুটি হরতো তিনি নন, কিন্তু চলমান যুগের তিনি সার্থক কাহিনীকার এবং গণ-সাহিত্যের নির্ভীক অগ্রদূত।

—শ্রীনারায়ণ গঙ্গোপাধ্যায়

তারাশঙ্কর-প্রশস্তি

আগামী ২৫শে জুলাই আমার কল্যাণীয়া ও প্রিয় তারাশঙ্কর ভায়ার পঞ্চাশৎ জন্মদিন। সেই উপলক্ষে ২৭শে জুলাই আনন্দোৎসবের অম্লষ্ঠানে উপস্থিতির অমুরোধ জানিয়েছি। এর কি আর বলবার অপেক্ষা ছিল, এর সবটাই যে আমার

প্রাণের প্রতিধ্বনি। না গিরে থাকতে পারতুম না। কিন্তু আমার এখন এটা যে সত্যিকার বাঁচা নয়, হুঃখ ভোগের জন্তে কেবল দেহটা আছে। শঙ্কর-ভার্যাকে পত্র লেখা পর্যন্ত বন্ধ করেছি। কারণ হুঃখায় পত্র লেখায় আমি কোনদিন অভ্যস্ত নই; প্রাণের কথা উল্লেখ করে না লিখে স্থিতি পাই না। হুঃখায় ‘কেমন আছ’ জানবার শক আমার নেই, তার চেয়ে না লেখাই ভালো। চিরদিন বাজে কথা নিয়েই আমার কাজ বা আনন্দ ছিল। কাজের কথা কোনদিন আসে নি, আসেও না। এখন প্রিয়দের বিরক্ত করা আপনিই থেমেছে।

পরম শ্রদ্ধাভাজন শ্রীমধুসূদন ও ভূদেবচন্দ্রকে নমস্কার করে সাহিত্যগুরু বঙ্কিমচন্দ্র থেকে শুরু করে আমার তিন যুগই দেখা হল। বাংলা ভাষাই বলতুম। বঙ্কিমচন্দ্র একটা অভিনব সুর কানে ও প্রাণে পৌছে দিতে লাগলেন, সাহিত্যের স্রজপাত হল, সাহিত্য কথাটি শুনলুম। তার সূক্ষ্ম রস রসিকেরা অল্পভব করতে লাগলেন, বাঃ কি প্রাণস্পর্শী ভাষাবিশ্বাসের কারিগরি, প্রকাশের কি মধুর ভাব। তখনও ঠিক বুঝি নি, কিন্তু আনন্দ পাই। রসমার্ঘ্য পাঠের মোহ বাড়ায়, “বঙ্গবর্শন” কবে আসবে তার প্রতীক্ষায় থাকি। অক্ষয় সরকার, দীনবন্ধুকে খুঁজি। “আর্ঘ-দর্শনে” যোগীন বিজ্ঞাতৃষণ আমাদের অবস্থা ও দেশের কথা ওজস্বিনী ভাষায় শোনান। বয়সের নেশায় তাও ভালো লাগে। লেখক প্রধানেরা প্রায়ই ডেপুটি। সেটাকে ডেপুটির যুগও বলা যেতে পারে।

মাইকেল চলে গেলেন, হেম বাঁজুজ্জ কবি প্রধান—জাতীয় কবি। পরে ডেপুটি নবীন সেনের “পলাশীর যুদ্ধ” আমাদের মাতিয়ে দেয়। সাহিত্য রসের সঙ্গে বীররস পেলুম। বঙ্কিমের “আনন্দমঠে” পট-পরিবর্তন।

অনেক পরে শরৎবাুর আকস্মিক প্রকাশ। “যমুনা”র তাঁর “রামের স্মৃতি” “বিন্দুর ছেলে” সকলকে চমকে দিলে। যুগ বদলে গেল। সাহিত্য রস এসে গেছে, দেশের কথা সাড়া দিয়েছে। এবার পরীক্ষামাজের অবগুষ্ঠন মোচন চলল। শরতের অপূর্ব লেখনী সমাজের আবর্জনা দেখাতে আরম্ভ করেছে, কেউ চটছেন, কিন্তু সাহিত্যের জয় রোকে না। সাহিত্য বেড়ে চলল। তার দায়িত্ব সম্বন্ধে শরৎ ছিলেন অটল। প্রায় একই সময় প্রমথ চৌধুরীর অভিনব ব্যঙ্গনারীতি সাহিত্যকে যথেষ্ট সমৃদ্ধ করেছে।

এখন বর্তমানের কথা। ইতিপূর্বে আমরা সাহিত্যোত্তানে বাগান আলো-করা পদ্ম গ্রাণ্ডিয়ারা পেয়েছি যা শোভায় সৌন্দর্যে ও স্নগন্ধে তুলনাহীন। কিন্তু বর্তমান আমাদের সাহিত্যোত্তানকে বিবিধ বা নানা উল্লেখযোগ্য ফুলে সাজিয়ে দিয়েছে, যা এক যুগে প্রায়ই দেখা যায় না, যা যে-কোন সভ্য দেশের গর্বের বস্তু। এখন আমার কোন কথা মনে থাকে না, আত্মীয়-স্বজনের নামও ভুলে যাই, স্তত্রাং নাম করতে পারব না, সে সাহস রাখতে আমার প্রকৃতিবিরুদ্ধ। তবে বলতে পারি, আমার শ্রদ্ধাভাজন শ্রীযুক্ত মোহিতলাল মজুমদার হতে আরম্ভ করে ১০।১৫ জন সুসাহিত্যিকের নাম করতেই হয়, যাদের কবিতা, উপন্যাস, গল্প, প্রবন্ধ, নাটক প্রভৃতি পাবার জন্তে পাঠক মাঝেই উদ্গ্রীব থাকেন। তাঁরা সকলেই বাংলার কৃতী সন্তান। এতগুলি শক্তিশালী সাহিত্যিক এক যুগে পাওয়া বহু ভাগ্যের কথা। তাঁদের কাজে কাছে আমার হুঃহুঃ দেশ অনেক আশা রাখে। তাঁরাও নিশ্চিন্ত নন।

স্থান-কালের গতির মধ্যে রবীন্দ্রনাথকে আনা যায় না বলেই তাঁর কথা উল্লেখ করি নি। সাহিত্যের প্রথম যুগেই তিনি বঙ্কিমচন্দ্রের বরমান্য লাভ করেছিলেন। দ্বিতীয়ে ও তৃতীয়ে তিনি সে মাল্যের মর্যাদা মণি-মুক্তায় মণ্ডিত করে গেছেন। তাঁর জ্যোতিতে সাহিত্য জগৎ জ্যোতির্ময়। বাংলা ও বাঙালী আজ ধৃত।

আজ যার জন্মবাসরে এই আনন্দ-আগরের অহুষ্ঠান, তিনি আমার বিশেষ পরিচিত। আমি একবার তাঁদের গ্রাম—লাভপুরে ৮/নির্মলশিববাবুর অতিথি-রূপে যাই। অমেকেই দেখা করতে আসেন, তারানন্দর ভায়াকেও পাই। তাঁর আনন্দ উৎফুল্ল উৎসাহপূর্ণ বদন আমাকে আকৃষ্ট করে। কে এ যুবকটি? গ্রামের একজন আমার পাশেই ছিলেন, তিনি নিয়কণ্ঠে একটা বিরুদ্ধ মন্তব্য করেন, তারানন্দর সম্প্রতি জেল থেকে বেরিয়েছেন। সেটাকে যেন তুচ্ছ করবার বাহ্যচরিত্র। কথাটা আমার ভালো লাগে নি, বলে ফেলেছিলুম, লাল পাগড়ি দেখলে আমরা কাল মনে করে কাঁপি, সে মিছে ভয়টা যদি ওরা ভেঙে দেয়, মন্দ কি? আমি তো দেখছি, লেখাপড়া-জানা ছেলেরাই জেল থেকে বেরুচ্ছে। থাক, সে অবাস্তব কথা বাড়াব না। তারানন্দরের কাছে আমরা যা পেয়েছি ও পরে পাবার আশা রাখি, তা আমাদের সাহিত্যকে যথেষ্ট দিয়েছে ও দেবে। তারানন্দরের লেখায় তাঁর রাষ্ট্রীয়-চেতনা ও পল্লীগ্রাম ও পল্লী-জীবনের প্রতি আন্তরিক টান বিশেষভাবে নজরে পড়ে। পল্লীগ্রামের কত অজানা কথা। কত নীরব সত্য। কি সুন্দর সুপাঠ্যভাবে তার লেখনী-সাহায্যে প্রকাশ পেয়েছে। তারা কেবল উপজ্ঞাস পাঠের আনন্দই দেয় না। পল্লী-ইতিহাসের ভাবী লেখকদের সাহায্যও করবে। আমার মতো পল্লীগ্রামের ছায়া শীতল কোলে জন্মগ্রহণ করে ভাগ্যক্রমে ধারা তা থেকে বিচ্ছিন্ন হয়ে পড়েছেন তাঁদের কাছে এ লেখার বিশেষ মূল্য আছে। বাংলার ভাগ্য বিপর্যয়ের ভীষণ সময়ে শঙ্কর ভায়ার মতো ধারা সাহিত্যের ভিতর দিয়ে দেশ-সেবার কঠিন ব্রত গ্রহণ করেছেন, দেশের ভাবধারাকে সকল সঙ্কীর্ণতার উর্ধ্বে সর্বসাধারণের কল্যাণের পথে পরিচালিত করে। তাঁরা সে ব্রতের উদঘোষন করুন—এই প্রার্থনা করি।

প্রিয় ও কল্যাণীয়া তারানন্দর সুস্বাস্থ্যে দীর্ঘজীবী হয়ে সাহিত্যসেবার মগ্ন থাকুন, যশস্বী হোন—এই শুভকামনা জানাই।

—শ্রীকেশবনাথ বন্দ্যোপাধ্যায়

শ্রীমান তারানন্দরের প্রতিভার সমাদর করিবার জন্ত তোমরা যে আনন্দ উৎসবের অহুষ্ঠানে ব্রতী হইয়াছ, তাহাতে আমি অপর কাহারও অপেক্ষা কম পুলকিত নহি। শ্রীমান তারানন্দর আমার একান্ত প্রাণের। তাহার চরিত্র-মাধুর্য্যে ও উপজ্ঞাস লিখন ভঙ্গীতে আমরা সকলেই মুগ্ধ। দেশ যে যোগ্যজনের আদর করিতে শিখিয়াছে, ইহা অতি আশার লক্ষণ। ইহা ভবিষ্যৎ লেখকদ্বিগকে অহুপ্রেরণা দান করিবে। আমি উপস্থিত হইয়া শ্রীমান তারানন্দরকে সন্মর্দন করিবার সুযোগ পাইলে সুখী হইতাম। কিন্তু বার্ষিক্য ও ব্যাধি একযোগে আমাকে বঞ্চিত করিল। ইতি—

—শ্রীকরণানিধান বন্দ্যোপাধ্যায়

তোমার কল্পনালোক
 অপরূপ আমি তাহা চিনি,
 বসতি করেন সেখা
 শিব সাথে শিবসিমন্তিনী ।
 কোথাও উষ্ম বাজে,
 কোথা শুনি মহোৎসবের স্বর ।
 অহি নাচে শিখী সনে,
 সিংহ নাড়ে কনক কেশর ।
 শজা ও শিঙার সাথে
 কি অপূর্ব বেণু বীণারব ।
 তৃতীয় আঁখির দৃষ্টি
 স্তম্ভের বসায় উৎসব ।
 স্মলভে দ্বলভ করে
 লৌকিককে করে অলৌকিক ।
 ভয়েতে বিভূতি আনে
 আনন্দেতে ভাসে দশ দিক
 তুমি যে সার্থকনামা
 অগবিত হে তারাশঙ্কর ।
 শত জীবী হও তুমি
 রাজরাজেশ্বরী দিন বর ।

—শ্রীকুমুদরঞ্জন মল্লিক

একদা সরস ছিল যে রাড়ের মাটি
 সারা দেশ তার পেয়েছিল রস খাঁটি ।
 শুকায় উষ্ম সে মাটি হইল ক্রমে,
 এবে জীবন্ত কঙ্কাল তার ভ্রমে ।
 সে মাটিতে পুন রস সন্ধান
 পাইয়াছ তুমি হে গুণি ভাগ্যবান ।
 সেই রসধারা বিলালে গোড়জনে,
 তোমার বাণীতে ফিরে পাই হারাধনে ।
 ও মাটির খাঁটি মালিক বাদে জানি,
 শুনি ও-কণ্ঠে তাদেরি প্রাণের বাণী ।
 শুনি ও-কণ্ঠে অজয়ের জয়গান,
 কিরাতহুহিতা কালিন্দী-কলতান ।
 ময়ূরাক্ষীর স্বচ্ছ চাহনিখানি
 'তব জয়পথে হইয়াছে হাতছানি ।
 রসসাধকেরে আদি কবিদের দেশে
 তোমার মাঝারে পাইলাম নববেশে ।

জানি জানি সখা কোথা পেলো রসকূপ,
 সে রসেয়ে দিতে পারি নাই বাণীরূপ।
 তোমা পানে তাই অবাক হইয়া চাই
 আমার আকৃতি তোমার ভাষে পাই।
 তুমিই সহিলে স্রষ্টার ব্যথা সব
 পুরা আনন্দ উপভোগে আমি লভি।
 অর্ধশতে এ তোমার অর্ধোদয়,
 শতদলে যেন জীবন পূর্ণ হয়।
 অর্ধজীবন সংগ্রামে কাটিয়াছে,
 বাকি অর্ধেক স্বাধীন বঙ্গ যাচে।
 রাখিয়াছ মোর রাঢ় বঙ্গের মান,
 করি তোমা তাই স্নেহালিঙ্গন দান।

—শ্রীকালিদাস রায়

(১)

আপন মানস-সৃষ্ট পাত্র-পাত্রী-মুখে
 শতাব্দীর ইতিহাস যাদের রচনা,
 যাদের ঘেরিয়া মহাকাল স-কৌতুকে
 শতাব্দীর ইতিহাস করেন যোজনা,
 তুমি ঠাঁহাদেরি একজনা।

(২)

আজি অর্ধ শতাব্দীর পথে
 তোমারে দেখিয়া গেহু,
 আশিস করিছ দান—
 শতাব্দী সার্থক কর বাণী সেবা-ব্রতে।

—শ্রীহরেকৃষ্ণ মুখোপাধ্যায়

আমি কাহারও (যাহাদিগকে স্নেহ করি; যাহাদের দীর্ঘায়ু কামনা করি) পঞ্চাশৎ
 বর্ষ বয়ঃক্রম হইয়াছে শুনিলে কেমন একটা বিষাদ ও আশঙ্কা বোধ করি। ওটা
 অতিশয় অযুক্তিযুক্ত তাহা মানি, কিন্তু ওই পঞ্চাশ বৎসরটাকে আমি ভয় করি।
 যতদিন তোমরা চারের কোঠায় আছ, ততদিন নিশ্চিন্ত থাকি, অনেক আশা ও
 ভরসা করি; কিন্তু পঞ্চাশের পরেই আয়ুর্হর্য চলিয়া যায়, তার পরে বত বৎসর
 বাঁচি না কেন, সে যেন স্বাভাবিক নয়, একটা অভ্যুত্থান। তাই যদিও আমি তোমার
 ‘শত-শরৎ’ আয়ু কামনা করি, তোমার প্রতিভা আরও দৃঢ়তার ও পূর্ণপরিণত
 হোক এই প্রার্থনা করি, তথাপি এই পঞ্চাশৎ-বর্ষটিকে দৃষ্টির আড়ালে রাখিতে
 চাই। তোমার শক্তি এখনও অক্ষুণ্ণ আছে, তাহার প্রমাণ আমি পাইতেছি, এবং
 বর্তমান কালের কথাশিল্পীগণের মধ্যে তুমিই যে অগ্রগণ্য, ইহা আমার নিজস্ব
 বিশ্বাস। আমি আশা করি, তুমি তোমার ওই শক্তির দ্বারা বাংলা ও বাঙালীর

আত্মাটিকে আরও গভীর এবং আরও সুস্পষ্ট ভাবে প্রকাশিত কর। তোমার পঞ্চাশতম জন্মদিনে ইহাই আমার প্রাণের কামনা ও আশীর্বাদ।

—শ্রীমোহিতলাল মজুমদার

তারালঙ্কারের বয়স হল পঞ্চাশ বৎসর। যৌবনাগমের মতোন এই বয়সটিও মাত্রবয়স পক্ষে সাংঘাতিক। যিনি এই বয়সে পৌঁছিলেন এবং যারা যারা তাঁর চারপাশে রইলেন, উভয়ের পক্ষেই সময়টি সাংঘাতিক বিবেচিত হওয়ার শাস্ত্রকারেরা এক পক্ষকে সংসার থেকে দূরে থাকতেই ইঙ্গিত করেছেন। কিন্তু এখনকার যিনি লোককে কষ্ট করে আর বনে যেতে হয় না, এ বয়সে পৌঁছলে অধিকাংশ লোকই ত্রিভুবন অরণ্যময় দেখতে থাকেন—চারপাশে যারা থাকেন, নেহাৎ মোটা রকমের কিন্তু সজাবনা না থাকলে, সকলেই এই বাহ্যল্যটিকে বর্জন করতে চান—কেউ বা মনে, কেউ বা প্রকাশ্যেই।

কিন্তু এ হল সাধারণ ব্যক্তিদের সম্বন্ধে ব্যবস্থা। যারা অসাধারণ, তাঁদের জ্ঞান নিজের গৃহকোণে প্রতিদিন 'ভুদ্ধি'র ব্যবস্থা থাকলেও, সমাজের ব্যবস্থা অগ্ররকম। এঁরা কেউ এ বয়সে পৌঁছলে কুলোর পরিবর্তে মালার ব্যবস্থা করার রীতি প্রচলিত আছে। তাঁর দানের প্রতিদানস্বরূপ সমাজ সজ্ববদ্ধ হয়ে এই বয়সে তাঁকে কৃতজ্ঞতা জানার, বিশেষরূপে অভিনন্দিত করে তাঁকে প্রতিষ্ঠা দেয়। উভয়ের পক্ষেই এই দিনটি একটি বিশেষ দিনরূপে গণ্য হয়।

আমাদের বন্ধু হওয়া সত্ত্বেও তারালঙ্কার অসাধারণ ব্যক্তি। তাই তাঁর পঞ্চাশ বছর বয়সে তাঁকে অভিনন্দিত করার জ্ঞান আজ আমরা এখানে সমবেত হয়েছি। বন্ধুসমাজে বসে সাক্ষাতে এবং অসাক্ষাতে তাঁর কাব্যের গুণাবলীর যে আলোচনা এতদিন ধরে আমরা করে এসেছি, আজকের এই অমুষ্ঠানের সঙ্গে তার অনেক প্রভেদ আছে। এই অমুষ্ঠানের যে একটি বিশেষ তাৎপর্য আছে, তা উপস্থিত বন্ধু মাঝেই স্বীকার করবেন।—তা যদি না থাকত, তা হলে এই অমুষ্ঠানের আয়োজনই হত না।

এ কথা নিশ্চিত। তারালঙ্কার বঙ্গভারতীর বীণায় যে নতুন স্বর্ণ-তার যোজন করেছেন, তার সঙ্গীত কেবল শব্দের বঙ্কার মাত্র নয়। তাঁর কাব্যের মধ্যে গভীর মর্মস্পর্শী সহানুভূতির যে সুর অসংখ্য হৃদয়কে স্পর্শ করেছে, আমিও তাদের মধ্যে একজন। দ্রুত স্রবের বিপুল ও বিচিত্র অমুভূতির আলোড়ন তুলেছে আমার মানস-সরোবরে যে শক্তি, তাঁর সেই শক্তিকে আমি এখানে প্রকাশ্যে প্রদা জ্ঞাপন করছি। তারালঙ্কার দীর্ঘদিন জীবিত থাকুন। আমি তাঁর অগ্রজ। আমি আশীর্বাদ করছি এবং ঈশ্বরের কাছে প্রার্থনা করছি, তাঁর শক্তির ভাণ্ডার অক্ষয় হোক।

—শ্রীপ্রেমাক্ষর আতর্ষী

তোমার পঞ্চাশৎ জন্মবাসরে তোমার পূর্ণ পুরুষাযুঃ কামনা করি। তোমার লেখনী অক্ষয় হোক। তোমার বণ অন্ধান হোক।

আজকাল বিজ্ঞানের যুগে life begins at fifty। পঞ্চাশোর্ধ্বে বনং ব্রজ্যে—এ যুগে অচল। সুতরাং তুমি জীবনের যে নতুন অধ্যায় আরম্ভ করলে, তা হবে নব-যৌবনের সৃষ্টিশক্তিতে গরীয়ান। অথচ বহুদশিতার প্রবীনতার দৃঢ়—এক কথায়

বুদ্ধত্ব করলা বিনা। এই জরাহীন বুদ্ধত্ব আজীবন ভোগ কর এবং বঙ্গবাসীর চিত্তকে
তোমার মনের মাধুরী দিয়ে মধুরতর করে তোল।

—শ্রীশরদ্দিন্দু বন্দ্যোপাধ্যায়

বন্ধু, তোমার মহিমা, তোমার আসন
তোমার জন্মদিনের-ভাষণ
রচনা করেছে তুমিই নিজে ;
চলেছ স্বপ্ন-সরণি বাহিয়া
আপনার মনে কি গান গাহিয়া
ভাবিয়া পাই না বলিব কি যে।

আজিকে তোমার জনম-লগনে
শ্রাবণের ঘোর ঘন বরষণে
জানি না কি ভাব জাগায়ে তোলে,
বজ্রে কি তাহা পড়িবে ভাঙিয়া
জন্ম কি তাহা উঠিবে রাঙিয়া
জানি না কি তাহা আভাসে দোলে।

মহাকাশ ভরা কার অন্তরে
কোন সঙ্গীত ভাসে মন্থরে
আগামী দিনের চন্দ্রভারে
তারই প্রত্যাশা, তারি আগ্রহ
বিহ্বলে আজি জাগে অহরহ
শিহরে শ্রাবণ অন্ধকারে।

দাঁড়ায়েছে আজি তোমাতে ঘিরিয়া
প্রত্যাশা-ভরা অসংখ্য হিয়া
এসেছে অকবি এসেছে কবি
এসেছে জনতা এসেছে পথিক
এসেছে রসিক এসেছে বণিক
শ্রাবণ গগনে জেগেছে ছবি।

টগর যুথীর ছন্দ লইয়া
ভক্তি-গুণ অর্থা বহিয়া
এসেছে অসীম চিরন্তন
কেয়া-করবীরা প্রণাম জানায়
বনফুল-লীলা বাদলের বায়
গন্ধ ছড়ায় আকুল মন।

—“বনফুল”

বন্ধুবর ভারীশঙ্করের পঞ্চাশৎ জন্মদিন উপলক্ষে সবার সঙ্গে আমার শুভেচ্ছা এবং অভিনন্দন জানাচ্ছি তাঁকে। তিনি শতায়ু হোন—ভগবানের কাছে এই প্রার্থনা, অর্থাৎ আজকের দিনটিকে যেন তাঁর জীবনের মধ্যাহ্ন, তাঁর সাহিত্য-জীবনের যৌবন বলে মনে করতে পারি আমরা।

মানুষের নিজের পরমায়ু সম্বন্ধে যে একটা স্বাভাবিক দুর্বলতা আছে, তার বেশেই শরীরীয়ে উপস্থিত হতে পারলাম না—আপনাদের উৎসবে। ভেবে দেখলাম, উপস্থিত হলেই থাকতাম অনুপস্থিত—মনটা নিজেকে আগলে থাকতেই হত হয়রান। এখন নিশ্চিত যুক্তিতে সে আপনাদের উৎসবে লিপ্ত হয়ে রইল।

ভারীশঙ্কর দেশের হৃদয়টি কি ভাবে জয় করেছেন এই থেকেই বোঝা যায় যে, এই দারুণ হৃদয়ের মধ্যে সে তার জীবনের এই অতি বিশেষ দিনটিকে অনাভিনন্দিত যেতে দিলে না। এই প্রীতিটুকু হোক শাস্ত।

—শ্রীবিভূতিভূষণ মুখোপাধ্যায়

তোমার পঞ্চাশৎ জন্মতিথি পালনের ব্যবস্থা করিয়া সজ্ঞানীবাবু অত্যন্ত সময়োচিত কার্য করিয়াছেন এবং সাহিত্যাহুরাণী মাএরই ধন্যবাদের পাত্র হইবেন। তাঁহাকে ধন্যবাদ।

তোমার পঞ্চাশৎ জন্মতিথিতে শিক্ষিত বাঙালী সমাজের আনন্দিত হইবার কথা। আর আমরা যাহারা তোমার সাহিত্য-সত্ত্ব, তাহাদের যুগপৎ আনন্দিত ও গৌরবাবৃত হইবার বিষয়। তুমি অচিরকালের মধ্যে প্রতিভার বলে পাঠক সমাজের চিত্তে যে শ্রদ্ধা ও প্রীতির আসন গ্রহণ করিয়াছ, আমরাও তাহার অংশভাক্ত। আমাদের সকলের সাহিত্য-সাধনা তোমার মাধ্যমে আশাতীত পূর্ণতা লাভ করিয়াছে, আমাদের যাহা সাধ ছিল তোমার ক্ষেত্রে তাহা সাধ্য হইয়াছে। তোমার যুক্তিতে আমরা নিজেকে পরিপূর্ণ সাফল্য দেখিয়া সে গৌরব অমূল্যব করিতেছি, সাধারণ পাঠক তাহার কতটুকু বুঝিতে পারিবে জানি না। প্রদীপের শিখাটুকুই জ্বলে, কিন্তু সেই শিখাকে সমস্ত প্রদীপটি লালন করিতেছে। বাঙালী সাহিত্যিক-সমাজের তুমি সেই প্রতিভাস্বর শিখা। তুমি আমাদেরই পূর্ণ স্বরূপ। এই জন্মতিথি উপলক্ষে যে শ্রদ্ধা তুমি সাধারণের নিকট হইতে পাইবে, তাহার সঙ্গে আমার এই পরম প্রীতির কীণ ধারাটি যোগ করিয়া দিয়া ধন্য হইলাম।

তোমার জীবনের অতিক্রান্ত পঞ্চাশ বৎসর আরও পঞ্চাশকে লাভ করুক। তুমিই শত-শরৎ দেখিবার সৌভাগ্য লাভ কর। তোমার দেখনী অমৃতপ্রীতি হোক।

—শ্রীপ্রমথনাথ বসী

অন্তরে জোরালো তাগিদ, আজ গিয়ে আপনার সঙ্গে বসে একটু আনন্দ করি, পারিবারিক হুঁসিগ ঠেকিয়ে রাখছে। তাই দূর থেকেই আপনার কাছে অমুরোধ জানাই, কবি সাহিত্যিকের বয়সের যে দৃষ্টান্ত রবীন্দ্রনাথ রেখে গেছেন, তা অতিক্রম করা চাই। এ গুণ অমুরোধ নয়, দাবি, গুণ আমার নয়, সকলের।

—শ্রীমাণিক বন্দ্যোপাধ্যায়

শুক্ৰ গরবেৰ ধন আমাদেৱ—ওগো তাৱাশক্ৰ,
 জন্যবৰ্ধ—স্মরণোৎসবে তব—
 মেঘ-শ্ৰঙ্কাৰ চন্দনদ্রবে মাখানো আমাৰ প্ৰগতি তোমাৰে নিবেদিত বৃক্ষকৰ ।
 আমি আসিয়াছি—গোকুলেৰ দূত
 শতধা-লীৰ্ণ বৃন্দাৱণ্য হতে—
 আসিয়াছি আমি—তব কৈশোৰ-লীলানিকেতন বনেৰ বাৰ্তা বয়ে ;
 মনেৰ কথাটি তাৰ—
 অঞ্চলে নিধি—পঞ্চাশোৰ্ধে ফিৰিয়া পাইতে,—বাসনা চমৎকাৰ !
 জানে,—ৰাজ্য আসি রাখাৰিয়া-খেলা খেলিতে পাৰে না বনে,
 কিন্তু বাধা কি বাসনা জাগিতে মনে ।

আজি ৰাজসমারোহে—
 পুত্ৰ গৰবে স্কীতবন্ধেৰ বিগলিত ক্ষীৰধাৰে
 বিৱহেৰ মধুবেদনাৰ কালি মাথিয়া যতনে জননী বশোদা তব
 কাজৰ কৰিয়া পাঠায়ে দিয়েছে হেথা ;
 বাসনাৰ সাথে পুত্ৰ স্নেহাশ্ৰু মিশায়ে দিয়েছে দই হনুদেৰ কোঁটা
 বাৎসল্যেৰ দুহুবাৰিষি-মহনজাত নবনী দিয়েছে ধড়ায় আঁচলে বাঁধি ।
 কহিয়া দিয়াছে মোৰে—
 ওৱে, বলে দিস চুপি-চুপি কানে কানে—

সভাকোলাহল থেমে যাবে ববে—নিভে যাবে দীপমালা—
 বলিবে যখন একাকী আপন ঘৰে—
 এমনি যেন সে আহীৰিণী—মাৰ কল্ল এ উপায়ন
 নিভুতে গ্ৰহণ কৰে ।
 আমি আসিয়াছি—গ্ৰাম্য আভীৰ,—
 যত রাখালৈৰ সখ্য কৰিয়া জমা—
 বন্ধে এনেছি বয়ে,—
 কানুৰ গৰবে গৰবিতদেৰ মৰমেৰ প্ৰীতি শৰমেৰ পুটে লয়ে
 আসিয়াছি দিতে আজি এ ৰাজোৎসবে ।
 দিতে সঙ্কেচ—নিতেও লজ্জা—এমনি এ উপায়ন,
 তবু আনিয়াছি—কোনমতে মানা মানে নি আহীৰি-মন ।

হে কীৰ্ত্তিমান-বন্ধ যে আজি তুলিছে গৰবভাৱে—
 ‘গৌৰীকান্ত’-চৰণাঙ্কিত পছাটি ঘিৰে ঘিৰে
 দেশেৰ চিত্ত তীৰ্থ কৰিয়া ঘূৰিছে বিভোৰ হিয়া,
 গোকুলই তীৰ্থ—মধুপুৰী শুভু মধুৱানাত্ৰেৰ ৰাজকাহিনীৰ স্নেহহীন ইতিহাস ।
 ওগো বৰেণ্য, ওগো প্ৰণম্যতম,
 অন্তৰঙ্গ—ওগো সৌন্দৰ্য্যপম,

অধরের পরমায়ুতে বরণ করিবারে তোমা পাঠালো 'তারা-মা' ঘোরে,
আশীর্বচন পাঠারে দিয়েছে সাথে—

বলেছে আমারে মা তার আশিস্, করিতে উচ্চারণ—

'শব্দজীব—কীর্ত্তো—শান্তো জীব—ওম।'

—শ্রীকমলাকান্ত পাঠক

শুধু গান শুধু ফুল নয়
সমগ্র জীবন ভরে
যে বিরোধ যে বিশ্বাস
স্বৈর আর শোণিতের
ক্ষয় ক্ষতি জয় পরাজয়
সংগ্রামের সাধনার যত
অরণ্য গভীর ঘন বিশাল বিপুল
কাব্য হোক
সর্বগ্রাহী জীবনের মতো
এই তো প্রয়াস, এই তো প্রত্যাশা।

পাতার পাতার কাটাকুটি
দুঃখ কোভ, অসন্তোষ
কত যে দ্রুত
তার পরে ভাব আর ভাবনার রূপ
থরে থরে মিতাক্ষরা শ্লোক
এই কি ব্যঞ্জনা তার
অন্তর্গূঢ় বাণী
সুন্দর ফুলের মতো হোক,
ঋণহীন অরণ্যানী
জীবন কাব্যের পাক ছন্দোময় ভাষা।

—শ্রীনরেন্দ্রনাথ মিত্র

আঁধারের ঘন-কালো গুপ্তনে গুপ্তিত দুঃখের দীপ হাতে রাত্রি—
বিরিয়াছে চারিধারে, মুদ্রিত হু নয়ন স্পন্দিত হিয়া মোরা যাত্রী ॥
স্বার্থের হানাহানি, আর্তের অসহায় সঙ্করণ ক্রন্দন ছন্দ
চিন্তের মাঝে নিতি জাগরুক করি দেয় হিংসা ও করুণার দ্বন্দ ॥
উজ্জ্বল তব আঁখি পঙ্কিল পন্থায় ব্যথিত পরাণে স্থির দৃষ্টি
ধীরে ধীরে তারি ছবি আঁকিছে লেখনীপাতে তোমায়ে আপনি কর সৃষ্টি ॥
ধর্মীর শক্তিত সম্ভান যোরা, শুনি দুরু-দুরু-কম্পিত বক্ষে
নূতন আশার বাণী আনি দাও অন্তরে আলো এনে দাও ম্লান চক্ষে ॥
আজি তব জীবনের মণি-দীপ-কক্ষটি পঞ্চাশ দীপে হল পূর্ণ।
উজ্জ্বল প্রভা বলে দশ দিক উজ্জলিয়া আঁধারের ভীতি করে চূর্ণ ॥
আনন্দে নির্বাক সমুখের দিনগুলি সুন্দর নির্মল কান্ত
অজানার বন্ধন টুটে নিতি দেখা দিক দুখানি চরণ ফেলি শান্ত ॥
চলিবার পথ তব, আপনার সারাদেহে নিজ হাতে শত দীপ জ্বালিলো।
আমি আসি এনে দিহু আমার প্রগতি-গাথা প্রীতিফুলে ছন্দের মাল্য ॥

—শ্রীবাসন্তী রায়

পরিশিষ্ট : ২

॥ সাবিত্রীপ্রসঙ্গ ॥

গত ২৩শে [মার্চ ১৯৬৭] তারিখ কবি সাবিত্রীপ্রসঙ্গ চট্টোপাধ্যায়ের জীবনের খেলা শেষ হয়ে গেল।

সাবিত্রীপ্রসঙ্গের সঙ্গে আমার সাহিত্যিক জীবন একরকম শুরু থেকে জড়িয়ে আছে।

সাবিত্রীপ্রসঙ্গ তখন “উপাসনা”র সম্পাদক। খ্যাতনামা কবি এবং দেশপ্রেমিক ও সেবক বলেও সম্মানিত। বঙ্গীয় প্রাদেশিক কংগ্রেসের নেতাদের সঙ্গে সুপরিচিত; দেশবন্ধু, নেতাজী সুভাষচন্দ্র, কিরণশঙ্কর রায়, বিধানচন্দ্র গুপ্ত তখনকার বিপ্লবীদের সঙ্গে তাঁর ঘনিষ্ঠ সংযোগ ছিল।

সাহিত্যক্ষেত্রে রবীন্দ্রনাথ থেকে ১৯২৯ সনে নবাগত আমার সঙ্গে পর্যন্ত তাঁর পরিচয়। আমার দুটি গল্প তিন মাসে পর পর কল্লোলে বের হতেই তিনি আমাকে পত্রযোগে আহ্বান করেছিলেন। কলকাতায় এলে তাঁর সঙ্গে দেখা করতে অনুরোধ জানিয়েছিলেন।

সেদিন আমি আশ্রয় পেয়েছিলাম সাবিত্রীপ্রসঙ্গের মধ্যে, দেখেছিলাম গ্রামের মানুষ তাঁর মধ্যে বেঁচে আছে; এবং একজন দেশসেবক ও দেশপ্রেমিক উজ্জল মূর্তিতে অধিষ্ঠিত। আমার সঙ্গে চরিত্রগত মিল পেয়েছিলাম। তিনি আমারই সমবয়সী। তাঁর ব্যক্তিগত পরিচয় আমার সুবিদিত। কলেজ-জীবনে তিনি আমার থেকে এক বছরের অগ্রগামী। কলেজ জীবনেই সেণ্ট পলস কলেজে সরস্বতী পূজা নিয়ে মিশনারী কর্তৃপক্ষের ছাত্রদের যে সংঘর্ষ হয় সে সংঘর্ষে সাবিত্রীপ্রসঙ্গই ছিলেন অবিসংবাদী ছাত্রনেতা। চোখে না দেখলেও বিবরণ থেকে তাঁর সেইকালের তরুণ প্রদীপ্ত মূর্তি আমি কল্পনা করতে পারি। তাঁর চোখের দীপ্তি সঞ্চারিত হচ্ছে ছাত্রদের চোখে; তাঁর কর্তৃপক্ষের ধ্বনি প্রতিধ্বনিত হচ্ছে ছাত্রমিছিলের কণ্ঠে। যে ধ্বনি ও দীপ্তির আকর্ষণে তখনকার দিনের তারুণ্যের নবোদিত ভাস্কর-সুভাষচন্দ্র এসে তাঁদের মধ্যে দাঁড়িয়েছিলেন।

সাবিত্রীপ্রসঙ্গ জীবনমহিমায় উজ্জল হয়ে বাংলার গ্রামের একটি তরুণের চিত্রে ও তাঁর স্পর্শ পাঠাতে পেরেছিলেন। তখন তাঁর পল্লী-কবিতা আমার ভালো লাগে, পরাধীনতার বেদনার কবিতা হৃদয় স্পর্শ করে, স্বাধীনতা কামনার দীপ্ত আবেগ মনকে চঞ্চল করে, তাই তাঁর নাম আমার পরিচিত ছিল। অবশ্য প্রথম প্রথম আমি তাঁর সমকক্ষতার পৌছতে পারি নি, সমকক্ষ ছিলামও না। খানিকটা শ্রদ্ধার ব্যবধান রেখেই চলতাম। কিন্তু “উপাসনা”ই হয়ে উঠেছিল আমার সাহিত্য-সেবার আশ্রয়। সেটা ১৯২৯ সন। ১৯৩০ সনের আন্দোলনে জেলে চলে গেলাম। সঙ্গে সঙ্গে সাহিত্যক্ষেত্রে যোগাযোগে ছেদ পড়ল। কিন্তু সাবিত্রীপ্রসঙ্গ ছেদ টানলেন

না, তিনি তার মধ্যেও যোগসূত্রটি বজায় রাখলেন। তার আগে “উপাসনা”র আমার “চৈতালী ঘূর্ণী” প্রথম উপভাগ বের হয়েছে দু-তিনটি সংখ্যায়। ১৯৩০ সনের প্রথমটে সাবিত্রীপ্রসন্ন একখানি সাপ্তাহিক পত্রিকা বের করেছিলেন—কি নাম ছিল মনে নেই। তবে কাগজখানির সঙ্গে প্রাদেশিক কংগ্রেসের যোগ ছিল; সম্ভবতঃ তিরিশের আন্দোলনকে সাহায্য করতেই কাগজখানির সৃষ্টি হয়েছিল।

আমি জেলে গেছি সংবাদ শুনে সাবিত্রীপ্রসন্ন আমার ছবি সংগ্রহ করে তাঁর এই কাগজে আমার সংক্ষিপ্ত জীবনী সহ প্রকাশ করেছিলেন।

জেল থেকে বেরিয়ে এসেই কাগজখানি দেখেছিলাম। দেখে যেমন উৎসাহ অনুভব করেছিলাম (কারণ সংবাদপত্রে বা সাময়িক পত্রে এট আমার প্রথম ছবি প্রকাশিত হল) সঙ্গে সঙ্গে সাবিত্রীপ্রসন্নের প্রীতি অনুভব করে কৃতজ্ঞ হয়েছিলাম। এ দিকে কল্লোল তখন উঠে গেছে। “উপাসনা”ই আমার একমাত্র অবলম্বন হয়ে রইল।

এবার কলকাতায় এসে সাবিত্রীপ্রসন্নের বাড়িতেই উঠেছিলাম। বেশ কিছু দিন—বোধহয় পনেরো-কুড়িদিন ছিলাম। একসঙ্গে বাস, এক সঙ্গে আহার এবং রাত্রিতে দীর্ঘক্ষণ গল্পগুজব আলাপ-আলোচনার মধ্যে কাটিয়েছি; অন্তরঙ্গতা দীর্ঘে ধীরে ঘনীভূত হয়েছিল। সে অন্তরঙ্গতা আরও ঘন হল আরও একটি ঘটনায়। সাবিত্রীপ্রসন্ন একদিন ‘চলুন, এক জায়গায় বেড়িয়ে আসি’ বলে আমাকে এনে সরাসরি তুলেছিলেন শরৎচন্দ্র বসু মহাশয়ের উডবার্ন পার্কের বাড়িতে।

এখানে তিনি আমাকে এনে নেতাজী সুভাষচন্দ্রের সামনে উপস্থিত করলেন। সেদিন নেতাজী সুভাষচন্দ্রের যে পরিচয় আমি পেয়েছিলাম তাকে আমি নিজেকে ধন্য মনে করেছিলাম এবং আজও পর্যন্ত জীবনের যেকটি দিনকে আমি শ্রেষ্ঠ দিন বলে গণনা করি তার মধ্যে সেই দিনটি অগতঃ একটি দিন, তাতে সন্দেহ নেই এবং এমন দিন বোধকরি জীবনে আর আসবে না।

এরপর প্রায়ই আমরা মিলিত হয়েছি স্বর্গত বিমলচন্দ্র সিংহের ল্যান্ডাউন রোডের বাড়িতে। সাহিত্য শিল্প আর দেশের কণাতেই জীমাবদ্ধ থাকত না, সুখদুঃখ নানান কণার মধ্যে সেট পুরাতন অন্তরঙ্গতা; আবার বর্ণে স্বাদে উজ্জল এবং মধুর থেকে মধুরতর হয়ে উঠেছিল।

নিত্য নৃতন করে পরস্পরকে আবিষ্কার করেছি। তার মধ্যে যেমন পেয়েছি সরল উদার দেশপ্রেমিককে, তেমনি দেখেছি একটি অভিমানী মানুষকে। একটি অভিমান তাঁর ছিল। অবহেলার অভিমান। তিনি অনুভব করতেন যে প্রাপ্য বলে তিনি কিছু পান বা না পান, যে অবহেলা তাঁর প্রাপ্য নিশ্চয় ছিল না, সেই অবহেলাই তাঁর জীবনের পাত্র তিক্ত করে তুলে উগচে পড়েছে। চরিত্রের যে জটিলতার মানুষ কুটিল চক্রান্ত করে কামাধর প্রাপ্য বলে আশায় করে তাঁর চরিত্রে সে জটিলতা ছিল না। কুটিল পথে নামা-হাঁটা তাঁর সাধের অতীত ছিল। যুগা হলে, নিজেকে অন্তি মনে করতেন।

আবার যে উগ্রতা থাকলে, উরু কণ্ঠে দাবি জানিয়ে বা দ্বোর করে মানুষ আদায় করে নেয় নিজের প্রাপ্য, তাও তাঁর ছিল না। তিনি ছিলেন শান্ত

মানুষ। মানুষের কাছে মানুষ আপনি সম্মানে তুলে দেবে নিজ নিজ প্রাণ্য, এতেই ছিল তাঁর বিশ্বাস। এবং এতেই ছিল তাঁর রুচি।

আমি নিজে বিচার বিশ্লেষণ করে দেখেছি। মনে হয়েছে, কার্যকারণে এইটে যে তাঁর জীবনে দূর্ভাগ্যের মতো এসেছিল, তার জন্ত দেশের নেতা এবং সমাজগতির দায়ী হলেনও সাধারণ মানুষেরা বোধহয় দায়ী নয়।

কিছুকাল আগে চীন আক্রমণের সময় সাবিত্রীপ্রসন্ন আর একবার প্রজ্জলিত হবার চেষ্টা করেছেন। কয়েকটি কবিতায় তার পরিচয় আছে; এবং দেশপ্রেমিক কবি সাবিত্রীপ্রসন্নের মূল্য সেদিন নূতন করে অনুভব করলো দেশ।

স্বাধীনতার পর গান্ধীজীর সাধনাপীঠে সাধনাব্রষ্ট মানুষের আবির্ভাব দেখে নিরন্তর বেদনা অনুভব করেছেন। সাবিত্রীপ্রসন্ন শক্তি কাড়াকাড়ির নির্লজ্জ চক্রান্ত দেখে সন্তোষে চোখ বুজেছেন কিন্তু তবু তিনি সরে আসেন নি। নিত্য প্রত্যাশা করেছেন, কোথা থেকে কোনদিন নূতন সাধকদের আবির্ভাব হবে। আবার কেরোসিনের অভিসিঞ্চন বন্ধ হবে এবং নূতন করে পড়বে ঘরের আহুতি। ত্যাগ ও বৈরাগ্যের নির্মলতায় ও আলোকে সকল কলুষ ও প্লাবিত অশুদ্ধতা ও কুরাশা দূরীভূত হবে। জীবন সঞ্জীবিত হুহু হয়ে উঠতে পারবে।

সেই সাবিত্রীপ্রসন্ন চলে গেলেন। দেশ ও বঙ্গসাহিত্য একজন নির্মলচিত্ত সেবককে হারালো। নিজেকে আজ বড় নিঃসঙ্গ মনে হচ্ছে।

পরিশিষ্ট : ৩

॥ সজনীকান্ত ॥

মৃত্যু মানুষের অনিবার্য পরিণতি। এ সত্যের চেয়ে বড় সত্য আর নেই। কিন্তু সে পরিণামে উপনীত হওয়ার একটি ক্রম আছে। ক্রম ভঙ্গ করে এই পরিণাম যখন আসে তখন যারা থাকে তারা বিহ্বল হয়ে পড়ে—এই অনিবার্য সত্যকে মনে নিতে পারে না। মানতে হয় অনেক হাহাকার করে। সজনীকান্তের মৃত্যু মনে নিতে আশ্রয় অন্তর এই হাহাকার করে উঠেছে। আমি তার অন্তরঙ্গ বন্ধু আমার মতো অন্তরঙ্গ বন্ধু যারা তাঁদের বাদ দিয়েও সমগ্র দেশে সাহিত্যামুরাগী ও পাঠক সমাজও এই মৃত্যুকে স্বীকার করে নিতে হায় হায় করেছেন ও করছেন। সজনীকান্ত নামটি সাধারণ নয়। বর্তমান বাংলার সাহিত্যক্ষেত্রে বিচিত্রত্বের ও শক্তির সমন্বয়ে এ নামটি বিশিষ্ট এবং বিচিত্র, কয়েকটি গুণ ও শক্তির ক্ষেত্রে অনন্য। এই নামটি উচারণে বা স্মরণে মনে শঙ্কামিশ্রিত শ্রদ্ধা ও বিশ্বাসই জাগে সর্বাগ্রে। মনে ছবি জেগে ওঠে এক যোদ্ধার মূর্তি। তুল তামের হয় না। সত্যই সজনীকান্ত ছিলেন নির্ভীক অমিত বিক্রম যোদ্ধা। সাহিত্যে সমাজে জাতীয় জীবনে অনাচার কদাচার ও যথেষ্টাচারের বিরুদ্ধে তাঁর বৃদ্ধ ক্রান্তিহীন ক্ষমাহীন। মৃত্যুদিনের দুদিন আগে পর্যন্ত

তিনি এই বুদ্ধ করেছেন। যেদিন রাত্রে তাঁর এই মৃত্যুরোগের আক্রমণ হয় সেদিনও তিনি সংবাদ সাহিত্য রচনা করেছেন। এবং কবিতাও রচনা করেছেন। সজ্ঞানী-কান্তের পরিচয় পূর্বেই বলেছি—বিচিত্র—তিনি সাহিত্যক্ষেত্রে ক্ষমাহীন বোদ্ধাই শুধু নয়—তবে এই পরিচয়টাই সবচেয়ে বড় এবং প্রথম হয়ে উঠেছে। নইলে সজ্ঞানী-কান্তের কবি হিসাবে পরিচয় প্রথম হয়ে উঠেছে। নইলে সজ্ঞানীকান্তের কবি হিসাবে পরিচয়—গবেষক প্রবন্ধ লেখক হিসাবে তাঁর দানের মূল্য তো কম নয়—ছোট নয়; আমি বলব সেই পরিচয় সজ্ঞানীকান্তের বোদ্ধা পরিচয়ের চেয়ে অনেক বড় অনেক সত্য পরিচয়। মাহুশের কাছে আজও তার আরণ্যকীবনের প্রসঙ্গ, স্মৃতি তাকে বাণীর স্রবের চেয়েও যুক্তিক্ষেত্রের অঙ্গ বনৎকারের প্রতি আকর্ষণ করে, বেশী, তাই বোদ্ধা সজ্ঞানীকান্তের পরিচয় তাঁর বংশীবাদক বীণা-বাদক পরিচয়ের চেয়ে সাধারণের কাছে বড় হয়ে উঠেছে। রাজহংস, মানস-সরোবরের কবি—বাংলা সাহিত্যের গভীর প্রথম ঝুঁক ও রবীন্দ্রনাথের জীবন ও সাহিত্যের পণ্ডিত গবেষক—শনিবারের চিঠির সম্পাদক পরিচয়ের আড়ালে পড়ে গেছে। এর অন্তরালে আছে তাঁর শ্রেষ্ঠ সত্য, বিপুল ব্যক্তিত্ব, উদার হৃদয় ও কোমল প্রাণের পরিচয়। সংসারে বিশেষ গুণপণ্য বীরা প্রাপ্তি লাভ করেন, তাঁদের ভাগ্যে এমনই ঘটে থাকে, সমগ্র পরিচয় হয়তো বা আসল পরিচয়টিই চিরকালের জন্ত অজ্ঞাত থেকে যায়।

আমার সঙ্গে সজ্ঞানীকান্তের প্রথম সাক্ষাৎ তাঁর এই বোদ্ধা সাহিত্যিক খ্যাতির আকর্ষণেই। “আমার সাহিত্য-জীবনে” লিখেছি—(সজ্ঞানীকান্ত ও তাঁর আত্মস্মৃতিতে) তা উদ্ধৃত করেছেন। “সেই সময় (১৩৩১ সাল) শনিবারের চিঠির দরস প্রতাপ। সাহিত্যিক মজলিস বললেই শনিবারের চিঠির কথা ওঠে। গালাগালির অন্ত থাকে না। একদা ইচ্ছা হল শনিবারের চিঠির হৃদয় সজ্ঞানীকান্তকে দেখে আশি, কেমন সে লোকটা।” রাজেন্দ্রলালা গীটে “জ্বরদন্ত কাঠামো, মোটা নাক, ‘বড় উগ্র দৃষ্টি চোখ, ফরসা রং সজ্ঞানীকান্ত চেয়ারে বসেছিলেন? তাঁকে দেখেই ফিরে এলাম, কয়েকটা কথা বলেছিলাম মাত্র, আমার পরিচয় জিজ্ঞাসা করেন নি—আমিও দিই নি।” পড়লেই যে কোন পাঠক অনুভব করবেন—লেখকের মনোভাবের মধ্যে বিষয় ছিল, শব্দা মিশ্রিত শ্রদ্ধাও ছিল—কিন্তু প্রীতি ছিল না। দেখা হল, পরিচয় হল না—এই কারণেই।

পরস্পরের সঙ্গে পরিচয় হল বঙ্গশ্রীর আসরে। সেও সংক্ষিপ্ত। দূরে থেকে গোলাম পরস্পর থেকে। বঙ্গশ্রীতে লিখবার জন্ত একবার বললেন না পর্যন্ত। পনেরো দিনের মধ্যে সজ্ঞানীকান্তের সম্মুখ থেকে একগ্রন্থ আদরণ করে গেল। একটি গল্প লিখেছিলাম, সে গল্পটি কিরণ রায় আমার হাত থেকে কেড়ে নিয়ে চলে গেলেন এবং আমার অসাক্ষাতেই সজ্ঞানীকান্তকে শোনালেন। সাহিত্য-প্রেমিক বোদ্ধা সজ্ঞানীকান্ত সেই মুহূর্তে টেলিফোন তুলে আমাকে ডাকলেন; আমি তখন বালিগঞ্জে আমার আত্মীয় বাড়িতে রয়েছি। বললেন, আপনি দয়া করে এখানে আসুন। প্রথম সংখ্যাতেই (বঙ্গশ্রী) ছাপতে চাই আপনার গল্প। গুণগ্রাহী সম্পাদক সজ্ঞানীকান্তকে পৃষ্ঠপোষক হিসাবেই পেলাম সোদন। সে সজ্ঞানীকান্ত তাঁর বোধ ও উপলব্ধি অনুযায়ী বহু সাহিত্যিকের উগ্র আধুনিকতাকে অভ্যন্তরীণ এবং অকল্যাণকর বলে নিষ্ঠুর আঘাত

করে বিরোধিতা করেছেন—সেই সজ্ঞনীকান্ত শুধু আমি নই আমার সমসাময়িক ও আমার পরবর্তী নবীন অনেক কল্পজন সাহিত্যিককেই সপ্রেম গুণগ্রাহিতার সঙ্গে গ্রহণ করেছেন এবং সাহিত্যক্ষেত্রে প্রতিষ্ঠা লাভে যে সাহায্য করেছেন—সে আমি চোখে দেখেছি এবং বিস্মিত হয়েছে। সাহিত্যক্ষেত্রে সম্পাদক সমালোচক ও বোদ্ধা সজ্ঞনীকান্ত ঠাণ্ডা প্রথম শর্তাবধি শুধু ভাঙার কাজই করেন নি। তিনি গড়েছেন, তাঁর সে সংগঠন অনেক সম্ভাবনা এনেছে বাংলার সাহিত্যক্ষেত্রে; সার্থক সুন্দর রচনা পড়ে বা শুনে—তাঁর বড় উগ্র-দৃষ্টি চোখে সে যে কি আনন্দোজ্জ্বল, কোমল ক্ষেত্রবিশেষে সজ্ঞল দৃষ্টি ফুটে উঠত—সে তো আমি ভুলতে পারব না।

কয়েক মাস যেতে—আর এক পরিচয় পেলাম। এই কয়েক মাসের মধ্যে সজ্ঞনীকান্তের আর এক রূপ দেখেছি। বিশ্বরে অভিবূত হয়েছি। অভিবূত হয়েছি তাঁর প্রাণ-প্রাচুর্যের উল্লাসময় অভিব্যক্তিতে: দিনের-পর-দিন—বণ্টার-পর-বণ্টা—বিখ্যাত সুপ্রতিষ্ঠিত সাহিত্যিক ডাঃ সুনীতিকুমার চট্টোপাধ্যায় থেকে সাহিত্যবিশেষপ্রার্থীদের নিয়ে—সে কি প্রাণোচ্ছল আলোচনা আসর—আনন্দ-বাসর। বত পাণ্ডিত্যপূর্ণ আলোচনা তত কি কোতুক-রস-রসিকতার স্বতঃস্ফূর্ত প্রকাশ। ডাঃ সুনীতিকুমার চট্টোপাধ্যায়ের পাণ্ডিত্যের কাছে সজ্ঞনীকান্ত অবশ্যই তুলনায় নিম্নত ছিলেন, কিন্তু কোতুক রস-রসিকতার সজ্ঞনীকান্ত ছিলেন মধ্যমণি, ক্ষণে ক্ষণে বৈবৰ্দ্ধের রশ্মিপাতের প্রতিকলনে রসিকতার প্রতিচ্ছটা ফুলঝুড়ির মতো ঝরে পড়ত। মজলিস হাসিতে মুখর হয়ে উঠত। জীবনের শেষ দিন—রবিবার দিন—বেলা একটা তখন। তাঁর নাকে অক্লিঞ্জে নেব টিউব, তাঁর তৃতীয়া কস্তা মীরা পর পর তিনটি পিল পাওয়াচ্ছিল। শেষ পিলটি তাঁর সামনে ধরে মীরা বজল, বাবা, এই পিলটাও খেয়ে নাও সজ্ঞনী তার মুখের দিকে তাকিয়ে হেসে বলেছিলেন, আবারও পিল? এ যে পিল পিল করে পিল খাওয়াতে শুরু করলি। লিখতে বসে মনে হচ্ছে জীবনকে কেউ নেয় হাসির সঙ্গে—কেউ নেয় বেদনার অশ্রুর সঙ্গে। সজ্ঞনীকান্ত জীবনে স্তম্ভ দ্রুত সব কিছুকে হাসিব মধ্য দিয়ে গ্রহণ করতে চেয়েছেন—ব্যক্ত করতেও চেয়েছেন। মৃত্যুর পূর্ব মুহূর্তেও তিনি পূর্ণ জ্ঞানে ছিলেন। কিন্তু দৈহিক বয়স্গার একটা বায়ুশূন্য আবরণপাত্র দিয়ে মৃত্যু তাঁর হান্তোজ্জ্বল জীবন-দীপশিখাকে ঢাকা দিয়েছিল বলে আমরা তা দেখতে পাই নি।

বাক, যে কথা বলছিলাম। বঙ্গশ্রীতে আশাপের মাস তিনেক পর একদিন আমার নিজের ব্যয়ে প্রকাশিত প্রথম বই “চৈতালি ঘুণি”র দপ্তরী “বঙ্গশ্রী” আগিসে এসে আমাকে ধরলে। সে বইগুলি সবই জুস বাইণ্ডিং করে রেখেছে—তার দরুন সে ৬০ টাকা পাবে। তার সেই টাকা চাই। না পেলে—বই বাতিল কাগজের দবে বিক্রি করে দেবে। কয়েকটা অপমানজনক কথাও বলেছিল। আমার কাছে টাকাও ছিল না। উত্তরও খুঁজে পাচ্ছিলাম না। সজ্ঞনীকান্ত অন্তরাল থেকে কথাটা শুনে ফেলেছিলেন। তিনি সঙ্গে সঙ্গে বেরিয়ে এসে দপ্তরীর টাকা মিটিয়ে দিয়ে আমাকে বলেছিলেন? আপনি সজ্জুচিত হবেন না তারশঙ্করবাবু—আজ থেকে আপনায় পাবলিশার হলাম। বইয়ের ভার আমার রইল।

সেদিন তিনি পৃষ্ঠপোষক থেকে আত্মীয় হয়েছিলেন আমার। বয়সে বড়

ছিলাম আমি—খুঁজ ফুটে অনেকের মতো সজ্ঞানী দাড়া বলতে পারি নি। কিন্তু সন্তোষে আচারে তাঁকে জ্যেষ্ঠের সম্মান দিয়েছিলাম। তিনিও সহজভাবে নিরেছিলেন। এমন ঘটনা শুধু আমার সম্পর্কেই ঘটে থাকলে এটা সজ্ঞানীকান্তের চরিত্রগুণ বলতাম না; এটা সর্বজনীন পরিচয়ের অঙ্গ হতে পারত না। কিন্তু কিছু কাগজ দৈবক্রমে আমার চোখে পড়েছে যাতে দেখেছি অনেক সাহিত্যিক তাঁর কাছে এইভাবেই খণী। এর মধ্যে দু'একজন—তাঁদেরই মধোর দু'একজন যাদের বিরুদ্ধে যুদ্ধ করেছেন।

সজ্ঞানীকান্তের পরিচয়ের সম্মুখের আর একটা আবরণ উঠে গেল।

এর পর ক্রমে ক্রমে নিকটে এসে বন্ধ হয়েছি। তাঁর সঙ্গে চরিত্রগত অমিল আমাদের বন্ধুত্বের পথে অন্তরায় ছিল। তিনি হাসির মানুষ—আমি তার উলটো। বেদনার কান্নার সঙ্গেই জীবনকে গ্রহণ করেছি, কখন তা বলতে পারি না। হয়তো বা জন্মলগ্নে। তিনি বাক্যে রসিক ছিলেন, ভোজনে রসিক ছিলেন, উল্লাসের প্রকাশে রসিক ছিলেন; আমি তা ছিলাম না—আমি তা নই। কিন্তু তবুও বন্ধ হয়েছিলাম, সম্ভবত অতিক্রম করেছিলাম, বাইরের সব কিছুকেই।

হঠাৎ একদিন আমাকে ডাকলেন, বড়বাবু বলে।

প্রশ্ন করলাম। কেন? এ নাম কেন? রসিকতা?

না। তুমি বড় হয়ে গেছ বলে।

আমি হেসে বলেছিলাম, তা হলে তুমি ছোটবাবু।

খুব ভাল!

বাংলাদেশের অনেকেই এ নাম জানেন। এই স্বীকৃতি—এ কি আমি পারি? বা আর কখনে পারে? যাক সজ্ঞানীকান্তের এত কাছে এলাম যে, তাঁর ভালোমন্দ সবকিছু আমি দেখতে পেলাম। দোষ তাঁর ছিল। নির্দোষ মানুষ সংসারে কজন? কিন্তু গুণ, আমি দেখেছি। যাচাই করেছি। সে অনেক এবং তা সুদূরলম্ব। এত গুণের মানুষ বর্তমানকালে বেশী নেই। তবে সাহিত্য-বিচারক, সাহিত্য-প্রেমিক হিসাবে তাঁর দোষের কেউ আছেন কিনা সন্দেহ। শনিবারের চিঠির দায়িত্বে—সেকালে এবং একালেও চিঠিতে প্রকাশিত বহু বটু প্রবন্ধের দায় তাঁর উপর বর্তেছে। বেনামী অনেক প্রবন্ধের লেখক বলেও তিনি গণ্য হয়েছেন এবং পুরাতন নূতন অনেক সাহিত্যিকের কাছে অপ্রীতিভাজনও হয়েছেন কিন্তু তিনি কখনও এ লেখা আমার নয় বলে বেনামীর নাম প্রকাশ করে দেন নি; তাঁর কাগজে প্রকাশিত প্রবন্ধের উপরে বা নিচে লিখে দেন নি, মতামতের জ্ঞান সম্পাদক দায়ী নন। এ সবই তাঁর দায়িত্বজ্ঞানের লক্ষণ। কিন্তু অনেক সাহিত্যিকের, যারা তাঁর উপর বিরূপ, তাঁদের সম্পর্কেও তাঁর কাছে অনেক প্রশংসা শুনেছি।

তাঁরা কাছে এলে একজন সত্যকারের সাহিত্য-রসিক ও মানুষ হিসাবে একজন উদার মানুষকেই পেতেন বলে আমি বিশ্বাস করি। তাঁর মৃত্যুর দিন বন্ধুর প্রেমের মিত্র একটি ঘটনার কথা বললেন। তারই মধ্যে সজ্ঞানীকান্তের বিচিত্র সত্য চরিত্র দিনের আলোর মতো প্রকাশ পাবে। প্রেমের বিরুদ্ধে তিনি লিখেছেন অনেক। কিন্তু বঙ্গভীর সম্পাদনার ভার নিয়ে—তিনি নিজেকে গিয়েছিলেন প্রেমের কাছে, শৈলজ্ঞানন্দের কাছে। বঙ্গভীর প্রেমের সঙ্গে তাঁর

প্রীতি গাঢ় হয়। এ কালেও টালার বাড়িতে প্রেমেন্দ্রকে নিয়ে তাদের আসন্ন পেতেছেন। পরস্পরে সন্ধান করেছেন ‘তুই’ বলে। সম্প্রতি মাস দুই আগে বেরুন স্থল “মালিক পত্রে”র রবীন্দ্র-সংখ্যায় প্রেমেন্দ্র একটি লেখা দিয়েছিলেন। সেই লেখা নিয়ে সজ্ঞানীকান্ত সংবাদ-সাহিত্যে প্রেমেন্দ্রকে শরাবাত করলেন। প্রেমেন্দ্র আমাকে বললেন, ভাবছিলাম একদিন গিয়ে খুব বলে আসব। হঠাৎ রেডিও থেকে একটি প্রোগ্রামের অনুরোধপত্র পেলাম। বিষয়টা কবির লড়াই। প্রতিপক্ষ সজ্ঞানীকান্ত। তিনি টেলিফোন করলেন রেডিও অফিসে। এতে তাঁকে কেন টানা হয়েছে? কর্তৃপক্ষ বললেন, সজ্ঞানীকান্ত বলেছেন প্রেমেন্দ্র ভিন্ন অস্ত্রের সঙ্গে তিনি লড়াইবেন না। সজ্ঞানীকান্তকে টেলিফোন করলেন প্রেমেন্দ্র। সজ্ঞানী বললেন, গাল খেতে হয় তোর গালাগাল খাব; অস্ত্রের সঙ্গে লড়াই না। প্রেমেন্দ্র এর পর প্রশ্ন করলেন আশায়, চিন্তিতে এসব কি বলেছিস? সজ্ঞানী বললেন, তুই এসব লিখেছিস কেন? কয়েকটি বাদানুবাদে পর টেলিফোনের দুই প্রান্তে দুটি কণ্ঠের হাস্যরোল উঠল। তারপর প্রেমেন্দ্র বললেন, তাহলে বিষয় স্থির রইল: আধুনিক কবিতা। তুই স্বপক্ষে আমি বিপক্ষে। বিচিত্র সজ্ঞানীকান্তের এই বিচিত্র পরিচয়। কবি সজ্ঞানীকান্তের পরিচয় দেবার যোগ্য স্থানও এ নয়, সে পরিচয় দেবার যোগ্যপাত্রও আমি নই। তবে “রাজহংস” “মানস সরোবর” আমার প্রিয় কাব্যগ্রন্থ।

আমাকেও সজ্ঞানীকান্ত এবং তাঁর কাগজে অস্ত্রের কটুক্টি করেছেন। এবং হঠাৎ হু-একদিন পরই এসে ডেকেছেন। বড়বাবু? আমি উত্তর দিয়েছি—এস ছোটবাবু।

এরপর বড়বাবু থেকে একদিন তিনি আমাকে ডাকলেন বড়ভাই বলে। সে তাঁর পারবারে একটি সঙ্কটের দিন। আমি গিয়ে পড়েছিলাম। এবং সে সঙ্কট উত্তীর্ণ হতে সাহায্য করেছিলাম। যে মুহূর্তে সঙ্কট উত্তীর্ণ হল সেই মুহূর্তে আমাকে তিনি বড়ভাই বলে প্রণত হতে বিধা করলেন না। এইভাবে যে বৃহৎ—সম্মানোন্নত মস্তককে ঋণ স্বীকার করে নত করতে পারে তারমতো বালষ্ঠ বৃহৎ তো শুধু বৃহৎই নয়—সে মহৎ।

মৃত্যুব্যাধি যে দিন রাতে তাঁকে আক্রমণ করলে, গুরুবার সরস্বতী পূজার রাতে। তখন রাত্রি বারোট। আকস্মিক যারা বলবেন তাঁরা তাই বলুন, আমি বলব কারও-বা কোন কিছুই প্রচ্ছন্ন নির্দেশ বা চক্র, যাতে করে আমাকে টেনে নিয়ে গেল তাঁর শয্যাপাশে। তাঁর গৃহ চিকিৎসক অস্থখে শয্যাশায়ী ছিলেন সেদিন, তাঁকে না পেয়ে তাঁর ছেলে আমাকে টেলিফোন করলেন আমার ছোট জামাই ডাঃ বিশ্বনাথ রায়ের খোঁজ করে। বললেন, বাবার অস্থখ। বিশ্বনাথবাবু বাড়ি আছেন, ‘তাকে কি—। আমি ছুটে গেলাম মেয়ের বাড়ি এবং জামাইকে নিয়ে গেলাম। সজ্ঞানীকান্ত ডাক্তারকে চেয়েছিল, তার সঙ্গে আমাকে দেখে উল্লাসে আশ্বাসে উচ্ছ্বসিত হয়ে উঠল। আমাকে বললেন, আমাকে আশীর্বাদ কর। মাথার হাত বুলিয়ে দাও। সেদিন রাত্রি ছোটোর সময় তাঁকে কিছুটা স্তম্ভ দেখে ফিরে এলাম। সকালে উঠে গেলাম। বিকেলে গেলাম। শেষ মুহূর্ত কেন—শ্মশান পর্যন্ত তাঁকে অনন্তের পথে এগিয়ে দিয়ে এলাম? বারবার গুনলাম সে আমার অনুপস্থিত অবসরে বলেছে—বড়বাবু আমাকে সত্য সত্য ভালোবাসে। বড়

ভালোবাসে। আমার ভালোবাসার নিঃশব্দ হয়ে যে তার উল্লাস তার মধ্যে তার একটি অম্লকৃত কথা রয়ে গেছে আমিও বড়বাবুকে বড় ভালোবাসি।

এইটাই আমার পরম সাধনা।

হয়তো এই শেষটুকু ব্যক্তিগত ঘটনা ও কথা। সজ্ঞনীকান্তের ব্যক্তিত্ব, প্রতিভা ও কীর্তির যে পরিচয় ও মূল্য লেখার মাধ্যমে দেশের কাছে নিবেদন করা কর্তব্য ও উদ্দেশ্য—তার সঙ্গে প্রত্যক্ষ যোগ না থাকলেও এই ব্যক্তিটির হৃদয় এইখানে পরম সত্যে উদ্ঘাটিত বলেই আমার বিশ্বাস।

প্রতিষ্ঠার ঐশ্বর্যে ঐশ্বর্যশালী সজ্ঞনীকান্ত, হ্রলভ নির্ভীকতার অধিকারী বলিষ্ঠ বোদ্ধা সজ্ঞনীকান্ত, কবি সজ্ঞনীকান্ত, পণ্ডিত সজ্ঞনীকান্ত, অপরূপ হৃদয়ের অধিকারী সজ্ঞনীকান্তের তুলনা করেছি আমি শুক্লগ্রাহের সঙ্গে। বঙ্গ-সাহিত্য-গগনের প্রদীপ্ত জ্যোতিষ্ক—যিনি দেবলোকের অত্মায়কেও সহ করতে পারেন না, শিষ্য এবং অম্লগন্তের অত্মায়কেও ক্ষমা করেন না—সেই দীপ্ত জ্যোতিষ্ক আজ দিগন্তে অন্তর্ভুক্ত হয়ে অনন্তের পথে যাত্রা করলেন।

তিনি আজ আমার জ্যেষ্ঠ—তাকে প্রণাম করি। তাঁকে সত্যিই বড় ভালোবাসতাম।

পরিশিষ্ট : ৪

॥ সজ্ঞনীকান্ত ও ‘শনিবারের চিঠি’ ॥

সজ্ঞনীকান্ত আর নাই। তাঁর বাথটি বৎসরের জীবন বহু সংঘাত ও সংঘর্ষের জীবন। বহু কীর্তির জীবন। কীর্তিমান সজ্ঞনীকান্তের কীর্তিতে ছেদ পড়ে নি, জীবনের প্রায় মধ্যগগনেই দীপ্ত জ্যোতিষ্কের মতো কক্ষচ্যুত হয়ে মৃত্যুর আকর্ষণে অকস্মাৎ বিলীন হয়ে গেলেন। তাঁর মৃত্যুতে আমাদের মতো বঙ্গজনের জীবনে অপূরণীয় শূন্যতার সৃষ্টি হয়েছে। আমরা বন্ধু হারিয়েছি, তাঁর পত্নী পরমজনকে হারিয়েছেন, পুত্র-কন্যারা পিতৃহীন হয়েছে, বাংলা সাহিত্য প্রতিভাশালী সেবক হারিয়েছে—“শনিবারের চিঠি” হারিয়েছে কর্ণধারকে; যদি সজ্ঞনীকান্তের পুত্রকন্যার মতোই সেও পিতৃহীন হয়েছে বলি, তবে ভুল করা হবে না। “শনিবারের চিঠি” সজ্ঞনীকান্তের মানসকথা। তার স্মৃতিকাগৃহ থেকেই তিনি তার পরিচর্যা করেছেন।

“শনিবারের চিঠি”র প্রতিষ্ঠা করেছেন ত্রীঅশোক চট্টোপাধ্যায়, ত্রীযোগানন্দ দাস ও ত্রীহেমন্ত চট্টোপাধ্যায়। তার অন্যকণ্ঠে রামানন্দ চট্টোপাধ্যায়, শ্রীমন্মন্দের চক্রবর্তী পরোক্ষভাবে এবং মোহিতলাল বজ্রমহার, যোগেশ বিদ্যানিধি থেকে ডাঃ সুনীতিকুমার চট্টোপাধ্যায়, ডাঃ সুনীলকুমার দে, ডাঃ কালিদাস নাগ প্রমুখ প্রত্যক্ষভাবে সমাধার এবং সেবা করেছেন। সজ্ঞনীকান্ত সাধারণ কর্ম নিয়ে তার স্মৃতিকাগৃহে প্রবেশ

করেছিলেন। কিন্তু তিনি ওই কর্ণের জন্ত সংসারে আসেন নি, তাঁর শক্তি ছিল, প্রতিভা ছিল, নবোপরি এই কল্পটিকে বেখে তাঁর অন্তরলোক—নীতার প্রতি জনকের স্নেহের মতো স্নেহ-উষ্মিলিত হয়ে উঠেছিল। তিনি কাষস্থটীর ছন্দে কবিতা লিখে “শনিবারের চিঠি”র শ্রীবৃদ্ধি করেছিলেন। “শনিবারের চিঠি” তখন সাপ্তাহিক। শনিবারের চিঠির বাধানো পুরনো সংখ্যাগুলি পড়েছি, পড়েই একথা বলছি এবং সজনীকান্তের “স্বাস্থ্যস্বতি”র কয়েকটি পঙ্ক্তি উদ্ধৃত করতে গিয়ে বলছি, তাঁর এই কথাগুলি অক্ষরে অক্ষরে সত্য।

“যে কাষস্থটীর ছন্দের জন্ত ‘শনিবারের চিঠি’র ভোল পালটাইতে চলিয়াছে তাহার রচনাকে বাজে কাজের পর্যায়ভুক্ত করিতে পারিলাম না।”

এই সব বাজে রচনাকর্ম ছাড়তে উপদেশ দিয়ে কথাটা বলেছিলেন একজন প্রতিষ্ঠাশালী ব্যক্তি। তা বলুন। সজনীকান্ত তাঁর কথা মানলে নিজে ভুল করতেন এবং বাংলা-সাহিত্যের অপূরণীয় ক্ষতি হত। সমালোচনা-সাহিত্য এবং ব্যঙ্গরচনার ধারা আজ যে পরিমাণে পরিসর এবং পুষ্ট তা হত না এতে কোন সংশয় নেই।

সে কথা এখন থাক। “শনিবারের চিঠি” এবং সজনীকান্ত এই প্রশ্নেই ফিরে আসি। শনিবারের চিঠির ভোল পালটেছিল তাঁর কবিতার সুরে ও ছন্দে। অনেকজনে অনেক সুরে অনেক ছন্দে তাকে সমৃদ্ধ করতে চেষ্টা করেছেন। কিন্তু “শনিবারের চিঠি” রূপিনী কল্পটির কণ্ঠস্বরে সজনীকান্তের দেওয়া সুরই বেজে উঠেছিল স্বভাবসঙ্গীতের মতো এবং তাঁর পাঠকবৃন্দই তার গতিপথে সঞ্চারিত করেছিল স্বলীলতার বেগ। এই সংগঠনের মধ্যেই তিনি দেখতে পেরেছিলেন তাঁর নিজের এবং “শনিবারের চিঠি”র ভবিষ্যৎ। এ দেশের সমাজ ও সংস্কৃতি সম্পর্কে তাঁর ধ্যান ও ধারণা তাঁর ইংরাজি শিক্ষা দ্বারা প্রভাবে আচ্ছন্ন হয়ে যায় নি। যদি বলি যে, তখনকার আধুনিক সাহিত্যিক যারা, তাঁদের তাই হয়েছিল, তাঁরা আমাদের সমাজের আচার-বিচারের যেটুকু জীর্ণতা ও বিকৃতি তার বিরুদ্ধে বিদ্রোহ করতে গিয়ে সবসময় সমাজকেই ভাঙতে চেষ্টা করেছিলেন, অস্বস্তি স্বরূপে অস্বোপচারের সঙ্গে সঙ্গে বাঙালী তথা ভারতীয় স্বরূপকে ছিন্ন করে ফেলে দিতে চেষ্টা করেছিলেন—তবে বাড়িয়ে বলা হবে না। তৎকালীন ইংরেজিভাবে অতি মাত্রায়-প্রভাবিত সাহিত্যিক ও রসিক সম্প্রদায় যতই সে সাহিত্যের বাহবা দিয়ে থাকুন সাধারণ বাঙালী সমাজ—তাঁদের মধ্যে ইংরেজি পড়া ও ইংরেজি না-পড়া মোটা বাঙালী সমাজ এই সাহিত্যকে আনন্দের সঙ্গে আপনার বলে গ্রহণ করেন নি। প্রতিবাদ উঠেছিল বাঙালী-স্বরূপ থেকে। তাঁর স্বরের প্রতিবাদ “শনিবারের চিঠি”র কণ্ঠস্বরের সহায়তায় সোচ্চার হয়ে উঠেছিল। এবং বাংলাদেশের ঝাঁটি বাঙালী সমাজ তাকে গ্রহণ করেছিল। এ সত্য—একটা কালের সাহিত্য ও সমাজের স্বাভাবিক প্রতিবাদ ও সংগঠনের যে ইতিহাস সেই ঐতিহাসিক সত্যের দ্বারা সমর্থিত ও প্রমাণিত।

আরও ঘটনাপ্রসঙ্গ আছে, যার ফলে “শনিবারের চিঠি”র সঙ্গে সজনীকান্ত জড়িয়ে পড়েছেন—সত্য সত্যই কল্প-পিতার মতো। সে সব ঘটনা অব্যবহৃত

সুবিদিত “শনিবারের চিঠি”—শ্রীযশোক চট্টোপাধ্যায় ও শ্রীযোগানন্দ দালের পরিচালনায় সাপ্তাহিক হিসেবে কিছুদিন প্রকাশিত হয়ে বন্ধ হল। কিছুকাল পর আবার প্রকাশিত হল মাসিকপত্রাকারে। এ পর্যায়ে প্রকাশও আবার বন্ধ হল। এর পর সজনীকান্ত গভীর আকর্ষণে ও অন্তরের প্রেরণায় উপার্জনকরী অল্প কর্ম ভোগ করে অনন্তকর্মী হয়ে নিজের যথাসর্বস্ব এমন কি পত্নীর আভরণ পর্যন্ত দায়বদ্ধ করে “শনিবারের চিঠি”কে জালনের ভার গ্রহণ করলেন। পূর্বনো “শনিবারের চিঠি”গুলি দেখে আমার কতবার মনে হয়েছে, তার জালন-পালনে তিনি তাকে অস্বস্ত-উপার্জনক্ষম করে তোলায় মতো শিক্ষার গঠন না করে, তাঁর আদর্শে ব্রতপালনক্ষম করে তোলায় মতো শিক্ষাকেই বড় করে তুলেছিলেন; “শনিবারের চিঠি”র সাহিত্য-জাতীয়তাবাদ সম্পর্কিত প্রবন্ধগুলি বাংলা দেশের সাহিত্যক্ষেত্রেও জাতীয় জীবনের সম্পদ। এই নূতন পর্যায়ে পুরাতন নূতন শক্তিশালী বন্ধু ও সমব্রতধারীর অভাব হয় নি। মোহিতলাল মজুমদার তাঁদের মধ্যে অগ্রণী ও অধিনায়ক। রবীন্দ্র মৈত্র, ডাঃ সুনীতি চট্টোপাধ্যায়, ডাঃ সুনীলকুমার দে, ডাঃ বনবিহারী মুখোপাধ্যায় আবার এসে পাশে দাঁড়িয়েছিলেন। সঙ্গে ছিলেন বিভূতিভূষণ বন্দ্যোপাধ্যায়, আরও ছিলেন শ্রীগোপাল হালদার—তখন তিনি জাতীয়তাবাদী। এবং আরও অনেকে। এ কালেরও সব কথা আমার শোনা, চোখে দেখা নয়। যাত্রাপথ সুগম ছিল না, দুর্গমই ছিল। এবং ভুলও হয় নি এমন নয়। আমার বিচারমতো আমি বলছি এ কথা। এ কালের শনিবারের চিঠি পড়ে এবং পরবর্তীকালে যখন শনিবারের চিঠির আসরে স্থান নিয়েছি তখনকার কালেও অনেক লেখা সম্পর্কে আমি আপত্তি জানিয়েছি; বলেছি, ভুল হয়েছে। এবং এই সব ভুলের জন্ত সজনীকান্ত ও শনিবারের চিঠি আইন-আদালতের উত্তম দণ্ড থেকে সাধারণের অপীতির দণ্ডের সম্মুখীন হয়েছেন। এবং সে দণ্ড অমান্যমুখে গ্রহণ করেছেন। কিন্তু ভুলকে যখনই বুঝেছেন তখনই তা স্বীকার করার মতো ঔদার্য এবং মানসিকতার কখনই অভাব হয়নি সজনীকান্তের। একটি দৃষ্টান্তের উল্লেখ করব। ১৯২৮ সনের কলকাতা কংগ্রেসে G. O. C.-র ভূমিকায় নেতাজী স্বভাষচন্দ্রকে আক্রমণ তাঁর ভুল হয়েছিল। কবিশঙ্করকে নিয়েও এ ভুল হয়েছে। কিন্তু কবিশঙ্কর শেষ জীবনে সজনীকান্ত এবং শনিবারের চিঠি এ অপরাধের প্রায়শ্চিত্ত করে কবিশঙ্কর ক্ষমাই শুধু পায় নি, তাঁর আশীর্বাদস্বরূপ তাঁর রচনাও প্রকাশের অধিকার পেয়েছে। সজনীকান্ত ব্যক্তিগতভাবে কবিশঙ্কর আহ্বান পেয়েছেন, তাঁর চরণে প্রণতি জানিয়ে আশীর্বাদও পেয়েছেন। নেতাজী যদি ভারতবর্ষে প্রত্যাভর্তন করতেন, তবে আমার দৃঢ় বিশ্বাস, তাঁর কাছেও এ আশীর্বাদ পেত শনিবারের চিঠি এবং সজনীকান্ত তাঁর স্নেহে ধৃত হতেন। নেতাজীর প্রত্যক্ষ আশীর্বাদ না পান—নেতাজী সম্পর্কে সেদিনের ভুল—সজনীকান্ত এবং শনিবারের চিঠি এ কালে ব্যর্থতার স্বীকার করে তাঁকে উচ্চরুখে প্রণতি জানিয়েছে ও তাঁর মহিমা-কীর্তনে মুগ্ধ হয়েছে। হয়তো কোন কোন ক্ষেত্রে সংশোধন হয় নি। সম্ভবতঃ আমি যাকে ভুল বলেছি তাকে সজনীকান্ত নিজের বিচারে ভুল বলে মানতে পারেন নি।

বঙ্গসাহিত্যের সেবক হিসাবে সজ্জনীকান্ত এবং তাঁর মন্ত্রশিষ্য—ব্রতপালিনী কল্পার মতো শনিবারের চিঠি এই কর্তব্য ব্রতধর্মের মতোই পালন করে এসেছে ; তাতে ভুল হয়েছে কিছু কিছু ক্ষেত্রে, কিন্তু ভুল—ভুল বলে বুঝলে সংশোধনে কখনও কুঠা বোধ করেন নি সজ্জনীকান্ত—সঙ্গে সঙ্গে শনিবারের চিঠি ।

এইখানেই সজ্জনীকান্ত এবং তার সঙ্গে শনিবারের চিঠির সাধনার শেষ বা সব নয়। এ মাত্র একটা দিক। এ তো শুধু ভাঙার সাধনা, হোক বা মন্দ বা বিকৃত তাই ভাঙার সাধনা। এতে শক্তির পরিচয় নিশ্চয় আছে—মনের উপর হলেও ক্রোধ—ক্রোধই, ধ্বংসাত্মক। কিন্তু কোন সাধনা বা সাধক পূর্ণ হতে পারে না, যতক্ষণ না শক্তির সঙ্গে সৃষ্টিশীলতার সমন্বয় ঘটে ততক্ষণ। মহাপ্রকৃতির অমোঘ নির্দেশে, প্রকৃতিতে তাই ঘটে—তাই নিয়ম! নদী এক কূল ভাঙে, এক কূল গড়ে। ভূমিকম্পের মতো ধ্বংসাত্মক বিপর্যয়েও হিমালয়ের মতো নগাধিরাজের অভ্যুদয় হয়। কিন্তু মানুষের সভ্যতার ও ইতিহাসে এ নিয়ম অমোঘ নয় ; শুধু ধ্বংস অনেক করেছে মানুষ। ব্যক্তি করেছে ; দল করেছে, জাতিও করেছে। সজ্জনীকান্ত ও শনিবারের চিঠি যদি শুধু আঘাতে আঘাতে ভেঙেচুরে বিকৃতিরোধ করেই সাধনা শেষ করতেন তবে সে সাধনার মধ্যে বীৰ্য ও সংগ্রামজয়ের যত গোরবই থাক, সে হত নিফলা সাধনা। কিন্তু তা নয়, সজ্জনীকান্ত কবি, সজ্জনীকান্ত শ্রুষ্ঠা, তার সঙ্গে শনিবারের চিঠির পৃষ্ঠা বাংলা সাহিত্যে সার্থক সৃষ্টিস্বাক্ষরে ধ্বংস ও উজ্জ্বল। শনিবারের চিঠির আসরের কথা বাংলা দেশে শুধু গল্পের আসর নয়, গোরবের আসর। মোহিত-লাল মজুমদার, বিভূতিভূষণ বন্দ্যোপাধ্যায়, রবীন্দ্রনাথ ঠাকুর, মহাস্থবির, বনফুল, বিভূতিভূষণ মুখোপাধ্যায়, শরদিন্দু বন্দ্যোপাধ্যায়, প্রমথনাথ বিদ্যা, নারায়ণ গঙ্গোপাধ্যায়, সমুদ্র ও তাঁদের সঙ্গে লেখক ও সজ্জনীকান্তের আকর্ষণে এসেছেন, পরস্পরের লেখা পড়েছেন, আলোচনা হয়েছে, সৃষ্টির প্রেরণা লাভ করেছেন, সজ্জনীকান্তের উত্তোকে শনিবারের চিঠির পরিচর্যায় আনন্দ অহুতব করেছেন। সাধক গোষ্ঠী গড়ে উঠেছে, শনিবারের চিঠি সৃষ্টিকলের উপচারে নৈবেদ্য সাজিয়ে বঙ্গবাণীর মন্দিরে ভক্তিবিনম্র-মণ্ডকে নিবেদন করেছে।

কালের নিয়মে পুরাতনের সঙ্গে সঙ্গে নতুন সাহিত্যিকের আবির্ভাব হয়েছে। তাঁরাও পুরাতনের সঙ্গে সমান সমাদরে স্থান পেয়েছেন শনিবারের চিঠির আসরে। মনে পড়েছে যখন “বঙ্গশ্রী”র আসরে প্রথম তাঁর সঙ্গে পরিচয় হল তখন “বঙ্গশ্রী”তে প্রকাশিত হোক বা না-হোক যে কোন রচনা শেষ হলেই ছুটেছি সজ্জনীকান্তের কাছে, আমি পড়েছি, তিনি শুনেছেন, মতামত দিয়েছেন। “বঙ্গশ্রী”তে তিনি ছিলেন ছ-বৎসর। ছ-বৎসর পর বঙ্গশ্রী ছেড়ে চলে এলেন। তিনি যখন “বঙ্গশ্রী”র সম্পাদক, তখন তাঁর জায়গায় পরিমল গোস্বামী [“শনিবারের চিঠি”র] সম্পাদক হয়েছিলেন। সজ্জনীকান্ত “বঙ্গশ্রী” ছাড়বার পরও পরিমলবাবু বেশ কয়েক মাসই চিঠির সম্পাদক ছিলেন। এখানেও সেই লেখা শোনানো চলেছে। শুধু কি আমার। আরও কতজন এসেছে, শুনিয়ে গেছে। অসীম ধৈর্যের সঙ্গে ঘটনার-পর ঘণ্টা লেখা শুনে গেছেন। এই সময়েই শনিবারের চিঠির পৃষ্ঠায় আমার রচনা প্রকাশিত হতে শুরু করে। থাকতাম বালিগঞ্জে মহানির্বাণ রোডের কাছে একখানা পাঁচটাকা ভাড়ার ঘরে,

বেতাম পাইস হোটেল, দুপুরে এসে বসতাম শনিবারের চিঠির আপিসে। লেখা শোনাতাম, ওখানেই বিশ্রাম করতাম। তারপর একসময় আমার শরীর বখন ভেঙেছে—১৯৩৯ সন, পাইস হোটেল খাওয়া সহ হয় না, সজ্ঞনীকান্ত আমাকে আমন্ত্রণ করলেন শনিবারের চিঠির আলয়ে, দু-মাসেরও অধিককাল শনিবারের চিঠির পরিচর্যার পরম তৃপ্তি অনুভব করেছি। জীবনে “অন্নদা”র মতো নির্ভর স্থান আর হয় না, এ বেন সারা জীবনে পরিপাক পায় না, মৃত্যু পর্যন্ত মানুষকে পীড়িত করে রাখে, জীবনে, এই সাহিত্যসাধনার সময়, আমার দ্বারা উপকৃত কোন আত্মীয় বন্ধু (উপকার সামাজিক এবং রাজনৈতিক) আমাকে তাঁর ওখানে উঠতে নিমন্ত্রণ করেছিলেন। তাঁর সে অন্নমূল্য আমার উপকারকে তুচ্ছ করে আজও বহুমূল্য বা ক্রমেই গুরুপাক হয়ে উঠেছে, আজ তার দরুণ পীড়া অনুভব করি। কিন্তু শনিবারের চিঠির এই পরিচর্যা, এই অন্ন কখন যে পরিপাক পেয়ে গেছে তা বলতে পারব না। কোনদিন কোন পীড়া অনুভব করি নি। শনিবারের চিঠি এবং সজ্ঞনীকান্ত বরণ এই সত্যই ঘোষণা করেছেন যে, তাঁরা ধন্ত হয়েছেন একজন সাহিত্যসাধকের সেবা করে।

আচার্য মোহিতলালের সেবার ধন্ত হয়েছে শনিবারের চিঠি ও সজ্ঞনীকান্ত। সাহিত্যরঞ্জী বনকুলের সেবার কৃতার্থ হয়েছে শনিবারের চিঠি ও সজ্ঞনীকান্ত। এক্ষেত্রে যে প্রেম দেখেছি তা সচরাচর দেখা যায় না। দুর্লভ।

সজ্ঞনীকান্ত দোষলেশহীন ত্রুটিহীন চরিত্র মহাপুরুষ এ অবশ্যই বলি নে আমি, “শনিবারের চিঠি” অতুলনীয় সাহিত্যের আকর তাও বলি নে। গৃহী মানুষ, কর্মী মানুষ, দোষ-গুণের সমন্বয়ে গড়া, জীবন কর্ম ব্যর্থতার সার্থকতার, ভ্রান্তিতে সংশোধনে দৃঢ়তার “পতন অভ্যুদয় পন্থার মতো” বন্ধুর, কিন্তু এই মানুষ এবং তাঁর কর্ম কখনও হীনমন্ত্য হয়ে উঠে এবং পতিত নয়। বলিষ্ঠ মানুষ, আদর্শবাদী মানুষ, প্রেমিক মানুষ; তাঁর মানসকৃত্য শনিবারের চিঠিও তাই। সজ্ঞনীকান্তের বিরোধে শনিবারের চিঠি আজ পিতৃহীন।

তাঁর মৃত্যুর ক্ষণে আমি তাঁর পাশে বসে; ডাক্তারেরা চলে গেলেন; পূর্ণচন্দ্র মুখোপাধ্যায়—আমাদের পাটুনা পাশের ঘরে চলে গেছেন।—কাঁদছেন; আমি স্তম্ভিত হয়ে গেছি, চোখের সামনে সজ্ঞনীকান্ত চলে গেলেন। ধরাশায়ী বীরের মতো তিনি বিজ্ঞানার এলিয়ে পড়ে গেছেন। স্ত্রী, পুত্র, পুত্র-বধূ, কন্যারা উৎকর্ষা-কাতর দৃষ্টিতে তাকিয়ে আছেন তাঁর নিম্নলিখিতদৃষ্টি মুখের দিকে। ভাবছেন চোখ মেলবেন এখনি। বুঝতে পারছেন না কি হয়েছে। আমাকে তাঁর চতুর্থ কন্যা শোমা হাত ধরে ব্যগ্রভাবে প্রশ্ন করল, জ্যাঠামশাই, কি হয়েছে? বলুন না, ডাক্তারেরা চলে গেলেন কেন? পরপর সব মেয়েরা প্রশ্ন করল। তাঁর স্ত্রী কাতরভাবে প্রশ্ন করলেন, বলুন তারাক্ষরবাবু? আমাকেই এ নির্ভর সত্য প্রকাশ করে বলতে হল। সঙ্গে সঙ্গে মেয়ে মৌরী প্রথম, তার সঙ্গে সকলে চিংকার করে প্রতিবাদ করল, না-না-না।

আমি নিচে নেমে আসবার সময় সজ্ঞনীকান্তের গ্রন্থাগারের দরজায় যেন আরও কার কণ্ঠের এই প্রতিবাদ শুনেছিলাম। সে কণ্ঠ তাঁর মানসকৃত্য শনিবারের চিঠির।

সজনীকান্তের তিরোধানে পিতৃহীনা হল “শনিবারের চিঠি।” পিতৃগৌরব এবং গুরুবল হারিয়ে আজ সে একা। শুরু বিষয়যুগে সে ভাবছে তার পিতৃদত্ত মন্ত্রসাধনার গুরুভার এবং গৌরব অক্ষুণ্ণ রাখতে পারবে তো?

সজনীকান্তের সহকর্মী বন্ধু যারা তাঁদের সঙ্গেই আমি বলব, পারতে হবে। এতকালের যে শিক্ষা, তত্ত্বধারক সজনীকান্তের চালনায় যে হোমায়ি জলেছে, তাকে অনিবার্ণ রাখতে হবে। তিনি তো তোমাকে একাকিনী রেখে যান নি, তোমার চারিপাশে সমবেত করে দিয়ে গেছেন নবীন তপস্বীর দল। হোমকর্মের এক পর্যায় শেষ হল, জীবন ঢেলে দিয়ে সজনীকান্ত পূর্ণাঙ্গিত্ব দিয়েছেন, আবার নূতন তত্ত্বধারকের পরিচালনায় নূতন অগ্নি স্থাপন কর।

তার পূর্বে পিতৃবন্দনাকৃত্য শেষ কর, হাত জোড় করে বল, পিতা গুরু, দিব্যরথে তোমার উর্ধ্ব থেকে উর্ধ্বতরলোকে গতি অব্যাহত হোক, আমরা দিব্য-রথের জ্যোতির্গেখা যতক্ষণ দূরতম উর্ধ্বলোকে চক্ষুর অগোচর না হয়, ততক্ষণ নিঃনিমেষ দৃষ্টিতে চেয়ে রয়েছি।

তারপর নবমস্ত্রে আবাহন করে অগ্নি স্থাপন কর।

